

BIBLIOTECA NAZ.
Vittorio Emanuele III

XVIII

D

61

NAPOLI

10-2-1111X

XII. G. II

9

21

VI.

XVIII-9-61

e.

46

JUS NATURÆ
ET
GENTIUM

2



COMMODA AUDITORIBUS METHODO
EXPLANATUM.

AUCTORE
THADDÆO WERENKO,

IN UNIVERSITATE DILINGANA

*SS. Can. & Jur. Nat. ac Gent. Professore
Publico & Ordinario.*



VENETIIS,
Apud NICCOLAUM PEZZANA.

CIOIO CC LXVII.

SUPERIORUM PERMISSU, AC PRIVILEGIO.

*Quod justum est, scribo, nec multum,
DROSSULE, curo,
Sive huic, sive illi displiceat, placeat.*

Sidronius Satyr. 1. in Droßul.

CONSPECTUS OPERIS

Exhibens elenchum Quæstionum &
materiarum.

P A R S I.

DE JURE NATURÆ.

SECTIO I.

*De Principiis constitutivis & indicativis J. N. hujusque
effectu, statu, fine & obligationibus in genere.*

C A P U T I.

De Principiis constitutivis Juris Naturæ.

ARTICULUS I.

De essentia & origine J. N. a Fol. 1

<u>§. I. An detur J. N. quod vim Legis habeat.</u>	<u>2</u>
<u>II. Unde originem suam trahat Jus Nat.</u>	<u>4</u>
<u>III. Quid nominis Natura, quid Jus Nat.</u>	<u>7</u>
<u>IV. Definitio Juris Nat. & Jurisprudentiæ nat.</u>	<u>9</u>
<u>V. An Lex Nat. consistat in dictamine.</u>	<u>12</u>
<u>VI. An Lex Nat. statuenda sit in ipsa natura.</u>	<u>17</u>

ARTICULUS II.

De Promulgatione Legis Nat.

<u>§. I. An promulgatio L. N. requiratur, & qualis.</u>	<u>19.</u>
<u>II. Quo pacto Natura docet nos legem nat.</u>	<u>23</u>
<u>III. An lex nat. sit lex propriè & regula honestatis.</u>	<u>24</u>

CONSPECTUS

ARTICULUS III.

De divisione, & subiecto legis nat.

§. I.	Quotuplex sit Jus Nat. & an detur hypotheticum.	27
II.	An lex nat. permissiva mutari possit.	30
III.	An J. N. conveniat omnibus hominibus,	32
IV.	An J. N. conveniat brutis.	33
V.	Jus Civile Rom. abusive citat legem nat.	36

ARTICULUS IV.

De proprietatibus Juris Nat.

§. I.	Quæ sint proprietate Juris Nat.	38
I.	An præcepta Juris Nat. sint mutabilia.	40
III.	Diversitas inter variationem J. Natur. & positivi.	43
IV.	An Jus Nat. capax sit interpretationis.	45
V.	Quid Juris sit circa legem nat. & conscientiam dubiam.	46
VI.	An lex nat. dubia transeat in positivam,	50

ARTICULUS V.

De Objecto seu materia legis Nat.

§. I.	Quale sit Objectum legis naturalis.	52
II.	An materia legis Nat. soli sint aclus externi.	56

U P E R I S,

C A P U T I I.

De Principiis indicativis Legis Nat.

A R T I C U L U S I.

De fundamentali principio J. N.

§. I. Quid ? & quale esse debeat verum principium J. N.	58
II. Statuitur principium ultimum legis Nat.	61
III. Fit applicatio ejusdem principii.	66
IV. Satisfit contrariis rationibus.	69

A R T I C U L U S II.

Examinantur principia alia.

§. I. An Amor trinus sit ultimum principium J. N.	73
II. An Societas sit tale principium.	77
III. An ex solo Decalogo principium id habeatur.	79
IV. An in convenientia objecti statuendum.	80
V. An sola ratio sit tale principium J. N.	82

A R T I C U L U S III.

De Adminiculis dignoscendi J. N.

§. I. An scriptura, Revelatio, Auctoritas admittenda.	85
II. Protestantium rationes contra Scripturam.	90
III. An Theologia nat. Jus Cam. & Civ. admittehda in J. N.	95

C O N S P E C T U S

C A P U T III.

De effectu Legis Naturalis.

A R T I C U L U S I.

De generali effectu Legis Nat.

- §. I. Quis sit, & quotuplex effectus legis nat. 100
II. Quid obligatio nat. quo ad substantiam. 102
III. Quæ sint summa obligationis naturalis. 103
IV. Quæ requirantur ad transgressionem legis nat. 105
V. An Jus Nat. infligat pœnas transgressoribus. 107
VI. Quid, & qui sint effectus obligationis nat. 110
VII. Unde dignoscenda obligatio nat. mixta, civilis. 113
VIII. An Jure Nat. omnia obligata? & omnes liberi. 116

A R T I C U L U S II.

De effectu legis nat. irritantis.

- §. I. An lex nat. prohibeat & irritet aliquos actus. 119
II. Unde discernenda lex nat. irritans a prohibente. 120

A R T I C U L U S III.

De effectu ignorantie & erroris in J. N.

- §. I. An detur ignorantia legis naturalis. 125
II. Quando ignorantia imputatur ad culpam. 127
III. An detur nat. obligatio agendi juxta conscientiam invincibiliter errantem. 128
IV. Quid, & an detur lex nat. Secundaria. 131

A R-

O P E R I S,

ARTICULUS IV.

De effectu J. N. circa dolum, metum &c.

- §. I. Quid Jure N. liceat, si fiat dolo, fraude. 133
II. Quid Jus N. disponat de actu metu extorto. 137
III. An Jure N. valeant hi actus & obligent latro-
ni &c. 141
IV. Satisfit contrariis momentis. 147
V. An concupiscentia, ira causet voluntarium. 153
VI. Quo sensu primi impetus non sunt in potestate. 155

C A P U T IV.

De statu ac fine naturæ, legisque naturalis.

ARTICULUS I.

De statu humano in genere.

- §. I. Quid, & quis sit status hominum. 157
II. Quid & quotuplex sit status naturæ. 159
III. An status naturæ dicat vitam exilem? Et, an
status in statu sit monstrum. 161
IV. Qualis corruptio sit naturæ ex peccato Originali. 165
V. An hodie in statu naturæ reparatæ sola lex nat.
pro adæquata morum regula habenda sit. 167
VI. An Jus N. discendum & scribendum sit nunc
pro statu puræ nat. aut integræ, vel merepos-
sibili. 171
VII. An in statu naturæ nondum reparatæ homines
secundum solam legem nat. vixerint. 176

C O N S P E C T U S,

A R T I C U L U S II.

De beatitudine & fine hominis nat.

- §. I. Quid sit, & an detur aliqua beatitudo nat. 178
 II. An saltem detur imperfecta naturalis. 180
 III. An beatitudo nat. sit conclusa hac vita. 186
 IV. Quis fructus ex observantia legis nat. 189
 Refellitur Puffendorfius, Melancthon, &c. 191
 Catholica doctrina exponitur, 192
 Et sensus axiomatis: si homo facit quod in se
 est, DEUS ei non denegat gratiam: ibid.

S E C T I O II.

*De Obligationibus & officiis ex Jure Nat. debitis
 DEO, nobis ipsis, & proximo.*

C A P U T I.

De officiis hominis erga DEUM theoretticis.

A R T I C U L U S I.

De officio Religionis nat. in genere.

- §. I. Quid & quotuplex sit officium hominis: 195
 II. An Jus Nat. obliget ad DEI notitiam. 197
 III. An DEI existentia sit lumine nat. nota: 201
 IV. An possit dari ignorantia circa plures Deos. 203
 V. An lex Nat. præcipiat veram Religionem. 204

A R T I C U L U S II.

De Religione nat. in specie &c.

- §. Unicus. Quenam sint ea, quæ homo rudis de DEO
 recte sentire obligatur &c. 207

C A-

O P E R I S.

C A P U T I I.

De officiis hominis erga DEUM *prædictis* :

A R T I C U L U S I.

De cultu naturali in genere :

- §. I. Quæ præcepta nat. veniant ex notitia DEI. 216
- II. An lex nat. præcipiat cultum internum &c. 217
- III. Quid alii de cultu DEI interno & externo sentiant. 221
- IV. An cultus debeat DEO ex iustitia. 223

A R T I C U L U S II.

De officiis in specie exhibendis DEO :

- §. I. Quæ officia practica exhibenda DEO. 228
- II. Quo amore DEUS naturaliter amandus. 230
- III. An poenitentia naturaliter sit præcepta. 232
- IV. Quæ vita officiis DEO debitis sunt contraria. 235

A R T I C U L U S III.

*De analogia finis naturæ & Religionis nat. cum
fine Christianæ Religionis.*

- §. I. An finis naturæ & Religionis naturalis sit hodie
diversus a fine Religionis Christianæ. 239
- II. An Jus Nat. admittat Religionis discrimen. 241
- III. An Religio ab omni coactione sit libera. 244
- IV. Rationes pro Autohomia confutantur. 247

CONSPECTUS

CAPUT III.

De officiis naturalibus hominis erga se ipsum.

A R T I C U L U S I.

De causa officiorum erga se ipsum.

§. I.	Quid & quod duplex officium hoc, & unde obligatio.	254
II.	Qui ordo servandus in officiis erga se ipsum.	257
III.	De obligat. honeste vivendi quo ad culturam animi.	259
IV.	De eadem quo ad culturam exteriorem.	264
V.	De præceptis nat. quo ad culturam corporis.	269
VI.	Protestantium opinio quo ad vitia carnis.	272

A R T I C U L U S II.

De Jure necessitatis in genere.

§. I.	Quid sit necessitas? habeat ne legem.	277
II.	Verus sensus axiomatis: necessitas non habet legem.	281
III.	Cui faveat Jus necessitatis &c.	285
IV.	De extrema necessitate & communione rerum.	287
V.	An illa transferat dominium.	290

A R T I C U L U S III.

De Jure necessitatis in specie.

§. I.	An Jus N. obliget ad se defendendum.	294
II.	An idem Jus obliget ad se non defendendum.	298
III.	Refellitur P. F. Concina de tyrannicidio.	303
IV.	Atiorum doctrina de tyrannicidio.	310
V.	Quæ sint conditiones iustæ defensionis.	315

A R-

O P E R I S.

A R T I C U L U S IV.

De Jure tuendæ famæ, honoris &c.

§. I.	Quid permittat Jus N. in tuenda fama.	319
II.	An famæ tuendæ jus competat Religioso &c.	321
III.	An locus sit defensionis occisivæ pro fama.	326
IV.	An etiam pro defensione pudicitia.	333

C A P U T IV.

De officiis hominis erga proximum.

A R T I C U L U S I.

De causa exigente officia hæc.

§. I.	Quid sint & cur debeantur officia proximo.	336
II.	An debeantur illi officia etiam interna.	338
III.	An, & qualia debeantur inimicis.	341
IV.	De condonatione injuriarum debita Jure N.	344
V.	De fontibus inimicitiarum, iisque vitandis.	346

A R T I C U L U S II.

De officiis-erga proximum negativis perfectis.

§. I.	Quid sint officia orta ex justitia.	349
II.	De læsione proximi in bonis animi.	352
III.	An heres infamatoris debeat restituere famam pro eo.	356
IV.	De læsione proximi in bonis corporis.	359
V.	De infantis extraditione tyranno &c.	361
VI.	De Malefactore occidendo, vel non.	364
VII.	An lædat proximum, qui cogit ad bibendum.	367
VIII.	De læsione proximi quo ad bona fortunæ.	370
IX.	De reparatione damni spectato J. N.	374
X.	De reparatione damni semideliberate dati.	376

A R-

CONSPECTUS.

ARTICULUS III.

De officiis affirmativis perfectis.

- §. I. An, & qualis amor debeat proximo: 381
II. An obliget Jus N. ad defendendum alterum: 384
III. An teneatur ad aliquid, qui non defendit. 386
IV. De obligatione juvandi in extrema necessitate. 387
V. De obligatione Religiosi erga parentes alendos. 391
VI. De Mendacio & veritate dicenda. 394
VII. Statuitur sententia contra Mendacii Patronos. 398

ARTICULUS IV.

De officiis ex Iustitia commutativa.

4. I. Hypotheticæ obligationes an sint J. G.: 404
II. Illæ quo differant ab absolutis? & quid est Iustitia. 404
III. Ex quali iustitia oriatur restitutio. 410
IV. Quando obligatio oriatur ex promissione. 412
V. Deciduntur varii casus obligationum ex pacto. 414
VI. De culpa præstanda ex officio; opificij &c. 420
VII. De culpa præstanda in contractu & pacto. 423
VIII. Authoris sententia de culpa juridica: 430

ARTICULUS V.

De officiis erga proximi imperfectis.

- §. I. Quid sit, & cur debeat imperfectum officium. 434
II. Quis ordo caritatis, benevolentiz &c. 440
III. An benevolentia, beneficentia sint præceptæ &c. 444

PARS

P A R S S E C U N D A

D E J U R E G E N T I U M.

C A P U T I.

De existentia & constitutivis Juris Gent.

§. I.	An detur aliquod J. G. vim legis habens.	449
II.	An detur J. G. a naturali distinctum.	451
III.	Probatur dari J. G. positivum specie aliud a J. N.	454
IV.	Quid sit J. G. & quæ ejus origo.	462
V.	Quotuplex sit Jus Gentium.	466
VI.	Quæ sit differentia J. G. ab aliis Juribus.	473
VII.	Quæ obligatio oriatur ex J. G.	476
VIII.	Quis Judex violati Juris Gentium.	478
IX.	An J. G. sit mutabile &c. ? Et ex quibus A.A. discendum.	483
X.	Quod sit principium indicativum J. G.	488.

C A P U T II.

De origine domini, & modis acquirendi originariis.

§. I.	Quæ sit origo, divisio & proprietates domini.	496
II.	Quæ sint conditiones domini, & a quo jure.	500
III.	Quo jure facta Divisio, & dominia introd.	508
IV.	An Mare sublit particulari dominio.	514
V.	Quomodo & quale dominium competat in Captivos.	523
VI.	An Captivi fugere possint &c.	528
VII.	Quomodo acquirantur dominia in feras &c.	535
	An Princeps possit venationem prohibere.	537
VIII.	An subditi præscribant Jus venandi &c.	543
IX.	Examinantur reliqua quæ sita de venatione	
	An Princeps possit incapacem domini reddere in feram.	557
	An qui venatur contra legem, feram suam faciat.	561
	An lex venationem prohibens sit pœnalis.	571

C A.

C O N S P E C T U S.

C A P U T III.

De modis acquirendi dominii derivativis.

§. I.	De Præscriptione, prout hæc a J. N. & G. vindicatur.	572
	An Præscriptio sit J. N. vel G. aut Civilis.	573
	Probatur eam male attribui J. N.	575
	Examinantur contraria momenta.	579
	Concluditur pro Jure Gent. & Civili.	587
§. II.	An detur Præscriptio inter Gentes.	588
	Affirmativa defenditur.	590
	Qui sint reliqui modi derivativi &c.	601

C A P U T IV.

De Summa potestate, ejus origine, juribus; &c.

§. I.	Quid rei summa potestas, quæ ejus origo &c.	602
	Illa non immediate a DEO derivatur in Principem.	603
	Lex Regia quid sit, exponitur.	607
	Opinio <i>Marfilii</i> &c. circa summam potestatem refellitur.	608
	Subiectum Majestatis duplex dari concluditur.	612
	Jus Sacrorum non competere Politico regimini fatentur non pauci Protestantes.	ibid.
§. II.	Quæ sint jura Majestatis: quomodo acquirantur.	613
	An tot jura in Principe, quot in DEO.	614
	Modi acquirendæ summæ potestatis.	615
	Electionum tres species referuntur.	ibid.
	Civitas, & status Civitatis quid sit, exponitur.	620

C A P U T V.

De Bello, & jure Belli inter Gentes.

§. I.	De natura, origine, diversitate & licentia Belli.	623
II.	De Justitia & injustitia Belli.	630
	In quo consistat Belli justitia?	631
	An inchoatio Belli justa causa sit ejus proseq.	633
	An	An

O P E R I S.

An Ratio status, metus vicinæ potentiz, æquilibrium.	634
III. De transitu Bellantibus concedendo, vel non.	641
An quis teneatur transitum Bellanti concedere.	ib.
An occupata Civitate jus acquiratur in Sacra.	646.
An Victor possit captivos cogere ad militiam.	650
An Repressaliæ licitæ sint?	652

C A P U T V I.

De fœderibus & Pactis Gentium.

§. I. De fœderum natura & proprietatibus.	654
II. De obligatione & licentia fœderum.	657
An liceat cum Infidelibus contrahere fœdera?	659

C A P U T V I I.

De Pace & Jure Pacis inter Gentes.

§. I. De natura & proprietatibus Pacis.	661
II. De effectu & accessoriis Pacis.	666
An hosti fides publica servanda.	ibid.
An Pax conclusa impediatur recuperationem avulsum.	669
An Debitor a victore absolutus teneatur adhuc solvere?	674
An Princeps Successor teneatur Pace Antecessoris.	680

C A P U T V I I I.

De Legatis & Legationum Jure.

§. I. De diversitate & obligatione Legatorum.	685
II. De Privilegiis & Judice Legatorum.	685
Conclusio operis.	695

F I N I S C O N S P E C T U S.

N O I

NOI RIFORMATORI

Dello Studio di Padova.

A Vendo veduto per la Fede di Revisione, ed Approvazione del P. F. Filippo Rosa Lanzi Inquisitor General del Santo Officio di Venezia, nel Libro intitolato *Jus Naturale & Gentium &c. Autore Thaddæo WVerenko &c.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a Niccolò Pezzana, che possi esser stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat li 4. Febbraro 1766. M. V.

{ *Sebastian Zustinian Risor.*

{ *Andrea Tron Kav. Risor,*

{ *Girolamo Grimani Risor,*

Registrato in Libro a Carte 305. al Num. 2036.

Davidde Marchesini Segr.

10. Gennaro 1766, M. V.

Registrato nel Magistr. Eccell. degli Esecutori contro la Bestemmia.

Francesco Gadaldini Segr.



PARS PRIMA DE JURE NATURÆ. SECTIO PRIMA.

De Principiis constitutivis & indicativis Juris nat. hujusque effectu, statu, fine, & obligationibus in genere.

CAPUT PRIMUM.

De Principiis constitutivis Juris nat.

ARTICULUS PRIMUS.

De essentia & origine Juris nat.

SUMMARIUM.

1. Refertur opinio negans dari legem nat.
 2. & 3. Ejus error refellitur: affirmativa demonstratur.
 4. Epicuri sequaces iniqui sunt Judices circa legem nat.
 5. Jus nat. originem trahit ab ipso DEO.
 6. Prout in mente DEI existit est lex æterna.
 7. Ethnicorum opinio de lege DEI æterna.
 8. Lex æterna describitur: quæ sumitur late.
 9. & 10. In sensu restricto sumpta habet vim legis propriæ & quæ non dicitur æterna, vel divina: sed naturalis.
 11. & 12. Jus nat. multifariam accipitur; sicut & nomen naturæ.
 13. Proprie sumitur pro ipsa lege nat. Exigentia naturalis: instinctus naturæ, & lex naturæ sunt diversa.
- Jus Nat. & Gent. A 14. 15.

14. 15. & 16. *Definitio Juris nat. legalis.*
 17. & 18. *Quid sit Jurisprudencia naturalis, ac in quo differat ab Ethica? & Theologia morali? Cavillatio Puffendorffii contra Theologos temeraria ostenditur.*
 19. 20. & 21. *Jus nat. non consistit in dictamine.*
 22. 23. & 24. *Diluuntur contraria momenta.*
 25. & 26. *Imo neque consistit in ipsa natura. Ante divinam voluntatem prohibentem daretur malitia tantum radicalis.*
 27. *Refellitur Grotii argumentum. Ille male arguit a statu pure possibili ad præsentem, & adhuc pejus ab impossibili.*

§. I.

An detur aliquod Jus nat. quod vim legis habeat?

1. **N**ON deerant qui cum Cyrenaicis, Carneade aliisque Philosophis Aristippum & Epicurum secuti, quemadmodum solum Jus nat. improprie, scilicet pro instinctu naturæ sensitivæ brutis & hominibus communi sumptum admitterebant; ita testibus Laertio & Lactantio, apud Boclerum in not. ad H. Grot. Proleg. §. 5. de J. B. & P. rotunde negabant olim dari ullum jus naturale legale, seu quod vim legis necessario præcipientis & prohibentis haberet, hoc solo persuasi argumento; quod jura sibi homines utilitate sanxissent varia, eaque mutent, & abrogent, prout ratio temporum & majoris utilitatis exigit, adeo ut, si circumstantiæ urgeant obligandi fidem suam in succurrendo alteri; illa sit publice obliganda, & auxilium promittendum; quod si dein majoris cujuscunque boni etiam privati spes affulgeat, citra læsionem ullius juris impune recedi, & sponte ac liberri- me obærata fides propria auctoritate ad libitum infringi possit. Huic opinioni accinuisse legitur etiam Horatius:

Non natura potest justo secernere iniquum;

- - - Utilitas justæ prope mater & æqui est.

Ex hoc autem corruptæ Jurisprudenciæ naturalis principio ortum traxit homine indigna paræmia: *Natura quodque animal ad suas utilitates ferri.*

2. Sed contrarium demonstrat Primo, communis hominum sensus, qui in investiganda naturali justitia præcipuum argumentum præbet, ut sensit Cicero de legib. l. 2. *Omni in re consensus Gentium lex quedam nature putanda est.* Et perhibet D. Aug. l. 2. de serm. Dom. *nullam animam esse, quæ ratio-*

ratiocinari possit, in cujus conscientia non lequatur DEUS: Quis enim legem nat. in cordibus hominum scribit, nisi DEUS? Secundo: Dari legem nat. etiam ultra divinam revelationem convincimur testimonio conscientie nostrae, quæ solo lumine intellectus instructa discernit inter multa per se honesta & turpia, inter fugiendum malum, & prosequendum bonum, inter amorem & odium, non factura alias hoc discrimen, nisi esset regula & lex aliqua ipsi interne insinuata ac imponens obligationem tendendi ad suum finem per media sibi convenientia, scil. fugam mali & prosecutionem boni, exponente id ipsum Gentium Doctore ad Rom. c. 2. *Gentes, quæ legem (scriptam) non habent, naturaliter ea, quæ legis sunt, faciunt: ejusmodi legem non habentes ipsi sibi lex sunt.* Dein subjungit; *ostendunt opus legis scriptum in cordibus suis, testimonium reddente illis conscientia ipsorum.*

3. Dein tertio: Rationalis creatura a DEO condita est libera, ut se ad bonum vel malum, prout voluerit, possit convertere: cum autem DEUS bonum omne diligat, omne malum oderit, necesse fuit, ut toti generi humano, quod ad manifestandas perfectiones suas divinas condidit, regulam daret aliquam internam, qua bonum quod DEO placeat, a malo quod ei displicet, discernere posset, & ita ad bonum dirigatur, a malo autem avertatur, quod præstat lex naturæ. Alioquin improvide condidisset ad suas hominem perfectiones manifestandas, si quidem ei non providisset de mediis absolute necessariis, quale est, ut habeat certam regulam se interne dirigentem ad bonum, & avertentem a malo.

4. Neque Epicuri, ejusque sequacium erronea opinio vim ullam habet, cui ansam dedit mens brutis voluptatibus data, & inde nata cecitas intellectus, qua decepti Epicurei finem ultimum hominis in fluxu hujus vite bonis statuebant, & quia hunc putabant homini esse communem cum ceteris animantibus, hinc erronee philosophabantur: *natura quodque animal ad suas tantum utilitates ferri.* Qui deposuissent crassam ignorantiam, si se reflexissent ad naturale officium hominis, quo nedum erga DEUM & se ipsum; sed etiam erga alios obstringitur, ut his quoque tanquam animal civile, seu sociale ex animo ac civiliter prodesse studeat. Quale officium ceteris animalibus, utpote obligationis moralis incapacibus, non est ab Auctore naturæ idpositum, præterquam ut consato instinctu propriam cutem foveant, nihil de aliis sollicita. Et quia nihilominus homi-

nes suam potius quam aliorum utilitatem sectantur, & legem cordi insitam suo tantum commodo metiuntur, non id provenit juris nat. defectu: sed pravæ voluntatis vitio, quod olim suis Contribulibus exprobravit Martialis l. 1. Epigr. per ironiam canens: *Vulgus amicitias utilitate probat! Ex hoc ipsum ingemuerat exul Ovid. lib. trist.*

Donec eris felix multos numerabis amicos,

Tempora si fuerint nubila, solus eris.

Diligitur nemo, nisi cui fortuna secunda est.

Inde etiam factum reor, quod sapientissimus Seneca Epist. 3. instruens discipulum suum Lucillum, dignam Philosopho præscripserit regulam, ne facile cujusvis promissionibus crederet, arcana sua cum illo communicaret, neve e stapete quemvis inter suos intimos amicos & fœderatos reputaret; diu cogita, an tibi aliquis in amicitiam recipiendus sit, ne scilicet nanciscaris amicum, qui suam ex te utilitatem quærat.

§. I I.

Unde originem suam trahat jus naturale?

5. Sicut omnis juris & jurisdictionis, ita & legis nat. prima origo est Creator summusque Legislato DEUS, qui eam cordibus humanis inscripsit, ut ipse per Prophetam Jerem. 31. ait *Dabo legem meam in visceribus eorum, & in corde eorum scribam eam.* Hanc scripturam solo naturæ lumine edoctus agnovit, post plures Ethnicos Chrysippus l. 3. de Diis, ita de origine juris hujus differens: *Non potest inveniri principium aliud & origo justitiæ, quam ab Jove & communi natura, inde enim initium duci debet, ubi de bonis malisque differendum est.* Verum cum hæc manifesta sint, indicasse sufficiat.

6. Inde tamen oriri potest quæstio, utrum lex nat. dicenda sit ÆTERNA, siquidem originem suam ab æterno principio trahit, & nulla temporis differentia assignari potest, quo v. g. blasphemia, & similes actus intrinsece mali non fuerint prohibiti: & actus naturalis justitiæ ex se boni non extiterint jure hoc necessario præcepti? Ac in contrarium militare videtur, quod lex nat. dicatur inscripta cordibus nostris, quæ cum ab æterno non extiterint: consequens est, neque legem nat. potuisse dari æternam; cui enim inscriberetur ab æterno? Sed his nihil obstantibus,

cer-

Cap. I. de Princip. constitutiv.

certum est, legem nat. prout in *mente divina* existit, merito dici *æternam*, per quam (ut ait Plato l. 10. de LL.) *DEUS mundum gubernat*. Ratio hujus est, quia lex illa ita considerata prius quam promulgaretur, seu per dictamen rationis practicum, v. g. de non blasphemando, in tempore applicata fuisset creaturæ rationali, jam ab æterno existebat in mente divina tanquam veritas absolute necessaria, & immutabilis, cujus applicationem, seu promulgationem per dictamen conscientiaæ practicum factam non ab æterno; sed certo nonnisi tempore fieri experimur.

7. Quod ut planius exponatur; inconcussam veritatem dicimus: præter legem naturalem & positivam, dari etiam *Æternam*. Hanc quippe nedum T. T. communiter: sed etiam ipsi Gentiles solo rationis ductu agnoverunt, e quibus Cicero l. 2. de LL. dicit, *Hanc video sapientissimorum fuisse sententiam; legem neque hominum ingeniis excogitatam, neque scitum aliquod esse populorum: sed ÆTERNUM quiddam, quod universum mundum regeret imperandi, prohibendique sapientia*. Neque assertio hæc multis demonstrationibus eget, cum per se notum sit, legem humanam mutabilem esse, ac errori obnoxiam: hæc igitur necessario supponit aliquam legem, tanquam normam omnis justitiæ, per quam stabiliatur, ut per conformitatem ad illa recte fiat: Atqui hæc alia esse nequit quam *æterna*, seu lex per *essentiam*, & *originaria*, a qua dein procedere possint omnes aliaæ leges *participatae*, seu *derivate*. Quo etiam facit, quod in DEO detur providentia: consequens est, debere in eo dari rationem practicam totius dispositionis, & gubernationis Universi; hæc vero ratio ut DEO coæterna sit necesse est, quia ei nil de novo advenire potest.

8. Quod si cum quibusdam temerariis Naturalistis respondeas, legem hanc DEI æternam esse neque quid, neque quantum, neque quale, cum ignoretur quid sit; eximunt tibi imprudens dubium Plato & Cicero hic immediate laudati, & clarius resolvit D. Aug. l. 1. de lib. arb. c. 6. ubi ad quæstionem, quid sit *lex æterna*? respondet, quod sit *summa ratio in DEO existens*, cui *semper obtemperandum est*. Hæc ipsa lex DEI bifariam accipi potest. Primo in *latiori* significatione, quatenus denotat rationem divinæ sapientiæ directivam omnium motuum, & creaturarum, etiam irrationalium in fines suos diversos. Sicut enim in quolibet artifice præexistit ratio eorum, quæ fiunt per artem, ita in quolibet Governatore oportet

ut præexistat ratio ordinis eorum, quæ agenda sunt per eos, qui suæ gubernationi subjacent. Cum igitur DEUS sit Gubernator sapientissimus omnium actuum & motionum, quæ in singulis creaturis inveniuntur, necesse est, ut in DEO ab æterno præexistat ratio directionis, siue ordinis illius, juxta quem in tempore creaturas dirigere decrevit. Et talis lex æterna *generalis* dicitur, quia est ratio gubernationis rerum *omnium* in Principe universitatis existens.

9. *Secundo*. Lex æterna sumitur in sensu *restricte*, quatenus denotat solas creaturas racionales, seu prout significat specialem rationem ejusdem divinæ sapientiæ actus liberos creaturæ rationalis efficaciter ordinantis ad finem ultimum. Ac sub hac ratione potissimum legem æternam consideramus, ubi de jure nat. vim legis habente differimus, utpote cum de tali nobis sermo sit, quatenus est radix & origo aliarum legum proprie dictarum, inter quas prima est lex nat. nobis prædicte insinuata. Ita igitur *restricte* spectata lex æterna non est aliud, quam *Actus divinæ mentis*, quo DEUS concipit, atque judicat, quasdam regulas *prædictas* necessarias, ac æternæ veritatis esse a creatura rationali observandas, cum voluntate ipsam obligandi. Hujusmodi vero regulæ prædictæ, *necessariæ*, æternæ veritatis, seu quod idem est, immutabiles, ac intrinsece tales, sunt hæc: DEUM esse colendum: parentes honorandos: proximum diligendum, aliæque similes naturaliter cognitæ. Et lex prædicta hoc modo accepta non solum dicitur æterna ex eo, quod existat ab æterno in mente divina; sed præsertim ideo, quia est de regulis prædictis *necessariæ* & æternæ veritatis, seu invariabilibus.

10. Hunc in modum explicata Lex nat. quatenus in mente divina ab æterno immutabiliter ac necessario existit, est æterna, quatenus tamen homines actu obligat in conscientia, non est æterna formaliter secundum omnia, idest secundum promulgationem, sed tantum *secundum quid*, quatenus scilicet illud ipsum decretum divinæ sapientiæ, quod hominibus in tempore promulgatur, est æternum, facitque creaturam participare Legem DEI æternam. Quo tamen non obstante adhuc ratione suæ formæ, seu promulgationis, & applicationis in actu *secundo* conscientiis nostris factæ, non dicitur divina: æterna; sed simpliciter Lex naturalis, utpote per lumen naturæ intimata aliquid præcipiens, vel prohibens necessario, & simul transiens de æterna in temporalem. Quæ nisi ita transisset, non habuisset vim legis pro-

proprie & in actu secundo talis, D. Thom. 1. 2. quæst. 91. artic. 2.

§. III.

Quid nominis natura? quid jus naturale?

11. **D**E jure nat. tractantibus quam utile sit claram habere notionem terminorum in quæstionibus proponendorum, expressit Ulpianus dicens; *Juri operam daturum prius nosse oportet, unde nomen juris descendat*, L. 1. ff. de J. & J. Aliunde etiam experimur, quod quam quisque artem profiteri velit, terminos artis eisdem sibi ante omnia perspectos habeat, necesse sit. Cum igitur in studio Jurisprudentiæ naturalis sæpe admodum occurrant voces hæ, *natura; naturaliter: jus nature: lex naturalis*, &c. istæ quo melius intelligantur, eo facilius enodari poterunt dubia, quæ aliquam difficultatis speciem habere videntur. Et cum jam in comperto sit dari legem nat. ejusque originem a Lege DEI æterna derivari, sequitur, ut in notionem nominis, demum rei & substantiæ ejusdem legis nat. deveniamus.

Naturæ nomen multifariam accipitur. Sæpe enim pro DEO ipso tanquam causa prima usurpatur, dicente Seneca l. 1. de benef. *Quid aliud est natura, quam DEUS? nihil natura sine DEO est, nec DEUS sine natura*. Aliquando pro causa secunda & DEO subjecta, sic Ovid. *metamorph. l. 1.*

Hanc DEUS & melior liem natura diremit.

12. Non raro sumitur pro rerum universitate, vel pro ordine illo, quem DEUS eidem præfixit. Quandoque etiam significat rei essentiam, imo quodlibet ens suo modo existens. Physicis natura est *principium motus & quietis*. Sed hæc sunt extra nostram considerationem, cui magis congruit, quod D. Aug. l. 3. *conf.* nomen *nature* accipiat pro mere naturali & ordinaria illa DEI operatione, quæ mentibus nostris insedit, cujus ipse DEUS auctor est, nempe pro inspirationibus, & dictaminibus internis pure naturalibus, abstrahentibus hominem ab actu *per se* turpi, & inducentibus ad actus *per se* bonos, & hæc acceptio nostro scopo maxime accommodata est.

Inde fit, ut etiam terminorum: *naturalis naturaliter* &c. certa idea haberi possit. Scilicet juxta D. Th. 1. 2. q. 10. art. 1. & 2. illud dicitur *naturale rei*, quod *convenit ei secundum*.

secundum suam substantiam, seu quod per se inest rei. Cujus ratio est, quia semper principium in his, quæ a natura conveniunt rei est naturale, ut patet in intellectu nostro, cui principia cognoscendi sunt naturaliter nota, qualia sunt illa metaphysica, *omne est, vel non est* &c. quæ solis viribus naturæ, sine supernaturali auxilio percipi & haberi possunt.

13. Ad alterum autem quæsitum, *quid nominis jus naturale?* omissis innumeris & perplexis explicationibus, responsio in promptu est ex D. Th. juxta quem in 1. 2. q. 94. art. 2. *Jus naturæ* secundum triplicem inclinationem, quam habet homo ad bonum prosequendum, & malum fugiendum, sumitur trifariam. *Primo*, quatenus inest homini inclinatio ad physicam sui conservationem: & ita sumptum competit omnibus substantiis, etiam tantum vegetativis, ac inanimatis; Verum hoc casu non recte dicitur *jus naturale*: sed potius *exigentia naturalis*. *Secundo*, quatenus inest homini inclinatio ad aliqua *magis specialia secundum naturam sensitivam*, in qua communicat cum brutis: at nec id dicendum est proprie *jus naturale*: sed *instinctus naturæ sensitivæ*, qualem experimur, dum famem, sitim, frigus &c. patimur, quærimus enim his contraria remedia, quæ etiam inquirunt & bruta. Hoc sensu dixit gentilis Poeta Lucan. l. 1.

Quod natura jubet, non est contemnere tutum.

Tertio modo consideratur, prout inest homini inclinatio ad bonum secundum naturam rationalem, & unice ita spectatum bene appellatur, Jus naturale: Legale: Lex naturæ. Ita enim sumptum denotat normam & regulam aliquam humanarum actionum, juxta dictamen practicum rectæ rationis formandarum. Quarum cum solus homo inter omnes creaturas sublunares capax sit, hinc neque jus naturale, quatenus id pro lege & morum in naturali justitia fundamentorum regula sumitur, ulli alteri enti competere potest. Atque de ita spectato jure nat. scilicet prout *vim legis propriæ* talis habente, tam lucubratio præfens, quam tota Jurisprudentiæ naturalis disciplina procedet.

§. IV.

*Quid rei sit jus naturæ, quæ ejus recta definitio, quid
Jurisprudencia naturalis?*

14. **E**X vasta & confusa multitudine definitionum ac descriptionum juris naturalis *legalis* præplacet illa, quæ jus hoc definit esse *Imperium*, seu *jussum divine voluntatis necessario præcipientis rectæ rationi convenientia*, & *prohibentis contraria*, manifestatum per dictamen rationis nobis congenitum. Dixi I. *Imperium* seu *jussum*, non vero *ordinationem divine voluntatis*, ut plerique volunt. Tum quia de ratione omnis, atque adeo etiam naturalis legis est, ut *imperative* procedat, ita docente Modestino in l. 7. ff. de LL. *Legis virtus hæc est, imperare, vetare, permittere, punire*, alioqui etiam mera consilia vim legis obligantis haberent, cum hæc quoque sint *Ordinationes rationabiles*. Tum quia *imperium* seu *jussus*, *jussio*, prout denotat potestatem auctoritativam Legislatoris, sunt termini magis proprii omnis juris legalis. Hanc ob causam celebriores lxxi legem positivam non aliter definiverunt, quam *Rationabile imperium*, seu *jussum in bonum commune publica auctoritate sufficienter promulgatum*.

Neque alterius opinionis fuisse colligitur Laßantius l. 6. de vero cult. c. 8. legem naturalem describens his verbis; *Est vera ratio naturæ congruæ diffusa in omnes, constans, sempiterna, quæ vocet ad officium JUBENDO & VETANDO*. Imo etiam Cicero pro lege DEI æterna perorans similem emphasin adhibuit, ubi L. 2. de L. L. dixit, legem hujusmodi esse quid *neque hominum ingeniis excogitatum, neque scitum aliquod populorum: sed æternum quiddam, quod totum mundum regit IMPERANDI, PROHIBENDIQUE sapientia*. Hic ipse Oratorum Princeps loc. cit. legem DEI æternam prout manifestatam conscientiiis hominum clarius definiens ait: *Est ratio summa insita in natura humana, quæ JUBET ea, quæ facienda sunt, PROHIBETQUE contraria*. Per hunc igitur terminum, *imperium*, seu *jussus*, denotatur genus proximum, seu convenientia Legis nat. cum omni alia, in qua definiendi methodo Ethnici solertissimi fuisse dignoscuntur.

15. Dixi 2. *Divine voluntatis*: non item *sapientie*, ut
non

non paucis placuit. Lex enim divina, sive *necessaria*, qualem diximus naturalem, sive *libera*, qualis est positiva, licet essentialiter supponat & includat sapientiam divinam, per quam universitas creaturarum gubernatur, nihilominus *vis obligativa*, quæ ad obediendum actu obstringit creaturam rationalem, non sapientiæ, sed *voluntati divinæ* immediate attribuitur, pariter ac omnia Decreta divina, ut innuimus hic n. 10. & 33. Hinc plerique licet non in omni rigore definiant, recte tamen describunt legem nat. quod sit *VOLUNTAS DEI* necessario obligantis, intimata nobis per lumen rationis, a DEO auctore naturæ omnibus insitum; non ita autem bene explicarent per sapientiam DEI.

16. Dixi 3. *necessario præcipientis* &c. hac enim ratione differt Lex nat. a Lege divina positiva, quæ non necessario prohibet, vel præcipit illa objecta, quæ nec mala nec bona intrinsece sunt: sed solum bona dicuntur, quatenus a DEO libere præcepta: & mala prout ab eodem libere prohibita, ideoque poterant non prohiberi vel non præcipi. Secus fit in lege nat. & objectis, quæ hoc jure præcepta, vel prohibita novimus. Unde autem *necessaria* convenientia, vel *disconvenientia* illa, seu turpitudinis, aut bonitas moralis intrinsece objecti dignosci debeat? constabit ex dicendis de principio *indicativo* Juris naturæ. Hic & nunc autem sufficiat ostendisse, quod *principium constitutivum* Juris Nat. Legalis, sit imperium divinæ voluntatis necessario præcipientis &c. seu quod idem est, *Voluntas divina necessario imperans nobis actionem aliquam, vel ejus omissionem, intimata per dictamen* &c.

Quamvis vero jus concessivum, & mere permissivum improprie dicatur jus nat., nihilominus in certo sensu etiam huic definitio allata competit, & quidem *indirecte*. Quatenus scilicet jus nat. obligat unumquemque ne alterum suo privilegio, seu concessione, & facultate honeste utentem impediat. Hinc incedere v. g. per viam publicam mere permissum mihi est a jure nat. si quis tamen me sine justa causa ab ingressu per eam prohibeat, violabit legem nat. Atque hunc in modum circa privilegia juris positivi dicimus, ea *vis legis* indirecte habere, quatenus ceteri obligantur privilegiatum non impedire in usu sui juris.

17. Exposita definitione juris nat. facilius haberi potest notio Jurisprudentiæ nat. in quo hæc consistat, & differat ab aliis Facultatibus? Nimirum sicut jurisprudentia in genere spe-

spectata recte a Justiniano Imp. definitur in §. 1. *Inst. de J. & Just. esse Divinarum humanarumque verum notitia, justitiae atque injustitiae scientia*, ita hæc ipsa *in specie*, seu naturalis Jurisprudentia, recte definita est a Seldeno de J. N. & G. in præfation. quod sit *perfecta juris nat. peritia prædix dire-ctiva actionum humanarum ad naturalem rectitudinem*. An vero consistat in actu, vel in habitu? disputent alii, quibus otium suppetit. Id certum est contra *Hobbesium* & alios infra castigandos, quod constitutiva jurisprudentiæ nat. *intrinseca* & proprie talia non sint illa tantum principia, quæ dirigunt officia *hominis ad hominem, ac Societatem*: Sed etiam ea, quæ dirigunt officia hominis ad DEUM, ut Auctorem naturæ, & ad se ipsum, in ordine ad felicitatem vitæ rationali propriam. Naturalis enim iustitia cuique quod suum est jubet tribuendum: porro homo non minus Auctori naturæ, quam proximo & societati humanæ, sibi que ipsi naturaliter debitor est certorum officiorum: sequitur igitur jus DEO quasitum esse juxta ac homini ipsi ad certa officia exigenda: fatua itaque illa Jurisprudentia naturalis est, quæ omnia societati humanæ tribuenda docet, Auctorem autem naturæ & hominem intuitu officiorum sibi ipsi competentium a jure ea percipiendi excludit.

18. Jurisprudentia naturalis differt primo ab *Ethica*, quia hæc complectitur regulas utiles quidem: sed non absolute necessarias, & procurat honestatem actionum humanarum: verum præscindendo a iustitia, ita ut sectetur rationem mere honesti & decori potius quam justitiae naturalis. Et licet dirigat etiam ad beatitudinem naturalem: nihilominus dirigit per media diversa ac non absolute necessaria. Secus Jurisprudentia nat. hæc enim hominem ad beatitudinem dirigit per regulas omnino necessarias, & sectatur in omnibus iustitiam naturalem. Secundo jam vero a *Theologia morali* solum distat in eo, quod hæc ex motivo generali bonitatis & malitiæ versetur circa virtutes omnes quocunque jure naturali vel positivo præceptas, ac circa vitia utroque hoc jure prohibita, spectetque forum præcise internum, utpote pro fine habens felicitatem supernaturalem æternam, ad quam dirigit. Contra autem jurisprudentia nat. versatur quidem circa solam legem naturalem: sed tamen respicit forum etiam externum, dirigendo hominis officia externa non minus ac interna immediate ad finem mere naturalem.

Ex his autem liquet *Grotii, Puffendorffii, Volfii & simi-*

similium Protestantium Naturalistarum male in veritate fundatam esse querelam, qua Catholicos morum Magistros cavillantur, quod jurisprudentiam naturalem cum morali Theologia *imperite* confuderint &c. Crisis hæc indigna juris nat. Interpretibus est; qui si non ignorassent moralem Theologiam versari non minus circa actus jure quovis positivo, quam & naturali præceptos vel prohibitos, non fuissent temerarie conquesti Catholicos Theologos tractare simul de obligationibus ex naturali & positivo jure oriri solitis: ita quippe illi versantur circa materiam sui fori, & garrulam ruditatem cavillantium Sciorum rident.

§. V.

Utrum lex nat. consistat in dictamine rationis?

19. **P**lerique *Senecam* & alios Philosophos imitati cum Hug. Grotio de *J. B. & P. l. I. c. I. n. 10.* respondent affirmative, qui idcirco definiunt Jus nat. legale esse *dictamen rationis congenitum, præcipiens ea quæ creatura rationali quæ talis sunt consentanea, & prohibens contraria.* Communior tamen & vera opinio est docens; Dictamen rationis nostræ non esse formaliter ipsam legem nat. sed meram applicationem, seu promulgationem internam prædictæ legis, conditionemque necessariam ad id, ut hæc nos obliget in actu *secundo*, id est, prout sufficienter intellectui intimata per dictamen practicum, quid hic & nunc faciendum, vel omittendum sit.

Deducitur autem hæc sententia I.) ex eo. Quia lex nat. v. g. de non *blasphemando, furando* &c. prior est nostro dictamine. Antequam enim practicum haberemus judicium de non committenda blasphemia, furto &c. jam ab æterno in mente divina existerat prohibitio necessaria & immutabilis hujusmodi objectorum, utpote sua natura turpium, atque adeo jam dabatur lex nat. in actu *primo* & quo ad se, uti etiam ex mente Ciceronis & aliorum innuimus a *num. 6.*) Quod autem in actu *secundo* & quo ad nos nunc primum per practicum dictamen intelligamus eam existere, inde non sequitur legem ejusmodi esse ipsum dictamen. Nam cogitationes nostræ practicæ, judicia ac dictamina non dant esse, seu essentiam & existentiam objectis, de quibus practice judicamus: sed potius eam supponunt præ priori.

20. II. Ne-

20. II. Neque enim ideo *vere* est aliquid præceptum, vel prohibitum, quia a nobis cognoscitur ut tale: sed potius ideo, quia *revera* est; dicente Gentium Doctore Rom. 7. v. 7. *Concupiscentiam nesciebam, nisi lex diceret, non concupisces.* III.) Hac ratione etiam lex positiva divina & humana aliquid præcipiens vel prohibens e sensu *Grotii* & sequacium ejus non sine absurdo deberet esse ipsum *dictamen rectæ rationis*, quod nobis indicat faciendum aliquid, quia a jure v. g. Civili est præceptum: vel omittendum, quia ab eo est prohibitum: recta enim ratio nostra præctice dictat & præcipit nobis non minus legem civilem, ac etiam naturalem servandam. Quod si *Grotiani* sequaces replicent, dictamen illud, quod nos admonet de observantia legis positivæ, esse meram applicationem, seu signum & promulgationem internam præcepti positivi; id ipsum, si consequenter loqui velint, dicere coguntur de dictamine conscientia nostræ intimante nobis obligationem naturalem.

21. IV.) Notum est, omnem legem constitui actu & auctoritate Superioris respectu inferiorum; adeoque & legem naturalem: porro dictamen rectæ rationis non constituitur actu & auctoritate Superioris, quia provenit a natura rationali, quæ se ipsa non est Superior & inferior: melius igitur dicendum est, hanc legem esse imperium Divinæ voluntatis necessario prohibentis &c. per dictamen rationis intimatum. Tanto magis, V.) quod lex nat. sit necessaria, immutabilis, æternæ veritatis, atque ideo indefectibilis regula justitiæ naturalis: Atqui dictamen rationis æque ac natura rationalis non est quid essentialiter necessarium: sed contingens & defectibile. Demum VI.) Nemo est, qui suam rationem rectam & dictamina vera non dicat, cum tamen sint erronea sæpe & falsa; hinc sequeretur legem nat. quæ æternæ veritatis est, posse esse in se ac formaliter errorem humani intellectus, ac proin obligare quatenus error est, quod absit. VII.) Huc facit, quod lex DEI æterna non sit dictamen rationis humanæ: igitur neque lex nat. cum lex DEI æterna, ac naturalis non sint duæ quædam leges: sed potius naturalis sit tantum legis æternæ transcriptio & promulgatio, ac proin solum secundum quid diversa &c. ut num. 10.)

22. Nec obstat I.) quod *Psalms. 4. v. 6.* dixerit David, *signatum est super nos lumen vultus tui Domine.* Quia vox *signatum* denotat id ac promulgatum, communicatum lumen DEI.

DEI. Et David *loc. cit.* non ait quod lumen illud sit proprie & *formaliter* lex: sed potius, quod pro objecto suo legem æternam habeat, eo fere modo, quod promulgatio & cognitio legis humanæ; quæ dum ostendit, quid ex præcepto legis v.g. civilis sit faciendum, non ideo lumen seu dictamen hoc sit lex civilis: sed hanc aliunde sancitam supponit nobisque applicat. Resp. 2. Juxta inferius hic n. 29. & 30. dicenda, *Lumen vultus* divini dupliciter *super nos signatum* esse intelligitur. *Primo*: Quatenus præditi sumus *potentia* cognoscendæ divinæ voluntatis, seu legis DEI æternæ nobis in tempore promulgandæ per interna dictamina. Et ita sumptum lumen hoc improprie dicitur lex & lumen, potius enim est ipsa capacitas animæ ad lumen recipiendum & legem cognoscendam. *Secundo*: Intelligitur pro dictamine interno transeunte, seu judicio rationis consistente in inspirationibus internis, & cogitationibus indicantibus nobis quid sequendum vel omittendum hic & nunc sit: quas cogitationes lumina vocamus, quæ etiam *formaliter* non sunt lex: sed signa legis. Sive igitur *lumen* illud *super nos signatum* quoad *potentiam* cognoscendæ legis æternæ animæ identificatam, sive quo ad dictamina seu lumina transeuntia, sive utroque modo intelligas; nondum sequitur vel animam nostram potentem DEI voluntatem cognoscere, esse *formaliter* ipsa legem naturæ, ut per se patet: vel dictamina seu lumina nostra transeuntia mereri nomen ejusdem legis naturalis *formaliter* & in se ipsis, cum per dictamina & lumina hæc pure ac præcise *signetur* tantum seu promulgetur nobis lex DEI æterna, seu voluntas ejus necessario prohibens vel præcipiens aliquid, prout etiam constabit ex mox danda responsione ad quartam objectionem. Et aliunde certum est *signum* seu *lumen* legis non esse legem.

II.) Nec plus vult Apostolus, Rom. 2. dicens: *Gentes, quæ legem non habent - - ipsi sibi sunt lex - - ostendunt opus legis scriptum in cordibus suis*: Inde enim sequitur potius, quod non ratio nostra, & ejus dictamen sit lex & legislator; sed DEUS ipse, qui *scribit legem in cordibus* necessario prohibendo vel præcipiendo. Ratio autem nostra est tantum quasi tabula quædam, in qua DEI digito scribitur lex nat. Homo quoque dicitur *ipse sibi esse lex*, quatenus per dictamen conscientiæ practicæ agnoscit imperium DEI necessario vetantis aliquid. III.) Similem interpretationem recipiunt alii textus, scilicet, quod loquantur dictamen ratio-

tionis esse legem naturalem *objective & virtualiter*, non vero *formaliter*, quatenus dictamen hoc habet pro objecto legem naturalem ut manifestatam homini per lumen rationis, ac proveniente ab imperio divinæ voluntatis. Eo fere modo, quo dicimus factum aliquod descriptum esse in libro, non quod ibi scriptum sit ipsum factum: sed quod scripti sint characteres, qui a nobis lecti ducunt nos in cognitionem facti, quod ibi narrantur. Inde vero patet, quod textus qui adferri solent, non loquantur in sensu *proprio*.

Minus urget IV.) quod lex nat. sit in homine, utpote creata, & non sit in DEO; ac quod non tabulis: sed cordibus sit impressa, non extra: sed intra hominem existat. Nam contra est, quod lex nat. originē suā & *formaliter* in se sumpta non sit in homine: sed solum sumpta *virtualiter, & signate*, seu pro virtute & signo, quatenus per dictamen ratio humana practice admonetur de existentia *originaria æterna* legis naturalis, seu imperii divini a se distincti ac in tempore per practicum dictamen promulgati. Quod ipsum sit in dictamine circa obligationes provenientes ex quibuscunque legibus etiam humanis. Formaliter autem & in se, prout abstracta a promulgatione actuali lex nat. est ipsa lex æterna, id est ipsa voluntas divina necessario obligans in actu *primo*, estque dein in hominem solum *per immensitatem* divinam, non vero *identice* cum dictamine humano actu promulgante intrinsecam bonitatem, vel malitiam objecti.

23. Nihil quoque facit ad rem V.) quod recta ratio dicet homini, quid agendum vel omittendum sit. Non enim quilibet legis dictator est legislator ejusdem, aut lex ipsa: alioqui multi Præcones, & Apparitores gauderent hac prerogativa: sed solum ille, qui dictat legem *propria auctoritate* est legislator, & ab eo auctoritative dictatum preceptum est lex, minime vero is etiam legislator est, qui dictata promulgat, sicut nec ipsa legis promulgatio est lex.

Urgeri quidem posset: lex nat. prout est actu applicata homini per dictamen practicum ac ultimum, est *regula proxima* justitiæ naturalis: igitur saltem ut est *actu applicata* formaliter consistit in ipso dictamine, hinc dictamen hoc erit lex nat. & quidem proxima. Quia secundum Clem. Alexandrin. l. 1. Strom. Lex est *opinio bona & regula justorum & injustorum*; dictamen autem practicum esse opinionem nemo dubitavit; pariter ac esse regulam & legem, voce

voce tantum differre. Verum hæc nullius consecutionis sunt. Quia dictamen illud utpote iudicium practicum *personæ private* nequit habere vim legis generalis: sed habet tantum *vim regulæ proximæ* respective ad subjectum, in quo hoc dictamen reperitur, quod supponitur in omni lege etiam humana, quoties eam observandam, vel non observandam iudicamus; quin tamen iudicium hoc recte lex proprie talis dicatur.

Quo facit, quod *regula* idem hic denotet ac *norma*, quæ cum per se nihil præcipiat, neque adeo necessitatem obligationis moralis adferat; sed tantum generatim significet id, cui aliquid conformari debeat, vim legis non obtinet. Prout etiam non stringet illatio, si dixeris, quod juxta dicenda a n. 33.) lex nat. prout est promulgata per dictamen rectæ rationis, lex vera esse dicatur. Quia talis dicitur non a dictamine *particularis personæ*: sed a voluntate DEI, omni creaturæ rationali & capaci generaliter ac necessario prohibente turpia, ac præcipiente *ex se bona*. Hinc quamvis *abusivè* Jus nat. sumatur etiam pro conscientia præcipiente recta, & prava prohibente, hæc tamen pressius loquendo omnino differunt. Quia lex dicit *regulam generaliter constitutam* circa agenda: conscientia vero dicit *dictamen practicum in particulari* quid hic & nunc agendum sit. Unde conscientia latius patet, quam jus nat. Suar. de L.L. lib. 2. c. 5. n. 15.

24. Nec aliter intelligenda sunt verba Justiniani §. 1. *Inst. de J. N. G. & C.* dicentis jus nat. esse id, quod *naturalis ratio inter homines constituit*; nempe ratio constituit *applicative, promulgative*, ac *virtualiter*: non item *formaliter*, & in se. Verbo: imperium divinæ voluntatis necessario prohibentis vel præcipientis aliquid naturæ rationali ab æterno est lex nat. *originaria*, dictamen autem rationis admonens in tempore de observantia ejus est eadem lex tantum *participata*, seu communicata homini per innatam rationem, tanquam per præconem & ministrum.

Dicitur tamen lex hæc naturalis potiusquam divina, quia per eam DEUS naturam rationalem dirigit per solum dictamen naturale necessario prohibendo intrinsece mala &c. Sicut etiam leges humanæ licet originem suam trahant a lege DEI æterna, tamen neque dicuntur divinæ, neque naturales, quia a DEO solum tanquam a causa generali procedunt, hominem autem non dirigunt per solum dictamen

men naturale: sed immediate per voluntatem liberam legislatoris humani externe manifestatam, unde etiam dicuntur humanæ.

§. VI.

An Lex naturalis recte statuatur in ipsa natura rationali?

25. **Q**uidquid *Grotius* cum aliis pro affirmativa putaverit, certa est negativa opinio propter sequentia momenta. I.) Natura creata defectioni subiecta nequit esse *prima regula* iustitiæ naturalis immutabilis, ac indefectibilis. II.) Lex hæc nat. juxta Apostolum *loc. cit.* est *inscripta cordibus* nostris: igitur ipsum cor, seu natura rationalis non potest esse sibi ipsi lex, sed potius subiectum legis naturalis inscriptæ. III.) Et si natura rationalis sit *radix*, seu *fundamentum*, & mensura naturalis iustitiæ, imo & omnis honestatis præcepta, tamen ipsa non ideo est lex, siquidem fundamentum & mensura legis diversum quid sint ab ipsa lege. Sic indigentia pauperis est fundamentum legis de danda eleemosyna, non tamen est lex. IV.) Sequeretur absurdum, quod scilicet DEUS non minus proprie haberet suam legem naturalem, quæ ipsum liget, ac homo eam habet, continet enim in se naturam, cui ratione infinitæ suæ rectitudinis disconveniens est omne peccatum, & datur in eo iudicium mentis indicans mentiri esse malum, servare promissa esse omnino rectum & necessarium; si igitur hoc satis est ad rationem legis, etiam in DEO erit vera lex naturalis, qua ille teneatur; quod absit.

26. In contrarium opponi solet, quod aliquæ actiones intrinsecam malitiam habeant, neque quo ad hanc pendeant ab intrinseca prohibitione, iudicio, & voluntate DEI: igitur necesse est, ut radix hujus malitiæ sit ipsa natura rationalis, consequenter ipsa erit etiam lex naturalis, dicente Cicerone, l. 2. de LL. *Lex naturæ nil aliud est, nisi recta & a Numine Deorum tradita ratio, imperans honesta, prohibens contraria*. Verum facilis est responsio; quia illarum actionum intrinseca malitia independentem a divina voluntate datur tantum *radicaliter* & *exigitive*, quatenus in se ipsis inconvenientiam ad lumen rationis habent, non autem etiam *formaliter*, cum malitia formalis cujuscunque actus a repugnantia ad legem Superioris ab intellectu sufficienter apprehensam desumatur. Cum ergo DEUS legem nat. scri-

Jus Nat. & Gent.

B

pscribit

Merit in cordibus nostris: si eam probe per dictamen practicum apprehensam non observemus, malitia formalis non observantiæ hujus non aliter dabitur, quam supposita necessario prohibente voluntate divina, qua scilicet legem in cordibus nostris scripsit, cui deinde repugnat nostra actio, vel ejus deliberata omissio.

Et ratio est, quia lex nat. in ratione legis proprie dictæ pendet a voluntate DEI prohibente ea, quæ intrinsece mala sunt. Quæ voluntas est DEO necessaria ex hypothese quod creet naturam rationalem, cum includatur in voluntate illam constituendi in esse talis naturæ, eique immittendi dictamina recte rationis, uti patet ex D. Aug. l. 2. de peccat. merit. c. 16. dicente, *quomodo non vitatur per DEI justitiam, si peccatum est?* consequens autem est, ut prædicta bonitas vel malitia *formalis* non detur in objecto: sed solum fundamentalis, per ordinem ad naturam rationalem, non ut legem: sed ut terminum convenientiæ.

Alii respondent, quod ante Decretum DEI liberum dentur actiones malæ *physice*, non item *moraliter*. Id autem Decretum DEI liberum in hoc casu ita exponitur, quod scilicet DEUS hominem libere condiderit, ejusque cordi inscripserit legem illam abæternam, necessariam, & immutabilem, quam a rationali natura vocamus naturalem. Potuit quippe eum non condere, consequenter nec hanc inscripsisset.

27. Minus quoque urget Grotii extravagans ratiocinatio, qui de J. B. & P. in Prolog. §. XI. ait, *etiamsi daremus non esse DEUM*, adhuc recta ratio omnia hæc intrinsece mala prohiberet, quæ nunc prohibet: igitur non in lege ulla & voluntate divina: sed in ipsa natura rationali statuenda est lex nat. Contra enim est. I.) quod ex prædicta hypothese impossibili si DEUS non existeret, sicut sequeretur existere creaturam rationalem, & simul eam non existere, utpote non existente suo Creatore & Conservatore; ita consequens foret, rationem naturalem prohibere intrinsece mala, & non prohibere: desumi regulam honestatis ex ratione naturali, & non desumi. II.) Si per impossibile DEUS non esset, eadem quidem naturalis ratio esset regula *indicans*, (puta, malitiam & bonitatem mere fundamentalem seu exigentiam prohibitionis &c.) sed *non præcipiens*, vel *prohibens*. Quia dictamina illa pro tunc non essent imperia a Superiore intimata; unde eorum violatio esset peccatum

tum philosophice tantum & improprie. Nam peccatum est prævaricatio Legis divinæ, ut ait D. Ambros. de Paradiso c. 8. hinc infert D. Aug. loc. cit. dicens: Neque peccatum erit, si quid erit, si non divinitus jubeatur ut non sit.

Quidquid de his sit; certum est non licere hic a statu impossibili, inexistentiæ divinæ philosophari ad statum præsentem, in quo DEUS O. M. existit. Hæc quippe speculatio dedit ansam Protestantibus Naturalistis, ut cum Hobbeso, Hobbeso ceterisque non paucis DEUM a jure nat. prorsus eliminarent, suasque lucubrationes de naturali disciplina publico obtruserint non pro statu naturæ, in quo vivimus: sed pro alio pure possibili, & sub concavo lunæ existente, imo & absolute repugnante, docentes nos ita hic & nunc vivere debere, ac si in statu naturæ puræ, vel in hypothese impossibilis inexistentiæ Divinæ viveremus. Verum subtilitas hæc crassæ junctæ ignorantiae, præter scandalum rudium, & risum Eruditorum, nihil utilitatis secum vehit.

ARTICULUS II.

De promulgatione Legis naturalis.

S U M M A R I U M.

- 28 Lex nat. indiget promulgatione.
29. Ante quam non obligat in actu secundo.
30. Promulgatur autem per dictamen.
31. Solvitur contraria instantia.
32. Quo pacto natura nos doceat Legem?
33. & 34. Præcepta nat. non sunt mera consilia ut erronee putant Protestantes.
35. & 36. An Lex nat. sit aliqua regula honestatis? quid, & quotuplex sit?

§. I.

Utrum promulgatio sit de essentia Legis naturalis? qualis requiratur, & quando fiat?

28. **E**X definitione Legis nat. liquet affirmativa decisio hujus questionis, quod scilicet ad hoc, ut Lex naturalis nos in actu secundo obliget, necessario requiratur ejus promulgatio. Cum enim lex hæc sit imperium, seu jussus

divine voluntatis &c. consequens est omnino requiri, ut homini sufficienter constet de hac imperante, prohibente vel præcipiente quidpiam voluntate, alioqui obligaretur ad aliquid sibi ignotum & impossibile, ad quod sicut Naturæ Auctor, ita neque natura ipsa nos adstringit. Constare autem de illa nequit aliter, nisi per practicum dictamen, quo admonemur, quid honestum, vel turpe sit, quid hic & nunc faciendum, vel omittendum; id enim est promulgari nobis divinam legem necessario prohibentem aliquid vel præcipientem. Sicut in simili experimur in omni foro nos excusari a transgressione formali legis v. gr. humanæ, si illa nobis sufficienter non fuerit promulgata. Ita autem promulgata fuisse censetur, si ex notitia externa moralem certitudinem de existencia ipsius auctoritative facta acquirimus. Unde etiam vim brocardici obtinuit axioma illud ex Can. In istis dist. 4. *Leges constituuntur, cum promulgantur*, ante promulgationem autem non censentur constitutæ, cum tantum remote & in *actu* 1. non item etiam proxime ac in *actu* 2. nos obligent.

29. Nec oberit, quod lex DEI æterna extiterit ante sæcula, quin promulgata fuerit: legem vero naturalem non esse aliam, quam æternam, utpote absolute necessariam asseruimus, n. 10.) Nam in contrarium est, quod ex cit. n. 10.) pateat legem naturalem esse æternam, quatenus est, & fuit ab æterno in *Mente divina* immutabiliter, non item quatenus *in tempore* intimatur seu promulgatur nobis, per dictamen naturale. Lex igitur illa ante sufficientem promulgationem factam creaturæ rationali, ab æterno fuit lex tantum in *actu* 1. id est, incompleta aciativa *quo ad nos*, potens aliquando obligare, si intimetur, completur deinde per sufficientem intimationem conscientiæ nostræ factam. Nec obligat, nisi *ut promulgata* in tempore, hoc est prout applicata per legem sive divinam, uti sunt præcepta Decalogi, quæ nos monent de obligatione naturali honorandi parentes &c. sive per humanam: quarum multæ sunt, quæ declarant naturales obligationes; sive per *dictamen internum*, quale etiam rudes experiuntur. Neque alia potest reddi ratio, cur infantes, licet natura rationali consent, lege tamen nat. in *actu secundo* non obligentur, antequam per usum rationis ad maturitatem iudicii perveniant, nisi quod obligatio naturalis nondum illis fuerit insinuata propter immaturitatem iudicii, Quod ipsum procedit de omni alio subje-

subje-

subjecto, seu subdito, & de omni alia lege, ut ante convenientem sui promulgationem ille non obligetur, & hæc non obliget in actu secundo. Ex his

Colliges I.) Quod lex nat. prout est in nobis, dupliciter spectari possit, scilicet *minus proprie in actu 1. seu secundum habitum*: & *proprie in actu 2. seu secundum actum*. In *priore sensu* nil aliud est, quam potentia & vis animæ ad cognoscendam voluntatem DEI vel prohibentem dissentanea, vel præcipientem consentanea rationi. Et in hoc sensu est *congenita, permanens*, ac etiam homine nil cogitante vel judicante concipitur retineri utpote proprietas animæ identificata, *scripta in cordibus humanis*. In sensu autem *altero* est *judicium rationis* consistens in cogitatione, seu dictamine, hic & nunc manifestante voluntatem DEI vel præcipientem rationi consentanea, vel prohibentem contraria. Et in hoc sensu est *intrinsicæ* per receptionem, diciturque *transiens*, & vere ac *proprie* est in nobis lex hæc in actu secundo spectata: non tamen est *identice* cum dictamine nostro actu eam promulgante: sed mere per *immensitatem*, formaliter autem & in se est in mente divina, tanquam lex ejus æterna promulgata in tempore. Inde D. Th. 1. 2. q. 71. art. 6. ad 4. recte dixit, *legem naturalem contineri principaliter in lege æterna DEI: secundario vero in naturali judicatorio rationis humanæ*.

Colliges II.) Quod dictamen de objecto non sit nuda representatio naturalis disconvenientiæ, vel convenientiæ cum natura rationali: sed etiam promulgatio *divini imperii* aliquid jubentis, seu *signum* divini voluntatis imperantis, & consequenter conditio ad legem qua obligantem necessario requisita.

30. Sed ambigi posset: qualis promulgatio requiratur & quo modo fiat? Resp. Quæsitio huic satisfaciet sequens deductio. Nempe, promulgationem talem hic requiri, per quam intellectus noster practice certus *moraliter* reddatur de imperio divini voluntatis, aliquem actum vel omissionem ejus *necessario* præcipientis vel prohibentis. Sicut autem in legum positivarum notitiam ducit nos promulgatio per actus externos facta, prout olim Moyse, ac dein populo Israelitico promulgatus fuit Divinorum præceptorum decalogus, ac deinceps aliz leges etiam humanæ promulgari solent: ita a contrario lex nat. unicuique nostrum promulgatur ut plurimum *per dictamina interna*, a DEO naturæ Auctore cor-

alibus nostris naturaliter indita, ac immissa, qualia sunt non esse *mentiendum, furandum &c.*

Sapienter hac de re sentit Seneca epist. 65. *Jus naturæ est a DEO tanquam naturæ Auctore impressum, inditumque cordibus nostris, per quod secundum dictamen rationis practicæ actus humanos liberor, ad bonum justumque dirigimus.* Ecce! hic Ethnicus distinguit legem nat. in actu primo & improprie sumptam pro ipsa cognoscendi potentia tanquam intrinseca & identificata animæ proprietate a DEO Auctore impressa, a lege nat. in actu secundo spectata & sumpta secundum dictamen rationis practicæ, seu prout sumitur pro ipso judicio rationis, consistente in cogitatione, lumine, ac cognitione circa bonitatem vel malitiam actus practicæ exercendi vel omittendi, a DEO naturæ Auctore nobis immissa, per quam lex ejus æterna, seu voluntas necessario prohibens vel præcipiens promulgatur.

31. Neque opponi hic potest: prædicta dictamina mere naturalia debere ipsi naturæ rationali immediate attribui potius quam DEO, a quo sicut ipsa ratio naturalis, ita & illa dictamina, imo & tota lex nat. procedunt solum tanquam a causa generali effectiva, non vero tanquam a Legislatore & causa specificativa: id enim præstat natura ipsa humana, vel ejus recte disposita ratio. Nam contra est, quod jam constat ex n. 19. (& seq.) legem nat. neque in ipso dictamine rationis, nec in natura rationali: sed potius in imperio divinæ voluntatis supra explicatæ consistere, ac proin inspirationes seu dictamina etiam mere *naturaliter* bona de observanda lege naturali, DEO ipsi etiam tanquam Legislatori necessario præcipienti, vel prohibenti attribuentia sunt, quæ ab intellectu creato *physice, moraliter* tamen ab Auctore naturæ procedunt, suntque ejus imperia formaliter dirigentia, obligantia, ac *moraliter* permanentia. Ille enim creando naturam rationalem, ejusque cordi inscribendo legem, nec potuit, nec voluit se privare Legislatoris naturalis prærogativa, transferendo eam in rationem, vel in ipsam naturam rationalem a se creatam.

Quo fit, ut DEUS, sicut nequit negare se ipsum, aut ordinem justitiæ suæ auferre, ita non potest non prohibere immediate per se ipsum ea, quæ intrinsece mala sunt & contra rationem naturalem. Præclare hac in parte ait Gerson in tr. de vita spirit. l. 2. coroll. 5. *Lex naturalis præceptiva est signum inditum cuilibet homini non impedito in usu debi-*

debito rationis, & notificationum voluntatis divinæ, volentis creaturam rationalem humanam teneri ad aliquid agendum, vel non agendum, per consequentiam sui finis naturalis.

§. I I.

Quo igitur pacto natura docet nos legem naturalem?

32. **N**atura nos legem hanc docere dicitur, dum lumen rectæ rationis, quo honestum inter & turpe discernimus, per dictamina naturaliter oborta practice hic & nunc admonet bonum esse faciendum: malum fugiendum: quod nobis nollemus fieri, alteri ne fecerimus: non esse detrahendum proximo: non pejerandum &c. Hoc enim casu ratio recta interne promulgat nobis divinam voluntatem necessario præcipientem, vel prohibentem. Quia ut ait D. Anselm. L. de volunt. DEI: *Quicumque legi naturali obviat, DEI voluntatem non servat.* Dum autem veritates hujusmodi ipsa natura homini ita promulgat, eum vere docet, quid in his vel illis circumstantiis practice agendum vel omittendum sit. Atque ita intelligenda est lex nat. esse scripta in cordibus nostris, quatenus Creator noster condit hominem ratione præditum, naturaliter capacem discernere inter bonum & malum, ut hoc fugere, illud eligere possit, si velit, dicente D. Aug. l. 2. de serm. Domini: *Nullam animam esse, quæ ratiocinari possit, in cujus conscientia non loquatur DEUS &c.* Locutio autem divina potest esse mere naturale donum, prout distinctum a gratiis & inspirationibus, fierique solet non per *Synderesin* solam, sed per generale principium v. g. *malum est fugiendum &c.* sed etiam per particularis veritatis insinuationem menti factam, ut fit, dum in circumstantiis occasionis ad mentiendum, innata ratio repræsentat mendacii turpitudinem, quatenus ostendit, illum actum esse contra finem naturæ rationalis, nempe contra rectam habitudinem ad DEUM, consequenter ostendit illum a DEO vi suæ infinitæ perfectionis esse prohibitum &c.

Advertendum tamen hic est, naturam non ita semper certo nos docere ea, quæ juris sunt naturalis, quin in deducendis aliquibus conclusionibus ex principiis universalibus facile error interdum surrepat, præsertim quando conclusiones ejusmodi remote & obscure ex primis-principiis

colliguntur. Quo fit, ut circa ea, quæ juris sunt naturalis error possit aliquando evenire. Prout fufius de his infra tractabitur, ubi de ignorantia juris naturalis.

§. III.

An Lex nat. interne promulgata fit proprie lex; & an illa fit aliqua regula honestatis?

33. **A**D primam quæfiti partem negative respondit Laurentius Fleischerus, qui in suis paradoxis, quibus Institutiones J. N. & G. ex Thomasio illustravit L. 1. c. 5. non erubuit ineptire dicens; *Præcepta naturalia non esse leges proprie dictas: sed mera consilia: monito paterna, eo quod ratio sibi soli relicta ignoret conceptum DEI, tanquam Legislatoris, & Domini: sed solius Patris, ac Doctoris &c.* Verum errore hoc protestantico risu exploso, Eruditissimis Catholicis certum est contrarium. Quis enim mentis adeo inops erit, qui dixerit blasphemiam, furtum, adulterium & similia intrinsece turpia nos jure nat. spectato non teneri vitare, nisi ex mero consilio, & decentia? Alioqui furta, adulteria, latrocinia & alia hujusmodi crimina non deberent pœna capitali puniri, nemo enim pro non impleto mero consilio ultimo supplicio affici citra injustitiam potest. Ratio quoque Catholicæ doctrinæ est, quia ut D. Th. 1. 2. q. 94. art. 2. cum communiter sententium ait, tota definitio Legis proprie dictæ, quæcunque hæc recta asseratur, eidem convenit; Est enim *rectum voluntatis divinæ decretum, aliquid subditis, seu communitati, propter commune bonum faciendum, aut non faciendum imperans, eique manifestatum.*

34. Nec obstat, quod Lex nat. in actu 2. spectata supponat dictamen in mente cujuslibet privati hominis existens, ac quod proinde nec Publicum, nec subditos & communitatem obligare posse videatur. Nam contra est, quod adhuc sit *decretum publicum*, quia publica ipsius DEI auctoritate necessario sancitum, & ad omnes homines, seu totam generis humani communitatem pertinet. Nec refert, quod dictamen hominis sit quid *privatum*: quia constat jam, non dictamen quia tale esse legem naturalem: sed voluntatem DEI necessario unicuique hominum imperantem;

ac

ac dein dictamen hoc necessario supponitur in lege etiam humana, prout in actu 2. obligante, quin tamen ideo hæc desinat esse lex proprie.

35. Quod alteram quæsitam partem concernit, an scil. *nat. sit aliqua regula honestatis, seu justitiæ naturalis?* Resp. Constare jam ex supra dictis legem nat. posse hic bifariam spectari. Primo, pro lege DEI æterna, ante omnem promulgationem, seu applicationem homini in tempore factam per dictamen practicum. 2. pro eadem lege DEI æterna modo prædicto in tempore applicata. Lex igitur naturalis quatenus est ab æterno solum in mente Divina, est *principium directivum*, seu prima regula *objectiva* ac *remota* omnis moralitatis, ac proin & naturalis justitiæ, omnisque honestatis. Ita quippe spectata lex nat. est in re ipsa lex DEI æterna, quæ dicitur *primo regulans*, quia est prima radix omnis justitiæ, consequenter habet primam viam obligandi, qualis non reperitur in natura rationali, cum nemo in se ipsum jus exerceat, aut possit esse superior & legislator respectu sui ipsius.

Præter hanc primam & supremam regulam remotam ac *objectivam* honestatis, quam legem æternam, seu voluntatem DEI asserimus, dantur adhuc aliz *secundariæ* ac subordinatæ regulæ remotæ, ac *objectivæ* honestatis generice sumptæ. Huiusmodi sunt leges humanæ, tam sacræ, quam civiles iustæ. Imo non solum leges: sed etiam opiniones humanæ rationabiles, ac judicia de licentia vel honestate quarundam actionum possunt dici aliquando *regulæ remotæ & objectivæ* honestatis, quibus licite & honeste actiones nostras possumus conformare, imo sæpe etiam tenemur, quando Legislator etiam humanus ad hoc nos vult esse obligatos.

36. Altero modo spectata lex nat. & æterna, seu prout est in tempore creature rationali per dictamen rationis practicum promulgata & applicata, est *principium directivum*, seu regula proxima justitiæ naturalis, & honestatis. Lex enim prædicta ita applicata constituit tunc *conscientiam practicam*, quæ est *regula proxima & formalis* omnium actionum moralium, supponitque dictamen ultimum practicum, de honestate, vel licentia actionis. Et quamvis aliqui conscientiam non tam regulam moralitatis, quam applicationem regulæ *objectivæ*, seu legis DEI æternæ dicendam putent: nihilominus communiter vocatur *regula formalis & proxima*, quatenus est intentionalis applicatio regulæ *objectivæ*, quæ applicatio fit per dictamen.

Totam hanc quæstionem paucis definivit D. Th. 1. 2. q. 21. artic. 1. dicens, *In his quæ aguntur per voluntatem, regula proxima est ratio humana: regula autem suprema est lex æterna, quandocunque ergo actus hominis procedit in finem secundum ordinem rationis, & legis æternæ, tunc actus est rectus: quando autem ab hac rectitudine obliquatur, tunc est peccatum.* Et idem Doctor ead. p. quæst. 21. art. 6. subjungit, *alia vero est prima regula, scilicet Lex æterna, quæ est quasi ratio DEI.*

Uberius de his Catholici Theologi, & fusissime: sed supra modum absurde protestantici Naturalistæ, Hobbefius, Grotius, Hobbius, Puffendorfius, Coccejus, Fleischerus Voolffius de J. N. & G. qui etiam præter nostram intentionem provocarunt nos, ut paucis de hac, similibusque materiis theologicis innuamus, non contradicendi pruritu, neque ut geramus nos juxta illam plenam ironia paræmiam: *Dic aliquid contra, ut duo esse videamur: sed solius veritatis studio, ne in Jurisprudencia naturali a Protestantibus sparsierores triumphant, & incautos Lectores inficiant.*

A R T I C U L U S III.

De divisione & subjecto legis naturalis.

S U M M A R I U M.

37. Divisio Juris Nat. in absolutum & limitatum.
38. Probatur dari limitatum seu hypotheticum.
39. Pariter ac affirmativum, negativum, permissivum.
40. Primævum & secundarium J. N. rejicitur.
41. Lex nat. permissiva potest impediri.
42. Sine forma civili actus a Jure permissus non valet.
43. Solvitur contraria ratio.
44. Lex nat. convenit omnibus hominibus.
45. &c. Brutis ne quidem materialiter.
49. Passeres & lupi ne materialis quidem furti, vel rapina rei sunt.
50. &c. Jus civile vocem Juris nat. abusive usurpat.

§. I.

Quotuplex sit Jus naturæ, & an detur hypotheticum

37. **D**iximus jam n. 13.) jus nat. late sumptum secundum triplicem inclinationem hominis trifariam accipi, ex quibus significationibus unica & propria illa est, quæ denotat jus naturale *legale*, seu legem nat. cuius solus homo, inter ea, quæ sub cælo existunt, capax est. Hoc ipsum autem Jus nat. legale subdividitur communius, I.) in *absolutum*, seu illimitatum, & II.) in *limitatum*, seu ut aliis placet *conditionatum*; *hypotheticum*. Illud immediate obligat in suis materiis, & *independenter* ab omni prævio statu, limitatione, hypothese, consensu, conditione, pacto vel contractu, aliove facto nostro. Et ita obligamur ad certa officia *affirmativa* reddenda DEO, nobis ipsis, & proximo; obstringimur quoque ad *negativa*, qualia sunt non blasphemare, non pejorare, non odisse DEUM, & proximum &c. Obligatio hujusmodi *absoluta* & illimitata dicitur ex eo, quod nullæ circumstantiæ reperiri possint, propter quas variari seu mutari queat materia præcepta, ut patet in instantiis jam adductis.

Contra autem jus naturale legale, seu lex nat. *limitata*: *conditionata*: *hypothetica* dicitur illa, quæ oritur ex sola hypothese certi status hominis, aut ex consensu, promissione, voto, contractu, aliave conditione tacita, vel expressa, aut facto humano proprio sive alieno quocunque. Ita filius lege naturali tenetur revereri Patrem: si tam hic illum infontem propria auctoritate vellet interficere, vel a Religione vera ad falsam pertrahere, cessabit obligatio naturalis. Quia hæc fuit limitata: *si Pater non abutatur jure suo* &c. Idem fieri solet in *passis*, *promissionibus*, *votis*, *contractibus* libere initis & validis, quæ jure nat. nonnisi tamdiu obligant, quousque justa causa non adfuerit, per quam prior obligatio extinguatur. Item in *proprietas rerum*, quæ jus tribuit nonnisi supposito statu *divisionis factæ*; hinc accedente *extrema* proximi necessitate, cum juxta infra dicenda, quandoque cesset divisio, & succedat primæva communio bonorum, cessabit etiam jus proprietatis, aut saltem usus rei propriæ. Quid simile fieri videmus per prescriptionem legitime factam. In his quippe aliisque casibus

bus materia legis nat. mutatur, consequenter obligatio naturalis *per se* definit, ut post Thom. Sanch. Hug. Grot. tradunt Braun de Jurisprud. p. 2. c. un. §. 1. Gletle in juris prud. fundam. l. 1. tit. 2. c. 6. §. 2. n. 2. Schmier, Pöchl. Heinecc. & alii innumeri.

38. Nec facit ad rem, quod objectum pro tempore mutandarum circumstantiarum non fuerit jure nat. præceptum, vel prohibitum. Nam hoc ipso præceptum hujusmodi est *limitatum*, siquidem non pro omnibus circumstantiis obligat, sicut a contrario obligare intelligitur *absolutum*, v. g. de non blasphemando, non pejerando: bene de DEO sentiendo &c. quod pro nullo tempore & circumstantiis ponendi actus restringitur, & limitatur. Sufficit igitur ad rationem legis nat. *limitatæ*, seu hypotheticæ, quod illa objectum præceperit, vel prohibuerit sub *certa limitatione*, modo, statu, vel *conditione tacita*: usque dum potestas legitima aliud juste statuatur, aut circumstantiæ materiam immutent &c. Imo cum ipsi Adversarii nobiscum admittant legem nat. posse mutari *extrinsece*, scilicet ratione materiæ; velint nolint, *re ipsa* Jus hoc nat. *limitatum* coguntur admittere. Neque enim aliud quid per legem naturalem *limitatam conditionatam* seu *hypotheticam* intelligimus, quam eam legem quæ *extrinsece*, & ratione *materiæ* præceptæ vel prohibitæ mutari potest, hanc ob causam dicimus eam *limitatam* &c. usque dum prædicto modo immutetur, & tandem obligare desinat.

Multo minus urget, quod admissa leg. nat. limitatæ, seu conditionatæ, hypothetica, sequeretur obligationem ejus esse suspensam, usque dum conditio purificetur, ut sit in promissionibus sub conditione factis &c. Contra enim est, quod solæ conditiones *suspensivæ*, non item *resolutivæ*, (quales solæ contingere possunt in obligationibus naturalibus hypotheticis ac limitatis) suspendant actus vel contractus, & quod modus ille obligandi habeat *vim limitationis* potius, quam *conditionis strictæ* & *suspensivæ*, ut patet consideranti obligationes ortas v. g. ex promissionibus, quas Juxta rescindere potest & solet, quæ utique nequaquam suspenduntur, cum ex quo acceptatæ fuerint, statim incipiant obligare, & pergunt, usque dum *resolvantur* rescissione Judicis, vel alio justo eventu.

Nec fortius urget alterum, quod scilicet nulla lex nat. limitatæ seu conditionatæ ostendatur quæ mutari possit. Ad

id

id enim nota jam est responsio; nullam legem hujusmodi ostendi: quæ mutari possit *in se ipsa* & *intrinsece*; bene autem *extrinsece*, seu ratione objecti & circumstantiarum, quarum intuitu sicut cessat obligatio naturalis, ita rectissime dicitur *limitata* usque dum resolvatur lex nat. obligans. Quæ resolutio fit eveniente alio statu objecti præcepti, vel prohibiti, uti est *occiso innocentis*, quam fatemur jure nat. esse prohibitam pro *certis* circumstantiis, non item pro *omnibus absolute*, nec ita sicut prohibetur mendacium, perjurium &c. Hinc lex ista nat. non est intelligenda esse conditionata, vel limitata *ratione sui*: sed solum *ratione objecti* mutabilis. Plura de his videri possunt hic infra ubi de officiis & obligationibus *hypotheticis* tractatur. Quas cum nullus Naturalistarum excludat, merito suus locus est illis hic conservandus, quibus negatis omnes adventitii hominum status negandi essent, & omnes ac solæ absolutæ obligationes naturales admittendæ, quod rectæ rationi, imo præsentii, in qua vivimus providentiæ repugnat.

39. 11.) Subdividitur Jus nat. legale sicut & reliqua præcepta, in *Affirmativum*, cujus objectum est positio actus, seu quo aliquid faciendum præcipitur: Et in *negativum*, cujus objectum est *omissio* actus, id est, quo aliquid fieri prohibetur. *Negativum* hoc præceptum, quamdiu materia præcepti durat, semper & pro semper obligat: *Affirmativum* non item. Reductive quoque & improprie jus nat. dividi solet in *concessivum*, seu *permisivum*, cujus objectum respectu juris nat. est actus *indifferens*, nec positive præceptus, nec ita prohibitus; talis est *usus carni*: *communio rerum*: *libertas homini concessa*: *divisio rerum*: & *servitus permessa*, aliaque id genus.

Sunt quidem, qui hoc jus nat. permisivum, & concessivum absolute negant, eo quod jus nat. legale voluntate DEI *necessario* aliquid ordinantis constituatur: quæ autem mere permittit DEUS, circa ea nil ordinat, nec vult ea, nec non vult fieri: Sed hæc ratio solum probat, permisivum, vel concessivum non esse jus naturale *proprie* tale, quale nullus hominum huc usque asseruit, non vero evincit illud ne quidem jus *improprie* dictum esse, quatenus scilicet sumitur pro mera facultate naturali non prohibita. Nam si quis me sine causa impediat in usu meæ libertatis v.g. condendi testamenti, violabit legem nat. *negativam*, quæ eum prohibet, ne me jure meo utentem impediat &c. Igitur manifestum

sum est mihi assistere jus nat. permissivum, & *indirecte* obligare alterum, ne me prohibeat. Alioqui non esset ratio, cur illi jure naturali negata sit facultas me impediendi in meæ libertatis exercitio, si hæc mihi non fuit concessa, vel permissa. Quo etiam facit, quod omnis lex dividatur in *præceptivam* & *permissivam*: cur igitur non hæc etiam, ut ait Suar. L. 2. de LL. C. 14. n. 6.?

40. Sunt adhuc non pauci, qui dividunt Legem nat. in *primævam*, & in *secundariam*, per hanc intelligentes conclusiones morales deductas ex principiis universalibus: per illam vero ipsa principia universalialia: *declina a malo & fac bonum &c.* Sed merito rejicitur hæc divisio. Quia tam per primaria quam secundaria principia unam eandemque legem suam DEUS nobis manifestat, ad perfectiones suas commendandas. & felicitatem nostram comparandam nos dirigens. Quod si illi per primævam legem nat. intelligere velint legem *absolutam*, & per secundariam significant legem *hypotheticam*, seu *limitatam*, divisio hæc illorum bene sustineri potest, secus rejicienda est.

§. I I.

An lex nat. permissiva immutari possit?

41. **V**ix dubio locus est, legem nat. mere permissivam & concessivam, utpote improprie legem, immutari, imo & simpliciter impediri posse a potestate *Legislativa*, etiam sola humana. Jus enim nat. permittendo aliquid homini ex fine ejus privato, non ideo legitimo Magistratui ademit potestatem illud immutandi, vel simpliciter impediendi propter majus bonum. Sic jure nat. permissa est vestium varietas: Jus tamen positivum eam prohibere, vel limitare potest propter luxum arcendum. Hac quoque ipsa ratione pleraque impedimenta matrimonii per Sacras, ac aliorum contractuum per Civiles leges introducta sunt, non repugnante lege nat. concessiva, & permissiva.

42. Inde fit, quod si actus jure nat. concessus non servet formam, vel conditionem substantialem a jure positivo sub nullitate ejus præscriptam; ne quidem naturaliter valeat. Ad valorem enim hunc in actibus mere permissis, jure etiam nat. tria copulative requiruntur tanquam principia intrinseca actus, scilicet *voluntas* & *potestas*, ac *materie capaci-*

pacitas, neque unum sine altero adesse sufficit, nec alterutrum defectum jus nat. supplere potest. Id enim mere permittit exercitium actus v. g. contractus celebrandi, testamenti condendi &c. cum tacita conditione: *Si legitima dispositio Magistratus, cui nos obedire tenemur, observetur*: Porro Magistratus dispositio hæc est, ut non *aliter actus subsistat*, nisi hac forma servata, vel hac conditione impleta. Si igitur actus ille nihilominus adhuc sine forma debita exerceatur; hoc casu aderit quidem *voluntas* exercendi & consensus: sed deerit *potestas*, quæ non ex jure nat. mere permissivo; verum ex mente Legislatoris & iuris humani repetenda erat. Sub hac quippe conditione fuit actus permissus a jure nat. Alioqui jus hoc foveret inobedientiam erga legitimos Magistratus, aut saltem discordiam naturalis legis cum lege positiva, vel pro foro poli approbaret actum sine sua forma, vel conditione ad valorem ejus per legem humanam essentialiter requisita attentatum & factum. Sicut itaque homo sine anima nullus est in consideratione physica, ita actus ille informis pro nullo habetur in estimatione morali. Patet id v. g. in *Adoptione* non, vel minus solemnī: si quis enim propria auctoritate, sine debita juris positivi forma adoptet juvenem quempiam in filium, nihil efficiet, ut vel is in familiam ejus transeat, vel in hereditate ab intestato succedat, aut impedimentum *cognitionis legalis* in ordine ad impediendum matrimonium cum filia vel sorore ita adoptantis contrahat.

43. Frustra autem hic ad consensum liberum & jus naturæ recurreris: Quia id sicut non supplet defectum materię, circa quam v. g. Adoptio, testamentum, contractus, aliufve actus versatur, ita neque formę a Magistratu vel lege humana præscriptę, hæc enim ac illa æquali jure requiruntur. Et patet adhuc in *Rescriptis, sententiis judicialibus, præscriptione*, aliisque actibus, qui non servata sua forma, vel conditione substantiali, nec pro foro interno subsistunt. Quo etiam facit, quod jus nat. permissivum utpote lex improprie talis, cum nihil præcipiat vel prohibeat circa factionem, aut omissionem actus v. g. *Adoptionis* faciendę, *testamenti* condendi, *contractus* ineundi &c. hoc casu consideretur ac si non esset; & actus totum suum valorem, vel licentiam desumit a lege positiva cui subjectus est. Quid ergo juvat consensus naturalis elicitus contra legem humanam, quæ actum non aliter voluit validum, vel licitum, nisi

nisi sub certa forma, conditione, vel solemnitate substantiali, ob cujus defectum consequenter, & tacite vel expresse inhabiles reddidit personas ad aliter operandum? Fufius de his, ubi de lege irritante agetur.

§. III.

An Jus nat. conveniat omnibus hominibus?

44. **C**ertum est, Legem nat. nedum convenire omnibus hominibus ratione utentibus; sed etiam singulorum cordibus inscriptam esse, quæ recta percipiat & intrinsece mæssa necessario prohibeat, adeo ut qui eam transgreditur, peccet, quin locum excusationi habeat, quod rudis, indoctus, literarum expertus sit, vel de Religione revelata nil audiverit. *Ratio est*, tum quod DEUS in tali casu non sit nec possit esse acceptor personarum, ac proin cum lumen illud naturale concesserit certis hominibus uti agnoverunt etiam Ethnici, *art. n. 7.*) consequens est, ut non negaverit etiam omnibus aliis rationis usu præditis. Tum quia lex hæc DEI voluntatem liberam supponit tantum ex parte *subjecti*, seu quo ad suam existentiam, non autem etiam ex parte *objecti*, & quo ad specificationem. Undelicet liberissimum Creatori nostro fuerit producere nos ex nihilo vel non, supposito tamen Decreto de nobis producendis, necessarium fuit, ut produceret nos luminis hujus & legis naturalis capaces, id enim est de essentia hominis. Alioqui natura rationalis deficeret in necessariis, & homo ad finem suum foret male comparatus.

Neque obstat, quod multi rudes nil quidpiam de lege hac unquam audiverint: nam illa subjecto capaci se ipsam promulgat naturaliter, & insinuat, dum ei practicum aliquod principium innoscit, seu ut loquitur D. Th. 1. 2. q. 90. *art. 4. ad. 1.* DEUS eam inseruit mentibus hominum naturaliter cognoscendam. Verbo: potentia ratiocinandi innata homini uno passu incedit cum jurisprudentia ejus naturali. Quia scilicet si velit, potest discernere naturaliter malum a bono, & hoc amplecti, illud fugere, dicente D. Hieronymo in Ep. ad Algas q. 8. *Nullus hominum est, qui hanc legem nesciat, idcirco justum judicium DEI est scribentis in corde humani generis: Quod tibi fieri nolueris, alteri ne feceris.*

§. IV. An

§. I V.

An Jus naturæ conveniat brutis?

45. **J**us naturale legale, seu prout vim legis habet, ne quidem *materialiter* (ut frustra aliqui Jcti volunt) brutis, aliisque irrationabilibus competere potest. 2.) In sensu tamen *latissimo*, seu prout distinguitur a lege naturæ propriè tali, & præcise denotat rationem sapientiæ divinæ directivam omnium creaturarum, & earum motuum in suos fines, extendit se ad omnia entia etiam pure possibilia, ac proin & ad bruta. 3.) Atque hoc sensu intelligimus illum divini eloquii textum, Prov. 8. *Legem ponebat aqvis ne transirent fines suos.* 4.) Similem expositionem pariuntur plerique textus, qui in Corpore Juris comm. Rom. extantes brutis Jus naturale attribuere videntur.

Ratio primæ partis, & per consequens aliarum hic assertarum est I.) Quia ut creatura adstringatur jure *moraliter*, seu *civiliter* obligante, necesse est, ut illa rationis usu & libertate sit prædita, indeque obligationis & pœnæ capax. Ita quippe vim regulæ præcipientis vel prohibentis actum agnoscere poterit. Ad hunc autem finem debet gaudere *plena libertate*, quia frustra imperatur, vel prohibetur, quod agitur vel omittitur *necessario*. Debet etiam *obligationis esse capax*, alioqui imposeretur subjecto inhabili, hinc Legislatores imprudentiæ argueretur & lex foret iniqua, quod repugnat sapientissimo Gubernatori DEO ejusque perfectioni. Debet quoque *esse capax pœnæ*, quia hanc meretur transgressio formalis, vel præsumpta obligationis per jus impositæ:

Atqui nihil ex his cadit in bruta, vel alias creaturas irrationales. Nam bruta ex *necessitate naturæ* ad unum quasi objectum affixa esse, neque agere ex libera electione, sed potius agi ex physice impressa motione ad finem a natura præfixum intelligimus. Quis autem dixerit actus physice necessarios per regulam *moralement* ad rectitudinis amissionem in-verti?

46. II.) Nec facit ad scopum Adversariorum, quod Ulpianus l. 1. §. 3. ff. de J. & J. jus naturæ vocet id: *quod natura omnia animalia docuit*. Hac enim locutio juxta ple-rosque *erronea* est, juxta communem aliorum est *abusiva*. Nam *comestio, progressio, prolis generatio & educatio, natura-*
Jus Nat. & Gent. C *liter*

per quidem fiunt: sed non ex jure naturali *legali*. Neque instinctus ille, qui bestias movet, juris *legalis* meretur nomen ob defectum rationis, & alia jam hic adducta. Ipse quoque Justin. *pr. Inst. si quadrupes pauperiem*. & idem Ulp. l. 1. §. 3. de J. & J. negant, bruta injuriam cuiquam irrogare posse, ideoque damnum ab illis datum *pauperiem*, & actum quodammodo illatum est, non injuriam: sed *noxium commissum* vocant. Aut igitur Gentilis Jctus, sicut in multis aliis, ita & in supra adducto textu halucinatus est, & sibi ipsi non constat, modo hæc, modo alia definiens, aut locutus est abusive, per Jus nat. intelligens non jus nat. proprie & *legale*; sed mere naturæ sensitivæ competens, quale exposuimus n. 13.) ubi ex D. Th. decidimus respectu naturæ *mere sensitivæ* non esse, neque dici Jus naturæ proprie tale: sed *instinctum naturæ sensitivæ*

III.) Si Ulpiani allata definitio de jure nat. *legali* intelligatur, hoc secum vehit absurdum, quod brutis competat jus adversus hominem, possintque eum injustitiæ & injuriæ insimulare, qui bestiam occiderit. Cum tamen Divina providentia plenissimum homini dominium in res sublunares tribuat.

47. Nec stringit ratio, quod Lex DEI æterna non solum ad creaturas rationales: sed etiam ad bruta extendatur. Hæc enim extenditur quoque ad saxa, & omnes res inanimatas, quin tamen his jus nat. proprie competere dicant Adversarii, quorum notitiam fugisse apparet, quod Lex DEI æterna bifariam a TT. intelligatur, *primo* in latiori significatione, *secundo* in sensu restricto, ut liquet ex n. 8. & seq.) Non igitur in hac altera, sed in priorē significatione, sumendo jus pro mero naturali *instinctu* omnibus sensitivis communi, Lex DEI æterna extenditur ad bruta. Ex his inferres, quod bruta juris veri naturalis ac formaliter talis sint incapacia: sed solus homo inter animalia, cum hic solus sit rationalis ac a natura insiti dictaminis ductu, ex *propria electione* feratur in id, ad quod inclinatur.

48. IV. Quod vero ne *materialiter* quidem jus nat. *legale* commune sit brutis & homini, præter jam dicta, patet ex eo. Quia *materialiter* talis prædicatio legis cadit solum super illa entia, quæ sunt capacia eam transgredi, vel observare *formaliter*, & interim ob dispositionem intellectus, vel actus imperfectionem, aut ignorantiam probabilem exercent actus suos indeliberate: Porro bruta non sunt capacia *formali-*

maliter transgrediendi, vel observandi legem, ut per se patet: igitur nec *materialiter*. Quis enim prudens dixerit *lupum*, aut *passerculum* *materialiter* saltem peccare contra legem nat. si hic frumentum furetur, ille ovem alienam rapiat, vel hominem devoret? Alioqui cur non sit etiam dicendus lapis peccare *materialiter*, si de pariete avulsus super caput hominis decidat & id confringat? Ubi ergo non est intellectus, ibi nec cognitio *materialis*, vel *formalis*, hunc enim utraque supponit, hoc solo discrimine, quod illa ab impedito, hæc a non impedito procedat. Licet quoque dicamus bruta *uti jure suo*, si escam suæ speciei convenientem acquirant, pullos suos alant &c. Hæc tamen locutio non aliter a Prudentibus accipitur, quam quod *instinctu sensitivo* ducantur ad conservationem sui individui, & speciei, juxta *generalem* Divinæ sapientiæ ordinationem, unamquamque creaturam per media ei determinata ad suos fines conservantem.

49. V.) Contraria momenta quæ *Vinnius*, *Kees* & similes J&I adducunt, nihil probant. Non enim *primum*, quod actus brutorum complures sint ipsis & homini communes. Quia communio hæc est tantum *analogæ* & *similitudinariæ*, ex causa quod tam brutum quam homo sit quid sensitivum: Porro lex nat. sicut & omnis alia non fertur pro homine qua sensitivo: sed qua simul rationali, quod deest in bruto. Et hinc infantes, & perpetuo amentes non delinquant contra jus nat. quia hujus violatio, non ex *sensus* ductu: sed ex *rationis* usu æstimatur.

VI.) Nec efficacius est *secundum*, quod bruta saltem *materiali* & *sensitiva* cognitione attingant objectum, in quod feruntur, cujus cognitionis expertes sunt res inanimatæ. Nam contra est, quod materiali illa cognitione non attingant objectum *se libere submitiendo* legi: sed solum *necessario* agendo, alias possent mereri, vel demereri. Deinde, *materialis* actus procedens ab ente mere sensitivo diversus est ab actu materiali procedente ab homine, qui simul est sensitivum & rationale. Hic quippe saltem *physicæ* potest libere impedire actum *materialiter* malum; non item brutum, cum incapax si electionis. Ita, nisi passeres raperent alienum frumentum, & lupi oves aliaque animalia, omnes vel plerique eorum interirent: cui ergo bene imponitur illis ista obligatio *materialis*, cum natura eorum *physica* necessitate adstricta sit ad unum agendi modum?

VII.) Omnino autem elumbe est tertium Jstorum argumentum: quod bruta concrementur pro delicto bestialitatis cum homine exercitæ: igitur &c. Nihil enim rationabile inde sequitur, quia concrematio illa non fit in *pœnam bruti*: sed in *detestationem criminis* ab homine perpetrati, & ad horrorem incutiendum ceteris. Passeres quoque & lupi sæpe miferi conquiruntur ad mortem, non ob furta & rapinas *materialis*: sed ut homines subtrahant causas pauperiei & noxii: illi enim ne quidem *materialis* rapinæ vel furti rei sunt, ut liquet ex supra adductis.

§. V.

Unde probetur, quod Jus commune Romanum Juris nat. vocem sæpe abusive adhibeat?

50. **N**ostri quidem fori non est hic & nunc Jus commune Rom. interpretari: sed naturale exponere, quo tamen efficacius amoveatur erroris ansa, quæ haberi potest ex studio vel lectione Juris civilis Rom. ubi pleræque obligationes naturales asseruntur, cum tamen non sint; juvat paucis explicare.

I.) Jam deductum est a n. 46.) Justin. & Ulp. *pr. Inst. de J. N. G. & C.* & aliis loc. in definitione Juris nat. improprie locutos fuisse. Simili autem usus est dialecto Papin. in *L. scripto 7. ff. si tab. test. nulla* ubi ait: *Liberis communi voto naturæ parentum hereditatem deberi*, cum tamen in hoc casu, teste Guil. Grotio *de princ. J. N. c. 2. n. 1.* nullum quo ad hereditatem sit debitum naturale. Natura enim sola alimenta liberis provideri vult a parentibus, usque dum proles ea sibi ipsæ acquirant: ut autem iisdem hereditas relinquatur a suis Genitoribus, hoc iis non est a Jure nat. præceptum: sed mere permissum, tanquam paterno amoris valde conforme.

II.) Non raro Jsti Romani omne id, quod juri nat. non repugnat, juris esse nat. dixerunt, quem tamen loquendi modum melius alii *Reductivum*, alii *negativum* vocant apud Hug. Grot. *de J. B. l. 1. c. 1. n. 9.* Ita quippe in *l. sed etsi 25. §. consuluit 11. ff. de heredit. pet.* dicimur *ad remunerandum naturaliter obligari*, quod tamen omnino falsum est, si in sensu proprio obligationem hanc intelligamus. Si enim naturalis datur obligatio remunerandi, redonandi; jam non fuit liberalis & pura ac simplex donatio, muneratio: sed potius con-

contractus quidam onerosus inducens obligationem justitiæ commutativæ, uti fit in Empto-vendito, locato-conducto &c. Quod tamen proprie loquendo se ita non habet.

III.) Aliquando etiam *naturale* quid esse pronuntiatur; quod plerumque fieri solet, & jure Gentium impune fit, ut patet in his Juris civilis verbis, *l. in causâ 16. §. 4. ff. de minor. ibi: In pretio emptionis & venditionis licet naturaliter contrahentibus se decipere.* Quod ipsum repetitur in *L. Item si 22. ff. loc. ubi dicitur: Naturaliter concessum est invicem se circumscribere, seu decipere; cum tamen omnis deceptio jure nat. prohibita sit, & tanquam intrinsece turpis rectæ rationi repugnet.*

§1. IV.) Hunc etiam in modum alibi legitur: *Jus nostrum non patitur in paganis eundem & testato & intestato decessisse* (quod dictum Juris Romani est in sequente causali fundatum) *earumque rerum naturaliter inter se pugna est: testatus & intestatus.* *L. Jus nostrum 7. ff. de R. J.* Hæc tamen locutio non est vera; imo si probe perpendatur, videtur a quodam febricitante, si non omnino ineptiente Ethnico Jcto prolata, esse contra communem sanæ mentis sensum. *Naturalis* enim ratio neutiquam prohibet, ne quis ex parte bonorum suorum testatus, ex altera eorum intestatus decedat; alioqui, si id ex *naturali* ratione prohibitum foret & irritum, nedum in Imperio Rom. sed in universo mundo nullus hominum posset pro parte testatus, pro altera, intestatus mori, cum præcepta naturalia omnes homines obligent, & non solos Cives Romani Imperii. Verum ad hæc & similia aliter responderi nequit, quam Jus Romanum improprie & abusive adhibuisse juris naturalis mentionem. Qualia exempla innumera se offerent legenti Corpus Juris Civilis, & poterit quis facile induci in errorem obligationis naturalis, in illis casibus, ubi illa nulla est, & vicissim: nisi probe versatus fuerit in Jurisprudencia naturali.

ARTICULUS VI.

De proprietatibus Juris naturalis.

S U M M A R I U M.

§2. *Proprietates Juris nat. exponuntur.*

§3. &c. *Discrimen inter J. N. & positivum.*

55. *An lex nat. sit idem cum jure nat.*
 56. &c. *Explicatur mutabilitas juris nat.*
 60. *Item mutabilitas juris positivi.*
 61. *Licetne jure positivo, quod non licet nat.*
 62. &c. *An Epiikia admittenda in J. N.*
 64. &c. *Quid Juris circa legem nat. dubiam?*
 67. *Errores Protestantium circa dissamen.*
 68. *Eorum confutatio.*
 69. *An lex nat. transeat in positivam?*

§. I.

*Quæ sint proprietates Juris naturalis? quod sit discriminet
 inter jus nat. & positivum? ac num lex naturæ sit
 idem cum jure naturæ?*

52. I.) *Proprietates Juris nat. sex numerantur, scilicet unitas, uniformitas, universalitas, evidentia, excellentia, & immutabilitas quo ad substantiam.*

Unitas desumitur hic *ex fine* ad quem Jurisprudencia nat. dirigit. Etsi enim in quovis homine sint plura præcepta naturalia, ex omnibus tamen nonnisi unum resultat Jus nat. quatenus omnia præcepta hæc reducuntur ad unum principium, unum finem, unum naturæ Auctorem. II.) *Uniformitas* denotat eundem obligandi modum, quo Jus nat. omnes homines, & ubique obstringit. Nec enim ex varietate locorum variationem *intrinsicè ac se recipit*, ut leges humanæ: Neque etiam rationem propriam alicujus individui; sed naturam specificam, quæ eadem in omnibus, & ubique est, sequitur. Et hæc vera sunt quo ad principia universalialia, quamdiu status hominum, aliæque circumstantiæ non mutantur; alioqui mutari poterit obligatio naturalis, non secundum se quidem: bene tamen indirectè ac consequenter ad mutationem materiæ, de quo uberius infra tractabimus. III.) *Universalitas* in eo consistit, quod cum Jus nat. fundetur in ipsa rationali natura, obliget omnes, in quibus recta ratio est; & sub hoc respectu apud Jctos non raro confunditur cum *Jure Gentium*, auditque *commune omnium nationum*, uti legitur in *Can. 7. dist. 1.*

IV.) *Evidentia* Juris nat. dicitur eo sensu, quod *invincibiliter* ignorari saltem per longum tempus, & ex toto nequeat, puta, quo ad *principia prima*, &c. V.) *Excellentiæ* pro-

Proprietas Juri huic tribuitur ex eo, quod excellat inter omnes alias leges, cum earum sit norma. Si enim ab hac æquitatis regula Jus positivum deflectat, legis nomen non meretur. Proprietates hæc ita succincte hic & nunc adductæ sunt, ut exponantur in seqq. quæstionibus.

33. Quod autem attinet ad *discrimen inter Jus nat. & positivum*; id fundatur primo, in causa efficiente. Jus enim hoc DEUM ut *Auctorem nature*, positivum vero aut hominem, aut DEUM, sub alio tamen respectu pro fonte agnoscit, secundo, in causa materiali: quod obligatio Juris nat. oriatur a *natura objecti*, indeque se diffundat in præceptum. Hinc etiam dici consuevit, ea quæ sunt Juris nat. *prohibita esse quia mala*, & non ideo mala esse, quia prohibita, similiter: præcipi bona ut fiant, quia *neccessario bona sunt in se*; & non ideo bona quia præcepta. A contrario obligatio juris positivi oritur præcise a præcepto & voluntate præcipientis, indeque derivatur in objectum. Atque ideo de iis, quæ jurispositivi, dicitur ea esse mala quia prohibita, & non ideo prohibita, quasi in se essent mala. Similiter: bona necessaria esse ut fiant, quia imperata, & non ideo imperata, quasi de se bona necessaria essent. Et hac de causa merito Aristoteles 5. *Eth. c. 6.* ea esse juris positivi definit dicens: *quia a principio antequam lex statuatur, nihil refert, sic an aliter fiant, postquam vero lex est lata, refert*; quia videlicet eorum obligatio non oritur a natura rei præceptæ: sed a præcepto & voluntate non necessaria præcipientis. Unde autem dignoscendum sit, quod aliqua obligatio oriatur ex natura rei; decidetur Cap. seq. de princip. indicat.

34. Tertio) Differt in causa formali. Jus enim nat. sola DEI voluntate, ex hypothese liberæ creationis hominis constitutum, ac menti nostræ iudicium, nec voce, nec scriptura promulgatur: Jus autem positivum non cordibus imprimitur sed scripto datur, præconis voce publicatur, aut consuetudine vim legis habente per actus externos introducit.

Quarto) In causa finali. Finis enim nat. legis minus principalis est utilitas totius naturæ humanæ in se considerata, recta scilicet constitutio, & felicitas ejus naturalis, quam illius Author DEUS intendit, & sic legem fert, ut hæc recta constitutio procuretur & conservetur. Finis autem ultimus & principalis est DEUS ipse infinite perfectus, ob cujus perfectiones commendandas, uti omnis creatura, ita cum

primis recta constitutio rationalis Reipublicæ per leges naturales procuranda, a summa illa mente intenditur, ac dirigitur. Contra autem finis *positivæ* legis pro legum varietate varius est, & ex libera voluntate Legislatoris procedit. *Quinto*) Differt in *effectu*. Nam Jus nat. obligat omnes, qui naturali pollent ratione, & ita quidem, ut *in se* mutari nequeat. Secus *jus positivum*, quod non omnes: sed illos tantum obstringit, qui Legislatori sunt subiecti, nec ita constanter, quin mutari possit.

55. An autem *Lex nat. sit idem cum Jure naturæ*? liquet jam ex n. 13.) non semper hæc esse convertibilia, ut unum de altero affirmari possit, sed distinguere *secundum quid*, tanquam speciem a suo genere, imo tanquam hominem verum ab homine picto. Constat enim Jus nat. genericè sumptum posse intelligi improprie, pro *mera exigentia* naturali, vel pro *instinctu naturæ* sensitivæ, qui communis est brutis & hominibus: aut demum pro *inclinatione ad bonum & malum morale*, secundum aut contra naturam rationalem. Et solum *tertio* hoc respectu sumptum jus nat. est idem ac *lex naturalis*: *jus naturale legale*: *jus nat. propriè*, quod accipitur pro omnibus & singulis præceptis naturalibus homini impositis. Consequens autem est, ut ab aliter intellecto *jure nat.* distinguatur *lex nat.* nec sit idem cum illo.

§. I I.

An præcepta Juris naturalis sint mutabilia?

56. **P**Ræcepta nat. secundum se formaliter & propriè, manente eadem materia & circumstantiis nulla prorsus auctoritate sunt mutabilia. *Ratio est* I.) Quia jus nat. si consideretur prout est *in DEO*, non dependet ab ipsius arbitrio, cum versetur circa ea, quæ habent intrinsecam bonitatem moralem, vel malitiam. Itaque sicut essentias rerum, ita jus nat. manente natura rationali cum usu rationis & libertatis DEUS mutare nequit. Alioqui illud intrinsece mutando negaret seipsum, quia negaret sibi deberi cultum & amorem, imo & affirmaret se odio & aversione dignum hoc ipso, quod præcepta *primæ* Decalogi tabulæ tanquam prima naturæ principia immutaret. II.) Tanto minus potest immutari *jus hoc*, quatenus consideratur *in homine*. Quia est intrinseca proprietas fluens ex natura rationali, quam cum homo immutare

tare nequeat, neque illam poterit. III.) Demum, sicut res *intrinsece mala* nunquam potest desinere esse mala, ita non potest desinere lex negativa illam prohibens, & affirmativa actum de se honestum præcipiens, cujus omissio tunc dum actus necessario alias ponendus esset, semper est mala. Ex quibus etiam sequitur non posse vel ab ipso DEO *abrogari* legem nat. prout nec locum dari *dispensationi directe*: bene tamen *indirecte*, scilicet mutatis circumstantiis, si hæc mutari possint.

57. Possent quidem hic opponi, quod juxta n. 26.) omne malum morale formalem suam malitiam desumat ab intrinseca voluntate prohibentis DEI: igitur sublata prohibitione hac tanquam Auctoris naturæ & Juris naturæ, præceptorum negativorum transgressiones non amplius sunt futura mala formaliter. Sed contra est, quod sit mensura hoc casu malitia actionis *radicalis* proveniens ex innata inconvenientia ejus cum natura rationali, qualis sufficit ad id, ut actus sit *ex se* immutabiliter turpis. Hujus sententiæ est lex Justinianæ §. 11. *Inst. de J. N. G. & C.* dicens; *Sed naturalia quidem jura, quæ apud omnes Gentes peræque observantur, Divina quadam providentia constituta semper firma, atque immutabilia permanent.* Atque asserta hæc decisio procedit nedum quo ad *prima & generalia principia*, seu syndereses: *bonum faciendum: malum fugiendum &c.* sed etiam quo ad particularia, & ex primis illis per evidentem, vel moraliter certam illationem deducta, scilicet: *non blasphemandum: non mentiendum &c.* Par enim est ratio: & ex vero non sequitur nisi verum.

58. Illa tamen præcepta naturalia pleraque improprie, *indirecte*, & *secundum materiam* solam immutari possunt potestate etiam humana, quoties materia præcepti naturalis subest eidem. Quia legem nat. improprie mutari nil aliud est, quam circumstantias ita variari, ut materia non amplius sub lege, & Legislatoris intentione contineatur: Porro quando materia Juris nat. pendet a potestate humana, hæc circumstantia ita variari potest, ut materia non amplius maneat sub lege nat. & Legislatoris intentione, e. g. *Si Juxta rescindat contractum: irritet promissionem ob justam causam &c.*

Ratio præterea hujus est, quia eo casu, quo materia Juris nat. humanæ dispositioni subest, non habet obligationem absolutam: sed solum *limitatam*: quousque scilicet legitima potestas aliud non statuatur, aut donec eventus circum-

stan-

stantias mutet. Si igitur ex post facto humana potestas aliud statuatur &c. Jus nat. desinet obligare. Ita enim votum libere nuncupatum DEO, licet naturali jure voventem obstringat (cum æque conveniens sit DEO, ac homini datam fidem servare) tamen humana potestate ex justa causa relaxari vel commutari potest. Quia votum non obligat nisi dependenter a voluntate voventis, igitur materia voti subiecta est potestati humanæ, cum ipsa voluntas hominis, a qua substantia voti provenit, eidem subiecta sit. Itaque quia votum *non absolute* obligat: sed solum *limitate*, quamdiu nempe Superior propter justam causam voventem voluerit esse obligatum, illud relaxari a Superiore potest, quin jus nat. *formaliter* immutetur. Idem in *iuramento* promissorio locum habere experientia testis est, pariter ac de omnibus obligationibus ortis ex pacto vel contractu, hæ enim auctoritate humana tolli vel minui possunt. Quia *tacitam* conditionem annexam habent, si Superior non immutaverit, vel &c.

Dum igitur contractus cum Pupillo, Minore, prodigo &c. celebratus jure civili pronuntiatur irritus, non jus nat. *formaliter* mutatur: sed materia, seu promissio mutatis circumstantiis juri naturali subtrahitur, utpote quæ illi non absolute subiacebat: sed pro illa tantum circumstantia, ubi a superiore non fuerit ex justa causa irrita. &c.

59. Vinculum quoque Matrimonii *rati* nondum consummati a S. Pontifice dissolvi potest sine immutatione formalis juris nat. Quia matrimonii vinculum divina quidem ordinatione, prævia tamen mutua Conjugum voluntate & conventionione inducitur: Igitur Lex nat. de tenenda individua vitæ consuetudine, habet pro materia promissionem humanam, & hoc ipso dispositioni Ecclesiasticæ subiectam: si ergo S. Pontifex promissionem irritet, tollitur vinculum matrimonii *rati*. Nec tamen infringitur jus nat. utpote quod obligare desinit in illa circumstantia, quando promissio & conventio de perpetua cohabitatione ex justa causa irrita fuisse supponitur.

Quæ omnia magis adhuc locum habent in DEO, quando materia præcepti subest potestati illius. Hac enim ratione DEUS potuit contra 5. Decalogi præceptum, *non occides*, præcipere Abrahamo *Gen. 1.* ut Filium Isaacum sibi immolaret. Quia occisio innocentis tamdiu est mala intrinsece, quamdiu est injusta atque adeo mala, etiam in-

no-

nocenti: Atqui si DEUS totius creaturæ Dominus, ad ostendendam absolutissimi dominii sui magnificentiam jubeat innocentem occidi, occisio non est injusta, ac proin nullo modo mala innocenti: sed potius bona, quia auctoritate illius peracta, qui potest malum apparens in verum bonum commutare. Alioqui mors Martyrum propter DEUM tolerata esset mala Martyribus, quod absit. Quod si autem hæc licet ex parte Tyranni & causæ physice injusta fuerit, adhuc tamen justissima est ex parte causæ moralis, quatenus pro DEO & ejus sancta Fide, aut pro virtute occisi sunt: indeque mors hæc illis uti vere est gloriosa, ita minime mala. Tanto minus ullo modo mala fuisset Isaac, aut cuivis alteri, qui ex directo DEI mandato adejus Gloriæ magnificentiam ostendendam innocens occideretur; nil obstant quod extra talem casum directa innocentis occisio jure naturalis prohibita. Inde autem alia exempla ita mutatæ materię jure naturali præceptæ facile colligi possunt, ex quibus lex nat. limitata infertur.

§. III.

Quæ sit diversitas inter variationem, quæ fit in jure nat. & inter eam, quæ fit in jure positivo?

60. **M**utationum hujusmodi hoc discrimen est, quod variatio eorum, quæ fiunt jure nat. non eveniat propter variationem aut mutationem intrinsecam ipsius legis nat. sed tantum propter adventum novæ circumstantiæ, quæ extrahit objectum e numero eorum, quæ lege nat. comprehendebantur, & sic definit obligatio naturalis, quin lex nat. in se mutetur. Neque enim unquam de jure nat. fuit, ut v. g. ensis depositus reddatur furioso, eum ratione sui dominii repetere volenti, quin potius contrarium semper jure nat. præcipiat. Inde fit, ut generaliter verum sit, id quod est de jure nat. ad suam substantiam, & quamdiu non mutatur materia præcepti, ubique & semper eandem vim habere, ut definit Aristot. 5. Ethic. c. 7.

Variatio autem eorum, quæ sunt de jure positivo evenire potest non solum facta variatione ex parte objecti (ut si is, qui die veneris a carnibus abstinere tenebatur, in febrim incidat) sed etiam facta variatione & mutatione in ipsa lege, eam abrogando omnino, aut in ea dispensando, eo quod obli-

obligatio illius non ex natura objecti; sed ex voluntate pendeat Legislatoris. Merito proin Aristoteles *l. c.* ea quæ juris sunt positivi, *mensuris vini & tritici* similia esse asseruit, quia sicut hæc pro arbitrio hominum nunc majores nunc minores fieri, & mutari possunt, ita illa, quæ a jure positivo dependent. Et D. Th. *quodlibet. 9. a. 15.* ait: *Sunt quedam actiones, quæ absolute considerata deformitatem, vel inordinationem quandam important, quæ tamen aliquibus circumstantiis advenientibus bonæ efficiuntur, sicut occidere hominem, vel percutere &c.*

61. Sed petes: *quomodo jus positivum efficere possit, ut quid liceat contra jus naturæ?* Resolutio quæstionis hujus facile colligitur ex jam dictis. Quod scilicet jus positivum nunquam efficere queat, ut aliquid liceat *contra jus naturæ*: sed solum, ut liceat *præter jus nat.* Id vero facere potest & solet, apponendo, vel adimendo aliquam circumstantiam ex parte objecti, qua id esse desinat sub obligatione juris nat. mansurum alias sub illa, si circumstantia hæc abesset. Patet id in *Præscriptione*; qua ei, qui bona fide possedit aliquid alienum toto tempore requisito, fas est transacto hoc tempore retinere illud, licet resciat fuisse alienum. Quod tamen seclusa lege præscriptionis esset contra jus nat. quia tunc retentio rei alienæ foret *rationabiliter invito Domino*, qualis non fit præscriptione debite completa.

Atque ita intelligendus est Ulpianus in *l. jus civile, ff. de J. N. & G.* dicens, *cum aliquid addimus, vel detrahimus juri communi NATURALI scilicet & Gentium, jus civile efficiamus*, nempe jus civile effici secundum eam particularem determinationem, quæ ob adjectam novam circumstantiam immutavit materiam juris nat. Hinc exemplum adducit Aristoteles 5. *Ethic. c. 7.* in hunc sensum loquens: De jure nat. est DEUM coli debere: sed indeterminate, hoc vel illo modo; quod vero hoc, vel alio sacrificio in particulari colatur, id non est de jure nat. sed ex arbitrio hominum pendet: Quare statuere capram Diis, & non duas oves mactare, non ad jus nat. sed ad positivum civile spectat. Eodem modo determinatio Sacrificiorum Mistæ in nova lege, ad jus *divinum positivum* pertinet. Item est de jure nat. malefactorem coerceri debere, hoc autem an alio modo coerceatur, ad jus humanum spectat. Addit ergo vel detrahit jus humanum juri nat. dum adimit, vel addit circumstantiam materiæ hujus legis.

§. IV.

*An Jus nat. capax sit interpretationis, vel equi
bonique & Epiikia?*

62. I.) **E**piikiam proprie dictam ne quidem divinam lex nat. admittere potest. Nam *Epiikia propria* ac vera est, qua non precise interpretamur; sed emendamus legem, atque *casum clara lege comprehensum*, ex *benigna interpretatione mentis Legislatoris a lege excipimus*. Talis porro emendatio non potest dari in naturalibus præceptis, quia hæc posita sunt tanquam necessario convenientia, vel disconvenientia rectæ rationi, suntque principia vel immediate nota, vel propositiones necessariae, vel ex principiis naturalibus deductæ: igitur in nullo individuo possunt deficere, ita ut obligare desinant non mutatis objecti circumstantiis. Ac proin nec emendationem admittunt. Quo fit, ut in præcepto v. g. de *non mentiendo: non peierando &c.* æquo & bono non sit locus, cum horum disconvenientia nunquam desinat, & nulla dari possit circumstantia, quæ mutet materiam.

63. II.) In aliquibus tamen naturalibus præceptis admittitur *Epiikia impropria*, ac interpretatio etiam mere humana. Quia aliqua præcepta etiam *negativa* non semper & absolute, sed *limitate* solum obligant, ut est præceptum *non occides*, id quippe obligat tantum ne *auctoritate privata*, & modo *mere aggressivo injuste* occidamus. Pari ratione æsalienum solvere jure nat. jubemur, nisi ipsi extremam, vel gravem necessitatem passi fame emori, aut grave aliud periculum subire deberemus, tunc enim *primo casu* redibit saltem quo ad usum primæva bonorum communio, altero autem saltem differri solutio poterit, non obstante quod creditor sit invitus.

III.) Ex ita decisa questione colligere pronum est, quod jus nat. admittat interpretationem, non item *Epiikiam propriam*. Porro id discriminis est inter has: quod *Epiikia* sit opinio qua judicamus, quod licet verba præcepti sint clare obligativa, voluntas tamen Legislatoris sit, ut in circumstantiis certis subditus non obligetur. Et hæc *Epiikia* alio nomine audit *interpretatio legis restrictiva: exceptio a lege manifesta &c.* Hinc *Epiikia propria*, qualis datur in lege humana, dicitur licite aliquid agere contra *verba clara*. Contra autem *interpretatio exponit verba obscura & dubia*, ex aliis prin-

principiis limitationem, aut declarationem admittentia. Prædictam Epiikiam *Aristoteles* vocat prudentem legis scriptæ moderatricem, teste *Suar. de LL. l. 1. c. 2. n. 10.*

§. V.

Quid Juris sit circa legem nat. dubiam?

64. I.) Propositæ quæstionis vis in eo sita est; quem in modum sibi consulere possit, vel debeat ille, qui de *existentia legis nat. dubitat*, an hic vel ille actus sit jure nat. prohibitus, necne? cui resolvendæ.

Premittendum est, quod *dubium formale* in abstracto spectatum sit *suspensio judicii sive assensus absoluti circa utramque partem contradictionis ab intellectu apprehensam*, orta vel ex defectu sufficientium, vel ex æqualitate utrinque pugnantium rationum. Aliud proin est *pure negativum*, quod oritur ex omnimodo defectu rationum pro una & altera parte, v. g. si dubites, an *stellæ sint numero pares?* & dicitur potius *nescientia*. Aliud *non pure negativum*, quando pro neutra quidem contradictionis parte adest ulla ratio gravis, non defunt tamen pro utraque æqualiter mediocres, ita ut saltem sufficiant ad prudenter dubitandum. *Positivum* est, quod oritur ex rationibus invicem contrariis pro utraque parte vere probabilibus, ac de se sufficientibus ad prudentem assensum, vel dissentium, saltem si non simul concurrerent. Potest autem esse vel *speculativum*, vel *practicum*. Illud versatur circa rem in genere, abstrahendo interim ab ipsa actione, v. g. si dubites: *an licet in silva aliena venari?* Istud autem circa rem in particulari: ut si dubites an jure nat. spectato liceat hic & nunc proxime & immediate glande plumbea *trahere cer-vum in silva aliena eumque asportare*. Demum aliud est *dubium Juris*, aliud *Facti*. Prius est *de lege, dominio, valore*, seu *honestate alicujus actionis*, puta, an lex aliqua obliget, vel non? an *dominium mihi competat?* an *actus valeat?* &c. *Facti* *dubium* versatur circa factum, v. g. an ego *con-senserim?* an *Sejus occiderit Titium* &c. His præactis facilius sequi potest decisio.

65. II.) Stante igitur dubio *strictè practico*, seu eo non de-posito, semper *tutus est eligendum*. Quia operans cum dubio practico non ægeret ex fide; sed cum virtuali contem-ptu legis. Nam ille æquivalenter ita est in animo suo con-stitutus, ac si diceret: *sive hoc sit, sive non sit prohibitum ab*

Au-

Auctore naturæ, nihilominus facio. Hinc dubius an lex v. g. prohibens existat, tenetur veritatem indagare, & interim actionem suspendere, vel quod tutius eligere, & legem dubiam observare, quia alias laboraret ignorantia vincibili, saltem æquivalenter, ac proin committeret se periculo proximo peccandi, quod prohibet lex naturalis. Et hæc sunt plana.

66. III.) Sed quid juris est, si sufficienti inquisitione facta dubium speculativum de existentia legis obligantis vinci non possit ab eo, qui vellet practice exercere actum, de quo speculative hucusque dubitavit? An dubium hoc prudenter deponet se practice, resolvendo ad operandum, ex hac ratione, quod post diligentem inquisitionem, nec sibi constet quod existat, neque etiam quod non existat lex illa; verbo: quia ignorat obligationem hujusmodi? An vero teneatur se potius gerere etiam hoc casu, tanquam in dubio simpliciter non deposito, sequendo partem tutiorem, & observando legem dubie existentem?

In decidenda questione hac in utramque partem disputant T. T. & Naturalistæ quorum neutri opinioni hic & nunc patrocinaur, verum sistendo præcise in jure nat. ac abstrahendo a lege positiva (de qua alibi distincto opere *Erotem. theorico-practic. 5. a f. 30.* tractavimus) id solum hic statuere nostrum est, quod jure nat. spectato, in casibus practice dubiis connexis cum gravi animæ periculo, ac a nostra electione libera & judicio dependentibus, debeamus eam partem eligere, quæ verisimile peccati periculum certo excludat. Ita naturalem hanc obligationem intimante divino eloquio *Eccl. 3. v. 27. Qui amat periculum in illo peribit.* Cum autem lex divina hæc juxta n. 35.) sit regula remota ac obliqua honestatis actus, necesse est, ut ad sit regula proxima ac immediata ejusdem, quæ voluntati nostræ, utpote potentia cœcæ, neque obligationem legis divinæ per se ipsam percipere valenti repræsentet, quidnam lege nat. vel divina sit præceptum, vel prohibitum. Porro hæc regula nequit esse alia, quam dictamen conscientia prædicum & ultimum, quo operans certus sit de bonitate actionis ejusque honestate, vel saltem licentia, ac ita convictus, ut non possit hic & nunc admittere prudentem formidinem de opposito. Ita enim caute procedens aget jam *ex fide*, nam in amovendo peccandi periculo egit, quantum in se erat, neque jus naturale ad plus obligat.

67. Circa hoc tamen conscientia dictamen in extrema
in via

in via abierunt Protestantium Naturalistæ. Et quidem Hobbesius de *Cive*, c. 12. a. 1. & c. 14. a. 1. non tantum conscientiam nostram tanquam *normam* actus honesti *proximam*: sed etiam divinam ordinationem excludit, solam humani Principis voluntatem pro regula boni & mali, iusti ac iniusti adstruens. Puffendorpius de J. N. & G. l. 1. c. 3. §. 4. omne dictamen conscientie nostræ rejicit, dicens: *probe notandum, conscientie nullo alio respectu circa dirigendas hominis actiones locum aliquem tribui, quam quatenus cognitione legis imbuta est.* Unde juxta hunc Naturalistam sine ulla limitatione docentem, & excludentem *omne dictamen*, ille, qui scit dari legem v. g. humanam: sed eam hic & nunc implere *physice* non potest, adhuc formaliter delinquit, quia *cognitione legis mens ejus imbuta est*, & dictamen facere prohibetur. Heineccius in *Elem. J. N. & G. l. 1. c. 2. §. 40. fin.* asserit, in dubiis resolvendis absolute non posse nos sequi aliorum sententias, nisi dictamen *metaphysice* certum habeamus. Pro confirmatione moralis suæ, ex Montaltii literis provincialibus, Parisiis ad rogam damnatis, & ab Ecclesia jam olim, & nunc iterum A. 1761. reprobatis, ac Romæ infami pyra additis transcriptæ, adducit rationem: Quia Apostolus nos aliorum sententiæ in re tanti momenti stare prohibet, dum inculcat præceptum, Rom. XIV. v. 5. *Unusquisque in suo sensu plane certus esto.* Inde concludit ibid. c. 3. §. 92. *in not.* quod in moralibus circa licentiam actionis, neque bonum, neque melius: sed *necessario* quod *optimum* est, eligendum sit; & quidem juxta proprium uniuscujusque arbitrium, exclusa omni auctoritate etiam sanctissimorum virorum.

Sed compatiendum est huic Scriptori, qui falsi poenas non metuens, etiam Gentium Apostolo infamem hanc stropham affingere non erubuit. Sanctus enim Doctor iste *loc. cit.* nempe ad Rom. XIV. v. 5. non illa, quæ Auctor falso citavit: sed hæc sola verba habet: *Unusquisque in suo sensu abundet.* In toto autem opere Epistolarum D. Pauli nullibi reperitur vox hæc: *plane*. Imo 1. ad Thessal. c. 5. v. 21. manifeste dicit; *Omnia autem probate: quod BONUM est tenete*, hinc non obligat ad *optimum*, nec semper ad *melius*, præterquam in amplectenda Fide, quæ cum una sit vera, eaque sola Catholica & Apostolico-Romana, gradum comparativum, & superlativum, pariter ac existentia unius DEI, & unius Baptismi, excludit. Quod etiam locum habet, ubi de injuria tertii, vel valore Sacramenti agitur, ac quoties prou-
dens

dens periculum salutis æternæ immineret, tunc melius; seu tutius eligendum. Viderint Orthodoxi Auctorum Acathe-
licorum circa materiam *moralem* tractantium lectores, quor-
sum se præcipitent, si eorum Institutiones sive Elementa de
jure nat. & similia hujusmodi legant?

68. Prout autem adducta Protestantium Moralistarum mo-
menta veritati dissona sunt, ita approbationem meretur com-
munis recte sentientium doctrina fundata in verbis D. Pauli,
Rom. 14. c. 1. *Omne quod non est fide, peccatum est.* Dog-
ma vero hoc non plus ad licentiam actionis requirit, quam
dictamen conscientię practicum de honestate agendorum,
ac omittendorum, ac proin non requirit certitudinem sum-
mam, & absolute infallibilem, ita ut hæc sufficiat etiam
moralis. Metaphysice enim ac summe certi sumus de fidei
articulis a DEO revelatis; contra vero in naturalibus, si
prima ac generalia principia, cum paucis quæ ex illis evi-
denter concluduntur, excipias, certi esse non possumus, pro-
pter defectum infallibilitatis & certitudinis summæ.

Docet quippe experientia, quod Diæcesani suo Ordinario,
Parochiani Curioni, Pœnitentes Confessario prudenti in
suis dubiis acquiescant; varii quoque Clientes & Litigan-
tes in causis perplexis persistant in Responsis Jstorum, &
Facultatum Juridicarum, formantes dictamina practica pro
resolutione suæ conscientię: Et tamen sicut illa omnia con-
silia ac responsa, ita & iis conformata Clientulorum alio-
rumque dictamina non sunt metaphysice certa, ut per se
patet.

Sufficit igitur dictamen *moraliter certum*, seu tale judi-
cium de licentia & honestate actionis, aut ejus omissionis;
quod *omnibus rite consideratis* ita certum faciat operantem,
ut hic prudenter nihil metuat, ne actio, vel ejus ommissio
legi naturali adversetur. Quod si forte adhuc vel decisio hæc
cuiquam non arrideat, vel *prudens hereat dubium* de oppo-
sito, optimum illi suggerit consilium naturalis & Divini
juris interpretæ Apostolus 1. Philipp. 10. monens pro hoc ca-
su: *Probetis potiora, ut sitis sinceri & sine OFFENSA in*
diem Christi: Eligat igitur eam partem, quæ etiam umbram
periculi offensæ removet, alioqui operabitur contra propriam
conscientiam, sive recte, sive erronee sibi contrarium pra-
ctice distantem.

§. VI.

*An Lex nat. quo ad conclusiones particulares dubia
transseat in materiam Legis positivæ?*

69. **F**uit non nemo, qui id negavit in suis lucubrationibus theologicis de *Aff. hum.* Sed certum est, eam transire in materiam legis positivæ, idque non solum Ecclesiasticæ: sed etiam (*saltem regulariter*) Civilis. Et quidem de Ecclesiasticis facile quivis concedet, cui Jus canonicum vel a longe innotuit. Quid enim aliud volunt illæ Eruditorum disputationes ab Ecclesia decisæ circa Matrimonium *ratum* nondum consummatum: professionem religiosam patientem dispensationem S. Pontificis ex conveniente causa: reconciliationem sui cum DEO *instantaneam* post admissum crimen; impedimentum matrimonii proveniens ex impotentia perpetua quidem: sed tantum *respectiva*, intuitu scilicet hujus solius conjugis, non item aliarum feminarum &c.? Quo ad leges quoque Civiles ambigi non potest. Quia hæc innumeræ sunt, quæ dubias obligationes naturales decidunt, uti liquet ex *tot. tit. ff. de. O. & A. tit. de pact. tit. de empt. vend.* aliisque similibus. Idque merito factum est, quia non ad Ecclesiasticum tantum: sed etiam Civilium causarum Judicem spectat decidere casum dubiæ obligationis cujusvisque, in materia adiaphora occurrentis, ne justitia maneat in suspenso.

Nec refert, quod Lex nat. etiam dubia sit adhuc divina: non enim inde sequitur, quod ejus interpretatio ad solum naturæ Auctorem, vel Christi Vicarium aut ejus Ecclesiam spectet. Nam etiam Decalogi præcepta alioqui certissima sunt Lex divina & naturalis, quin tamen ideo excludant Judicis Laici interpretationem eo casu, quo delictum aliquod non satis manifeste probatur, contra aliquod Decalogi & naturale præceptum fuisse perpetratum, & dubia obligatio manet. Quod uberius constare potest ex *Carolin. ordin. crim.* Ubi casus illi, qui maximam Judicibus difficultatem, circa obligationes restitutionum, ex variis criminibus provenientium afferebant, a justissimo & sapientissimo Imperatore decisæ & complanatæ sunt, vimque Juris communis in Imperio Romano habent.

Dixi tamen: *saltem regulariter*. Quia aliquæ sunt causæ privile-

vile-

vilegiatæ, circa simoniam, hæresim, causas matrimonialæ
quo ad valorem contractus, & similes aliæ, quæ cum ad Ju-
dicem Ecclesiasticum privative pertineant, Magistratus Lati-
cus non se in eas intromittit.

ARTICULUS V.

De objecto, seu materia Legis naturalis:

S U M M A R I U M.

70. Quæ sit causa efficiens legis nat.?
71. Quale objectum legis ejusdem?
72. An etiam omne rationi consentaneum?
73. Et an omnes virtutes?
74. Imo & an omne honestum, decorum?
75. &c. Justum, æquum quid denotent?
77. &c. Actiones internæ an sint objectum J. N.
79. Ratio connexionis hujus articuli cum seqq.

70. Ex adducta n. 14.) Juris nat. definitione patet jam
causam efficientem legis naturalis esse DEUM naturæ Aucto-
rem, ejusque voluntatem homini per di tamen rationis na-
turale intimatam. Formalem autem intrinsecam consistere
partim in ipso habitu, vi cujus ex sua natura capax est ho-
mo discernere bonum a malo: partim in actu, seu actuali
interna promulgatione voluntatis divinæ, tanquam legis nat.
qua ille in certis circumstantiis hic & nunc practice admo-
netur, quid sibi necessario fugiendum, prosequendumve sit.
Causa verò extrinsecâ consistit in conformitate principiorum
cum lege DEI; tanquam norma universali, per quam na-
turæ congrua, vel dissona sunt formaliter honesta, vel in-
honestâ; justa, vel injusta. Quæ conformitas dicitur etiam
applicatio legis naturalis facta per dictamen conscientiæ pra-
cticum de iis, quæ hic & nunc in particulari agenda, vel
omitenda sunt: Ex eadem descriptione liquet etiam ad ob-
jectum, seu causam materiale juris nat. pertinere, quid-
quid rectæ rationi consentaneum vel dissentaneum est. Quia
autem multa sunt eidem consentanea, v. g. largitio ele-
mosynæ pauperi triviali, neque in extrema, nec in valde gra-
vi necessitate constituto &c. quin tamen semper sint mate-
ria juris nat. necessario præcipientis. Hanc ob causam conve-
nientia hæc materiæ fusius examinanda est.

§. I.

Quale sit objectum materiale legis nat. seu circa quid illa versetur?

71. I.) IN comperto est, legem nat. versari circa principia morum *prima generalia*, ac per se nota, qualia sunt: *Bonum faciendum: malum fugiendum: Quod tibi non vis, alteri ne feceris.* Item circa principia non ita quidem generalia: sed *specificia*, nihilominus per se etiam nota, qualia sunt: *DEUS colendus: Iustitia servanda: Nemo sine causa ledendus.* Ad hæc enim singula natura immediate inclinatur, adeo ut absque ratiocinatione, ex ipsa veluti profluant.

II. Eadem lex nat. versatur quoque circa conclusiones ex primis principiis moralitatis evidenter aut certo deductas, seu circa *omnia præcepta moralia*, quæ fundant *bonestatem* moribus necessariam, sive dein proxime, sive remote inferantur ex primis principiis. Horum aliqua facilius: ut *adulterium, furtum, blasphemia*, aliaque Decalogo prohibita, vel præcepta: alia difficilius eruuntur, uti sunt præcepta *negativa* de vitandis usuris, de duello, vindicta privata. Item præcepta *positiva* de servandis promissis, de eleemossyna &c. Ratio horum omnium est, quia hæc ipsa evidens connexio est convenientia cum natura rationali, & veluti necessitas, qua ejusmodi scita ex ipsa natura & a DEO, ut Auctore naturæ, mediante ratiocinatione eruuntur, eo quod tendant ad eundem finem cum suis principiis, debitam nempe conservationem, & felicitatem naturæ humanæ. Cum igitur principii veritas contineatur in conclusione, hoc ipso qui unum præcipit, vel prohibet, necessario quoque præcipit, vel prohibet in illo contenta, & per evidentem vel certam illationem deducta.

72. III.) Major autem hac in parte difficultas est: *An juris nat. objectum sint ea quoque, quæ quomodocunque sunt rationi consentanea, vel dissentanea?* Et sunt non pauci, qui putent affirmative respondendum, eo quod illorum iudicio, *honestum non distinguatur a iusto*: ac proin omne rationi consentaneum & honestum esse jure nat. præceptum autnunt, sicut præcipitur iustum. Ita enim veteres Philosophi sensisse perhibentur: *honestum est id, quod ultimo fini, seu summo bono obtinendo idoneum est.*

IV.)

IV.) Verum *negativa* certa est responsio. Quia id omne & solum est objectum juris nat. quod rationi *non quomodo-cumque*: sed *simpliciter ac absolute* est consentaneum, vel dissentaneum, id est, quod ad finem seu felicitatem naturæ rationali debitam ita est requisitum, ut *fundet necessitatem in natura*, vi cuius non possit non esse prohibitum vel præceptum, aut saltem permissum. Quo fit, ut Jus nat. tantum dirigat homines, quatenus sunt creaturæ rationales, tenduntque ad felicitatem naturæ rationali ita propriam & necessariam, ut sine hac humanum genus foret *positive* (puta, negatis officiis perfectis erga Deum, se ipsum, & proximum) vel saltem *negative* (per neglecta inquam imperfecta officia) defectuosum, & male constitutum. Ratio est, quia augmentum felicitatis, quod esset ex observantia objectorum aliter, quam *necessario* rectæ rationi convenientium, vel disconvenientium, naturæ Auctor reliquit juri positivo tum suo, tum Gentium, & Civili, ne præceptis propemodum infinitis genus humanum gravaret, naturamque ipsam confunderet; ut tradit D. Th. 1. 2. q. 91. a. 2. & 4. tum q. 95. a. 2.

Ex honesti definitione ab Ethnicis derivata male argumentatur contraria opinio. Non enim omne *idoneum* est simpliciter necessarium. Ita quippe famelico delicatiores cibi sunt *idonei* ad finem satiandæ famis, non tamen sunt necessarii, cum per ordinarios etiam finis ille obtineri possit. Philosophi igitur illi sano sensu intelligendi sunt loqui de idoneitate *necessaria*, non item de *pure conveniente*.

73. V.) Hæc ita decisa sufficient ad alteram priori similem quæstionem: An scilicet *materia legis nat. præter universalis*, & ex illis *evidenter*, aut certo *deducta specifica ac particularia præcepta*, extendi debeat ad alia objecta, & virtutes?

Et licet nonnulli etiam ad hoc quæsitum affirmative respondendant, communis tamen est sententia *negativa* locans, quod præter principia generalia, superius adducta, & ea, quæ ex his evidente necessitate, aut saltem certo deducuntur, non se extendat Jus nat. Quia multiplicarentur præcepta naturalia sine certo & evidente fundamento. Et alias nulla darentur bona opera *meri consilii*, uti est calibatus, virginitas, eleemosyna extra extremam & gravem necessitatem, vel positivum præceptum.

74. VI.) Acriter adhuc disceptatur inter Naturalistas; An omne decorum, honestum, justum, & æquum sit *materia legis naturalis præcipientis*?

Disceptationem tamen hujusmodi dirimere possunt ea, quæ jam a n. 71.) attulimus. Ac proin principia *bonestæ, justæ, decori, & æqui*, quæ ad regulanda officia Juris nat. Doctores passim naturali Jurisprudentiæ associant, non aliter intelligenda sunt; nisi quatenus in naturæ debito necessario supra explicato fundantur, alioquin naturales obligationes arbitrarie confunderentur cum obligationibus positivi juris, pariter ac cum actibus meræ *decentiæ, & consilii*, qui nec in jure positivo cadunt sub præceptum. Tanto minus debent esse objectum immediatum Juris nat. Cum hoc circa ea solum versetur, quibus non præceptis vel non prohibitis genus humanum in se & *intrinsece* male foret constitutum in ordine morali, cum dedecore supremi & perfectissimi naturæ Gubernatoris DEI O. M. qui alias creaturæ suæ rationali non satis providisset de mediis naturaliter necessariis ad obtinendum finem ei præfixum.

75. Quia vero plerisque Naturalistis hæc vel maxime voces, *justum, æquum*: ansam disputandi, & etiam non paucis halucinandi occasionem præbuerunt, justum est ut rectum eorum conceptum exponamus. Ad quod intelligendum sciendum est, *æquum*, & quod idem est, *justum, bonumque*, tribus modis accipi. Primo generatim pro omni *justo naturali*, quod est rectum secundum naturalem rationem, quod nunquam deficit, si ratio non erret. Et hoc modo consideratum denotat idem ac legitimum, id est conforme, commensuratum, adæquatum legi naturali, tanquam normæ & regulæ omnis operationis humanæ; sive actus aut omissio ejus ita conformetur justitiæ naturali *universali ac legali*, sive *commutativæ & particulari* (de quibus videri possunt infra, quæ statuimus de officiis ex justis. *commut. Sect. 2. c. 4. art. 4.*) Juxta hanc primam acceptionem, teste D. Th. 2. 2. q. 58. ar. 5. æquum est, ut miles non deserat locum in acie, non fugiat, non arma abjiciat: Item ut non committat adulterium, non libidini vacet, ut non pulset alium, non occidat innocentem, non furetur, cæterasque virtutes morales exerceat, vitia fugiat, quæ justitiæ naturalis legalis seu universalis prohibet, sectetur autem ea, quæ illa præcipit.

Secundo accipitur *speciatim*, seu pro justo & æquo proveniente ex justitiâ particulari *commutativa*, ut idem sit *æquum*, ac *æqualitas alteri debita*, qualis requiritur in contractibus, permutationibus, debiti solutionibus &c. Hinc quando dicimus *justum* sive *æquum* esse objectum naturalis justitiæ; non

quæ-

quælibet æquitas seu æqualitas, & adæquatio pro hujusmodi objecto *rigoroso* & *restitutionem pariente* intelligenda est: sed sola æquitas & æqualitas naturalis debita ex *justitia commutativa*. Alia quippe possunt quidem esse debita etiam ex *justitia naturali*, qualia sunt; ne blasphemæ, ne mentiaris etiam *officiose*, de DEO bene sentias &c. verum, quia debitum hoc non procedit ex *justitia particulari* seu *commutativa* (quæ a multis etiam *rigorosissima* audit) sed ex sola *legali universali* virtutes morales præcipiente & vitia opposita omnia prohibente; ideo æquitatis hujus violatio præter reatum culpæ & pœnæ, restitutionis obligationem non inducit.

Tertio modo accipitur pro *justo* & *æquo civili*, seu legali humano, id est quod lege humana constituitur, fierique consuevit in iis casibus, quibus vel ius naturale nil disponit præcipiendo aut prohibendo, vel dispositio ejus nec evidens nec certa est. Ita proin habetur in l. 1. §. si filius, ff. de suis & legitim. hered. *Naturali æquitate nepotes in filiorum locum succedunt*, si tamen lex humana successionem hujusmodi non decrevisset, neque contra universalem, minus quoque contra particularem *justitiam* & æquitatem naturalem fuisset exclusio nepotum ab hujusmodi successionē, sicut non est hodie exclusio collateralium remotioris gradus.

76. Jam sub *tertia* hac classe *justi* & *æqui civilis* ac *mere humani*, veniunt nonnulla objecta quæ ex jure Gentium aut alio positivo ortum habent, ut est v. g. *prescriptio*, quam qui jam bona fide & cum titulo sufficiente inchoavit, æquum est ut in ea pergat, quamdiu conscientia rei alienæ usucapionem non interrumpit, id enim juris humani dispositio tanquam æquum & justum agnovit. Plurima quoque sunt, quæ nulla naturali aut positiva lege præcipiente nituntur: nihilominus nulli earum resistunt, & hujusmodi sunt ea, quæ vulgo *honestæ*, *laudabilia*, *decora*, *convenientia* dicuntur. Si igitur honestum, & decorum tale sit, quod non fundetur in ullo debito naturali, neque civili & humano legali, recte audit *honestum ethice*: *decorum: conveniens ethice: politice* &c. Ita v. g. donanti aliquid redonare honestum decorumque est: sed honestate mere ethica, ne inurbanus aut avarus sordidusve aliis videaris, neque enim compensatio donationis illius ullo jure naturali vel positivo cuiquam imponitur: sed id cum aliis similibus relictum est generositati & liberali uniuscujusque genio. *Æquitas* hæc pro *honestate*

state ethica sumpta fundatur quidem in rectitudine iudicii naturalis sequentis rationem, tamen non inde sequitur ex ea oriri naturalem obligationem, cum non necessario dicatur a ratione naturali, & aliunde jam constet rectam rationem multa nobis laudabilia dicere, quæ tamen plerumque vim consilii non præcepti habent, ut proin æquitas naturalis pessime a multis confundatur cum lege naturali præcipiente vel prohibente; nisi ex actus circumstantiis desumi possit cum fundari in debito iustitiæ naturalis universalis vel commutativæ.

§. II.

*Utrum materia, seu objectum primum Legis nat.
sint actiones tantum externæ?*

77. **A**ffirmat Puffendorfius in præfation. de offic. hom. §. 8. & 9. dicens; *Juris naturalis scita ad forum duntaxat humanum adaptantur. Et ibidem ait: sicut forum humanum circa interna non est sollicitum, ita jus quoque nat. magnam partem circa formandas hominis actiones solum exteriores versatur.* Vetus autem Puffendorfi Glossator actiones internas, quales sunt de religione interna & externa naturali DEO exhibenda, omissiones item internæ blasphemiarum, & similia absolute negat esse objecta jurisprudentiæ naturalis: sed potius Theologiæ moralis, & ethicæ Philosophiæ; addens, *internam rectitudinem potius supponi ex Ethicis, juxta illud: ubi desinit Ethicus, incipit Jæus.* His alludit Thomæ putans quod ratio sibi soli relicta nihil deprehendat respectu DEI, unde inferat eum externe coli velle. Fleischerus, Wolffius alique hic infra laudandi prædictis Puffendorfi extravagantibus opinionibus etiam adhærent: Verum erronee & perniciose, ut mox constabit ex sequentibus.

I.) Officia enim hominis interna erga DEUM, seipsum & proximum, sunt objectum juris nat. formaliter necessarium, ac ad honestatem regulandam primario requisitum, e quibus internis externa officia velut imperata solummodo fluunt, necnisi denominative honestatem ac bonitatem participant: Igitur male a Protestantibus actiones internæ excluduntur a disciplina Juris naturalis, cum sine his externæ actiones humano modo, deliberate cum præcognitione finis absolute poni & exerceri nequeant. Omnis quippe actus externus, ut humanus audiat, necesse est proveniat
ab

ab interno deliberato & libero imperatus, docente id nedum naturali ratione & sana Philosophica ethica: fed etiam æterna Veritate, Matth. 12. v. 34. ubi ait: *Ex abundantia enim cordis os loquitur*, & ibidem vers. 19. *De corde enim exeunt cogitationes malæ, homicidia, adulteria, fornicationes, furta, falsa testimonia, blasphemie*: consequens autem est, quod Christiani Naturalistæ ignorare non deberent; etiam adorationem DEI externam, omnesque alios virtutis jure naturali præceptæ actus non posse elici externe, nisi illos interna cordis operatio præcesserit.

II.) Abstrahendo ab omni lege positiva, tum directione Theologiæ moralis, sana ratio dicat non esse blasphemandum, rem alienam non appetendam, dari aliquid Ens supremum, a quo cetera omnia profecta sunt, &c. Atqui actus horum, & similium dictaminum, quæ *mere naturales*, & conditioni humanæ congeniti, non in aliqua arte vel scientia labore quæsitæ: sed in ipsa Jurisprudencia naturali fundantur; sunt enim rudissimis quibusve hominibus communes, a natura inditi: alioqui externa illorum erga DEUM, seipsum, & proximum exhibita officia non essent actus *humani*, cum non procederent ex imperio voluntatis lumine naturali rectæ, proin nec essent meritorii præmii etiam mere naturalis: frustra igitur interni hujusmodi actus ad Theologiam moralem, exclusa naturali Jurisprudencia, remittuntur.

78. III.) Quia Protestantici Naturalistæ disciplinam & directionem Juris nat. limitando ad *solam honestatem actuum externorum*, & *civilem*, nedum reddunt eam mancā & defectuosam confundendo cum foro externo: sed etiam inexplicanda eadem non differunt a Sophis ethnicis, qui pro objecto adæquato Jurisprud. nat. res fluxas, externas primario statuebant, docentes officia hominis eo tantum tendere debere, ut ipsi bene sit in hac vita, adeo ut juxta *Epîcureos* omnia officia hominis consisterent in *bonis corporis & fortune* acquirendis: juxta *Senecam & Socios* in bonis animi transitoriis, juxta *Arist.* & *Peripateticos* in complexo ex corporis animique bonis creatis, tanquam ultimo fine & felicitate naturali. Quæ his opponi a *Puffendorffianæ socialitatis* sequacibus possunt, *per se* elumbia sunt, quin aliam solutionem mereantur, quanquam iis adhuc satisfaciet, ubi proxime contra socialitatis principium tractabitur.

CAPUT II.

De principiis indicativis Legis Naturalis.

79. **E**Gimus hucusque de principiis *essendi*, seu constituti-
vis Jur. nat. quod consistere probavimus in volun-
tate DEI, nobis quid faciendum, vel omittendum sit, per
dictamen rationis *necessario* imperantis. Demum *Artic. ult.*
præced. decidimus objectum hujus legis qua præcipientis es-
se *solum intrinsece bonum*; & qua prohibentis *solum intrin-*
sece malum. Verum quia oritur nova quæstio, unde colligi
debeat *bonitas hæc intrinseca & necessaria objecti*, ut eam
prosequamur; ac *malitia illius*, ut eam vitemus? *hic Rhod-*
us hic saltus est. Major scilicet difficultas, quam ut in na-
turali Jurisprudencia alia similis dari possit. Ad hanc igitur
complanandam agendum est de hujusmodi criterio obli-
gationis & legis nat. ejusque principiis *indicativis*, seu *co-*
gnoscentis, ducentibus nos in agnitionem actus lege naturali
necessario præcepti, vel prohibiti.

ARTICULUS I.

De vero ac fundamentalis principio dignoscendi.
Juris naturalis.

SUMMARIUM.

- 80. Quid & quale sit principium dignoscendi J. N.
- 81. Conditiones principii hujus exponuntur.
- 82. &c. Principium fundamentale J. N. statuitur.
- 84. &c. Rationibus & instantiis demonstratur.
- 91. &c. Fit applicatio ejusdem principii.
- 97. &c. Enervantur contraria momenta.

§. I.

Quid sit, & quale esse debeat principium dignoscenda
legis naturalis?

- 80. **N**omine principii, de quo res hic vertitur, intelli-
gimus *regulam*, seu *medium deveniendi in notitiam*
obli-

obligationis naturalis. Principia verò & media hujusmodi *inadequata & non ultima*, tam *immediata* ac *intrinseca*, seu *fundata* in ipsa natura humana, tanquam *fundamento & radice legis naturalis*, quam & *mediata* dari plurima constabit ex infra dicendis, quod etiam ipsa experientia probat. Aliqua enim certo esse juris nat. agnoscimus ex *Decalogo & Scripturæ revelatione*, aliqua ex *communi sensu Prudentum*, nonnulla vel ex proprio rationis discursu, vel ope honestæ educationis, diligentis studii, Auctorum lectione didicimus. Quale inter multa est illud, dum ratiocinamur: si v. g. blasphemix, perjurix, rapinæ, privatæ vindictæ, mendacia &c. non fuissent ab Auctore naturæ *necessario* prohibita, & hominibus per dictamen rationis insinuata, male esset ab eo constituta Respublica humana universa: destitueretur enim mediis necessariis ad obtinendum finem sibi præfixum, felicitatem scilicet ei convenientem, quæ consistit in rite persolvendis officiis DEO, homini ipsi, & ejus proximo debitis, unde quies, pax, amor mutus & inderationalis naturæ beatitudo resultet.

Nihilominus nec ratio nostra, nec Decalogus, multo minus communis sensus, & recta constitutio naturæ cum similibus aliis indiciis sunt tale principium *cognoscendi* Juris naturalis obligantis, de quali hæc questio procedit. Hac enim indagamus non *de quacunque*; sed *de fundamentalis, adequato, vero, generali ac ultimo* principio dignoscendæ obligationis naturalis, seu *de propositione generali certa, facile intelligibili*, atque sic *fundata in naturali ratione*; ut ex ea, veluti *fundamento & radice omnes & sola juris nat. obligationes*, aut *evidenter fluant*, aut *saltem non difficulter intelligantur ab intellectu recte disposito, ac terminos ejus penetrante.*

81. In principio ita descripto debent quatuor præcipuæ conditiones seu proprietates reperiri. Scilicet 1.) Ut si non evidens quo ad nos, saltem sit certum. Ex falso enim potius falsa & erronea obligatio deduceretur. Frustra tamen a plerisque determinate & absolute requiritur *evidentia* illius etiam quo ad nos. Alioqui neque a DEO revelatum principium hujusmodi subsisteret: revelatio enim Divina licet certissima sit, obscura tamen est quo ad nos; cum *fides sit argumentum non apparentium*. Neque in moralibus principium potest haberi semper evidens, ut probat D. Thomas, vel potius Ægydius Romanus in opere de *Regimin. Principum* L. I. part. I. c. I. Si quoque id vel necessarium, vel mora-

moraliter possibile foret, jam utique dudum haberemus ita evidens principium, cum ex quo homines lege naturali dirigi cæperunt, sapientissimi viri de Jurisprudencia nat. tot & tanta volumina scripserint: & tamen hucusque illud ignotum est, alioqui non esset opus tot controversiis de re *per se nobis evidente*, neque tot fere principia hæc statuerentur, quot erant, & sunt Naturalistæ.

II.) Requiritur ut sit *adequatum*, hoc est omni particulari casui circa obligationem naturalem accommodatum; ita ut ex eo omnia officia erga DEUM, proximum, & nos ipsos certo fluant, & intelligantur esse naturaliter præcepta.

III.) Ut sit *proprium*, seu soli naturali obligationi dignoscendæ serviens. Alioqui si statuamus aliquod principium *latissimum & vagum*, ex quo non magis naturalis, quam positivus juris obligatio inferatur, nihil concludemus. Quia dubitans de obligatione naturali non poterit eam discernere a positiva, siquidem ex hujusmodi principio æque bene hæc ac illa inferri possit.

IV.) Demum quarto ut sit *ultimum*, ad quod velut fundamentum cætera omnia inadæquata tam mediata, quam immediata principia reducantur, in eoque sistant, & resolvantur. Si enim cogamur ulterius inquirere, v. g. *cur Auditor naturæ hoc vel illud necessario prohibuerit naturæ rationali &c.* jam illud non erit *ultimum*, atque adeo nec sufficiens dignoscendæ obligationi naturali.

Non pauci requirunt adhuc, ut sit *primum, unum, intrinsecum*: sed hæc requisito caret fundamento. Alias requisitorum multitudo confunderet dubitantem de obligatione naturali. Quod si pertinaciter contendas etiam hæc tria desiderari: habes illa in prioribus *quatuor* jam enumeratis. Certe *ultimum* fundamentale est etiam *primum*, utpote principium & finis obligationis necessariæ: est *unum*, quia alterum quod sit ultimum & fundamentale non reperitur: est denique *intrinsecum*, quia est fundamentum obligationis necessariæ, in ipsa natura humana exigente talem legem *moraliter* radicatum, prout constabit ex mox dicendis.

§. II.

Quæ igitur regula, seu principium ultimum fundamentale & adequatum sit, ex quo discerni possit, an aliquod objectum, seu obligatio pertineat ad legem nat. necessario præcipientem, aut prohibentem, vel non?

81. **P**atet jam ex allatis n. 80.) dari multa *inadequata ac non ultima* obligationis nat. indicativa principia, inter quæ principem locum tenet *recta constitutio & felicitas generis humani*, ex qua inferre solemus præcepta naturalia. Ita v. g. fraudes & dolum malum concludimus jure hoc *necessario* prohibitum, quia alias *genus humanum non esset in se recte constitutum*. Sed quia ulterius oritur quæstio, cur Auctor naturæ propter rectam constitutionem generis humani, & ejus naturalem felicitatem, fraudes & dolum malum ita *necessario* prohibuerit, quin aliquando in hac prohibitione dispensare queat: cum tamen multa in favorem hominum ordinaverit, veluti ignem, aquam &c. quorum tamen physicæ exigentiæ, non obstante priori decreto suo, quo voluit ignem esse calidum, aquam frigidam, contravenire potest. Neque quæstio hæc resolvi jam ex principio *rectæ constitutionis*, aut simili alio poterit, nisi ad aliud recuratur principium, in quo tanquam ultimo ac fundamentalit ratio nostra quiescere persistat, Hinc manifeste patet *felicitatem generis humani, rectam constitutionem illius, & si quod est aliud his simile, sive id dicatur immediatum, sive mediatum principium: certo non esse ultimum & fundamentale*, quale reiectis aliis mox statuimus.

83. **PRINCIPIUM** *ultimum adequatum & fundamentale*, ex quo discernere possumus, an aliquod objectum, seu obligatio pertineat ad legem naturalem, vel non, est *ipse DEUS, quæ Auctor & Gubernator naturæ humanæ infinite perfectus*:

Afferta autem cognoscendi regula hac generali propositione bene exprimitur: Quidquid sapientiæ, providentiæ, justitiæ vel alteri perfectioni DEI *quæ Auctoris & Gubernatoris naturæ humanæ directe* opponitur, id censendum est ab eo sub gravi vel levi culpa *necessario* prohibitum: Quidquid vero perfectio ejus ad sapienter creandam, & provide gubernandam naturam humanam *directe* exigebat, & exigit

git præcipi, id necessario præceptum esse non ambigitur. Contra vero: omne id, quod nulli perfectioni DEI *qua Auditoris & Gubernatoris naturæ humanæ directe* opponitur, jure naturali non est præceptum; nec prohibitum.

Hoc principium ex pluribus aliis longa deliberatione discussis seligere placuit, tum ex eo motivo, quod in rebus humanis aliud efficacius & verisimilius reperiri non possit; jam autem juxta D. Th. i. 2. q. 19. a. 4. in O. *Ubi deficit humana ratio; oportet ad Rationem eternam recurrere*: Tum quod illud probarint antiquiores Naturalistæ apud Razhensee *de fundam. J. N. §. 7.* & post Cajet. i. 2. q. 100. a. 8. ad 2. eidem adstipulatur Medin. l. 2. q. 18. ar. 1. Victor. in relect. *de pervenientiis ad usum rationis*. a n. 9. Suar. de L. L. l. 1. c. 6. sparsim. Imo & ex Recentioribus, dum hæc scribo, magnam ei auctoritatem addiderunt, tum hujus Almæ Catholicæ Episcopalis Universitatis eres omnino insignes Theologi, tum alii communius. Quod ipsum solo rationis lumine adjuti agnoverunt etiam prudentiores Ethnici cum Chrysippo l. 3. de Diis; dicente: *Non potest aliud inveniri principium & origo justitiæ, quam ab Jove & communi natura, inde enim initium duci debet, ubi de bonis malisque differendum, quod ille nedum de essendi: sed etiam cognoscendi principio dictum a se voluit*; teste Guil. Grot. *de princ. J. N. c. 3.*

84. RATIO hujus regulæ est: Quia tota vis seu substantia Legis nat. in eo consistit, quod DEUS O. M. supposito liberrimo decreto suo de producendo ad imaginem & similitudinem suam homine; aliquos actus ei necessario præceperit, & non paucos ita prohibuerit, ut licet hic tanquam absolutissimus Dominus nulla lege & necessitate extra se teneatur, nihilominus hos non prohibere; illos non præcipere haud potuerit: Atqui *insuperabilis necessitatis* hujus nulla alia immediatâ; *adequata*, fundamentalis & ultima ratio alibi reperiri potest, quam in ipso DEO summe perfecto, qui illud solum & unice extra se necessario facit, & constituit; quod summa perfectio ejus essentialiter exigit; & id solum necessario omittit, & ab aliis fieri prohibet, quod eidem perfectioni suæ repugnat: Igitur indicium, seu fundamentale & ultimum principium dignoscendi objecti a lege nat. necessario prohibiti, vel præcepti non aliunde desumi potest, quam ex ipso DEO summe perfecto; ita scilicet, ut omne & solum illud objectum actus moralis sit *intrinsece* malum, & a Deo necessario prohibitum, quod si permissum foret, in

eo qua Auctore & Governatore naturæ humanæ argueret aliquam imperfectionem: & illud tantum sit *intrinsece bonum morale* necessario præceptum, quod ut præciperetur, perfectio divinæ, qua sapientissimi Auctoris & Gubernatoris naturæ humanæ essentialiter exigebat & exigit.

85. Quod DEUS nihil ex *insuperabili necessitate* extra se faciat, ac proin nec ita præcipiat, vel prohibeat, nisi id solum, quod aliqui suæ perfectioni opponeretur; intellectui falsis ideis non præoccupato per se notum est: pari ratione ac quod alibi extra DEUM nulla alia ultima & adæquata ratio necessitatis illius reperiri queat. Quis enim, vel quid hanc ei imposuit? supremus quippe naturæ Gubernator nulum novit superiorem, qui sibi adeo ineluctabilem legem diceret, & regulam gubernandi inconcussam præscriberet; nulla re, nullo ente sibi extrinseco indigeret, a quo invincibili necessitate coarctari posset. Et compertum habemus in physicis, quod ille qua Creator omnium rerum, naturalibus exigentiis earum contraire possit, spoliando ignem calore, aquam frigore &c. soli exigentiæ *moralis*, quam per lumen naturale cordibus humanis inseruit, contravenire, dispensando in iis, quæ necessario præcepit vel prohibuit, absolute nequit. Hæc cum jam plana sint, deducendum restat; quem in modum summæ perfectiones divinæ exigebant, & exigunt, ut aliqua objecta actionum moralium *necessario* præciperentur; & nonnulla necessario prohiberentur, nil obstante eo, quod DEUS naturam rationalem procul omni necessitate *libere* produxerit, eamque conservet. Id autem quo evidentiùs pateat, demonstratum imus.

86. Divina voluntas, licet simpliciter libera sit *ad extra*, tamen ex suppositione unius actus liberi potest necessitate duci ad alium, ut si v. g. vult aliquid promittere, absolute necessitatem sibi inducit ad implendum promissum; si item vult loqui & revelare, necessario debet revelare verum. Ob hanc rationem; siquidem voluit creare mundum, & illum conservare; non potest non habere providentiam illius; supposita autem providendi voluntate nequit non habere providentiam *perfectam & consentaneam* suæ bonitati ac sapientiæ. Quo etiã fit, ut cum DEUS ad gloriam suam, & manifestandas perfectiones suas naturam humanam contiderit, eique se ipsum infinite perfectum pro fine ultimo, nedum *supernaturali* (de quo hic sermo non est) sed etiam *naturali* præfixerit, quatenus scilicet homo Creatorem suum
infi-

infinite bonum & perfectum possideret, possidendo agnosceret & amaret, coleretque, quantum ratio status naturalis capere & exequi potest; Consequens est, cum ob suam in agendo perfectionem non potuisset non præcipere vel non prohibere naturæ humanæ tales actiones, ex quarum permissione, vel omissione ipse argueretur imperfectus naturæ Auctor, finem ei a DEO sublimem præfigens sine mediis, quibus adjuta posset in se commendare perfectiones divinas, ad quas commendandas condita est; improvidus Gubernator felicitati subditorum non prospiciens &c. Sicut enim DEUS non potest mentiri, supposito quod loqui voluerit, ita nequit imperfecte naturam humanam gubernare, ex hypothese quod eam conservare decreverit.

87. Quod autem permissio actionum nonnullarum, quæ prohiberi *necessario* merentur, argueret aliquam imperfectionem in DEO, ejusque gubernatione, inde liquet. Quia eo casu illa non prohiberet, quæ ut sapientissimus Legislator, & supremus Gubernator ante omnem prohibitionem suam probe novit esse *in se ipsis* rectæ rationi contraria & intrinsece mala, ut sunt odium DEI & proximi, blasphemia, furta, mendacia &c. non præciperet quoque amorem Creatoris, officiaque illi, proximo, & nobis prudenter exhibenda, quæ ipse procul omni dubio *judicavit* & *judicat* ex se necessaria esse ad moralem actionum humanarum honestatem. Quia his a lege nat. per congenitum dictamen non præceptis, ac illis non prohibitis, homo non posset pervenire ad finem suum naturalem, felicitatem nempe in prædicto amore DEI ceterorumque officiorum impletione consistentem; male itaque esset comparata natura humana ad commendandas DEI sui perfectiones: Atqui omnis Reipublicæ Gubernator sciens, ac prohibere facile potens, non tamen prohibens mala; potens item providere, non tamen providens media ad finem subditis suis præscriptum *necessaria*, merito imperfectionis arguitur: igitur fortiori ratione sapientissimum Numen argui posset.

88. Si vero quæras, unde constet, quod blasphemia, odium DEI, mendacia &c. ante omnem divinam prohibitionem fuerint *in se ipsis*, seu *intrinsece* mala, rectæque rationi contraria, & quod DEUS illa *ut mala* agnoverit? Resp. Quia hæc objecta ante omnem legem DEI, aut saltem abstrahendo ab illa, erant *radicaliter* & in se ipsis *recte* contraria perfectionibus divinis, scilicet blasphemia
sum-

sanctitatis, odium bonitati, mendacium veritati & veridicitati ejus, qui vult ut creatura rationalis ad manifestandas perfectiones divinas creata, modo sibi conveniente eas agnoscat, reveatur, & amet, ac ita assequatur finem suum etiam naturalem, ad quem condita est. Quia vero prædicta objecta contraria sunt divinis perfectionibus, inde fit, quod etiam disconveniant naturæ rationali, & ex se ipsis repugnent fini ultimo & felicitati ejusdem naturæ, utpote ad manifestandas easdem Creatoris sui perfectiones conditæ.

89. Quod si instes rogando: quibus igitur perfectionibus divinis opponebantur adulteria, furta, dolus, fraus, odia proximi mere interna, perjuria &c.? & quomodo illa in se ipsis erant intrinsece mala abstrahendo ab omni lege naturali? Resp. Adulteria, furta cum reliquis vitiis objective spectata etiam ante omnem prohibitionem erant radicaliter mala, & opponebantur directe perfectionibus divinis, nempe justitiæ, sapientiæ, & providentiæ DEI qua Auctoris naturæ in carta temporis differentia sibi ab æterno cognita eam producturi, & gubernaturi. Quæ si ille licita fecisset non prohibendo per legem naturalem, non jam sapienter condidisset naturam humanam, nec provide ad finem suum gubernaret. Hæc enim non esset bene constituta in sua habitudine ad DEUM, ejusque gloriam, ac perfectiones in se manifestandas, deficeret quippe in mediis necessariis ad DEUM tanquam finem suum ultimum naturaliter amandum, perfectionesque ejus in se commendandas, ac ad implenda cetera officia requisita ad naturalem felicitatem obtinendam. Consequens fuit, ut quam necessario DEUS sapienter condidit genus humanum, illudque gubernat, tam necessario ei præceperit quidquid requiritur ad id, ut eadem creatura conveniente habitudine polleat erga DEUM finem suum ultimum.

90. In hypothesi autem si DEUS non prohibuisset mala illa intrinseca & radicalia, ea non haberent formalem deformitatem & maliciam, quia non haberent ullum virtutalem contemptum DEI, quem continet transgressio legis respectu Legislatoris; juxta Apostolum ad Rom. 2. *per prævaricationem legis DEUM inhonoras*. Et ibidem: *ubi non est lex; nec prævaricatio*. Nihilominus non desinerent adhuc esse mala intrinseca & radicalia, seu physica, qua contraria divinis perfectionibus, ac inde rectæ etiam rationi & constitutioni

Jus Nat. & Gent.

E

natu-

Naturæ humanæ, ideoque exigent adhuc semper formaliter prohiberi.

§. III.

Exponuntur proprietates asserti principii, ejusque applicatio ad casus particulares.

91. **A**sserto & stabilito principio indicativo obligationis naturalis apprime competunt quatuor proprietates n. 81. (adductæ. Est enim I.) Si non omnino evidens, saltem certum. Quis enim dubitaverit has & similes rectas esse consecutiones: *Odium DEI*, etiam abstrahendo a lege quavis, & ante omnem prohibitionem, intrinsece radicaliter & ex se ipso opponitur Bonitati divinæ absolutæ, ad quam commendandam & amandam creatus est homo: *Mendacium* opponitur summæ ejus veritati, & veridicitati: *Otium* contrarium est virtuti productivæ illius, qui nil frustra, sed propter finem operatur: *Ingratitudo* pro beneficio recepto opposita est Bonitati divinæ respectivæ, quæ benefica est etiam erga malos, tanto minus cuiuspiam retribuit mala pro bonis, & laudabilibus actibus: *Injusta retentio mercedis* adversatur justitiæ ejus, qui unicuique prout gesserit, & meritis fuerit, retribuet &c. Igitur *odium DEI*, *mendacium*, *otium*, *ingratitude*, *injusta retentio mercedis operariorum* &c. sunt necessario lege nat. prohibita. Quia sunt ex se mala, utpote contraria perfectionibus divinis, & inordinata in natura rationali: DEUS autem non potest necessario non vetare illa, quæ ex se mala sunt, aut non præcipere ea, quæ sunt necessaria ad naturalem honestatem. Nec enim potest ipsi non displicere talis actus suæ bonitati, justitiæ ac providentiæ contrarius.

92. Si respondeas: Homo rudis nunquam deveniet in notitiam naturalis obligationis ex hoc principio, quia ille nec scit quid sit perfectio divina, nec novit subtilem modum hujusmodi conclusionum. Contra erit, quod homo rudis sciat hæc modo *vulgari, confuse* & naturali suo captui proportionato. Scit utique dari DEUM, tanquam Ens supremum, qui non esset DEUS, si non summe perfectus, justus, sapiens, providus foret. Alioqui rudis ille neque lege naturali obligaretur, cum nesciat *reflexe* concludere, an illa detur necne, & quid sit. Verum nulla hæc sunt, quia sapientia

tia Auctoris naturæ humanæ providit, ut rudissimus quisque rationis usu pollens ista omnia capiat, quantum sufficit ad naturalem obligationem intelligendam, juxta illud Psal. 4. *Signatum est super nos lumen vultus tui Domine*; Porro lumen hoc otiosum foret in casu prædicto.

93. Dato autem quod rudis homo obligationem naturalem nesciat inferre ex comparatione v.g. malitiæ actus cum perfectionibus divinis *magis exactam* intellectus capacitatem requiruntibus: ille tamen potest eam facile agnoscere ex perfectionibus DEI *qua Auctoris & Gubernatoris naturæ humanæ*; hunc v. g. in modum secum ipso discurrens: DEUS perfectus est, sapiens, justus, providus; sapienter igitur mundum condidit; & gubernat naturam humanam ad suum finem, ut videlicet perfectiones Creatoris nostri commendemus, ac laus & gloria ejus ex nobis resplendeat, indeque quies nostra sequatur: Si autem *furta, adulteria, rapinas, mendacia, fornicationes vagas &c.* non prohiberet; Si non præciperet *amorem DEI, proximi, & nostræ prudentem vitæ conservationem* per amotionem *gula, intemperantiæ, mulatationis &c.* si faceret *licita injusta homicidia, fraudes, dolos, detractiones*; & quidquid justiciam, pacem, caritatem & quietem offendit, non sapienter condidisset, nec providere gubernaret naturam humanam. Quia hæc male foret comparata ad finem suum ultimum; etiam naturalem obtinendum, & ad commendandas in se perfectiones Auctoris sui &c. Ex hoc vulgari & facili ratiocinio, imo & ex simplici apprehensione DEI *qua sapientissimi Gubernatoris* necessario concludet: impossibile esse, ut DEUS objecta recte constitutioni naturæ humanæ contraria non prohibuerit, ac non præceperit illa, sine quibus hæc esset male comparata ad finem suum. Quia ille nequit male gubernare creaturam suam. Ecce, rudissimus quisque, dummodo usu rationis polleat, & rem saltem rudiori Minerva apprehendat, ex magis obviis intellectui, & captui facilioribus perfectionibus divinis obligationem naturalem agnoscere potest.

94. II.) Est principium hoc *adequatum*. Quia nullum cogitari potest præceptum, & nullum actus moralis objectum, cujus obligationem, sic ne hæc naturalis, necne: discernere non possimus. Sic enim intelligimus jure naturæ præcipi erga DEUM *Religionem, obedientiam*; veteri *idolatriam, superstitionem, perjurium &c.* Quia nisi DEUS illa præciperet, hæc prohiberet, non regeret sapienter ac provide naturam

turam humanam. Nam hæc frustra juberetur tendere ad finem suum ultimum, DEUM scilicet ipsum infinite perfectum: eum amando, & perfectiones ejus in se manifestando, eo modo, quo naturaliter potest, siquidem illemet ipse tanquam licita ei permisit omnia, quæ fini huic adversantur, nempe falsa, vel nulla religio, inobedientia, idololatria, perjurium &c.

Hoc ipsum criterium agnoscendæ obligationis naturalis locum habet in reliquis officiis erga DEUM, proximum, & nos ipsos; idque tam quo ad actus externos, quam internos. Ex omnibus enim his si non præcipiuntur vel prohibeantur, sequitur mala constitutio naturæ rationalis, ex mala constitutione frustratio finis ultimi a DEO præfixi eidem naturæ; ex his autem sequitur demum improvida, & imprudens Gubernatio DEI, quod impium est cogitare contra perfectissimum Numen: igitur perfectio divina huc usque explicata est ultimum *adequatum* principium dignoscendæ obligationis naturalis.

95. III.) Est quoque principium *proprrium*. Soli enim legi naturali dignoscendæ competit, distinguitque obligationem hanc a jure positivo. Quia non aliam obligationem indicat, quam *necessariam*, eamque necessitatem non ex amore, socialitate, natura ipsa, vel ex sola convenientia & disconvenientia cum natura rationali, aliisque *inadequatis* principiis: sed ex ipsis perfectionibus divinis deducit, quales solum & unice possunt movere DEUM ad aliquid *necessario extra se* volendum; præcipiendum, inhibendum. Atque vel ob hanc solam rationem omnia alia Juris nat. cognoscendi principia manca sunt & inefficacia, cum ex illis nullo modo absoluta legis naturalis *necessitas* inferri possit.

96. IV.) Demum hoc principium est *ultimum*. Quia si ve ex recta vel mala constitutione, si ve ex felicitate, aut habitudine naturæ rationalis ad finem suum, si ve demum ex amore, aut socialitate, alioque quocunque principio *inadequato* discernere conemur, quid in casu particulari lege nat. *necessario* præceptum, vel prohibitum sit, aut non; tamen omne aliud principium nondum satis facit intellectu: sed locum dat ulterius querendi, *quid illud sit quod DEO necessitatem imponat* per legem nat. procurandi humanam felicitatem, amorem, socialitatem &c.? Neque huic questioni satisfiet aliter, quam dicendo, principium hoc, propter quod

quod DEUS necessario aliquid præcipit, vel prohibet, esse ipsam perfectionem DEI, qua Auctoris nature rationalis & Gubernatoris ejusdem.

§. IV.

Quanam asserto Juris nat. agnoscendi principio
opponi possint?

97. Inter multa videtur in contrarium militare. I.) Ex asserto principio non magis inferitur legis nat. quam etiam positivæ obligatio, utriusque enim transgressio repugnat perfectionibus divinis, & præ primis Sanctitati ejus, quæ facit, ut DEUS omne peccatum odio habeat, etiam contra legem positivam commissum. II.) Idea perfectionum Divinarum est nimis obscura, ex principio autem in ideis adeo obscuris fundato intellectus rudium hominum nequit claram habere notitiam obligationis naturalis. III.) Tanto minus, cum multa sint hominis officia, quibus correspondentem in DEO perfectionem non reperimus; v. g. dare mutuum graviter indigenti, reddere creditum, revereri parentes &c. IV.) Ex hoc principio sequitur Atheum non peccare contra legem nat. quia ille sicut DEUM, ita nec perfectiones ejus agnoscit. V.) Possibilis est saltem ad breve tempus in homine perfecti usus rationis invincibilis ignorantia DEI, & legis nat., possibile quoque est, ut ille ita ignorans mentiatur, judicans mendacium hoc esse contra rectam rationem: Atqui talis actus est formaliter peccaminosus; alioqui daretur peccatum mere philosophicum, quod tamen proscriptum est tanquam falsum.

VI. Legis nat. effectus æque bene inferitur ex sola recta constitutione humanæ naturæ, vel amore debito, ac ex perfectionibus Divinis, hæc proin non sunt principium adæquatum & ultimum. VII.) In hoc systemate cogimur aliud comprincipium admittere, scil. rectam constitutionem humanæ naturæ. Igitur non est unicum & ultimum. VIII.) Nequit explicari, quid sit directe opponi DEO, qua Auctori & Gubernatori naturæ &c.

98. Verum hæc ut ut speciosa; minus tamen solida sunt, ac proin; Ad I.) Resp. Non subsistere assumptum, cum per se clarum sit obligationem legum positivarum procedere ex libera legislatorum voluntate, secus naturalium. Nec facit

ad rem, quod utriusque legis transgressio repugnet perfectionibus Divinis, quia repugnantia hæc *diverso* fit modo: Scilicet, transgressio legis positivæ tantum *formaliter* spectata, quatenus *mala quia prohibita*, & *actu* continet *aliquem contemptum* legislatoris, repugnat perfectionibus Divinis, & præsertim Sanctitati, quæ vult ut legitimo superiori subordinemur iustam ejus legem observando. Non tamen ipsa etiam *materia* legis positivæ iisdem perfectionibus Divinis *in se ac radicaliter intrinsece* repugnat. Si enim legislatores v. g. Civiles nullam legem suam in conscientia obligantem constituissent, adhuc in DEUM, quæ naturæ Auctorem & Governatorem nulla caderet imperfectio, neque naturæ humanæ male foret provisum de mediis *necessariis* ad obtinendum suum finem naturalem. Secus fit in transgressionem legis nat. hæc enim & *formaliter* sumpta, & spectata secundum *ipsam materiam*, v. g. mendacii *in se ac radicaliter* repugnat perfectionibus Divinis. Et quidem *formaliter* considerata adversatur illis, quia actu continet contemptum legislatoris, quod est commune omni alteri peccato, contra quamcumque legem obligantem fiat. Secundum ipsam vero *materiam* adversatur iisdem, quia *in se* & abstrahendo ab omni prohibitionem divinam fuit *intrinsece* malum radicale relictæ rationi difforme, ideoque *prohibitum est*, quia *malum*; quod nisi prohiberetur, DEUS fuisset *improvidus* Governator naturæ humanæ. Cum vero imperfectio in summam ejus sapientiam & providentiam cadere nequeat, hinc factum est, ut ex omnibus aliis solum nat. legem *necessario* dictaret.

Paucis: *primum* momentum Adversariorum errat in supposito, quod repugnantia illa & oppositio perfectionibus Divinis desumatur ex transgressionem *formaliter* sumpta: sed potius provenit illa *ex materia* ipsius legis nat. inde autem concludimus *necessitatem* ejus prohibendæ, vel præcipiendæ.

99. Ad II.) Falsum est, ideam seu *notitiam vulgarem* perfectionum Divinarum obscuram esse intellectui recte disposito & *consideranti*, quidquid sit, quod idea, seu *notitia magis exacta*, ac Theologiam speculativam concernens obscura sit eidem: Porro homo jure nat. obligatur *ad notitiam* tantum *vulgarem* perfectionum Divinarum, quales sunt, quod DEUS sit *unus, providus, summe sapiens, iustus, omnis imperfectionis expertus* &c. adeoque quod sicut creare imperfecte naturam humanam non potuit, ita neque improvide gubernare possit. Falsum quoque est ex n. 81.) principium indicati-

cativum Juris nat. omnino evidens esse debere, alioqui nulum prorsus daretur. Neque etiam ipsa naturalia dictamina semper sunt evidenter recta, & tamen dummodo moraliter certa sint, obligamur illis, uti fit in conclusionibus per discursum illatis ex principiis generalibus. Demum nihil facilius est naturaliter intelligere, quam hanc propositionem generalem: *quidquid sapientie ac Providentie DEI qua Auctoris & Gubernatoris nature humanæ repugnat &c.* Ratio enim naturalis dicitur implicare, ut Ens perfectissimum imperfecte ac improvide gubernet.

100. Ad III.) Decisio patet ex n. *preced.* ubi deductum est, sufficere ut rudis homo malitiam actus intelligat opponi perfectionibus divinis, quas ipse *vulgari notitia*, & confuse dari in DEO, ac agnoscere tenetur. Hinc facile concludet obligari divitem ad mutuum dandum graviter indigenti, teneri reddere creditum, honorare parentes, non fieri ingratus &c. quia hæc & similia opponerentur alias sapientie, bonitati, justitie, providentie summi Gubernatoris DEI, verbo: opponerentur hæc summæ habilitati Divinæ, qua ille pollet ad mundum sapienter & provide gubernandum, qui nisi hæc necessario præcepisset nature humanæ, improvide eam gubernaret, essetque inhabilis Gubernator.

101. Ad IV.) Atheismus non est error intellectus: sed vitium malæ voluntatis, juxta illud Ps. 13. *Dixit insipiens in corde suo: non est DEUS*; ac proin ille non est exemptus lege nat. cujus dictamine cum dirigatur, hoc ipso experitur lumen divinum super se signatum: in hoc igitur effectu experitur causam increatam. Hinc dicit D. Aug. in Ps. 57. *Scriptis. DEUS nature legem in cordibus hominum*, NB. *quam non finit ignorare, ut esset, unde judicarentur: non itaque ignorat perfectiones divinas: sed impie negat.*

102. Ad V.) Sanæ menti repugnat, ut quis judicet actum aliquem contra rectam rationem, & tamen ignoret omnem legem; etiam naturalem; hanc enim saltem *exerce* agnoscit. Nam quod est *contra rectam rationem*, est contra legem nat. utpote scriptam in cordibus nostris, & dictantem quid rectum sit, vel non. Sicut autem *implicite* agnoscit legem nat. ita & perfectiones DEI eam dictantis. Hæc ipsa etiam ratio est, cur non detur peccatum *pure philosophicum*, quod a speculativis TT. admittitur solum in hypothesi impossibili, si DEUS non prohibuisset intrinsece mala.

103. *Ad VI.*) Legis naturalis qua *necessario obligantis* effectus æque bene inferitur ex sola recta constitutione humanæ naturæ, amore, ac ex perfectionibus divinis, *nego*, licet transmitti possit, quod effectus ejusdem legis *sub alia ratione* spectatus, qui multiplex & varius est, æque bene inferatur. Jam enim demonstratum est, *necessitatem* legis nat. absolute non posse *ultimo* & finaliter haberi aliunde, quam ex sola exigentia, vel oppositione actus cum perfectionibus divinis.

104. *Ad VII.*) Nihil ad rem facit; quia recta constitutio humanæ naturæ, cum socialitate, amore, & similibus aliis admittitur quidem: sed non tanquam comprincipium *adequatum*, fundamentale, *ultimum* indicativum obligationis naturalis: sed præcise qua *indiciū simplex*, præbens occasionem ulterius inquirendi unde fiat hoc, quod ista recta constitutio generis humani legibus *necessariis* munita sit, & quid DEO Legislatori necessitatem hanc absolutam imposuerit. Quod ipsum argumentum omne aliud principium statuentibus solvendum est. Sive autem *simplex indicium* illud dixeris principium immediatum, sive mediatum, parum refert; cum certum sit illud esse tantum *inadequatum*, quælia n. 80.) multa admittenda esse demonstravimus. Imo fatendum est; ex hujusmodi inadæquatis principiis, v. g. ex amore, socialitate, recta constitutione naturæ, & aliis, in quibusdam casibus posse certo deduci obligationem naturalem, quantum sufficit ad *practicam* resolutionem, quid hic & nunc jus nat. prohibeat, vel præcipiat in casu v. g. injustæ percussione proximi, homicidii, furti &c. verum si quis se opponat, & neget hujusmodi actus jure nat. esse prohibitos; *ultima* & *adequata* ratio prohibitionis hujusmodi nequit haberi ex amore debito, socialitate &c. sed petenda erit ex oppositione horum actuum cum perfectionibus DEI qua Auctoris & Gubernatoris naturæ humanæ.

105. *Ad VIII.* Potest optime explicari, quid sit aliquem actum *directe* opponi DEO, qua Auctori, & Gubernatori naturæ humanæ. Quidquid enim ita comparatum est, ut si non esset naturæ humanæ a DEO prohibitum vel præceptum, ille imperfectus Auctor, aut improvidus Gubernator dici posset; id censetur *directe* opponi perfectionibus DEI qua Auctoris & sapientissimi Gubernatoris naturæ humanæ. Hinc a contrario, obligatio v. g. sumendæ S. Cœnæ circa Pascha non est Juris nat. quia etsi sumptio hæc nullo modo fuisset

fer præcepta, in DEUM qua naturæ Auctorem, & Gubernatorem nulla adhuc caderet imperfectio. Nam genus humanum posset & deberet alio adhuc actu religionis Creatorem suum naturaliter colere. Secus foret, si lege nat. ad nullum prorsus etiam in genere officium sibi exhibendum DEUS humanum genus obligasset, talis quippe licentia & præcepti ommissio directe opponeretur perfectionibus ejus, qua Auctoris & Gubernatoris naturæ humanæ.

Ex his quoque propter eandem rationem, infertur; peccaminosam omissionem Missæ die festo, & aliarum positivarum legum qua talium transgressionem non opponi directe DEO qua naturæ humanæ Gubernatori, ita ut intrinsecam contineat malitiam, cum Missæ auditio non meruerit necessario præcipi, & ex omissione hujus præcepti nihil decederet conditioni humanæ ad naturalem felicitatem obtinendam, consequenter nec adesset ratio, propter quam gubernatio divina imperfectiois alicujus merito argui posset.

A R T I C U L U S I I.

Examinantur principia indicativa Juris (natur. ab aliis asserta.

S U M M A R I U M.

106. An Amor sit principium Juris nat.
107. &c. Statuitur & probatur contraria sententia.
111. Quid de socialitatis principio sentiendum?
112. &c. Rejicitur socialitatis commentum.
114. An lex nat. ex Decalogo desumenda?
115. &c. An convenientia sit principium J. N.
117. Sola ratio male statuitur pro principio.
118. &c. Confutatur error Protestantium.

§. I.

An amor DEO, proximo, & nobis debitus principium sit indicativum Legis nat. obligantis?

106. **Q**Uæstionem hanc præ aliis omnibus Naturalistis eruditissime tractavit R. P. Ignat. Schvvarz, Infit.

Instit. J. N. & G. part. 1. f. m. 153. qui Helneccium & Franc. Alef. secutus principium hoc J. N. fundamentale adequatum & ultimum statuit in Amore DEI, sui, & proximi, illudque hunc in modum efformat; *Fac, vel omitte ea, quæ ex amore DEO, tibi, & proximo naturaliter debito, hoc est ad felicitatem naturæ rationali propriam necessario facienda vel omittenda sunt.* Inde deducit 1.) omne & solum illud jure nat. præceptum esse quod exigitur ab amore, DEO, sibi, & proximo naturaliter debito, hoc est ad felicitatem naturæ rationali propriam necessario. 11.) Omne ac solum illud jure nat. permissum esse, quod eidem amoris nec absolute repugnat, nec ab eodem absolute exigitur.

Efficaciam hujus principii probat 1.) Quod sit: *primum, unum, intrinsecum, verum, evidens, proprium, & adequatum.* 2.) Quod omnis legis humanæ finis sit *felicitas in genere*, adeoque amor sit fundamentum hujus felicitatis, ac proin & mediorum seu legum naturalium. 3.) Juris positivi divini principium fundamentale est amor supernaturalis erga DEUM, seipsum & proximum juxta Christi Domini oraculum, *Dilige Dominum DEUM tuum &c. & proximum sicut te ipsum:* Ergo etiam amor naturalis est fundamentum legum naturalium &c.

107. Nihilominus principium hoc licet aliqua ex parte laudabile sit, quod genus humanum ad amorem DEI, sui ipsius, & proximi allicere studeat, merito tamen rejicitur, utpote parum efficax, & ad finem *dignoscendæ* obligationis naturalis minus utiliter cogitatum, ob has præsertim rationes. 1.) Quia hæc opinio obligationem legis nat. nititur ostendere per id, quod est in questione, nempe per ipsam legem nat. obligantem. Dum enim dicit: *Fac vel omitte ea, quæ ex amore DEO, tibi & proximo naturaliter debito - - - facienda vel omittenda sunt;* quid aliud vult innuere, quam: *fac vel omitte ea, quæ ex amore DEI, tui & proximi naturaliter debito facere vel omittere debes:* Porro hoc ipsum est in questione, quæ sint ea, quæ ego naturaliter & quidem necessario debeam facere vel omittere amore DEI, mei ipsius, & proximi? Atque adeo pro principio *adequato & ultimo dignoscendæ* legis nat. ponit ipsam legem naturalem, quæ alia deductione indiget, cur amor hic sit *necessario* debitus, & unde illa necessitatem hanc insuperabilem patitur, ut amorem illam trinum absolute non possit non præcipere?

108. Hinc II.) doctrina hæc optime probat *amorem trinum* esse præceptum a lege nat. tanquam medium obtinendæ finis ac felicitatis nat. sicut amor supernaturalis fundamentum est iuris positivi divini, quod nemo prudens negabit, & id solum recte evincitur a suis Patronis; verum non probat illum esse *indicativum* obligationis nat. ut distinctæ ab obligatione proveniente ex iure mere positivo, quia asserta obligatio amoris non indicat mihi, cur ego naturaliter NB. *necessario* debeam amare DEUM, meipsum, & proximum. Si respondeas, hoc exigit felicitas naturæ humanæ: nondum sequitur amorem hunc deberi a me tanquam *absolute necessario*. Quia etiam natura ignis calorem, & natura aquæ exigit naturaliter frigus, & tamen DEUS exigentis his *physicis* contraire potest, spoliando hanc frigus, illum calore. Redibit igitur quæstio: cur DEUS etiam exigentiæ *moralis* in natura humana, ac consequenter felicitati ejus contraire non potuerit, nec possit: quis illi imposuit hanc *necessitatem*, ut amorem absolute necessario serio præciperet, & odium prohiberet, siquidem DEUS nullius entis *extra se* necessitate coarctari potest? Atque hic hærebit aqua, usque dum recurramus ad perfectiones DEI, quæ Auctoris & Gubernatoris naturæ humanæ, & respondeamus: Si DEUS necessario non præcepisset amorem, & non prohibuisset odium &c. derogasset suæ perfectioni. *Improvidè* enim gubernaret genus humanum, & minus consequenter seipsum assignaret pro fine ultimo, etiam naturaliter cognoscendo & amando. Finis enim hic sine mediis in amore trino consistentibus absolute obtineri nequit. Ecce! necessitas obligationis naturalis absolutæ ad sectandum trinum amorem, & odium fugiendum non aliunde *ultimato* haberi potest, quam ex sola *exigentia* & *oppositione* objecti cum perfectione divina. Amor proin non est principium *ultimum*, consequenter nec *adequatum*; sed nonnisi est *medium necessarium* ad finem obtinendum.

109. III.) Assertus amor non est principium *proprium*. Ex eo enim non magis discernitur obligatio naturalis, quam positivi iuris. Nam nemo DEUM & proximum amans ex sola negligentia omittit implere legem sui Principis obligantem in conscientia; hoc igitur casu omittitur actus, quem exigebat officium amoris erga DEUM & proximum: & tamen omissio hæc non est immédiate contra legem naturæ prout nec omissio eleemosynæ pauperi triviali negata ex-

tra externam vel gravem necessitatem quidem: sed tamen in iis circumstantiis, in quibus exigebat eam præceptum legitimi Superioris, v. g. Judicis &c. Quod si oggeras, præceptum legis positivæ non esse materiam necessariam ipsius legis, consequenter neque amorem lege mere positiva præceptum: contra vero amorem naturaliter debitum esse materiam *necessariam* legis naturæ; Redibit circulus vitiosus quæstionis *num. preced.* decisæ & respondere cogeris cur non illa sed hæc legis materia sit *necessaria*, & quis hanc necessitatem præcipiendi, vel prohibendi DEO imposuit?

Quo etiam facit, quod opinio hæc incautis & rudibus, iis præsertim, qui de religione revelata nihil, vel parum audiverunt, nec sciunt genuinum intellectum veri amoris erga se ipsum, præbeat occasionem si non scandali, saltem erroris. Cum enim homines natura sua propendeant in *spuriū* sui ipsius amorem, nec semper & facile discernant inter hunc & *verum*, non difficulter possunt discere licitum, imo jure nat. præceptum esse *mendacium* ob vitæ vel bonorum jacturam, *mollitiem* ad impediendam infirmitatem, *furtum* ob egestatem &c. Neque retorseris: quod etiam S. Evangelium amorem sui ipsius insinuet, per verba *diliges . . . sicut te ipsum*. Illud enim jubet quidem diligere proximum, sicut quisque amat se ipsum: sed non asserit amorem esse principium ultimum & adæquatum *omnis obligationis naturalis*, ex quo solo erroris fons scaturire potest.

IIo. V.) Ad proin adductum principium neque est *verum*. Nunquam enim ex eo absoluta necessitas ullius officii naturalis inferri potest sine recurſu ad aliud ultimum. VI.) Sicut neque etiam est *unum*, sui enim Patroni non possunt illud explicare sine altero, scilicet absque *felicitate naturæ rationalis*, quanquam etsi unum exponant per aliud æque mancum, adhuc merito nihil concludunt, cum absolutam *necessitatem* obligationis neque ex singulis, nec ex utroque simul inferre possint. Sufficit proin quod *Amor* hic aliquem obtineat locum inter principia *inadequata* & adminicula varia dignoscendæ obligationis naturalis. Atque ex his fundamentis etiam adversæ rationes *n. 106.*) adductæ suam habent solutionem.

§. II.

*An socialitas vitæ humanæ sit principium adæquatum,
ex quo agnosci possit obligatio naturalis?*

III. **H**ugonem, Grotium & Puffendorhium secuti plerique Protestantium Naturalistæ Juris nat. obligationem putant desumendam esse ex sola societate humana. Hinc Thomassius *Instit. jurisprud. divin. l. I. c. 4. n. 64.* doctrinam eorum hoc conceptu exponit: *Fac ea, quæ necessario conveniunt cum vita hominis sociali; & quæ idem repugnant, omitte.* Probant autem I.) Quia regulæ huic competunt omnes requisitæ proprietates, cum sit *verum, proprium, & adæquatum.* II.) Homo natura sua est *animal sociale*, sive societatis appetens, ut post Aristotelem Seneca *l. I. de ira c. 5.* ait, *Homo in adiutorium mutuum generatus est.* III.) Idem homo est *impotens* sui conservandi sine aliorum ope: ad mutua commoda promovenda *idoneus*, simul tamen nequitia & malitia ad ea impedienda pollens: Inde concludunt: ut igitur homo sit *salvus, felix & incolumis* societatem quærat, & amet, utpote naturæ suæ convenientem. IV.) Inter omnia animalia solus homo præditus a DEO est potentia loquendi: Creator itaque ipse voluit eum in aliorum societate esse, quibuscum agat, negotietur, & illis colloquatur &c.

112. Hoc tamen principium *socialitatis* qua *adæquate* indicativum jur. nat. a suis Patronis excogitatum & assertum est, merito ab ipsismet Protestantibus inter aniles naniæ reputatur, ut patet ex Groning. in *Biblioth. J. G. l. 3. c. 5. 10.* & sparsim, David. Mev. in *nucl. J. N. & G. inspect. 3. rh. 13.* Henric. Coccejo, & Samuele ejus filio in *resol. dub. de princ. J. N. §. 8.* Kestner. de *J. N. c. I. §. 11.* Heineccio in *Elem. J. N. l. I. §. 75.* & communissime aliis sanius sentientibus. Licet enim omnes vere Erudici admittant *socialitatem* esse aliquod *adminiculum* dignoscendæ obligationis nat. in plerisque saltem casibus humana commercia congerientibus, & proin dici etiam posse *indiciu*m, imo & objectum illius *inadæquatum*, nullo tamen modo est *adæquatum, verum & ultimum principium.*

Ratio est. I.) Quia hæc opinio invertit ordinem naturæ rationalis, cum bonum civem, bonum socium prius for-

mare nitatur, quam bonum hominem. Instruit enim quod unusquisque debeat se socialem aliis exhibere, cum illis sermocinari, negotia tractare, in commercio eorum vivere, si velit esse sopes, sanus, incolumis. Verum hæc *secundaria* sunt, nec *semper ac necessario* ullo jure præcepta, & potius ad Philosophiam Ethicam vel Medicinam spectant. Lege vero naturali *primo & absolute* præcipiuntur officia *erga DEUM*, quæ Protestantici illi Moralistæ a jurisprudentia nat. temere excludunt, contenti sola societate humana. Dein præcipiuntur Officia *erga proximum*; & *se ipsum*, quæ illi confundunt cum actibus mero Jure Gentium introductis, qualia sunt commercia, negotiorum gestio, & tractatio; item cum mero honesto, & decoro non fundato in *naturali justitia*: sed pure Ethicam respiciente, aut politicam vel œconomiam: Qualia sunt se affabilem aliis, facietum, jovialem & comem exhibere, rem suam domesticam bene administrare, curare ut ab aliis adjuvetur, & juvet eosdem &c. Sola igitur externa, & fluxa bona curanda docent, neglectis internis, & DEO fine ultimo naturali, qui non alius est, quam agnitio & amor DEI cum reliquis officiis; juxta vires naturales Creatori exhibendos. Porro tria hæc ex aliis regulis discenda sunt, non ex socialitate brutis communi. Hi igitur Naturalistæ vix aliquo gradu differunt ab Epicuro, & ejus sequacibus, qui per suam jurisprudentiam naturalem a pedibus non a capite incipiendo, hominem *moraliter* bonum formare volunt.

113. II.) Puffendorfiani affectu non probant socialitatem esse *adequatum & ultimum* principium dignoscendæ obligationis naturalis: sed tantum quod illa spectet ad *objectum materiale* Juris nat. idque *inadequatum*, quod solum concedendum illis est. Cum enim multa sint, circa quæ lex nat. versatur, nil prohibet, cur non etiam circa socialitatem, non tamen circa eam *solum*, nec *semper*.

III.) Quia societas non absolute, nec singulis hominibus præcepta est, potestque homo sine socio vivere, licet non sine lege naturali. Alioquin *Adamus* non teneretur lege hæc, ex quo enim solus de limo terræ formatus est; fuit tunc sine societate humana, usque dum *Eva* formaretur & dein filii nascerentur. Imo sequeretur, post alios Philosophos solitariz vitæ addictos, Senecam vel non fuisse hominem, vel legem naturalem continuo violasse societatem humanam fugiendo, juxta celebre ejus effatum: *quoties inter homines fui, minor homo reddi.*

IV.)

IV.) Si illa jure nat. semper præcepta vel prohibita sunt, quæ societati humane profunt, vel obstant: igitur incestus saltem in linea Ascendentium *primigradus* erit licitus, imo præceptus hoc jure, cum profitur generi humano, si multiplicentur eius individua, omisio autem incestus hujus illa diminuit, consequenter & societatem impedit. Ecce! digna Christiano homine moralis ex Puffendorffii socialitate promanans. Cujus recensita fundamenta cum super arenam posita sint, flante vento dirui possunt, nec aliam merentur solutionem, quam ut ex nostris probationibus desumi queat.

§. III.

*Utrum obligatio Legis nat. ex solo Decalogo
adequate dignoscatur!*

114. PHilippus Melancthon Martini Lutheri assecla apud Gronnig l. c. cap. 3. n. 5. Hemmingius in typo J. N. Bocklerus & alii pro principio *adequato* fundamentalis & ultimo discernendæ obligationis naturalis solum Decalogum assignant, ita ut quidquid in Decalogo, *Sabbato excepto*, contentum legimus, id totum & solum sit a jure nat. præceptum vel prohibitum; imo illum esse hanc ipsam legem dicunt, quæ cordibus inscripta creditur.

Opinio hæc protestantica merito inter erroneas eorum commentationes reputatur. Quamvis enim verum sit, præcepta Decalogi esse præcepta divina *moralia*, eaque non tam positiva, quam *naturalia declarata*; falsum tamen est decalogum esse legem illam, quæ cordibus humanis a Creatore inscripta, atque omni homini usus rationis capaci per dictamen eius promulgata est. Alioquin gentiles, qui de præceptis a DEO per S. scripturam revelatis, ac proinde etiam de Decalogo vix aliquid, vel nihil audiverunt, lege nat. non obstringerentur. Et tamen Gentium Apostolus ad Rom. 1. argumentatur illos *naturaliter* facere debere ea, quæ legis naturalis sunt; licet nondum Decalogi præcepta didicerint.

Decalogus igitur tanquam authentica declaratio legis nat. *principalia* materiz juri huic subiecta capita, eaque potissimum, circa quæ *regulariter* actiones humanæ versantur, non tamen omnia saltem in *specie infima* continet. Prout inter plurima alia saltem *explicite* & manifeste non continet dile-

dilectionem inimicorum jure nat. præceptam, eamque neg-
dum negativam: sed etiam positivam tam externam, quam
internam, uti patet ex verbis Christi, Matth. 5. v. 43. *Audi-
stis quia dictum est: Diliges proximum tuum, & odio habebis
inimicum tuum: NB. Ego autem dico vobis, diligite inimicos
vestros. Et quamvis omnino verum sit dilectionem inimico-
rum quatenus hi proximi nostri sunt, præceptam esse jure na-
turali: nihilominus in Decalogo clare & manifeste non conti-
netur, ut eos diligamus, iisque beneficiamus &c. verum id
ex aliis declarationibus repetendum est. Neque idem Deca-
logus est regula a priori, id est prima radix, a qua omnes
legis nat. obligationes proveniant: sed tantum est authenti-
ca a DEO ipso facta explicatio quo ad præcipua capita
ejus. Ac proin Decalogus solus neque continet omnem ac
adæquatam materiam legis nat. (uti patet v. g. in menda-
cio etiam officioso, quod jure nat. certe prohibitum est, ex
Decalogo tamen prohibitio hæc deduci nequit, verum aliun-
de cum similibus petenda est) neque est principium funda-
mentale adæquatum & ultimum dignoscenda obligationis
hujusmodi, cum ex eo solo nequeat colligi absoluta neces-
sitas eorum; quæ in eo præciuntur & prohibentur, quin
fiat recursus ad perfectiones divinas tanquam ultimum &
adæquatum fundamentum obligationis naturalis.*

§. I V.

*Quid censendum sit de principio J. N. in convenientia
& disconvenientia a multis statuto*

125. **I**Nter multa hujusmodi principia celebre est illud Pal-
lavicini, Haunoldi & aliorum statuentium criterium
obligationis nat. in convenientia, vel disconvenientia obje-
cti cum felicitate naturæ humanæ, quod illi hac propositione
explicant: *Quidquid simpliciter expedit esse licitum ad felicitatem
humane naturæ, id omne spectato J. N. est licitum. Item.
Quod in ordine ad eundem finem simpliciter expedit esse præ-
ceptum, vel prohibitum, id omne nat. jure est obligatorium.*
Similiter: *Quod simpliciter expedit esse graviter, vel leviter
prohibitum pro humani generis felicitate, est jure nat. gravi-
ter, vel leviter prohibitum. Quia vero inde nova oritur quæ-
stio, quidnam simpliciter expediat, vel non expediat? alterum
statuunt principium, scilicet: Id omne simpliciter expedit,*
vel

vel non expedit, in cuius licentiam, vel prohibitionem homines consensissent, si ante omnem casum particularem ab Auditore naturæ requisiti tulissent suffragium &c.

116. Non subsistere hoc principium probatur I.) Quia constat duabus omnino disparatis & indefinitis propositionibus, quarum unam obscuram sui Patroni explicant per alteram obscuriorem, ac ita totum dubium de obligatione naturali *practice discernenda* relinquunt in sola abstractione *speculativa*.

II.) Ambæ enim regulæ hunc solum sensum continent; *Fac ea, quæ necessario conveniunt cum naturâ rationali, & quæ eidem repugnant, omite*: Porro est id in quaestione, quæ *necessario* debeam facere, quæ *omittere*? Si respondeant, omite ea, in cuius prohibitionem homines consensissent: redit quaestio, unde mihi & tibi de hoc, quod homines consensissent in prohibitionem v. g. *mendacii levis officiosi*, in illis circumstantiis, ubi aliter mortem non possum effugere, ab injusto Iudice mox decernendam? Forte aliqui consensissent, forte non: nisi se reflexissent ad *solidius aliud*, & ultimum principium, quod absolute exigat, ut talia objecta a DEO prohibeantur.

Constat enim doctissimos alioqui Viros docuisse in predicto casu licitum esse mendacium, & similia. Ut enim taceam Protestantium hac in parte errores, qui mentiri propter vitæ conservationem, vel aliam utilitatem, cum Vvbero de J. N. & G. l. 4. c. 1. §. 9. Kemmerich. *Jurisprud. divin.* l. 2. c. 8. n. 41. Puffendorf. l. 4. de J. N. & G. c. 1. §. 16. ex doctrina Lutheri, & suæ Jurisprudentiæ nat. erroneis principiis, nedum omni vacare culpa; sed etiam actum virtutis, imo *singularem virtutem & prudentiam* esse defendunt; aliquas Catholicorum adfero opiniones: *Goffred.* vit. ab *Angelo* verbo *perjurium*, mendacium officiosum juramento assertorio confirmatum, peccatum tantum veniale esse putavit; quæ opinio usque dum ab Innoc. XI. damnaretur, multos habuit sequaces. *Durandus* Ordin. Prædicator. Theologus & S. Palatii Magister immortalis est sententiæ suæ, quæ cum aliis 50. DD. defendit simplicem fornicationem soluti cum soluta, supposito mutuo consensu in usum corporum, & provisione honestæ sustentationis proli nascituræ, non esse *delictum contra jus naturæ*, imo illi valde conformem actum, solo tamen jure divino prohibitum, a quo si abstrahamus, illa de Jure nat. foret licita. Et D. Th. 1. 2. q. 94. art. 6.

uit: apud Germanos olim Latrocinium non reputabatur iniquum, cum tamen sit expresse contra legem nat. &c. &c.

Igitur inanis est divinatio in regula secunda asserti principii: Quia hic enumerati, alique iis doctrina pares Viri nunquam consensissent in prohibitionem mendacii levis & officiosi in casu allegato; & tamen est jure naturæ prohibitum.

III.) Demum, idem principium nec est unum ut per se patet; nec verum; quia in fictione & inani divinatione consistit: nec proprium; nam competit etiam legi positivæ consensu Gentium introductæ, nec dein ultimum; quia semper redit quæstio, cur DEUS necessario prohibuerit, v. g. mendacium etiam officiosum? consensus autem ille conditionatus hominum in prohibitionem ejus non potuit DEO imponere absolutam illud prohibendi necessitatem: cum Auctor naturæ nullius entis extra se consensu & judicio aliove actu necessariæ coartari possit: igitur a primo ad ultimum, tandem ad perfectiones Divinas supra expositas recurrendum est.

§. V.

An sola ratio principium sit indicativum legis naturalis?

II7. **O**mnisvis multa & abstrusa juris naturalis cognoscendi principia a ratione humana omnino distincta statuere conati sint Protestantium Naturalistæ, hi tamen recte in docendo consequentiæ obliti, tam in cognoscendo, quam discendo jure nat. SOLAM RATIONEM Magistram ereparit. Ita quippe Puffendorfius in præfation. J. N. G. sibi & aliis legem præscripsit: *solis rationibus agendum esse, ubi de jure nat. tractatur*. Quanquam recessit a sua lege, nec promissis stetit, ubi potissimam partem sui operis textibus juris civilis & variorum Eruditorum, imo S. Scripturæ & quidem inepte applicatis oraculis replevit. Gündlingius discurs. c. 1. eo abstractionis devenit; ut ausus sit asserere, *se de OMNIBUS legibus ostendere posse, eas esse IPSAM RATIONEM*; quasi vero leges naturales sola divina ratione libere constitutæ forent, & non intrinseca objecti bonitas, aut malitia DEUM ad eas homini per dictamen promulgandas necessaria permoverit: aut quod ad leges positivas condendas sola ratio sufficiat Principi, quod scilicet ita sibi placet, sine indagine, an leges hæc sint communita.

nitati utiles, iustæ, executioni faciles, loco, tempori commensuratæ &c. vel demum quod ratio sola sufficiat sine voluntate illis obligandi subditos; eas promulgandi &c.

Vvolffius in sua *Philosophia pract.* §. 136. obligationem legis nat. in ipsa natura hominũ, & ratione ejus reponit, quod repetit ibid. in part. 1. §. 259. & 261. tum alibi sparsim; discernens legem nat. non nisi per rationem innotescere. Huic conforme aliud opus evulgavit: *Institutiones J. N. & G. in quibus EX IPSA HOMINIS NATURA continuo nexu omnes obligationes, & jura omnia deducuntur.* In hac lucubratione, sicut promiserat, fecit, exclusit nempe ipsum etiam naturæ Auctorem DEUM, ac omnem Prudentum, imo & Divinam de Jure nat. auctoritatem. Quo etiam factum est, ut quemadmodum ex sola ratione sua scribendum promissit, ita scripserit: non Jus naturæ: sed *JUS CEREBRINUM*, Ethnico non minus, ac Christiano inutile, censuram hanc distante ipsomet, protestantico scriptore Heineccio, qui in præfatione *Elem. J. N. & G. versu ipsorum libris*, non de Vvolffi tantum, sed de omnium fere Protestantium suorum lucubrationibus sentit, eas ad Jus nat. discendum, vel explicandum non esse utiles. Itaille: sed *Vae tibi! vae nigre dicebat, cacabus olle*; ipse enim censor hic Heineccius nondum se crimine purgavit, qui eadem pavi navigat, ubi ibidem inter alia commenta solam rationem judicem obligationis nat. sine limitatione asserit.

Protestantium commentariis etiam Orthodoxorum non nemo deceptus p. 2. de *J. N. c. 1. f. 71.* pariter sine ulla limitatione audacter tradit: *rationem naturalem satis esse ad agnoscendam legem necessariam Authoris naturæ.* Probans id: quia si in statu puræ naturæ essemus, nunc sola ratio naturalis sufficeret nobis ad ostendendam legem naturæ &c.

118. Sed pace istorum Naturalistarum, indubitata est Prudentiorum doctrina, quod Ratio nostra sola non semper sit indicium certum legis nat. aliquid præcipientis, prohibentis, vel concedentis, sicut nec irritantis: verum illa indigeat regulis, quibus adjuncta intelligat voluntatem DEI imperantis.

Fundamentum hujus decisionis est I.) Quia ratio nostra privata sibi soli relicta potest errare: nequit igitur semper esse indicium certum saltem morale, quale omnino requiritur ad honestatem vel licentiam actus humani. Hoc vero ipsum inde deducitur. II.) Nam lex æterna, quæ est ipsa

RATIO DEI, agnoscitur mediante ratione participata creata. Ratio autem hæc participata non immediate attingit rationem divinam; sed mediantibus signis, connexionibus, circumstantiis, quas vocamus *principia indicationis* Juris nat. & ostendimus hic a n. 80.) illa quatenus *inadequata* sunt, ac certis solum casibus applicari possunt, dari plurima, ex quibus hic & nunc practicè agnoscere possumus, obligemur ne ad aliquid, vel non.

Exceptis igitur primis moralitatis principiis: *declina a malo & fac bonum: Quod tibi non vis, alteri ne feceris*, &c. circa quæ ratio etiam sola errare non potest, teste D. Aug. in Ps. 57. *Veritas manu non formata in cordibus nostris scripta est: quod tibi non vis, alteri ne feceris, hoc ignorare nemo permissus est*; demptis item conclusionibus, quæ ex illis primis principiis clare & immediate deducuntur, in reliquis omnibus, quæ ex generalibus principiis tantum mediate sequuntur, & difficilius penetrari possunt, ratio sola sicut ignorantia obnoxia est, ita facile errare, & eum, qui suo ingenio confidit, in interitum præcipitare potest. Uti jam patet ex §. præced. ubi multi etiam Eruditi, imo & Religiosi viri soli rationi confisi turpiter errarunt circa licentiam mendacii, fornicationis, & ingeniosissimi alioqui Germani nostri antiquiores halucinati sunt circa honestatem latrocinii, quod ipsi, teste Isidoro apud D. Th. loc. cit. non pravè voluntatis vitio: sed *rationis errore* licitum existimarunt.

119. II.) Hanc ob causam factum est, quod referente Alex. Natal. theolog. dogm. l. 3. c. 4. reg. 16. Clerus Gallicanus cum Academia Paris. & Lovan. confixerit hanc propositionem, *Licet ex SOLO RATIONIS LUMINE disjungere, quando quis privatus possit pro tuenda vita, vel bonis, vel honore aliquem occidere*. At quid multis opus? experimur utique **REGNUM RATIONIS** hodiernum: **SPIRITUS LEGUM**: **SPIRITUS FORTE**s Protestantium, quanta mala in DEI Ecclesiam, Rempublicam Christianam, sacrum Rom. Imperium, Jurisprudentiam naturalem, & morum disciplinam non invexerint? cum nullus sit eorum, qui suam **RATIONEM RECTAM** esse non præfidat. De his præfago spiritu dixisse intelligitur: D. Augustin. l. de quant. anim. cap. 7. numer. 12. *Tales enim homines, quorum profectio maxima multitudo est, si RATIONE volunt verum comprehendere, similitudinibus RATIONUM facillime DECIPIUNTUR, & in varias noxiasque opiniones ita labuntur,*

tur, ut emergere inde ac liberari aut nunquam, aut egera
time queant.

120. III.) Momenta contraria id solum evincunt, quod
recta ratio sibi soli relicta, etiam exclusa omni auctoritate;
& convenientis studii, aliisque inadæquatis adminiculis non
adhibitis; sufficiat ad cognoscenda prima & generalissima
J. N. principia, conclusionesque ex illis suapte natura cha-
re fluentes. Non vero etiam ad eas, quæ difficilius pene-
trantur, & solum mediate ex illis deduci possunt; dicente
D. Th. 1. 2. q. 94. a. 4. *Lex nature quantum ad prima princi-
pia communia est eadem apud omnes, & secundum rectitudi-
nem, & secundum NOTITIAM: sed ut in paucioribus (id
est, quo ad particularia præcepta) potest deficere etiam quan-
tum AD NOTITIAM: igitur & errare in cognoscendo jure
nar. ratio nostra potest, prout errare quo ad particularia
præcepta potuisset, si in statu puræ naturæ extitisset.* Inqui-
renda ergo sunt adminicula, quibus adjuncta erudiatur, ne in
judicando circa obligationes erret.

A R T I C U L U S III.

De adminiculis discendi & dignoscendi Juris naturalis.

S U M M A R I U M.

121. Scriptura an excludenda a J. N. Christianis explicandor
122. An revelatio Divina?
123. Et utrum etiam auctoritas?
124. Sine auctoritate nemo fit doctus.
125. &c. Gundlingii balucinatiō castigatur.
128. Et Heineccii consequentiæ.
129. &c. Demum aliorum Protestantium denia.
132. Cur Protestantes solam rationem crepent?
133. &c. An Theologia nat. Jus Canonicum & Civile cum
ss. Patribus profiganda sint a J. N. Christianis ex-
plicando?
135. Lutheri Judicium de Jure Can. & Canonistis.
136. De iis melius sentit Leibnitius.
137. Heineccii ineptia circa Jus Civile & Can.

§. I.

Utrum S. Scriptura & revelatio Divina & auctoritas excludenda sint a principiis indicativis Jur. Naturæ?

121. **S**acram scripturam, & revelationem divinam non esse excludendas ab *adminiculis* seu *inadequatis principiis indicativis discernendæ obligationis naturalis*, eusque docendæ & apprehendendæ, facile concludi potest ex demonstratis §. *præced.* ubi ostensum est, rationem humanam sibi soli relictam posse errare in agnoscenda obligatione naturali: consequens igitur est, debere dari aliqua *adminicula*, quibus debilitas rationis nostræ contra errores munia- tur: Porro inter hæc nulla digniora & magis idonea haberi possunt, quam e S. scriptura & revelatione, quod ex his momentis liquere potest. I.) Nulla Gens parem habet librum, qui ita exacte omnia naturalia præcepta contineat, uti hæc continentur in sacris Veteris & Novi testamenti codicibus. II.) Nullus codex a sapientissimo hominum conscriptus & naturales leges exponens tantæ reperiiri potest auctoritatis, quantæ est sacra scriptura eas declarans & explicans. III.) Nulla ullius Gentis lex tam paucis omnia fundamenta juris natur. & officia hominis erga DEUM, seipsum, & proximum exponit, & præscribit, sicut sacrum DEI eloquium, prout hæresi, impietate, vel rerum imperitia non præoccupato animo evidens est ex verbis Christi Domini Matth. 24. *Diliges Dominum DEUM tuum ex toto corde &c. & proximum tuum sicut te ipsum . . . : in his duobus præceptis UNIVERSA Lex pendet &c.* cui consonat illud 1. Timoth. 1. vers. 5. *qui diligit proximum, legem implevit.*

IV.) Neque prudenter sperari potest ullum deinceps ab ethnicis, vel hæreticis Auctoribus melius conscribendum Jus Naturæ, quam in sacris literis habeamus. V.) Etiam Protestantes saltem qua Christiani tenentur admittere Decalogum, qui paucis verbis fere exhaustit totam legem nat. quo ad præcipua ejus capita: Non igitur *tantum potest*: sed *debet* admitti a Christiano S. scriptura in dignoscendo, docendo & discendo Jure natur. Quid enim Salomon in Proverbiis & Ecclesiastico, quid maximam partem Prophetæ, quid sacra Evangelia exponunt, quam ut plurimum

legem naturalem? Imo ex ipsismet Protestantibus, qui tantopere sacrum codicem a naturali jurisprudentia extorrem fieri debere scribunt, Hugo Grotius de J. B. & P. admodum liberaliter sacra scriptura ad probationem suorum assertorum usus est, quamquam eadem etiam iade abusus sit, temerarie invertendo eam hinc inde contra Catholicam Ecclesiam, ac Sanctorum Patrum & Theologorum doctrinam. Quem secutus est Puffendorfius, Gundlingius, Voëberus, Thomassius, Heineccius &c. qui tamen omnes scripturam sacram excludendam esse a jure nat. explicando clamitant clamori huic re & facto contrario non respondente.

122. Quod etiam *revelatio divina*, si versetur circa objecta jure nat. *præcepta*, non sit a jurisprudentia nat. respicienda, colligi jam potest ex præcedentibus. Necessario enim I.) admittendus est præceptorum divinatorum Decalogus: Atqui hic est a DEO revelatus. II.) Omnes fere Gentes, & Gentium sapientissimi cum sua Philosophia & Juris nat. commentariis tamdiu in tenebris ignorantie squalebant, donec verbum DEI per Apostolos universo mundo fuerat revelatum, hoc autem facto Gentes illæ pervenerunt in notitiam DEI, ejusque veri cultus, & observantiæ legis naturalis, contra quam olim vivendo, vix a brutis differabant, neque notitiam hanc Juris nat. acquisivissent ex libris Homeri & Epicuri; Quod etiam Ethnicus Imperator Alexander palam confiteri solitus perhibetur, sibi Christianorum libros præ aliis placere eo, quod recte rationi conformem legem doceant: *quod tibi non vis; alteri ne feceris*, uti testatur Guil. Grot. de princ. J. N. c. 4. porro lex hæc Christianis, præter naturale lumen inditum, fuit etiam revelata, ac ad Ethnicos propagata.

III.) Quia futilia Protestantium Naturalistarum argumenta sunt, quibus illi revelationem divinam excludere nituntur. Hæc enim non tollit obligationem nat. sed eam declarat & perficit. Ita quippe fit, ut quamvis divinus revelatus sit DEUM existere, hunc amandum esse super omnia, tamen etiam jure nat. tenemur inquirere in ejus existentiam notitiam, illumque amare pro viribus nature, cujus existentiam etiam naturali ratione demonstrant Christiani Philosophi, licet eam credant revelatam.

IV.) Imo licet a DEO sint aliqua revelata, manet tamen obligatio naturalis ad ea credenda, supposito quod revelatio agnita sit, siye suppositis motivis: qualia sunt

magis D. Isidorus, Greg. August. Thom. Scot. Suar. de LL. l. 2. & innumeri alii, qui naturales obligationes Eruditorum auctoritate adhibita probant. Soli *hujus temporis* Protestantes Recentiores legem naturalem proprio Marte auspice, *sola ratione* magistra universo Orbidiſtandam promittunt: sed promissis non ſtant. Incipiendo enim a *Seldeno*, *Hobbeſio*, *Hug. Grotio*, *Hobbio*, *Puffendorſio*, *Thomaſo* &c. nullus eſt, qui non præmiſſa ſeveriore paræneſi contra Catholicos DD. quaſi hi juris naturalis diſciplinam admixtione S. Scripturæ & auctoritate Eruditorum adulterarint, ſœdarintque; jus naturæ purum, ſeu ex ſola ratione depromptum: *ordinatum* ac *evidens* ſe ſcripturum ſpondeat. Nihilominus immemor ſui propoſiti quique eorum, præter *VVolfium*, omne quod e ſacris paginis, ſive ex legibus Civilibus & Jure Canonico, vel Eruditorum quorumvis lucubrationibus, in ſuum folium hinc inde corradere potuit, corraſit & audacter traxit.

II.) Ratio noſtra in *Moralibus* pendentibus a legis nat. diſpoſitione, circa *particulares caſus* diſtinctos a principiis generalibus plerumque cæcutit, nec ita facile poteſt determinare, quid prohibitum vel permiſſum ſit: debet igitur recurrere ad auctoritatem docentium, ut diſcat. Nam etiam Gentilium Philoſophorum perſuaſio fuit: *primos homines ab ipſo DEO edoctos fuiſſe*. Hinc recte Ariſtoteles ſuis diſcipulis inculcabat: *diſcentem oportet credere*, præſertim hominibus veteri doctis & piis.

124. III.) Omne proin dubium hac ſuper re exemit D. Auguſtini effatum l. 2. de ordine, c. 8. & 9. *Nullus hominum, niſi ex imperito peritus ſit, nullus autem imperitus novit qualem ſe debeat præbere docentibus, & quali vita eſſe docilis poſſit, evenit, ut omnibus bona magna & occulta diſcere cupientibus non aperiat, niſi AUCTORITAS*. Et ſane nullum ſub ſole reperire eſt, qui citra temeritatem vel mendacium aſſeverare poſſit, ſe legis naturalis præcepta *omnia* didiciſſe ex *ſola ratione*, & ſine ope ac adminiculo ullius auctoritatis, Magiſtri, Pædagogi & Præceptoris, ſi gnayum adjecerit animum ad ſuam educationem, ſtudia, experientias, diverſasque vitæ circumſtantias. Uti- que durante infantia erudiebaris primo a Parentibus, ut eos coleres, iis obedires, DEUM adorare diſce- res, mendaciis levitatieque puerili parceres &c. Dein infantiam egreſſus commiſſus es, inſtructioni aliorum, qui

firmat. se rationis solius magisterio intelligere omnia etiam particularia præcepta naturæ, quæ ex illis generalibus principiis solum mediate sequuntur & difficulter penetrari possunt, ut liquet ex n. 118.) ubi pro exemplo adduximus Eruditissimos viros qui circa licentiam mendacii, fornicationis, perjurii &c. turpiter errarunt privatæ rationi suæ confisi. Et legi potest D. Bonaventura, qui affirmat dari obligationem naturalem post lapsum gravem illico sese restituenti in statum gratiæ; e contrario D. Thomas, qui negant hanc obligationem. Tanti igitur Viri! circa obligationem naturalem discordant sententiis, qua igitur præfidentia unus Gundlingius cum similibus asseverare audeat, se ex sola ratione omnes naturales obligationes sine scripturæ sacræ, alteriusve auctoritatis adminiculo intelligere posse? Neque tamen mens nostra est asserere, quod in explicandis naturalibus præceptis præcise & absolute recurrendum sit ad sacram scripturam: verum id solum; quod sive ad hanc, sive ad alia adminicula a nostra ratione distincta recursus hic faciendus sit, quoties proprio Marte nihil certi nostro ratiocinio concludere possumus. Hinc sive ad scripturam, ubi hæc manifeste aliquem casum naturalis juris declarat, sive ad Auctoritatem SS. Patrum, aut communem Eruditorum sensum, vel ad juris positivi aliæ effata Prudentum recurras, nihil refert: dummodo non halucineris, & in naturali obligatione privatæ rationi confusus minime erres.

126. II.) Instat laudatus Gundlingius loc. cit. dicens: Veritatem naturalem ex scriptura disci non posse, alias ex ea etiam Mathematicam oporteret discere. Dein concludit: illos miserabiles homines esse, qui velint jus nat. ex S. Scriptura docere, quia scripturæ longe alius est finis.

Verum quid magis devium est hoc Gundlingii argumento? Certe nequæ ex ejus lucubratione, neque aliorum Protestantium Institutionibus de Jure naturæ conscriptis *Mathefis* disci potest, & tamen illi se omnes homines legem naturalem docere posse non dubitant. Eruditus Scriptor hic debuit prius perpendere, quod Auctor naturæ DEUS legem naturalem, non autem regulas mathematicas cordibus hominum inscripserit, quibus ad se tanquam finem ultimum naturalem & adæquatam dirigerentur: non igitur in suis sacris Eloquentiis de *Mathefi*: sed de morum naturali honestate, per Prophetas suos & S. Evangelium tractare dignatus est; ut scilicet lumen rationis humanæ limitatum ac errori obno-

obnoxium sanctissimis Oraculis suis confirmaret, & in viam veritatis dirigeret. Nulla vero par exigentia fuit tractandi in Scripturis de Mathesi, quia hæc ad finem ultimum naturalem minime est homini necessaria. Hæc si Naturalista ille considerasset, contra Creatoris sui adoranda Eloquia non ita inepta proposuisset. Ac proin longe *miserabilior* ille est, qui adeo temerarie de Divinis oraculis sentit. Fæditissime enim errat, ubi laudacter asserit *longe alium esse finem* scripturæ sacræ, quam legis naturalis. Constat quippe ex infra dicendis, differentiam hanc nonnisi *quo ad modum esse*, quoad substantiam vero, sicut idem DEUS est, quem natura humana pro fine suo naturali habet, ac supernaturali, ita & legis naturalis ac S. Scripturæ finis est dirigendi hominem ad eundem scopum & terminum ultimum: at per diversa media, ex quibus diversus effectus sequitur.

127. III.) Sed quid multis opus est? ipse Gundlingius l. cit. c. 1. §. 29. ait, *si Christianus factus sum eosque non fero, qui Christianismum contemnunt*, NB. ut quid ergo *separo revelationem, atque via incedo?* multo etiam melius in resp. *netramus, si in AUXILIUM SCRIPTURAM invocamus*. Hoc quemadmodum ille asseruit, ita veritates naturales ex S. Scriptura sæpius probat. Ecce! de uno cerebro calidum, humidum, frigidum, & siccum. Hæc est consequentia doctrinæ hujus Naturalistæ. Decernat Eruditus Lector quid ex ea solidi concludi possit? certe non plus, quam si Proteus formas versatus in omnes contra Catholicos Auctores Jus naturale explicantes fuisset argumentatus.

128. IV.) Heineccius in *Elem. J. N.* & G. Lib. 1. c. 1. §. 15. dicit jus nat. cordibus nostris esse inscriptum: hinc sequente §. 16. insert, *ex eodem consequitur, ut jus nat. derivandum non sit ex sacris literis*, & paucis post rationem hujus affert: *Quia scriptura est ignota, aut non recepta Gentibus*: Sed Naturalista hic quemadmodum assertum argumentum a Gundlingio mutuatus est, ita etiam inconsequentiam illius, ac sibi ipsi non satis constans ingenium derivavit. Enim vero oblitus, aut non percipiens, quod cit. §. 16. linea 1. & 2. dixerit: *jus nat. non esse derivandum ex sacris literis*, jam, hoc ipso §. 16. linea 7. & seq. ait: *non modo multa, quæ verba ratio dicat, in sacris literis repeti, sed & miram esse utriusque juris consonantiam, nec quidquam DEUM in sacris pandere vel præcipere, vel prohibere, quod juri per rectam rationem promulgato adversetur*; Bene est! cur igitur sacras lites

ras rejicis? cur paulo ante dixeris jus nat. ex iis non esse derivandum? Quo autem manifestius inconstantiae judicii sui convincatur Auctor hic, videri potest loc. cit. l. 1. c. 3. §. 94. ubi ait se magnopere delectari, quod tandem ex Coccejo invenerit principium juris nat. tale, quale a sacris literis praesidium accipiat, scilicet amorem universalem. Iterum bene est vir optime; sed qua doctrinae tuae consequentia? si jus nat. non est derivandum a sacris literis, tanto minus ex illis derivari deberet principium Juris naturalis; quia scriptura est (juxta te) ignota aut non recepta Gentibus, quid igitur proficiat tuis Elementis juris naturae ad usum omnium Gentium conscriptis? haec enim cum non omnes notitiam scripturae sacrae habeant, vel eam receperint, amorem universalem in ea fundatum rifu explodent, aut te, quod justum est, inconsequentiae damnabunt & imperitiz.

129. V.) Impugnant adhuc alii cum Puffendorffo, Scriptura & revelatio divina sunt supra naturam; excludenda igitur est a naturali disciplina. Falluntur tamen & fallunt, nam sacra DEI eloquia in quantum docent praecepta moralia rectae rationi naturali consentanea, non sunt supra naturam, hanc enim illa potius perficiunt, ac in recto & naturali veritatum intellectu confirmant; quo ad modum autem, quo latae sunt leges scriptae eloquio divino Prophetis & Evangelistis dictatae, sunt quidem supra vires naturae humanae; verum id nil facit ad propositum Puffendorffii & ejus sequacium. Responsionem hanc Christianus Lector facili negotio capiet ex Decalogo, quem nobis Sacrae paginae exhibent, hunc si quis nolle credere quo ad modum, seu quod sit locutio Divina; non ideo praecepta in eo contenta (praeter Sabbathi observantiam) posset rationabiliter dicere esse supra naturam; quia haec omnia & singula naturali rationi sunt necessario consentanea.

130. VI.) Urgent iidem Naturalistae: Jus nat. scribi debet pro omnibus hominibus etiam Gentilibus; porro si id sacra scriptura & auctoritate SS. Patrum constet, Sinenses, Peruviani aliique Ethnici nunquam legem nat. discent, cum scripturam sibi ignotam putent esse fabulam, & SS. Patres minime norint; igitur sola ratione sunt convincendi.

Contra tamen est, quod hi Moralistae ita veritatem impugnent, ut simul praeter suam intentionem, nervum responsioni subministrent; Quid enim facit ad rem, quod Gentilibus scriptura sacra sit ignota, vel pro fabula reputetur? nun-

nunquid Puffendorffii, Thomassii, VVolfii, Gundlingii, Heineccii, & sexcentorum aliorum lucubrationes notæ & familiares sunt Sinensibus, Peruanis, aliisque Gentibus barbaris? & tamen in Germania Halæ, Lipsiæ, Altdorffii & alibi Christiani Juvenes naturale jus ex illis discunt, cur igitur iidem discere hoc ipsum nequeant, si naturales obligationes Divinis oraculis, SS. Patrum aliorumque Prudentum effatis confirmantur, ac dubia ex *particularibus præceptis* naturalibus oborta ipsorum ope & auxilio solidè resolvantur? Christianus juris naturæ scriptor omnibus hominibus, qui rationis usu pollent, debitor est, Christianis nempe, iisque Catholicis & Hæreticis, non minus ac Gentilibus, Judæis & quibusvis Infidelibus; ille proin obligatus est ita adornare lucubrationem suam, ut omnibus & singulis satisfaciatur. Et quidem *debitor est Ethnicis & Infidelibus* sacræ scripturæ ignavis; ut his universalia juris nat. principia, conclusionesque ex illis manifeste fluentes clare & ad captum exponat, sensim autem suggerat iis etiam alias veritates æternas ad religionem revelatam aditum parantes; quas Doctor hic ipse ex Decalogo aliisque S. Scripturæ locis discere prius debet, ut hac ratione illos ad plenam veritatis agnitionem, sicut jure nat. satagere obligatur; inducat, aut saltem, *quantum in humanis viribus est*, disponat. Debitor quoque est *Christianis*, quibus ita legem nat. exponere debet, ut suam explicationem conformet eidem naturali juri in Decalogo, Evangelio, aliisque sacrorum codicum locis declarato. Quod si a DEO ejusque sacris literis, vera religione naturali, & omni Eruditorum ac piorum auctoritate abstrahat, suæque *privatæ rationi* confusus scribat jus pro statu hominum mere hypothetico & purè possibili: non est hic eruditus Juris nat. scriptor: sed *inaptissimus nugator*, cujus naturalis jurisprudentia tantum contribuit Christianis, imo & Infidelibus ad naturalem morum emendationem, quantum tribuit *Odyssea* Homeri, *Utopia* Mori, & *Telemachus* Fenelonii, aut de *rapiu Proserpinæ* Pœtarum fabulæ.

Neque enim vivimus in *statu puræ naturæ*, quæ nunquam fuit, nec erit, ac solum ut pure possibilis consideratur: sed vivimus omnes homines in *statu naturæ elevatæ*, sub lege divina tradita in paginis sacris explicantibus nobis naturalem obligationem; nil obstante, quod Ethnicici hæc ignorent, vel credere nolint, quia *infidelitas eorum sicut fides* (di-

(dicente Apostolo) ita nec naturalem veritatem in scripturis declaratam *evacuabit*.) Quo igitur efficacius omnibus Populis Ethnicis & Christianis satisfaciamus Institutiones nostras de jure nat. ita concipere obstringimur, ut ex illis tam Ethnicus quam Christianus habeat, quod utiliter discat ad rectam morum honestatem naturalem sectandam. Ita autem fiet, si lucubrationes nostræ & solidam contineant assertorum rationem, quo ad generalia principia, conclusionesque ex illis clare fluentes, unde instruat Ethnics ac barbarus: & sacra DEI eloquia *Jus nat. declarantia*, SS. Patrum, Theologorum, aliorumque Eruditorum auctoritatem in *puncto naturalis obligationis* exponendæ non excludant, unde in his veritatibus magis illustretur & obfirmetur Christianus; tam hic autem quam ille in obscuris juris naturæ, ac perplexis obligationibus, citra erroris periculum solide instruat, quod in casibus *particularium* praeceptorum naturalium; ex *sola ratione* absque interventu alicujus auctoritatis non semper posse fieri, jam supra ostendimus.

131. VII.) Neque caput fatigat alia *Puffendorfit. & Volfst* ratio, quod scilicet sequatur; omnia, quæ in sacra scriptura præcepta sunt, esse præcepta Juris naturæ. Illatio enim hæc omni fundamento destituta est. Quia Christiani docemur, quod in sacris literis contingantur leges Judiciales, Cæremoniales, Morales, & Sacramentales. Ex his autem omnibus in lege Evangelica præter materiam *Fidei & Sacramentorum*, nulla dari præcepta divina positivi moralia, quæ vel in lege nat. vel in lege veteri, ejusque Decalogo *implicitè* non contineantur. Ac proin illa S. Scripturæ præcepta *moralia*, quæ in *lege naturæ ac Decalogo* fundantur, vel ad hunc reducuntur. (præter Sabbathum) obligant jure naturali. Reliqua vero sunt juris Divini positivi, quorum aliqua (uti sunt judicialia, cæremonialia &c.) per mortem Christi translato Sacerdotio, abrogata sunt, aliqua manent prout de his alibi tractari solet.

132. A primo ad ultimum, totus conatus Protestantium Moralistarum eo tendit, ut Religionem Christianam *veram* e medio tollant; ac in ejus locum inducant *Regnum rationis* solius, & sub larva ac prætextu Juris naturalis *puri, evidentis, ordinati*, incauta Juventuti aperiant viam libere sentiendi quidquid unicuique placet; hunc in finem, S. scripturam, revelationem, auctoritatem, & si quod aliud naturalis obligationis investigandæ adminiculum est, a Jure natu-

turæ declarando audacter eliminant; an autem consequenter & perite? partium studio non præoccupatus Lector, ex his quæ respondimus, judicet.

§. III.

*An Theologia naturalis, Jus canonicum & Civile admit-
tenda sint in explicando Jure nat.?*

133. **S**ingula hæc, si præcise in naturali obligatione explicanda persistant, certum est debere habere locum inter annicula docendi & discendi juris nat. utpote talia, quibus adjuti possimus devenire in noticiam obligationis naturalis, quam alias ex universalibus principiis per conclusionem certam immediate sequi non experimur.

Naturalem quidem Theologiam, sicut & reliqua omnia, excludit cum aliis Puffendorsius, dicens, *puerendo turbine fuisse illam a Catholicis ignorantibus immixtam disciplinæ juris nat.* Hinc etiam Hobbesius, Velthufius, Thomassius DEI agnitionem sequestrant a jure naturæ, relegantes eam ad Theologiam naturalem, tanquam distinctam disciplinam, cujus specimen VVolfius Orbi proposuit in separato volumine. Verum nil obstante erudito homine haud digna censura, indubitatum est melius in doctrina morali versatis, naturalem theologiam non posse prudenter excludi a disciplina Juris naturalis. Quia hæc est pars præcipua, & ipsum jus naturale. Est enim *scientia prædicta dictans naturales hominis obligationes erga DEUM*. Ea igitur exclusa necesse est excludere naturalia officia hominis erga illum, quam impietatem neque in Ethnico scriptore facile reperiis.

134. Etiam contra Jus sacrum & civile iidem Naturalistæ excipiunt, e quibus Gundlingius rationem affert, *quia non omnes veritates naturales ex corpore juris disci possunt*. Sed quid hoc ad rem? neque ex Gundlingii, VVolfii & similium commentariis veritates prædictæ omnes disci possunt, imo facile incauti Lectores illis depravari & perverti possunt, & tamen manibus teruntur, leguntur a multis, & quidem impune. Melius igitur Prudentiores hac in parte sentiunt, qui inde probant Jura prædicta non debere excludi: Quia dantur plurimæ obligationes naturales ita obscuræ & dubiæ, ut ex generalibus de *faciendo bono & fugiendo malo* principiis nullo modo eas per rectum discursum immedia-

te deducere possimus, quales sunt interdum de *promissionibus*, *passis*, *contractibus*, *restitutione*, *compensatione*, *rei alienæ occupatione*, *alimentis præstandis* &c. in his autem & similibus casibus ratio nostra sibi soli relicta nihil, aut vix aliquid concludere posset sine recurſu ad *ius positivum Sacrum*, vel *Civile*, quorum ope dubia hujusmodi facile dissolvuntur, ut experientia docet hos, qui in illis sunt versati.

135. Forsan tamen aliqui hujusmodi *farinæ Moralistæ* facilius movebuntur ad *Jus civile* recipiendum in suam disciplinam naturalem, saltem in *favorem* Jétorum Protestantium: Sed *Jus Canonicum* nullo pacto admittere volunt, ita disponente, & suis sequacibus præunte *Luthero*, qui apud *Gretsch. de modo prohibend. libros heret. l. 1. c. 22.* ait, *Jus Canonicum multos errores continet: pyra igitur dignum censei potuit & debuit* &c. Et paulo post dicit: *Canones sunt scabiosi, Decretales pestilentissime, Canonistæ asinistæ, atque diabolistæ*. Ita lasciviens asinus hic rudic contra *Jus sacrum*, melius de eo sentiente sapientissimo *Imp. Justiniano*, qui *Nov. 83. c. 1.* *Jus Canonicum* dicit *sacras & divinas regulas*, quas etiam nostræ sequi non dedignantur *leges*, & dein *Nov. 6. ac Nov. 132.* ait sacros *Canones* pro salute nostrarum animarum conditos ac constitutos, & plus studii in observatione Canonum, quam in custodia legum civilium ponendum esse, adjungens efficax monitum: eos qui *Canones* observant, *Domini DEI* potiri auxilio, & qui in hisce prævaricantur, se ipsos condemnationi subicere. Concordat *l. sacris Canonibus 45. c. de Episc. & Cler.* Qui aliter de *Jure sacro* cum *Luthero* sentiant, hi aut *Imperatorum* legibus rebelles, aut rudes earum & ignari sunt: Quod si autem *Jus civile* in multis explicat *Juris nat. abdita*, ut legum periti fateri debent, ac liquet ex *l. 1. §. 2. ff. de J. & J.* ibi: *privatum juri tripartitum est; collectum etenim est ex NATURALIBUS præceptis, aut Gentium, aut Civilibus*: potiori ratione tribuendum est id *Juri sacro*, cujus scopus est, ut naturalis æquitas in omnibus observetur.

136. Recte proin *Leibnitius* in sua epistola censoria, postquam *Samuelis Puffendorffii* libellum de officio homin. & civis §. 1. dixerit esse scopas dissolutas, arenam sine calce, sententias suis principiis non coherentes, ex *Autoribus* hic inde mutasumptas &c. mox §. IV. imprudentiæ cum damnat, quod *Jus Civile & Canonicum* in declarando *jure nat. receptum* non adhibeat, dicens: plurimum etiam referret parallela addi *Jus Nat. & Gent.*

G

ju-

Juris Civilis inter homines recepti, præsertim Romani, ipsiusque etiam Juris sacri. Itaque Juris naturalis apud Theologos, & Jætos priorior futurus esset, NB. quod nunc magis sermonibus celebratur, quam negotiis adhibetur. Hic vir bene sensit de Jure positivo utroque, & egregie descripsit utilitatem Jurisprudentiæ naturalis, quod scilicet ista magis nunc sermonibus celebretur, in praxi autem sine jure positivo, inter negotiantes vix alicujus sit usus, quo ad forum externum. Notandum tamen, quod Leibnitijs reprehendat hic Puffendorfiũ tantum circa libellum de Offic. hom. & Civ. in quo ille sola ratione privata philosophatur, excluso omni ullius juris aut Auctoritatis auxilio. In alio autem opere suo, nempe de J. N. & G. licet in præfatione sponderit se scripturum Jus nat. ex sola ratione: tamen oblitus propositi sui, quidquid hinc inde ex sacris & profanis paginis congerere potuit, tumultuario opere congestit, ubi etiam omisso Jure Canonico, potissimam partem legum Civilium mutuatus est, & tamen Vir hic sibi ipsi non constans hinc inde sparsim perstringit alios, qui in concinnanda Jurisprudentia naturali textus ex Jure positivo, vel auctoritate Eruditorum adhibent.

137. Urget quidem Heineccius in præfation. ad Elem. J. N. & G. dicens, si Turcæ, vel Sinenses aut Japonenses fædera violent, non convincuntur ex jure Canonico vel Civili, neque ex Thoma, Prophetis, ac Apostolis: igitur procul hæc omnia pellenda sunt jurisprudentia naturali: ita ille: Sed nugatur cum hæc asserat, & tamen sibi ipsi non constet; nam in eadem præf. & l. I. c. I. §. 19. tum alibi sæpius dicit contrarium his verbis: *Jus civile Romanum est ipsum jus naturæ practicum: pleraque juris nat. præcepta ipsum jus civile adoptat: nunquam a jure civili & stricto seungenda est naturalis æquitas &c.* ubi etiam, tum infra per decursum sui libelli sapissime textus ex S. Scriptura Jure canonico, civili, D. Thoma, Suarez aliisque Doctoribus Catholicis adhibet. Fallitur etiam putans & falso supponens fœderum ruptorum causam immediate ex jure naturæ cognoscendam esse; potius enim hæc ex jure Gentium decidenda est, ut docet praxis beligerantium. Neque ex eo, quod causæ per Turcas ruptorum fœderum ex jure Canonico vel civili decidi non possint, recte sequitur etiam alias obligationes naturales controversas inter subditos S. Rom. Imperii agitas celebratasque non posse resolvi ex prædictis juribus positivis. Utique causas provenientes ex actione fractæ pacis, in quibus naturalis obligatio

gatio violatur, contra cives S. R. Imperii non secundum aliud jus, quam Civile & Publicum decidi solere, nemo ita rudis est, qui ignoret.

Viderit S. R. Imperium, & alia Regna Christiana, quam utilitatem Protestantium commentaria in iustitiam Publicam afferant, qui postquam a DEO naturæ Auctore, immortalitate animæ, ac fine ultimo & adæquato naturæ abstraxerunt, etiam sanctissimas leges Imperii Rom. procul usque Thulen, Garamantas & Indos pellendas docent; quod tamen nec Plato, nec Cicero, nec Phædrus nec Seneca ethnicus ausi sunt, qui Jus naturale ita pro suis Gentilibus adornarunt, quin unquam a religione, Deorum cultu, debita Principibus observantia, & legum positivarum exactissima custodia abstraxerint, quia nempe probe norunt se non sub concavo lunæ, neque in spatiis imaginariis, aut mero statu naturæ pure possibilis vivere: sed sub DEO, Principibus, Magistratibus, legibus. Quid autem aliud docent recentiores Naturalistæ? quam ita omnes, ne dum Turcas & Ethnicos, sed etiam Christianos vivere debere, ac mores suos componere, quomodo eos composuissent & se gererent, si vel olim fuissent in statu puræ naturæ, qui nunquam extitit, vel nunc in eo viverent, ubi nullus Imperator, nullus Rex, superior, Magistratus, nulla lex positiva Divina vel humana foret, ac proin nulla subordinatio, sed sola & omnimoda naturalis inter omnes æqualitas & nihil aliud, quam solum & absolutum REGNUM RATIONIS naturalis esset & dominaretur; *heu! latet anguis in herba.*

C A P U T III.

De effectu Legis naturalis.

138. **H**ABITA jam notitia principiorum constituentium & indicantium nobis legem naturalem, sequitur inquirendum; lex hæc per principia rationi consentanea unicuique hominum indicata quem producat effectum?

A R T I C U L U S I.

De generali effectu legis naturalis.

S U M M A R I U M.

139. &c. Quid sit quod duplex effectus obligationis nat.?

141. Quid sit obligatio naturalis quo ad substantiam?

142. &c. *Quæ sit summa obligationis nat.?*
 145. &c. *Recensentur ea, quæ requiruntur ad observantiam legis nat.*
 148. *An jus nat. infligat pœnas suis transgressoribus?*
 149. &c. *An jus aggratiandi repugnet Juri nat.?*
 151. &c. *Quis sit effectus obligationis nat.?*
 153. &c. *Unde dignoscenda obligatio nat. simplex a mixta.*
 159. &c. *An jure nat. omnia omnibus obligata?*

§. I.

Quis sit & quotuplex effectus legis naturalis?

139. **D**uplex potissimum legis nat. effectus venit hic in considerationem, alter nempe *generalis* competens omni etiam positivæ legi, quod scilicet *obliget in conscientia*; alter *specialis*, reddens actum *irritum*, de hoc separatim agemus, nunc de priore nobis sermo erit.

Quod autem ex lege nat. præcipiente, vel prohibente oriatur *obligatio in conscientia*, certum est ex naturali ratione. Juxta enim superius demonstrata Lex nat. est Lex DEI, quæ prout intimata nobis per dictamen prædicum, quid faciendum vel omittendum hic & nunc sit, est proximaregula honestatis moralis, juxta quam exercere actum aut eum omittere constringimur, nam per dictamen illud prædicum redditi sumus moraliter certi de voluntate Divina nobis sufficienter intimata, cui obedire tenemur: Porro obligatio in conscientia nil aliud est, quam *vinculum morale* implendi voluntatem legitimi Superioris præipientis, de cujus præcepto nobis certo innotuit: igitur illa certitudinemorali de voluntate legitimi superioris præipientis, oritur vinculum seu obligatio implendi. Quo etiam factum est, ut D. Aug. definiat peccatum, quod sit *cogitatum, dictum vel factum contra legem DEI*, per oppositionem enim ad legem æternam DEI resultat malitia gravis vel levis, prout graviter vel leviter obligat lex nat. Quod ex fine, objecto seu materia, proportionem, ac medio ad caritatem DEI, nostri ipsius, vel proximi servandam, ac ad felicitatem humanam conducentia desumendum est.

Hæc ipsa conscientiæ obligatio ad captum etiam rudium explicata est ab Apostolo ad Rom. 2. in illis verbis, *Gentes quæ legem non habent* deputa scriptam in codice, ac positivam
 natu-

naturaliter ea, quæ legis sunt, faciunt .. testimonium reddent illis conscientia illorum, scilicet; si juxta rectum conscientia: testimonium, seu dictamen agunt, satisfaciunt suæ obligationi parendo DEO jubenti: secus si contra testimonium & dictamen illud egerint.

Obligatio tamen hæc in conscientia, iuxta n. 72.) a lege nat. tunc solum inducitur, quando illa aliquid *necessario* præcipit vel prohibet. Lex enim naturalis mere permissiva, vel concessiva cum non sit proprie lex respectu subiecti, cui aliquid illa permittit, vel concedit, hinc etiam neque obligationem ullam: sed potius licentiam actus inducit, uti sunt libertas testandi: eligendi statum vitæ qui sibi placuerit: sedendi vel standi, aut ambulandi &c.

140. illis vero casibus, quando obstringimur aliquid agere, vel non agere, potest generalis hæc regula statui, quod: Nulla sit obligatio in conscientia ex quibuscunque legibus etiam positivis, aut proprio facto, v.g. ex voto, juramenti religione &c. proveniens, quæ non sit saltem *aliquomodo*, ac mediate & remote sumptus legis naturalis effectus. Ratio hujus est, quia lex nat. præcipit adimplere ea, quæ divina lege positiva intellectui nostro sufficienter proposita imperata sunt, imo & ea, quæ per legitimos Magistratus, quoscunque Ecclesiasticos, aut Civiles, tanquam Ministros DEI iuste statuuntur. Jubeat quoque reddere quidquid proprio facto & voluntate DEO, aut proximo promissum debetur. Hinc omnia vota, promissiones, pariter ac pacta quævis & contractus *ab initio sunt voluntatis*, scilicet liberum nobis erat vovere, promittere, pacisci, hoc vel illud Religiosum institutum, aut aliū vitæ statum amplecti, vel non; *ex post facto autem sunt necessitatis*. Ita similiter, liberum mihi fuit hic loci contrahere domicilium, ac consequenter observare leges & statuta hujus Civitatis, vel non; ex quodammodo libere Jus civitatis hic obtinui, & domicilium contraxi, hacque ratione me statutis loci & legibus submissi: nil obstante quod leges hæc sint tantum humanæ & positivæ, adhuc etiam *naturali obligatione*, scilicet *consequenter* & mediante mea libera determinatione, quamdiu sum subditus ejus, teneor in conscientia ad debitam observantiam. Alioquin non implem meæ officia erga proximum & Rempubl. jure nat. præcepta. Quia tamen obligatio hæc solum *remote a Jure nat.* descendit, hinc transgressio legis pure positivæ extra casum restitutionis, vel compensationis, non

estimatur tanquam si directe Jus nat. violaretur, verum indirecte tantum: per se autem & immediate sola legis positivæ violatio censetur, quidquid sit quod per *accidens* accedere possit circumstantia Religionis, vel injuriæ tertii, unde malitia actus aggravari, vel speciem suam mutare possit. Suar. de LL. l. 2. c. 9. a n. 3.

§. II.

Quid sit obligationem esse legis naturalis quo ad substantiam, positivæ autem quo ad modum?

141. **Q**Uando lex nat. ita aliquid præcipit, aut prohibet in genere, ut in specie vel in individuo actus nil disposuerit; sed reliquerit determinationem Juri positivo Divino vel humano, tunc si aliqua ex legibus positivis determinaverit in specie & in individuo actus, quid faciendum, vel omittendum sit, vocabitur legis hujusmodi obligatio *naturalis quo ad substantiam*, positiva vero *quo ad modum*. Ita Sabbati olim, hodie autem diei Dominicæ observandæ obligatio est *quo ad substantiam* juris nat. Id enim jus præcipit etiam *aliquem* externum cultum DEO exhibendum, quia vero præceptum hoc procedit tantum in genere, scilicet hoc vel alio modo; hoc vel alio tempore cultus exhibeatur, hinc lex Divina positiva in Veteri testamento determinaverat Sabbatum, modo autem post Christi Domini Resurrectionem Ecclesia designavit diem Dominicam. Item, obligatio *solvendi Decimas* spirituales est legis nat. *quo ad substantiam*. Nam hoc jus præcipit suos Pastores animarum sustentandos esse, qui in eorum commodum spirituale laborant, sicut etiam præcipit pastores gregum, & alios operarios alendos, aut salariis providendos, unde vivere possint. Quia vero non determinavit modum sustentationis Pastorum spiritualium, an scilicet pars quinta, vel nona, aut vicesima fructuum, vel certa pecunia iis danda foret, fuit præceptum hoc *naturale quo ad substantiam*, quia genericum & indeterminatum quo ad materiam sustentationi necessariam: Jus autem positivum Divinum in Veteri testamento legem indeterminatam hujusmodi naturalem in sua specie infima determinavit quoad decimam partem fructuum. Ad cujus dispositionis imitationem etiam hodie decimæ spirituales *formaliter*, seu quos ad *certam quotam* sumptus ex determinatione Ecclesiæ

clesiæ debentur jure solum positivo, ut liquet ex praxi præscriptionum contra hujusmodi decimas. *Materialiter* autem seu pro *necessaria* Ministrorum Ecclesiæ sustentatione spectatæ, ipsis adhuc hodie debentur *etiam naturali jure*; quatenus in gratiam & utilitatem aliorum ex pacto tacito vel expresso laboranti, jure hoc debetur justum stipendium, & conveniens sustentatio, cum *nemo militare teneatur propriis stipendiis*. Atque hinc patet decimas, prout hæc suppeditant *necessariam* Pastoribus spiritualibus sustentationem, esse determinate ac immediate a jure nat. præceptas: non vero prout spectantur *decima* pars fructuum, seu formaliter. Quia cum jus nat. hic ad solam justitiam attendat, minime curat, sit ne illa pars *decima*, vel *vigesima*, aut *centesima* &c. dummodo Ecclesiasticus operarius habeat a suis, quibus inservit, Parochianis tantum, quantum sufficit ad vitam honeste sustentandam, sine quo alias deberet relinquere Ecclesiam & animarum curam.

§. III.

Quæ sit summa obligationis naturalis, & quibus verbis exprimenda?

142. **S**UMMA obligationis naturalis generice sumptæ consistit in his principiis universalibus: *Declina a malo, & fac bonum: Quod tibi non vis, alteri ne feceris: Omnia quæcunque vultis ut faciant vobis homines, & vos facite illis*. Hæc tamen, & præsertim duo reliqua principia latissima sunt, & continent ne dum illam morum honestatem, quæ immediate ac *neccessario* præcipitur a jure nat. vel prohibetur: sel eam etiam quæ non cadit sub *rigorosum* præceptum naturale, quales sunt actus in *mero decoro*, *honesto*, & *convenientia* fundati, ac etiam ex caritate, vel solo consilio supererogatorie exercendi vel omittendi. Sub illis enim continetur quoque actus v. g. largitionis eleemosynæ ab homine etiam non habente superfluum status sui, dummodo habeat superfluum sustentationis necessariæ, ut illam det proximo petenti *extra extremam* quoque: & *omnem gravem necessitatem*: volumus quippe ut nobis faciant homines, si quid simile in talibus circumstantiis petamus: Qui tamen actus eleemosynæ extra prædictas circumstantias necessitatis (quidquid sit de positivæ lege) non est *jure nat.* præceptus, præsertim

Vim si superflua illa in alios pios usus convertere velis, vel aliis pauperibus jam largitus es, alioqui toties obligatio hæc violaretur, quoties pauperi triviali negatur elemosyna; quamvis honestum sit, imo & meritorium illam ei tribuere.

Hinc prædicta & similia generalia principia moralia ut jure nat. obligent, intelligenda sunt vim naturalis præcepti tunc solum habere, quando evidentem aut certam habent honestatem *necessariam* ad rectitudinem morum requisitam, ita ut oppositus actus morale in ordinationem seu malitiam *necessario* prohibendam *evidenter* vel *certo* contineat. Quod etiam non modo locum habet in prædictis principiis: sed etiam in conclusionibus ex illis manifeste sequentibus, quales sunt v. g. hæc; Declina a malo: igitur *non furandum*; *non est blasphemandum*: Fac bonum; igitur *bene sentiendum est de DEO*; *ille honorandus, amandus est*. Illa quippe quæ evidentem vel certo cognoscuntur lumine nat. sive cum discursu, sive absque illo cognoscantur, recte dicuntur naturaliter fieri. (Suar. de LL. l. 2. c. 7. a n. 4. Recole superius dicta hic a n. 71.)

Similem intellectum admittit illa universalissima Juris civilis regula §. 3. Inst. de J. & J. *Juris præcepta sunt hæc: honeste vivere, alterum non ledere, suum cuique tribuere*, quæ cum etiam indefinite loquatur de omni honestate, hæc ad jus nat. non est reducenda, nisi actus aliquis contineat honestatem *necessariam* supra explicatam.

143. Summa itaque obligationis naturalis *strictiore sensu* acceptæ consistit in tribus officiis, scil. *erga DEUM*, *seipsum*, & *proximum*, potestque exprimi hac vel simili propositione: *Fac vel omitte ea, quæ ex amore DEO, tibi & proximo naturaliter debito facienda vel omittenda sunt*. Quæ autem ex prædicto amore ita debita sint; homo Christianus, imo & Judæus percipiet ex Decalogo, aliisque adminiculis supra adductis. Ethnicus autem si voluerit, non obscure intelliget tum ex iisdem adminiculis, qualia sunt, communis prudentum sensus: bonorum exempla: conscientiæ dictamina &c. tum ex principio adæquato & ultimo, asserto, & a nobis demonstrato hic a n. 83.)

144. Ex his autem colligitur, præceptum primum ac fundamentale, ad quod omnia Juris nat. officia reduci possint, non consistere in male applicatis & peius excogitatis Protestantium principiis: Ama te ipsum, etsi cætera omnia destruas, ut docet *Hobbesius* ex Machiavello; Pacem eternam cole, socialiter vive cum hominibus, ut tradit

Puf.

Puffend. cū sequacibus: Vive secundum essentiam & naturam humanam abstractam a DEO, ut vult *Vvolffius*: Crescite & multiplicamini, ut ineptissime recens publico obtrusit *Pagenstecherus*. Priora enim sunt nedum rationi contraria: sed etiam pernicioſa, ultimum autem non habere vim præcepti naturalis universalis patebit ex infra dicendis. Omnia vero hæc pariter cum *Vvolffiano* pandunt viam ad Atheismum, Naturalismum, Pneumatismum, continentque subtilē nequitiam, qua facili negotio incautos *Juvenēs* alioſve Lēctores inficere poſſunt, si peſtem hanc non fugiant & lucubrationes huiusmodi non evitent.

§. I V.

Quæ requirantur ad observationem legis nat. ejusque transgressionem.

145.1.) **A**D impletionem legis nat. sicut & cujusvis alterius præcepti requiritur aliqua intentio seu voluntas faciendi id, quod præceptum est, aut saltem opus est ne præcepto contraria voluntas adsit. Quia cum lex detur hominibus, non brutis, illa humano modo est implenda, atque adeo impletio omnis præcepti debet esse actus humanus conjunctus, cum libertate & voluntate operantis, id est ut *velit*, sive intendat facere hoc, quod est præceptum, *vel saltem non intendat, neque velit actum, vel ejus omissionem præcepto oppositum*. Patet id in exemplis. Ita quippe Lex nat. obligat ad neminem lædendum sine causa, parendum Judici juxta imperanti, honorandos parentes &c. si quis autem esset absolute ita in animo suo constitutus, ut paratus sit rapere aliena, occidere innocentem, injuste ablata non restituere, contemnere æquissima mandata Superioris, inhonorare Parentes &c. nisi timeret pœnam capitalem, triremes, exilium, exheredationem &c. hic coram DEO non adimpleret legem nat. neque ageret honeste: sed potius in foro interno ob suam malam voluntatem reus esset violatæ legis illius, ac proinde etiam rapinæ, violentiarum, inobedientiæ, contemptus Parentum &c. Quia hæc non est moralis observantia præcepti, aut legis nat. sed solum apparens & extrinseca, quæ interdum pro foro externo per accidens satisfacere potest, ex quo homines de rebus tantum apparentibus judicant, quin cordis intima pene-

penetrent, vel quod lex humana interdum actu externo rite posito contenta sit, quin aliam requirat intentionem saltem *regulariter*. Hinc sequens actus esset peccaminosus juxta Theologos, v. g. si quis non abstrahat quid esset factururus; sed absolute dicat vel interne consentiat: *si infernus non esset, blasphemarem: pejerarem* &c. Quia talis haberet affectum absolutum quantum in se est, ad rem inhonestam intrinsece malam, quæ nunquam potest esse non prohibita, sive infernus existat, sive non.

Hanc etiam ob causam Gerson cum aliis docet, metum gehennæ malum esse, si sit proprie ac *principaliter* finalis causa observationis legum. Nam hoc casu homo *reatum pænæ* timet super omne malum, consequenter suam impunitatem ac proprium commodum amat super omne bonum quod Divino amori repugnat. Contra vero: bonum ac honestum esse timorem gehennæ, si sit causa tantum *impulsiva*, seu finalis *secundaria*, talis enim timor provenire videtur ab habitu spei theologicæ, cum ejusdem virtutis sit bonum suum prosequi, & oppositum suum refugere. Gerson p. 2. *operum, in regul. moral. §. diligi potest.* Suar. de LL. l. 2. c. 10. a n. 4. Vasq. 1. 2. d. 27. c. 2. n. 9.

145. II.) Ad transgressionem formaliter peccaminosam legis nat. pariter ac cuiusvis alterius generaliter *tres* requiruntur conditiones I.) ut sit voluntaria, id est, ut fiat a voluntate consentiente. 2.) Ut sit libera, seu ut sit in potestate voluntatis facere, vel non. 3.) Ut advertatur ad malitiam actus prohibiti, quam quis exercet, vel præcepti, quod implere omittit. Defectu *primæ* conditionis nullus actus, qui neque in, neque a voluntate est, peccatum inducit, nisi voluntas eum acceptet complacendo in eo. Defectu *secundæ* conditionis subinde a peccato excusantur vehementissimi motus *primo primi*, iræ, concupiscentiæ &c. quibus usus rationis aliquando perturbatur, & libertas tollitur. Defectu *tertiæ* non transgreditur formaliter legem, qui lapidem projicit per fenestram, nullo modo advertens periculum læsionis.

147. An vero præter malitiam actus seu objecti, requiratur etiam advertentia ad legem prohibentem? Conformiter dictis supra n. 102. tenendum est; hoc ipso quod quis advertat ad malitiam actus, *implicite* advertat etiam ad legem prohibentem. Vel enim malitia illa est *intrinseca* actui v. gr. blasphemix; & talis actus non potest non prohiberi lege nat.

nat. quia est intrinsece malus: vel est extrinseca? & hic etiam implicite agnoscit legem positivam prohibentem vel præcipientem, non enim extrinsece malus esset, si a lege non fuisset prohibitus vel præceptus, nam exercitium eius ideo solum malum est, quia prohibitum, & ommissio ideo mala, quia adest præceptum positivum actus exercendi. Aut demum agnoscit actus malitiam: sed non discernit sit ne extrinseca, vel intrinseca actui: & hoc casu iterum advertit ad legem generalem, quæ eum ab omni morali actus malitia arcet: *declina a malo* &c. Alioqui ita malum actum non evitans *exerce* se hunc in modum resolvit: *nescio quidem cujus malitiæ, & contra quam legem sit hic actus: ego tamen eum admittam, &c.*

§. V.

An Jus nat. suis transgressoribus infligat etiam culpæ & pœnæ reatum?

148. **Q**UAMVIS reatum culpæ & pœnæ contrahi a transgressoribus legis nat. recte dispositus intellectus negare haud possit, eo quod effectus hic omnibus cujusvis legis non mere pœnalis (quanquam & hæc saltem culpam juridicam supponit) prævaricatoribus proprius sit, & homo per peccatum avertens se a Creatore suo ac convertens ad creaturam, sicut perversa voluntate sua deserit amicitiam cum illo, incurritque reatum culpæ, ita pro inobedientia & contemptu ejusdem sit reus pœnæ: Nihilominus lex natur. quæ alias omnem deliberatam legis transgressionem prohibet, eamque aliquo modo coercendam præcipit, pœnam in sua specie nullam definit: sed potius taxationem ejus, quantum ad temporalem justitiæ administrationem spectat, Magistratibus & legitimis Superioribus, simul cum libera executione reliquit, de se nihil aliud intendens, quam ne crimina perpetrentur, ut justitia administraretur, & morum necessaria honestas in omnibus vigeat, sive interea finis hic per pœnæ inflictionem, sive per paternam cohortationem, sive demum alio quocunque modo obtineatur, penes regimen humanum, Principes ac Judices relictum id voluit, qui dispicere possunt & debent, quid magis expediat ad legis nat. observantiam, ac publicam felicitatem & quietem. Unde fit, ut *reatus pœnæ* non sequatur proprie ex imperio legis

legis nat. sed potius ex naturali & intrinseca conditione culpæ; ita ut licet pœna non sit per legem hanc determinata, adhuc arbitrio competentis Judicis puniri possit, lege naturali *in genere* tantum præcipiente: *ut fiat justitia &c.*

149. Quo etiam factum est, ut *Jus Aggratiandi* soli supremo Principi competens, legi naturali, sicut & positivæ ulli non adversetur. Pœnæ enim delinquentibus sunt a lege tantum humana taxatæ, cum vero per *l. 31. ff. de LL.* supremus Princeps legibus humanis *qua suis* solutus sit, consequens est eum hujusmodi pœnas posse commutare, vel remittere, ubi id expedire viderit propter Communitatis utilitatem, vel aliam rationabilem causam. Neque obstat lex Divina Gen. 2. *Quicumque effuderit humanum sanguinem, fundetur sanguis illius.* Cum enim leges hujusmodi fuerint mere positivæ, eæque tantum *Judiciales*, latæ a DEO pro Reipublicæ illius statu, qui per adventum Messię sublatus est, hinc etiam ea, quæ ad ejus gubernationem libere constituta erant, cessasse oportuit, docente D. Th. 1. 2. q. 104. a. 3. Licet igitur scelera, quæ puniri mandat DEUS, punienda sint, ea tamen obligatio non oritur, nisi ex mera convenientia & æquitate naturali non inducente *determinatam* necessitatem administrationis justitiæ vindictivæ, qualem æquitatem a n. 75.) diximus non esse idem cum lege nat. cum sit virtus *mediatrix* inter jus summum, seu rigorem, & inter impunitatem criminis, relinquens moderationem hanc prudenti arbitrio Judicis.

Tanto minus adhuc obligatio illa pœnæ a Magistratibus temporalibus infligendæ provenit ex lege Divina: Certum quippe est, *Primo*: Cain fratricidam in Judicio humano non fuisse delicti sui pœnas criminales; *Secundo*: Etiam tempore Regni Davidici, non obstante lege Divina sanguinem pro sanguine, dentem pro dente, oculum pro oculo eruentium disponente, nihilominus *Jus aggratiandi* jam in usu fuisse indubitatæ fidei est. Constat enim neque *Ammonem*, qui sororem suam Thamar vi oppresserat 2. Reg. c. 12. lapidibus obrutum, secundum legis Mosaicæ rigorem fuisse; neque *Absalonem*, qui fratrem suum *Ammonem* ex insidiis occiderat, sanguinem pro sanguine dedisse. Imq̃ filio huic fratricidæ vitæ gratiam jure etiam jurando a Davide Rege simul & Patre impertitam fuisse constat ex 2. Reg. 14. v. 11. Quod ipsum testantur etiam *Civitates refugii*, & loci immunitatis privilegio donati.

150. Cum

150. Cum itaque v. g. homicida obligatus sit legi & disciplinæ publicæ, obstrictus quoque sit etiam heredibus occisi; his non tenetur ille quidpiam *pro vita hominis liberi*, neque pro ejus membro læso, vel cicatrice, cum hæc superent æstimationem humanam: bene tamen ad integras expensas, factas in curationem, sustentationem & etiam sepulturam, ut docet Navar. c. 15. n. 22. obligans ex justitia stricta, sicut & ad omne damnum *pecuniarium* secutum ex homicidio. Quanquam alii contradicant in puncto solius *sepulture & funeris*, eo quod etiamsi naturali morte obiisset, tamen hæc expensæ fieri debuissent, atque adeo per occisionem nihil damni ex hac parte illatum putant: Verum hi etiam Doctores limitant, nisi forte ex acceleratione mortis, eo quod citius isti sumptus fieri debuerint, quibus adhuc aliquid lucri heres facere potuisset: vel nisi extra patriam, aut alieno loco occisus sit, ubi majores sumptus, quam domi fieri debuerunt, quorum primum spectat ad lucrum cessans, alterum vero ad damnum emergens, adeoque ex justitia compensandum: Pari ratione ac tenetur ad arbitrium Judicis vel boni Viri restituere heredibus quantum spes lucri valebat, puta, quantum ille, qui occisione vel mutilatione inutilis factus est, opificio, vel officio suo lucrari potuisset, si culpa injusti aggressoris inutilis factus non fuisset. Sola proin damna hujusmodi ex justitia lege natur. sunt ei compensanda, declarante id etiam *l. ult. ff. de his, quæ effuder. vel ejecer.* Princeps igitur nullam infert Actori injuriam, si *injuncta satisfactione partilesæ* facienda quo ad *damna realia*, quæ sola Jus nat. refarcienda præcipit rigore; vitæ gratiam eidem impertiatur ex causa rationabili, qualis esset v. g. conservatio Familiæ optime meritæ de Republica, utilitas obsequii, quod præstare Reus hic vitæ gratia donatus potest, &c. &c. Vitæ quippe privatio ad jus *solius* Principis vel ejus Magistratus spectabant, ne scilicet crimina impunita mancant, & ut publica disciplina foveatur: Si vero idem Princeps finem hunc aliter obtinere potest, aut per mitiores pœnas delinquentis, aut per aliud in Rempublicam redundans commodum: hac ratione nedum particulari quo ad heredes, sed etiam publicæ justitiæ quo ad leges & vindictam publicam satisfactum esse censetur.

§. VI.

Quid, & quis sit effectus obligationis naturalis?

151. **O**bligatio in genere est *vinculum morale, quo adstringimur ad aliquid faciendum, vel omittendum*. Alia est *Justitiæ*, ejusque *Commutativæ*, vel *Legalis*, & quidem vel *naturalis* vel *positivæ*. Alia *Religionis*, de qua hoc loco non est quæstio. Naturalis obligatio est, quæ præciso omni jure positivo oritur ex *natura actus*, & a jure positivo superveniente (ut plerumque fit) non irritatur. Hæc ipsa *naturalis* obligatio juxta Covarr. C. II. de testam. n. 10. alia est *non stricta*, seu quæ provenit ex *necessaria* quidem honestate morali, quin tamen inducat onus aliquod restitutionis, vel compensationis. Et ita naturaliter obligamur ad non blasphemandum, non mentiendum officiose, &c. quin aliquid restitui debeat pro blasphemia commissa aut mendacio mere officioso, atque hæc obligatio refertur ad justitiam legalem naturalem, seu universalem, de qua sect. II. c. 4. art. 4. agemus. Alia naturalis *stricta* obligatio, quæ non in sola *necessaria* virtutis honestate consistit: sed etiam inducit onus restitutionis, vel compensationis, ut sit in furto, rapina, detractione famæ, damno culpa theologica dato &c. Et hæc obligatio reducitur ad justitiam *Commutativam* seu particularem, per respectum ad quam Jus Civile naturalem imo & civilem obligationem definit *strictius*, quod scil. sit *Juris vinculum adstringens ad aliquid præstandum, voluntatem & commodum obligantis pro mensura sua habens*, pr. Inst. de obl. & l. 3. ff. eod. Hæc autem dividitur in naturalem tantum: civilem tantum: ac naturalem & civilem simul. *Naturalis tantum*, est vinculum adstringens ad præstandum id, quod solo jure nat. debetur. L. 95. §. 4. ff. de solut. Talis est v. g. quæ ex conventionem patris cum filiofam. pubertatem egresso oritur &c. &c. *Obligatio Civilis tantum*, est vinculum adstringens ad præstandum, quod solo jure civili debetur. Talis est quæ oritur ex *litterarum obligatione*, judicialiter probata; ex *sententia condemnatoria non debitoris*, L. 56. ff. de re judic. Item ex juramento, quo quis id sibi deferente adversario præstitit, asserens sibi deberi rem, quam petit, hoc enim casu jurans obligat adversarium, etsi hic nil debeat *naturaliter*, ut patet: sed tamen *civiliter*, per l. 5. §. 2. ff. de

ff. de jur. jur. Jam obligatio naturalis & civilis simul, est vinculum adstringens ad præstandum, quod jure nat. & simul civili debetur. Talis est, quæ ex actibus utroque jure validis, oritur, v. g. ex contractu empti-venditi, ut ex testamento solemniter facto, & morte Testatoris confirmato, &c. Atque de hac obligatione naturali tractat ut plurimum Jus Canonicum & Civile.

152. Quod autem ad nostrum forum immediate hic & nunc attinet: obligationis naturalis, prout hæc ad justitiam commutativam reducitur, triplex potissimum effectus est. I.) Quod naturaliter tantum debitum in conscientia debitoris producat onus satisfactionis præstandæ, licet is cui debetur, ob negatam sibi a jure positivo Actionem agere in Judicio non possit, C. Antigonus 1. de pact. Hoc enim casu conscientia debitoris testis, ratio autem naturalis Judex est. Ex licet res ita debita non pariat Actionem suo Creditori, ut possit eam via juris petere, arg. l. 7. §. 4. ff. de pact. is tamen non prohibetur eam requirere amicabiliter, & sine juris strepitu, imo & per denunciationem Evangelicam. Semper tamen tali debitori producit Exceptionem pro foro externo, manente obligatione satisfactionis pro interno, de l. 7. §. 4. II.) Effectus est, quod tantum naturaliter debitum si fuerit solum, repeti non possit, l. 10. ff. de O. & A. ibi: *Naturales obligationes non eo solo æstimantur, si actio aliqua eo nomine competit: verum etiam eo, si soluta pecunia repeti non possit.* Ratio est, quia ideo posset repeti, quod forte per errorem solutum fuerit, errantis autem & ignorantis nullus consensus est: atqui error hic non obstat, cum non requiratur consensus debitoris, quoties res in sua specie determinata debetur alteri. Ac proin licet per errorem vel ignorantiam rem alienam restituens Domino suo, non præstet actum justitiæ formaliter, cum actus talis non sit humanus utpote involuntarius, & ad rationem virtutis non sufficiens: nihilominus cum per talem restitutionem rei Domino satisfiat ad æqualitatem, hoc ipso subtrahitur materia justitiæ commutativæ, quo minus ille, qui erronee solvit teneatur ad ullam aliam solutionem, prout neque ad soluti repetitionem jus habet. Si tamen errans ille debitor interne pœniteret se errasse, & alienum errore solvisse, non obstante quod ad æqualitatem jam satisfecerit in ratione debiti, adhuc coram DEO delinqueret perinde, ac si prorsus voluntarie ac malitiose rem alienam noller restituere, adest enim in illo debito-

bitore naturali præcepto contraria voluntas, quæ juxta *num.* 145.) sufficit ad injustitiam *formalem* coram DEO committendam.

Effectus III.) Naturalis obligationis est, quod debitum *tantum naturale* compensari possit cum debito naturali & civili simul, declarante id ethnico etiam Jctō in l. 6. ff. de *compensat.* ubi ait: *Etiam quod natura debetur, venit in compensationem.* Ratio est, quia debitor qui injuste est in mora solutionis, nequit rationabiliter esse invitus, quo minus Creditor sibi ex ejus bonis satisfaciat, si *aliter* se indemnem facere non potest. Dummodo tamen hic servet conditiones, quæ tam pro interno, quam externo foro ad occultam compensationem requiruntur. Ac proin occulta usus compensatione debet habere debitum *non dum certum*: sed etiam *liquidum*, hoc est nulli controversiæ, aut compensationi vicissim obnoxium. Quale esset, si v. g. herus famulo 100. fl. annuæ mercedis nollet solvere eo, quod multa sibi damna per famulum illata causaretur, tunc enim expectanda esset conveniens causæ hujus cognitio. Neque potest plus compensari quam sibi *liquide & certo* fuit debitum. Hinc famulus, qui a suo hero sæpius injuste qua colaphis impactis, qua fuste, qua verbis injuriolis afflictus fuerat, nequit aliquid illi in compensationem harum injuriarum occulte surripere, & suo proprio arbitrio injurias has æstimare, ut pro illis certam pecuniæ summam, vel aliarum rerum quantitatem invito Domino contrectet. Quamvis enim injuriæ hæc si ad Judicem pertigissent, potuissent multa pecuniaria puniri: tamen quia id nondum est subsecutum, neque numerus multæ certus est hucusque determinatus, famulus non potest eam determinare, neque in propria causa Judicis officio fungi. Alioqui misera foret conditio status herilis. Demum si *aliter* quam per occultam compensationem possit non dissimulter rem suam recuperare, v. g. per Judicis vel Superioris sententiam, aget saltem contra caritatem, occulte compensando, non enim observabit ordinem petendæ satisfactionis humanæ societati consuetum, ex cujus violatione sequi solent jurgia, inquietudo, aliæque status herilis, & æconomiæ incommoda. Attendi quoque debet, an forte ille, qui rem tuam detinet, non ideo eam restituere nolit, v. g. solvere mutuum, salaria, mercedem &c. quod ipse hic & nunc valde indigeat, debitis anterioribus sit gravatus, numerosam prolem alendam, & modicos redditus habeat? Si enim his

his casibus ille justam causam *differe*ndæ restitutionis habet, rationabiliter est invitus ne occulta compensatione utaris, usque dum ad pinguorem fortunam venerit. Ex his similibusque causis occulta compensatio non temere attendenda est, & raro habet locum propter pericula quæ secum vehere solet, non tantum pro foro poli: sed etiam in foro fori. In plerisque enim casibus Iudex ita occulte compensantem juxta externas probationes furti reum condemnare potest, & etiam solet, quidquid sit, quod coram DEO forte juste compensatio illa attentata fuerit.

§. VII.

Unde dignoscendum sit, quod oriatur obligatio quandoque naturalis tantum, seu simplex, & quandoque mixta, scilicet naturalis & civilis?

153. **C**ONSTAT jam ex *quest. preced.* naturalem obligationem in conscientia ad faciendum vel omitendum aliquid esse duplicem, scilicet eam quæ *non stricta*, & hanc quæ *stricta*, juxta alios *strictissima* audit. Priorem obligationem a n. 80.) probavimus posse agnosci ex variis inadæquatis principiis & adminiculis, tum ex principio ultimo & adæquato supra asserto. Altera autem seu *stricta* obligatio naturalis, prout hæc reducitur ad justitiam commutativam, ex quatuor ut plurimum signis discerni & inferri potest ac solet.

I.) Quoties omitto jure nat. *præceptum*, vel exerceo *prohibitum*, aut *concessum* mihi actum, unde alter detrimentum aliquod in rebus suis *temporalibus* patitur, contraho obligationem naturalem, qua adstringor ad restitutionem, vel præstandam debitam satisfactionem. Ita quippe in extrema proximi necessitate, ubi ille fame afflictus mori deberet, jure nat. teneor ipsi succurrere de bonis meis propriæ sustentationi superfluis, præsertim si vita illius modico succursu meo, v.g. panis, alimentorumque minoris pretii largitione commode sustentari possit, quod si id culpabiliter omitto *prævidens* secururam inde mortem famelici, & hic moriatur; juxta dicenda inferius *Señ. 2. cap. 4. Art. 3.* obligor in conscientia heredibus tum ad restitutionem *accelerati* funeris expensarum, si jam suis sumptibus sepe-

Jus Nat. & Gent.

H

lic-

fieriunt, tum ad faciendos eos indemnes, quantum eorum interest non habere jacturam patris, vel mariti &c. qui labore suo aut officio eos sustentaret, per ea, quæ diximus n. 150.) Omissio enim actus illius jure nat. præcepti fuit causa mortis proximi mei, eaque sufficienter fuit prævisa illo casu, quando redeunte primæva bonorum, saltem quo ad usum communionem, ille acquisivit jus strictum in usum mei panis, quo vitam conservare posset, obligor igitur in conscientia ad damna illa reparanda, perinde ac si illum occidisset. Item. Exerceo actum furti, vel incendiaratus, domum alterius malitiose igni succendendo &c. cum hi actus sint jure nat. prohibiti, ex quibus proximus meus damnum patitur: obligor ad satisfactionem. Demum, accipio mutuum a proximo, ex contractu locati-conducti, utor ejus servitiis &c. actus hi sunt jure nat. mihi concessi: sed tamen alter ex iis detrimentum in rebus suis patitur, scilicet Creditor in pecunia, operarius vel famulus in corpore & membris suis servitio meo impensis, licet enim hi membrorum non habeant dominium proprietatis; bene tamen liberam facultatem usus, quem locare possunt &c. Igitur obligor in conscientia de jure nat. satisfacere ad æqualitatem.

154. Dixi autem huc usque de damno proximi, quod ille patitur in rebus temporalibus. Quia detrimenta mere spiritualia; & quasi spiritualia non pertinent ad obligationem naturalem strictam, seu justitiam commutativam: sed potius ad mere legalem, seu universalem naturalem, quam non strictam esse justitiam constat ex præsentibus. Damna enim spiritualia nullam habent proportionem cum rebus temporalibus, per quas reparari, vel compensari possent. Quasi spiritualia vero consistunt in solo delicto transgressionis sine damno temporali alterius, cui injuste negatum est officium jure nat. alias debitum. Nam obligationis naturalis contra justitiam commutativam mensura est sola læsio juris proprietatis, seu domini alterius, quæ illi irrogatur per damnum in rebus ejus temporalibus, ut dicitur infra Sect. II. c. 2. art. 4. Quo fit, ut ille, qui scandalizat proximum, violet quidem legem nat. exercendo actum prohibitum damnosum alteri: quia tamen damnum mere spirituale est, scandalizans obligatur quidem in conscientia, per bona exempla reparare hoc damnum illius, ad aliam tamen restitutionem temporalem non obligatur. Prout nec Adulter ratione adulterii, quæ adulterium est, in conscientia ante sententiam ad ali-

quid

quid obstringitur, quam ut pœnitentiam agat, licet etiam ad restitutionem obligetur interdum ex alio capite, si scilicet proles inde nata fuerit, quam Vir uxoris adulteræ suis impensis alic, putans esse suam, vel si hic in hereditate cum præjudicio *legitimorum*, vel *suorum* heredum succedat &c. tunc enim temporalium bonorum jactura intercedit. Idem est de eo, qui mihi illulit mentiando pure *officiose* &c. &c.

155. Ex his patet, ut quis ex iustitia *stricta* obligetur in conscientia ad aliquam restitutionem, non semper requiri pactum *expressum* vel *tacitum*, ut aliqui arbitrarie putant: sed potius sufficit positio vel culpabilis ommissio actionis jure nat. præceptæ, prohibitz, vel concessæ, unde alteri detrimentum rerum temporalium patitur. Hinc fur obligatur ad restitutionem, licet pactum nullum cum domino rei ablatæ inierit; Maritus uxorem pauperem, & liberos ex ea susceptos: Parochiani suum Parochum curam animarum suarum exercentem: Princeps milites suos &c. tenentur jure nat. sustentare, quamvis nullum forte inierint pactum cum illis de sustentatione. Imò etiamsi illi expresse protestentur se nolle eos alere, vel pensiones aut stipendia solvere alimentorum loco, dummodo obsequia eorum libere admiserint sibi *non gratis* præstanda. Excipe, nisi forte ii quorum interest habere alimentum, aut stipendia, his expresse renuncient, tunc enim *volenti non fiet injuria*.

156. Juxta hoc proin primum signum *an. 153.*) explicatum, oriri potest *stricta* obligatio nat. in conscientia non tantum *immediate* ex lege nat. præcipiente, vel prohibente actum supra declaratum: sed etiam *mediate* tantum, scilicet ex lege nat. *mere concessiva*, & simul ex hypothesi nostri *consensus* in aliquam conventionem, pactum, contractum aliamve obligationem a nobis libere & sponte assumptam, ac ab altero acceptatam. Hinc quando lex positiva *expresse resistit* conventioni contrahentium irritando *eam faciendam*, atque *hoc ipso* contrahentes inhabiles reddendo ad paciscendum, tunc neque naturalis neque civilis oritur obligatio. Tale exemplum est, probabilius in Testamento profano minus solemnî, l. 21. c. *de testam.* in Matrimonio cum impedimento dirimante, l. 38. pr. ff. *ad legem Jul. & S. 3.* ac §. 12. *Inst. de nupt.* Item in prodigo cui bonis interdictum est, l. 6. ff. *de O. & A.* qui neque naturaliter, nec civiliter obligatur, puta, saltem ad *can'as* civiles. Quia si *moderate* quid

pro anima sua offerat, vel relinquat, patietur exceptionem casus hic, a Legistis illimitate, adeoque improbabili-ter de-
cisus. Causæ enim pæ soli naturali juri subsunt, quod hic non censetur violatum, si *moderata* liberalitas a mentis compote prodigo facta fuerit. Plura de his *Art. seqq.* ubi de Jure nat. irritante agetur.

157. II.) Quando autem lex humana alicui conventio-
ni neque positive assistit, neque resistit, tunc sola & nuda obligatio *naturalis tantum* nascitur propter consensum, & naturalem æquitatem. Talis obligatio de jure civili *scripto* nascebatur olim ex nudo pacto, *l. 7. §. 4. de pact.* quanquam hodiernis *moribus* oritur etiam civilis. Item obligatio *tan-
tum naturalis* oritur ex contractu inter parentem & filium-
fam. inito, quin oriatur *Civilis*; eo quod pater & filius de jure Civili pro indistincta & una persona habeantur, *l. fin. C. de impub.* quod obligationi naturali non obest, quamdiu hæc nullibi a jure positivo irrita redditur.

158. III.) Quodsi lex humana expresse assistat alicui con-
ventioni, & præterea æquitas naturalis & consensus liber adsit, tunc oritur efficax obligatio *mixta*, scilicet naturalis & civilis. Illa propter consensum liberum jure positivo non resistente præstitum: hæc propter approbationem ejusdem juris positivi, ut patet in *mutuo, deposito &c.*

IV.) Si demum prædicta lex positiva alicui conventioni expresse assistit ex *præsumptione veritatis*, in qua tamen hæc veritas, ac consequenter æquitas naturalis a parte rei defi-
cit, tunc propter assistentiam legis positivæ humanæ & ejus præsumptionem non elisam oritur obligatio *Civilis* tantum, non item etiam naturalis, nisi post sententiam, ut patet in Literarum obligatione, in non debitore per sententiam ex præsumptione veritatis condemnato, nec intra decendium appellante; item in aliis actibus procedentibus ex legibus in sola præsumptione fundatis, quæ *post sententiam in rem judicatam versam* etiam in conscientia obligant.

§. VIII.

*An jure nat. omnia omnibus & singulis sint obligata?
Et an eodem jure omnes homines sint liberi?*

159. **S**ensus primi quaesiti est, quomodo intelligendum sit illud vulgare: *Jure nat. omnia sunt communia*: quod hanc

hanc expositionem recipit; spectata prima rerum constitutione, qua res a DEO conditæ & donatæ sunt generi humano in commune ejus bonum, nihil cuiquam in particulari appropriando, spectatoque jure quod *tunc erat*, antequam divisio jure positivo ac Gentium fuisset introducta, in hoc sensu jure nat. fuerunt omnia communia, ac proin contra jus naturæ fuisset prohibere quemquam *usu* cujusunque illarum, fieretque illi injuria eo, quod communes essent sibi cum reliquis hominibus. Quia tamen DEUS ita generi humano in commune bonum res donavit, ut nec præceperit quatenus haberent eas communes, nec prohibuerit ne eas inter se dividerent: præsertim si id temporis successio, generisque humani notabiliter multiplicati status aliquando postularer; hinc homines suadente id recta ratione dividere eas inter se potuerunt, reque ipsa diviserunt, tum ut melius administrarentur, si certos dominos haberent, tum ut etiam pax inter homines adeo jam multiplicatos facilius servaretur, quæ sane si omnia omnibus universim essent communia, servari nulla ratione posset, cum experiamur hanc ne quidem post divisionem diu subsistere, propter *meum & tuum*, *frigidum illud verbum*, ut ait D. Ambrosius.

Jus igitur positivum ex communi hominum tacito vel expresso beneplacito, aut ex primorum Parentum, vel NOE post diluvium statuto, aut alterius, quem sibi in Principem elegissent, efficere potuit, ut quod ante rerum divisionem esset contra jus naturale, ea facta advenienteque circumstantia ex parte objecti appropriationis rerum, juri naturæ non repugnaret. Eaque de causa post rerum divisionem licitum est cuique prohibere ab usu rei suæ quemcunque alium, qui ea extreme, aut quasi extreme non indiguerit. Quando autem redoat primæva hæc bonorum communio? est alia questio, cujus resolutio videri potest infra *Señ. 2. c. 3. Art. 2.*

160. Similis intellectus est illius vulgaris: *Jure naturali omnes homines sunt liberi*, l. manumissiones, ff. de J. & J. ac §. servitus, Inst. de Jure person. Nempe, spectata præcipue prima rerum constitutione homines ita jure nat. nascituros fuisse liberos, ut servitus fuisset contra naturam, & jus naturæ, atque adeo iniusta. *Commis*sa autem culpa per aliquos populos, ortoque bello justo, quas fuit eos interficere, non solum jure Gentium constat servitutem esse licitam, minimeque contra jus naturæ con-

cessivum, eo ipso, quod ex parte obiecti ea circumstantia licite eorum interfectionis resultaverit: sed etiam auctoritate propria cujusque populi aut Principis, qui jus simile ad interficiendum quemcunque ex justa causa haberet, potuisse licite introduci, ut vel nomen ipsum *Servi* indicat. Dicti enim sunt *Servi a servoando*, quia a morte servati, ut habetur in *l. 4. ff. de stat. hom. & §. Servi Instit. de jure person.*

Viderint jam Protestantici Naturalistæ, qui in sua Jurisprudencia naturali ac *cerebrina* in sola ratione fundata abstrahunt ab omni lege positiva, & Juventuti aliisque Lucubrationum suarum incautis Lectoribus inspirant principia, ut *secundum solum Jus naturæ vivant*. Si ita est? igitur divisio bonorum jure *positivo* introducta non est observanda, quia Jure nat. spectato omnia sunt communia: Regna igitur, & dominia aliorum impune occupari, & invadi possunt: alienum famulum, subditum, militem, invito domino, hero, Principe, ab ejus obsequiis & usu abstrahere, ad suæque propria emolumenta querenda illorum industriis & obsequio uti nemo prohibetur, quia jure nat. spectato *omnes homines sunt liberi*, nemo servus, nemo famulus, operarius, nullus alteri militat &c. Respondere quidem possent Naturalistæ illi, ut passim aliqui eorum cum *Voolfo* protestantur, quod de Jure nat. scribant mere *speculative & theoretice*, *abstrahendo a statu hypothetico naturæ*, in quo nunc vivimus sub Regibus, Principibus & legibus positivis tam Divinis, quam humanis, ac proin quid *in praxi* nunc liceat vel non, id aliunde disci debet, non ex eorum abstracta & speculativa Jurisprudencia naturali.

Verum contra eos est I.) Quod illudant Publico, & scēde decipiant Juventutem ac alios suarum Institutionum naturalium Lectores, hi enim non apprehendunt perversam hanc distinctionem: sed absolute possunt induci ad vitam ita instituendam, ac si sub nulla lege positiva viverent, sub nullo Rege, Principe, Magistratu Ecclesiastico, vel Civili, prout a suis Pseudomagistris instruuntur. II.) Subtilis & dolosa hæc distinctio non habet locum in eorum principiis, qui docent, jus naturæ quo *ad omnia præcepta & concessiones ac privilegia sua* in quovis naturæ statu etiam hypothetico esse semper idem, & immutabile, ac proin per nullam legem positivam etiam divinam restringi, limitari aut immutari *ullo modo* posse: frustra igitur dicunt eos debere aliunde discere, quid leges positivæ disponant circa naturales *hypotheticas* obligationes.

gationes, siquidem e sensu illorum jus positivum nihil profus circa naturalis libertatis limitationem statuere potest. III.) Quia Jurisprudentia naturalis est scientia *prædictivæ* morum secundum rectam rationem: Porro cum illi scribant Jurisprudentiam hanc *mere speculativam, abstractam*, & pro statu pure possibili, in quo homines sine lege Divina & humana positiva, sine Superiore & Judice viverent, non scribunt Jurisprudentiam naturalem *prædictivæ* morum, multo minus *directivam* secundum rectam rationem, siquidem abstrahunt a jure positivo. Imo manifeste excludunt legem Divinam & humanam *cum jure nat. connexam*, sine qua morum rectitudo in hac providentia fieri nequit: nugantur igitur, & nugando in legem Divinam blasphemant, in Principes autem ac Magistratus, eorumque leges injuri sunt, Juventutem sciendi avidam, ac alios Lectores incautos in materia morum & salutis æternæ perniciose decipiunt.

A R T I C U L U S II.

De effectu legis naturalis irritantis.

S U M M A R I U M.

- 161. *Lex nat. non solum prohibet: sed etiam irritat aliquos actus.*
- 162. *&c: Ex tribus regulis discernendi actum irritum jure nat: prima est, si desit potestas, voluntas, aut materiæ capacitas.*
- 164. *Ratio primæ regulæ assertur.*
- 165. *Regula secunda est: si actus prohibetur ob turpitudinem perpetuam;*
- 166. *Declaratur exemplis.*
- 167. *Ratio secundæ regulæ statuitur.*
- 168. *Regula tertia dignoscendi actus irriti.*
- 169. *Ratio hujus regulæ; cum solutione instantiæ:*

§. I.

An lex nat. non solum prohibeat; sed etiam irritet aliquos actus?

- 161. **A**ffirmativa hujus quesiti decisio certa est ex innumeris instantiis. Ita enim I.) Matrimonium inter

ter personas naturaliter inhabiles, v.g. ob impotentiam perpetuam antecedentem, & nullis remediis auferibilem, hoc jure nullum & irritum est. II.) Quod fit etiam in Matrimonio contracto inter consanguineos saltem primi gradus lineæ rectæ. III.) Imo & in eo, quod contrahitur vi, metu gravi injuste incusso, errore substantiali circa personam &c. IV.) Sicut & contractus ex dolo circa substantiam rei versante celebratus est irritus. V.) Non minus ac contractus usurarius, sive per eum usuræ promissæ tantum, sive jam solutæ scæneratori fuerint, nullum retinendi vel accipiendi jus tribuit &c. Atque hi aliiq. actus irriti sunt etiam in hypothefi, quod *aliquis* consensus utriusque, vel alterutrius partis intercefferit. Quia consensus privati prævalere nequit contra jus Superioris, qualis est DEUS naturæ humanæ Auctor *necessario* prohibens, & ob turpitudinem perpetuam irritans actum, ut liquet ex n. 41.) Tanto magis id procedit, si alterutrius vel utriusque contrahentis *consensus* in contractum defuerit, tunc enim actus cum non sit humanus, nequit inducere obligationem. Et quamvis hæc certa sint, nihilominus quæri hic potest, unde proveniat actuum adductorum aliorumque similium naturalis irritatio, siquidem de illa, excepto communi Eruditorum sensu, ex nullo certo signo nobis constare potest? Verum dubio huic satisfaciet sequentis quæsitæ decisio.

§. II.

*Unde discernenda sit lex nat. irritans a mere prohibente,
& actus irritus a pure prohibito?*

162. CUM ad valorem omnis actus jure nat. tria essentialiter requirantur, scilicet *Potestas*, *voluntas* & *materiæ capacitas*, hinc ex tribus regulis ad discernendum actum jure nat. irritum a pure prohibito idoneis: *Prima* est, quæ indicat actum jure nat. esse nullum, si circa exercitium illius aliquod ex tribus requisitis illis defuerit. Scilicet omnis actus jure nat. irritus est, si exerceatur a persona non habente *moralement potestatem* ad eum exercendum, quidquid sit, quod *physice* eum exercere possit: aut si defit *sufficiens voluntas ejus*, qui actum exercet: vel demum si ille exerceatur circa *materiam incapacem*. Singula hæc in exemplis pateant. Ita

Ita enim donatio rei alienæ rationabiliter invito domino jure hoc nullius momenti est; licet enim physice possit quis eam sicut propriam facere, ita & alteri donare, tamen cum *moralis potestas* desit, nihil efficiet conatus hic. Idem est in Oeconomo, ac Administratore rei alienæ, qui cum a Domino acceperit potestatem mere gubernativam & administratoriam, ut res custodiat, & conservet, si eas contra Heri sui voluntatem alienet, nihil validi efficiet. Ob eundem potestatis defectum non valet hoc jure Matrimonium contractum cum persona consanguinea in linea recta v. g. patris cum sua filia, nihil juvante physica potentia. Quamvis enim his & similibus casibus adsit voluntas consentientium, adsit potestas & materiæ capacitas physica, hæc tamen non sufficiunt obstante defectu *moralis potestatis*, quam in donatione & alienatione rei alienæ impedit defectus proprietatis, aut Mandati a rei domino facti ad donandum & alienandum: Matrimonio autem patris cum filia obstat naturalis turpitude, quæ resultaret ex conjunctione principii generantis cum suo principiato, & inde ortus etiam idem defectus moralis potestatis. Irriti quoque sunt hoc jure ex *defectu potestatis* omnes actus, qui exercentur a persona expresse vel tacite per se ipsam, aut a natura, vel per legem positivam facta inhabili ad aliquem eorum celebrandum; vel quando ei permittitur quidem ab eadem lege actus sive contractus celebratio; sed non nisi sub certa forma, vel sollemnitate substantiali a jure præscripta, qua deficiente lex positiva manifeste non vult eum valere. Quo casu lex nat. utpote mere *permissiva* minime eum pro ullo foro reddit validum. Hæc enim in tantum non nisi eum celebrare permisit, in quantum foret conformis legi positivæ juxta, cui nos obedire jubet.

Inde fit, ut Matrimonium cum impedimento dirimente Juris etiam humani, sive Ecclesiastici, sive Civilis (qualia recensentur quoque in l. 38. pr. ff. ad l. Jul. de adulter. ac §. 3. & §. 12. *Inst. de nupt.* tum in *Ordinat. Carol. Art. 117.*) jure quoque naturali non subsistant pro foro etiam animæ; pariter ac Testamentum, contractus, promissiones, donationes a Religioso professo factæ privata auctoritate; non minus ac omnes actus ultimarum voluntatum, & contractuum, item Adoptionis, sententiæ judicialis, Rescripti impetrati, aliorumque negotiorum etiam a personis rerum suarum dominium alias retinentibus, vel officium quodcum-

que actu gerentibus celebrati; si forma prædicta, vel conditio, aut sollemnitas substantialis non fuerit observata, ut liquet ex n. 41. & seq.)

163. Ob defectum quoque *voluntatis* jure nat. irriti sunt omnes actus, in quorum celebrationem vel nuncupationem deest sufficiens consensus personæ, vel personarum, a qua, vel quibus illi dicuntur celebrati. Atque, ita expressus dissensus, vis, dolus, error substantialis cum tollant *requisitum* consensum, reddunt omnem actum invalidum, cui causam dederunt.

164. Demum ex defectu *capacitatis materie*, eodem jure nat. irriti sunt actus qui exercentur circa objectum inhabile, seu circa materiam ineptam. Qualis esset eo casu, quo contraheretur Matrimonium cum persona perpetuo impotente, & absolute inhabili ad generationem humanam; tunc enim nil juvat potestas & consensus physice præstitus.

Ratio primæ hujus regulæ est, quia dum adest defectus *potestatis* aut *voluntatis* moraliter talis, seu legibus conformis & legalis in agente, vel *incapacitas materie* ac objecti, tunc deest aliquod principium substantiale, sine quo actus valide, & plerumque etiam licite celebrari nequit.

165. Altera regula est: Quando actus prohibetur, *propter turpitudinem* in materia ejus repertam, tunc etiam jure nat. est irritus; dummodo ea *turpitudine* duret in ipso effectu, seu ut habeat causam perpetuam. Quod ita effert Iustus Paulus in *l. si stipuletur* 35. §. 1. ff. de v. o. dicens. *Quod leges prohibent, si perpetuam causam servaturum est, cessat obligatio: veluti si sororem nupturam sibi aliquis stipuletur*. Talis quippe promissio erit irrita (juxta plerumque) ipso jure naturæ. Ex quo textu resolvitur famosa illa quæstio, an contractus sub turpi conditione cum promissione mercedis initus, v.g. de occidendo inimico tuo, obliget jure nat. aut alio ad dandam mercedem promissam; saltem post homicidii crimen jam perpetratum? Ad quod videtur respondendum: cum actus homicidii jam perpetrati non amplius veniat in pactum, & in mercedis præstatione, ubi hæc post crimen perpetratum solvitur, non amplius *duret turpitudine*, solutionem hanc jure nat. probabilius adhuc præstandam esse, ut dicitur *Sect. 2. c. 4. art. 4. §. 4.*

166. Asserta regula secunda iterum declaratur exemplo, tum eo quod adductus textus exhibet de fratre & sorore
nu-

nuptias stipulamibus, tum vel maxime de consanguineis *lineæ rectæ* inter descendentes, qui licet polleant potestate physica in ordine ad tradenda vicissim alteri sua corpora per nuptias, neque deficiunt in voluntate, quantum est ex parte contrahentium: tamen quia illa naturalis turpitudine, quæ facit tale matrimonium prohibitum, perpetuo durat, quamdiu durat matrimonium ipsum & ejus usus, ideo etiam duratio ipsa prohibita & irrita est. Non enim posset durare valor actus, nisi *moralis* turpitudine ejus dureret. Pariter cum usura non tantum in acceptione: sed etiam in retentione eandem prohibendi causam retineant, scilicet inæqualitatem inter datum & acceptum, ac nullitatem tituli (mutui videlicet ad pariendum lucrum sterilis ac infæcundi) tum locupletationem cum manifesto alterius detrimento &c. illæ non tantum invalide promittuntur: sed etiam invalide solvuntur, ac restitutioni subjacent, non minus ac *metu injusto* res extortæ, ad quas alioqui metum passus nullo jure obligabatur.

167. *Ratio secunda* hujus regulæ est. Quia si valor actus ob suam turpitudinem perpetuam est contra jus nat. absolute nolentis cum ullo modo existere & durare: ille nequit pro ullo tempore validus esse, cum jus Superioris ei omnino ex parte resistat: Porro in illo casu quando actus prohibetur ob turpitudinem in materia repertam, eamque perpetuo durantem valor actus sua turpitudine perpetua est contra jus nat. quod turpitudinem hanc perpetuo duraturam & inausferibilem absolute non tolerat: igitur non potest talis valor subsistere: consequenter est irritus talis actus. Hinc autem patet differentia inter hanc & præcedentem regulam; nam in priori actus irritatur & quandoque prohibetur, quia malus est ex defectu *potestatis vel voluntatis*, aut *capacitatis*, *materiæ*, in hac vero altera actus directe fit nullus ratione intrinsecæ *malitiæ perpetuæ*, licet potestas absoluta, & positivus consensus circa materiam alioqui ex se capacem non defuerit.

168. *Tertia* demum regula est: Quando aliquis actus jure naturæ ita prohibetur, ut nec prohibeatur ob turpitudinem perpetuam *intrinsecam*, neque ob defectum *potestatis moralis*, *voluntatis*, aut *capacitatis materiæ*, tanquam principiorum intrinsecorum cujusvis actus: sed ex alio motivo prohibitio illa naturalis oritur, tunc actus hujusmodi solum illicite, non item invalide celebratur. Hinc Matrimonium valide contrahitur cum voto castitatis simplici, quia hoc non

aufert: sed *ligat tantummodo potestatem in corpus proprium*, potestque in matrimonio post votum contracto honestus esse actus *reddendo*, quamvis *non etiam petendo* debitum: potest igitur esse validum jure nat. Item *secunda venditio* post primam sine traditione factam, si res vendita secundo emptori tradatur, valet, quia penes venditorem tali casu *remanfit dominium*, adeoque *etiam potestas iterum vendendi & transferendi*, per textum in C. 1. de spons. duor. ac l. 15. C. de R. V. adeoque traditione facta secundus Emptor in re empti ac ita tradita justum titulum habet, nil obstante, quod venditor ille rem uni venditam tam naturali, quam positivo jure prohibeatur vendere alteri, priore invito. Quia utraque hæc prohibitio est tantum *quo ad modum vendendi*, scilicet ratione violatæ fidei, ac proin non ex alio motivo; neque ob turpitudinem intrinsecam *perpetuam*; hujus quippe causa seu duratio muratur per rei traditionem, ita ut hac secuta desinat jam naturalis turpitudinis actus, quæ fuit in venditione altera, ac proin lex nat. hoc casu *extrinsece mutata est* ob supervenientem novam circumstantiam. Atque adeo licet venditor non habuerit *potestatem a jure nat. permissam alteri licite*: habet tamen adhuc *valide eam vendendi, & tradendi*. Quia mansit adhuc jure nat. consequenter & positivo *obligatus ad satisfaciendum* primo emptori, quantum ejus interest non habere rem traditam, quæ sibi prius fuit vendita. Fit igitur satis æquitati naturali, qualem jus hoc requirit, & explicant adducti textus Juris positivi. Quæ tamen explicatio ad alios diversos casus, ubi aut Jus nat. aut positivum absolute & clare resistit valiori actus aliter attentati & celebrati, non est trahenda.

169. Ratio tertiæ hujus regulæ est: Quia supposita *potestate agentis, voluntate ejus, & absentia turpitudinis perpetuæ*, habentur omnia requisita ad substantiam actus, quantumvis ex alio motivo prohibiti. Talis igitur actus licet prohibitus & illicitus sit, adhuc erit validus jure nat. eo præsertim casu, quo jus positivum circa eum nil disponit irritando illum ob defectum formæ, conditionis, vel solemnitatis substantialis, a se specialiter requisitæ.

Si respondeas capere te non posse, qui fiat, quod lex nat. v. g. in Matrimonio contracto ab eo, qui ligatus est voto simplici castitatis; & in venditione altera &c. prohibeat actum, non tamen eum irritet; cum alias jus hoc neque in ratione liciti, neque validi quidpiam patiatur, quod turpē est?

est? Ad hoc intelligendum plurimum conducet, si perpendas, quod in dictis & similibus casibus non sit directa, neque absoluta Juris nat. prohibitio, quæ actum *in se ipso* immediate ac directe afficiat: sed solum indirecta ac mediata, quatenus provenit ex lege nat. generali, quæ jubet promissionem quamlibet, adeoque & votum, ac primam venditionem, seu fidem prius valide datam & acceptatam servandam esse; ac proin *nonnisi modum* celebrandi actum, non vero actum ipsum in se, & substantiam ejus prohibet: Porro quod actus quo ad solum tendendi modum jure hoc prohibitus, in se & sua substantia valeat, omni dubio caret, uti patet in promissione eleemosynæ pauperiem acceptanti facta ob *vanam gloriam*, quæ tamen permissio licet sub hoc turpi vanitatis ambitu prohibita sit Jure nat. non tamen ideo invalida, quia hæc turpitudine solum modum, non substantiam promissionis afficit, cum in largitione ac acceptione talis eleemosynæ nulla duret turpitudine, tantominus perpetua.

A R T I C U L U S III.

De effectu ignorantie & erroris in lege natur.

S U M M A R I U M.

- 170. In nullo adulto datur plena ignorantia J. N.
- 171. In multis admittenda est non plena.
- 172. Legem ignorans illa non obligatur in actu secundo.
- 173. Ex advertentia & libertate infertur moralitas actus.
- 174. Ignorantia vincibilis non excusat a culpa.
- 175. An detur obligatio agendi juxta conscientiam erroneam?
- 176. Si error sit invincibilis, datur obligatio juxta conscientiam erroneam agendi.
- 177. Solvitur instantia.
- 178. Afferitur & probatur dari legem naturalem secundariam:

§. I.

An detur inculpabilis ignorantia legis naturalis?

- 170. I.) **I**n nullo adulto rationis compote datur plena ignorantia totius legis nat. ita ut invincibiliter

ter saltem ad longum tempus ignoret prima generalia principia Juris naturæ, conclusionesque, quæ ex illis clare & immediate sequuntur. Ratio est; quia nemo est rationis usu præditus qui saltem hæc principia moralia ignoret: *Declina a malo, & fac bonum: Malum fugiendum, bonum prosequendum: Quod tibi non vis, alteri ne feceris* &c. Porro principia hæc sunt generalia, conclusiones vero ex illis clare & immediate deductæ sunt v. g. sequentes: igitur *non est blasphemandum: furandum: de DEO bene est sentiendum* &c. Universalissima enim illa moralia principia nullo discursu opus habent: sed per se nota sunt intellectui cogitanti, pariter ac metaphysica: *omne est vel non est, implicat idem esse & non esse.* Cum igitur hæc per se sint manifesta, nec illa moralia saltem ad longum tempus cum prædictis conclusionibus clare & immediate fluentibus ignorari possunt. Alioqui DEUS melius prospexisset intellectui per principia metaphysica in ordine ad cognoscendam naturaliter veritatem, quam voluntati nostræ ad dirigendam naturalem ac necessariam actuum honestatem; Imo hanc frustra lege nat. præcepisset sectandam, si negasset media eidem consequendæ idonea. Hinc D. Hieron. in Epist. ad Aglas. qu. 8. ait, *Nullus hominum est, qui hanc legem nesciat, idcirco justum judicium DEI est scribentis in corde humani generis; quod tibi fieri volueris, alteri ne feceris.*

171. II.) In multis tamen admittenda est invincibilis non plena ignorantia legis nat. quo ad conclusiones, quæ ex principiis illis moralibus universalissimis tantum mediate sequuntur, & difficilius penetrari possunt. Ratio est: Quia constat ex dictis n. 116.) quod eruditissimi Viri circa legem nat. ex invincibili ignorantia falsum docuerint, affirmando jure hoc licitum esse mendacium, perjurium, fornicationem, & similia atia. Imo quoties duæ opiniones sibi contradictorie oppositæ etiam hodie dum defenduntur a DD. necessario una ex illis debet esse falsa in se & coram DEO: quin tamen semper delinquant eas tuendo, excusante illos invincibili ignorantia. Ut proin recte Innoc. XI. Romæ Anno 1685. d. 8. Aug. damnarit hanc Thesin a Lovaniens. T. T. defensam; *Nullam admittimus ignorantiam invincibilem Juris naturalis in ullo homine, dum hic & nunc contra jus naturæ agit.* Hanc propositionem refert Lacroix Lib. 1. de legibus, n. 726. & Schwarzw. Inst. J. N. & G. L. 1. part. 1. fol. maj. 420.

172. Sequitur ex his; Legem DEI æternam, atque adeo etiam naturalem invincibiliter ignorantes eadem non obligari proxime & in actu secundo, sed solum remote & in actu primo, quod indicat *Silvester* Ord. Præd. Theologus & Sacri Palatii Magister verb. *Lex*, q. 8. *Angel.* n. 12. & 14. &c. Imo clare id defumitur ex communi Jurisperitorum sententia fundata in Cap. 1. de Concess. Præb. in 6. *Lex seu constitutio & mandatum nullos adstringunt, nisi postquam ad notitiam pervenerint eorundem* &c.

§. II.

Quando ignorantia & error dicendus sit vincibilis ut imputetur ad culpam?

173. **R**egula universalis est, quod tanta sit imputabilitas actus ad culpam vel obligationem, quanta ejus moralitas, seu advertentia & libertas. Nam moralitas actus humani nil aliud est, quam operatio libera ex cognitione finis facta cum advertentia ad legem. Si igitur cognitio vel consensus est tenuis, aut semiplenus, ut in semidormiente accidere potest, ei proportionata erit imputabilitas, ac proin & culpa, levis scilicet ac non plena, seu non lata & gravis. Hinc sequitur, quod si nulla saltem confusa specialis notitia, nec ulla ratio dubitandi sive in genere, sive in particulari occurrit de eo, quod ignoratur, vel circa quod erratur, talem ignorantiam & errorem dici debere *invincibilem*, & inculpabilem, D. Th. de verit. p. 15. a. 4. ad 10. Hujusmodi enim ignorantia & error non est voluntarius. Nam voluntarium procedit ex cognitione; si igitur malitia nullo modo fuit præcognita, ergo nec fuit volita. Neque enim ulla humana sagacitas superare potest actualem ignorantiam, vel inanimadvertentiam malitiz objecti, si nulla prorsus de his incidit cogitatio.

174. Contra vero ignorantia & error *vincibilis*, adeoque ad culpam imputabilis erit I. si alicui inciderit cogitatio prudens, ne forte objectum sit malum & operatio inhonesti, ipse autem sufficientem non adhibeat diligentiam in inquirenda veritate, actumque exerceat, hac sola contentus resolutione, quod nesciat quid hic & nunc circa assentiam ejus statuendum sit; tunc enim *affectata* est ignorantia & error, qui deponi potuit & debuit. Talis quippe *noluit intelligere*

gere

gere ut bene ageret. Quid autem dicendum sit, si omnibus rite perpensis adhuc dubitet? decisum est a n. 64.) Hic autem id notandum venit, quod error, ac quæcunque etiam inculpabilis ignorantia licet excuset a culpa pro foro interno, non semper tamen etiam pro externo, eo quod in plerisque casibus jus positivum & Judex præsumat scientiam non ignorantiam, quamdiu hæc non probatur. Nihilominus nulla ignorantia excusat irritationem actus, cum non suppleat defectum sollemnitatis, vel conditionis substantialis ad ejus valorem requisitæ, ut patet in eo, qui contraheret matrimonium cum persona naturaliter inhabili, ignorans eam esse talem, vel putans id nullo jure obesse valori. Idem est de ignorantia impedimenti jure humano introducti: &c.

Dein II.) vincibilis ignorantia & error est, ac imputatur ad culpam, si actus saltem *indirecte* volitus sit in *sua causa*. Ita v. g. ille, qui sciens se non satis versatum in jure, suscipit officium Advocati, Judicis, aut Consulentiis, causasque intricatas assumit decidendas, aut defendendas, hinc si per suam imperitiam damnum inferat proximo, nequit justificari prætextu ignorantie, vel erroris. Quia hi effectus sunt indirecte voliti in sua causa, susceptione scilicet officii cum imperitia Juris. Neque eum tutum in conscientia facit gradus Licentie, vel Doctoratus in U. J. quia hic Licentiatum quidem, vel Doctorem, non autem etiam doctum facit. Quod ipsum locum habet in Medico, Chyrurgo imperfecto &c.

§. III.

An detur naturalis obligatio agendi juxta conscientiam invincibiliter ignorantem, vel erroneam? Et an potius adsit obligatio non agendi contra illam? ac in qua lege fundetur?

175. **B**INTE hac in parte reperiuntur Theologorum & Naturalistarum opiniones. Prima docet, conscientiam etiam invincibiliter ignorantem vel errantem non habere vim nos *obligandi*: sed tantum *ligandi*; ait enim obligari & ligari plurimum inter se differre. Nam quando conscientia *obligat*, non solum peccatur, si contra eam agitur; sed etiam juxta ejus præceptum facere nos oportet. At vero quando conscientia *ligat*, & non obligat, tunc si contra eam

eam agatur, peccatum quidem admittitur, non tamen secundum eam agere debemus, cum nulla lex id præcipiat: cuilibet proin illam relinquere licet, & non operari, quod operandum erronee dicitur. *Altera* tenet conscientiam errantem non solum ligare: sed etiam obligare.

Verum alii melius distinguendo respondent: Conscientiam errantem, aut ex errore vitioso seu vincibili, aut ex justo id est invincibili proficisci. Si ex *vincibili* oriatur, tunc conscientia errans non habet vim obligandi: sed tantum ligandi. Et in hoc casu non est idem obligari, quod ligari. Quia si conscientia erret, & error sit *vincibilis*, hoc est *mala fide* & cum aliqua culpa susceptus, quamdiu ea permanet, contra eam absque peccato agere non possumus, & proinde quasi obstricti & ligati detinemur, ne contra eam faciamus, nec tamen eam sequi debemus, quia cum ex errore *vincibili* adeoque culpabili proveniat, vim obligandi non habet, quoniam error est voluntarius, siquidem est vincibilis, & idcirco eum *deponere* & abjicere nos oportet. Si ve igitur contra hujusmodi conscientiam errantem opere- mur, sive eam sequamur, peccamus. Nec tamen sequitur ut *necessario* & simpliciter peccemus; quia permissum nobis est, imo obligamur eam conscientiam deponere, ac proin absolute etiam fas est contra eam non agere, si quidem relinqui & deponi tanquam erronea possit. Atque in hujusmodi casu verum est, quod ait prima opinio: conscientiam errantem ligare, non obligare. Verum illa supponit re ipsa *primo*, quod talis error non sit invincibilis, de quo solo questio præsens procedit, siquidem deponi atque adeo vinci potest. *Secundo*, si autem procedere deberet etiam pro casu erroris & ignorantie invincibilis, opinio hæc tunc esset vera, quando quis practice operaretur, dum hic & nunc *reflexe* agnoscit se invincibiliter errare, vel ignorare, tunc enim siquidem hæc cogitatio practica sibi incidit, ignorantia & error ipsius, quem dicit esse invincibilem, omnino est vincibilis, quia reducitur ad dubium practice practicum, quo interveniente tenetur illud deponere juxta n. 65.) vel si deponere non possit; ex quo sufficientem diligentiam in indaganda veritate non adhibuit, tenetur facere quod tutius est.

176. Quod si vero conscientia *vere invincibiliter* erret, & proin (ut jura loquuntur) *error justus* seu *probabilis* sit, hoc est bona fide ac sine sua culpa contractus, tunc habet vim

nedum *ligandi*: sed etiam *obligandi*, ita ut anima nostra peccet, quotiescunque contra conscientiam invincibiliter & sine sua culpa erroneam præcipientem vel prohibentem agit, ita docente D. Th. 1. 2. q. 19. ar. 5. Richar. in 2. d. 39. a. 2. q. 3. Joan. Gerson. p. 2. operum de natur. & qualitat. conscient. Ratio est; quia cum objectum voluntatis sit bonum ac malum non quomodocumque: sed prout est in apprehensione rationis, ideo si ratio invincibiliter ac sine ulla nostra culpa apprehendat aliquid & voluntati proponat tanquam bonum morale necessarium & præceptum, licet reipsa bonum non sit; sed a parte rei malum, voluntas illud respuendo consentit in transgressionem legis. Item, si ratio invincibiliter & sine nostra culpa apprehendat aliquid, ac voluntati proponat tanquam moraliter malum & prohibitum, licet reipsa malum non sit: sed bonum & honestum; voluntas illud amplectendo consentit in objectum malum & prohibitum, & sic anima nostra peccat. Quo fit ut v. g. Miles iusto bello deliberate occidens Reipublicæ hostem, quem erronee putavit Civem, mero casu hostibus permixtum, committat vere injustum coram DEO homicidium, egit enim contra dictamen practicum conscientiæ, quo judicavit illum non esse publicum hostem; sed civem, ideoque morte minime dignum. Quia *omne quod non est ex fide*, id est, quod non fit secundum: sed contra dictamen conscientiæ, peccatum est, Ad Rom. c. 14.

177. Si opponas: conscientia invincibiliter errans in re morali distans, v. g. esse hic & nunc omnino præceptum mendacium, ut liberem proximum innocentem a morte, est contraria legi Divinæ: Atqui tenemur legem Divinam sequi: igitur non possumus a DEO obligari ad sequendam conscientiam invincibiliter erroneam. Contra erit, quod conscientia invincibiliter ac sine nostra culpa errans non sit contraria *formaliter* legi Divinæ. Quia lex hæc cui videtur contrariari, tunc proxime & in actu secundo non obligat, cum non sit per dictamen conscientiæ practicum intimata, & judicium intellectus nihil hic & nunc novit de illa, quod necessarium erat ad obligationem inducendam. Hoc igitur casu ex prædicto errore operans se conformat legi divinæ ac naturali *secundariæ*, jubenti ut nihil agatur contra conscientiam, qua lege DEUS v. g. ad mendacium, quod quis invincibiliter putat esse præceptum ad proximum liberandum ab injusta oppressione, non obligat *per se*: sed mere *per accidens*,

cidens, supposito scilicet invincibili ac justo errore, & quando peccatum *materialis* est unicum medium ad vitandum *formale*, quale esset, si quis contra invincibiliter errantis conscientiz dictamen ageret. Sed oritur quæstio mox examinanda:

§. IV.

Quid rei sit lex naturalis secundaria, de qua nunc primum mentio facta est?

178. **S**Ciendum est, duplicem dari legem Divinam; ac consequenter naturalem, circa quam versari possunt dictamina conscientiz. Una est *Antecedens*, seu *primaria*, qua DEUS *per se* & *directe* præcipit vel prohibet *obligando* tunc dum nullus intervenit error, ignorantia, vel defectus cognitionis aut deliberationis. Altera est *Consequens*, *secundaria*, per *accidens* obligans, ut scholæ loquuntur, *reflexa*, qua DEUS præcipit vel prohibet ex suppositione alicujus ignorantiz, vel erroris invincibilis, oblivionis inculpabilis &c. Et sicut certum est dari in DEO voluntatem antecedentem & consequentem teste D: Thoma p. I. q. 19. ar. 6. ita solida ratio nulla afferri potest, cui prædicta Lex *antecedens* & *consequens* sit neganda. Lex enim naturalis nil aliud est, quam voluntas Divina, seu imperium ejus necessario aliquid prohibens, vel præcipiens, juxta n. 14.)

An autem hæc lex dicenda sit *stricta* an *latius reflexa*? est quæstio scholastica de voce, quæ rei substantiam non mutat. Nam permissio quod non detur ulla lex nat. ac divina, quæ *stricta* reflexa dicatur: sufficit quod detur voluntas DEI *consequentè* ac *secundariò* aliquid permittehs, vel ad illud obligans, adeoque hoc ipso dabitur & lex hujusmodi *antecedens* & *consequens*, seu *primaria* & *secundaria*, qua assistente sit, ut licet iudicium *directum* invincibiliter erraret circa legem *antecedentem*, quæ *per se* prohibet actionem pro eo casu, quando malitiam ejus agnoscimus: potest nihilominus ex suppositione invincibilis ignorantiz vel erroris inculpabilis iudicium *reflexum* se conformare *legi consequenti*, vi cujus DEUS permitteat talem actionem. Imò ut jam deductum est, etiam præcipit ex hypothesis insuperabilis erroris. Utrum vero etiam mereatur quis apud DEUM per talem actionem *legi antecedenti* contrariam, conformem con-

sequenti? Affirmant TT. qui tamen excipiunt actus supernaturales *Sacramentales* a certa forma vel materia dependentes, vel *necessitate medii* requisitos ad salutem, ut est v. g. *Baptismus*, cujus omissionem nullus error & ignorantia salutarem efficere possunt &c. Nos ab ista quaestione hac vi-
ce abstrahimus, cum ad legem nat. observandam sufficiat, si non peccemus in circumstantiis invincibilis ignorantiae & erroris supra explicati.

ARTICULUS IV.

*De effectu legis nat. circa actus dolo, vi, metu extortos, & ex
vehementia appetitus concupiscibilis vel
irascibilis exercitos,*

SUMMARIUM.

179. Doli definitio; qui si circa substantiam fuerit, irritat actum.
180. &c. Dolus circa qualitates, alius est qui dat causam contractui; alius qui incidens dicitur; utriusque effectus explicatur.
181. Si mens alligata fuerit, ut Contrahens aliter non contraxisset: dolus quicumque fuerit, reddit actum jure nat. nullum.
183. Unde dignoscendum sit, quod dolus versetur circa substantiam, vel accidentia?
184. Exponitur effectus doli reipsa, & ex proposito.
185. &c. Exponuntur actus metu extorti, qui Jure nat. valent.
189. &c. Exponuntur actus metu extorti Jure nat. invalidi, si fuerint alias indebiti, metum patientem gravantes: Secus: si illi favorabiles, quales forent, si nullam obligationem in metum passo inducerent, uti esset: si quis coactus sit ad acceptandam donationem v. g. 100. aureorum &c.
196. &c. Solvuntur contraria: & adducuntur exempla validorum & invalidorum actuum metu extortorum.
200. &c. Quis sensus: coacta voluntas est adhuc voluntas?
202. &c. An concupiscentia & ira excusent actum contra Jus natur.?
204. Quid velit axioma: Primi impetus non sunt in nostra potestate?

§. I.

Quid jure nat. liceat aut valeat, si dolo & fraude fiat?

179. **D**olus alius est bonus, alius malus. Dolus *bonus* est solertia quædam laudabilis, quæ circa ullius læsionem aliquid machinamur in nostrum *vel* alterius commodum. De tali dolo gloriatur Apostolus 2. ad Cor. 12. *Cum essem astutus dolo vos cepi*. Atque hac ratione excusantur ab omni iniquitate stratagemata militaria ex parte eorum attentata, qui justam causam belli habent. Dolus *malus* est *omnis calliditas, fallacia, machinatio ad circumveniendum, fallendum, decipiendumve alterum adhibita* l. dolum ff. de dolo mal. Differt ab errore & ignorantia, quod dolus contineat fallaciam, secus ignorantia & error invincibilis. Ex his autem sequentes fluunt resolutiones.

I.) Quando alteri contrahentium dolus inferitur versans circa *substantiam rei*, contractus Jure nat. est irritus pro omni foro. Exempli causa: Si emas bona fide aurichalcum pro auro, vel vitrum pro gemma *dolo* alterius deceptus, contractu non teneris. Quia tunc deest consensus substantialis ad contractum requisitus. Emens enim intendit emere aurum, vel gemmam, non vero aurichalcum aut vitrum, sine consensu autem contractus est nullus jure naturæ. Nec obstat, quod dolo alterius inductus hic & nunc videaris consentire. Nam consensus si quis intervenit, procedit ex errore per dolum alterius causato, & quidem circa ipsam rei substantiam: porro nullus est errantis consensus, n. 173.) & ita naturalem legem exponunt Constantinus, & Maximianus in l. 9. C. de J. & F. J.

180. II.) Si dolus versetur solum circa qualitates rei, seu quasdam extrinsecas circumstantias contractus: tunc distinguendum est, an dolus *dederit causam* contractui, vel actui (v. g. dolosis suasionibus ad contrahendum inductus es, alioqui non contrahiturus) vel non dederit causam eidem, sed *solum incidit* in contractum, prout fieret, si quis alias *contrahiturus* esset, dolo tamen alterius in pretio solum, vel alia ratione decipiatur. Et horum utrumque adhuc bifariam potest contingere, quatenus scilicet dolus ejusmodi, aut causatur ab *altera parte* cum qua quis contrahit; aut ab aliquo *tertio*. Proinde ulterius agendo speciatim de singulis, diversa sequetur resolutio. Et quidem

111.) Si dolus non det causam contractui: sed solum in-
 fidat in eum, contractus jure nat. est validus, adeo ut et-
 iam per exceptionem doli ad petitionem decepti nequeant
 rescindi, licet taliter decepto in foro externo competat actio
 contra decipientem ut solvat, quantum sua interest dolum
 adhibitum non fuisse, & decipiens etiam ante omnem judi-
 cialem conventionem teneatur in conscientia ad compensa-
 tionem. Ratio, cur valeat contractus ille, est hæc, quia hu-
 jusmodi dolus non dedit causam contractui, imo eo cogni-
 to adhuc quis contracturus fuisset, atque adeo non defuit
 consensus sufficiens: non est igitur solidum fundamentum
 cur cognita rei veritate contractus ad petitionem partis re-
 scindi debeat, si ita decipiens solvat decepto, quanti-ejus in-
 terest dolum adhibitum non fuisse. Id enim solum hoc casu
 jus nat. exigit ut deceptus indemnus fiat. Atque ita natura-
 lem hanc obligationem interpretatur L. Julianus §. si ven-
 ditor, ff. de Action. empt. ubi dolo rem pluris vendens tene-
 tur actione ex empto; non ad rescissionem contractus: sed
 ad præstandum decepto quantum pluris ei vendidit.

181. IV.) Denum quando dolus non ab altero contra-
 hente: sed eo ignorante per tertium quendam commissus fuit,
 simulque contractus vel ab utraque, vel saltem ab altera con-
 trahentium parte completus est: tenet contractus jure natu-
 ræ, quod obligat illum tertium ad debitam satisfactionem.
 Quam Juris hujus dispositionem sequitur etiam Jus positi-
 vum, permittendo Actionem in foro quoque externo contra
 eundem deceptorem: C. cum dilecti v. deceptione, circa fi-
 nem de Empt. ac L. Et eleganter, ff. de dolo malo.

Ratio est, quia cum neuter Contrahentium causaverit do-
 lum, jam hoc ipso dolus non debet alterutri eorum obesse:
 hoc autem fieret, si alterutro invito contractus ex sua par-
 te completus rescinderetur. Ille autem tertius, qui dolum com-
 misit, cum tam jure nat. sit obstrictus, quam etiam Civili
 actione teneatur de dolo ei, qui exinde læsus est l. 2. ff. de
 Proxenet. si forsan solvendo non sit, succurrere Judex debe-
 bit circumvento, ratione resultantis inæqualitatis, reducen-
 do contractum ad æqualitatem naturalem.

182. V. Loquendo autem de dolo circa qualitates, acciden-
 tales ab alterutro Contrahentium commissæ, simulque dante
 causam contractui, plerique Legisla: spectato jure Civili vo-
 lunt distinguere inter contractus stricti juris, qualis est v. g.
 fidejussio, mutuum, aliique unilaterales: & contractus bonæ fi-
 dei,

dei, uti est, *Emptio-venditio, locatio-conductio, depositum, commodatum, mandatum, pignus* &c. De contractibus itaque *stricti juris* tenent, quod dolus *dans* alicui ex illis *causam*, eum non reddat ipso jure nullum: sed talis contractus ad petitionem decepti sit rescindendus per Judicem, *L. dolo, vel metu, C. de inutil. stipul.* Si autem det causam contractui *bonæ fidei*, tunc inquirunt, effici contractum ipso jure nullum per *L. Ea vero §. fin. ff. Pro Soc.*

VI.) Verum ut ut Juris Romani subtilitas distinctionem hanc introduxerit, hodiernis tamen moribus alii communius ab ea recedunt, pariter ac Jus canonicum minime ei inhæret: sed omnes contractus naturalis æquitatis regulamensurari jubet, ut ostendimus in *Resp. jurid. can. par. 1. an. 93. Fol. 196.* præsertim cum ipsimet antiquiores Jsti subtilitatis hujusmodi primi inventores cum suis sequacibus hucusque non potuerint solidam asserre rationem disparitatis, cur contractus *bonæ fidei* ipso jure nat. sit irritus non item contractus *stricti juris*, cum tamen utrique causam aliquam dolus *equalis* dederit; aut cur Jus Civile unum, non alterum eorum irritet in illis *equalis* doli circumstantiis, & quomodo æquitatem nat. non lædat? Spectato igitur Jure nat. dicendum est: qualiscunque *stricti juris* aut *bonæ fidei* contractus ille fuerit, parum refert; sed si dolus quidem circa qualitates solas, & quasdam extrinsecas circumstantias versetur, *dederit tamen causam* eidem, ita ut contrahentis decepti *mens ita alligata fuerit, ut ille nullo modo contraxisset*, si non persuasiones falsæ, & speciosæ quidem, sed inefficaces promissiones ad contrahendum induxissent, contractum hujusmodi esse in foro animæ nullum; ob defectum sufficientis consensus, ut jam ex supra dictis innotuit.

Quodsi mens Contrahentis modo prædicto non fuit alligata qualitati & circumstantiæ illi extrinsecæ: valebit jure naturæ contractus, deceptor tamen obligatur in conscientia compensare detrimentum, ut hac ratione contractus ille reducatur ad æqualitatem; si vero compensare noluerit, hoc etiam invito rescindi poterit, naturali æquitate prohibente, ne dolosus Contrahens cum alterius jactura fiat ditior, suamque conditionem meliorem faciat, unde etiam Axioma ortum traxit: *Fraus & dolo alicui patrocinari non debet.*

183.) Sed ambigi potest; unde colligi debeat quod er-

ror vel dolus causam dederit actui circa substantiam vel accidentia tantum? Resp. Ad discernendum quandonam error vel dolus versetur circa substantiam aut accidentalia contractus, hæc statui potest regula, I.) Quod omne illud prædicatum pertineat ad substantiam contractus, cui defecto intentio contrahentis ita est alligata, ut *aliter nolit valere contractum, vel actum*, aut quod idem est, aliter nolit contrahere. II.) In dubio autem de intentione Contrahentis, vim alterius regulæ obtinet sequens discriminativum: si nempe prædicatum, de quo dubitatur, sit tale, ad quod ex communi hominum usu, vel ex dispositione legis præsumitur saltem implicite & virtualiter restricta esse Contrahentium intentio: censendum erit & illius contrahentis restrictam potius quam non restrictam fuisse, adeoque prædicatum illud, seu qualitatem spectare ad substantiam contractus, vel actus.

Ratio primi est: quia determinatio prædicati circa contractum, an sit aliquid substantiale vel non, dependet ab intentione Contrahentis, aut promittentis: igitur si Contrahens, vel promittens aliquid *pro primo ac principali* intendat, illud erit de substantia actus. Ita v. g. si quis per Procuratorem contracturus matrimonium de præsentis, alligaret suam intentionem: ut ille ex duabus Sororibus, quarum una formosa, & utriusque oculi usu prædita est, altera deformis & monocola; determinate deformem & monocolam eligeret, hanc quoque præ illa sibi desponsandam curaret: quamvis deformitas hæc, si *physice* spectetur, non videatur pertinere ad substantiam: sed mere versari circa qualitates extrinsecas contractus: nihilominus si moraliter, seu *civilliter* eam consideremus, omnino est *de substantia* illius, ita ut reddat matrimonium jure nat. invalidum.

Ratio secundi est: Nam quod una eademque res, vel unum idemque prædicatum modo censeatur esse de substantia contractus, modo quid accidentale, id pendet a consuetudine, vel voluntate Contrahentium, juxta illud vulgare: *De gustibus non disputandum*: Si igitur res v. g. empta appareat deficere in aliquo prædicato, quod communiter ab aliis Emptoribus intendi solet, censenda erit intentio hujus Emptoris restricta fuisse ad talem qualitatem, vel prædicatum, quo deficiente error vel dolus commissus fuisse censendus est circa substantiam.

184. An autem dolus *reipsa* seu materialis, idem operetur,

tur, quod dolus ex proposito, seu formalis? Utilissima & in praxi creberrima quaestio est, quam resolvimus in Resp. jurid. can. p. 1. F. 400. n. 422. Ubi decisum est, dolum priorem ab altero in eo solum differre, quod si non ex proposito fuerit, excuset a peccato, non tamen a restitutione, postquam ita decipiens pervenit in notitiam sui erroris pure materialis, seu *reipsa* commissi. Si enim *bona fide* solvisti Mercatori aureum adulterinae monetae, non ideo securus es in conscientia, quin damnum compenses, ubi illud advertitur. Obligatio igitur naturalis restitutionis oritur ex utroque dolo: actus tamen vel contractus nullitas non semper: sed tunc solum, cum versetur circa substantiam.

Porro ex supra adductis patet dolum circa substantiam duplici modo versari posse, scilicet *physice*, vel tantum *civiliter*, seu moraliter. *Physice* versatur si v.g. materia circa quam fit contractus, est in toto, vel saltem majori parte alia, veluti si gemmam vitream pro vera, aut aureum intrusaurichalcinum, extrinsece vero nonnisi deauratum a Mercatore vel alio contrahente, praeter tuam intentionem accipias. *Civiliter* seu moraliter versabitur circa substantiam, cum intentio tua alligata fuerit certae qualitati etiam deteriori, v.g. Si vinum volueris tibi emi non aliud quam valde debile propter valetudinem conservandam, quale est *Necaricum* &c. Mercator vero ille pro eodem pretio submiserit tibi vinum *Tocaicum*, vel aliud generosum: hujus substantia physice *melior* utique est; tamen contractus adhuc nullus est propter substantiam *civiliter* immutatam per alligationem intentionis ad vinum *Necaricum*; pariter ac patet nullum fuisse illud Matrimonium per Procuratorem contractum cum Sorore formosiore, omissa deformi & monocola, licet error hic non nisi *civiliter* versetur circa substantiam. Idem est, quoties dolus vel error *dat causam* contractui modo supra exposito.

§. II.

Quid Jus naturae disponat circa actus vi & metu extortos?

185. **C**um resolutio quaestionis hujus spectet ad conclusiones Juris nat. difficilius percipi solitas, neque manifeste & immediata ex primis moralitatis principiis fluentes,

tes, hinc fit, ut in ea decidenda diversæ sint Eruditorum opiniones, de quibus fuse egimus in *Erotem. theor. pract. a Pol.* 212. ubi etiam decusum est, difficultates quæ ex causa metus incussi oriuntur, non posse una & altera sententia explicari; sed pro diversitate circumstantiarum, non nisi diversis conclusionibus definiendas esse. Siquidem autem singulas illarum hic recensere materiarum tractandarum multitudo non sinit, paucis & summaria inductione ea perstringemus, quæ in praxi contingere possunt.

I.) Concors est opinio, quod metus *iuste* vel *sine damno* metum passi incussus non obstat valori actus. Ille enim non est moralis *causa* consensus in actum: sed *mera occasio*. Qui enim iuste cogitur ad id, quod aliunde tenetur facere vel omittere, non censetur *moraliter* invitatus consentire, quid quid sit, quod invitatus fuerit *physice*. Etenim voluntarie causam metus & coactionis ille ipse dedit, qui non vult id præstare, vel ab eo abstinere, ad quod obligatus est. Hinc timor mali non censetur intrinsece inferri: sed ab illomet nasci. Ac proin consensus ille secutus non est involuntarius, cum omnino *voluntarius sit in sua causa*.

Quo fit, ut licet metus huiusmodi moveat voluntatem ad actum, quo posito grave malum evitatur, & videatur habere aliquam causæ speciem, tamen pro tali non æstimatur, eo quod actus ille fuerit aliunde *debitus*, adeoque ex parte metum incutientis nullum infertur damnum ei, qui metum patitur, neque ille injuria in suis bonis aut libertate ita afficitur, ut actus nullitas argui possit. Sive enim sponte sive coacte rem v. g. alienam restituas suo domino, aut promissioni aliunde jam validæ & licitæ satisfacias, nullum in rebus tuis detrimentum subire cogeris, cum id solum facias, ad quod jure nat. jam obligaberis. Neque enim ad restitutionem rei alienæ, sibi nullo alias jure obligatæ, requiritur omnino liber consensus ejus, qui eam *injuste* detinet, alioqui occulta compensatio jure nat. nunquam foret licita ob defectum consensus illius, qui irrationabiliter est invitatus, quominus res sua cedat alteri in compensationem; cum tamen contrarium pateat ex *n. 152.*)

Hinc si sponsalia *de futuro* nuper sponte & libere contraxisti, hodie vero ab illis sine causa resilire volens metu carceris, gravis multæ, vel Excommunicationis, aliove modo coactus es ad matrimonium de presenti contrahendum, hoc ita subsecutum (dummodo aliud abfuerit impedi-

tum)

tum) certo firmum subsistit, praxi attestante: metuendū enim causa justa fuit. Metus hic nedum a legitimo Magistratu: sed etiam a privato quopiam *juste incussus* suo v.g. debitori, restitutionis aliumve debitum alias actum reddit in se validum, licet quandoque ex parte metum incutientis aggressio hæc illicita *quo ad modum fiat*, ratione violentiæ propria auctoritate ad recuperandam rem suam attentatæ. Quam sicut Jus nat. ita & Civile prohibet quidem, rei tamen debitæ restitutionem hoc extorsionis modo factam validam declarat l. 12. §. 2. ff. Quod met. caus. *Julianus ait eum, qui vim adhibuit debitori suo, ut ei solveret, hoc Edicto (id est Actione quod metus causa) non teneri, propter naturam metus causæ Actionis*, NB. *quæ damnum exigit; quamvis negari non possit in Juliam eum de vi incidisse, & jus crediti amisisse*. Amissio autem hæc crediti præcise in penam aggressionis, *quæ illicita statuta est*; & indiget Judicis declaratione, nec aliter obligat Creditorem ad restitutionem debiti, modo prædicto a coacto debitore recepti.

186. II.) Certum quoque est; *Actus ex occasione causæ necessariæ*, seu non libera metu gravi elicitos valere jure naturæ, sicut & omni alio. Ratio est; quia v. g. *mare sevens* non causam: sed *moram occasionem* præbet Mercatori merces proiciendi in aquam, aut votum nuncupandi ob mortis metum. Non enim extorquet consensum in projectionem mercium, vel voti nuncupationem, nec agit propter finem & libere; sed *necessario physice*; neque intervenit injuria ex parte maris Mercatori illata, illud enim non minus *necessario* operatur dum quietum est, ac si sit turbulentum. Metus igitur ille ortus est mere ab *intrinseco*, cui mare solam *occasionem*, nullo modo autem *causam* projectionis præbuit, consideratur proin illa, ac si non fuisset; & votum ita factum; aut alia promissio valet, prout etiam declaratum legitur in cap. 17. de Regular.

187. III.) Imo etsi metus proveniat a *causa libera* quidem: sed non influente moraliter in actum per modum causæ suadentis, sollicitantis, cogentis &c. verum præcise *per modum occasionis*, non reddet actum metu proventientem irritum jura naturæ. Si itaque Viator metum injustum a latronibus passus, ad evitandam mortem emitat votum, vel promittat quidpiam suo amico, ut hic sibi suppetias ferat contra Aggressores; metus mortis non reddet invalidos hos actus, Licet enim Viatorem ad eos eliciendos permoverit mor-

mor-

mortis evidentis timor, tamen hic non fuit *causa moralis per se talis* & intenta ab Aggressoribus, mortem enim isti intenterant Viatori, nisi daret lytrum, at nullo modo extorquebant ab eo votum, vel suppetias amici, quibus posset liberari ab eorum vexatione injusta: igitur hæc *per accidens* solum, non ex causa: sed *occasione* tantum metus evenisse censetur, per se autem & directe provenerunt ex causa mere *intrinseca*, propria scilicet physice & moraliter liberrima voluntate metum passi, non aliter ac supra vidimus projectionem mercium in aquam, aut conductionem Medici ob metum imminentis periculi mortis. Occasio enim actus nunquam inter causas ejus referri potest. Ita quippe Axioma est: *occasio facit furem*, qualis fieri censetur, si v. g. stabulum sit apertum, unde furi ansa præbetur illud intrandi & æquum furandi: quia tamen *stabuli apertio mera est occasio*, hinc furti causa non ex apertione stabuli: sed aliunde repeteri debet; scilicet ex liberrima ac intrinseca furis voluntate, cum sine alia concausa morali ad furti crimen sponte sua permovente. Id ipsum fit in casibus supra expositis de projectione mercium &c. &c.

188. IV.) Dubio quoque vacat, actum metu gravi injusto extortum tam extorquenti ipsi, quam & alteri alioqui indebitum, jure nat. irritum ac inutilem esse, si metus passus nil aliud per eum intenderit, quam sui a presenti periculo liberationem. Nam naturali jure spectato, *Actus agentium non operantur ultra eorum voluntatem*, c. fin. de Præb. Hinc ex eadem naturali jurisprudentia desumptum est hoc brocardicum: *De pastorum interpretatione ubi agitur, potius inspicit debet mens quam verba*. Cum igitur actus v. g. lytri solutionis latronibus a Viatore factæ habeat pro objecto tantum sui liberationem a vexatione injusta, eum exercens metum passus non est censendus velle se obligare, aut dominium transferre: sed *exteriorius* dumtaxat consentire, nam id satis illi fuit ad effugiendum periculum: Tanto minus contraxit aliquam obligationem, si eam positive exclusit, ut per se patet.

Nec refert, quod Aggressor injustus ex sua parte steterit promissis, v. g. vitam donando metum passio: nam ad hanc ei tollendam nullum jus sibi competebar, consequenter pro occisione hominis infantis, & facti sua natura turpis nihil exigere valide aut licite potuit; cum ad *malum omittendum* omni jure aliunde teneatur, §. 1. *Inst. de inutil. Stip.* In dubio quoque dum anæps hæres, an consenseris in translationem

nem dominii: an meram tu liberationem a periculo intenderis: an etiam te serio obligare latroni volueris vel non? hoc injustæ extorsionis casu standum est potius pro immunitate ab omni interna obligatione, cum neque extra casum injusti metus & vexationis iniquæ obligetur quispiam ad debitum certum, ex obligatione aut probatione mere dubia & incerta: stat igitur pro eo possessio libertatis suæ. Solus itaque & potissimus controversiæ cardo vertitur circa questionem seq. §. mox tractandam.

§. I I I.

An Jure nat. valeat & obliget actus, si quis ad nihil alias iniquo Aggressori, vel cuiuspiam tertio obligatus, serio etiam interne consensit in obligationem, aut dominii translationem: non tamen ex alio motivo, quam præcise ad effugiendam v. g. mortem sibi hic & nunc metu injusto intentatam, aliudve grave malum sibi indebitum avertendum?

189. **G**Ravi ac injusto metu extorti actus extorquenti ipsi & cuivis alteri alias indebiti, & metu coactum gravantes (quales sunt translativi dominii, remissivi juris, aut inductivi novæ obligationis) non subsistunt Jure nat. nec pariunt obligationem, licet metum passus directe quidem & serio in dominii translationem metu interne non deposito, seu non purgato consentiat: id tamen non ex alio motivo, quam præcise ad redimendam injustam vexationem gravem, v. g. mortis certum periculum inferentem, ex metu tanquam causa morali primario ad consensum movente facit.

Ita sola naturali lege Magistra edocente sensit etiam Cicero l. 1. offic. dicens: *Illis promissis standum non est, quæ coactus quis metu promiserit.* Hujus opinionis fuit quoque Aristot. l. 4. Ethic. Naturale autem judicium hoc Gentilium Philosophorum manifeste secutus est & probavit D. Th. 2. 2. q. 89. a. 7. ad 3. dicens: *quod in juramento, quod quis coactus facit, duplex sit obligatio. Una quidem qua obligatur homini, cui aliquid promittit: & talis obligatio TOLLITUR per COACTIONEM, quia ille, qui vim intulit, hoc meretur, ut ei promissum non servetur. Alia autem est obligatio, qua quis Deo obligatur, ut impleat quod per nomen ejus promisit. Et talis obligatio non tollitur in foro conscientie, quia magis debet damnum tem-*

temporalē sustinere, quam juramentum violare. Potest tamen repetere in iudicio, quod solvit, vel Prelato denunciare, non obstante quod contrarium juravit, quia tale juramentum vergeret in deteriore exitum: esset enim contra iustitiam publicam.

Quo loco D. Thomas ex promissione metu gravi ac injusto in Virum constantem eadente naturalem obligationem nullam agnoscit: licet admittat aliquam debilem & revocabilem ex sola Religione erga DEUM ortam, si juramentum adjectum fuerit. Quod fit dispari ratione; quia promissio simplex, seu quæ solum hominem inique extorquentem respicit, non habet obligationem aliunde, quam a sufficienter libero consensu promittentis, & carentia injuriæ: at metus cadens in constantem virum tollit sufficienter liberum consensum & inducit formalem injuriam, ut infraprobabitur; & supponit Doct. Angelicus *l. c.* ac deducit Azor *Inst. mor. tr. 3. p. 3. l. 4. c. 23. q. 4.* ex Silvest. v. *Restitutio* 2. §. *septimo*, Nav. c. 17. n. 30. hinc simplex promissio metu extorta manet absque omni obligatione. Contra autem quando promissio, aut donatio est jurata, habet obligationem aliunde, scilicet a juramento cum invocatione DEI (qui nullam injuriam intulit, neque coegit) promissioni adjecto; ac proin cum naturalis & Religionis obligatio a diversis principiis proveniant, hæc potest manere sine illa, quoties juramentum sit licite.

Quancquam Jus canonicum etiam Religionis obligationem ex inique coacto juramento valde tenuem agnoscat in *Cap. Verum*, versu: *non ob hoc sunt* 15. *de Jur. jur.* ac dein *Cap. Debitores* 6. *eod.* naturalem obligationem prorsus nullam esse declarat. Juxta hanc vero declarationem, ac juxta *Cap. cum contingat* 28. *de Jur. jur.* dicens, juramenta servari debere, NB. *Sine vi, metu & dolo SPONTE præstita*; sunt permulti DD. qui cum D. Antonin. *Panormitan.* Silvestr. v. *Juramentum* 4. q. 8. Rolando a Vall. Azor. tom. 1. l. 11. c. 7. q. 1. docent, nequidem Religionis obligationem oriri ullam, si ipsum quoque juramentum injuste incusso gravi metu extortum sit, eo, quod cum principalis causa (scilicet naturalis obligatio) non subsistat, nec ea, quæ sequuntur locum habeant. Ac proin in tali juramento dispensationem non esse per se necessariam putant: verum mere per accidens, si inquam sit periculum scandali ex parte eorum, qui sciunt juramentum adjectum fuisse pactis vel promissioni; ignorant aptem an sponte & libere, vel an ex metu, eoque pur-

purgato vel non purgato præstitum fuerit, hoc casu dicunt: ad scandali periculum tollendum, dispensationis remedio locum esse, secus si nullum prudens ejus periculum fuerit. Jam

190. Ratio assertæ decisionis est I.) Actus ille metu gravi & iniquo extortus naturali jure non subsistit *ratione injuriæ*. Nemo quippe per injuriam alterius *consensum*, & inde jus sibi alias vel alteri cuicunque *indebitum* acquirere valide potest. Alioqui latrones & usurarii frustra ad restitutionem ante omnem Judicis sententiam tenerentur, imo illicitæ & invalide res suas ab illis invitis, non expectata rescissione actus, repeterent damnum metu injusto, vel usuraria pravitate passi: cum tamen hi, etiam juxta contrariæ opinionis Patronos, illas occulta quoque compensatione recuperare sine omni scrupulo possint.

Huc facit, quod lex nat. jubeat id solum ex *justitia* præstare ad quod alter jus habet, citra jus enim activum obligationi passivæ respondens nulla intelligi potest obligatio. Et nihil debeo, si nemo jure me poscere quidquam potest: Atqui v. g. latro ad lytrum requirendum, etiam supposito extorto consensu, nullum jus habet. Si enim id non dum efficaciter extorsit, tenetur abstinere, ne continuet peccatum: si vero jam extorsit, tenetur instantaneè restituere, & oppressum Viatorem indemnem dimittere.

Neque actum hunc potest tanquam validum approbare Jus naturæ, id enim sicut rem ipsam, ita & consensum in eam alias indebitam, per vim vel metum iniquum extorqueri prohibet, & ob perpetuam turpitudinem in actu reperibilem irritat, juxta n. 166.) Non potest igitur firmitatem tribuere actui, quem reprobatur & irritat, alioqui lex nat. ipsa ad sui destructionem inserviret, approbando, quod necessario prohibet & enervat. Sane cum usuras proprie tales lex nat. prohibeat, nunquam consensum Mutuatarii, gravi necessitate urgente, & iniquitate Fœneratoris ad eas *serio* promittendas adacti, tanquam validum & obligatorium approbare potest, ita: ut jus aliquod iniquo Fœneratori illas exigendi, vel retinendi inde oriatur: Sicut igitur *consensus Mutuatarii liber* alias nullum jus facit Fœneratori ad valide extorquendas vel retinendas usuras, ita, imo multo minus jus aliquod faciet latroni consensus Viatoris metu injusto & per injuriam extortus, ut lytrum requirat ab eo, vel restitueat. Solutum.

191. Nec obstat 1. Quod filius, qui Patrem suum veneno e vivis sustulit, a nonnullis dicatur *per injuriam acquirere ejus hereditatem*: igitur & latro per injuriam poterit obtinere consensum Viatoris & dein lytri dominium acquirere. Contra enim est, quod jus hereditatis filio parricide non obveniat ex injuriosa parentis occisione; sed potius ex *filiatione*, titulum successionis ab intestato fundante, cui assilunt leges positivæ pro eo casu, quando de crimine parricidii manifeste Judici non constat. Alioqui *si injuriosa occisio Parentis* sufficeret ad hereditatem acquirendam, etiam quivis extraneus a filio & familia illo distinctus homicida, Patrem filii istius occidens posset jus hereditatis acquirere, siquidem occidendo injuriam intulit, & sola injuriosa Patris occisio sufficit ad hereditatem capiendam, juxta Adversarios. Ita autem latronum conditio fieret optima, cum multas hereditates adire possent.

Multo minus obstat 2. Quod *non injuria sit causa* immediata lytri, promissionis vel contractus: sed liber *consensus* contrahentis v. gr. Viatoris, qui absolute est præstitus. Quamvis enim hic non consensisset, si non fuisset coactus, tamen coactus consensit. Nam contra est, quod etiam usuratum proprie talium causa *immediata* sit non injuria & iniquitas Fœneratoris avari: sed liber (imo longe liberior) *consensus Mutuatarii* contrahentis, & quidem absolutus. Si enim Fœnerator enormes usuras a Mutuatario graviter indigente non voluisset, hic in eas nunquam sponte & libere consensisset, quia tamen ille voluit, nec aliter mutuum dare paratus erat, ideo Mutuatarius in eas absolute consensit: Nihilominus contractus usurarius *ipso jure nat.* est nullus, nec Usurario ullum jus tribuit. Contra est 2. Quod ipse consensus per injuriam sit extortus & deficiens uti mox constabit.

192. II.) Prædictus actus non subsistit Jure nat. defectu *consensus sufficientis* in obligationem novam, ac nullo jure alias debitam, quæ requirit plenam libertatem ab omni injuria immunem, ita ut etiam extrinseca coactionem a causa extrinseca libera eam injuste extorquente proveniente excludat. Cum enim gratuita promissio sit *onus quoddam, quod sponte suscipitur*, non debet coactive imponi, ita sentientibus Ethnicis etiam viris, quorum sententia a Constantino Imper. ex naturali Jurisprudencia in corpus Juris Romani cooptata est: *Rei suæ quilibet liber est moderator*, & arbi-

arbitrari, ut possit facere quicquid VELIT, l. 21. C. Mandat. Hinc contractus, promissiones, & donationes circa res me-
re facultatis, ac alteri nullo alias jure debitas, debent con-
stare actu spontaneo & libero. Et quidem actus hujusmodi
debet esse liber *libertate indifferentiæ*, & non tantum liber
a coactione (cujusmodi etiam sunt actus ebriorum & amen-
tium) debet enim esse actus imputabilis homini, quatenus
sponte cedit aliquo jure suo, & obligationem neque a na-
tura, neque etiam ab extrinseco sibi injuste impositam subit
pro libitu:

Atqui v. g. consensus Viatoris & promissio donandi la-
troni 100. fl. metu mortis extortæ, neque est ita spontaneus
actus, ut metum passus Viator pro libitu suo de re dispo-
nat quid quid velit, vellet enim nihil solvere injusto ag-
gressori, cum nihil debeat; cogitur tamen, non quod ille
vellet: sed quod latro extorquet, facere. Neque est ita liber,
ut obligationem ab extrinseco, vel a natura non impositam
subeat: Hoc enim casu Viator inter duo inevitabilia mala,
vitæ scilicet amittendæ, aut lytri solvendi evidens periculum
constitutus, jure naturali necessario obstrictus est eligere mi-
nus malum, nempe amissionem potius 100. fl. pro lytro sol-
vendorum, quam vitæ, cujus ipse non est dominus, habet-
que sibi a natura ejusque Auctore DEO impositam gravem
moralem obligationem, illud malum præ hoc eligendi: Neque
prudenter, ac citra grave crimen potuit mortem potius eli-
gere, parcendo pecuniæ 100. florenorum: igitur non solum
non fuit liber a coactione externa: sed nequidem a necessi-
tate morali per legem naturalem imposita, atque adeo non
fuit sufficienter liber libertate indifferentiæ, perinde ac si non
fuiſſet liber: si latro concessisset ipsi liberam electionem, ut
ineluctabili necessitate patiatur sibi unam e duabus manibus
amputari, ille vero elegisset & consensisset in minus ma-
lum, amputationem scilicet sinistræ, ut dexteram, tanquam
sibi magis servituram, conservaret.

Quid igitur hoc casu consensus (ut dicitur) liber ope-
raretur, & quid efficeret ille in casu conscientie perplexæ,
ubi quis inter duo moralia mala constitutus invincibili per-
suasione intelligit, se, hoc vel illud omittat, graviter pec-
caturum, hoc siue illud faciat, non amoturum evidens pe-
riculum; id ipsum operabitur & parem obligationem indu-
cet consensus ille, metu gravi ac injusto extortus, si per
eum ex duobus inevitabilibus, minus malum eligatur, utro-

Jus Nat. & Gent.

K

bique

bique enim *physice* quidem, non item *moraliter* est plene liber.

193. Neque dixeris, hunc Viatoris actum debere rescindi a Judice, ut desinat latroni obligari. Nam obstat *primo*.) Quod iniquus Aggressor, si jam quidpiam ex coacto illo consensu percepit, teneatur in conscientia *mox* restituere, non expectata ulla rescissione, quod etiam fatentur Adversarii. Hinc eruditissimus Tanner *To. 2. d. 2. n. 327.* ait, imperceptibile esse, quomodo contractus *ratione consensus liberi injuste extorti*, jure naturæ vel utroque valeat, & tamen alter e *vestigio* teneatur rem per contractum acceptam restituere: vel si nondum accepit, teneatur nunquam exigere?

Secundo.) Si talis consensus valeret usque ad rescissionem judicalem: pessimè comparata foret Respublica humana. Sequeretur enim quod potentissimus Princeps, & omnis, qui præter DEUM, superiorem alium & Judicem non agnoscit, homini pauperi per injustum metum extorta nunquam in ullo foro teneretur restituere, cum nullus sit, qui auctoritatem judicalem in eum habeat; aut si pauper metu majoris mali, vel alio impedimento detentus actionem rescissionem institueret nequeat. Porro rationi difforme est, ita de sapientissimo naturæ humanæ Gubernatore DEO sentire, quod ipse naturali lege *irrito tali actu facto*, non obstrinxerit hujusmodi iniquos aggressores metu inhumum incutientes ad instantaneam restitutionem præstandam, non expectata alia sententia Judicis creati, pro qua obtinenda, metum injustum passus novo suo damno alias expensas judiciales subire deberet. Demum foveretur iniquitas multorum, qui hac ratione facile dominia acquirerent.

194. III.) Metu prædicto extortus actus Jure nat. nullus est defectu *Tituli just*i, qui supposita rerum divisione etiam de jure nat. necessarius est ad acquirendum rei dominium. Est enim ille *principium possessionis, sine quo nemo vere possidet*. C. Dilectio §. potest 6. q. 3. Porro latro deficit in hujus tituli justitia, sine qua ne quidem dominium *tenue & revocabile* acquirere potest. Tituli enim justitiam colligimus, si vi illius præscriptio inchoari possit, cujus incapax est latro ob defectum bonæ fidei, sine qua rem inique extortam detinet, eamque sine mora restituere obligatur. Neque *datio, acceptio & consensus* extortus eundem titulum fundare aut justificare possunt, sicut non fundant neque justificant similem in Usurario. Ac demum *datio & traditio non*

non sunt tituli dominii acquirendi; nisi adfuerit iusta causa dationis & traditionis factæ, alioqui jure nat. possent res alienæ donari valide. & tradi aliis: quod rectæ rationi repugnat, ethnico etiam Isto declarante in L. 31. ff. de acquir. rer. dom. Nunquam nuda traditio transfert dominium: sed ita, si venditio, aut aliqua JUSTA causa præcesserit, propter quam traditio sequeretur: At quæ est illa iusta causa, ubi miser Viator cogitur tradere inarsupium latroni? & qui iusta esse possit; cum extorquens graviter delinquat & ad restitutionem mox obligetur, perinde ac si fur esset?

195. IV.) Demum metu eodem extortus actus vel contractus non subsistit Jure nat. defectu materiæ circa quam est initus. Res enim propria Contrahentis nullo alioqui jure tui-
piam debita in contractum deduci, ab eoque valide, emi, vel alio quovis modo acquiri jure naturali nequit; & id repugnat rationi: nam quod meum est, ex alia causa fieri meum non potest, nisi desierit esse meum, naturale axioma hoc explicante Pontifice in C. Inter, 6. §. Ceterum, de Fide instrum.

Atqui in omni actu per metum injustum ineusso saltem implicite est contractus interdum veræ, interdum quasi emptionis venditionis, vel certe contractus innominatus do ut des, facio ut facias l. 7. §. 2. ff. de pact. resque proptia metum passi Contrahentis ab Aggressore injusto metum inferente in contractum deducitur. Latro enim v. g. pro mea pecunia quam accipit in lytrum, vendit mihi meam vitam, promittens se mihi eam jam non erepturum, in quam nullum jus habet: Item pro meo v. g. equo, quem a me inique extorquet, offert mihi ex sua parte meam liberationem ab injusta vexatione sua; Cum tamen liberatio & immunitas hæc mihi aliunde omni jure alias debeatur a quovis, qui nullum jus habet me divexandi. Hinc pro re mea nihil de novo, ut in omni contractu fieri debet, acquiro: sed rem meam pro re mea obtineo, porro tale commercium jure nat. non subsistit.

§. I V.

Quanam sint exceptiones contrariæ pro valore prædicti actus metu extorti afferri solitæ?

196. I.) **P**Utant non pauci eruditissimi Viri, actum vel contractum in prædictis circumstantiis jure nat.

nat. non esse irritum: sed solum venire ope Judicis irritandum, eo quod ita magis faveatur parti innocenti metum passæ, casu quo hæc voluerit contractum approbare & servare. Sed *contra* est. I.) id quod jam diximus hic n. 193.) Dein *contra* est. II.) quod hoc ipsum deberet procedere potiori ratione de contractu etiam usurario, ut hic ex parte Usurarii vel Mutuatarii; aut utriusque valeat, & obligatio nem inducat in Mutuatario, quod tamen juxta omnes falsum est; *Contra* est III.) Nam si contractus *noxius* est, melius fiet metum passæ, si *per se* nullus sit, tunc enim non opus est adire Judicem, & ita parceret expensis & temporis dispendio, quod litibus impendi solet: Si autem contractus *utilis* est metum passæ eumque non gravat, hic omni jure valet, ut innuimus hic n. 185.) & fuisse ostensum est *Erotem. theor. pract. a f. 263.*) atque ob hanc rationem valet *donatio*. v. g. 100. aureorum, si quis me gravi metu incusso cogat ad eos acceptandos: acquiro item dominium pecuniæ tuæ, si a te iniuste coactus ad tibi colludendum chartis, lucratus sum a te aliquam summam: non item si tu a me lucrearis; jus ullum acquires.

Contra est IV.) Emolumentum respectu metum passæ est prorsus *per accidens*, & vix in praxi dari potest; cum quilibet metum injustum inferens suum potius commodum inquirat, non minusquam raptor, fur, usurarius. Et sane captum superat, quomodo v. g. Viatori utilis sit contractus cum latrone initus, ut hic sibi vitam non eripiat contentus lytro. Ille enim independenter ab omni pacto & mercede obligatus est vitam innocenti non eripere. Ac proin sive Viator velit, sive nolit contractum illum subsistere, adhuc iniquus aggressor jure nat. tenetur vitam ejus conservare, cum nullum jus in eam habeat, neque metum passus Viator jus aliquod ad se occidendum ei præbere potest.

Contra est V.) Ut metum inferens possit ad contractum obligari & eum observare teneatur, sufficit, quod illius consensus *spontaneus*, a metum passæ fuerit acceptatus, nec opus est consensum reciprocum etiam ex parte metum passæ fuisse validum. Latro enim cum ex sua parte *sponte & liberrime* consentiat in aliquid faciendum vel omittendum in favorem metum passæ, actus hic latronis etiam de jure naturæ vim liberalis donationis habet, quippe *consulto dati donatio est*, l. 53. ff. de R. J. & reducitur ad speciem contractus *gratulatoris* ac *unius lucrativi*, unam tantum partem, metum-

nem-

nempe incusorem obligantis. Consensus enim suus fuit ple-
ne liber, spontaneus, sine omni injuria præstitus, ac a Via-
tore metum pascio acceptatus. Quod tanto magis habet lo-
cum, si metum pascio obtinens jam Aggressoris sui consen-
sum spontaneum, dein ex post facto, & metu purgato
adjiciat etiam suum consensum libere factum, eumque re-
trahat ad tempus, quo Aggressor suus iniquus consensit,
id enim metum pascio omni jure permiscum est, quamdiu
certus est de Adversarii sui consensu, eumque in judicio
probare potest. Imo Judex in poenam delicti potest eum
condemnare ad standum promissioni metum pascio factæ, li-
cet ille causaretur se eam jam revocasse, hoc enim sæpius
contingit in praxi judiciorum.

197. II.) Sunt adhuc qui ad auctoritatem Juris Romani
confugiunt; quod cum per pacta metu extorta læsis benefi-
cio restitutionis in integrum succurrat, utique videtur sup-
ponere; stricto jure ejusmodi negotiis vim obligandi inesse,
sed juris rigorem æquitate Prætoris temperandum. Verum
legibus Romanis facile sua constat ratio. Cum enim non
presumatur in Civitate degenti vim vel metum esse illa-
tum, atque ea exceptio dubiam possit habere disceptatio-
nem; conveniens utique erat ejusmodi pacta, actus & con-
tractus tantisper sustineri, donec a Judice super metu illato
vel non, possit cognosci: *metus enim non presumitur: sed
probat*, sicut & aliæ facti quæstiones. Ex quotamen non
sequitur ejusmodi actui aut pacto, pariter ac aliis negotiis,
quæ per exceptionem peremptoriam possunt elidi, *intrinsicam*
vim obligandi, & aliquem valorem inesse; cum istæ
exceptionum ambages ad usum *fori Civilis*, non ad simpli-
citatem juris naturalis pertineant, præsertim inter eos, qui
aut communem Judicem non agnoscunt, aut iis coram illo
litigare non vacat.

Quando igitur Prætor auctoritatem suam interponit ad
cognoscendum contractum vel pactum metu extortum, ille
hoc casu nil amplius agit, quam quod ubi agnoverit metu
iniquè extortum fuisse actum, eum de jure nat. nullum es-
se *declaret*; & obligationem *ex parte metum inferentis* præ-
suppositam in executionem deduci faciat, jubendo rem v.
g. traditam cum multa restituere, prout facere solet, si in
judicio alium quemcunque rei alienæ injustum detentorem
deprehendat. Aliqui etiam textus Juris positivi loquuntur
de metu *jussu* incusso.

198. III.) Ac proin naturalem ab hujusmodi obligationibus immunitatem minime infringit sæpissime ab Adversariis adduci solita *L. Si mulier 21. §. pen. ff. quod metus caus.* ubi legitur: *Si metu coactus adii hereditatem, puto me heredem effici: quia quamvis si liberum esset, noluissem, tamen coactus volui.* Textus enim hic pariter ac *l. 85. ff. de acq. hered.* & alii similes procedunt de metu iuste incusso, ei scilicet, qui priusquam cogeretur adire hereditatem; jam supponebatur heres constitutus, ut notat Gl. in *tit. l. 85.*

Cum enim heres teneatur præstare factum defuncti, & sequi ejus voluntatem, hinc necessario debet, *vel aliter, vel repudiare* hereditatem, ne voluntas Testatoris, quo ad fideicommissa, legata &c. impediatur. Quia vero ille nec adire, nec repudiare eam voluit, coactus est ad adeundam, id enim etiam iure naturæ justum fuit, ut ita cogeretur adire, ne Legatarios & Fideicommissarios fraudaret suis legatis aliisque relictis. Valuit proin metu iusto coacta aditio, non valitura alias, si iniuste cogeretur, v.g. cum non esset constitutus heres a Testatore, neque ab intestato succederet, aut si exclusa libertate repudiandi, determinate ad hereditatem adeundam cogeretur: nullo modo his casibus fieri eum posse heredem, apud omnes explorata veritas est, ut liquet ex *§. penult. Inst. per quas person. cuiq. acquir. ac l. 6. §. ult. ff. de acquir. hered.* Tunc enim naturale ius violaretur, cogendo hominem ad damnum alteri inferendum & alienam occupandam hereditatem, quæ ipsi non competit, aut adigendo illum ad eandem, cum huius vires sint longe impares oneribus liquidis a Defuncto relictis. Quodsi hereditas legitime competens foret, eaque pinguis sine notabili onere, metu facta aditio esset validissima iure naturæ, cum talis actus metum passo sit utilis absque iniusto gravamine, & liber consensus in eum rationabiliter negari nequeat, ut innuimus hic n. 196.

199. Melius itaque iura positiva nostram firmant sententiam, ubi in casu certo a parte rei incusso, & non præsumpto solum ac dubii metus, declarant nullam prorsus naturalem manere obligationem in metum passo, ut liquet ex *l. 9. §. licet, ff. quod met. caus.* Etiam actionem in REM dandam existimamus, NB. quia RES in bonis ejus est, qui metum passus est: igitur res ex iniusto metu tradita non transit ullo modo in dominium metum inferentis: Cui enim actio in rem competit, huic rem iure naturali obstrictam esse nemo Prudentum

du-

dubitat. Imo per l. 1. ff. eod. res huiusmodi cum omnibus fructibus, etiam quos iniquus Aggressor actu non percepit, restituenda metum falso est, non aliter ac si per furem. possessa fuisset; qui rem cum fructibus etiam illis, qui non quidem a fure percepti sunt, poterant tamen a Domino percipi, si res non fuisset illi ablata, restituere jubetur per verba sequentia: *non solum qui percepti sunt, verum si plus ego percipere potui*, NB. & per metum impeditus sum, hoc quoque preestabitur. Consonat l. 17. ff. qui & a quib. manumiss. ibi: *Si privatus coactus a populo manumiserit*: NB. quamquam voluntatem accommodaverit, tamen non erit liber. Concordat iterum l. 9. ff. eod. *Ille servus liber non erit, qui coegerit, ut eum Dominus manumittat, & ille perterritus scripserit liberum eum esse*. Quæ omnia vim exempli, non limitationis habent, pariter ac quod eleemosyna metu gravi extorta non habeat vim eleemosynæ: sed. jure nat. mox restituenda sit ab iniquo aggressore metum incutiente, Idem est de donatione &c. &c.

200. III.) Neque efficacius urget famosum illud vulgare: *Coacta voluntas est adhuc voluntas*. Nam Resp. 1.) calvinistice coacta, & jansenistice necessitata voluntas est adhuc voluntas: quid tum, nunquid ideo actus est, liber, & inducens obligationem, vel meritum? absit. Si reponas: voluntas calvinistice coacta non est libera in actu primo proximo: Contra erit, quia si quis calvinistica coactione disjunctive cogeretur ad duo inæqualia mala, v. g. ad odium DEI vel proximi, aut ad duo inæqualia bona, amorem DEI, vel proximi; hic licet in actu primo proximo esset liber ad electionem alterutrius ex allegatis objecti, tamen adhuc libertas hæc non esset sufficiens ad inducendam obligationem reatus culpæ in eo, qui elegeret odium proximi præ odio DEI; neque ad inducendum meritum in illo, qui elegit amorem proximi præ amore DEI; quia non fuit in ejus potestate utrumque odium, & utrumque amorem omittere, eligereque quicquid sibi absolute placeret: hoc ipsum est in casu metu injusto extorti actus.

Resp. 2.) Allegato vulgari opponitur aliud, scilicet *Coacta voluntas non semper est voluntas*, ac proin distinguendum est circa objecta, ad quæ aliquis extrinsece cogitur. Hæc enim esse possunt vel necessaria, divino jure & nat. præcepta, proflus vel libera & nullo jure debita. Si quis igitur metu mortis vel alterius mali consentiat v. g. in blasphemiam, perjurium,

furium, inendacium, adulterium &c. coacta voluntas erit adhuc voluntas, quia objecta hujusmodi sunt necessaria fugæ jure nat. absolute prohibita. Atque in hoc solo sensu procedit & verum est axioma prædictum, ut liquet ex Can. Merito 1. caus. 15. q. 1. ibi enim ex S. Aug. adductus textus loquitur de perjurio per coactionem externam facto, aitque, quod coacta ad pejerandum voluntas sit adhuc voluntas. Et patet ex Can. Imprimis 72. q. 1. tom. c. 24. q. 1. ubi dicitur, quod quis debeat omnia mala pati, quam in malum consentire. Hæc igitur procedunt de præceptis juris nat. & divini.

Contra vero: regula illa non habet locum in iis, quæ jure mere humano disposita sunt, nec vergunt in commune detrimentum, aut alterius scandalum. Multo minus illa obtinet in materiis liberis circa objecta mere facultatis, ut sunt promissiones sponte faciendæ vel omittendæ, donationes, contractus ineundi, vel non, pacta nondum inita, ceterique actus; nemo quippe omnia tenetur potius mala pati, quam in lytri solutionem metu mortis consentire latroni.

Circa objecta igitur libera, ac a jure naturali & divino non præcepta si versetur coacta voluntas illa quidem est adhuc voluntas: sed coacta, non sufficienter libera, nec inducens jus in aggressore, & obligationem in metum passo, pariter ac nec in Mutuario ob inevitabilem necessitatem consentiente in usuras enormes solvendas. Hic enim per talem voluntatem, vult aliquid, & verè consentit quidem in aliquid, scilicet ut evitet majus malum sibi indebitum præ minore etiam indebito & æque inevitabili; Verum hoc ipso quod inter duo mala inevitabilia constitutus eligit minus, adhuc non agit sufficienter libere ad obligationem contrahendam in materia mere facultatis, ut supra ostensum est, & patet in eo, qui coactus ut vel in ignem se injiciat, vel in aquam præcipitet, eligitque potius aquam præ igne. Item in illo, qui laborat conscientia perplexa dictante, sive sacrum die festo omittas, sive moribundo Parenti non assistas, graviter delinquis, &c.

201. IV.) Ex his autem sequitur resolutio alterius præmix: *Metus attenuat culpam: non tamen prorsus excludit; Diminuit voluntarium, non tamen tollit.* Hæc inquam vera esse in materiis necessario prohibitis vel præceptis jure nat. ac divino, non item in liberis ac mere facultatis, modo supra explicato. Alioqui ob metum mortis a sicario inferendæ omittens audire Missam die festo deberet adhuc delinquere graviter (quia ut AA. volunt). actus adhuc est liber ac

voluntarius simpliciter: & lex proinde deberet pergere obligare illum, quamdiu voluntarie & libere eam transgreditur. Quod si reponas: tali casu legem positivam. Ecclesiasticam cessare obligare ad præcepti sui impletionem: Pari, imo potiori ratione dicam, quod jus quoque nat. cesset obligare Viatorem ad standum injuste extortis promissis, & ad inducendam aliquam in eo obligationem. Jus enim positivum non est æquius jure naturali. Si igitur lex humana consensum meru iniquo extortum contra sua præcepta non imputat ad obligationem & culpam: multo minus Auctor naturæ & lex ejus naturalis ullo modo imputabit, si hic ab homine inter duo mala sibi *indebita* & insuperabilia constituto factus sit cum electione minoris mali, circa materiam alias nullo jure *necessario* prohibitam vel præceptam, qualis est v. g. lytri promissio ob vitam conservandam &c.

§. V.

An concupiscentia & ira jure nat. spectato causet involuntarium?

202. I.) **N**omine *concupiscentiæ* intelligitur *appetitus sensitivus*, qui primo sumitur pro ipsa *concupiscendi* potentia. Hæc cum sit homini intrinseca ac necessaria, sicut & potentia ratiocinandi, ridendi &c. de se non dependet a nostra voluntate, nec cadit sub ullam prohibitionem, ut vel ideo blasphemix & imperitiæ merito arguatur Lutherus *l. de libertate Christi*. dicens: *Æque nobis impossibilia sunt omnia præcepta, atque illud: non concupisces*. Nam præcepta naturalia & divina non potentiam *concupiscendi* de se indifferentem & a nobis inseparabilem: sed potius *actus concupiscentiæ* malos moraliter, qui in nostra potestate sunt, prohibent, & bonos præcipiunt, vel permittunt. Non enim potest esse peccatum in sola sensualitate; eo quod appetitus sensitivus rationem omnino præveniens non sit liber, sine voluntate autem libera peccari non posse, nemo prudens est, qui dubitet. Sumitur *secundo* pro ipso *actu vehementi prædictæ potentix*, qui si feccatur in bonum arduum, pertinet ad appetitum *irascibilem*: si in bonum *delectabile*, spectat ad *concupiscibilem*. Concupiscentia autem alia est *antecedens* usum liberi arbitrii: Alia *consequens*, illa naturaliter exurgens præcedit, hæc autem præsupponit voluntarium, quia voluntatis arbitrio excitatur.

II.) Jam ad propositam quæstionem cum Aristotele respon-

respondet D. Th. 1. 2. q. 6. a. 7. iram, concupiscentiam & quamvis aliam passionem non causare involuntarium: sed magis voluntarium. Et quidem si voluntarium *pro libero* accipiatur, dubio vacat, regulariter loquendo iram, concupiscentiam, aliamve passionem non ita perturbare mentem, quin voluntas libera relinquatur, ut possit passioni resistere, cum supponatur tunc adesse saltem semiplena advertentia, alioqui *physice* tantum non item *moraliter* esset voluntarium, eaque de causa recte dixit D. Th. concupiscentiam non causare involuntarium: sed magis voluntarium.

203. III.) Dubitatur tamen hic, an posito quod involuntarium non causet concupiscentia, minuat saltem illud? Ac respondeo, si voluntarium *pro libero aliquatenus* sumatur, sine dubio minuitur ex concupiscentia *antecedente* voluntatem. Concupiscentia enim alicujus objecti plenam deliberationem impediens non finit intellectum difficultates considerare, quæ possent ab ejus prosecutione amovere, & consequenter non relinquit voluntatem ita expeditam ad libere operandum, ideoque dixit Philosophus: *Trahit sua quemque voluptas*. Hac ratione leviora judicantur peccata, quæ ex aliqua passione fiunt, quam ea quæ ex malitia sola procedunt. Hinc etiam juramenta & promissiones ex aliqua passione prædominante factæ facilius relaxantur, sine præjudicio tertii si fuerint.

IV.) Si tamen voluntarium accipiatur *pro plene libero*, quod oritur a principio intrinseco cum cognitione deliberata; concupiscentia, ira, & quælibet alia passio voluntarium augebit potius quam minuet. Quia experimento constat ea, quæ ex passione *deliberate* appetimus, efficacius appetere. Hinc contractus facti spe acquirendi aliquod lucrum validi sunt. Spes enim hæc non minuit voluntarium: sed auget & liberum non tollit. Demum extorta *blanditiis*, & amatoris verbis obnoxia restitutioni non sunt. Ac proin si Meretrices blandis verbis aliquid extorqueant, restituere jure naturæ non tenentur, quia nullo modo inferunt involuntarium. Secus si metu injusto per injuriam extortum fuisset, tunc enim consensus per injuriam extortus daret causam contrahendi juxta superius dicta.

§. VI.

Quo sensu intelligendum sit vulgare illud: primi impetus non sunt in nostra potestate?

204. **U**T assertum vulgare verum sit; intelligendum est de primo primis impetibus & motibus, qui omnem prorsus rationis advertentiam præveniunt, & neque in se ipsis saltem antecedenter, neque in sua causa deliberate posita voliti, aut sufficienter prævisi erant. Cum enim motus concupiscentiæ indeliberati & rationem prævenientes modo explicato non sint voluntarii, nequeunt esse peccata formalia; seu quæ homini eos motus non volenti imputentur. Lex enim naturalis non aliter nos in actu secundo obligat, nisi quatenus per dictamen rationis practicum fuerit nobis intimata; recte igitur dicuntur esse primo primi motus & non esse in nostra potestate. Hinc Concil. Trid. S. 5. de peccat. original. §. 5. de concupiscentia in baptizatis remanente addit: *Quæ concupiscentia cum ad agonem relicta sit, nocere non consentientibus, sed viriliter repugnantibus non valet.* Recentius quoque damnatus est Jansenii error, quo ille l. 2. de stat. nat. laps. cap. 25. col. 14. falso asseruit, per præceptum non concupisces, ipsi motus concupiscentiæ intelliguntur prohiberi. Ex in suo indice ad rom. 2. expresse ait: *Concupiscentiæ motus indeliberati sunt peccata.* Quæ Rigoristæ hujus commenta si vera essent, vix aliquis ex adultis salvus foret.

Cum vero hæc, quæ statuimus, pro foro interno locum habeant; hinc quod Judex ultimo supplicio nihilominus prestat eos, qui in gravi e. g. ebrietate, vel ex primo impetu homicidium perpetrarunt, ille ut plurimum recte agit, quia defectus advertentiæ pro foro externo non præsumitur, & alias laxarentur habent omnibus criminibus, si exceptio deliberationis, oblivionis &c. locum haberet. Jus igitur naturale non leditur hujusmodi justitiæ administratione, præsertim cum non minus homicidium, quam causa vel occasio ejusdem, scilicet ebrietas, in qua illud prævideri potuit & debuit, sit iure nat. prohibita. Ad prudentiam tamen Judicis spectabit dispicere, an homicida ejusmodi ab alio ad ebrietatem hanc indusus aut coactus sit, ut præter suam morem graviter inebriaretur: an a suo adversario

exacerbatus violentas in eum manus iniecit ? &c. his enim & similibus casibus aequitas nat. mitiorem poenam infligendam suadet.

C A P U T IV.

De statu ac fine naturæ humanæ, legisque naturalis.

EXposuimus jam effectus legis naturalis, sequitur examinandum : effectus illi ad quem finem colliment ; quæ utilitas nobis sit ex observantia juris nat. & an circumstantiæ status naturæ humanæ minuunt, vel conferant aliquid ad legem hanc implendam & consequendum finem naturæ rationali præfixum.

A R T I C U L U S I.

De statu humano in genere.

S U M M A R I U M.

- 205. &c. Definitur & dividitur status hominum.
- 207. &c. Definitur & dividitur status naturæ.
- 211. &c. An status naturæ dicat vitam ex legem?
- 213. &c. An status in statu sit monstrum?
- 217. &c. An, & qualis corruptio naturæ ex peccato Adami secuta sit?
- 219. Natura lapsa per peccatum originale non est intrinsece infirmior facta.
- 220. &c. An hodie in statu naturæ reparatæ sola lex nat. adæquata sit regula objectiva morum?
- 223. &c. Quomodo intelligendum sit vulgare illud : lex nat. semper est eadem?
- 225. &c. An Jus nat. discendum sit pro statu puræ naturæ?
- 228. Leibnicii elegans responsio ad hanc questionem, & justa censura Puffendorphiani Juris nat. simul ac iudicium illius de usu moderno juris nat. abstracti. Desideravit ille ut Jus Nat. explicaretur juxta doctrinam Christianorum.
- 229. &c. Satisfit contrariis Naturalistarum rationibus.
- 232. An in statu naturæ homines secundum solam legem nat. vixerint?

§. I.

Quid, & quis sit status hominum?

205. I.) **S**Tatus hominis est certa conditio seu ratio per se *stabilis vivendi*. Ita dicuntur vivere nonnulli in statu Ecclesiastico, religioso, matrimoniali, sæculari &c. Status generice spectatus duplex consideratur, *primigenius & adventitius*. Status naturæ & hominum *primigenius*, seu primis Parentibus nostris Adamo & Evæ *congenitus* ac *merenaturalis* est ille, quem homo habet *ab ipsa & sola natura*, independenter a factio alio libertatis congenitæ restrictivo. Exemplum primigenii huius status præbent iidem Protoplastæ nostri Adamus & Eva, prout considerantur positi a DEO in rerum natura instructi facultatibus necessariis ad finem sibi proprium quærendum. Atque vi huius status primigenii dicuntur omnes homines sibi esse *æquales*, neque alterius, quam solius Creatoris sui arbitrio & legibus cordi inscriptis subiecti.

II.) Status *adventitius*, seu qui naturali advenit, est conditio hominis in certis circumstantiis per factum sive proprium, sive alienum constituti, vi cuius obligatur ad certa officia in specie exhibenda, ad quæ non fuisset obligatus, si mansisset in statu naturali primigenio: habet quoque certa jura, alioqui non habenda, si hic & nunc non esset in hoc statu. Exemplum status hominum *adventitii* præbet status *societatis humanæ generalis*, quem unusquisque libere eligit, sive militiam militando, sive Religionem intrando, publicis aut privatis negotiis dando operam &c. Hic ipse *adventitius* status alius est *simplex*, qui scilicet non habet subiectos sibi alios minores aut diversos status. Talis est *societas conjugalis*, *societas familiæ*, seu æconomicus status, *status herilis*, & alii, qui dicuntur status *adventitii simplices*. Sicut a contrario alius est *compositus* seu *complexus* status, qui alios sub se habet, diciturque *societas composita*, constituens statum *adventitium compositum*. Hæc sub se diversos alios status societatum continet, uti est Respublica, Civitas, Ecclesia universalis &c. singulæ enim hæc societates continent sub se alios diversos status, qui dici solent *societas societatum*, aut *status in statu*.

206. III.) Quicumque autem fuerit status *adventitius simplex* vel *compositus*, ejus semper eadem sunt pro-

proprietates. Scilicet 1.) Quod naturalem primigeniam obligationem nunquam tollat, cum hanc ex supra dictis immutabilem esse constet. 2.) Plerumque tamen status *adventitius* aliquid *extrinsece* addit, vel detrahatur obligationi naturali, quatenus scilicet circumstantiæ extrinsecae actus jure nat. præcepti vel prohibiti novæ accedunt, vel priores recedunt, & sic materia legis mutatur. Res pateat in exemplo. Ita enim ille qui uxorem duxit, cum non desinat esse homo, non desinit quoque subesse juri naturali, cui antea subditus erat: nihilominus detrahatur illius materiæ aliquid propter novas circumstantias: Primo enim *libertas* ipsa Jure nat. *concessa* jam *restricla* est per vinculum matrimoniale, nec amplius permissum alium vitæ statum cum priore incompossibile eligere, aut vitam solitariam vivere, quamdiu igitur manet in societate conjugali, debet omittere socius, quæ non omisisset solus. Secundo, *additur* dein aliqua nova naturalis obligatio, qua prius non tenebatur, scilicet amor specialis suæ conjugis, cura, auxilium & educatio proli, regimen familiæ domesticæ, & ea omnia, quæ statum conjugis, Patris, ac Heri concernunt. Hinc licet omnia officia naturalia generice spectata manserint eadem, quæ fuissent in statu naturali *primigenio*: illa tamen in multis sunt mutata *extrinsece* accedente statu adventitio. 3.) Proprietas est, quod non omnis etiam stabilis mutatio faciat statum adventitium: sed illa sola, quæ bona est, seu apta ad finem naturæ humanæ obtinendum. Cum vero status *adventitius* nullus esse possit sine aliquo Superiore; sequitur, quod æqualitas hominum illa, quæ fuit spectato jure naturæ primigenio amittat suum æquilibrium, & unus alteri subordinetur. Multæ proin obligationes naturales in sua specie de novo accedunt, quæ ut impleantur, debet attendi ad leges Superioris legitimi, hæ enim interpretantur & declarant naturales obligationes circa officia statui adventitio convenientia, quales sunt obligationes circa varios contractus, promissiones, juramenta, vota, restitutiones &c. Hinc merito ridentur illi Naturalistæ, qui Jus nat. quo ad omnia ejus præcepta, & *pro omni humano statu* ex sola ratione naturali, exclusis aliis omnibus adminiculis docere non dubitant.

§. II.

Quid & quotuplex sit status naturæ?

207. I.) **H**abita aliqua status hominum notitia, statum naturæ exponendum aggredimur, qui triplex consideratur, scilicet naturæ puræ, integræ, & lapsæ. Status naturæ puræ, seu meræ est ille, qui concipitur & absque peccato originali, & absque ordinatione ad beatitudinem supernaturalem. Seu, in quo homo absque peccato originali existens habuisset quidem omnes facultates naturæ humanæ proprias: sed tamen sine ordinatione sui ad finem, seu beatitudinem supernaturalem per gratias supernaturales obtinendam, ita ut servatis naturæ legibus non aliam, quam mere naturalem & suo statui proportionatam felicitatem attigisset, iis vero non servatis eadem excidisset. Hic status naturæ puræ nec est, nec fuit, nec erit, est tamen & fuit possibilis, eo quod nullam involvat repugnantiam. Effet enim conformis perfectissimo dominio DEI, qui potest creaturam ordinare ad hunc vel alium finem, quin teneatur eam assumere ad filiationem cum jure hereditatis æternæ, & quod immunitas a morte, rebellionem concupiscentiæ &c. non sint proprietas naturæ: sed dotes originalis justitiæ, ut certum est contra *Bajum* &c.

208. II.) Status naturæ integræ seu innocentis, qui etiam *elevatæ* dicitur, est ille, in quo Adam a DEO creatus est in statu conformiter ad creationis finem perfectio, nedum corporis & animæ dotibus naturalibus: sed etiam supernaturalibus instructus; nempe habuit gratiæ sanctificantis habitum infusum, ac cum hoc alia dona potentias animæ ornantia accepit. Hinc voluntas fuit prædita caritate & spe beatitudinis futuræ supernaturalis: intellectus illustratus de mysteriis supernaturalibus quo *ad Divinitatem* &c. Hic accessit specialis providentia DEI cum immunitate ab errore, rebellionem concupiscentiæ & morte, dein cum perfecta subjectione appetitus, aliarumque facultatum sensitivarum ad rectam rationem, & ipsius rationis ad DEUM, qua sine ulla ultimo, cum exemptione a doloribus, & cæteris infirmitatibus corporis.

209. III.) Status naturæ lapsæ est ille, in quo Adam justitiam originalem & integritatem in sui creatione acceptam

ptam perdidit per peccatum, incepitque hic status a tempore pravaricationis. Hic consideratur prout naturæ lapsæ nondum reparatæ a Christo, & reparatæ. Demum idem status naturæ lapsæ non reparatæ cogitari potest aut respectivè ad legem nat. aut ad legem scriptam. Statutus naturæ lapsæ non reparatæ, in quo homines vivebant secundum legem nat. & lumen rationis, duravit ab Adami peccato usque ad diluvium, & ab hoc usque ad Moysen, ubi DEUS legem in tabulis lapideis scriptam dedit. Status naturæ lapsæ non reparatæ respectivè ad legem scriptam consideratus duravit a Moysse usque ad Christum Dominum nostrum.

Itaque ab Adamo usque ad Moysen dicebatur status naturæ, eo quod homines sine lege scripta, naturali lumine eos dirigente viverent: Non tamen status fuit puræ naturæ; neque naturæ non elevatæ. Et quando Auctores dicunt: status naturæ, intelligendus est ille status ab Adamo ad Moysen, in quo sola ut plurimum lege nat. regebantur homines post lapsum ejusdem naturæ. Similiter ubi iidem mentionem faciunt status naturæ non elevatæ; intelligendi sunt loquitarum in hypothesi, nempe: si daretur status puræ naturæ supra explicatus non elevatæ ad beatitudinem supernaturalem. Fæde enim errant Protestantici, qui cum Hobbesio, Puffendorfio & aliis imperite supponunt extitisse aliquando, vel existere naturam humanam ita non elevatam.

210. Quod itaque modernum statum concernit, hic est quidem status naturæ lapsæ: sed jam reparatæ per gratiam Salvatoris, hinc non dicitur amplius status naturæ: neque status Legis scriptæ: sed status naturæ reparatæ: status Gratiæ, eo quod gratia vicerit naturam per Christum reparatam quo ad infirmitatem culpæ, licet non quo ad infirmitatem concupiscentiæ, & mortalitatis, cum reliquis eam consequentibus vitæ hujus miseriis, a quibus contra naturæ exigentiam DEUS decreverat hominem servandum immunem, si non peccasset. Hæc circa diversitatem status naturæ si non ignorassent heterodoxi Naturalistæ, non ita turpiter hallucinati fuissent, ubi de beatitudine naturali pro statu naturæ elevatæ ac reparatæ ita loquuntur, ac si locuti fuissent, si in statu puræ naturæ vixissemus, & præter primigenium nullus adventitius status naturalis hic & nunc daretur.

§. III.

An status naturę dicat vitam exlegem? Et an status in statu sit monstrum; ut fingunt Protestantes?

211. I.) **I**N hypothefi ſi nunc viveremus in ſtatu *primigenio*, ſeu *mere naturali*, in quo vixerint Protoparentes noſtri, eorumque ſcendentes, priuſquam hi Principem ſibi conſtituiſſent; certum eſt, quod ſtatus hic diceret vitam *exlegem poſitive*, id eſt nulli ſubjectus foret legi poſitivę, *humanę præſertim*. Status enim *mere naturalis* ſeu *primigenius*, cum ex ſuo conceptu, ratione congenitę libertatis denotet vitam omni lege *humana* exemptam, conſequens eſt curi huic non ſubjacere, quia hæc cum ſit *naturalis equalitatis & libertatis congenitę reſtrictiva*, deberet infringere pleraque à jure naturę conceſſa privilegia, & Rempublicam humanam omni ſuperioritate creata & ejus præceptis liberam ſubmitteret jugo obedientię hominis, quod repugnaret æqualitati ac libertati naturali. Nihilominus etiam in eadem hypothefi ſtatus *primigenii & mere naturalis* humanum genus non eſſet exlexa *jure naturali*, nempe adhuc deberet neceſſario ſubefſe legi naturali præcipienti & prohibenti. Hæc enim cum neceſſario imperet, nullā temporis & ſtatus circumſtantia extingui, aut ſuſpendi poteſt, quin obligare pergat, quamdiu genus humanum exiſtet. Imo non eſſet conveniens naturę humanę ita exlegem fieri, ut neque naturalibus præceptis obligetur, non enim ſaperet ſupra bruta rationis expertia, neque actus ſuos exerceret humano modo, ſiquidem eos non conformaret morum regulę ab Auctore naturę cordibus humanis inſcriptę. Tanto minus autem nunc in ſtatu *adventitio* ſocietatis humanę ſub Principibus & Magiſtratibus qua Eccleſiaſticis, quā Politicis conſtitutum genus humanum vitam exlegem ducere poteſt, cum non minus naturalibus, quam Divinis poſitivis & humanis legibus obſtringatur.

212. Nec obſtat, quod etiam in ſtatu quo nunc vivimus, poſſibile ſit dari ſtatum hominum naturalem ſaltem in *particulari*, eo quod a primis ſæculis extiterint, & nunc exiſtant multi, qui ſeu interveniente morte, ſeu conſenſu mutuo ſoluti erant & ſunt non modo patria, ſed & omnia alia poteſtate humana, quales ſunt abſolutiſſimi Principes

Jus Nat. & Gent. L qui

qui solum DEUM superiorem agnoscunt, ac non pauci forte alii in silvis nati ac educati, in quorum noticiam nulla hucusque lex humana aut creati superioris auctoritas pervenit. Nam ex hac instantia nondum sequitur in presenti providentia & statu *adventitiodari* quempiam ex legem. Primo enim obligantur huiusmodi homines jure nat. quod vero expertes sint legis ullius positivæ humanæ, est mere *per accidens*, neque ignorantia hæc potest constituere statum *per se* naturalem & primigenium. Deinde quod *absoluti* Principes ne quidem vi directiva, ut communius docetur, sui Regni, vel Territorii obligentur legibus *suis* civilibus extra casum *scandali & injustitiæ*, qualis esset in contractibus, rerum pretio, mensuris &c. id non provenit a Jure nat. sed ex defectu Superioris creati, qui illis imperare possit. Quidquid autem sit de lege humana, procul omni dubio nullus est immunis a lege *Divina positiva*, illa saltem, quæ præcipit aliqua *necessitate mediæ* necessaria, qualis est v. g. de baptismo suscipiendo, de qua ille indagare tenetur, ac ad supernam providentiam spectat, eam unicuique adulto mentis compositi, facienti quod est in se viribus gratiæ, quæ omnibus prompta est, notam perfectamque facere: quæ vel sola ratio sufficit ad demonstrandam falsitatem, quod in statu naturæ elevatæ possit dari status exlex, & saltem ab omni lege positiva etiam divina immunis.

213, II.) Ad alteram quæsitæ partem affirmative respondent Protestantium Naturalistæ, qui ut perniciosum & homine usu rationis prædito indignum errorem suum inter Scios, & Catholicæ Religionis inimicos spargant, asserere non verentur: *statum in statu esse mansurum*, id est rectæ rationi repugnare ut in una eademque Republica, Imperio, aut Regno vel Civitate detur alius status *Politicus*, alius *Ecclesiasticus*, qui politico ac civili non sit *quo ad omnia*, ad similitudinem subditorum laicorum subordinatus. Hinc generatim concludunt; Religionem Christianam esse tantum *Collegium in statu civili*, non vero statum in statu. Sed quam frivole & imperite ab illis hæc dicta sint, inde colligere licebit. I.) Respublica universa, Imperium, Regnum secundum totam collectionem hominum spectatum est *status* hominum *adventitius compositus*, seu complexus, qui ex suo conceptu dicit plures alios status, ex quibus ille coalescit tanquam totum ex suis partibus, diciturque *Societas societatum*, quod idem est ac *status in statu*:

Atqui

Atqui status compositus seu complexus non tollit statum aliarum societatum simplicium, sed non nisi in aliquibus restringit, in aliquibus addit aliquid; nonnullis nec addit quidpiam, nec eos diminuit: Nihil igitur est, quod recte rationi repugnet, si in una Republica tanquam societate & statu *composito* coalito ex pluribus diversis, etiam Religio Christiana, ac Ecclesia Fidelium numero constans & legibus separatis munita, sit & dicatur *status simplex* in statu composito, seu societas Fidelium in *societate* ex pluribus aliis statibus *complexa*:

Imo recte rationi potius repugnaret, si daretur status adventitius *compositus*, & tamen nullos status alios in se contineret, pari ratione ac repugnat dari totum physicum, aut ex pluribus aggregatum, & tamen sine suis partibus. 2.) *Fæderati Belgæ* a duobus fere sæculis faciunt statum *compositum*, & tamen revera sunt status plures in unum coaliti, sunt igitur *status in statu*: Serenissimi item ac potentissimi Electores S. R. Imperii singuli cum Gente illis subdita sunt societatis in statu Imperii Germanici tanquam unius *complexæ* societatis. Imo in unaquaque Republica tanquam statu composito reperiuntur status Conjugalis, Familiz, seu Oeconomicus, Herilis, Militaris, Politicus &c. tanquam status simplices contenti in statu generali. 3.) Hæc cum evidentia sint, præcipuum adhuc momentum præbet *Religio vera Christiana*, ex eo, quod cum revelata & supernaturalis sit, sit verus *status adventitius* hominis: Est enim *certa & stabilis ratio vivendi* superveniens naturæ, facto DEI revelantis & hominis credentis. Est quoque illa status *adventitius* superadditus societatibus aliis omnibustam simplicibusquam complexis. Vix enim Puffendorhium & ejus sequaces contrariæ opinionis patronos nos latere potest, veram Religionem Christianam supervenisse societatibus hominum, aut carentium religione, aut falsa imbutorum.

214. III.) Neque in contrarium adducta Protestantium argumenta infringunt assertam & demonstratam veritatem. Falsum enim est *primo*.) Quod societas *complexa* absorbeat & tollat societates & status *simplices* in se contentos; cum pateat contrarium in Statibus S. R. Imperii, *unum statum* ejus *complexum* constituentibus, & in societatibus Familiz, Herilibus, Conjugalibus aliisque, quæ in una eademque Republica aut Civitate manent integræ nec absorptæ. Et experimur in Republica Belgarum. *Holandi* enim socii facti Ze-

Landorum & Frisiorum non desierunt esse Respublica, sed tantum in aliquibus renunciarunt libertati pristinae, & per hoc majorem utilitatem ac perfectionem consecuti sunt, non minus ac *Lithvani* uniti *Polonis*.

Pari ratione, ex quo nationes Germanicę in unam societatem consenserunt post cruenta bella, manent adhuc singulę nationes proprii status; cum certum sit nec Bavaros Saxonibus subjectos esse, nec Suevos Bavaris: sed singulis sua separata jura constare, omnes vero tanquam uni novę ac supervenienti societati conjunctos auspiciis gaudere Imperii Germanici, quę non omnia conveniunt nationibus singulis: sed simul omnibus.

215. Nihil quoque facit ad rem *secundo*,) quod Ecclesia Christiana non sit a Christo instituta *per modum status*, seu cętus pręditi potestate aliqua externa, sibi propria, ac aliunde non dependente. Ex eo enim id solum sequitur, quod Christus non fuerit *fundator status politici & civilis*, ad felicitatem temporaneam intenti, non vero quod neque fuerit *fundator status Ecclesiastici* ad salutem animarum supernaturalem ordinati, ac non dependentis a statu politico. Neque sequitur ex Protestantium argumentis, *tertio*. Quod si Religio Christiana formaret statum in Republica, derogaret juri Imperantium summo *legitime competenti*: cum jus sacrum ex nullo titulo competat potestati politicę, ut ostendimus in *Erotem. theor. pract. a. F. 61.* temporali autem Principum regimini non derogare Religionem Christianam, impios si excipias, nullus est qui inficiaseat. Neque enim Religio Christiana *vera* perturbat bella eorum, nec potestati legislativę resistit, dummodo hęc singula naturali & divino juri conformiter fiant, multo minus ad rebellionem in suos Principes commovet populum, vel tributa illis solvenda prohibet: quin imo religiose observat, ut hęc omnia sancte impleantur, ipso Christianę ac *verę* Religionis Austore dicente, & simul statum politicum a statu Religionis distinguente his verbis: *Reddite ergo quę sunt Cæsaris, Cæsari, & quę sunt DEI, DEO*, Matth. 22.

216. Frustra etiam fingunt *quarto*) Adversarii, sequi ex nostra doctrina, quod si Religio Christiana factura sit statum in statu, debeant in una Civitate *duo oriri summa imperia*, & inde obligationes Civium secum pugnantes. Imperite enim ac perversę dictum est hoc: imperia quippe illa non in eodem: sed in *diverso genere* esse, vix aliquis, pręter inimi-

cos sanctæ Ecclesiæ, ita rudis est, qui nesciat: Consequentem autem est, quod Civium obligationes cum tendant ad diversa objecta, minime sibi invicem opponantur, nam hoc faciendum, & illud non omittendum. Non igitur per hanc statum Ecclesiastici a Politico distinctionem convellitur compages civilis vitæ, vel perturbatur tranquillitas publica, si servetur subordinatio de jure debita, ac Novatores, Libertini alique sub Christiano nomine veræ Religionis Christianæ hostes eidem rebelles compescantur. Prout non fuit convulsa aut perturbata tranquillitas publica S. R. Imp. a tempore Caroli Magni super duplici statu politico & Ecclesiastico fundati; neque perturbaretur unquam, nisi autonoma libertas cum Lutheri aliisque Sectariis et tenebris prorepisset. Pluribus de his tractare ad Polemicos spectat, qui futes Puffendorffii, Pfaffii, Henningii & similium Novatorum cavillationes jam dudum protriverunt.

§. IV.

An, & qualis corruptio naturæ ex peccato Protoparentum nostrorum consecuta sit?

217. **Q**uia status naturæ lapsæ intelligi a Juris naturalis studioso nequit sine aliqua nozione corruptionis ejus, & inde promanantium effectuum, hinc quantum nostrum forum permittit, paucis hac de re inhuc placuit; hoc præsertim sine, ne Protestantium Naturalistarum a Lutheri, Calvini, Illyrici, & Pelagianorum hæresi mutuatis erroribus scatentia commentaria Juris nat. ad incitas & interitum deducant incautos Lectores.

Certum itaque sit, naturam hominis per peccatum Adæ aliquo modo fuisse corruptam, vitiatam, infirmatam, & debilitatam, docente D. Th. 1. 2. q. 80. a. 3: Totus autem corruptionis hujus effectus consistit in pænis, quas peccatum illud originale traxit, & in Adami posteros moraliter cum suo effectu transfusum est. Pænæ hæ variz fuerunt I.) Quo ad animam privatio gratiæ sanctificantis, & aliorum donorum supernaturalium: Item vulnèra præcipuarum potentiarum, intellectus, voluntatis, memoriæ, appetitus concupiscibilis & irascibilis. II.) Quo ad corpus, mors, morbi, dolores, tædia & passionès aliæ afflictivæ. III.) His additæ pænæ quasi extrinsecæ: inimicitia DEI, servitus dæmonis, persecutio hominum, subjecto variis

Infortuniis, amissio *dominii jurisdictionis* in bestias, quas nunc nonnisi per vim capere possumus, alioqui sua sponte voci nostræ obedituras, calamitates a cælo, elementis &c. IV.) Secuta demum pœna alterius vitæ pedissequa, quam vocant *damni* respectu visionis beatificæ: non tamen *sensus* respectu tartarei ignis, ut probabilius docetur, nisi præter originale fuerit etiam actuale peccatum non deletum.

218. Corruptio hæc ita per suos effectus explicata dissolvit ac destruxit totam illam harmoniam quam justitia originalis tanquam donum quoddam divinum, & naturæ *indebitum* cum ordine supernaturali efficiebat in homine; ut scilicet & corpus animæ sine morbis ac moriendi necessitate, & sensualitas rationi sine inordinatione concupiscentiæ, & ratio ac voluntas DEO sine peccato ac peccandi *moralis* necessitate plene subiceretur.

Sequitur ex his: naturam humanam per peccatum originale non solum spoliata *donis gratiæ*, seu sibi soli relictam fuisse, verum etiam extitisse vulneratam in suis *naturalibus bonis*, non quidem *corruptione interna* principii physici, seu arbitrii liberi: sed tantum *mere externe*, & hoc sensu: quod sit positive indigna, adeoque destituta *speciali* protectione DEI, & auxiliis *ordinis naturalis*, quæ naturæ integræ essent naturaliter debita, saltem debito quodam *moralis* fundato in eo, quod sapientissimam DEI providentiam non deceat naturam rationalem innocentem destituere prædiis, quibus posset finem suum naturalem, non solum physice: sed etiam *moraliter* & facile assequi.

Ex hac autem vulneratione sequitur *intellectus* nostri *ignorantia*, non talis, quasi nullum practicum verum naturaliter cognoscere possimus, ut Sæclarii erronee putant; sed quod multa ignoremus, quæ si peccatum Adæ non fuisset, per fidem & prudentiam infusam, aliisve modis cognovissemus. Dein oritur *voluntatis* nostræ *major ad malum proclivitas*, memoriæ *debilitas* &c. in corpore etiam nostro major interaperies humorum, ex qua sequitur inordinatio operationum animæ. Et quod dolendum est: in statu naturæ lapsæ dæmones magis in genus humanum deserviunt, tum in pœnam originalis peccati, DEO id permittente: tum ex maiori eorum odio in hominem, cui invident elevationem ad finem supernaturalem, &c.

219. His tamen omnibus nil obstantibus natura lapsa per peccatum originale non est in se *intrinsece* infirmior, specian-

stando vires naturæ integræ debitas, cum nihil perdidit de viribus arbitrii liberi. Et sicut *Angelos* peccatum spoliavit quidem *donis gratiæ*, reliquit tamen illis omnia naturalia, ita similem sortem expertus est homo in sua prævaricatione, ut proin *natura lapsa* non aliter differat a *natura integra*, seu ante lapsum spectata, quam differt homo nudus ab homine vestibus pretiosis spoliato, & plagis affecto. Vulnera quippe enumerata cum sint mere *extrinseca*, statui ejus intrinseco nihil detrahare possunt: sed solum majorem difficultatem ad bonum, facilitatem autem ad malum, cum reliquis vitæ miseriis secum trahunt.

§. V.

An hodie in statu nature reparate, quo vivimus, sola lex nat. pro adequata objectiva morum regula habenda sit?

220. **A**ffirmative quidem & audacter respondent Protestantes Naturalistæ secuti Puffendorhium, qui l. 1. de Offic. homin. c. 4. §. 8. in appendice ad *Epist. Scherzerianam* circa fin. F. m. 90. asserit religionem naturalem intra vitæ terminos conclusam ita, ut ea sola hominem perfecte beatum naturaliter faciat. Hinc *Keimmericius* ejus enucleator in *Elem. J. N. & G. c. 4.* insert: *Solam legis nat. observantiam, siquidem perfecta foret, suffecturam ad felicitatem hujus*, NB. & FUTURÆ VITÆ. Nec aliter sentit *Vvernherus*, *Fleischerus*, & alii *Puffendorfiani* paraphrastæ, eo collimantes, ut incautos Lectores in baratrum interitus æterni una secum deducant; persuadeantque iis, præcepta positiva Divina, & Ecclesiastica flocci pendenda, vitamque ita instituendam, quomodo ordinanda foret, si nunc in statu *pure nature* ad finem supernaturalem non elevatæ, sine lege positiva divina & humana vivere mus. Verbo: Novatores prætextu Juris nat. eo suas technas dirigunt, ut nedum Ethnicos & Infideles: sed totum etiam orbem Christianum ab omni lege positiva abstrahant, iisque Indifferentissimum, Naturalissimum, Deismum, Atheismum & si quid aliud post Lutheri & Calvini errores insolens & absurdum est, persuadeant, quatenus ita solum credant, vivant, & sentiant, sicut illis recta (ut ipsi putant) ratio naturalis dicat.

221. Verum crasse ignorante mixtam errorem hunc da-

ptam perdidit per peccatum, incepitque hic status a tempore pravaricationis. Hic consideratur prout naturæ lapsæ nondum reparatæ a Christo, & reparatæ. Demum idem status naturæ lapsæ non reparatæ cogitari potest aut respectivè ad legem nat. aut ad legem scriptam. Statutus naturæ lapsæ non reparatæ, in quo homines vivebant secundum legem nat. & lumen rationis, duravit ab Adami peccato usque ad diluvium, & ab hoc usque ad Moysen, ubi DEUS legem in tabulis lapideis scriptam dedit. Status naturæ lapsæ non reparatæ respectivè ad legem scriptam consideratus duravit a Moysè usque ad Christum Dominum nostrum.

Itaque ab Adamo usque ad Moysen dicebatur status naturæ, eo quod homines sine lege scripta, naturali lumine eos dirigente viverent: Non tamen status fuit puræ naturæ; neque naturæ non elevatæ. Et quando Auctores dicunt: status naturæ, intelligendus est ille status ab Adamo ad Moysen, in quo sola ut plurimum lege nat. regebantur homines post lapsum ejusdem naturæ. Similiter ubi iidem mentionem faciunt status naturæ non elevatæ; intelligendi sunt loquitarum in hypothesi, nempe: si daretur status puræ naturæ supra explicatus non elevatæ ad beatitudinem supernaturalem. Fæde enim errant Protestantici, qui cum Hobbesio, Puffendorfio & aliis imperite supponunt extitisse aliquando, vel existere naturam humanam ita non elevatam.

210. Quod itaque modernum statum concernit, hic est quidem status naturæ lapsæ: sed jam reparatæ per gratiam Salvatoris, hinc non dicitur amplius status naturæ: neque status Legis scriptæ: sed status naturæ reparatæ: status Gratiæ, eo quod gratia vicerit naturam per Christum reparatam quo ad infirmitatem culpæ, licet non quo ad infirmitatem concupiscentiæ, & mortalitatis, cum reliquis eam consequentibus vitæ hujus miseriis, a quibus contra naturæ exigentiam DEUS decreverat hominem servandum immunem, si non peccasset. Hæc circa diversitatem status naturæ si non ignorassent heterodoxi Naturalistæ, non ita turpiter hallucinati fuissent, ubi de beatitudine naturali pro statu naturæ elevatæ ac reparatæ ita loquuntur, ac si locuti fuissent, si in statu puræ naturæ vixissemus, & præter primigenium nullus adventitius status naturalis hic & nunc daretur.

§. III.

An status naturę dicat vitam exlegem? Et an status in statu sit monstrum; ut fingunt Protestantes?

211. I.) **I**N hypothesi si nunc viveremus in statu *primigenio*, seu *mere naturali*, in quo vixerunt Protoparentes nostri, eorumque descendentes; priusquam hi Principem sibi constituissent; certum est, quod status hic diceret vitam *exlegem positivę*, id est nulli subjectus foret legi positivę, *humanę* præsertim. Status enim *mere naturalis* seu *primigenius*, cum ex suo conceptu, ratione congenitę libertatis denotet vitam omni lege *humana* exemptam, consequens est eam huic non subiacere, quia hæc cum sit *naturalis equalitatis* & *libertatis* congenitę restrictiva, deberet infringere pleraque a jure naturę concessa privilegia, & Rempublicam humanam omni superioritate creata & ejus præceptis liberam submitteret jugo obedientię hominis, quod repugnaret æqualitati ac libertati naturali. Nihilominus etiam in eadem hypothesi status *primigenii* & *mere naturalis* humanum genus non esset exlex a *jure naturali*, nempe adhuc deberet necessario subesse legi naturali præcipienti & prohibenti. Hæc enim cum necessario imperet, nullā temporis & status circumstantia extingui, aut suspendi potest, quin obligare pergat, quamdiu genus humanum existet. Imo non esset conveniens naturę humanę ita exlegem fieri, ut neque naturalibus præceptis obligetur, non enim saperet supra bruta rationis expertia, neque actus suos exerceret humano modo, siquidem eos non conformaret morum regulę ab Auctore naturę cordibus humanis inscriptę. Tanto minus autem nunc in statu *adventitio* societatis humanę sub Principibus & Magistratibus quæ Ecclesiasticis, quæ Politicis constitutum genus humanum vitam exlegem ducere potest, cum non minus naturalibus, quam Divinis positivis & humanis legibus obstringatur.

212. Nec obstat, quod etiam in statu quo nunc vivimus, possibile sit dari *statum* hominum *naturalem* saltem in *particulari*, eo quod a primis sæculis extiterint, & nunc existant multi, qui seu interveniente morte, seu consensu mutuo soluti erant & sunt non modo patria, sed & omni alia potestate humana, quales sunt absolutissimi Principes.

Jus Nat. & Gent. L qui

qui solum DEUM superiore magnoscunt, ac non pauci forte alii in silvis nati ac educati, in quorum notitiam nulla hucusque lex humana aut creati superioris auctoritas pervenit, Nam ex hac instantia nondum sequitur in presenti providentia & statu *adventitios* dari quempiam ex legem. Primo enim obligantur hujusmodi homines jure nat. quod vero expertes sint legis ullius positivæ humanæ, est mere *per accidens*, neque ignorantia hæc potest constituere statum *per se* naturalem & primigenium. Deinde quod *absoluti* Principes ne quidem vi directiva, ut communius docetur, sui Regni, vel Territorii obligentur legibus *suis* civilibus extra casum *scandali & injustitiæ*, qualis esset in contractibus, rerum pretio, mensuris &c. id non provenit a Jure nat. sed ex defectu Superioris creati, qui illis imperare possit. Quidquid autem sit de lege humana, procul omni dubio nullus est immunis a lege *Divina positiva*, illa saltem, quæ præcipit aliqua *necessitate mediæ* necessaria, qualis est v. g. de baptismo suscipiendo, de qua ille indagare tenetur, ac ad supernam providentiam spectat, eam unicuique adulto mentis composui, facienti quod est in se viribus gratiæ, quæ omnibus prompta est, notam perfectamque facere: quæ vel sola ratio sufficit ad demonstrandam fallitatem, quod in statu naturæ elevatæ possit dari status exlex, & saltem ab omni lege positiva etiam divina immunis.

213, II.) Ad alteram quæsitæ partem affirmative respondent Protestantium Naturalistæ, qui ut perniciosum & homine usu rationis prædito indignum errorem suum inter Scios, & Catholicæ Religionis inimicos spargant, asserere non verentur: *statum in statu esse mansurum*, id est rectæ rationi repugnare ut in una eademque Republica, Imperio, aut Regno vel Civitate detur alius status *Politicus*, alius *Ecclesiasticus*, qui politico ac civili non sit *quo ad omnia*, ad similitudinem subditorum laicorum subordinatus. Hinc generatim concludunt; Religionem Christianam esse tantum *Collegium in statu civili*, non vero statum in statu. Sed quam frivole & imperite ab illis hæc dicta sint, inde colligere licebit. I.) Respublica universa, Imperium, Regnum secundum totam collectionem hominum spectatum est *status* hominum *adventitius compositus*, seu complexus, qui ex suo conceptu dicit plures alios status, ex quibus ille coalescit tanquam totum ex suis partibus, diciturque *Societas societatum*, quod idem est ac *status in statu*:

Atqui

Atqui status compositus seu complexus non tollit statum aliarum societatum simplicium, sed non nisi in aliquibus restringit, in aliquibus addit aliquid; nonnullis nec addit quidpiam, nec eos diminuit: Nihil igitur est, quod recte rationi repugnet, si in una Republica tanquam societate & statu *compositio* coalito ex pluribus diversis, etiam Religio Christiana, ac Ecclesia Fidelium numero constans & legibus separatis munita, sit & dicatur *status simplex* in statu composito, seu societas Fidelium in *societate* ex pluribus aliis statibus *complexa*:

Imo recte rationi potius repugnaret, si daretur status adventitius *compositus*, & tamen nullos status alios in se contineret, pari ratione ac repugnat dari totum physicum, aut ex pluribus aggregatum, & tamen sine suis partibus. 2.) Fœderati Belgæ a duobus fere sæculis faciunt statum *compositum*, & tamen revera sunt status plures in unum coaliti, sunt igitur *status in statu*: Serenissimi item ac potentissimi Electores S. R. Imperii singuli cum Gente illis subdita sunt status in statu Imperii Germanici tanquam unius *complexæ* societatis. Imo in unaquaque Republica tanquam statu composito reperiuntur status Conjugalibus, Familiz, seu Oeconomicis, Herilibus, Militaris, Politicus &c. tanquam status simplices contenti in statu generali. 3.) Hæc cum evidentia sint, præcipuum adhuc momentum præbet *Religio vera* Christiana, ex eo, quod cum revelata & supernaturalis sit, sit verus *status adventitius* hominis: Est enim *certa & stabilis ratio vivendi* superveniens naturæ, facto DEI revelantis & hominis credentis. Est quoque illa status *adventitius* superadditus societatibus aliis omnibustam simplicibusquam complexis. Vix enim Puffendorffium & ejus sequaces contrariæ opinionis patronos nos latere potest, veram Religionem Christianam supervenisse societatibus hominum, aut carentium religione, aut falsa imbutorum.

214. III.) Neque in contrarium adducta Protestantium argumenta infringunt assertam & demonstratam veritatem. Falsum enim est *primo*.) Quod societas *complexa* absorbeat & tollat societates & status *simplices* in se contentos; cum pateat contrarium in Statibus S. R. Imperii, *unum statum* ejus *complexum* constituentibus, & in societatibus Familiz, Herilibus, Conjugalibus aliisque, quæ in una eademque Republica aut Civitate manent integræ nec absorptæ. Et experimur in Republica Belgarum. *Holandi* enim socii facti Ze-

Jandorum & Friforum non defierunt esse Respublica, sed tantum in aliquibus renunciarunt libertati pristinz, & per hoc majorem utilitatem ac perfectionem consecuti sunt, non minus ac *Lithvani* uniti *Polonis*.

Pari ratione, ex quo nationes Germanicę in unam societatem consenserunt post cruenta bella, manent adhuc singulę nationes proprii status; cum certum sit nec Bavaros Saxonibus subjectos esse, nec Suevos Bavaris; sed singulis sua separata jura constare, omnes vero tanquam uni novę ac supervenienti societati conjunctos auspiciis gaudere Imperii Germanici, quę non omnia conveniunt nationibus singulis: sed simul omnibus.

215. Nihil quoque facit ad rem *secundo*,) quod Ecclesia Christiana non sit a Christo instituta *per modum status*, seu cętus prędicti potestate aliqua externa, sibi propria, ac aliunde non dependente. Ex eo enim id solum sequitur, quod Christus non fuerit *fundator status politici & civilis*, ad felicitatem temporaneam intenti, non vero quod neque fuerit *fundator status Ecclesiastici* ad salutem animarum supernaturalem ordinati, ac non dependentis a statu politico. Neque sequitur ex Protestantium argumentis, *tertio*. Quod si Religio Christiana formaret statum in Republica, derogaret juri Imperantium summo *legitime competenti*: cum jus sacrum ex nullo titulo competat potestati politicę, ut ostendimus in *Erotem. theor. præd. a. F. 61*. temporali autem Principum regimini non derogare Religionem Christianam, impios si excipias, nullus est qui inficias eat. Neque enim Religio Christiana *vera* perturbat bella eorum, nec potestati legislativę resistit, dummodo hæc singula naturali & divino juri conformiter fiant, multo minus ad rebellionem in suos Principes commovet populum, vel tributa illis solvenda prohibet: quin imo religiose observat, ut hæc omnia sancte impleantur, ipso Christianę ac *verę* Religionis Auctore dicente, & simul statum politicum a statu Religionis distinguente his verbis: *Reddite ergo quę sunt Cæsaris, Cæsari, & quę sunt DEI, DEO*, Matth. 22.

216. Frustra etiam fingunt *quarto*) Adversarii, sequi ex nostra doctrina, quod si Religio Christiana factura sit statum in statu, debeant in una Civitate *duo oriri summa imperia*, & inde obligationes Civium secum pugnantes. Imperite enim ac perversę dictum est hoc: imperia quippe illa non in eodem: sed in *diverso genere* esse, vix aliquis, præter inimi-

cos sanctæ Ecclesiæ, ita rudis est, qui nesciat: Consequentia autem est, quod Civium obligationes cum tendant ad diversa objecta, minime sibi invicem opponantur, nam hoc faciendum, & illud non omittendum. Non igitur per hanc statum Ecclesiastici a Politico distinctionem convellitur compages civilis vitæ, vel perturbatur tranquillitas publica, si servetur subordinatio de jure debita, ac Novatores, Libertini alique sub Christiano nomine veræ Religionis Christianæ hostes eidem rebelles compescantur. Prout non fuit convulsa aut perturbata tranquillitas publica S. R. Imp. a tempore Caroli Magni super duplici statu politico & Ecclesiastico fundati; neque perturbaretur unquam, nisi autonómica libertas cum Luthero aliisque Sæctariis etenebris prorepisset. Pluribus de his tractare ad Polemicos spectat, qui futiles Puffendorffii, Pfaffii, Henningii & similium Novatorum cavillationes jam dudum protriverunt.

§. IV.

An, & qualis corruptio naturæ ex peccato Protoparentum nostrorum consecuta sit?

217. **Q**uia status naturæ lapsæ intelligi a Juris naturalis studioso nequit sine aliqua notione corruptionis ejus, & inde promanantium effectuum, hinc quantum nostrum forum permittit, paucis hac de re innuere placuit; hoc præsertim sine, ne Protestantium Naturalistarum a Lutheri, Calvinii, Illyrici, & Pelagianorum hæresi mutuatis erroribus scæntentia commentaria Juris nat. ad incitas & interitum deducant incautos Lectores.

Certum itaque sit, naturam hominis per peccatum Adæ aliquo modo fuisse corruptam, vitiatam, infirmatam, & debilitatam, docente D. Th. 1. 2. q. 80. a. 3. Totus autem corruptionis hujus effectus consistit in pænis, quas peccatum illud originale traxit, & in Adami posteros moraliter cum suo effectu transfusum est. Pænæ hæ variaz fuerunt I.) Quo ad animam privatio gratiæ sanctificantis, & aliorum donorum supernaturalium: Item vulnera præcipuarum potentiarum, intellectus, voluntatis, memoriæ, appetitus concupiscibilis & irascibilis. II.) Quo ad corpus, mors, morbi, dolores, tædia & passionés aliæ afflictivæ. III.) His additæ pænæ quasi extrinsecæ: inimicitia DEI, servitus dæmonis, persecutio hominum, subjectio variis

infortuniis, amissio *dominii jurisdictionis* in bestias, quas nunc nonnisi per vim capere possumus, alioqui sua sponte voci nostræ obedituras, calamitates a cælo, elementis &c. IV.) Secuta demum pœna alterius vitæ pedissequa, quam vocant *dammni* respectu visionis beatificæ: non tamen *sensus* respectu tartarei ignis, ut probabilius docetur, nisi præter originale fuerit etiam actuale peccatum non deletum.

218. Corruptio hæc ita per suos effectus explicata dissolvit ac destruxit totam illam harmoniam quam justitia originalis tanquam donum quoddam divinum, & naturæ *indebitum* cum ordine supernaturali efficiebat in homine; ut scilicet & corpus animæ sine morbis ac moriendi necessitate, & sensualitas rationi sine inordinatione concupiscentiæ, & ratio ac voluntas DEO sine peccato ac peccandi *moralis* necessitate plene subiceretur.

Sequitur ex his: naturam humanam per peccatum originale non solum spoliata *donis gratiæ*, seu sibi soli relictam fuisse, verum etiam extitisse vulneratam in suis *naturalibus bonis*, non quidem *corruptione interna* principii physici, seu arbitrii liberi: sed tantum *mere externe*, & hoc sensu: quod sit positive indigna, adeoque destituta *speciali* protectione DEI, & auxiliis *ordinis naturalis*, quæ naturæ integræ essent naturaliter debita, saltem debito quodam *moralis* fundato in eo, quod sapientissimam DEI providentiam non deceat naturam rationalem innocentem destituere prædiis, quibus posset finem suum naturalem, non solum physice: sed etiam *moraliter* & facile assequi.

Ex hac autem vulneratione sequitur *intellectus* nostri *ignorantia*, non talis, quasi nullum præcticum verum naturaliter cognoscere possimus, ut Sæclarii erronee putant; sed quod multa ignoremus, quæ si peccatum Adæ non fuisset, per fidem & prudentiam insulam, aliisve modis cognovissemus. Dein oritur *voluntatis* nostræ *major ad malum proclivitas*, *memoriæ debilitas* &c. In corpore etiam nostro major interperies humorum, ex qua sequitur inordinatio operationum animæ. Et quod dolendum est! in statu naturæ lapsæ dæmones magis in genus humanum defæviunt, tum in pœnam originalis peccati, DEO id permittente: tum ex majori eorum odio in hominem, cui invident elevationem ad finem supernaturalem, &c.

219. His tamen omnibus nil obstantibus natura lapsa per peccatum originale non est in se *intrinsece* infirmior, spe-

ctan-

stando vires naturæ integræ debitas, cum nihil perdidit de viribus arbitrii liberi. Et sicut *Angelos* peccatum spoliavit quidem *donis gratiæ*, reliquit tamen illis omnia naturalia, ita similem sortem expertus est homo in sua prævaricatione, ut proin *natura lapsa* non aliter differat a *natura integra*, seu ante lapsum spectata, quam differt homo nudus ab homine vestibus pretiosis spoliato, & plagis affecto. Vulnera quippe enumerata cum sint mere *extrinseca*, statui ejus intrinseco nihil detrahere possunt: sed solum majorem difficultatem ad bonum, facilitatem autem ad malum, cum reliquis vitæ miseriis secum trahunt.

§. V.

An hodie in statu nature reparatæ, quo vivimus, sola lex nat. pro adequata objectiva morum regula habenda sit?

220. **A**ffirmative quidem & audacter respondent Protestantes Naturalistæ secuti Puffendorhium, qui l. 1. de Offic. homin. c. 4. §. 8. in appendice ad Epist. Scherzerianam circa fin. F. m. 90. asserit religionem naturalem intra vitæ terminos conclusam ita, ut ea sola hominem perfectæ beatum naturaliter faciat. Hinc Kemmerichius ejus enucleator in Elem. J. N. & G. c. 4. insert: *Solam legis nat. observantiam, siquidem perfecta foret, suffecturam ad felicitatem hujus*, NB. & FUTURÆ VITÆ. Nec aliter sentit VVernherus, Fleischerus, & alii Puffendorfiani paraphrastæ, eo collimantes, ut incautos Lectores in baratrum interitus æterni una secum deducant; persuadeantque iis, præcepta positiva Divina, & Ecclesiastica flocci pendenda, vitamque ita instituendam, quomodo ordinanda foret, si nunc in statu *puræ nature* ad finem supernaturalem non elevaræ, sine lege positiva divina & humana viveremus. Verbo: Novatores prætextu Juris nat. eo suas technas dirigunt, ut nedum Ethnicos & Infideles: sed totum etiam orbem Christianum ab omni lege positiva abstrahant, iisque Indifferentissimum, Naturalissimum, Deismum, Atheismum & si quid aliud post Lutheri & Calvinii errores insolens & absurdum est, persuadeant, quatenus ita solum credant, vivant, & sentiant, sicut illis recta (ut ipsi putant) ratio naturalis dicat.

221. Verum crassæ ignorantie mixtam errorem hunc damnat

hinc communis rectius sentientium doctrina, quæ tradit: Quamvis in statu *puræ naturæ* ad finem supernaturalem non elevatæ sola lex nat. fuisset *adequata* objectiva morum regula: hodie tamen in *statu naturæ elevatæ* & a suo lapsu *reparatæ*, legem naturalem esse solum *inadequatam* honestatis regulam objectivam. Ac proin præter naturalia præcepta; viam regulæ morum directivæ habent omnes aliæ leges positivæ, adeo ut eas tam Christianus, quam Ethnicus & Infidelis, qui notitiam earum habet, iisque *respective* subest (a Divina enim etiam positiva nullus hominum immunis est) observare teneatur. Hinc *adequata* ac remota moralitatis regula in *statu naturæ elevatæ* non in solo jure nat. sed in *complexo omnium legum* etiam positivarum consistit.

Ratio est, quia per *solam* legis nat. observantiam neque hujus, neque futuræ vitæ felicitas obtineri in *statu naturæ elevatæ* ac reparatæ posset. Non *hujus vitæ*: Quia status præsens in quo vivimus, non est status ille naturalis *primigenius*, in quo omnes homines sua conditione omnimode æquales fuissent, nullumque Superiorem creatum, nullam legem positivam habituri: sed potius totum genus humanum vivit sub lege positiva, nedum Divina, verum etiam humana, adeo ut vix sub sole reperiri possit ita barbara *Natio*, quæ hominem (tanto minus DEUM) superiorem suum, consequenter legem positivam non habeat, & agnoscat, juxta illud Psalm. 9. *Constitu Domine Legislatorem super eos, ut sciant Gentes, quoniam homines sunt*. Atqui si sola legis nat. observantia contenti homines isti libere transgrediantur leges positivas, deest *felicitas hujus vitæ* etiam mere politica & civilis, consistens in pace, quiete ac subordinatione inferiorum debita Superioribus; & in locum ejus succedunt rebellio, dissidia; bella intestina, ac dissolutio naturalis vinculi, quod in societate humana exigit mutuum amorem cum præstatione officiorum proximo nostro, Reipublicæ ac Civitati debitorum: Igitur &c.

222. Non etiam *future vitæ* supernaturalis felicitas obtineri posset: Alioqui sequeretur, quod in *statu naturæ elevatæ* ac reparatæ supernaturalis beatitudo solis naturæ viribus, ac *solius* naturalis legis observantia, atque adeo etiam sine Baptismo tam in re quam in voto, ac plane extra Christum Salvatorem obtineri posset. Demum, perfecta observantia legis natur. exigit, ut homo obediat nedum DEO Creatori suo: Sed etiam hominibus sibi præpositis, &

impe-

imperandi potestatem ab eo habentibus: Cum igitur in statu naturæ reparatæ vix reperiri possit status hominis, qui non sit *adventitius* & alteri subordinatus: sequitur legem nat. in præsentī providentiā *practicè* non posse abstrahi a toto complexo legum positivarum; tam Divinarum quam humanarum. Licet enim generalia juris nat. principia & conclusiones ex illis manifeste fluentes *per se* claræ sint, nec indigeant ullis per legem positivam enucleandis deductionibus; *obscuræ* tamen juris nat. obligationes, quibus unusquisque status hominum *adventitius* sibi proportionatis diversimode obstringitur, experientia teste, sine aliqua lege sufficienter percipi non possunt, uti patet in materiis contractuum, promissionum, juramentorum, sponsalium, damni dati, alimentorum &c. &c.

Quæ tamen omnia ut intelligantur & impleantur, attendi debet ad mentem Legislatorum, quomodo obligationem naturalem obscuram declarent, quid jubeant circa illam, vel prohibeant, aut permittant. Alioqui si quilibet nostrum juxta suum pruritus & dictamen interpretetur, infelicissimam constituemus Rempublicam humanam, in qua vivimus: Itaque non solum Jus naturæ: sed complexum ex omnibus Legibus positivis, quibus subjecti sumus, statui debet pro *adequata* objectiva morum regula in statu naturæ reparatæ. *Confer n. 69.*) ubi probavimus, quod lex nat. quo ad conclusiones particulares dubias transeat in materiam legis positivæ.

223. Nec obstat, quod lex nat. sit *una* omni ac pro omni tempore & statu humanæ vitæ, ac proin quod jus nat. corruptæ ac a lapsu reparatæ non sit diversum a jure naturæ integræ, vel *puræ* ac mere *hypotheticæ*. Nam patet jam ex dictis, quod unitas & identitas illa Juris nat. sit solum quo ad *principia generalia*, qualia sunt: *Declina a malo, & fac bonum: quod tibi non vis &c.* ac quo ad conclusiones *per se* & manifeste ex illis deductas, ut ait Suar. de LL. lib. 2. c. 8. n. 5. fin. & 7. non item quo ad conclusiones particulares, obscuras, vel dubias. Hinc *accessoriæ* obligationes a Jure Divino vel humano provenientes, quæ jus nat. obscurum declarant, sunt diversæ pro diversitate status *adventitii* humani, atque ideo materia legis nat. & conclusionum ex universalibus principiis ejus deducendarum non est eadem *adequate*.

Quo fit I.) Ut jus nat. conveniens uni hominum statui *adventitio*, non mox congruat etiam alteri statui. Quia singuli status mere naturali seu *primigenio* statu posterioris in

eo consistunt; quod jus naturæ circumscribant in paucis vel in multis, ut patet in omnibus *hypotheticis* obligationibus, ex nostro facto, promissione, vel contractu proventientibus; pariter ac in omnibus officiis statui adventicio cujusvis hominis, in quo unusquisque vivit, proportionatis, uti constat ex n. 206.) Quæ igitur circumscripta, seu limitata, detracta, vel ratione immutatæ materiæ aucta sunt, hæc in posteriore statu non amplius pertinent ad jus nat. alterius distincti status.

Fit demum II.) Ut jus nat. semper & ubique sit *idem* modo jam explicato: at nondum sequitur, illud *solum* vim *adequatæ* regulæ objectivæ habere, quæ dirigat actiones humanas, & ut in explicando eodem jure nat. abstrahamus a Legibus positivis, propter rationes jam adductas. Quæ omnia tanto minus adhuc sustineri possunt, quod jura naturalia *concessiva* non pro omni statu sint eadem. Multa enim mutato statu sunt illicita, quæ olim erant concessa. Ita in statu naturali valida erant connubia fratris cum sorore, uti patet in *Caimo*, qui aliam non habuit uxorem, quam sororem suam: in statu tamen naturæ reparatæ postquam genus humanum auctum est, libertas hæc naturalis, & hoc jus concessivum restrictum esse novimus. Denique in statu naturali primigenio esset penes quemvis *ius belli*; & omnem vim ac injuriam propria auctoritate propulsandi & vindicandi potestas, eo quod status ille esset *æqualitatis*, ac *libertatis*, ex quo nullus superior præter DEUM, nullus Judex & Magistratus se interponeret: id tamen in statu naturæ reparatæ locum non habet.

224. Pæpendat eruditus Lector, quam imperite & perniciose Protestantici Moralistæ Commentaria sua de J. N. concinnata Orbi literato obrudant, quibus docere audent: in statu naturæ reparatæ, quo nunc vivimus, naturalem disciplinam, & juxta hanc instituendam vitam, abstrahendam esse ab omni positiva lege, eo quia jus nat. quo ad principia *generalia* semper est *idem*: & quia, si in statu *puræ naturæ* *mere possibilis* essemus, sine lege positiva divina & humana, sine Christo, sine supernaturali fine, ac consequenter sine omni Sacramento, Ecclesia, Rege, Principe & superiore viveremus, nullam aliam habentes regulam objectivam morum humanorum directivam, quam solam & unicam rationem nostram: itaque nunc etiam *ita vivendum*. Quid aliud volunt Novatores hi, quam abolita Religione
re-ve-

Cap. IV. de stat. ac fin. nat. & legis nat. 171
revelata & omni lege positiva, subtili conatu Naturalismum
inducere?

§. V-I.

*Utrum jus nat. discendum & scribendum sit nunc pro
statu puræ naturæ, aut integræ, vel altero
mere possibili?*

225. **E**TIAM hanc quæstionem utpote præcedenti affinem
affirmative resolvunt supra laudati Naturalistæ, ea
nixi persuasione: I.) Quia status naturæ elevatæ ac a suo
lapsu reparatæ non sustulit jus naturale, quale fuisset in sta-
tu *puræ naturæ*, si hic aliquando extitisset; cum autem in
statu quo hodie vivimus, juxta illos, ita per omnia actio-
nes humanæ *sola ratione* dirigendæ sint, ac dirigerentur in
statu naturæ puræ: sequitur, discendum & scribendum esse
jus naturale pro statu *puræ naturæ*, abstrahendo ab omni-
bus aliis circumstantiis modernæ providentiæ status eleva-
ti ac reparati. Ita enim adornatum serviet omni statui &
tempori, quo natura humana extitit, existit, & existere
potest.

II.) Jurisprudentia naturalis est specie distincta disci-
plina ab aliis Facultatibus: non igitur confundenda est
cum illis; verum ita separanda, ut illa per se & quam *pu-
rissime* tradatur per *solam* naturalem rationem adornata,
scientia vero Juris positivi Divini, & humani aliunde pe-
tenda est.

III.) Jus naturale scriptum pro statu naturæ reparatæ non
servit pro Ethnicis, Turcis, Judæis ac barbaris nationi-
bus, quæ hanc naturæ reparationem non magis in animum
admittunt, quam Æsopi fabulas: Est proin inutile, ut Ju-
ris nat. scriptor se accommodet certo naturæ vel homi-
num statui. Ita Christiano-Protestantici Moralistæ ratio-
cinantur.

226. Sanior tamen naturalis Jurisprudentia contrarium
docet. Scribere Jus naturale pro statu naturæ puræ, inte-
græ, aut altero non existente & mere possibili, pariter ac
ita scriptum discere vel explicare, est inutilem, imo per-
niciosam navare operam. Et quidem I.) *Inutilis* labor est,
quia jus hujusmodi abstractum est mere *speculativum*, quod
ad praxim conferre nequit, cum tamen Jurisprudentia natura-
lis sit *pericia præctice directiva actionum humanarum ad natu-
ralem*

valem reſtitutionem. Licet enim jus hoc quo ad ſua principia generaliffima in quolibet etiam pure poſſibili ſtatu eſſet ſemper idem juxta n. 223.) illa tamen principia quamdiu conſiderantur ab actuali & practica operatione ſeparata, ſunt ut plurimum mere *ſpeculativa*, ac in praxi circa conſuſiones obſcuras ex illis non manifeſte fluentes, actusque hic & nunc exercendos, ita ſunt ſapiffime perplexa, ut etiam optime diſpoſitus intellectus difficillime ſtatueret queat, quidnam obligationis ex illis concludi debeat.

Pateat id in exemplo: Pupillus pubertati proximus habens Tutorem, ſine hujus auctoritate inſit contractum, quo ſuam conditionem fecit deteriores: Filius ſam. inconſulto patre pro ſua recreatione, cartiludio, ſaltu, comotatione &c. notabile contraxit mutuum: Filia inſit matrimonium cum conſanguineo in ſecundo gradu lineæ tranſverſæ; Quæro ex Scriptore Juris naturalis pro ſtatu *pura nature* adornati, & a ſtatu *adventitio nature reparata*, ac ab omni lege poſitiva abſtracti, quid *practice* cenſeat hic & nunc tenendum in Germania noſtra circa obligationes prædictorum Contrahentium? an ſpectato Jure naturali de facto & certo obligentur illi nunc in conſcientia?

Scriptor hic ſi non extreme rudis aut temerarius eſt, juxta ſuam *abſtractam* Jurisprudentiam naturalem, deberet tanquam absolute & *practice* certam obligationem naturalem ex prædictis contractibus ortam affirmare: Sed reſponſio hæc præterquam quod riſum Jurisperitis motura ſit, probabit etiam ejus ignorantiam, ac eo ipſo firmabit ſuperius adductum argumentum, quod ſcil. lucubratio & ſtudioſum hujusmodi juris nat. mere abſtracti ſit *inutile*, ac pure ſpeculativum, nihil prorsus conferens ad *practicam directionem* conſcientiæ, niſi Scriptor & ſtudioſus hic ſe reflectat ad ſtatum hominum *adventitium*, in quo nunc vivimus, & ad leges *poſitivas*, quomodo hæc obſcuras obligationes naturales, ex illis alioqui per ſe notis *generaliffimis principis* deducant & declarant. Prout in caſibus propoſitis declarata ſunt l. 59. ff. de U. & A. l. 18. ff. de Scto Maced. & §. 3. Inſtit. de nupt. ac tot. tit. de Conſanguin. & affin.

227. Si reſpondeas: pro reſolvendis caſibus propoſitis, ille ſtudioſus, qui v. g. Juri naturali *Volfiano*, a DEO, lege poſitiva quavis, & omnibus circumſtantiis practicis abſtracto dat operam, debet inſuper navare alteram illis Auditoribus, qui Jus naturale exponunt *practice* per reſpectum

ad

ad Jus positivum, naturales obligationes dubias declarans. Ad rem quidem nostram respondebis: sed tamen nugaberis: Cui enim bono duplici Jurisprudentiæ naturali, cum tantis sumptibus, iactura temporis, & multiplicato labore daturus est ille operam, si breviori via assequi finem suum possit, ut rejecto *inutili jure abstracto*, impendat conatus suos illis discendis Auctoribus, qui naturales obligationes per jus positivum sive Divinum, sive humanum declaratas tradunt ac docent? Hujusmodi autem Auctores totidem sunt, quot insignes Theologi *Catholici* de Jure & Justitia tractantes, vel Moralem doctrinam exponentes, & Eruditissimi utriusque Juris periti, qui de *obligationibus*, *restitutione*, *damno dato*, *compensationibus*, *juramentis*, *contractibus* aliisque Juris nat. cum positivo concurrentibus vinculis solide tractant.

Nomine omnium Protestantium respondet quidem *Heinecius* in præf. Element. Jur. N. & G. & per decursum operis sui sparsim: Jus illud naturale *abstractum* & pro Germania, aliisque Nationibus Christianis mere speculativum & *inutile*, saltem apud *Sinenses*, *Indos*, & *Garamantas* summæ fore utilitati, quia Gentes hujusmodi *sola ratione* diriguntur. Verum malæ causæ Advocatus facile resellitur, quia juxta n. 221.) in præsentī providentiā nulla datur Gens in statu *adventitio complexo* vivens, quæ *aliquem* Superiorem, consequenter legem scriptam, aut saltem moribus introductam non habeat, ac proin dubiæ & obscuræ obligationes naturales non ex Jurisprudentiā Vvolfiana, similique alia mere *abstracta* & hypothetica: sed ex jure positivo illorum, aut communi morationum, vel vicinarum Gentium metienda erit. Quo ad principia vero naturalia *generalissima*, non est opus *abstractis* Protestantium Institutionibus Juris naturæ, quia illa per se nota sunt intellectui recte disposito: *Declina a malo*, & *fac bonum* &c. Igitur absolute *inutiles* sunt hujusmodi lucubrationes *abstractæ*.

228. II.) Imo sunt etiam *perniciosæ*. Studium enim hujusmodi juris nat. *abstracti* & *pure hypothetici* seducit incautos Lectores, Juvenes præsertim in recta Morali nondum satis versatos, præbendo occasionem faciendi aliquid illicitum; v. g. desponsandi sibi sororem suam, aut illatam injuriam privata auctoritate vindicandi, nulli Superiori obediendi &c. Hæc enim & similia essent licita in statu *pure nature* ubi nullus superior: sed omnes *æquales* essemus, quæ juxta speculativos Naturalistas etiam statui naturæ elevatæ adaptan-

ptantur. Pernicies Jurisprudentiæ hujus *abstractæ* in se etiam evidens est: sui enim Auctores docent, vivendum nobis esse secundum *solam rationem*: secundum jus nat. abstractum ab omnibus legibus Divinis & humanis, quomodo vixissemus in statu naturæ pure hypothetico & possibili: hinc Moralitas hæc facit homines rebelles DEO, Ecclesiæ, Principibus, Magistratibus eorumque legibus.

Ita teste eruditissimo Scriptore, ac recens electo Reverendissimo Abbate *Anselmo Desing* in *Larv. detract.* c. 3. th. 6. se scandalizatum ingemuit *Voorcestria Comes* juvenis *Archeus*, qui cum rediisset ad cor, confessus est se protestantici Moralistæ *Hobbesii* Jure naturali deceptum fuisse, docentis abstractum esse ab officiis erga DEUM, ejusque ac aliis positivis legibus. Unde Comes ille primum officia huiusmodi omisit, demum frânis naturali libertati laxatis, ut conscientiæ stimulos aliquo modo eluderet, DEUM impie negavit. Hic est fructus abstracti Juris naturalis, ut Lectores suos a DEO, Ecclesia rectaque morum honestate abstractos cum suis Auctoribus trahat ad tartara.

Melius hac in parte sapuit, quanquam & ipse Protestanticus Naturalista *Leibnitius*, qui postquam in *prefatione ad Codic. Jur. Gent.* optasset *Jus naturæ & Gentium traditum; secundum disciplinam Christianorum*, in sua Epistola censoria libelli *Puffendorfiani de offic. homin. & civ. f. m. 6.* post refutatas ineptias hujus Protestantis, hanc reliquis adjecit censuram: *Plurimum referret parallela addi juris Civilis inter homines recepti, præsertim Romani, ipsiusque etiam Juris sacri: ita usus Juris naturæ apud Theologos & Jurisconsultos prior futurus esset, quod nunc magis sermonibus celebratur, quam negotiis adhibetur.* Quod ipsum fusiùs damnat *Gundlingius* *Puffendorfii* & aliorum abstractiones perstringens in suo opere: *Discours* c. 1. §. 27. 39. quanquam hunc ipsum Censorem halucinari constat ex demonstratis hic supra a n. 125.

229. Neque moramur contrariâs rationes, quarum prima jam est soluta a n. 223.) Id autem omnino erroneum est, ita nos per omnia nunc in statu naturæ elevatæ debere vivere juxta jus solum naturale, ac alias viveremus, si hodie in statu hypothetico pure naturali essemus. In statu quippe hoc non esset idem *adæquate* finis naturæ rationalis, qui nunc est elevatus ad beatitudinem supernaturalem: Consequenter non essent hæc media, quæ nunc dantur, neque da-

darentur in hac hypothesi leges Divinæ & humanæ *positivæ*, ut liquet a n. 221.) Docere igitur, quod in hac qua vivimus providentia & adventitia naturæ reparatæ statu, secundum *solam propriam rationem* jus nat. scribendum, explicandum, & vita instituenda sit: ineptientis cerebri est.

230. Nec sanior altera ratio: cum falsum sit, quod Jurisprudencia nat. quatenus est *præctico directiva actionum humanarum ad naturalem reſtitutionem*, alia quam ad summum *infima specie distincta* sit a Theologia naturali & morali, cum harum etiam obſectum sit directio actionum humanarum, eo solo discrimine, quod probavimus a n. 18.) scilicet, quod Theologia moralis versetur latissime circa omnem legem ut directivam *honestatis moralis pro foro animæ*, & in ordine ad finem *supernaturalem*: contra vero Jurisprudencia & Theologia naturalis solam quidem nat. legem *per se* pro obſecto habeat, quo ad *principia generalissima & conclusiones immediate ac clare ex illis fluentes*: Quo ad *obſcuras* tamen etiam hæ non differunt ullo modo a Theologia morali, cum declarationes obſcurarum obligationum naturalium potissimum defumantur ex legibus *positivis*, qua Divinis, qua humanis, sub quibus hodie vivimus in statu naturæ elevaræ reparatæ. Quod si Jurisprudenciam naturalem *pure speculativam & abstractam* intelligas, qualem Puffendorſius, Volfius & similes alii evulgarunt, facile conceſſerim esse distinctam a Theologia naturali & Morali, ac aliis Facultatibus: sed nullius momenti, imo perniciosam esse jam demonstratum est.

231. Neque sanius est *tertium* momentum. Non enim ex eo, quod Ethnici & Turcæ *statum naturæ reparatæ* impie non admittant, sequitur jus nat. scribendum & discendum esse pro statu puræ naturæ & abstractum. Nam 1.) Grotii, Hobbesii, Puffendorſii, Volfii &c. lucubrationes naturales non sunt scriptæ *idiomate turcico*, neque pro Turcis & Ethnicis; sed latino pro Juventute *Christiana*, & tamen ita sunt mancæ, mere speculativæ & abstractæ, ut tam Christianus lector, quam Turca & Ethnicus nihil *præctici* ex illis circa honestatem actionis concludere possit, cum sint separatæ non minus a legibus Christianorum, quam cujuscvis status *adventitii*, cui specialia juris nat. *hypothetica* præcepta adesse intelliguntur, nec circa ea quidpiam recte concludi potest, nisi dependenter a legibus positivis obſcuras obligationes hujusmodi & præcepta naturalia *hypothetica* & *declarati-*
bus,

bus, uti patet in Matrimoniiis, contractibus, stipulationibus &c.

2.) Dein quia etiam ab Ethnicis ac Turcis Jus nat. v. g. *Volfanum* rejiceretur, quia sicut a Christianorum ita & illorum legibus positivis abstrahit, disserendo de obligatione naturali hominum *pure possibilem*, qui neque Divinas, neque humanas leges ullas haberent. 3.) Demum, quia Ethnicorum & Barbarorum infidelitas legem divinam positivam jus naturale obscurum declarantem evacuare nequit: imprudens igitur consilium est, propter barbariem Infidelium, Christianis obtrudere schediasmata Juris nat. abstrahentia ab omni lege Christiana, imo & ab ipso DEO naturæ Auctore. Confer hæc cum sequentis quæsti resolutione.

§. VII.

An in statu naturæ lapsæ nondum reparate homines secundum solam legem nat. vixerint?

232. **O**Uamvis a tempore prævaricationis *Adami & Eve* usque ad legem scriptam Moyssi datam, genus humanum sola lege nat. directum fuisse communiter dicatur: tamen præter illam naturalem etiam aliquas *positivas* leges habuisse dignoscuntur. Primi enim homines illi liberis suis ac posteris multa exemplo, institutione, ac more vim consuetudinis receptæ, seu *legis non scriptæ* moribus introductæ robur habentis tradiderunt. Hujusmodi autem leges consuetudinariæ ut plurimum versabantur apud eos circa ritus nuptiarum, dotes sponſarum, jus crediti, jus promissionum, querelas injuriarum passorum, ac plurima alia, quæ facile colligi possunt ex Sacro codice veteris Testamenti, præsertim ex libro *Genesis*, ubi crebra fit mentio, quod populi illi juxta introductam consuetudinem, exempla Majorum &c. negotia sua & vitam direxerint.

Dein recta ratio suadet, & consentiunt Theologi, in statu legis nat. etiam ante institutam Circumcisionem fuisse a DEO provisum aliquod remedium peccati originalis tollendi in parvulis, sub *præcepto* gravi adhibendum ab eorum parentibus. Quæ de re D. Aug. l. 5. *contra Julian.* ait: *Non est credendum ante datam Circumcisionem famulos DEI (quandoquidem in eis erat mediatrix fides in carne Venturi) nulla*
Sacra-

Sacramento opitulatos fuisse parvulis suis, quamvis quid illud esset: aliqua necessaria causa scriptura latere voluerit. Et consentit D. Th. in 4. d. 1. q. 1. a. 2. fuisse quoque adultis revelatam, & a DEO positive præceptam fidem in venturum Messiam ad peccatum *attuale* per *viam contritionis* delendum, ut tradunt *Suar. Vasq. Lug.* Præter naturale n. igitur legem populus ille habuit positivas, easque tam Divinas *aliquas*, quam humanas, sine ulla scriptura, de qua nobis constet, sibi promulgatas.

Nec obstat, quod status ille *status legis nature* dictus fuerit, quia ut ait *Az. Inst. mor. l. 1. c. 1. q. 8. fin.* id intelligendum est, non quia nullum aliud præceptum servaretur nisi legis naturalis: sed quia nondum erat lex Moysis scripta, & quod *magna ex parte sub lege nat. homines illi viverent*, quamvis aliqua Divini ac supernaturalis etiam juris præcepta ab iis servarentur, vel instituto & consuetudine Maiorum, vel jussu etiam DEI. Quare ullo unquam tempore *per solam legis naturalis* observationem homines facti sunt iusti coram DEO: sed per fidem, gratiam & merita Christi D. quem tunc venturum esse credebant. Mirum est, quod post Salvatoris adventum homines Protestantico-Christiani audeant nunc per *solam abstractam Jurisprudentiam naturalem* & ipsi velle perfecte beati effici, & alios ad beatitudinem perfectam sua doctrina & pseudo-magisterio perducere.

A R T I C U L U S II.

De beatitudine & fine hominis naturali.

S U M M A R I U M.

233. Quid sit, & an detur aliqua beatitudo nat.
234. Perfecta beatitudo formalis non datur in hac vita.
235. An saltem detur imperfecta? Rationes dubitandi proponuntur.
236. Præmittuntur conditiones requisite ad beatitudinem etiam imperfectam.
237. &c. Statuitur: in moderno statu nat. nequidem imperfectam formalem inere naturalem beatitudinem ex solis nature viribus obtineri posse.
239. &c. Solvuntur contraria quæ opponi possunt.
242. &c. Satisfit reliquis instantiis Adversariorum.
244. Potest admitti imperfecta beatitudo natural. Iuatenus
Jus Nat. & Gent. M emi-

eminenter continetur in supernaturali inchoata, hæc enim in hac vita obtineri cum possit: consequens est posse & illam: non tamen aliter.

245. Scđ. *An beatitudo termino hujus vitæ sit clausa? Respondetur negative. Et enervantur contraria fundamenta.*

250. Scđ. *Quem fructum sperare possumus ex observantia legis nat.*

256. Scđ. *Quis intellectus sit axiomatis: Facienti quod ex se est, DEUS non denegat gratiam?*

§. 1.

Quid sit, & an detur in hac vita aliqua beatitudo?

233. **B**eatitudo Auctore Boetio est *status omnium bonorum aggregatione perfectus*, & juxta D. Th. est *centrum cuius possessio totaliter quietat & satiat appetitum rationalem*, sic, ut nihil amplius cum anxietate querendum superfit. Hinc illa dicitur *extremum & finis bonorum*, adeo ut hæc tria idem fere valeant, *Summum bonum: beatitudo: ultimus finis*. Hoc sensu Cicero scripsit quinque libros de *finibus bonorum & malorum*, id est de summo hominis bono & malo. Quod enim est *summum bonum hominis*, necessario est *ultimus ejus finis*, quia propter ipsum cetera sunt appetenda, ipsum vero bonum summum propter se: Qua in re consistit ratio ultimi finis. Rursum, quod est summum hominis bonum, in eo necesse est consistere ejus beatitudinem *formalem*, quæ nihil aliud est, quam *summi boni tranquilla possessio*.

Non est autem hic quæstio, an detur in hac vita aliqua perfecta beatitudo *objectiva*, certum enim est dari DEUM O. M. qui solus est objectum omnis felicitatis, & finis noster ultimus *adequatus*, non tantum supernaturalis: sed etiam naturalis, in illo enim solo reperire est omnes conditiones ad beatitudinem hominis *objectivam* requisitas, bonaque omnia cum perpetua stabilitate, per quorum possessionem homini potest *undequaque bene esse*, ita ut nihil amplius cum anxietate querendum superfit. Quæ ratio etiam pro statu *puræ naturæ* locum habet. In hoc enim quoque statu eadem foret capacitas naturalis tam intellectus, quam voluntatis: igitur pariter expleri haud posset, nisi bono universali continente omne bonum: eadem quoque forent bona creata, fluxa & defectuosa, quæ nunc sunt: Igitur nec illa possent sariare appetitum universalem & pacem boni infiniti, sicut non possunt nunc sariare in statu naturæ *elevatæ lapsæ ac reparatæ*.

Solum itaque quæritur hic, an detur beatitudo *formalis*

na-

naturalis? Imo neque venit hic in considerationem beatitudo *mere Civilis* consistens in pace publica, subordinatione Civium, & recta gubernatione Magistratum. Hæc enim tantum per similitudinem, & improprie beatitudo appellatur, cum pax & subordinatio illa *exterior* nequeat esse summum bonum, quod plene satiet appetitum rationalem &c. His suppositis.

234. Dicendum est. *Perfecta beatitudo formalis*, quæ omne malum, omnemque molestiam & miseriam excludat, nec datur in hac vita, nec obtineri potest. Quod ipsa experientia satis probat, quid quid Puffend. cum aliis in contrarium statuatur, nixus suo summo bono in *socialitate* humana errorne fundato, ac intra terminum vitæ hujus concluso. Nemo enim post peccatum Adæ unquam ita felix fuit in hac vita, quin multis doloribus & molestiis cum interius, tum exterius fuerit subjectus, teste Job c. 14. *Homo natus de muliere brevi vivens tempore, repletur multis miseriis*, quæ utique etiam *mere naturali* felicitati contrariæ sunt.

Ratio autem cur nemo in hac vita *perfecte* beatus esse possit, est: Quia perfecta beatitudo viribus humanis, sicut opes, & honores, obtineri nequit: sed a DEO tanquam præmium & merces bonorum operum expectanda. DEUS vero tanquam Remunerator statuit, ut tempus hujus vitæ sit destinatum certamini, quatenus unusquisque quamdiu in vitæ stadio versatur, usque ad extremum momentum possit illud præmium promereri: ac proinde etiam ab eo excidere. Quo posito decreto sane æquissimo & homini utilissimo, fieri non potuit, ut in statu naturæ lapsæ perfectæ beatitudinis præmium in hac vita mortali cuipiam daretur. Præmium enim certaminis non datur nisi finito certamine: atqui certamen non finitur nisi cum vita: Igitur præmium obtineri nequit nisi finita hac mortali vita, sicut & terminus viæ teneri nequit nisi decursa via.

Quo etiam facit, quod qualiscunque beatitudo *perfecta* hujus vitæ fingatur, illa in homine elevato ad finem *supernaturalem* non habeat rationem ultimi termini, seu perfectionis ultimæ consistentis in statu omnium bonorum aggregatione completo, vi cujus excludat omnem miseriam, talis proinde homo nunquam posset dici *simpliciter* beatus. Nulla itaque sive *naturalis*, sive *supernaturalis* beatitudo *perfecta* in hac providentia status naturæ lapsæ, durante mortali vita dari potest. Sed

§. I I.

An saltem detur imperfecta beatitudo mere naturalis?

235. **R**atio dubitandi est. Quia I.) dari potest in hac vita beatitudo aliqua *supernaturalis imperfecta* consistens in *possessione mere inchoativa* DEI, quæ haberi potest per virtutes theologicas fidei, spei, caritatis *suo modo* perfectæ, ac inde promanantem puritatem conscientie: per hæc enim immediate & summo modo unimur Deo, quantum fas est in hac vita, & infallibiliter disponimur ad perfectam beatitudinem: Atqui homo ita dispositus vere potest dici *inchoative* beatus, etsi in multis afflictionibus versetur. Vera enim & perfecta beatitudo in istis animarum bonis & dispositionibus tanquam in seminibus vel radice continetur, & per eas jus datur ad illam summam & perfectam felicitatem: Sicut igitur datur aliqua beatitudo supernaturalis, quam per gratiam DEI consequi possumus in hac vita, ita etiam statuenda est quædam beatitudo naturalis saltem *inchoativa*, quam *viribus nature* possimus adipisci per amorem DEI mere naturalem, & alias virtutes huic commensuratas.

II.) Cuilibet enim rei intra limites nature respondet sua completa perfectio, cujus naturaliter est capax, ad quam viribus nature potest pervenire; alioqui esset otiosa, utpote quæ nunquam posset intra limites nature perfici. Hinc apud Doctores est illa distinctio beatitudinis & ultimi finis in naturalem & supernaturalem: ac duplex illa consideratio DEI, quatenus scilicet iste finis est naturalis & supernaturalis hominis. Quæ distinctiones juxta Theologos locum habent etiam respectu Angelorum.

236. His dubitandi rationibus quo solidius satis fiat, præmitto ex n. 208.) Naturam humanam dupliciter spectari posse, *primo*) prout subest ordini præsentis providentiæ, sub quo nunc est a DEO constituta, & vocatur *natura elevata reparata*, seu status nature *humane elevate reparatæ*. *Secundo*,) prout subest alteri ordini, quem DEUS intra limites providentiæ naturalis ut Auctor nature *potuisset* instituire, & dicitur status *nature puræ*, seu non elevatæ, quem a n. 207.) probavimus esse mere possibilem.

Jam ad propositum quæsitum plerique sunt, qui beatitudi-

dinem naturalem etiam imperfectam absolute negant actu dari in hac vita, ex quibus post Solonem, Platonem, Senecam, & alios Ethnicos, Vassq. disp. 12. c. 3. ait: Nihil esse posse; neque in Angelis; neque in hominibus; quod nomen beatitudinis mereatur; nullamque esse, neque in hominibus, neque in Angelis naturalem aliquam beatitudinem. Idem tradit hic Theologus in 1. p. disp. 88. c. 1. & disp. 90. c. 14. cuius opinionis est etiam Less. nec pauci alii.

Quibus tamen contrariam tuentur Philosophi & Theologiper multi, quamvis nullus eorum indicare possit, quisnam ille ab Orbe condito fuerit, qui huiusmodi beatitudinem naturalem imperfectam consecutus sit, & in quo illa consistat? Cum autem non sit animus alterutram opinionem hic & nunc impugnandi, utraque tranquille relicta, viam mediam eligere placuit, ac proin:

237. l.) Verisimilius est in statu moderno naturę elevate ne quidem imperfectam beatitudinem formalem mere naturalem, id est solis naturę viribus obtineri posse. Ratio est, quia etiam naturalis beatitudo hæc quatenus esse debet actualis possessio & fructio summi boni, consisteret non in alio, quam in cognitione & amore DEI naturali, statui suo proportionatis; cum repugnet dari aliud bonum cuius fructio satiet appetitum rationalem: Ad quam beatitudinem hominis naturalem hæc quatuor requiruntur.

Primo Ut cognoscat DEUM primam omnium causam, & amet super omnia, quantum viribus naturę cognosci & amari potest. In hoc enim consistit summa hominis perfectio naturalis. Aristoteles quidem l. 10. Ethic. c. 7. solum contemperationis DEI meminit, & in ea constituit felicitatem, quia amorem amicitie erga DEUM ignoravit: sed hic plane necessarius est, ut voluntas quoque optimo modo perficiatur, & de ipsis bonis divinis gaudeamus.

Secundo) Ut secundum virtutem ita perfecte vivat, ut abstineat ab omni peccato, nam peccatum cum sit ingens miseria, magnumque luctum adferat, præsertim mortiferum, statui beatitudinis omnino repugnat, hinc de beatitudine hac naturali D. Ambros. L. 2. offic. c. 2. ait: Vitam beatam in cognitione Divinitatis & fructu bonę operationis, qua DEUS amatur & colitur, positam esse.

Tertio) Ut corpore etiam bene sit constitutus: morbi enim & dolores non parvę sunt miserię.

Quarto) Ut hæc omnia firmiter teneat. Si enim facile pos-

set amittere, semper esset anxius, nec ullum solidum gaudium percipere posset expectatione impendentis mali:

238. Atqui in statu naturæ elevatæ ac reparatæ assertæ conditiones non possunt ab homine *solis naturæ viribus* obtineri. Quia *primo* non potest ille ita vivere quin multis peccatis, morbis ac doloribus sit subjectus, quæ longe a statu vitæ beatæ abesse debent, plus enim ista continent amaritudinis, quam bona omnia naturalia dulcedinis. *Secundo*, quia ista bona firmiter teneri non possunt. Brevissimum enim illud tempus est, quo continenter contemplationi primæ causæ possumus intendere, & statim ad terrena, quæ sensibus sunt familiaria, relabimur. Unde necesse est illud, in quo potissimum be titudo collocanda erat, mox evanescere, quod tamen debet esse maxime stabile & *perpetuum*, vel saltem *diuturnum*. Pari modo gaudium animi & bona corporis firmiter teneri non possunt, præsertim in tot adversis, tantaque hujus vitæ brevitate & fragilitate.

Igitur ex *solis naturæ viribus* ne quidem *imperfecta* beatitudo naturalis reperi & acquiri potest. Cum ob continuam & insuperabilem miseriarum vicissitudinem *nunquam illa inchoari* queat solo naturæ auxilio. Alioqui in statu hoc elevatæ naturæ innatis & *propriis* viribus per *naturalem* amorem DEI super omnia, & per alias virtutes *naturaliter* inchoatas *positive* disponderetur homo ad beatitudinem etiam supernaturalem tanquam ad finem suum ultimum adæquatum, ad quem creatus & elevatus est: Porro dispositio hæc superat vires naturæ, quæ ad supernaturalia se per seipsam erigere nequit ita, sicut avis alis destituta nequit volare. Ac proin dispositionem hanc rationalis natura a supernaturali auxilio expectare debet, quod nunquam deest ei, qui non ponit obicem.

239. II.) Imo, non solum *viribus naturæ* felicitas hæc *naturalis* in hac vita obtinere nequit: Sed neque etiam *auxilio gratiæ*, quæ in *præsenti providentia* datur, illa acquiri *saltem perfecte* potest. Quia gratia hæc non est ejusmodi, ut per eam continuo rerum divinarum contemplationi vacare, & omnia peccata ac simul omnes morbos, dolores & mæiores possimus cavere.

Quodsi loquamur de hac eadem beatitudine obtinenda *via* meritum; adhuc neque hic eam *perfecte* consequi possumus: Quia nulla sunt merita, quibus beatitudo *naturalis* per se & separatim a beatitudine supernaturali sit debita; verum

rum omnia merita justorum tendunt ad beatitudinem supernaturalem, in qua naturalis *eminenter* includitur, eorum autem qui se ad DEUM convertere serio nolumus, opera naturaliter bona, licet iustitia divina compenset plerumque in hac vita aliquo felicitatis temporalis gradu, v. g. contemplatione scientiarum naturalium, numerosa prole, honoribus ac divitiis, vel longa & incolumi valetudine aut honoribus, &c.

Nihilominus hæc & similia nequidem *inchoatæ & imperfectæ* beatitudinis naturalis nomen mereri proprie possunt, cum peccata quibus illi gravati sunt, conjuncta vitæ brevitati, & continuo miseriarum variarum periculo, ac innatis homini anxietatibus, longe præponderent bonis illis, quæ a DEO iustitiæ mere naturalis Remuneratore accepisse dignoscuntur. Et cum *bonum* non sit, nisi fuerit *ex integra causa*: *malum* autem æstimetur *ex singulis defectibus*; hinc per felicitatem illam, quam peccator in hac vel illa re experitur naturaliter, non potest dici inchoasse beatitudinem. Nam inchoatio hæc non tendit ad felicitatem omni bonorum aggregatione perfectam, qualem intelleximus hic supra in rationibus dubitandi, quibus satisfacit per ea, quæ jam dicta hucusque sunt. Argumenta enim illa contraria in *solo statu puræ naturæ* aliquem locum haberent; ut constabit adhuc ex mox dicendis.

240. III.) Si autem loquamur de *statu* mere hypothetico, scilicet *naturæ puræ*, non elevatæ ad finem supernaturalem, in hoc posset homo aliquo modo suam beatitudinem *solis naturæ viribus* obtinere. Quia potuisset DEUS hominem condere ad aliquem finem, qui limites naturæ non excedit, & tali providentia eum regere, ut hunc finem posset mereri; & simul cum solo *ordinario* concursu divino sine auxilio supernaturali cavere omne peccatum: vel si peccaret; poenitentia quadam naturali resurgere, condonatione peccati gratis ad talem poenitudinem obrenta. Quibus positis, si homo illam felicitatem eo modo quo poterat, bene operando meruisset, illa debita fuisse ex ordinatione divina. Atque hoc sensu & pro hypothetici status *puræ naturæ* concedi potest hominem *viribus naturæ* posse suam beatitudinem naturalem consequi, & distinctionem illam duplicis finis, & duplicis beatitudinis *numer. 235.* in rationibus dubitandi allatam in hac suppositione admittere nihil prohibet.

241. An autem in hoc *puræ naturæ* statu totus homo esset futurus beatus, an solus *tantum animus*; consequenter animalis beatitudo dicenda foret perfecta, an vero imperfecta? est quæstio pure speculativa, in utramque partem disputari solita, quam relinquimus Theologis, ac Ethicis. Hic id solum non est intermittendum, quod ait Suar. tr. de Beatit. d. 4. S. 3. n. 4. *naturalem beatitudinem non mereri nunc beatitudinis nomen absolute dicere, quia in homine elevato ad finem supernaturalem illa non habet rationem ultimitermini, seu perfectionis ultimæ, propter quod si aliquis homo fortasse illam habere posset absque alia (ut aliqui existimant de pueris excedentibus in solo originali peccato) non posset dici simpliciter beatus, NB. sed potius MISER, quia creatus est &c. &c.*

Si autem non obstante imperfecta beatitudine illa naturali (quam plerique adstruunt) adhuc MISER est, igitur frustra dicitur vel *imperfecte* beatus. Neque enim citra antilogiam intelligi potest beatitudo illa paradoxa, quæ staree simul cum miseria. Multo minus intelligi potest illa, quæ guttulam habet felicitatis naturalis, oceano autem amaritudinis cingitur; qualis est vita nostra in statu hoc *naturæ lapsæ*, si in eo constituti de beatitudine loquamur mere *naturalibus viribus* comparanda sine auxilio gratiæ, & virtutum theologicarum supra hic n. 205.) expositarum, quæ beatum efficiunt.

242. Nec obstat, quod cum hodierni, tum antiqui Philosophi admittant aliquam beatitudinem mere naturalem: Nam quod modernos concernit, isti si putent cum exclusionem omnis auxilii gratiæ, viribus mere naturalibus ac *cum solo ordinario Dei concursu* eam posse obtineri, aut errant, aut pure speculative, & de sola *physica*, non item *moralis* potentia, neque *proprie* loquuntur; aut demum si pro statu mere hypothetico *puræ naturæ* ita philosophantur, nihil contra nostram assertionem concludunt, ut jam patet ex n. 240.) Neque enim inutili occupamur hic & nunc quæstione indagando, quid fieret in statu *puræ naturæ*? verum potius inquiremus de beatitudine naturalis status *naturæ elevate* a suo lapsu reparatæ, saltem *imperfectæ*, & eam negamus posse obtineri modo prædicto. Quia beatitudo etiam *naturalis* consistit in cognitione & amore DEI perfectio, dicente D. Ambrosio, hic sup. n. 237.) amorem autem *naturalem* consistere in *plena* observantia legis nat. nemo prudens dubitaverit: Atqui in statu *naturæ lapsæ* homo licet propriis viribus po-

ten-

sentia physica possit servare totam collective legem nat. nequit tamen moraliter diu servare eandem sine gratiæ auxilio, juxta illud Sap. 8. *Scrivi quoniam aliter non possem esse continens, nisi DEUS det: igitur &c.*

243. Quod autem ad Ethnicos Philosophos attinet: illi super hac quæstione in diversas abierunt sententias. Solon enim docuit beatitudinem contingere homini tantum post mortem. Plato in *Cratyl.* & *Phædon.* clarius asseruit eam reservari in sæculum futurum. Illi itaque prudentiores Philosophi beatitudinem inchoatam, ac præsentis vitæ in sola spe futuræ felicitatis reponebant.

Aristoteles quidem 1. *Ethic.* c. 20. his videtur contrarius esse, ubi significat naturalem beatitudinem in hac vitæ esse comparandam: sed ubi subjungit: hic esse aliqualem beatitudinis modum, manifeste convincitur sentire cum Platone, quod tota hujus vitæ beatitudo consistat in spe futuræ felicitatis. Quæ tamen spes beatitudinis naturalis non recte dicitur beatitudo imperfecta naturalis: sicut spes divitiarum non recte dicitur divitiæ, spei enim objectum est bonum absens, vel mere futurum: contra autem beatitudinis actualis debet esse objectum præsens, &c. spes enim beatitudinis non satiat: sed irritat & inquietum reddit appetitum rationalem: porro omnis inquietudo repugnat beatitudini formali.

Quidquid autem sit de Ethnicorum hac in re opinionibus, id certum est, quod illi nullam ideam habuerint status naturæ elevate ac reparatæ; sed conceptus illorum fuerint mere abstracti, & cum naturali lumine plerique eorum judicarent animam hominis esse immortalem, concludebant: post ejus migrationem e corpore tot miseriis obnoxio, debere dari aliquam felicitatem, qua spiritus solus frueretur. Atque adeo etiam naturalem beatitudinem futuram tantum admittebant, spe sola ejus contenti & beati interim in hac vitæ. Unde etiam omnes dicimus: beatitudinem naturaliter appeti, seu desiderari; cum nemo Mortalium sit, qui eam non exoptet.

244. Theologi autem & Naturalistæ, qui tradunt dari aliquam beatitudinem naturalem, intelligendi sunt loqui improprie, nempe de beatitudine Civili consistente in pace externâ & subordinatione Magistratibus &c. vel de mera capacitate humanæ naturæ, qualis posset actu beata effici in statu puræ naturæ: aut si loquantur pro statu naturæ etiam

241. An autem in hoc *puræ naturæ* statu totus homo esset futurus beatus, an solus *tantum animus*; consequenter an talis beatitudo dicenda foret perfecta, an vero imperfecta? est quæstio pure speculativa, in utramque partem disputari solita, quam relinquimus Theologis, ac Ethicis. Hic id solum non est intermittendum, quod ait Suar. tr. de Beatit. d. 4. S. 3. n. 4. *naturalem beatitudinem non mereri nunc beatitudinis nomen absolute dicere, quia in homine elevato ad finem supernaturalem illa non habet rationem ultimi termini, seu perfectionis ultimæ, propter quod si aliquis homo fortasse illam habere posset absque alia (ut aliqui existimant de pueris excidentibus in solo originali peccato) non posset dici simpliciter beatus, NB. sed potius MISER, quia creatus est &c. &c.*

Si autem non obstante imperfecta beatitudine illa naturali (quam plerique adstruunt) adhuc MISER est, igitur frustra dicitur vel *imperfecte* beatus. Neque enim citra antilogiam intelligi potest beatitudo illa paradoxa, quæ stare simul cum miseria. Multo minus intelligi potest illa, quæ guttulam habet felicitatis naturalis, oceano autem amaritudinis cingitur; qualis est vita nostra in statu hoc *naturæ lapsæ*. si in eo constituti de beatitudine loquamur mere *naturalibus viribus* comparanda sine auxilio gratiæ, & virtutum theologicarum supra hic n. 205.) expositarum, quæ beatum efficiunt.

242. Nec obstat, quod cum hodierni, tum antiqui Philosophi admittant aliquam beatitudinem mere naturalem: Nam quod modernos concernit, isti si putent cum exclusionem omnis auxilii gratiæ, viribus mere naturalibus ac *cum solo ordinario Dei concursu* eam posse obtineri, aut errant, aut pure speculative, & de sola *physica*, non item *moralis* potentia, neque *proprie* loquuntur; aut demum si pro statu mere hypothetico *puræ naturæ* ita philosophantur, nihil contra nostram assertionem concludunt, ut jam patet ex n. 240.) Neque enim inutili occupamur hic & nunc quæstione indagando, quid fieret in statu *puræ naturæ*? verum potius inquiremus de beatitudine naturalis status *naturæ elevatæ* a suo lapsu reparatæ, saltem *imperfectæ*, & eam negamus posse obtineri modo prædicto. Quia beatitudo etiam *naturalis* consistit in cognitione & amore DEI perfectio, dicente D. Ambrosio, hic sup. n. 237.) amorem autem *naturalem* consistere in *plena* observantia legis nat. nemo prudens dubitaverit: Atqui in statu *naturæ lapsæ* homo licet propriis viribus po-

ten-

tentia physica possit servare totam collectivè legem nat. nequit tamen moraliter diu servare eandem sine gratiæ auxilio, juxta illud Sap. 8. *Scivi quoniam aliter non possem esse contentus, nisi DEUS det: igitur &c.*

243. Quod autem ad Ethnicos Philosophos attinet: illi super hac questione in diversas abierunt sententias. Solon enim docuit beatitudinem contingere homini tantum post mortem. Plato in *Cratyl.* & *Phædon.* clarius asseruit eam reservari in seculum futurum. Illi itaque prudentiores Philosophi beatitudinem inchoatam, ac præsentis vitæ in sola spe futuræ felicitatis reponebant.

Aristoteles quidem 1. *Ethic. c. 20.* his videtur contrarius esse, ubi significat naturalem beatitudinem in hac vita esse comparandam: sed ubi subjungit: hic esse aliqualem beatitudinis modum, manifeste convincitur sentire cum Platone, quod tota hujus vitæ beatitudo consistat in spe futuræ felicitatis. Quæ tamen spes beatitudinis naturalis non recte dicitur beatitudo imperfecta naturalis: sicut spes divitiarum non recte dicitur divitiæ, spei enim objectum est bonum absens, vel mere futurum: contra autem beatitudinis actualis debet esse objectum præsens, &c. spes enim beatitudinis non satiat: sed irritat & inquietum reddit appetitum rationalem: porro omnis inquietudo repugnat beatitudini formali.

Quidquid autem sit de Ethnicorum hac in re opinionibus, id certum est, quod illi nullam ideam habuerint status naturæ elevate ac reparatæ; sed conceptus illorum fuerint mere abstracti, & cum naturali lumine plerique eorum judicarent animam hominis esse immortalem, concludebant: post ejus migrationem e corpore tot miseriis obnoxio, debere dari aliquam felicitatem, qua spiritus solus frueretur. Atque adeo etiam naturalem beatitudinem futuram tantum admittebant, spe sola ejus contenti & beati interim in hac vita. Unde etiam omnes dicimus: beatitudinem naturaliter appeti, seu desiderari; cum nemo Mortalium sit, qui eam non exoptet.

244. Theologi autem & Naturalistæ, qui tradunt dari aliquam beatitudinem naturalem, intelligendi sunt loqui improprie, nempe de beatitudine Civili consistente in pace externâ & subordinatione Magistratibus &c. vel de mera capacitate humanæ naturæ, qualis posset actu beata effici in statu puræ naturæ: aut si loquantur pro statu naturæ etiam elevatæ.

elevatę, ac pręsenti providentia, loquuntur de beatitudine naturali, quatenus hæc *eminenter* continetur in supernaturali, tum hic *inchoata* modo supra n. 235.) exposito, tum continuanda in felici termino, quem expectamus. De tali quippe naturali felicitate Suar. l.c. ex D. Th. loquitur: *Non potest homo nunc non esse capax illius beatitudinis, seu perfectionis, quam haberet in puris naturalibus, quia nunc est eadem natura, & consequenter eadem capacitas: unde cum gratia non destruat naturam: sed perficiat, non privat illam hac perfectione naturali. Et ita certum est in supernaturali beatitudine habiturum hominem omnem perfectionem sibi connaturalem, quomodo probat D. Th. 1. p. q. 12. a. 12. hominem videntem DEUM non privari cognitione naturali DEI, quin potius maxime in illa perfici, & idem proportionaliter est de amore: Porro cum amore DEI solis viribus naturalibus elicitio nemo DEUM videre potest.*

Colligis: non negari a nobis beatitudinem naturalem *imperfectam*: sed negari eam *viribus solius nature* ac cum *solo concursu DEI ordinario* posse obtineri: Cum *extraordinario* autem, quo DEUS ex singulari sua providentia conferret homini dona ac privilegia etiam *mere naturalia*, quibus adjuvus implearet condiciones n. 237.) explicatas ac ad naturalem beatitudinem requisitas, dubio locus non est, cum, ne dum *imperfectam*: sed etiam *perfectam mere naturalem* beatitudinem consequi posse. Et in hoc sensu contraria sententia *imperfectam* naturalem beatitudinem admittens potest sustineri ut vera. Alioqui Vasquezii opinio n. 236. relata merito præferenda est.

§. III.

Utrum beatitudo naturalis termino hujus vite conclusa sit ultimus & adequatus finis actionum moralium?

245. **C**Ardo quęsiti hujus in eo vertitur, an lex nat. ideo præcise observanda sit, ut in hac vita felices simus? Post Epicuręos & Atheos affirmat Puffendorf. pro fine adequato actionum moralium adstruens solam felicitatem *mere civilem*, seu hujus vite termino conclusam. Hinc enim Naturalista contra Josue Schovartzium in Apolog. f. m. 60. ait: *Jus nature, quod hoc libro traditur, ex lumine rationis cognoscitur, & tranquillitatem hujus vite pro fine ultimo habet. Et cum alibi sæpius, tum in Epist. ad Amicos f. m.*

III. dicit: *Juris naturalis*, quatenus peculiarem disciplinam constituit, cujus principium est unicum lumen rationis, finis ac usus intra terminos hujus vite coercetur, quod etiam de Religione naturali intra terminos hujus vite conclusa docet, ut retulimus n. 220.) Fundamentum doctrinæ hujus in cit. Epist. Ad amicos, & in præfation. de Offic. homin. & civ. §. 3. tum alibi passim adstruit ille: Quia alterius vite felicitas est æterna, & nonnisi supernaturali lumine cognita, spectatque ad *Theologiam moralem*, non autem ad jus naturæ.

246. Opinio hæc si vera esset; everteret legem naturalem. Quia I.) sicut recte disposita ratio convincitur, ac probe intelligit dari DEUM O. M. naturæ Auctorem, eumque justum, ac proin Remuneratorem bonorum & malorum: animam item humanam esse immortalem capacem præmii & pænæ æternæ, ita dicitur quoque dari post mortem aliquod præmium *observantibus legem nat.* & pænam infligi eam libere *violantibus*: Admissa autem excentrica opinione Puffendorffii, quod scilicet homo pro sua legis nat. observantia nihil habeat quod speret; & pro transgressione nihil a quo timeat in *futura vita*: sequitur non dari ullum præmium æternum neque pænam in hoc naturæ statu, quo vivimus: consequenter neque animam esse immortalem, neque DEUM Remuneratorem bonorum & malorum *animæ spirituali* correspondentium. Quem errorem, Epicuræos & Atheos si excipias, neque prudentiores Ethnici asserere aucti sunt.

II.) Imo excluso timore pænæ æternæ, nisi quis ita natus institutusve sit, ut insignem in virtute voluptatem, & in vitiis molestiam inveniat (quod non cuivis est datum) nulla ratione a magno scelere deterrebitur, quo minus temporanea hæc bona per fraudes, rapinas, usuras, vim & metum aliave crimina, impune sibi comparare audeat, ut Puffendorffiana beatitudine brutis communi frui possit: bonus autem, ex iis præsertim Philosophis, qui divitias contempserunt, nullum illicitum haberet ad perficiendam virtutem, negato præmio æterno. Et tamen etiam juxta ethnicum Poetam:

Oderunt peccare boni virtutis amore:

Oderunt peccare mali formidine pænæ.

247. Demum III.) Nemo ambigit impios legis natur. transgressores plures reperiri, qui opibus, numerosa prole, longa & incolumi vita donati temporali hac beatitudine felices

tes se existiment; juxta illud Jerem. 12. v. 1. *quare via impiorum prosperatur?* Dantur autem e contrario multi legis nat. observandæ studiosissimi, qui tamen carent hujusmodi beatitudine vitæ hujus termino conclusa, dies suos in summa rerum penuria & cædiis animi viventes: Istorum igitur vana & sine omni præmio esset virtus tam in hac, quam in futura vita; illorum autem impietas & legis naturalis transgressio beata foret, utpote bonis hujus vitæ & solatiis aucta: Puffendoriana itaque beatitudo non in observatione, sed potius in transgressione legis naturalis consistere deberet, & DEUS impius in hac vita bearet, *naturaliter* autem justus, neque in hac neque in altera. Verbo: everteretur finis *naturæ elevatæ*, quo DEUS hominem creavit non ad felicitatem hujus vitæ curriculo clausam: sed ad æternam. Neque finis hic ideo desinit, quod aliquis rudis, vel impius ignoret, aut nolit intelligere se ad eum creatum esse.

248. Fallitur adhuc IV.) Puffendorsius cum suis sequacibus, quod beatitudo hujus vitæ *angustiis conclusa* nomen beatitudinis mereatur, cum illa in solis terrenis objectis & civili felicitate sita nullo modo rationalem appetitum exsatiaret, quinimo irriter eundem & inquietum reddat: Finis proin ultimus & adæquatus actionum moralium in ea sola constitui prudenter nequit: Sed potius hic statuendus esset in ipso DEO, qui est centrum & unicum beatitudinis *etiam naturalis* objectum: Melius hac in parte ratiocinante D. Aug. de constantia l. 1. c. 4. & 5. qui diversas Philosophorum de beatitudine opiniones perpendens ait: *Dicebat Epicurus, mihi frui carne bonum est: dicebat Stoicus, mihi frui mea mente bonum est: dicebat Apostolus, mihi autem adherere DEO bonum est: Errat Epicurus (& cum eo Puffendorsius) fallitur Stoicus; tunc enim recte anima vivit, si non secundum carnem, neque secundum se ipsam vivit: sed secundum DEUM: Sicut enim anima carnis, ita DEUS anima vitæ est.*

Ita Beatus hic juris nat. interpretes sentit de vera felicitate naturæ rationalis, qui dein in l. 14. de Trinit. c. 9. docet, justitiam hominis, naturalem non concludi hujus vitæ termino: sed eam in beata æternitate perfici, ubi explicans verba Ciceronis hunc in modum loquitur: *Ea est natura, quæ creavit omnes ceteras instituitque naturas, huic Regenti (naturæ) esse subditum si justitia est, immortalis est omnino justitia, NB. nec in illa esse beatitudine desinet: sed talis ac tanta erit, ut perfectior ac major esse non possit: Igitur non ex-*
pirat

pirat cum hac vita, nec ejus curriculo clauditur, uti errat Puffendorfius.

249. Nec facit ad rem contraria Protestantici Naturalistæ ratio; quod alterius vitæ felicitas sit æterna, & nonnisi supernaturali lumine cognita. Id enim alterum falsum esse probarunt ipsi Ethnici, qui pro salute patriæ prodegerunt vitam & opes, in quibus maxima pars beatitudinis Puffendorfianæ sita est: nisi igitur solo naturali lumine instructi æternam felicitatem sperassent, stulte temporaneam contempnissent. Et liquet ex Solone, Platone, Seneca hic n. 236.) laudatis Philosophis, qui præter æternam, nullam aliam dari docuerunt beatitudinem, & tamen ex revelatione divina notitiam hujus æternæ felicitatis non habuerunt: Igitur non ex solo supernaturali lumine idea illius haberi potest. Ac patet in simili exemplo. Præterquam enim quod ex lumine fidei credamus DEUM O. M. existere; etiam naturali ratione dari eundem demonstrant Philosophi &c.

A primo itaque ad ultimum, naturalis beatitudo est finis solum *inadequatus* obligationis naturalis, & actum humanorum moraliter rectorum, ultimus vero ac *adequatus* cum omni felicitate in DEO reponendus est, etiam qua naturalis.

§. IV.

Quem fructum sperare homo possit ex observantia legis naturalis?

250. **U**tilissima quæstio hæc resolvitur in hanc alteram: an scilicet lex nat. sit medium aliquod perveniendi ad DEUM qua finem nostrum ultimum & adequatum. Quotquot enim sædi errores Seldeni, Hobbesii, Grotii, Puffendorfi, Thomassii, VVolfii & similium Juris nat. Scriptorum in naturalem Jurisprudentiam irrepsisseprehenduntur, iis animum dedisse videtur, non tam forte malicia, quam hujus dubii resolvendi ignorantia. Illorum quippe cerebrum erronea præoccupavit opinio, quod legis nat. observatio nullam prorsus connexionem cum æterna beatitudine obtinenda habere possit eo, quia in hoc *nature elevate* statu æterna beatitudo aliter quam supernaturalis gratiæ auxilio obtineri nequit, & Ethnici ac Infideles legem natur. obser-

observant sine ulla revelatione supernaturali de aliqua felicitate æterna.

Hinc ortum traxit ille error quo plerique Protestantium Moralistæ DEUM pariter ac directionem internam legis nat. excluderunt a Jurisprudencia naturali: Unde religio solius intellectus lumine cognita, & beatitudo naturalis ultra terminum hujus vitæ non se extendit ulterius: hinc Theologia naturalis juxta ac Moralis, sacra scriptura naturales obligationes declarans: imo & officia nostra DEUM concernentia procul a disciplina naturali exesse ab ipsis jussa sunt, ut liquet ex doctrina Puffendorffii de offic. homin. & civ. l. 1. c. 4. §. 8. dicentis: *Certum est effectum hujus religionis naturalis præcise & pro præsentis hominum conditione considerare intra spheram hujus vitæ terminari, ad æternam autem salutem nanciscendam nunquam valere.*

Paucis: quiddid absurdi in naturalem actuum moralitatem, Protestantium scribendi libertas & pruritus invexit, omnia hæc ex isto crassæ ignorantie fonte emerferunt, qui ut facilius obstruatur, descendimus jam ad propositæ questionis decisionem.

251. Certum sit itaque, ex accurata legis nat. observatione hoc sequi commodum: quod etiam Gentilis homo, cui vera revelata Religio, & leges DEI positivæ ignotæ sunt, possit salvari, si illam observet. Quamvis enim natura humana ad finem & statum supernaturalem solis propriis viribus, absque gratiæ auxilio se evehere nequeat, dicente D. Aug. l. de prædest. c. 2. *Quod ad religionem pietatemque attinet, non esse nos sufficientes cogitare aliquid boni ex nobis, quasi ex nobis; nihilominus si Ethnicus quispiam rite secutus fuerit innatum lumen, & fecerit quantum in se est, stando præceptis naturalibus; DEUS infinite bonus, qui hominem condidit ad gloriam suam extrinsecam, perfectionesque suas in eo manifestandas, & elevavit eum ad finem supernaturalem, ne illum ordinasse videatur ad tam sublimem scopum sine mediis idoneis, subministrabit alia media, quibus ad salutem perveniat.*

Submittet enim DEUS aut Apostolum aliquem, qui instruat, & ad verum DEI cultum perducatur, aut Angelum, qui viam veritatis doceat, vel certe illustrationibus internis eum ipse ita erudiet, atque intellectum illuminabit, ut verum DEUM, & modum rite eum colendi agnoscat, inflammabitque voluntatem, ut Auctorem suum increatum, amet,

amet; colat, sic autem Baptismi gratiam & dein salutem consequatur!

Quam ob rem D. Th. q. 14. de Verit. a. 11. ad 1. ait: Si quis in silvis ductum luminis naturalis sequatur, in appetitu boni & fuga mali, certissime tenendum est, quod ei DEUS vel per internam inspirationem revelaret ea, qua credenda sunt, vel aliquem fidei prædicatorem ad eum dirigeret, sicut misit Petrum ad Cornelium, Act. 10.

Et habemus etiam inter plura alia exemplum in Eunuchò Regine Candacis, qui venerat adorare in Jerusalem, Act. 8. Et in Sergio Paulo Proconsule, homine adimplente legem nat. qui subin credidit admirans super doctrina Domini, ib. c. 12.

Quod ipsum exemplum præbent Macedones saltem aliqui, ad quos per visum missus est Paulus, ibid. c. 16. et si prius prohibitus a Spiritu S. adiret Bythiniam; Magi venientes ab Oriente, & sic de aliis, quos nobis vetus etiam Testamentum exhibet, veluti de Jobo Idumæo, Jetro Madianita primo ex alienigenis, qui obtulit holocausta & hostias DEO &c.

Recte proin D. Aug. de temp. Christi relig. & idem de prædest. c. 9. ait: Salus Religionis hujus, per quam solam veram salutem vera veraciterque promittitur NULLI UNQUAM defuit, qui dignus fuit, & cui defuit, dignus non fuit.

252. Reclamat quidem his Puffendorfius loc. cit. dicens: Si naturalis legis observatio se extenderet ad vitam alteram, deberet esse salvifica, adeoque daretur via salutis æternæ extra Christum.

Verum clamor hic vox est, prætereaque nihil. Quia si naturalis legis observatio, qua mere naturalis est & ex solis naturæ viribus proveniens se extenderet efficaciter ad vitam alteram; utique certum est eam debere fore salvificam, & dari viam salutis æternæ extra Christum, quod repugnat huic providentiæ, & naturæ statui elevato, æque ac verbis ipsiusmet Christi D. Joan. 6, v. 44. Nemo potest venire ad me, nisi Pater, qui misit me, traxerit eum.

Et ratio est, quia omnis actus mere naturalis est ordinis inferioris; igitur per se non refertur ad finem supernaturalem, ac proin opus est aliis actibus supernaturalibus, qui per se ad eum finem referantur. Hanc ob causam Catholicum est dogma, quod dispositio ultima, seu proxima ad gratiam sanctificantem, per solas vires naturæ, sine aliquo gratiæ auxilio haberi non possit, atque adeo sine aliqua gratiæ excitante interna nullus peccator converti potest.

test ad DEUM ita, ut ei justificationis gratia conferatur.

253. Hinc recte mendacii arguitur *Melanchton*, qui in *Apolo-
gia Confessionis Augustanæ* art. 18. de liber. arbitr. de Catho-
licis Theologis absolute pronunciat, quod sentiant homines
non solum sine Spiritu sancto posse DEUM diligere, & præce-
pta DEI facere quo ad substantiam actuum: Sed etiam mere-
ri gratiam ac justificationem operibus, quæ ratio per se efficit
sine Spiritu sancto.

254. Contraria enim Catholica doctrina est, quod nec re-
mota dispositio, quæ per se ac sua natura ad gratiam san-
ctificantem, vel etiam ad dispositionem ultimam aptat & di-
sponit, ut sunt actus fidei, spei, actus attritionis, timoris
servilis &c. ac denique ipse etiam affectus credendi, solis
naturæ viribus sine gratiæ prævenientis auxilio elici aut ha-
beri possit. Unde quod aliquando in Scriptura legamus et-
iam opera bona moralia habere effectum supernaturalem, ut
*Tob. 4. v. 11. Eleemosyna ab omni peccato & a morte libe-
rat: Tum Dan. 4. v. 24. Peccata tua eleemosynis redime: De-
mum Abd. 10. v. 3. Orationes tuæ & Eleemosynæ tuæ ascen-
derunt in memoriam in conspectu DEI*; non est intelligendum
de ejusmodi operibus, quatenus præcise ex viribus naturæ
procedunt: sed quatenus mediante auxilio gratiæ oriuntur ex
fide & spe obtinendi ejusmodi effectum.

255. Fallitur proin & fallit incautos Lectores tuos *Puf-
fendorfius* cum sequacibus, quod legis nat. observatio quæ me-
re naturalis est, & quatenus ex solis naturæ viribus proveniens
se efficaciter extenderet ad salutem æternam a Gentili conse-
quendam. Nam iste hoc casu, pariter ac supra vidimus de
Cornelio, Eunuchis, Sergio Paulo, non ex solis naturæ propriis
viribus: sed auxilio supernæ gratiæ prævenientis, excitantis
ac illustrantis trahitur ad DEUM verum agnoscendum, Re-
ligionem salvificam amplectendam, ac dein salutem æter-
nam, mediante vita veræ Religionis conformata ulterioribus
gratiarum auxiliis adjunctis consequitur.

256. Verum itaque ac inconcussam Theologis juxta ac
Naturalistis prudentioribus commune axioma est: *Si homo
facit quod in se est, DEUS ei non denegat gratiam*. Et quam-
vis circa axiomatis hujus genuinum intellectum disputent
Scholastici DD. aliis interpretantibus: *Si homo facit quod in
se est per vires nature, DEUM daturum illi gratiam, id est au-
xilia supernaturalia, quibus sensum majorem, ac tandem justitiam*
obti-

obtinere possit. A contrario autem non paucis ex D. Th. r. 2. q. 109. art. 6. ad 2. allegantibus: *Cum dicitur homo facere quod in se est, dicitur hoc esse in potestate hominis, secundum quod est motus a DEO*, quæ altera interpretatio etiam auxilium DEI inspirantis bonum propositum comprehendit.

Eodem modo exponit allatum axioma D. Bonav. in 2. d. 28. a. 2. q. 1. ad 4. ubi ait: *Liberum arbitrium gratia destitutum potest facere quod in se est, faciendo quod potest, quamvis illud non sit ordinatum ad gratiæ susceptionem*. Atque altera hæc interpretatio communior est, docens, facienti cum auxilio gratiæ prævenientis jam exhibito, quod in se est, DEUM ulteriora auxilia, quæ præterea ad salutem necessaria sunt, non denegaturum. Idque post alia fundamenta ex Scriptura petita, etiam desumitur ex D. August. l. 2. contra duas Ep. Pelagii c. 9. dicentis: *Avertat DEUS hanc amentiam, ut in donis DEI nos priores faciamus, posteriorem ipsum*.

Nihilominus illi Doctores Catholici, qui juxta priorem interpretationem asserunt, DEUM facienti quod potest per vires naturæ, non deesse, semipelagiani erroris minime damnari possunt. Qui enim ita docent, non excludunt auxilia actualia gratiæ, seu specialis providentiæ DEI: sed solum gratiam habitualem, quæ ante se supponit in adulto alias adhuc gratias supernas, nempe illustrantes, prævenientes ac excitantes ad bonum, per quas ad habitualement disponitur.

257. Quo etiam facit, quod aliud sit dicere: DEUM non deesse, seu gratiam conferre ex solis viribus naturæ facienti quod in se est: & aliud sit asserere; DEUM non deesse, seu gratiam conferre facienti quod in se est per vires naturales, seu per sua naturalia opera. Hæc enim altera verba non excludunt auxilium actualis gratiæ sicut priora. Unde etiam Gerson. tr. de vita Spir. illud: *facere quod in se est*, ita explicat, ut nihil aliud sit, quam *facere quod homo potest secundum vires, quas actualiter habet*. Ita enim faciens non ponit ullam positivam dispositionem ad gratiam super-naturalem: sed mere negative se disponit, quatenus amovet obstaculum gratiæ.

Cum igitur v. g. Gentilis naturales vires suas diligenter impendat ad observandam legem nat. & se abtineat a transgressione illius, hoc casu faciens viribus naturæ quod
Jus Nat. & Gent. N potest

potest, & eliciens actum omni ex parte honestum, eliciet hunc simul supernaturalem circa idem objectum formale per auxilium gratiæ, quod semper adest; non quidem ex merito istius conatus per vires naturæ: sed antecederet ad illum vi liberalissimæ DEI providentiæ supernaturalis, quæ quantum in se est, serio vult omnes salvare.

Hæc si non ignorasset Puffendorpius cum suis Amanuensis, naturalis legis observantiam fluxu hujus vitæ ambitu erronee non conclusisset. Qui etiam errore suo contra naturalem & dogmaticam Theologiam asserto provocavit nos, ut ultra nostrum propositum, pro confutatione ejus ad Theologiam de gratia DEI tractantem recurrere coacti simus.

S E C T I O II.

De obligationibus & officiis Jure naturæ debitæ DEO, nobis ipsis, & proximo.

C A P U T I.

De officiis hominis erga DEUM theoreticis.

A R T I C U L U S I.

De officio Religionis naturalis in genere.

S U M M A R I U M.

258. Connexionis ratio, Officii erga DEUM, & religionis nat. definitio exponitur, cum distinctione Officiorum Theoreticorum a practicis.
259. &c. Divisio Officii in perfectum & hypotheticum.
261. &c. An Jus natur. obliget hominem ad inquirendam de DEO notitiam? Resp. affirmativa.
264. &c. Confutatur ratio contraria.
266. Inferitur: non debere a DEO abstrahi in tradendo & scribendo Jure nat.
267. &c. An DEI existentia sit lumine natur. nota: & sub quo conceptu?
270. An possit intervenire ignorantia invincibilis circa multitudinem Deorum?
271. An lex natur. præcipiat veram Religionem & cultum DEI naturalem? Refertur error Gentilium.

272. Et etiam Puffendorffii.

273. Contraria his opinio est absolute certa.

274. Declaratur ratione & Auctoritate Lactantii &c.

§. I.

Quid, & quotuplex sit officium hominis? quid Religionis naturalis?

258. **S**ectione præcedente egimus de principiis constitutivis & indicativis Juris nat. hujusque effectui, statu, fine ac obligationibus in genere, jam habita istorum omnium notitia, examinatisque prolegomenis, descendimus ad obligationes specificas ac officia particularia legis naturalis, indagaturi quid Jure hoc debeamus DEO, nobis ipsis, & proximo, seu Societati, ac Reipublicæ humanæ, Magistratibus, & Civitati, in qua vivimus. Cum autem obligationes hujusmodi communiter officii nomine compellentur, in ejus conceptum & divisionem ante alia inquirere volumus.

Hominis officium denotat hic *Actionem vel ejus omissionem legibus naturalibus conformandam*, & est multiplex. Scilicet I.) Cum legis nat. finis sit felicitas dependens ab objecto triplici, DEO nempe, *semetipso*, homine, ac *proximo*, triplex quoque esse officii genus constat, adeo, ut alia officia respectu DEI, alia respectu sui ipsius, alia respectu proximi præstanda ipsi incumbant.

Et quidem officium erga DEUM, est *Actio*, vel ejus *omissio ex debito conformanda legi nat. præcipienti religionem erga DEUM, in quantum naturalis ratio eam consequi potest*. Quæ religio naturalis in duabus obligationibus, seu officiis consistit, nempe ut de eo recte sentiamus, & actiones nostras, vel earum omissiones ipsius voluntati conformemus.

Illa priora officia dicuntur *Theoretica*, utpote in contemplatione intellectus nostri sita. Alia vero *practica*, quatenus consistunt in cultu DEI *interno & externo*, mediante nostra voluntate practice exhibendo. II.) officia hominis erga *seipsum*, sunt *actiones, vel earum omissiones, quas ex præscripto Juris nat. homo sibi ipsi debet*. Demum III.) Officia illius erga proximum sunt *ex actiones, vel earum omissiones, quas jure nat. debet exhibere alteri homini, tam unicuique in individuo, quam in communi, scilicet Magistratibus, Civitati, Reipublicæ*.

259. Hæc triplicis generis officia passim dividuntur in perfecta, & imperfecta. *Perfecta* sunt actiones vel earum omissiones Jure nat. ita præceptæ, ut alter cui debentur, eas *jus exigendi* habeat. Tale officium est: *neminem lædere*, cuique *quod suum est tribuere*, id est, ut Gentium Apostolus R. 13. v. 7. exposuit: *Reddite ergo omnibus debita*; cui *tributum*, *tributum*: cui *veligal*, *veligal*: cui *timorem*, *timorem*: cui *honorem*, *honorem*. Nec refert an debita hac proveniant ex justitia particulari & rigorosa seu commutativa, an præcise ex præcepto, seu *justitia naturali legali*, quæ etiam *universalis* dicitur: Sufficit enim ad actum justitiæ, quod cum alter jure exigere possit tanquam sibi *debitum*. Unde hujusmodi actum culpa sua omittens dicitur *formaliter injustus*. (Confer n. 300.)

Contra vero *Imperfecta* officia sunt actiones, vel earum omissiones, non ita quidem jure nat. præceptæ, ut alter etiam illas exigendi *jus semper* habeat, tanquam sibi *debitas*, nihilominus fundantur in *æquitate naturali*, ad quem reducuntur omnia illa officia, quæ dicimus *tantum ex caritate*, seu innato erga proximum amore ac *ex virtute* deberi, quin obligetur quis ad restitutionem, si omittat. Talia sunt, quæ aliis profunt, & nos non gravant, v. g. *digito monstrare viam petenti Viatori*: *permittere haussum frigida ex meo puteo*: *dare consilium afflicto*: *permittere peregrino tectum*, sub quo dormiat: *succurrere indigenti etiam extra extremam necessitatem* &c. Obligatio hæc maior, minor, vel nulla erit secundum circumstantias proximi. Quæ si v. g. summa adfuerit, officia *imperfecta* degenerabunt in illa quæ diximus *perfecta*.

Alii Naturalistæ confundunt *imperfecta* hæc officia fundata in æquitate naturali, seu caritate proximi, cum illis, quæ proveniunt ex *honesto*, *decoro puro*; & *benevolentia*: sed merito rejiciuntur. Ista enim non ad naturalem: sed ad ethicam æquitatem spectare constat a n. 74.) & fusius de iis constabit ex infra dicendis de *imperfectis* officiis.

260. Demum alia hujusmodi officia sunt absoluta, alia hypothetica. Per *absolutum* intelligitur illa actio, vel ejus omisio, quæ DEO, nobis ipsis, aut proximo debetur secundum obligationem omnibus communem, nullo alio supposito jure per *factum nostrum* v. g. promissionem, votum, contractum &c. acquisito. Tale officium *absolutum* est DEUM colere, non blasphemare, non mentiri, nobismetipsis violentas manus non inferre, proximum diligere, eum sine justa causa non lædere &c. Hæc enim & similia præcepta & pro-

prohibita sunt omnibus & singulis hominibus usu rationis impotentibus, ante omnem eorum promissionem, pactum, contractum, aliamve proprii vel alieni facti libertatem speciem.

Hypotheticum autem est officium, quod oritur ex hypothese, seu suppositione facti proprii vel alieni. Ita v. g. Vota DEO libere ac de re meliori nuncupata, nedum ex Religione: sed etiam jure naturæ tenemur implere, cum juxta num. 53. ac seq.) conditio DEI hac in parte nequeat esse deterior conditione hominis promissarii, cui jure naturali hypothetico obligamur, usquedum obligatio illa legitime desinat, vel immutetur. Omnes quoque contractus, pacta, stipulationes, obligationes, item ex damno dato, aut ex statu hominis adventitio oriri solitæ, pariter ac illæ, quæ sive pro interno sive externo simul foro procedunt ex consensu nostro libere præstito, ad hypothetica officia referuntur, de quibus agemus hic Cap. IV. Art. IV.

§. II.

An jus nature obliget hominem ad inquirendam DEI
notitiam?

261. **D**iximus num. 258.) naturalia hominis officia erga DEUM consistere in Religione naturali, quam in theoreticam & practicam divisimus, de hac seqq. Cap. II. tractaturi, hic & nunc autem agendum est de sola theoretica, ut scilicet bene de DEO sentiamus. Cum autem de DEO suo Auctore sentire nemo possit, qui eum dari & existere ignorat: hinc prima se obtulit quaestio, utrum homo jure naturæ obligetur ad inquirendam de DEO notitiam? Et quidem cuivis vere erudito facilis videretur responsio affirmativa, adeo ut forte miretur quispiam rem hanc in dubium vocari. Nihilominus quidquid sapientes & pii judicaverint: Protestantibus Naturalistis de obligatione hac sub Judice lis est; ex illis enim plerique respondent negative; eo quod ipsorum iudicio notitiæ huiusmodi inquisitio non ad jurisprudentiam naturalem: sed Theologiam speculativam pertineat.

Hobbesius enim in *Elem. de Cive*, c. 14. §. 19. absolute fatetur, se legem aliquam, juxta quam iniustitiæ damnare posset Atheos, & diligentissime quaesivisse, & vehementer cupivisse

sed invenisse nullam. Unde loc. cit. c. 15. ait: *Homines in voluptatibus, divitiis, vel honoribus perquirendis continuo occupatos scire EXISTENTIAM DEI NON POSSE*, cum jussuræ hanc noticiam non doceat, de positivo autem tanto minus illis certum sit.

Puffendorfius Hobbesio parum sanior in gratiam suæ *socialitatis* DEUM a disciplina juris nat. & officia hominis erga eum *sequestravit*, relegando ad Theologiam naturalem (quam inepte speculativam vocat & scholasticam) etsi aliquibi *indirecte* solum attigerit, quem etiam imitatus est VVolffius. Kemmerichius autem in notis ad Puffendorfiū de *offic. hom.* l. 1. c. 3. §. 13. n. 2. prædictam DEI noticiam a jurisprudentia naturali exclusam ad Theologiam remittit ideo, quod notitia hæc sit *actus intellectus: jus naturæ vero leges non intellectui; sed voluntati præscribat, neque veritates; vel opiniones intellectus legibus subjaceant, aut pænis, vel præmiis corrigantur.* Thomassius cum naturalem religionem cum suis officiis ad *figmenta Catholicorum* rejecisset, ait: *deductionem omnem pertinere ad Dominos Theologos.* Jam vero in *secundis curis, fundam. J. N. & G. l. 2. c. 1.* se se corrigit, & officiis erga DEUM in jure naturali *locum ultimum* tribuit. Ita illi cum suis sequacibus.

262. Sanior autem Jurisprudentia naturalistanquam absolute certum docet: Jus naturale *necessario* obligare hominem usu rationis præditum; ad DEI noticiam secundum naturæ vires inquirendam. Quod his momentis evincitur. 1.) DEUS enim nostrum primum principium & finis ultimus etiam *naturalis* est, veraque felicitas hominis in recta ejusdem ad hunc finem suum ultimum habitudine, & perfectionum divinarum commendatione consistit: Atqui habitudo hujusmodi & perfectionum divinarum commendatio sine DEI notitia & agnitione, neque esse, neque concipi potest, nam *ignoti nulla cupido*: Cum igitur DEUS necessario præcipiat ea inquirenda, quæ ad veram hominis felicitatem, ac consequenter ad commendationem perfectionum divinarum in natura rationali requiruntur: manifeste sequitur, cum *necessario* agnitionem sui & noticiam inquirendam præcepisse. Alioquin improvide hominem ad gloriam suam & perfectiones manifestandas creasset, tanquam ad finem ultimum & adæquatum; ac minus consequenter obligasset illum tendere ad eundem, si cordi ejus per naturalem legem non inscripseret media quibus ad eum pervenire

nire possit: Porro huiusmodi media sine prævia DEI notitia dari evidenter repugnat.

263. Huc facit II. Quod negata naturali obligatione hominis ad DEI noticiam modo sibi conveniente inquirendam, sequatur nullum dari prorsus officium, quod vel nobis ipsis vel proximo jure naturali præcipiente sit exhibendum. Nos enim ipsos & proximum lege nat. diligere jubemur propter DEUM absolutissimum omnium Dominum, & propter manifestandas perfectiones ejus in nobis: cessante igitur officio & obligatione agnoscendi summi domini illius, consequens est cessare cæteras obligationes, cum harum non sit major naturalis necessitas ad finem ultimum obtinendum, quam illius.

Demum III.) Hac ratione DEUS naturæ rationali non præcipiens sui agnitionem & noticiam, negaret seipsum, quia negaret sibi necessario exhibendum esse aliquem saltem *in genere* cultum ab ea, qui utique sine DEI notitia haberi nequit. Certe enim etiam creatus Princeps merito imprudentiæ argueretur, qui a suis subditis nullum actum exigeret, quo illi in agnitionem supremæ majestatis suæ perveniant. Protestanticos igitur Naturalistas rubore suffundere, & saniores Jurisprudentiam naturalem docere deberet Ethnicus Seneca, qui Epist. 95. ait: *Primus Deorum cultus est credere Deos, deinde reddere illis majestatem suam, reddere bonitatem, sine qua nulla est majestas*; At quo pacto DEI existentia credenda est fide naturali, si ejus notitia non sit necessario inquirenda?

264. Ratio in contrarium adducta fundatur in crasso errore ipsis Gentilibus stomachum movente. Scire quippe prurientes auribus Magistri illi naturales debuissent, duplicem dari posse in homine DEI noticiam, *vulgarem* nempe, & eam quæ *magis exacta*, ac *amplior* dicitur. *Vulgaris* est, quæ ex obviis mediis haberi potest. Qualia media sunt *Parentum instructio*: aliorum *testimonia*, & *exempla*: *communis sensus*: *ratiocinium* per consequentiam quidem: sed facilem, & cuius etiam rudi obviam, scilicet ex *creaturarum consideratione*: *variorum eventuum admiratione*, qui se mentibus humanis insinuant quoties apprehendimus cælorum vastitatem & pulchritudinem, terræ soliditatem, mirum ordinem creaturarum & providentiam illas conservantem, nutriendam &c.

Vulgarem hanc DEI noticiam ingerit nobis continua re-

rum vicissitudo & varietas, solis & lunæ nunquam interrptus cursus, ac tota cælorum machina, juxta illud Ps. *Cæli enarrant gloriam DEI*. Quæ media hoc ipso quod nobis vulgariter proponant existentiam DEI, indicant etiam simul perfectiones ejus, quas rudi, ut ajunt, Minerva facile comprehendere quivis possit; scilicet quod ille sit infinite sapiens, justus, providus, immortalis, supremus Dominus, puniens malos, præmiens bonos &c. Hæc igitur vulgaris notitia DEI quatenus spectat ad actiones Religionis dirigendas ex motivo justitiæ, seu naturaliter debitas, pertinet immediate ad Jurisprudentiam naturalem, imo est pars maxima ejusdem.

Contra autem, notitia DEI *magis exacta & amplior* est illa, quæ per obvia media acquiri nequit: sed indiget majore studio; v. g. quod DEUS sit Ens omnis imperfectionis etiam negativæ simpliciter incapax: infinite perfectus in omni genere: bonus bonitate tam respectiva quam absoluta: ad intra & extra se operans &c. Notitia igitur hac de essentia ac attributis ejus *magis exacta*, etsi ratione mere naturali non sit superior: est tamen extra sphaeram Jurisprudentiæ naturalis.

265. Falsa quoque est altera Protestantium persuasio, quod veri DEI notitia non sit lege nat. præcepta eo, quod sit *actus intellectus*. Nam actus quoque intellectus quatenus subsunt voluntatis humanæ electioni, ut homo eligat hanc vel illam de DEO opinionem; ut eum credat esse cæli & terræ Creatorem verum, potius quam Jovem, Mercurium &c. cadunt sub præceptum etiam naturale. Alioqui Infideles & Heterodoxi qui recte de Deo sentire nolunt, riderent omne penarum periculum: Cum tamen naturæ Auctor dicat per Psalmem: *noluit intelligere ut bene ageret*. Et præclare hac in parte Lactantius l. 5. Inst. c. 8. ait: *Ideo mala omnia rebus quotidie ingravescere, quia DEUS mundi hujus effector & Gubernator derelictus est: quia susceptæ sunt contra quam fas est IMPIÆ RELIGIONES*. Utinam saperent & intelligerent hæc perversæ naturalis Jurisprudentiæ Pseudomagistri, qui suis lucubrationibus Christianam Juventutem inficiunt, libertatem de Religione, quidquid libet sentiendi omni studio instillantes, & avertentes hominem a naturali cognitione sui Creatoris &c.

266. Ex his autem deducitur: in tradendo & discendo Jure natur. non debere, nec citra impietatem posse abstrahi

strahi a DEO & officiis erga eum. Ab his quippe dependet reliqua; neque cuiquam possumus solide exponere legem nat. circa prudentem sui ipsius & proximi amorem, tanquam necessarium ad finem ultimum naturalem consequendum, si naturæ Auctorem, qui omnia propter se ipsum operatus, & finis noster adæquatus ac ultimus est, excludamus.

Hinc Plutarchus in lib. adversus Colotem, prope fin. ait: *In legum constitutione primum est & maximum de Diis opinio. Quam ob rem & Lycurgus Lacedæmonios, & Numa Romanos, & Jon antiquus Athenienses, & Deucalio Græcos ferre universos Diis consecraverunt.* Concludit demum ethnico Philosopho & Naturalista dignam sententiam pronuncians: *Facilius urbem condi sine solo, saxis & lateribus posse puto, quam opinione de Diis penitus sublata Civitatem coire, aut constare.* Hac autem ratione sola socialitas Puffendorffianum obligationis naturalis principium elumbe momentum est, propter quod Deum a Jurisprudencia naturali plerique Protestantium excluderunt; sola enim socialitas, pariter ac Civitatis constitutio, sine officiis DEO debitis nec dari, nec concipi, etiam Gentilium Sophorum iudicio, potest.

§. III.

An DEI existentia sit lumine naturæ nota; & sub quo conceptu?

267. **D**Eum naturæ Auctorem existere lumine nat. notum & cognoscibile est. I.) Ex eo, quod omnibus rite perpenſis recta ratio agnoscat *Universum hoc, in quo vivimus, non esse a casu fortuito.* Quia casui proprium non est agere ordinate & uniformiter; sed inordinate & confuse, miscere omnia absque ratione proportionis, ordinis ac finium, sic ut prodire non possit, nisi disparata & perturbata quædam congeries. Multo minus res a casu fortuito conservari, nutrirī & propagari possunt &c.

Hinc contra Epicuræos, & Atheos Mundi machinam facto adscribentes ait Chrysostomus in Ps. 13. *Non est fundamentum: & quomodo stat ædificium? non est carina: & quomodo consistit navigium? non est fabricator navis: & quomodo navis comparata est? non est ædificator: & quomodo domus facta est? non est qui provideat: & quomodo per omnia pervadit providentia?*

Solo

Solo quoque naturali lumine instructus post alios Gentiles, agnovit Cicero lib. 1. *Tusculan. quæst.* dicens: *Cum videamus tum arbores frondescere, segetes largiri fruges, flores omnia, tum multitudinem pecudum, hominem ipsum contemplatorem cæli, possumus ne dubitare quin his præsit aliquis vel Effector, vel Moderator tanti operis?* concludit demum risu explodens Epicuræorum commentum, docentium Mundi machinam ex corpusculis variis effectum esse nulla cogente natura: sed concursu quodam fortuito; ubi ait: *Non temere, nec fortuito sati & creati sumus: sed profecto fuit quædam vis, quæ generi consuluit humano.*

268. II.) DEUM sub conceptu naturæ Auctoris existere certo & evidenter probat ratio deducta ex rerum creaturarum contingentia. Omnibus enim compertum est creatas hæc res existere, easque contingentes esse. Videmus quippe eas nasci, interire ac corrumpi: porro hoc ipsum Entis summe necessarij existentiam evincit: quælibet enim res creata potest existere vel non existere: igitur cum in prædicatis ad rei essentiam pertinentibus ratiocinatio rite procedat a distributivo ad collectivum; tota creaturarum collectio erit contingens, ac poterit existere vel non existere.

Jam vero si nulla creatura existeret, tunc procul dubio creaturæ a se effici non possent, quia nihil se ipsum efficere valet, cum nihil possit esse simul prius ac posterius se ipso: Igitur quidpiam contingens non creatum admittere oportet, a quo effici creaturas posse dicamus. Suppositione autem illa concessa, hoc ipsum profecto, a quo cetera prodire possunt, esset *Ens summe necessarium* & a se, atque adeo DEUS. Nam ut ait Richard. Victorin. l. 1. de Trinit. c. 8. *Si nihil a semetipso fuisset, non esset omnino, unde ea existere potuissent, quæ suum esse a semetipsis non habent, nec habere valent.*

269. Demum III.) Existere DEUM sub ratione Legislatoris supremi: Entis omnisccii, iusti, ac providi, quod mala puniat, bona præmiet, est lumine nat. notum. Tum quia, si impios quosdam excipias, agnoscit id uniuscujusque conscientia stimulis malæ vitæ exagitata, & communis hominum consensus. Porro ut ait Tullius loc. cit. *Omnium consensus naturæ vox est.* Et lib. 1. de natur. Deor. dicit: *De quod autem omnium natura consentit, id verum esse necesse est: esse igitur DEUM confitendum est.* Ex hoc conscientiz remora

fu

su existentiam DEI post alios intulit Eurip. Phryxo græcus Poeta tragicus dicens:

Advertite, esse DEUM qui non creditis,

Prævaque mente duplicatis crimina,

Est, est profecto.

Tum quia, quod existat legislator supremus, omniscius, justus, providus, mala puniens &c. veritas hæc fundamentum est omnis honestatis, estque medium *indispensabiliter necessarium* ad finem, & vitam secundum rationis leges ab homine instituendam: debet igitur esse principium lumine naturæ notum: Alioqui natura deficeret in necessariis, nec esset homini prospectum de mediis *indispensabiliter* requisitis ad finem & honestatem, essetque inferior brutis, quæ melius constituta novimus ad suum finem.

§. I V.

An possit intervenire ignorantia invincibilis circa multitudinem Deorum.

270. **P**lerique Naturalistæ suo cerebro confisi cum *Hobbeso*, *Kemmerichio*, *Volfio* & his similibus, Ethnicos idololatrias, etiam sapientes, sine ulla distinctione conantur justificare in admissa Deorum pluralitate, eo quod de revelata religione nihil ipsis constiterit, naturalis autem ratio potuerit *invincibiliter* errare. Verum in resolvenda quæstione hac limitatione opus est. Si quis enim habeat aliquam cognitionem *unius* DEI, & erret putando esse alios Deos, quibus divinus cultus tribuendus sic, nullo modo potest per ignorantiam invincibilem excusari. Sic enim dicit Apostolus *ad Rom. I.* fuisse inexcusabiles Philosophos, *qui cum cognovissent Deum, non sicut DEUM glorificaverunt &c.* Quia ipsamet existimatio *unius veri DEI* erat sufficiens ad illam ignorantiam expellendam, si vellent advertere. Nam qui credit, & agnoscit esse in Republica unum supremum Regem, quomodo ignorare potest peculiarem honorem illi debitum non esse alteri tribuendum?

At vero si quis omnino ignoret DEUM verum, & unitatem ejus, excellentiamque supremi Numinis; pro ratione talis ignorantie vel a culpa, vel a *santa* culpa colendi plures DEOS excusari posset. Quia si illa ignorantia culpabilis sit, non excusabit quidem culpam, tamen quatenus igno-

ignorantia est, aliquo modo minuet illam : Si vero contingat ignorantiam esse invincibilem, excusabit omnem culpam. An autem talis ignorantia contingere queat; colligi potest ex dictis a n. 170.) Nempe, illa vel nunquam datur & datur, vel saltem rarissima est, & non potest inveniri, nisi in homine adeo rudi, ut vix censeatur habere plenum usum rationis, præsertim in his rebus, quæ sensum fugiunt. Pro ut contingere potest in aliquo Gentili, qui & nullam rectam instructionem habet, & per se unum ex alio inferre non valet, ut aliqui dicuntur reperiri inter Abyssinos, Brasilios, Hurones & alios barbaros.

Quidquid autem de his sit, id certum est, quod neque hi neque hi longo vitæ suæ tempore hac ignorantia laborent, ut liquet ex n. 251.) & nostro *Erot. theôr. præd. 3. n. 12.*) alias deficerent in medio absolute necessario ad finem ultimum obtinendum, quod sapientissima DEI gubernatio non patitur in creatura rationali, dicente Augustino: *ut habeat unde eam judicet.* Quo etiam fit, ut Plato, Cicero, Seneca & alii Philosophi apud D. Aug. *l. 7. de Civ. c. 12.* non excusentur a culpa, qui cum agnovissent unum summum DEUM, omnium rerum Conditorum, nihilominus plures minores Deos admiserunt, quos *Intelligentias*, sive *Dæmones*, aut alio nomine *Populares Deos* vocabant, inter quos etiam ponebant quorundam mortuorum hominum animas divinitatis participes effectas.

§. V.

An lex nat. præcipiat veram religionem & cultum DEI naturalem?

271. **P**RO decisione hujus quæsitæ juvât nosse quid Gentiles fenserint de Religione. Nempe juxta Cicero-nem *l. 2. de invent. Religio est, quæ superioris cujusdam naturæ, quam divinam vocant, curam ceremoniamque affert.* Illa proin DEUM ejusque cultum respicit. Ad cognatos autem nobisque conjunctos pietas, vel amicitia, aut observantia haberi dicitur, non autem religio, nisi fortasse quatenus vel per exaggerationem, vel per translationem, quidquid magna cura & studio animi fit, ex religione, vel religiose fieri asseritur. Hac definitione præmissa, ad quæsitum:

Non-

Nonnulli quidem Philosophi negative responderunt. Illi inquam; qui non agnoverunt naturalem obligationem religionis & cultus Divini, hunc enim ipsi penitus abiecerunt, ut testatur Lactantius l. 2. *divin. instit. c. 3.* Quia cum ratione naturali cognoscerent falsas esse religiones plurimum Deorum, quas Gentiles profitebantur, & veram non valerent attingere: sine religione manserunt. In istorum errore Caietanus 2. 2. *quæst. 85. artic. 1.* suspicatur fuisse Aristotelem.

Verum hi omnes, ut ait Apostolus ad Rom. 1. *Dicentes se esse sapientes stulti facti sunt.* Nam si illi credebant nullum esse verum DEUM, quid magis stultum cogitari potest? Si autem agnoscentes aliquem esse verum DEUM, a cujus potentia & providentia pendemus, nihilominus senserunt non esse eum colendum: contra omnem etiam naturalem rationem locuti sunt. Nam si ratio naturalis dicitur parentes esse honorandos, multo magis dicitur DEUM verum esse colendum.

272. Ab erronea Gentilium quorundam opinione haud longe discessit Puffendorfius cum suis sequacibus, qui religionem omnem a Jurisprudentia naturali vel simpliciter rejecit, vel tantum indirecte a Jure naturæ attingi contendit, ut innuimus *an. 261.* & videri commenta eius possunt in *Erice scandica §. 6.* ubi ait: *Cultus DEI per se consideratus ex altiore (supernaturali) principio est derivandus.* Jam autem in *Spicilegio Jur. nat. §. 16. f. m. 295.* audacius dicit: *Sane nec de religione, quatenus ad salutem animarum post hanc vitam facit, agere, ad disciplinam Juris nat. pertinet: & religioni naturali peculiaris a me disciplina assignata fuit, solius nempe Socialitatis humanæ studium fundans beatitudinem belluinam, cursu hujus vitæ terminatam.*

273. Adductæ opinioni contraria & certa est recte sententium doctrina tradi solita: *Lege naturali absolute præceptam esse veram Religionem & cultum DEI.* Cujus veritatis deductio patet ex *n. 262.* ubi demonstravimus hominem Jure nat. obstringi ad inquirendam notitiam de existentia veri Dei, sine qua nullus religionis cultus subsistere potest, Quibus addendum est l.) Quia illud a Jure nat. directe & absolute præcipitur, sine quo finis naturalis humani generis nullo modo obtineri & conservari potest, ut liquet ex superius dictis: Porro eum *sine religione naturali* nullatenus haberi & conservari posse, inde patet: quia illa negata destitueret

ceret omnis obligatio interna universalis & efficax naturalis juri competens ex voluntate divina, eique simpliciter necessaria. Deficerent quippe officia erga DEUM: hæc enim repugnat ei posse exhiberi extra veram naturalem religionem.

Deficerent quoque officia debita proximo & Reipublicæ ac Civitati. Non enim posset subsistere *intrinseca* earum firmitas, quia nec Imperantium nec subditorum sat certa foret fides, atque securitas: consequenter deficeret quoque pax *externa* generis humani, ac proin rueret tota felicitas, utpote deficiente vinculo societatis humanæ, quod a religione, cultu, amore, & timore DEI dependet; ut liquet ex verbis Plutarchi *n.* 266.) relatis.

274. Dein II.) Exclusa omni religione, & cum hac metu divini Numinis, nihil est, quod non audeat libertas naturalis; & ubi quis propriis viribus confusus fuerit, imbecillioribus quælibet pro libitu inferet, & honestatem, pudorem, fidem inter inania vocabula reputabit. Sine religione enim nulla est conscientia refrænans a malo, cum nihil sit, quod ei metum inculciat, & a crimine retrahat. Temporalis autem a Magistratibus inferendæ poenæ metus non arcebit *occulta* crimina; in *manifestis* quoque puniendis Judices parum erunt solliciti, si persuasi sint nullam DEO deberi religionem: proin nec timorem nec amorem ejus, quo ad rite Magistratus sui obeundum munus invitentur, habebunt. Judices proin ipsos & Superiores torpere necesse est, aut cum perversis perverti, si eos timor DEI non coerceat, juxta satyram Juvenalis VI. vers. 346. & 347.

Pone seram, cohibe: sed quis custodiet ipsos Custodes?

Igitur sine naturali religione nec in Principem fidelitas, nec in parentes pietas, neque ullus recti amor & vita homine digna intelligi posset, dicente Lactantio in *Epitom.* c. 1. *Quid enim tam justum ad æquitatem, tam pium ad honorem, tam necessarium ad salutem, quam DEUM cognoscere ut parentem, venerari ut Dominum, ejusque legi aut præceptis obtemperare?* Et lib. 5. ait: *Ignorat justitiam, qui religionem DEI non tenet.*

An vero lex nat. præcipiat cultum DEI tam *internum* quam *externum*: resolvitur quæstio hæc *seq. cap. 2.* ubi de officiis erga DEUM practicis tractatur. Hic & nunc sufficiat probasse Jure nat. præceptam esse *veram religionem* inquirendam & amplectendam, simul ac *aliquem* cultum DEO exhi-

exhibendum: deinceps autem examinabimus, qualis ille cultus in specie tribuendus sit spectato Jure naturæ.

A R T I C U L U S II.

De religione naturali in specie exhibenda DEO per Officia theoretica.

S U M M A R I U M.

- 275. Officia theoretica consistunt in recte sentiendo de DEO.
- 276. Exponuntur quæ sint de illo naturaliter sentienda.
- 277. Credi debet ejus existentia, quam suadet communis sensus.
- 278. Eadem demonstratur ex structura Universi.
- 279. DEI unitas demonstratur ex ejus necessitate.
- 280. DEUS qua Creator demonstratur ex Mundi machina.
- 281. Ejus Providentia naturali ratione evincitur.
- 282. Et illius Justitia.
- 283. Imperfectionis exclusio in DEO offenditur.
- 284. Ex prioribus quatuor alia attributa DEI demonstrantur, nempe quod sit invisibilis.
- 285. Æternus.
- 286. Omnipotens.
- 287. Omniscius,
- 288. Summe bonus bonitate respectiva,
- 289. Supremus Legislatur.

275. **L**iquet jam ex n. 258. ac seq.) religionem naturalem consistere in recte sentiendo de DEO, & agendo. Recte sentire de illo spectat ad officia theoretica: agere autem practica religionis officia concernit, de his seq. cap. agemus; de illis autem innuimus jam Art. præced. ubi decidimus, an homo Jure nat. obligetur ad aliqua in genere officia erga DEUM theoretica: Ad quæ vero in specie exhibenda teneatur, mox determinandum superest.

§. U N I C U S.

Quenam sint ea, quæ homo etiam rudis de DEO recte sentire obstringitur, & an illa sint lumine naturæ nota?

- 276. **O**bligatio hujusmodi unumquemque hominem rationis compotem adstringens regulariter ad qua-
1807

tuor præcipua capita reducitur. Scilicet Jure nat. obligatur homo nosse & ad notitiam hanc contendere. I.) Quod DEUS existat: isque sit unus. II.) Mundi Conditor, III.) Providus, justus, atque hinc bona præmians, mala puniens. IV.) Quod omnis imperfectionis sit expers. Hac cum sint lumine nat. nota, ut mox ostendemus, & vulgarem DEI notitiam non excedant, ab homine usus rationis compote, sine ignorantia, vel errore vincibili diu nesciri haud possunt.

Ex his autem enumeratis quatuor attributis sequuntur alia illis comprehensa, & sine magna difficultate intellectui recte disposito, etiam rudi, cogitanti tamen manifesta. Scilicet immortalitas DEI, invisibilitas, omnipotentia, bonitas, omniscientia, immensitas, æternitas. Quæ omnia fluere ex prioribus quatuor perfectionibus, pariter ac singula hic enumerata lumine naturæ innotuisse etiam Ethnicis scriptoribus palam fiet ex sequentibus deductionibus.

EXISTENTIA DEI.

277. **P**rimum, ad quod nos lex nat. obligat, est nosse DEUM existere, quod innato lumine notum & cognoscibile esse ostendimus an. 267.) unde etiam legem nat. præcipue circa hujusmodi notitiam perfecte acquirendam versari ibidem demonstratum est. Inter plurima autem argumenta primam causam, seu Ens supremum dari probantia, principem locum apud Gentiles Philosophos tenuit communis hac de re moratorum hominum sensus, teste Seneca Ep. 117. dicente: Deos esse inter alia sic colligimus, quod omnibus de Diis opinio insita sit, nec ulla gens usquam est, adeo extra leges moresque projecta, ut non aliquos Deos credat. Cujus sententiæ fuit etiam Oratorum Princeps l. 1. de LL. c. 8. Nulla gens est tam immanis, neque tam fera, quæ non, etiam si ignoret qualem Deum habere deceat; tamen habendum sciat. Et patet ex Atheniensibus, qui teste Apostolo Paulo, aram Ignoto DEO erexerant.

Et quamvis plerique Ethnici in suo discursu errarint in hypothesis, seu circa propositionem, quam scholæ vocant Minorem, determinando in particulari hunc aut illum esse verum DEUM; nempe alii Jovem, alii Mercurium, Martem, Solem &c. nihilominus in thesi, seu circa Majorem fere omnes, præter paucos Atheos, conveniunt, lumine naturæ per-

persuasi, deberi aliquod Ens supremum, quod sibi & aliis sufficiat adesse & conservari. Imo quod multi perverse de DEO sentiant, id non intellectus: sed voluntatis vitio adscribit Cicero l. 1. Tuscul. q. dicens: *Multi de Diis prava sentiunt; id enim vitioso more effici solet: omnes tamen esse vim & naturam divinam arbitrantur.*

278. Alii quoque Gentiles ejusdem Entis supremi existentiam ex universi hujus structura concluderunt, teste Mercurio Trismegisto in Pimandro (vel si quis alius libri hujus auctor est) cap. 5. dicente: *DEUS per singulas Mundi partes ubique splendet, atque adeo se notum præstat, ut non intelligere modo: sed manibus etiam ipsis, ut ita dicam, contredicare liceat: cum undique nostris oculis obversetur, seque objiciat & inculcet ejus imago. Nihil est in rerum natura, quod non aliquam præferat Divinitatis imaginem, id est, quod non aliquam perfectionem divinam nobis insinuet.*

Ita quippe docet Aug. serm. 141. alias 55. de verb. Dom. ubi ait: *Invisibilia DEI per ea, quæ facta sunt, intellecta conspiciuntur. Interroga Mundum, ornatum cæli, fulgorem, dispositionem siderum, solem diu sufficientem, lunam noctis solatium. Interroga terram &c. Interroga mare &c. Interroga aera & quanti volatilibus vigent! Interroga omnia, & vide, si non sensu suo tanquam tibi respondent: DEUS nos fecit. Hæc Philosophi nobiles quæsierunt, & ex arte Artificem agnoverunt.*

UNITAS DEI.

279. **D**emonstrata DEI existentia, etiam unitatem ejus luminebat, notam & cognoscibilem esse evincimus. I.) Summa quippe DEI necessitas cum unum demonstrat. Nam si sunt duo summe necessarii, vel ita sunt, ut unus possit existere sine altero, vel alterius, ut existat, ope indiget: si primum? satis est ille unus, & alter supervacaneus est. Si secundum? nullus est DEUS; quia nullus ex iis est Ens summe necessarium. Quod enim est naturæ summe necessarium, alterius ope ut existat, non indiget.

II.) Id ipsum manifestius demonstrat DEI omnipotentia. Etenim DEI appellationi subjecta notio ejusmodi est, ut infinitum aliquod, & infinita vi præditum, ad agendum pariter ac resistendum significet. Hoc est, prorsus insuperabile, & quidquid voluerit, summa potestate ac felicitate perficiens: Porro non possunt duo hujusmodi esse;

Ius Nat. & Gent.

O

nam

CREATIO UNIVERSI.

280. **A**lterum, in quo DEUS cognoscendus nobis a natura proponitur, est, quod *Creator sit omnium extra se*. Cum enim manifesta ratio persuadeat omnia visibilia haud extitisse a se ipsis; consequens est, ut pulcherrimum totius mundi officium primæ causæ omnium causarum, atque adeo soli Enti supremo DEO O. M. attribuamus, quod multi ex Ethnicis confessi sunt. Ita enim Sophocles *carm. ronic.* canit:

*Cæli solique machinam qui condidit,
Vadumque ponti cæruleum, & vim spiritus:*

De prima autem creatione hominis audi Ovidium in *metamorph.* canentem:

*Natus homo est: sive hunc divino semine fecit
Ille Opifex rerum, mundi melioris imago.*

His consonat Arat. *Phæn.* in princip. dicens:

*- - - qui compita Numine magno
Conciliumque Virum complet pelagusque profundum,
Et pelagi portas: fruimur Jove, & utimur omnes:
Nos genus illius.*

Per Jovem enim DEUM verum Opificem intelligi debete, testis est Apostolus Paulus *Act.* 17. v. 28. Reliquæ demonstrationes DEI *qua Creatoris universi*, colligi possunt ex discurfu a n. 259.) pertractato, ubi dum existentiam Entis summe necessarii lumine nat. cognoscibilem ostendimus, ex hac ipsa etiam Creatorem universi inferre facile est.

PROVIDENTIA & JUSTITIA DEI.

281. **T**ertium quod naturalis ratio de DEO non obscure dicat, est, recte persuasum esse de ejus *Providentia & Justitia*, hoc est, quod DEUS res omnes humanas cum summa Justitia procuret, præmians bona, puniens mala.

Quod providentiam concernit, eam definit Boet. in *quarto de consolat. prosa* 6. dicens: *Providentia est ipsa illa Divina ratio in summo omnium Principe constituta, quæ cuncta disponit.* Dari hanc certo convincitur intellectus humanus 1.) ex hac ratione: DEUS Creator est universi hujus, ut supra demonstratum est: igitur non potest ejus curam non habere. *Quis enim Operator* (ait Ambr. l. 1. de off. cap. 13.)

visum iri Reipublicæ. Quo facit; quia si fingamus DEUM non præmiare bona & non punire mala, necesse est cessare totam legem naturæ, & finem rationali creaturæ præfixum extingui, ut ostendimus *an. 247.*) Et eleganter ait Epistetus: *Pietatis hoc principium: bene sentire de Diis; qui sunt, & res omnes iuste ac recte administrant.* In quam sententiam abiit Plaut. capt. dicens; *Est profecto DEUS, qui quæ nos agimus audit & videt.* His accinit Ovid. metamorphos. *Aspiciunt oculis Superi mortalia iussis.*

IMPERFECTIONIS EXCLUSIO.

283. *Quartum*, quod Jus nat. unumquemque de DEO sentire jubet, in eo situm est, ut naturali lumine adjuvante persuasi simus *nullam imperfectionem in DEUM cadere*: sed potius omnem perfectionem in eo reperiri; puta: de illis perfectionibus, quæ *vulgari* de DEO notitiæ *an. 254.*) explicatæ, & captui rudium magis accommodatæ sunt. Inter quas recensentur: quod DEUS sit iustissimus, omnipotens, sapientissimus Gubernator; mentiri, simulare, decipere, & decipi, ignorare hominis facta & cogitata, male regere mundum, odisse quæ fecit, velle damnationem nostram *quantum in eo est*, non possit: Demum, quod invidia, livore, æmulatione & similibus aliis non moveatur.

Quamvis enim verissimum sit, nullam in DEUM tam *positivam*, quam *negativam* & *mixtam* imperfectionem cadere posse: nihilominus lege naturali eas solas nosse jubemur; quæ ordinariis mediis, & secluso longo studio ac labore, solius rationis *vulgaris* ope percipi possunt. In reliquis autem *subtilioribus* perfectionibus Divinis ratio humana singulari studio, aut speciali DEI auxilio non adjuva cum errare facile possit; eas jure naturali *explicite* scire non obligamur, dummodo *positive* nullam DEO imperfectionem affingamus, negando quod est, aut affirmando quod illi non convenit.

Asserta autem omnis imperfectionis exclusio, quatenus innato lumine percipi potest, hac ratione evincitur: Intellectus recte dispositus demonstrationibus supra adductis, & communi hominum sensu certo persuasus est, DEUM esse *Ens summe necessarium*: consequens est igitur, ut etiam concludat nullam dari in eo imperfectionem: Alioqui Entis hujus summa necessitas alicui imperfectioni

DEO clausum est, interest animis, & mediis cogitationibus intervenit; ubi etiam eundem Lucillum discipulum suum Philosophiæ Candidatum ad DEI præsentis memoriam habendam adhortatur his verbis: *Quid tibi videbitur divina lex, cum illa suo loco videris? Hac cogitatio nihil sordidum animo subsidere finit, nihil humile, nihil crudele: DEUS omnium rerum esse testes ait. Præclare etiam canit Comædus Menand. in comic.*

Nec acus filum Pamphile concuperis,

Quando ipse præsens DEUS inspicit omnia.

288. V.) Summam Bonitatem divinam, præsertim respectivam Gens quæ non prædicet, nulla datur, teste Synesio in orat. de regno, ita dicente: *Bonum DEUM prædicant omnes ubivis terrarum populi, tam sapientes, quam imperiti, iique universi mutuo consensu, atque una voce profitentur: licet quod ad alia pertinet, variis de DEO sententiis discrepent. De hac Bonitate dixerat Iphigenius: Nullum Deorum quippe crediderim malum. Et Menand. in comic. ait: Qui sit DEUS, bonum idem sit necesse est. Bonitas hæc sequitur ex exclusione omnis imperfectionis superius demonstrata.*

289. VI.) Jam ex omnibus his divinis perfectionibus lumine naturæ notis, & etiam Ethnicorum testimonio evictis duo confectaria materiæ legis nat. apprime necessaria inferuntur. Primum est: DEUM esse supremum legislatorem, uti enim Cicero in somn. ait: *Est rationi vel maxime conveniens, ut ille, qui viget, qui meminit, qui regit & moderatur, atque ita perfectus est, mundo quem condidit, legem ponat. Huic simile alterum est: quod DEUS utpote Creator totius mundi, in omnes homines non tantum summam habeat potestatem: sed etiam supremum in res a se creatas dominium. De quo Eurippid. Phœniss. ita canit:*

Non possidemus propria Mortales bona,

Sed jus Deorum: nostra dispensatio est,

Et commodata cum volunt, repetunt Dii.

Atque hæc sunt officia theoretica, quæ homo jure naturali DEO exhibere obligatur recte sentiendo de eo. Tractandum jam incumbit de officiis practicis, seu in agendo consistentibus, quæ scilicet ratione homo agnatum Numen colere & amare debeat.

C A P U T II.

De officiis hominis erga DEUM practicis.

A R T I C U L U S I.

De cultu naturali in genere, DEO practice exhibendo.

S U M M A R I U M.

290. Officia practica erga DEUM, consistunt in cultu interno & externo, hic uterque dicitur: Religio erga DEUM.
 291. Probatur jure nat. deberi DEO cultum tam internum, quam externum.
 292. Homo non semper jubetur uti eodem genere cultus mixti.
 293. Solvitur instantia. Et probatur cultum etiam externum deberi DEO, quia hunc exigit conditio hominis quatenus hic est creatura DEI.
 294. Idem cultus debetur DEO per respectum ad officia proximo nostro a nobis exhibenda.
 295. Tanto magis, quia illum exigunt officia nostra DEO ipsi a nobis immediate exhibenda.
 296. Aliorum Naturalistarum opiniones circa cultum DEI externum.
 297. &c. Refelluntur illorum errores circa cultum DEI naturalem.
 299. An aliquis cultus naturalis debeatur ex justitia?
 300. Defenditur affirmativa contra Protestantes.
 301. Respondetur contrariae rationi.
 302. Regula justitiae non semper supponit laesionem actu existentem.
 303. Officia perfecta debentur DEO ex justitia.
 304. Fleischeri opinio contra cultum DEI castigatur.

§. I.

E. Quenam praecepta naturalia deriventur ex notitia DEI?

290. **C**UM nihil sit volitum nisi cognitum; & ignoti nulla sit cupido; hominem, priusquam sine sua culpa in notitiam veri DEI venisset, a cultu ei reddendo, facile excusari potuisse, nemo est qui inficiaseat, ex quo autem pervenit in agnitionem ejus, tanquam Entis summe necessarii,
 ne

Ne cognitio illa sit pure speculativa & inutilis: qualem faisse in Ethnicis Philosophis observavit Apostolus ad Rom. 1. dicens: *qui cum cognovissent DEUM, non sicut DEUM glorificaverunt, aut gratias egerunt: sed evanuerunt in cogitationibus suis; proxime & in actu secundo obligatur ad officia practica ei exhibenda per rectum illius cultum*, qui nihil aliud est, quam *cogniti Numinis veneratio, certis naturæ legibus definita*. Et dividitur in internum: Qui est *veneratio mentis DEO devotæ internis tantum actibus concepta*. Ac in externum: Qui est *veneratio mentis DEO devotæ externis quoque signis exhibita*. Ex hoc autem generali Juris nat. præcepto sequuntur specialia, tam affirmativa, nempe Amoris, honoris, & obedientiæ; quam negativa præcepta prohibentia quidquid cultui divino adversatur, quæ omnia uno verbo dicuntur *Religio in DEUM*. Ita docente Lact. l. 5. ubi ait: *Sic pietas agnoscere DEUM, cujus cognitionis hæc summa est, ut eum colas: ignorat utique justitiam, qui Religionem DEI non tenet*.

Hanc ipsam religionem Seneca tragedus reponerat in puritate animi ab omni noxa liberi, dicens: *Optimus animus pulcherrimus DEI cultus est*. Recta quippe religione habita & animi puritate approbata veluti in vasculo fluctus complectetur homo ea omnia, quæ Auctori & supremo Legislatori suo debet. Demum satisfaciet naturali obligationi tendendi ad finem proprium sibi a Creatore præfixum, scilicet ad felicitatem naturæ rationali consentaneam, quæ acquiritur aliter quam per conjunctionem *moralem* hominis cum DEO, & exhibitionem officiorum ei debitorum, non potest. Quo autem plenius exponantur practica erga DEUM officia, hic in præceptis *generice* adductis asserta: decidenda occurrunt nonnulla dubia circa obligationem cultus interni & externi DEO exhibendi. Hinc

§. II.

An lex nat. præcipiat cultum & adorationem DEI per actus tam internos quam externos exhibendam?

291. **Q**uidquid aliqui e Protestantibus Naturalistis hic infra refellendis, erronee in contrarium sentiant, certum est omnibus vere doctis & piis utrumque cultum & adorationem DEI tam internam quam externam, seu mixtam, homini lege nat. præceptam esse tunc, *quando præcepti natu-*

naturalis observatio urget, ut eum etiam externe colamus; quod communiter ex his motivis deducitur.

I.) Quia cum homo anima & corpore constet, & utrumque a DEO habeat: utrumque debet DEO exhibere hostiam viventem, ac ei placentem, in cultum & adorationem ejus. Neque enim est ratio cur sola anima, & non etiam corpus ab illa animatum hac cultus divini lege obstringatur.

II.) Moraliter & humano modo loquendo, non facile possumus reverenter ad DEUM accedere, nisi corpore ipso signa reverentię exhibeamus, & per corpus ipsum etiam animum componamus: hic est enim modus homini maxime connaturalis. Et licet interdum possimus per spiritum ad DEUM ascendere sine compositione corporis; raro tamen & ex longa adorandi consuetudine facilitas hæc oriri potest. Hinc cultus exterior homini præcipitur tanquam maxime connaturalis.

III.) Cultus religiosus exigit, ut homo etiam exterius se ostendat servum ac cultorem DEI: & hoc quoque etiam ipsa ratio dicitur; ostendit autem se talem per veri Numinis verum cultum exteriorum: Igitur hic modus DEUM colendi sub juris nat. obligatione continetur. Legi hac super re potest D. Th. 2. 2. q. 84. ar. 2. tum *Picard.* de ceremoniis & costumibus religiosis, *Simancas* in Cathol. Instit. tit. 10. num. 5. *Suar.* tom. 3. p. 3. d. 37. f. 3.

292. Non tamen ita intelligendus est cultus *mixtus* a lege nat. esse præceptus, ut æstimeretur homo obligari ad utendum semper hoc genere cultus & adorationis: Est enim hoc præceptum *affirmativum*, quod non pro semper obligat, & hinc sicut potest homo multis temporibus non adorare DEUM, ita potest, si velit, sæpe adorare sola mente, sine usu membrorum corporis, quia adoratio & cultus interior prior est, & non dependet a posteriori. Imo utilissimum est sæpe exercere animum in hoc interni cultus modo, ut homo assuescat contemplationi primæ causæ, possitque DEUM suum adorare etiam ubi non est commoditas exercendi externa signa adorationis. Ac proin.

293. Non obstat, quod cultus DEI externus sit a jure positivo divino, vel humano præceptus. Nam cultus DEI exterius *communis* appellatus, quatenus est interni complementum & index, seu *mixtus* signis naturalibus expressus, non est juris positivi ullius: sed *naturalis*: bene autem cultus

extat-

externus *specialis* dictus, seu prout est arbitrariis ritibus definitus. Qualis est ille, qui certa Sacrificia & sollemnitates ac ritus, & cæremonias determinat, a solo jure positivo procedit. Cultus itaque externus *communis* in quantum pertinet ad jus nat. consistit in actionibus *externis*, interna officia repræsentantibus. Et quidem I.) In obsequiis *debiti amoris*, faciendo *generaliter* ea, quæ per rationis lumen distat Creator: v. g. *obeundam mortem* propter ejus veram existentiam, gloriam, religionem &c. II.) In officio *laudis*, honoris & reverentiæ indice. III.) In invocatione pro beneficiis accipiendis, & gratiarum actione pro acceptis. IV.) In officiis *debiti timoris*, fugiendo & impediendo ea, quæ DEO ingrata nobis ipsa ratio promulgat, & sic de multis aliis:

Atqui enumerata officia cultus externi erga DEUM sunt nat. jure præcepta. Quia singula hæc determinatè exiguntur ab amore, in ordine ad felicitatem, seu pacem cum DEO habendam *simpliciter* necessario. Nam I.) determinatè exiguntur *respectu hominis*, qui obligatur ad aliqua officia Creatori suo exhibenda, Amor enim necessarius DEO a rationali creatura simpliciter debitus exigit *cultum* particulariter consistentem in *observantia* omnium *legum naturalium*, ut per se patet: porro impossibile est absque actionibus externis observare omnes naturæ leges, maxime *affirmativas*: Igitur hac ex parte exigit cultum DEI *externum*.

Prout autem cultus hic consistit in *laude* & *gratiarum actione externa* &c. eum exigi ab amore DEO debito, hunc in modum probatur: Amor necessarius, DEOQUE *simpliciter* debitus est *procuratio boni*, seu cultus non qualiscunque: verum DEO simpliciter competentis *respectu totius hominis*, cujus ille est Creator, & conservator; Atqui talis non est solus cultus internus, quia *respectu hominis qua talis*, seu qua compositi ex anima & corpore *insufficiens*, nec completus in suo genere, nisi sit externo conjunctus: Itaque cultus *respectu hominis*, qua compositi ex anima & corpore, DEO simpliciter competens debet esse internus externo conjunctus. Neque enim concipi potest, quomodo quis v. g. mortem pro DEO, & ejus laude appetat *mere interne*, in illis circumstantiis, quando præceptum naturale urget pati tormenta, & mori pro illo: talis autem præcepti naturalis observatio est verus & practicus DEI cultus.

234. Deducitur etiam II.) quod cultus DEI naturalis eternus communis interno conjunctus consistens in implementatione legis naturæ, exigatur ab amore per respectum ad officia proximo nostro exhibenda. Amor enim necessarius, DEOQUE simpliciter debitus exigit cultum DEO positive competentem non modo respectu sui: sed etiam respectu proximi. Quia homo obligatur jure nat. ut ob amorem DEI diligat etiam proximum suum, eique in plerisque casibus sit auxilio in illis, quæ necessaria sunt ad noticiam DEI acquirendam, ad veram religionem insinuandam, vel ad errantem in via salutis reducendum in semitam rectam, & scandala ab eo amovenda: Prout obstringuntur parentes liberis suis prodesse bona educatione, in illis saltem quæ naturalem religionem concernunt; unusquisque etiam obligatus est bonæ se exempla præbere aliis, fidem in rebus honestis & licitis datam sancte tenere: in jurejurando nedum veritatem asserere: sed etiam in ejus executione fidelitatem observare, &c.

Hæc omnia & singula prout ex obedientia erga DEUM rationalis naturæ Auctorem & Legislatorem fieri debent, sunt aliquis cultus DEI: Atqui non est cultus solummodo privatus, internus, occultus, quia insufficiens ad hunc finem, DEOQUE non satis dignus, nisi sit externo conjunctus, uti fert vulgare illud: *jusse jurare, est DEUM adorare*, qualis adoratio sine externa Numinis invocatione fieri utique in jurejuramento nequit, prout nec in danda eleemosyna, quando eam dare jure nat. obligamur: &c. Igitur cultus respectu proximi DEO simpliciter ab homine debitus est internus externo conjunctus, in iis casibus, quando naturale præceptum urget hujusmodi actus exercendos.

395. Deducitur quoque tertio:) Prædictum cultum exigi ab amore, quem homo exhibere tenetur immediate ipsi DEO, persolvendo ei officia specialiter debita. Quia primo: DEUS qua sapientissimus Conditor formando hominem compositum ex anima & corpore, evidenter habuit, & etiam habere debuit finem, non qualemcumque; sed respectu talis compositi sibi congruum, secus enim redundaret imperfectio in Creatorem: Igitur debuit pro fine intendere bonum sui, non qualemcumque: sed ratione talis compositi sibi specialiter competens: Atqui tale bonum non est cultus solum internus; quia respectu hominis qua corporei non completus, nec sufficiens; Itaque DEUS formando hominem qua anima & corpore

corpore constantem, non solum habuit pro fine cultum *internum*: sed etiam *internum* externo conjunctum, animo & corpore exhibendum. *Secundo*: Cultus solummodo *internus*, *occultus ac privatus*, neque respectu *hominis*, qua anima & corpore constantis, neque respectu proximi est sufficiens & completus, neque DEO sat dignus & competens: Igitur DEUS non modo exigit: sed & exigere debet *respectu sui* cultum quoque externum, seu *mixtum*, in illis circumstantiis, quando legis nat. observatio urget, ut eum externe exhibeamus,

§. III.

Quid alii Naturalistæ de cultu DEI externo sentiant?

296. **C**OMMENTATORES Puffendorffii in varias circa hanc materiam abiire opiniones. Thomassius enim in *Jurisprud. divin. L. 2. c. 1.* negat cultum DEI externum naturali jure præceptum, I.) Eo quod ratio sibi soli rel. *Ha nihil deprehendat respectu DEI*, unde inferat eum coli velle, hujus ipsius causam assignans: quod DEO opus haud sit cultu *exteriore*. II.) Quod ratio neque aliquid deprehendat respectu *hominis* ipsius, ex quo concludat cultum exterioriorem; quia signa externa *laudationis, invocationis, gratiarum actionis* inter homines quidem sunt necessaria, cum hi aliorum actus internos non introspiciant; hæc autem ratio cessat in DEO cordium scrutatore. III.) Quod eadem ratio sua neque aliquid deprehendat respectu *socialitatis humanæ*, ex quo cultus DEI externus *veluti debitus* inferri possit. Tum quod socialitas humana vitæque tranquillitas, etiam omisso hoc cultu *per se ac necessario* nil lædatur. Tum quod socialitatis humanæ finis *primarius* sit felicitas; *secundarius* vero cultus DEI externus, tanquam *medium* promovendæ felicitatis. Tum demum, quod cultus externi finis sit *beatitudo æterna*, non autem socialitatis humanæ felicitas. Ex his præmissis concludit ille dicens: *Nullam esse divisionem religionis in naturalem & revelatam*, cum omnis religio prout denotat cultum DEI externum, sit *revelata*.

Thomassii in Puffendorffium commentaria & commenta secutus est Engelbrechtus Dunze *disp. 4. ad fin. Jurisprud. Thomassianæ*, ubi defendit hanc thesin: *Homo ex ratione sibi relicta non potest demonstrare DEUM cultu externo esse pro-*
sequen-

sequendum. Ejusdem mentis est post alios Kemmerichius, qui in *Elem. J. N. & G. c. 4. ad §. 7. f. m. 65.* scribit: *Respectu DEI ratio nullam cultus externi necessitatem videt, quia DEUS est scrutator cordium, cui non opus est interna animi sensa per externa signa revelari, &c.* Horum vestigia sequitur *Fleischerus* cum reliquis *Thomassii Amanuensibus*.

297. Nihilominus ratiocinatio Naturalistarum hujusmodi inconcussam veritatem nixam fundamentis hic a nu. 291.) adductis minime enervat. Momenta vero a *Thomasso* congesta facili negotio diluuntur. Nam ad I.) Respondent Eruditi ac pii Viri: ex eo, quod *DEO obus haud sit cultu exteriori*, imperite concludit Auctor, hunc ei jure nat. non deberi: Ille enim neque cultu interno opus habet, quem tamen admittit hic Moralista. Ad II.) Utor verbis D. Th. 2. 2. q. 91. a. 1. dicentis, quod cultus etiam exterior jure nat. exhibendus sit DEO, non quidem ut ei, qui est inspecior cordium, nostros conceptus manifestemus: sed ut nos ipsos & alios ad ejus reverentiam inducamus. Et ideo necessaria est laus oris (& similis alia exterior) non quidem propter DEUM: sed propter ipsum laudantem, cujus affectus excitatur ad DEUM ex laude ipsius. Homo enim cum animam & corpus habeat a DEO, utriusque hujus substantiæ facultatibus obligatur exhibere debita officia Creatori suo.

Ad III.) Rationis ultimæ cum suis confirmationibus adductæ falsitas inde patet primo.) Quia etiam juxta ipsummet *Thomassium l. c. n. 22.* cultus DEI est *fundamentum omnis obligationis ac fiduciæ mutue* in socialitate humana necessariæ: igitur cognitus & sufficienter declaratus esse debet. Alioquin nedum læditur socialitas humana: sed prorsus tollitur, quia hoc casu fieret *belluina* & irrationabilis sine officiis erga DEUM completis. Confer saniozem hac in parte Gentilis Philosophi *Plutarchi* opinionem, supra hic n. 256.) laudatam; secundo.) Enorme est assertum Christiani Naturalistæ, quod socialitatis humanæ finis *primarius sit felicitas*: jam vero *secundarius* cultus DEI externus: Ille enim pervertit ordinem & dispositionem humanæ naturæ Conditoris, qui totam ejus felicitatem naturalem in impletione suæ divinæ voluntatis per lumen rationis intimatæ consistere voluit. *Societas autem humana*, prout consistit in vita, mutuo amore, pace & quiete tranquilla, est potius *effectus* impletæ divinæ illius voluntatis, ad normam ejus societatis, qua fruuntur Cælestes incolæ in beata patria.

298. Ac proin *tertio*.) non subsistit ultima confirmatio : Cultus quippe externi finis idem est ac interni , hoc enim atque illo tenemur servitutem nostram , non minus quo ad animam , quam quo ad corpus exhibere Creatori nostro debitam : Atqui spectato præcise jure nat. finis interni cultus est felicitas *naturæ rationali proportionata* , sic , ut *temporaneæ* sit finis secundarius , *spiritualis* vero , etiam ultra hanc vitam extensa sit finis primarius , ut ostendimus a n. 246.) igitur &c. Reliqua Protestantium Sophorum & Theosophorum momenta , si quid probarent , id solum evincere possent , quod jus nat. præcepto suo *affirmativo* non determinaverit *certum stabilem modum cultus & adorationis externæ* , quanquam nec *internæ* , quo constanter & immutabiliter DEUM colamus , vel adoremus : sed illum reliquerit arbitrio uniuscujusque hominum pro statu naturæ *primigenio* : pro statu vero *hypothetico & civili* voluerit eum dependere qua ab arbitrio proprio , qua a jure-positivo , qua a circumstantis eum exigentibus , ut sit , dum obligamur DEUM profiteri coram Tyranno , & mori pro eo , si opus fuerit . Tunc enim adest præceptum naturale determinatum , externa hac professione internæ conjuncta colendi Creatorem &c. Verum cum hæc certa nobis sint , facile in unam conspirare sententiam , si his solis contenti forent Adversarii . Interea tamen ex illorum supra adductis argumentis minime sequitur tam internum quam externum cultum DEI non esse jure natur. etiam *in genere* præceptum , quod iis negantibus , serio & constanter defendimus ac proficemur .

§. I V.

An aliquis cultus , seu officium practicum debeatur DEO ex justitia ?

299. **EX** quo utrumque cultum internum juxta ac externum DEO jure nat. deberi conclusimus , oritur inde quaestio : an ille debitus sit *ex justitia* , vel sola naturali *religione* : aut ex *mero decore* aut *honesto* , cum etiam ex his solis motivis exerciti actus dicantur ex jure nat. provenire , quatenus naturali rationi sunt conformes ?

Ansam autem quaesito huic præbuit *Fleischerus* cum suis sequacibus , qui in *Inst. J. N. & G. l. 2. c. 1. §. 49. f. m. 235.* ait ,

ait, ad cultum *internum* nos obligari ex *regula justī esse absonum dicere*, eo quod *regula justī supponant lesionem*: Deus autem a creatura laedi haud possit. His non contentus addit; neque ex *regulis decori* nos obligari *spectata ratione*, eo: quod DEUM bono aliquo afficere neque ejus conceptus, neque virium nostrarum imbecillitas admittat. Cultum igitur DEI *internum* ex *solis regulis honesti* deducit, verum cum hac digna Christiano Naturalista limitatione: ut ne nobis falso persuadeamus, acsi illum hanc ob causam instituisse debeamus, NB. ut DEI gloriam promoveamus. Imo acsi gloria DEI promoveatur, agendo *justa, honesta, ac decora*, *vanissima persuasio*, ac nonnisi ingenio SUPERSTITIOSO digna. Przoccupando autem tela contraria, addit: *Neque contradicere Apostolum 1. Cor. 10. ver. 31. dicentem: sive ergo manducatis, sive bibitis, sive aliud quid facitis, omnia ad gloriam DEI facite*. Cur autem Apostolus per hujusmodi verba non contradicat assertæ doctrinæ suæ; mox assert rationem: Cum hoc saltem dicere videatur, quod bonis concessis uti debeamus, ut alii videant nos magni facere concedentem.

Morali huic subjungit Fleischerus ibid. *omnes eos, qui ubique circa actiones suas gloriam DEI crepant, hoc ideo agere, quod facile convinci queant, actiones eorum, neque vere honestas, neque justas, neque utiles esse*. Confugiunt (inquit) hanc ob causam ad rem sublimem, & STULTITIAM suam tegere satagunt gloriæ divinæ prætectu. Hæc ille de cultu DEI interno, quid autem de externo sapiat; patet jam ex præcedente quæstione.

300. Sanior autem Jurisprudencia natur. detestatur hunc Protestantici scriptoris DEO injurium, & veritati contrarium errorem. Omnes quippe vere Prudentes ad propositam quæstionem respondent: Cultum & officia perfecta jura natur. præcepta, qualia sunt v. g. DEUM agnoscere ut naturæ Autorem, non blasphemare, eum timere, revereri &c. esse illi debita ex justitia. Uti enim liquet ex n. 74.) Omnis obligatio naturalis fundatur in debito naturali necessario, ac obligatione indispensabili, sub reatu culpæ & pænæ necessario explenda: prout patet in exemplis. Sive enim obligatio hæc provenierit ex justitia mere legali naturali, quam universalem vocant, a qua prohibetur v. g. blasphemia, infidelitas, desperatio &c. ac præcipitur agnitio DEI, rectus de eo sensus, & fides vera, spes &c.

Sive

Sive demum procedat obligatio hæc ex iustitia commutativa seu *stricta ac rigorosa*, quælibet ex his uti *neccessario* ad actum vel ejus omissionem obligat: ita *neccessario* ac ex iustitia executioni per creaturam rationalem mandanda est; idque ob hanc rationem: Quia omnis actus, quem DEUS qua naturæ Auctor & supremus rerum omnium Dominus *neccessario* potest exigere a sua rationali creatura, est ei ex iustitia debitus: Atqui inter officia hominis erga DEUM jure naturali præcepta, sunt tales actus, quos DEUS qua naturæ Auctor *neccessario* exigere potest; imo defacto *exigit*, ne blasphemetur, ut pro vero DEO & Domino agnoscatur, timeatur &c. & quidem *exigit neccessario*, nisi enim hæc exigeret, negaret seipsum, ut patet ex n. 263.

Hi igitur & similes actus sunt illi ex iustitia *universali* debiti. Juxta dicenda enim hic c. 4. art. 4. Iustitiæ naturalis universalis, seu legalis prout distinctæ a commutativa, objectum immediatum est *observatio juris alicuius*, vi cujus potest quis v. g. a me exigere actum sibi debitum.

301. Nec refert, quod DEUS non possit a creatura lædi: id enim solum de *entitate divina* verum est, seu quod *in se ipso*, ac bonis suis *intrinsecis* læsioni nullo modo sit obnoxius. Lædi tamen adhuc potest, imo sæpissime ab ingrata creatura sua læditur in bonis suis *extrinsecis*, ac jure quod habet adversus illam sibi lege naturali obligatam, ut eum agnoscat, amet, revereatur, colat & timeat implendo naturalia officia sua erga eum. Alioqui non esset ratio, cur blasphemos, perjuros, idololatrias, Atheos, ac *meros Naturalistas*, aliosque sibi debita officia jure nat. præcepta non persolventes, & ab his alios, qua dictis, qua scriptis impie avertentes puniat?

302. Falsum quoque est, quod *regula iusti* semper supponat actu existentem *læsionem*: id quippe habet locum in restitutione, compensatione, ac reparatione juris alieni læsi, supposito facto aliquo damnum inferente & injuriam: Ante læsionem tamen eius, circa persolutionem debiti, iustitia universalis, seu in genere sumpta, cum sit *virtus moralis observativa per se juris alicuius*, seu cum per lib. 10. ff. de J. & J. sit *constans & perpetua voluntas jus suum cuique tribuendi*, illa potius attendit ad *aequalitatem actionis* cum jure alterius exigente eam, nec ullam præsupponit, aut prærequirit læsionem: sed potius *exigit debiti actus solutionem*, seu exhibitionem, ne alter in suo jure lædatur

Jus Nat. & Gent.

P

per

ter ejus culpabilem omissionem. Si autem casus versetur circa obligationem ex justitia commutativa ortam, tunc hæc prout est *observatio juris proprietatis*, attendet ad *medium*, seu *æqualitatem rei*, quæ alteri debetur.

Quodsi forte lis moveatur *de nomine*, opponendo: justitiam prærie & stricte talem non habere locum in officiis erga DEUM, sicut nec erga seipsum; eo, quia non ad *æqualitatem cum jure alterius* fiat. Contra erit: Etsi enim non habeat locum *æqualitas cum jure divino proprietatis*: bene tamen adhuc habebit *æqualitas cum jure Divino exigente certam actionem sibi necessario debitam*, juxta dicta nu. *preced.* Quia licet forte non haberetur justitia *rigorosa* proprie talis ac commutativa inter DEUM & hominem: optime tamen adhuc justitia naturalis *universalis*, quam etiam suo modo esse rigorosam, utpote eam, quæ *necessariam debiti obligationem* inducit, cum D. Thoma defendunt graves Theologi, & nos infra probabimus a n. 554. & n. 648.)

Quanquam ex communi sententia etiam justitia commutativa seu rigorosissima datur *in creatura rationali* erga DEUM, imo etiam *erga seipsum*, quatenus homo respectu corporis, vitæ & talentorum non agit dominum: sed merum administratorem ac *usuarium* salva rei substantia, quam si destruat, v. g. culpabili actione mutilando, vel occidendo seipsum, inferet injuriam DEO, penes quem vitæ & membrorum homini concessorum *directum* dominium manet.

303. Ex hoc discursu sequitur: internum pariter ac externum DEI cultum, quoties hic spectat ad officia perfecta, seu in naturali debito *necessario* fundata, deberi illi ex justitia: Contra vero, si fuerit cultus ille mere *supererogatorius*, & liberaliter assumptus, hic procedet ex regulis *solius decori & honesti*, prout non fundari in debito naturali absolute necessario.

Excipe tamen adhuc eos actus, qui *liberaliter* quidem erga DEUM exerciti, aut promissi sunt: sed jam transierunt sub jus nat. *hypotheticum*. Exempli gratia: si votum de re meliori DEO mere liberaliter factum est; factio ejus fuit quidem ex solo *decoro & honesto* non fundato in prædicto debito naturali: impletio tamen ejus debita jam erit etiam ex *justitia*, & non ex sola religione; juxta naturale axioma: *Contractus, pacta, & promissiones acceptæ ac honestæ ab initio sunt voluntatis: ex post factio necessitatis*. Neque enim DEI conditio potest hic esse deterior conditione hominis: Atqui

qui promissio mere liberalis homini spontanea facta honesta, & ab altero acceptata inducit obligationem juris naturæ hypothetici, seu ex suppositione liberi consensus ortam, ac constituit interdum eam, quæ spectat ad justitiam commutativam, si scilicet promittens intenderit se ita obligare: interdum illam, quæ ad solam justitiam universalem naturalem reducitur, qualis est, si promissor se ex solâ fidelitate obligavit, quin ad restitutionem ullam teneatur &c.

Igitur sicut actus hujusmodi, quamvis alias priusquam essent promissi, non spectabant ad actus justitiæ, & poterant ex alio titulo exerceri: nihilominus ex allegata hypothese consensus, spectant ad aliquam justitiæ naturalis speciem; ita actus DEO promissi, præter titulum religionis, spectabunt pariter ad obligationem alicujus justitiæ, ut docet D. Th. & liquet ex dictis a n. 578. & 648.)

304. Quod autem Fleischerus cum similibus aliis Naturalistis invehatur in eos, qui per actus suos legi naturali conformes ac DEO debitos conantur quantum in iis est, gloriam ejus promoveri, illosque stultitiæ damnet, ac verba Gentium Apostoli ad suum errorem perverse detorqueat: alia confutatione non eget, quam ut opinio ejus recte dispositio intellectui hominis Christiani, imo & ethnici, qui non omnino rudis, aut temerarie impius est, trutinæ relinquatur. Sana enim ratio cuique suasor est: hominem esse creatum ad DEI perfectiones manifestandas ejusque Gloriam, pariter ac v. g. avem esse creatam ad volatum, & pro utilitate hominum, vel ad decorem Universi:

Sicut igitur volucres naturæ suæ necessitate illis funguntur officiis ad quæ creatæ sunt: ita homo naturalem suam libertatem obligatur eo impendere; ut per officia sibi propria tendat ad finem sibi a suo Creatore præfixum: consequenter, quantum in illo est, ac naturaliter potest, manifestare perfectiones divinas, ejusque Gloriam promoveri obligatur.

Nec obstat quod DEUS promotione hac, & gloria non indigeat: etenim patet jam responsio a n. 297.) ex D. Th. & etiam ethnicis Sophis adducta; quod promotio hac gloriæ divinæ non quidem DEO necessaria sit: bene tamen homini ipsi, cui naturali lege necessitas hac officiorum erga suum Creatorem iuste imposita est: Et certe neque Rex aliquis creatus indiget, ut subditus suus homo rusticus se agnoscat pro supremo Principe, aut tenue tributum dimi-

dñi v. g. floreni fideliter solvat : subditus tamen quia subditus est, ex sua parte obligatur hæc implere, & quidem ex aliqua iustitia.

A R T I C U L U S II.

De officiis naturalibus in sua specie practice exhibendis DEO.

S U M M A R I U M.

305. *Ad quæ officia practica erga DEUM obligemur?*
306. *DEUS potest credi fide naturali.*
307. *Homo in fide naturali fundatus debet tendere ad finem suum per media proportionata.*
308. *Amor DEI naturalis est unum ex præcipuis mediis.*
309. *Qui amor sufficiat ad præceptum nat. implendum?*
310. *Decernitur quæstio contra Jansenium &c.*
311. *Satisfit contrariis.*
312. *DEUS diligendus amore natur. nedum concupiscentiæ : sed etiam benevolentæ, eoque summe appetitativo naturaliter.*
313. *Pœnitentia post peccatum jure nat. præcipitur. Et quid de mortificatione dicendum?*
314. *Quæ sint vitia officiis DEO debitis contraria?*
315. *Atheismus tolerandus a Protestantibus asseritur.*
316. *Atheus in Polonia vivus exurit.*
317. *&c. Polytheismus, infidelitas, perjurium, voti violatio prohibentur.*

§. I.

Quæ sint officia practica de jure nat. per actus qua internos, qua externos DEO exhibenda.

305. **L**oquendo de actibus internis patet jam ex nu. 261.) hominem jure nat. obligari l.) ad notitiam & agnitionem DEI secundum vires quibus pollet, inquirendam & habendam. Hæc enim est fundamentum omnium aliorum officiorum, & felicitatis naturalis, ac initium æternæ, juxta explicationem adductam hic num. 256.) Debet quoque

que II.) perfectiones divinas agnoscere eas, quæ lumine naturæ agnosci possunt, aut saltem ex notione *Entis absolute necessari* facile perceptibiles sunt, quales supra a num. 276.) ostendimus: *Existentiam, & unitatem DEI*, qua *Creatoris, Gubernatoris, providi, iusti malapunientis, bona remunerantis*. Qui cum sit *invisibilis*, debet igitur. III.) de existentia ejus. & prædictarum illius perfectionum haberi *fides naturalis*, cujus firmitas fundatur in demonstrationibus superius adductis, ac argumentis, quæ recta ratio cuique insinuare potest.

306. Nec obstat *Puffendorffii* & ejus sequacium persuasio, volentium DEUM non posse credi fide naturali, eo quod donum fidei ex supernaturali revelatione habeatur. Contra enim est, quod actus huiusmodi procedere possint ex diversis principiis, ita ut qua parte procedit ex motivo mere naturali, sit naturalis; supernaturalis vero quatenus ex motivo supernaturali veracitatis, infallibilitatis, revelationis divinæ oritur. Et ita pleraque objecta ex fide divina credimus, quæ tamen naturali ratione scimus, ut docet D. Th. 1. 2. q. 63. art. 3. ad 4.

Tanto minus solida est ratio illa Protestantium, qua hi falso supponunt actum fidei naturalis de DEI existentia semper fieri, vel esse debere supernaturalem. Ita quippe illi de suo (ut dicunt, ac si Superis placet) beato *Luthero* habent firmam fidem, quod cælesti beatitudine jam fruatur: & tamen actus fidei hujus certo *non est supernaturalis*, ut per se patet intelligentibus: imo *nec naturalis*: cum ex nullo principio lumine natur. noto per conclusionem absolute certam procedat.

307. Ita autem modo præallegato homo in animo suo comparatus per actus *theoreticos*, ac in fide naturali de DEO solide fundatus obstringitur IV.) practice tendere ad *figem suam naturalem*, vitam suam & actiones conformando voluntati Creatoris sui agniti per lumen nat. ejusque legem nat. implere per ea, quæ diximus a num. 290.) Ac proin tenetur V.) *spem suam summam & ultimam*, non in divitiis, vanitate & fluxis rebus: sed in solo DEO naturæ Auctore plene reponere. Quia *spes objectiva* ultima & summa hominis, etiam abstrahendo a supernaturali statu spectati, nequit esse alia quam ipse DEUS, qui unice est *summum bonum* ejus, & *finis adequate ultimus*: Igitur extra hunc solum *spem summam & ultimam*, sive fog-

ret ex his momentis. I.) Tenetur ita amare amore *concupiscentie*: Connaturale enim homini est, ut amet eum, quem bonum erga se experitur, vel sperat. Atqui ille bonitatem hanc DEI *respektivam* in omnibus, quæ habet, & sperare potest, liberalem experitur, confitente vel ipso Satana, Job. c. i. v. 10. *Vallasti eum beneficiis*; Cum itaque bonum naturaliter non possit non amari; sequitur hominem naturali præcepto obstringi ad amandum DEUM amore prædicto.

II.) At neque amor *benevolentie* illi negari potest: Cum lumine naturali doceamur Ens summe bonum in se ipso, & ipsam substantialem bonitatem propter se ipsam amandam esse. Id enim etiam absoluta rationalis creaturæ erga DEUM, qua suum ultimum & adæquatum finem obligatio exigit. Contrarius vero Heterodoxorum error ad Atheismum viam sternit. Qui apud Habert. *theol. dogm. t. 3. de spe. c. 2. f. 397.* his terminis exprimitur: *Amor nostri est velut primaradix, ex qua oriuntur & crescunt ceteri amores: ac proinde una est ratio amandi DEUM, scilicet bonitas ejus relative ad nos spectata, filitiumque ac prorsus impossibile, amare DEUM quatenus præcise bonus in se est.* Absurdo huic errori convulso alias per D. Th. 1. p. q. 60. a. 3. Puffendorffius, Thomassius cum reliquis sequacibus suis superedificaverunt *socialitatis* suæ principium, ad quam ut omnium corda & animos converterent, DEO debitum *benevolentie* amorem cum aliis officiis a Jurisprudencia naturali exclusum ad moralem Theologiam imperite relegarunt.

311. Opponent quidem illi, in præsentī statu naturæ lapsæ homo sine speciali gratia non potest aliquem actum amoris supernaturalis elicere: ad impossibile proin nequit obligari. Sed prætextus hic errorem eorum non sanat. Quia Jus nat. non obligat hominem ut amore *benevolentie* ac *amicitie* DEUM amet super omnia etiam *supernaturaliter*, ac determinate, licet non sit instructus mediis supernaturalibus: Sed potius adstringit eum, ut faciat id quod potest. Ita quippe & nos debitores nostros, qui toti debito solvendo non sunt, obligamus adhuc ad solvendum id, quod possunt: Porro potest homo lapsus solis naturæ viribus amare DEUM super omnia amore naturali, tum *benevolentie* & *amicitie* efficaci quo ad affectum: id est tali, ut cum eo stare non possit voluntas peccandi mortaliter; adeoque etiam quo ad effectum, pro brevi tempore, quo durat.

Nam potest homo in presenti statu naturæ lapsæ non ad-
iutus auxilio sibi indebito cognoscere DEUM, ut primum
principium & finem ultimum inesse naturæ, adeoque ut sum-
me & super omnia bonum bonitate tum respectiva tum ab-
soluta: Igitur cum DEUS repræsentatus sub tali ratione bo-
ni contineatur intra objectum naturale voluntatis, etiam po-
test (seclusa gravi tentatione aliove impedimento) solis na-
turæ viribus in illum sic cognitum ferri amore proportio-
nato, eoque efficaci saltem ad breve tempus, cum nul-
lum adsit fundamentum dicendi, quod id vires ejus supe-
ret. Hinc damnata est a Pontifice Bajana prop. 36. *Amor
naturalis, qui ex viribus naturæ oritur, ex sola Philosophia
per elationem præsumptionis humanæ cum injuria crucis Chri-
sti defenditur a nonnullis Doctoribus.*

312. Quod etiam III.) DEUS jure nat. diligendus sit a-
more summe appetiatiivo, id est ita, ut paratus sit vitam &
omnia sua bona amittere potius, quam legem ejus deliberate
transgredi: res probatione non eget consideranti DEUM es-
se largitorem & Dominum omnium, ac nihil esse bonum,
cui DEUS eique debita obedientia postponi queat.

§. III.

*An ad naturalia officia hominis erga DEUM spectet,
post peccatum poenitentiam agere?*

313. **Q**UAMVIS sæpius hic laudati Naturalistæ cum Tho-
massia & Fleschero quæstionem hanc ad supersti-
tionem & stultitiam relegent, nihilominus prudenti dubio
vacat: hominem in peccatum mortale lapsum jure nat. obli-
gatum esse ad agendam poenitentiam.

Quia I.) Id necessario exigit officium amoris, quem
peccator Creatori suo naturaliter debet, & requiritur ad fe-
licitatem naturæ humanæ propriam; seu ad pacem cum
DEO habendam est actus simpliciter necessarius: Jam ve-
ro uti eleganter ait Cicero lib. I. de natur. Deor. *Nemo ressi-
tit DEO & pacem habuit*, ac Regius Psalter ait: *non est
pax impiis.*

Huc facit II.) Quod poenitentia sit virtus una ex mora-
libus, quæ spectant ad justitiam naturalem, pariter ac aliæ
hujusmodi virtutes, uti sunt Obedientia, timor DEI (c. III.)
Illam agnoverunt Ethnici, ut videre est apud Stoicorum
serm.

serm. 44. in præm. legum Seleuci & Charondæ, Platōnem l. 10. de legib. & L. B. de Cherbury de Relig. Gent. c. 15. f. 263. Unde Augustinus lib. de duab. animab. contra Manich. c. 14. ait: Vox est ista naturæ, neminem stultum rei hujus notitia deseruit. Hoc nobis nisi penitus insitum esset, periremus. Potest aliquis dicere, nec se peccare: non autem sibi esse, si peccaverit, pœnitendum; NULLA BARBARIES dicere audebit, id tamen & dicunt & scribunt Protestantes cum Thomassio, Fleischer &c.

Nec refert, quod peccator solis naturæ viribus non possit redire in amicitiam cum DEO offenso. Quia non ideo naturalis obligatio pœnitendi desinit ex parte hominis: immensa autem Misericordia divina in nullo statu naturæ defuit, neque deest cum auxilio gratiæ suæ his, qui conantur ea, quæ actu possunt, ut colligi potest ex decis. a n. 251.

Certe enim Gentiles ante Christi adventum nihil audierunt de auxilio supernæ gratiæ, & tamen pœnitentiam post crimen admissum agendam, naturali lumine edocti existimabant. Etenim præter eos quos hic supra in testimonium adduximus, Ovid. projectæ alioqui vitæ Ethnicus, ubi quadamtenus ad cor rediit, suavitatem eam nedum serio instituendam; sed etiam de die in diem non differendam, ac peccatorum occasiones fugiendas. Ita enim canit l. 1. de Remed. amor.

Principiis obstat: sero medicina paratur,

Cum mala per longas invaluere moras,

Sed nec te incertus venturas differ in horas:

Qui non est hodie, cras minus aptus erit.

Et Periander Atheniensis Philosophus monet; cum peccaveris, subeat te pœnitentia. Horatius quoque L. 3. Carm. 24. coevos suos docuerat, veram pœnitentiam fieri non posse, nisi cupiditatibus fræna imponantur:

Scelerum si bene pœnitet,

Eradenda Cupidinis

Pravi sunt alimenta.

Hoc autem loco suboritur quæstio: An pœnitentiæ externæ, seu corporis mortificationes sint licitæ & jure naturali conformes? Negant quidem cum Puffendorfio, Thomassio, Vvebero, Vvolffio Protestantium Naturalistæ, eo quod jus nat. prohibeat sui ipsius occisionem, mutilationem, percussionem, inedia confessionem, & omnem injuriam in suum corpus ac vitam, cujus homo non habet dominium: & quod DEUS ipse displicere sibi externas pœnitentias non ob-

scure

scire significet, ubi ait Joel v. 12. *Scindite corda vestra, & non vestimenta vestra.*

Verum contra sanam rationem, & omnem rectæ doctrinæ consequentiam nituntur naturales Sophistæ illi. Licet enim *pœnitentia externa* in eleemosynis, jejuniis moderatis, & corporis mortificatione consistens non sit lege nat. *determinate* præcepta: nihilominus *neque* etiam est *prohibita*. Atque adeo spectat ad legem nat. *concessivam*.

Sicut igitur nil obstante ratione contraria, quod homo non habeat dominium vitæ, corporis sui, & membrorum, adhuc licite potest fatigare & affligere corpus suum per labores *externos*, vigiliis, inediam *moderatam*, & sexcenta pericula, quibus se exponit militiam militando, mercaturam exercendo, serviles labores circa agriculturam exantlando &c. quia habet sibi a DEO concessum *usum* vitæ & membrorum corporis sui, ad hujusmodi & alia exercitia, propter bonum publicum, vel honorem sui Principis, aut ob suam propriam, eamque temporalem utilitatem prudenter obeunda; ita pariter, imo fortióri ratione permittitur uti *externis* qua fortunæ, qua *corporis* facultatibus ad *bonum animæ suæ* & ad divinam gloriam: cum DEI conditio nequeat esse deterior conditione Principis creati, Reipublicæ, & negotiorum hujus vitæ temporalium, propter quæ homines mundani *longe molestiores* afflictationes, imo plerique etiam præmaturam mortem subeunt & oppetunt. Hæc enim omnia consequuntur *statum naturæ adventitium*, quem Originale peccatum ac naturæ integræ *corruptio* invexit simul cum vitæ hujus miseriis tam internis, quam externis, quibus sublevandis permissa sunt etiam idonea remedia, a nostro labore, voluntate, & divino concursu dependentia.

Alioqui neque pro bono publico liceret militi mortem oppetere, ærumnisque belli, ac vulneribus corpus suum exponere. Imo, nemo obligaretur unquam Martyrium pro *vera Religione* perpeti, obstante ratione protestantica supra adducta, si hæc sanz menti conformis est. Ad cujus confirmationem non recte adducitur textus ex *Joel*. Ibi enim sermo est de *pœnitentia fida*, mere *apparente*, pure *externa*, nec conjuncta cum *interno* dolore, ac vitæ pessimæ emendatione, qualem etiam Ethnici detestabantur, uti patet ex adductis testimoniis. Dein, quia scissio vestimentorum *damnum* quidem vestem suam scindenti infert: sed nullam *connexionem* sive cum *interno* dolore, sive cum *externa*

terna

terna pœnitentia & corporis peccato obnoxii mortificatione habet.

Contra vero *externa pœnitentia interna ac serie conjuncta*, quod efficax & DEO accepta fuerit, patet in exemplo *Ninivitarum*. Jonæ c. 3. Dicere autem cum hodiernis Naturalistis, *Ninivitas* peccasse contra legem nat. quod *externas* mortificationes, jejunia, cilicia &c. sponte & libere pro suis peccatis assumpserint, dementis cerebri est.

§. I V.

Quæ sint vitia Officiis DEO naturaliter debitis contraria?

314. **I**nter *negativa* juris nat. præcepta primum locum obtinent ea, quæ prohibent quidquid notitiæ DEI cultuique ei *necessario* debito oppositum est, adeo ut singulis officiis tam theoreticis quam practicis supra explicatis contrarie opponantur actus prohibiti interni & externi divino honori repugnantes. Imo etiam omnis ignorantia, ac error vincibilis. In specie vero prohibetur: 1.) *Atheismus*, seu impia opinio, qua homo studiose negat DEUM existere: aut voluntarie dubitat de eius existentia.

315. Protestantici quidem Moralistæ in utramque partem disputant circa tolerantiam impiæ *Atheistarum* sectæ, ita ut Hobbesius hic supra relatus solum *imprudentiæ*, non item *injustitiæ* Atheum arguat. Imo ibidem asseruit Atheismum jure nat. non esse prohibitum, eo quod Lex nat. *voluntatem* solum, non item actum intellectus, in quo Atheismus consistit, obstringat.

Kemmerichius autem in Puffendorffio enucleato c. 4. n. 57. f. m. 70. eidem impietati patrocinatur dicens: *Ceterum hoc affirmaverim, pœnis Atheum, quamdiu tranquille vixit, juste haud affici, etsi notorius sit, quoniam Atheismus speculativus est error intellectus, errores vero intellectus legibus & pœnis corrigi nequeant.* Opinio hæc si Christiano, imo quocunque alio sanæ mentis Naturalistæ & Theosopho digna est, manifeste aperit viam cuique sentiendi & scribendi de DEO ac religione, quidquid impie velit: quia *erroris intellectus legibus & pœnis corrigi nequeunt.* Hoc autem argumentum mutuatus est ille a Lutheri ratiocinio, quo ipse tam suos recens tunc in Germaniam intractos, quam *Joannis Hussii* errores propugnare nitebatur.

316. Mirum sane est! quod Christiani Magistratus hujusmodi commentaria & commenta vendi, emi & legi impune tolerant, cum tamen ethnicus *Plato* in suis Legibus *Lib. 10.* contra temerarios de religione & divino cultu scriptores hanc dictasse sententiam legatur: *Primo in correctionis carcerem non minus quam quinquennium permansuros Judex conjiciat . . . quodsi rursus impietatis crimine condemnabuntur, morte amplectantur.*

Idem Ethnicus *L. 2. de Republ.* a suis Græcis prohibuit legi *Homerum, Hesiodum* & similes iis Poetas (qui soli tunc apud Græcos morum erant scriptores) eo quod de DEO non sine injuria ejus canerent & scriberent. Solis Christianis Naturalis juris Interpretibus fas est sentire hodie de DEO, & religione quidquid lubet. Quanquam olim in Regno Poloniæ circa Annum 1701. *Petricoviæ* in generalibus Regni Judiciis *Petrus LTSCHZINIUS* qui alias tranquille vixerat, publicis flammis vivus exustus sit, pro hoc solo pentametro in publicum obstinata malitia evulgato:

Numina nomina sunt, vera chymæra DEUS.

Certe Atheum hunc eripuisset ultrigi pyra *Kemmerichius*, & Magistratum satius illi devovisset, eo quod notorie impium quidem hominem, tranquille tamen viventem infamii rogo addiderit.

317. Prohibetur II.) *Polytheismus*. Uti enim demonstratum est a n. 279.) admissa pluralitate Deorum impediret unus alterum, quo minus vel bonum regimen ab illis administraretur, vel alteruter eorum non succumberet æmuli sui viribus, ita vero uterque esset miser & jurgiis expositus, prout in studio Trojæ contigisse fingit Poeta:

*Mulciber in Trojam, pro Troja stabat Apollo,
Sæpe premente DEO, fert DEUS alter opem.*

318. Exesse etiam jubetur III.) *Omnis infidelitas, idololatria, hæresis, superstitio, vana observantia, magia, divinatio, tentatio DEI, sacrilegium*, ac ejusmodi alii errores, prava de DEO sentientium, aut divinis abutentium. Quia hæc & similia directe repugnant *Amori DEO* naturaliter debito, & ad pacem cum DEO habendam simpliciter necessario.

Eo-

Eodem naturali jure IV.) Profligantur *blasphemia* & *maledicta* in DEUM, alizque injuriæ, verbis aut factis prolata. Unde non Athei solum, Polythei & Idololatæ: sed blasphemæ quoque, qui DEUM injustum, aut mundum male gubernare, sebus humanis non satis consulere, vel alia similia de illo proferunt, impii esse & contra jus nat. delinquere noscuntur, pariter ac ii, qui in ejus S. Evangelium aut Sacramenta, crucem Christi &c. maledictum aliquod evomunt, vel *interne* sentiunt.

319. Huc spectat V.) *Juramentum*, seu invocatio DEI, aut rei divinæ in testimonium adductæ. Quod erit contra jus nat. 1.) si desit necessitas vel iudicii, in quo litigatur, vel alterius gravis causæ. 2.) Si desit res justa, licita, honesta. 3.) Si absit veritas saltem animo apprehensa. *Ratio* horum est. Quia in his casibus rationalis creatura abutitur adorando nomine Creatoris sui, vel re ab eo facta, v. g. sole, per quem falso jurat &c. Et licet hic alter abusus videretur solam creaturam falso in testimonium invocata afficere: nihilominus *indirecte* afficit etiam Creatorem ejus, sicut qui contemnit artefactum, contemnit Artificem, & qui abutitur sui Principibus scriptura, infert injuriam Principi ipsi, D. Th. 2. 2. q. 89. & q. 98. Nec refert, an fuerit juramentum *assertorium*, vel *promissorium*. Nam jus nat. non distinguit circa conditiones ad juramentum quodvis requisitas, quas hic recensuimus. Et perinde perjurus es, si ve DEUM qua *veracem* in testimonium vocaveris, si ve eum qua evictorem aut fidejussorem imploraveris, dicendo v. g. *sicut DEUS fidelis est, ita fideliter implebo, quod promitto*. In utroque enim casu aut veracitate, aut fidelitate divina abutens gravem ei injuriam irrogas, si jurata promissa tua culpa non implet.

320. Dubio quoque vacat: naturali jure prohiberi VI.) *Apostasiam*, *abnegationem DEI*, vel *religionis veræ*; non minus ac *violationem voti* DEO sponte & libere nuncupati de meliori bono. Voti enim infractio est perduellio & perfidia in DEUM, quam etiam Ethnici, Luthero & ejus sequacibus saniores, teste Cic. de Off. l. 1. tum l. 2. de L. L. (ubi ait: *caute vota reddunto*) & Alex. ab Alex. l. 3. c. 22. demum Val. Max. l. 7. c. 1. detestabantur in iis, qui vota Diis suis libere facta violabant. Imo contra *Vestales* Virgines pœna capitis statuta fuit, si quæ voti sui pertasa, a castis *Dec Vestæ* obsequiis ad sacrilegos concubitus recesserit.

Ethni-

Ethnicis non ignotam voti obligationem Naturæ Auctor declaravit Eccl. 5. v. 3. *S. quid vovisti DEO, ne moreris reddere: displicet enim ei infidelis & stulta promissio: NB. sed quodcumque voveris, redde.* An autem naturali huic, ac Divinæ Jurisprudentiæ conforme sit Novatorum dogma: *Promissiones & vota quæcumque, nisi fiant de rebus a DEO præceptis; impia sunt, & nihil ad DEI cultum faciunt?* judicet qui naturalem obligationem promissionis homini factæ perspectam habet: inde enim colliget, an Creatoris nostri conditio deterior hac in parte esse possit.

A R T I C U L U S III.

De analogia finis naturæ humanæ, & religionis naturalis, cum fine Christianæ religionis.

S U M M A R I U M.

- 321. *An idem sit finis nat. humana, qui & religionis Christianæ? Refertur opinio negans.*
- 322. &c. *Affirmativa est certa: quod finis hic idem sit quo ad substantiam, diversus quo ad modum tendendi.*
- 325. *An jus nat. religionis discrimen admittat? Refertur sententia Grotii.*
- 326. &c. *Ejus opinio vera est quo ad principia nat. generalia tantum.*
- 328. &c. *Ostenditur id instantiis variorum statuum:*
- 330. *Utrum religio interna ab omni imperio humano sit libera?*
- 331. &c. *Decernitur questio contra libertatem autonomiam.*
- 333. *Magistratus tenentur jure nat. ad impediendam libertatem autonomiam; quando vires suppetunt.*
- 334. &c. *Constantini & Justiniani exempla contra libertatem credendi.*
- 336. &c. *Momenta contraria pro libertate credendi afferuntur, & refelluntur.*
- 341. &c. *Quo sensu verum sit, DEUM neminem cogere ad veram religionem naturalem, vel revelatam?*
- 344. &c. *Tolerantia zizaniorum non probat libertatem autonomiam.*

§. I.

An finis naturæ humanæ & religionis naturalis, in statu quo vivimus, sit diversus a fine Religionis Christianæ?

321. **D**iversum esse contendunt Protestantium Naturalistæ, de quibus *Velibufius* operum suorum Tom. I. c. 9. a f. 368. ait: *sub Magistratu Christiano naturali uti jure non licet*, eo quod diversum finem habeat jus nat. a jure positivo Christianorum. Clarius id ipsum exponit *Puffend.* in ep. ad Amicos, f. m. III. *Juris naturalis finis ac usus intra terminos hujus vitæ coercetur.* Et in libello de offic. hom. & civ. l. I. c. 4. §. 8. dicit: *Certum est effectum hujus religionis naturalis intra spheram hujus vitæ terminari.* *Fleischerus* Inst. J. N. & G. l. 2. c. 1. n. 60. & seq. f. m. 240. affirmat, quod lumen rationis pro scopis habeat saltem felicitatem hujus vitæ: felicitatem vero alterius ignoret.

Ex his autem hunc in modum ratiocinantur: Hominis, quæ homo est, & jure nat. regitur, finis est sola felicitas naturalis hujus vitæ termino clausa: Hominis autem Christiani quæ Christianus est, finis felicitas supernaturalis & revelata alterius vitæ: Atqui hi duo fines sunt essentialiter diversi: Nihil igitur illi commune secum habent. Hinc l. c. concludit *Puffendorfius*: *DEUS est finis Religionis Christianæ: non autem juris naturæ.*

322. Communissima verò & certa vere Eruditorum ac piorum sententia est, quæ errores hujusmodi detestatur, docetque: Finem naturæ humanæ & religionis naturalis in statu quo nunc vivimus, scilicet *elevato*, eoque non *primigenio*, vetum *adventitio* & *civili* sub Christo Reparatore; Magistratibus, & lege positiva tam divina quam humana constituto, esse quæ ad *substantiam* omnino eundem cum fine religionis Christianæ, nec differre unum ab altero, nisi *quo ad modum.*

Neque proluxa demonstratione assertio hæc opus habet. Enimvero I.) apud omnes qui se homines esse profitentur, in confesso esse debet, quod *finis naturæ humanæ* ultimus & adequatus, pariter ac religionis naturalis non sit alius, quam ipse DEUS obtinendus ab homine *per cognitionem ejus* & *amore naturalem* sibi proportionatum: Finis quoque *hominis quæ Christiani*, & religionis ejus, per quam dirigatur,

tur, alius etiam non est, quam hic ipse DEUS possidendus ab homine per *cognitionem & amorem ejus supernaturalem*: Consequens itaque est, ut finis utriusque sit adæquate idem *quo ad substantiam*, & sola intersit differentia *quo ad modum*, quod nempe natura humana abstracta a religione Christiana consideretur ut sibi soli relicta, ac mediis *pure connaturalibus* provisa: Contra vero eadem natura in Christiano reperta, præter naturalia media, habet etiam auxilia *superna* accommodata eidem fini *supernaturaliter* obtinendo.

Finis igitur supernaturaliter obtinendus non est finis *ulterior* ac *alius*, ad quam natura humanatendere deberet, ut frustra contendit *Puffendorfius*; sed potius idem ipse finis est, præbens indigentiam causam homini, ut idoneis, seu supernaturalibus mediis opus habeat, quibus ad eum perveniat. Sicut igitur propterea quod DEUS tanquam *prima veritas* sit finis intellectus, & tanquam *summa bonitas* finis sit voluntatis nostræ, non sequitur DEUM esse duo fines: sed est finis unus diverso modo se communicans & movens: ita similiter in casu præsentis quæstionis.

323. Dein II.) Lex & religio naturalis pro viribus observata *suo modo* disponit, & manuducit ad religionem Christianam: Cum enim juxta *n. 251.*) DEUS *facientibus quod in se est*, non deneget gratiam; hinc servantibus jura naturæ deesse non potest: sed ex quo omnes vult *serio* salvare, Misericordia ejus subministrat necessaria media, quibus donum *veræ* fidei Christianæ consequantur: servantibus item religionem naturalem deesse nequit *notitia prima & vulgaris* de DEO, ut Ente primo, provido ac justo, bonorum præmiatore, malorum vindice, & consequenter de *animæ immortalitate*, ac de *altera vita* saltem aliqua.

Et quidem deesse nequit *notitia vulgaris* de DEO uno, & *animæ immortalitate*. Quia recta gubernatio divina non patitur ut creatura ad DEUM possidendum creata deficiat in mediis ad finem hunc obtinendum *absolute* necessariis. Servantibus autem religionem naturalem mens semper magis magisque habilis redditur ad servandam diutius legem naturæ etiam totam, saltem in *serio proposito*, & extra diuturnas ac graves tentationes. Itaque per religionem naturalem homo semper magis magisque disponitur ad talem animi statum, cui DEUS pro sua *seria* omnes salvandi voluntate deesse nequit negando gratiam, atque adeo *hac* mediante certo deducitur ad religionem Christianam.

324. Neque igitur erronee fingendi sunt diversi fines legis & religionis naturalis a fine religionis Christianæ, alioqui duo summa bona, & duæ beatitudines objectivæ omne possibile bonum complectentes, naturalis una, supernaturalis altera perniciose fingerentur: Neque lex & religio naturalis pro statu naturæ humanæ, in quo vivimus, prudenter abstrahi potest a statu elevationis & *fide revelata*, sine qua, sicut juxta n. 232.) in statu legis naturæ, a tempore prævaricationis Adami usque ad tempus datæ Circumcisionis, & inde usque ad Christum Reparatorem, nemo Mortalium æternam salutem consecutus est, quin illa aliquomodo in eam influeret; ita & nunc nec religio naturalis sine Christiana; neque hæc sine naturali rite observata cuipiam adulto rationis compoti præbet viam ad DEUM, tanquam finem ultimum beatifice obtinendum.

Multo minus dici potest effectum religionis natur. intra sphaeram hujus vitæ terminari, cum pateat jam *religionem naturalem* esse manuductionem quandam & *dispositionem* mere negativam ad Christianam religionem, ut colligi potest ex num. 257.)

§. II.

An jus nat. ita sit commune omnibus hominibus, quin religionis discrimen admittat?

325. **A**ffirmative respondet H. Grot. de J. B. & P. l. 2. c. 15. §. 8. dicens: *Jus naturæ ita omnibus commune est, ut religionis discrimen non admittat*. Hac propositione tanquam absolute certo oraculo nixi Grotii sequaces ubique in suis Lucubrationibus crepant Ecclesiæ præcepta & impedimenta Matrimonii solo jure ipsius introducta neminem obligare; statum religiosum, immunitatem personarum sacrarum, celibatum & id genus alia non debere tolerari: Quia in statu legis naturæ hæc nusquam locum aliquem habuere. Ac proin libellum repudii in Matrimonio de presenti rite contracto & consummato, etiam hodie inter Christianos licitum esse: quia hic jure natur. spectato licitus est inter Turcas, Indos & Sinenses, aliosque homines barbaros: Atqui jus natur. ita omnibus commune est, ut religionis discrimen non admittat: igitur quod licet Turcis, Indis, & Sinensibus aliisque barbaris,

Jus Nat. & Gent.

Q

per-

permissum ac licitum est etiam Christianis : his proin libellus repudii absolute est licitus.

Quod autem ineptius hoc argumentum est, eo plures in perniciosam traxit opinionem; qua persuasi sunt, sufficere Christiano, si omni positiva lege seposita solius naturalis juris e'usque in proprio cerebro fundati rationem habeat.

326. Larvam igitur sophismati huic detractus demonstratum eo, adductam Grotii propositionem in parte esse veram, in parte falsam, erroneam, ac in laqueum & perniciem animarum prolatam. Et quidem vera illa est quo ad principia moralia Juris nat. generalissima, qualia sunt: *bonum esse faciendum: malum fugiendum* &c. ac etiam quo ad conclusiones, quæ ex illis principiis manifeste & immediate sequuntur, uti sunt: igitur *non est blasphemandum: furandum* &c. de quibus diximus a n. 223.)

Omnino autem falsa est 1.) quo ad conclusiones, quæ ex principiis illis moralibus tantum mediate sequuntur, & difficilius penetrantur. Istæ enim ignorari possunt. Unde D. Tb. (quem Grotius sæpius cit.) 1. 2. q. 94. art. 4. ait: *Lex naturæ quantum ad prima principia communia est eadem apud omnes, & secundum rectitudinem, & secundum notitiam: sed ut in paucioribus* (id est quo ad alia præcepta secundaria & particularia, uti idem S. Doctor explicat ib. art. 6.) *potest deficere etiam quantum ad notitiam. Sicut apud Germanos olim latrocinium non reputabatur iniquum* &c. Et exemplo sunt illi scriptores a n. 116.) adducti, qui mendacium, fornicationem, perjuriũ &c. a peccato contra jus naturæ commissio excusabant.

327. Homines igitur etiam non omnino rudes, imo & subtiliter eruditi circa conclusiones hujusmodi errare possunt: ne itaque errent, præter jus nat. & propria distamina errori obnoxia, siquidem Christiani sunt, debent veram juris nat. v.g. *mendacium* prohibentis, interpretationem requirere a religione Christiana, in ejus sacris codicibus reperturi infallibilem jurisprudentiam etiam naturalem, per naturæ Auctorem declaratam Sap. 1. v. 11. *Os quod mentitur, occidit animam*, quod ipsum reperire est in S. Evangelio: *si sermo vester est: est, non: non* &c. Simile quid habetur circa libellum repudii, & alia multa.

Contra vero: apud Turcas, Indos, Sineses certo non sunt reperturi hujusmodi jurium expositionem. Hinc liquet, quod licet jus nat. commune sit omnibus quo ad principia generalissima,

liffima, & non admittat religionis discrimen circa illa, *ut* ne tamen circa veritates juris naturalis *quo ad casus particulares*, ut jam patet ex *Novatorum* doctrina, qui in sua religione *mendacia* licita, *vota* DEO supererogatorie facta esse impia, *libidinem vagam* regulis honestatis necessariz non esse contrariam, *concubinatum* qui non jure matrimonii exercetur, non esse contra jus naturæ, ex mente *Grotii* loc. cit. lib. I. c. 2. §. 6. & l. 2. c. 20. §. 42. *quia est scortatio privilegiata*, ib. l. 2. c. 5. §. 15. in not. cum aliis hujusmodi absurdis asserere non dubitarunt. Quæ cum in eorum *Protestantica religione* admittantur; reprobentur autem a *sanda Catholica Ecclesia*: evidens est, quod jus naturæ quo ad prædictas conclusiones, *pro diversitate religionum* diversas patiatur interpretationes: Non igitur quo ad omnia est commune omnibus, quin religionis discrimen admittat.

328. Demum II.) Non vivimus in statu *pure nature* & ficticio, neque in illo *primigenio*, in quo paucis horis vixerat *Protoplastes* noster *Adamus* ante peccatum: qui si in innocentia permansisset, nullas forte obligationes alias quam solas absolutas habuisset; verum vivimus in statu naturæ corruptæ, eoque *adventitio*, *civili*, quem multæ obligationes *accessorie*, ac *hypotheticæ* naturales, ex variis contractibus, promissionibus, pactis, ac innumeris circumstantiis oritur consequuntur, adeo ut quot status hominum *adventitii*, *compositi*, vel *simplices* reperiuntur; totidem aliz & aliz obligationes naturales *hypotheticæ* & *accessorie* adsint necesse est; ut patere potest consideranti statum *Conjugalem*, *Herilem*, *Civitatis*, *Monarchicum*, *Democratium*, *Aristocraticum*, *Oeconomicum*, *Ecclesiasticum*, *Civilem* &c. Homines enim in uno quoque ex his status habent certas obligationes *naturales hypotheticas*, quas non habent ceteri, qui extra hunc statum vivunt.

329. Huc facit tandem III.) Quod *H. Grotius* loc. cit. l. 1. c. 1. §. 6. & l. 2. c. 25. §. 3. ubi jus nat. dividit in *præceptivum* ac *concessivum*, cum aliis DD. teneat privilegia homini a naturali jure concessa circa *vitam*, *libertatem*, *existimationem*, tam extrinseca, quam intrinseca habere rationem juris nat. *proprie* dicti: Et tamen legitimus Superior, etiam creatus, illis ex justa causa derogare possit: Igitur superius ab eodem Auctore asserta propositio non est illimitate vera: sed *captiosa*. Nam jus illud nat. *concessivum* etiam intra religionem Catholicam, quæ sola una & vera

est, admittit frequens discrimen, prout patet ex eo, quod v. g. illi homines, qui se & suum corpus DEO devoverunt, a natura concesso uxorem ducendi privilegio uti licite aut valide nequeant, item omnes Christiani cibis ab Ecclesia vetitis licite vesci, & matrimonia cum certis juris positivi impedimentis contrahere non possint.

In aliis vero, iisque falsis Catholica distinctis religionibus innumera huiusmodi discrimina, & juris natur. tam concessivi quam præceptivi (saltem in casibus *particularibus*, qui non ita immediate ex generalissimis moralibus illis principiis fluunt) dari nemo prudens ambiget; si ad morales uniuscujusque sectæ hujus observationes animum adverterit, prout manifestum est in exemplo de libello repudii:

Apud Catholicos enim post matrimonium *de presenti* validum & consummatum, si ob crimen v. g. fornicationis, aut in vitam mariti machinationis, uxor huiusmodi quo ad torum repudiata nubat alteri viro, rea est adulterii jure nat. prohibiti: apud *Protestantes* autem & reliquos *Novatores* nulli culpæ obnoxia censetur. Plura adhuc exempla præbent, Turcica, Judaica, alizque sectæ: Qua igitur doctrinæ consequentia docent *Grotiani* sequaces: *Jus nat. ita omnibus commune esse, quin religionis discrimen admittat?* pro diversitate enim religionis, diversæ sunt interpretationes juris naturalis, non manifeste ex primis generalibus principiis moralibus fluentis.

§. III.

Utrum religio interna jure nat. ab omni imperio humano, & potestate coactiva sit libera?

330. **I**Nter alias de lege nat. quæstiones nobilissima est hæc, Ejus enim decisio inclytæ Genti Germanorum multo, eoque etiam Illustri stetit sanguine, ex quo Magistri prurientes auribus *Lutherus* & *Calvinus* autonomiam *libertatem credendi*, seu Religionis in S. Romano-Germanicum Imperium investuri, qua scriptis & prædicationibus, qua Civium ad seditionem contra Principes incitatis animis, eo conatus suos sæculo decimosexto perduxerunt, ut scissa in partes Christi Ecclesia, multiscentenis hominum millibus, per cruenta & obstinata bella e medio sublatis,

tis, eversa tranquillitate publica, fortunis cum sanguine eversa haustis, rerum diu desideratarum, per suos sequaces potius sancti Protestantium Antesignani. Qui ad perennem rei memoriam, pro basi & fundamento novi sui Evangelii hanc sectatoribus suis reliquerunt tesseram: *Religio jure naturali & Gentium ab omni imperio humano ac potestate coercitiva est libera*. Quam propositionem nonnulli ex recentioribus Naturalistis Protestantium limitant: *dummodo Reipublicæ non obstat*.

Verum adeo perniciosus error viam pandens ad *Atheismum*, *Polytheismum*, & *Indifferentissimum*, omnemque aliam impietatem & hæresim, non merebatur tantum sanguinis profluvium, utpote legi naturali, DEO naturæ Auctori, felicitati humanæ, nedum æternæ: sed etiam temporaneæ *directe* contrarius. Assertam autem veritatem hanc ex principiis Jurisprudentiæ nat. demonstraturus, ad famosam Protestantium tesseram

331. Respondeo: I.) Religio tam interna, quam externa jure nat. *libera* est libertate *autonomica* vivendi, Deumque colendi, *non ut quomodocumque*, & *cuiusque libet*; sed ut per leges naturales & divinas *necessarium est*, & *ad salutem expedit*. II.) Ac proinde idem jus nat. obligat in conscientia Principes & Magistratus etiam sæculares, ut *per se loquendo*, & seclusis circumstantiis *inevitabilis* alterius gravis mali, & *summæ necessitatis*, pro viribus suis falsam religionem externam manifestatam impedian, veram promoveant & tueantur.

Pars prima decisionis hujus deducitur ex ipsa definitione libertatis naturalis, quam recte definivit Justinian. Imp. verbis desumptis ex Gentilium Jstorum lucubrationibus, §. 1. *Inst. de jure person.* dicens: *Libertas est naturalis facultas ejus, quod cuique facere libet, nisi si quid vi, aut, NB. JURE PROHIBETUR*. Unde evidenter sequitur, quod si aliquid jure naturæ, Divino, aut humano *prohibitum* sit; *naturalis facultas faciendo quod libet*, non se extendat ad actum prohibitum. Naturale quippe jus summæ est æquitatis, & cum jubeat *unicuique quod suum est tribuere*, eo ipso jubet obedire DEO, ejus Ecclesiæ, & Magistratibus legitimis, ut hac ratione debita ipsis obedientia præstetur & subiectio. Quod argumentum tanto magis stringit ex eo, quia jus nat. præbens *facultatem facere quod cuique libet*, non præcipit *facere* & *credere quod cuique libet*, atque adeo non est jus præceptivum: sed improprie dictum & mere *permissivum*, quale tum

a DEO ipso, tum ab ejus legitimis Magistratibus absolute impediri potest, & necessario debet, quoties quis naturali facultate illa abuti vellet. Quo etiam fit, ut nihil obstante innata libertate illa, vi cujus homo pollet facultate, id est *physica potentia* determinandi suam voluntatem ad crimen v. g. *homicidii injusti, adulterii, blasphemie* &c. nihilominus omnia hæc sicut jure quovis absolute prohibentur, ira & Magistratus obstricti sunt ad ea nedum impedienda: sed etiam severe coercenda. Neque ideo Judex furem a laqueo immunem pronunciat: quod ille *autonomicam* oggerens libertatem, dicat: se a jure naturæ habere facultatem facienda *quidquid libet*: atque adeo etiam furandi.

332. Hinc dubio vacat *autonomiam*, seu libertatem vivendi & credendi, DEUM non colendi vel colendi *quemodo libet*, esse absolute prohibitam *jure naturali*. Hoc enim non potest præcipere, vel *cum approbatione* permittere ullam religionem falsam, & cultum DEO naturæ Auctore indignum, idque hac ipsa ratione, qua nequit præcipere, vel non prohibere, aut permittere ut licitam blasphemiam in eum, idololatriam, perjurium & alia crimina, sanctitati ejus perfectionibusque divinis contraria: Porro *approbative* permittendo *autonomiam* illam *ad omnes religiones indifferenter*, permetteret etiam aliquam falsam religionem, ad quam se homo pro suo arbitrio determinaret, contra manifestam legem naturalem, quæ non nisi *unam & veram* religionem determinate & absolute præcipit, reliquas omnes ut falsas prohibet & damnat, tanquam natura sua turpes, fini ultimo obtinendæ beatitudinis repugnantes, ac uno & vero DEO indignas.

333. Ex hac deductione fuit pars altera responsionis, quod scilicet *autonomicam* hanc ad libitum vivendi & credendi libertatem, Principes & legitimi Magistratus pro viribus suis, & seclusis circumstantiis summæ necessitatis, jure naturæ nullo modo tolerare: sed falsam impedire, & veram religionem promovere ac protegere obligentur. Hi enim ratione potestatis in se a DEO derivatæ, commissique sibi officii, tenentur impedire omnia illa, quæ jus nat. & divinum absolute prohibet, utpote naturæ Auctori injuriosa, ac subditorum & Civium salutem, publicæque felicitati noxia, pariter ac obstricti sunt illi pro suo posse conari, ut subditi secundum leges naturales ac divinas vivant, verumque DEO cultum exhibeant.

334. Hu-

334. Hujus zeli immortale exemplum, post Constantinum aliosque Orthodoxos Imperatores, præbuit gloriosissimus Imperator Justinianus tot. tit. Cod. de Hæret. tum præcipue, quod Edictum a Gratiano, Valentiniano, & Theodosio olim ad populum urbis Constantinopolitanæ datum suo repetitæ lectionis Codici inseruerit ad tit. de summa Trinit. ubi in lege 1. ait: Cunctos populos, quos Clementia nostræ regit imperium, in tali volumus religione versari, quam divum PETRUM Apostolum tradidisse Romanis, religio usque adhuc ab ipso insinuata declarat: quamque Pontificem DAMASUM sequi claret, & Petrum Alexandria Episcopum, virum Apostolicæ sanctitatis. Et ibi §. 1. præcipit: Hanc legem sequentes, Christianorum Catholicorum nomen iubemus amplecti: reliquos vero dementes vesanosque judicantes, hæretici dogmatis infamiam sustinere: divina primum vindicta, post etiam motus animi nostri, quem ex caelesti arbitrio sumpserimus ULTIONE PLECTENDOS.

335. Eodem zelo laudatus Imp. Justinianus profligat autonomicam credendi & vivendi licentiam in l. 2. Cod. de summa Trinit. ubi hujusmodi Libertinis ne locum quidem exercendæ autonomicæ libertatis in Imperio permittit: Nullus hæreticis ministeriorum locus, nulla ad exercendam animi obstinatoris dementiam pateat occasio. Sciant omnes, etiamsi quid speciali quolibet rescripto per fraudem elicitum ab ejusmodi hominum genere impetratum sit, non valere &c. Nec immerito sapientissimus Imperator hic autonomicam credendi & vitam instituendi licentiam proscriptam Imperio voluit, probe enim noverat nullum Regnis & Provinciis adeo perniciosum imminere hostem a quo sibi timeant, quam sit religionis Christianæ pluralitas, prædicente id Christo Domino Matth. 12. v. 25. Omne regnum divisum contra se, desolabitur: & omnis civitas vel domus divisa contra se, non stabit.

§. I V.

Quibus momentis autonomia credendi & vivendi fingitur esse licita jure naturali?

336. **A**utonomicæ libertatis assertores reponunt eam l. 2. in hoc Achille: Jure naturæ æquum est, ut quilibet libertate sua utatur ad eligendum id, quod sibi proprio judicio videtur bonum, v. g. in externis negotiis, eligendo

gendo hunc vel illum statum vitæ: emendo talem vel alium equum, desponsando hanc vel illam feminam, locando vel non locando prædium &c. Igitur. fortiori ratione justum est, ut sua libertate utatur *in internis*, in hac vel illa, quæ cuiusvis animo arridet religione ac fide amplectenda. II.) Fides est actus internus, ad quem cogere potestati humanæ est impossibile. III.) In statu naturæ religio fuit *autonomica* cuiuslibet libera, neque ulli fas erat statuere aliquid circa cultum divinum. IV.) DEUS ipse etsi posset ad religionem omnes inducere, neminem tamen cogit. Imo Christus suis etiam Discipulis libertatem autonomicam indulgit, ubi dixit: *Vultis & vos abire?* Et iisdem *Matth. 13.* præcepit, ne zizania e medio tritici evellerent: *finite utraque crescere.* Apostolus autem *1. Cor. 11. v. 19.* manifeste ait: *Oportet esse hæreses*, quæ necessario supponunt licentiam credendi pro ut placet. Inde concludunt: quamvis religionem, saltem Christianam, in plures sibi contrarias divisam, jure naturæ tolerandam esse a Magistratibus, licet hi pollerent viribus ad falsas impediendas.

337. An autem in jure naturæ solide fundata sint adducta Libertinorum momenta, succincta responsio edocebit. Ad I.) Jure nat. æquum est, ut quilibet utatur libertate pro suo arbitrio *conformi legibus naturalibus*, vel etiam *positivis*, pro statu temporum differentia: non autem pro suo arbitrio *difformi legibus iisdem*. Alioqui neque furta, adulteria, rapinæ deberent a Magistratibus prohiberi & puniri, si fuerint perpetrata pro arbitrio *autonomice libertatis* vivendi ut placet.

Resp. secundo.) Res externæ & negotia temporanea, uti est electio vitæ militaris, vel œconomicæ, emptio, locatio &c. non sunt absolute & necessario præcepta a lege nat. sed mere permixta ad sublevandas miseras hujus vitæ: Contra autem *religio vera*, & dignus DEO cultus est jure nat. & divino absolute præceptus, tanquam *medium necessarium* ad finem ultimum obtinendum.

Non igitur potest quis ita *licite* inter hanc vel illam religionem eligere, sicut potest hunc vel illum equum emere, præsertim cum *religio vera* una sola tantum sit, prudens vero electio nequeat fieri, nisi inter plura æque bona, aut inter bona, & meliora objecta. Instantia de electione feminæ desponsandæ ad libitum, inepta est, & contra ipsosmet Autonomistas. Alioqui etiam *matrem, aviam, & germanam*

nam sororem possent desponsare, si eorum argumentum rationabile esset, debet ergo intelligi: *salvis legibus nat. divinis, & humanis.*

338. Ad II.) Nemo prudens ambigit, quin ad actum *internum consensu & opere mere interno* jam completum, legitimusque Magistratus humanos omnino latentem ullus hominum nos cogere possit, ut eum emendemus, aut revoce-
mus, vel de eo pœnitentiam agamus, multo minus ut ob eum solum loco, Civitate, vel Provincia excludamur; cum Superior *vi coactiva* nequeat ferri in actus *mere internos*, & soli DEO cordium scrutatori pervios, infligendo pœnam pro delicto, de cujus corpore & existentia nullo modo sibi constat. Nihilominus *vi mere directiva* potest etiam actum *mere internum*, jure alias *naturali & divino jam præceptum* declarare, & de novo etiam ex sua parte præcipere, ut subditi recte credant, & bene de DEO ac vera religione sentiant, effectum præcepti huius relinquendo conscientiis ipsorum, ut si forte non obedierint, & aliter crediderint, de DEOQUE mala senserint, huic respondeant, qui *venies & corda scrutatur*. Ita quippe scimus obligari omnibus præceptis, quæ ad rectam de DEO fidem *internam* nos obstringunt. Et patet ex Justinianæis legibus supra adductis.

Talis enim *mere directiva* coactio, & *necessitas moralis* ab extrinseca legis dispositione proveniens, & voluntatem nostram afficiens, minime obstat libertati actus humani, prout patet in necessitate omnis legis præcipientis vel prohibentis, quæ non est simpliciter dicta necessitas: sed solum ex *hypothesi*; si culpæ reatum & pœnam a DEO, vel ejus etiam Magistratu infligendam declinare velimus, &c. Quo non obstante actus nostri sunt adhuc tam *physice*, quam *moraliter* liberrimi, quia imputabiles ad meritum, vel demeritum.

Ratio hujus est, quia manente *necessitate morali* legis præcipientis vel prohibentis, adhuc voluntas indifferens est intrinsece ad eam observandam vel non, cum hæc per nihil extrinsecum *interne* necessitari *physice*, & cogi possit. Sola quippe *physica necessitas*, & coactio *interna* obstat libertati actuum humanorum, qui extra causam *metus* gravis *injuste* incussi, ac *doli* mali vel *erroris* circa substantiam versantis eliciuntur. Et hæc dicta sunt *de Fide vera*, quatenus esset actus *mere internus*.

339. Quodsi autem actus ille *internus* prodiit jam in *externum*, v. g. quod Christianus contra *Catholicę* & verę fidei articulum injuriose deblateret, aut scribat, vel sanctę religionis officia functionesque pręceptas negligat & *notorie* contemnat, hoc casu Princeps & legitimus Magistratus ad actus *externos* malos omittendos, & bonos frequentandos *directe*, ad *internos* vero *indirecte* etiam *vi coactiva* adigere potest & *regulariter* debet. Neque ignorare id credendi sunt ii pręsertim, qui Jurisprudentię etiam civilis aliquam peritiam habent. Sane enim fidei Christianę desertores, Apostatas, Hęreticos, Relapsos, perversaces errorum Fautores civilibus pęnis, imo nonnullos eorum etiam criminalium interminatione compellere jubentur Magistratus, & ad ea media adigere, quibus errorem agnoscant, agnitum fugiant & detestentur. Legatur *tot. tit. Codic. de Apostat.* & *tit. Codic. de Hęretic.* & *Manich.* junctis *Novellis*.

Dum enim Novatores perturbantes Ecclesiam & Rempubicam coercentur pęnis, tunc *Principes non imperant voluntatibus*: sed tantum puniunt *perversas voluntates*, & ex officio suo non libertatem naturalem: sed *libertatis abusum*, ac effręnem licentiam compescunt, ut ita refręnati aut emigrent & purgent Rempubicam, aut redeant ad sanam mentem, ac desinant esse membra Satanę, cui in Baptismo renunciarunt.

340. Ad III.) Non est verum quod in *statu naturę* religio fuerit libera absolute ab omni lege, ita ut liceret cuique *verum vel falsum, aut nullum DEO cultum exhibere, obedire vel non obedire*. Falsitas hæc demonstratur hunc in modum. Nam *primo*,) Hi ipsi autonomicę libertatis assertores uno ore nobiscum fatentur humanam naturam nunquam fuisse, imo nec potuisse fieri *exlegem*: igitur obstricta fuit *moraliter* lege naturali ad aliquem verum cultum DEO exhibendum, quidquid sit quod *physicam* libertatem & potentiam eligendi etiam cultum DEO indignum, ac blasphemiam, idololatriam, vel alia perpetrandi crimina, sibi innatam habuerit ac habeat.

Secundo,) Patet id ex pręcepto Divino de fructu prohibito non gustando, quod quia Protoparentes nostri non observarunt, & *autonomica libertate* credendi & faciendi quidquid placet, *per infernalem serpentem asserta*, se decipi permiserunt, paradiso ejecti sunt, & innumeris cum sua tota

pro-

progenie malis affecti. Porro hoc primum fuit exemplum *autonomice licentie castigatæ*, ac prima norma a DEO ipso exhibita Magistratibus, ut hi quoque Divinæ legi & veræ religioni rebelles homines coerceant & puniant.

Tertio.) Liqueat adhuc contrarium in sacrificio *Abelis & Caini*: illius enim DEO accepta erant mutiera, quia religioni naturaliter debitæ conformia, rejecta sunt alterius, quia cultu Divino indigna. Et hic alter post Adamum homo fuit, qui libertate naturali abusus *autonomice licentie* ab hodiernis Libertinis adeo declamata æternas penas primus in inferno dedit, ubi suos sequaces expectat.

Falsum quoque est *quarto.*) quod in statu legis nature nullo fas fuerit statuere aliquid circa cultum divinum per revelationem Numinis determinatum. Manifestum enim est in *Henoch* Patriarcha, qui cepit primus invocare nomen Domini, cultu utique novo & publico; scilicet omnes ad sacrificia, preces publicas, cultumque Numinis novis solemnitatibus celebriorem convocando. Nam certum est, quod ante hunc Patriarcham jam invocaverit Nomen Domini *Abel* cultu privato, neque enim potuisset aliter offerre munera, Nominis ejus non invocato. Quod etiam perspicuum est in *Sethi* posteris, qui potestate Patriarchali & Oeconomica filios, subditosque suos ad DEI cultum adigebant, qui etiam conservati sunt in religione veri Numinis.

Demum *quinto.*) Nulla paritas est a lege nat. ad legem Gratiæ, ut ipsi Autonomistæ fatentur cum suo Puffendorffio de J.N. & G. l. 1. c. 4. §. 3. f. m. 222. dicente: quod ex decretis religionis Christianæ constet DEUM non quovis genere cultus hominibus propitiari &c. sed eo, quem ipse singulari modo Generi humano promulgavit. Et ratio est, quia in lege naturæ teste Apostolo ad Rom. 2. Gentes sibi ipsis sunt lex, quæ scripta est in cordibus, attestante illorum conscientia: in lege autem Gratiæ revelato cultu DEO debito, libertas naturalis Evangelicis legibus regulanda est in obsequium fidei.

341. Ad IV.) Id solum verum esse dicimus, quod DEUS ipse neminem cogat directe, constringendo vi intrinseca voluntatem humanam, & evertendo libertatem semel concessam: falsum vero est quod non cogat indirecte, comminando judicium & penas æternas, imo infligendo etiam temporales. Quid enim plagæ Aegypti contra Pharaonis duritiam, quid Sodomæ & Gomorrhæ incendium, quid mun-

mundi diluvium volebant, quid præterita, quid *hodierna* bella, & millena mala a DEO inflicta volunt aliud? Ineptiæ proin hujus argumenti patent adhuc inde: Omnibus sæculis DEUS permisit adulteria, furta, sacrilegia; nunquid igitur a Magistratibus non punienda? nunquid ideo toleranda sunt, cum facile impediri possint? Porro *falsa religio* & *hæresis* omni alio crimine pejor est.

342. Neque rationabilius quidpiam sequitur ex eo, quod Christus Dominus discipulis suis permiserit libertatem abeundi, si vellent: Ait enim Aug. *de verb. Domini*, tunc nondum constitutam fuisse Ecclesiam, nec ejus regimen firmatum morte & Resurrectione Christi; postquam vero recepta per Gentes fide, & constituto regimine primum usæ est potestate sua, jam tunc juxta parabolam Evangelicam, *Luc. 14.* qui initio erant *invitati ut venirent*, subin *introduciti*, deinde etiam *intrare compulsi* sunt.

343. Minus quoque juvat *Autonomistas*, quod oporteat esse *hæreses*: nam oportuit quoque Christum tradi a Juda, ac mori, & tamen dictum est: *vē homini illi, per quem tradetur*: Ita oportet fieri *scandala*, nihilominus: *vē homini illi, per quem scandalum venit*.

344. At neque tolerantia zizaniorum impedit Magistratus, ne falsas religiones extirpent. Quia illud: *finite utraque crescere*, non probat, teste Hieronymo, malum esse tolerandum potius quam puniendum, & eradicandum, siquidem DEUS expresse mandavit *Deut. 21. v. 21. Auferatis malum de medio vestri*: sed non esse eradicandum *premature*, dum scilicet malum nondum dignoscitur ab hominibus, & virore suo discerni nequeunt zizania a tritico, ne cum hujus eradicandi periculo evellantur. Ubi autem jam maturuerunt, & pessimos suos fructus manifestose exhibent, neutiquam toleranda sunt, dicente DEO, *Jerem. 1. ver. 10. Constitui te ut evellas & destruas*.

Addit quoque idem Hieronymus supra *Matth. c. 23. Manifestum est, hæreticos NB. QUOSQUE & hypocritas fidei, gehennæ ignibus concremandos*: Quid igitur juvat zizania cum tritico tolerari, si illa mittenda sunt *in caminum ignis*? quod etiam manifestum est ex verbis Apostoli *1. ad Cor. 11. v. 19. scribentis: Oportet & hæreses esse, ut & QUI PROBATI sunt, manifesti fiant in vobis*: igitur *Autonomistæ*, Libertini, & hæretici evidens damnationis suæ futuræ, seu *reprobationis* indicium habent, quod in hæresi perseverent.

Ex

Ex hoc infami stigmate hi dignoscuntur ab illis, qui probati sunt, & DEO accepti, cum eoque regnaturi Fideles:

345. Atqui jus naturæ obligat Principes, ut si vires suppetunt, mala omnino enervent & impedian, ne & subditi eorum æternum miseri intendant, & alios in baratrum interitus secum trahant; ac per utrosque naturæ rationalis Creator offendatur: Igitur quantum humana media sinunt, tenentur se murum opponere pro vero cultu DEI & religione ejus.

Neque enim jus nat. ad plus illos obligat, quam ut secundum naturales vires malis hujusmodi resistent; hinc *insuperabili necessitate*, aut *evidente vel certo periculo majoris mali* in Rempubl. eventuri obstante, Principes & Magistratus sicut lupanaria tolerare possunt, ita & Autonomistarum ac Libertinorum sectas; quod solum & unicum rationes eorum utcunque evincunt, non vero quod absoluta obligatio adfit effrænem licentiam illorum tolerandi etiam tunc, dum vires Reipublicæ suppetunt ad eam coercendam, vel saltem regione pellendam.

Tractandum hic foret: an *Jus sacrorum* consistens in potestate Ordinis & Jurisdictionis lege naturali competat potestati politicæ? Verum quæstionem hanc resolvimus jam alibi, nempe *Erotem. theor. practic. 8. a. f. 61.*

C A P U T III.

De Officiis & obligationibus naturalibus hominis erga seipsum.

A R T I C U L U S I.

De causa exigente hominis officia erga seipsum, eorumque ordine & differentia.

S U M M A R I U M.

346. *Exponitur natura & indoles officii hominis erga seipsum debiti.*

347. *&c. Causa hujus obligationis examinatur.*

349. *Refutatur opinio negans hominem obligari erga seipsum?*

350. *&c. Quis ordo servandus in exhibendis sibi officiis?*

353. &c. In quo consistat nat. obligatio honeste vivendi quo ad se ipsum, ex parte intellectus?
355. &c. Quid circa animam suam homo sentire debeat? quid circa finem ultimum naturalem, seu quomodo intellectus perficiendus?
358. Quid circa proximum sentire obligetur jure nat.?
359. &c. Quomodo post intellectum voluntas perficienda sit?
362. &c. Quæ sit nat. obligatio honeste vivendi quo ad culturam corporis, & facultatum externarum?
364. Ingluvies & ebrietas jure nat. prohibentur.
365. Qualis usus esse debeat facultatum corporis, & fortunæ?
366. &c. Lingue rectus usus præcipitur jure nat. pariter ac aliarum potentiarum externarum, & facultatum.
368. Otium prohibetur a lege nat.
369. Quæ sint alia præcepta nat. quo ad culturam corporis?
370. &c. Illa consistunt in prohibitione vitiorum carnis. Enumerantur singula, & demonstratur eorum prohibitio.
376. &c. Refutantur fundamenta contraria, pro licentia carnalium vitiorum asserta, usque ad num. 382.

§. I.

Quid & quotuplex sit officium hominis erga se ipsum: ac unde oritur obligatio eius?

346. **N**omine officii hominis erga se ipsum intelligimus actiones vel earum omissiones, quas ex præscripto legis nat. homo sibi ipsi debet. Officia hujusmodi alia sunt quæ animum, alia quæ corpus concernunt. Utraque exigunt honestatem vitæ, convenientem statui culturam, rectum usum facultatum cum internarum, tum externarum; ex quibus aliqua debet ille sibi ipsi ex justitia naturali, utpote præcepta: nonnulla vero ex sola decentia proveniunt. Quo autem melius officia hæc adimpleantur, habet homo aliqua specialia privilegia, imo in plerisque casibus etiam præcepta defendendi sui ipsius, præsertim quo ad bona animi; gaudet quoque jure necessitatis: item jure se ipsum conservandi, nedum quo ad individuum: sed etiam quo ad speciem, servato tamen ordine a natura præscripto, & nisi legi natur. conservationem hanc permittenti obstet propria juri huic facta renunciatio, aut lex positiva resistat, prout de singulis his ulterior explicatio edocebit; Ubi etiam exponemus, quan-

do

do ille ex præcepto naturali obligetur præstare aliqua officia, ac uti jure suo, & quando his cedere possit, vel debeat.

347. Quod concernit principium seu causam *immediatam* & *adequatam*, ex qua homo tenetur in multis casibus sibi ipsi exhibere aliqua officia: causa hæc non inde derivatur, ac si ille quidpiam sibi *qua sibi* sine ullo alio respectu ad *Causam primam* deberet: Quia homo non est suus, nec summus sui ipsius Dominus: sed potius quidquid habet, & est, dicente Platone: *DEI possessio est*. Hinc quando ille tenetur violentas sibi ipsi manus non inferre: vitam suam conservare, alimenta sustentationi necessaria non respuere &c. id ex hac ratione provenit, quod vitæ suæ non sit dominus: sed *merum usum* ejus, & facultatum sibi a DEO concessarum habeat, *directio* horum omnium dominio penes Auctorem naturæ DEUM manente.

Sicut igitur ille possessor, qui in re aliena v. g. domo, prædio solum *dominium utile* habet, permittitur quidem utilitates suas ex re aliena percipere, verum hunc in modum, ut *salva sit substantia* ejus, & jus Domini *directi* nulla ratione lædatur: ita homo obstrictus est uti vita, corpore, membris sibi a DEO cum aliis facultatibus concessis, si tamen aliquid pravo animo admittat, per quod hæc lædi contingat, v. g. si se ipsum interimat, mutilet, fame & inedia enecet &c. Creatori suo & Domino injurius est, cujus re abutitur eam destruendo, imo infert præjudicium etiam Reipublicæ humanæ, cujus ille est pars, quanquam & sibi quoque ipsi saltem consequenter injuriam infert, eo quod vitam sibi ademerit, qua si recte usus fuisset, poruisset a Domino suo consequi præmia, & effugere justam ejus damnationem, ac pœnas tanto abusui, pro læsione juris alieni debitas.

348. Altera causa hominem ad naturalia officia sibi ipsi exhibenda adstringens consistit in principiis *mediatis*, & *inadequatis*, qualia sunt amor sibi naturaliter debitus ad felicitatem naturæ rationalis propriam *necessarius*: & recta constitutio generis humani, ad eandem felicitatem absolute requisita. Hæc ipsæ autem *mediate* & *inadequate* causæ resolvuntur demum in *ultimo* & *adequato immediato principio*, scil. perfectionum DEI qua sapientissimi Auctoris & gubernatoris naturæ humanæ:

Si enim homini licitum foret v. g. se ipsum occidere, intellectum suum non perficere circa DEI existentiam: volun-

lun-

luntatem non exercere circa religionem naturalem ei debitam &c. recte inferimus: eo casu deesset amor sibi ipsi debitus, ac ad propriam felicitatem necessarius, ex hoc autem defectu sequeretur mala constitutio totius generis humani, quia licentia illa, quæ reperiretur in uno homine ad se ipsum occidendum, & suum intellectum, ac voluntatem non cultivandam &c. necessario communis esse deberet toti generi humano: Inde autem ultimo concludimus, id fieri nullo modo potuisse, alioqui hæc generis humani imperfectio & permissa licentia redundaret in Auctorem & Governatorem eius DEUM, qui illud in ipsa creatione male ordinavit, & mediis ad finem a se intentum absolute necessariis non instruxit: Porro id de Sapientia divina cogitare nefas est, ut liquet ex n. 33. (& seqq.) Igitur nec fuit possibile prædicta officia homini erga se ipsum non fuisse lege naturali præcepta.

349. Nec moramur opinionem aliorum Naturalistarum, qui cum Thomasio & Fleischero existimant officia hominis erga seipsum ad jus naturæ stricte dictum plane non spectare: sed tantum locum invenire in regulis honesti, idque ex his motivis I.) Quia amor sui in ordine ad se curandum & conservandum est cuivis innatus: igitur obligatio omnis est superflua. II.) Quia uti jus & justitia proprie talis debet esse ad alterum, ita & obligatio efficax in se ipso terminari nequit, per l. 22. ff. de legat. 3. ibi: Nemo eam sibi potest legem dicere, ut a prior ei recedere non liceat: requirit igitur terminum a se distinctum. Ita illi: sed incassum.

Nam ad I.) Resp. Amor sui est quidem homini innatus, non tamen quo ad modum determinatus, uti est in brutis, quæ cum unum eundemque phylice necessarium operandi modum habeant, necessario instinctu suam conservationem ita amant, ut odisse non possint. Hinc nullum adhuc fuit brutum, quod se ipsum v.g. e rupe sponte præcipitaret, animo sibi ipsi vitam adimendi: erant vero & sunt multi homines, qui id scelestè attentarunt: Igitur innatus hominis amor cum reperiatur in subiecto libere, & a natura ipsa phylice non determinato ad unum operandi modum, debuit determinari moraliter ab Auctore naturæ per obligationem absolutam & necessariam, ut scilicet nunquam ipsi liceat physica se ipsum amandi potentia abuti moraliter.

Ad II.) Justicia proprie talis commutativa debet esse ad alterum C. naturalis legalis, seu universalis N. quamquam cum

cum juxta n. 362.) in homine respectu DEI debet justitia etiam commutativa; potest in plerisque casibus homo seipsum conservando, vel non conservando exercere justitiam aut injustitiam *ad alterum*, scilicet ad DEUM. Si enim v.g. seipsum interimat; violabit jus proprietatis Divinum culpabiliter destruendo rem, cujus directum dominium ad eum solum spectabat.

Nec facit ad rem, quod officia hominis erga seipsum fundentur in *regulis honesti*; nam constat iam ex n. 75. & seq. honestatem morum naturalem aliam esse fundatam in jure naturali *præceptivo*; prout honestum est honorare parentes; cuique quod suum est, tribuere &c. aliam in eodem jure naturale *concessivo*, aut *suasivo*; ac proin in sola honestate *ethica*; ac *civili* quam *decentiam* appellamus. Hoc solum officia. Illa igitur officia erga seipsum, ac sibi ipsi *debita* & *perfecta* proveniunt ex honestate *necessaria* naturali; ac præcepta; sine quibus male constituta fuisset natura rationalis; reliqua vero quæ ad *solum* majorem *perfectionem* ejusdem spectant, vocanturque officia *imperfecta*; plerumque ad *solam* *decori*, seu ethice *honesti* titulum referuntur.

§. II.

Qui ordo servandus sit in exhibendis sibi ipsi officiis?

350. **P**riusquam cap. seq. agamus de ordine in officiis proximo exhibendis, expedit innuere hic de ordine in his sibi ipsi præstandis observando. Ordo autem hujusmodi consideratur *respective* ad DEUM, animam nostram, & corpus, arque hinc quo ad bona æterna & temporalia, *spiritualia* & *corporalia*, singula hæc quem locum habere debeant, inquirendum est.

Cum dicimus, hominem jure nat. obligari ad præstanda sibi aliqua officia, sensus est, quod ille obstrictus sit *seipsum diligere*, unde etiam axiomata hæc orta sunt: *Caritas incipit a se ipsa* item: *proximus sum egomet mihi*; deum: *qui sibi nequam, cui bonus erit?* Eccl. 14. Siquidem vero corrupta natura humana innata proclivitate, & toto pondere tendit in amorem proprium: ne forte adducta axiomata, & ascripta seipsum diligendi naturalis obligatio male intellecta

Jus Nat. & Gent.

R

cui-

Creatori suo debita persolvat officia, cum eoque reconcilietur. In omnibus quoque negotiis, & actibus ita corpus est curandum, ne anima in quopiam lædatur. Eam ita corpori ob suam immortalitatem omnino præferendam esse, inter alios, etiam Ethnicus Poeta judicavit; Ovid. 15. metamorph.

Morte carent animæ; semperque priore relicta
Sede, novis domibus vivunt, habitantique receptæ.
Ipse ego; nam nemini, Trojani tempore belli
Pantoides Euphorbus eram.

Hac Poetæ opinione permotus Demosthenes l. 7. politic. ait: Anima pretiosior est corpore; & omni possessione, & omnibus aliis bonis, qua in parte divinus Plato in Timæo superat omnium Ethnorum sentia, ubi dicit: Ad hoc anima conjuncta est corpori; ut fruatur scientiis & virtutibus. Si autem cum fervore magno se invenerit; benigne recipietur a suo Creatore. Sin autem secus, relegabitur ad inferna.

352. Tertium locum obtinent officia corpori exhibenda, quorum nomine venit id, quod ad exteriorem ejus culturam, statui convenientem amictum, sustentationem; divitias, & nervum rei œconomicæ, familiaris, ac honestam commoditatem attinet. Quæ singula ita acquirenda, & possidenda sunt, ut quisque paratus sit ad illa animi bonis postponenda, quando id Fortunæ vicissitudo & necessitas exigit, dicente Platone in Epist. 8. ad Dionis propinquos, quos hunc in modum instruit: Cum tria sint, anima, corpus & pecunia; virtutem animi maxime anteponant: Secundo vero loco virtutem corporis virtuti animi servientem: Tertia ultimoque gradu pecuniarum pretium collocent; animo corporique ministrans. Egregie prædictum officiorum ordinem DEO, animæ & corpori exhibendorum docet quoque Salustius in Catil. c. 1. dicens: Quoniam omnis nostra vis in animo & corpore sita est, alterum nobis commune cum Diis, alterum cum belluis est; animi proin imperio corporis autem servitio uti debemus.

§. III.

In quo consistat naturalis obligatio honeste vivendi
quo ad culturam proprii animi

353. **H**onestas vitæ prout jure nat. præcepta est, in duobus consistit, recto scilicet usu facultatum animi & corporis. Quod corpus concernit, sequi. §. expedimus,
R 2

mus, solæ hic & nunc animi facultates in considerationem veniunt. Et jam patet ex n. 350.) hominem lege nat. obstrictum esse ad præstanda sibi ipsi aliqua officia, inter quæ etiam interna, sita in cultura & honesto usu potentiarum animæ. Hæc ipsa autem cultura & usus reponitur potissimum in perfectione & emendatione intellectus ac voluntatis nostræ.

Primo itaque intellectus excolendus ab unoquoque est quo ad DEUM, quo ad seipsum, & proximum. Cultura intellectus quo ad DEUM necessario exigit, ut recte de DEO tanquam Ente primo, summo & unico sentiat, ejusque perfectiones vulgari notitia percipiendas agnoscat, ac ab eo semel agnito, veritatibusque ejus, sive naturaliter, sive per revelationem agnitis, nunquam per ullam apostasiam, aut hæresin recedat. Inter alia vero debet de DEI in regendo mundo ordinationibus recte sentire, quod non casu, vel fato aliquo res sive prosperæ, sive molestæ nobis accidunt: sed ejus sapientissima dispositione; pariter ac quod peccata nostra non ex aliqua coactione, aut necessitate intrinseca animæ nostræ a DEO impressa: sed ex liberrima nostra determinatione ac malitia, DEO pure permittente fiant; dicente Boet. de philosophic. consol. lib. 1. profa 2. Divina providentia rebus gerendis necessitatem non imposuit: quia si omnia evenirent de necessitate, præmia bonorum & malorum plene perirent.

Ratio autem est cur intellectus noster quo ad DEUM primo excolendus sit: quia cultura hæc est absolute necessaria ad finem ultimum ac adæquatum naturæ rationali præfixum, & sine hac ille nunquam posset obtineri. DEO quippe non agnito cessarent officia illi naturaliter debita, cum ratio nostra non feratur in objecta nisi prius cognita, his autem non præsuppositis, reliqua officia erga seipsum & proximum, sive ponantur, sive omittantur; semper relinquerent mancam legis naturalis executionem; quæ nisi ita integre perfecta fuerit, ad finem ultimum assequendum nihil contribuit, cum bonum non sit nisi ex integro: malum autem impu-
tetur ex singulis defectibus.

354. Secundo excolendus est intellectus quo ad se ipsum; nempe ut homo agnoscat se esse ens ab alio, opus Creatoris sui, tam quo ad animam, quam quo ad corpus, & ea omnia, quæ habet, & habere potest. Intelligat quoque animam suam si non demonstrative immortalem; saltem non esse mortalem cum corpore: sed eam ab hoc etiam separa-
tam

tam adhuc existere, cum nulla naturalis ratio probet eam interire. Est enim rationalis & spiritalis: igitur etiam immortalis. Nam quatenus spiritalis est, a corpore non dependet quantum ad operari, res quoque a materia abstractissimas contemplatur, & nedum singularia, verum etiam universalia, possibilia, quoque & impossibilia entia, & negationes entium, materialia & spiritalia, imo DEUM etiam ipsum cognoscit, super actus quoque suos se reflectit, ex una in aliam notitiam ratiocinando promoveatur, ac operationes ipsas independentem ab organo corporis effective producit, facultatesque suas ab illo non dependentes habet:

355. Cum itaque modus operandi nequeat esse perfectior modo essendi quem consequitur: necessario persuasus esse debet rationalem animam esse incorpoream, spiritualem, partibus omnibus realiter distinctis carere, & indivisibilem esse: Igitur convinci etiam debet, quod ab eodem corpore *independens* quoque sit quo *ad esse*. Operari enim sequitur esse: Atqui id, quod est independens a corpore nullo modo perit corpore destructo. Nam nulla forma perit, nisi per expulsionem a subiecto, sine quo existere naturaliter non possit: ad hoc ipsum vero requiritur, ut ab eo essentialiter dependeat, siquidem nihil perit ex interitu eius, a quo non dependet essentialiter: Anima itaque non perit pereunte corpore, atque adeo non moritur cum corpore.

Argumentum hoc eleganter extollit Cicero in l. 1. *Tusc. quæst.* ubi de eo disputat, dicens: *In animi cognitione dubitare non possumus, nisi plane in physicis plumbei simus, quin nihil sit animis admixtum, nihil concretum, nihil copulatum, nihil coagmentatum, nihil duplex. Quod cum sit, certe nec secerni, nec dividi, nec discerpi, nec abstrahi potest, NEC INTERIRE igitur: est enim interitus quasi discessus, & secretio, ac diremptus earum partium, quæ ante interitum junctione aliqua tenebantur.*

356. Quod etiam confirmat communis Prudentum consensus, cum certum sit Platonem, Stoicos, Pythagoricos, & Peripatheticos, imo Nationes moratiores omnes etiam Gentiles in hac animæ immortalitate mirifice convenisse, uti videre est in *Hist. Philos. Ethn. part. II. cap. 14.* Quod idem nostris etiam temporibus, seu Ethnici apud Indos, seu Mahumetani apud nos agnoscunt: Porro adeo universalis consensus naturali ratione nixus fallere nequit, dicente Seneca Epistola 117. *Mulum dare solemus præ-*

sumptioni omnium hominum, & apud nos veritatis argumentum est, aliquid omnibus videri, cum de ANIMARUM ÆTERNITATE differimus, non leve momentum apud nos habet consensus hominum, aut timentium inferos, aut colentium.

357. Consequens quoque est, ut homo naturaliter sit persuasus, quod *finis ejus ultimus & adequatus non sit felicitas hujus vitæ termino clausa*, etiam spectato statu mere naturali: sed supersit alia vita, saltem in ordine ad præmium bonorum, & pœnam malorum, uti id contra Puffendorhium demonstravimus a n. 245.) Demum debet ille nosse, quod lege nat. obligatus sit tendere *ad finem ultimum* talem, qui essentialiter consistat in sola conjunctione cum DEO, per observantiam legis naturalis, quantum hæc naturæ viribus observari potest. De hac tendendi obligatione convincitur homo attenta consideratione omnium creaturarum ad fines suos naturali instinctu vel exigentia tendentium, ut patet in brutis, insectis, volucris, plantis, aere, igne, aqua, terra, cæterisque entibus, quatenus unum quodque horum fungitur officio suo, vel utilitati hominum inserviando, vel decorem Universi augendo, aut alio sibi competente modo tendendo ad finem sibi a suo Creatore præfixum.

Reliqua cultura ingenii circa literaturam, studia, Artes liberales, & id genus alia, cum non sit medium cum ultimo fine hominis necessario connexum, *per se* loquendo non cadit sub naturale præceptum: sed ex solo decoro & ethica honestate conveniens est, ut ejus etiam ratio habeatur juxta conditionem & statum uniuscujusque hominis. Dummodo hic intellectu suo non abutatur ad perversas doctrinas, detrimentum proximi aliaque vitia jure natur. prohibita.

358. Tercio circa proximum intellectus imbuendus est principiis, per quæ instruamur in ordine ad exhibendum illi amorem & officia lege nat. præcepta, quale est I.) illud: *quod tibi non vis &c. II.) Fides circa objectum honestum & licitum data unicuique servanda est.* Hanc ethicus Philosophus Seneca *Epist. 89. ad Lucillum*, ita commendat: *Fides sanctissimum humani pectoris bonum est, nulla necessitate ad fallendum cogitur, nullo corrumpitur premio. Ure, cæde, occide, non prodam; sed quo magis secreta quæret dolor, hoc illa altius condet.* Et Livius *decad. 1. lib. 6. ait: Cum fidei abrogatione omnis humana societas tollitur. III.) Quod bonum publicum privato sit præferendum, minus enim ma-*
lura

lum est affligi vel perire unum, quam omnes, vel multos de eadem communitate, live Republica cui quis est subordinatus: Porro jure nat. & prudentiæ regulis attentis inter mala invincibilia minus est eligendum. IV.) Intelligat se obstrictum esse ad vitam in socialitate aliorum ita instituentem, ut unicuique amorem debitum cum conveniente honore, secundum cuiusque conditionem exhibeat. Imo persuasus sit se obligari in extrema saltem & valde gravi necessitate ad succurrendum proximo juxta vires suas; obligationem hanc etiam gentili Philosopho Seneca agnoscente, qui in suis proverbiis ait: *Qui succurrere perituro potest, cum non succurrit, occidit*. Hujus sententiæ legitur Ovid. lib. 2. eleg. 3. canens:

Regia, crede mihi, res est succurrere lapsis

Convenit & tanto, quantus es ipse, viro.

359. Pars altera internæ honestatis & culturæ consistit in perfectione & emendatione VOLUNTATIS. Hæc exercenda est primo) quo ad DEUM, ut illi Amor timori ac reverentiæ conjunctus cum cæteris debitis officiis rite persolvatur. Hinc voluntas nostra conformanda est in omnibus voluntati ipsius, etiam quo ad vitam & mortem nostram, nec unquam curiose in sanctissimas ejus dispositiones indagandum est, dicente Poeta Scaliger. Epidorp. l. 3.

Nec vivere, nec velle mori stat sapienti;

Hoc linque DEO: tu quis es? ut scias quod ille?

360. Debet quoque secundo) recte uti voluntate sua erga seipsum, procurando maximam animi tranquillitatem, quæ consistit in eadem voluntate nostra recte rationi plene subiecta, ac in compescendis & domandis affectibus, omnibusque animi perturbationibus. Quod quem in modum fieri debeat: Philosophi ethnici optime nos docent, præ primis autem Seneca & Plutarchus quorum moralis hac super re legibus naturæ apprime conformis esse legitur; & Cicero in paradox. ait: *Refrænet primum libidines, spernat voluptates, iracundiam teneat, cordeat avaritiam, cæteras animi labe repellat*. Hujus sententiæ fuit Juvenal. satyr. 8. dicens:

Pone ire fræna modumque,

Pone & avaritiæ.

361. Dein tertio) erga proximum ita se voluntas exercent necesse est, ut quidquid intellectus ei necessario exhibendum judicat, illa exequi præstare sit parata. Imo hæc ita

comparanda est, ut non modo præcepta officia accurate præstes: sed etiam illa quæ in sola decentia fundantur, pro posse tuo implere studeas, hac enim ratione naturalem perfectionem assequeris; si nedum imperia, verum etiam consilia juris nat. observaveris, ita instructe Seneca de form. vitæ: *Cunctis esto benignus, nemini blandus, paucis familiaris, omnibus æquus, ad iram tardus, ad misericordiam pronus, in adversis firmus; in prosperis cautus & humilis*. Ex hac autem æquanimitate oritur mira passionum temperies, & amæna erga alios mansuetudo, quæ vel sola nos a bel-luarum feritate distinguit. Hinc induemus mitem animum, quo inclinante semper faciliores nos experiemur ad eripien-dum naufragio potius, quam mergendum proximum, ad excusandum magis quam accusandum, ita suadente Ovidio lib. 3. eleg. 3.

Mitius est lasso digitum supponere mento,

Mergere quam liquidis ora natantis aquis.

§. IV.

Quæ sit naturalis obligatio honeste vivendi, quo ad culturam corporis proprii, bonorumque & facultatum externarum?

362. **H**onestas vitæ quo ad exteriorem hominis cultu-ram, prout lege nat. præcepta est, consistit I.) In necessaria conservatione vitæ, sanitatis, & integritatis corporis. Patet enim ex n. 347. hominem a DEO permissum habere usum bonorum huiusmodi, dominium autem direc-tum & absolutum in vitam, membra & corpus nostrum ad Creatorem ejus spectare, ita proin his uti debet, ut extra casus iusti belli, martyrii, alteriusque rationabilis causæ, substantia rei sibi concessa sit salva & integra.

Hinc naturali jure debentur homini alimenta sustentatio-ni necessaria, sine quibus alias vita conservari non posset: non minus ac debita illi est moderata cura valetudinis, per media, quæ commode habere ripossunt. A contrario autem prohibita est omnis *ingluvies*, ebrietas, malitiosa mutilatio ac directa sui ipsius occisio: hæc utpote proxime opposita juri divino in nostram vitam & membra: illa vero quate-nus injuriosa est naturæ humanæ, cujus dignitatem confun-dit cum natura voracium bestiarum.

363. Imo ebrietas specialem inducit turpitudinem, eo quod

quod hominem usu rationis privet, quam sibi a DEO concessam habet ad officia et debita perfolvenda, aliasque functiones homini convenientes obeundas. Vitium hoc obtundit ingenium, & hebetem facit rationem, dicente Menandro: *Multum merum pauca cogit sapere*: enervat vires totius quidem corporis: sed maxime pedum: eleganter id exprimente Plauto in Pseudolo: *Magnam hoc vitium est vino, pedes capiat primum; luctator dolosus est*; quo vix alius vitæ & sanitatis major hostis, declamante id Proper. lib. 2. eleg. ult. *vino forma perit, vino corrumpitur ætas*. Est præterea fons omnium malorum animæ & corporis, ac quædam inchoatio væ illius perpetui, quod in inferno genere creduntur damnati, exponente id Salomone Prov. 23. *Cui væ? cuius patrivæ? cui rixæ? cui foveæ? cui sine causa vulnera? cui suffusio oculorum? nonne his, qui commorantur in vino, & student calicibus epotandis?* Demum prout deiecit hominem a dignitate & conditione humanæ naturæ, ac viliozem reddit bestiis, quæ nunquam plus bibunt, quam ad sitim exstinguendam sufficiat, ita bibentis culpa ebriosum facit inhabilem ad vitam secundum rationem instituendam, & observandam legem naturalem, eumque qui inebriatur, dementi ac stulto similem efficit, canente Horat. lib. 1. epistolar.

Quid non ebrietas designat? opera recludit,

Spes jubet esse ratas, in prælia tradit inermem.

Sollicitis animis onus eximit, addocet artes.

Fæcundi calices, quem non fecere disertum?

Contracta quem non in paupertate solutum?

Tanta absurda ebrietatis cum sint, illa nihilominus non tantum minime ideo excusari possunt quod in ebrietate commissa sint, sed etiam actus maliciam suo modo aggravant, quoties in potus excessu mala illa prævisa sunt, aut facile prævideri poterant, & debebant, ita judicante Catone lib. 2.

Quod potu peccas, ignoscere tu tibi noli:

Nam nullum crimen vini est: sed culpa bibentis.

364. Ad ingluviem & ebrietatem jure nat. prohibitam reducitur quoque *Antropophagia*, seu carnis humanæ esus. Illa quippe admissa ut licita, allicerentur homines ad homicidia mutua, quæ facile perpetrarent stimulante ingluvie: hac autem ratione graviter inhonoraretur natura humana, quæ non fuit condita instar aliorum animalium,

quo-

quorum aliqua in cibum nostrum creata sunt: sed ut nostro amore perfruatur, perveniatque ad finem sibi proprium, a fine ceterorum animalium distinctum. Nec refert, quod dentur plerique Barbari inter *Hurones*, in Brasilia, & alibi, qui bestias carnivoras imitati vesci carnibus humanis in deliciis habent: Multo minus movet exemplum *Artemisiae* &c. hujusmodi enim facta dementiae potius, quam rationabilis exempli nomen merentur, pariter ac quod *Scythae*, seu *Tartari* Crimenses, & *Nahajenses* senio confectos homines, etiam parentes suos *septuagenario* majores, si equum ascendere, aut arcum intendere non possint, vivos terra obruant, & tanquam luce hac jam indignos disperdant.

365. Eodem nat. jure praecipitur II.) rectus usus facultatum tam corporis quam fortunae. Illae consistunt in 5. sensibus, auditu, visu, gustu, odoratu, tactu, aliisque corporis dotibus, uti sunt vires, valetudo, venustas, habilitas ad monia aliis utilia &c. Per fortunam autem facultates intelligimus divitias, pecuniam, possessiones, & quidquid ab extrinseco ordinatum est ad miseras hominis sublevandas. Quod vero horum omnium rectus fieri praecipitur usus, ex eo deducitur: Quia ista a DEO naturae Auctore data sunt homini tanquam necessaria instrumenta, quorum ope facilius persolvat officia DEO, sibi & proximo debita, illisque adjutus perveniat ad finem naturae rationali praefixum. Naturali igitur jus tenetur homo sensus suos, actiones & facultates omnes ita comparatas habere, iisque uti vel non uti, ut saltem *indirecte* tendant ad finem a DEO praefixum: Porro neque *indirecte* tendent, si illis utatur in sui *aversionem* a fine suo ultimo, ususque fuerit aliquo sensu, vel facultate ad legem violandam, & DEUM offendendum.

366. Imo neque ille satisfacit huic obligationi, qui sensu aliquo utitur *otiose*, & sine ulla prorsus utilitate, saltem ex intentione utentis proveniente, prout id Incarnatus naturae humanae Auctor declaravit Matth. 12. v. 36. *Omne verbum otiosum* (puta, quod neque loquenti, neque audienti prodest, neque in hunc finem a loquente dirigitur) *quod locuti fuerint homines, reddent rationem de eo in die judicii.* Sunt enim verba hujusmodi contra finem a natura intentum, & exponunt hominem periculo labendi in sua lingua, dicente Plutarcho: *Fieri non potest, ut garrulitatem non comitetur maledicentia*, seu prout luculentius id expressit Sapiens Eccl. 5. v. 2. *In multo sermone invenietur stultitia.*

Recte

Recte proin monet Erasmi. in apophth. *Prius cogitandum, quid loquaris, quam lingua prorumpat in verba.* Seneca vero *Epist. 40.* Lucillum discipulum suum incitans ad naturalem perfectionem sectandam, viam brevissimam ei assequendæ reponit in circumspecta locutione, & loquendi tarditate, dicens: *Summa ergo summarum hæc erit: tardiloquum te esse jubeo, nec immerito: didicerat enim ex alio sapientissimo Philosopho Theognide, cujus hæc fuit tessera: Turius est tacere quam loqui.* Quam ob rem Simonides apud Laert. l. 8. de vitis Philosoph. de loquacitate in hæc verba conqueri perhibetur: *Sæpe me pœnituit locutum fuisse: tacuisse nunquam.*

Cum autem inter alia linguæ vitia principem locum obtineant famæ injuria, & arcanorum violatio, quam eo majori temeritate plerique audere non horrent, quo facilius nanciscantur aliquem e suis auditoribus, quibus dum aliena facta distaque alto alioqui premenda silentio revelant, eum ad naturale arcanum, ne cuiusdam tertio id ipsum enarret, obligare consueverunt. Dicaces hos bombastiones perstringit Annaeus Seneca lib. de Mor. dicens: *Quod tacitum esse velis, nemini dixeris, si enim tibi non imperasti, quomodo silentium ab illo speras?* Inde etiam factum est, quod teste Laert. l. 5. c. 1. Aristoteles ubi Calisthenem juvenem suum discipulum liberius multa de factis dictisq; aliorum in deteriorem partem garrere percepit, hoc illum carmine ex Homero desumpto admonuerit:

Talia loquens, haud multo tempore vives;

Ad hæc autem aliaque naturalis perfectionis obstacula amovenda, & rectum linguæ usum probe discendum, omnibus quidem; Tyronibus tamen, præsertim juris naturalis sectatoribus, dignam magno Philosopho regulam divinus Plato præscribit apud Gell. noct. attic. l. 1. c. 15.

Loquendum est ex necessitate: tacendum ex voluptate.

367. Quæ vero de inutili usu loquelæ, hæc ipsa sententia est de aliis omnibus facultatibus, tam corporis, quæ ob solam voluptatem nunquam uti licet, quam fortunæ. Ac proin jure nat. prohibetur III.) nedum Avaritia, utpote radix omnium malorum: sed etiam Prodigalitas, quæ est intemperans ac nimia pecuniarum profusio. Hæc juxta D. Th. 2. 2. 9. 119. a 2. semper est illicita, non principaliter propter

pter quantitatem: sed propter inordinationem dandi iis, quibus non debet dari. Isthoc enim vicio corrumpitur bonum virtutis, nempe liberalitas, quæ in moderatōne, tanquam in suo medio consistit.

Ad speciem prodigalitatis reducitur quoque inutilis rerum suarum destructio, veluti si marsupium auro turgens sine ullo alio honesto fine projicias in flumen, ea præcise ratione ductus, quod de re tua nemini obligata libere disponas: Licet enim ad restitutionem nulli hominum forte tenearis, non ideo tamen honeste agis, cum dona Fortunæ contra finem a DEO intentum misere prodigas, omissis multis pauperibus, quibus decenter usuri fuissent &c. Rectum igitur rerum hujusmodi usum docet nos Pythagoras Samius dicens:

*Dilapidare cave nummos, ceu nescius uti,
Pelle tamen sordes. Modus optima regula rerum.*

Prodigalitati opponitur Parsimonia, quæ est prudenter moderatus facultatum usus. Illam Tyronibus familiæ patribus præclare inculcat Hesiodus in hæc verba canens:

*Adde parum parvo, parvo superadde pusillum,
Fiet & hoc magnum: infelix pelletur egestas.*

Hanc ob causam de emacitate, seu de nimio emendi res inutiles pruritu fugiendo, celebre est Catonis dictum a Seneca Ep. 9. annotatum: *Eme non quod opus: sed tantum quod necesse est.* Jam vero impossibile putavit Marcialis quempiam non exui fortunis, si absque debita moderatione litibus institutendis, fabricæ, domibusque sine rationabili causa ædificandis vacet.

Litiget, ædificet, qui vult cito pauper haberi.

368. Ob prædictam naturalem inordinationem IV.) proferibitur quoque Otium, seu vitiosa vacatio à labore, ad quem conditus est homo. Torpor hic etiam ab Ethnicis inter radices omnium malorum reputabatur. Teste enim Lucano . . . *variâ semper dant otia mentem.* Unde Diogenes apud Laert. l. 6. hominum otiosorum negotium lascivum amorem esse dicebat. Malo autem suo expertus Ovidius lib. de remed. amor. ingeniose canit:

*Otia si tollas, periere Cupidinis arcus,
Contempraque jacent, & sine luce facès.*

Hic ipse Gentilis Poeta lib. i. p. 6. otio tanquam causæ proximæ attribuit morbos corporis, zrumnas illius, inopiam ad quam delabantur otiosi, ingenii hebetudinem, ac inhabilitatem ejus ad ea in praxim recte deducenda,

da, quæ olim improbo labore didicimus; ita quippe canit ille:

Cernis ut ignavum corrumpant otia corpora?

Ut capiant vitium, ni moveantur aquæ?

Et mihi si quis erat dicendi carminis usus,

Deficit, estque minor factus inerte situ.

A contrario autem, cum adsit naturalis obligatio ad media moderate conquirenda corporis sanitati, vitæque conservandæ necessaria: homo tenetur se accingere 1.) *labori*, & *industrias* sectari conditioni suæ ac viribus convenientes; 2.) Item honesto modo conquirere facultates necessarias ad victum, vestitum, aliaque vitæ subsidia requiri solitas. 3.) Curam habere jubetur de bono nomine & fama, quatenus hæc & ad honestam vitam conducit, & non nobis tantum: sed proximo etiam utilis est, si inde incitetur ad vitæ honestatem, nostræque utatur opera ad suum privatum, vel publicum commodum.

§. V.

Quæ sint alia nature præcepta spectantia ad culturam corporis,

369. **P**Ræter jam enumerata, jure nat. prohibetur omnis *Luxuria* in suo genere, cujus species sunt *Fornicatio simplex*, *stuprum*, seu defloratio virginis iosa invita, *raptus*, *adulterium*, *incestus*, & quidem si fuerit cum consanguinea persona in *linea recta*, contra præceptum jur. natur. fiet, ad quod a multis refertur idem crimen cum *sore germana* perpetratum: in reliquis gradibus lineæ obliquæ ad jus positivum reducitur. Inter alias species luxuriæ est *sacrilegium*, *mollities* seu pollutio, *sodomia*, *bestialitas*, demum omnis impudicitia, uti sunt desideria prava in genere luxuriæ, tactus & oscula venerea extra matrimonium, non minus ac auditus, aspectus &c.

Neque ullam attentionem meretur doctrina Thomassii *Inst. Jurisprud. divin. l. 3. c. 2. an. 143. & c. 3. an. 71. cum Velthusio*, Guil. Grot. *de princip. J. N. c. 4. n. 7. fin.* & aliis perniciose asserentis: *meris rationibus naturalibus demonstrari haud posse omnem scortationem, etiam ad bestialitatem quæ pertinet, aut concubinatum, aut lenocinium esse prohibitum.* Per scortationem vero intelligit omnem speciem, qua sobolis generata-

Falsum quoque est, quod hujusmodi proli *melius sit esse* cum suo malo, quam si simpliciter non fuisset in rerum natura. Nam contrarium patet in Juda proditore, de quo Christus D. dixisse creditur: Matth. 26. v. 24. *bonum erat ei, si natus non fuisset homo ille*: Cui autem simpliciter non est *bonum* nasci & esse, ei nequit *melius* fieri si nascatur, & sit in rerum natura, quam si non sit. Igitur longe *melius* est, si proles hujusmodi nunquam nascantur ex simplici fornicatione, quam tot & tanta mala tum physica tum moralia consequantur: Sapissime enim hujusmodi soboles exponuntur periculo vite *temporalis*, & etiam *spiritualis*; cum non raro sine Baptismo matrum impietate suffocentur, & disperdantur.

375. Nec refert, quod forte in nonnullis casibus absint pericula hujusmodi: nam sufficit adhuc *generale* periculum, quamvis in aliquo casu *particulari* id abesse possit, prout aliunde constat ex variis instantiis, pleraque objecta jure nat. esse prohibita ob generale periculum, licet in certis particularibus circumstantiis videretur alicui posse excusari a morali turpitudine, qualia essent v. g. *mendacium officiosum* propter salutem totius Reipublicæ, & similia alia. Firmantur hæc contra Christianos Mahumetanis & Epicuri principiis inherentes Naturalistas, etiam ex hac ratione: quia certum est, Mundum diluvio fuisse a DEO punitum ob peccata plurima quidem: sed vel maxime carnalia, in omni specie turpitudinis commissa, adeo ut homines illi dediti fuerint mollitiei, bestialitati, sodomiz, scortationi, fornicationique vagæ & similibus spurcitiis, attestante Scriptura: *Omnis quippe caro corruerat viam suam*: Porro corruptio hæc ita generalis non fuit contra legem aliam tunc temporis, quam naturalem.

§. VI.

Quæ sint contraria fundamenta pro licentia carnalium turpitudinum a Recentioribus Naturalistis asserta?

376. **C**ontra adducta hic momenta excipit Thomassius *loc. cit.* cum suis sequacibus dicens I.) Sodomia, bestialitas, scortatio, mollities licet non habeat conjugii finem *primarium*, scilicet proles generationem: habet tamen adhuc *secundarium*, nempe libidinis extinctionem: igitur jure

jure nat. non est inhonesta. Verum distinctio hæc ex Epicuri commentis perniciose & imperite petita est. Jam enim ex adductis demonstrationibus liquet, finem hunc *secundarium* consistentem in sola venerea libidinis expletionem nunquam a Creatore nostro humanæ naturæ præfixum, concessumque fuisse, nisi in quantum alicui *hic & nunc* concessus est finis *primarius* generationis proles debito modo procreandæ, uti concessus est legitimis conjugibus, quibus permissus etiam *secundarius*. Auctor enim naturæ sensum delectationis prædictæ indidit corpori humano, non aliter, quam in ordine ad generationem, quæ sublato venero sensu cessaret, consequenter non posset naturaliter propagari species humana, imo nec brutorum; nunquam enim hæc coirent sine delectationis stimulo:

Atqui *sodomiam, bestialitatem, vel crimen pollutionis* exercenti, non est *hic & nunc* per talem actum a natura, ejusque Auctore concessus finis *primarius* generationis: cum ille sit ei contrarius; igitur neque *secundarius* iste, quia hic est tantum *physice* ac necessario consequens priorem, *se solo* autem ac extra matrimonium nunquam permissus *ob solam libidinis* expletionem. Imo ne conjugibus quidem, si hi *solam voluptatem* intendant.

377. Urgent iidem moralistæ II.) Perniciosum quidem esse, si prædictæ carnis voluptates jure nat. *universaliter & semper* fuissent permixtæ, non tamen si quis *quandoque* per illas libidinem expleat. Hujus argumenti Thomassius l. c. affert rationem, quia præceptum est *indeterminatum*, quod non intendit *perpetuam* obligationem & continuam. Sed contra est: quod erronea ac falsa persuasione laboret hæc ratiocinatio, ac si lex nat. prohibens bestialitatem, sodomiam & similes spurcicias non sit universalis, eaque *semper & pro semper obligans*, utpote *negativa* ac malignantis naturæ: Alioqui etiam blasphemia, & idololatria deberet esse saltem aliquando licita, atque adeo DEUS, quæ naturæ Auctor permittens *quandoque* hos actus ut licitos abnegaret semetipsum, juxta ea quæ diximus a numer. 82.) Imo si per impossibile scortatio illa vel semel foret licita, nihil obset cur talis pro semper non esset. In tanta enim effrænâ libidinis proclivitate nemo foret, qui gravi urgente tentatione *hic & nunc* licitam sibi esse falso non persuaderet. Sic autem everteretur naturæ finis, quæ seminis usum non nisi ad generationem *honesto & debito modo* instituendam concessit; ac consequenter lex nat. ob pericu-

lum generale absolute prohibuit omnes delectationes venereas extra casum honesti usus inter solos conjuges permitti, qualis prohibitio, juxta superius probata, nunquam cessat in casu particulari.

378. Neque sanior est Thomassius *l. c.* in probanda eadem licentia bestialitatis, sodomiz & mollitiei ex hoc medio: quod jus nat. non prohibeat creationem vomitus: igitur neque seminis abusus venereos. Scriptor enim hic scire debuisset, per vomitum, qui natura perdifficilis est, nihil derogari generi humano, neque impediri ullo modo generationem, multo minus abstrahi homines a matrimonii oneribus, aut excæcarimenter eorum, & enervari corpora, hominemque averti simpliciter a suo fine, ad quem creatus est: quæ omnia sunt per scortationes vâgas, & nefandas ut etiam ait ethnicus Philosophus Cato major: *Nulla capitalior pestis, quam corporis voluptas hominibus a natura data est.*

Non etiam facit ad rem alia laudatorum Moralistarum ratiocinatio, quod scilicet, *ipsa natura inclinet ad molli- tiem, fornicationem, sodomiam &c.* igitur contra naturam esse non possunt. Naturalis enim hæc inclinatio est tantum animalis, qualem & canes impudici, & porci luto assueti experiuntur: non vero nature rationali conformis, si fiat extra matrimonium ejusque debitum usum. Eadem quoque vitiosa natura inclinat etiam ad adulteria, furta, quæ tamen Naturalistæ hi concedunt esse jure nat. prohibita.

379. Meretur tamen animadversionem, quod adeo absurdum circa rem veneream hallucinationum Thomassio cum suis sequacibus ansam dederit Joannes Seldenus famulos Angliæ Jctus auctor libri de J. N. & G. juxta disciplinam Hebræorum conscripti, quem in epitomen coegit Jean. Franc. Buldeus. Ille referens Noachidarum præcepta naturalia ab Hebræis observari solita, lib. 5. c. 6: asserit fornicationem jure nat. non fuisse ab illis inter prohibita reputatam. Hoc testimonio ut omnino falso, ita fide indigno abusi plerique Naturalistæ protestantici, nedum fornicationem: sed neque alias spurcicias hujusmodi inter lege nat. prohibitos actus reponunt. Verum erronee; Nam primo) Seldenus ipse contrarium perhibet *loc. c. lib. 1. cap. 10.* ubi recenset septem præcepta Noachidarum, nempe 1.) De cultu extraneo, seu idololatria. 2.) De maledictione numinis, sive blasphemia. 3.) De effusione sanguinis, id est homicidio. 4.)

De

De revelatione turpitudinis, sive de OMNI turpitudine venerea extra matrimonium, adeoque & de fornicatione, mollestie, &c. 5.) De furto & rapina. 6.) De judiciis: seu regimine forensi, ac obedientia civili: 7.) De non comedendo membro animalis viventis. Quibus etiam alii addunt octavum de honorandis parentibus: Constat igitur carnalia crimina etiam a Noachidis, seu posteris Patriarchæ NOË fuisse agnita pro prohibitis jure naturæ.

380. Secundo.) demus vero illa non fuisse pro vetitis agnita, nondum sequitur ea fuisse jure nat. permessa. Quia ut ipsemet Puffendorpius de origine J. N. c. 1. §. m. 169. ait: Soldani lucubratio hausta ex bebræis sentibus, cum non contineat principium omnibus certum, ex quo naturæ præcepta illa vel evidenter fluant, vel saltem demonstrative procedant, est imperfecta, incerta, & inutilis; nil proin solidi ex illa concludi potest, neque ideo recedendum est a demonstrationibus, quas adduximus communi Prudentiorum sensu nitax: Quo etiam facit, quod naturales obligationes, cum sint necessaria, hinc nullo modo debeant ab acceptatione Noachidarum aliorumque Populorum: sed potius mensurandæ sint principio indicativo legis naturalis a num. 80. adducto.

Alteræ adductorum errorum occasio fuit, quod Protestantium Naturalistæ cum Guil. Grotio loc. c. falso existiment; in lege Evangelica contineri aliqua præcepta negativa morum honestatem concernentia positivo-moralia omnino nova, quæ non spectent ad jus naturæ: Hinc inter alia, etiam verba hæc Apostoli 1. Cor. 6. v. 9. & 10. Neque fornicarii; neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum DEI possidebunt; in quantum carnalia peccata prohibent, tenent illi non esse profecta a lege nat. sed a libera voluntate divina, reduciq; ad præcepta mere positiva.

381. Verum perniciosam hanc opinionem confutat 1.) Syrlus Apostoli, qui loc. cit. de fornicatione, sodomia, mollestie loquens, eadem utitur energia ac de adulterio, furto, idololatria, quam Naturalistæ illi fatentur cum reliquis, scilicet adulterio, furto, rapina, ebrietate esse prohibitam jure nat. 2.) Rubore eos suffundere deberent ethnici Philosophi, qui, Epicuro cum suo porcorum grege excepto, contrarium docuerunt. 3.) Contra eos est communis

Catholicorum doctrina, tradens, quod in lege Evangelica, præter materiam *Fidei* & *Sacramentorum*, nulla dentur præcepta *positivo-moralia*, *negativa* præsertim, quæ in lege naturalis in lege veteri ejusque Decalogo implicite non continentur, dicente D. Th. 1. 2. q. 108. a. 2. *Lex nova nulla alia exteriora opera determinare debuit, præcipiendo, vel prohibendo, nisi Sacramenta, & moralia præcepta, quæ de se pertinent ad rationem virtutis, puta: non esse occidendum, non esse furandum & alia hujusmodi.* Demum 4.) convincit eos præceptum Decalogi: *non concupisces*, quod prout mere declarat naturalem obligationem, eamque confirmat: ita omnem tam internam quam externam carnis concupiscentiam veneream extra matrimonium prohibet. Et patet jam ex Divina nemini Sodomitas ante legis positivæ promulgationem puniente pro carnalibus delictis.

Scortatio igitur & omnis extra matrimonii debitum ac honestum usum *lascivia*, nullum pro se ex naturali Jurisprudencia habet sanum argumentum, præter enormem errorem *Thomassii*, *Guilhelmi Grotii* & aliorum *Epicuri* sequacium, contra quorum execrandam opinionem præfaga mente olim detonaverat *Seneca* Tragæd. 9. act. 2.

Totum per orbem maximum exortum est malum,

Luxuria pestis blanda: cui dedit vires

Roburque longum tempus, atque ERROR GRAVIS.

382. Ex his autem refellitur pestilens doctrina *Puffendorffii*, mere internas concupiscentias & crimina solo corde concepta putantis non esse lege naturali prohibita. Ille enim in præfation. ad lib. de Offic. hom. §. 9. ait: *Circa ea quæ intra pectus latitant, nec aliquem effectum aut signum foras producant, jus naturæ haud esse sollicitum: Sed contrarium ostendimus a n. 77.)* Quo etiam facit, quod alioqui lex naturalis manca foret & deficiens, si tantum exteriorem hominem quo ad actus externos dirigeret, neglecta nobilissima ejus parte in anima & potentiis internis consistente. Imo neque externa adulteria, furta, fornicationes aliaque crimina puniri ab ullo Judice citra injusticiam possent: siquidem hæc prout interna sunt, naturali lege non essent prohibita. Sanius hac in parte fuisse legitur *Menander* ethnicus Poeta, qui in suis comicis monet: etiam a mere internis pravis concupiscentiis abstinendum esse.

Nec acus filium Pamphile concuperis,

Quando ipse præsens DEUS inspicit omnia.

A R.

A R T I C U L U S II.

De jure necessitatis in genere.

S U M M A R I U M.

383. Affertur ratio tractandi de jure necessitatis.
384. &c. Exponitur definitio & divisio necessitatis.
387. Quasi extrema necessitas admittitur.
388. Necessitas gravis explicatur.
389. Et communis exponitur.
390. Thomassius & Fleischerus confutantur.
391. &c. Examinatur axioma: necessitas non habet legem.
395. Solvuntur rationes contra necessitatem quasi extremam.
396. &c. Quis allegare jus necessitatis, vel excipere possit?
398. &c. An extrema necessitas inducat communionem bonorum?
401. In quasi extrema necessitate, quid surripi possit?
402. Solvitur ratio Soti contra extreme gravem necessitatem.
403. &c. An extreme, vel quasi extreme gravis necessitas transferat dominium in surripientem?
405. &c. Eligitur sententia media, & probatur, usq. ad n. 409.

§. I.

Quid sit necessitas: & quis intellectus axiomatis: necessitas non habet legem?

383. **C**UM homo inter officia sibi ipsi debita habeat quoddam jus necessitatis, quo interdum permittitur uti cum materiali aliorum læsione; privilegium hoc ei a jure nat. concessum quemadmodum favorable est, ita periculosum, ne suus favor in formale aliorum odium & læsionem degeneret. Hanc ob rem materia hæc indiget accurata expositione, ut clare constare possit, quid jus illud necessitatis in genere, quid in specie importet. Et hanc quidem sequenti articulo, illam vero partem hic & nunc aggredimur exponendam, initium ducturi a definitione & divisione necessitatis, quibus suppositis facilius sequetur decisio propositæ alterius questionis, nempe: quid sensus sit brocardici hujus, *necessitas non habet legem*.

384. Necessitas juxta Aristotelem l. 4. Metaph. *Est vis*
S 3
quæ

quædam physica vel moralis, actionem vel ejus omissionem ita inducens, ut aliter fieri non possit, aut saltem non sine operantis, vel alterius periculo. Hæc ratione juxta eundem Philosophum necessarium est, quod aliter fieri nequit. Et ita ex l. solet, ff. de Feriis, ortum est illud vulgare: *Necessitas non habet ferias.*

Alii Naturalistæ ex Heineccio necessitatem describunt, quod sit *status hominis, in quo legi sine periculo suo parere non potest*: sed merito rejicitur hæc descriptio. Neque enim *necessitas* status hominis recte dici potest, ut expendenti patet; ac descriptio hæc præbet occasionem incautis Lectoribus etiam naturalem ac divinam legem, sine ulla limitatione non observandi, eo quod illi parere quis sine suo periculo non possit, quod tamen omnino absonum esse ostendimus, & colligi potest ex definitione *Juris necessitatis*, quod nihil aliud est, quam *facultas naturali æquitate nixa, se eximendi ab aliqua lege, quæ ad casum necessitatis non præsumitur a Legislatore extensa.* Quæ autem lex illa, & qualis debeat esse necessitas, propter quam ita eximamur; dependet id a recta divisione necessitatis, cui dein correspondere debent variorum casuum decisiones.

385. Porro juxta laudatum Philosophum, *necessitas est vel Absoluta, vel Moralis*, prout aliquid aliter fieri nequit vel simpliciter, aut saltem naturaliter, seu physice, vel solummodo moraliter, hoc est sine magna difficultate. Posterior hæc seu *moralis* necessitas contingere potest *spiritualis*, vel *corporalis*, & utraque major, vel minor, nempe extrema, gravis vel communis. *Necessitas spiritualis extrema* est, cum homo versatur in periculo proximo damnationis æternæ: & quandoque si sit in periculo proximo peccandi mortaliter. *Gravis* est, si non sit quidem periculum proximum damnationis æternæ, sint tamen circumstantiæ, quæ salutem æternam reddant valde difficilem. *Communis* est, in qua communiter sunt peccatores in mortali noxa constituti.

386. *Corporalis* necessitas extrema dicitur; ex qua egenti imminet periculum proximum vitæ. Et quidem juxta Ledesm. & alios, extrema adhuc censetur esse necessitas, si sit periculum mortis intra tres menses alioquin incurrendæ; aut secundum Cajet. si sit periculum mortis, quamvis tempus longe distet, & non appareat alia via illi periculo occurrendi: debet autem esse aliqua moralis certitudo, vel saltem, uti volunt Vasq. Vafent. Nav. Carden. prudens ac probabi-

babilis timor, si non subveniatur; incurrendi mortem. Irrationabile enim foret expectari, usque dum quis incidat in periculum proximum mortis. Unde *Carden.* in 1. crisi d. 80. n. 74. ait: si probabiliter peribit egenus deficiente hoc levamine, ea necessitas est evidenter extrema.

387. Ad necessitatem extremam *D. Th.* 2. 2. q. 66. a. 7. *Navar.* c. 17. n. 5. *Silvest.* v. Furtum q. 5. *Leff. de J. & J.* l. 2. c. 12. a n. 71. alique cum *Carden.* in crisi 1. d. 80. n. 5. & in crisi 2. d. 9. n. 3. & 17. reducant necessitatem urgentem, quam plerique cum *Leff.* l. c. vocant *valde gravem*, aut *quasi extremam*, estque tunc, quando adest periculum proximum incidendi in gravissimam calamitatem, vel in malum morti æquivalens.

Quodnam autem malum censeatur morti æquivalere; non potest certa regula determinari: sed spectandæ sunt circumstantiæ, maxime personarum indigentium. *Dicast. Casprop.* d. 2. p. 2. n. 1. *Tambur.* dicunt sufficere mutilationem membri principalis, amissionem sensus, v. g. oculorum, perpetuum carcerem, infirmitatem perpetuam, vel amentiam. Addit *Bann.* si homini pro ratione sui status gravissimum esset dedecus mendicare, asserens illi impossibilitatem moralem, eo quod præligeret mortem: *Lorc. Arriag. & Leander a S. Sacram.* putant, si alicui ratione similis status foret ignominia & impossibilitas exercendi artem mechanicam, aut famulandi: Item si ob paupertatem esset periculum labendi in peccatum mortale, uti tradit *Villalob.* v. g. in filia, quam Parens ob inopiam vellet prostituere: aut si quis ob inopiam se vellet occidere, lapsus in tristitiam non voluntariam, &c.

Quo etiam fit, ut juxta *Cajet. Suar. Tapia, Carden.* in 1. crisi, d. 80. a n. 15. & alios, gravis necessitas Reipublicæ, v. g. propter famem, communiter æquivalet necessitati extreme particularium. Quia illa necessitas raro erit sine hac, unde sicut certum est esse obligationem, etiam ex necessariis ad statum, succurrendi Proximo in extrema necessitate, ita est opinio *D. Th.* 2. 2. q. 82. a. 6. communiter recepta, quod sit obligatio succurrendi *valde gravi*, seu *urgenti* necessitati Reipublicæ, cum bonum commune præferendum sit privato in temporalibus &c.

Hinc juxta hanc & communio rem doctrinam, ob prædictam *valde gravem & quasi extremam* necessitatem Reipublicæ, licitum est ex illis, quæ ad usus pios, etiam *per ul-*

neratio excluditur, *mollitiem*, *sodomiam*, *stuprum*, *bestialitatem*: Per concubitum autem & lenocinium denotat *fornicationem*, ex qua sobolis generatio interdum sequitur: sed *mere per accidens*, & ut plerumque fit, contra intentionem fornicatorum. Porro *hæc ipsa* fuit etiam sententia *infamium Ethnicorum*, præsertim *Epicuri*, quem Seneca *porcum* vocat, & *Terentiani*, & qui beatitudinem hominis in belluinis voluptatibus statuebant; illa tandem cum *autonomica* libertate sentiendi & credendi prout cuique placet, devenit ad *Christianos Naturalistas* nunc primum laudatos, quorum error ex sequentibus momentis non difficulter colligi poterit.

370. Et quidem I.) *Sodomiam* jure nat. prohibitam, homo usus rationis compos, ac præcipue Christianus ignorare haud potest: Certum quippe illi esse debet, quod justus naturæ Auctor *Sodomiam* & *Gomorrhiam* cum finitimis civitatibus, & populo eas inhabitante, paucis cum *Lot* exceptis personis, igne de caelo misso exusserit, ac ad perenne justitiæ suæ exemplum in favillam & cinerem redegerit, eo quia dicente Apost. ad Rom. i. *Femine eorum immutaverunt naturalem usum, in eum usum, qui est CONTRA NATURAM*: Similiter autem & masculi *relictæ naturali usu feminae, exarserunt in desideriis suis invicem, masculi in masculos turpitudinem operantes*; Sacra vero historia *Genes. 13. v. 13.* testatur populos illos graviter peccasse per hujusmodi turpitudines, ubi ait: *Homines autem Sodomitæ pessimi erant, & peccatores coram Deo nimis*: itaque certum est eos gravissime peccasse:

Atqui non peccarunt contra legem Divinam positivam, ut per se notum est, quia hæc nondum illis temporibus promulgata fuerat: peccarunt igitur contra legem naturalem, alioqui *peccatores pessimi*, neque immutasse usum corporum *CONTRA NATURAM* dici in sacris codicibus potuissent, neque exustionis, & tam temporanei, quam æterni interitus poenam fuissent promeriti, quia ubi nulla lex, nulla est etiam prævaricatio, consequenter neque culpa, neque poena.

371. II.) *Bestialitatem* quoque eidem juri nat. repugnare probat tum jam adductum momentum de Sodomia, utpote a minori ad majus, tum quod hæc non minus ac illa directe apponatur bono generis humani. Admissio enim hoc coitu tanquam licito jure nat. impediretur generatio humana, aut si per accidens saltem propagaretur, fieret monstruosa, utpote non servata identitate speciei, ex patre homine, ma-

tre autem v.g. vacca: Demum nulla etiam e barbaris Gentibus fuit adeo male sana, quæ bestialitatis crimen infamæ rogo, vel aliter non puniret, cum per illud enormiter inhonoretur natura humana, ut videre est in *Hist. Philosoph. ethn. c. 3. & seq.*

372. III.) Neque *mollitiem* seu pollutionem jure natur. prohibitam ambigi prudenter potest. Turpitudine enim intrinseca ipsius in eo consistit, quod homo propter solam voluptatem abutatur semine sibi a natura, non nisi ad generationem debito modo propagandam concessio: Porro abusus hic evertit ordinem naturæ, ac si aliquando permissus fuisset, cederet evidenter in perniciosam speciem humanæ. Nemo quippe facile matrimonium ex se onerosum appetere, cum libentius voluptate sine dolore, quam cum dolore & millenis curarum ærumnis frui, vix aliquis sit, qui non ambiret.

373. IV.) *Fornicationem* quoque etiam simplicem, & omnem vagantem *seortationem*, cum supra hic, cum immediate allatum momentum demonstrat. Fornicatio enim & seortatio, quæ propter solam spurcam voluptatem intenditur, revera per se non est ordinata ad conceptionem sobolis: tum quod ab ea semine fornicariæ vel maxime abhorreant, ne sibi dedecus & infamiam, aut certe molestiam ex concepta prole adfiscantur: tum quia commixtio hujusmodi repugnat rectæ a natura institutæ propagationi speciei humanæ, prolique nascituræ gravissima infert incommoda ex eo, quod cum sit incerto patre, incertam quoque reddat educationem, alimentationem, & instructionem. Imo periculosa est ipsamet generatio. Matres enim hujusmodi minore plerumque cura & amore in proles has intentæ sunt. Atque ita actus seortationis everteret societatem humanam, ac illos per jus nat. approbato, homines effugerent matrimonii molestias, libere tamen vacarent brutis voluptatibus.

374. Et quamvis forsan aliqua fornicatio non esset injuriosa proli nondum existentî, ita ut non sit peccatum contra justitiam commutativam: est tamen peccatum contra caritatem, seu amorem proximi lege nat. præceptum, dicente D. Th. 2. 2. q. 154. a. 2. ad 4. *Fornicatio simplex contrariatur dilectioni proximi, quantum ad hoc, quod repugnat bono prolis*, ac proinde hæc non desinit esse naturali jure prohibita, sicut non desinit blasphemia, odium proximi mere internum, & similia, quæ tamen non sunt contra justitiam commutativam.

Falsum quoque est, quod hujusmodi proli *melius sit esse* cum suo malo, quam si simpliciter non fuisset in rerum natura. Nam contrarium patet in Juda proditore, de quo Christus D. dixisse creditur: Matth. 26. v. 24. *bonum erat ei, si natus non fuisset homo ille*: Cui autem simpliciter non est *bonum* nasci & esse, ei nequit *melius* fieri si nascatur, & sit in rerum natura, quam si non sit. Igitur longe *melius* est, si proles hujusmodi nunquam nascentur ex simplici fornicatione, quam tot & tanta malatum physica tum moralia consequuntur: Sapissime enim hujusmodi soboles exponuntur periculo vitæ *temporalis*, & etiam *spiritualis*; cum non raro sine Baptismo matrum impietate suffocentur & disperdantur.

375. Nec refert, quod forte in nonnullis casibus absint pericula hujusmodi: nam sufficit adhuc *generale* periculum, quamvis in aliquo casu *particulari* id abesse possit, prout aliunde constat ex variis instantiis, pleraque objecta jure nat. esse prohibita ob generale periculum, licet in certis particularibus circumstantiis videretur alicui posse excusari a morali turpitudine, qualia essent v. g. *mendacium officiosum* propter salutem totius Reipublicæ, & similia alia.

Firmantur hæc contra Christianos Mahumetanis & Epicuri principiis inherentes Naturalistas, etiam ex hac ratione: quia certum est, Mundum *diluvio* fuisse a DEO punitum ob peccata plurima quidem: sed vel maxime carnalia, in omni specie turpitudinis commissa, adeo ut homines illi dediti fuerint molliciei, bestialitati, sodomiz, scortationi, fornicationique vagæ & similibus spurcitiis, attestante Scriptura: *Omnis quippe caro corruerat viam suam*: Porro corruptio hæc ita generalis non fuit contra legem aliam tunc temporis, quam naturalem.

§. VI.

Quæ sint contraria fundamenta pro licentia carnalium turpitudinum a Recentioribus Naturalistis asserta?

376. **C**ontra adducta hic momenta excipit Thomassius *loc. cit.* cum suis sequacibus dicens I.) Sodomia, bestialitas, scortatio, mollicies licet non habeat conjugii *fi-*
uem primum, scilicet prolis generationem: habet tamen adhuc *secundarium*, nempe libidinis extinctionem: igitur jure

jure nat. non est inhonesta. Verum distinctio hæc ex Epicuri commentis perniciose & imperite petita est. Jam enim ex ad ductis demonstrationibus liquet, finem hunc *secundarium* consistentem in sola venerea libidinis expletione nunquam a Creatore nostro humanæ naturæ præfixum, concessumque fuisse, nisi in quantum alicui *hic & nunc* concessus est finis *primarius* generationis prolis debito modo procreandæ, uti concessus est legitimis conjugibus, quibus permissus etiam *secundarius*. Auctor enim naturæ sensum delectationis prædictæ indidit corpori humano, non aliter, quam in ordine ad generationem, quæ sublato venereo sensu cessaret, consequenter non posset naturaliter propagari species humana, imo nec brutorum; nunquam enim hæc coirent sine delectationis stimulo:

Atqui *sodomiam, bestialitatem, vel crimen pollutionis* exercenti, non est *hic & nunc* per talem actum a natura, ejusque Auctore concessus finis *primarius* generationis: cum ille sit ei contrarius; igitur neque *secundarius* iste, quia hic est tantum *physice* ac necessario consequens priorem, *se solo* autem ac extra matrimonium nunquam permissus *ob solam libidinis* expletionem. Imo ne conjugibus quidem, si hi *solam voluptatem* intendant.

377. Urgent iidem moralistæ II.) Perniciosum quidem esse, si prædictæ carnis voluptates jure nat. *universaliter & semper* fuissent permixtæ, non tamen si quis *quandoque* per illas libidinem expleat. Hujus argumenti Thomassius l. c. affert rationem, quia præceptum est *indeterminatum*, quod non intendit *perpetuam* obligationem & continuam. Sed contra est: quod erronea ac falsa persuasione laboret hæc ratiocinatio, ac si lex nat. prohibens bestialitatem, sodomiam & similes spurcicias non sit universalis, eaque *semper & pro semper obligans*, utpote *negativa* ac malignantis naturæ: Alioqui etiam blasphemia, & idololatria deberet esse saltem aliquando licita, atque adeo DEUS, qua naturæ Auctor permittens *quandoque* hos actus ut licitos abnegaret semetipsum, juxta ea quæ diximus a numer. 82.) Imo si per impossibile scortatio illa vel semel foret licita, nihil obesset cur talis pro semper non esset. In tanta enim effrænâ libidinis proclivitate nemo foret, qui gravi urgente tentatione *hic & nunc* licitam sibi esse falso non persuaderet. Sic autem everteretur naturæ finis, quæ seminis usum non nisi ad generationem *honesto & debito* modo instituendam concessit; ac consequenter lex nat. ob pericu-

lum generale absolute prohibuit omnes delectationes venereas extra casum honesti usus inter solos conjuges permitti, qualis prohibitio, juxta superius probata, nunquam cessat in casu particulari.

378. Neque sanior est Thomassius *l. c.* in probanda eadem licentia bestialitatis, sodomiz & molliciei ex hoc medio: quod jus nat. non prohibeat creationem vomitus: igitur neque feminis abusus venereos. Scriptor enim hic scire debuisset, per vomitum, qui naturæ perdifficilis est, nihil derogari generi humano, neque impediri ullo modo generationem, multo minus abstrahi homines a matrimonii oneribus, aut excæcari mentes eorum, & enervari corpora, hominemque averti simpliciter a suo fine, ad quem creatus est: quæ omnia fiunt per scortationes vagas, & nefandas, ut etiam ait ethnicus Philosophus Cato major: *Nulla capitalior pestis, quam corporis voluptas hominibus a natura data est.*

Non etiam facit ad rem alia laudatorum Moralistarum ratiocinatio, quod scilicet, ipsa natura inclinet ad molliem, fornicationem, sodomiam &c.: igitur contra naturam esse non possunt. Naturalis enim hæc inclinatio est tantum animalis, qualem & canes impudici, & porci luto assueti experiuntur: non vero naturæ rationali conformis, si fiat extra matrimonium ejusque debitum usum. Eadem quoque vitiosa natura inclinat etiam ad adulteria, furti, quæ tamen Naturalistæ hi concedunt esse jure nat. prohibita.

379. Meretur tamen animadversionem, quod adeo absurdum circa rem veneream halucinationum Thomassio cum suis sequacibus ansam dederit Joannes Seldenus famosus Angliæ Jctus auctor libri de J. N. & G. juxta disciplinam Hebræorum conscripti, quem in epitomen coegit Jean. Franc. Baldeus. Ille referens Noachidarum præcepta naturalia ab Hebræis observari solita, lib. 5. c. 6. asserit fornicationem jure nat. non fuisse ab illis inter prohibita reputatam. Hoc testimonio ut omnino falso, ita fide indigno abusi plerique Naturalistæ protestantici, nedum fornicationem: sed neque alias spurcicias hujusmodi inter lege nat. prohibitos actus reponunt. Verum erronee; Nam primo) Seldenus ipse contrarium perhibet *loc. c. lib. 1. cap. 10.* ubi recenset septem præcepta Noachidarum, nempe 1.) De cultu extraneo, seu idololatria. 2.) De maledictione numinis, sive blasphemia. 3.) De effusione sanguinis, id est homicidio. 4.)

De revelatione turpitudinis, sive de OMNI turpitudine venerea extra matrimonium, adeoque & de fornicatione, mollicitie, &c. 5.) De furto & rapina, 6.) De judiciis: seu regimine forensi, ac obedientia civili: 7.) De non comedendo membro animalis viventis. Quibus etiam alii addunt octavum de honorandis parentibus. Constat igitur carnalia crimina etiam a Noachidis, seu posteris Patriarchæ NOE fuisse agnita pro prohibitis jure naturæ.

380. Secundo.) demus vero illa non fuisse pro vetitis agnita, nondum sequitur ea fuisse jure nat. permessa. Quia ut ipsemet Puffendorpius de origine J. N. c. 1. §. m. 169. ait: Soldeni lucubratio hausta ex hebraeis sentibus, cum non contineat principium omnibus certum, ex quo naturæ præcepta illa vel evidenter fluant, vel saltem demonstrative procedant, est imperfecta, incerta, & inutilis; nil proin solidi ex illa concludi potest, neque ideo recedendum est a demonstrationibus, quas adduximus communi Prudentiorum sensu nixas. Quod etiam facit, quod naturales obligationes, cum sint necessaria, hinc nullo modo debeant ab acceptatione Noachidarum aliorumque Populorum: sed potius mensurandæ sint principio indicativo legis naturalis a num. 80. adducto.

Alteri adductorum errorum occasio fuit, quod Protestantium Naturalistæ cum Guil. Grotio loc. c. falso existiment, in lege Evangelica contineri aliqua præcepta negativa morum honestatem concernentia positivo-moralia omnino nova, quæ non spectent ad jus naturæ. Hinc inter alia, etiam verba hæc Apostoli 1. Cor. 6. v. 9. & 10. Neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum DEI possidebunt; in quantum carnalia peccata prohibent, tenent illi non esse profecta a lege nat. sed a libera voluntate divina, reduciq; ad præcepta mere positiva.

381. Verum perniciosam hanc opinionem confutat 1.) Stylus Apostoli, qui loc. cit. de fornicatione, sodomia, mollicitie loquens; eadem utitur energia ac de adulterio, furto, idololatria, quam Naturalistæ illi fatentur cum reliquis, scilicet adulterio, furto, rapina, ebrietate esse prohibitam jure nat. 2.) Rubore eos suffundere deberent ethnici Philosophi, qui, Epicuro cum suo porcorum grege excepto, contrarium docuerunt. 3.) Contra eos est communis

Catholicorum doctrina, tradens, quod in lege Evangelica, præter materiam *Fidei & Sacramentorum*, nulla dentur præcepta *positivo-moralia*, *negativa præsertim*, quæ in lege nat. vel in lege veteri ejusque Decalogo implicite non contineantur, dicente D. Th. 1. 2. q. 108. a. 2. *Lex nova nulla alia exteriora opera determinare debuit, præcipiendo, vel prohibendo, nisi Sacramenta, & moralia præcepta, quæ de se pertinent ad rationem virtutis*, puta: non esse occidendum, non esse furandum & alia hujusmodi. Demum 4.) convincit eos præceptum Decalogi: non concupisces, quod prout mere declarat naturalem obligationem, eamque confirmat: ita omnem tam internam quam externam carnis concupiscentiam veneream extra matrimonium prohibet. Et patet jam ex Divina nemini Sodomitas ante legis positivæ promulgationem puniente pro carnalibus delictis.

Scortatio igitur & omnis extra matrimonii debitum ac honestum usum *lascivia*, nullum pro se ex naturali Jurisprudencia habet sanum argumentum, præter enormem errorem *Thomassii*, *Guilhelmi Grotii* & aliorum *Epicuri* sequacium, contra quorum execrandam opinionem præfata mente olim detonaverat *Seneca* Tragæd. 9. act. 2.

Totum per orbem maximum exortum est malum,

Luxuria pestis blanda: cui dedit vires

Roburque longum tempus, atque ERROR GRAVIS.

382. Ex his autem refellitur pestilens doctrina *Puffendorffii*, mere internas concupiscentias & crimina solo corde concepta putantis non esse lege naturali prohibita. Ille enim in præfation. ad lib. de Offic. hom. §. 9. ait: *Circa ea quæ intra pectus latitant, nec aliquem effectum aut signum foras producunt, jus nature haud esse sollicitum*: Sed contrarium ostendimus a n. 77.) Quo etiam facit, quod alioqui lex nat. manca foret & deficiens, si tantum exteriorem hominem quo ad actus externos dirigeret, neglecta nobilissima ejus parte in anima & potentiis internis consistente. Imo neque externa adulteria, furta, fornicationes aliaque crimina puniri ab ullo Judice citra injustitiam possent: siquidem hæc prout interna sunt, naturali lege non essent prohibita. Sanius hac in parte fuisse legitur *Menander* ethnicus Poeta, qui in suis comicis monet: etiam a mere internis pravis concupiscentiis abstinendum esse.

Nec acus filium Pamphile concuperis,

Quando ipse præsens DEUS inspicit omnia.

A R.

A R T I C U L U S II.

De jure necessitatis in genere.

S U M M A R I U M.

- 383. Affertur ratio tractandi de jure necessitatis.
- 384. &c. Exponitur definitio & divisio necessitatis.
- 387. Quasi extrema necessitas admittitur.
- 388. Necessitas gravis explicatur.
- 389. Et communis exponitur.
- 390. Thomassius & Fleischeras confutantur.
- 391. &c. Examinatur axioma: necessitas non habet legem.
- 395. Solvuntur rationes contra necessitatem quasi extremam.
- 396. &c. Quis allegare jus necessitatis, vel excipere possit?
- 398. &c. An extrema necessitas inducat communionem bonorum?
- 401. In quasi extrema necessitate, quid surripi possit?
- 402. Solvitur ratio Soci contra extreme gravem necessitatem.
- 403. &c. An extreme, vel quasi extreme gravis necessitas transferat dominium in surripientem?
- 405. &c. Eligitur sententia media, & probatur, usq. ad n. 409.

§. I.

Quid sit necessitas: & quis intellectus axiomatis: necessitas non habet legem?

383. **C**UM homo inter officia sibi ipsi debita habeat quoddam jus necessitatis, quo interdum permittitur uti cum materiali aliorum læsione; privilegium hoc ei a jure nat. concessum quemadmodum favorabile est, ita periculosum, ne suus favor in formale aliorum odium & læsionem degeneret. Hanc ob rem materia hæc indiget accurata expositione, ut clare constare possit, quid jus illud necessitatis in genere, quid in specie importet. Et hanc quidem sequ. articulo, illam vero partem hic & nunc aggredimur exponendam, initium ducturi a definitione & divisione necessitatis, quibus suppositis facilius sequetur decisio propositæ alterius quæstionis, nempe: quid sensus sit brocardici hujus, *necessitas non habet legem*.

384. Necessitas juxta Aristotelem 1. 4. Metaph. *Est vis*
S 3
quæ

quædam physica vel moralis, actionem vel ejus omissionem ita inducens, ut aliter fieri non possit, aut saltem non sine operantis, vel alterius periculo. Hæc ratione juxta eundem Philosophum necessarium est, quod aliter fieri nequit. Et ita ex l. solet, ff. de Feriis, ortum est illud vulgare: Necessitas non habet ferias.

Alii Naturalistæ ex Heineccio necessitatem describunt, quod sit status hominis, in quo legi sine periculo suo parere non potest: sed merito rejicitur hæc descriptio. Neque enim necessitas status hominis recte dici potest, ut expendenti patet; ac descriptio hæc præbet occasionem incautis Lectoribus etiam naturalem ac divinam legem, sine ulla limitatione non observandi, eo quod illi parere quis sine periculo non possit, quod tamen omnino absonum esse ostendimus, & colligi potest ex definitione *Juris necessitatis*, quod nihil aliud est, quam *facultas naturali æquitate nixa, se eximendi ab aliqua lege, quæ ad casum necessitatis non præsumitur a Legislatore extensa.* Quæ autem lex illa, & qualis debeat esse necessitas, propter quam ita eximamur; dependet id a recta divisione necessitatis, cui dein correspondere debebunt variorum casuum decisiones.

385. Porro juxta laudatum Philosophum, necessitas est vel *Absoluta*, vel *Moralis*, prout aliquid aliter fieri nequit vel *simpliciter*, aut saltem *naturaliter*, seu physice, vel solummodo *moraliter*, hoc est sine magna difficultate. Posterior hæc seu *moralis* necessitas contingere potest *spiritualis*, vel *corporalis*, & utraque *major*, vel *minor*, nempe *extrema*, *gravis* vel *communis*. Necessitas *spiritualis extrema* est, cum homo versatur in periculo proximo damnationis æternæ: & quandoque si sit in periculo proximo peccandi mortaliter, *Gravis* est, si non sit quidem periculum proximum damnationis æternæ, sint tamen circumstantiæ, quæ salutem æternam reddant valde difficilem. *Communis* est, in qua communiter sunt peccatores in mortali noxa constituti.

386. *Corporalis* necessitas *extrema* dicitur; ex qua egenti imminet periculum proximum vitæ. Et quidem juxta *Ledesm.* & alios, *extrema* adhuc censetur esse necessitas, si sit periculum mortis *intra tres menses* alioquin incurrendæ; aut secundum *Cajet.* si sit periculum mortis, quamvis tempus longe distet, & non appareat alia via illi periculo occurrendi: debet autem esse aliqua *moralis certitudo*, vel saltem, uti volunt *Vasq.* *Valent. Nav.* *Carden.* prudens ac probabi-

babilis timor, si non subveniatur; incurrendi mortem. Irrationabile enim foret expectari, usque dum quis incidat in periculum proximum mortis. Unde *Carden.* in 1. crisi d. 80. n. 74. ait: si probabiliter peribit egenus deficiente hoc levamine, ea necessitas est evidenter extrema.

387. Ad necessitatem extremam *D. Th.* 2. 2. q. 66. a. 7. *Navar.* c. 17. n. 5. *Silvest.* v. Furtum q. 5. *Less.* de J. & J. l. 2. c. 12. a n. 71. aliique cum *Carden.* in crisi 1. d. 80. n. 5. & in crisi 2. d. 9. n. 8. & 17. reducant necessitatem urgentem, quam plerique cum *Less.* l. c. vocant *valde gravem*, aut *quasi extremam*, estque tunc, quando adest periculum proximum incidendi in gravissimam calamitatem, vel in malum morti æquivalens.

Quodnam autem malum censeatur morti æquivalere; non potest certa regula determinari: sed spectandæ sunt circumstantiæ, maxime personarum indigentium. *Dicast.* *Castrop.* d. 2. p. 2. n. 1. *Tambur.* dicunt sufficere mutilationem membri principalis, amissionem sensus, v. g. oculorum, perpetuum carcerem, infirmitatem perpetuam, vel amentiam. Addit *Bann.* si homini pro ratione sui status gravissimum esset dedecus mendicare, asserens illi impossibilitatem moralem, eo quod præligeret mortem: *Lorc.* *Arriag.* & *Leander a S. Sacram.* putant, si alicui ratione similis status foret ignominia & impossibilitas exercendi artem mechanicam, aut famulandi: Item si ob paupertatem esset periculum labendi in peccatum mortale, uti tradit *Villalob.* v. g. in filia, quam Parens ob inopiam vellet prostituere: aut si quis ob inopiam se vellet occidere, lapsus in tristitiam non voluntariam, &c.

Quo etiam fit, ut juxta *Cajet.* *Suar.* *Tapia*, *Carden.* in 1. crisi; d. 80, a n. 15. & alios, gravis necessitas Reipublicæ, v. g. propter famem, communiter æquivalet necessitati extreme particularium. Quia illa necessitas raro erit sine hac, unde sicut certum est esse obligationem, etiam ex necessariis ad statum, succurrendi Proximo in extrema necessitate, ita est opinio *D. Th.* 2. 2. q. 82. a. 6. communiter recepta, quod sit obligatio succurrendi *valde gravi*, seu *urgenti* necessitati Reipublicæ, cum bonum commune præferendum sit privato in temporalibus &c.

Hinc juxta hanc & communio rem doctrinam, ob prædictam *valde gravem* & *quasi extremam* necessitatem Reipublicæ, licitum est ex illis, quæ ad usus pios, etiam per ultimas

timas voluntates destinata sunt, subvenire indigentia v. g. Civitatis. Bona enim exteriora, ex DEI institutione ordinata sunt ad sublevandam necessitatem aliorum, saltem *extremam*. Notandum tamen, quod hæc ultimarum ad usus pios factarum voluntatum, etiam in præallegato casu, commutatio debeat & possit fieri non ab alio, quam ab Ecclesiastico Magistratu, juxta alibi dicenda, & aliunde jam notas Jurium dispositiones.

388. *Necessitas gravis* universaliter dicitur, quando quis ex defectu rerum necessariarum est in periculo incidendi in miseriam magnam, quæ reddat vitam *notabiliter molestem*, uti esset illi, qui e statu comodo delapsus cogeretur vivere solo pane & oleribus: qui ita esset nudus, ut vel illi inde foret ignominia magna, vel præ frigore imponderet periculum gravis morbi: cui spectata valetudine & viribus esset nimis molestum semper super pavimento aut tabula dormire: item, qui duram subit captivitatem: aut *diuturno* tempore detinetur in carcere nimis molesto.

389. *Necessitas communis* est, quando est aliquod incommodum in necessariis ad vitam, & statum, ita tamen, ut non reddat vitam nimis miseram vel molestem *spectata conditione* & statu patientis. Atque in tali necessitate sunt plerique pauperes *triviales*, ac ostiatim mendicantes.

390. Quemadmodum autem divisio hæc *trine* necessitatis ab omnibus vere Eruditis recepta est, ita merito rejicitur post Thomassium suus Apologetes Fleischerus, qui Instit. J. N. & G. l. 2. cap. 2. §. 61. ait: *Distinctionem necessitatis in summam & gravem, nec non inter leges Divinas affirmativas & negativas, tanquam fundamento destitutam rejicimus, nullam aliam necessitatem, quam incolumitatis agnoscimus.*

Asseitio hæc post multa alia, inde quoque temeritatis recte arguitur, quod suus Auctor necessitatem in sola *incolumitate* corporis reponens confundat humanam conditionem cum conditione brutorum, quorum tota summa necessitatis consistit in *propria cute conservanda*, & alimentis conquirendis, quibus incolumitatem & vitam retineant. Scire tamen debuisset, hominis necessitatem omnino differentem esse, cum hæc possit dari vel *quo ad animum*, vel *quo ad corpus*, bonaque nedum *externa*: sed etiam *interna*, aut *incorporea*, uti est fama, honor, reputatio; salutis *æternæ*, vel

temporalium bonorum periculum, idque majus vel minus, suum proprium; vel certe liberorum, familiarum, amicorum, aut Reipublicæ: quas utique necessitates non curant, nec curare possunt bruta. Demum ipsa quo ad corporis incolumitatem necessitas, quam solam admittunt hi Protestantes, potest esse extrema, gravis, vel communis &c.

§. II.

Exponitur axioma: *NECESSITAS NON HABET LEGEM.*

391. **A**dductum axioma: *necessitas non habet legem*, est quidem regula juris etiam naturalis, ac declaratur in cap. 4. de Reg. Jur. in 5. *quod non est licitum in lege, necessitas facit licitum*, non ita tamen regula hæc absolute est vera, quin plurimas patiatur limitationes, prout id sequentes docent instantiæ.

Primo) enim actionem, vel ejus omissionem quocumque jure vitatam ac illicitam *necessitas absoluta*, seu tam physice quam moraliter hic & nunc invincibilis eatenus cohonestat, ut vi illius faciens aliquid, vel omittens, ab omni culpa & pœna excusetur. Prout fieret in illo Christiano, cujus renuentis manus vi a Tyranno adhibita moveretur, ut ex ea in subjectum ignem decideris thus incendatur. Talis quippe necessitas voluntarium & liberum tolleretur, prout etiam docemur in c. *sacris* 5. de iis, quæ vi.

Secundo) actionem tamen jure naturali absoluto prohibitam, atque adeo illicitam nulla etiam extrema sola moralis necessitas cohonestare & licitam reddere potest. Quia hoc jure illicita intrinsece mala sunt, nulloque casu bona & honesta fieri possunt, per ea, quæ diximus a nu. 37.) ac constat ex Can. *Mibi* 11. can. *Ne quis* 14. caus. 22. q. 2. Ubi etiam redditur ratio, quod absolute prohibitorum materiam necessitas mutare non possit, ut liquet in blasphemia, mendacio etiam officioso, perjurio &c. In hoc sensu procedit L. palam 43. §. *non est ignoscendum*, §. ff. de rit. nupt. juxta quam *necessitas peccare non permittit*. Similiter Can. *discipulos*, d. 5. de consecr. dicitur: *necessitatem a fornicatione non excusare*. Atque adeo nulla necessitas eximit a legis objectis hæc prohibentis observantia. Imo etiam ab his, quæ jure nat. tantum hypothetico, seu limitato prohibentur, nulla excusat neces-

cessitas moralis, quamdiu materia legis nat. prohibentis non est mutata, ut patet in contractibus, promissionibus, voto, &c. Et constabit ex n. 397.

392. Tercio.) actionem vel omissionem vetitam lege *mere positiva* humana, imo *quandoque* & *Divina interdita*, necessitas *moralis* non tantum *extrema*: sed *sæpe* etiam *gravis* licitam reddit. Sic enim licite panes Propositionis comedit David 1. Reg. c. 21. v. 6. & Machabæi cladem ab hostibus imminentem in Sabbato propulsarunt, 1. Machab. c. 2. v. 38. non obstante lege Divina vetante alias actiones utramque. Et Christus D. Matth. 12. excusat Discipulos, qui die Sabbati spicas colligebant. Idem constat in præcepto divino *de integritate confessionis*, nam grave periculum interdum excusat ab illius executione *quo ad integritatem* materiæ. De humanis quoque legibus non semper cum gravi periculo obligantibus, aliunde jam notum est, & patet ex c. *consilium* 2. *de observat. jejun.* & cit. c. 4. *de R. J. in 5.*

Ratio est, quia Legislator Divinus, licet ad legum suarum observationem, cum quovis, etiam vitæ periculo obligare absolute valeat, ordinarie tamen humanæ conditioni eas solet accommodare, ut non obligent, quando sine ejusmodi manifesto periculo nequeunt observari. D. Th. 3. p. q. 40. a. 4. ad 3. & 2. 2. q. 100. a. 3. *Suar.* l. 3. de LL. c. 30. n. 6.

393. Dixi *quandoque*, & *sæpe*; quia *legem positivam* divinam, imo etiam & humanam cum vitæ quoque ipsius periculo observandi obligatio adest, I.) Quando ea publicum bonum totius communitatis, grave alias discrimen subitura concernit. Tunc enim jus natur. obligat; uti fit in *Confessario*, qui sigillum sacramentale ob mortis periculum violare nequit. Et *Parochus* tempore pestis oves: *Miles* stationem suam deferere non potest. Bonum enim commune animarum, civitatis, & exercitus præponderat vitæ alicujus privati.

II.) Si legis positivæ etiam humanæ transgressio cessura videtur in contemptum ipsius legis, & Legislatoris, vel in detrimentum Fidei & Religionis Christianæ: quia tali casu legis transgressio intrinsece mala & vetita est jure natur., potestatis publicæ & Religionis commune bonum cuivis privato præferendum dictante.

Denum III.) Quando divina lege aliquid institutum vel præceptum est tanquam *medium simpliciter necessarium* ad salutem: ut in nova lege in peccato Originali conceptis

Ba-

Baptismi, & in actuale ac letale relapsis *Pœnitentiæ Sacramenta*, cum sine his *in re aut voto* susceptis justificari non possint. Unde ad eorum susceptionem in Adamo lapsi, & postea relapsi obligantur jure nat., ad usum mediorum ad æternam salutem consequendam *simpliciter necessariorum*, quolibet adstringente. Neque audiendi sunt Protestantium Naturalistæ, qui imperite & perniciose abstrahunt ab hac obligatione in sua naturali Jurisprudencia, conscripta pro illo tempore & statu, quando homo permansisset in sua originali innocentia, aut nunquam fuisset elevatus ad beatitudinem supernaturalem.

394. Quarto.) a legis etiam humane observatione necessitas *moralis communis* subditos quod *regulariter* non excuset, communior Doctorum sententia est, Si enim illa excusaret, propter casuum quotidie occurrentium frequentiam legales observationes summo boni publici detrimento & perturbatione facile eluderentur. Hinc in *l. palam* 43. §. 5. ff. de ritu nupt. generaliter dicitur: *necessitas peccare non permittit*. Quæ juris civilis dispositio, cum in lege naturali fundetur, illa non modo de jure naturali absolute aliquid prohibente: sed etiam de lege humana, tanto magis Divina, præsertim in circumstantiis *communis necessitatis*, intelligenda est, quod scilicet materia peccati nunquam cesset propter necessitatem communem: hæc proin nec a *formali* peccato excusat, nisi forte aliæ circumstantiæ *per accidens* adfuerint, quales sunt: defectus considerationis: actus imperfectio: error invincibilis: ignorantia culpa theologica vacans &c.

In universum autem loquendo, bene notandum suadent *Silvester v. necessitas* Sanch. *l. 3. de Matrim. d. 10. n. 23.* & alii, cum necessitas saltem non extrema in *externo foro* a legis obligatione non excuset, ad Superiores recurrendum esse, & actionem lege præceptam omittendi, vel prohibitionem ponendi, licentiam peti debere, ut legis temere violatæ suspicio vitetur, imo ut etiam securius in conscientia procedi possit: alioqui amor proprius prætextu necessitatis alicujus facile nobis transgressionem legum hujusmodi persuaderet. Ob hanc rationem, si v. g. ingruat necessitas, ut Parochiani die Dominica exercent longiore tempore opus servile, proponant id suo Parocho, qui judicabit, sit ne talis necessitas, propter quam permitti possit labor servilis, vel non.

395: Contra necessitatem *valde gravem*, seu *urgentem*, & *quasi extremam* hic n. 187:) assertam opponi posset: divisionem hanc non esse admittendam utpote novam, & contra communem aliorum opinionem; qui nonnisi *extremam*, *gravem*, & *communem* necessitatem admittunt. Illamque reprobare videtur C. si quis, de furt. ubi dicitur: Si quis propter necessitatem famis, aut nuditatis furatus fuerit cibaria, vestem, vel pecus, PÆNITEAT hebdomadas tres: Igitur Jus sacrum supponit legem naturalem non desinere obligare extra omnem ac *solum extremam* necessitatem.

Sed contra est I.) quod ibi sermo sit de necessitate præcise *gravi*, vel *communi*, non vero de *urgente*, aut *quasi extrema*, seu *valde gravi*: Ita respondente Glossa ad cit. c. & D. Th. 2. 2. 9. 66. a. 7. ad 1. dicente: Decretalis illa loquitur in casu, quo non erat *URGENS* necessitas. Et ibidem in O. ait Doctor angelicus: Si tamen adeo sit evidens & *urgens* necessitas, ut manifestum sit: instanti necessitati de rebus occurrentibus esse subveniendum (puta, cum imminet personæ periculum & aliter subveniri non potest) tunc licite potest aliquis ex rebus alienis suæ necessitati subvenire, siue manifeste siue occulte sublatis, nec hoc proprie habet rationem furti vel rapinæ. Jam autem Less. l. c. advertit capitulum illud non esse ex Decretalibus Pontificum: sed ex Pœnitentiali Theodori.

Demum contra est II.) Quod fortasse cit. cap. loquatur de iis, qui *indebito modo* suæ necessitati consuluerunt, furripiendo chanculum, cum facile potuissent obtinere, si suam necessitatem aperuissent, de qua apertionis & petitionis obligatione pluribus infra differemus. Alioqui aperiretur via publicæ perturbationi, læsioni caritatis, imo etiam iniustis rapinis, si quisque extreme vel quasi extreme indigens, sine ulla limitatione posset pro arbitrio furripere tunc etiam, quando rogando, vel aliter indigentiam suam aperiendo, obtinere potest, aut sperat.

Hinc etiam satisfit Propositioni 36. ab Innoc. XI. proscrip-
tæ: in his terminis: *Permissum est furari, non solum in extrema necessitate: sed etiam in gravi*. Hæc enim propositio admittebat licentiam aliena invito domino contrectandi, etiam in præcise *gravi* necessitate, licet illa neque extrema, nec quasi extrema foret, & in hoc solo sensu damnata est: non vero etiam in sensu D. Thomæ, Lessii & aliorum supra laudatorum, quando scilicet *valde gravis*, ac *urgens* necessitas

extre-

extreme æquiparatur, & quando ita indigens non transgreditur debitum modum, *rogando prius* &c. tunc enim non est furtum, ut jam innuimus pluribus de his acturi a n. 398.

§. III.

Quis possit allegare jus necessitatis, aut opponere exceptionem impossibilitatis?

396. **E**X iis quæ jam adduximus, facile colligi potest 1.) Jus necessitatis non posse allegari ab eo, qui sponte se in eam coniecit, v. gr. substantiam suam ebrietate, ludo vetito, aut aliter dilapidando. Is enim non ideo acquisivit jus *gravi* necessitate quacunque præter *extremam* pressus aliena contrectandi: sed nihil obstante suo statu quo ex-cidere deberet, tenetur labore sibi conveniente vitæ necessaria mereri, sibi ipsi imputando versam fortunæ suæ aleam: præsertim cum neque aliis, qui sine sua culpa ad gravem *necessitatem* delapsi sunt, occulta contrectatio rei alienæ ullo modo permessa a jure naturæ sit. Hinc receptum axiomadi-cit: *Necessitati sponte* (puta: culpabili eventu) *se injicienti non succurritur*, declarante id etiam *l. Si Fidejussor* 7. §. *si necessaria* 1. ff. *qui satisd. cog.*

Ratio est, quia *necessitas voluntaria* si prævideri potuit, non meretur aliquod privilegium, *l. si quis* 3. §. 6. ff. de *SCTO Syllan.* alioqui juris nat. privilegia prædictis casibus foverent hominum licentiam & luxum. Si tamen voluntarius dilapidator hic in *extremam* necessitatem delabatur, in eaque constitutus fame emori deberet: quantum ratio vitæ hic & nunc sustentandæ exigit, posset adhuc uti *jure necessitatis*, nil obstante prævisione extremæ inopiæ suæ. Quia cum vitæ suæ non sit dominus, respectu hujus amittendæ voluntas illa dilapidationis, ac prævisio mali cum animo se conjiciendi in *extremam* miseriam, utpote iniqua, non potuit ei jus prædictum vitæ conservandæ abjudicare, licet pæna gravi dignum constituerit.

Et sicut eo casu, quo aliquis consensisset in vitam sibi met ipsi adimendam, adhuc jus vitæ non amitteret: sed eam conservare teneretur, revocando iniquum consensum priorem; ita censendum est pro casu illo. Ac proin legis nat. violatæ rei sunt illi divites, qui ad incitas & *extremam* necessitatem delapsis voluntariis. fortunarum suarum deco-

ctori-

floribus conveniente sustentatione succurrere nolunt, pariter ac rei forent, si eum nollent laqueo exsolvere, qui se voluntarie e trabe suspendit, & nondum extinctus est.

397. Colligi etiam potest II.) Quod sicut *impossibilitas*, ita & *necessitas* privata non excuset a lege, præsertim *irritante*, ac regulæ illæ: *necessitas non habet legem: quod non est licitum in lege, necessitas facit licitum*, cum aliis similibus, id solum probant, quod *aliquando* eximamur a lege præcipiente vel prohibente, ita ut quis contra eam necessitate, vel impossibilitate *privata* constrictus *non peccet*, juxta superius exposita; non tamen quidpiam probant contra leges quascunque etiam humanas *irritantes*, & præscribentes certam formam substantialem actui.

Hinc quod v. gr. in toto Circulo Suevico absolute non possis reperire feminam, quam commode ducas in uxorem, non ideo consanguineam tuam, in gradu, etiam sola humana lege prohibito, ducas valide. Idem est, si ob impossibilitatem habendi 7. testes idoneos, cogaris in Imperio Rom. condere testamentum *profanum* sine ullo teste, aut cum uno solo &c. vel si contrahas matrimonium *clandestine* in loco recepti Concilii Tridentini; eo quod Parochum proprium, vel præter hunc, duos testes non possis habere &c.

Ratio horum est, quia *necessitas*, vel *impossibilitas privata* unius aut plurium non supplet defectum conditionis substantialis, nec habilitat personas, quas lex inhabiles reddit ad aliter celebrandum actum. Multo minus ullum jus attendit ad necessitatem, impossibilitatem, vel errorem *privatum* alicujus personæ, volentis actum validum exercere sine debita forma: sed potius Jura habent rationem nonnisi *publicæ* necessitatis, *impossibilitatis*, aut *erroris* toti communitati, vel Reipublicæ, aut majori eius parti communis ac *invincibilis*. Alioquin vilesceret & inefficax redderetur potestas legislativa *irritans* aliquos actus non secundum formam debitam exercitos, si ob uniuscujusque *privatam necessitatem*, vel *impossibilitatem* dispositiones suas revocare & eos validos agnoscere cogeretur, uti patet ex instantia de *Judice puritatio*: de *adoptione* non sollempni, & aliis supra adductis a n. 161.

§. IV.

Utrum extrema necessitas inducat communionem bonorum?

398. **I**US civitatis jam obtinuit apud omnes receptum axioma: *In extrema necessitate omnia sunt communia*, quod etiam satis colligitur ex *Can. sicut* 11. 8. d. 47. juxta quem si casus necessitatis eveniat, tunc primæva redit bonorum communio: Imò & in *Can. Discipulos* 26. 69. seq. de consecr. d. 5. juris naturalis allegatur regula, quod casus necessitatis nullo vinculo cohiberi, nulla lege contineri possit. Verum quis rectus brocardici illius sit sensus, non satis convenit inter Naturalistas.

Dubium autem in eo vertitur: an scilicet extrema necessitas transferat dominium rei in indigentem & accipientem, an vero tantum usum ipsius tribuat illi, ita ut licite quidem possit occupare, sibi que vindicare rem extreme necessariam; transeunte tamen necessitate teneatur ad restitutionem, vel compensationem, saltem ubi ad pinguorem fortunam venerit? Hæc ut resolvantur, separanda sunt certa a controversis. Et quidem

399. Certum est I.) Eum, qui in extrema necessitate versatur non posse alienum usurpare, nisi prius petierit juvari, quando commode potest, exposita sua miseria; vel nisi certo sibi persuadeat ex ratione gravi, se nihil obtenturum precibus. Si enim prudens spes adsit posse eum conveniente modo petendo obtinere rem ut sit sua, aut aliunde inopie succurri; non videtur redactus ad eam necessitatem, ut cogatur surripere alienum. Id enim tunc demum jure nat. & Gentium conceditur; quando nulla prorsus alia via succurrendi necessitati datur. Hinc si ille aliter facit, contra debitum ordinem facit. Nemo enim potest vivere licite ex alieno, si potest ex proprio, efficiendo ut res aliena fiat sua per donationem, vel alio modo.

Sunt tamen qui dicant, ordinis hujus transgressionem non constituere grave delictum contra jus nat. modo scandalum absit. Quia siue dominus rei concedat, siue non concedat, poterit extreme indigens accipere, est enim duntaxat inordinatio quæ ad modum. Non tamen placet nobis hæc illimitata resolutio, eo quod videatur laxare fræna cupiditati

tati humanæ: cum forte non pauci essent, qui sibi blandiendo de suo necessitatis jure, omisis aliis sustentationem obtinendi mediis, eligerent surreptionem, quod vergeret in magnum societatis humanæ detrimentum. Illa igitur adstricta resolutio eo casu potest locum habere, quando urgente extrema, vel quasi extrema necessitate, *nulla* adesset *spes prudens* rem precibus vel aliter, domino non invito obtinendi, aut rationabiles circumstantiæ non sinerent rogare, & urgeret instans indigentia nullo modo alio superabilis, citra vitæ, aut huic æquivaleas periculum.

400. Est quoque II.) concors opinio, quemvis in extrema necessitate constitutum posse accipere rem alienam, qua extreme indiget ad vitæ suæ conservationem. Quia in extrema necessitate *omnia sunt communia*, sive cum plena translatione dominii, sive quo ad solum usum communio hæc fuerit, ut infra decidemus. Cujus ratio est; quia finis rerum terrenarum est, ut hominibus in necessitatem sint subsidio, & ut possint per illas vitam suam conservare, ac proin omnibus a natura jus hoc competit. Neque *diviso* jure Gentium introducta potuit id jus adimere: Nam jus Gentium non potest evertere jus nat. præsertim tantopere necessarium ad vitæ conservationem. Censetur itaque divisio esse facta *reservato cuique jure naturali*, quatenus erat necessarium ad vitam sustentandam: secus non esset prudenter facta.

401. Quod autem III.) In gravi necessitate aut *communi* non sit permessa occulta surreptio rei alienæ, patet jam ex præcedentibus. Verum de necessitate *valde gravi, urgente*, seu *quasi extrema* anceps est apud DD. opinio, nonnullis negantibus surreptionem licitam, eo quod putent *soli extreme* hoc jus a natura fuisse indultum; multistamen affirmantibus cum *Martino Navarr.* cap. 17. n. 5. *Angelo v. Furtum* §. 24. *Silvestr.* imo ipsomet *D. Th.* ac aliis hic a nu. 387.) laudatis. Qui in *valde gravi* necessitate morbi, famis, nuditatis censent posse te clam furripere divitibus, si illi alias *rogati nolint succurrere*, & aliter *valde grave* illud malum avertere nequeas.

Sententia hæc saltem si non *ita late* de rebus etiam pretiosis, notabili pecuniæ quantitate, aliisque similibus procedat: sed ad sola v. g. *esculentia*, potum, vestitum parvi pretii, operiendæ hic & nunc nuditati aut frigori arcendo necessarium aliaque id genus restringatur, non videtur prorsus natu-

naturali æquitati dissentanea. Quia *valde gravis* seu quasi extrema necessitas est via & *proxima dispositio* ad extremam, ex illa enim in hanc immediate fit lapsus, nimis vero *grave*, imo. sero jam ac *inutile* foret famelico expectare usque dum in extremam indigentiam lapsus se *morti proximum* esse intelligat; tunc enim potius de æterna vita animæ, quam temporanea corporis cogitandum sibi est, nec vires etiam ad rogandum, vel surripiendum panem tunc suppetunt, nec appetitur, ut eo vescatur. Cum ergo a natura omnibus concessa sit potestas succurrendi *extremæ* necessitati ex rebus humanis; ita & *quasi extremae*: non minus enim hæc ac illa proxime inimica est conservationi vitæ.

Demum sicut divisio rerum non potuit efficere, quin extrema necessitate pressus haberes jus surripiendi ab iis, qui non sunt in simili necessitate, nempe habent *superflua nature*, seu vitæ sustentandæ, quamvis essent aliquomodo *necessaria statui*, ita neque potuit efficere, quin liceat surripere *superflua*, vel parum *necessaria* alterius statui (eaque saltem non magni pretii, uti sunt panes, *vestimentum attritum* & similia superius explicata) quando *quasi extrema* premit necessitas, & aliud remedium non suppetit. In divisione igitur & attributione rerum, debuit hæc conditio *tacita* intelligi: *Nisi extrema vel valde gravis, seu quasi extrema necessitas aliud postulet*, alioqui contra æquitatem facta esset.

402. Neque urget contraria ratio *Soti* & aliorum, quod in *quasi extremo gravi* necessitate constitutus nequeat ad dandum cogere: igitur neque surripere, etiam de rebus minoris pretii, ut sunt panes &c, quia nemo potest cogi ad id, ad quod non tenetur *ex justitia*, prout ita non tenetur dives in casu proposito *solius quasi extremae* necessitatis.

Contra enim est, quod hæc ratio velit probare ne quidem in *extrema* necessitate indigentem posse surripere, quia dives non tenetur *ex justitia* juxta *Sotum* & alios: sed solum ex caritate. Falsa igitur est prima illa propositio cum sua probatione. Potest enim dives cogi per legitimam potestatem ad succurrendum pauperi, etiam *quasi extrema* tantum necessitate pressus, & si hunc volentem occupare rem sibi necessariam, panem v. g. vel attritum vestimentum, conetur impedire, potest se tueri, si scandalum absit.

Non stringit etiam probatio adducta, ad multa enim cogi possumus, ad quæ ex justitia commutativa non obli-

gamur, veluti ad non blasphemandum, non apostatandum a fide, ebrietati non indulgendum, imo & ad dandam elemosynam. Satis quippe est nos obligari ex alicujus *virtutis præcepto*, & necessarium esse, vel expedire talia opera ad *bonum publicum* societatis humanæ. Alia quæ opponi possunt soluta sunt a n. 397.) Sequens autem decisio confirmabit, & securam reddet assertam hic opinionem, per ea, quæ mox statuemus.

§. V.

An autem extrema, vel quasi extrema necessitas ita plene transulerit rei surrepta dominium in surripientem, quin ad pinguiorem fortunam veniens ad ejus restitutionem, vel estimationem teneatur?

403. **A**ffirmant permulti, imo teste Martin. Navarr. cap. 17. nu. 61. hæc fuit communis opinio Recentiorum sui temporis, juxta quam ille, qui prædicta necessitate pressus rem alienam v. g. depositam; inscio domino in suum convertit usum, ad nihil prorsus obligatur. Ratio hujus primæ opinionis est I.) Quia si in primæva bonorum communione rem hujusmodi in suos usus versam consumplisset, ob communionem bonorum ad nihil cuiquam obligaretur: Atqui in prædicta necessitate rediit primæva bonorum communio. II.) Non tenetur *ratione rei*; quia hæc consumpta est, & jam non extat. III.) Neque *ratione injustæ acceptionis*, seu læsi juris alieni, cum eam jure suo absque omni peccato acceperit. IV.) Neque *ex contractu*, quia hic nullus intercessit. Vel si forte fuerit contractus commodati, depositi, precarii, aut conducti, isti non obligant re perente, nisi culpa eius perierit: Porro in casu allegatæ necessitatis perit absque omni etiam *juridica* culpa. Quæ opinio colligitur etiam ex *Silvestro* v. Restitutio 5. nu. 2. *Petro Navarra* l. 4. c. 4. a n. 24. & multis aliis.

404. Altera priori huic directe contraria est, docens, etiam in extrema necessitate surripientem aliquid sibi necessarium teneri postea restituere, seu compensare, ubi ditior factus fuerit; sive interim dum surripiebat, fuerit re, vel spe dives, sive non. Ac proin solum usum rei, non item dominium etiam directum transtulit in eum extrema necessitas. Verum hæc opinio propter suum generalem loquendi modum,

dum, non videtur subsistere. Quis enim credat hominem v. g. Mendicum, qui in extrema necessitate diviti surripuit panem, aut vestimentum vilis pretii ad nuditatem contra frigus protegendam necessarium, eoque iam usu consumpro, teneri adhuc ad compensationem, ubi ditior factus fuerit, præsertim si ille dum accipiebat, *re & spæ*, seu proxima facultate pauper erat? Cibaria enim & vestimenta hujusmodi, praxi omnium etiam minus moratarum Gentium attestante, non solent pauperibus sub onere restitutionis dari: sed absolute. Imo ridiculus foret dives, si a paupere pro aliquot panibus, vel attrita veste talem obligationem exigeret. Ex his itaque duabus

405. Veriorem censemus *tertiam*, eamque *mediam* sententiam, quæ tradit: Si res quam *in extrema*, vel quasi extrema necessitate consumpsisti, sit *magni* pretii, nec præsumatur donata, te semper ad restitutionem teneri, quando commode poteris. Atque hoc casu, pariter ac si res extaret in natura sua, extrema necessitas quo ad *solum usum*, non item etiam quo ad *proprietaem* inducit primævam bonorum communionem. Secus fit circa res minoris pretii, ut sunt aliqua cibaria, indumentum vile &c. Ita *Adrian.* in 4. tr. de restit. §. quia dictum. *Mart. Navarr.* cit. c. 17. nu. 61. & 62. *Tolet.* l. 5. c. 24.

Ratio primæ partis est I.) Quia jure nat. spectato proximus tuus rei suæ dominus, vitæ superflua habens, vi sui officii tibi debiti ad plus non obligabatur, quam ut extrema vel quasi tali necessitate laboranti succurreret, quo vitam conservares & periculum proximum evaderes, sine ejus notabili saltem incommodo; prout jam illud evasisti usu rei ipsius adjutus. Neque enim tenebatur rem illam tibi extreme necessariam donare, vel dare, nisi quatenus opus est, ut consuleret præsentī indigentiae. Atqui ad hoc sufficiebat; ut rem eam tibi venderet, vel mutuaret, commodaret, cum obligatione restituendi, ubi ad pinguiores fortunam veneris. Si igitur ille non tenebatur rei pretiosæ *proprietaem* in te transmittere, & absolute donare, hæc tibi non fuit jure natur. debita: sed *solus usus*; hunc ergo ditior factus compensare nullo modo obligaris, bene vero illam.

406. Dein II.) Si ad vitam hinc & nunc tuendam alienum gladium surripias, nequis cum titulo extremæ necessitatis tuum facere: sed superato periculo teneris domino

restituere, *usu solo contentus*: Hoc ipsum fit in reliquis hujusmodi casibus.

Nec obstat, quod gladius hic extet post superatum periculum, non extet autem v. g. *multorum millium* pecunia aliena ob extremam necessitatem surrepta, & jam bona fide consumpta. Nam hæc etiam extat in suo *equivalente*, cum jam sis ditior tactus, tua vero bona fides te quidem præservavit ab omni culpa in furripiendo, & consumendo, non tamen absolvit ab onere restitutionis, vel compensationis. Sicut fortiori ratione patet in mutuo, cuius licet acquiras dominium, & res mutuata jam in specie non extet, tamen teneris restituere ex genere, cum genus nunquam in absumentur, nec pereat, tanto magis igitur in casu proposito.

407. Quodsi petas, quo jure tenearis restituere rem illam, siquidem non extat, & non intercessit contractus, quo te ad id obligares; neque ullum delictum? Resp. Teneri te ratione tacita obligationis jure Gentium introductæ, qua quis rem alterius in necessitate consumens, se tacite obligat ad solvendum, quando suppetet copia. Et reducitur obligatio hæc ad contractum *innominatum* in jure naturali hypothetico fundatum. Etsi enim *divisio rerum* non potuerit impedire *usum rei* alienæ tibi necessariæ; fecit tamen, ut tenearis ad restitutionem, quando commode poteris. Æquitati enim naturali consentaneum est, ut consulatur tuæ extremæ indigentiae absque notabili alterius damno. Secus: si exercitus extrema inopia laborans absumeret bona multorum agrorum, viduarum, aliarumve personarum neque hostilium, nec bello implicatarum, non teneretur ad restitutionem: quod plane absurdum est.

408. Sententia hæc naturali ratione evicta firmatur nedum juris civilis Romani dispositione: sed etiam Gentium praxi. Ita enim quando ex causa necessitatis extremæ, vel utilitatis publicæ uni vel alteri de communitate jus quæsitum ademptum est, illud proportionata contributione ab omnibus de communitate resarciri debet, l. 1. §. 2. ff. ad legem Rhod. de jactu. Quia æquitas nat. postulat, ut qui ex bonis alienis *utilitatem*, alioquin in tali casu *sibi debitam expertus est*, onus quoque proportionatum sentiat, l. secundum naturam 10. ff. de R. J. quæ dispositio esset injusta, si verum foret, quod extrema necessitas absolute transferat rei occupatæ dominium.

409. Momenta prioris sententiæ n. 403.) allata in rebus tantum *minoris*, non item *magni* etiam pretii locum habent, juxta jam exposita, ac proin: Ad I.) Resp. Concedo, quod si in primæva bonorum communione rem hujusmodi consumpsisset ad nihil cuiquam teneretur, quia illa tunc *sub nullius singulari* fuit *dominio* absoluto; neque res illa fuerat ulla prorsus saltem *tacita* conditione affecta, qualis reperitur nunc post divisionem rerum.

Sicut igitur status naturæ *primævus* mutatus est hodie in *adventitium*, & hic ipse magnā sui parte in *hypotheticum*, ita primæva bonorum communio in casu necessitatis non est *adequate* eadem, cui nunc sufficit *usus* pretiosorum. Argumentum quoque hoc nimium probat, nam in primæva bonorum communione rem hujusmodi, etiam extra extremam, *in sola communi* necessitate accipiens & consumens, ad nihil teneretur, quod tamen hodie nefas est asserere.

Ad II.) & reliqua momenta prioris sententiæ liquet responsio ex probationibus nostris, ubi deductum est, quod extrema necessitas jus non tribuat ad amplius, quam opus sit ut periculo te eripias, ad id solum obligabatur proximus, & ad id tantum jus nat. tibi competit. Confer hæc cum dicendis infra a n. 533.

A R T I C U L U S III.

De jure necessitatis in specie circa defensionem sui ipsius, & rerum suarum.

S U M M A R I U M.

410. An jus nat. obliget ad se suaque defendenda? Refertur opinio affirmans.
411. Eaque refellitur. Defensio regulariter permissa est, raro tamen præcepta.
412. Refutatur Grotius putans res nostras non esse defendendas.
413. Probatur defensionem occisivam, ut plurimum non esse præceptam.
414. Sola directæ sui occisio est prohibita.
415. An jus natur. obliget quandoque ad se non defendendum contra injustum aggressorem? Adducitur sententia negans.

416. Statuitur sententia docens dari quandoque obligationem ad se non defendendum defensione occisiva Invasoris.

417. Probatur asserta decisio.

418. &c. Momenta Conciniana examinantur, & enervantur, ubi etiam adducitur contraria doctrina Theologorum Societas. JESU.

420. &c. Quæ sint conditiones iustæ defensionis?

422. &c. Quid requiratur ad defensionem bonorum fortunæ?

§. I.

An jus naturæ obliget ad se, suæque defendenda?

410. **S**unt qui cum Abulensi, & anonymo Auctore de princip. iusti & decori f. m. 33. putent, suis saltem ipsius defensionem, etiam occisivam esse jure nat. absolute præceptam, & quidem his motivis persuasi. I.) Vita nostra est societati humanæ necessaria, juxta illud Senecæ Phœnissis: *Vitam tibi ipsi si negas: multis negas.*

II.) Auctor naturæ homini in ordine ad sui conservationem dedit manus lædendis aliis, & propugnandis nobis habiles, doloris sensum, ardorem vindictæ, arma quibus utamur, dicente Arist. de part. animal. c. 10, circa med. *Homini manus pro hasta est, pro armis quibuscumque.* Et clarius Cic. l. 3. de Offic. *Hoc & ratio docet, & necessitas barbaris, & mos Gentibus, & feris natura ipsa præscripsit, ut omnem semper vim, quacunque ope possent, a corpore, a capite, & vita sua propulsarent.* Hæc autem omnia indicant DEI voluntatem per lumen nat. promulgatam, quæ nos obligat ad resistendum adversario, alioqui inutiliter vires illæ nobis concessæ forent.

III.) Si mihi commodato acceptum asinum quis eripere velit, teneor defendere, quantum possum, ne is ad quem dominium directum asini spectat, detrimentum in re sua, ob omisam per me defensionem ejus, patiatur: potiori igitur jure teneor defendere vitam cujus dominium penes Creatorem est, penes me solus usus, IV.) Si vitam non defendo quantum possum, defensione etiam occisiva, perinde reus sum, ac si mihi ipsi violentas manus iniecissem.

411. Hæc tamen opinio præter speciosa verba nihil solidi habet, Fateamur enim, in quibusdam casibus, & sub certis conditionibus *inculpata tutela*, jure natur. concessam qui-

quidem esse justam sui ipsius, rerumque suarum defensionem, etiam *occisivam*, prout nemo prudenter unquam negavit. Liquet enim tum ex omnium etiam Ethnicorum naturali judicio, tum ex Jurium positivorum dispositione, quæ naturalem legem ejusque privilegia homini concessa interpretantur, ac dicitur in *l. ut vim 3. ff. de J. & J.* scilicet; quod quisque ob tutelam corporis fecerit, jure fecisse existimetur. Cujus rationem affert Gajus in *l. itaque 4. ff. ad leg. Aquil.* dicens: *Adversus periculum naturalis ratio permittit se defendere.*

Defensio enim hæc exigitur ab amore sui recte ordinato, præsertim cum nemo sit vitæ suæ dominus; de qua pro arbitrio suo disponere possit: sed merus usufructus, dicente Cicerone *l. 1. de offic. Genere animantium omni est a natura tributum, ut se, vitam, corpusque tueantur, declinentque que nocitura videntur.* Imo admittitur etiam jus ejusmodi circa tuitionem rerum ad vitam nostram necessariarum. Quia eadem ratione, qua licitum est aliquando occidere invasorem vitæ, licitum quoque regulariter est occidere invasorem eorum, quæ sunt necessaria ad vitam conservandam. Et alias foveretur audacia nefariorum hominum in furando, nihilque foret securum in societate humana ab hujusmodi harpyarum libidine, bella quoque nunquam darentur justa in recuperandis bonis inique ereptis.

412. Ob has aliasque rationes non placet Hug. Grotii excentrica opinio, qua ille *l. 2. de J. B. & P. c. 1. n. 13.* ex illis S. Evangelii verbis: *dimitte ei & pallium*, asserit ac infert, res nostras non esse contra latrones defendendas, utpote naturali & Divino jure resistente huic tutelæ. Auctor enim hic primo non videtur sibi ipsi constare, qui in sua lucubratione prædicta de *Jure Belli* innumera privilegia a jure naturæ concessa Belligerantibus asseruit, ut res suas & Provincias amissas recuperent: illas tamen contra latrones defendere & defendi vetat. Secundo. Non videtur percepisse diversam esse indolem consilii Evangelici aut naturalis, ab indole præcepti & legis prohibentis: Porro injusto aggressori tunicam auferenti, ut *dimittamus etiam pallium*, meri esse consilii, vere eruditi Viri minime hætenus dubitarunt.

Et quamvis Martin. Lutherus in sua propositione 34. docuerit: *Præliari adversus Turcas, est repugnare DEO visitanti iniquitates nostras per illos*, eam tamen cum aliis 40. simili-

bus Novatoris hujus ineptiis tanquam sanæ menti & veritati difformem recte damnavit Leo X. per Bullam: *Exurge Domine*, an. 1520. emanatam. Ex nullo igitur capite naturalem vel divinam positivam obligationem Grotius cum suis sequacibus probare potest, persuadereque, ut quis iniquo latroni teneatur dare etiam pallium potiusquam se contra eum citra inculpata tutelæ moderamen defendere. Ac proin frustra & minus consequenter idem Auctor, loc. cit. laxitatis damnat Catholicos Theologos Sotum, Silveiram, Lessium aliosque, cum communissima & absolute certa vere Eruditorum sententia contrarium docentes, ac loquentes de defensione rerum magni pretii.

413. Quemadmodum autem ea, quæ huc usque adduximus, vera sunt, & homini competit jus defensionis alicujus in certis casibus, quo mediante vitam & res suas licite tueri possit: ita certum est, regulariter in plerisque circumstantiis nullam adesse obligationem se suasque defendendi, defensione præsertim occisiva injusti aggressoris, prout id declarat etiam jus positivum lib. 1. C. quando liceat unicuique sine Judice se vindicare: ubi dicit: libera resistendi tribuitur facultas per legem naturalem: si igitur in plerisque casibus jure naturæ tribuitur libera facultas, non ideo imponitur præceptum semper ad defensionem occisivam obligans, quin privilegio suo renunciare aliquis citra præjudicium tertii possit, dicente Quintiliano declamation. 7. Omnium beneficiorum ista natura est: ut non sit necessitas; sed potestas. Quid quid in honorem alicujus inventum est, desinit privilegium vocari posse, si cogas. Cuncta, si videtur, jura percurrite, nusquam adeo pro nobis sollicita lex est, ut quod præstat (id est, quod permittit) extorqueat.

Ratio horum est I.) Quia licet homo jure nat. obligetur ad officia aliqua sibi ipsi exhibenda, consequenter etiam ad amorem bene ordinatum; non tamen obligatur ad vitam præponendam virtuti, quam exercet eo casu, dum ille qui privatus vitam propriam occisiva defensione non defendit contra injustum invasorem, ex cuius occisione alii v. gr. longe majora damna perpeti deberent. Nam ut ait Seneca Epist. 74. Virtus est summum bonum, ad quam nos etiam per calcatam vitam contendere oportet.

II.) Tenemur quidem vitam conservare per media licita: sed non adeo difficilia & extraordinaria, qualis est occisio. Ita quippe vitæ retinendæ causa, homo etiam aliqui dies

yes

ves infirmitate corporis pressus, saltem si non sit *valde necessarius Reipublice*, minime obligatur famosissimum Medicum Parisiis vel ex Chinesis Regno *Dilingam* conducere, licet impensis pari fortuna polleat, & certus sit illum suo morbo mederi posse: Satisfacit tamen naturali obligationi, si adhibeat *media ordinaria* valetudini curandæ, ab aliis hujus conditionis hominibus adhiberi solita: Porro longe difficilius est *defensio occisiva*, cum ex illa spirituale occisi, vel temporale Reipublicæ, aut aliorum damnum, imo plerumque ipsiusmet occisoris sequi soleat. Nec refert, quod forte aggressionem passus non sit *in bono animæ statu*: non enim inde sequitur, quod teneatur ex præcepto naturali occidere aggressorem: alioqui miles in *malo animæ statu* constitutus obligaretur turpiter fugere ex acie, ut salutem animæ suæ consulat, quod lepidum omnino est. Potius ergo tali casu obligatur *interne* conteri, & cum DEO per sinceram poenitentiam internam (cum alterius exercendæ copia non suppetat) reconciliari. DEI autem Misericordia sicut nunquam eam sincere invocantibus deest, ita in his circumstantiis præsto aderit: dum quis *ex virtute* & rationabili causa se potius sinat occidi, quam ut aggressorem injustum occidat, qui ob actuale injustæ aggressionis delictum evidenti damnationis periculo expositus est, si in eo occidatur.

Demum III.) Admisso naturali præcepto vitam & res suas semper defendendi, sequeretur *Curtium Romanum* pro salute civium: imo tot Martyres pro vera Religione non potuisse citra grave piaculum mortem oppetere, multo minus licitum esse bellum etiam alias justum: Hæc tamen surdo narratur fabula, quæ confutata legitur in *C. Dilecto 6. de sent. excom. in 6.* & in *l. furem, 9. ad leg. Cornel. de Sicar. ac l. 4. ff. ad leg. Aquil.* ubi sicut declaratur libera facultas defensionis servato ordine inculpatæ tutelæ, ita plena relinquatur libertas *ex rationabili causa* se mere *permissæ* habendi: tunc, dum alias aliter defensio fieri non posset, nisi per occisionem infaustis: sufficit igitur defensionem hujusmodi esse tantum *concessam* jure nat. saltem si loquamur de persona *privata*, neque tali, ex cujus fuga aliæ defensionis omissione gravia mala redundarent in Rempublicam, aut alios, quos ille defendere, & se *murum opponere* pro illis tenebatur, uti sunt milites, dum agunt in prælio justo &c.

414. Neque argumenta contraria plus evincunt, quam affe-

asseruimus, & liquet jam tam ex Ethnicorum naturali judicio, quam legum civilium & omnium Prudentum declaratione, quæ solam *directam* sui occisionem, non item *indirectam* etiam jure naturali prohibitam esse agnoscit. Consequenter omnes fere consentiunt, posse omitti defensionem etiam *licitam* sui ipsius, si hæc cedat in *proximi commodum*, majusque *virtutis propriæ emolumentum*. Contrarium evenit in defensione *publica auctoritate* suscepta, aut si omisio ejus cederet in grave detrimentum Familæ, Principis &c.

Nec refert, quod homo nequeat se *directe* occidere. Nam præceptum hoc est *negativum*, semper & pro semper obligans: contra vero præceptum conservandi vitam est *affirmativum*, non pro semper obligans, ac proin debet dari motivum honestum, ob quod conservatio hæc licite omittatur, eo autem habito cessabit positiva obligatio vitæ conservandæ.

§. II.

An autem idem jus nat. obliget aliquando ad se non defendendum contra injustum aggressorem?

415. **C**Um tristissimis eventibus conjuncta est, hinc merito rejicienda, multorum alioqui, & eorum præsertim, qui *rigidiores*, seu *probabiliores*, ut ajunt, moralem profiteri dicuntur, opinio, sine ulla exceptione cujusvis injusti aggressoris, docens absque omni respectu ad personam, *dignitatem, Majestatem, & mala quævis inde secutura*, licere cum a quolibet vita *hic & nunc* periclitante *impune occidi*. Ac proin nullum absolute dari *unquam* præceptum naturale, quo innocens se defensione *occisiva* tueri *aliquando* prohibeatur, contra aliquem iniquum invasorem, adeo:
 „ Ut etiam Clericis & Monachis id concessum sit, sicut
 „ & Laicis, idque contra quoscunque, etiam contra Superiores: ut Monacho contra Abbatem, filio contra patrem, servo contra dominum, Vassallo contra Principem,
 „ & in quocunque officio sit quis occupatus, ut si celebret
 „ & invadatur, possit se tueri & occidere invasorem, si necesse sit, NB. & postea Sacrum continuare. „ Prout ex suis Auctoribus fideliter refert *Loff. de J. & J. l. 2. c. 9. n. 41.* inter alios citans *D. Antoninum Ord. Præd. Archiep. Florent. 3. tit. 4. c. 3.* edition. vet. *goticis literis* evulgat.

QUÆ

QUÆ omnia concordant cum Sancti hujus Doctoris Antonini textu. Ille enim loc. cit. principio tertii cap. col. 2. lin. 1. ait: *Predicta autem defensio modo predicto licita est universaliter omnibus, non solum Laicis: sed etiam Clericis & Religiosis &c.* Ac ibidem paulo post dicit: *Item licita est predicta defensio in omni loco, etiam in Ecclesia. Nec obstat quod Ecclesia pollui possit per sanguinis effusionem, quia magis ponderanda est hominis conservatio, cum sit irrestaurabilis, quam Ecclesia, quæ reconciliari potest &c.*

Dein subjungit ibidem: *Nullum peccatum fecit: nec irregularitatem incurrit.* Ac proin' ait ulterius: *Et si se defendendo occiderit, potest NB. etiam reassumpto officio celebrare.* Demum ib. §. 1. enumerat omnes has personas, quas ex Less. adduximus, asserens: *Licetum est cuilibet se defendere modo predicto contra quoscunque injuste invadentes. Unde etiam contra Superiorem suum &c. contra Judicem &c. Contra patrem: contra Abbatem: servo contra dominum: item Vassallo contra Principem ac dominum suum &c. &c.*

Hanc ipsam sententiam, cum eadem variarum personarum enumeratione, contra quas omnes, nulla excepta, Te unusquisque defendere possit, reperire est apud Silvest. Rev. Magistr. S. Palat. v. Bellum 2. §. 5. n. 7. Et apud Franc. de Victoria Theologum in Relect. de homic. n. 6. 16. 17. ubi ait, tale homicidium esse privilegiatum, & non esse ex intentione occisoris se defendentis, nec cadere sub theologicam considerationem.

Ejusdem opinionis est Dominicus Bannes in 2. 2. q. 64. a. 7. dub. 4. Et Cardinalis Cajet. de Vio in citata q. 64. a. 7. Ac præter Dominic. solum, qui nostram sententiam tuetur, innumeri alii e sacra D. Dominici Familia eruditissimi Theologi, cum ceteris Thomistis eidem inhærent opinioni, quam singulari energia recens stabilivit & auxit infra hic laudandus Clariss. D. P. Frat. Daniel Concina rigidioris doctrinæ moralis acerrimus Propugnator.

Omnes autem hi alique S. Dominicanæ Religionis Doctores, non minus eminente scientia, quam vitæ sanctitate & magnis in DEI Ecclesia meritis illustres Viri sequuntur hac in parte D. Thomam 2. 2. q. 64. a. 7. (juxta eorum interpretationem) absolute docentem: supposito moderamine inculpatæ tutelæ, licere cuilibet quemlibet injustum aggressorem occidere sui defendendi causa, cujus assert rationem S. Doctor loc. cit. quia *Adus hujusmodi ex hoc, quod inten-*

intenditur conservatio, propriæ vitæ, non habet rationem illiciti, cum hoc sit cuilibet naturale, quod se conservet in esse quantum potest.

Et quamvis post eruditissimos *Thomistas*, opinionem hanc pleno agmine profiteantur etiam *Jéti* cum *Julio Claro*, de homicidio, a n. 30. *Fernand. Vasquio* Hispano, illustr. contr. 1. 1. contr. 18. & aliis fundatis in 1. 1. §. *vim vi, ff. de vi armat.* eamque tueantur (*Hugone Grotio* & *Bocklero exceptis*) omnes fere *Protestantium Naturalistæ*, cum *Hobbs*, *Puffendorf*, *Thomass*, *Vveber*, *Heinec*, *Elem. J. N. & G. l. 1. c. 7. §. 182*, dicente: defensione occisiva licere uti adversus omnes, per quos in periculum illud sine tua culpa adductus sis, ita ut neque Reges, Principes, vel parentes excludantur, quoties hi injuste invadunt. Quia tamen adducta hic doctrina nimis ample procedit sine ulla personarum & eventuum distinctione, merito propter suam latitudinem, omnes quoscunque injustos aggressores occidere permittentem, rejicitur, huncque in modum a nobis limitatur.

416. Licet in plerisque casibus, secundum communem omnium eruditorum etiam *Ethnicorum* sententiam, & manifestam declarationem *Jurium* tam *Civilis* supra adducti, quam & *Canonici c. 1. de sent. excom. c. 2. de homic. imo & Divini; Exod. 22. v. si effringens fur domum, permittum sit, servato inderamine inculpata tutelæ, occidere quandoque injustum; invasorem: Id tamen non procedit eo casu, quando aggressor, qui dicitur injustus, est *Rex*, aut *Princeps*, aliave *Persona publica multum utilis, vel necessaria communi bono*: Aut si ex occisione ejus prævideatur, ac prævideri debeant *magna incommoda in Rempublicam, vel Familiam Regiam* invasoris hujusmodi; aut *Statum Regni*, sive in alias personas, vel *Regiminis* circumstantias eventura.*

His igitur casibus subditus, aliusve quivis minus utilis, injustam aggressionem passus, si fugere non possit, jure naturali spectato tenetur finire se occidi potius quam ut audeat occidere.

Ita e. Soc. *JESU Theologis* expresse docent *Alphonsus Salmeron* Tom. 13. lib. 4. dissert. 5. super verba *S. Pauli Ap. ad Rom. 13. Omnis anima potestatibus sublimioribus subdita sit.* Hanc ipsam doctrinam tradit *Cardin. Bellarminus* in *Apolo.* ad librum *Jacobi* magnæ *Britanniæ Regis*, c. 13. pag. 140. tom. 5. edition. *Venetæ 1721.* Ejusdem opinionis est *Cardin. Toletus* lib. 5. *Instruct.* Cap. 6. n. 16. & num. 25.

pro hac sua doctrina citans Conc. Constantiense Sess. 15.^a Eadem defendit Suarez in Defensorio Fidei Catholicæ lib. 6. c. 4. probans contrariam sententiam ut hæreticam damnatam esse a Conc. Constant. Sess. 15.

His subscribunt alii ejusdem Soc. JESU Theologi, nempe *Gregorius Valentia* tom. 3. disp. 5. qu. 8. *Joann. Azor* tom. 2. lib. 11. c. 5. *Molina* de Just. & Jur. tom. 4. tract. 3. d. 6. *Lessius* de Just. & Jur. lib. 2. c. 9. dub. 4. n. 11. & dub. 8. n. 42. Horum Soc. JESU Theologorum verba ad calcem hujus quæstionis fideliter adducta legere cuique primum erit in §. IV.

Jam vero præter Soc. JESU Doctores, alii eruditi Viri assertam a nobis doctrinam tradunt: *Anton. Genuensis* præst. Eccles. q. 618. n. 2. f. 457. *Sotus* de J. & J. l. 5. q. 1. a. 8. *Gerson* tr. de Eucharist. *Hugo Grotius* de J. B. & P. l. 2. c. 1. §. 9. *Bockler.* ad Gror. loc. cit. lib. 1. c. 4. §. 2.

Estque doctrina hæc conformis *Concil. Oecumen. Constant.* quod in Sess. 15. sequentem propositionem tanquam hæreticam damnavit: *Quilibet Tyrannus potest & debet licite & merito occidi per quemcunque vassallum suum, vel subditum, etiam per clanculares insidias, & subtiles blandivias vel adulationes, non obstante quocunque præstito juramento seu consideratione factis cum eo; non expectata sententia, vel mandato Judicis cujuscunque.* Videri autem hæc propositio potest *Tom. 29. Concil. Regionum a f. 600. & apud Cardin. Tolet.* loc. cit. n. 17. apud *Less.* l. c. n. 10. Ac notandum est, quod cit. Concilium non solum damnet, debere: sed etiam posse occidere &c.

417. Ratio asserti est I.) Jure enim nat. spectato privata damna & commoda publicis cedere debent, ac propria temporalis vita subditi non est præferenda vitæ Regis, Principis vel Ducis Exercituum fortissimi, quo prostrato salus Reipublicæ detrimentum pateretur dicente *Cic. l. 2. de Offic. Omnibus bonis expedit salvam esse Rempublicam.*

Hanc ob causam experimur, pro incolumitate Regis, Principis, vel Civitatis privata bona, imo vitam ipsam a subditis periculo exponi, ut patet in Militibus, aliisque bene ordinatæ Reipublicæ membris. Id enim societas vitæ humanæ, & amor erga Civitatem naturaliter debitus exigit: Nil obstante, quod forte non ex justitiæ rigore, & proprio tali obligatio hæc proveniat. Jus enim natur. prout legem denotat, non ea tantum respicit, quæ sunt justitiæ com-

commutativæ: sed & ea, quæ sunt prudentiæ, caritatis, aliarumque virtutum, in debito naturali fundatarum, hæc quippe etiam lex nat. præcipit, & contraria prohibet, alioqui *blasphemia* non foret lege nat. prohibita, cum non sic contra justitiam commutativam.

II.) Ex duobus, quæ vitari nequeunt malis minus eligendum est, cum autem in casu injustæ aggressionis per Principem potentissimum factæ duo sint inevitabilia mala, unius scilicet, qui aggressionem patitur, evidens vitæ periculum: & totius *Reipublicæ*, *Regiæ personæ*, & ejus *Familie*, vel multorum aliorum ex occisione ipsius consurgens grave malum; naturale lumen dicat, illud potius tanquam minus pæ hoc altero eligendum esse.

Nam III.) secundum juris ejusdem regulam, *melius est perire unum, quam multos*: & satius reliquum corpus, vel aliquod membrum exponere periculo, quam caput; Eleganter id declarante *Seneca* l. 6. de Benef. c. 37. *Callistratus & Rutilius*; hic *Athenis*, ille *Romæ* reddi sibi penates suos noluerunt clade communi: *Quia satius erat duos privato malo affici, quam omnes publico*: Hinc etiam *D. Th.* 2. 2. q. 31. c. 3. ait: *Bonum multorum commune divinius est, quam bonum unius. Unde pro bono communi Reipublicæ vel spiritualis, vel temporalis virtuosum est etiam, quod aliquis propriam vitam exponat periculo*. Hoc enim casu jactura vitæ injustam aggressionem passi compensatur merito virtutis, quam hoc eventu exercet ille, qui moritur pro *Republica*, amore boni communis sinens se occidi a Rege vel Principe invasore.

IV.) Ejusdem sententiæ est *Bocklerus* ad *Grot.* l. 1. c. 4. §. 2. dicens, juri resistendi naturaliter hanc inesse exceptionem: *nisi resistendo violetur ordo socialis, seu potius ordo amoris proximo & Reipublicæ humane debiti, cujus primam rationem ac considerationem habet natura*. Nisi enim hæc cautio accederet, *societas ordinis necessarii & naturalis ratione non custodita, insociabilis fieret*. Hunc autem ordinem amoris *Reipublicæ* debiti violat, qui ob privatæ vitæ defensionem, Regem, vel Principem ejus prostermit.

Recte proin *Grot.* loc. cit. l. 1. c. 4. §. 2. ait, quamvis naturaliter quidem omnes ad arcendam a se injuriam jus habeant resistendi: civili tamen societate ad tuendam tranquillitatem instituta, Civitati longemajus jus in nos & res nostras natum est, quatenus jus hujusmodi ad finem conservandæ Civitatis & publici boni necessarium est, atque ob

ob hanc rationem potest Civitas seu legitimus Magistratus *jus illud resistendi* a natura concessum, publici boni & ordinis causa restringere, aut ex peculiari ratione penitus prohibere, prout legimus a *Conc. Constantien. l. c.* privatis inhibitam esse occisionem aliquorum Tyrannorum, etiam si hi vitam privati vel bona ejus aggrediantur.

V.) Imo ad bonum commune Reipublicæ expediebat *jus illud resistendi* ita jure ipso naturali limitatum fuisse, ne se privatus defenderet occisiva defensione contra suum Principem: Cum enim hic difficulter possit singulis suorum Vassallorum placere & satisfacere, dicente Tacito hist. l. 1. *invisum semel Principem, seu bene, seu male facta premunt*; dolenda Imperantium foret conditio, facile enim nequissimus quisque injuriam sibi a Principe illatam dicere, & eum e vivis tollere, totamque Rempublicam, vel occisi Familiam gravi afficere malo posset: Propter hoc igitur *generale* periculum, justum fuit, ut etiam in casum *formaliter injustæ* aggressions, lex naturalis *privatorum* ligaret manus, ne eas in personam hujusmodi cum tanta malorum sequela unquam expedirent.

§. III.

Refellitur Juri naturali & defensæ sententiæ contraria, Recentioris Theologi R. P. Frat. CONCINÆ Doctrina.

418. **C**ONtra hanc naturalem æquitati, & universalis Ecclesie decreto conformem, nec non bono communi, Reipublicæ, ac Principum securitati, vitæque eorum merito faventem, a celeberrimo Theologo Dominico de Soto, & aliis multis defensam sententiam, insurgit eruditissimus alioqui Vir Clariss. D. Pr. Frat. DANIEL CONCINÆ, Ord. Præd. Theologiæ dogmatico-Cristianæ, Romæ, Anno 1749. typis commissæ, tom. 4. l. 7. in Decalogum, diss. un. de homicidio c. 5. §. 2. dicens: *Dominicus Soto l. 5. q. 1. a. 8. addit, quod si is, qui adoritur, sit Rex, Princeps vel alia persona valde utilis Reipublicæ, tunc subunda sit mors personæ invasæ, omittendaque defensio. Hæc Soti sententia mihi (ait ille) sane non arridet, nec probatur. Homini quippe innocentis vita suapte natura melior est vitæ hominis sceleris tametsi Principis. Porro quisque ordine tum naturæ tum caritatis, magis diligit propriam, quam alterius vitam. Simul hæc duo*
jun-

jungantur: innocentia quæ semper magis prodest Reipublicæ quam iniquitas, & naturalis inclinatio cuique insita defendendæ propriam vitam, & continuo apparebit evidens ratio, quæ concedit jus defendendæ vitæ propriæ adversus QUEM CUMQUE invasorem, NB. sive PRINCIPEM, sive REGEM, qui utilis Reipublicæ minime est, cum subditorum vitæ insidias struit: sed potius NB. comparatur LUPO devoranti gregem, juxta illud Ezech. 22. Principes ejus in medio illius, quasi lupi rapientes prædam ad effundendum sanguinem. Ex quo infert D. Thomas 2. 2. q. 69. a. 4. sicut licet resistere LATRONIBUS, ita licet resistere in tali casu malis PRINCIPIBUS: Nisi forte propter scandalum vitandum.

Hucusque sunt verba celeberrimi Theologi R. P. Fratris CONCINA, zelosissimi reformatoris doctrinæ moralis, qui ubi toti erudito Orbi summa contentione inculcat, *semper circa licentiam actionis probabiliora esse sequenda, is non satis probe percepto genuino a se citatæ sacræ scripturæ sensu, eaque minus apte casui proposito applicata: invite quoque adducta veneranda auctoritate D. Thomæ (quem ex infra dicendis mox constabit, nullo modo favere suæ contra Principes, sive Reges assertæ opinioni) sub fucato schemate probabilioris tutiorisve doctrinæ, idem de Regibus & Principibus ac de lupis rapacibus, imo hoc ipsum ac de nefariis latronibus formare judicium non dubitavit, sine ulla exceptione Personarum Publico valde utilium, ferens sententiam occisivæ defensionis adversus quemcumque invasorem, minime attenta Regni & totius Reipublicæ immmani perturbatione, multorumque vitæ, ac fortunarum jactura.*

Quo autem ille efficacius suam de tyrannicidio doctrinam quasi *prædictæ tutam semper & rationi conformem incautis Lectoribus persuadeat, nedum eam vendit ut probabilior: sed etiam ut evidentem & absolute certam, ubi addit: & continuo apparebit evidens ratio, quæ concedit jus defendendæ vitæ propriæ adversus quemcumque invasorem, sive Principem, sive Regem. Ne vero aliquis forte titubet & dubitet in sequenda hac sententia, neve contrariæ a Dominico Soto & aliis defensionis opinioni, tanquam securiori adhæreat, præoccupat ille adversa tela, dicitque: Soti sententia mihi sane non arridet, nec probatur, atque adeo hæc est minus probabilis Patris CONCINÆ judicio, probabilior vero est, quæ subditorum manus laxat in coronata Principum capita, contra severissimum Concilii citati decretum.*

In hac ipsa quoque Theologia sua dogmatico-Christiana
tom. 4. c. 1. cit. dissert. un. idem P. Frat. Concina docet, quod
Martyres potuerint licite arma arripere contra Tyrannos
persecutores suos, hancque doctrinam vendit etiam pro in-
fallibili, dicens: *Martyres quoque ipsi adversus Tyrannos ar-
ma stringere potuissent. Hec omnia CERTA SUNT.*

Neque tamen hæc certitudo, nec illa contra Reges &
Principes perniciose ac gratis asserta evidentia infringere
potest contrariam ab Oecumenico Concilio decisam senten-
tiam *Salmeronis, Bellarmini, Toleti, Suarezii, Molinæ, Azorii,
Soti*, & aliorum supra laudatorum Theologorum ac Natura-
listarum, quorum Auctoritati & rationi longe plus hac in
parte attribuimus; quam *Conciniana* evidentiz ac certitudini
frustra assertæ, & tristissimo multorum eventu deploratæ.

Nam I.) Ex eo, quod innocentia semper magis profit
Reipublicæ quam iniquitas, nondum sequitur, quod v. g.
innocens *tyrannotribu* a suo Rege temere *invasus* possit eum
occidere privata auctoritate, unde magna incommoda sequi,
possint ex occasione personæ valde utilis Publicæ. Certe
enim innumeri Milites innocentes sunt, non tamen ideo
fiunt immunes ab obligatione se exponendi vitæ periculo
pro Rege & Republica,

Innocentia quippe secundum *Ciceronem* l. 1. de Offic. *Est
puritas animi omnem injuriæ illationem abhorrens*, illa proin
magni meriti est apud Superos, & apud homines gratiis &
præmio digna, nihilominus non tribuit jus defensionis oc-
cisivæ contra personas Regias & alias in thesi assertas, ex
quarum nece tanta mala oriri possunt & solent. Imo ita se
defendens nequaquam est innocens, cum violentas manus
injiciat in eum, ex cujus interitu alii innocentes detrimen-
tum sunt passuri.

Neque defensio hæc nomen *defensionis justæ* meretur, po-
tius enim est *vindicta privata*, jure naturæ absolute prohi-
bita, quod crimen juxta *Aug. tr. 112.* in Joan. semper com-
mittit ille, qui intelligens se solo non posse ita aggressores
plures vel unum superare, ut vitam propriam salvet, nihilomi-
nus adhuc aliquem ex illis vel illum solum occidit: Hoc
enim casu nihil aliud habet pro objecto, quam *vindictam*,
instar illius a Poeta factæ resolutionis... *at nec inultus abibo.*

Et in hoc præsertim sensu dixit olim Christus Petro Matth.
26. *omnes qui acceperint gladium, gladio peribunt*, ac Ap. ad
Rom. 12. ait: *Non vos defendentes Carissimi*, quia scilicet

Jus Nat. & Gent.

V

ut

atque unum vel alterum persecutorem occidissent, adhuc occiderentur ipsi ab aliis longe pluribus: Porro hic fere casus ipse est, si v. g. *tympantotriba* occidat invasorem Regem; moraliter enim impossibile est, ut occisor hic evadat ultrices aliorum manus, uti docent plurima exempla: Igitur tuitio ipsius dicenda est non defensio: sed *vindicta* imprudenter & illicita attentata, ac proin si fugere nequit, jus occidendi invasorem huiusmodi non habet.

419. Sed nec II.) momentum *Concinianum* solidius est, quod illa desumit ex inclinatione cuique insita ad se defendendum. Naturalem quippe inclinationem non minus sentimus ad *meram defensionem*, quam & ad *privatam vindictam*, quin tamen hæc unquam, illa semper sit licita. Inclinationes igitur huiusmodi indigent fræno, & rectæ rationis ductum sequi debent; hæc autem citra errorem, vel actus imperfectionem suadere nequit, ut *villis persona*, & quævis alia *Rege inferior* privata auctoritate eum occidat, cuius interitum *mala sequuntur* alios pressura.

Nec urget paritas ob quam Cl. P. Frat. *Concina* de malis *Principibus* perinde sentit ac de *latronibus*. Nam primo.) Comparatio hæc in *adventitio* ac *civili naturæ statu*, in quo sub Regibus, Principibus ac Magistratibus vivimus, merito odiosa, & a DEO constitutis Superioribus summe injuriosa est, non modo Ethicæ Gentilium: sed etiam, imo vel maxime verbo DEI contraria. Ille quippe etiam *dysscolos Principes* a maledictione populi exemit; *Exod. 22. v. 28.* præcipiens: *Diis non detrahes, & PRINCIPI populi tui non maledices.* Et D. Petrus *2. Pet. 2. v. 18.* jubet: *Servi subditi estote in omni timore dominis, non tantum bonis & modestis: sed etiam Dyscolis.* Neque ideo licet aut expedit nobis, legitime in throno succedentes aut electos quoscunque Principes cum lupis & latronibus comparare, quia DEUS apud *Ezech. 1. c.* hac comparatione usus fuisse legitur. Nam non omne id quod licet DEO, licet etiam homini. DEUS enim qua absolutus omnium Dominus non obligatur ad ullam reverentiam exhibendam Principibus, ad quam nos obligat, potuit igitur & potest eos nomine quocunque voluerit, compellare, imo & vitam illis, sicut & eorum subditis, quandocunque sibi placuerit, eripere, vel aliter eos affligere, iuxta illud *Job 9. vers. 17.* *multiplicabis vulnera mea etiam sine causa*, quia scilicet supremus omnium Auctor, & absolutus vitæ & nequitiæ dominus est. Non tamen inde sequitur, quod vel nos

com-

comparatione & compellatione illa contra Magistratus, Superiores, Reges & Principes nostros uti citra temeritatem possumus, vel quod subditorum, etiam injuste oppressorum manus, in vitam & sanguinem eorum laxare, nobis ullo modo licitum permiffumque fit.

Dein *secundo*.) Quia ex occisione latronis nullum sequitur incommodum Reipublicæ, imo viarum securitas cuique oritur, secus fit ex occisione Regis, vel Principis: aut enim de successione, aut de regimine, vel inter familiam, vel inter status Regni, sive alios cum eo fæderum vinculo conjunctos Principes, nequit non oriri negotium cum magna plurimorum perturbatione & incommodo. Atque adeo hujusmodi occisio sicut nequit esse NB. *sine scandalo* (quod etiam D. Thom. l. c. excipit) ita nec fieri aliter potest, quin sit *contra amorem* Reipublicæ debitum, & jure nat. præceptum.

III.) At non tantum irreverentia plenum: sed etiam a veritate devium est ejusdem *rigidioris* contra Principes Theologi argumentum, asserens, quod in prædicto casu Rex vel Princeps *desinat esse utilis Reipublicæ*, & cum lupo comparandus sit, aut quod ipso facto potius pro latrone quam Principe habendus. Etenim 1.) *Dominia & Imperia non amittuntur delinquendo*; nisi lex id statuatur, qualem nullam uspiam Gentium dari scimus pro eo casu, quo Rex suum v. g. *subditum tympanotribam* injuste fuisset aggressus, eumque e vivis tollere voluerit. 2.) Ad personam privatam quantumvis inique *invasam* non spectat judicare de inutilitate sui Regis, qui si forte inutilis est temere occidendo suum subditum, non ideo omni ex parte inutilis fit toti Regno, familiæ Regiæ, fœderatis Principibus, ac Reipublicæ universæ, cujus interest Principem habere superstitem, juxta præclarum Poetæ effatum:

... *Rege incolumi mens omnibus una.*

Tandem idem Cl. D. Pat. Fratr. *Concine* argumentum hac etiam ex parte nullum est; quia eruditus: sed nimium quantum contra Reges & Principes *rigidus* Author hic non apte utitur verbis Sacræ scripturæ ex cit. *Ezech. c. 22.* adductis. Ibi enim declarantur quidem peccare Reges, si abutantur imperio suo contra subditos: verum non ideo datur ibidem privato homini ulla potestas eos occidenditunc, quando illi quempiam subditorum minus juste invadunt. Neque in citato *Ezechielis* textu imponitur aliquod præceptum,

ptum, vel permittitur ulla facultas, ut subditus, vel alius quicumque Rege, & supremo Principe inferior *defensione occisiva* se tueatur contra injustam ejus aggressionem, eo casu, quando inde grave scandalum, ingens perturbatio, multorum gravis afflictio, vitæque aut bonorum jactura, vel Politici regiminis incommoda sequi possunt, & solent. Non asserit hanc licentiam ex Prophetia *Ezechielis* adductus textus. Imo patet jam contrarium ex supra allatis aliis Divini eloquii oraculis, ac ex naturali ratione, cui Sacra scriptura non est contraria.

Demum IV.) Non juvat *rigidum* Theologum veneranda auctoritas D. Thomæ superius adducta. Angelicus enim Doctor loc. c. non loquitur de jure resistendi Regibus *resistentia occisiva*, per hominem privatum ac Rege inferiorem attentanda ullo casu, & illo præsertim, quando ex resistentia hujusmodi hominis, privata auctoritate occidentis Regem, sequerentur gravia mala *in Rempublicam*, vel alios innocentes, dareturque ansa scandali & rebellionis subditorum, qui facile sibi persuadere possent, se a suis Principibus tyrannice ac inique opprimi, ac proin in sanguinem eorum consurgere posse. Unde vix aliquis Regnantium vitæ suæ securus foret. Non inquam docet hoc D. Thomas. Imo manifeste contrarium tenet, ubi istam l. c. addit limitationem: *Nisi propter scandalum vitandum, cum ex hoc aliqua GRAVIS TURBATIO timeretur*:

Porro citra temeritatem fingi non potest casus, quo non sequatur scandalum, aut *gravis perturbatio* Reipublicæ, status politici, Principum fœderatorum, aliarumque personarum, ex occisione Regis perpetrata a suo subdito, aliave inferiore persona, regicidium hoc *privata auctoritate* in effectum deducente, sive *in sui defensione*, sive *extra hanc* crimen ejusmodi attentarit, prout funestæ experientiz a pluribus Historiographis relatæ satis docent.

Neque etiam V.) magis ad rem facit, quod idem D. Th. de Regimin. Princip. c. 6. ait: quod *Brutus non peccaverit, occidendo Casarem*. Contra enim est primo) quod plerisque gravibus Auctoribus cum Card. Bellarm. de Scriptor. Eccl. anceps dubiumque sit, utrum *Opusculum de Regim. Princip.* Angelico Doctori attribuendum sit, an vero potius alteri erudito Viro, qui illud composuit. Contra est secundo) quod Brutus perhibetur non *privata*: sed publica auctoritate, tota Republica mortem decernente, cum occidisse.

Et

Et videri potest hic ipse Doctor Angelicus 2. *Sent. d. ult. q. 2. a. 2. ad 5.* ubi mentem suam explicat, & omnem suspensionem doctrinæ, quæ ipsi adscribitur, eximit.

VI.) Utcunque autem sit de *Bruti* facto omnino bruto & ethnico, certum est quod ait *Seneca l. 1. de clement. c. 4.* *Principes Regesque, & quicumque alio nomine sunt Tutores status publici, non est mirum amari ultra privatas etiam necessitudines. Nam si sanis hominibus publica privatis potiora sunt; sequitur, ut is quoque carior sit, in quem se Respublica convertit.* Ac proin, sicut obligatur privatus vitam propriam postponere bono Reipublicæ, ita ad se incolumem faciendum nequit vitam eripere Principi etiam iniquissimo, si talis daretur, ob cujus mortem Respublica jacturam vel gravem turbationem pati cogatur.

VII.) Planum igitur est, quod sicut ex aliis argutiis, quas contra vitam Regum & Principum Clariss. D. P. Fr. *Concina* attulit, nihil solidi pro eius rigida & perniciofa opinione concluditur, ita adhuc minus quidpiam prudenter inferri possit ex doctrina D. Thomæ, cum hic sit contrarius immani contra Principes opinioni.

Sed fingamus ita docuisse Angelicum Doctorem, prout ei imponit Auctor nunc primum laudatus: Nihilominus hæc etiam fictione interim admissa, nondum sequitur subsistere doctrinam ejusdem Theologi contra opinionem *Salmeronis, Bellarmini, Toleti, Suarezii, Soto* & aliorum Theologorum ac Naturalistarum melius sentientium assertam. Quia certum est D. Th. longe ante Conc. Oecumen. Constant. circa Annum 1414. sub Martino Papa V. celebratum, opéra sua Theologica scripsisse, & scribere ac simul vivere desiisse anno 1274. Cum autem prædictum Generale Concilium doctrinam contra Reges & Principes etiam Tyrannos, olim inventam, & nunc recenter a Cl. D. P. Fr. *Concina* e suis ruderibus erutam, absolute reprobavit, nulla anterior D. Th. alioqui summe veneranda auctoritas, sicut nec aliorum DD. opinio amplius locum habere potest, contra *Universalis Ecclesiæ* definitivam sententiam, in materia præsertim adeo periculosa.

Nec amplius quid in hac de *Regicidio* questione dicendum superest, quam ut doctissimo juxta ac rigide alioqui Theologo ex corde gratulemur, quod dogmatico-Christianam Theologiam suam, ius defensionis occisivæ cuique etiam subdito, privato, ac minus Reipublicæ utili & necessario adversus quemcunque invasorem sive principem, sive Regem

tribuentem, nemo hucusque sanguinari.e doctrin.e ream, multo minus (quod semper avertant Superi) rogo & pyra infami dignam judicaverit. Quia HERMANNO BUSEMBAUM, & CLAUDIO LACROIX censura hæc reservata fuit, qui communissimam eruditissimorum Thomistarum sententiam, aliquot sæculis instituta Societate JESU antiquiorem, paucis lineis, & ut ajunt, mere remissive, in fidem aliorum attigerunt: imo ab aliis sine ulla limitatione assertam limitarunt, ne scilicet ex hujusmodi defensione mala in alios proveniant.

Liquet id ex verbis Busembaum l. 3. tr. 4. c. 1. dub. 3. resp. 8. ubi ille citatis verbis Silvestri Ord. Præd. Theologi, & sacri Palatii Magistri, ab aliis Doctoribus communiter afferri solitis & supra hic num. 417.) adductis, emendat illa & strictissime limitat in his terminis: *Nisi forte propter mortem hujus (id est Principis) secutura essent nimis magna incommoda &c.* Hæc ipsa verba refert Lacroix, & eadem limitatione usus est, quam Cl. D. P. Frat. Concina non admittit in sua dogmatico-Christiana Theologia, imo de Regibus & Principibus idem ac de lupis & latronibus formavit judicium, quin tamen vel ille, vel ii, ex quibus doctrinam hujusmodi hausit, & hausitam Publico proposuit; ullam hucusque subierint criticism. Nec mirum est: nam ut canit Juvenal. Satyr. 2.

Dat. veniam corvis; vexat censura columbas.

Dogmatico-Christiane igitur theologiæ, & simul rigide contra Reges etiam & Principes doctrinæ Author merito illud Virgilii canere potuit:

Hos ego versiculos feci, tulit alter...

Non jam honores: sed dolores.

§. I V.

Jesuitarum doctrina directe contraria hic refutata: opinioni de Regicidio, & Tyrannorum nece.

Jure naturali nulli privato competere jus defensionis occisive contra Regem suum ac Principem, quantumcunque etiam injustum & tyrannum, demonstravimus an. 416.) ubi quoque adduximus Theologos Soc. JESU, hanc ipsam doctrinam a prima Societatis institutione profitentes. Quia vero ibidem promissimus verba Doctorum hujusmodi ad calcem pertractatæ questionis fore opponenda, hinc datam fidem evincendo, juvat singulorum textus fideliter exscriptos Publico proponere. Et quidem

I.) Ex

I.) Ex omnibus Soc. JESU Theologis primus occurrit Alphonsus Salmeron, Pontificius ad sacrum Conc. Trident. missus Theologus. Ille tom. 13. lib. 4. diss. 5. super verb. Apost. ad Rom. 13. *omnis anima potestatibus sublimioribus subdita sit*, ante omnia exponit statum dubii occurrentis, in quo id consistat, dicitque: *Quæstio est de Tyranno, qui injuste villata, aut metu incusso, occupavit imperium: an talis sit parendum?* Variorum jam opinionibus super hoc dubio prolati, ait: *Sunt quidam qui putant, (inter quos est CAJETANUS) etiam privatis licere interficere Tyrannum; Bucerus vero hoc loco in aliud extremum inclinans; omnibus indistincte, ait, esse obediendum Tyranno non quærendo an jure, vel injuria invaserit Regnum: sed hæc extrema sunt declinanda.*

Adducit dein Salmeron opinionem Lutheri lib. de Visitatione Saxonie: dicitque: *Clamant aliqui Prædicatores temerarie, non esse resistendum Turcæ: hic sermo seditiosus est, qui neque fieri neque permitti debet.* Suam dein hac super re dicturus sententiam, præmittit resolutioni huic & ait, quod ad subditum non spectet ullo modo judicare de suo Principe, an ille habeat jus imperandi, regnandive, vel non, dicitque: *Præmittendum, quod privati non est judicare de Principibus, utrum jure vel injuria regnent.* Ex hac præmissa veritate infert: *Cum non sit ergo privati judicare de Principibus, etsi illi regnum non juste occupaverint, & regnent ex parte sua, JUSTE tamen sub ejus TYRANNIDE PLECTITUR POPULUS.* Hæc Salmeron loc. cit.

Qui etiam illationis hujus hanc affert rationem: *Cum mandatum sit nobis indistincte obedire Dominis & Principibus etiam dyscolis, id est morosis, & difficilibus, & hoc Sancti fecerunt, & Christus: iis parendum est, in his tamen, quæ non sunt contra Dominum.* Salmeron ibid.

Tanto minus autem Salmeron Jesuita favet Concinianæ & aliorum contra Reges & Principes sententiæ, ille enim eandem, quam nos demonstravimus, tuctur doctrinam, asserens nullo casu licere privato propria auctoritate occidere Principem, nedum legitime imperantem: sed ne quidem Tyrannum, verba sunt illius quæ sequuntur: *Non licet privato propria auctoritate Tyrannum interficere; maxime si in pacifica possessione sit, & armatus satellitio regnet.* NB. In Concilio Constantiensi damnatur hæc propositio: *quilibet Tyrannus potest licite a subdito occidi.* NB. Sed male Cajetanus (Ord. Prædic. Theologus) intellexit de Tyranno, qui ad suam utilitatem

litatem convertit gubernationem, non autem de illo qui vi armorum occupavit imperium. Salmeron ib.

Inconcussam hanc veritatem probans idem Auctor adducit alia verba Apostoli ex Cap. 13. l. c. quod scilicet teneamur Magistratibus obedire: Non solum propter iram: sed etiam propter conscientiam. Resistere non tantum significat vel-
le potestatem destruere . . . sed in genere significat potestati non obedire. Ex quo habet, tetraliter eos delinquere, qui Potestati civili scienter resistunt. Salmeron ib.

Solvens autem contraria argumenta, ait: Non est adversus Regnum Christi & Evangelium, quod regnent super nos Pagani: ideo ad Constantinum usque Ecclesia sub Ethnicis Regibus fuit, &c. Hæc est doctrina Salmeronis primi e Societate JESU Theologi pro Principum etiam molestorum & (si qui essent) iniquorum, debita veneratione, & vitæ eorum incolumitate.

II.) Sequitur jam Cardinalis Robertus Bellarminus e Soc. JESU Orbi erudito apprime notus Theologus. Hic in *Apologia pro responsione sua ad libr. Jacobi Magnæ Britanniæ Regis c. 13.* refellens contrariam opinionem eorum, qui asserabant Regicidis & Tyrannicidis esse appromissam vitam æternam, si suos Reges & Principes imperio abutentes, privata etiam auctoritate trucident; ad hunc impium errorem respondens ait: Quod sicariis promissa sit spes vitæ æternæ, si Regum vitæ insidientur, nusquam legi, nusquam audiui: sed contra potius legi in Concilio Constantiensi Sessione 15. publice damnatum articulum illum: Quilibet tyrannus &c. Hunc articulum ita damnavit Concilium, ut Hæreticos censendos, & ut Hæreticos puniendos esse decreverit, qui ejusmodi articulum pertinaciter defendere voluerint. Illos autem, quos in exemplum Adversarius adducit, fuisse persuasos ab aliquo Ecclesiæ Antistite sub promissione & spe vitæ æternæ, ut facerent, quod fecerunt, Adversarius non probat; neque ex confessione ipsorum, aut aliis indiciis constare potest. Sed si Adversario placeat vera audire, vel legere, facile inveniet doctrinam, quam objicit Catholicis, propriam esse NOVATORUM. Bellarmin. Apolog. pro respons. &c. Cap. 13. pag. 140. tom. 5. Edition. Venetæ 1721.

III.) Cardinalis Franciscus Tolerus e Soc. JESU Theologus lib. 5. Instru. cap. 6. num. 16. docet: Tyrannum administratione, qui habet quidem verum titulum, sed tyrannice tractat subditos NON LICET OCCIDERE: & asserere

vere contrarium damnatur ut hereticum in Concilio Constantiensi Sess. 15.

Et idem Card. Toletus ibid. n. 25. ait: Si invasus esset persona publica, & multum necessaria in Republica, potius invasus DEBET SE PATI OCCIDI, & TENETUR, quam occidere. NB.

IV.) Franciscus Suarez Soc. JESU Theologus in Defensorio Fidei Catholice l. 6. cap. 4. tradit: Diximus Principem propter tyrannicum regnum, vel propter quævis crimina NON POSSE ab aliquo privata auctoritate iuste interfici. Assertio est communis & certa, conformis est præceptis Petri ep. 1. c. 2. subditi estote omni creaturæ propter DEUM &c. magis vero in specie definita est, & contraria ut heretica damnata in Concilio Constant. Sess. 15.

V.) Gregorius Valentia S. J. Theologus tom. 3. disp. 5. quæst. 8. ait: Tyrannum perpravum & Communitati exosum, legitima alioquin auctoritate abusum in gubernando, NULLI particulari licet occidere.

VI.) Joannes Azor S. J. Theologus tom. 2. l. 11. c. 5. referens communem aliorum opinionem de tyrannicidio, rejicit & refellit illam, dicens: Hæc sententia de licita occisione Tyranni in titulo, quamvis tot Auctorum testimonio comprobetur, mihi tamen improbabilis est. Quia in Concilio Constant. damnatur articulus hic: Quilibet Tyrannus licite potest a quocunque subito interfici; ubi Synodus generaliter de Tyranno loquitur. Ita S. Aug. 1. 1. de Civ. DEI, ait: qui sine aliqua causa publica administratione maleficum occiderit, velut homicida judicabitur: & tanto amplius, quanto sibi potestatem a DEO non concessam usurpare non timuit. Huc accedit, quod maleficus nisi prius audiatur, & judicetur interim jure non potest: Præterea evidentia patrati sceleris quamvis accusationem & probationem non posulet, requirit tamen sententiam. Insuper quamvis hujusmodi Tyrannus jus, & titulum non habeat in Regno, & Principatu, factio tamen habet possessionem, a qua deici non potest, nisi prius audiatur, & judicetur. Ecce! hic Theologus docet, ne quidem Principem illum licere privata auctoritate quocunque casu occidere, qui per vim, tyrannice & inique Regnum sibi usurpavit: tanto minus potuit docere licitam esse defensivam occisionem contra Principem legitimo jure Thronum possidentem, subditis tamen molestum, vel quempiam eorum injuste invadentem.

VII.) Ludovicus Molina S. J. Theologus de Just. & Jur. tom.

tom. 4. tr. 3 d. 6. scribit: *Aliquis est Tyrannus, quilibet sit vere Dominus Reipublicæ, in qua tyrannidem exercet, inique tamen, atque injuste eam administrat. NB. Tyrannum hoc modo nefas est privatis interficere.*

VIII.) Leonardus Lessius S. J. Theologus de Just. & Jur. l. 2. c. 9. dub. 4. tenet: *Princeps etsi tyrannice regat, tamen manet superior: unde scriptura jubet nos in rebus licitis parere Principibus Ethnicis tanquam superioribus (Rom. 13. Petri 2.) etsi maximi essent Tyranni, utpote qui Ecclesiam persequerentur, & ad impietatem cogerent: ergo non potest a subdito interfici.* Hæc Lessius; qui non docet cum P. Frat. Concina hujusmodi Principes esse lupis & latronibus comparandos: multo minus asserit Martyres potuisse arma stringere contra suos Reges & Principes se injuste persequentes, quam tamen doctrinam idem D. P. Frater Concina dixit esse certam in principiis suæ probabilioris theologiæ dogmatico-Christiane.

Ne autem tædium benevolò Lectori pareret prolixa Auditorum Soc. JESU indoctio, abstinuimus manum ab innumeris aliis recensendis, qui in hac materia pro incolumitate & reverentia Principum quorumvis; etiam Tyrannorum scripserunt, semper detestati illorum sententiam, qui licitum tyrannicidium asseruerunt. Illos proin solos Theologos hic adduximus, qui ab instituta Societate JESU utque ad annum 1614. lucubrationes suas in lucem publicam dederunt. Hoc enim anno 1614. severissimum Decretum promulgatum est a P. Claudio Aquaviva Præposito Generali ejusdem Societatis, quo sub gravissimis penis præceptum est omnibus, ne quispiam contra Reges, Principes quosvis & Magistratus, quidpiam, præsertim in materia tyrannicidii evulgare audeat, quod iis vel minimam offensionis ansam præbere quacunque ratione unquam possit.

Prudens igitur & partium studio non præoccupatus Lector facile concludet, quod si Salmeron, Bellarminus, Tolatus, Suarez, Valenzia, Azor, Molina, Lessius longe adhuc ante Decretum Pris Claudii Aquavivæ murum se opposuerunt pro vita Principum, & resisterunt communi sententiæ licitum tyrannicidium asserenti: tanto minus post prædictum Decretum anni 1614. potuerunt alii Soc. JESU Scriptores delinquere contra debitam Principibus observantiam, & quam exactissimam Decreto sui religiosi Ordinis obedi-

dientiam. Ex his autem omnibus pronum erit inferre & dispicere: quisnam sit doctrine sanguinarie auctor? & tamen! &c. &c.

§. V.

Quæ sint conditiones justæ defensionis in ordine ad tuendam vitam, & res proprias?

420. **M**oderamen inculpatæ tutelæ consistit in conditionibus certis ad sui ipsius & rerum suarum defensionem requisitis: hæ autem sunt sequentes.

Requiritur I.) *Defensio inculcata*, & quidem *inculcata* quo ad causam, ne scilicet ullam justam aggressioniis causam dederis invasori. Si enim tu primus illum aggressus es, tibi ipsi malum inde sequens imputare cogeris, nam excepto casu immediate jam deciso, ubi negavimus privato licitam esse defensionem *occisivam* contra Principes &c. in aliis plerisque casibus permessa est defensio, juxta illud:

Armaque in armatos sumere jura sinunt.

Alioqui si alterum provocasti, constitueris jam non in statu defensionis: sed aggressioniis, atque adeo deest necessitas defensionis *occisiva*, quæ sit justa: Quo etiam facit antiqua paræmia apud *Quintilianum* de insolente puero illo, qui cum in alveare apum temere insufflasset, seque aculeis earum læsum conquestus esset, in responsis accepit: *Si non sufflasset, aculeum non sensisses*. Et simile quid legitur de *Pericle*, qui cum primus inventor fuisset machinæ zneæ *Phalaris* diestæ, bovinam formam referentis, cui inclusi homines subiecto igne torquerentur, terribilem per os machinæ edituri mugitum: ille primus fuit, qui industriæ suæ fecit periculum, & pœnas contra alios inventæ crudelitatis luit, insultante Poeta:

... docuitque suum mugire juvencum.

Debet esse II.) *inculcata quo ad modum*, id est, cum ea moderatione, quæ præcise ad injuriam depellendam sufficiat. Nam in *retorsione injuriarum*, ac in defensione non potes uti majore vi, quam sit necesse ad injuriam arcendam. Alioqui non est *defensio*: sed *ultio*, unde teneberis ad restitutionem, si damnum pretio æstimabile intuleris. Quo fit, ut cum, qui percussit, & jam fugam capere incipit, vel certe amplius non metuitur; non possis occidere, vel reper-

percutere, (nisi forte interdum ad defensionem honoris, citra occisionem, de quo infra) quia illa repercussio non est necessaria ad vitam tuendam ab injuria, utpote quæ jam illata est. Si tamen paret se percussor ad feriendum secundo, vel putetur aliter non destitutus, potest statim reperi, si alioqui vis ejus declinari nequeat.

Præter hæc, debet esse III.) *periculum certum, præsens*, nec *aliter*, nisi per iniqui aggressoris mortem evitabile (& quidem talis aggressoris, ob cujus interitum non redundant publica mala in alios innocentes, ut supra probavimus) si enim periculum tantummodo *verisimile*, atque remotum est, non parit, nisi jus defensionis *probabile*: igitur jus certum alterius quod habet ad vitam, auferri nequit, dicente *Quintiliano* l. 3. c. 13. *quis hoc statuit unquam, aut cui concedi sine summo omnium periculo potest, ut eum occidat, a quo metuisse se dicat, ne ipse posterius occideretur?* metus igitur solus probabiliter futuræ occisionis non sufficit ad hostem occisiva defensione præveniendum.

Si quoque periculum *aliter* sit evitabile, deest *necessitas*, quæ tamen fundamentum est legitimæ defensionis primario requisitum, eo quod alias aperta foret via ad plurimas cædes, cum detrimento humanæ universitatis. *Evitabile* autem est, si *citra vitam*, vel *gravem honoris & famæ injuriam* contemni, vel aliter reparari potest, iis præsertim casibus, quando aggressio non tam *ex proposito*, quam potius *ex humana fragilitate*, levitate judicii, ebrietate, subitanea ira (quæ juxta *Senecam*: *furor brevis est.*) similique causa prævisionem effectus *invincibiliter* excludente, oritur.

Pro tali casu egregie docet nos *Martialis* VI. epigr. 64. cedendum esse belluino alterius furori, cum nullus nobis honor sit cum uno efferato animali, homine scilicet barbaro, ebrio, infami, vel omnino imprudente manus conferre; ita canente illo:

*Sed misere tui, rabido nec perditus ore
Fumantem nasum vivi tentaveris, urfi.*

Dignam quoque Philosopho legere est. *moralem* apud *Senecam* de ira lib. 2. cap. 32. *Magni animi est injurias despicere. Ultionis contumeliosissimum genus est, non esse visum dignum, ex quo peteretur ultio. Ille magnus & nobilis est, qui more magnæ fere latratus minorum canum securus exaudit.*

421. Non sine causa proin *Grotius* de J. B. & P. l. 2. c. 1.

§. 10.

§. 10. Iugillat Franc. de Vidor. Ord. Præd. Theologum, qui de jure belli n. 5. non modo eadem putat recte posse perpetrari, ut alapa vitetur; sed & accepta alapa, si qui eam impexit fugiat, ad honorem, ut ajunt recuperandum, posse occidi. Doctrina hæc non est conformis juri nat. quo spectato dixerunt Philosophi: *pusilli esse animi contumeliam ferre non posse*: at neque Divino consentanea est; id enim *alapam pro alapa reddendam* vetat, multo minus vita privare percutientem permittit, si percussor jam fugiat, & nullum amplius ab eo periculum percusso imminet.

Quod si contendas, in statu *primævo nature* id fuisse licitum, nondum sequitur id licere propria auctoritate nunc in *statu Civitatis*, in quo vivimus sub Judice & Magistratu, qui de illata contumelia justitiam administrare potest, & tenetur, quin nobis ipsis jus vindictæ usurpemus. Non enim licet *privata auctoritate contumeliam vindicare*: sed tantum compescere. Quod etiam in vita & rerum defensione servandum. Jus enim nat. permittit defensionem ejusmodi in illis tantum casibus, quando *hic & nunc* grave periculum ope Magistratus superari, aut damnum aliter reparari nequit. Hinc *Victorie* sententiam Lessius de J. & J. l. 2. c. 9. n. 80. dicit *mere speculative* probabilem, in praxi autem non sequendam, adeoque inutilem & otiosam: Imo ut scandalosam & falsam damnat Innoc. XI. in *propositione* 30. Atque adeo falsum est, quod etiam in statu *primævo nature* licita fuerit unquam occisio percussoris, qui alapa inflicta fugam arripit.

422. Loquendo autem IV.) de defensione *bonorum fortune*, requiritur, ut id, quod eripitur, sit in *notabili quantitate*, vel pretio, (ad quod non sufficit unus aureus) neque adsit probabilis spes aliter servandi, aut ereptum recuperandi, quam si morte furis vel latronis impediatur. Ratio *primi* est. Quia *pro re modica* non est concessum jus defensionis cum tanto alterius malo. Est enim valde iniquum, ut v. g. pro florenò, aut etiam uno aureo servando alicui vita eripiator.

Excipit quidem Sotus Ord. Præd. Doctör apud Less. l. 2. c. 9. n. 68. dicens „ si tamen tibi verteretur probro, nisi „ rem furi extorqueas, posses conari, & si opus esset, e- „ tiam occidere, tunc enim non tam rei, quam hominis es- „ set defensio „ Verum *rigidiori* quidem (quo ad nomen) Theologi, laxa tamen moralis hæc merito proscripita est ab Innoc. XI. in prop. 31. *Regulariter occidi posse furem pro conservatione unius aurei.*

Quid

Quid enim est honor, nisi *testificatio alienæ excellentiæ animo conceptæ*, & si quidem honor in periculo versaretur eo, v. g. quod cum Miles sis, ob animi ignaviam *hostem publicum* non cives aggressus, iustam haberes causam eum in acie aggrediendi & prosterndi: sed si cum uno furunculo tibi res sit, si honoris tui vere amanses, probro potius, vel fordidæ avaritiæ ducere debes, si pro tam parva quantitate, eum, & quidem non resistentem, quia jam in fugam actum prosterñas. Relinquendum igitur id officii est licitoribus, qui tamen adhuc non aliter, quam post sententiam Judicis exequi possunt. Honesto autem Viro non honori: sed dedecori occiso hujusmodi ducenda est.

423. Ratio *secundi*. Quia si possint res *aliter* recuperari, v. g. per Judicem, sæpe erit saltem contra caritatem, pro illarum defensione occidere: ut si fur re ablata fugere incipiat. Quod si vero non fugiat: sed *vi se tueri* velit contra eum, qui nictur furtum impedire, poterit vicissim tunc illa vis vi repelli, *servato moderamine*, quantum necesse est, ut res salva sit, etiamsi per Judicem recuperari possit. Quia ut ait Covarr. in Clem. Si furiosus p. 3. §. un. non dicat caritas, ut patiar res meas in mea præsentia capi, utque tantæ furis improbitati non resistam. Unde Silvest. v. Bellum 2. n. 3. dicit: *Quando res per viam Judicii potest rehaberi, non licet eam defendere, nisi dum est in ipso rapti*, nempe si raptor adhuc præsens est, nitens alterum re sua spoliare. Et habetur exemplum in C. olim 1. de Restit. spol. ubi Inn. III. docet, licitum fuisse Episcopo *viesicere injustum occupatorem possessionis*, & tamen facile Judicio potuisset recuperari: &c.

Hæc tamen omnia non sunt intelligenda semper de defensione *occisiva*, si res v. g. per Judicem recuperari possit, vel modica sit, ut quid enim officio suo fungetur Magistratus, si propria auctoritate privati occidant? Huc facit, quod omnia jura dicant *furẽm nocturnum* occidi impune, non item *diurnum*, si hic rebus tantum, non *vite infidiatur*, nec spes recuperandi *pretiosa ablata deest*. Alioquin non servatur *moderamen inculpatae tutelæ*, perinde ac si occidas aggressorem vite, quem alias fuisse, aut sola non letali percussione repellere poteras.

A R T I C U L U S III.

*De Jure necessitatis tuendæ famæ propriæ, honoris,
& pudicitie.*

S U M M A R I U M.

424. *Quid permittat jus nat. circa famam defendendam?*
425. *Prohibitum est totalis famæ neglectus.*
426. *Potest tamen homo quandoque se ipsum infamare.*
427. *An famæ tuendæ necessitas competat etiam Religiosis, servis, Filiis familias &c.*
428. *Probatur affirmativa opinio.*
429. *Respondetur contrariis momentis.*
430. *&c. Differentia inter Actionem injuriarum: ad palynodiam: & præcise ad famam recuperandam.*
432. *An locus sit defensionis occisivæ in honore tuendo?*
433. *Respondetur negative, & refellitur Bannesii opinio.*
434. *Examinatur licentia duelli privati.*
435. *Afferuntur Recensus Imp. contra duella.*
436. *Refutatur opinio Recentioris Legistæ pro licentia duelli.*
437. *An pro defensione pudicitie liceat invasorem occidere?*
438. *Licita defensio occisiva pudicitie male trahitur ad licentiam duelli privati.*
439. *Insana mentis argumentum est: velle provocare ad duellum, animo ut occidas, vel ut occidaris, quia verbo læsus es.*
440. *Duella etiam a barbaris Nationibus prohibita sunt. Tartarica tamen duella, uti curiosa, ita minus periculosa multos approbatores habere possent.*

§. I.

Quid permittat Jus nat. in necessitate famæ defendendæ?

424. **S**UPPONIMUS I.) quod *Fama* sit multorum existimatio de vita & moribus alterius, Hæc potest esse bona vel mala, & differt ab *Honore*, quod hic consistat in externa significatione nostræ æstimationis de excellentia alterius, & submisionis nostræ. Unde honoratio supponit opinionem excellentiæ, & intentionem exterius per aliquod signum eam testandi, v. g. dum alicui honorificum officium, aut locus eminens inter alios confertur.

Hinc

Hinc fit, quod honor sit quid excellentius, quam fama, nam ille includit famam, seu opinionem excellentiæ, & præterea ejus etiam testificationem & manifestationem. Ut proin merito *Aristoteles* lib. 4. *Ethic.* cap. 3. dicat: *Honorem esse maximum inter bona externa, cujus signum est, quia ut ipse ait: principatus & divitiæ propter honorem sunt optabilia.*

425. II.) Jure naturæ prohibitus est *totalis fame neglectus*, præcipue si cum præjudicio proximi, aut boni publici sit conjunctus. Illa enim est fundamentum publicæ honestatis in societate humana simpliciter necessarium, adeoque ejus neglectus, seu per *vitiæ infamiam*, seu per *malevolorum calumnias* injuste impactas (præsertim si sint *speciosæ*, hoc est si aliquam veri speciem & credulitatis ansam, cum tamen in se falsæ sint, præbeant) foret non tantum amori nobis ipsis, sed etiam proximis nostris naturaliter debito graviter adversus.

Nec obstat, quod homo sit *dominus suæ fame & honoris*, cum possit ejus restitutionem condonare. Nam inde minime sequitur, quod eam negligere possit cum præjudicio aliorum, inter quos vivit, aut suæ familiæ, dicente *D. Th.* 1. p. q. 73. a. 4. ad 1. *In cujusque arbitrio esse pati detrimentum suæ fame, nisi hoc vergat in DETRIMENTUM aliorum.* Sicut igitur habentes dominium pecuniæ & bonorum externorum delinquemus contra jus natur. si illis prodigalitate abutamur, & inutiliter dilapidemus, licet non teneamur forte ad restitutionem cuiuspiam, potiori ratione peccamus neglectu fame & omissione in refellendis calumniis, si hæc refelli, & non abstersæ obesse nobis vel aliis possunt.

Præclare hac in re *D. Aug.* l. de doctr. Christian. ait: *Sic Doctor bonam eligat vitam, ut etiam bonam non negligat famam.* Rationem vero doctrinæ hujus affert idem *August.* l. de bono Viduit. cap. 22. dicens: *Conscientiam nostram esse necessariam nobis, famam proximis: ac proinde crudelem esse, qui famam negligit.*

Porro fama nostra tripliciter potest esse proximis necessaria. *primo.*) Quando ex nostra fama ita pendet fama proximi, ut ex nostra infamia illius infamia sequatur, sicut ex infamia Patris sequitur infamia filiorum, & ex infamia Monachi infamia quædam Monasterii. *secundo.*) Quando fama nostra est necessaria, ut proximo nostro præstamus officium

ficiam, ei *stricto jure* debitam, sicut fama personæ publicæ, *Episcopi, Parochi, Abbatis, Professoris* necessaria est ut bene regat, vel instruat subditos, aut discipulos &c. Et in his duobus casibus *multorum iudicio* etiam *contra iustitiam* peccat, qui se infamari sinit. Non quia præcise se ipsum fama privat: sed quia per consequens *proximo nocet*, vel approbando infamiam, ad quam filer, vel se reddendo ineptum ad ei impendendum debitum officium.

Dein *tertio*.) fama nostra necessaria est proximo; quando non ex officio: sed solum ex caritate illi prodesse tenemur, & per infamiam ad hoc reddimur inepti. Hoc tamen casu solum *contra caritatem* delinquit, qui se infamari sinit, sicut contra caritatem, seu amorem naturali jure præceptum peccat, qui pecuniam, qua pauperibus prodesse poterat, in flumen projicit.

426. III.) Potest tamen quandoque homo *se ipsum infamare*, quando id in præjudicium aliorum non vergit, uti fit, 1.) Ad petendum consilium. 2.) Ad propriam sui humiliationem, sicut latro ille apud *Climacum gradu quarto*, qui publice gravissima crimina confessus est, & *D. August.* libros confessionis suæ juris publici fecit. 3.) Quando injuste aliquem infamavimus, tenemur restituere ipsi famam, etiam cum nostra infamia, si opus est. 4.) Quando legitime a iudice competente interrogamur &c. 5.) Si lex aliquem inhabilem reddidit ad certum officium, characterem, vel statum amplectendum, ob impedimentum aliquod: hic tenetur illud aperire, ut possit in eo dispensari, si dispensationi locus est. Alioqui si secum statuatur, se non teneri infamare se ipsum, neque etiam tenetur, imo neque potest officium illud, characterem, vel statum amplecti, ut liquet in impedimentis dirimentibus Matrimonii, Professionis, Officii Judicis &c.

§. II.

An fame tuenda necessitas jure nat. se extendat etiam ad Religiosos, filios sub patria potestate constitutos, & servos?

427. **R**atio dubitandi vel maxime esse potest Religiosis, cur his non videatur assistere Jus nat. ad tuendam famam. Quia scilicet 1.) Religiosus tenetur obedire *Patri Nat. & Gent.* X lato:

lato: si igitur hic non permittatur magere de sua infamia, pati infamiam potius tenebitur. 2.) Ille per Professionem religiosam est mortuus suæ famæ & honori. 3.) Vi ejusdem professionis tenetur abnegare suum honorem & famam, ac proin debet infamiam dissimulare. 4.) Prælatus subdito, & Pater filiis familias, Dominus servo invito condonare potest injuriam calumniatori: Igitur &c. His tamen non obstantibus.

Dicendum est, Jus nat. tuendi famam per media cujusque statui *proportionata & honesta*, ita omnibus commune esse, quin ullus hominum usu rationis compos eo privetur, ac proin: Religiosus etiam invito Superiore, in *Judicio competente* (puta apud mediatos Superiores lege Ecclesiastica & suo Instituto agnitos ac receptos) agere potest ad famam in *plerisque casibus* recuperandam. Licet eo invito non possit instituere actionem injuriarum.

Ita tradit *D.Th.* 2.2. q. 186. a. 7. ad 4. & ibi *Cajet. Martinus Navarr.* de rediv. monit. 9. & *Comment.* 2. de Regular. Ac post *Suar.* & *Sanch. Less.* de J. & J. l. x. c. 4. n. 26. *Haun.* de J. & J. t. 1. f. m. 297. num. 6. *Friderich.* thes. 13. ad calcem tract. de Empt-vend. *Beusch.* tract. Can-legal. d. pact. assert. 26. & alii.

428. Ratio est I.) Quia ut patet ex n. 425.) homo quilibet est dominus suæ famæ. II.) Adeo ut etiam Religiosus professus *capax* sit ejusdem *dominii*: Capax enim est jurium bonorum *spiritualium*, & *incorporalium*, ac quasi *dominii* eorum, v. g. beneficii juris eligendi, juris alimentorum petendorum, juris manendi in aliquo Canobio sui Ordinis, item juris quod habet ad suam *bonam famam*, vitæ innocentiam &c. Per Professionem enim non renunciavit his bonis: sed tantum *temporalibus* & corporeis.

Sicut igitur simplex Religiosus potest *nomine proprio* agere super jure alimentorum sibi competente: jure eligendi activo: jure manendi in aliquo loco suæ Religionis, licet forte Prælatus eum super his agere nolit; ita agere potest super fama recuperanda, cum non minus hæc per n. 425. sit *fundamentum* publicæ honestatis in societate humana *simpliciter necessarium*, ac naturaliter *necessaria* sunt alimenta, quorum ille petendorum jus habet, *etiam invito Superiore*.

III.) Naturale jus hujusmodi, & famæ quasi *dominium* cum jure ejus, *via judicii* recuperandæ competens Religio-

giōso agnovit etiam Jus sacrum in cap. de Priore 31. de Appellat. ubi Regulari professio permittitur appellatio a sententia sui Superioris ad S. Pontificem , in puncto *denegate justitiæ* , & *excessu correctionis* , per quam ille falso infamatus fuit , ac si magni criminis reus foret , unde *notoriam injuriam* passus egit ad *palinodiam* ; nil obstante , quod a Superiore immediato impositum ei fuerit præceptum silentii hæc super re :

IV.) Recte proin D. Hieron. Epist. contra Ruffin. ait : *Nolo QUENQUAM* (atque adeo nec Religiosum) *in crimine hæresis patientem esse*. Casu igitur quo ipse Superior , vel cui ille favet , vel cum quo colludit , aut pecunia corruptus est , Religiosum subditum hæreseos , vel alterius magni criminis falso insimulet , eumque diffamet , atque præcepto ad silendum obliget , præceptum hoc silentii ab eo impositum , si infamatum adstringeret , quo minus mediati , & prudentiori Judicis competentis impleret officium , seque ab infamia purget : legem nat. & omnem æquitatem everteret . Imo foveret *nequitiam* hominum ; pallio legalis , seu regularis observantiæ protectam .

V.) Cur autem jure hujusmodi ; etiam supposita lege Evangelica de tolerandis calumniis , nequeat ullus hominum invitatus privari : assert rationem D. Th. 2. 2. q. 72. a. 3. dicens , *Tenemur habere animam paratam ad contumelias tolerandas , si expediens fuerit . Quandoque autem oportet , ut contumeliam illatam repellamus , maxime propter duo : Primo propter bonum ejus , qui contumeliam infert , ut videlicet ejus audacia reprimatur , & de cetero talia non attentet , NB! secundum illud Prov. 26. RESPONDE STULTO JUXTA STULTITIAM SUAM , NE JIBI SAPIENS VIDEATUR . Alio modo propter BONUM MULTORUM , quorum profectus impeditur propter contumelias nobis illatas .*

Pergit Doctor Angelicus ; & doctrinam suam scripturæ sacræ , & Pontificiæ auctoritate Gregorii Magni confirmat , dicens : *Unde Gregorius dicit super Ezech. hom. 9. Si quorum vita in exemplo imitationis est posita ; DEBENT , SI POSSUNT , detrahentium verba compescere , ne eorum prædicationem non audiant , qui audire poterant , & ita in pravis moribus remanentes bene vivere contemnant &c.* Huc usque D. Thomas .

429. Ad primam) rationem contrariam Respond. subditus religiosus tenetur obedire in his , quæ Prælati potest imperare : Porro ille Prælati , qui ver. gr. ipsemet subditum

suum temere infamavit, aut cum Calumniatore collusit, & dein ita diffamato præceptum silentii imposuit, caruit jurisdictione ad imponendum hoc casu silentium, & ad prohibendum ne læsus Superiorem sibi competentem Judicem adiret, vel adeat faciatque ea, quæ famæ suæ redintegrandæ profutura judicat. Dein Regularis tenetur obedire in iis, super quæ cadit promissio obedientiæ per votum facta: nunquam autem vovit ille silentiam v. g. *beresin*, aut simile crimen, si hoc sibi falso impositum, malitiose per ipsum Superiorem vel alios divulgetur.

Ad secundam.) Religiosus est mortuus suæ famæ circa objecta quæ contingunt juxta Regulam, non vero quæ eveniunt supra, vel contra illam, & sanam rationem, uti fieret, si ipse Superior infamaret subditum, & calumnias nedum non revocaret: sed etiam auget, ac inde nobili, vel honestæ Religiosi familiæ atrocem notam inureret: hæc silentia ille nec vovit, nec vovere potuit. Unde D. Bernardus l. 1. de præcept. & dispens. col. 4. ait: *Nihil me Prælatus prohibeat horum, quæ promissæ, nec plus exigit, quam promissæ*. Et infra dicit: *monentes eos non cogentes ad celsiora*. Alioqui facile foret homines impune calumniari, & illis patientiam suadere, vel præcipere altum silentium.

Addunt etiam Suar. Sanch. 6. mor. c. 2. Laym. & alii, quod Religiosus vi voti obedientiæ non obligetur præcepto Superioris, si is ultra Regulam, aut cum infamia subditi in ejus Familiam, vel alios redundante quidpiam præcipiat, id enim est contra mentem Ecclesiæ, quæ juxta Christi exemplum caritatem & justiciam præcipit ab omnibus observandam, tanquam fundamenta omnis religiosi Instituti.

Nec refert, quod forte Regulæ jubeant in omnibus, ubi peccatum clare non apparet, obedire: aut quod Prælato probabiliter videatur se posse ita imperare &c. id enim (ajunt cit. DD.) non de obligatione Voti: sed de obedientiæ perfectione intelligitur, præsertim quod probabilitas Prælati; ubi de gravi injuria tertii vertitur; non habeat locum.

Ad tertiam.) Ille quidem vi suæ Professionis tenetur abnegare suam famam, per media suo Instituto & sanæ rationi conformia: non autem ita ut v. g. habeatur pro fure: hæretico: violento sui ipsius percussore: homicida: sacrilego, aut alio infami homine. Talia enim vergunt in præjudicium nedum Religionis, & subditi ita traducti: sed vel maxime in dedecus familiæ secularis, cujus ille nomen gerit, nem-

nempe Parentum, fratrum, agnatorum ejus. Qui etiam *contra Prælatum* hujusmodi possunt distincta Actione *ex lege diffamari*, agere, si vel ille ipsemet temere diffamavit, vel colludere cum Calumniatore, & subdito silentium, quominus se purgare possit, imposuisse, aliove modo impedire ne agat, deprehendatur.

Ad quartam.) Sicut Pater filiosfamilias, ita Prælati subdito Religioso illatam injuriam, etiam eo reclamante condonare potest; si illa non redundet in subditum & alios; C. secus si redundet, ut docet Less. l. 2. c. 11. n. 124. cum communi aliorum, & patet ex D. Th. August. Gregorio; & aliis supra adductis a n. 427.) Aut certe Pater & Prælati regularis possunt condonare Actionem injuriarum, quatenus irroganda essent pænæ Calumniatori: non vero quatenus restituenda est fama & recantandæ infames calumniæ.

Ita si v. g. filiosfamilias falso traducatur adulterii, aut furti, Pater ejus poterit invito filio condonare Actionem injuriarum pœnalem: sed citra temeritatem nequit valide prohibere filio, ne contra Calumniatorem agat Actione ad palinodiam, vel ex l. diffamari, ad recantanda mendacia perniciofa, & famæ reparationem. Has enim Actiones lex naturalis concessit, & in casibus, ubi infamia vergit in præjudicium innocentis familiæ, fratrum, cognatorum nobilium; aut ipsiusmet infamati, quo minus hic iuxta statum suæ vocationis utiliter ac decenter vitam ducere in Religione possit; etiam præceptæ sunt, ut liquet jam ex supra allatis: Nam melius est nomen bonum, quam divitiæ multæ, Prover. 22. Unde etiam præcipitur: curam boni nominis habe, ac Aug. hic supra, incuriam hanc crudelitatem & cæteris illatam injuriam vocat, quam nullum Institutum religiosum approbare potest.

430. Dixi 1.) Licet Prælato invito non possit instituere Actionem injuriarum: Nam Actio injuriarum ex suo conceptu ad æstimationem est pœnalis, & arguit publicam vindictam, cum irrogatione pœnæ corporalis, vel multæ pecuniariæ, estque simul pœnalis & personalis. Quæ cum sapiat ultionem Judicis ope sumendam: non videtur respondere consilio Evangelico, condonationem pœnarum suadenti, quod consilium Religiosus vi suæ professionis ad perfectionem legis Evangelicæ tenere obligatus, præ aliis Christianis observare tenetur, ac proin eum non decet personales pœnas ex Calumniatore petere. Secus Actio ad palinodiam;

diam; quæ est *persecutoria tantum fame ablata*, estque *mixta* realis simul & personalis; ac ex se contenta est *sola revocatione*, seu reparatione fame iniuste ablata, ad quam etiam Jure nat. obligatur Calumniator.

Imo longe minus, modestiusque & Religioso magis conveniens est, quod ei competat præcise Actio *ad famam recuperandam*, quod fit tunc, dum non jam urgeo, ut Calumniator *sollemniter recantet*, quod est proprium Actioni *ad palinodiam*: sed ut ego meam innocentiam probem, quin peccatam ex Calumniatore penam aliquam, vel sollemnem recantationem, propter quam rubore suffundi, & *juris infamiam* contrahere deberet. Atque hæc est differentia inter Actionem *ad palinodiam*: & inter Actionem *ad famam præcise recuperandam*, prout utraque hæc Actio distinguitur ab Actione *injuriarum* supra explicata.

431. Dixi 2.) in *plerisque casibus*. Quia si nulla *redundet infamia in tertium*, & calumnia illa se contineat intra parietes solius & unius Monasterii, ubi Religiosus degit, neque Superior ejus causa, complex, vel fautor & propagator fuerit: Religiosus citra scrupulum, etiam cum suo magno merito poterit, imo vi suæ Professionis, qua obligatur ad perfectionem tendere, debet patienter sustinere, ubi nulla religiosa ac modesta purgationis remedia successerint. Salvo tamen semper jure recursus ad Superiorem mediatum sui *Ordinis*, v.g. ad Generalem, cujus judicio, prædicto casu, acquiescendum erit. Nisi forte etiam ex prædicti casus calumnia falso inflata inhabilis ad munia sui Monasterii redderetur, aut ex eo innocens pellendus foret, &c.

§. III.

*Utrum in honore tuendo locus sit defensionis occisivæ,
secundum Jus naturæ?*

432. Sciendum est, variis modis honorem tuum posse imperi & auferri, in quibus circumstantiis dubitari solet, an, & qualis sit a Jure natur. concessa defensio. Ecce quidem *primo*.) Si baculum, vel alapam tibi nitatur quis impingere. *secundo*.) Si contumeliis afficiaris sive per verba, sive per signa. *tertio*.) Si illata tibi forte alapa, cesset ab altera invasor ac fugiat. *quarto*.) Si nomini tuo falsis criminationibus apud Principem, Judicem, vel Viros honoratos detra-

detrahere quis nitatur, nec ulla ratione possis illud damnum famæ avertere, nisi eum occulte interficias, prout tanquam **PROBABILIUS** defendit *Bannes Ord. Præd. Theologus* ad 2. 2. qu. 64. art. 7. quod tamen *certo*, falsum, & ab Ecclesia proscriptum infra ostendemus. Demum *quinto*.) Si aliqua occasione provoceris ad duellum, & nisi acceptes, censeberis ignavus & meticulosus, nec possis amplius comparere in aula, vel ullam promotionem militarem sperare, uti in quibusdam aulis Principum dicitur esse usitatum.

433. In his omnibus & singulis læsi honoris casibus, quemadmodum juxta jam superius adducta momenta, datur jus defensionis *convenientis*, quæ moderamen *inculpate interfe-* non excedit: ita defensionis *occisive* in praxi nullus jure nat. locus permittitur, quidquid theoricè plerique in contrarium frustra senserint. Assertio hæc quò accuratius exponatur, eam per singula propositorum casuum membra deducere placuit.

I.) Si *baculum*, vel *alagam* quis nitatur tibi impingere, seposito primo impetu mentem plene perturbante, & omnem advertentiam auferente, nequis eum *delibèrate*, licite occidere. Non solum quod ab *Alex. VII.* propositio 17. & ab *Innoc. XI.* propos. 30. proscriptæ sint, quæ hujusmodi licentiam tribuebant; sed etiam quod spectato *Jure naturali*, ut aliquis possit *cum moderamine* inculpatae tutelæ *interfici*, duo requirantur, scil. ut *evidenter* grave damnum inferatur, & ut *evidenter* non possit moraliter alia viâ impediri damnum illud: alias innumeris casibus aperiretur ostium: Id autem respectu *alagam* infligere *nitentis* vel *calumniantis* vix unquam verificatur, ita ut detur duplex hæc evidentia. Imo propter universale periculum multarum cædium, non potest esse licitum, etsi in *aliquo* casu videretur utrumque esse evidens, quia facile vindictæ amore, cæca passione decipimur. Demum *visus* infligendi *alagam* potest impediri fuisse, pugno, vel aliter citra efficacem animum occidendi, alioqui non servatur moderamen inculpatae tutelæ, & defensio vergit in privatam vindictam jure natur. prohibitam.

II.) Si *consumeliis* afficiaris, nondum jus occidendi Calumniatorem acquisis. Satis enim est, quod in *statu Civitatis*, quo nunc vivimus, habeas Magistratus, & Judicem, apud quem per *actionem injuriarum*, aut ad *palinodiam* satisfieri læso honori tuo possit, imò & per *reversionem ver-*

ballem, calumnia aut repelli, aut compensari, ut plerumque fit, possit.

III.) At neque illo casu quo *impada tibi alapa* aggressor fugit, potes cum occidere. Cum enim vivas non in statu *pure nature*, sed in statu Civitatis bene ordinatae, quæ læsum honorem tuum publica auctoritate restituere in integrum, etiam cum pænis aggressori infligendis, potest, & periculum vitæ a fugiente nullum timeatur: sana ratio non sinit in occisionem consentire, quæ privatam vindictam saperet. Præsertim quod fugiens post calumniam non auferat secum honorem, sicut fur secum asportat surreptam v. gr. pecuniam: hinc paritas in contrarium adducta clumbis est.

Confer supra hic n. 421.) ubi *Francisci de Victoria* Dominicanus Theologi sententiam huiusmodi, nedum a *Grosio* aliisque Protestantibus iusta notatam censura: sed etiam a S. Pontifice proscriptam ostendimus. Imo praxis docet, huiusmodi *occisivas* defensiones, utpote non servato inculpatæ tutelæ moderamine, ultimo supplicio a Magistratibus puniri.

IV.) Equidem circa *quartum casum Bannes* Ord. Prædicator. Doctor ad 2. 2. quæst. 64. artic. 7. dub. 5. putat esse probabilius *licere calumniatorem occulte occidere*, si nomen tuo *falsis criminationibus* apud Principem, Judicem, vel Viros honoratos detrahere nitatur, nec ulla ratione possis illud damnum famæ avertere, nisi occidas, addens: idem dicendum esse, etiamsi crimen sit verum, dummodo occultum:

Verum hæc *major probabilitas Bannesiana* est maxima falsitas proscripta ab *Alex. VII.* in propos. 17. 18. 19. & ab *Innoc. XI.* in propos. 30. 31. & 32. Cujus etiam ratio est, quia alioqui multis occultis cædibus, cum magna Reipublicæ perturbatione præberetur occasio. In iure enim defensionis semper considerandum, ne eius usus in perniciem societatis humanæ vergat. Tunc enim jus natural. illam non permittit. Quo etiam facit, quod infamia illa, vel sit jam illata, vel non: Si *est illata*, non extinguetur per mortem infamantis, sed potius confirmabitur. Si *non est illata*, non satis tibi constat aliter non posse eam impediri, quam ut occidas, ac proin non poteris eo modo defensionis uti.

434. V.) Quintus & ultimus modus lædendi honoris est,

est, si ad *duellum* provoceris, & nisi acceptes, censeberis ignavus &c. Non est autem hic sermo de iniusta aggressione, quando subito v. g. in rixa impetitus te defendis: Sed quæstio est de *duello* formali, quod sonat *duorum pugnam ex condito*, determinando locum, tempus &c. Certum quoque est jure nat. licitum esse *duellum* ex causa gravissima *publici boni*; v. g. ad extinguenda bella inter duos Reges, aut ubi salus Patriæ, cui vita subditorum subordinatur, id exigeret. Tunc enim fieret *publica auctoritas*, ac ex naturali officio, quo Princeps obligatur erga Rempublicam, alioqui neque iusta bella licerent: cum tamen præster unum perire, quam multos.

Quemadmodum vero hæc certa sunt, ita ambigi nequit in casu proposito *diffidationis*, ac prætextu læsi honoris, seu abolendæ notæ timiditatis &c. jus nat. non tibi permittere licentiam *acceptandi duelli*. Quod verum est, etiamsi *status civitatis* fuisset male ordinatus, & Judices in administranda iustitia non fungerentur suo officio:

Vitam enim propriam & alienam in discrimen vocare *ob levem finem*, repugnat rectæ rationi, consequenter & legi nat. Levis autem finis est, ne temere provocatus, apud paucos, eosque solos, qui vani nominis umbram sequuntur, & qui Divinæ ac humanæ, imo *omnium fere Gentium* legis contemptores sunt, ac inter homines leves, parumque prudentes computantur, notam timiditatis incurras. Apud alios enim *cordatos Viros* ignaviæ notam non incurrit, qui ne DEUM & leges offendant, *duellum* probro & capitali pœna dignum recusat. Imo insipiens potius & vitæ imprudenter prodigus a sanis habetur, qui illud acceptat. Demum quia *duellum*, hoc est *privata vindicta*, jure nat. *absolute* prohibetur, ac repugnat naturali prudentiæ.

Si Vir dives ac opulentus temere invitaretur ad projicienda omnia sua bona in flumen, alioqui pro avaro habendus; nunquid *insipiens esset*, si ad evitandam avaritiæ notam id faceret, bonaque sua in flumen projiceret? Porro id ipsum facit, qui ad privatum *duellum* provocatus compareret, ne *timidus* videatur.

Legis naturalis prohibitionem declarant Leges nedum Divinæ, verum etiam humanæ. Præterquam enim quod vix aliqua Gens adeo barbara reperitur, quæ duella non prohibeat, & severe non puniat, illa, ubi alter alterum injuriis forte aliquibus laceffit, provocat ad *duellum* & alter

alter comparet, sunt in Republica Christiana illicita, & in Imperio S. Romano vetita. Quia hujusmodi provocatio & acceptatio Magistratui politico auctoritatem suam detrahit, & contra manifestam legem naturalem, & Divinam, *vindictam sibi sumit*, ac re ipsa injustitiæ eum arguit; qui tamen in hunc finem a DEO est constitutus, ne quis sibi ipsi jus dicat, & propriam ultionem exerceat; *l. extat 13. ff. quod metus caus. ac l. ult. C. de vi privat.*

435. Maximilianus etiam l. Omnes diffidatores duella offerentes, & acceptantes Casareo banno subjecit, & ex Imperio proscripsit in Comitibus Vormatiensibus art. 2. & 3. Anno 1495. Maximiliani constitutionem firmavit Carolus V. in Comitibus aliis Vormat. art. 1. & 2. magis autem roboravit in Comitibus Augustanis, art. 1. 2. & 3. Anno 1548. Ferdinandus deinde in Recessu Imp. Augustæ, §. 45. & seq. Anno 155. duella penitus extirpavit.

Jus quoque sacrum gravi animadversione prohibet duella, ut liquet ex *Conc. Trid. Sess. 25. c. 19. de Reform.* pariter ac ex proposito 2. ab Alexand. VII. prop. 30. ab Innoc. XI. & quinque propositionibus a Bened. XIV. proscriptis, quas retulimus in *Erotem. theor. pract. a f. 290.* ubi etiam demonstratum est, per duellum non vindicari honorem lætum: sed eum magis lædi potius & amitti. Talis quippe habetur pro infami legum naturalium, Divinarum & humanarum transgressore, & se servum infamis supplicii constituit, juxta adductas leges S. Rom. Imperii, imo & omnium aliarum bene moratarum Regionum.

Cum igitur omnium Populorum & legislatorum consensus sit in proscriptionem duellorum, illa nequeunt jure nat. non esse prohibita, tanquam ex se vergentia in detrimentum Reipublicæ humanæ, *privatæ vindictæ* exercitium, & imprudentem vitæ suæ, cujus nemo habet dominium, periculo expositionem, ac aggressionem alterius, in quam *privata auctoritate* nullum jus habemus.

436. Est quidem non nemo J. U. Doctor, qui asserere non erubuit: propositiones a summis Pontificibus circa licentiam duelli damnatas nullius momenti esse argumentum; *Primo.* Quod illi tanquam *privati Doctores* eas proscripserint. *Secundo.* Quod tam summorum Pontificum, quam Imperatorum & Regum hac super re publicatæ constitutiones nequeant vim legis obligantis habere, eo quia famæ *periculum est certum, mors incerta. Tertio.* Denique, quod cum

cum homo habeat sibi jus a lege nat. concessum; famam honoremque suum, pariter ac vitam tuendi, nulla lex humana derogare privilegio huic, atque adeo neque duella prohibere possit. Hæc ille.

Sed ineptire & nugari potius quam argumentari *Legista* hic merito censendus est, ubi ita imperite de legibus ac temere de summorum Principum legislativa potestate sentit. Fallitur quippe primo,) quod SS. Pontifices *privata tantum auctoritate* propositiones illas condemnarint: Cum enim Juris utriusque, atque adeo Canonici etiam se Doctorem profiteatur, scire deberet & discere, quod propositiones *ad materiam morum* spectantes, & toti populo Christiano perniciem, scandalum, & *paucorum* sive animarum, sive vitæ, aliorumque malorum periculum invehentes, SS. Pontifices non privata tantum: sed publica, a Christo accepta auctoritate profligare & inhibere soleant; ac debeant.

Quodsi forte *Legista* ille contra hujusmodi summorum Pontificum prohibitiones adhuc excipere velit, eo quod *putet* materias *morum* iuxta ac *Fidei articulos* a Conciliis, non a solis SS. Pontificibus determinari debere: habet hac in parte severissimum Decretum Oecumenici Concilii Tridentini, quod sess. 25. c. 19. de Reform. ait: *Detestabilis duellorum usus, NB. fabricante diabolo introductus, ut cruenta corporum morte animarum etiam perniciem lucretur, ex Christiano orbe PENITUS EXTERMINETUR* &c. Reliqua verba Decreti hujus possunt legi in cit. c. 19. ubi sub pœna excommunicationis prohibentur Domini Territoriorum, ne *locum ad monachiam in terris suis* concedunt Christianis, alique rigores & pœnz *ibid. statuta* legantur. Summi igitur Pontifices damnando propositiones illas, non aliquam novam legem condiderunt: sed antiquam Ecclesiasticam, imo naturalem & divinam declarant.

Fallitur *secundo*,) ubi Summorum Imperantium impugnat Decreta ex hac frivola ratione, quod *fame periculum sit certum: mors incerta*. Nam 1.) Si aliquod famæ est periculum, est apud solos homines leves & imprudentes, ut supra ostendimus. 2.) Ineptum est medium velle *famam* recuperare *per longe majorem infamiam*, sive enim occidatur, sive occidatur, non reparat famam: sed majorem incurrit infamiam temerarius homicida, aut vitæ alterius infamis aggressor, qui & a Divinis & humanis judiciis justam condemnationem timere cogitur.

Quo

alter comparet, sunt in Republica Christiana illicita, & in Imperio S. Romano vetita. Quia hujusmodi provocatio & acceptatio Magistratui politico auctoritatem suam detrahit, & contra manifestam legem naturalem, & Divinam, *vindictam sibi sumit*, ac re ipsa injustitiz eum arguit; qui tamen in hunc finem a DEO est constitutus, ne quis sibi ipsi jus dicat, & propriam ultionem exerceat; *l. extat 13. ff. quod metus caus. ac l. ult. C. de vi privat.*

435. Maximilianus etiam l. Omnes diffidatores duella offerentes, & acceptantes Casareo banno subjecit, & ex Imperio proscripsit in Comitibus Vvormatiensibus art. 2. & 3. Anno 1495. Maximiliani constitutionem firmavit Carolus V. in Comitibus aliis Vvormat. art. 1. & 2. magis autem roboravit in Comitibus Augustanis, art. 1. 2. & 3. Anno 1548. Ferdinandus deinde in Recessu Imp. Augustz, §. 45. & seq. Anno 155. duella penitus extirpavit.

Jus quoque sacrum gravi animadversione prohibet duella, ut liquet ex *Conc. Trid. Sess. 25. c. 19. de Reform.* pariter ac ex proposito 2. ab Alexand. VII. prop. 30. ab Innoc. XI. & quinque propositionibus a Bened. XIV. proscriptis, quas retulimus in *Evotem. theor. pract. a f. 390.* ubi etiam demonstratum est, per duellum non vindicari honorem lætum: sed eum magis lædi potius & amitti. Talis quippe habetur pro infami legum naturalium, Divinarum & humanarum transgressore, & se servum infamis supplicii constituit, juxta adductas leges S. Rom. Imperii, imo & omnium aliarum bene moratarum Regionum.

Cum igitur omnium Populorum & legislatorum consensus sit in proscriptionem duellorum, illa nequeunt jure nat. non esse prohibita, tanquam ex se vergentia in detrimentum Reipublicæ humanæ, *privatæ vindictæ* exercitium, & imprudentem vitæ suæ, cujus nemo habet dominium, periculo expositionem, ac aggressionem alterius, in quam *privata auctoritate* nullum jus habemus.

436. Est quidem non nemo J. U. Doctor, qui asserere non erubuit: propositiones a summis Pontificibus circa licentiam duelli damnatas nullius momenti esse argumentum; *Primo.*) Quod illi tanquam *privati Doctores* eas proscripserint. *Secundo.*) Quod tam summorum Pontificum, quam Imperatorum & Regum hac super re publicatæ constitutiones nequeant vim legis obligantis habere, eo quia sanæ *periculum est certum, mors incerta.* *Tertio.*) Denique, quod

cum

cum homo habeat sibi jus a lege nat. concessum, famam honoremque suum, pariter ac vitam tuendi, nulla lex humana derogare privilegio huic, atque adeo neque duella prohibere possit. Hæc ille.

Sed ineptire & nugari potius quam argumentari *Legista* hic merito censendus est, ubi ita imperite de legibus ac temere de summorum Principum legislativa potestate sentit. Fallitur quippe *primo*,) quod SS. Pontifices *privata tantum auctoritate* propositiones illas condemnarint: Cum enim Juris utriusque, atque adeo Canonici etiam se Doctorem profiteatur, scire deberet & discere, quod propositiones *ad materiam morum* spectantes, & toti populo Christiano perniciem, scandalum, & *salutem* sive animarum, sive vitæ, aliorumque malorum periculum invehentes, SS. Pontifices non privata tantum: sed publica, a Christo accepta auctoritate profligare & inhibere soleant; ac debeant.

Quodsi forte *Legista* ille contra hujusmodi summorum Pontificum prohibitiones adhuc excipere velit, eo quod *putet materias morum* iuxta ac *Fidei articulos* a Conciliis, non a solis SS. Pontificibus determinari debere: habet hac in parte severissimum Decretum Oecumenici Concilii Tridentini, quod *sess. 25. c. 19. de Reform.* ait: *Detestabilis duellorum usus, NB. fabricante diabolo introductus, ut cruenta corporum morte animarum etiam perniciem lucratur, ex Christiano orbe PENITUS EXTERMINETUR* &c. Reliqua verba Decreti hujus possunt legi in *cit. c. 19.* ubi sub pena excommunicationis prohibentur Domini Territoriorum, ne *locum ad monachiam in terris suis* concedunt Christianis, alique rigores & pænæ *ibid.* statutz legantur. Summi igitur Pontifices damnando propositiones illas, non aliquam novam legem condiderunt: sed antiquam Ecclesiasticam, imo naturalem & divinam declarant.

Fallitur *secundo*,) ubi Summorum Imperantium impugnat Decreta ex hac frivola ratione, quod *fama periculum sit certum: mors incerta.* Nam 1.) Si aliquod famæ est periculum, est apud solos homines leves & imprudentes, ut supra ostendimus. 2.) Ineptum est medium velle *famam* recuperare *per longe majorem infamiam*, sive enim occidatur, sive occidat, non reparat famam: sed majorem incurrit infamiam temerarius homicida, aut vitæ alterius infamis aggressor, qui & a Divinis & humanis judiciis justam condemnationem timere cogitur.

Quo

Quo etiam fit, ut occisores hujusmodi perpetrato homicidio *in monomachia*, fugiant, & cuti suæ timeant, non aliter ac improbus Cain occiso Abele fratre suo: non facturi id, si actus foret honestus & licitus. 3.) Etiam si forte mors esset incerta: at *mortis periculum* proximum omnino certum & evidens est, cui temerarie vitam exponere nulla lex permittit:

Porro scire deberet Doctor ille, quod exponere se ipsum proximo vitæ periculo contra legem nat. Divinam & humanam, ex sola *privata vindicta*, vana honoris persuasione aut famæ, vel ex his motivis alterum velle occidere: coram DEO idem sit, ac si vel sibi ipsi violentas manus injecerit, vel alterum *dolo malo* occiderit: sufficit enim in his consensus perfectus, quidquid sit de actu externo, qui malitiam *formalem* non, aut vix *secundum aliquid* superaddit actui interno.

Hinc si laqueo cervicibus tuis injecto suspendas te e trabe vel fronde, licet mors nondum sit certa (fieri enim potest, ut laqueus rumpatur, aut eum superveniens aliquis rescet & præcidat, atque ita vitam tuam conservet) nihilominus sive mors hæc sequatur, sive non, coram DEO & hominibus semper es infamis. Id ipsum contingit in duello, cum sufficiat conatus & quidem notorius, vitam sibi ipsi, vel alteri adimendi ob *privatam vindictam*.

Fallitur tertio,) allegans *jus a natura concessum*: Jus enim hoc a natura non aliter concedi potuit, quam concedente DEO naturæ Auctore: Atqui hic non potuit id concedere homini ob *privatam vindictam*, ac propria auctoritate attentandum: 1.) Quia vindictam privatam utpote *intrinsece* malam, & amoris mutuo ac societati humanæ in reciproco amore consistenti directe contrariam *absolute* prohibuit, uti etiam per Prophetam, imo & per Apostolum suum ait: *Mibi vindicta, & ego retribuam*. 2.) Auctor naturæ non potuit *dominium* suum, quod solus habet *in vitam hominis*, abnegare, transferendo illud in arbitrium hominis *privati*; abnegaret autem permittendo illi, ut *pro suo placito* & phantasia libere ac licite de ea disponat, sive voluerit propriam, prætextu vani honoris privati exponere mortis periculo: sive alterius ex eadem causa invadere.

Privilegii hujus igitur concessio absolute repugnat perfectissimæ gubernationi Divinæ, pari ratione ac repugnat, ut ille permiserit homini propter famæ vel infamæ motivationem

se ipsum e trabe suspendere, aut de rupe præcipitare, vitamque miseram adimere, cujus solum usum honestum, non item dominium directum concessit, obligando eum, ut illa utatur pro sui Creatoris gloria, & ad communem Reipublicæ humanæ, proximique sui prudentem utilitatem.

Demum 3.) Patet jam a num. 41.) Jus nat. concessum posse impediri humana auctoritate, tanto magis Divina. Si igitur, per impossibile, concessa fuissent aliquando privata duella, non possent jam tolerari post tot prohibitiones legitime emanatas: multo minus cum illa nunquam jure nar. non prohibita fuerint.

§. I V.

Utrum pro defensione pudicitie Jus nat. permittat invasorem occidere?

437. **Q**Uamvis D. Aug. l. 1. t. de lib. arbitr. c. 5. dubitet de hujusmodi licentia: communis tamen opinio nihil ambigit de jure hujusmodi. Quia pudicitia pluris merito æstimatur, quam multæ opes, quæ amissæ reparari possunt, non item illa, canente Ovidio epist. 5.

... nulla reparabilis arte
Læsa pudicitia est, deperit illa semel.

Hanc ob causam, & præsertim, quia amissio pudicitie constituit in periculo peccati, defensio ejus etiam occisiva contra iniquum aggressorem jure nat. permixta est. Cujus sententia Ethnici quoque fuisse deprehenduntur. Ait enim Plato de legibus l. 9. Qui mulierem liberam, aut puerum ad rem veneream vi subegit, impune non ab eo solum, cui vis est illata, verum etiam a patre, fratribus, filiisque vita privetur. Hinc ut scribit Cicero Orat. pro Milone, Adolescens, qui Tribunal occiderat, volentem vim inferre ejus pudicitie, a Mario exercitus Imperatore absolutus fuit.

Quia tamen, ut ait Seneca ep. 102. Mens impudicam facere, non casus solet, Et D. Aug. de Civit. DEI l. 1. c. 18. docet: Non amitti corporis sanctitatem, manente animi sanctitate, etiam oppresso corpore: ob hanc rationem, sunt, qui cum Molin, de J. & J. tr. 3. d. 17. n. 11. Dicast, de J. & J. l. 2. tr. 1. d. 10. d. 51. n. 65. putant non obligari Virginem, ut vim
intem-

intencatam stupratoris nece repellet: sed laudabilius fore vim sustinere, quam violatorem orco transmittere; *dummodo absit periculum consensus*: Secus utique valeret illud Matth. 16: v. 26. *Quam dabit homo commutationem pro anima sua?*

438. Sunt etiam, qui assertum hoc pudicitiae defendendae a lege nat. indultum privilegium, ad praetensam *privati duelli* licentiam extendere satagant, hunc in modum ratiocinantes: licitum est *occidere invasorem pudicitiae*: igitur & invasorem famae, aut honoris licebit provocare in duellum, eumque *occidere, vel ab eo occidi*.

Verum inepta argumentatio est. Neque enim imminet prudens periculum consensus in peccatum illi, qui v. gr. laeditur verbo aut alapa iniuste sibi inflicta, sicut imminet ei puellae, quae iniquum stupratorem pateretur: neque alapa, aut injuriosum verbum obest *integritati corporis*, prout obest stuprum. Neque corpus mortis, nec animam propriam aeternae damnationis periculo, & etiam temporalibus poenis ac infamiae apud homines, juraque tam sacra quam civilia, exponit defensione *occisiva* defendens *pudicitiam*, sicut omnibus ac singulis his se exponit & subiectus est ad *privatum duellum* provocans, & comparens.

Demum puella stuprum passa, si stupratorem non occidit *impediendo* turpem actum, non poterit eum *ex post facto* propria auctoritate occidere: quia id redoleret propriam vindictam, cujus exercendae privata auctoritate nullum jus habet: Ita pariter, quamvis juxta n. 433.) habeas jus *citra moderamen inculpatae tutelae* te defendendi contra alapam temere *infigendam*, si tamen hac jam inflicta est, nullum habes ius occidendi eum, qui inflixit.

439. Ex his igitur, non minus ac ex iis quae a n. 432.) adduximus, patet inepti argumenti hujus solutio, quod ab infano cerebro excogitatum esse vel inde constat, quod ille, qui in sua fama vel honore laesus est, ideo ad duellum provocare alterum velit, ut vel hunc *occidat, vel ab eo occidatur*: porro quid homine rationis compote indignius est, quam ideo velle *occidi*, quia alapa percussus est, aut verbo injurioso laesus, quasi una injuria non esset contentus, nisi etiam vita privetur. Recte proin *Apostolus* ait: *Sapientia hujus mundi stultitia est*.

440. Hac ipsa autem sapientia imbuti sunt illi Sophi, & temerarii Doctores, qui licentiam *privati duelli* evincere con-

con-

contendunt, nitentes contra torrentem omnium legum & Nationum illa severissime prohibentium, ita ut etiam apud Turcas ad duellum provocans & comparens ultimo supplicio puniatur.

Apud Tartaros autem seu Scythas non alia permessa sunt duella, quam ut nervis bubulis, aut scutica armati manus conferant, ex quo conflictu neutri mortis periculum, aut vulneris imminet; sed sola per indusium facta flagellatio vicissim sustinenda est. Hujusmodi duella si forte etiam inter Christianos toleranda quis contendere velit, paucos sententiæ suæ habiturus est adversarios, multos vero, non sine risu approbatores.

C A P U T I V.

De officiis & obligationibus naturalibus hominis erga proximum, Rempubicam, & Civitatem.

A R T I C U L U S I.

De causa exigente officia hominis erga proximum, eorumque varietate.

S U M M A R I U M.

441. Quid sint, & quo fundamento officia aliqua proximo nostro debeantur?
442. Senecz & aliorum Ethnicorum sententia.
443. Statuitur verum fundamentum officiorum erga proximum.
444. An detur obligatio nat. ad officia interna proximo exhibenda?
445. &c. Respondetur affirmative: Et solvuntur contraria.
448. An aliqua officia inimicis nostris exhibenda?
449. Inimici alii publici, alii privati; refellitur Heineccius.
450. Privatis inimicis exhibenda sunt officia: quando autem publicis?
451. Peccatum inimici odio habendum, non ejus persona.
452. Communia dilectionis signa debentur inimicis.
453. Hac tamen possunt negari a Superioribus.
454. Signa specialia dilectionis sunt tantum de consilio.
455. In quo consistat condonatio injuriarum?
456. Quid sis ex animo remittere injurias?

457. Re-

457. *Remissio hæc non impedit actionem injuriarum.*
 458. *Qui sint fontes inimicitiarum, & media vitandarum?*
 459. *Prædicta doctrina juri nat. conformis proponitur.*
 460. *Augustini & Platonis sensus de linguis Obretractorum.*
 461. *Beneficiis confunduntur inimici nostri.*

§. I.

Quid sit, & quo fundamento exhibendum sit aliquod officium proximo nostro?

441. **E**Xposuimus hic supra a n. 258.) officia hominis erga proximum esse actiones, vel earum omissiones, quas ille jure nat. debet alteri homini, tam unicuique in singulari, quam Magistratibus, Civitati, vel Reipublicæ. Officia hæc diximus num. cit. esse in quadruplici classe; scilicet 1.) *Perfecta*, quæ nil aliud sunt, quam *Actiones*, vel earum omissiones jure naturali, eoque interdum etiam rigoro ac proprie tali præcepte ita, ut alter eas jus exigendi habeat: utpote fundatas in debito naturali. 2.) *Officia imperfecta*, quæ sunt *Actiones*, vel earum omissiones, non in debito quidem omnino rigoro pariente alteri jus strictum eas exigendi, bene tamen adhuc in equitate naturali fundatæ, a qua imperantur omnia officia illa, quæ dicimus tantum ex amore, seu caritate proximo deberi, quin ipsi debeantur ex justitia commutativa. Talia officia sunt, quæ accipienti profunt, & dantem non gravant. 3.) *Officia absoluta* sunt, quorum obligatio cum homine ipso oritur. Illa proin debentur proximo secundum obligationem omnibus & singulis hominibus communem, nullo supposito jure, quod proveniret ex facto aliquo nostro; id est, obligamur absque omni contractu, consensu nostro, juramento & promissione. 4.) *Officia Hypothetica* a contrario sunt illa, quæ ex hypothese alicujus facti nostri, vel alieni debentur proximo. Prout sunt illa, quæ debentur ex contractu, promissione, pacto, damno dato, aliave simili causa. Suntque varia, pro varietate status adventitii, & terminantur non solum ad proximum: sed etiam ad DEUM, uti fit, si quid ex promissione & voto aliquid illi præstandum sit, ut diximus a n. 259.)

Porro tam *Hypothetica*, quam *Absoluta* sunt *perfecta* officia, utpote præcepta a lege nat. ita, ut pariant in altero jus illa exigendi, ac proin fundatur in debito naturali, sive dein

dein obligatio eorum proveniat a iustitia commutativa & rigorosa, sive a mere legali naturali, quam alii vocant minus rigorosam iustitiam, a quali descendit præceptum prohibens ne proximo etiam mere officiose mentiamur, ut cibo & potu moderate utamur, temperate vivamus &c. De quibus singulis, pluribus in decursu hujus capituli 4. agemus.

442. Quod vero aliqua officia ab homine necessario exhibenda sint aliis hominibus, naturalis ratio dicat, & omnes hac in parte consentiunt. Unde Seneca Epist. 48. ad Lucill. ait: *Homo homini vivere debet*; quo autem fundamento? affert hic ipse Philosophus loc. cit. rationem; quod scilicet id ad naturalem beatitudinem societatemque humanam requiratur, ita enim docet: *Nec enim potest quisquam beate degere, qui se tantum intuetur; qui omnia utilitates suas convertit. Alteri vivas oportet, si vis tibi vivere, hæc societas diligenter & sancte observanda est, quæ nos omnes hominibus miscet; & judicat aliquod esse commune* **JUS GENERIS humani.**

Solidius adhuc causam obligationis nostræ erga alios homines attingere voluit Cicero, qui postquam l. 1. offic. dixerat: *Hominum hominum causa sunt generati, ut ipsi inter se aliis prodesse possint.* Dein l. 3. offic. ait: *Hoc natura præscribit, ut homo homini, quicumque sit ob eam ipsam causam tantum, quod is homo sit, consultum velit.* Verum rationes hæc Ethnicorum nondum attigerunt genuinum fundamentum quæstionis hujus, cur homo homini aliqua officia necessario debeat. Et quamvis nonnulli e Christianis Naturalistis fundamentum adequatum & ultimum obligationis hujusmodi statuunt in Amore proximo nostro a nobis debito: sed neque hi satisfaciunt, cum respondeant per id, de quo quæstio vertitur, hæc quippe procedit: *Quo fundamento homo homini necessario debeat amorem?* illi vero reponunt: *Quia amor hic est debitus*; nec probant unde hoc debitum proveniat, atque ita ludunt verbis, difficultatem autem non explanant.

443. Dicendum igitur est, quod ultimum hoc & adequatum fundamentum officiorum hujusmodi, seu principium constitutivum sic voluntas DEI, nobis, quid proximo exhibere, vel omittere debeamus, per dictamen rationis nostræ necessario imperantis: Indicativum autem obligationis ejusdem principium & fundamentum est idem ac obligationis erga DEUM, & erga nosmetipsos. Quia enim ratione ho-

Jus Nat. & Gent.

Y

mo

mo debet amorem erga naturæ Auctorem, & se ipsum propter DEUM, infinite bonum, & omni amore dignum: hac eadem ratione obstringitur etiam amare proximum, illique certa officia necessario exhibere:

Tale autem principium est DEUS ipse; quæ sapientissimus Auctor & Gubernator naturæ humanæ, qui si mutuum amorem, illaque officia hominis erga hominem necessario non præcepisset, quæ ad naturalem beatitudinem, quietem & pacem in Republica humana requiruntur, ac istis contraria non prohibuisset, non sapienter condidisset, nec provide gubernaret creaturam rationalem, male quoque eam ordinasset ad finem ultimum & adequatum, etiam naturalem obtinendum. Repugnat quippe dari aliquam beatitudinem etiam mere civilem, si Respublica Civium amore destituta mutuis odiis & dissensionibus fluctet.

Necessarium igitur fuit ad rectam constitutionem & gubernationem naturæ humanæ, ut DEUS præceperet amorem mutuum, qui sicut se ipsum non potest non amare, ita non potuit non præcipere, ut homo hominem ad DEI perfectiones manifestandas conditum diligeret præter illum, pro ut id pluribus demonstravimus a n. 83.)

Amor itaque proximo debitus est principium solummodo inadequatum ac imperfectum, seu potius motivum officiorum homini ab homine præstandorum, ex quo necessitatem eorum haud recte inferre possumus, siquidem DEUS extra se nihil absolute necessario facit, vel omittit, præcipit vel prohibet, nisi id, quod perfectiones ejus divinæ exigunt, ut constat jam ex n. 105.)

§. I I.

An detur obligatio naturalis exhibendi officia proximo etiam interna?

444. **N**Edum positivo, quod hic & nunc extra nostrum forum est; sed etiam naturali jure spectato, homo obligatur proximum suum diligere, non externo tantum; verum interno etiam actu. Et de externo quidem non attingitur, alioqui nulla officia hominis erga hominem fuissent jure hoc præcepta, si ne quidem externa ipsi deberentur: Ita autem nec ulla vita socialis inter homines institui posset, neque pax & quies, consequenter nec felicitas naturæ rationali conveniens unquam obtineri posset.

De

De solo autem interno dilectionis actu dubitabant olim Naturalistæ & T.T. propter sequentia momenta: I.) Externa tantum dilectio in proximi bonum cedit, nec illè intuetur cor ut DEUS. II.) Vel deberem diligere omnes homines in confuso? at hoc est inuile: vel omnes in particulari? at hoc est impossibile. Cur hos autem quam alios; nulla est ratio. Igitur sufficit ut in necessitatibus occurrentibus præsto simus exhibendo *sola externa officia caritatis debita*. III.) Sufficit dilectio proximi virtualis ac interna, prout est inclusa in DEI dilectione. IV.) Juris nat. generale præceptum exposuit ipse Christus Dominus; qui solum præcepit actus amoris externos: *Omnia ergo, quaecunque vultis, ut faciant vobis homines, & vos NB. FACITE illis*. Et 2. Joan. c.3: dicitur: *Non diligamus verbo, neque lingua (atque adeo neque corde) sed NB. opere & veritate*. V.) Quodsi aliquis S. scripturæ textus afferatur, qui actum amoris interni videatur præcipere, amor hic solum ad perfectionem caritatis jure nat. præceptæ: non vero ad obligationem eius spectat.

445. Verum hæc tanta non sunt, quæ actus internorum officiorum obligationem excludant. Sicut enim datur speciale præceptum *naturale* diligendi DEUM actu *interno* & *formali*, ut apud omnes; præter Puffendorfiū & ejus erroneos sequaces; minime controversum est: ita diligere etiam proximum propter DEUM & post DEUM actu quoque *interno* obligamur. Idque ex his rationibus: Tum quod homo debeat esse *paratus* ad succurrendum proximo in necessitate extrema *saltem*, vel quasi extrema; item condonare ex animo injurias, &c. ista vero animi comparatio nequit esse sine actu interno. Tum quia id necessarium est ad generis humani conservationem, pacem, & ultimo tandem id exigit summa perfectio DEI, qua Auctoris & Gubernatoris naturæ humanæ, quæ ab eo fuisset imperfecte constituta, si tantum apparenter & externe sufficeret homini exhibere amoris officia. Hac quippe ratione hypocrisis potius, fallacia, & omnis iniquitas externa operum specie detecta foveretur.

446. Bene proin Inn. XI. proscripsit *propositionem* 16. & 17. veritati a nobis assertæ contrariam, cui neque Adversariorum argumenta obstare possunt. Nam ad I.) R. quamvis proximus non intueatur cor; *exigit* tamen dilectionem etiam *internam*, sine qua consistere nequit externa, hu-

mano modo & deliberate exhibita, cum actus *externus* *liber* ac præmi alicujus vel pœnæ meritorius, absolute nequeat exerceri sine interno, nihil quippe volitum nisi præcognitum. Ad II.) Ita proximus *in confuso* diligendus, ut animus sit *paratus* ad diligendum quemlibet in particulari, etiam *inimicum*, si *necessitas* occurrat: ad hoc autem necesse est, ut aliquando exerceatur actus dilectionis tam in confuso, quam & in particulari. Ad III.) Non sufficit *ulla* dilectio proximi *virtualis inclusa in DEI dilectione*, qua volumus servare omnia ejus præcepta: sicut non sufficit talis dilectio DEI. Si enim in DEO tantum deberet diligere proximus, non essent *duo præcepta* naturalia: sed unum tantum, consequenter non forent præcepta officia alia ab illis, quæ præcipiuntur exhibenda DEO.

Ad IV.) Dum a Christo legis naturalis interprete & Auctore exponitur in *cit.* textu lex naturæ, ibi ita præcipitur actus *externus* caritatis, ut etiam simul insinuetur præceptus esse *implicite* internus, eo quod hic sit necessarius, ut homo sit *paratus* aliis succurrere in necessitatibus, parcere in obligationibus dissidii, inimicitiae & offensionum. *Paratus* quoque esse debet unicuique quod suum est, tribuere, nullum lædere. Imo unusquisque nostrum vult, ut alii de nobis bene sentiant, bene rebus nostris optent, & precantur nedum externe; sed etiam *interne*: cum igitur velimus ut hæc nobis alii exhibeant, consequens est obligari nos vicissim ad similia nedum opera ipso: sed etiam animo præstanda, eaque tam *positiva*, quam *negativa*.

Ad V.) Actus internus ad *perfectionem* tantum amoris jure nat. præcepti requiritur solum *in casibus meri consilii* naturalis, qualia sunt *pleraque* circa officia *imperfecta* non fundata in debito naturali: non item *in casibus quoque necessitatis* proximi, in quibus succurrendi adest præceptum naturale. Tunc enim iam internus, quam externus amor exhibendus est: *bonum enim est ex integro, malum ex singulis defectibus*.

447. Nec refert, quod Christus Dominus Joan. 13. dicat: *Mandatum NOVUM do vobis, ut diligatis invicem, sicut dilexi vos*. Hæc enim mandati novitas non id importat, ac si nunc primum per legem *positivam* Divinam actus *interne* dilectionis erga proximum præciperetur: sed quod vi istius novi mandati teneamur *aliquando* proximum diligere amore *supernaturali*, orto ex motivo cognito lumine *super-*

supernaturali Fidei, ut exponit *D. Aug.* l. 9. tr. 9. in Joan. 4. Atque adeo naturalis obligatio nequit eludi verbis a Christo Domino adductis. Alioquin *mere interna temeraria iudicia* de proximo: *mere interna* item *odia* contra illum in corde nostro retenta, non essent jure nra. prohibita: quod tamen sentire omnino erroneum est.

§. III.

An, & qualia officia Jus naturæ disponas inimicis nostris exhibenda?

448. IN resolvenda quaestione hac duæ reperiuntur sententia: secum pugnantes. Altera est Protestantici Naturalistæ *Heineccii* in Elem. J. N. & G. l. 1. c. 8. §. 219. & 220. assertentis: *inimicis non denegandas esse res, quibus abundamus*; quia Christianis (ait ille) inculcatur *Matt. 5.* diligendos esse inimicos, & quod humanitatis officia hæc *imperfecta* non proficiantur *ob a'terius mèrita: sed ob æqualitatem naturæ.* Hæc ille. Altera priori contraria opinio est multorum cum *Grotio*, *Puffendorfo* & aliis, hosti negans omnia, etiam *perfecta* officia de jure naturæ exhibenda, quamdiu in illo hostilis animus durat. Sed pace istorum Naturalistarum, utramque eorum opinionem dixerim falsam, nisi hunc in modum distinguatur:

449. In duplici classe sunt inimiciæ & hostes; publici alii, alii privati. *Publicis* hostibus, qui pro salibus a legitimo Principe vel Republica *jussu* declarati sciuntur, certum est nulla deberi, imo jure naturæ aperte prohibita omnia illa officia, quæ si *illis impenderentur, foveretur malum publicum*, & hostis majores vires assumeret. Ita v. g. si in *Heineccii* opinione publicis inimicis S. Rom. Imp. non denegentur res, quibus Cives ejus abundant, si armorum, annonæ, equorum, vestium, pecuniæ, aliarumque rerum copia subministretur: Cives hi recte collusionis cum hoste publico, imo *fractæ pacis*, ac proin apertæ hostilitatis ac rebellionis, aut seditionis rei constituentur.

Atque in hoc sensu accipienda sunt verba *Aristotelis* Politic. c. 11. dicentis *Inimicis ne viâ quidem communis esse debet.* Hanc quoque interpretationem recipit illud *Socratis* in Themistio Orat. ad Valent. de bello victis: *amicis bene faciendum: male inimicis, puta: publicis, quamdiu*

In illis animus *Reipublicæ* nocendi durat, & vires ad nocendum suppetunt. Cetera officia, quorum exhibitio bono publico minime obest, etiam hosti publico non sunt neganda. Hæc enim ei exhibentur non qua *Reipublicæ* hosti, sed qua proximo nostro, æqualis nobiscum & communis naturæ homini. Ita v. g. publico hosti servanda est fides data a nobis in contractibus emptionis-venditionis earum rerum, quæ non augent nervum inimicis contra *Rempubicam*; cadavera illorum sepelienda sunt, aut saltem locus sepulturæ conveniens non est denegandus, veritas ac fidelitas in omnibus, quæ publico non obstant servanda est, nunquam iisdem mentium, malum animæ & salutis æternæ jactura nullo modo ipsis imprecanda &c. &c.

450. Loquendo autem de *privatis inimicis*: dicendum est. 1.) Hostes nostros, & peccatores quosvis ex caritate jure nat. etiam præcepta diligendos esse, quatenus proximi nostri, seu ejusdem naturæ consortes, & beatitudinis, creaturæ rationali convenientis capaces sunt, uti docet *D. Th.* 2. 2. q. 25. a. 6. & 8. & q. 83. a. 8. Naturæ enim rationali a suo Auctore inditum est: ut etiam ab inimicis nostris velimus diligi, & præstari nobis humana officia, adeo ut magis irriteremur, & ægre feramus, quoties ea nobis negari ab illis intelligimus: consequens igitur est, ut eadem exhibeamus æmulis nostris, juxta naturale principium a Christo explicatum: *Omnia ergo quæcumque vultis, ut faciant vobis homines, & vos facite illis.*

Atqui nedum perfecta: sed etiam imperfecta officia volumus nobis impendi a nostris adversariis: hæc ipsa proin illis impendenda sunt, hoc solo discrimine, quod pro qualitate necessitatis, & indigentia proximi inimici nostri, modo subgravi, modo levi, eaque justitiali rigorosa, vel ex mera caritate orta obligatione teneamur, aut solo naturali consilio ad beneficiendum invitetur. Quod eo majori liberalitate illis præstandum est, cum hostes nostri plerumque dum nobis nocere cupiunt, præter suam intentionem profunt, teste *Franc. Petrarcha* dial. 22. *Inimicitia tibi sunt? cautior eris & notior. Multos inimicitia illustrarunt, qui obscuri mansissent, si hostibus caruissent.*

451. Nihilominus quod in hostibus nostris, aut peccatoribus malum morale & peccaminosum est, hoc odisse & detestari convenit, exemplo *Davidis* Psalm. 118. *iniquos odio habui*, idque per emendationem tollere, si ipsimet jure

jure possimus, vel optare ut a DEO, aliove legitimo Magistratu pro publicis delictis puniantur. Siquidem Republicæ interest ut mali affligantur, & a Communitate, si non respiciant, tollantur. Eleganter hac super re differit D. August. l. 19. contra Faust. c. 26, *Non est contrarium, quod in antiqua scriptura dictum est; oderis inimicum tuum, & in Evangelio: diligite inimicos vestros. Qui unusquisque iniquus homo, in quantum iniquus est, odio habendus est: in quantum autem homo est, diligendus est.* Neque enim per inimicitias desit esse homo proximus noster, nec naturam humanam exuit, ac proinde neque in nobis sublata est naturalis obligatio eum diligendi qua hominem, nobis natura, & sine, quo creatus est, æqualem.

452. Dicendum est II.) Etiam ex naturali Amoris mutui præcepto quilibet homo, saltem privatus, tenetur proximo, etiam inimico communia dilectionis signa & beneficia exhibere, seu talia, quæ ordinarie omnibus ejusdem status ac conditionis hominibus exhibere solemus: *Specialia* verò, quæ sunt inimicum ægrotum invadere; mactum solari &c. ex consilio tantum nisi aliqua ratio obligationis per accidens accedat; veluti si adsit timor scandalii ex omissione: spes salutis inimici; necessitas spiritualis, vel temporalis: culpæ deprecatio &c.

Quo ad communia signa ratio est. Quia ista negare est vindicare injuriam, quod non licet privato. Hinc si v. g. cognatos omnes ad cœnam invites, omnes in collegio, vel alio congressu salutes, solum vero inimicum excludas, aut omittas, nisi te actus imperfectio, vel alia justa causa excuset; odii privati jure nat. prohibiti coram DEO convinceris. Quod naturæ Auctor declaravit Levit. 19. *Non quæras ultionem, neque eris memor injuriæ Civium tuorum:* Et nisi hoc lege nat. fuisset prohibitum, pessima foret constitutio Reipublicæ humanæ, quæ ultimo redunderet in DEUM naturæ Auctorem & Governatorem perfectissimum, quod talia objecta non prohibuerit tanquam in se ipsis inarripe mala, atque adeo cordi humano ea vitandi præceptum non inscripserit.

453. Hæc tamen procedunt de privato. Quia Patres, Prælati, & aliæ personæ, quibus jus puniendi competit, subditos in se peccantes a communibus beneficiis, vel amoris indiciiis excludere possunt, dummodo id correctionis gratia, non sitz privatæ ultionis stimulo, sub specie ca-

obligationis faciant, vel omitant. Dicente enim D. Grægorio lib. I. moral. *Sæpe privato odio ducimur, & zelum putamus.*

454. Quod autem *specialia* officia, seu dilectionis signa, extra casus exceptos, de *consilio* tantum sint, & ad *perfectiorem* potius virtutis Christianæ spectent: Ratio est, quia præceptum naturale *affirmativum* de exhibenda speciali dilectione, aut *beneficentia* non pro semper obligat: sed in casu *necessitatis*, juxta illud Prov. 25. *Si esurierit inimicus tuus, ciba illum*, licet interim quisque semper animo *paratus* esse debeat speciatim subvenire inimico, cum is indigerit, juxta ea, quæ diximus a. n. 445.)

§. I V.

In quo consistat condonatio injuriarum, de jure nat. inimicis exhibenda?

455. CUM homines natura omnes sint *æquales*, æqualibus omnes donis a natura instructi, iidemque æquali omnes jure *primævo* naturali gaudeant, consequens est I.) ut licet homo prius se ipsum, non minus tamen alios quam se diligere, ac felices velle, ideoque officia jure nat. disposita, quæ sibi, eadem & aliis exhibere teneatur, nullo inter illos facto discrimine, æqualis enim est lex nat. æqualiter proin eos respicere, & consulere omnibus ex æquo, ac pro suo posse debet.

Ratio est, quia perfectiores gradus, qui ex majore ingenio, venustate, fortuna, moribus, aut nobilitate, vel ahunde ab extrinseco variis hominibus adveniunt, naturam humanam, pariter ac legem nat. quo ad communia officia non mutant; quamvis *particularia*, seu specialia ratione *status adventitii* plerisque hominibus, veluti Parentibus a filio, Hero & Patrono a servis famulisque, Superiori a subditis &c. debeantur: Obligationes enim *status adventitii* non elidunt obligationes communes naturæ *status primævi*: sed perficiunt.

Consequens est II.) ut ob hanc æqualitatem naturæ, nullus *privatus* habeat jus *vindictæ* ex proximo suo inimico privata auctoritate sumendæ: sed illam supremo naturæ Domino, vel eius locum tenenti legitimo Magistratui relinquere debeat, juxta illud Hebr. 10. v. 30. *Mihi vindicta: & ego retri-*

retribuam. Quando igitur obligatur homo condonare injurias inimicis suis, obligatio hæc in eo consistit, quod tebeatur offensas *ex animo remittere* illis ita, ut vindicare propria ac *privata auctoritate* ipsemet nolit. Obligationem hanc naturalem exposuit Christus *Matth. 6. Si non dimiseritis hominibus: nec Pater celestis dimittet vobis peccata vestra*.

Ethnicis autem & *malis Christianis*, qui Christi Domini interpretationem in jure naturali explicando a jurisprudentia hac temerarie excludunt, persuadere id debet jam allata ratio, quod scilicet privatus ex privato sumere vindictam nequeat, defectu jurisdictionis in eum, cum par supra parem non habeat auctoritatem, porro *jure nat. spectato* omnes sumus natura pares & æquales: recurrendum igitur est ad Superiorem: demum quia odium personæ, seu *privata inimicitia per se* est quid malum, & nunquam a jure nat. permissum juxta superius demonstrata.

456. Dixi teneatur *ex animo remittere*: quia ex *phantasia* & *memoria* repellere offensas valde difficile, & forte quibusdam impossibile est, perinde ac impossibile est v. g. magnos capitis dolores non sentire *physice*, licet qui eos *ex virtute*, animo summe resignato, ac patienter sustineat. Quapropter monet D. Bernardus: *Non nocet sensus, si non adsit consensus*.

457. Asserta tamen naturalis obligatio *ex animo* condonandi injurias, non impedit *Actionem injuriarum*, tam *civilem*, quam *criminalem* contra inimicum, apud legitimum Judicem instituendam pro foro *externo*. Quia juxta vulgare adagium: *Causa causam non perimit*; & possumus esse *Amici personæ, inimici causæ*.

In foro itaque *animæ* deponendus est privatus rancor & vindicta, cum hæc ob defectum jurisdictionis in hominem naturali conditione nobis æqualem, medium sit inefficax ac inutile. In foro tamen *fori*, cum Judex DEI ordinatione teneatur injuriam passis administrare justitiam, dummodo non ex odio, sed animo compensandi damni, restituendi honoris, famæ, compescendæ proterviæ, aut publicæ justitiæ amore, ne crimina impunita maneant; neve facilius in posterum perpetrentur, agamus, urgeamusque, tunc utimur jure nobis a natura concessio. Hac autem ratione & offendens & offensus, uterque recipit *quod suum est*, hic nempe suum honorem, famam, vel damni reparationem Judicis auxilio deman-

demandatam, ille vero amorem, sibi ab offenso naturaliter debitum, quem experitur in condonatione interna offensionum suarum, externe ab offenso manifestata.

§. V.

Qui sint fontes inimicitiarum, & quæ media naturalia eas evadendi, aut sopiendi?

458. **C**um omnium inimicitiarum duo præcipui sint fontes: *Primus* juxta *D. Chryf.* consistit in violatione nostri juris, vel dominii, & spoliatione rerum nobis alioqui devinctarum, quæ pariunt odia: *Meum actuum frigidum illud verbum, innumera gignens bella.* Alter fons est, qui e mente *Aristotelis*. 2. *Rhetoric.* oritur ex læsione honoris nostri vera, aut, prout fieri solet, *imaginationaria*. Læsisio hæc plerumque se nobis insinuat per sensus nostros, præfertim per auditum & visum, tanquam per quosdam Referendarios injuriarum contra nos dictarum, vel factarum. Unde facile ira exandescimus, & odio proximi tangimur: *Inimicitiam concitat ira, incommodatio & calumnia.* Ait *Cicero*.

Eundem dissidiorum fontem perstrinxit *Plato* in dial. de Sanct. ubi Scholasticorum, & eruditorum Virorum ex disputationibus orta dissidia describit, dicens: *Inimicitia oriuntur, cum aliqui docentium, vel discipulorum invicem de justo, & injusto, pu'chro & turpi, bono & malo. ita disputant, ut idoneum harum questionum judicium diruere nequeant.* Et quia juxta eundem *Platonem* in *Tymæo*, dicentem: *Multi homines disputando de rebus, haud secus quam animantes & bruta pugnando, solam sibi victoriam proponunt,* inde argumenta delabi possunt ad convitia, nam ut ait *Demosthenes* cent. singul. ad *Germ. epist.* 10. *Nihil magis crebrius inter Literatos, quam digladiari & convitari,* hinc dum ambo disputantium sunt juxta *Martialem*.

Et certare pares, & respondere parati,

Qui velit ingenio cedere, nullus erit.

Inde igitur facile est, ut a literato prælio ad animorum dissensiones vergat disputandi ardor, desinatque in calumniis, quibus nihil efficacius est ad enervandas eruditæ mentes, secundum illud *Eccl.* 7. *Calumnia conturbat sapientem.* Hæ sunt igitur occasiones & causæ offensionum, quæ contingere possunt, scilicet læsio realis, & verbalis.

459. Contra primum autem ex recensitis inimicitiarum fontem egimus jam, ubi de jure necessitatis circa defensionem vitæ & rerum nostrarum, a n. 410. ibi probatum est, vitam & res nostras, servato moderamine inculpate tutele, contra inimicum defendi posse, citra juris nat. læsionem, & privatæ vindictæ periculum.

Alterum autem fontem, qui ex apprehensione læsi honoris oritur, & se per aures, oculos & linguam nostram vel aliorum, nobis insinuat, erudite obstruere conatus est Seneca l. 3. de ira, ubi ad inimicitias tollendas connaturale præscribit remedium, si iræ temperemus, & coerceamus sensus, quorum ministerio animi nostri quies turbari solet, ita quippe l. c. docet: *Non expedit omnia videre, omnia audire; multe nos injuriæ transeant, ex quibus plerasque non accepit, qui nescit. Non vis esse iracundus? ne sis curiosus. Qui inquit, quid in se dictum sit, qui malignos sermones, etiam si secreto habiti sint, exerrat, se ipse inquietat.*

His ita sapienter pronunciatis, idem Philosophus libr. eod. suggerit modum, quo aliorum contra nos dicta ita semper interpretemur, quin jura amicitiae lædamus: *Quis sum ego, inquit, cujus aures lædi nefas? ignoverunt multi hostibus, ego non ignoscam pigris, negligentibus, garrulis? Puerum ætas excuset, feminam sexus, extraneum libertas, domesticum familiaritas. Amicus est? fecit quod voluit: inimicus est? fecit quod debuit. Prudentiori credamus; stultiore remittamus; pro quocumque demum illud respondeamus nobis: sapientissimos quoque Viros multa delinquere: & nullum esse tantæ potentie, in quem aliqua non incurrat injuria.*

Idem sapientissimus Ethnicus libr. de morib. linguarum calumniis exacerbatos animos hunc in modum lenire studet: *Male de te loquuntur homines, quia bene nesciunt, faciunt non quod mereris: sed quod olent. Ac dein lib. de remed. fortun. præclare differit: Male de te opinantur homines: sed mali. Moveret me, si de me Marius, si Cato, si Lælius sapiens, si alter Cato, si Scipiones duo ista loquerentur: moveret, si hoc judicio facerent, quod nunc morbo animi faciunt.*

460. Nec dissimili Philosophia usus est D. August. contra calumnias Donatistarum in se jactas, l. 19. contra Faust. c. 25. dicens:

Sinamus stultos loqui, quæ volunt.

Et alibi ait: *Senti de Augustino, quidquid libet, modo me conscientia non accuset. Hæc sunt arma, quibus prudens ho-*

mo lenire dolores suos, & contra omnem privatam vindictam, odium proximi, & legis naturalis transgressionem animum suum munire possit, contemnendo injurias, & amando adhuc injuriantem, quod & suaserunt & fecerunt, nedum Christiani, sed Ethnici quoque ipsi, ut liquet ex *Plavone*, *Seneca* & aliis hic laudatis, qui his mediis naturalibus instructi, inter summas malevolorum persecutiones, linguas garrulorum, & odia obreptantium, summe tranquillam, beatam, ac dignam Philosopho, sapienteque homine vitam vixerunt.

461. Singulari autem, non minus patientiæ quam & inimicitarum vincendarum, ac laudabilis vindictæ medium est, quod Apostolus *Epist. ad Rom. 12. v. 10. & 21.* prescribit: *Si esurierit inimicus tuus, ciba illum: si sitit, potum da illi: hoc enim faciens CARBONES IGNIS CONGERES SUPER CAPUT EJUS.* Nequit genio humano vindictam spiranti efficacior ultionis subesse modus, quam si igniti carbonēs super caput inimici nostri congerantur: id autem unusquisque offensus inimico suo facere permittitur, & potest, si illi benefaciat, hoc enim vindictæ genere confunditur adversarius noster, ubi videt iniquis suis conatibus & belloina iræ passione non potuisse nos affligere. Hinc *ibidem* subdit Apostolus: *Noli vinci a malo: sed vince in bono malum.* Quod ipsum docuit *Seneca* lib. 3. de ira, dicens: *Satius est inimicos beneficiis mitigare.*

A R T I C U L U S II.

De officiis erga proximum ortis ex ipsa justitia naturali sine nostra voluntate, pacto, contractu, promissione, aliove facto & primo de officiis negativis perfectis & absolutis.

S U M M A R I U M.

462. *Quæ sint officia orta ex ipsa justitia nat.?*
 463. *Quod ejus principium constitutivum & indicativum?*
 464. *Solus amor non est tale principium.*
 465. *Sicut neque æqualitas Heineccii.*
 466. *Officia perfecta, alia Negativa, alia Affirmativa.*
 467. *Quot modis ledi possit proximus? Et an etiam in bonis animæ? & animi quo ad intellectum &c.?*
 468. *Ledi potest in anima quo ad voluntatem.*

469. *Leditur in bonis animi; per malam educationem.*
 470. *Proximus ledi potest temerario iudicio alterius.*
 471. *Leditur etiam sermocinatione;*
 472. *&c. Et praesertim detractioe gravi, vel levi.*
 476. *An heredes Infamatoris teneantur ad famae restitutionem, vel pretii solutionem?*
 477. *Infamiam heres ex iustitia non obligatur pretio compensare.*
 478. *Bene tamen damna realia infamati inde secuta.*
 479. *&c. Ratio huius assertur, & solvuntur contraria.*
 481. *Fama defuncto est restituenda a Calumniatore.*
 482. *Quid prohibetur praeepto ne proximus ledatur in bonis corporis?*
 483. *Homicidii divisio a Plutarcho asserta.*
 484. *Directa occisio innocentis prohibita.*
 485. *&c. An autem innocens extradi possit tyranno?*
 488. *&c. Abortus procreatio jure nat. prohibita, & infantis, vel languidi expositio;*
 491. *&c. An nocentem, v. g. adulterum liceat occidere?*
 498. *&c. An ledat proximum, qui cogit ad bibendum?*
 503. *&c. Quae lesio prohibetur quo ad bona fortunae?*
 511. *&c. Quid jus nat. disponat circa damni reparationem?*
 517. *&c. Quid circa damnum datum cum culpa veniali?*

§. I.

Quid sint officia orta ex ipsa iustitia naturali, & quae eorum objecta?

462. **O**fficia proximo exhibenda, ex directione ipsius iustitiae naturalis, ac independenter a nostro facto, promissione, vel contractu provenientia, ab aliis Naturalistis dicuntur *perfecta & absoluta*, qualia definivimus a n. 258. & 441. quod scilicet sint actiones vel earum omissiones jure nat. ita praeeptae, ut eas alter ante omnem promissionem sibi factam vel initum contractum, jus exigendi a nobis habeat. Quod jus ille acquisivit praecise qua homo, ejusdem nobiscum naturae. Officia haec dicuntur *absoluta*, quia ante omnem conventionem & pactum proximo a nobis debentur, ex lege nat. & qui eas homini sine causa negat, est formaliter iniquus, eo quod non satisfaciat obligationi omnibus hominibus communi, in debito naturali saltem latius

tius tali fundatur. Fiet quoque *formaliter iniustus* eo casu, quo negat officium proximo debitum ex *justitia rigoroſa* seu commutativa proveniens, ut dicemus a n. 525.) Dicuntur item *perfecta*, eo quod jure naturali rigoroſo præcepta ſint, ita ut pariant nobis *jus exigendi*, ac proximum noſtrum conſtituant verum debitorem ut illa nobis exhibeat.

463. Principium *conſtitutivum* diximus eſſe voluntatem DEI nobis per dictamen rationis huiusmodi actiones, vel earum omiſſiones neceſſario præcipientis. Principium autem, ſeu fundamentum *ultimū*, & *adequatum indicativum* huius obligationis *neceſſariæ*, *perfectæ* & *abſolutæ* officia proximo exhibenda inducentis oſtendimus a n. 443.) eſſe perfectiſſimam gubernationem naturæ rationalis Auctoris DEI O. M. qui niſi huiusmodi actiones neceſſario præſtandas, vel omittendas recte diſpoſitæ naturæ humanæ præcepiſſet, improvide eam gubernaret, utpote qui ordinaret eam ad beatitudinem etiam naturalem obtinendam; in pace, quiete, & amore mutuo conſiſtentem; non provideret autem de mediis neceſſariis, quibus mutuo inter homines amor cum aliis requiſitis, & demum ipſa beatitudo naturalis obtineri poſſit.

464. Ibidem quoque, pariter ac a n. 106.) Amorem proximo debitum probavimus eſſe potius *medium* inter alia ad obtinendam beatitudinem naturalem requiſitum, ac principium ſolum *inadequatum* & *particulare*, non vero ultimum, fundamentale & adequatum officiorum homini neceſſario exhibendorum. Alioqui eſſet fundamentale & ultimum principium ſui ipſius: quid enim aliud eſt amor proximo exhibendus, quam officium proximo exhibendum? igitur officium proximo exhibendum eſſet fundamentale & ultimum principium officii proximo exhibendi. Ad quem paralogiſmum non ſe reflexerant illi, qui pro ultimo & adequato principio omnium officiorum ab homine neceſſario exhibendorum, Amorem cum Heineccio ſtatuant.

465. Idem autem iudicium eſt de *æqualitate*, altero Heinicci principio, in quo ille reponit obligationem officiorum prædictorum, hunc in modum argumentans: *Homō homini natura æqualis*: proinde amore amicitia eſt proſequendus, quia *æqualitas naturæ æqualia etiam officia* exigit. Verum ex hac æqualitate & amicitia licet forte quadantenus ſequantur officia *imperfecta*, & illa, quæ in ſolō *honeſto* & *deco-*

decoro ethice spectato fundantur: *perfecta* tamen ac *absolute* praecepta vel prohibita nulla ratione posse recte inferri manifestum est.

Neque enim *naturae aequalitas* potuit absolutam necessitatem imponere DEO, ut ille ineluctabili praecepto *absolute* praeceperit, vel prohibuerit aliquos actus ab homine erga suum proximum necessario exercendos vel omittendos. Ac proin neque lex nat. prout illam *aequalitatem* solam, potuit homini imponere absolutam *moralem* necessitatem succurrendi proximo v. g. in extrema, vel quasi extrema necessitate. Cur enim eandem necessitatem ei non imposuit extra omnem *extremam* proximi indigentiam; cum tamen hic *semper sit aequalis natura* alteri homini? Hinc sicut ex amore solo, ita & ex identitate, ac aequalitate naturae nequit inferri absoluta necessitas officiorum perfectorum: sed aliunde repetenda est ut eam iam ostendimus.

466. Officia *perfecta* in genere duo sunt; scilicet *Negativa*, quae consistunt in abstinendo ab injuria; & exprimuntur hoc praecepto: *Nemo sine causa ledendus*: ac *Affirmativa*, quae reducuntur ad hoc alterum praeceptum: *Jus suum cuique tribuendum*, de quo seq. Art. agemus. Officium proveniens ex praecepto naturali *negativo* est *perfectum* & simul *absolutum*. Contra autem, officium procedens ex praecepto nat. *affirmativo* est partim *perfectum - hypotheticum* partim *perfectum - absolutum*. Officium *perfectum - hypotheticum* ex praecepto affirmativo descendens praestandum est proximo ex *hypothesi* nostrae promissionis ab altero acceptatae & honestae, contractus, sententiae judicialis, damni culpa theologica dati, aut alterius nostri, vel alieni facti; statuse adventitii, de quibus hic Art. IV. agemus. Jam vero *perfectum, absolutum* officium ex eodem praecepto naturali affirmativo promanans, ac etiam in *tribuendo jure alterius* consistens exhibendum erit, si v. g. proximus in extrema necessitate fuerit constitutus. Tunc ille *jus absolutum* habet a nobis aliunde non impeditis hujusmodi officium exigendi, quod ei *citra injustitiam* negari haud potest ab illo, qui copiam rerum habet, unde commode succurrat.

Quo autem exactius *obligationes absolute & perfectae* negativae ac positivae, seu tam in *nemine ledendo*, quam in *jure suo cuique tribuendo* consistentes exponantur, juvat eas per particulares quaestiones discutere, & declarare.

§. I I.

Quot modis proximus lædi possit, & prohibeatur: ac, num etiam in BONIS ANIMI?

467. **Q**uanquam juxta Poetam artes sunt mille nocendi, nihilominus illæ ad tres modos commode reduci possunt. Proximo enim sicut prodesse, ita & nocere possumus in *bonis animi, corporis, & fortunæ*. Cum autem secundum Nonium Marcellum c. 5. diversa sint *animus & animæ*. Nam *animus est, quo sapimus, anima qua vivimus*. Et teste Isidoro lib. II. c. I. originum; dicunt Philosophi, etiam *sine animo vitam manere, & sine mente animam durare*. Hinc alia læsio fieri potest, eaque prohibetur respectu *animæ*, alia respectu *animi hominis*.

Læditur homo & lædi prohibetur in *anima* quo ad *intellectum*, I.) Per doctrinas pravas *bonis moribus & fidei salvificæ* contrarias, imbuendo *intellectum* ipsius perversis dogmatibus, sophismatibus, erroribus, mendaciis, contra quam monent Aristoteles Lib. de morte & pomo, dicens: *docentes alios, mentiri non debent*. Quodd vitium proprium est Novatoribus, in quorum personis Sciolos amicos suos alloquens Job. 13. ait: *Fabricatores mendacii, & cultores perversorum dogmatum, utinam taceretis, & putaremini esse sapientes*.

468. Lædi prohibetur. II.) In *anima* quo ad *voluntatem*, eandem corrumpendo, ad *voluptates, hæresin, atheismum, rebellionem* in Principes & Magistratus, qua Ecclesiasticos, qua Civiles, aliaque vicia infectendo, verbis, exemplis depravando, libros scandalosos *Epicuri, Machiavelli, Hobbesii, & similium Naturalistarum* suggerendo. Quos etiam Ethnicus Plato proscriptos haberi voluit, *Epist. lib. 7.* dicens: *Libri etiam boni scelestorum hominum, ut memoria eorum auferatur, sunt tollendi*.

Cum vero tenera præsertim ætas boni omnis juxta ac mali capacissima, facili negotio corrumpi in *sua voluntate* possit, monet Parentes ac Præceptores Philosophus lib. 7. Politic. *Juvenes sunt custodiendi, ut nec dicant, nec audiant malum, vel turpe aliquid, quia ex dicere & audire aliquid turpium, de facili fit facere aliquid turpe*. Hujus opinionis reperitur fuisse *Paschalius*, *quæ lib. de virtutib. c. 18.* encomiis celebrat Romanorum solentiam in educandis Juvenibus, dicens;

uens: Laudabilis mos Romanus, quò non licebat puero decennì incomitato & incusfodito ambulare per urbem &c.

469. Non est quoque lædendus proximus. III. In bonis animi, qui ita lædi censetur I.) Quoties a Parentibus statui suo conformis filiorum educatio, aut a Præceptoribus debita institutio negligitur. Jactura hæc merito inter gravissima filiorum damna, & Parentum aliorumque delicta reputatur, eo quod felicitas hominis, quandoque etiam æterna a recta cultura ingenii circa obligationes erga DEUM, seipsum, & proximum, ac ab educatione conveniente statui dependeat, illaque defectum fortunæ supplet, quoties hæc modica vel nulla a Parentibus relicta est Liberis, dicente Ovidio, hominis præcipuum bonum consistere in expolitione ingenii, quod immortalem facit:

Vivitur ingenio, cetera mortis erunt.

Et Laetius lib. I, cap. I. interrogatus, quisnam esset felix? respondit: *Qui corpore sanus est, animo vero eruditus.* Seneca etiam Epist. 116. Lucillo suo discipulo scribit, eum non debere esse sollicitum de paterna hereditate & divitiis, si Philosophiam perfecte didicerit, idest si mores suos ad regulas rationalis naturæ composuerit, & ingenium perfecit, unde immortale nomen cum reliquis bonis promanare possit.

470. Lædi prohibetur homo ab homine IV.) etiam cogitatione, seu meritorio judicio, quo in re dubia, vel occulta propter aliquas meras conjecturas, sinistram de eo concipimus in nostra mente opinionem, existimando illum v. g. sceleribus occultis deditum, luxuriosum, rapacem, furem &c. Licet hos mentis nostræ conceptus nulli alteri pandamus, coram DEO tamen cordium scrutatore injuriæ sumus proximo, qui habet jus, ut de eo recte sentiamus, quamdiu manifesta veritas illum possessione suæ famæ non deiecit. Tu quis es, qui judicas alienum servum? Domino suo stat, aut cadit, ait Apostolus Rom. 14. Et Christus naturalis juris sapientissimus interpret præcipit: *Nolite judicare secundum faciem, Joan. 7.*

Injuriam hanc proximi detestati sunt etiam Ethnici, dicente Ammonio Marcello l. 15. *Nec visum hominem, nec auditum damnare nefas ultimum est.* Et præclare vitium hoc persequitur Seneca Epist. 72. ubi ait: *Magno animo de rebus magnis judicandum est, alioquin videbitur illorum vitium esse, quod nostrum est. Sic quædam rectissima cum in aquam demissa sunt,*

Jus Nat. & Gent.

L

spe-

Speciem curvi præfractique visentibus reddunt &c. Potro tale iudicium est temere iudicantium de proximo.

Hanc ob causam D. Gregorius Moral. l. 15. sanum præbet consilium temerariis Iudicibus dicens: *In ambiguis DEO serva sententiam*. Enimvero ubi de existimatione proximi agitur, Scepticos nos esse oportet, docente Aristotele lib. prædicamentor. *Dubitare de singulis non est inutile, si de homine iudicium formandum est.*

471. Multo magis autem læditur homo V.) *Sermocinatione*. Si existimatio ejus apud alios, & bona fama, quam ille ex morum honestate, scientiis, literatura, aliisque mediis acquisivit, injuste denigratur, per detractoris calumnias, cavillationes, vel *occulsi* (quamvis veri) defectus moralis publicationem factam coram personis, ad quas scire de officio non spectat.

Est autem detractio alienæ famæ *occulta* & *injusta denigratio*. Hæc differt a *contumelia*, quod detractio directe lædat famam, contumelia autem etiam honorem, eo quod non jam absenti & occulte; sed præsentī ac in faciem proximi dicantur illi probra.

Ita definita detractio fit octo modis, scilicet quatuor directe, & aliis quatuor indirecte. *Directe* fit I.) imponendo crimen falsum. II.) Amplificando crimen verum, tanto magis dubium vendendo pro certo. III.) Revelando crimen occultum. IV.) Sinistre interpretando alterius factum. Jam vero *indirecte* fit detractio I.) Negando recte facta, vel detes alterius. II.) Ea quæ in laudem proximi sunt ab aliis dicta, vel scripta extenuando, & diminuendo. III.) Tacendo bona alterius eo loco & tempore, quo tuum silentium alii interpretantur tacitam vituperationem. IV.) Simulare & frigide laudando: ut quando quis simulat se velle laudare aliquem, & nihil assert laudedignum. Nam ut Phavorinus apud Gellium l. 19. noctium attic. c. 3. ait: *Pejus est frigide laudare, quam aperte reprehendere.*

472. Ut tamen censeatur proximus lædi detractio, requiritur ut injuste fama lædatur: quod bifariam contingere potest. *Primo*) Directa intentione, *secundo*) indirecta. Si directe intendas famam alterius lædere, erit formalis detractio, & ex genere suo (nisi parvitas materiæ excuset) delictum grave, imo gravius furtum, cum lædas proximum in bono, quod pecunia est præstantius.

Inter omnes autem detractiones pessima est, quæ fit per
litte-

literas, & famofos libellos: Tum quia ad plurimos permittitur, tum quia ægerrime potest aboleri, vel quod auctor non potest deprehendi, vel quod majorem imprimat lægentibus credulitatem, quam si auribus incidenter tantum percepissent. Hinc morte punitur, qui libellum famofum sparserit, & qui inventum vulgaverit, ut patet ex *l. un. C. de famof. libell.*

Quod si non intendas lædere famam: sed ex fola garrulitate sine fufficiente deliberatione narres delictum, vel defectus alterius, dicitur detractio *materialis*, eo, quod læfio alterius non fit *directe* volita. Si tamen *deliberate* narres delictum proximi grave, aut aperiās defectum honori ejus notabiliter præjudiciofum: nihil excufante loquacitate delinques graviter. Quia etfi exprefse non intendas lædere, tamen intendis *implicite*, dum vis illud, unde per fe læfio fequitur.

473. Oriri hic potest quæftio, an ille, qui *indeliberate* ex fola garrulitate *materiali* detractioe detraxit alteri, teneatur retractare ea, quæ ftulte effutiit? Verum refponfio eft *affirmativa*. Licet enim forte indeliberate deblaterando contra proximum non deliquerit *formaliter*, ubi tamen advertit fua dicta poffe graviter nocere famæ ejus, tenetur effectum detractiois fuæ impedire, ea ratione, ac fi domum alienam per folam inculpabilem imprudentiam, & feclufa nocendi malitia incendas, ubi periculum conflagrationis advertis, incipis graviter obligari ad extinguendum, quantum potes.

474. Licet quoque juxta nonnullos DD. non cenfearis graviter lædere proximum, fi audita & fparfa de eo propudia, absque afseveratione & fub dubio narres aliis; quia hoc cafu non videtur efle prudens periculum damni proximo inferendi. Id tamen fallit I.) fi crimen effet valde grave, uti eft proditio, parricidium, fibi ipfi violenta manuum injectio, hærefis, ac fimilia. Tunc enim fi verifimile fit ex narratione auditoribus malam fufpicionem fuborituram, non excufaris a gravi injuria, eo quod talis fufpicio fit magnum malum refpectu honeftæ perfonæ.

Fallit II.) Si quis audita referat coram iis, quos verifimile eft ex fua levitate credituros. Hic enim licet infamiam proximi non intenderit, & non fit *caufa effeæ* damni: fed mere *per accidens*, & ideo non delinquat *contra juftitiam*, propter quam ad reftitutionem teneretur: de-

Inquit tamen adhuc *contra caritatem* illi debitam, & lege nat. universali præceptam.

475. Qui enim advertit ex suis dictis, vel factis alium graviter lædendum, sive in fortunis, sive in fama, sive in corpore, tenetur ex caritate abstinere, si commode possit, licet id ex alterius culpa proventurum videat. Quisque enim tenetur impedire notabile damnum proximi, quantum commode potest, & maxime quod sui occasione proveniret.

Fallit III.) Si referas audita eo modo, vel nominatis iis Auctoribus, ut audientes facile possint induci ad opinandum malum de proximo: delinques tunc etiam *contra justitiam*, & teneberis ad restitutionem. Quia hoc casu ob *exactam* tuam narrationem, ac Auctorum, aliarumque circumstantiarum inductionem, præbes sufficientem causam aliis male opinandi, ex qua opinio mala reipsa sequitur. Si enim absolute diceres v. gr. Titium virum honestum perpetrasse grave furtum, & alii crederent, peccares *contra justitiam*, & tenereris ad restitutionem famæ: Porro quando eo modo narras, cum iis circumstantiis, vel eo Auctore, cui merito æque sit credendum, atque ipsis tibi; non minus efficaciter inducis audientes ad sic opinandum, quam si ipse ex te asseverares. Adducere enim alterius testimonium, est adferre argumentum non exigui ponderis ad persuadendum: igitur &c.

§. III.

An heredes infamatoris teneantur de jure nat. ad restitutionem famæ, si ipse eam non restituit?

476. **Q**uestionis hujus decisio pendet a resolutione alterius quæsitæ: an scil. fama, si restitui nequeat, pecunia compensanda sit? Et non paucis olim *affirmativa* placuit, eo quod I.) Fama sit vita carior. II. Pecunia est mensura omnium rerum humanarum: igitur in pecunia potest dari æquivalens. III.) Etiam si fama superet omne pretium æquivalens suæ iacturæ, debet tamen dari opera, ut quam proxime ad æqualitatem accedatur. Sicut is, qui intulit damnum *mille aureorum*, si non potest reddere æquivalens, tenetur tamen dare quantum potest, &c. Hæc opinio si vera esset dependeret iterum a nova, eaque spinosa

Nota difficultate: atriū heres defuncti delinquentis teneatur ad damna reparanda, si lis contra Auctorem non fuit contestata? quoad in Respons. jurid. part. 1. Resp. XI. affirmative decidimus.

477. Nihilominus communior & verior doctrina est negans iustitiam postulare, ut infamia compensetur pretio, idque ob hanc rationem: Quia iustitia commutativa tantum postulat, ut restituatur, quod ablatum est, vel quod communi hominum æstimatione est æquivalens, quod si neutrum fieri possit, cessat ejus obligatio: Atqui si fama per Calumniatorem jam mortuum ablata, non est hucusque restituta, restitui ab eo nequit: æquivalens autem nihil reperiri in tota relicta hereditate potest, quod famæ subrogetur. Hæc enim *pari passu cum vita ambulat*: Porro pro vita hominis liberi ablata non est necessario facienda restitutio pecuniaria, ut communiter docetur, eo quod vita hominis excedat omne pretium, attestante etiam *l. ult. ff. de his, qui effuder. & l. 3. ff. si quadrupes*. igitur tali casu cessat penitus in herede obligatio, quæ cum non nisi ad aliquid *agendum*, non vero ad aliquid *dandum* fuerit in Infamatore; erat *mere personalis*, adinstar voti, v. g. de jejunio, solam viventem personam obligantis, & cum persona expirantis.

478. Tenetur tamen heres adhuc ad reparationem *damnorum realium*, quæ ex infamia illa secuta sunt. Pateat id in exemplo. Pater tuus *Sergio* viro honesto malitiose detraxit apud Principem, quod bona ejus suffuraretur, & redditus perceptos extra Provinciam eveheret, in dies ipse fugam arrepturus. Hac susurratione persuasus Princeps *Sergium* primo coniecit in vincula, dein eundem officio, & omnibus rebus ejus privavit. Jam, cum Pater tuus ante recantationem calumniarum mortuus sit, tibi que sufficientem hereditatem reliquerit; jure nat. sine dubio obligaris, non quidem *ad pœnas* Calumniatorum, neque ad recantationem mendaciorum paternorum, si eorum neque complex fueras, neque ullo modo approbasti; omnino tamen *ad damna realia*, quæ inde orta sunt, compensanda, uti fusc deduximus id in *cit. Respons. jurid. XI.* Ubi etiam ostensum est, hanc obligationem, quoad jus nat. esse certam, contrariam vero solum quoad forum *judiciale*, & quidem *Civile* tantum.

479. Ratio quoque est, obligatio illa non fuit *pure personalis*: sed ex causa *damni* dolo malo dati afficiebat aliquo modo etiam bona Calumniatoris, quæ cum eadem

obligatione & affectione perveniunt ad te heredem. Veneri si Pater tuus domum alterius per injuriam incendisset, tenereris damnum ex bonis illius, jure nat. obligante reparare. Quia illa pars bonorum, quæ in reparationem damni ab incendiario Patre tuo data erat damnum passio, manet in hereditate tibi relicta. Atque adeo, sicut fuisset tibi minor substantia relicta, si ille obligationi naturali satisfecisset: ita cum satisfactionem hanc omiserit, factus es ditior, utpote pinguiorem adiens hereditatem.

480. Momenta contraria, quæ volunt famam pecunia compensari debere, non stringunt. Ac proin ad I.) B. sic sane quod fama sit *vita carior*: Atqui vita hominis liberi ære non appretiat: sed tantum plerumque solvenda sunt damna realia ex occisione injusta sequi solita, ut patet ex n. 150.) Ad II.) Pecunia secundum communem usum hominum non est mensura, nisi rerum venalium, quas homines solent pecunia commutare, fama autem neque natura sua, neque Gentium consuetudine pecunia solet æstimari, neque est venalis. Quidquid sit, quod reperiri forsan possit ita vilis cujuscumque animus, qui pro sua fama velit pecuniam sibi offerri, hic ad venales animas eum spectet, pro exemplo adduci nequit.

Ad III.) Neg. assumpt. Quia is, qui damnum mille aureorum intulit, tenetur vel totum damnum reparare ex æquo, si potest, vel si non potest, tenetur partem ex æquo; quod si nec totum nec partem, cessat obligatio justitiæ commutativæ: Atqui in casu nostro nec tota fama, nec pars pretio æstimatur ex æquo, alioqui Infamator posset eam pecunia compensare etiam nolente infamato. Suficeret enim, ut restituat id, quod æstimatione æquale est. Porro sequela absurda est, divites quippe pauperem audacter calumniarentur confisi marsupio suo, ex quo solvere vel invito, ac ita satisfacere possent.

481. Colligit: Famam etiam defuncto esse jure nat. restituendam a suo Calumniatore. Quia illa est bonum, quod homo post mortem quoque censetur possidere, per hanc enim vivit quodammodo in memoria hominum. Hinc maxime solent homines appetere famam post mortem, quasi per hanc immortalitatem quandam consecuturi, prout id vibrata emphasi expressit Cicero, l. i. Tuscul. qu. *Opifices etiam post mortem nobilitari volunt. Quid enim Philias*

diar sui similem speciem incluserit clypeo Minervæ, cum inscribere non liceret? Quid nostri Philosophi? nonne his ipsis libris, quos scribunt de contemnenda gloria, sua nomina inscribunt? Unde etiam Martialis mortuo Philosopho alludit, dicens: Docte jaces, tua fama viget, tua scripta leguntur.

§. I V.

Quis intellectus sit præcepti naturalis, ne proximus ledatur IN BONIS CORPORIS?

482. **L** Ex hæc naturalis prohibet hominis occisionem, mutilationem, verberationem, similesque afflictiones injustas. Id enim exigebat summa perfectio naturæ Auctoris & Gubernatoris, ut necessario vetaret, ne homo in proximum suum ejusdem naturæ consortem, ne ad eundem finem creatum propria auctoritate ita sæviret: Alioqui genus humanum nunquam posset sibi destinatum beatitudinis naturalis finem, in pace, quiete ac amore mutuo situm obtinere, DEUS privaretur servo, Respublica cive, familia membro, & prædens vitæ alterius invasor sumeret jus supremum in eum, cum tamen, qua privatus, nullam jurisdictionem in vitam proximi habeat, aut ejus membra.

Homicidiorum proin *intrinseca* turpitudine nunquam incognita fuit etiam Ethnicis Legislatoribus, uti testantur gentiles Philosophi, Politici, & Poetæ multa de homicidarum suppliciis in vita & post mortem luendis tractantes. Prout videre est apud Platonem in Phæd. ubi ait: *Qui ob scelerum magnitudinem insanabiles esse videntur, qui videlicet sacrilegia multa & magna, vel cædes iniquas, vel alia horum similia perpetraverint: hos omnes conveniens sors mergit in tartarum, unde nunquam egrediuntur.* Quod etiam attigit Virg. *Æneid.* 6. ac Juven. *Satyr.* 10. qui postquam dixerat:

Sed jam serpentum major concordia parciit

Cognatis maculis, similis fera quando leoni, &c.

illico sanguinariolorum in inferno pœnas decantat, dicens:

Ad Generum Cereris pro cæde & vultuere multi

Descendunt homines, & sicca morte tyranni.

Aristoteles autem differens super hoc argumento 1. *Politic.* 2. gravitatem hujus criminis inde desumit, quod: *Brutæ animantes non sæviant in genus suum, quas certe sensu utire-*

cuius, quam nos ratione dirigi plerumque compertum est.
Hinc ille concludit:

Homo alienus a lege & jure pessimum animalium est.

Jam vero præter naturalem ac etiam positivam legem Divinam: *insontem non occides*, jura quoque Civilia justam pœnam in homicidas statuerunt, ut liquet ex §. Item *lex Cornelia* 5. *Inst. de publ. judic.* & toto tit. *ff. ad legem Jul. de vi publ.* Item tit. *ff. de vi privat.* tum toto tit. *C. de Sicar.*

483. Scitu autem, imo admiratione dignum, quam ex-
acte descripserit varietatem homicidii *iracundia* perpetra-
ti, *Plutarchus* de legibus, dialog. 9. dicens: „Homici-
dium *iræ causa* bifariam distinguitur. Nam peragitur
cædes ab his, qui de repente, & nulla occidendi præ-
meditatione, plagis, aut aliquo hujuscemodi impetu
confestim oriente, aliquem occiderint, & pœnitentia
statim factum sequitur. Vel qui verbis antea laceßiti,
aut contumeliis factis ultionem prosequentes, postea a-
liquem occiderint, volentes ipsum occidere, & nulla
sequitur ad factum pœnitentia: hic *voluntario* similis
est, ille *involuntario*, seu potius *involuntarii* imago:
Contra primum *leviores* pœnas, contra secundum *gra-
viores* sancire oportet.”

484. Ex his igitur adductis argumentis & Ethnicorum
testimoniis clarum est, jure nat. prohibitam esse omnem
læsionem proximi in *BONIS CORPORIS*, ac præsertim
directam occisionem *innocentis*, ita ut si Tyrannus minetur
extremam patriæ ruinam, ille adhuc *interfici non debeat*, nec
possit licite, naturalem obligationem exponente DEO natu-
ræ Auctore *Exod. 23. Insontem & justum non occides, quia
aversor impium*: Est igitur impietas id facere, quam jure
nat. prohibitam esse ambigi nequit.) Ac ratio est, quia
cum nullus hominum habeat jus in vitam innocentis, ne-
mo potest eam illi *directe* tollere, nisi vel ad necessariam
defensionem, vel ad criminum punitionem, quæ de ho-
mine *insonte* non præsumuntur.

Nec obstat, quod Respublica possit periculo exponere
vitam suorum Civium ob communem salutem: non enim
inde sequitur, quod possit vitam alicui eripere, quando
id necessarium est ad commune bonum. Nam Respublica
non aliter potest suorum Civium vitam exponere, quam
imperando *justam defensionem*, in qua non omnes moriun-
tur, qui eam defendunt, jure naturæ eos ad id obligante.

Lon-

Longe autem diversum est, si ei ipsam vitam *directe* eripiat inferendo mortem. Neque ereptio hæc vitæ quidpiam *per se* confert ad avertenda publica mala: sed mere *per accidens*, ac sola malitia tyranni attentata. Cum itaque occidere innocentem *per se* malum sit, Respublica non justificabitur ex eo, quod *per accidens* referatur ad talem finem, alioqui liceret abnegare DEUM, ex fine liberandæ patriam ab interitu, quem illi minatur tyrannus, ea lege: *si DEUS non abnegetur*: Igitur Respublica *directe* occidere nequit infontem.

§. V.

An vero, si jam non occidere infontem, saltem extradere possit Respublica tyranno, a quo eum occidendum prævidet? Et quid Jus nat. disponat circa abortum non procurandum? ac infantes & languidos non exponendos?

485. **C**irca primum casum in utramque partem disputant Naturalistæ, ac verisimilior opinio est docens, quod Respublica vel Princeps possit præcipere innocenti, ut tyrannum ipse accedat, quodsi ire detrectet, jam nocent esse incipiet, & veluti contumax ac rebellis poterit tyranno extradi, dummodo nulla spes supersit, etiam cum multorum sanguine Rempubicam liberandæ.

Addunt aliqui cum *Mol. d. 10.* in tali casu malum non esse, si Respublica tyranno petenti innocentem statim *directe* tradat, non ut occidatur, sed ut Respublica servetur, cum hæc non sit cooperatio ad homicidium: sed tantum permissio. Cum tamen de vita innocentis agatur, prior opinio huic alteri præponenda videtur, eo quod in re tanti momenti cautius procedat, & requirat ut Reipublicæ nulla spes supersit libertatis aliter obtinendæ.

Ratio autem prioris sententiæ est, quia ille innocens ex naturali amore & pietate in patriam, pariter ac ex *justitia legali* tenetur egredi & se morti exponere, si ei certum sit calamitatem communem ita aversum iri: igitur potest ad id etiam præcepto adstringi & cogi, ea ratione, ac jubentur Cives certam stationem contra hostem occupare, etiam cum mortis periculo. Jure enim nat. spectato melius est in nocenter perire unum, quam plures vel omnes.

486. Si respondeas cum *Soto* de J. & J. l. 5. qu. 1. art. 7. & aliis, cum non teneri ex *justitia particulari* exire, ac proin nec posse præcepto cogi. *Contra* erit, quod ad multa cogi possimus, ad quæ ex *justitia particulari* non obligamur, ut ad dandam eleemosynam in magna fame, extra extremam, vel quasi talem necessitatem ad vendendum frumentum, ad vitandos sumptus immodicos in vestes & convivia, ad vitandam ebrietatem, fornicationem, blasphemiam & similia: potest igitur similiter ille cogi, ut tyrannum accedat, etiamsi certo sit interficiendus, sicut cogi potest, ut stationem certam tempore confictus occupet, licet constet eum fore interficiendum ab hoste.

487. Neque urget paritas, quod si tyrannus peteret sibi extradi virginem, ad eam violandam: hæc extradi licite non posset. Nam hoc casu virgo ob periculum animæ non teneretur ire, ac proin neque cogi posset a Republica. Si tamen nullo alio modo posset incolumitas publica servari, hoc casu posset virgo illa excludi Civitate, ut eat quo velit, cum non teneatur eam protegere cum suo extremo malo, præsertim cum juxta n. 437.) violenta oppressio virginis possit ex parte huius fieri sine animæ periculo, si consensus internus subtrahatur. Sacramenta tamen extradi tyranno non possent, etiam ad evitandum extremum Civitatis malum, idque ob periculum scandali publici, & gravissimi contemptus rerum Divinarum, quem etiam Ethnici inter maxima crimina habuerunt; teste D. Aug. Epist. 64. & 71. ac *heresi* 69.

488. Ad naturalem legem de innocente non occidendo spectat præceptum de non procurando *directe* in se ipsa, vel altera persona *abortu*. Hæc quippe graviter delinquit, idque sive fetus sit *animatus*: quia est verum homicidium, *sive non*: quia tendit ad occisionem hominis; & est contra naturam generationis, dicente *Tertull.* in apolog. c. 7. *Neque refert, natam quis eripiat animam, an nascentem disturbet.* Naturali hac ratione permoti Legislatores, huiusmodi criminis reos veros esse homicidas declarant, ut liquet ex c. *Si aliquis, de Homic.* ibi: *Si aliquis causa explende libidinis, aut mulieri ad potandum dederit, ut non possit generare, aut concipere, vel nasci soboles, de homicidio tenetur.* Idem iustitiz rigor colligitur ex L. *Si quis aliquid, §. qui abortionis, ff. de pæn. ubi statuitur: Qui abortionis, vel amatorum pocnium dant, & si dolo non faciant, tamen quia mali exempli res est:*
humi-

humiliores in metalia damnantur: honestiores in insulam, amissa parte bonorum relegantur. Quodsi mulier, aut homo perierit, summo supplicio afficiuntur.

Nec refert, quod *fetus non sit forte animatus*: quia non licet procurare pollutionem directe ad declinandum periculum mortis: igitur multo minus directe licebit procurare abortum ad avetendum periculum infamiz. Nam pollutio non est licita, quia semen ex natura sua est ordinatum ad propagationem speciei humanz: Atqui *fetus inanimatus* adhuc magis proxime a natura est ad eundem finem ordinatus, quoniam ex semine primum fit *embryo* &c. Fetus igitur inanimatus & semen in matricem receptum, habet sicut alter homo in potentia proxima, & reductive. Si ergo non licet per medicinam directe expulsivam procurare abortum fetus animati, neque licet, quo ad fetum nondum animatum.

Recte proin ab Innoc. XI. damnata est propositio 34. *Licet procurare abortum ante animationem fetus, ne puella deprehensa gravida occidatur aut infametur*: Ac propositio 35. *Videtur probabile omnem fetum, quamdiu in utero est, carere anima rationali* &c. Quz etiam omnia ad suadentem, & cooperantem extenduntur.

489. Innocentem adhuc lædit, qui *infantem*, vel hominem *languidum* pro derelicto exponit. Et quidem infantium expositio *parricidio* propinqua, atque adeo simpliciter homicidio peior est, utpote qua vel mors infantis per expositionem intenditur, vel *per accidens* non raro sequitur. Factum hoc eo gravius detestatur natura rationalis, quo evidentiùs agnoscit id esse innato amori erga prolem contrarium. Cum neque bestiz suos partus relinquunt, imo leones, ursi, lupi aliæque feræ, etiam cum suz, vel alienæ vitæ periculo eas humana interdum industria sublatas defendunt, & recuperant. Ut recte dixerit ethnicus Ictus in L. necare 4. ff. de agnosc. & alend. liber. *Necare videtur non tantum is, qui partum prefocat: sed & is, qui abjicit, & qui alimonia denegat: & is, qui publicis locis misericordiz causa exponit, quam ipse non habet.*

490. Quam ob rem sicut *infantium*, ita & *languidorum*, ac *infirmorum* quorumcumque, & cujuscunque ætatis existant, est jure naturali prohibita expositio, si ab exponentibus *languidi sustentari* & *ali* possunt. Quia illi non tantum in extrema proximi necessitate non succurrunt: sed etiam quantum in ipsis est, occidere videntur, ut patet ex adducto
textu,

textu, *nerare*, & *Can. Pasce* 21. dist. 86. Atque hæc dicta sunt de non lædendo in bonis corporis proximo innocente: sed oritur quæstio:

§. V I.

An saltem nocentem & malefactorem licet occidendo ledere? Et num etiam adulterum?

491. **D**Ubi-um hoc eximit certa omnium responsio: quod extra casum necessariz defensionis, de qua a n. 420.) egimus, nulli sit permissum malefactorem occidere, nisi auctoritate publica, & iuris ordine servato. Lex enim naturalis, ejusque Auctor DEUS non permittit interficere malefactores, nisi ob bonum Reipublicæ: sicut non permittit amputare membrum proprium, nisi ob salutem sui corporis; procuratio autem boni publici vindicativa & justitiz administrativa pertinet ad publicam potestatem, quæ est in Principe & Magistratu: ad hos igitur spectat eos & vivos tollere. Quod etiam declaravit DEUS ipse *Exod. 22.* & Apostolus ad *Rom. 13.* ubi de Principe & ejus Magistratu, ac Judice ait: *non frustra gladium portat.*

492. Quamvis vero interdum licitum sit occidere publicos hostes, quales sunt latrones, proscripti, ban- niti &c. nihilominus occisio illa non alia sit auctoritate, quam publica, concessa a Principe, qui eam dare potest, quando alia via malum averti nequit, aut si criminis convictus delinquens ad terrorem aliorum secus puniri non posset.

493. Hinc autem concludes: Non licere Marito propria auctoritate occidere uxorem in adulterio deprehensam, aut adulterum; etiamsi hic fuerit persona vilis, contra quam sentiat *Jul. Clarus* §. homicidium n. 48. & seq. cum aliis non paucis. Neque enim subest causa sufficiens ad id concedendum in statu Civitatis, ubi adest legitimus Magistratus, qui justitiam administrare tenetur & potest. Ac proinde occisionem hujusmodi nulla insuperabilis necessitas urget, qualis dari interdum solet in subitanea aggressionem vitæ, ubi *res non patitur moram*; neque implorationem auxilii Magistratus, sive Judicis.

Cum igitur Adulter deprehensus non injiciat violentas manus in Maritum supervenientem, ille potest capi, accusari, & per sententiam puniri, quin privata auctoritate occi-

occidatur. Alioqui sine perimente necessitate exponeretur manifesto periculo salus animæ ejus, & læderetur caritas Christiana, hominem imparatum & impœnitentem occidendo. Unde etiam juxta proscripta est ab *Alex. VII.* propos. 19. *Non peccat Maritus occidens propria auctoritate uxorem in adulterio deprehensam.*

494. Neque obstat *l. Patri 20. ff. ad legem Jul. de adul.* ubi Patri datur jus occidendi adulterum cum filia sua peccantem, dummodo filia hæc juncta sit matrimonio, maneatque in Patris potestate, & ut zelosus Pater eodem impetu occidat filiam & adulterum, si possit, faciatque id in domo sua paterna, vel Generi, ac eos deprehendat actu in opere turpi. Imo per *cit. l. 20.* ac per *l. si adulter. necnon l. Marito 24. cum per l. Grachus 4. cod. ad legem Jul. de adulter.* conceditur etiam Marito potestas occidendi adulterum cum sua uxore deprehensum. Quod etiam permisit Lex XII. Tabular. *Mechum in adulterio deprehensum necato*, ut refert ex aliis *Covarr. de Matr. 2. p. c. 7. §. 7.* Quæ lex etiam multo ante Athenis viguit lata a *Dracone & Solone*, teste *Plutarcho* in *Solon.* Porro adductæ leges dicuntur a suis Patronis dare hanc auctoritatem, & constituere Parentem & Maritum veluti executores justitiæ, ut proin non videantur facere privata: sed publica auctoritate.

Non obstant inquam hæc. Quia citatæ Juris positivi dispositiones mere permissive, utut aliquam verisimilitudinis speciem habere videantur: illæ tamen moralem certitudinem de licentia actionis, qualis omnino requiritur, ubi de vita hominis, & animæ ejus salute res est, prorsus non faciunt, multo minus restringunt naturalem legem, homicidia, præter casum necessariæ defensionis vitæ supra expressum, privata auctoritate attentanda prohibentem, quod hunc in modum demonstratur.

Nam *l. Ne quidem Jure Cæsareo* permittitur Maritis occidere uxores adulteras: sed tantum adulterum, & tunc uxorem jubentur accusare in judicio puniendam, ut testatur idem *Covarr. loc. cit. & colligitur ex l. 22. §. ult. ff. ad legem Jul. de adulter. necnon ex l. 24. pr. ff. eod. tit.* ubi datur quidem facultas Marito occidendi adulterum: sed eum, qui *Judicio publico damnatus, neque in integrum restitutus est*, ceteros occidere ille absolute prohibetur.

495. Et quamvis olim aliquamdiu promiscue licentia

hæc

hæc ab Atheniensibus introducta vigerit, quemvis sine discrimine occidendi, nihilominus *Augustus* sustulit, ut refert *Suetonius* in *Augusto*. Patri tamen permisit quidem ille ut occidat filiam simul cum adultero. Hæc ipsa autem variatio & perplexitas Legum sufficiens præbet indicium, ex illis nihil certi contra vitam adulteri concludi posse extra ordinem judiciale. II.) Quomocunque contendat quis leges prædictas habere nunc suum vigorem in occidenda a Patre filia, vel a Marito persona peccante in adulterio deprehensa, reperiet saniozem & majorem partem Eruditorum, qui probant sanctiones hujusmodi fore iniquas, si id permittant *approbative*, dando scilicet licentiam pro foro conscientie. Uti constat ex *Can. Inter hæc 6. caus. 33. q. 2.* ubi *Nicolaus I.* expresse declarat ejusmodi occisionem non licere. Et ita docent *D. Thom.* in 4. d. 37. q. 2. ar. 1. *Henric. Gandavens.* quodlib. 5. q. 31. *Covarr.* in Epit. p. c. 7. §. 7. n. 12. *Tholosan.* l. 36. Syntagm. c. 6. *Mol. tr.* 3. d. 7. *Lugo* de Just. d. 10. n. 91. Ac *Barbosa* de homicid. refert pro hac sententia 48. Auctores sui ævi, contra *Jul. Clarum* loc. citat.

496. *Rationem* negatæ hujus licentiæ dat ipsummet jus civile in l. 136. ff. de R. J. ubi ait: *Non est singulis concedendum, quod per Magistratum publice POTEST expediti.* Præclare *D. Aug.* l. 2. de adulterin. conjugis c. 15. dicit: *Postremo quero abs te, an Marito Christiano liceat, vel secundum veterem DEI legem, vel Romanas, adulterum occidere? (alii legunt: abjicere; sed male)* Et post pauca ait: *Si quod verius dicitur, non licet homini Christiano adulteram conjugem occidere: sed tamen dimittere, quis dicat tibi, fac quod non licet, ut tibi liceat, quod non licet? Cum enim utrumque secundum legem Christi illicitum sit, sive adulteram OCCIDERE, sive illa vivente ALTERAM DUCERE, ab utroque abstinendum est.*

497. Leges igitur, si quæ forent contrariæ in materia morum, in naturali justitia fundatorum, rationi dissentaneæ, correctæ sunt a Jure Canonico, quo ad licentiam auctus occisionis. Id tamen *Julio Claro* & sequacibus ejus permitti potest, quod in foro externo Judex homicidam hujusmodi mitius punire possit, aut interdum a pœna criminali absolvere, ob vehementiam impetus & doloris, quo impellente adulterum, vel uxorem peccantem occidit, prout etiam notat *Lugo* l. c. n. 96. Quod ipsum asserit de occisione Clerici

vici in adulterio deprehensi, quem occidens licet peccet; tamen Excommunicationem non incurrit; doloris vehementia eum excusante. Talis quippe legum Civilium permissio cum sit mere *negativa*, quatenus scilicet actionem criminalem; seu civilem contra eum non recipiunt, nec poenam decernunt, teste *Molin. de J. & J. tr. 3. d. 99. pr.* tolerari potest ad detestationem criminis, & terrorem aliorum. Quod ipsum & solum etiam colligitur ex *L. si adulterium §. Imperator, ff. ad legem Jul. de adulter.*

§. VII.

An ledere censendus sit proximum; qui eum cogit ad bibendum?

498. **E**Brietatem & ingluviem jure nat. vitatam ostendimus a n. 363.) Alia jam oritur quaestio, an ille ledere proximum suum; atque adeo naturalem legem transgredi dicendus sit, qui alterum alioqui temperantem & abstemium, qua importunis precibus, qua exprobratione ingratiitudinis, ignavia; aut animi non satis addicti, qua minis, aliisve mediis cogit ad bibendum, seu potius provocat ad aequales calices exhauriendos?

Provocationem hanc, seu Potatorum certamen eleganter describit *D. Ambr. de Elia & jejun. c. 13. Primo* inquit, *minoribus poculis velut velitari pugna praeluditur. Verum haec non sobrietatis est species: sed disciplina bibendi; ut irritem sitim, &c. ergo ubi recalere coeperint, poscunt majoribus poculis, fervor inardescit, &c.*

In eundem sensum *D. Aug. serm. 231. differit: Majora pocula providentur, certa bibendi lege contenditur; qui poterit vincere, laudem meretur ex crimine.*

Præclare etiam *Apulejus florid. 3.* totum certaminis hujus ordinem enarrat, eumque ad certos reducit gradus, seu bibendi regulas, dicens: *Prima cratera ad sitim pertinet: secunda ad hilaritatem: tertia ad voluptatem: quarta ad insaniam.*

De hac igitur quarta quæ ad insaniam est, cratera, præsens vertitur quaestio, an ita ad potandum provocans ledat proximum, consequenter jus naturæ? Et responsio affirmativa non minus prompta quam certa est. Quia provocatio hujusmodi continet per se quid alienum a ratione, & in

& in moribus turpe. Nam regula bibendi hoc casu statuitur non sana ratio, non necessitas naturæ, non bona valetudo, non animi vigor, aut sensuum alacritas: sed mera levitas animi, & tum provocantis venter, tum provocati, qui importunam humanitatem hanc velit, nolit, cum suæ sanitatis dispendio pati cogitur, ne amicum, vel aliam, quæ se provocat, personam offendar, ab eaque male tractetur, vel ei displiceat.

499. Hinc provocatio hujusmodi inter gravia contra legem nat. delicta reputatur, si provocans eam faciat *animo se vel alterum inebriandi, vel si advertat, aut facile advertere possit, inde in seipso vel altero ebrietatem secuturam*; etiam si *non eo animo faciat*: nisi forte causa aliqua iusta excuset. Qualis v. gr. esset, si aliqui meditentur prodicionem Civitatis in *certam horam*, aut occisionem innocentis *prestituto tempore*; vel aliud simile grave machinentur malum. Hoc casu non violabitur lex nat. si illi ad liberales haustus provocentur eo fine, ut ita bene poti vel dormiant, vel inhabiles hic & nunc reddantur ad prava molimina in opus deducenda. Jure quippe naturæ e duobus malis insuperabilibus minus eligere permittimur.

Illicitæ etiam ad bibendum provocationis reus convincitur ille, qui animo alterum inebriandi, aut probe intelligens eum facile inebriari posse, exhaustis crebros vel luculentos quidem calices: sed impletos aqua colorata, vel alio potu, qui inebriare bibentem non potest, compotator autem ad bibendum provocatus cogitur bibere v.g. vinum generosum & ad inebriandum efficax. Tali convivio interfuerat olim Poeta *Martialis* a *Pontico* Cive Romano invitatus, quem cum ille deprehendisset in arte bibendi astutum, sibi scilicet parcentem, alios autem inebriare vino generoso meditantem, considerato ejus calice, quod hic ex materia opaca confectus fuerit, reliqui vero Convivæ vitris pellucidis bibere jussi sint, ingeniose accinquit, *lib. 1. Epigr.*

*Nos bibimus vitro, tu mytro: Pontice quare?
Prodat perspicuus ne duo vina calix.*

500. Jus naturale manifeste prohibuit hujusmodi artes bibendi, & alios ad *ebrietatem provocandi*, quam legem inter primos exacte implevit Rex *Assuerus*. Ille, uti perhibet *Sacra historia, Esther 1. Fecit grande convivium cunctis principibus*

bus & pueris suis fortissimis Persarum, & Medorum inclutis, & praefectis provinciarum coram se. Hi jucundi omnes hilaresque regia utebantur munificentia: bibebant qui invitati erant, aureis poculis, & aliis atque aliis vasis &c. Vinum quoque abundans & praecipuum ponebatur. In tanta autem, quod mireris! rerum copia & Principis profusa liberalitate, nullus repertus est, qui ad potandum provocaret: Nec erat qui nolentes cogeret ad bibendum; sed sicut Rex statuerat, proponens mensis singulos de Principibus suis, ut sumeret unusquisque quod vellet, &c.

Nihilominus, quia naturalis haec observantia contrariis moribus in discrimen adduci visa fuit; hinc factum est, ut Augustissimi Imperatores in variis Recessibus Imperii Constitutiones dictaverint moderantes computationes immodicas, coactiones ad bibendum & provocationes. Prout id patet ex Recess. Ann. 1500. Auguste, tit. 28. de Computat. Ac ex Recess. Ann. 1530. tit. 8. de reform. posit. Auguste: Pariter ac ex Recess. Coloniae Ann. 1512. tit. 4. §. 3.

Porro causa, quae Augustissimos Legislatores hos ad praedictas sanctiones dictandas permoverat, haec fuerat inter alias, quod illi ex hujusmodi convivii magna in Rempublicam mala inveliri posse adverterint, ac praeter primis blasphemias, juramenta, contentiones, dissidia, caedes, demum pauperatam & inopiam cum incolumitatis jactura, ne aliquando irreperant, praepedire conati sint.

501. Pro harum legum exactissima custodia, & simul contra computationes hujusmodi acriter detonans eruditissimus Jctus Besoldus th. pr. lit. T. n. 43. hunc in modum perorat: Perniciosissima illa hodie pro salute alienjus bibendi ratio, vulgo adeo invaluit, ut ingratus & injurius erga alterum putetur, qui erectus, uno haustu, plerumque grande poculum pro ejus salute ebibere, & se inebriare recusat. Sed audiant isti salutis potatores Ambrosium qui Lib. de Elia & jejuniis c. 17. sic scribit: Quid obestationes computantium loquar? quid memorem Sacramenta, quae violare nefas arbitrantur? Bibamus, inquiunt, pro salute Imperatorum, & qui non biberit sit reus in devotione: videtur enim non amare Imperatorem, qui pro ejus salute non biberit. O! pia devotionis obsequium; bibamus pro salute Exercituum, pro Comitum virtute, pro filiorum sanitate. Et haec vota ad DEUM pervenire iudicant, sicut illi, qui calices ad sepulcra Martyrum deferunt, atque illic in vesperam bibunt, & aliter se exaudiri posse non
Jus Nat. & Gent. A a cre-

credunt. O! stultitiam hominum, qui ebrietatem sacrificium putant; qui aestimant illos ebrietate placari, qui jejuniis passionem sustinere didicerunt. Ita Besoldus.

Consultum sane foret, si non tantum memoria: sed & attenta ratio haberetur illius versiculi *Oveniani*:

Non est in pota sæpe salute salus.

502. Et illius, quod Sapiens monet *Ecclesiastici* 37.v. 34. *Propter crapulam multi obierunt: qui autem abstinens est, adjiciet vitam.* Experientia etiam testis est, haud raro magnas clades rebus publicis illatas contingere, Militibus ac Ducibus inter comotationes oppressis ab hoste, permultas quoque & insignes victorias hostibus adversariorum suorum ebrietate partas esse, nemo est qui neget. Porro vel hæc sola pericula malorum sufficerent, ut prædictæ comotationes lege nat. fuerint prohibitz, per quas nedum privati Cives læduntur in sanitate, vita, corpore & anima: verum etiam bonum publicum ingens detrimentum patitur.

§. VIII.

Quæ læsio proximi Jure nat. prohibetur quo ad BONAM FORTUNAM?

503. **J**ure nat. inhibita est omnis voluntaria læsio proximi in bonis fortune, quæ fieri potest per furtum, rapinam, fraudem, contractus iniquitatem, ac damnum dolo malo datum. Quod contractus concernit, cum læsio hæc pugnet contra officia *hypothetica*, deca, pariter & de damno, *Art. IV.*) agemus, ubi per suas proprietates singula specificè exponentur. Loquendo autem hic & nunc in genere, sicut *restitutio*, seu redditio, & damni illati compensatio ad tres radices, id est tria læsionis capita, ita & injuria proximo in ejus bonis illata ad tres fontes, seu læsionis causas bene reduci potest. Scilicet, potest ei injuria irrogari I.) Per *injustam acceptionem*, seu prout alii cum *Haun.* tom. 1. f. 94. n. 140. melius explicant, *per læsionem juris alieni* formaliter & theologice injustam. II.) Per *rem acceptam*. III.) Per *contractum*.

504. Per *injustam acceptionem*, seu læsionem juris alieni theologice injustam proximo fit injuria non solum furtive res ejus contrectando: sed etiam *damnum* quodvis dolo per violationem, destructionem rei, aut aliter dando. Prout fit per omne homicidium, adulterium, stuprum, ra-

rapinam, infamiam, vel aliud factum *iniquum*, ex quo *aliquid damnum* in rebus ejus sequitur. Quicumque enim alteri damnum *dolo malo* infert, aufert aliquid ab eo, & sic dicitur teneri ratione injustæ acceptionis, seu *lesionis juris alieni*, pro: tenetur v. g. adulter, si ex ejus iniquo concubitu Marito proles nata est, quam hic sustentare cogitur, putans esse suam. Quia damnum hoc inferendo violavit æqualitatem, quam poscit *justitia commutativa*, & exigit absolutum & perfectum officium hominis erga hominem. Ut igitur æqualitatem illam resarciat, tenetur lege justitiæ ad restitutionem, etiamsi forte damnum illud *damnificanti* non fuerit *lucrosus*: sed in mera violatione, aut destructione rei constiterit, sufficit enim quod rei domino destructio hæc vel juris læsio damnum pretio æstimabile attulerit.

Per *rem acceptam* infers injuriam, non solum tunc, dum rem alienam *dolo malo* contrectatam retines (hæc enim læsio ad *primam* illam radicem spectat) sed etiam dum bona quidem fide; & putans esse tuam accepisti, vel ab alio datam usucapere inchoasti, prius quam tamen præscriptio compleretur, in notitiam rei alienæ devenisti. Quo etiam referuntur res inventæ, si sufficiens in investigando domino suo *diligentia non sit adhibita*, quamvis alioqui tempus præscriptioni determinatum elaberetur, quia tunc deest bona fides.

Si item rem, quæ v. g. *facto* tui Parentis ex justitia alteri debita est, apud te retines, veluti legatum, vel rem donatam, venditam alteri, tibi autem traditam ut eam suo legatario, donatario, emptori restituas: obligaris *ex re accepta*. Licet enim hæc & similia non injuste acceperis, ubi tamen vel in notitiam rei alienæ devenisti, vel mutasti animum, quo minus alteri reddendam rem reddas, irrogas injuriam, cum habeas plus quam tuum sit, & verus Dominus, cui res debebatur, habeat minus: ut igitur fiat æqualitas justitiæ, debet restitui.

305. Per *contractum* inique initum, vel non impletum sicut irrogari potest injuria, ita ex eodem oriri solet restitutionis obligatio. Et quamvis plerique solis *duabus* prioribus *radicibus* contenti, inter fontes restitutionis non faciant contractus mentionem, nihilominus post Jælos & Naturalistas, cum cum *Lesio*, *Haunoldo*, & aliis admittunt etiam multi I.T. eo quod *restitutio*, seu *damni dati*

compensatio generatim acceptam, sine hac *tertia radice* explicari nequeat, ac proin nec læsio proximi in bonis ejus ex causa stipulationis, promissionis, contractus vel pacti facta exponi *adequate* possit.

Ratio est, quia is qui obligatur v.g. ex *stipulatione*, pacto aut *promissione acceptata*, non tenetur ex *injussa acceptione*, neque ex *re accepta*, obligatur tamen adhuc ad reintegrandum & reparandum jus alterius læsum, pro æqualitate rei. Quod ipsum patet in *mutuo*, *pretio rei emptæ* & similibus. Cum enim fieri possit, ut res hæ non extent, neque eas ini-que acceperis, non obligaris ex *injussa acceptione*, ut per se patet, non etiam ex *re accepta*: tanto minus ex *quasi accepta*, liquidem non extat; & tamen teneris ad restitutionem: Igitur ex contractu; ad quem reducuntur omnia pacta, stipulationes, promissiones, & *vota realia* &c.

Quod etiam firmatur *praxi* omnium Tribunalium, & Juris Romani dispositione, quæ distinguit obligationes ortas ex stipulatione, pacto & contractu tanquam *personales*, ab obligationibus ex *re accepta*, & *injussa acceptione*, tanquam *realibus*, quæ præbent fundamentum vindicationis rei Domino suo obligatæ, apud quemcumque possessorem fuerit.

506. Huc etiam facit ipsum discrimen inter enumeratas res læsionum causas, & restitutionis radices. Quando enim aliquid debetur ex *injussa acceptione*, vel ex *contractu*, v.g. *mutui*, manet obligatio restitutionis, etiamsi res debita pereat sine nostra culpa, quia *debitor generis* vel *ex desicto*, nullo rei interitu obligatione liberatur, l. 11. C. si certum petat. ibi: *Incendium ære alieno non exiit debitorem*, juncta l. si te bonis 10. C. de jure delib. ac l. 35. ff. de contrab. empt. juxta quos textus *genus perire non potest*, sicut neque res inique ablata. Quamdiu enim damnum ad æqualitatem justitiæ commutativæ reparatum non est, jus nat. eam exigere de bonis damnificanti propriis non cessat. Quando autem debetur tantum *ratione rei acceptæ*, vel *quasi acceptæ*, non manet tunc obligatio, re absque nostra culpa pereunte, ut omnes fatemur in caso v. g. rei alteri donatæ, quæ meis consignata fuerat manibus, ut eam donatario traderem; interea sine omni mea culpa per latrones mihi erepta est.

507. Neque dixeris, admissa *tertia causa*, seu *radice* restitutionis, quæ ex *contractu* deducitur, sequeretur admi-
scu

tendas etiam plures alias, scilicet *quartam* ex damno dato injuria formali, *quintam* ex eodem damno dato sine formali injuria, *sextam* ex delicto vel quasi, *septimam* ex quasi injusta acceptione, *octavam* quasi ex contractu, *nonam* ex re quasi accepta.

Nam R. non sequi hanc pluralitatem. Quia ad priores tres causas & radices omnes hæ referuntur. Si enim damnum formali injuria, id est cum *culpa theologica* datum, v. g. si malitiose alterius gemmam projicias in flumen, aut frangas speculum (quale *damnum* vocatur damnificanti *infructuosum*) vel si easdem res alienas non jam destruas: sed tibi appropries (quod damnum damnificanti *fructuosum* dicitur) utrumque refertur ad injustam acceptionem, seu *lesionem juris alieni* theologice injustam. Quod si damnum *non lucrosus* datum fuerit sine injuria formali, seu theologica, prout fit, dum v. g. alienum vitrum frangimus sine ulla prorsus nostra culpa formali, ac mero casu, vel cum culpa tantum juridica; tunc refertur ad *leges noxales* tantum. Quia jus nat. hic versatur non nisi circa damnum peccaminose illatum aut durante obligatione contractus, ut infra dicitur.

Casu autem quo damnum datum quidem foret, sine ullo peccato tuo, tibi tamen *lucrosus* seu *fructuosus* fuerit, v. g. quia per invincibilem errorem rem alienam ut tuam bona fide accepisti, eamque retines agnoscens nunc esse alienam, refertur hoc damnum ad obligationem restitutionis *ex re accepta*.

508. Obligatio item *ex delicto*, v. g. ex *malitiosa* occisione alieni bovis, incendio domus, homicidio &c. reducitur ad radicem *ex injusta acceptione vel quasi*, seu *lesione juris alieni* &c. Dummodo culpa theologica in delinquendo intercesserit: alioqui proveniens ex sola culpa juridica, refertur ad *leges noxales*.

Obligationem autem *quasi ex delicto* contrahit, qui sua culpa saltem juridica omisit scire, quod tenebatur, v. g. Judex, Advocatus &c. ob culpabilem muneris sine juris pericia susceptionem damnum inferens alteri. Hæc autem obligatio reducitur ad eandem radicem, ac si foret *ex delicto*.

509. Jam vero *quasi ex contractu* tenetur ille, qui obligatur ex *tacita*, seu præsumpta conventionione, ex qua mediante facto aliquo producit obligatio. Ita obligatur heres ad

res realia, legata, aliaque onera sui Auctoris: Judex ad iuste judicandum: Princeps ad protegendos subditos suos jxc. Verum hæc obligatio *reducitur* ad eam, quæ oritur *ex contractu*.

510. Demum per rem *quasi acceptam* lædis proximum, & ad restitutionem ex eadem radice teneris; si v. g. rem non quidem accepisti ab eo, vel ex ejus mansione, hanc tamen ille in tua domo diversatus imprudens reliquit ex mera oblivione, quam *agnitam ut alienam* teneris reddere domino suo, perinde ac si inventa a te extra domum tuam foret. Obligatio tamen ista non ad aliam radicem spectat, quam ad illam *secundam*, quæ est *ex re accepta*, at utraque eodem legis nat. privilegio gaudet, quod scilicet non maneat restitutionis onus *pro foro animæ*, re absque culpa nostra pereunte, ut mox fusius ostendetur.

§. IX.

Quid Jus nat. disponat circa reparationem damni?

511. **T**Risariam contingere potest, ut damnum alteri nostra culpa inferatur. I.) Si quis teneatur ex officio impedire, & negligat. II.) Si ex contractu. III.) Extra officium & contractum quidem: nostro tamen aliquo facto accedente. Quocunque ex his tribus modis detur aliquod damnum alteri, id fieri potest non tantum ex *dolo malo* (qui culpam *theologicam*, seu ut aliis placet, *latissimam* constituit, sive hæc mortifera, sive venialis tantum fuerit) sed etiam ex culpa solum *juridica*, eaque lata seu latissima, levi, aut etiam levissima.

Culpa *in genere*, est *omissio alicujus diligentia*, unde sequitur aliquod *incommodum*. Culpa *lata* seu latissima, est omissio ejus diligentia & circumspectionis, quam homines ejusdem conditionis adhibere communiter solent. Veluti si quis pallium alterius commodatum relinquat foris ante suam domum.

Culpa *levis* est omissio ejus diligentia & circumspectionis, quam solent *diligentiores* ejusdem artis vel professionis adhibere. Veluti si rem commodatam inferas quidem cubiculo tuo, non tamen eam reponas in *loco tutiore*, quo exteri hospites non ita facile perveniunt.

Culpa *levissima* est omissio diligentia, quam *diligentissimi*

fimi & prudentissimi adhibent. Ut si vestem commodatam reponas quidem in loco apud te separato, & bene claudas; non tamen te reflectas ad fenestras a terra non satis remotas, non crate ferrea munitas, pessulum quoque non pericliteris, an fores bene cohæreant postibus, nec ne, & utrum serratura sit satis firma. His suppositis.

512. Communior opinio est, damnum damnificanti *non lucrosam*, sine culpa theologica datum, *spectato jure mere naturali*, ac *secluso contractu vel quasi*, ante sententiam Judicis nullam parere in conscientia obligationem ejus reparandi, seu compensandi.

Excipiunt quidem plerique culpam juridicam *latam* seu latissimam, volentes ex hac semper teneri in *foro anime*, eo quod putent culpam hanc non posse committi sine advertentia sufficiente ad peccatum, eamque quatenus *lata* est, semper conjungi cum dolo malo & culpa theologicæ *gravi*. Verum hæc theorica præsumptio in praxi sapissime est falsa. Nihil enim vetat, quin aliquis ita sit perturbatus; vel abstractæ mentis, ut rem v. g. commodatam, sine omni advertentia imprudens, vel ex mera oblivione relinquat in loco omnibus patente, v. g. in platea, nullo modo se reflectens ad periculum ejus interitus. Quo casu committet culpam *latam juridicam*, qui tamen doli mali, ac consequenter culpæ theologicæ damnandus sit, siquidem nulla sibi prorsus advertentia incidit, nec forte incidere ob gravissimam perturbationem, aut facti errorem potuit.

513. Hinc rectius alii statuunt, *nullam culpam* etiam *latam* seu latissimam, quamdiu *juridicatantum* est, inducere *ullam obligationem* damni compensandi ante sententiam, si nullum in ea peccatum theologicæ tale a dolo malo inseparabile contra justitiam intervenit. Quidquid sit, quod *spectato contractu, vel quasi contractu, officio, legibus positivis, ac consuetudine introducta* detur hujusmodi obligatio, etiam pro foro interno, & ante omnem sententiam. Quod tamen an semper locum obtineat; decidemus *Art. IV.* ubi examinanda veniet questio; qualis culpa præstanda sit *in contrahibus &c.*

514. Ratio nostra est. Quia I.) In foro conscientie illo casu nulla commissa est injuria, & injustitia: igitur in hoc interno foro non datur ulla obligatio. Hæc enim pro hoc foro ex sola formali injustitia damnum inferentis oritur. II.) Actus hujusmodi non sunt *moraliter voluntarius*

damnificanti, utpote nec in re, nec in sua causa ullo modo prævisus, aut intentus: alioqui infantes, & amentes ex tali damno dato tenerentur ad reparationem ejus.

515. Facit huc III.) quod, qui ita damnificat alterum, neque teneatur *ratione contractus, vel quasi*, aut *ex officio*, cum hæc non supponantur in eo hoc casu; neque *ratione rei acceptæ*, seu *dolosa juris alieni læsione*, cum sine omni peccato formali damnum sit secutum: Igitur cum actus sine omni culpa theologica commissus, pro foro mere interno habeat se perinde ac casus fortuitus: hinc sicut nemo dicitur obligari in conscientia ante omnem sententiam ad reparandum damnum, si res aliena apud eum existens fulmine tacta interierit, dummodo ille non fuerit *in culpabili mora restitutionis*, aut *casus etiam fortuitus* non sit *in contractum deductus*, ita neque obligabitur in casu præallegato.

516. Nec stringet argumentum, si dixeris: Ex hac decisione sequi *incendiarium*, qui volens incendere domum Petri, erravit, incenditque domum Pauli, ad nullam damni compensationem teneri, siquidem Petro nullum intulit, Paulo autem intulit quidem: sed sine culpa theologica, quia per merum facti errorem invincibilem.

Contra enim est, quod falso labores supposito, in utroque dicto casu defuisse peccatum, ac proin neque deesse debet obligatio restitutionis, non quidem Petro præstandæ, cui præter solam nocendi voluntatem, nullum re ipsa damnum datum est, bene tamen Paulo, cui damnum licet errore quidem, tamen *voluntarie* illatum est. *Ratio* hujus: Quia tota quantitas damni incendiario est *voluntaria*, quod autem sit hujus, vel illius damnum, non est necesse me scire, ut jure nat. obligatio compensationis imponatur. Sicut quando quis damnificat communitatem, non ideo excusatur, quod nescierit quinam sint in communitate.

§. X.

Quid disponat lex nat. circa grave damnum datum cum voluntate nocendi, aut advertentia semideliberata, seu venialiter tantum peccaminosa theologice?

517. **D**Uæ sunt opiniones circa hunc casum. *Primado-*
cet, damnum hujusmodi in foro conscientia
com-

compensandum: sed non integre, verum ad proportionem culpæ. Ratio primi affertur: quia hoc casu radix, unde restitutionis obligatio oritur, est *injusta acceptio*, vel *læso*: qui autem per venialem injuriam damnum infert, *is injuste lædit*: igitur refarcire debet, & quidem *sub obligatione gravi*, si materia restituenda notabilis sit. Nam certum est, mortaliter peccare eum, qui notabilem quantitatem ex justitia restituere obligatus sine justa causa intermittit.

Quo etiam facit, quod cum *alteruter* ex duobus damnum subire cogatur, æquius sit illum pati qui aliquo modo nocens, & moralis causa damni est, quam qui omnino innotens.

Ratio *secunda* datur, quod cum injusta damni illatio causam restitutioni præbeat, consequens est, ut *secundum quantitatem* injuriæ *formalis* tanquam causæ, sit etiam restitutionis effectus. Si igitur injuria *formalis* consistat in culpa tantum *levi theologica*, seu *veniali* peccato, damnum illud materiale non jam totum, neque integre: sed tantum ad proportionem culpæ *formalis*, quæ non nisi *venialis* fuit; compensandum erit ante Judicis sententiam. Alioqui post hanc totum damnum refarciendum, si judex decreverit. Ita cum alijs *Mol. tr. 2. tom. 3. poster. d. 698. n. 7.*

518. Altera opinio putat, præscindendo a contractu, vel quasi contractu, ex culpa theologica veniali ob defectum deliberationis, sufficientis diligentiae, aut advertentiae non oriri gravem sub *mortali*, 2.) Imo neque sub *veniali* peccato obligationem, ante Judicis sententiam, compensandi damnum grave. 3.) Nisi forte *adverterit* ad malitiam illam levem, & leve damnum secuturum, tunc enim *id tantum* tenetur sub *veniali* compensare, quod prævidit.

Ratio *primæ* partis allegatur, quia quando damnum infertur voluntate semideliberata, *gravitas damni* qua talis non est *voluntaria*, cum non sit sufficienter cognita: igitur non fundat obligationem compensandi damnum grave. Demum *culpa venialis non est perfecta injuria*: ac proinde nequit perfectam obligationem restitutionis gravis damni inducere, qua obstringat sub *mortali*. Non enim potest esse obligatio major in suo ordine, quam fuerit injuria, ex qua nascitur, in ordine suo. Hinc talis damnificans ratione imperfectionis actus excusatur a restitutione sub gravi obligatione præstanda.

Partis *secundæ* ratio datur. Obligatio in materia gravi non po-

potest esse, nisi sub gravi peccato: pendet enim obligatio ex materiæ gravitate, posito præcepto naturali, vel positivo. Mirum enim esset hominem sub veniali solum obligari ad compensandum damnum *decem millium aureorum*; nec posse hoc peccato liberari, nisi proponat compensare: Atqui in casu gravis damni cum semiplena advertentia illari, adesset obligatio in materia gravi compensandi v. g. damnum 10000. aureorum, deberet igitur esse sub gravi peccato: porro non esset sub gravi, quia ut volunt contrariæ sententiæ AA. esset tantum sub veniali, adeoque non esset simpliciter ulla, utpote involvens contradictionem.

Demum, quia cum solum venialis culpa in damno dato intercessit, censetur damnum quasi fortuito obvenisse, quod fragilitati humanæ frequens est. Ita sentit *Silvest. v. culpa. n. 6. Sotus l. 4. de J. & J. q. 7. a. 7. & l. 5. q. 1. a. 9. Petr. Navarr. l. 2. c. 1. n. 47. Quos sequuntur Card. de Lugo, Haun. & alii.*

519. Utraque sententia *solida & tuta* ab eruditissimis Viris defenditur: Interim prior huic alteri in praxi videtur esse præferenda, utpote in *materia injuriæ* tertii tutior, æquitatque naturali magis accommodata. Quo etiam facere potest propositio 38. damnata ab Innoc. XI. *Non tenetur quis sub pœna peccati mortalis restituere, quod ablatum est per pauca furtiva, quantumcumque sit magna summa totalis.*

Porro hujus propositionis Patroni docebant non obligari sub gravi peccato ad restitutionem eum, qui post præmissa levia furtiva adjungit ultimum, de se quidem leve, in sensu tamen composito cum prioribus, notabilis quantitatis constitutivum. Quorum fundamentum erat, ideo talem furem non obligari ad restitutionem sub gravi, quia singulis illis furtis peccavit tantum venialiter: videtur autem esse *improportio* inter culpam levem & obligationem gravem, seu inter peccatum veniale in damnificando commissum, & inter onus refarciendi damnum sub gravi. Pro ut patet a pari in illo, qui ex aliqua injuria venialiter peccaminosa non extinxit lumen, inde fuerit exortum incendium, & domus conflagravit. Qua tota ratione non obstante doctrina horum Patronorum proscripta est: igitur &c.

520. Quanquam forte responderi possit, ex damnata propositione hac nihil verisimile concludi contra assertam *alteram*

teram opinionem ex *Silvestro*, *Soto*, & aliis eruditissimis Viris adductam; idque propter latissimam disparitatem, pariter ac falsitatem suppositi. Damnatæ enim propositionis Patroni docuerunt, primo) per ultima furta minuta peccari tantum venialiter, si quis advertat per conjunctionem horum cum præcedentibus deveniri ad summam notabilem, secundo) putarunt illi, quod fur iste non teneatur sub gravi reparare totum damnum, si res successive in modica quantitate sublata, apud se formaliter, vel in æquivalenti restent. Quod falsum est; cum hoc casu teneatur ex re accepta, casu autem priori siquidem advertit conjunctionem ultimi furti cum præcedentibus, tenebatur ex injusta acceptance.

Nihil autem simile est, in adducta opinione *Silvestri*, *Soti*, & aliorum. Imo eorum sententia manifeste in contrarium excipit, dicens: *Nisi forte adverterit ad malitiam illam levem, & leve damnum secuturum &c.*

Ultimo tandem, damnata propositio procedit de damno fructuoso damnificanti, utpote delinquenti per subtractionem rerum alienarum: Contra vero, utraque sententia, quam hic retulimus, procedit de damno infructuoso, seu in destructione rei alienæ consistente, ut si quis alterius geminam semideliberate in flumen projiciat, unde ipse nullum fructum seu commodum consequitur. Alioqui si res non destruitur: sed extet, aut si periculum interitus rei & damni proximi adhuc impediri potest, nullus dubitat eum obligari sub gravi onere ad impediendum, quantum potest, & restituendum quantum extat.

A R T I C U L U S III.

De officiis erga proximum ortis ex ipsa justitia naturali, sine suo vel alterius facto, promissione aut contractu, iisque affirmativis, perfectis & absolutis.

S U M M A R I U M.

- 521. Connexio hujus cum præced. Articulo exponitur.
- 522. Quando & qualem Amorem proximus exigere possit?
- 523. An officia debita proximo sint officia primævi status nature?
- 524. Quæ sint officia perfecta absoluta legis nat. affirmativa?
- 525. &c.

525. &c. *Afferuntur exempla legis nat. negativæ & affirmativæ.*
528. &c. *An detur nat. obligatio defendendi alterum cum proprio vitæ periculo?*
531. *An teneatur ad restitutionem, qui non defendit proximum?*
532. *Quinam ex iustitia tenentur defendere proximum?*
533. *In extrema necessitate non tribuens an agat contra iustitiam?*
534. *Qui scandalizat non tenetur ex iustitia ad restitutionem.*
535. &c. *Referuntur tres sententiæ circa non tribuentem in extrema necessitate.*
538. &c. *Eligitur sententia mediâ inter duas ultimas. Et probatur.*
541. &c. *Respondetur contrariis rationibus.*
544. *An Filius Religionem ingressus teneatur Parentes alere?*
545. *Ille nequit Religionem ingredi, si gravi inopia Parentum præveniatur.*
546. *Fratres & sorores non tenentur sustentare.*
547. *Si Parentum inopia prævenit ingressum: filius potest egredi.*
548. *Non tamen si hæc inopia Professioni filii superveniat.*
549. *Hoc casu cura Parentum spectabit ad alios.*
550. *In extrema Parentum necessitate tenetur omni modo succurrere.*
551. *An adstet obligatio veritatem dicendi proximo? Et an liceat mentiri?*
552. *Veridicitatis indoles exponitur.*
553. *Explicatur natura mendacii, ejusque divisio.*
554. *Protestantium doctrinâ circa licentiam mendacii.*
555. *Probatum omne mendacium esse contra legem naturæ.*
556. *Refelluntur Protestantium errores.*
521. **C**onstat jam ex præcedente *Articulo a n. 462.*) Officia erga proximum perfecta in genere bina esse, scilicet, alia *Negativa*, ne quempiam lædamus, de quibus hucusque tractavimus: alia *Affirmativa*, ut jus suum cuique tribuamus, quæ nunc exponenda aggredimur. Porro inter hæc & illa id discriminis est, quod *negativa* semper obligent. Hinc vi hujus præcepti: *Nemo est lædendus sine iusta causa*; nunquam proximum licebit odisse, qua noster proximus est; non tamen semper tenemur eum actu amare, qua noster proximus est; cum hæc altera obli-

obligatio descendat a præcepto affirmativo, quod non pro omni instanti obligat, uti ex infra dicendis colligi poterit.

Sive tamen positive præstemus ei aliquem favorem, sive non, tenemur adhuc qua dictis, qua factis eum non lædere. Contra vero præcepta Affirmativa naturalia etiam perfecta & absoluta obligant quidem nos ad amandum proximum, ei succurrendum, veritatem illi dicendam, honorem convenientem exhibendum: at non semper pro semper, Quo fit, ut officia illa negativa consistent in abstinendo ab injuria proximo inferenda: Affirmativa autem fundentur in faciendo, aut dando, præstando illi aliquid de nostro. Quia vero hæc ex ipsa naturali dispositione variam recipiunt limitationem, hanc ob causam conatus noster erit præsentem Articulo exponere, quando ex naturali justitia teneamur proximo Jus suum tribuere in eo amando, & consequenter exhibendo illi officia amoris jure naturali absolute debita? Reliqua vero imperfectæ amoris officia, quæ scilicet non fundantur in debito naturali rigore præcepto, colligere licebit ex Art. V. ubi de imperfectis officiis agemus.

§. I.

Quando, & qualem amorem exigendi a nobis Jus proximus noster habeat?

522. **A** Mor, dilectio, caritas synonyma sunt: amare autem, diligere, seu caritatem erga alterum habere, nil aliud est, quam alicui bonum velle. Amoris ita descripti duo sunt præcipui actus, benevolentia, & beneficentia. Illa consistit in actu interno bonæ voluntatis erga proximum: hæc autem in actu exteriori. Est enim beneficentia exterior amicitie vel caritatis actus. Hinc diligere cum possis, aut tenearis, paradoxum est & inutile, ut merito dixerit D. Ambrosius super Epist. 2. ad Cor. Ficta caritas est, quæ deficit in adversitate. Quis autem nomine proximi, qui diligendus sit, veniat? recte exposuit D. Aug. ad Martian. Proximus in hoc loco non sanguinis propinquitate: sed rationis societate pensandus est, in qua socii sunt omnes homines. Nam si pecunie ratio socios facit: quanto magis ratio naturæ, non negotiandi: sed nascendi lege communi.

523. His

Adæquata igitur responsio colligi potest ex n. 259.) ubi innuimus, omnia & sola officia proximo exhibenda fundari in *debito naturali*, ac necessario esse præstanda, quæ si culpabiliter omittantur, ita omittentem constituunt aliquando non solum *iniquum*: sed etiam *formaliter* ac *proprie injustum*, & quandoque tantum *formaliter iniquum* iniquitate proveniente ex violatione legis nat. Et quidem intuitu legis nat. *negativæ*, prohibentis: ne *quisquam sine justa causa ledatur*, omnis læsio proximi constituit nos nondum *iniquos*: sed etiam *formaliter* ac *proprie injustos*, per quam ejus *conditio* (in bonis sive corporis, sive fortunæ, ex quibus damnum temporale pretio æstimabile, aut *justura famæ* sequitur) fit *deterior*. Tunc enim delinquimus etiam contra justitiam nat. particularem, seu ut ajunt, commutativam. Quæ vero nullo modo conditionem ejus deterioiorem faciunt, inferendo ipsi aliquod damnum *pretio æstimabile*, aut famæ detrimentum &c. illa licet etiam sine jure nat. prohibita, talia tamen committentem non faciunt *formaliter* ac *proprie injustum*: sed tantum *iniquum* contra legem nat. universalem.

525. Ita v. g. mendacium *perniciosum*, quo damnum *reale* inferitur proximo per testimonium falsum in Judicio depositum, constituit *proprie* delictum contra *rigorosam justitiam* naturalem, seu *particularem*, facitque testem falsa deponentem non tantum *iniquum*: sed & *proprie injustum*. Contra vero, mendacium *mere officiosum* est quidem etiam contra legem naturalem: verum *universalem* tantum, seu contra *jus naturale legale*, hinc non est contra justitiam *proprie* talem naturalem, seu *rigorosam*. Ita proin mentientem facit *iniquum* contra legem nat. non tamen *proprie* ac *formaliter injustum*, cum non peccarit contra justitiam *propriam* seu *rigorosam* ac particularem, quam alii *commutativam* dicunt. Et sic de aliis similibus legis nat. transgressoribus, & transgressionibus.

526. Jam vero respectu ejusdem legis nat. quæ *affirmativæ*, præcipientis ut *unicuique jus suum tribuatur*; pauca admodum intuitu proximi sunt, quæ ita in *debito naturali* necessario fundentur, ut actus hujusmodi omittentem faciant *formaliter* & *proprie injustum*, nisi ea sola, quæ si ei a persona alioqui copiam præstandi actus, & obligationem hujusmodi habente malitiose non præstentur, conditio illius aliquod detrimentum in bonis *pretio æstimabili-*
bus

bus sic passura. Talia officia *affirmativi* juris nat. perfecta & absoluta sunt, v. g. in *extrema*, vel quasi extrema proximi necessitate, qua alimentis, qua defensione (quando hac commodè fieri potest) vitam ejus conservare : veritatem in judicio competente pro eo deponere si testem agas, pariter ac jurare secundum rectam conscientiam sine præjudicio proximi: arcana alterius fidei tuæ committere religiose tenere, nec ea in damnum ejus famæ, vel fortunæ modo illicito revelare, & similia alia cum jactura bonorum pretio æstimabilium vel famæ connexa.

527. Reliquæ autem *affirmativi* præcepti nat. obligationes, & actus practici amoris hoc jure imperati, sunt utique materia, seu objectum legis naturalis, cum ab hac præcipiantur: nihilominus non spectant ad *justitiam* naturalem *proprie ac rigoroſe* sumptam, seu *particularem*: verum ad *mere legalem*, quæ ab aliis naturalis universalis dicitur, quatenus scilicet debentur ex *sola virtute morali* lege nat. præcepta. Uti patet in actibus caritatis proximi extra casum extremæ vel quasi extremæ necessitatis, interdum sub gravi obligatione ei exhibenda, quin tamen vel proximus habeat jus *rigorosum* actus hujusmodi exigendi, vel eas omittens, præter *iniquitatem*, committat etiam formalem *propriam ac rigorosam* injustitiam. Qualem alias probabilius commisisset, si in extrema necessitate eos, habita succurrendi copia negasset.

Demum ostendimus a n. 74.) esse præterea alios actus *beneficentiæ*, & *benevolentie* erga proximum, qui sunt *mere decentie*, vel consilii, & spectant potius ad *majorem perfectionem moralem* hominis, quam ad naturalem obligationem.

§. I I.

Utrum adsit naturalis obligatio defendendi alterum contra injustum invasorem, cum proprio periculo?

528. **N**on desunt, qui cum *Silvestro v. Homicidium* i. q. 9. respondent, saltem eos, qui ex officio tenentur ad defendendum alterum, uti est Princeps, Magistratus, Prætor, Milites obligatos esse cum *proprie vite periculo* tueri quemvis alterum *privatum* hominem: sed communior opinio est L.) Quod nemo teneatur vitam hominis

hominis privati defendere cum probabili vitæ suæ periculo, etsi jure possit defendere, si velit. Ac proin II.) idem procedit de Principe, Prætorē, Magistratū &c. Ratio *primi* est, quia non est fundamentum obligationis, quo adstringar exponere vitam meam pro vita corporali proximi: Cum enim hunc teneam diligere sicut meipsum, possum vitam diligere meam præ vita cujusvis *privati*. Alioqui non servarem legem ordinatæ caritatis, prout ait D. Aug. l. de mendacio ad Consentium, c. 6. *Si quis pro alterius temporali vita suam ipsam temporalem perdit, non est jam diligere illum, sicut seipsum: sed plusquam seipsum.*

Hinc neque pro defensione Parentis teneor mori, licet id esset laudabile. Contrarium tamen dicendum est, si periclitetur persona Principis, unde pendet boni publici conservatio. Tunc enim vi pacti taciti oritur hujusmodi obligatio, pro viribus & conditione uniuscujusque subditorum.

529. Ratio *secundi* est; non enim officium Principis, vel Prætoris &c. obligat, ut pro homine *privato* vitam exponat: sed tantum ut pro *bono publico*, cujus proprie & directe est custos. Quo fit, ut cum periculo vitæ teneatur hostes Reipublicæ & latrones e medio tollere, non autem causam *privati* cum eodem discrimine persequi.

Imo *privatus* neque tenetur vitam alterius *privati* tunc defendere, quando id fieri nequit *sine occisione invasoris*. Quia ubi mala sunt paria, nemo tenetur unum malum inferre, ut excludat alterum, cum ab alterutro, vel utroque abstinere possit: Atqui in casu proposito sive invasus ab invasore, sive hic a me occidatur, vel demum ego ab invasore, utrumque malum est, ac vitari potest; non est igitur fundamentum obligationis, qua ego teneor ad cruentam hanc defensionem; præsertim cum etiam propriam vitam meam, qua *privatus* non obliget tueri per mortem alterius, juxta nu. 413.) Alioqui si invasor alterius foret Parens meus, deberem eum occidere ad defendendum proximum: quod tamen repugnat pietati filiorum in Parentes, ac potiori ratione in Principes, *etiam injustos* aliorum vitæ aggressores, quos privato occidere non licet, juxta superius probata.

530. Si tamen saltem *Principem & Parentem* excipias, non caret gravi fundamento sententia contraria docens, *Jus Nat. & Gent.*

jure nat. te obligatum esse, ut vitam hominis innocentis præferas nocentis: atque adeo deberes, si commode possis, occidere latronem, ut manibus ejuseripias viatorem. Quod insinuat etiam Sapiens Prov. 24. *Erue eos, qui ducuntur ad mortem, & qui trahuntur ad interitum, liberare ne cesses.* Hoc quippe velles tibi ipsi præstitum, si in simili periculo verferis. Sed quæritur:

§. I I I.

An Jure natura teneatur ad restitutionem, qui cum commode possit, non defendit proximum?

531. **C**ertum est, eum qui ex justitia obligatus fuit defendere, & non defendit, teneri ad restitutionem. Nam lege justitiæ rigorosæ obligatus, si omittat actum, peccat contra justitiam: consequenter tenetur ad damnum ex omissione illa secutum. Sicut enim dum quis ex commissione actus inhonesti, v. g. furti delinquit contra justitiam, tenetur ad damnum ex commissione hac secutum: ita etiam dum omissione actus contra justitiam deliquit, obligatur ad damnum inde proveniens. Qui tamen non tenebatur ex justitia defendere, & non defendit vitam, vel fortunas proximi dum commode potest, peccat quidem graviter contra caritatem, quæ eum obligat ut in tali proximo *ex virtute* succurrat: non tamen tenetur ad restitutionem. Quia peccata, quæ contra *solan caritatem* fiunt, ad restitutionem non obligant.

532. Verum redit quæstio: qui igitur sint illi, qui lege *justitiæ* rigorosæ teneantur alios defendere? Aliqui cum *Navarr.* cap. 24. num. 18. putant omnes Superiores ad hoc teneri erga inferiores, & vicissim hos erga illos. Communius tamen docetur, non omnes Superiores, sicut nec quosvis inferiores ad mutuam hanc defensionem obstringi: sed aliquos solum. Et quidem I.) omnes illi Superiores, qui *publica auctoritate* ad aliorum gubernationem præditi sunt, obligantur *lege justitiæ* ad defensionem, idque *juxta modum & finem* cujusque gubernationis, ut sunt *Principes, Magistratus, item Episcopi, & Parochi*. Nam hi quoque ex officio ad hoc tenentur, *secundum modum suæ potestatis, & media* gubernationis, ac in ordine tantum ad *spiritualia*, ne subditi doctrina prava inficiantur, &c.

II.) Obligantur ii, qui ad hoc potestate Magistratum, vel Principum sunt constituti, uti *Tutores, Curatores*. III.) Qui ad hoc specialiter conducti, ut *Milites, Advocati, Gubernatores* &c. IV.) Illi, qui ad hoc se explicite, vel implicite obligarunt, ut *Vasalli* & omnes *famuli*.

Alii non videntur obligari *ex iustitia*. Nam Parens non tenetur defendere vitam, & fortunas filiorum lege *iustitiæ*; sed *pietatis* tantum, & officii paterni, pariter filii non tenentur Parentum vitam defendere lege *iustitiæ*; sed *pietatis* filialis. Pari ratione *Parochiani* non tenentur Episcopum & *Parochum* *ex iustitiâ* tueri, quia hoc officium non susceperunt: sed solum lege *observantiæ* obligantur. Et subditi qui *neque sunt vasalli, neque stipendiarii*, non tenentur Magistratum, vel Superiores suos defendere lege *iustitiæ particularis*: sed *legalis*, & etiam *observantiæ*, quamvis Superiores & Magistratus eos *ex iustitiâ* defendere teneantur.

§. I V.

Id extrema necessitate non tribuens proximo, an agat contra iustitiâ rigoroſam, vel caritatem?

333. **N**obilis quæſiti huius decisio pendet ex eo, an in extrema necessitate adsit obligatio succurrendi proximo *ex iustitiâ particulari*, an certe tantum *ex virtute*, seu lege naturali *universali* præcipiente amorem proximi? Nam generalis statuitur regula, quod contra hanc, & non aliam virtutem agat: homo non impediens grave malum proximi; ex cuius virtutis præcepto tenebatur impedire. Ita si imminente periculo naufragii; præter nautam alii quoque adsint, qui navem liberare possint, & sine iusta ratione voluntarie negligant: solus nauta cui ratione officii sui incumbit navem liberare, *contra iustitiâ particularem* peccabit; atque ad damni reparationem tenebitur, alii autem solum contra caritatem delinquent, unde restituendæ obligatio non oritur.

334. Pari ratione si tuo malo exemplo alterum moves ad furandum, seu ad aliud damnum injustum tertio inferendum: tale damnum tibi *indirecte voluntarium* censetur.

Quia illud impedire poteras, & debebas, abstinendo ab actione, ex qua intellexisti alterum perversa sua voluntate

occasionem damnificandi accepturum: tamen ad restitutionem non teneris, cum non deliqueris adversus justitiam particularem seu commutativam: sed solum contra caritatem, peccato scandalii. His suppositis.

335. Ad propositam questionem tres sunt responsiones, *Prima* communior absolute *negat* quem obligari ex *justitia* ad succurrendum proximo extreme indigenti: sed ex *sola* virtute caritatis. Ratio I.) hujus opinionis est. Quia bona tunc sunt communia, non quo ad dominium: sed *quo ad usum*. Et etiam, II.) quia dives non obligatur hoc casu, nisi ad eleemosynam: Atqui eleemosyna non fit ex *justitia*, Demum III.) Quia alias sequeretur, quod dives teneatur ad restitutionem, & ad damna secuta reparanda, quod in hac sententia *negatur*.

*Alter*a opinio absolute *affirmat*, ex hoc medio: Quia DEUS bona dedit divitibus sub onere, ut in necessitate dispensent egenis: Igitur ex hoc quasi contractu innominato: *do ut des, do ut facias*, tenentur divites ea bona sic elargiri indigentibus, adeoque ex *justitia* rigorosa. Quod etiam facit, quod non dare sic egenti, sit homicidium, ut asserunt, ne dum Christiani Doctores cum *D. Ambrosio* (apud Gratianum c. Pasce, d. 86. *Pasce fame morientem: si non pavisti, occidisti*) sed etiam Ethnici sapientes, e quibus ait *Seneca* l. de benefic. *Qui succurrere perituro potest, cum non succurrit, occidit*: Atqui homicidium est contra *justitiam*: Igitur &c.

336. Alterius hujus sententiae Patroni ad rationes prioris opinionis respondent: Titulum caritatis esse compossibilem cum titulo *justitiae*, sicut si debeam tibi *centum*, & incidas in pauperatatem, solvens centum satisfacio titulo caritatis & *justitiae*, nec ideo debebitur restitutio ejus quod dari omissum est, si transierit necessitas, quia debitor erat tantum pro circumstantiis necessitatis, & quasi conditionale: igitur delinente necessitate desinit, atque hac responsione omnibus tribus supra allatis momentis satisfaciunt praedicti alterius sententiae Auctores, qui cum *Petr. Hurtad. Carden.* in crisi d. 20. nu. 26. admittunt, eum, qui negavit casu praallegatae necessitatis eleemosynam, obligari ad compensationem damnorum, si quae inde secuta sint, ea-que *praevis*a fuerint, aut facile praevideri potuerint.

337. Tertia opinio respondet cum distinctione, scilicet in *extreme* indigente esse verum *jus justitiae* ad ea bona

arti-

arripienda, quamvis in possidente non sit obligatio iustitiae ad ea danda, sicut ante divisionem bonorum quisque habebat jus ea sibi acquirendi, quamvis nullus teneretur ea tradere. Quia, veluti si res aliqua sit communis, tu ante illius occupationem non habes jus iustitiae, quo alii obligentur eam tibi tradere: ita etiam extreme pauper non habet jus iustitiae impediens alios, ne ea re utantur, vel cogantur ad eam offerendam: sed tantum habet titulum, ut eam occupatione possit facere suam, &c.

538. Conformando tamen hujus quaestionis decisionem iis, quae de translatione dominii in extrema necessitate surreptorum resolvimus hic supra a num. 405.) statuenda videtur cum *Adrian. Navarr. Tolet. Sarmient.* quarta sententia aliquid ex ultimis duabus nunc adductis participans, eaque *media* inter eas. Quod scilicet 1.) dives contra iustitiam delinquat, si pauperi in extrema v. gr. famis necessitate non subveniat, eumque mori sinat. 2.) Quod si autem extrema illa proximi necessitas tanta foret, ut praeter alimentum, aut nuditati contegendae aptum vestimentum, magno indigeret pretio ad eam arcendam, etiam hoc casu dives, si commode potest, tenetur ex iustitia eidem succurrere: pauper tamen ubi ad pinguiorem fortunam venerit, pretiosum huiusmodi subsidium (nisi donatum sit, vel praesumatur) tenebitur restituere, seu compensare, si & quando poterit, solo usu sub compensationem non cadente contentus, quem habuit in sua extrema indigentia; ut probatum est a numer. citat. 405.)

539. Ratio utriusque partis est, quam etiam prima illa contraria sententia praeter suam intencionem fatetur. Quia scilicet bona fiunt tunc communia quo ad usum juris, puta, quo ad res saltem pretiosiores: nam ad modica comestibilia absolutum jus illi asseruimus citat. num. 405.) Atqui usus juris prout distinguitur ab usu solius facti, est species dominii utilis, ut liquet ex tot. tit. Inst. de usu, & in eo impediendo potest committi furtum, ac vera injuria, §. furtum 6. Inst. de Oblig. quae ex delictis & ibidem *Schneider.* cum aliis. In casu igitur extremae verbi gratia famis pauper habet jus petendi panem, quem dives possidet, & miser ille vel tacite, vel expresse postulat: Consequens est, ut ei injuria inferatur denegando, quia contravenitur juri ejus. Et quidem quod

ad panem resque similes usu solo consumptibiles minoris pretii, vix puto aliquem posse ambigere; bene vero circa res magni pretii, sed & hæc dubitatio facile tolli potest ex allata ratione.

540. Cum enim juxta n. 405.) ac etiam *primæ* sententiæ Patronos, in extrema necessitate redeat *primæva* communio rerum, saltem quo ad usum eorum, & salva substantia illorum, quæ solo usu non consumuntur, aut si pretiosa, eaque jam consumptæ fuerint; salva compensatione, quando hæc fieri potest: aperte sequitur, pauperem *extreme* indigentem, etiam ad pretiosiora a divite petenda jus usus habere, si aliter vita conservari nequeat.

Res exemplo declarari potest. Si v. g. saviente gravissima fame Xenodochium constans 30. pauperibus inedia proxime emorituris, postulet cibaria a ditissimo Principe, Magistratu, vel quovis *privato*, subsidium alimentorum hoc omnino pretiosum pro tam numerosa communitate postulat; nihilominus si hoc *inique* negetur, aut ne *extreme* indigentes surripiant, positive impediatur, ac ita homines illi emori fame sinantur, opulentissimus iste, qui impedit, etiam *contra justitiam* delinquet, adeo ut ad damna quoque heredibus reparanda obligetur, si illa fuerint *prævisa*. Tum quod tali casu negata illis res sit *debita*, utpote cujus *dominium usus* pro his circumstantiis habuerunt; & dives poterat sine suo saltem *notabili* damno subvenire; cum enim non teneatur hoc etiam casu pretiosa donare, potuit dare *mutuo*, vendere minore pretio, &c. Tum quia, si ita indigentem etiam ne raperet prohibuit, violavit jus illius. Nam ut recte D. Thomas 2. 2. qu. 78. art. 1. docet, *in illis rebus, quæ usu consumuntur, cuicunque conceditur usus* (puta absolutus & independens ab alio) *conceditur etiam res ipsa ejusque dominium saltem revocabile, vel limitatum, ut transeunte necessitate solvat estimationem rei consumptæ*. Unde etiam idem D. Thom. colligit, in mutuo talium rerum non posse exigi *usuram*, idest pretium usus, distinguunt a pretio rei.

541. Nec stringit momentum *primæ* sententiæ, quod eleemosyna non debeat ex justitia. Patet enim ex dictis, titulum caritatis esse compossibilem cum titulo justitiæ, ac casu *extreme* necessitatis proximi, intuitu illius, qui commode subvenire potest, non jam vi caritatis *præciso* ex sola virtute provenientis: sed potius ex justitia par-

ticu-

ticulari rigorosa obligatio nascitur, cum ita indigens habeat *utile dominium* usus, atque adeo tunc cessat titulus eleemosynæ proprie sumptæ, & oritur titulus *debiti rigorosi*.

342. Hinc Polydorus Virgilius de Invent. l. 6. c. 3. ait: *Eleemosynam non uno humanitatis, vel liberalitatis genere metiri licet*, &c. Certum quippe est, nomine Eleemosynæ denotari omnem misericordiam, ac sumi *pro beneficentia*, seu omnibus officiis dilectionis proximi, quæ in *secunda Tabula* nobis commendantur. Inter hæc autem multa sunt ea, quæ ex *justitia* eidem debemus. Neque enim pro his habemus *tertiam* tabulam ad quam reducantur.

343. Nec refert, si dicas, non peccare te contra justitiam, sed tantum contra caritatem, si imminente naufragii periculo sinas interire alienam navem, non adjuvans Nautas, quos commode juvare poteras: igitur nec dives aliter delinquit. Nam contra est, quod dives *ratione rei possessæ*, ad quam pauper in extrema necessitate jus *aliquod* habet, subvenire ex justitia obligatus sit, quomodo non es obligatus domino navis: sed soli Nautæ, & ii ad quos ex speciali officio spectat.

§. V.

An filius Religionem professus vi Legis nat. teneatur Parentes gravi vel extrema necessitate pressos sustentare, aut Religionem deserere, eos juvandi causa?

344. **C**ertum est, quod si filius nondum sit professus Religionem, intrare eam non possit, si parentes ejus *gravi* premantur necessitate dejiciente eos a suo statu, ita cum v. g. sint nobiles, oporteret eos mendicare, aut servire, cum dedecore Familiæ: & filius ipse nequeat eos juvare, nisi manendo in sæculo, ac providendo afflictis. Tunc enim jure nat. tenetur eos alere, etiam non expectata extrema, vel *quasi extrema* indigentia. Hoc quippe est *præcepti* naturalis, ingressus autem Religionis est tantum *consilii* legis Evangelicæ. Ita D. Th. quodlib. 3. ar. 6.

345. Id tamen filio nonnisi *regulariter*, seu tantum ut plurimum permissum non est. Quia si adsint circumstantiæ, ut non possit diutius in sæculo permanere sine dispendio *salutis sue æternæ*, & probabili periculo peccati letalis, hoc casu periculum proprium spirituale animæ,

posset præponi periculo temporalis indigentia Parentum , præsertim cum hi versentur *tantum in gravi* , & nondum in extrema , vel quasi extrema necessitate . Jure enim etiam naturæ *servandus est ordo pietatis & caritatis* , ac magis spectanda sunt mala animæ æterna , quam corporis cujusvis hominis temporalia . Quod tanto magis habet locum , si filius possit subvenire per alium :

Quæ autem de Parentibus dicta sunt , eadem procedunt de liberis respectu alimentorum , quæ his debent sui parentes , quamdiu filii seipso sustentare adhuc non possunt :

546. Non tamen Religiosi hujus obligatio est erga Fratres & Sorores , cum non sit inter illos ulla dependentia , sicut est inter parentes & liberos . Parens enim liberis alimenta debet jure nat. quia sunt fructus ejus , quibusdedit esse , hinc debet eis conservationem & educationem , donec se possint juvare : Ut videmus in volucris , quæ suos pullos alunt , quamdiu nido exclusi incipiunt volare , & escam propria industria conquirere . Debentur igitur alimenta a parentibus filio , quia hic est veluti pars ipsorum , hinc tenentur eum alere , sicut seipso . Filius vicissim debet id parentibus , quia hi sunt principium ipsius , & radix unde accepit esse : Igitur *lege pietatis & gratitudinis* obligatur . Sorores autem & fratres nullum simile , jure nat. spectato , habent inter se vinculum , vi cuius *specialiter* obligentur .

547. Neque anceps est , juxta Navarr. c. 14. n. 14. quod filius si profiteatur Religionem , parentibus , vel uno eorum in *gravi* necessitate supra explicata *jam constituto* , teneatur egredi , *si aliter* ei subvenire non possit . Nam ingredi non poterat obligatione subveniendi *jam contracta* , & ingressum *preveniente* . Nihilominus professio non censetur irrita : sed suspensa executio ejus , quoad votum *pau-
pertatis & obedientie* , donec parentibus providerit ; Joam Major in 4. d. 38. q. 2. cum aliis .

548. Eo autem casu , quo *gravis inopia* parentum ex improvise *supervenit* Professioni filii *jam factæ* , non tenetur quidem egredi , dante rationem D. Th. h. c. & 2. 2. q. 101. ar. 4. ad 4. : Quia per *mutatum statum* jam mortuus est mundo , & spirituali morte deobligatur a cura impendenda parentibus : sicut etiam deobligaretur per mortem corporalem . Unde non peccat in Monasterio manens sub obedientia Prælati , parentum administratione prætermissa , quia

quia factus est ad eam inhabilis sine sua culpa, ex quo inopia illa parentum *nunc primum* post Professionem suam incidit. Sicut si esset conjunctus matrimonio, non deberet deserere uxorem, ad subveniendum parentibus.

549. Cura autem hoc casu spectabit ad alios propinquos, vel ad Magistratum. Si tamen velit, potest egredi obtemperantia licentia Prælati, ut tradit D. Thom. loc. cit. & Cajetan. ad eund. tum Navarr. Commentar. 3. de Regular. num. 44. Non tamen Prælatus negans hanc licentiam egressus tenebitur de bonis Monasterii ex *justitia* subvenire illis parentibus, cum jam pateat, neque filium ipsum ita obligatum fuisse, neque idem Prælatus obligatur ad *necessario* dandam egressus prædicti licentiam in casu *supervenientis* indigentia parentum, alioqui facile forsitan Religiosis evacuarentur Monasteria, & aperiretur via libertati cum periculo jactura spiritus & disciplina regularis.

Cum tamen juxta D. Angelicum Professus hujusmodi manendo intra claustrum teneatur curare, quantum potest per alios subvenire suis Genitoribus, consequens est, ut per leges caritatis etiam Prælatus, quantum sine Monasterii gravamine, & religiosa vitæ dispendio fieri potest, *obligetur* non impedire suum hunc subditum in industriis *honestè* adhibendis. Atque hæc procedunt de necessitate *non extrema*: sed *minori*, in qua parens utcuq; vivere, licet cum *magno incommodo* potest.

550. In *extrema* tamen parentum necessitate, si hæc aliter cessare nequeat, tenetur filius omni modo subvenire, etiam egrediendo *ad tempus* ex Religione, petita tamen Superiorum licentia, et si non obtenta. Hoc enim casu urget *absolutum* præceptum naturæ, quo filius jubetur illis *innata pietate* succurrere, ac proinde obligationes juris *naturaliter hypotheticæ*, quales sunt, quæ oriuntur ex Professione, illam impedire non possunt quoad egressum; manente tamen tota obligatione redeundi ad Monasterium negotio illo, cessatione *extremæ* parentum necessitatis, finito. Richard. Joann. de Neap. Silvest. verb. Religio 2. quest. 7.

§. V I.

An proximus noster habeat jus aliquod exigendi a nobis veritatem in dicendo & agendo, tamquam sibi lege nat. debitam? Et an semper hæc exhibenda sit, quin aliquando mentiri liceat?

351. **V**eritas juxta *Aristot.* 1. 2. *Metaph.* est *adequatio rei ad intellectum*, seu conformitas actus cum objecto, & judicii ad rem judicatam. Verum conceptus hic bene explicat veritatem in *cognoscendo*, non item in *dicendo* seu *significando*, quæ sola hic & nunc est objectum nostræ considerationis, diciturque *Veridicitas*. Ista accipitur hoc loco pro virtute, quæ procurat, ut in sermone, scriptura, gestibus aliisque signis locutioni æquivalentibus, sit veritas saltem *secundum nostram conscientiam*, seu prout nobis verum esse videtur. Veridicitatis igitur hujus naturale officium est, ut procuret conformitatem linguæ & mentis, signorum nempe externorum cum interno judicio nostro, dicente *Seneca* *Epist.* 76. *Hæc sit propositi nostri summa: quod sentimus loquamur, quod loquimur sentiamus. Concordet sermo cum vita. Ille promissum suum implevit, qui & cum videas illum, & cum audias idem est. Videbimus qualis sit, quantus sit, an unus sit. Non delectent verba vestra: sed profint.*

Cum itaque conformitas mentis nostræ cum signis & verbis Jure nat. debita sit: sequitur quod veritas, seu *veridicitas* hæc sit debita quodammodo proximo nostro, *non semper ex parte ipsius*, sicuti Venditori ab Emptore debitum est pretium pro re vendita, & benefactori debetur gratitudo: sed debita est *ex parte nostra*, ne nos turpes simus, & ob mendacia vel illicitam veritatis suppressionem parum idonei ad vitam civilem. Nam *primo* per se turpe est linguam a mente discedere. Deinde, sine veritate & veridicitate vita socialis commode stare nequit, *Cicerone* *l. offic.* 3. optante, *ut ex vita humana sublata sit omnis simulatio, & dissimulatio.*

Debitum itaque hoc dicendæ veritatis, si loquamur abstrahendo ab omni alia obligatione, est solum *morale*, seu ex *honestate virtutis* proveniens. In contractibus autem, depositione judiciali testium, sententia Judicis & aliis actibus versantibus circa injuriam tertiæ debita est *ex justitia*, eaque non

non mere legali naturali, quam universalem diximus: sed ex particulari, seu *proprie* dicta ac commutativa. In *jurando* autem debita erit ex *sola religione*, si juramentum non cadat supra actum, qui sit circa justiciam commutativam: Alioqui nedum ex *religione*, sed etiam ex *justitia rigorosa* veritas hujusmodi adesse debet.

Ex quibus colligi potest, quod ne proximo *unquam mentiamur*, sit obligatio *absoluta* naturalis *perfectum* constituens officium, utpote proveniens ex *præcepto negativo*. Ne scilicet ille ladeatur qua dictis, qua factis nostris. Ac proinde proximo *mentiamur ullo modo*, ille habet jus exigendi id a nobis, pariter ac ne illum odio etiam *mere interna* prosequamur, &c. Contra autem, ut ei veritatem dicamus, neque ille *semper* habet jus id a nobis exigendi, neque nos pro semper obligamur, ut mox constabit ex ulteriori deductione.

552. Ita explicatae virtutis hujus munus præcipuum est I.) Dirigere nos, ne quid contra judicium mentis verbis, scriptis, aut gestibus significemus, seu *ne mentiamur*, & ad hoc obligamur *præcepto naturali*, eoque *negativo* perfecto ac absoluto semper & pro semper. II.) Patefacere judicium mentis. Id autem alterum cum proveniat ex *præcepto nat. affirmativo*, hoc nos *non pro semper* obligat. Nam sæpe expedit mentem non aperire, sed occultare, quando id exigat *justa causa*, & veritatis occultatio *absque mendacio* fieri potest, quidquid sit, quod alter, qui nullam jus requirendæ a nobis veritatis habet, *ambigua* locutione nostra, vel signo *in utramque partem explicabili* fallatur. III.) Virtus hæc jubet nos inquirere veritatem rei, quando aliquid absolute affirmandum, vel negandum est. Qui enim affirmat, vel negat quod ignorat, aut dubius est, ille non est verax, sed *temerarius*, cum dicta non sint conformia menti aliter sentienti. IV.) Exequi promissa: id enim necessarium est ad veritatem promissionis, quanquam ad hoc magis ex *virtute fidelitatis*, quam veritatis obligemur circa executionem promissionis extra materiam *justitiæ rigorosæ* procedentis, qualis est in contractibus, votis *realibus* acceptatis &c. in mere *personalibus* autem similibusque aliis, si DEO promissi sint actus: ex *Religione* simul & fidelitate, alias ex *sola fidelitate* ut plurimum obligamur. Contra autem, in actibus *justitiæ rigorosæ* non jam ex fidelitate tantum: sed ex *justitia* tenemur.

553. Quo etiam facilius hic explicetur pars altera quæ fiti ; *An aliquando mentiri liceat* : supponendum est , quod mendacium juxta D. Aug. in *enchirid.* cap. 22. sit locutio (vel alia signi sensibilis exhibitio) *contra mentem loquentis, aliudve signum exhibentis ; alteram fallendi causa*. Sicut autem non solum lingua : sed etiam scriptura , gestu , nutu , aliave significatione quis mentiri potest , ita si non *fallendi animo* , seu ut sibi credatur , id faciat , mendax non est . Alioqui omnes Auctores illi , qui in theatro modo Jovem tonantem , modo verum Imperatorem , Regem , Patrem , aut quidquid aliud quod non sunt , affirmant , mentirentur , imo cum id sæpius etiam jurato asserant , forent quoque perjuri , quod absit .

Triplex vero est mendacium , nempe *perniciosum* , quod profertur *animo fallendi* ut obsit . *Officiosum* , quod dicitur *animo fallendi* ut prosit . *Jocosum* ; quod profertur *animo fallendi* ut delectet : Nisi forte hoc proferatur in iis circumstantiis , ut neque loquens intendat quatenus suis dictis fides ab aliis adstruatur , & audientes persuasi sint eum *non serio* : sed mere joci gratia quidpiam affirmare vel negare , ut patet jam in exemplo de personis scenam theatralem agentibus .

554. Circa *licentiam mendacii* varia sunt Protestantium Naturalistarum devia & invia , quæ eruditis risum movere , rudibus scandalum præbere possunt . Et in primis *Hugò Grotius* de J. B. & P. l. 3. c. 1. §. 17. num. 3. ac 4. cum Theologorum Catholicam de mendacio doctrinam *perversam* & scandalis plenam imperite compellasset , volens ex sua protestantica penu , homine Christiano digniorem moralem depromere , in hæc quæ sequuntur delapsus est absurda .

Mendacium enim ille *loc. cit.* §. 11. 1. constituit in *repugnantia cum jure existente ejus , ad quem sermo dirigitur* , ex hac sua definitione infert , non esse mendacium , si certum sit , eum , ad quem mendax sermo dirigitur , læsionem non ægre laturum : Imo nec fore mendacium , *si vita innocentis aliter servari non possit , nisi mentiaris* . Tanto minus (ait) in hostem mendacium committi posse , quia hic non habet jus ut cum ipso in veritate procedamus . Principibus quoque , Rectoribus , aliisque Magistratibus plenam mendiandi licentiam tribuit *propter bonum publicum* . Nihilominus §. 15. *ibid.* negat eandem DEO , di-

cens :

cens: DEO tamen quanquam jus summum in homines habenti non convenire mendacium; recte agnoscit Plato. Dein omnibus Judicibus præscribit regulam, ut mentiantur, si velint a reo veritatem extorquere. Pro confirmatione vero hujus doctrinæ adducit axioma apud Hispanos (ut ille ait, seu verisimilius fingit) communiter receptum: *FAC MENDACIUM, ET ERUES VERITATEM*. Quod ipsum probat ex Platone l. 3. de Republ. dicente: *Rempublicam administrantibus præcipue si quibus aliis MENTIRI convenit, vel hostium, vel civium causa ad civitatis utilitatem*. Propter hanc solam publicam utilitatem concesso omnibus Superioribus, Præfectis, & Officialibus mentiendi privilegio, negat illud competere subditis eorum privatis, cum ad hos publicæ utilitatis procuratio ex officio non spectet. Hæc est Hugonis Grotii Moralis doctrina.

Jam vero Patruelis ejus Guilielmus Grotius de princ. J. N. c. 4. num. 7. ait: Sicut fornicationem simplicem ita & mendacium non jure nat. verum sola lege Evangelicæ ac positivæ prohiberi.

Puffendorfius autem l. 4. de J. N. & G. c. 1. §. 16. VVeberus de J. N. & G. l. 4. c. 1. §. 9. Kemmerichius Jurisprud. divin. l. 2. c. 8. n. 41. ex principiis Lutheri audacter docent, *mentiri ob bonum finem, singularem virtutem & prudentiam esse*. Ratio eorum est, quia si ob bonum finem mentiaris, proximus non læditur, ac proin non est repugnantia cum jure existente ejus, ad quem sermo dirigitur: itaque formale mendacium hoc facile justificatur, cum prosit, & non noceat proximo.

Hi tamen Naturalistæ omnem restrictionem, etiam non pure mentalem inter impias opiniones rejiciunt, ut videre est in notis Ziegleri ad Grot. l. c. §. 17. & apud Rivet. in explicat. Decalog. tum apud Puffendorfiū loc. cit. Sed qua doctrinæ consequentia; siquidem juxta hujusmodi Theosophos permixtum est licite mentiri ob bonum finem, cur non etiam, imo cur non potius uti restrictione non pure mentali, si id iusta causa permittat, præsertim cum hac ratione veritas occultari possit citra mendacii turpitudinem? Verum jam omissis Protestantium hæc in parte commentis & commentariis;

§. VII.

Statuitur decisio contra mentiendi licentiam :

355. **D**icendum est ; omne mendacium etiam officiosum ; vel jocosum ; pariter ac restrictionem pure mentalem ita prohiberi lege nat. ut nihil horum unquam possit esse licitum ; utpote intrinsece malum consistens in abusu loquelæ & signorum contra naturalem institutionem ac finem : Cum enim I.) locutio aliaque signa non sint data nisi ad exprimendum judicium mentis , eo casu quo quis mentitur , utitur illis contra judicium mentis ; itaut sit dissensio inter mentem & linguam ; quod enim lingua affirmat ; mens negat ; ac vicissim : Atqui hoc *per se* turpe est in uno eodemque homine ; si inter internum judicium & exteriora signa tanta reperitur contradictio.

II.) Directe repugnat veracitati ac veridicitati Divinæ ; ac proin DEUS qua sapientissimus Auctor & Governator naturæ humanæ non potuit mendacium illud necessario & absolute non prohibere. Et quamvis forte responderi possit ; veracitatem ac veridicitatem Divinam esse perfectiores DEI absolutas , vi quarum soli ejus actus divini quæ tales desumunt suam infallibilitatem ac veritatem ; non item actus quoque creaturæ rationalis eisdem divinis perfectionibus metiendis esse : Nihilominus stat firmum ratumque ; omne mendacium etiam officiosum esse absolute & necessario lege nat. prohibitum propter prædictam repugnantiam. DEUS enim condidit hominem ad perfectiones suas manifestandas omnes illas , quas homo pro viribus naturæ suæ assequi , ac in se manifestare potest : atqui veritatem ac veridicitatem potest assequi & in se manifestare ; conformando verba menti , & hæc verbis , pari ratione ac actus justitiæ suæ potest exercere ; & per eos manifestare in se perfectionem Divinæ justitiæ , prout homini eam assequi & imitari possibile est.

III.) Quo etiam facit , quod mendacium non minus jocosum ac officioso decipiat proximum , unde lædit & offendit amicitiam , ac politam conversationem ; illudendo illi quem alloquitur : Nec refert , quod ita mentiens suspicetur proximum non ægre laturum hanc læsionem : Nam *contra est* ; quod hoc casu licet forte non derogaret juri

alter

alterius cui mentitur, adhuc tamen contravenit propriæ obligationi, qua tenetur ex sua parte conformare verba menti suæ, ne sit *turpis* aliter loquendo quam sentiat, uti liquet ex n. 551.)

IV.) Imo si mentiri vel semel tantum liceret, non posset Respublica humana ulla quiete & vitæ socialis felicitate frui. Cum enim per loquelam, scripturam, ac signa exteriora omnia commercia & deliberationes humanæ fieri soleant, nullus hominum pactis, promissionibus, contrahentibus etiam juratis fidem adstruere vellet; prudenter enim vereretur, ne promissor ille, vel contrahens utatur jure suo a Grotio & aliis Protestantibus sibi concessio, ac mentiatur. Id autem nisi Auctor naturæ humanæ ejusque Gubernator DEUS necessario prohiberet, non satis providere eam gubernaret. Utpote qui præciperet hominibus mutuum amorem, & obligaret eos ad beatitudinem naturalem procurandam, non prohiberet autem, imo positive concederet licentiam mendacii, quo amor socialis evertitur, quies publica turbatur, & naturali felicitati obtinendæ insuperabilis obex opponitur. Recte proin ille naturallem legem declarat Sap. 1. v. 11: *Os quod mentitur, occidit animam*.

556. Nec juvat Adversarios auctoritas Platonis, & quorundam Græcorum, quibus illi in puncto licentiæ mendacii majorem fidem adhibent, quam naturali demonstrationi, imo & S. Scripturæ Legem nat. exponenti, sapientissimisque juxta ac Sanctissimis Viris, uno ore cum Catholica Ecclesia contrarium docentibus. Nam contra est, quod ut ait Sab. 1. 2. enodat. 4. *Græci, genus hominum in mendaciâ propensissimum est*. Imo ipse Gentium Apostolus ad Tit. 1. v. 12. dicit: *Cræteses semper mendaces*, adeo ut jam jus civitatis obtinuerit vulgare illud: *Græca fides nullâ fides*. Platonis igitur & aliorum Græcorum a Protestantibus pro mendacii licentia adducta auctoritas & testimonia, non sunt testimonia: sed splendida mendacia.

Quod liquet ex ipsomet Platone, qui sibi ipsi non constat. Uti enim loc. cit. adduximus ex Grotio, Plato Principibus & Magistratibus asseruit jus mentiendi *pro bono publico*, ille tamen dicto lib. 3. de Republ. negat hanc illis licentiam, solis autem Medicis eam competere putat dicens: *Mendacium concedendum est Medicis, aliis vero minime*; quid igitur Protheus hic omnes in partes versatilis ethni-

ethnicus probat : plane nihil , præterquam quod ludat & decipiat incautos Scriptores protestanticos. Qui etiam verba S. Scripturæ præsertim ex *Gen. c. 27. de Jacob & Rebecca* matre , cum pellibus caprinis involvente , ad suam moralem confirmandam perverse trahunt ; nec melius loc. cit. adducunt testimonium ex *D. Augustino*. Hic enim Doctor *lib. contramendac. c. 10. tr. 4. post init.* non dicit *Jacob & Rebecca* licite fuisse mentitos propter bonum finem : sed potius absolute negat fuisse id mendacium , ubi ait : *Jacob quod matre facit auctore , ut patrem fallere videretur , si diligenter & fideliter attendatur , non est mendacium : sed mysterium , alioqui omnes allegoriæ , imo & Salomonis , ac ipsiusmet Christi Domini parabolæ , tum ipsa etiam sanctissima veræ Christianæ Ecclesiæ Sacramenta forent mendacia .*

Simili sensu loquitur *D. Chrysost.* in fin. l. 1. de sacerdot. & homil. 32. ac y3. in *Genesim* , ubi non mendacium laudat , prout erronee imponit ipsi *Grot.* loc. cit. sed prudentem rerum divinarum occultationem sub terminis *ambiguis* , ne injusti aggressores facile intelligerent , a *Rahab* factam encomiis prosequitur. Quamquam si Naturalistæ illi etiam aliquem e SS. Patribus adducerent testem , qui aperte docuerit licere mendacium formale ob *magnam utilitatem* proximi , vel Reipublicæ : auctoritas hæc nihil evinceret contra universalem Ecclesiæ doctrinam , in lege nat. ac S. Scriptura fundatam , ut deducit *D. Aug.* lib. de mendacio cap. 5. 6. 7. & seqq. ac *Hieron.* apolog. 1. contra *Ruffinum* , arguens Origenis hac in parte errores , & ejus sequacium .

Videri potest in hac materia *Sextus Senensis* annot. 89. & 107. qui etiam cum aliis piis ac eruditis Viris docet , plurimos ex antiquis Scriptoribus non esse intelligendos unquam docuisse licentiam *mendacii* formalis & proprie dicti , sed potius de aliqua limitatione , seu restrictione mentis , *ambiguam exteriorem significationem* habente ; qua interdum licite occultari potest veritas , itaut alter qui eam *requirendi jus non habet* , mere *per accidens* , & ex defectu sui intellectus , malaque verborum aut aliorum signorum perceptione decipiatur .

Quæ vero momenta e naturali jure petita probarunt nunquam licita esse mendacia formalia & proprie dicta , eadem ipsa probant restrictionem *pura mentalem* nullo casu esse licitam , cum sit id ipsum formale & proprie
tate

tale mendacium, siquidem ex *mere interna* illa restrictione, audiens nullo modo, ac nulla humana prudentia devenire in notitiam potest, quod verballoquentis *aliquo* saltem sensu conformia sint menti. Ac proin in restrictione pure mentali imbibitur tota deformitas mendacii. Mendacium enim nil aliud est, quam *locutio difformis menti loquentis, animo fallendi prolata*: Porro talis est locutio illa *mere interne* limitata. Hæc igitur æque repugnat fini locutionis humanæ & commercii, sinceritatem, ac veracitatem æque destruit, ac mendacium. Prout etiam liquet ex propositione 26. 27. & 28. ab Innoc. XI. damnatis. Et quamvis *aliquo casu* proximus noster non habeat jus exigendæ veritatis, non tamen inde sequitur nos posse mentiri, & uti restrictione *pure mentali*, si alia sensibilis seu non pure mentalis nobis tunc non occurrat: quia mendacii turpitudinem non ex jure tantum proximi constat esse desumendam, sed ex oppositione cum fine loquelæ, & aliis quæ a n. 555.) adduximus.

ARTICULUS IV.

De Officiis ex justitia commutativa, ac dependenter a nostro facto, promissione, contractu descendantibus, seu de obligationibus perfectis hypotheticis.

SUMMARIUM.

- 557. &c. Officia perfecta hypothetica non sunt ad Jus Gent. referenda.
- 559. Differentia inter officia perfecta hypothetica & absoluta.
- 560. Ex non observato officio uno potest oriri obligatio nova restitutionis.
- 561. Obligationes status adventitii referuntur ad officia hypothetica.
- 562. Ex hypotheticis officiis insertur lex nat. hypothetica, seu limitata.
- 563. Discrimen inter Justitiam commutativam & universalem.
- 564. &c. Justitia universalis exponitur.
- 568. &c. Explicatur justitia particularis seu commutativa.
- 571. &c. Justitia distributiva est etiam particularis: sed differt a commutativa.
- 574. Ex Justitia commutativa oritur obligatio necessaria, vel voluntaria.

Jus Nat. & Gent.

C. c. ^{ab}

575. An

575. *An oriatur nat. obligatio ex promissione & pacto?*
 576. &c. *Quid sit simplex propositum, promissio, pollicitatio, pactum?*
 580. *In dubio promissio censetur facta ex sola fidelitate.*
 581. *Deciduntur casus, in quibus nat. obligatio oritur ex promissione &c.*
 582. &c. *Promissio ut obliget, debet esse manifestata & acceptata.*
 585. *Promissio ob turpem causam non subsistit ante opus.*
 585. &c. *Ille opere turpi patrato obligat ad solvendum promissum.*
 591. *Contractus talis ab initio non absolute fuit nullus Jure nat.*
 592. &c. *Qualis culpa de Jure nat. prestanda sit ex male gesto Officio, dato consilio &c.?*
 598. &c. *Præbens consilium ex crassa ignorantia &c. tenetur ad restitutionem.*
 601. *Quæ culpa de Jure nat. prestanda in contractibus. &c.*
 602. *Exponuntur & limitantur regulæ circa culpas in contractibus.*
 603. *Qui debuit cavere culpam in contractu, & non cavet, tenetur in conscientia.*
 604. *Exponitur status questionis in casibus particularibus, commodati &c.*
 605. *Adducitur negativa opinio cum suis fundamentis.*
 606. *Et illi contraria affirmativa communior Naturalistarum contra commodatarium.*
 607. &c. *Momenta affirmativæ sententiæ afferuntur.*
 609. &c. *Rationes negativæ opinionis solvuntur.*
 612. *Statuitur sententia media circa culpam juridicam in pactis de Jure nat. prestandam.*
 613. *Hec opinio media satisfacit commodanti & commodatario.*
 614. *Per eam conciliantur duæ priores sententiæ sibi contrariæ.*
 615. *Ut proin Commodatarius ex culpa mere juridica in conscientia ante sententiam obligetur, sufficit simplex commodantis requisitio.*
 616. *Affertur ratio, cur de reliquis in specie contractibus non tractetur in hoc Juris nat. opusculo.*
 617. *Occurritur crisi aliorum Naturalistarum, cur interdum textus Juris positivi adhibeantur in explicandis obligationibus naturalibus, & præsertim ex contractu & pacto, damno dato provenientes &c.*

§. I.

An obligationes naturales hypotheticae ad Jus Gentium sint referendae?

557. **S**unt qui cum Grotio & Thomasio omnia officia ac obligationes naturales hypotheticas, etiam eas, quae ex consensu, pacto, promissione, contractu proveniunt, ad Jus Gentium relegant, ea persuasi ratione: quod *dominiorum divisio Gentium jure fuerit introducta*. Unde etiam communiter aliis displicentem, ac supra hic n. 45.) rejectam a nobis Juris naturalis divisionem in *primum* & *secundarium*, seu *Gentium factum* introductum, ab earundem tamen Gentium positivo jure distinctum arbitrarie commentari sunt.

Nullo tamen fundamento nixam persuasionem hanc evidens doctrinae eorum inconsequentia refellit. Quamvis enim dominiorum divisio Gentium jure introducta fuerit, & contractus aliqui originem suam eidem debeant; obligatio tamen naturalis standi pactis & contractibus immediate oritur ex *justitia commutativa*, & refertur ad officia naturalis juris *perfecta hypothetica*, ut patet sub num. 466.) Nec Grotii sequaces dissentiunt, qui cum communi aliorum fateri coguntur: non ex rerum proprietate actu habita & possessa, aut earum divisione; sed ex consensu legitime facto & acceptato, materizque capacitate naturale oriri vinculum; quippe obligatio naturalis servandi pacta & promissiones *per se* non dependet a rerum dominio. Si enim Religiosus nihil proprii habens, aut quivis alius eo pauperior, debito modo promittat alteri operam suam in quopiam praestandam, acceptatione promissarii secuta, obligatur jure nat. Implere promissum, quin obstat rerum proprietate, qua ille caret. Eadem ratione debitor ad incitatus redactus obstringitur adhuc suo creditori in eventum, si quando ad *pinguiorem fortunam* venerit. Denum nobilissima pars Jurisprudenz naturalis consistit in recta expositione obligationum, quae ex *justitia commutativa* proveniunt, ab harum enim practica peritia & observatione pendet vitae socialis, ac commercii humani felicitas, quae non ex jure Gentium positivo, sed ex naturalis legis directione *praecipue ac primario* derivatur.

558. Nec refert, quod obligationes hæc sint *hypotheticæ*. Nam hypothesis hæc id solum denotat, quod obligatio v. g. implendi contractum emptionis-venditionis non sit *coarva* & communis toti generi humano: sed nunc in tempore advenit contrahentibus, & definere possit, si aut contrahentes ipsi consentiant, aut jus positivum illam rescindat. Non autem id etiam inde sequitur, quod illa minus obstringat quam lex nat. *absoluta*, & quod ideo ad Jus Gentium sit remittenda. Omnes enim *perfectæ* obligationes *hypotheticæ*, quæ ex contractu oriuntur, sunt rigorosissimi juris nat. utpote fundatæ in iustitia commutativa, & referuntur ad generalia principia, nemo sine causa ledendus: jus suum cuique tribuendum &c. Ob hæc igitur aliave momenta de prædictis officiis ex consensu ortis hoc loco tractabimus: de *dominii divisione*, ac *status adventitii officiis* acturi in II. Parte de Jure Gent.

§. II.

Quid sit discriminis inter officia & obligationes naturales ex facto humano provenientes, & eas quæ cum homine ipso oriuntur? Dein quid rei sit Justitia universalis, ac particularis?

559. **D**Esideratum discrimen facile colligi poterit quæ ex definitione officiorum ope nostri, vel alieni facti sive consensus, descendantium; quæ ex distinctione inter iustitiam commutativam & generalem seu legalem naturalem. Officia enim seu obligationes ex consensu aut facto nostro vel alieno provenientes dicuntur *hypotheticæ*, seu ex hypothese certi status hominis, vel facti, puta: ex promissione, contractu, successione, legato, aut delicto ortæ. Et hujusmodi obligationes spectant nonnullæ ad iustitiam commutativam, uti sunt procedentes ex contractu, promissione ob causam facta, item ex delicto voluntario, qualia sunt furta, homicidia, &c. Tales enim obligationes sunt *rigorosæ*, & inducunt restitutionis, seu compensationis vinculum. Nonnullæ vero obligationes referuntur ad iustitiam naturalem universalem, sive legalem. Ejusmodi sunt promissiones pure *lucrative* non provenientes ex titulo oneroso: sed ex sola *fidelitate*, aliave virtute morali aut religione, qualia sunt vota mere personalia, pro-

promissiones pure gratuite & liberales, ac similes alii actus qui non proveniunt ex iustitia rigorosa. Ad hypothetica officia referuntur etiam illa, quæ oriuntur ex inito certo statu, v. g. matrimoniali, herili &c.

Contra autem, officia & obligationes cum ipso homine ortæ sunt absolute, eo quod ante promissionem, consensum, aliudve nostrum vel alienum factum, quemadmodum toti generi humano communes sunt, ita & nobis propriæ, v. g. non esse blasphemandum, peierandum, mentierum &c. de quibus egimus a n. 260. & 466.)

560. Obligationes hæ licet absolute sint, quatenus prohibent ex. gr. mendacium, adulterium, injustam occisionem & alia objecta, erunt tamen hypotheticæ, quatenus ex hypothesi facti mendacii perniciosi, homicidii, alteriusve delicti voluntarii oritur novum vinculum adstringens ad præstandam restitutionem, aut damni dati compensationem: Hac tamen manente differentia; quod obligationes absolute naturales sive affirmative, sive negative, nequidem Divina auctoritate, quamdiu genus humanum existet, cessare, vel in se ipsis intrinsece immutari possint: bene vero hypotheticæ, quas sive privato partium consensu, sive Magistratus, legisve positivæ dispositione mutari, ac propter immutatam materiam legis naturalis desinere posse nemo ambigit.

561. Ad hypothetica item sub lege nat. universali contenta officia reducuntur omnes illæ obligationes, quæ ex hypothesi status adventitii, aut cuiuscunque facti humani oriuntur, adstringendo hominem ad exercitium, vel omissionem alicujus actus propter circumstantiam aliquam adventientem. Itæ v. g. nuditas in statu primigenio naturæ humanæ, ante peccatum Adami & Evæ certo fuit permissa. Illa tamen ex hypothesi peccati Protoparentum nostrorum, & inde ortæ rebellis concupiscentiæ, propter periculum scandalii & incontinentiæ prohibita est jure naturali hypothetico, non prohibenda alias, si durante statu naturæ integræ status hominis primigenius non fuisset moraliter immutatus, utpote quo ita durante integro ac innocente nullum ex nitiditate scandalii fuisset periculum, sicut nullam fuit tempore illo intermedietas, quo post sui creationem Protoparentes nostri vixerant nudi ante prævaricationem.

562. Ita autem ex hypotheticis officiis & obligationibus naturalibus, occasione variarum circumstantiarum muta-

ei status, vel accedentis facti alicujus humani oriri solitis, recte inferitur lex naturalis *hypothetica*, seu *limitata*. Hæc enim cum non sit cum ipso homine orta, eique congenita, neque *communis toti generi humano*, qualis est de non blasphemando, mentiendo &c. hinc non est etiam *absoluta*: sed pendet præcise ab hypothese, nempe si hæc, vel illæ circumstantiæ materiam legis nat. constituentes vel eam immutantes adfuerint, ut patet jam in *nuditate* olim permixta, nunc prohibita &c.

Imo liquet id ipsum etiam in *homicidio*. Licet enim verum sit, quod homicidium non aliter lege nat. sit prohibitum, nisi *qua injustum*, qualis prohibitio spectat ad jus nat. *absolutum*. Nihilominus illi Naturalistæ, qui legem nat. *hypotheticam*, & inde provenientes obligationes limitatas admittunt, ad instantiam de homicidio respondent: homicidium *qua injustum*, esse quidem jure nat. *absolute* prohibitum, & id spectare ad *generalia principia* legis naturalis, omnem injustitiam *absolute* sine ulla hypothese & limitatione prohibentia: Verumtamen, quando id homicidium *justum vel injustum* dicendum sit: id spectat ad jus nat. *hypotheticum*, & ad conclusiones, quæ *mediate* solum & *remote* ex primis generalibus nat. principiis inferuntur. Illud proin homicidium, sive aliud objectum, non obstante lege naturali aliquid in *thesi* ac *generaliter absolute* prohibente, vel præcipiente, adhuc in *hypothese* & casu particulari, propter alias *circumstantias*, licitum vel illicitum esse potest. Ita docente D. Tb. quodlib. 9. a. 15. *Sunt quædam actiones quæ absolute consideratæ deformatatem, vel inordinationem quandam important: quæ tamen aliquibus circumstantiis advenientibus bonæ efficiuntur, sicut occidere hominem, vel percutere. &c.*

Ex quo manifestum est, etiam Angelicum Doctorem distinguere inter obligationem naturalem *absolutam* & *hypotheticam*, seu per certas circumstantias *limitatam*, & sentire, quod obligatio quidem naturalis *generica* in abstracto, ac independentem a casu particulari spectata sit *absoluta*, seu non se referens ad circumstantias particulares; *præcise* tamen considerata quo ad *circumstantias* actus, in sua *specie infima*, non Jure nat. *absoluto*, sed ab *hypothetico* determinanda, & ejus ope *interdum* explicanda sit.

563. Quod vero alteram discriminis partem concernit, scilicet, quid discriminis sit inter justitiam *commutativam*,

& uni-

& universalem, seu legalem naturalem; sciendum est: *Justitia in genere*, abstrahendo a quatuor ejus speciebus, nempe *legali*, *vindicativa*, *distributiva*, & *commutativa*, definitur esse *Virtus moralis observativa per se juris alicujus*. Cum autem homo in aliorum societate vivens dupliciter obligari possit, vel tanquam pars ad partem, civis nempe ad civem, vel tanquam pars ad totum, cives scilicet ad communiter: Hinc duplex jus oritur, & consequenter duplex justitia, docente *Arist.* l. 5. *Ethic. c. 1.* una *generalis* seu *universalis*, per quam quisque reddit, quod *quomodocumque* justum est, ac debitum Reipublicæ, cujus ipse pars est, vel ejus supremo Domino, aut unicuique concivium. Altera *justitia particularis*, per quam quis reddit unicuique quod suum est, ac non *quomodocumque*, sed *proprie* ac *rigorose* debitum & justum. Hæ duæ justitiæ species præ aliis nostrum hic & nunc forum concernunt, siveque sigillatim exponendæ,

564. **JUSTITIA UNIVERSALIS**, seu generalis ac legalis dicitur: quia omnes virtutes morales in se comprehendit tanquam causa universalis, hoc est, quatenus reliquis virtutibus ipsa imperans earum actiones ad Reipublicæ prosperitatem dirigit ac refert. Sicut enim *caritas* secundum se spectata, peculiaris & ab aliis distincta virtus est, comparata vero ad virtutes reliquas, quarum operationes dirigit, ut propter DEUM exerceantur, quasi omnium virtutum forma est & virtus universalis, utpote perfectio & adimpletio totius legis. Ita etiam *justitia legalis* naturalis, secundum se quidem particularis, atque ab aliis distincta virtus est, quia peculiarem rationem honestatis & laudis obtinet, quatenus per eam quisque recte & debite se gerit erga Rempublicam ejusque Principem & membra: Eadem tamen dicitur, & est *universalis*, seu generalis *justitia* comparata ad alias virtutes, quarum actiones *precipue* & *primario* ad Reipublicæ sive alicujus particularis, sive universalis, nempe ad totius Generis humani prosperitatem dirigit.

565. Atque hac consideratione justitia hæc dicitur *virtus perfecta*, quæ una in se virtutes continet omnes, dicente *Aristotele* l. c. cap. 1. Ubi etiam ille eandem virtutem, quam *communem*, seu *generalem* appellaverat, novo nomine **LEGALEM** vocat. Quia versatur circa legem, seu *justum quodvis legitimum*, uti interpretatur *D. Th.* 2. 2. q. 58. a. 5.

Nam in Republica legibus bene constituta (qualis componitur ex toto genere humano *legibus nature* circumscripro) omnia omnium virtutum officia , licet non *quolibet sub rigorosa & eadem obligatione* , præcipiuntur , scilicet , ut ait Angelicus loc. cit. & ea quæ ad virum fortem pertinent , ut non deferere locum in acie , non fugere , non arma abjicere : Item quæ sunt temperantis , ut non committere adulterium , non libidine uti : Etiam quæ sunt mansueti , ut non pulsare , non convicia dicere : Et in ceteris identidem virtutibus , atque vitiis , illa jubens , hæc vetans .

566. In hac quoque significatione nomen *Juris* accepit Ictus in l. *Justitia ff. de J. & J.* dum ait : *Juris* (id est *Justitiæ legalis*) præcepta sunt honeste vivere , alterum non ledere , suum cuique tribuere . Respublica enim quælibet triplici Jure nititur scilicet *naturali æquitate* , scripta lege , & consuetudine vetusta , ut colligitur ex l. 2. ff. de aqua pluvi. arcend. In sacris quoque literis frequentissima est usurpatio *Justitiæ* pro quovis virtutis moralis actu & opere , quatenus per id divinæ legi ac voluntati quomodocumque præcipienti conformamur , pariter ac si observemus leges *positivas mere humanas* , dicimur satisfacere *Justitiæ legali* , quæ tamen alia non est , quam naturalis *universalis* , omnem virtutem moralem , atque adeo etiam obedientiam legitimis Magistratibus humanis , eorumque legibus exhibendam præcipiens .

567. Ne tamen quis putet se nimis gravatum præceptis naturalibus , eo quod *Justitia universalis* continet sub se omnem virtutem & actum quomodocumque justum ac debitum , duo hic notanda sunt . Primo , quod dictum jam sit a n. 73. ac seqq.) non omnes virtutes , nec omne justum necessario præcipi a lege nat. sed id solum quod certo vel evidenter fundatur in naturali necessitate , prout id a num. cit. deduximus . Demum secundo , ex doctrina Suarezii prolavimus hic supra n. 140.) nullam esse obligationem in conscientia ex quibuscunque *legibus* etiam *positivis* provenientem , quæ non sit saltem aliquomodo effectus legis naturalis , ac consequenter *omnis* obligatio , quæ oritur undecunque in conscientia , spectat ad *Justitiam* hic explicatam *Universalem* seu *legalem naturalem* : verum hæc assertio *ibid.* cum hac limitatione procedit , quod obligationes ex legibus *mere positivis* aliisque similibus causis provenientes solum *remote ac mediate* reducuntur ad legem nat. ejusque
justi-

justitiam universalem; directe vero & immediate ac per se spectant ad legem positivam, & hæc sola censetur violari, quoties quis mere humanas sanctiones transgreditur &c.

§68. *JUSTITIA PARTICULARIS* definitur ab Ulpiano in l. 10. ff. de J. & J. dicente: *Justitia est constans & perpetua voluntas ius suum cuique tribuendi*, seu juxta Aristotel. 5. Eth. c. 2. *Justitia est habitus, secundum quem aliquis constanti & perpetua voluntate ius suum unicuique tribuit.*

Ad proprietatem vero *Justitiæ particularis* tria hæc omnino sunt necessaria. I.) Ut sit ad alterum simpliciter. II.) Ut versetur circa proprie ac rigoroſe debitum. III.) Ut reddat ad æqualitatem. Hinc juxta Philosophum 5. Eth. c. 6. inter Patrem & filium, dominum ac servum, maritum & uxorem non est justitia ac iustum proprie, & simpliciter: sed tantum secundum quid, & per similitudinem; diciturque *iustum* cum limitatione hæc: *paternum, herile, Oeconomicum.*

Nam *justitia particularis* tendit ad alterum, id est diversum ab operante: & *iustum particulare* versatur inter partes, quæ exæquari possunt: Atqui filius non omnino est diversus a patre, sed est aliquid patris, sicut fructus & portio decisa ex patre, ut ait Arist. 8. Eth. c. 11.: Igitur tam commoda quam incommoda filii familias in patrem redundant, ac vicissim. Servus autem, sive mancipium, est possessio, & veluti instrumentum domini sui, quare quidquid acquirit, domino acquirit. Uxor demum in iis rebus, quæ ad conjugii societatem, familiæque administrationem spectant, censetur veluti unum corpus, sive una caro cum marito. Ad hæc, filius parenti non potest reddere æquivalens: nec servus domino æquari potest, quatenus enim est, domini sui possessio & proprietas est. Uxor tamen marito ferme æqualis est, utpote in familiæ administratione ejus socia: in jure autem conjugii omnino par. Quapropter recte dixit Aristoteles 5. Eth. c. 6. *Iustum æconomicum magis ad proprietatem justii accedere, quam herile ac paternum.*

§69. His tamen ita explicatis addendum est. I.) Quod licet *iustum paternum* recedat v. g. a proprietate justii, quod attinet ad æqualitatem inter diversas personas statuendam, non tamen quoad rationem debiti, imo majus debitum, arctiorque obligatio est pietatis, sive *justitiæ patris* erga filium, & vicissim, quam sit *justitiæ civilis* & sim-

simpliciter distat. Gravius enim censetur deliquisse filius, si in patrem impius & contumeliosus sit, quam si in alium civem injurius. II.) Quod Aristoteles dixit de pietate filii erga parentem: deficere nimirum a proprietate veræ justitiæ, idem nos dicere debemus de virtute Religionis erga DEUM. Licet enim in nobis reperiatur perfectissima ratio debiti erga DEUM, non tamen æqualitas, neque perfecta distinctio civilis, cum DEI opus simus, atque possessio, eique æquivalens reddere haud possimus; D.Th. 2. 2. q. 80. a. 1.

570. Nihilominus communior sententia, juxta quam respondemus a n. 302.) admittit in homine erga DEUM justitiam etiam rigorosam commutativam, sækem quo ad aliquos actus præceptos, licet non etiam quo ad mere supererogatorios, immediate ex pure liberali erga DEUM animo provenientes, de quibus solis intelligenda est in contrarium adducta D.Th. doctrina. Neque etiam obstat defectus æqualitatis. Quia licet creatura rationalis non possit ponere hanc æqualitatem in ratione entis, cum jure æqualitatis divino: potest tamen adhuc in ratione debiti, quod exigitur a jure divino.

§. III.

Ad quam particularis Justitiæ speciem referantur obligationes naturales hypotheticæ, & an semper oriatur ex illis vinculum restitutionis?

571. DUX sunt species Justitiæ particularis, teste Aristotele 3. Eth. c. 2. scilicet justitia commutativa, & distributiva. Illa constituit justum inter partes omnino distinctas, secundum æqualitatem rei datæ ad rem acceptam, & dicitur commutativa, non ideo, ac si illi, inter quos exercetur, debeant omnino quidpiam inter se commutare. Nam inter donatorem & donarium nulla est commutatio qui tamen rem absolute donatam & traditam si absque legali causa invito donatario eripiat, lædet justitiam commutativam, quam etiam exercebit fur restituendo rem ablatam, etsi inter eum & rei ablatae dominum nulla commutatio intercesserit. Commutativa igitur appellatur ex eo, quod ut plurimum detur inter eos, qui sua bona secum commutant.

Jam

Jam vero *distributiva* justitia constituit *justum inter totum & partes*, secundum æqualitatem proportionum, atque ideo nomen *distributive* sortitur; occupatur enim in distributione communium bonorum, scilicet dignitatum, officiorum &c. quæ in Republica vacantia, vel abundantia partibus Reipublicæ, pro cujusque statu ac merito distribui debent.

572. Hæ tamen duæ species Justitiæ distinguuntur inter se, utpote non *univocæ*: sed *analogæ*. Communis enim ratio & proprietas Justitiæ particularis *magis & regularius* reperitur in *commutativa*, quam in *distributiva*. Tum quod illa *proprie* sit ad alterum, seu ad personam distinctam: *distributiva* vero non omnino ad alterum; sed *totius ad partem*, pars autem non adæquate a toto distinguitur: Tum quod illa respiciat *jus strictum*, seu *propriedictum debitum*, distributiva autem respicit *jus ac debitum late acceptum*. Strictius enim & magis proprium jus quisque habet ad petendam rem sibi *debitam* v. g. *ex contractu*, quam habeat aliquis præcise quia *dignior est inter alios*, ad petendam dignitatem, vel beneficium. Hinc major est injuria, per quam *commutativa* justitia violatur, utpote quæ *sola* obligationem restituendi parit.

573. Demum justitia *commutativa* respicit *medium rei simpliciter*, nempe perfectam & *arithmetica* æqualitatem, inter quantitatem rei acceptæ & rei datæ. Justitia vero *distributiva* respicit *medium proportionum*, seu æqualitatem *geometricam* inter proportionem & proportionem: Ut scilicet eadem sit proportio inter res quæ distribuuntur, ac est inter conditiones personarum, quibus fit distributio. Exempli gratia: est aliquid distribuendum secundum dignitatem personarum; si itaque is, cujus dignitas est ut *duo*, accipiat 3. aureos, is cujus dignitas est ut *quatuor*, accipiet 6. & ille, qui dignus est ut *octo*: accipiet 12. aureos &c. ita supputante Aristotele. *l. 5. Eth. c. 3. & 4.*

574. Jam ita explicatæ Justitiæ *commutative* duplices sunt commutationes, & inde ortæ *obligationes*. Aliæ *voluntarie*, quæ mutuo contrahentium consensu constituuntur. Aliæ *necessarie*, quæ factum ipsum consequuntur independenter a contractu: tales sunt quæ oriuntur v. g. ex delictis, per quæ alteri invito damnum injustum inferitur *furto*, *detractione*, *homicidio*, *incendio* &c. Tales etiam sunt obligationes ortæ ex re aliena bona fide *accepta*, aut *inventæ*, quoties

ties devenitur in notitiam domini, neque præscriptio adhuc debite intercessit, &c. Ubi notandum est, quod obligationes voluntariæ sint & dicantur tales solum in fieri, seu a principio, & tunc dum fiunt, postquam vero factæ seu contractæ jam fuerint, hæ quoque erunt aliquomodo necessariæ, juxta axioma: *Contractus initio sunt voluntatis: ex postfacto necessitatis*. Ex utraque autem obligatione hac proveniunt officia seu obligationes *bypotheticæ perfectæ*, & restitutionis vinculum, quod an etiam oriatur ex quavis *promissione*; sequens quaestio edocebit.

§. IV.

An, & quando obligatio naturalis oriatur ex promissione, vel pacto?

375. **Q**UO solidius concludi possit naturalis obligatio ex aliqua promissione, refert distinguere inter terminos, qui in resolutione hujus quaestio confusionem quandam parere possent. Præ aliis autem sciendum est, quod hæc quatuor inter se differant, nempe: *simplex propositum, pollicitatio, promissio gratuita seu simplex, & promissio ex causa*. Simplex enim *propositum*, seu *deliberata voluntas* dandi, donandi, vel agendi aliquid in alterius favorem, obligationem non parit. Quia dicente *D. Th. 2. 2. q. 88. a. 1. Conceptio boni propositi non firmatur ex animi deliberatione, nisi promissione deliberationem consequente*. Et ibidem: *Ille qui solum proponit, nondum aliquid facit*. Ratio quoque est: Quia circa rem alteri aliunde indebitam propositum hoc est tantum quædam *velleitas*, quæ ad obligationem inducendam sufficere nequit. Ad actum enim aliunde *indebitum*, & nullo jure *præceptum* nemo obligatur, nisi quis sponte se obligatum voluerit: porro qui simpliciter proponit se aliquid facere, donare, dare &c. nondum se vult obligatum: sed mere est solum in via, ac tendit ad obligationem, si animum non mutaverit, eumque efficaciter determinaverit; quamdiu igitur eum non determinat per voluntatis suæ manifestationem, & ab altero acceptance, nullum efficax contrahit vinculum.

376. Imo *simplex propositum* neque in actibus jam *aliunde debitis* ac *præceptis* inducit ullam *novam*, ac specie distinctam obligationem: sed potius eliciens tale propositum *jure obfirmat* animum suum in illa obligatione, ad quam im-

implendam aliunde tenebatur & tenetur. Hinc serio proponens se amplius non furaturum: si iterum furetur, non est censendus aliam novam violasse obligationem, quam eam solam, qua jure nat. obligabatur ad non furandum. Secus foret tamen, si voto, aut juramento adjecto obfirmaret animum ad non perpetrandum aliquod crimen. Tunc enim non jam simplex propositum: sed jurata, vel voto firmata esset promissio, inducens obligationem Religionis erga DEUM qua promissarium, & constituens specie distinctam malitiam actus in transgrediente hujusmodi promissionem, ac crimen perpetrante.

§77. Pollicitatio definitur, quod sit solius offerentis promissum, l. 3. ff. de Pollicit. seu est nuda promissio, nondum secuta acceptatione. Unde omnis pollicitatio est promissio, non tamen vicissim.

Promissio gratuita, seu simplex includit in se propositum dandi, vel agendi. Addit autem deliberatam voluntatem alicui denuntiata, se gratis obligandi ad præstandum quidpiam, si ipsi acceptum sit; v. g. promitto memutuarium, empturum, donaturum. Ac describi illa potest, quod sit deliberata & spontanea fidei obligatio ex mera liberalitate facta alteri, de re quapiam bona & possibili.

Contra autem Promissio ex causa (quæ etiam remuneratoria dicitur) non ex mera sit liberalitate: sed ex debito gratitudinis, & obmerita Promissarii, cui interdum promissio talis est debita ex jure ejus & justitia, & tunc potius est promissio, vel datio onerosa, neque mere lucrativa, seu gratuita, quia habet vim contractus taciti vel expressi: Interdum autem ex sola decentia & equitate latius spectata fieri solet, nec desinit esse gratuita, sicut promissio, ita & datio vel donatio. Pactum autem est duorum vel plurium in idem consensus: differt a promissione, quod hæc non semper inter duos vel plures fiat, qui vicissim aliquid repromittant.

§78. Constat autem duplicem dari promissionem; unam improprie dictam, cum scilicet intentio promittentis se facturum aliquid in gratiam alterius, solum est ad se obligandum ex virtute fidelitatis, aut veracitatis, secundum quam in dictis & factis nostris constantes, veraces, ac fideles esse debemus. Cujusmodi constantiæ, ac fidelitatis obligatio ex genere suo, atque per se loquendo levis est, licet per accedens ratione existentis damni possit esse gravis, & reparationis, seu restitutionis viuculum inducat.

Altera promissio est proprie dicta, dum intentio promittentis est se ex justitia obligandi, ita ut alteri promissionem acceptanti jus & actio tanquam vere debitum promissum exigendi, saltem in conscientie foro acquiratur. Et talis promissio ex genere suo obligat sub gravi. Licet longe major materia requiratur ad gravem injuriam judicandam in violatione promissionis homini factæ, quam requiratur in furto.

579. Malicia enim furti consistit in *inferendo damno*, quod homines magis iniquo modo ferunt, violatio autem *gratuitæ* promissionis, animo se *ex justitia* obligandi factæ consistit in *lucro alteri non auferendo*, quod homines minus æstimare solent. Dummodo res dicto modo promissa non fuerit jam tradita, aut antecederet promissario *rigorose* debita, uti sunt v.g. salaria famuli a multis annis retenta &c. tunc enim sufficiet eadem materia quæ in furto.

580. In dubio tamen, fueritne aliquid promissum ex *sola fidelitate*, vel ex *justitia*; sola fidelitas præsumitur: Cum ex hac sola homines plerumque liberalitatem suam promittant aliis. Vix enim quenquam reperies, qui *mere liberaliter* aliquid donaturus imponat sibi onus *justitiæ*, priusquam tradat.

S. V.

Deciduntur particulares casus, in quibus naturalis obligatio nascatur ex promissione, pacto, vel non?

581. **E**X præmissa notione Promissionis, sequens occurrentium casuum potest concludi resolutio. 1.) Donatio & quævis promissio *gratuita*, eaque *mere interna* facta homini, *jure etiam naturæ* spectato non est sufficiens ad inducendam obligationem *justitiæ* in donante, vel ita promittente.

Ratio est 1.) Repugnat enim substantiæ promissionis homini factæ, quæ juxta D. Th. loc. cit. est *deliberata voluntas alicui denunciata se gratis obligandi ad præstandum quidpiam, si ipsi acceptum sit*. De ratione igitur ejus est, ut fiat per signa quædam præctica commercio humano proportionata; mere autem *interna* voluntas sufficit ad nos DEO cordium scrutatori obligandos, non item hominibus, abdita cordis nostri ignorantibus. 2.) Quantumvis enim homo
cona-

conaretur, & vellet se interius obligare alteri ad donandum v. g. 100. fl. per solum actum *internum*, nequit se obligare *ex iustitia* ad dandum, & ad internam suam voluntatem illi manifestandam; neque potest a Promissario talis interna voluntas, prius quam sibi manifestetur, sufficienter acceptari, ut oriatur obligatio iustitiæ. Quia tamen diu non datur obligatio *ex iustitia commutativa* ad præstandum ius *passivum* in uno, quamdiu in altero non datur ius *activum* ad exigendam manifestationem voluntatis de dandis v. g. 100. fl. Porro in promissario non datur hoc ius. Nam promissio *interna* donare volentis fuit *merum propositum*, cum animo & *tacita* conditione: si *post manifestationem* ejus, *promissarius acceptet*: nequit autem acceptare id, de quo sibi non constat. 3.) Sicut enim in *vita politica* alicujus Reipublicæ, illæ solæ promissiones & pacta inducunt obligationem, quæ legibus non improbantur: ita sistendo in *jure naturæ* illa sola voluntas est inductiva obligationis pro foro conscientiæ, quam approbat Auctor naturæ, qualem hic non approbat in casu proposito, cum sit contra naturalem commercii humani modum, qui non nisi per signa externa alteri manifestata institutus est. Hinc 4.) ubi vis Gentium de hujusmodi promissione datur locus *pœnitentiæ*, & liberrimæ mutationi.

§2. Concluditur II.) Ut promissio etiam *exterius* manifestata *efficaciter* obliget, jure nat. requiritur acceptatio Promissarii. Unde *pollicitatio*, *promissio*, *donatio* ante sufficientem acceptationem nullam parit obligationem *iustitiæ*, vel *fidelitatis* in promittente, nisi in casibus jure positivo expressis. Et licet Decisio hæc habeat suos Adversarios, nihilominus Jus positivum, quod juxta n. 69.) gaudet auctoritate declarandi obligationes naturales dubias, eam manifeste confirmavit in l. i. ff. de pact. Ubi generaliter statuit naturales obligationes ex promissionibus, stipulationibus & pactis non aliter nasci, quam *mutuo duorum consensu in idem*. Quam ob rem, prius quam alterius consensus accedat, prior potest pœnitere, & suam obligationem, quæ tantum *mere inchoata*, in actu primo, & imperfecta fuit, revocare, ut praxis commercii usitata testatur. Sicut enim *sola voluntas acceptandi* non sufficit ad *acquirendum*, ita nec *solus animus dandi* sufficiet ad *transferendum* dominium, vel obligationem *proxime* & absolute contrahendam.

§3. Nec urget in contrarium, quod pleræque donationes

nes

nes fiant *coram Judice*, vel *apud Acta*, de quibus absens donatarius prout nihil prorsus inaudit, ita neque hic & nunc acceptare potest; & tamen illæ subsistunt jure etiam naturali. Nam contra est, quod publica auctoritate tunc acceptentur v.g. a Magistratu, ita ut donatario plena deinceps maneat facultas, sua *speciali* acceptatione eam admittere, vel repudiare, si velit.

584. Quod autem neque ex *fidelitate* aliquam obligationem inducat *pollicitatio* & promissio hujusmodi, patet ex eo: quia non obligat ex *justitia*, multo minus igitur ex sola *fidelitate*. Hæc enim æque virtus est *ad alterum*, ac *justitia*, neque mens promittentis est sibi imponere obligationem respectu alterius, imo, præscindendo a voto vel juramento, neque capacitas ipsi adest ita se alteri obligandi, nisi hic eam acceptet.

585. Concluditur III.) Omnis promissio & pactio ob *turpem causam*, seu contra mores *naturaliter* seu *theologicè* bonos inita, *ante exercitium operis*, cujus intuitu facta est, jure naturali irrita & nulla esse censetur. Est enim contra conceptum & naturam promissionis *homini* factæ, ut sit *de re mala* moraliter, cum nemo possit obligari ad peccatum. Hinc promissor operis, v. g. injusti homicidii, aut operarum servilium die Dominica, sine ulla *justa* causa exercendarum, non tenetur stare pacto, ac proinde nec promissor mercedis, opere *nondum præstito* tenetur eam solvere. Hæc enim debita fuit solum sub conditione operis. Imo uterque paciscentium tenetur consensum revocare, ne continuent peccatum. Quod naturalis Juris regula ex Isidoro in c. 5. XXII. q. 4. relata indicat: *In malis promissis rescinde fidem: in turpi voto muta decretum*. Cujus ratio *ibid.* adjungitur: *Quia impia est promissio, quæ scelere impletur*. Imo etsi pacto de re mala juramentum accesserit; nam non est *obligatorium contra bonos mores præstitum juramentum*, Reg. 58. J. in 6. neque enim *juramentum potest esse vinculum iniquitatis*, C. quanto de jure jur.

586. An autem *perpetrato* jam malo opere obligetur adhuc promissor ad solvendam mercedem? in utramque partem disputant eruditi Viri. Nihilominus affirmativa opinio magis placet, utpote quæ etiam illustres juris naturalis dubii Interpretes pro se habet, scilicet D. Thomam, 2. 2. q. 62. a. 5. ad 2. Cajet. 2. 2. q. 32. a. 7. Sotum l. 4. q. 7. a. 1. ad 2. Covarr. regula: *peccatum* p. 2. §. 2. n. 1.

Abbat.

Abbat. in c. Quia plerique n. 14. de Immun. Eccl. *Adrian.* in 4. ubi de restit. §. oritur. *Mart. Navarr.* c. 17. nu. 31. *Silvestr.* v. restitutio 2. §. sed quod dictum. *Petr. Navarr.* l. 4. c. 2. num. 114. *Vasqu.* in moral. c. 7. dub. 1. *Rebell.* l. 18. q. 1. num. 9. *Less.* de J. & J. l. 2. c. 18. nu. 18. *Layman.* l. 3. tr. 4. c. 4. nu. 8. &c. Qui promissorem mercedis opere turpi perpetrato, non tantum ex fidelitate; sed etiam ex justitia docent obligari pro foro conscientiae, ad solvendum promissario, qui opus turpe, v. g. inimicum promittentis occidendo, jam implevit. Quodsi anticipata solutione eadem merces adhuc ante opus soluta illi fuit, post opus secutum repeti jure naturæ non potest.

587. Ratio est, quia promissio illa non fuit mere liberalis: sed onerosa, nempe locatio & conductio operarum, aut contractus innominatus: promitto ut facias: solvam si feceris. Opus quoque si secundum suum materiale spectetur, fuit pretio æstimabile propter suam molestiam & periculum, ab illo in gratiam promittentis susceptum: Postquam igitur una pars cum tanto periculo & labore implevit contractum, tenetur ex justitia etiam pars altera, idque potiori ratione, cum ex parte solventis impletio hæc post opus perpetratum non sit quid intrinsece malum, pariter ac malum non est solvere enormes usuras ei, qui mutuum aliter dare non vult. Hinc si forte homicida ille tali solutione illectus similia crimina aliquando in gratiam etiam aliorum perpetrare velit, id imputari non potest solventi mercedem post opus impletum, pari ratione, ac nequit mihi imputari usurarum extorsio, si Usurarius illectus mea usurarum solutione audeat deinceps illas etiam ab aliis extorquere. In utroque enim casu repetitio illa criminis non provenit ex pacto & intentione solventis: sed mere per accidens, ac ex sola perversa voluntate crimen repetentis.

588. Neque ita solvens approbat delictum v. g. homicidii perpetratum: potest enim illud detestari quia peccatum est, sicut non approbat crimen fornicationum, vel infidelitatem Judæorum, qui hos, vel illas patitur in suo territorio, tolerans Meretrices: aut qui solvit iniquas usuras Usurario &c.

589. Multo minus obstant ea, quæ ex jure civili opponi solent. Hæc enim ad summum ibi vim obtinerent, ubi Jus Romanum receptum est: aliqui sicut extra Imperium
Jus Nat. & Gent. D d rium

rium Rom. Germanicum non habent locum, nisi alicubi speciali ratione lex aliqua recepta fuerit; ita neque in hac quæstione, quæ de solo jure nat. procedit. Quæquam leges illæ neque pro Rom. Imperio aliud quid disponunt, quam quod *ante factum* pacta illa & promissiones nullæ sint, *secus post illud*. Vel certe, quod nolint *actionem* in foro externo permittere promissario; non vero ullibi jubent restituere, quod acceptum est, aut naturalem obligationem pro conscientia foro annullant.

Imo contrarium patet ex *L. si ob turpem* 8. ff. de *Condict. ob turp. caus.* ubi dicitur: *si ob turpem causam promiserit Titio — repetitionem cessare tamen* EX STIPULATIONE solutum est. Ecce! ex stipulatione prævia, non verò ex liberali donatione (ad quam nonnulli AA. recurrunt) solutum est, juxta quos tamen neque liberalis donatio deberet subsistere, quia eorum opinione, hujusmodi solutio allicit ad peccatum. Naturali igitur obligationi post opus perpetratum assistit etiam i. *Idem si ob stuprum* 4. §. 3. ff. eod. ac l. *Mercalem* 5. cod. eod. tit.

Quod liquet adhuc ex sententia eorum, qui patant actum metu injusto extortum esse validum post opus iniquæ coactionis, consensusque extorsionis, pariter omnes affirmant venditionem alteram ejusdem rei, si hanc traditio consequatur, omnino subsistere, nil obstante jure prioris Emptoris: qui tamen actus turpes sunt, & manifeste *jus nature violat*, qui alterum inique cogit, aut secundo Emptori rem suam vendit *inuito priore*, & dein tradit eandem.

590. Gentium quoque ac Tribunalium praxis suffragatur assertæ obligationi solvendi mercedem pacto promissam. Ita enim stipendia Militibus; Merces operariis, salaria famulis ab eorum Heris solvuntur, & a Tribunalibus *solvi* jubentur, non obstante exceptione belli injuriæ, inique mandati laboris die festo, aut alterius improbi obsequii. Feminæ quoque solutæ, nuptiarum promissione *serio* facta & accepta; sub turpi conditione a suis prociis *deceptæ*, opere perpetrato jubentur in matrimonium assumi, quoties nullam aliud obstat impedimentum, *Cap. si quis seduxerit* 1. de *Adulter.* Et docet stylus Consistoriorum. Plura de his colligi possunt ex dictis hic supra a num. 165.)

591. Quibus minime obstat, quod contractus ille ante opus perpetratum ab initio fuerit nullus; jam vero, quod ab

ab initio jure non subsistit; tractu temporis convalescere non posse, tritum axioma docet.

Contra enim est, quod allegata regula vera sit tunc, quando actus in contractum deductus tam initio passionis, quam etiam ex post facto in iisdem manet circumstantiis, non autem si hæ mutentur. Prout fit in casu v. gr. pacti de injusto homicidio per conductum licarium perpetrando; aut de labore servili per mercenarium die Dominica exercendo &c. Ab initio enim contractus hujusmodi fuit circumstantia peccati, ob cuius turpitudinem non potuit valere pro illo temporis intervallo; quia si valeret in tempus subsequens, obligaret promissarium ad exercendam actionem peccaminosam, quod prohibet lex nat. & ob turpitudinem in tali actu reperibilem non vult illum tamdiu valere, quamdiu peccati turpitudine illa in actu promisso durat. Jam vero opere perpetrato cessat prior turpitudinis circumstantia, cum solutio promissæ mercedis mercenario; qui die festo peccaminose laboravit; valet omni culpa; & sic de aliis similibus, &c. At patet in consuetudine contra legem peccaminose inchoatâ, quæ tamen ubi perfecte introducta fuerit, convalescit temporis tractu, & est omnino licita, imo vim legis habet: Item patet in pacto fornicarii cum puella, cui serio promissum matrimonium sub conditione copulæ, quæ conventio ab initio certo fuit jure nat. nulla, & tamen conditione impleta, non solum ille obligatur in conscientia (si nihil aliud obstat) eam ducere in uxorem: sed etiam compellitur à Judice: non compellendus alias, si contractus ille ex post facto non valeret: cum certum sit, neminem posse ad matrimonium ineundum cogi, si illud valide non promissum ulli feminæ. Neque etiam in pœnam delicti potest quis ad nuptias compelli, si pacto non se obligavit.

Cap. Requisivit, 17. de Spons. & Matr.

Contractus ergo ille non absolute fuit nullus, neque pro omnibus facti & temporis circumstantiis: sed limitate, quamdiu scilicet naturalis turpitudine actus duraverit obligans ad peccatum: quæ circumstantiæ actu jam consummato prorsus cessant, & pactio convalescit, utpote quæ tacita constabat conditione: nisi opus pretio æstimabile positum fuerit & actus turpitudine cessaverit. Hoc enim casu promissor tenetur etiam ex re quasi accepta, siquidem promissarius ejus sponsione inductus posuit actionem promit-

mittenti utilem & pretio æstimabilem, scilicet servitia, aut operas serviles die festo exercitas, vel hujusmodi alias.

§. V I.

Qualis culpa spectato Jure naturali præstanda sit proximo, occasione damni dati per malam administrationem officii? aut per ignorantiam vel errorem in suggesto illi consilio? seu per defectum in exercitio officii?

592. **D**iversitatem culpæ exposuimus a num. 511.) ubi de reparatione damni *secluso contractu*, vel quasi *contractu* dati, tractatum est. Superest ut de proposita, & mox proponenda alia quæstione agamus. Quarum decisioni præmittendum est, non esse idem naturaliter obligari aliquem *ex officio*, & obligari *ex contractu*. Prælati enim Regularis suos subditos, & Pater suos filios tenetur *commonere ex officio*, non tamen *ex contractu*, vel quasi, pariter ac etiam Confessarius, qui Parochus non est, v. gr. Religiosus Sacerdos, si sit rite expositus ad confessiones audiendas, audiet eas *ex officio*, quin tamen *ex contractu*. Unde ad quæsitum:

593. I.) Obligatus ad aliquid *ex suo officio*, spectato naturali jure non tenetur in foro conscientie ante sententiam de damno dato, nisi *ex culpa lata* seu gravi, eaque *theologica*, id est *deliberate* seu dolo malo admissa. Hinc non tenetur ex levi, vel levissima *juridica*: Nisi forte promiserit operam solito majorem. Quia nemo tenetur in *officio*, vel *artificio* esse prudentior & diligentior, quam passim homines ejusdem conditionis esse solent. Atque adeo *Advocatus*, *Jelus*, non debent esse magis accurati, quam passim alii *Advocati*, & *Jurisperiti* in dandis consiliis esse soleant. Quapropter, si contingat aliquem cadere causa; eo quod sui *Jurisperiti* non præstiterint, quod alioqui *dolissimus* & *accuratissimus* alius præstitisset, dummodo tamen bona fide adhibuerint eam diligentiam, quam solent *accurati* & *doli viri* in similibus causis adhibere, non tenentur ad restitutionem.

594. Ac proin II.) Medicus, Architectus, Judex, Magistratus, Princeps, Professor, Superior, Confessarius, filiorum Instructor, ac quivis alius officium vel artificium exercens, nisi *speciali pacto* se ad *extraordinariam* diligentiam

tiā obligaverint, non tenentur ad aliam curam & sollicitudinem majorem ea, quam ceteri ejusmodi officio fungentes *bona fide* adhibere solent, & dicuntur esse *diligentes* in suo officio. Quam ob causam teste *Jul. Claro* L. 5. pract. crim. §. fin. q. 73. num. 3. Judices alique Officiales ne quidem in foro externo hodie accusantur, nisi de *dolo & culpa lata*.

395. Hæc ipsa decisio locum habet III.) in eo, qui cum sit obligatus ad aliquid ex officio, etiam *mercede* ac stipendio *conductus* est, quin tamen *solito* majorem diligentiam unquam promiserit. Quia si adhibita sufficiente diligentia, damnum nihilominus intulit per culpam levem, vel levissimam (imo & *latam* quidem: sed sine omni advertentia) *mere juridicam*, non deliquit contra legem naturæ, ut constat ex decisio a num. 512.) Nam contra hanc non peccatur aliter quam per actus *humanos* ac *deliberatos*, aliqui etiam amentes & infantes delinquerent, & obligarentur ex *delicto*. Neque præsumptio *culpæ lætæ ac theologicæ* habet ullum locum in Jure naturæ pro *foro interno*, in quo ipsa conscientia Judex, testis, probatio, & sententia est non indigens conjecturis.

396. Nec facit ad rem, quod v. gr. Jctus, Advocatus, aut Medicus promissa vel *accepta mercede* actum officii sui exercuerint, ut ideo *quasi ex contractu* obligari videantur ob culpam etiam *levem*, vel *aliam juridicam*, siquidem opus cedit in *utilitatem utriusque*, tales autem contractus inducunt obligationem etiam ex culpa *levi*, ut patet in empto-vendito, & dicemus mox sequ. §. VII.) ubi agitur de commodato. Nam contra est 1.) Quod hæc obligatio ex *culpa levi juridica* proveniat de jure *positivo*, non autem ex naturali, de quo solo hic res nobis est. 2.) Quamvis v. gr. inter Jctum, Advocatū & Clientem, Medicum & patientem adfuerit hujusmodi *quasi contractus* (qui tamen fieri regulariter non solet; sed solum datur illis *honorarium*, secundum Patriæ consuetudinem, citra ullam conditionem *onerofam* solito *majoris diligentie*,) ille tamen non obligat ad *exactissimam* curam: sed tantum ad *exactam*, qualem alii similis conditionis Viri sufficienter periti, sobrii, ac diligentes habere solent. 3.) Imò neque ille *quasi contractus* obligat spectatis legibus positivis, hæc enim ubi disponunt quod ex *locato-conducto* adsit obligatio reparandi damni etiam ex *culpa levi*, supponunt

pacam limitationem; nisi Contrahentes aliter passi fuerint, vel usus contrarium tulerit: Et non procedunt de officiis publicis & nobilibus, qualia sunt Judicis, Professoris, Jcti, Advocati, Medici, &c. multo minus de spiritualibus, uti sunt Parochi, Confessarii, Superioris Ecclesiastici &c.; sed procedunt de Locati-conducti contractibus vulgaribus. Denique 4.) Leges imperiales non ita late se extendunt, sicut lex nat. de qua sermo est, ubi vero illæ receptæ sunt, culpa levis juridica nondum obligabit ante sententiam, Nisi forte passum prius intercessisset de præstanda culpa etiam juridica qualicunque. Alioqui usus contrarius ubivis receptus obstat illi obligationi.

597. Quod autem IV.) hi obligentur in conscientia etiam ex culpa levi, & ante sententiam, si expresse promiserint operam solito majorem: Ratio est, quia tunc promittunt saltem *implicite* amplius, quam passim præstent, & alter hanc ob causam non inquit meliorem Jctum, Advocatum, Medicum &c. Si tamen aliquis ex his post culpam levem, vel levissimam advertat incommodum, quod impediri possit, tenetur sub gravi culpa avertere, alioqui in damnum illud voluntarie influeret conservando causam illius.

598. **CONCLUDES:** eum, qui præbet consilium, teneri in conscientia ante sententiam ad reparationem damni secuti ex ejus ignorantia crassa, vel ex culpa lata, si erat Parochus, Confessarius, Jctus, Advocatus, aut ejus professionis, ad quam tale consilium spectabat. Veluti, si Jctus respondeat quempiam non teneri restituere, cum teneatur &c. Debet tamen ignorantia hæc esse *theologice* graviter culpabilis, qualis ordinarie est crassa. Tunc enim est causa formalis & motiva damni.

599. *Excipe tamen 1.)* Nisi responderit juxta sententiam, quam in materia restitutionis *invincibiliter* putabat *probabiliorem*: quomodo non censetur putare ille, qui in materia hac nihil aut parum versatus, ex mera *judicii pertinacia*, & ne imperitiam suam ab aliis victam fateatur, probabiliori, tutiori ac majori rationum pondere & Auctorum meliore ac frequentiore testimonio nixæ opinioni adherere non vult, eligens potius unius vel alterius *Summisæ* sententiam, qui eam in aliorum fidem, obiter perscriptam publico oberusit, aut non improbabiliter decidit quidem: sed vel in aliis casus circumstantiis, aut non in restitutionis materia: interea proximus damnum pati cogitur.

600. *Excipe 2.)* Si non suadendo: sed mere *indifferentem* sensum suum aperiendo proposuit. Dein 3.) Si indicavit se dubitare, & dubitando aliqua respondit. Demum 4.) absolvendus est is, qui non se *ingessit* in huiusmodi officium, sed alter, qui scivit de sua inhabilitate, eum in Advocatum, Consulentem, vel Medicum assumpsit. Hic enim sibi imputet: ille tamen, qui *conscijs* suæ imperitiæ consuluit, aliamve operam nocivam ob suam ignorantiam exhibuit, a peccato non excusatur, licet a retributione ante sententiam, in foro conscientiæ sit liber, deliquit enim *contra caritatem* debitam proximo, quod suæ imperfectionis conscius, alteri de ea ignoranti, aut negotium intricatum, & magis perito Consulente indigens sibi proponenti, ausus sit *absolute* sine omni hæsitatione respondere, non minus ac si in hoc scibili pericissimis quibuscvis par esset.

§. VII.

Quæ culpa, spectato Jure nat. præstanda sit in contractibus & pactis?

601. **D**Ecidimus jam a n. 512.) *damnum sine culpa theologica* seu sine omni advertentia & dolo malodatum, spectato Jure nat. *secundum contractum, vel quasi*, non parere obligationem in conscientia illud reparandi ante sententiam: examinandum jam est, quid Jus nat. disponat supposito *contractu, vel quasi contractu*.

Dantur autem contractus triplicis generis. 1.) Aliqui cedunt in utilitatem utriusque contrahentium: ut *emptio-venditio, locatio-conductio, pignus* &c. 2.) Alii in utilitatem illius solius, qui obligatur, ut fit in *commodato*. Demum 3.) Alii vergunt in utilitatem illius solius, cui alter obligatur: ut *depositum*. Regula jam tradi solet, quod in contractibus *primi* generis obligetur quis ad culpam etiam levem, non tamen levissimam cavendam, & *damnum* inde secutum compensandum. In contractibus *secundi* generis, v.g. in *commodato*, etiam ad culpam levissimam. In *tertii* generis contractibus, v.g. *depositi*, non nisi ad culpam latam.

602. Regula tamen hæc patitur duas exceptiones, *primam* in Mandatario, qui tenetur ex culpa levi, imo & levissima, non item Depositarius, cum tamen uterque contractus sit in utilitatem illius, cui alter obligatur, *secundam*

dam patitur exceptionem in *Commodatario* rem *ultra tempus præfixum* detinente; qui cum illam tunc *precario* detineat, tenetur adhuc ex *culpa levi*; licet alioqui, qui *precario* aliquid possidet, extra circumstantiam *moræ*, obligetur tantum ex *culpa lata*.

603. Convenit quoque inter DD. quod quando quis ex constitutione legum ad certum genus culpa cavendum obligatur ex contractu, tunc nisi expresse aliter conventum fuerit, obligetur etiam jure nat. in conscientia ad illam culpam vitandam, & quidem ex *justitia*, ac si materia fuerit gravis: sub culpa letali. Ratio est, quia leges talem gravant in favorem alterius, v. g. *commodantis*, igitur *commodans* acquirit jus, quod ipsi tribuere debet suus *commodatarius*, qui ex contractu inito obligatione *hypothetica* obstrictus est talem adhibere diligentiam, qualem leges requirunt, aut illa omissa præstare damni reparationem. Lex enim nat. præcipit obediendum esse legitimis superioribus, & legibus eorum, ex *hypothesi*, quod se illis aliquis subiecerit, & juxta eas contraxerit.

604. Quæstio jam vertitur: Si contrahens ex defectu advertentiæ excusante a peccato mortali, aut ex mera oblivione vacante omni culpa *theologica*, committat culpam *mere juridicam*, qualem cavere secundum leges debuit, v. g. si *Depositarius* ex pura ac theologicè inculpabili animi abstractione foris ante suam domum relinquat gemmam apud se depositam: & *commodatarius* gratis sibi commodatum pallium, reponat quidem in suo cubiculo, & in egressu fores claudat: sed non periclitetur, num hæc firmiter clausæ sint: num aliunde, scilicet per fornicem, vel fenestram furi non pateat aditus in cubiculum &c. ac per hujus diligentiae omissionem *Depositarius* culpam *lata*: *Commodatarius* vero *levissimam*, uterque autem *mere juridicam* committat, quam alias ex *natura contractus* cavere debebant; An hi & similes de *Jure nature* hypothetica obligatione teneantur in conscientia, ante omnem sententiam *Judicis* præstare culpam, seu damnum reparare, nil obstante eo, quod indeliberate, & sine peccato formali eam commiserint, & damnum dederint?

605. *Negativam* opinionem cum *Soto* videntur non pauci, his nixi fundamentis: I.) Quia cum damnum absque ulla culpa *theologica* datum sit sine omni nostra advertentia, censetur esse casus fortuitus. II.) Obligatio dam-

num

num tale refarciendi ante sententiam, attenta fragilitate humana nimis gravis, & passim ignota est hominibus. III.) Obligatio hæc non datur spectato *præcise* Jure nat. Neque enim datur *ex re accepta*: neque *ex iniusta juris alieni læsione*: neque *ex contractu*, vel *quasi*. Quia conditio hæc non fuit *expresse* in pactum deducta inter contrahentes; multo minus datur ex *Judicis* præcepto, vel *legum* dispositione: cum hæ sint veluti *pœnales*, & clare non exprimant, quod eo casu quo quis certum gradum diligentiae contractui proportionatæ a jure positivo præscriptum, sine sua culpa *theologica* non observat, teneatur in conscientia ante sententiam. IV.) Res domino suo perit, qualis est Commodans. V.) Commodatarius non se *expresse* obligavit ad restitutionem, vel damni reparationem ante sententiam, si res sine sua *theologica* culpa pereat: Alioqui dubio non maneret locus.

Ex his concludunt, prædicto casu interitus rei, *Commodatarium* & alios similes contrahentes in conscientia ad nihil teneri, usque dum *Judex* jubeat, aut si *damnum* passus compensationem exigat, ut refert *Cardin. de Lugo* d. 18. num. 103. *Esparz.* q. 26. *Pesch.* pag. 198. *Sporr.* num. 234. Opinio hæc sicut rationes, ita & *Auctores* graves pro se habet, & hodie est *frequens* in *Academiis*.

606. *Affirmativa* quoque est multorum, docens: Supposito quod leges positivæ cuique contrahenti præscripserint certum gradum diligentiae, in custodienda re alienâ adhibendæ, & statuerint, ut *nisi eam adhibuerit, de damno teneatur*, leges hujusmodi obligant contrahentem *in conscientia* ante sententiam *Judicis*, ad damni ex culpa lata, levi, vel levissima, etiam mere civili & *juridica* dati reparationem. Hinc v. g. *Comodatarius*, qui rem alterius gratia *sui ipsius tantum* commodato accepit, spectata *legis canonice & civilis dispositione*, tum *natura ipsius contractus & consensus* in illum, ac ex his resultante obligatione naturali hypothetica, tenetur in conscientia ad præstandam culpam etiam levissimam, *non expectata sententia* *Judicis*, aut *requisitione* *damnum* passi; licet præter *juridicam*, nulla prorsus culpa *theologica* in deterioratione, destructione, vel amissione rei commodatæ intervenerit. Pari ratione loquuntur. de aliis contractibus, in quibus culpa lata, levis, vel levissima præstari jubetur.

Ira

Ita tradunt, *Onnate* de Contract. d. 10. n. 191. & tota S. 6. probans obligationem hanc oriri ex Jure nat. *Sporr.* n. 233. pro hac citans *D. Th. Nav. Vasq. Mol. Laym.* Eandem *Less.* de J. & J. c. 7. d. 8. n. 40. & 45. dicit communior, & in praxi SERVANDAM, *Pirb.* de commodat. num. 4. asserens communem, quam sequitur *Engel* de Commodat. n. 12. *Ullung.* tr. 4. d. 2. n. 391. vocat probabiliorē. *Petschachter* pag. 198. ait in praxi servandam esse ea, quod Leges ita disponentes sint consentaneæ naturali æquitati. Eidem sententiæ favet *Dicaſtill.* l.2. t.3. d. 1. dub. 18. n. 440. Quam etiam solide probat *Bassus* femicent. contr. can. legal. 9. Et ex Protestantibus Naturalistis mihi nullum reperire est, qui ad obligationem in conscientia præstandæ reparationis talis damni, ante sententiam Judicis, & damnum passi requisitionem, plus requirat, quam ut rem ex contractu habuerit, & vel dolum, vel culpam juridicam contractui proportionatam committat: Uti videre est apud *Hug. Grot.* de J. B. & P. part. II. 12. 13. *Puffend.* de J. N. & G. V. 4. 6. L. B. de *Wolff.* Inst. J. N. & G. §. 270. & §. 520. *Heinec.* de J. N. & G. §. 343. Qui alique omnes solum casum fortuitum, qui nulla humana industria vitari aut prævideri potuit (ut fit in fulminis ictu) excipiunt, dummodo adhuc v.g. *Commodatarius* non fuerit in mora, aut casum fortuitum in se non suscepit.

607. Fundamenta Affirmative Opinionis esse possunt. I.) Quia supposita Juris positivi sanctione certum diligentie gradum in contractu præscribentis, & ob illam non adhibitam ad damni reparationem simpliciter & indefinitè obligantis, is qui init talem contractum, accipiendo v. g. rem commodato, vel depositum, conductum, aut pignus, simpliciter se obligat ad præstandam eam diligentiam, & se ita contrahere, re ipsa & tacite declarat, sicut ius positivum requirit, contrahit enim secundum mentem legum humanarum, quamdiu expresse contrarium non deducit in pactionem. Quare si hanc diligentiam quacunque ex causa non præstet; licet id naturali oblivione, sine omniculpa eveniat, tenebitur ad restitutionem, sive damni reparationem.

608. Contractus enim ex conventionione expressa, vel tacita legem accipiunt: consequenter non obligatur ille ita ex legibus Aquilæ, vel noxalibus, ut prima sententia putat: sed

ex iustitia orta ex hypothefi facti contractus, juxta præscriptam legis positivæ dispositionem,

II.) *Æquitas postulat & gratitudo ut is, qui re aliena in suam tantum utilitatem utitur, summam diligentiam adhibeat ne pereat, vel sua culpa deterior fiat: Atqui obligatio gratitudinis est juris nat. & obligat in conscientia ante sententiam,*

III.) *Re pereunte alteruter debet damnum sentire, vel commodans qui præstitit beneficium, & nullam prorsus culpam dedit, vel commodatarius, qui accepto beneficio in gratuita sibi rei concessione exhibito, culpam saltem juridicam admisit: igitur supposita lege & contractu, æquitas naturalis exigit, ut hic potius ex sua culpa, quam ille ex suo beneficio sine culpa damnum sentire cogatur: culpa enim etiam juridica cuique sua non alteri nocere debet; quæ regula in jure naturali fundatur,*

IV.) *Nisi hoc casu jure nat. præcepta fuerit damni reparatio ante sententiam, Respublica humana male foret constituta quo ad societatem & commercium unius hominis cum altero. Si enim ille sciret Commodatarium esse in hac sententia, quod nolit ante Judicis decretum compensare damnum, sua culpa juridica dandum, nunquam ita imprudens forsan esset, ut eam sibi commodaret, unde cum suis expensis & temporis iactura cogatur Judicem adire & litem instituere pro sententia obtinenda. Talis quippe Commodatarii resolutio indicaret animum ipsius, quod parum sit sollicitus de diligentissima custodia rei alienæ, dummodo theologicam culpam non committat: Diceret igitur rei suæ dominus: mea res maneat mecum, ego illam exactius custodiam, & nulli commodabo, nisi dederit pignus, vel eam emerit &c.: Porro id cederet in detrimentum commercii humani, ex quo homines non possent indigentia suæ succurrere, cum plurimi impares sint pignori dando, aut rei quæ commodato indigent, emendæ.*

V.) *Naturalem obligationem hanc ex contractu & legibus proveniente, declarant jura positiva. Ita enim C. un. de Commodat. legimus: Cum gratia sui tantum quis commodatum accepit, de levissima etiam culpa tenetur: Licet casus fortuitus (nisi acciderit culpa sua, vel intervenierit pactum, seu mora fuisset) sibi non debeat imputari: Ecce! hic culpa levissima juridica factus rei commodatæ interitus distinguitur a casu fortuito, qui nulla humana prudentia vitari*

tari potuit, dummodo etiam hic in pactum non fuerit deductus, aut mora Commodatarii in restituendo non intercesserit. Consentit jus civile in l. 17. ff. *Commodat.* ibi: *In rebus commodatis tuis diligentia præstanda est, qualem quisque diligentissimus paterfamilias suis rebus adhibet, ita ut tantum eos casus non præstet, quibus RESISTI non possit, veluti mortis Servorum, que sine dolo & culpa eius accidunt &c.*

609. Ad rationes *Negative* opinionis respondere possunt sententiæ *affirmativæ* Patroni. Ad I.) Defectus culpæ *theologicæ* excusat a peccato formali, non item a damni *reparatione*, quæ debetur *ex contractu*. Neque enim ad obligationem restitutionis in foro conscientiæ requiritur *semper* actus formaliter peccaminosus, seu dolus ex proposito, & voluntas nocendi. Casus autem fortuitus est, cui humanæ prudentia *resisti* non potest, veluti si commodato acceptum jumentum fulminis ictu intereat: Porto ne res commodata interisset *ex culpa juridica*, eventui huic *resisti* poterat per diligentiam exactissimam jure positivo præscriptam: Non est itaque *casus fortuitus*, neque *quasi fortuitus*, cum sit *iuridice culpabilis*. Culpas autem etiam iuridicas caveri posse, nemo dubitaverit: alioqui leges ad aliquid impossibile obligarent.

Ad II.) Prætenso obligationis gravitas non excusat a damni reparatione Commodatarium post sententiam: frustra igitur contra illam excipitur ne obliget ante sententiam. Imo longe gravius accidet illi reparatio hæc post Judicis decretum: siquidem præter damni reparationem etiam sumptus in litem subire cogetur, ac recte arguetur imprudentiæ, quod expectaverit sententiam, cum longe minori suo incommodo & sumptibus potuisset Commodanti satisfacere, si illa non expectata damnum compensasset. Neque enim Judices ideo Commodatarios ab obligatione restitutionis absolvere possunt, vel solent, quod illi excipiant, dicantque se *sine culpa theologica* rem alienam commodatam amisisse.

610. Inutiliter quoque asseritur prædictam obligationem *ignotam esse hominibus*, cum eam tot gravissimi Auctores affirmant tanquam *probabiliores*, commercio humano & juri nat. magis accommodam, quam etiam in praxi servandam, utpote circa damnum tertii *tutiores* commendant & probant. Et ipsa ratio convincit, eum potius damnum deberi pati, qui aliquam culpam admisit.

Ad

Ad III.) Ille obligatur ex contractu inito secundum leges, quæ nullo modo sunt pœnales, vel noxales. Nam restitutio, seu compensatio ex contractu debita nequit dici pœna: sicut pœna non est mutui solutio. Demum leges noxales extra contractum habent locum: non vero in contractu. Nec refert, quod leges manifeste non dicant restitutionem seu compensationem illam fieri debere ante sententiam: superfluum enim esset dicere id, quod natura contractus supponit, ut patet in omni alio contractu. Sufficient igitur quod Commodatarius sciat se rem commodato accepisse, & quod leges eum obligent ad culpam etiam levissimam præstandam: ex his enim Judex ipsa conscientia pronunciare debet compensandum esse damnum proximo &c.

Ad IV.) Res perit domino culpa domini propria: non autem Commodatarii, in hoc casu. Neque enim confundendus est contractus Commodati, cum contractu Emptionis-venditionis, in quo ratione commodi, quod ex re in genere vendita & nondum tradita, Venditori qui rei dominus est, acquiritur ita, ut simul ejusdem rei periculum etiam ad illum spectet, adeo ut si hæc res pereat, domino suo perire censeatur, nam qui sentit commodum, sentire quoque debet onus: Porro Commodans ex re sua gratis commodata alteri, & ab hoc culpabiliter aquila nullum habet commodum: imo damnum & molestiam, non igitur citra injustitiam fieri potest, ut ei, & non potius Commodatario pereat.

Ad V.) Nullum jus requirit, ut contrahens se expresse obliget ad præstandam culpam juridicam, ante omnem sententiam: dummodo expresse immunitas a tali præstatione culpæ non deducatur in contractum. Quia ut res aliena domino restituatur, vel damnum culpa contrahentis datum reparetur, est conditio imbibita necessaria, quæ non censetur exclusa, quoties non est expresse excepta. Tale enim pactum, quod Negative sententiæ Patroni adstruunt, solum iis requiritur, quæ a jure ipso positivo non sunt præscripta contractui. Porro jure nat. spectato, omnis contractus, nisi appareat aliud, de quo conventum sit, secundum naturam ipsius, quam a jure positivo ordinatam habet, factus præsumitur, & ille qui expresse non excepit quidpiam, debet se gerere in foro conscientiæ juxta ejusdem contractus naturam & legis dispositionem: Atqui leges absolute sine ulla limitatione & recur-

turlu ad sententiam Judicis declarant præstandam damni reparationem, seu restitutionem; igitur &c.

611. Neque etiam interpretationem favorabilem admittit injuria *Commodantis*; qui pro suo beneficio præstito; ex alterius culpa deberet duplex detrimentum pati; *unum* ex rei suæ interitu & ejus usus privatione ob incuriam negligentis *Commodatarii*, *alterum* ex jactura temporis, & impensatum cum aliis molestiis, quas sustinere cogeretur; apud Judicem litigando ad se indemnem faciendum: quod æquitas naturalis non permittit: Igitur *non expectata sententia*; & ante omnem *requisitionem* tenetur damnum reparare.

§. VIII.

Audoris sententia circa culpam juridicam; in contractibus: & passis; spectato Jure nat. præstandam?

612. **G**eminam adduximus hic opinionem, quarum *prima* negat ullam dari naturalem restitutionis obligationem ex culpa juridica *in contractu*; vel *passo* commissa; si nondum Judicis sententia intercessit: *affirmat altera*; ac prioris rationes solide resolvit: Ut autem utrique aliquid tribuamus, præplacet *tertia*; eaque *media* inter illas sententia; quam tradit Card. de Lugo, & alii supra laudati DD. Scilicet, *Commodatarius*; & alius quivis contrahens, ex culpa *mere juridica* contra naturam contractus commissa datum damnum; in conscientia ante Judicis decretum reparare tenetur; si *damnum passus*; etiam extra *judicium*; per se vel suos amicos; aliove familiari modo *restitutionem*; seu *reparationem* hanc damni requirat.

Ita enim consultitur naturali æquitati in utramque partem satis controversæ; & conservatur commercium humanæ societati summe necessarium, ut unus alteri res suas commodato dare deinceps non abnuat metu *primæ* opinionis absolventis ab omni obligatione pro foro animæ antè sententiam Judicis: neque etiam se sibi commodandæ indigens despondeat animum in ea petendâ; aut conscientia angustis torqueatur perterritus rigore *alterius* decisionis obligantis eum ad restitutionem; etiam non *expectata ulla requisitione* ejus; qui rem commodato dederat, si hæc ex culpa sua *juridica* interitit.

613. Hæc

613. Hac etiam ratione fit satis tam *Commodanti*, qui sine pecuniæ in litem expendendæ, ac temporis jactura aliisque molestiis, indemnitati suæ providere potest, si amice ac familiari modo *requirat*; quam & *Commodatario*, qui ad nihil tenetur *hoc casu*, quamdiu non est *requisitus*. ob hanc enim requisitionis omissionem acquireret *usu capiendi conditionem*. Si enim rei ita amissæ dominus eam ipsam vel ejus æstimationem intra certum præscriptioni conveniens tempus non requirat, *Commodatarius* obligationi illam compensandi præscribet, non præscripturus alioqui juxta illam *ulteram* seu *affirmativam* opinionem; quæ cum eum obliget *in conscientia* ad restitutionem etiam non expectata ulla *Commodantis requisitione*, ille juxta hanc sententiam usque dum restituat, vel æstimationem rei deperditæ solvat, constituitur *in theologicæ malâ fide*; cum qua nunquam præscriptioni locus est:

614. Demum facilius conciliantur duæ priores opiniones inter se pugnantes, & lites fori externi minuuntur. Fundamenta autem *mediæ* hujus sententiæ eadem sunt ac ea, quæ adduximus hic *an. 607.*) hoc solo discrimine, quod obligatio hujusmodi sit tantum sub conditione: *si requiratur*. Contra vero *affirmativâ* nostræ opposita opinio obligationem hanc imponit *Commodatario absolute*, ante omnem etiam familiarem ac amicabilem requisitionem, quam *mediæ* quidem hujus doctrinæ Auctores requirunt in prædicto casu expectandam, ad eum effectum: ut efficax in conscientia obligatio restitutionis inducatur; excludunt tamen *judicialis decreti* expectationem, cum hæc conditio *onerosa sit Commodanti*, rei suæ jacturam juridicâ *Commodatarii* culpa factam sustinenti; inducens eum ad novâs molestias & litis expensas, quas ut ille pro suo beneficio, & ob culpam alterius, in recuperanda sua proprietate subire jubeatur, vel damnum sustineat, repugnat naturali æquitati, per ea quæ supra adducta sunt.

615. Ac propterea, ut *Commodatarius* in conscientiæ prædicto casu obligetur, sufficit *simplex Commodantis requisitio*; etiam non expectata omni alia judiciali conventionne, & Magistratus, aut Judicis sententia, cujus attentatio *Commodatariis pauperibus*, aut laboribus aliis vel officio impeditis nimium gravior foret, & absterrens alios ab exhibendo indigentibus per commodati contractum beneficij.

616. Non

616. Non vacat singulos in sua *specie* contractus hoc iuris naturalis opusculo explicandos aggredi. Si enim ut par est, agamus de illis, magnum efficerent volumen; quod si obiter tantum perstringamus; eam studioso Lectori asferremus utilitatem, quam alii Naturalistæ, qui solas definitiones, & divisiones eorum, illasque manco labore hinc inde in suas traxerunt pagellas. Cum tamen materias hujusmodi longe uberius & solidius pertractatas reperire sit apud Theologos & Juris utriusque peritos; sufficiant igitur ea, quæ de contractibus *in genere*, & quorum familiaris ac crebrior usus est, etiam non nihil *in specie* attulimus.

617. Neque enim possent Alii *utiliter & adequate* exponi sine utriusque juris positivi citationibus, quibus in hac naturali Jurisprudencia parcitum, quantum fieri potuit, voluimus, præterquam in illis obligationibus naturalibus, quæ cum *obscuræ*, aut *dubiæ* sint, & juxta num. 69.) in *Jus positivum transferunt*, legum positivarum auxilio exponendæ erant, pariter ac illæ, quæ cum sint *hypotheticæ* & a statu humano *adventitiæ*, particulari *consensu*, *promissione*, *voto*, *damno dato*, aliove hominis *facto* dependant, *prædictæ* ac cum legentium *utilitate* explicari haud possunt *sola* naturali ratione: nisi prius perspectum sit, quid jus positivum disponat, permittatne talem contractum, *promissionem*, aut *factum* hujusmodi vel non; irritetne naturalem obligationem, an illam toleret &c. ? ut colligi potest ex *Leibnitii* hac super re *judicio numer. 136.*) adducto, & instantiis a num. 226.) decisis, propter quæ omnia explicanda textus juris positivi citare debuimus.

ARTICULUS V.

De Officiis erga proximum non fundatis in iustitia commutativa, iisque imperfectis.

SUMMARIUM.

618. *Quid sit, & in quo fundetur naturalis obligatio officiorum imperfectorum?*
 619. *Obligatio hæc major, minor, vel nulla erit secundum indigentiam proximi.*
 620. *Officia imperfecta negans proximo est iniquus: negans perfecta est injustus.*
 621. *Fundamentum imperfectorum officiorum idem est ac perfectorum:*
 622. *Cum hoc tamen discrimine, quod perfecta fundent jus exigendi:*
 623. *Imperfecta vero si sint positiva provenientia ex præcepto naturali affirmativo, nos quidem necessario obligant, ut ea proximo exhibeamus, non tamen illi jus exigendi tribuunt: secus si proveniant ex præcepto nat. negativo; tunc enim fiunt perfecta.*
 624. *Ostenditur id ex instantia, & auctoritate D. Thomæ.*
 625. *Actus imperfectorum officiorum a virtute caritatis erga proximum imperati continentur sub lege nat. universali.*
 626. *Exponitur motivum seu principium inadæquatum, quod nos incitare ad officia imperfecta proximo exhibenda debeat.*
 627. *Referuntur errores circa hoc motivum.*
 628. *Præcipuus Heineccii error refellitur circa officia imperfecta.*
 629. *Statuitur recta interpretatio axiomatis: Fac aliis, quæ tibi facta voles.*
 630. *Frustra jure nat. præciperetur amor proximo in genere exhibendus, si eodem jure nunquam ad imperfectum officium in specie obligaremur.*
 631. *Ratio assertur, quia caritas proximi, etiam quo ad actus imperfectorum officiorum præceptos, continetur sub lege nat.*
 632. *Actus caritatis proximo exhibende quando perfecti officii, vel imperfecti sint: ex circumstantiis colligendum.*
 Jus Nat. & Gent. E c 633. Quis

633. *Quis ordo in caritate & benevolentia observandus?*
 634. *DEI caritas præponenda omnibus aliis officiis.*
 635. *Proximo in spirituali necessitate extrema versanti succurrendum.*
 636. *Fama proximi contra detractorem tuenda est.*
 637. *Quando meliores; Deoque similiores: & quando nobis conjuncti ceteris in benefaciendo præponendi sint?*
 638. *An secundum naturæ equalitatem omnibus æque benefaciendum sit?*
 639. *Caritas & amicitia consistit in exhibitione operis.*
 640. *Patri potius quam matri aliquando benefaciendum est.*
 641. *Consanguineis prius subveniendum quam extraneis in pari necessitate.*
 642. *Quando concivis; & commilito aliis præferendus? quando Christianus infideli?*
 643. *Actus beneficentiæ, & benevolentia exponitur.*
 644. *Beneficentiæ actus potest esse debitus: solvitur instantia.*
 645. *Respectu imperfectorum officiorum benevolentia hæc potest esse debita tantum ex parte nostra: respectu perfectorum autem v. g. in extrema necessitate proximi debita erit absolute, ita ut in proximo fundet etiam jus exigendi talem actum.*
 646. *Aliqua benevolentia consistit in mera liberalitate.*
 647. *Refellitur opinio contraria circa actus beneficentiæ.*
 648. *Exponitur notio debiti: quod aliud est naturale ex justitia rigorosa.*
 649. *Aliud ex justitia universali naturali; quod etiam provenit ex necessaria honestate morali: Satisfit contraria rationi.*
 650. *Obligationes naturales ex justitia universali provenientes, si dubia sint, transeunt sub jus positivum.*
Debitum tertie classis; seu Civile ac pure morale exponitur.
Ibid. 650.
Et declaratur ex doctrina Aristotelis ac D. Thomæ: Ibid. n. 650.

§. I.

Quid sit, & in quo fundetur naturalis obligatio officiorum imperfectorum, proximo exhibendorum?

618. **I**mperfecta officia erga proximum, circa quorum explicationem in multa devia abierunt non pauci Natura-

turalista, descripsimus hic a n. 259.) quod sint actiones, vel earum omissiones; non ita quidem rigorofo jure nat. præceptæ; ut proximus noster etiam eas exigendi, tanquam sibi debitas, jus *semper* habeat, sicut habet exigendi *perfecta* juxta cit. n. 259.) nihilominus fundantur in æquitate naturali, & referuntur ad justiciam naturalem legalem seu universalem; ad quam reducuntur omnia illa officia, quæ dicimus *tantum ex caritate*; *ex virtute* deberi: quin obligetur quis ad restitutionem si omittat. Talia sunt; quæ aliis *profunt*; & *nos non gravant*. Exempli causa: digito monstrare viam petenti, permittere haurium frigidæ ex meo puteo; dare consilium; licet ex officio vel accepto honorario non sim obligatus, si id citra alias meas occupationes fieri possit; permittere peregrino lectum; sub quo dormiat, subvenire indigenti etiam *in communi*, seu *ordinaria* necessitare &c.

619. Obligatio hæc minor vel major; aut nulla erit; secundum circumstantias indigentia proximi, & nostræ habilitatis, de quibus innata uniuscujusque prudentia, quid hic & nunc expediat vel non; judicare debet. Hæc ipsa vero obligatio reducitur ad naturalem justiciam legalem, seu *universalem*; a nu. 564.) explicatam. Ad eam enim omnis *æquitas naturalis* refertur; quæ ad commutativam justiciam directe non spectat.

620. Officia hujusmodi *imperfecta* si quis sine *justa causa* neget, dicitur *iniquus*, quod non exhibeat in illis circumstantiis proximo caritatem, in quibus judicat eum *vere* sua ope indigere, ac se facile illi succurrere posse, si velit: Quod si etiam in *summa* ejus necessitate neget ipsi hujusmodi officium; quod alias præstare posset, dicitur *proprie injustus*; cum hoc casu contraveniat *juri evicendi* alterius, hocque ipsum officium tunc *ex imperfecto* degenerat in *perfectum*, quidquid sit; an ex tali omissione sequatur onus restitutionis vel non: cum pateat ex n. 259. (& 300.) ac fusius a n. 524.) non esse de ratione officiorum perfectorum; ut *semper* restitutio ex omissione eorum sequatur. Certe enim ne blasphememus, ne de DEO improbe sentiamus; ut ei cultum tam internum quam externum, urgente hic & nunc lege naturali, ac in *certis circumstantiis* exhibeamus, *perfecta* sunt juris nat. officia: & tamen ex eorum omissione *nulla restitutionis* obligatio contrahitur: simile quid est in officiis *perfectis* erga proximum *negativis*, cu-

hujusmodi sunt: ne cum odio etiam mere interno prosequamur: ne illi scandalo simus, præbeamusque ruinæ spiritualis occasionem &c. Imo juxta multos & in perfectis positivis, quæ sunt, ut ei in extrema necessitate succurramus &c.

621. Fundamentum imperfectorum officiorum ultimum & adequatum colligitur ex n. 443. ac seqq. tum dein a n. 463.) esse id ipsum, quod est omnium officiorum erga DEUM, & proximum exhibendorum: scilicet voluntatem sapientissimi Auctoris & Gubernatoris naturæ humanæ DEI, qui nisi mutuum amorem necessario præcepisset, improvide eam gubernaret, & minus consequenter illam ad suas perfectiones manifestandas condidisset, eique se ipsum pro fine ultimo præfixisset.

622. Omnia igitur officia tam perfecta, quam imperfecta idem principium adequatum & ultimum habent perfectionum divinarum manifestandarum in homine, quantum hic eas naturaliter manifestare potest. Hoc nihilominus solo discrimine, quod perfecta officia exhibenda ei sint ex debito naturali, eoque interdum riguroso ac proprie tali, proveniente ex iustitia particulari seu commutativa, fundante obligationem restitutionis: & interdum ex debito minus riguroso, nec fundante restitutionis obligationem, tribuente tamen jus activum proximo exigendi a nobis aliquem actum, tanquam sibi debitum ex naturalis legis ordinatione negativa v. g. ne cum odio pure etiam interno aversemur &c.

623. Secus fit in officiis imperfectis, hæc enim cum proveniant ex lege naturali affirmativa præcipiente mutuum amorem, seu caritatem fraternam in genere, proximo nostro non quo ad omnes in specie infima actus attribuit jus activum eos a nobis exigendi tanquam sibi debitos, alioqui fragilis conditio humana nimium gravaretur hujusmodi naturalibus obligationibus, si omnes omnino etiam ex lege nat. affirmativa provenientes actus deberemus semper ipsi præstare ex indispensabili debito naturali fundante ipsi jus exigendi, vel restitutionis petendæ. Ut diximus a numer. 73.)

624. Sufficit igitur, quod licet actum aliquem imperfecti officii, (v. g. ut itineranti digito viam ostendam) tanquam sibi debitum proximus non possit a me exigere, nihilominus ego me sciam esse lege naturali universali obstrictum ad amorem ei in genere exhibendum: consequenter,

ter, quamvis illa ostensio viz non sit in rigore loquendo debita proximo, est tamen caritatis hujus exhibitio aliquo modo debita ex parte mea, respectivo ad DEUM naturæ Auctorem, qui lege naturali ac necessaria præcepit mihi caritatem seu dilectionem proximi mei. Et cum legi ejus naturali obedire debeam, debeo quoque, si facile possum, digito indicare viam petenti peregrino. Quod si id sine ulla iusta causa omitto, & itinerantem errare patior, delinquo quoadentenus contra caritatem proximi jure nat. præceptam: Hæc ipsa doctrina est D. Th. 2. 2. q. 80. a. 1. ubi ait: *potest hoc debitum attendi ex parte ipsius debentis &c.*

625. Atque hinc concludimus: actus officiorum positivorum imperator a virtute caritatis erga proximum imperfectos contineri sub lege nat. universali, qui licet non tribuant ei jus exigendi tanquam sibi in rigore debitos: adhuc tamen, in illis circumstantiis, quando nulla iusta causa adest, quæ nos excusare possit, sunt suo modo debiti per respectum ad nostram obligationem, qua tenemur obedire legi naturali, ejusque Auctori DEO præcipienti ut proximum diligamus, sicut nos ipsos. Alioqui, si neque hoc respectu & sensu forent debiti: non esset ratio, cur sine omni iusta causa nolens itineranti viam indigitare, vel leviter delinquat contra caritatem proximi lege naturæ præceptam. Et sic de aliis similibus.

626. Motivum, quod nos ad hujusmodi beneficentiam & officia imperfecta socio nostro exhibenda incitare debeat, est Amor proximi in genere ab Auctore naturæ præceptus, ac nobis per dictamen rectæ rationis intimatus, ut ea exhibeamus alteri, quæ nobis in simili casu exhibenda ab eo, qui facile potest, vellemus. Equidem non desunt plerique qui putent, omnem benevolentiam & beneficentiam esse jure nat. rigoroso præceptam, ac proin regulam hanc: *Pac aliis, quæ tibi facta voles*, semper continere vim præcepti, ac omne honestum & decorum cadere sub naturalem præceptivam legem. Verum opinionem hanc falsitatis convictam ostendimus a numer. 72. 327. (643.)

627. Nonnulli vero in aliud impeerunt extremum, docentes: *Pac aliis, quæ tibi facta voles*, esse mere consilii naturalis, sine morali coactione, & tantum ad perfectionem disciplinæ naturalis spectare. Ita Heinec. de J. N. & G. l. 1. c. 7. §. 174. hic sua opinione infecit etiam nonnullos suorum

sequacium, qui ejus sensa tanquam oracula in suarum lucubrationum naturalium compendia & dispendia, bona quidem fide, *erronee* tamen perscripserunt. Si enim sine morali *conditione*, id est sine præcepto naturali *viam conditionam* habente præstanda sunt officia *imperfecta*; non spectant ad legem naturalem: hæc enim quidquid *præcipit*, vi coactiva, & sub interminatione culpæ & pœnæ præcipit, quia versatur circa honestatem morum simpliciter & absolute *necessariam*, ut ostendimus a n. 71.) Frustra igitur regula illa inter prima juris nat. principia refertur. Quodsi autem ista officia *ex conditione* legis nat. præstanda sint: falsum est illa tantum *ad perfectionem*: sed potius *ad substantiam* naturalis disciplinæ spectare verum erit. 628. At neque illud Heineccii, & errorum sequacium ejus sufficit, quod *viam petenti digito non ostendere*; & *peregrinum sub sua tecta ad quietem capiendam non recipere*; aquam ex suo fonte alteri sitienti sine justa causa negare, omni culpa contra jus nat. vacet: Agunt utique isti contra amorem proximi, quem ei facile sine suo ullo incommodo exhibere posse supponuntur. Consequens est: ut aliquomodo delinquant contra virtutem caritatis proximi, non sola Divino positivo, ut erronee putant Protestantes Naturalistæ, & eorum Amanuenses; sed etiam naturali jure præceptam. Quos non excusat inepta distinctio, cujus ope incassum suppressere veritatem conantur, dicentes: Jure naturali præceptum esse solum *amorem* proximi: non iteum *caritatem* ejus, cum hæc a solo jure *positivo* divino imperata sit. Ineptiam responsionis hujus, vel ipsi Grammatici ridet, qui *amorem* ac *caritatem* inter synonymas voces recensent, & colligi potest ex decis. a n. 522.)

629. Quo igitur efficacius adeo crassus error Naturalistis moralem Catholicorum Theologorum doctrinam im-
perite perstringentibus eximatur: Dicendum est; axioma illud: *Fac aliis, quæ tibi facta voles*, esse unum de principiiis *naturalibus*; sed ob suam generalitatem, sequentem pacti distinctionem: Nempe, sub illo contingi aliqua officia *perfecta affirmativa*, de quibus egimus a n. 521.) non nulla *imperfecta*, plurima vero *more ethica*, in solo *decoro*, & *civilitate honeste* fundata, quorum utpote indifferentium determinatio pendet a jure positivo, uti innuimus a n. 74. (c. seqq.) Officia itaque perfecta cum sint absoluta, sive *affirmativa*, sive *negativa* fuerint, sunt absolute lege nat.
præ-

præcepta , ita ut proximus ea exigendi jus habeat , licet non semper restitutionis obligatio sequatur , juxta jam dicta .

630. Imperfecta vero officia sunt affirmativi præcepti : *non absolute* , sed ex *hypothesi* variarum circumstantiarum indigentiae proximi , a lege , seu justitia naturali *universali* imperata , quin *jus exigendi* stricte competat alteri , & debentur *regulariter* solum ex *virtute morali* , qualis est etiam caritas proximo exhibenda in illis quoque casibus plerisque , quibus ille neque in extrema , nec in quasi extrema necessitate versatur , prout liquet ex exemplis supra adductis , de *vici offensione* , *peregrini sub sua testa receptione* &c. Alioqui captum humanum superaret , quâ ratione fieri possit , ut lege naturali proximi amor præceptus sit in genere , & tamen in specie ac particulari casu , extra solum extremam seu summam ejus indigentiam , jure hoc nunquam ei ullum etiam imperfectum officium positive teneamur exhibere , ac proin ab omni culpa etiam levi contra naturæ legem immunes sumus , si alioqui etiam facillima hujusmodi officia superius explicata , neque ullo modo nos gravantia illi vere indigenti & petenti denegemus .

631. Quo etiam facit : quod juxta n. 131.) In lege Evangelica præter materiam fidei & Sacramentorum , nulladentur præcepta divina positiva-moralia , quæ in lege nat. & Decalogo (sabbatum si excipias) implicite non continentur : Cum igitur in lege Evangelica , post Officia DEQ debita , præ primis aliis præcipiatur Amor , seu caritas proximi , nedum quo ad actus negativos , verum etiam positivos : sequitur caritatem hanc contineri in lege naturali , atque adeo nedum annia perfecta : sed etiam imperfecta affirmativi præcepti hypothetica officia saltem aliquâ referuntur ad legem naturalem , ea ratione ac ad illam spectant *Justitia* , *prudentia* , *temperantia* , *fortitudo* , & similes aliz *virtutes morales* , licet non omnes eadem *rigorosa obligatione* mactendæ sint , docente D. Thoma , cujus verba adduximus n. 565. & a n. 648.)

632. Quando autem prædicti caritatis actus proximo exhibendi , vim perfecti vel imperfecti officii habeant , aut quando ita præcepti sint , ut in debito naturali fupendant , vel ex sola *virtute morali* debeantur , aut certe ex consilio , sive mere *ethica convenientia* , *decoro* , ac *honestâ* præstandi sint , vel non : sola indigentis proximi circumstantiæ , ac ejus status determinare prudentem possunt . Ita quippe ju-

dicamus, v. g. *pauperibus trivialibus* ostiatim mendicanti-
bus quandoque non esse de ullo præcepto largiri *necessario*
stipem: Quales sunt pueri illi parentum interdum divi-
tum, qui ex sola puerili levitate, otio, aut regionis cons-
uetudine, per viam publicam incedentibus molesti sunt.
Aliquando sub levi obligatione: scilicet fidegrepitus, in-
firmus, qui ob virium languorem divitum mansiones cir-
cuire nequit, *nec aliunde* sibi provisum habens, obolum
roget ab eo, qui cum sibi facile elargiri posset. Quando-
que etiam sub gravi: si inquam in *extrema* seu huic æqui-
valente necessitate proximus constituatur. Sæpe etiam ex
solo *decori & convenientiæ*, sive *honesti* titulo aliquid pe-
tenti largiendum est, ne rerum nostrarum tenaces, sordidi,
vel avari videamur. Et hoc ultimum non ad præcepta legis
nat. sed ad *honestatem ethicam*, & meram politiam spectat.

Talem ethicæ virtutis actum exercuit Poeta *Martialis*
L. Epigr. qui pauperi superbo sub sua tecta ad quietem
capiendam recepto, & agrestibus alimentis non contento:
sed insuper pecuniam & vinum petenti respondit:

*Nos offam, panem, tectum: sed det tibi dives
Nummos & vinum - - -*

§. II.

*Quo ordine caritatis seu benevolentiae & beneficentiæ officia
proximo nostro de Jure naturæ sint exhibenda?*

633. **B**ene ordinata caritas dicitur, quæ in dilectionis
officiis debitum ordinem servat, quo neglecto
nomen & meritum virtutis pessum ire necesse est. Porro
caritas hoc ordine exhibenda est. *Primo* & super omnia
diligendus est DEUS. *Secundo* nos ipsi. *Tertio* juxta nos
proximus. *Quarto* infra nos corpus humanum: *Quinto* di-
lectio hæc debet providere etiam bona corpori sustentan-
do necessaria. Exponuntur jam hæc singula.

I.) DEUS super omnia diligendus, cum sit fons omnis
boni, fundamentum & causa omnis ac ordinatæ dilectio-
nis, propter quem solum tanquam *ultimum & adæquatum*
finem cum omnia creata sint, hinc neque proximo nostro
ullum exhibendum est officium, si per hoc amor DEO de-
bitus præjudicium pateretur. In hoc bene ordinati amoris
principio *Plato* ethnicus licet vir, totam rationem natu-
ralis

ralis prudentiæ reponebat teste Aug. l. 8. de Civ. DEI, verba illius referente: *Reſe philoſophari eſt DEUM ſuper omnia amare.*

II.) Nos ipſos amore rationabili diligendi fundamentum eſt, non quod nobis qua nobis dilectio hæc debeat; ſed ob imaginem DEI, ad quam conditi ſumus, vi cujus participes eſſe poſſumus divinorum bonorum: & quod juxta dicta a n. 347.) e mente Platonis & Philoſophorum: DEI poſſeſſio ſumus, hinc eam conſervare tenemur, ne ſive quo ad animam, ſive quo ad corpus in quopiam lædamus juſ illius, qui in nos dominium directum habet: Hujusmodi autem conſervatio fieri nequit niſi bene ordinata caritate inſtructi avertamus mala animæ & corpori noſtro contraria.

III.) Proximum vero diligere jubemur tanquam participem & ſocium ejuſdem nobiſcum naturæ, bonorum & finis ultimi, ad quem creati ſumus. Ut proin hic locum habeat doctrina Ariſtotelis, l. 9. Ethic. cap. 8. & 9. quod appetibilia ſint aliis ex appetibilibus ſibi, nempe bonum quod appetimus & nobis optamus: optare etiam debeamus aliis.

IV.) Poſt DEUM igitur jure nat. jubetur homo diligere ſe ipſum, & quidem primo ſecundum bona ſpiritalia, dein proximum quo ad eadem bona animam concernentia, tandem ſeipſum ſecundum bona corporis, dummodo ſpario ſuiipſius amore non decipiatur. Nam ut ait Demoſthenes apud Stob. ſerm. 13. *Faciliſſimum eſt omnium ſeipſum decipere: quod enim quiſque cupit, ad id etiam animum inducit, & ſibi perſuadet: Res autem ipſæ frequenter non ita ſe habent.* Jubetur inſuper proximum diligere ſecundum eadem bona corporis: Et demum ultimo ſe ipſum & proximum quo ad externa bona, qualia ſunt: honor, fama, bona exiſtimatio, eruditio &c.

634. Sicut igitur nunquam licitum eſt cuiuſcunque boni aſſequendi cauſa caritatem DEI abjicere: ita neque licet ob bona corporis, vel proximi amorem, propriæ animæ jacturam per peccatum admittere. Etenim ipſi quoque Gentiles agnoverunt internam animæ proſperitatem plurimum nos in externis juvare poſſe, dicente Philoſopho l. 5. Metaphyſicor. *Ex ſanitate in anima fit ſanitas in corpore.*

635. Proximo verſanti in extrema, & moraliter inſuperabili neceſſitate ſpirituale, ſuccurrendum eſt cum certo periculo propriæ vitæ, dummodo ſpes æque certa proximum juvandi aſſulgeat, nullumque gravius damnum inde ſecu-

secuturum putetur. Quare si infans absque Baptismo moriturus sit, nisi a te homine Laico baptizetur, e sententia *D. Augustini* libr. de mendacio ad Consent, cap. 8. teneris illum baptizare, etiam cum vitæ tuæ periculo. Id enim (ait ille) hoc casu amor proximi exigit, cujus animæ salus æterna saluti temporali proprii corporis præponenda est. Quanquam alii eos tantum cum vitæ periculo ad id obsequii obligatos esse doceant, qui ex officio suo, aut quasi contractu, sive tacita sponfione ad curam animarum obligantur, uti sunt: Episcopi, Parochi &c. non vero eos quoque, qui ex sola generaliter præcepta caritate ad succurrendum proximo in bonis spiritualibus, pro suo posse obstricti sunt.

636. Eodem *Augustino* loc. cit. obligante, teneris compescere, si possis, cum, qui te audiente detrahit famæ proximi tui, etiam inimici. Cujus opinionis erant etiam Ethnicici sapientes naturali ratione persuasi, hanc proximi injuriam non debere dissimulari, quoties nil obstat, quo minus impediatur. Ita quippe *Seneca* in suis *proverbiis* ait: *difficilem oportet habere aurem ad crimina*. Quod ipsum summa energia expressit *Cic.* l. 1. offic. *Detrahere aliquid alteri magis est contra naturam, quam mors, quam dolor, quam cetera, quæ possent aut corpori accidere, aut rebus externis.*

637. Ea dilectione, quam comitatur gaudium in bono alieno possessa, item quam consequitur honor, cultus, reverentia, illi magis diligendi sunt, qui meliores, Deoque similiores suo modo existunt, teste *D. Thoma* 2. 2. q. 26. ar. 7. 8. & 9. Ob hanc rationem Parentes magis quam filii & uxor, magisque benefactores, quam ii quibus benefecimus amore prosequendi sunt. Quia majorem illi cum DEO communi omnium Patre, ac Benefactore similitudinem gerunt. Ea vero dilectione, qua desideramus alteri bonam nondum possessum, & quam comitatur misericordia, & beneficentia, illis major debetur caritas, qui nobis coniunctiores existunt, ut docet *Aug.* de doctrin. Christian. c. 28. dicens: *Cum omnibus prodesse non possis, his potius consulendum est, qui pro locorum, ac temporum, vel quarumlibet rerum opportunitatibus strictius tibi quasi quadam sorte conjunguntur.*

638. Ratio est, quia licet spectato primigenio naturæ statu, omnes homines quo ad naturam sint æquales, & sine ullo discrimine illis sub hac æqualitatis ratione succur-

cur-

currendum esset : nihilominus quia vivimus nunc non in illo *primigenio* : sed *adventitio* naturæ statu , multis obnoxio miseris , a quibus conditio humana immunis fuisset , si ob Adamj peccatum *primævus* ille innocentie status *moraliter* non immutatus permanisset : hinc non jam sola naturæ similitudo : sed circumstantiæ indigentium personarum , inter æquales indigentes considerandæ sunt , D. Bonav. in 3. d. 29. q. 3.

639. Cum autem exhibitio amicitie & caritatis consistat in communicatione bonorum , dicente D. Gregorio : *probatio dilectionis est exhibitio operis* : iis proin casibus , quibus certæ personæ aliis præferendæ sunt , nobis magis conjuncti ceteris præferri debent secundum ea bona , in quibus conjunctio vel amicitia fundatur . Quam ob rem in bonis pertinentibus ad naturam & *vitam corporis* , illi præ aliis diligendi , qui nobis sanguine juncti sunt . Et quidem , si cetera paria fuerint , in his *primo* omnium *Marius* opitulari debet *Uxori* suæ , cum qua est velut una caro . *Secundo* filiis , quibus naturali jure ad providendum magis parentes obligati sunt , quam parentibus filii ; *Non enim debent filij Parentibus thesaurizare , sed parentes filiis* , 2. Corinth. 12.

640. *Tertio*. Ubi vero parentibus benefaciendum sit , in æquali miseria potius patri quam matri actus caritatis exhibendus est , si utrique simul benefacere non sufficit . Quia pater excellentiorem principii rationem obtinet . Imo in casu extremæ necessitatis parentibus ante omnes alios , etiam uxorem , & proprios filios , succurrendum esse putat D. Thomas cit. quæst. ar. 9. & art. 11. ad 2. Debitum enim erga illos tum antiquius , tum nobilius est , siquidem ipsi nobis existendi causa , & principium fuerunt . Quare æquitas postulat , ut in extrema necessitate ab interitu eos liberando tantundem rependamus . Ac proin *patri* etiam *infideli* , vel hæretico potius succurrendum , quam *extraneo fideli* . Quia obligatio naturalis religionum varietate non mutatur , circa officia *perfecta & absoluta* , quoties hæc *amori divino* non repugnant .

641. *Quarto* demum fratribus , sororibus , aliisque consanguineis , domesticis , ac familiaribus subveniendum prius quam extraneis . Nam si quis suorum , maximo domesticorum curam non habet , *fidem negavit* , & est *infideli* *deterior* , 1. ad Timoth. 5. Quodsi tamen extraneus extre-

ma

nam aut illi æquivalentem necessitatem patiatut, nec adsit alius qui eam sublevet: fratres vero & sorores nullam vel communem tantum sustineant: illi his jure nat. præferendi sunt: utpote urgente præcepto naturali *absoluto*: ut autem fratribus extra casum æqualis indigentia benefacias, est *meræ caritatis*, hoc casu non fundatæ in debito naturali, quod illis *jus exigendi* tribuat, aut te *necessario* obliget.

642. In rebus autem *pertinentibus ad civilem* communicationem, Concives nostri, in rebus *bellicis* Comilitones aliis præferendi sunt, cum eorum ope & auxilio societatis sæpius utamur, quam extraneorum: Igitur conveniens est, hoc jus prælationis illis deferre. In *Spiritualibus* vero auxiliis eorum major habenda est ratio, qui nobis secundum spiritum filii, patres, aut fratres censentur. Hac ratione (secluso pietatis erga parentes debita titulo, ac supposita *pari* necessitate) subveniendum est prius Fideli, quam infideli, Catholico, quam hæretico. Alioqui si Catholicus tantum in gravi, infidelis vel hæreticus in summa indigentia versaretur, his *necessario* præ illo succurrendum foret, cum de proximo vitæ eorum periculo agatur.

§. III.

An actus benevolentia & beneficentia in asserto hic caritatis ordine recensiti cadant sub præceptum naturale?

643. **R**esponso facile colligi potest ex decisio a nu. 71 & 75.) ubi ostensum est, *æquum* ac *justum* triariam accipi posse, scilicet 1.) *Generatim* pro omni *justo naturali*, sive id ex *justitia universali*, sive ex *particulari* seu commutativa proveniat. 2.) *Speciatim* pro *justo & æquo riguroso* proveniente ex *justitia commutativa*. 3.) Pro *justo & æquo civili*, aut *mere ethico*. Ad normam autem hujus resolutionis decidi potest præsens quaestio. Scilicet, in triplici classe reponitur *benevolentia & beneficentia*. Alia enim est, quæ fundatur in *debito naturali necessario*, *jus strictum* erigente proximo eam exigendi tanquam sibi *debitam*: qualis exhibenda est illi v. g. in extrema necessitate, ab eo qui facultatibus pollet, nec ulla sibi *justa causa* suppedit, ob quam juri ejus contravenire possit.

644. Nec

644. Nec refert, quod hoc casu non videatur *beneficentia* exhiberi, siquidem est *debita*: Nam *beneficentia*, cum juxta *Ciceronem* l. i. de natur. deor. nihil aliud sit, quam *exterior amicitiae vel caritatis actus secundum rationem communem exhibitus*, complectitur in se omne caritatis proximo exhiberi solitæ officium, non minus illud, quod sibi aliquo jure debitum est, quam etiam id, quod ex mera liberalitate provenit. Et ita in plerisque Divinis codicibus *beneficentia in pauperes commendatur*: cum tamen hæc sæpe illis saltem *vi præcepti Divini positivi extra casum etiam summæ necessitatis moraliter debita* sit, debito ad minimum *latius sumpto*, seu prout præcepta est divitibus, qui Creatoris sui mandato morem gerere tenentur: quin tamen pauperes eam *in rigore exigere semper possint*.

645. Alia dein *beneficentia* est, quæ provenit ex *sola caritate*, tanquam *moralis virtute* imperata ab *universali justitia naturali*, de qua egimus hic a num. 624.) ubi ostendimus dari aliqua *positiva imperfecta*, quæ plerumque sub *levi* saltem obligatione tenemur exhibere proximo, v. g. *viam enixe petenti digito indicare*, cum id facile possimus, licet ille *jus strictum* exigendi hunc actum, tanquam *rigorose debitum* non habeat.

646. Tertia demum *benevolentiae & beneficentiae* species est, quæ consistit in *mera liberalitate* sub nullum cadente præceptum, referturque ad titulum *ethice honesti*, vel *decori* actus. Ex his autem tribus *benevolentiae officii* proximo exhiberi solitis, sola duo priora a lege naturali *suo modo* imperantur *necessario* pro exigentia & gradu necessitatis proximi, ac personarum indigentium circumstantiis.

647. Inde vero colligere licet eorum Naturalistarum opinionem, qui putant *omnem benevolentiam & beneficentiam* esse jure nat. *rigorose* præceptam: non minus ac illorum, qui contendunt *nullam ex illis* sub naturalem legem cadere, propter suam generalem extensionem esse utramque omnino falsam: cum iam constet *aliquos beneficentiae & benevolentiae actus* esse lege nat. præceptos, nonnullos jure divino positivo, ut patet de eleemosyna divitibus præcepta etiam extra necessitatem *summam*, imo & *gravem* proximi: plures autem esse immunes ab omni imperio: sed mere permisos, imo laude dignos; cum *beneficentia & prudens liberalitas* una ex præcipuis virtutibus sit, quæ

quæ hominem vere divitem, & civiliter immortalem facit; dicente Poeta *Martial.* l. 5. epigr.

Extra fortunam est, quidquid donatur amicis,

Quas dederis, solas semper habebis opes.

648. Quò autem utilius omne dubium eximatur circa nonnulla officia positiva imperfecta, quæ à num. 624. in naturali iustitia fundari; & aliquomodo jure naturæ debitæ proximo esse asseruimus; juvat hic exponere veram notionem debiti; quò unusquisque DEO, sibi, vel proximo obstringi possit:

Debitum hoc ad proportionem justæ & æqui a num. 75.) explicati; in triplici classe reponitur: Scilicet *Primum* est debitum ex iustitia rigorosa, seu commutativa; quod etiam ab aliis strictissimum ac propriè tale audit, ad distinctionem iustitiæ legalis universalis; ex qua provenientes actus (juxta plerosque DD.) etiam rigoroze; quia sub reatu culpæ & pœnæ debentur, v. g. ne DEUM blasphemias, proximum interno odio persequamur &c; quia tamen ex commissione vel omissione hujusmodi actuum non oritur obligatio restitutionis; neque illi spectant ad iustitiam commutativam seu particularem: hinc debitum hujusmodi, ut sit rigorosum; seu strictum; non est tamen strictissimum; neque in omni rigore sumendum; prout sumitur id, quod oritur ex iustitia commutativa. Ita proin strictissimo debito obligatur furi restituere ablata; herus solvere famulis; conductor mercedem operariis, debitor æs alienum &c.

649. Alterum debitum oriri solèt ex iustitia universali seu legali naturali à num. 564. declarata; ad quam referuntur omnes virtutes morales; nempe Religio, Temperantia; Prudentia; Fortitudo; Pietas; Observantia; Obedientia; Gratitude; Vindicatio auctoritativa delictorum; Veritas; amicitia seu Caritas, Liberalitas; & aliæ reliquæ, iustitiæ legali universali tanquam suæ partes annexæ. Prout tradit *Aristoteles* 8. *Ethic.* *Cicero*, *Macrobius* super *Somn. Scipionis*, *Andronicus* peripathetic. & ex his *D. Thomas* 2. 2. quæst. 80. art. unic. ac quæst. 101. Unde actus v. g. Religionis erga DEUM, temperantiæ erga nos ipsos, gratitudinis erga benefactores, veritatis, amicitiae seu caritatis erga proximum, obedientiæ erga legitimos Magistratus, pietatis erga parentes &c. debiti sunt jure naturali ex iustitia legali universali. Ac per ea, quæ diximus à num. 151.) proveniunt ex necessaria quidem honestate morali,

li, quin tamen *semper* inducant *per se* onus aliquod restitutionis.

650. Nec refert, quod actus hujusmodi debiti sint ex *virtute morali*, quia moralitas hæc est *absolute necessaria* ad honestatem actuum humanorum, scilicet ut erga DEUM religiose, erga nos temperanter, erga parentes pie, erga benefactores grati, cum proximo in caritate, ac tranquille vivamus. Illa proin non constituit debitum *pure morale*; seu *civile*, de quo mox agemus, sed supponit *absolutam antecedentem*, ac non dependentem a libera DEI voluntate *necessitatem*, factique ut contra virtutem hujusmodi commissus vel omissus actus sit *intrinsece* malus, ut patet in eo; qui omitteret actum Religionis DEO debitum, tunc quando præceptum naturale eum urget ponendum &c.

Et quia in plerisque casibus *particularibus* obligationes naturales, præsertim ex *justitia minus stricta*; seu hac *legali universali* provenientes *dubie* sunt; ita ut debitum *in necessaria* morum honestate fundatum ex iis *certo* concludi non possit, hinc illæ tali casu transeunt sub jus positivum, & juxta *num. 141.*) constituunt debitum, quod quo *ad substantiam* seu genericè sumptum dependet a lege naturali: quò *ad modum* autem ac in particulari circumstantia proveniet immediate a lege positiva divina, vel humana, ut liquet de decimis *formaliter* spectatis, & aliis exemplis *cit. n. 141.*) adductis.

Tertiæ classis debitum est *civile*, seu *pure morale*, quantum immediate provenit ex libera Legislatoris voluntate, nec fundatur in morum *honestate necessaria*, ac proin nec constituit transgressionem talis legis *intrinsece* malam. Hujusmodi debitum versatur e. g. ut Electiones canonicæ Prælatorum fiant secundum Canones cum certis solemnitatibus; Testamenta ad causas profanas & similes actus condantur secundum legis civilis formam: ut debitor restitutum sibi chirographum producat in judicio, ex præsumptione factæ solutionis absolvetur ab actione creditoris nihil in contrarium replicantis, & alia *a num. 75.*) declarata.

Debitum hoc *civile*, seu *pure morale* contingit interdum concurrere cum debito *naturali*, ac dicitur *mixtum*, si verò proveniat ex solo jure positivo, vocatur *civile tantum*, de quo per omnia ita discurrendum est, ac
de

de obligationis divisione innuimus hic supra a numer. 151.)

Et licet D. Thomas cit. q. 80. a. un. ex Aristotele duplicis tantum, scilicet *legalis*, & *moralis* debiti mentionem facere videatur, nihilominus quia ibidem distinguit inter ea, quæ debentur ex iustitia naturali *stricta*, & ea, quæ proveniunt ex iustitia & obligatione nat. *minus stricta*: inde concludunt DD. ab Aristotele & D. Thoma assertum debitum *legale* recte dividi in illud, quod oritur ex iustitia particulari, seu commutativa, ac in alterum quod provenit ex iustitia universali; utrumque enim imperatur a lege naturali, & dicitur etiam *legale*. Demum quia eodem loco Angelicus Doctor distinguit quoque inter *moralitatem* seu *honestatem* actus humani *necessariam*, & *contingentem*, aitque, illam contineri in omnibus iustitiæ naturalis tam particularis quam universalis actibus debitis; secus hanc, quæ non necessaria, sed contingens actui esse dicitur, & requiritur tantum ex hypothesi *libere* voluntatis Legislatoris, cui obtemperandum est: ex his inferitur *tertia* species debiti, quod *civile*, seu *pure morale* vocat cum aliis Covar. cap. 11. de testam. num. 10. & liquet ex iis, quæ a num. 151.) de effectu obligationis naturalis allata sunt.





PARS SECUNDA DE JURE GENTIUM. CAPUT PRIMUM.

De existentia & constitutivis Juris Gentium.

§. I.

An detur aliquod Jus Gentium, quod vim Legis habeat?

SUMMARIUM.

Cum continuatione numeri marginalis per decursum
primæ Partis notati.

651. *Dari aliquod Jus Gent. certum est contra nonnullos.
Probatur id ex Jure utroque positivo-humano.*

652. *Evincitur id ipsam Auctoritate Prudentum.*

653. *Variae Nationes provocarunt ad Jus Gent.*

654. *Rex Ammonitarum, Antiochus & Sapor Jus Gent. allegarunt.*

655. *Affertur ratio pro existentia alicujus Juris Gentium,
saltem abstrahendo hic & nunc, sine distinctum a naturali jure, vel non.*

651. **O**uin detur aliquod Jus Gentium, minime dubitant solidius eruditi Viri contra paucos, frustra in contrarium nitentes. Id enim manifeste insinuant omnia Jura humano-positiva in scripturam redacta: attestatur communissima Prudentum auctoritas: & evincit ratio.

Jus Nat. & Gent.

F f

Et

Et quidem I.) insinuat *Jus humano-positivum scriptum*. Quia *Can. Jus autem 6. diff. 1.*) Species Juris his verbis recensentur: *Jus autem aut Naturale est, aut Civile, aut NB. GENTIUM*. Hanc ipsam veto Jurium distinctionem exhibet nobis corpus Juris Civilis, §. 4. *Inst. de Just. & Jur.* dicens: *Jus tripartitum est; collectum est enim ex naturalibus præceptis, aut NB. GENTIUM, aut Civilibus*. Quæ ipsa verba repetuntur in *L. Juri §. 2. ff. de Jus. & Jur.* ac alibi sæpius.

652. Nec deest *Prudentum auctoritas*: quia Historici & Scriptores publici passim a variis Nationibus ad *Jus Gentium* provocatum fuisse testantur, quæ *mores & usus Populorum* longævo temporum cursu, ac aliqua possessione firmatos pro lege litem dirimente allegarunt. Prout videre est apud *Guicciardin.* histor. L. 5. qui testimonium perhibet, quod ubi inter Romanos & Persas *finium regendorum* controversia suborta fuisset, *Gentium usus* a prima rerum divisione introductus, & continua possessione firmatus *Persis* exceptionem prætensæ terrarum restitutionis contra Romanos præbuerit, cum tamen Persæ jure civili Romano minime tenerentur, sola Gentium lege causas hujusmodi decedentes. Unde laudatus Auctor ait: *In controversiis de Provinciarum nominibus & terminis inter Gentes, semper præsens consuetudo spectatur.*

653. Hunc etiam in modum *Herodotus* l. 7. pro Legatorum immunitate perorat, dicens in eorum personis *Gentium* jura violari: *Qui conzernunt Legatos, JUS OMNIUM HOMINUM confundunt*. In *Herodoti* sententiam abiit *Tacitus* L. histor. 3. *Sacrum est etiam inter exterarum GENTES Legatorum jus*. Quod etiam repetit *Cæsar* l. 3. de bello Gall. ubi ait: *Legatorum nomen apud omnes Nationes sanctum inviolatumque semper fuit.*

654. Constabit quoque uberius ex dicendis infra, quod *Rex Ammonitarum a Jephthe* petierit sibi restitui terras inter *Arnon & Jabok* fluvios sitas, ea ratione persuasus, quod sibi titulo *primæ occupationis* *Jus Gentium* suffragaretur pro earum dominio. Cujus exemplum in allegando jure Gentium secutus fuerat etiam *Antiochus*, dein *Sapor* Rex Persarum, & aliarum nationum Principes paulo post allegandi.

655. *RATIO* quoque dari aliquod Gentium jus evincit. Cum enim Gentes relicta primæva bonorum communione

ne divisæ sint, & aliquam inter se societatem constitu-
rint, debent habere quandam regulam ad cujus normam
societas hæc *primigenio* statui naturali superveniens rite
ac humano modo instituatur, actionesque & negotia in
commerciis, contractibus, bellis, legationibus, ac re-
rum occupationibus juxta æquitatem dirigatur: Atqui re-
gula hæc nil aliud est, quam ipsum jus Gentium: igitur
hoc negari prudenter haud potest, saltem abstrahendo
hic & nunc, quodnam sit illud, distinctumne a
jure naturæ, vel non: de quo *seq. §.* mox agemus, ubi
etiam resolventur ea, quæ contra hic decisæ opponi pos-
sunt.

§. II.

*Utrum detur Jus Gentium a naturali distinctum, quod sit po-
sitivum humanum, legis propriæ diæ vīm habens? Affertur
negativa opinio cum suis rationibus.*

S U M M A R I U M.

- 856. Adducitur opinio negans Jus Gent. esse distinctum a na-
turali.
- 857. Ejus fundamenta proponuntur. 1.) Quid jus civile
non distinguat inter hæc jura. 2.) Quid J. G. non pro-
cedat a superiore. 3.) Quia non possunt ostendi præcep-
ta J. G.
- 858. Affertur fundamentum 4.) quod non constet de ullo pa-
cto Gentium.
- 859. Allegatur usum Gentium non fuisse uniformem, & nihil
concludere.
- 860. Dein 5.) opponitur: ea quæ ad J. G. reduci dicuntur,
posse bene referri ad Jus naturale.
- 861. Jus Sepulturæ cum aliis similibus opinio hæc revocat ad
jus naturale & ad officia amoris præcepti, quin ullus
alius sit Juris Gentium.

866. **P**Atet jam dari aliquod Jus Gent. sed an id a lege
naturali distinctum sit, ita ut aliam Juris mere hu-
mano-positivi constituat speciem; præsens examinabit qua-
estio. Ad quam *Hobbesius* l. de cive cap. XIV. 4. 5. natu-
ralem legem dividens in naturalem hominum, & naturalem

civitatum, ait: *Præcepta utriusque eadem sunt; sed quia civitates semel institutæ inducunt proprietates hominum personales, lex, quam loquentes de hominum singulorum officio naturalem dicimus: applicata totis civitatibus, nationibus, si-ve Gentibus, vocatur jus Gentium.*

Sententiæ huic neganti ullum jus Gentium a naturali lege distinctum, tanquam infallibili oraculo adhæsit Puffendorfius de J. N. & G. l. 2. c. 3. n. 23. dicens: *Hobbesii sententiæ & nos plane subscribimus. Nec præterea aliud jus Gentium voluntarium, seu positivum dari arbitramur, quod quidem legis proprie dictæ vim habeat &c.*

In eandem opinionem (præter Hug. Grotium) abierunt plerique alii Protestantium cum Thomasio, Rysselio, Nicolao Herzio, Vvebero, Heinccio, qui in Elem. de J. N. & G. l. 1. c. 1. §. 22. contra eos, qui oppositæ sententiæ adhærent, hac utitur emphasi: *colligimus jus nat. a jure gentium nec principio cognoscendi, nec ipsis regulis: sed solo objecto differre; adeoque rationem eos fugere, qui nescio quod jus gentium a jure naturæ diversum sibi FINGUNT.* Protestantium opinioni adstipulantur etiam non pauci ex Orthodoxis Jurisperitis, inter quos est Schambogen, & alii eruditi viri, quibus viam præverunt antiquiores Jsti, imo & Theologi cum Canonistis, inter quos est P. Reiffenst. in Prolegom. Jur. Can. a n. 34.

657. Pro hac negativa assertionem sui Patroni adducunt sequentes rationes. I.) Jus civile inter jus naturæ & Gentium non distinguit, sed absolute dicit in L. omnes populi 9. ff. de J. & J. quod naturalis ratio inter omnes homines constituit, id apud omnes peræque custoditur, vocaturque jus gentium, quasi quo omnes homines utuntur. Et hæc ipsa verba exhibet §. Jus autem 1. Inst. de J. N. G. & C. 11.) Jus Gentium ut a naturali distinctum nequit procedere a superiore. III.) Non potest ostendi, quæ præcepta sint propria juri Gentium, prout hoc distinguitur a jure naturæ. Nam ea, quæ ad jus Gentium referuntur, v. gr. circa modos acquirendi, contractus, commercia &c. vel ad jus nat. pertinent, vel ad civile singulorum: igitur quatenus a Jure civili distinguitur, portio juris naturalis erit.

658. Arguunt IV.) si daretur jus Gentium mere humanum; haberetur ex omnium, vel saltem moratorum Gentium pacto, seu consensu expresso, vel saltem tacito: utrumque sine fundamento asseritur, Nam primo) consensu

fus hic nulla ratione, nullis tabulis, nullis testibus probatur. Et imperceptibile est, quomodo omnes Gentes convenire in unum locum, & *expresse* consentire pòtuerint. Posito autem casu, quod ita consenserint, obligatio hæc esset *naturalis* juris, quia proveniret *ex pacto libero*. Neque etiam *secundo*) ex pacto vel consensu *tacito*. Quia hic ex nullis signis colligi potest. Quæ enim sunt illa? non *necessitas moralis*, quæ tacitum hunc consensum exigeret propter publicam tranquillitatem, hoc enim ipso Jus hoc non esset *positivum*: sed naturale, deductum ex principio naturaliter *necessarii amoris*, adeoque non ex consequente Gentium consensu. Non etiam liberum *Arbitrium Gentium*: quia omnium voluntas conspirare in unum non potuit, neque præsumi potest: Aliqua- tum autem duntaxat nequit ad rationem legis universalis sufficere.

659. His addunt, quod non appareat, quomodo Gentes nunc possint obligari pactis Antecessorum, cum neque *usus* fuerit semper *uniformis*, neque constet, quænam illæ Gentes moratiores fuerint, quæ aliquem consensum præbuisse credantur.

660. Demum arguit V.) Eà, quæ juri Gentium positivo attribuantur, rectius ad jus nat. reduci possunt. Et enim *primo*,) Quod inter præcipua juris Gentium capita numeratur, est *jus Legationum*: porro Legatorum admissio & securitas est juris nat. quoties illi speciem *Legatorum*, non *Exploratorum* præferunt. Cum enim ejusmodi personæ sint necessariæ ad pacem conciliandam, quam jus nat. omnibus modis honestis amplecti jubet; utique & cavisse censetur idem jus securitati personarum, sine quibus finis ab eodem præceptus obtineri nequit: *secundo*) Divisio regnorum est juris nat. quia hæc necessitate facta est qd multitudinem Populorum, qui simul non poterant commodè subsistere: *tertio*) Bellum quoque cum sit defensio publica, est naturali jure permissum. Idem procedit de repressaliis.

661. Jus dein *Sepulture* ad officia amoris jure nat. præcepti bene refertur, pariter ac cetera optime ad legem nat. reducuntur: Igitur nulla opus est specifica distinctione juris Gentium a jure naturæ, ac proinde idem est jus Gentium quod & naturale, nec aliud positivum humanum datur, quod vim legis universalis erga diver-

fas Gentes habeat. Ita illi. Quibus tamen non obstantibus

§. III.

Evincitur dari Jus Gent. positivum a jure nat. specie distinctum. Et satisficit contrariis rationibus.

S U M M A R I U M.

- 662. *Afferitur dari Jus Gent. distinctum a naturali.*
- 663. *Demonstratur 1.) ex Jure Civili, §. 2. Inst. de J. N. G. & C.*
- 664. *Firmatur ex L. 1. §. 4. ff. de J. & J.*
- 665. *Et exemplo de Manumissione &c.*
- 666. *Demonstratur 2.) ex Jure Canonico.*
- 667. *Demonstratis hæc exponitur uberius.*
- 668. *Deducitur 3.) ex ratione.*
- 669. *Solvuntur contrariæ rationes) prima ostenditur manifeste falsa.*
- 670. *Ad 2.) Resp. non requiri Superiorem ad Legem Gentium.*
- 671. *Datur ratio hujus explicationis.*
- 672. *Ad 3.) Indicantur præcepta J. G. expressa in utroque Jure positivo.*
- 673. *Ad 4.) Pacti & consensus taciti adducuntur fundamenta.*
- 674. *Ad 5.) Refelluntur instantiæ de Legatis &c.*
- 675. *Explicatur, quomodo contractus spectent ad Jus Gent. & an id sit species juris legalis univoce.*

662. **U**Tut speciosa videri forte alicui possent rationes pro specifica naturalis & gentium juris identitate hic adductæ, illæ tamen cum minus solidæ sint, haud obistere possunt, quin longe communiori, solidiori, imo etiam moraliter certæ opinioni adhareamus: quæ tam Theologorum, quam Jurisperitorum, & melioris notæ Naturalistarum calculo firmata docet: *Dari jus mere humanum commune omnibus, saltem morationibus Populis a jure naturali adequate & specie distinctum, quod Jus Gent. dicitur, habetque vim legis propriæ dictæ.*

Ita

Ita sensisse colligitur *Aristoteles* l. 5. *Ethic.* c. 7. *Jus humanum* dividens in *Jus Gentium*, & *politicum*, seu ut *Interpres* vertit, *civile*. Quem sequitur *D. Thomas* 1. 2. qu. 95. ar. 4. ad 1. ubi ait: *Jus Gentium*, pariter ac cetera jura *positiva*, fundari quidem *aliquomodo in jure naturali*, secundum quod est *rationale* (id est, recte rationi conforme) unde de facili in hujusmodi *jus homines consenserunt*: **DISTINGUITUR TAMEN a jure naturali**. Eiusdem sententiae est *Suarez* de LL. l. 2. cap. 17. num. 8. & cap. 19. a. num. 1. *per tot.* ubi num. 3. dicit, *Jus entium simpliciter dicendum esse positivum humanum*. Hos sequitur *Reding.* de LL. c. 10. q. 15. a. j. *controv.* 2. num. 4. *Gonzalez* in Appar. Jur. Can. nu. 19. *Schimer*, *Schmalzgr.* & omnes Recentiores TT. & Canonistae.

Jam vero ex Naturalistis & Jstis adherent nostrae sententiae *Hugo Grotius* de I. B. & P. L. 1. cap. 1. num. 14. *Gronning* in Biblioth. jur. Gent. l. 3. c. 10. num. 15. *Gletle* 1. p. pandect. q. 1. num. 5. *David Mev.* in nucleo jur. Gent. inspect. 7. th. 9. *Vitriar.* Inst. J. N. & G. in prolegom. num. 24. Et praeter alios Recentiores Ill. L. B. de *Ickstatt* in Elem. J. G. l. 1. cap. 2. §. 3. ubi erudite definit *Jus Gentium POSITIVUM* esse *complexum Legum*, juxta quas *Gentes ex conventionibus mutuo initis*, aut *vigore observantiarum ac consuetudinum legitime stabilitarum actiones suas instituere obligantur*.

633. Ab his autem, aliisque eruditis Viris communius asserta *Juris Gentium a naturali lege specifica distinctio* evidenter demonstratur I.) *ex jure Civili*, quod *jus Gentium omnino aliud & a naturali distinctum exhibet*. Prout id manifeste patet ex §. *sed jus 2.* *Instit. de J. N. G. & C.* cujus haec sunt verba: *jus GENTIUM omni humano generi commune est: nam USU exigente & humanis NECESSITATIBUS Gentes humanae JURA QUÆDAM NB. Sibi CONSTITUERUNT*. *Bella etenim orta sunt, & captivitates secutae, & servitutes, quae sunt NB. NATURALI JURI CONTRARIÆ*. *Jure enim naturali omnes homines ab initio liberi nascebantur*. Et ex *jure GENTIUM NB. omnes pene contractus introducti sunt, ut emptio-venditio, locatio-conductio, societas, depositum, mutuum, & alii innumerabiles*.

Quid clarius pro distinctione praedictorum Jurium dici potuit? Certum quippe est, *Jus naturale non provenire*

nire ex *USU*, multo minus dependere a libera constitutio-
ne humana. Siquidem autem *usu exigente*, & *necessitatibus*
Gentes humane quædam jura sibi constituerunt, palam est
jura hujusmodi non esse naturalia Generi humano cœva,
& *absolute necessaria* ad morum honestatem, sed ab illis
distincta, utpote ex humano placito *libere* constituta. Quod
probant ipsa *bella, captivitates, servitutes*; quæ cum juxta
cit. textum sint *naturali juri contrariæ*: hinc jus, quod bel-
lorum, captivitatum, ac servitutum honestum & licitum
usum invexit, *certisque limitibus*, seu conditionibus *cir-*
cumscripsit, debet esse specie distinctum a jure naturæ, cu-
jus libertas & permissio limitata, & ad certas circumstan-
tias restricta est.

664. Eodem stylo utitur Ulpianus, in *L. juri* 1. §. 4. ff.
de *J. & J.* dicens: *Jus GENTIUM est, quo Gentes huma-*
næ utuntur, NB. quod a *NATURALI RECEDERE* facile
intelligere licet. Si recedit a naturali jure: igitur est ab eo
distinctum, cum nihil a se ipso recedere possit, non est
itaque idem quod jus naturæ. Mirum sane est! quod
Puffendorfius cum suis sequacibus textum hunc juris *facti*
le alioquin perceptibilem aut non legerit, aut non intel-
lexerit.

665. Idem Jæus distinctionem hanc allegatorum jurium
uberius exponit in *L. 4. ff. de J. & J.* ubi ait, *Manumissio-*
nes quoque juris GENTIUM sunt. Exposita autem manumis-
sionis definitione, subjungit: *quæ res a jure Gentium ORI-*
GINEM sumpsit; utpote cum jure naturæ omnes liberi nasce-
rentur, nec esset nota manumissio, cum servitus esset incogni-
ta: sed posteaquam jure Gentium servitus invasit, secutum est
beneficium manumissionis. Et cum uno *NATURALI* nomine
homines appellarentur, NB. jure *GENTIUM* tria genera esse
cœperunt: *LIBERI*, & *his contrarium SERVI*, & *tertium*
genus LIBERTI, id est *hi, qui desierunt esse servi*: Atqui
ita hæc diversa hominum genera non provenerunt a jure
naturæ, neque ab eo accepit certam formam servitus, &
manumissio, multo minus sortita est ab illo *originem*:
igitur debet esse aliud quoddam jus a naturali distinctum
a quo hi effectus derivati sunt: Porro non est aliud,
quam jus Gentium: Civile enim cum sit jus *singulare*, non
potuit omnibus vel plerisque morationibus saltem Genti-
bus dictare universalem legem. Concordat *l. ex hoc jure*
5. ff. de J. & J.

666. Juri Romano communi subscribit II.) *jus Canonici-
dum* in Can. *Jus autem* 6. *dist.* 1. ubi *jus* in genere divi-
dit in *naturale*, *civile* & *gentium*, dicitque: *Jus autem
aut Naturale est, aut Civile, aut Gentium*: Inepta autem
foret hæc divisio, si ut volunt Adversarii, *jus Gentium*
idem ipsum esset ac *jus naturale*.

667. Pro majori vero hujus distinctionis declaratio-
ne, in Can. *jus naturale* 7. *dist.* 1. diversa *jurium* horum
indoles explicatur his verbis: *Jus Naturale est commune
omnium Nationum, eo quod ubique instinctu nature*, NB.
NON CONSTITUTIONE aliqua habetur. Dein ibidem Can.
8. exponitur *jus civile* hac phrasi: *Jus Civile, quod quis-
que Populus, vel quæque Civitas sibi PROPRIUM, divina
humanaque causa constituit*.

Demum Can. 9. eadem *dist.* 1. *Jus Gentium* per exempla
describitur: *jus GENTIUM est sedum occupatio, edificatio,
munitio, bella, captivitates, servitutes, postliminia, fæde-
ra, paces, inducie, legatorum non violandorum religio,
connubia inter alienigenas prohibita*. Et eodem Can. 9. §. 1.
subjungitur: *Hoc inde JUS GENTIUM appellatur, quia eo
omnes FERE Gentes utuntur*, id est ab eo diriguntur ple-
ræque saltem moratiores Nationes. Textus hic igitur sup-
ponit dari *jus Gentium* aliud ab illo naturali. Per se e-
nim notum est: naturali jure non tantum *omnes fere*, seu
circiter; sed *absolute omnes* Gentes debere, eo quod innata
dictamina naturalia omnibus hominibus usu rationis
pollentibus, sint communia, quæ eos de voluntate Divi-
na aliquid necessario prohibente, vel præcipiente, admo-
nent. Secus fit in jure Gentium, quo tantum *omnes fere*
diriguntur.

668. Tandem III.) eandem distinctionem probat *ratio*,
quæ specificam diversitatem Juris Gentium a jure natura-
li exhibet. Nam juxta superius dicta de jure naturali a n.
71. *jus naturale legale*, seu prout vim legis habens fundatur in
honestate naturali simpliciter & absolute necessaria, ita ut
objectum eius intrinsecam contineat bonitatem, vel malli-
tiam. Est quoque illud *jus* cordibus nostris inscriptum,
ac sine hominum voluntate, pariter ac excluso omni usu,
& consuetudine, ex ipsa intrinseca necessitate naturæ ratio-
nalis a DEO constitutum, inditumque eidem esse digno-
scitur.

Contra autem, *jus Gentium* non fundatur in honestate
mo-

morum naturali simpliciter & absolute necessaria, nec ver-
satur circa objecta intrinsece bona vel mala: sed talia sunt
nonnisi ideo, quia supposito cæcitate ac uniformi Gentium
saltem moratorum aliquo consensu, sunt usu humano in-
troducenda, & consequenter etiam præcepta, non aliter ta-
men, quam salva eorum mutabilitate, & per contrarium
uniformem usum abrogatione. Quo etiam facit, quod,
uti Suarez cit. c. 17. n. 9. ait; *jus Gentium magis bonum
socium, quam bonum hominem format*, scilicet moralem Po-
pulorum commoditatem potius quam absolutam totius na-
turæ rationalis necessitatem ac felicitatem respicit. Hanc
enim ita absolute & necessario respicere spectat ad solum
jus naturæ, cujus officium est, ut tam unumquemque ho-
minem in particulari, quam etiam totum genus humanum
in communi rectum eiformet quo ad necessariam actuum mo-
ralitatem.

Ex his igitur omnibus concluditur: Jus naturæ non esse
idem ac Jus Gentium, neque vicissim Jus Gentium includi
in jure naturæ: sed potius esse quid adæquate distinctum
ab eodem, ita ut diversam juris speciem constituat.

669. CONTRARIÆ RATIONES a n. 657.) adductæ ni-
hil præter inania verba continent. Hinc ad I.) R. in cit.
§. Jus autem 1. Inst. pariter ac in L. omnes populi §. de J.
& J. Jus Gentium pro naturali jure usurpatur per abusum
vocabuli, quales abusus plures demonstravimus supra a n.
50.) Porro hanc improprie usurpata prædictorum voca-
buloꝝ significationem manifeste correctam, aut declara-
tam videmus in cit. §. sed jns 2. Inst. de J. N.G. & C. ubi
jus Gentium dicitur esse, quod usu exigente & humanis ne-
cessitatibus Gentes humanæ sibi CONSTITUERUNT: igitur
adæquate distinguitur a jure naturæ, quia hoc gentes usu
sibi non constituerunt: sed naturæ Auctori cordibus omnium
usu rationis pollentium inscripsit *necessario*. Quæ ipsa di-
stinctio liquet ex cit. L. Juri 1. §. 4. ff. de J. & J. ubi
Jus Gentium a naturali recedere dicitur.

670. Ad II.) Multi quidem DD. qui jus Gentium in
usu & consuetudine longæva constituunt, jus hujusmodi
putant procedere a DEO, non tanquam naturæ rationalis
Auctore; sed tanquam Gubernatore & Superiore societatis
humanæ, in quam Gentes facta inter se divisione coive-
runt. Verum quia hoc modo Jus Gentium confunditur cum
jure diviso positivo, & responsio eorum supponit obligatio-
nem,

nem, qua Gentes abinvicem erga se obstringuntur, provenire ab ipso DEO, a quo vim obligandi consuetudines illarum acceperunt, quod pugnat cum his, quæ dicuntur a. n. 677. & seq.) Hinc responsione hac penes suos Auctores relicta, aliam in eo viam, ac dico:

671. Falso laborat supposito argumentum, quod Jus Gentium, quatenus obligat omnes, vel plerasque Nationes, debuerit procedere ab aliquo Superiore distante legem gentibus, aut directe & immediate approbante usum & consuetudinem per illas introductam. Cam enim Jus Gentium constitutum sit potius *per modum pacti taciti*, manifestatumque per hoc, quod Gentes jus istud animo introducendæ & retinendæ obligationis receperint, ac quod nunc data occasione *ad illud*, tanquam ad legem communem provocent: sequitur, quod Institutores juris huius sint ipsi Populi, seu Gentes secus *tacite* paciscentes. Ac proin ad illud constituendum non fuit ullo Superiore tanquam Legislatore immediato. Certum quippe est, inter *æquales* posse fieri *pacta*, sponsiones, & mutuas, sive expressas, sive tacitas promissiones, sine ulla superioritate, propt̃ experientia docet. Quod verum est etiam si contendas non *per pactum tacitum*; sed per *immemoriam usum, & consuetudinem* jus Gentium vim legis obligantis habens constitutum fuisse. Notum quippe etiam est, *longævam consuetudinem* seu *usum* v. g. duarum vel plurium vicinarum Civitatum piscandi in flumine, pascendi greges in agris, promiscue lignandi in vicinis silvis &c. inducere Juris firmitatem, ne una Civitas alteram impediatur: & tamen neutra earum habet ullam superioritatem, aut jurisdictionem in alteram, cum sint *æquales*. In republica item *Aristocratici* regiminis, in quo singulæ, aut pleræque nobiles; & in *Democratici*, in quo etiam ignobiles alioqui personæ jus aliquod condendarum legum habent: singuli obligantur legibus pro tota republica constitutis; cum tamen legislatores illi *particulares*, quatenus jus suffragii in legibus condendis habent, nec essent, nec sint Superiores respectu aliorum, qui legibus his obstringuntur.

672. Ad III.) Præcepta Juris Gentium patent ex §. sed jus 2. Inst. de J. N. G. & C. pariter ac ex aliis textibus adductis hic a num. 663.) & uberius ostenduntur in resolutione sequentis objectionis. Nec obest quod aliqua ex istis reducantur ad Jus naturæ, aliqua ad Jus Civile.

1e. Quia reductio hæc ex diversis fit causis. Ita enim factis v. g. contractuum emptionis-vendicionis, locati-conducti, mutui, depositi, bella item & fœdera, commercia & servitutes, ac manumissiones &c. *originem* suam habent a jure Gentium: formam vero nonnulla eorum a solo hoc Gentium jure, nonnulla autem, uti sunt contractus, a Civili dispositione participant. Quatenus vero legitime initi actus illi observandi sunt: præcipitur hæc executio a Jure naturali, ad quod omnis justitia spectat. *Suar. l. 2. de LL. c. 19. n. 7. circa med. & c. 17. n. 3. ac 4.*

673. Ad IV.) & eius probationes: R. Jus Gentium haberi ex Nationum saltem moratiotum consensu & pacto tacito, longævo usu ac consuetudine firmato: Consensus autem & pacti hujus taciti fundamentum desumitur primo) ex iudicio Gentium & traditione, qua passim ad communia Gentium placita provocant, & contravenientes juris Gentium læsi reos pronuntiant. Secundo.) Desumitur ex communi hominum in societate viventium necessitate & similitate. Unde Albericus Gentilis de Jure belli l. 1. c. 1. ait, quod utilitas & necessitas consensum plerumque omnium provocarit, & obtinuerit. Ac etiam Justinianus Imper. in cit. §. 2. *Inst. de J. N. G. & C.* docet: Jus Gentium usu exigente & humanis necessitatibus introductum: Quod etiam tradit Struv. in Syntagm. tit. de Just. & Jur. ac ex illo Muller cum aliis.

Ex his autem facile percipi potest, quomodo Gentes nunc obligentur pactis Antecessorum: Quia scilicet eadem traditio, eadem necessitas, ac utilitas usu longævo firmata etiam nunc manet, quæ fuit tempore Antecessorum: consequens est, ut idem quoque particularium Nationum nunc etiam iudicium sit de obligatione servandi hæc leges.

674. Ad V.) Liquet iam resolutio ex his quæ attulimus ad tertiam rationem contrariam. Instantia prima de Legatorum securitate nihil probat. Quia illorum securitas non immediate præcipitur a Jure naturæ, sed nonnisi consequenter, supposito nempe pacto tacito inter Gentes. Consuetudo enim recipiendi Legatos sub lege immunitatis & securitatis absolute spectata non est de necessitate, jure naturali considerato. Quia potuisset unaquæque Communitas hominum non habere apud se Legatos alterius, nec velle illos admittere. Nunc tamen eos admittere est de

de Jure Gentium, & illos repudiare esset signum inimicitiae ac violationis Juris Gentium. Hinc licet supposita admissione Legatorum sub pacto tacito, mere consequenter & argutive sit contra Jus naturæ illis non servare immunitatem, quia est contra justitiam & debitam fidelitatem: tamen illa suppositio & pactum illud sub tali conditione introductum non ab alio, quam solo Gentium jure provenit. Similis est responsio ad secundam, & reliquas instantias, de bellis, repressaliis, foederibus, Regnorum divisione, &c.

675. Imo, idem quoque considerari potest in quovis contractu & commercio, in quo tria distinguenda sunt. Primum est, quod considerari debeat particularis *modus contrahendi*: & hic ordinarie spectat ad jus civile, sæpe quoque fieri potest arbitrio contrahentium, si jus aliquod non repugnet. Secundum: observatio contractus, postquam consummatus est; & hoc pertinet ad jus naturæ. Tertium est: *Libertas* contrahendi, commercia tractandi cum hominibus non inimicis vel hostibus publicis, neque circa res aliunde prohibitas; & hæc est de jure Gentium, quatenus inter plures Gentes supposito pacto tacito, usu & consuetudine est confirmata. Quia jus naturæ per se ad id non obligat, potuisset enim una Respublica per se vivere, & nolle commercium cum alia, etiamsi hæc non esset inimica. Jure autem Gentium introductum est, ut commercia sint libera, violareturque hoc Jus, si absque causa rationabili prohiberentur. Et ita intelligendum est illud, quod in cit. §. sed jus 2. Inst. de J. N. G. & C. dicitur: ex hoc jure Gentium pene omnes contractus introductos esse.

An autem ita defensum jus Gent. univoce, vel analogice tantum sit species Juris legalis: est quæstio scholastica; ad quam Glesle 1. p. pandect. q. 1. n. 11. respondet non esse univocum, quia non potest procedere a voluntate & potestate Superioris. Sed pace istius Auctoris, sit sane univocum, vel analogum, parum refert, cum satis sit, quod obliget in conscientia, ut constabit ex n. 702.) Quanquam bene adhuc dici possit univocum, quia licet Gens una libera respectu alterius Gentis liberæ non agnoscat Superiorem: tamen subditi privati uniuscujusque Gentis eum agnoscere tenentur, scilicet Regem aliumve Principem vel Magistratum, qui illos cogere possunt ad observandas leges Gentium receptas.

De-

Demum *Conventiones* sine ullo Superiore factæ inter æquales habent adhuc vim legis propriæ ac univocæ talis, ut patet consideranti totum tit. ff. *quod quisque juris in alterum statuerit, ut ipse eodem jure utatur*. Ratio enim univoci non ex sola superioritate hic desumitur.

§. IV.

Quid sit Jus Gentium, & quæ ejus origo.

S U M M A R I U M.

876. Admittitur descriptio Justinianza J. G.

Ibidem approbatur definitio J. G. explicans per conventionem tacitam.

877. Eadem definitio firmatur per rejectionem explanationis contrariæ.

878. Explicatur origo causalis & motiva J. G.

879. Quam ostenditur non provenire ex imperio legis nat.

880. Origo formalis J. G. deducitur ex pacto tacito.

876. **C**UM jam certum sit dari Jus Gentium, idque a naturali & civili distinctum; sequitur exponenda ejus indoles, quid sit, & quem in modum describi aut definiri possit?

Jus Gentium *Legale*; seu propriè; ac propt vim legis habet, spectatum rectè descripsit Justinianus Imperator in cit. §. sed jus 2. *Inst. de J. N. G. & C.* esse id, quod exigentibus necessitatibus humanis, & utilitatibus suadentibus, usu & moribus omnium, aut pene omnium Gentium introductum est. Unde etiam colligitur, quod hoc Jus sit quidem conforme rationi naturali, & in ea fundetur, ac præfluat, non tamen necessario ac simpliciter solo naturali instinctu est inditum nobis, neque etiam a determinato Principe, Legislatore singulari, vel certo aliquo Regno ortum habeat: sed a libero Gentium consensu.

Et hæc Justinianza descriptio sufficit, quin proluxa disputatione opus sit circa *rigorosam* ejus definitionem, in qua statuenda diversæ sunt Auctorum opiniones. Ex quibus illa præplacet, juxta quam Jus Gentium *legale* est *Conventio tacita*, qua Gentes saltem moratiôres obligatione mutua usu & moribus approbata consociantur in ordine ad ea, quæ

que ad communem ipsarum felicitatem pertinent. Ita in re
fallens procem. §. 5. n. 1. Grotius de J. B. & P. pluribus in locis:
 Nam in prolegom. §. 1. jus Gentium moribus & pacto ta-
 cito introductum; dein §. 53. tanquam ex conditio obliga-
 re affirmat. Jam verol. 1. c. 1. §. 14. ait omnium vel multarum
 Gentium voluntate vim obligandi accepisse. Et l. 2. c. 3. §. 7.
 expresse ait, Jus Gentium habere vim pacti inter Gentes,
 illudque distinguit a jure Civili plurium Gentium. Grotii
 definitionem amplectuntur Albericus Gentilis, Connanus,
 Ziegler, Henninges aliique Commentatores. Quibus adhæ-
 ret Glesle l. p. pandect. q. 1. n. 11. Stapfius de J. N. & G. p. x.
 c. 1. §. 3. a. n. 2. Pockhen in Jurisprud. controvers. l. 1. tit. 2. p. 2.
 q. 3. f. 327. His recentèr accessit Ill. L. B. de Ickstatt in Elem.
 J. G. l. 1. c. 2. §. 3. cujus eruditos sensus retulimus hic m.
 662.) Potest quoque brevius definiti: Est *jus ex communi
 consensu ac tacita Populorum conventionione proveniens.*

667. Definitio hæc conformis est responsioni supra a n.
 671.) assertæ. Cum enim jus Gentium legale sit aliqua lex
 obligans, ac proin deberet procedere ab aliquo superiore,
 hic autem commodè ostendi non possit, quinam sit ille,
 qui tanquam supremus Princeps & Legislator Gentes con-
 sociatas immediate obligavit ad observandas aliquas leges
 a Naturali & Civilibus distinctas, omnibus vel saltem
 moratioribus Populis communes: difficultati huic solven-
 dæ non occurrat aptius medium, quam si obligationes ex
 jure Gentium positivo *legali* provenientes defendamus pro-
 venire ex pacto tacito inter Gentes inito, & demum lon-
 gævo usu confirmato. Pacta enim hujusmodi non egent
 ullo superiore; cum possint fieri etiam inter æquales.
 Quod etiam tradit Suarez de LL. l. 2. c. 19. n. 7. ubi obli-
 gationes hujusmodi ex pacto subintellecto provenire docet,
 quin eas explicet per recursum ad DEUM, tanquam Au-
 ctorem societatis, ac supremum Politiarum & Rerum pu-
 blicarum Principem, prout ita explicant alij Scriptores:
 sed tamen non satisfaciunt. DEUS enim est causa valde uni-
 versalis omnium rerum, ac proin ejus Voluntas & essen-
 tialis justitia est quidem fons ac prima origo omnium le-
 gum, juxta illud Prov. 8. v. 16. *Per me Principes imperant,*
 & *Potentes decernunt justitiam:* Nihilominus neque hic
 quæstio vertitur de causa hac legum eminente ac univer-
 sali, neque a plerisque Eruditis factus ad eam recursus sol-
 vit difficultates; jus enim Gentium confundit potius cum
 jure

jure divino positivo, &c. Neque dixeris, Jus Gent. non consistere in ulla pactione aut conventionione earum. 1.) Quia ex pactis non oritur Jus legale, sive constitutionis: sed proprietatis. 2.) Difficile est explicare quomodo per pacta & conventiones, quæ solos paciscentes afficiunt, omnes Gentes etiam non consentientes obligari poterint.

Nam *contra* est, quod assumptum non sit verum. Cujus *prima* ratio etiam non subsistit, cum evidenter falsum quoque sit, ex pactis semper oriri jus *proprietatis*, patet enim contrarium in pactis foederum publicorum inter unam & alteram Gentem initorum: item in tacito pacto quod habet Religiosus professus cum sua Religione, & vicissim; quin tamen ille habeat jus proprietatis ex hoc pacto, cujus rei multæ aliæ instantiæ per se notæ sunt. Deinde hæc ipsa ratio patitur distinctionem: scilicet, ex pactis non oritur Jus legale, si mens paciscentium Nationum *nec tacite nec expresse voluit* pactum illud vim juris legalis habere C. secus N. Porro quod Gentes id voluerint, patet ex n. 673. & 671.) Ad 2. liquet Responsio ex cit. num. 673.) Demum, in hac quam defendimus sententia facile explicatur, quomodo Gentes, quæ nunc successerunt, Antecessorum suorum pactis obligentur: Quia non in solo pacto *tacito*: sed simul in usu & longæva consuetudine pactum illud tacitum de novo confirmante, reponimus Juris Gentium legalis constitutionem, juxta cit. §. *sed jus* 2. *Inst. de J. N. G.* & C. Quamquam etiam in opinione eorum, qui sine recursu ad usum & consuetudinem, Jus Gent. statuunt *in solo pacto*, optime adhuc difficultas hæc expeditur: Quod nempe in voluntate *Antecessorum* publice & communiter pro bono earum communi ac reciproco paciscentium fuerit voluntas *Successorum moraliter* inclusa. Et ita experimur pactis foederum publicorum ante 100. annos libere initis obligari etiam successores, quoties nulla justa causa *de novo emergente* excusans adest; & tamen hodie in vivis existentes Cives ac incolæ hujus Regni, vel provinciæ, ante 100. annos sicut in rerum natura non erant, ita neque pactæ sunt. Sola alioqui consuetudo sine ullo etiam *tacito pacto* non posset Jus Gent. constituere, licet constituat *civile & proprium*.

678. Quod vero *ORIGINEM* Juris Gentium concernit: hæc duplex considerari potest, causalis nempe & formalis.

lis. *Origo causalis*, seu *causa motiva & finalis* juris Gentium provenit immediate ex *necessitate & utilitate* Gentium, post primævam bonorum communionem divisarum. Cum enim Gens nulla extoro sibi sufficiat, ita ut ad commodiorem feliciorumque vitam non indigeat auxiliis mutuis, neque detur pars aliqua Orbis terrarum, quæ omnibus ad vitam necessariis abundet, innuente Poeta:

--- non omnis fert omnia tellus;

ipsa natura per rationis dictamen inclinavit Gentes ad in-
eundæ societatis fœdus, quo se melius in suis indigentis
reciprocè iuvarent, atque per mutuam communicationem,
in tranquillitate & pace cœneri humano conveniente fir-
marentur. Hac autem ratione Gentes divisæ indigebant
aliquo Jure, quo dirigerentur & recte ordinarentur in hoc
genere communicationis ac societatis a Jure naturali non
determinatæ pro *statu earum adventitio*, per accidens su-
perveniente.

679. Et quamvis magna ex parte fiat id per rationem
naturalem: non tamen sufficienter & immediate quo ad
omnia. Licet enim jus naturæ permiserit aliquos actus,
v. g. belli, captivitatum, servitutum &c. non tamen de-
terminavit certos casus: sed eos reliquit Gentium disposi-
tioni, ut pro varietate circumstantiarum præscriberent cer-
tas regulas, quibus libertas naturalis limitaretur, & indu-
ceretur mutua obligatio regulas ejusmodi observandi.
Hinc alia specialia jura poterant *pactis tacito & usu* ea-
rundem Gentium introduci. Nam sicut in una civitate,
vel provincia consuetudo introducit jus, ita in universo
humano genere, vel magna ejus parte potuerunt jura Gen-
tium moribus introduci. Eo vel maxime, quod illa quæ
ad hoc jus pertinent, & pauca sint, juriq; naturali val-
de propinqua, & facillimam habeant ab illo deductio-
nem, eamque ita utilem & consentaneam ipsi naturæ, ut
licet non sit evidens deductio hæc tanquam de *se omni-
no necessaria* ad honestatem morum, sit tamen *valde con-
veniens naturæ*, & de se sicut utilis, ita appetibilis om-
nibus.

680. *Origo formalis* juris Gentium satis colligitur ex de-
finitione ejus n. 676.) adducta, quod scilicet *pactum ta-
citurum* longævo usu firmatum vim legis Gentes reciprocè
obligantis induxerit, seu, ut *Albericus Gentilis* de jure belli,
„ l. i. c. i. ait, „ Constituerunt jus Gentium inter se omnes

Jus Nat. & Gent.

G g

„ vel

„ vel multæ Gentes, non fortuito, aut altera alterius imita-
 „ trione; sed quasi ex compaſſo; non quod convenerint, ut
 „ legem ſcriberent: ſed quod utilitas & neceſſitas plerum-
 „ que omnium provocaverit & obrinuerit conſenſum; &
 „ ex hoc deinceps jus conſtitutum ſit. „

Utramque originem hic explicatam clare indicat Juſti-
 nianus Imperator in cit. §. ſed jus 2. Inſt. ubi ait, uſu exi-
 gente & humanis neceſſitatibus gentes humana jura quedam
 ſibi conſtituerunt.

§. V.

Quotuplex ſit Jus Gentium.

S U M M A R I U M.

681. Queritur hic de diſiſione juris Gent. legalis, quod di-
 ſtinguitur in Affirmativum, Negativum, & Permiſ-
 ſivum.

682. &c. Exponuntur ſingula, & declarantur exemplis.

686. Jura Gentium permiſſiva impunitatis immutari poſſunt.

687. Uſus veſtium, panis, carniſ, tabaci &c. ſunt juris
 Gent. permiſſivi.

688. Rejicitur diſiſio juris Gent. in primævum & ſecunda-
 rium.

689. Lex nat. pariter ac Divina poſitiva male vocatur jus
 Gentium.

690. Aſſertur ratio malæ diſiſionis hujus reje. tæ.

691. Solvitur inſtantiæ ex textibus juris adducta.

692. Rejicitur etiam diſiſio in univerſale & particulare jus
 Gent.

693. Pariter ac diſiſio in jus Gent. certum & incertum.

694. &c. Refellitur jus Gent. proprie & improprie tale:
 ſcriptum, non ſcriptum, item: neceſſarium, voluntari-
 um, paſſivum, ceremoniale. &c.

681. **P**LURIMÆ quidem apud non paucos Auctores legun-
 tur Juris Gentium diſiſiones, verum cum hic
 quæſtio ſit de ſolo Jure Gentium legali, ſeu vim legis,
 ſaltem moratiores populos obligandi habentis; ſupervaca-
 neum eſt privatos unius v.g. Regni cum altero initos con-
 tractus vel paſſa ſpecialia non fundata in jure Gentium
 com-

communi ad Jus Gentium reducere, quæ ad alias Nationes extendi, easque obligare nullo modo possunt. Hæc proin & similibus aliis divisionibus, tanquam arbitrarie inventis & a scopo quæsitæ hujus alienis prorsus rejectis, eam sola præcipue admittendam censemus, quæ Jus Gentium legale dividit in *Affirmativum*; *negativum ac permissivum*, illudque ad omnes vel plerasque Gentes extendit. In hæc quippe membra omnis lex recte dividitur, attestante textu in L. 7. ff. de Legib. *Legis virtus est, imperare, vetare, permittere* &c. Et ad hanc normam supra hic in *part. 1. a numer. 39.* divisimus legem naturalem.

682. Jus Gentium itaque *Affirmativum* est, quod imperat aliquid agendum, seu quod pro objecto habet positionem actus, v. g. ut Bellum inter unam & alteram Gentem præcedat solemnis denuntiatio per *Feciales*: Legati recipiantur sub legē immunitatis & securitatis; nisi Gens ita non recipiens velit hoc ipso inimicam se exhibere alteri &c.

Negativum J. G. est, quod imperat aliquid omittendum seu pro objecto habet negationem actus, prohibendo eum, ne fiat: Hujusmodi præcepta Juris Gent. sunt: v. g. ne hostis per submissos sicarios occidatur; neve occidatur inermis & se non defendens: ne arma bello servitura; aut fontes veneno inficiantur (De jure enim nat. parum referret; si hostis publicus veneno, vel gladio aut aliter perdat) Ad *Negativum* J. G. spectat etiam; ne commerciâ inter unam & alteram Nationem absque causa rationabili prohibeantur, & multa alia sequentibus capitibus exponenda.

Permissivum J. G. est, quod nec præcipit, nec prohibet actum; sed negative se habet; vel tolerando eum si bonus vel indifferens sit; aut si malus: impunitatem extrinsecam concedendo. Exempla juris Gentium *Permissivi* objectorum quæ mala non sunt, exhibet nobis citatus *canon 9. dist. 1.* nempe sunt: *Sedium occupatio, edificatio, mutatio* &c. ac etiam per *cit. §. sed ius 2. Inst. de J. N. G. & C.* sunt varii *contractus*; quatenus hi ab una Gentecum altera iniiri libere possunt & solent, manente obligatione ceteros adstringente, ne actum huiusmodi ex se inausferentem & permissum impediant sine iusta causa.

683. Jam vero exempla *actus mali*; cujus impunitatem

extrinseca pro foro *externo* permittit, aut saltem permittere posset *jus Gentium*, teste *Suar.* de LL. l. 2. c. 20. n. 3. & *Martinezio* apud eundem, est *tolerantia meretricum, permissio deceptionis* in contractu, quæ non sit ultra dimidium &c. Licet enim *Jus naturale* ex se rigidum & pro *necessaria* actuum honestate dirigenda natum nulla *intrinsece* mala permittat: sed omnia absolute prohibeat; quia tamen pœnas delictis (ut probavimus a n. 148.) non statuit: sed juri positivo determinandas reliquit; hinc non apparet ratio, cur *jus Gentium* mala aliqua objecta ex rationabili causa permittere non possit, sicut *Jure civili* nonnulla mala permittuntur, quatenus relicta naturali obligatione pro *interno*, negatur actio pro *externo* foro.

684. Talis enim permissio exigitur a fragilitate humana. Quam ob causam ortum est etiam illud vulgare: *Ubi omnes, vel multi peccant: nemo, aut pauci puniuntur.*

685. Huc etiam facit, quod juxta n. 668.) *jus Gentium* per se & *primario* externam populorum utilitatem, tranquillitatem, ac vitam socialem potius, quam *internam* conscientie directionem respiciat. Istam enim supponit fieri a *lege naturali*, actuumque hujusmodi moralem ac necessariam rectitudinem illius discipline relinquit, potest igitur *jus Gentium* ex justa causa pœnas mitigare, vel omittere.

686. Quia tamen *Legis permissivæ* in universum hæc natura est; ut relinquat liberam dispositionem Magistratibus circa objecta permissa, adeo, ut si illis propter majus bonum expedire videatur, quatenus actus malus pro foro *externo* permissus, & impunitate donatus absolute prohibeatur & perpetratus puniatur, id statuere possint, & debeant. Hinc quod in plerisque Nationibus *meretrices*, intra dimidium *deceptores*, alique legum naturalium transgressores, nequidem in foro *externo* tolerentur, aut impunitate gaudeant, per hoc *jus Gentium* minime infringitur, quinimo perficitur.

687. Ad mere *permissivum* *jus Gentium* reducitur usus vestium, carniæ, tabaci, panis, consuetudo item condendi leges civiles, & id genus alia. Hæc enim objecta non respiciunt communem ac reciprocam omnium Gentium utilitatem: sed potius particularem illorum hominum, qui iis utuntur, non cadunt igitur sub ullum præceptum juris Gentium: sed sufficit, quod usus eorum hoc jure

jare permissus sit. Quatenus autem ex. gr. vestes aliquæ necessariæ sunt ad impediendum scandalum, quod oriretur ex nuditate, & aliquis cibus adhibendus propter vitæ conservationem, hæc & similia oriuntur ex præceptis naturalibus. Eximie igitur Suarez de LL. l. 2. c. 19. n. 4. ait: Illud solum juris Gentium objectum, vim præcepti habens censendum est; quod in communem ac publicam Gentium utilitatem societatisque humanæ vergit; reliqua autem prorsus non spectant ad hoc jus, aut ad id mere permissivum reducuntur.

Hac autem sola recepta & explicata præcipua divisione juris Gentium in affirmativum, negativum, & permissivum, rejiciuntur reliquæ, in quas idem Jus a plerisque dividi solet. Et quidem

688. Merito rejicienda est divisio Juris Gentium I.) In primævum, seu antiquum, & secundarium. Porro per primævum intelligitur a suis Patronis illud jus, quod ratio naturalis inter omnes homines constituit, & in re est ipsum jus naturale, ab Auctore naturæ rationalis DEO O. M. cordibus hominum inditum & inscriptum. Secundarium autem vocant, quod ex libera Gentium voluntate, usu & humanis necessitatibus exigentibus introductum est. Fundamentum divisionis hujus sumplerunt illi ex cit. §. Jus autem i. Inst. de J. N. G. & C. ibi: Quod vero naturalis ratio inter omnes homines constituit, id apud omnes peræque custoditur, vocaturque jus GENTIUM, quasi quo jure omnes Gentes utuntur: & dein ex cit. §. sed Jus 2. Inst. eod. tit. ubi Jus Gentium esse dicitur quod usu exigente, & humanis necessitatibus, Gentes humanæ jura quedam SIBI CONSTITUERUNT, quæ utriusque textus verba repetuntur etiam in L. omnes populi 9. ff. de J. & 7. Ex hac autem duplici definitione inferunt duplex Jus Gentium, primævum scilicet seu naturale, quo omnes Gentes utuntur, quin illud suo placito accedente libere constituerint; Et secundarium, quod sibi usu exigente & humanis necessitatibus libere constituerunt, vocaruntque positivum humanum, ut videre licet in Alberto Bolognæti. tr. de LL. & Juram. c. 27. Pinell. in Rubr. C. de Rescind. vend. & sequitur Schreidewin. ad cit. §. 2. Inst. de J. N. G. & C. Bacchov. ad eund. §. David. Mev. in nucleo J. N. inspect. §. Obliungenfberger ad cit. tit. Instit. quæst. 3. alique non pauci, quibus argumenta suppeditarunt Sant-Gallenses Theologi de LL. sect.

2. q. 3. conclus. 1. & P. Reiffenstuel in proleg. Jur. Can, a n. 31. & ante hunc Pirhing. n. 10.

689. Divisionem hanc acriter impugnant communius Recentiores Theologi & Jurisperiti cum *Ludov. Molin.* de J. & J. tom. 1. d. 3. & seq. *Gletle* Jurisprud. fundam. l. 1. tit. 2. c. 3. §. 4. n. 1. *Coning* in Bibliothec. J. G. l. 3. seq. us, *Flech* Bibliothecæ Jur. Civil. l. 1. tit. 9. num. 4. *Franz.* ad tit. Inst. de J. N. G. & C. p. 2. n. 5. quibus magno numero accesserunt Canonistæ. Verum *Suarezius* quavis etiam rejiciat divisionem hanc, optime tamen advertit de LL. l. 2. c. 17. n. 7. acerrimam hujuscemodi disputationem versari circa solum usum vocis, seu vocabulariam esse. Cum enim prima sententiâ per Jus *præmum* Gentium intelligat Jus naturale, quo omnes Gentes independentes ab ulu, & pacto & consensu suo obligantur, nullum est absurdum in hoc sensu Jus naturale vocari Jus Gentium, imo & omnia Decalogi præcepta, omnesque leges positivæ Divinæ ac universales possunt, (ait *Suarez* ibidem) vocari Jus Gent. quatenus *Lex Divina* positiva universalis ex se obligat omnes Gentes, ad quas noticia ejus pervenit.

690. Nihilominus quia acceptio hujusmodi valde impropria est, pugnatque cum regulis rectæ divisionis, quæ fieri non debet in membra æquivoca & impropria, hinc illa etiam a *Suarezio* l. c. cap. 17. n. 7. prop. fin. & c. 19. a n. 1. absolute rejicitur. Ratio est, I.) quia hic quæstio est de divisione Juris Gentium *positivo-humani*, qualem definivimus a n. 676.) non autem de jure naturali absolute necessario, & cordibus inscripto, sicut neque procedit eadem quæstio de legibus Divinis positivis, aut Civilibus unicuique Genti propriis. Dicere autem omnes has leges esse Jus Gentium, quia Gentes illis obligantur: est verbis ludere, & sophisticis responsionibus logicas disputationes de voce instituere. II.) Sententiâ jus naturale *præmum* admittens illudque vocabula juris Gentium *primarii* compellans, falso laborat supposito, quod detur duplex jus naturale, *præmum* nempe, seu commune hominibus & brutis, ac *secundarium*, quod jus Gentium *primarium* ac solis hominibus proprium vocat, hæc enim a n. 40. & 45.) falsa esse demonstravimus. III.) Demum constat ex adductis juribus a n. 663.) quod Legislatores humani Jus Gentium adæquate distinctum a lege naturali & ci-

vili asseruerint, quod etiam ratio ibidem adjuncta probat; Hinc tota hæc disceptatio concluditur verbis *Suarezii* cit. c. 19. n. 3. inferentis: Igitur *jus Gentium simpliciter dicendum est positivum humanum*. Quod etiam desumitur ex *D. Tb.* q. 95. a. 4. ubi absolute *jus positivum* dividit in *Gentium & Civile*, & utrumque dicit esse *humanum* *jus derivatum a naturali*, quatenus omnis *lex etiam humana* debet esse rectæ rationi conformis, alioqui non haberet vim obligandi utpote imprudenter lata.

691. Nec obstant textus ad speciem contrarii, quos prior sententia pro se adducit, verbis enim illis *improprie & abusive* usos fuisse Legislatores constat jam ex *num. 669.* & patet ex eorum declarationibus, quibus æquivocam locutionem suam ad sensum planum reduxerunt, distinguendo *Jus naturæ a jure Gentium*, & utriusque diversam causam assignando, prout id ex cit. *n. 669.* colligi potest, pariter ac quod *vera religio* erga DEUM, *pietas* erga parentes, ex *jure nat.* non *Gentium* procedat.

692. Nulla quoque est divisio *juris Gentium II.*) in *universale*, seu *commune*, quo plures vel pleræque Gentes; & in *particulare*, seu *proprium*, quo duo vel tres tantum Gentes utuntur. Hæc enim divisio confundit *jus Gentium cum Civili*, cui confusio præclusimus aditum hic *num. 687.*) ubi illud solum *Juris Gentium* objectum esse diximus, quod in *communem* ac publicam societatis humanæ felicitatem vergit, prout non ita verget *particulare* pactum v. g. inter unam solam & alteram Nationem initum. Cum enim hæc conventio sit *particularis*, nequit rationabiliter dici *communis* *Gentium*. Hinc rectius ait *Grotius* l. 2. c. 3. n. 5. conventionem talem dicendam potius *Jus civile plurium Gentium*.

693. Non satisfacit III.) Divisio *juris Gentium in Verum seu certum seu incertum*. Quod enim *incertum* est, non potest vim *juris legalis* habere, cum *leges* debeant esse certæ & manifestæ, ne laqueum conscientis ponant & ansam obligationi per errorem inducendæ præbeant, *Can. Erit autem Lex* 2. dist. 4.

694. Nec meretur approbationem IV.) illa *juris Gentium* divisio, quæ id distinguit in *proprie dictum*, quod est cum mutua obligatione, & in *improprie acceptum*, quod est sine mutua obligatione. *Lex* quippe *improprie dicta* non est *lex*, aut si vim obligandi aliquam

saltem *indirecte* habet (uti fit in legibus *permissivis*, quæ obligant *tertium*, ne me in usu meæ libertatis, aut privilegiæ impediatur) hac ratione erit lex proprie dicta, uti jam patet ex cit. l. 7. ff. de LL. ubi etiam lex *permissiva* nomine legum proprie dictarum gaudet. Et patet ex n. 682.) quod *Sedium occupatio, munitio, edificatio, contractuum factio*, & similia spectent ad Jus Gent. *permissivum*, ac ne dum *sine mutua*: sed etiam prorsus sine ulla obligatione permittuntur, ut illis utatur qui vult & potest, nihilominus objecta hæc referuntur ad Jus Gentium proprie dictum: & illa Gens, quæ sine justa causa impediret alteram in commerciis vel contractibus, rea foret violati Juris Gentium.

695. Pari ratione non subsistit V.) Divisio juris Gentium in *scriptum & non scriptum*. Jus enim Gentium *scriptum* nullum est, & nullum unquam fuit, quod omnes aut fere omnes Nationes obligaret. Quando enim illæ, ubi & quomodo hanc scripturam confecerunt? quæ ex illis Gentibus sigilla sua & manuum subscriptiones apposuerunt? in quibus Actis, Protocollo, vel Juris corpore scriptura hæc reperitur? Quod si v. g. duæ aut tres Gentes aliquam conventionem in scripturam redegerunt: actus hic *particularis* habet quidem vim legis: sed *privata*, quin ad alias Gentes de hoc casu particulari non paciscentes extendatur. Certum quippe est, quod transactiones & pacta inter aliquos inita aliis non præjudicent, neque iis regulam præscribere possint.

696. Ex his autem sequitur, nullam quoque esse divisionem juris Gentium VI.) In *necessarium, voluntarium & positum*: Pari ratione ac VII.) In *naturale & positum*: Demum VIII.) In *consuetudinarium ac ceremoniarium*, aliaque divisionis membra. Quorum hæc summaria est ratio. Quia 1.) Nullum aliud Jus Gent. agnoscimus quam *positivum* humanum commune omnibus, aut saltem fere omnibus Gentibus: non recte igitur dividitur in *necessarium*, quod non Gentium *positivum*: sed *naturale & distinctum* est. 2.) Cum idem Jus Gent. proveniat ex *pactato tacito*, usu & consuetudine approbato, sequitur illud esse *positum*, ac includere voluntarium usum & consuetudinem: superflua itaque est divisio, & confusionem pariens iis, qui Juri huic discendo navare operam vellent. 3.) Ceremoniæ pro diversitate Gentium diversæ sunt in
reci-

recipiendis Legatis, adornandis festivitatibus & homagiis supremis Principibus reddendis &c. illæ proin non merentur nomen Juris Gentium, cum ceremoniæ unius Gentis nequeant esse regula universalis aliarum, ita ut vim legis habeant.

§. VI.

Quæ sit differentia Juris Gentium ab aliis Juribus?

S U M M A R I U M.

697. *Jus Gent. differt a Jure nat. ratione originis: ratione causæ efficientis: & finalis.*
 698. *Dein differt ratione Objecti, seu obligationis; tum ratione subjeæti.*
 699. *Aliæ differentię Juris Gent. a jure nat. rejiciuntur;*
 700. *Pariter ac distinctio a recentioribus Jâis excogitata.*
 701. *Ostenditur differentia juris Gent. a jure Civili.*

697. **J**US Gentium I.) differt a jure naturæ ratione originis, quia jus naturale est *congenitum* hominib; cuiusvis, caputque simul cum natura humana. Contra vero, *Jus Gentium* non est congenitum: sed *adventitium*, superveniens hominibus saltem plurium Nationum, post naturam depravatam, & homines multiplicatos, eosque divisos super terram. II.) Differt ratione causæ efficientis: quia naturale jus conditum est ab ipso naturæ Auctore DEO, qui illud cordibus humanis inscripsit: Jus Gentium autem conditum est ab hominibus, ut liquet ex definitione ejus à n. 676.) adducta. III.) Differt ratione causæ finalis: quia jus Gentium pro fine formali & adæquato respicit *utilitatem Gentium*, seu felicitatem *Societatis humanæ*, eamque vel maxime ac *primario civilem* seu *externam* hujus vitæ, non fundatam in *absoluta necessitate* naturæ, neque ut simpliciter ad honestatem morum necessariam: sed potius fundatam in necessitate duntaxat quadam *moralis* latius tãli, seu ad *melius & perfectius feliciusque* esse in ordine ad communicationem Gentium convenientem, formando Nationes *proxime & practice sociales*, ut scilicet homo bonus sit Civis, & aptus societati humanæ. Contra vero, Jus nat. pro fine *primario* respicit felicitatem homini *substantialiter* propriam, seu *internam*, ut homo quo ad DEUM, se

se ipsum, & proximum ambulet rectus in probitate & innocentia. Ac proin hoc jus nat. *primario* & principaliter format hominem *qua hominem* moraliter ac *absolute necessario* rectum, & tantum *secundario* format etiam *qua socium* & bonum civem in ordine quoque ad felicitatem civilem seu temporaneam, ut scilicet supposita societate, exhibeat se utilem aliis.

689. Differt IV.) Ratione *objecti* & *obligationis*, Jus enim nat. versatur circa ea, quæ *intrinsece* ac per se bona vel mala sunt, ideoque *formaliter* est immutabile: Jus autem Gentium versatur circa objecta *non intrinsece* bona vel mala: sed ea solum, quæ Gentium *arbitrio*, sive supposito earum *pacto tacito*, usu & consuetudine firmato vim legis obtinuerunt, ita ut mutari in se vel abrogari, ut infra dicemus, possint. Differt V.) Ratione *subjecti*: Jure enim naturæ obligatur omnis homo rationis compos: Jure Gentium autem ex solum obstringuntur Gentes, quæ *pacto* seu *conventionione tacita* usu & consuetudine firmata se illi subjecere. In particulari autem, quilibet homo obligatur Jure Gent. si ille est membrum communitalis humanæ, quæ conventionem illam acceptavit & usu confirmavit.

699. Aliæ vero differentiæ, quas plerisque inter Jus naturæ & Gentium asserunt tanquam incongruæ communiter rejiciuntur. Scilicet 1.) Distinctio veterum Jurorum, qua jus nat. dixerunt a Jure Gent. in eo differre, quod illud *natura omnia animalia* docuerit, non item Jus Gentium, quod *naturalis ratio inter homines constituit*. Hanc enim falsam esse ideam patet jam ex n. 45.) Neque etiam toleranda est 2.) *Soti* & quorundam *Thomistarum* distinctio, qua jus nat. putant differre a Jure Gentium, quia (ajunt illi) jus nat. vel *sine omni ratiocinio*, vel saltem cum *aliquo* & non difficulter intelligi potest, jus vero Gentium *per plures & difficiles ratiocinationes & illationes* deducendum est. Opinio hæc falso laborat supposito, quod Jus Gentium ita sit inscriptum cordibus ac jus naturæ. Licet igitur naturales obligationes *omnes* possent ex sola ratiocinatione & illationibus clare & certo deduci, quod tamen falsum esse ostendimus a n. 118.) nihilominus obligatio ex jure Gentium procedens non magis ac facilius ex *ratiocinio* solo deduci potest, ac obligatio ex lege civili vel canonica aliave positiva proveniens. Omnes enim obligationes hujusmodi non ex *intrinseca* bonitate

tate vel malitia objecti: sed ex *libero* Legislatorum placito desumendæ sunt; solum igitur ratiocinium & illationes discursusve logici nihil prorsus juvant, si aliunde nobis non constet de existentia legis positivæ verbî gratia humanæ, quale est Jus Gentium. Hujus proin notitia ex solo ratiocinio haberi nequit: sed opus habet studio, & lectione.

700. Rejicienda quoque est 3.) Recentiorum quorundam Jâtorum distinctio, existimantium, hanc esse differentiam inter jus naturæ & Gentium, quod conclusiones *absolute*, seu absque ulla *suppositione* & *hypothesi* illatæ, ac ex naturæ principiis fluentes dicantur esse *juris naturæ*: reliquæ omnes ex *suppositione*, seu *hypothesi humane societatis*, vel *alia* deductæ spectent ad Jus Gentium. Palmariis enim falsitas asserti hujus patet a num. 205.) Ubi ostendimus obligationes hominis ex statu naturali *adventitio* provenientes esse omnes *hypotheticas*, ex suppositione scilicet alicujus novæ circumstantiæ ortas: & tamen illæ sunt naturales, ut liquet ex contractibus, promissionibus, dominio, quod tantum ex hypothesi rerum divisionis sciimus nobis competere &c.

701. Idem Jus Gentium differt a *Jure Civili*. Primo, quia jus Civile non omnibus neque *fere* omnibus, etiam moratoribus Populis commune est: sed a quolibet Populo, Regno, Provincia, vel Civitate, ob speciales causas sibi *proprium* constituitur, *Can. jus Civile* 8. *dist.* 1. Contra vero juxta cit. §. sed jus 2. *Inst. de J. N. G. & C.* Jus Gentium omni humano generi commune est: nam *usu exigente* &c. *Gentes humane jura quedam sibi constituerunt*. Dein *secundo*, Jus Civile propter certi tantum Regni, Imperii, vel Provinciæ: Jus autem Gentium propter communem omnium vel multarum Nationum utilitatem introductum. Demum *tertio*; Quia præcepta Juris Gentium non scripto: sed moribus & pacto tacito, non unius vel alterius Civitatis aut Regni: verum omnium aut *pene* omnium Nationum constituisse certum est; contrarium autem experimur in *Jure Civili*,

§. VII.

Quis sit effectus, seu quæ obligatio oriatur ex jure Gentium.

S U M M A R I U M.

702. *Jus Gent. parit obligationem in conscientia.*
 703. *Falsum est, quod tantum sit de consilio.*
 704. *Datur hujus alia ratio.*
 705. *Et deducitur id ipsum ex natura pacti ac consuetudinis.*
 706. *Illud obligat etiam supremos Principes.*
 707. *Solvitur instantia contra obligationem juris Gentium.*
 708. *Falsitas ejus ostenditur.*

702. **J**US Gentium producere obligationem in conscientias, paucos, eosque hic infra refellendos si excipias, non dubitant eruditi Viri. Cum enim ex hæcenus dictis constet Jus hoc habere vim legis: consequens est habere vim legis imperantis aliquid ut fiat, vel vetantis ne fiat, aut demum permittentis quidpiam ut Gentes libere in effectum, quod volunt, deducant, nullaque illas Gens alia aut Civis & membrum ejus impediatur sine rationabili causa. Quæ singula exposuimus a n.682.) ubi Jus Gentium divisimus in affirmativum, negativum & permissivum. Gravitatem autem vel levitatem obligationis assertæ desumenda est ex circumstantiis materiæ, circa quam lex illa violatur. Quodsi petas fundamentum obligationis hujusmodi, adstringentis conscientias hominum intra Communitatem Juris Gentium subjectam commemorantium: id facile haberi potest ex communi omnium sensu, juxta quem Lex distinguitur essentialiter a consilio in hoc, quod Lex parendi necessitatem inducat, consilium autem libertatem sequendi relinquat: cum igitur Jus Gentium habeat vim legis non consilii, consequens est illam inducere moralem necessitatem, atque adeo obligare in conscientia.

703. Quod vero vim legis non meri consilii contineat Jus Gentium, evincit id uniformis omnium Nationum sententia. Hæ enim tanto zelo semper ferebantur, & adhuc feruntur pro juris hujusmodi accuratissima observatione, ut nullum majus scelus objecerint unquam, aut obijcere soleant, quam juris inter Gentes liberi constituti

auti violationem, adeo ut eam omnibus modis fas esse ul-
cisci existent, uti constabit ex infra dicendis de Lega-
torum injuriosa tractatione &c. &c.

704. Cujus rei alia etiam est ratio. Quia scilicet juxta
cit. §. 2. *Inst. de J. N. G. & C.* Gentes humanæ propter suam
utilitatem, pacem, felicitatemque mutuam *jura quædam si-
bi constituerunt*: cum igitur juris hujusmodi violatio ne-
queat fieri sine publici boni felicitatisque earum detrimen-
to, ita etiam neque esse potest sine peccato ejus qui illud
violat: debet itaque dari obligatio in conscientia ad illa ju-
ra observanda, cum detur obligatio ad non inferendum
præjudicium Gentium felicitati, paci & reciproco earum
bono, consistenti in observantia certarum regularum, quas
illæ ad hunc finem obtinendum constituerunt.

705. Demum, natura *pacti* cujusvis, atque adeo etiam
taciti hæc est, ut obligationem in conscientiis pacifcenti-
um inducat: Porro Jus Gentium in pacto tacito Natio-
num uniformi usu, & consuetudine firmato, constitutum
fuisse ostendimus a n. 671. (& 677.) sequitur igitur eas non
posse immunes fieri ab hujusmodi obligatione, cujus vio-
latio repugnat *fidelitati & æquitati* sive *justitiæ*.

706. Neque hic tantum sistit *ius Gentium*, quod Natio-
nes, quæ in id aliquomodo consenserunt, membraque ea-
rum seu cives obstringat: verum obligat quoque ipsos su-
premos Principes, & summa orbis capita, prout id eru-
dite deducit *Lipsius* monit. polit. cap. 13. *Brunnem.* ad l.
omnes populi, ff. de J. & J. nu. 4. *Fleck.* Bibliothec. jur.
Civil. l. 1. tit. 9. n. 6. Jus enim hoc sicut respicit omnium
Gentium utilitatem, ita etiam communi consensu consti-
tutum est, ac proin unius alteriusve etiam summa digni-
tate conspicui Principis contraria voluntate, quamdiu
aliæ Nationes dissentiunt, excuti nequit. Gentes quippe
non solum componuntur ex subditiis: sed etiam ex Prin-
cipibus & Magistratibus, tanquam capitibus cujusque Na-
tionis. Hinc etiam in Gentium legibus habet locum illa
regula: *Quod omnes tangit, debet ab omnibus approbari.*
C. 29. de R. J. in 6.

707. Obligationi ex Jure Gentium provenienti, non ob-
stat opinio *Conani*, l. 1. comment. Jur. civil. c. 6. num. 5.
& *Vasquezii*, disput. 157. cap. 3. existimantium Jus Gen-
tium a naturali distinctum non continere sub se præce-
pta, aut prohibitiones ullas, sed meras *concessiones*: seu
nul-

nallum dat: Jus Gentium præceptivum: sed mere *permissivum* aliquid agendi, vel non agendi; quin sub aliqua culpa obliget conscientias ad exercitium, vel omissionem actus.

708. Opinio enim hæc; præterquam quod acrius confutata sit a *Suarezio* de LL. l. 2. c. 18. *Gibalin.* scient. canon. & hieropolitic. l. 4. cap. 7. communiter etiam ab omnibus aliis rejicitur; *primo*) Propter adductas jam rationes, ex quibus probavimus Jus Gentium præcipi & prohiberi aliqua objecta, ita ut adsit obligatio parendi his dispositionibus; *secundo*) Quia omne jus *concessivum* per connexionem involvit jus *præceptivum* seu *prohibitivum* respectu aliorum; ne alteram impediunt in usulibero concessi juris. Demum *tertio*) Falsum est; quod nullæ dentur leges Gentium præceptivæ & prohibentes, eas enim adduximus a nu. 682.) & nisi illas admittamus; sequitur veneni usum in bello justo esse licitum; certe enim jure naturali non est prohibitum; multo minus Divino, vel quovis alio a Gentium legibus distincto: Idem est de receptione Legatorum; ad quos honore afficiendos recipiendosque jus nat. minime obligat; si illi ab hoste publico missi veniant, neque parti læsæ debitam satisfactionem nomine sui Principis spondere parati sint; & tamen jure Gentium spectato; his quoque sua immunitas & securitas debetur.

§. VIII.

Quis Judex violatæ obligationis ex Jure Gentium descendens: & ubi Forum?

S U M M A R I U M.

709. In causa Juris Gentium Judices sunt ipsæ Gentes.

710. Ratio hujus affertur.

711. Causa juris Gentium violati potest esse universalis, vel particularis.

712. Causa particularis inter duas v.g. Gentes reducitur plerumque ad jus Gent. commune.

713. Forma judiciorum in causis juris Gentium declaratur.

714. Momenta ad defendendam causam juris Gent. unde petenda?

715. Forum & Appellatio, in causis juris Gentium assignatur.

709. **A**D effectum juris Gentium reducitur præsens quaestio, de Judice & Foro competente, in quo

quo causa violati *Juris Gentium* cognosci possit. Quod igitur *primam* qualiti partem concernit, concors est *juris* hujus peritorum sensus, qui respondent *Juris Gentium*. *Judices esse ipsas Gentes*. Cum enim *Jus* hoc a *Gentibus* constitutum sit, quæ post *DEUM*, alium superiorem; qui variationibus diversis *Jus* dicat, non agnoscunt, consequens est, ut hi ipsi *Populi* per suos *Commisarios* & *Legatos* sint *Arbitri* & *Judices*, qui erant *Conditores* hujusmodi *juris*, juxta illud *brocardicum*: *Omnis res per quascunque causas nascitur, per easdem dissolvitur*, c. 1. de *R. J.* in 5.

710. Ratio quoque hujus alia in promptu est: si enim duæ v. g. *Civitates* aut *Provinciae* prorsus ab omni subjectionis jugo & potestate humana liberæ consentirent in certum vivendi modum, hoc casu nemo esset *Judex* earum, nisi illemet ipse: Porro in eadem conditione supponuntur fuisse omnes *Gentes* liberæ, dum facta rerum divisione novas fixerant colonias, & temporum hominumque successionem *Jus Gentium* constituerunt.

711. Potest autem bisariam cogitari causa violati *Juris Gentium*, scilicet vel universalis, vel particularis. *Universalis* (qualis v. g. foret inter omnes *Gentes Europæas* contra omnes *Asiaticas* de non receptione *Legatorum*, aut impedita libertate commerciorum &c.) est *mere theoretica*, & vix moraliter possibilis, ac proin. speculationem hujusmodi causæ relinquimus iis *Auctoribus*; qui *Jus Gentium* dividunt in *Possibile* seu *abstractum*, & in *actuale* seu *practicum*, nos enim abstractiones hujusmodi divisionum a num. 681.) rejecimus. *Particularis* autem *judiciorum* hujusmodi causa sæpius contingere potest unam inter & alteram *Gentem*; occasione variorum eventuum, scilicet fractæ pacis publicæ; violatorum foederum, finium regundorum, læsæ securitatis *Legatorum*, commerciorum libertatis &c.

712. *Negotia* hujusmodi quamvis *particularia* sint si spectentur ut relata ad universitatem *Nationum* *jure Gentium* obligatam: nihilominus quia inter *Gentes* sibi non subordinatas tractari dignoscuntur: non ad aliud, quam ad *Jus Gentium* universale seu *commune* referenda sunt, juxta cujus sanctiones, & usu recepta *Populorum* placita decidi solent & debent. Quin tamen ideo aliquod *Jus Gentium* novum (quod sui *Patroni* *particulare* dicunt) constituent; pari ratione, ac licet in *S. Rom. Imperio* innumeræ causæ deci-

decidantur secundum Jus commune, Romanis olim usitatum, inde tamen minime sequitur dari aliquod Jus Romanum *novum particulare*: sed potius casus particulares negotiorum, reducuntur ad Jus Romanum commune, juxta cujus regulas definiri ac decidi solent. Et hæc inter alias ratio est, cur a n. 681.) divisiones juris Gentium in *particulare, patitium, consuetudinarium, ceremoniarium* &c. exclusimus.

713. Forma Judiciorum in causis jure Gentium cognoscendis est eadem fere, quam & in Auctoribus legimus, & praxi fieri percipimus in Tractatibus de Pace inter Belligerantes, compositione mutuarum inter diversas Gentes petitionum, & hujusmodi aliis causis publicis. Nempe fit *CONGRESSUS* per Legatos, sive Mandatarios, aut Commissarios: producitur, si quæ est *Conventio* in scripturam redacta: allegatur *usus & acquiescentia* tacita, seu consuetudo: adhibentur etiam *ARBITRI* electi vel admissi, si electio vel admissio hæc *Credentialibus* Legatorum, seu Mandato quod a suis Principalibus habent, conformis est. Pro decisione vero difficultium questionum adhibebantur olim *SORTES*, & non raro etiam *Monomachia*, quæ sortium locum obtinebat. Hodierno tamen jure Gentium nec *Sortes* nec *Monomachiam* adhiberi in Judiciis saltem morationum, vix alicui obscurum esse potest. Quanquam *Volfius* de J. N. & G. p.4. c.6. §.1157. in suis principiis fortilegia hujusmodi liberaliter admittat.

714. Momenta, Judices causam juris Gentium cognoscences determinantia ad sententiam definitivam, præter æquitatem naturalem, sunt, aut *saltem* esse deberent *leges Gentium* communiter receptæ, pariter ac pacta conventa, consensus liber, simul cum usu unius & longæva acquiescentia alterius Gentis. Quamvis enim æquitas naturalis omnibus Judiciis præsidere debeat, hæc tamen non semper *sola* ad definitivam sententiam sufficit, si *leges positivæ justæ* alioqui & *certainæ* præ oculis sint, quæ casum controversum decidunt. Ita Prætor Civilis in decidenda causa v. gr. mutui per filium familias clam & invito Patre pro suis juvenilibus expensis contracti, non sumit motivum *immediate* ex jure naturæ: sed potius a Legibus *ff. de SCto Maced.* Par autem ratio est concludendi de Judiciis in negotio Jus Gentium concernente, quoties *leges* illarum certæ ac manifestæ sunt, nec quidpiam obstat, cur juxta eas pronuncient.

715. Quod

715. Quod *alteram* quæsti partem concernit, est **FORUM** Gentibus inter se dissidentibus *competens*. Id autem post irritos amicales congressus ac indecisa gravamina, aliud non est, quam *Martius campus*, & bellum. Alius enim Gentibus liberis, & inter se æqualibus appellationis locus non suppetit, quam si pro dirimenda lite ad *Martem* provocent, prout eleganter sentit *Cassiodorus* l. 3. epist. dicens: *Tunc solum utile est concurrere ad arma, cum locum apud hostem invenire non potest justitia*. De his autem plura suo loco dicentur, ubi de *Jure belli tractatum* fuerit.

§. IX.

An jus Gentium sit mutabile: & utrum admittat interpretationem?

S U M M A R I U M.

- 716. *Jus Gent. absolute loquendo est mutabile.*
- 717. *Id tamen moraliter contingere nequit ut totum mutetur.*
- 718. *Opponitur instantia pro mutabilitate Juris Gent. saltem in parte.*
- 719. *Respondetur ex renunciatione juris Gent. permissivi nil inferri.*
- 720. *Christianis competit jus in mancipia Turcica; & quomodo?*
- 721. *Ex mutatione juriurum particularium inter aliquas Gentes, non sequitur mutabilitas juris Gentium communis.*
- 722. *Declaratur id exemplo circa Juri commune Romano-Civile.*
- 723. *Uni Genti contra alias non datur Exceptio in casu Juris Gent. communis.*
- 724. *Illis enim competit Jus Retorsionis.*
- 725. *&c. Interpretatio Juris Gent. unde petenda?*
- 728. *Qui sint Auctores legendi ad Jus Gent. practice discendum?*

716. **N**ON defant quidem plerique eruditi Viri, qui dubitent super mutabilitate Juris Gentium communis, alii vero cum *Hobbesio*, *Puffendorffio* & horum sequacibus sine ulla hesitatione negant ejus possibilitatem, eo quod putent jus Gentium *positivum* nullum dari distinctum a naturali Lege. Verum cum hæc opinio jam convulsa sit a n. 662. non amplius ponit obicem mox decidendæ quæstioni ad quam

Jus Nat. & Gent.

H h

Di-

(Dicendum est I.) Jus Gentium commune *absolute loquendo* posse mutari non tantum per *accidens* ratione mutatz *materia*: sed etiam directe *in se ipso* ac formaliter, ita ut prorsus desinat, & tam in parte, quam *in toto* abrogetur: Ita cum aliis existimante *Molin. tr. 1. de J. & J. d. 4. nu. 6. Gibalin. l. 4. c. 7. q. 3. n. 3. Franz. Inst. de J. N. G. & C. p. 2. n. 19. Gleyse ad eund. tit. & communius ceteris*: Ratio hujus est: quia jus Gentium ab hominum consensu & pacto tacito per usum & consuetudinem longævam firmatò originem suam trahit: igitur consensu & pacto contrariò vel immemoriali non usu aut adversa consuetudine tolli & abrogari potest: lisdem quippe causis dissolvi res omnis potest, quibus *libere* constituitur: Sicut autem liberum Gentibus fuerat Jus hujusmodi initio constituere vel non, ita nil obstat, quo minus illud retinere, vel abrogare eadem libertate queant. Quo etiam facit, quod objecta Juris hujus, (quod mere Jus Gentium *positivum* est) non sint res *intrinsece* & de se malæ, adeo ut sit absoluta necessitas illa prohibendi; aut *intrinsece* & de se bonæ, ut exigant absolute præcipi. Nam præcepta Gentium consensu introducta; licet ex principiis naturalibus deducantur, ita tamen solum ab illis procedunt, ut ex iis non inferantur per illationem aliquam *necessariam*, quomodo inferitur v.g. præceptum de non pejerando, mentiendo, furando &c. verum ex *sola convenientia*, quatenus rectæ rationi sunt conformia, & conducunt societati humanæ ad *majorem perfectionem* mutui amoris, & vel maxime ad *reciprocum* juvamen in necessitatibus & indigentis vitæ hujus *sublevandis*: Igitur Jus hoc est portio juris arbitrarii humani, seu *positivi*; potest itaque mutari, abrogari, & tolli, vel augeri; sicut & alia jura *positiva*, *arg. l. nihil. ff. de Reg. Jur.*

717. Patendum tamen est II.) quod licet *absolute loquendo*, possit Jus Gentium mutari & abrogari nedum in aliqua sui parte, sed etiam in toto: nihilominus *moraliter* impossibile videtur, ut illud *totum* ac omni ex parte desinat, eliminetur, aut quo ad singula capita & articulos immutetur. Cum enim jus hoc ob Gentium utilitatem, earumque consensu & cum obligatione mutua introductum sit ad id plene immutandum vel abrogandum requireretur *aliquis* consensus aut usus contrarius omnium, vel *pene* omnium Nationum harum, a quibus introductum est, & apud quas hodie viget, juxta *cit. brocardicum ex Reg. 29. Jur. in 6.*

quod

quod omnes tangit ab omnibus approbari debet: Porro consensus hujusmodi & usus contrarius *uniformis* & omnibus aut quasi omnibus Gentibus communis dari *regulariter* & *practice* nequit. Tum quod humano modo contingere *efficaciter* nequeat; ut ab usu & consuetudine aliquot millium annorum spatio continuata Gentes facile resiliant: tum quod omnino non expediat ut fiat hujusmodi abrogatio; ob gravissima incommoda, quæ inde sequerentur; si v. gr. rerum divisio tolleretur; si Legatorum securitas & immunitas non amplius observanda foret; & commerciorum libertas cessare deberet &c.

718. Neque his obstat, si in contrarium dicas: potest aliquis cedere juri suo privata auctoritate & non expetito consensu aliarum Gentium, etiamsi jus illud eorum pacto tacito, usu, ac consensu introductum sit. Ita quippe Jus Gentium de *servitute* captivorum in bello justo mutatum est apud Christianos; propter antiquam consuetudinem Ecclesiæ, & ob reverentiam nominis Christiani, quod omnino servandum esse notat Bartol. in L. Hostis. ff. de captiv. n. 6. & Covarruv. plures alios referens in Regula peccatum 2. par. §. 11. n. 6. Igitur Jus Gentium omnibus vel plerisque *commune* saltem in parte mutari potest sine aliorum Nationum consensu: admissa vero hac *partiali* mutatione, nihil oberit, quod minus *sensim* singulæ leges Gentium, atque adeo *totum* Jus hoc per partes evacuetur & desinat.

719. Verum nondum sequitur illatum. Quia ubi de mutabilitate Juris Gentium quaeritur, dubium procedit, de præceptis *affirmativis* & *negativis* obligationem inter gentes *mutuam* inducentibus, an hæc in toto vel in parte mutari; vel abrogari possint; invitis aliis Nationibus: Porro instantia de captivis & jure *servitutis militaris* adducta non continet ullum præceptum: sed mere est juris Gentium *permisivi*; seu *concessivi*, quod exposuimus a num. 682.) Juri autem *permisivo* posse quemvis renunciare, nemo unquam ambigit, per l. Si Judex 41. ff. de Minor. *uniquique licet contemnere hæc, quæ pro se introducta sunt*. Tanto magis autem unaquæque Gens potest suo favori renunciare, quomodo renunciasse censetur populi Christiani, ne suos Christianos *servitutis* propriæ dictæ & Jure Gentium introductæ jugo submittant. Nihilominus renunciatio hujusmodi, seu *merus non usus* haud dicendus est immutasse Jus Gentium quo ad servitutes. Quia Gentes

Infideles sicut ex sua parte nunquam consensum in *generalem servitutem militarium* abrogationem præstiterunt, ita pro suo *interesse*; & quantum eas concernit, insistant Juri eidem, Christianosque captivos, pariter ac alios, ut vera mancipia tractant; quin Christiani conqueri possint de violato hac in parte jure Gentium per Infideles, quomodo conquererentur alioqui: si v. g. Legatis eorum non præstarent debitam immunitatem, aliavero jura Gentium obligationis mutuz vim habentia violarent.

720. Id tamen intermittendum non est, quod ubi Turcæ aliique Infideles insistant juri suo quo ad *servitutes militares*; Christianis quoque competat jus idem in captivos Infidelium, idque tum ideo, quod Christiani jure suo cesserint tantum ex *speciali ratione*, & quo ad *Christianos bello captos*, neque hæc cessio sive consuetudo inducta fuerit aliter, quam inter solas Gentes Christianas, tanquam *partes* totius reipublicæ Christianæ; tum etiam ex hac ratione: quod Christianis competat *jus Retorsionis* contra Turcas & alios Infideles, captivos nostros ut mancipia tractantes.

In eo non esset consuleum Turcica mancipia a Christianis meliore loco & observantia haberi, cum illi innata barbarie sua ducti abutantur Christiana (si quæ iis exhibetur) clementia, uti ex perniciosissimo exemplo Melitensi anni 1749. didicimus, quando hujusmodi mancipium Turcicum inter barbaros alioqui nobile (*Bassa* nimirum captivus) multa libertate sibi in Melitensi insula humaniter indulta abusus, conspiracy in Insulam moliri & adornare ausum est, volens occidis omnibus Equitibus, eam prodere, ac tradere Turcæ, Confer cum his dicenda a n. 804.)

721. Sunt non pauci adhuc Interpretes, qui volunt Jus Gentium *particulare*, inter unam scilicet aut tres vel plures alias Nationes speciali pacto constitutum posse immutari vel abrogari de mutuo consensu: inde vero concludunt jus Gentium *improprie* dictum esse etiam *moraliter* ac facili negotio mutabile. Verum responsionem hæc merito præoccupavimus a n. 681. & 712.) rejiciendo divisionem Juris Gentium in *proprium* ac *improprium*: *universale*, *particulare* &c. neque enim meretur nomen Juris Gentium, quod inter unam & alteram Provinciam ex *speciali* ratione constituitur. Hinc recte Suarez l. 2. de LL. c. ult. n. 7. Jus
hu-

hujusmodi respectu paciscentium duorum aut plurium Re-
gnorum vocat *ière civile*. Cujus opinionis est. quoque cum
aliis Grótius l. 2. c. 3. §. 7. ubi ait, tale jus *non habere*
vim pati inter Gentes: sed esse **JUS CIVILE PLURIUM**
GENTIUM distributum, quod a singulis tolli potest, si nem-
pe resiliant a pacto: Isidorus autem apud laudatum *Suara*
l. c. cap. 19. n. 8. Jus Gentium nullum aliud agnoscens,
quam id solum quod omnes vel quasi omnes Populi ter-
rare tenentur: reliqua jura quæ inter particulares Natio-
nes aliquot, vel plures reperiri constat, jus Gentium *abu-*
sive, seu *pér convenientiam tantum & similitudinem* appel-
lari docet.

722. Quapropter, sicut dum controvertimus, quid ju-
ris sit v. g. spectato *Jure communi Romano*; non debet in
censum venire jus Statutarium, Provinciale, Municipa-
le, & alia particularia: ita ubi quæstio procedit de *Jure*
Gentium communi, omnes, aut saltem moratiores Natio-
nes concernente, particulares conventiones unius alteriusve
civitatis, aut Regni vel Provinciæ cum altera, non sunt
sub schema Juris Gentium trahendæ, alioqui leges Gen-
tium in infinitum exerescent, cum tamen a n. 663. con-
stet eas dari admodum paucas.

723. Ex his autem liquet, quod in puncto juris Gen-
tium *communis*, non detur beneficium *exceptionis* uti Na-
tioni contra alteram, aut reliquas omnes Gentes, v. g. si
illa nollens commerciorum libertatem pati, excludat om-
nes extraneos Mercatores; non admittat Legatos, utatur
veneno belli tempore, hostem victum; qui arma jam in
acie deposuit, non redigat in servitutem: sed inermem
trucidet &c. hanc solum istorum afferendu causam, quod
aut Antecessores sui nunquam consensum ullum in hæc &
similia objecta præbuerint, aut contraria consuetudo apud
se vigeat. His enim casibus reliquæ Gentes; omnia di-
sputatione & examine hujusmodi exceptionum; utentur
jure Retorsionis contra ita excipientem; donec Gens hæc;
si velit sua frui felicitate, socialis vitæ se accommodet;
& ea observet, quorum transgressio vergit in *detrimentum*
aliarum. Hæ enim acquirunt jus setuendi contra illam, quæ
jus Gentium excluderet cum præjudicio ceterarum Nationum.

724. Nec refert, quod *retorsio juris iniqui* prædictis casu-
bus proveniat ex *jure naturæ permittente* viam vi reprime-
re, & se indemnem facere contra iniquitatem aliorum:

Nam licet *retorsio* hæc spectet ad Jus naturæ *permisissum*, eo quod naturali jure unaquæque Gens libera sit æqualis alteri simili libertate præditæ: ac proin ubi citra Gentium aliarum consensum introducitur inæqualitas vergens in damnum reliquarum, naturalis Lex permittit ipsis reductionem æqualitati. tamen adhuc hæc ipsa *retorsio quæ ad formam seu modum*, est juris Gentium, ut constabit ex infra dicendis de *Repressaliis*.

725. *INTERPRETATIO* juris Gentium *dubii & controversi*; si quæstio concludi nequeat per Legatos variarum Nationum, spectet ne casus aliquis ad jus Gentium vel non: perenda est ex Scriptoribus probatis antiquioribus, tum recentioribus, qui attestantur quid moris olim fuerit inter liberas Nationes, & quid sit *hodie*. Cum enim quilibet consuetudo probetur per frequentationem actuum debitis tempore durantem, ut inde populi consensus elici possit: consequens est, ut etiam consuetudo circa actus Juris Gentium, simili modo probanda sit: porro conditio humana mortalitati obnoxia non sinit ita diu vivere quempiam, ut de actibus hujusmodi ante mille, vel plures sive pauciores annos frequentatis aut non frequentatis testimonium perhibere possit: igitur mortui sunt consulendi, nempe ad Auctores classici recurrendum est, quæ Ethnicos, quæ Christianos, ex his facile concludi poterit, quid apud Gentes in more positum fuerit, vel non. Quippe *consuetudo natura potentior est*, ait Curtius lib. 5. Et non tantum in causis civilibus, sed etiam Gentium controversiis standum esse testimoniis veterum & recentiorum hominum, censet Macrobius l. 7. saturnal. In eundem sensum abiit Zonar. in Basil. Perph. tom. 3. dicens: *Consuetudinem Gentes instar legis se habere pronunciant*. Dummodo illa non fuerit contra rectam rationem, jus nat. vel Divinum.

726. Quia vero nunquam contingere in *praxi* potest aliquis casus mere theoricus, & a particularibus Regnorum, Provinciarum, Nationumque certarum circumstantiis adeo abstractus, ut prudenter ambigi possit, quid sit vel non sit juris Gentium, quin simul veniat in quæstionem, quid prædictam jus Gentium *hic & nunc*, in his occasionibus permittat, aut præcipiat: Hinc ad hujusmodi dubia resolvenda expedit consulere Auctores, qui de moribus & gestis illarum, de quibus dubium oritur, Nationum, scripserunt. Licet enim, juxta superius probata, Jus Gentium

parti-

particulare unius alteriusve Populi nullum detur, sed potius *jus Civile* dicendum sit, quod illas particulares Gentes ob *specialem* conventionem reciproce obligat; tamen etiam circa casus juris Gentium *communis* in multis Nationibus reperiuntur *quædam limitationes*, contrariæ consuetudines &c. Ita v. g. apud *Carthagenenses* olim valebat emptio, & cursus monetæ pecuniariæ suum solemne tenuit, contra vero apud *Thuleses* & populos *Atlantidis* sola vigeat rerum permutatio in earum natura, quin pecunia ulla admitteretur: *Chinenses* præalto muro cincti nulla extraneorum commercia admittebant, alii vero Populi libertate commerciorum gaudere etiam in eorum regionibus voluerunt: Apud Christianos *jus servitutis militaris* respectu captivorum baptizatorum nullum extat, bene vero apud Turcas & alios infideles &c. & tamen apud omnes has similesve Gentes *Jus Gentium commune* viget: sed *quo ad modum*, ac quasdam circumstantias particulares limitatum.

727. Ad has particulares circumstantias dignoscendas, expedit ut is, qui *jus Gentium* solide addiscere cupit, habeat etiam uberem notitiam Historiæ, & Auctorum, eorum præsertim, qui tractant de statu ac rebus ejus Nationis, in qua unusquisque vitam degit, Atque ita e. gr. Germanus, postquam in Scholis & Academiis aliquid confuse ac in genere percepit de *jure Gentium communi*, ut hoc ipsum etiam quo ad *particulares* casus & circumstantias practice addiscat perficiatque; legat, si placet, libros qui *jus Gentium* circumscriptum ac in plerisque limitatum exhibent, serviuntque pro Natione nostra Germanica & aliis vicinis, cum quibus illa sæpius in variis negotiis communicat.

728. Tales autem Auctores, & eorum libri esse possunt sequentes; *Diarium Europæum cum appendicibus*: Thucelii *Acta* VVIII. sæculi; Roussel *tr. des interets des Princes, & des pretensions des puissances. de l'Europe*: Everardi Ottonis *Notitia præcipuarum Europæ Rerumpublicarum*: L. B. a Zech, *Pecialis Europæus*; seu sub fide *Franckenbergii* nomine in lucem editus; Conringii *Respublicæ*, tom. 4. Tacitus de *Moribus Germanorum*: Bynkershoek de *dominio maris*: Du Mont *Corps diplomatique*: Leibnitii *Codex juris Gentium diplomaticus cum mantissa*: Londorprii *Acta publica*: Lunigii *scripta pleraque, ejusque Consilia*: *Acta pu-*

Publica Pacis VVestphalica: Huberus *de jure Civitatis*: Wicquefortius *traité de l'Ambassad.* & ses fonctions: Domat, *traité des Loix civiles* dans leur ordre naturel: Glassei, seu Schyvederi *Theatrum pretensionum*. Et ejusdem Auctoris *Methodo* pour étudier la Géographie par Mr. l'Abbé Lenglet Dufresnoy. Præclarum hoc opus omnium fere Gentium continet mores, pacta, fœdera, varios eventus illarum & obligationes, plurimumque contribuit ad perfectam in Jure Gentium eruditionem, quam non parum expoliet Burcardi Gotthelfii Struvi *Corpus juris Publici Imperii nostri Romano-Germanici*: P. Binner *Apparat*, erudit. pars VI. VII. VIII.

§. X.

Quod sit principium indicativum juris Gentium; seu, ex quo desumendum, quod aliquid ad jus Gentium spectet?

S U M M A R I U M.

729. Primum signum juris Gent. communis utilitas vel necessitas.
 730. Alterum signum est sensus communis hominum.
 731. Adminicula hujus signi petenda ex Auctoribus probatis.
 732. Qualis actuum frequentia requiritur ad introducendum jus Gentium?

729. **P** Principium indicativum Juris Gentium ex duplici signo colligendum est, scilicet I.) ex communi utilitate vel necessitate inter omnes, aut saltem fere omnes Gentes. Fundamentum autem principii seu signi hujus indicativi præbet sapientissimus Imperator Justinianus in §. sed jus 2. *Inst. de J. N. G. & C.* dicens: *usu exigente & humanis NECESSITATIBUS Gentes humane JURA quædam sibi constituerunt*: igitur cum ad communem Gentium utilitatem spectet, ut v. g. commercia sint libera: bellum non geratur sine præviis *Fœcialibus*, seu absque solemnī declaratione ac intimatione: arma veneno non imbuantur: hostes victi & jam inermes non occidantur: Legati, quamdiu nihil in perniciem Gentis, ad quam venerunt, machinari incipiunt, sua immunitate gaudeant, hæc & similia alia Juris Gentium esse recte dignoscuntur, quia valde utilia sunt bonis singularum Gentium, ac extrinsece necessaria ad vitam socialem felicitatemque civilem Populorum.

730. De

730. Demum II.) eadem Juris Gentium ratio colligitur quoque ex *communis*, vel saltem *potioris* moratorum Gentium sensu ac judicio. Si nempe pleræque Nationes, quæ ratione recte utuntur (saltem in quantum hæc convenit cum *communis utilitate*, vel necessitate) aliquid judicant, ipsoque usu declarant, esse Juris Gentium. Ratio hujus alterius signi desumitur ex unanimi etiam Ethnicorum, ac præsertim *Ciceronis* judicio l. 2. de LL. dicentis: *Omni in re consensus Gentium lex quædam putanda est*, neque enim in rebus sensui obviis, ac captum humanum non excedentibus præsumendi sunt omnes errare, si quid rationabiliter asserant.

731. Inter adminicula autem discernendi Juris Gentium *positivis communis* veniunt etiam Auctores *Classici & probati*, de quibus hic supra egimus. Hi si unanimiter affirmant hoc vel illud in bellis, congressibus, pacificationibus, foederibus &c. constanter fuisse a pluribus variisque Gentibus observatum: iis fides adhibenda est. Dummodo partium studio vel odio non sint præoccupati.

732. Quod si quæras, quot actus requirantur ad Jus Gentium introducendum, & unde dignosci possit, quod aliquod objectum sit jam factum *commune* plerisque Nationibus? Respondet *Textor* in Synopsi J. G. cap. 1. n. 21. *absolute* quidem respectu omnium Gentium requiri plures actus: *relative* vero ad singulas Gentes unicum actum sufficere, quod exemplo declarat in materia pacificationis, aut belli. Nam si in hoc aliquid semel & successive sit observatum pro Jure inter Imperatorem Romano-Germanicum & Turcicum: postea inter Regem Hispaniæ & Galliciæ, deinde inter Britannos & Batavos, tandem inter Suetos & Danos &c. hæc observantia respectu omnium Gentium ex pluribus actibus coalescit, licet respectu singulorum Nationum unicum duntaxat actum contineat. Id tamen sufficit; ne alias si plures actus exigantur, Juris Gentium probatio cum magno Rerum publicarum damno nimium difficilis reddatur. Ita quidem *Textor* loc. cit. limitationem tamen patitur hæc sua assertio, ut scilicet præcedat in casibus *innocentis utilitatis*, non item si concurrat *præjudicium tertii*, nempe gravamen contineat alterius Gentis, vel plurium: Hoc quippe casu sicut Jus Gentium non habet locum, ita nec unicus actus, imo neque sæpius repetiti, nomen juris: sed potius injuriæ stigma nobis rebus.

CAPUT II.

De origine dominii, & modis ejus acquirendi
originariis.

§. I.

*Quæ sit origo dominii, ejus divisio, & reliquæ
proprietates?*

S U M M A R I U M.

733. *Quid sit dominium proprietatis?*
 734. *&c. Quæ ejus origo & causa?*
 737. *&c. An fuerit aliquando bonorum communia?*
 740. *&c. Modi acquirendi dominii Originarii & derivativi
sunt.*
 742. *Modi derivativi alii a Facto, alii a Lege proveniunt.*
 743. *Modi a Facto provenientes, præter contractum Matrimonialem, male attribuntur Juri nat. nec satis bene
Juri Gent.*
 744. *Nec melius illi attribuitur successio ab intestato.*
 745. *&c. Imo & Factio testamenti translativa dominii, ac
præscriptio.*
 747. *&c. Inducitur divisio dominii in suas species.*

733. **D**ominium proprietatis, quale inter homines reperitur, idque plenum & perfectum recte definitur a Bartolo, quod sit jus seu facultas perfecta disponendi de re corporali tanquam sua; nisi quis lege prohibeatur. Dixi, de re corporali, quia incorporalia (uti sunt officia, jura, possidentur quasi dominio. Ut vero definitio etiam incorporalium rerum dominio competat, sunt qui dominium plenum aliter definiunt, quod scilicet sit jus in re extendens se ad omnem ejus usum, nisi lege prohibeatur.

734. Ita definiti dominii origo ex triplici causa colligi potest, scilicet ex universalis, particulari, & fundamentali. Causa Universalis dominii est Auctor naturæ DEUS. Causa particularis est aliquis justus titulus v. g. ex occupatione, divisione, donatione, emptione &c. vi cujus res fit nostri juris; verum de hac causa dominii, utpote non tam
ad

ad originariam, quam potius ad derivatam dominii acquisitionem spectante, suo loco hic infra agemus. Causa vero *Fundamentalis* seu *motiva* habetur ab *exigentia naturæ* humanæ. Ex hypothesi enim quod DEUS creaverit hominem indigentem sustentatione ad sui conservationem, & alimentis, aliisque rebus fini conservationis hujus idoneis, consequens fuit, ut ei permitteret facultatem utendi rebus creatis, sine quibus vita humana conservari naturaliter non posset. Cum autem a DEO permissus sit usus non solius *facti*: sed etiam *juris* consistens in destructione, permutatione aut alienatione rerum creatarum: inde dignoscitur homini concessum fuisse dominium *plenum* in creaturas conservationi vitæ idoneas, juxta illud *Davidis* Ps. 8. *Omnia subiecisti sub pedibus ejus, oves & boves universas, insuper & pecora campi; volucres celi, & pisces maris.* Tum *Gen. 9. v. 3.* DEUS ipse hoc privilegium concessisse legitur, dicens: *Omne quod movetur & vivit, erit vobis in cibum, quasi olera virentia tradidi vobis omnia.*

735. Prima autem seu *originaria* dominii acquisitio (ut omittamus ambages, quæ a plerisque afferuntur) hunc in modum facta est. Posterius *Adæ* Protoparentis nostri in hunc mundum veluti in amplissimam domum, opibus refertam & numerofo habitatore carentem venientes, ut quisque prior aliquid occupasset, ita quoque Dominus illius efficiebatur. Quodsi dubium erat uter prior occupasset, vel si ante occupationem plures competitorum ad idem aspirabant, *sorte* decidebatur. Atque adeo *occupatio* & *sortitio* originarius fuit modus acquirendi dominii.

736. Neque obstat his, quod res omnes initio ab Auctore naturæ DEO velut in medio hominibus *expositæ* fuerint, ut non magis ad hunc quam alium pertinerent. Nam hoc *generale* ac *indefinitum* dominium fuit initio naturæ humanæ nondum in sua specie multiplicatæ, non autem postquam hæc aucta est. Quia enim DEUS O. M. dedit hominibus facultatem, sic disponendi circa res omnes, prout conditio Generis humani, ratio pacis & felicitatis, bonique ordinis in eodem conservandi videretur exigere, hinc factum est, ut etiam longe ante *Diluvium* prima rerum *occupatio*, & *sortitio*, consequenter dominium proprietatis locum habuerint, quod ipsum evenisse etiam post *Diluvium*, ubi *Noachidarum* posterius multiplicati sunt, longe probabilius est, adeo, ut priusquam linguarum confusio, &

Gentium divisio seu dispersio subsequuta fuerit, dominium proprietatis ex prima *occupatione* aut *sortitione* ortum suum inter Gentes illas ex *Sem*, *Cham*, & *Japhet* prognatas habuerit.

737. Hanc ob causam merito amplectenda est illa opinio, quæ communis docet; quod *rerum communio primæva*, si quæ fuit, ad summum initio tantum, & tunc, cum adhuc inter paucos subsisteret mortalium genus, viguerit, quin diu duraret. Prout id ex hac trina ratione colligere licet. I.) Quia frequens habetur sacræ historię testimonium, quod primi illi homines non solum fructus, sed & pecora atque fundos jure proprio sibi asseruerint. Et liquet ex *Gen. 4.* ubi *Abel* proprios greges habuisse legitur in his verbis: *Abel quoque obtulit de primogenitiis gregis sui*. II.) Quia nec pecus sine cura, nec terra sine cultura multum profert: tanto minus autem illa opimos fructus proferre ex se ipsa & sine omni cultura potuit post prævaricationem *Adæ*, ubi ei ac posteris suis dictum est, *in sudore vultus tui vesceris pane: maledicta terra in opere tuo, spinas & tribulos germinabit tibi*, *Gen. 3.* Maledicta igitur terra hæc ut fructum sustentationi sufficientem redderet, indiguit labore, sudore humano & cultura: atqui non est credibile, quod fructus terræ unius alteriusve labore & cultura parti ac provenientes, spectarint communiter ad omnes alios, etiam eos qui laborem suum circa eam excolendam non impenderunt; alioqui inter illos naturæ jam per peccatum viciatæ homines, facile exorirentur dissidia, contentiones, cades & inquietudo: si igitur non agrorum, saltem quilibet suorum laborum fructus sibi proprios debuit habere. III.) Quia statim a prævaricatione *Adami & Evæ* crescente numero hominum, crescebat etiam *cupido habendi*, seque inter alios opibus, armentis ac possessionibus distinguendi: verisimilius itaque est; a primæva illa, si quæ fuit, communione, longe ante Gentium divisionem seu in varias mundi plagas dispersionem, jam recessum fuisse, ita, ut prima *occupatio*, aut *sortitio* justum domini titulum præbuerit, saltem quo ad *speciem*, seu quo ad individua rerum occupatarum. Nam corpora ex quibus res illæ occupari proveniant, cum essent longe plura, quam a paucis habitatoribus occupari & capi possent, ad nullius particulare dominium spectabant: sed potius manebant sub dominio generali indefinito ac communi totius generis humani, usque dum hoc multi-

multiplicato illa etiam occuparentur. Atque ex hac deductione liquet *primam rerum communionem* non fuisse aliam: quam quo ad res nondum a quopiam occupatas, nec eam extitisse unquam universalem.

738. Si opponas: prima occupatio illa non fuit legitimus titulus dominii, quia non nitebatur adhuc ulla consuetudine jus Gentium fundante, atque adeo ubi plures nati sunt homines, hos prima occupatio haud potuit arce-
re, quo minus res illas tanquam communes usurpare citra ullam injustitiam possent. *Contra erit primo.*) quod initio, quo Genus humanum cepit multiplicari, cum vastitas terrarumque copia longe fuisset major, quam a paucis hominibus occupari posset, nullum fuerit periculum, nec ceteri homines nascituri necessariis alimentis carerent, penuriamque aliquam pati cogerentur, consequenter neque opus fuit consuetudine jus Gentium, utpote nondum existentium, fundante; sufficiebat igitur jus naturale permissivum, ac *generalis* ordinatio Divina; quæ res omnes creatas sublunares dominio humano subjecit. *Secundo.*) Tanto minus opus fuit aliqua Gentium nondum natarum approbatione, quia prima occupatio illa jus proprietatis inducens versabatur ut *plurimum* circa res mobiles, labore & sudore habitatorum partas, acquisitas & excultas; illa igitur terrarum spatia quibus excolendis habitatorum labor & industria non sufficiebant, tam quo ad usum fructum, quam & proprietatem, sub nullius manebant *particulari* dominio, hinc supervenientes novi homines, ad similitudinem priorum poterant occupare, excolere, & illis frui. Iniquum vero esset, si in labores aliorum intrare præsumerent, sibi que usurparent ea, pro quibus non laborarunt.

739. Quæ autem diximus de *Originaria* dominii acquisitione ante *Diluvium*, idem cum proportionem locum habet etiam post *Diluvium*, utroque enim temporis statu initio homines erant pauci, terra autem vasta & multis bonis referta. Deinde crescente genere humano ex Noe Patriarcha ejusque filiis prognato, partes illæ terræ ac regionum rerumque in illis reperibilium multipliciter & propè in infinitum sectæ, divisæ & distractæ sunt, uti patet ex sacræ historię testimonio *Gen. 10.* de filiis Noe, scilicet *Sem, Cham, & Japhet*, dicente: *Ab his divisæ sunt insule gentium in regionibus suis, unusquisque secundum linguam suam & familias suas in nationibus suis.*

740. Ex his autem colligi potest, modos acquirendi domini positos esse in duplici classe, *Originarios* scilicet & *Derivativos*. Modis *originariis* acquiruntur res, que vel nullius sunt, vel communes, quales erant res omnes sublunares Generi humano ab Auctore naturæ attributæ; priusquam posterius; Adæ ac dein *Noachidarum* successores eas sibi speciali titulo proprias fecissent. Modis vero *Derivativis* dominium speciali aliquo titulo acquisitum uni, ab hoc transferri in alium. Ambo hi modi iterum sunt vel *principales*, vel *accessorii*: per illos acquiruntur res ipsæ, per hos rerum *accessiones*.

741. Inter *Originarios* modos juxta dicta a n. 735.) est *Occupatio* & *divisio*; quam utramque inter modos acquirendi domini Jure Gentium introductos, satis concordī opinione recensent Auctores, quidquid sit, quod *Hobbesius*, *Puffendorphus* & alii, qui jus Gentium positivum a naturali ac necessario distinctum non admittunt, *occupationem* non ex jure Gentium: sed *immediate ex naturali* derivent, quorum opinio confutata jam est a n. 662.) & uberius constabit de his ex infra dicendis.

742. Jam vero inter modos acquirendi domini *derivativos*, seu eos, quibus proprietas ab uno *derivatur* in alium; duplicis sortis reperiuntur. Alii enim sunt, qui habentur a *facto*; seu a voluntate unius dominium transferentis, & alterius acceptantis. Alii demum proveniunt a *lege*, seu dispositione juris, dominium quandoque *invito* etiam domino, transferentis. Ad priores modos, seu *in facto* consistentes referuntur *contractus*, *pacta*, *spontaneæ renunciationes*, *alienationes*, *donationes*, *ultima voluntates*, & alia hujusmodi, a libera domini voluntate procedentia. Ad posteriores autem seu ad modos a *lege* provenientes reducuntur: *successio ab intestato*, *testamentorum factio*, *usucapio* & *prescriptio*. Hi inquam soli modi jure Gentium introducti passim cum *Grotio* & aliis asseruntur, reliqui autem ad jus civile relegantur: sed an recte? per decursum hujus & sequentis capitis constabit, ubi hæc singula vocabuntur ad examen.

743. Hic & nunc autem, ne memoria elabatur, sufficiat innuere h.) quod modi transferendi domini *in Pacto*, seu voluntate humana fundati (excepto contractu matrimoniali, de quo alibi agemus) non prosuane a jure naturæ, nisi mere *negative*, quatenus scilicet *pure concessa* est

eorum factio. Jam vero a *Jure Gentium* illi remote solum in genere, ac quò ad originem habentur: Proxime autem & in specie proveniunt a *Jure Civili*, tam quo ad substantiam, quam quoad formam, etsi obligatio illorum sit juris naturalis, ut liquet ex n. 675.)

744. Demum II.) loquendo de modis acquirendi *derivativis*, a lege, seu (ut a Grotio & aliis asseritur) *Gentium Jure* introductis; *Primus* modus nempe *successio ab intestato* nihil speciale participat a *Jure naturæ*; nisi id solum quod jure hoc sit *permisum*, sicut & alii honesti actus permittuntur, si illis jus positivum non resistat. Unde *Successio* hæc simpliciter loquendo, habetur a *jure Gentium* quo ad suam originem; quo ad modum autem fuit a *Jure civili*. Ratio prioris partis est; quia ejusmodi successionem exigit felicitas publica, ne bona maneant incerta, litibusque exposita. Ratio posterioris asserti est: Quia *modus successionis* non tam spectat ad felicitatem *Gentium publicam*, quam privatam cujusvis particularis *Reipublicæ*; & quia *Gentes* nullum successionibus *modum stabilem præscripserunt*: igitur hic a jure civili determinari debuit.

745. Simili ratione III.) *Translatio domini* per ultimam voluntatem; quæ est *declaratio voluntatis* de bonis post mortem, *salvo in vivis dominio*, non provenit a *jure naturæ*, vel *Gentium* alio; quam pure permissivo. Idque ex hac ratione primo.) Quia jus nat. neminem obligat ad ejusmodi dispositionem; cum hæc non sit necessaria, sufficiente *successione ab intestato*. Secundo.) Quia testamentaria dispositio proxime non spectat ad bonum commune *Gentium*; cui sufficit *successio ab intestato*: sed per se & primario respicit bonum privatum & favorem Testamentorum, quorum interest testatos potius quam intestatos decedere, disposuisse de bonis suis satius quam non disposuisse.

746. Quod autem alterum modum *derivativum*, nempe *usucapionem* & *prescriptionem* concernit; hæc debeat ne a liquid juri naturæ vel *Gentium*; an potius ex æsse creatura sit juris civilis nec ne: infra hic determinabitur, quæstio enim hæc majore indiget indagine, quam ut est apte decidi queat. Interea sufficiat nosse, quod omnes illi tam *Originarii*, quam *derivativi* acquirendæ proprietatis modi non aliter sint juris naturæ vel *Gentium*, quam mere *permissivi*, quos a Justiniano Imperatore longe uberius explicatos referemus infra a n. 761.)

DOMINII INDOLES EXPONITUR.

747. Habita jam notitia *originis & modorum* acquirendi dominii, consentaneum est nosse divisionem ejus. Porro Dominium *in genere* duo includit, nempe potentiam quandam & auctoritatem in rem vel personam, ac subjectionem rei vel personæ, talem, ut inde dicatur ipsa esse alterius. Dominus enim vocatur, qui habet aliquid suum, de quo possit disponere, vel in illud auctoritatem exercere, qui enim nihil habet suum, in quod exerat potentiam, non dicitur Dominus, nisi per vocis abusum aut ex sola humanitate.

748. Dominium itaque *in genere* est *jus gubernandi vel disponendi de re aliqua tanquam sua*. Dicitur veto *suum*, quod ita subiectum & adstrictum est alteri, ut possit de eo disponere *proprio jure*, non ex commissione alterius. Ita DEUS habet *jus absolutum universale ac perfectissimum* in omnem creaturam suam. Similiter *jus a DEO participatum* habet Rex in suum Regnum, Dux in suum Ducatum, & quivis in suas possessiones. Quodlibet *jus hujusmodi* vocatur dominium, cum hac distinctione, quod *jus competens DEO* dicatur *in creatum*, competens autem hominibus sit *creatum ac participatum*. Quod iterum aliud est *Altum*, quod habet Princeps vel Respublica in bona privatorum. Aliud *Bassum*, quod habent privati in bona sua particularia cum subordinatione juri alto. Aliud item dominium, seu *jus Herile*, domini in servum. Aliud *Oeconomicum*, quale habet Maritus in familiam & uxorem. Demum *Patrium*, nempe Patris in filium non emancipatum &c.

749. Ita explicatum dominium dividitur in jurisdictionis & proprietatis. Dominium *Jurisdictionis* est potestas gubernandi suos subditos. Quæ gubernatio consistit in potestate *precipiendi, vetandi, permittendi, judicandi, puniendi & premiandi*, prout id patet etiam ex l. 7. ff. de LL. Hoc ipsum dominium *Jurisdictionis* subdividitur eo modo, quo *Jurisdictio* ordinaria, non enim ab hac distinguitur. Hinc aliud est *seculare*, aliud *Ecclesiasticum*.

Dominium *Proprietatis* definivimus initio hujus Capituli a n. 733.) Estque duplex, Perfectum vel Imperfectum, *Perfectum* dicitur, quod continet proprietatem rei, & commodorum ejus. *Imperfectum*, quod tantum habet vel proprietatem rei absque emolumentis, vel emolumenta absque rei

rei proprietate. Unde dominium hoc imperfectum subdividitur in *directum*, & *utile*. Directum continet *solam* rei proprietatem, & tale dominium habens dicitur proprietarius. Hujusmodi dominium habet *filiusfamilias* in *peculio adventitio*, & Princeps in *feudis*, ac ille, qui dedit agrum ad *emphyteusim*, in agro; imo & omnis is, qui dicitur dominus eorum, quorum alteri concessus est *usufructus*.

Dominium *Utile* continet *solam* rei commoditatem & utilitatem. Tale est quod habet *usufructuarius*, *feudatarius*, *emphyteuta*. Advertendum tamen est, quod ne dominium directum reddatur omnino inutile, Jure statutum sit, ut certis quibusdam casibus dominium utile redeat ad dominum directum, ut patet *Institut. de usufruct. §. 1.*

750. Ad dominium *utile* tanquam suae species reducuntur I.) *Usus*, qui est legitima potestas utendi re aliena, salva ipsius substantia, fructus ex ea provenientes in *suum precise* usum convertendo. Estque duplex, *usus nempe solius facti* & *usus juris*. Solius facti est usus, qui est ad nutum domini *revocabilis*, talem usum habet servus & Religiosus in rebus a domino, vel Praelato, sive Religione ad utendum sibi permissis. *Usus juris* autem dicitur ille, qui est *irrevocabilis*, seu non dependet jam a voluntate concedentis, uti sit si quis legitime obtinet facultatem utendi alieno equo usque ad hujus, vel suam mortem. Et talis usus non multum differt a dominio.

II.) *Usufructus* est legitima potestas utendi & fruendi re aliena, salva ejus substantia, fructus ex ea provenientes *etiam ad alios usus* convertendo. Hinc usufructus simplex, & praesertim solius facti, non potest rem sibi permissam aliis concedere, aut locare, fructus ex ea re provenientes alii vendere &c. *Usufructuarius* autem id totum potest.

Notandum vero, quod Juris civilis dispositione *Usus*, *usufructus*, & *habitatio* ita sint inter se diversa, ut tres distinctas servitutum *personalium nominatarum* species constituent, juxta *tit. Institut. de usufruct. & alium tit. Institut. de usu & habitatione*. Jure tamen Gentium spectato habitatio spectat ad *usum*, vel *usufructum*, quin aliquid singulare contineat specie diversum.

751. Deinde III.) est quoque domini utilis species *SERVITUS*, quae dupliciter accipitur: *Primo* pro *sub-*
Jus Nat. & Gent. I i *jectio-*

lectione & obligatione, quæ est in re alterius, ut ipsa quodammodo serviat alteri, & vocatur servitus passiva. Et secundo sumitur pro jure, quod respondet illi obligationi, diciturque servitus activa.

Servitus pro Jure accepta, est *jus fruendi, vel aliquo modo utendi re aliena; aut aliquid circa eam impediendi ne suo commodo obfit*. Hac ratione ista est quid generalius quam usufructus. Omne enim jus utendi vel fruendi est servitus; non tamen contra. Nam jus impediendi ne alius attollas murum, est servitus, non tamen est usus vel usufructus.

Si autem servitus passivæ, seu pro subjectione rei spectetur, est *obligatio realis, quæ res alteri est obstricta, ita ut possit ex ipsa percipere fructum, vel ea aliquo modo uti, aut circa eam aliquid impedire ne suo commodo obfit*.

Dividitur autem in tres species. Alia enim est *mere personalis servitus*, uti ea quæ a persona debetur personæ, prout fieret, si mihi usum servi tui ad tempus, vel ad vitam meam concesseris, ad quam speciem reducitur *usus, usufructus & habitatio* juxta Juristas & textus hic n. 750. adductos. Quæquam usus, usufructus & habitatio melius a Gomez. de servit. n. 2. & seq. refertur ad servitutes mixtas. Alia *mere realis*, quæ fit, dum a re una debetur *immediate* alteri rei. Et talis est quæ respondet juri agrorum, vel domorum, similiumque rerum. Dixi *immediate*, quia hæc servitus etiam debetur a re aliena personæ alicui; sed *mediate* tantum, nempe ex eo, quod fiat talis rei *dominus* vel conductor, v. g. ager meus habet jus, ut per agrum tuum possit iri, vel jumentum duci in meum: hoc casu ager tuus servit meo, estque hæc servitus realis, quia a re debetur *immediate* tui: & consequenter hoc jus transit ad eum, ad quem transit meus ager. Alia est *mixta servitus* quæ a re debetur *immediate* personæ ipsi. Hæc extinguitur cum persona cui debetur. Talis habetur in illa re, qua possimus uti vel frui *immediate*, uti est domus, qua habemus jus utendi habitando in ea &c.

Servitus autem realis dividitur in *Rusticam* ac *Urbanam*, seu in eam quæ prædiorum rustico atque urbano debetur. *Prædium urbanum* in jure vocatur omne habitaculum, etiamsi in villa sit. Imo & hortus annexus causa amœnitatis, ad prædium urbanum refertur. *Rusticum* dicitur quodvis aliud, ut stabulum, horreum, ager. Servitutes igitur *Urbanæ* sunt, v. g. ut ades tuæ non possint altius attolli, ne officiant vi-

cini

tini luminibus: ut in tuum parietem possit immitti tignum a vicino, & similia. *Rusticæ* sunt, ut liceat tibi perfundum alterius ire in tuum, vel jumentum agere, aut aquam ducere &c.

Hæc optime explicantur *Instit. de servit. & lib. 8. Digestorum tit. 1. 2. 3. & 4. qui sunt de servitutibus*. Non enim hic & nunc tantopere spectant hæc ad nostrum institutum, sed innuimus aliqua de his eo fine, ut partim accuratius explicetur dominium, partim ut adæquata responsio formari possit; utrum species quoque dominii ejusque distinctiones Juri Gentium, vel soli positivo debeantur, quod infra determinabimus.

752. Ad utilis dominii species spectat IV.) etiam *FUFDUM*. Estque potestas fruendi re aliena immobili cum onere fidelitatis & exhibendorum obsequiorum domino illius. V.) *EMPHYTEUSIS*, quæ est jus fruendi re aliena immobili sub onere pensionis certæ solvendæ Domino fundi. Dividitur in perpetuam & temporalem. Differt ab usufructu, tum quod hic finiatur morte usufructuarii; tum quod possit esse rei etiam mobilis; & non possit usufructus vendi alteri sine Domini consensu: secus (saltem plerumque) Emphyteusis. VI.) Ad Emphyteusim tantquam species subalterna refertur *SUPERFICIES*, estque potestas utendi superficie terræ, per ordinem ad construendam in ea domum, cum onere solvendæ certæ pensionis, vel obsequiorum exhibendorum proprio Domino.

753. Denum VII.) ultimum tandem locum inter *utilis* dominii species obtinet *POSSESSIO*. Quæ hoc loco, ubi de *utili* dominio loquimur, accipitur pro actu; vel jure possidendi, a quo denominatur quis possessor. Actus possidendi dicitur *possessio facti*. Jus possidendi dicitur *possessio juris*. *Possessio facti* est *detentio rei possideri a jure non prohibite*, & aliquando *apprehensæ*; cum animo eam sibi habendi. Alii diversis quidem verbis, sed eundem sensum hujus possessionis exprimunt; qui eam sic definiunt: Est *detentio rei, concurrente corporis, animi & juris adminiculo*. Dicitur *detentio*, quæ acquiritur per apprehensionem rei *veram* vel *fictam*, & dum res apprehensa detinetur, possessio tunc continuatur. Dicitur *rei*, sive *corporalis* sit, sive *incorporalis*: possessio tamen rei *incorporalis* c. 3. de *caus. poss.* appellatur *quasi possessio*. Semper tamen requiritur *Juris adminiculum*, seu ne jus resistat; alioqui solet

corporalis seu physica & mere naturalis apprehensio ac detentio rei non constituit possessionem juridicam: sed potius eam, quæ vocatur *Asinina*, utpote *solius facti*. Imo neque Commodatarius & depositarius possessores rei depositæ vel commodatæ sunt, cum non nomine proprio possideant, neque *cum animo eam sibi habendi*. Et quamvis hunc animum habeant, adhuc nil efficient ob defectum *juris adminiculi*.

Possessio *juris*, est in re ipsum jus reale per l. 44. §. ult. ff. de acquir. vel omitt. poss. diciturque *legitima potestas detinendi rem ut suam*, & commodis inde prævenientibus fruendi. Quæ iterum est *naturalis* vel *civilis*, utraque debet *juris adminiculo* niti ut sit *juridica*, alioqui *male fidei* erit possessio, utpote *sine jure possidendi*. Ad omnem etiam possessionem requiritur *Titulus possessionis*, qui juxta Gloss. in caus. 16. q. 2. est *justa causa possidendi*, qualis est emptio, donatio bona fide facta, licet rei sit alienæ, &c.

Commoda seu emolumenta *possessionis juridicæ* sunt septem, nempe: conditio usucapiendi: præsumptio domini; præsumptio tituli: suppletio defectuum vitiositatis: melior in dubio conditio: lucrum rei per dejectionem violentam, & *Actio publiciana*, qua is qui rem aliquam bona fide, ex justa causa a non Domino traditam, & nondum usucaptam amisit, agit adversus possessorem, petitque se *dominum* vel *quasi* declarari, & eam sibi una cum fructibus, damnis & expensis restitui.

754. Ad adæquatam domini divisionem pertinet quodque dominium *naturale*, seu in substantiam rei, quale habet *Uxor* in prædium dotalitium; & *Civile*, seu in usufructus & actiones; tale est quod habet *Maritus* in prædium dotalitium suæ uxoris. Potest enim uti, frui, & agere in Judicio contra eum, qui se turbare in suâ possessione vellet.

§. II.

Quæ sint conditiones necessariae ad domini acquisitionem: & quo jure introducæ?

S U M M A R I U M.

755. Ad acquirendum dominium quid requiratur?

756. &c. An Titulus & traditio Jure nat. vel Gent. requiratur?

758. Quid

758. Quid est Titulus domini? & an jus in re inducat?
 759. Res uni vendita, alteri gratuito tradita potestne vindicari?
 760. &c. Quando traditio non est necessaria ad dominium in re?
 762. &c. Adducuntur 19. Tituli seu modi acquirendi domini:
 770. &c. An ad hoc acquirendum Traditio sola sufficiat?

755. **Q**uando dominium non aliquo ex originariis modo primæ occupationis vel divisionis: sed derivativè ab uno in alium transferendum est; ad acquisitionem ejus regulariter duo requiruntur; scilicet *Titulus* idoneus & *Traditio*; declarante id etiam Jure civili in *L. Traditionibus* 20. C. de pact. *Traditionibus* & *usucapionibus* dominia rerum, non nullis pactis transferuntur. Juncta simul *L. Nanquam* 31. ff. de acquir. rer. dom. Nunquam nuda traditio transferat dominium: sed ita, si venditio, aut aliqua justa causa præcesserit; propter quam traditio sequeretur.

756. Quamvis autem juxta citatas leges tam *Titulus* quam *traditio* regulariter requiratur, nihilominus non utrumque jure naturali vel Gentium ad effectum acquirendi domini necessarium est: Jure enim naturæ non est necessaria *traditio*, licet rationi sit consona; idque ideo: quia sicut ut possim re aliqua uti *naturaliter*; requiritur in me vis utendi, & in re conveniens applicatio: ita; ut possim, re aliqua uti *moraliter*; seu *civiliter* tanquam dominus, requiritur ex parte mea aliquod jus; per contractum aliquem, vel similem modum: & ex parte rei debita applicatio; quæ fit per *traditionem* vel apprehensionem: Huc facit; quod hac ratione evitetur etiam incertitudo dominiorum, multarum litium seminarium: Consona rationi est igitur; non tamen jure nat. necessaria traditio.

757. Quod autem eadem *traditio* non sit etiam necessaria jure Gentium; patet ex praxi Regnorum; ubi jus Romanum non est receptum, ibi enim solus *titulus* attentionem meretur. Et quamvis forte in plerisque Gentibus usus fuerit hujusmodi *traditionis*, ille tamen utpote ex mera *observantia* & jure pure permissivo proveniens; non potuit omnes aut plerisque moratiores populos obligare sub ullo præcepto.

758. *Titulus* domini est *justa causa* rem nobis *acquirendi*, & *acquistam* retinendi: Ille cum jure naturali & Gentium sit necessarius, est fundamentum & basis totius juris tam in re quam ad rem haberi soliti. Per eum tamen *ordinarie*, ac præsertim spectato jure communi Romano super

hic citato, nondum habetur dominium seu *jus in re*: sed solum *ad rem*; nisi accedat *certa quaedam traditio*, quæ est veluti conditio *civiliter* necessaria, ex vi prioris v.g. donationis, vel emptionis resultet dominium. Unde si Petrus tibi vendidisset prædium, & ante traditionem venderet alteri & traderet: secundus emptor acquireret eius dominium, nec teneretur illud tibi cedere: sed solum haberes actionem damni; eamque mere *personalem* in Venditorem, per *L. Quoties 15. C. de rei vindic.* Provenietque Actio hæc *ex contractu*.

759. Nisi forte alteri esset tradita titulo *gratuito*; tunc enim posses illam vindicare. Similiter, si alteri esset quidem tradita titulo *oneroso*: sed scienti eam tibi antea venditam; *Covarr. l. 2. var. resol. c. 19. n. 9.* Tunc enim rem ita recipiens esset in mala fide.

760. Exceptio ista habet locum *etiam* hoc casu, quando *peculiari jure* ex solo contractu absque alia traditione transfertur dominium *in personam privilegiam*; veluti si aliquid venditum aut donatum sit Ecclesiis, locis piis, vel civitati, per *l. fin. C. de SS. Eccl. & l. ut inter 23. Cod. eod.* & ibi DD. Tali enim casu dominium transfertur per solum *contractum*; unde non poterit secundus emptor, vel donatarius per traditionem dominium acquirere: secus tamen foret, si res causæ piæ esset tantum *nude promissa* nondum *acceptata*, talis enim siquidem non *ex causa*, sed simplex seu *gratuita* fuerit facta pia loco vel civitati, non transfert dominium. Hinc si res Ecclesiæ promissa; ante hujus *acceptationem* alteri donata & tradita fuerit, hujus erit. Jure enim naturali & Gentium spectato, ad transferendum dominium inter personas habiles, sufficit liber consensus unius circa rem suam, & acceptatio alterius, ut in jus istius transeat. Vid. n. 582.) supra.

761. Cum igitur naturali & Gentium jure *Titulus* justus sit fundamentum *acquirendi domini*, expedit perfectam habere notitiam illius. Quem licet e sensu Naturalistarum hic supra a n. 742.) divisimus in *originarium* & *derivativum*, quia tamen divisionem hujusmodi ibidem mancavimus & non satis solidam esse ostendimus, hinc longe uberio-rem & communiter receptam exhibet nobis Justinianus Imperator *Inst. de rer. divis. & acquir. ipsar. domini*, ubi hujusmodi Tituli *Novemdecim* assignantur, ita, ut quilibet eorum dilucide intelligi possit, siue naturali, gentium, vel civili jure introductus.

762. Titulus itaque, seu quod idem est, *modus acquirendi* domini antiquissimus & a jure nat. proveniens *primus*.) est *Occupatio*, per §. Ferz 12. Inst. de rer. divis. definitur autem, quod nil aliud sit, quam earum rerum, que nullius *proprie*: sed jure naturali omnium hominum communes sunt, apprehensio. Tales sunt *feræ, bestie, volueres, pisces, & omnia animalia*, quæ mari, celo, & terra nascuntur. *Secundus*.) *Occupatio in bello* iusto, per §. Item ea 17. Inst. d. t. Hic modus cum jure Gentium introductus sit, diversus est a priore. *Tertius*.) *Inventio*, si debite conditiones serventur, §. Item Lapilli 18. Inst. d. t. *Quartus*.) *Fetura*, *nativitas*, seu *procreatio animalium*, §. Item ea 19. Inst. d. t. *Quintus*.) *Alluvio* §. Præterea 20. Inst. d. t. *Sextus*.) *Insula*, inde dicta, quod in solo, seu mari sit. Estque nihil aliud, quam locus undique aqua circumdatus, §. *Insula* 22. Inst. d. t. Illa si fuerit *naturalis*, seu quæ a tempore immemorabili existit, ut est *Jamaica, Corsica, Greca* &c. occupanti cedit, cum nullius sit. Secus si fuerit *accidentalis*, qualis frequenter fit inter fluminis vortices, hæc enim spectabit ad dominum, cujus est ripa, quam illa respicit.

763. *Septimus* titulus, seu modus acquirendi domini est *Specificatio*, idque est novæ speciei ex aliena materia conformatio & effectio, v.g. si ex alieno argento bona fide vas aliquod feceris. Hoc casu is, cui dominum adjudicabitur, alteri æstimationem materiz, vel laboris restituere teneretur. §. Cum ex 25. Inst. de rerum divis. & l. 43. §. 4. ff. de R. V.

764. Titulus seu modus *Octavus*) est *Accessio*, cujus etiam est species *Intextura*, per §. si tamen 26. d. t. *Nonus*.) *Confusio*, quando materiz ejusdem, vel diversi generis voluntate duorum dominorum confunduntur, vel ex iis certa species facta est, nam tunc illud corpus, quod ex confusione sit, naturali ratione est utriusque commune, propter voluntatem & consensum dominorum, veluti si qui *vina sua confuderint*. Si tamen unius tantum voluntate id factum sit, tunc species facta non fit communis: sed unius tantum, qui eam fecit, & hic obligatur ad separationem faciendam, si fieri possit, vel ad æstimationem solvendam. §. Si duorum materiz 27. Inst. de rer. divis.

765. Titulus seu modus acquirendi domini *Decimus*) est *Commixtio*, veluti si frumentum Sempronii tuo mixtum fuerit, §. Quod si 28. Inst. de rer. divis. *Commixtio* hæc si fuerit mala fide facta, jure nat. obstat dominio acquirendo, a-

Itaque fortis & fraudibus patrocinaretur. Si vero sit *bona fide* res tua admixta rebus alterius; distinguendum est, possintne discerni vel non: si nequit ullo modo discerni; equidem acquirit dominium, jure nat. favente, Judex tamen ex officio suo illud æstimabit. Pateat id in exemplo: Titius & Sempronius habuerunt vicina stagna piscibus ejusdem speciei, scilicet carplonibus, lueis, cancris & truttis vesorta: inundatione facta & rupto aggere pisces e stagno Titii, aquarum impetu transierunt in stagnum Sempronii fortiori aggere munitum, ac proin aquarum assultu nullo modo lasum: hoc casu cum pisces Titii neque specie, nec numero; nec ulla arte humana discerni possint a piscibus Sempronii permixtis, manent in hujus dominio. Et ita sæpius judicatum fuisse memini in Regno Poloniæ, ubi interdum arbitrio boni viri; interdum Judicis sententia, ex officio fuit facta æstimatio, prævia inquisitione & probatione de existentia piscium saltem in confuso evicta. Quod si forte res bona fide permixtæ discerni possint numero aut specie: altero hoc casu, ille qui rem suam ita rei alterius commixtam possidet, acquirit conditionem usucapiendi, & tempore prescriptionis completo præscribit. Si vero dominus rei permixtæ completam prescriptionem rem suam requirat, eamque aliquo modo discernere possit, rei vindicatio habebit locum; & debet separari ac restitui, vel æstimatio ejus solvenda ipsi erit.

Differt autem *Commixtio* a *confusione*. Confundi enim illa dicuntur, quæ confusa patiuntur novam speciem; ita vinum & mel proprie confunduntur & confusa componunt aliam speciem, scilicet *mulsum*. Item ex auro & argento fit *electrum*. Secus fit in commixtione, quæ non constituit novam rerum permixtarum speciem, sed hæ priorem retinent, & manent in eadem substantia, ut patet in pecunia, & piscibus permixtis &c. Ubi etiam notandum est, quod si mixtio fiat voluntate dominorum, tunc pro indiviso res sint communes, ita ut contra illum, qui corpus mixtum in solidum possidet, alteri pro sua parte detur actio de *communi dividundo*.

766. Acquirendi domini titulus seu modus undecimus) est *Ædificatio*, quæ sit ex materia aliena in suo solo, vel a contrario, ex propria materia in alieno solo. De priori casu agitur §. Cum in suo solo 29. Inst. de rer. divis. Hinc si quis ex aliena materia in suo solo ædificat v.g. horreum, molen-

molendinum &c. fit ædificii dominus, cum omne quod solo inædificatur, solo cedat, accessio enim cedit principali. Id tamen procedit de solo privato. Qui enim in solo publico ædificat, ædificium fit non Publici: sed ædificantis, non enim hoc casu cedit solo, l. 6. ff. de *Res. div.* Ille tamen qui in suo solo ex aliena materia ædificat, cum dominus fiat ædificii, non hoc ipso ita fit dominus alienæ materiæ, quin æstimationem ejus solvere teneatur, naturali ratione obstante, quod nemo invitus re sua privandus sit, juxta l. id quod nostrum, ff. de *R. J.* Dixi æstimationem ejus solvere teneatur: non enim vindictio materiæ competet suo domino; nam per l. 12. *Tabb.* expresse prohibetur, ne quis tignum alienum ædibus suis junctum eximere cogatur, §. cum in suo solo, vers. sed tantisper, Inst. d. t. ac in l. in rem 29. §. 6. ff. de *res. vind.* Id vero provenit ex Jure positivo, ne scilicet aspectus urbis deformetur, unde utilitas publica lædi posset.

767. Titulus seu modus acquirendi dominiū *decimus secundus*) est *Implantatio*, §. si Titius 13. Inst. d. t. De illa id juris est, ac diximus de *Edificatione* in solo meo facta ex materia aliena. Dum modo planta aliena implantata solo meo radices egerit: alioqui manebit illius, cujus fuit. Huic similis est *decimus tertius*) acquirendi dominiū titulus *Satio*, §. Quæ ratione 32. Inst. d. t. Unde, si agrum alienum meo semine conleverim, ejus est seges, cujus est ager; quia sata cedunt solo, sicut ædificium, & planta. *Decimus quartus*) acquirendi dominiū titulus est *Scriptura*, §. literæ. 33. Inst. d. t. Literæ enim ita cedunt meæ chartæ, sicut ædificium & plantæ meo solo: *Decimus quintus*) est *Pictura*, §. si quis 34. Inst. d. t. Et quamvis olim controversum fuerit, num pictura tabulæ an e contra tabulæ picturæ cedere debeat? Justinianus tamen cit. §. si quis, constituit, ut tabula picturæ cedat; Non tamen simpliciter, sed considerato cujusque valore, ait enim ibidem: *ridiculum enim esset picturam Apellis vel Parrhasii in accessum viliissimæ tabulæ cedere.* Quicumque igitur Actor fuerit, is alteri, quo ad æstimationem, seu picturæ, seu tabulæ, secundum circumstantias præstantiæ & excessus valoris tenetur, l. 9. §. *literæ* 1. ff. de *res. div.* Nec obstat; quod in l. 23. §. 3. ff. de *R. V.* pictura dicatur indistincte cedere tabulæ: quia textus hic procedit, si tabella sit pretiosior.

768. Dominiū acquirendi titulus *decimus 6.*) est *Perceptio fructuum ex re aliena, quam bona fide possidemus*, §. Si quis a non do-

domino . 35. Inst. de rer. divis. Titulus seu modus hic cum sit *controversus*, dominium fructuum *certum* ex illo inferri haud potest, propter ea, quæ fusc adduximus in alio opere, scilicet *Erotem. theor. pract. 34. af. 282.*) sufficit autem, quod ille fundet *conditionem usucapionis*, ita ut vi ejus fructus illi præscribi possint triennio, saltem si causa fuerit civilis, ac distincta ab ecclesiastica, quanquam *juxta plerosque* etiam fructus beneficiales triennio præscribuntur. Si quoque bonæ fidei Possessoris labor, cura, & cultura intercessit circa fructus hos percipiendos, naturalis æquitas suadet ut ex re illa aliena fructus hujusmodi suos fecerit; nedum *industriales*, qui aliunde privilegiati sunt, & auctori industriæ cedunt; verum etiam *naturales* ac mixtos & civiles quosvis extantes, non minus ac consumptos: sed non nisi ad proportionem *cure & culture*, ut etiam innuit textus *cit. §. si quis a non domino*. Alioqui contra omnem fieret æquitas, si is, qui valde modicam vel nullam prorsus *curam & culturam* adhibens, magni pretii fructus perperit; eosque divendidit, ac pretium ita ex illis redactum ad coemenda sibi prædia convertit, domino autem rem suam vindicanti ad nihil absolute de illis teneatur.

769. Eiusdem dominii acquirendi *decimus septimus*) titulus, seu modus est *Thesauri inventio & ejus occupatio*. §. *Thesaurus 39. Inst. d. t.* Porro Thesaurus censendus est, si sit vetus quædam depositio pecuniæ cuius memoria non extat, atque adeo est depositio cujusdam rei mobilis, quæ jam dominum non habet, & sit ejus, qui invenit, *l. nunquam 31. §. 1. ff. de rer. divis.* Modus hic est Juris naturalis: quod enim in bonis nullius est, naturali ratione occupanti conceditur. Cum tamen a Jure naturali *mere permissivo* procedat, Legislatoribus non est adempta potestas eum restringendi. Hinc diversæ sunt in diversis Regnis circa thesauri inventionem dispositiones. De quibus videri potest *Harppr. & alii DD. ad cit. §. Thesaurus inst. de rer. div.* Regulariter tamen debetur pro dimidia parte inventori, & pro dimidia fundi domino privato, aut *Fisco*, si ille in loco publico, & quidem *fortuito* repertus sit; alioquin si *data opera* quærat & inveniatur: *Jure Austriaco* totus ad Principem spectabit in illis ditionibus. Per locum vero *publicum* non intelligitur hic forum, vel platea: sed locus, quem Respublica specialis dominii jure possidet, ut silva, pascuum &c.

770. Huc spectat dominii acquirendi modus *decimus octavus*) *Traditio*, hæc in omnibus *derivativis* acquisitionibus *regulariter* est necessaria, ut innuimus a n. 755.) nunquam tamen se sola sufficit, nec facit translationem dominii, nisi debitis polleat conditionibus, ut scilicet 1.) sit ex justa causa & habili ad transferendum dominium, uti est *emptio-venditio*, *donatio*, *dos*, *legatum*, *solutio*, *mutuum* &c. 2.) ut tradens sit dominus rei. 3.) Ut adsit voluntas transferendi in tradente, & acquirendi in acceptante 4.) ut si res incorporalis fuerit, quæ non proprie possidetur, l. 4. §. 27. ff. de *usucap.* adsit patientia unius & usus alterius; hæc enim circa res hujusmodi loco traditionis habentur, l. 20. ff. de *servit.* Res vero *immobiles* corporales veræ traditioni subjacent, quia inductio in earum possessionem, vim traditionis habet. 5.) Ut sit res alienabilis, nec prohibita alienari per possessorem, uti sunt res sacræ, vel fidei-commissoriæ &c.

771. Dixi *regulariter est necessaria* ad dominium acquirendum. Nam non est illa opus in sequentibus casibus. *Primo.*) in *beneficiis* ecclesiasticis: in his enim acquiritur jus in re & quasi dominium per collationem & acceptationem, c. si tibi *absenti*. de præb. in 6. *Secundo.*) in *hereditate*, per l. cum heredes 23. ff. de *acquir. vel omitt. poss.* Aditio enim hereditatis sufficit sine alia traditione. Porro aditur illa cum acceptatur verbo, vel facto, §. ult. Inst. de hered. qual. *Tertio.*) in *Legato*. Si enim tibi res certa legata sit, statim hoc ipso, quo heres acceptat hereditatem, efficeris ejus dominus, per l. a Titio 46. ff. de *fur. ubi* dicitur, quod *res legata recta via ab eo, qui legavit, ad eum cui legata est, transeat*. Non est etiam necessaria *Quarto.*) si aliquid donatur, venditur, aut relinquitur Civitati, Ecclesiæ, piis locis, aut piis causis, per ea quæ diximus hic n. 760.) *Quinto*) non requiritur in contractu societatis omnium bonorum per matrimonium, de quo fuse Covarr. lib. 3. *variar. c. 19. a n. 1.*) *Sexto.* Si *donasti & tradidisti* aliquid *sub conditione* ut tibi alimenta præbeat: illo non præbente, ut debet, statim recuperas dominium eius absque ulla traditione, l. 1. c. de *don. quæ sub mod.* *Septimo.*) Si Princeps contrahet cum aliquo, vel donet, & intendat transferre dominium, erit translatum absque alia traditione, Covarr. l. 2. *variar. c. 19. n. 3.* Ratio est: quia voluntate Principis requiritur traditio; igitur voluntate ipsius potest omitti.

ti: *Octavo*) Ad jns hypothecæ, vel pignoris, puta, *impropre* sumpti, non requiritur ulla traditio, vel apprehensio: sed sufficit nuda conventio; aut legis dispositio, per l. 1. ff. de pignor. act. & l. 9. §. 1. eod.

772. Hæc autem ideo ex jure Cæsareo attulimus; ut evidenter demonstratemus falsam esse persuasionem eorum Naturalistarum & Jurorum, qui mordicus contendunt, *Traditionem* jure naturæ esse necessariam ad acquirendum dominium: cum tamen ex adductis exceptionibus palam sit eam solo jure communi Romano requiri in plerisque acquisitionibus *derivativis*. Quando autem dominium non transfertur ab uno in alterum; factio v. g. contrahentis, ad illud acquirendum sufficit *apprehensio*, seu *occupatio*, sic enim acquiruntur dominia eorum; quæ nullius sunt, ut patet ex n. 735.)

773. Demum *decimus nonus*.) isque ultimus acquirendi domini modus seu titulus est *Occupatio rei pro derelicto*, juxta §. *Quaratione* 47. *Inst. de ver. divis.* Res vero *pro derelicta* habetur, si eam dominus ea mente abiecit, ut in numero suarum rerum esse nolit. Modus quidem hic refertur a Justiniano Imper. inter diversos a prioribus jam recensitis: sed quo ad substantiam non differt a primo, qui est *occupatio*; jure nat. Gentium introductus. Non recensuimus autem inter hos acquirendi modos *Præscriptionem*, quia cum hæc a plerisque ad titulum *pro derelicto* reducatur, longe vero a pluribus & melius ad modos jure civili introductos remittatur: hinc tanquam titulum controversum nolimus hic recensere, tractaturi de illo separato capite.

§. III.

Quo Jure facta sit divisio; & introductum dominium; cum modis eius acquirendi?

S U M M A R I U M.

774. &c. Probatür rerum divisionem Jure gent. esse factam:
 777. &c. Motiva hujus divisionis afferuntur:
 780. &c. Quando, & sub quo Principe facta sit divisio? quò modo, & cujus consensu?
 782. &c. Contraria Puffendorffii momenta enervantur:
 784. &c. Aliorum rationes similiter refelluntur.

774. **D**ivisio rerum & regionum facta est jure Gentium; prout id patet ex Can. 9. dist. 1. *Jus Gentium* est

est sedium occupatio, & manifestum est ex L. Ex hoc jure 5. ff. de Just. & Jur. ubi ait Ictus: Ex hoc jure gentium introduda bella: DISCRETÆ GENTES: regna condita: DOMINIA DISTINCTA: agris termini positi: edificia collocata: commercium, emptiones, venditiones, locationes, condictiones, obligationes instituta; exceptis quibusdam, quæ a jure civili introductæ sunt; puta, quo ad modum particularem contrahendi, ut diximus n. 675.) concordat L. quarundam 1. ff. de acquir. rer. domin. dicens: Quarundam rerum dominium nanciscimur jure GENTIUM, -- quarundam jure Civili. Quia scilicet jus Civile certas particulares formas pro suis civibus præscripsit divisionibus, successioneibus, occupationibus, contrahibus &c. quamvis usus & libertas horum actuum proveniat a Jure gentium, ut constat ex n. 741.)

775. Ratio quoque suadet: cur non alio, quam Gentium jure asserta divisio facta & introducta fuerit. Quia nempe 1.) Non est facta jure Divino. DEUS enim neque fecit divisionem illam primam, neque eam præcepit fieri. Dedit quidem Israelitis spolia Ægyptiorum, & regna Cananitarum; hoc tamen factum est præter usitatum morem, imo jam post divisionem inter gentes factam, quæ donationes has divinas longe præcesserat. Demum DEUS nuppiam in Scripturis revelavit hanc divisionem immediate a se fuisse factam, vel in subsequens tempus ex suo divino præcepto faciendam, legitur quidem Gen. 11. v. 8. Atque ita divisit eos Dominus ex illo loco (id est a Turri Babel) in universas terras, ac ibid. v. 9. ait Sacer textus: & inde dispersit eos Dominus super faciem cunctarum regionem, nulli tamen reperitur mentio, quod vel DEUS præceperit Gentibus illis faciendam rerum & regionum divisionem, vel quod ipse eas inter illas divideret: imo legitur contrarium Gen. 10. v. 5. quod scilicet a Familiis Noe facta fuerit illa divisio: Ab His DIVISÆ SUNT INSULÆ GENTIUM in regionibus suis.

776. Non etiam 11.) Facta est hæc divisio jure naturali. Jus enim hoc neque fecit illam, cum omnia reliquerit communia: neque etiam præcepit eam fieri; neque natura secundum se ad eam inclinatur, sicut v. g. inclinatur ad speciei humanæ procreationem, & inde ad contrahendum matrimonium; quod, sepositis impedimentis, si inter personas habiles debito modo contrahatur, dicimus esse juris naturæ.

hic citata, nondum habetur dominium seu *ius in re*: sed solum *ad rem*; nisi accedat *certa quedam traditio*, quæ est veluti conditio *civiliter* necessaria, ex vi prioris v.g. donationis, vel emptionis resultet dominium. Unde si Petrus tibi vendidisset prædium, & ante traditionem venderet alteri & traderet: secundus emptor acquireret ejus dominium, nec teneretur illud tibi cedere: sed solum haberes actionem damni, camque mere *personalem* in Venditorem, per *L. Quoties 15. C. de rei vindic.* Provenietque Actio hæc *ex contractu*.

759. Nisi forte alteri esset tradita titulo *gratuito*; tunc enim posses illam vindicare. Similiter, si alteri esset quidem tradita titulo *oneroso*: sed scienti eam tibi antea venditam; *Covarr. l. 2. var. resol. c. 19. n. 9.* Tunc enim rem ita recipiens esset in mala fide.

760. Exceptio ista habet locum *etiam* hoc casu, quando *peculiari jure* ex solo contractu absque alia traditione transfertur dominium *in personam privilegiatam*; veluti si aliquid venditum aut donatum sit Ecclesiis, locis piis, vel civitatibus, per *l. fin. C. de SS. Eccl. & l. ut inter 23. Cod. eod. & ibi DD.* Tali enim casu dominium transfertur per solum *contractum*; unde non poterit secundus emptor, vel donatarius per traditionem dominium acquirere: secus tamen foret, si res causæ piæ esset tantum *nude promissa* nondum *acceptata*, talis enim siquidem non *ex causa*, sed simplex seu *gratuita* fuerit facta pio loco vel civitati, non transfert dominium. Hinc si res Ecclesiæ promissa; ante hujus *acceptationem* alteri donata & tradita fuerit, hujus erit. Jure enim naturali & Gentium spectato, ad transferendum dominium inter personas habiles, sufficit liber consensus unius circa rem suam, & acceptatio alterius, ut in *ius istius* transeat. Vid. n. 582.) supra.

761. Cum igitur naturali & Gentium jure *Titulus* justus sit fundamentum *acquirendi domini*, expedit perfectam habere noticiam illius. Quem licet e sensu Naturalistarum hic supra a n. 742.) divisimus in *originarium* & *derivativum*, quia tamen divisionem hujusmodi ibidem mancã & non satis solidam esse ostendimus, hinc longe uberiorẽ & communiter receptam exhibet nobis Justinianus Imperator *Inst. de rer. divis. & acquir. ipsar. domiv.* ubi hujusmodi Tituli *Novemdecim* assignantur, ita, ut quilibet eorum dilucide intelligi possit, sicne naturali, gentium, vel civili jure introductus.

762. Titulus itaque, seu quod idem est, *modus acquirendi* domini antiquissimus & a jure nat. proveniens *primus*) est *Occupatio*, per §. Ferè 12. Inst. de rer. divis. definitur autem, quod nil aliud sit, quam earum rerum, quæ nullius *proprie*: sed jure naturali omnium hominum communes sunt, apprehensio. Tales sunt fere, bestie, volucres, pisces, & omnia animalia, quæ mari, cælo, & terra nascuntur. *Secundus*.) *Occupatio in bello iusto*, per §. Item ea 17. Inst. d. t. Hic *modus* cum jure Gentium introductus sit, diversus est a priore. *Tertius*.) *Inventio*, si debite conditiones serventur, §. Item Lapilli 18. Inst. d. t. *Quartus*.) *Factura*, *nativitas*, seu *procreatio animalium*, §. Item ea 19. Inst. d. t. *Quintus*.) *Alluvio* §. Præterea 20. Inst. d. t. *Sextus*.) *Insula*, inde dicta, quod in solo, seu mari sit. Estque nihil aliud, quam locus undique aqua circumdatus, §. Insula 22. Inst. d. t. Illa si fuerit *naturalis*, seu quæ a tempore immemorabili existit, ut est *Jamaica*, *Corfica*, *Creta* &c. occupanti cedit, cum nullius sit. Secus si fuerit *accidentalis*, qualis frequenter fit inter fluminis vortices, hæc enim spectabit ad dominum, cujus est ripa, quam illa respicit.

763. *Septimus* titulus, seu *modus acquirendi domini* est *Specificatio*, idque est novæ speciei ex aliena materia conformatio & effectio, v.g. si ex alieno argento bona fide vas ali- quod feceris. Hoc casu is, cui dominum adjudicabitur, alteri æstimationem materię, vel laboris refarcire teneretur. §. Cum ex 25. Inst. de rerum divis. & l. 43. §. 4. ff. de R. V.

764. Titulus seu *modus Octavus*) est *Accessio*, cujus etiam est species *Intextura*, per §. si tamen 26. d. t. *Nonus*.) *Confusio*, quando materię ejusdem, vel diversigenis voluntate duorum dominorum confunduntur, vel ex iis certa species facta est, nam tunc illud corpus, quod ex confusione sit, *naturali ratione* est utriusque commune, propter voluntatem & consensum dominorum, veluti si qui *vina sua confuderint*. Si tamen unius tantum voluntate id factum sit, tunc species facta non fit communis: sed unius tantum, qui eam fecit, & hic obligatur ad separationem faciendam, si fieri possit, vel ad æstimationem solvendam. §. Si duorum materię 27. Inst. de rer. divis.

765. Titulus seu *modus acquirendi domini Decimus*) est *Commixtio*, veluti si frumentum Sempronii tuo mixtum fuerit, §. Quod si 28. Inst. de rer. divis. *Commixtio* hæc si fuerit mala fide facta, jure nat. obstat dominio acquirendo, a-

molendinum &c. fit ædificii dominus, cum omne quod solo inædificatur, solo cedat, accessio enim cedit principali. Id tamen procedit de solo privato. Qui enim in solo publico ædificat, ædificium fit non Publici: sed ædificantis, non enim hoc casu cedit solo, l. 6. ff. de Rer. div. vis. Ille tamen qui in suo solo ex aliena materia ædificat, cum dominus fiat ædificii, non hoc ipso ita fit dominus alienæ materiæ, quin æstimationem ejus solvere teneatur, naturali ratione obstante, quod nemo invitus re sua privandus sit, juxta l. id quod nostrum, ff. de R. J. Dixi æstimationem ejus solvere teneatur: non enim vindicatio materiæ competet suo domino; nam per l. 12. Tabb. expresse prohibetur, ne quis tignum alienum ædibus suis junctum eximere cogatur, §. cum in suo solo, vers. sed tantisper; Inst. d. t. ac in l. in rem 29. §. 6. ff. de rer. vind. Id vero provenit ex Jure positivo, ne scilicet aspectus urbis deformetur, unde utilitas publicæ lædi posset.

767. Titulus seu modus acquiritendi domini *decimus secundus*) est *Implantatio*, §. si Titius 13. Inst. d. t. De illa id iuris est, ac diximus de *Ædificatione* in solo meo facta ex materia aliena. Dum modo planta aliena implantata solo meo radices egerit: alioqui manebit illius, cujus fuit. Huic similis est *decimus tertius*) acquiritendi domini titulus *Satio*, §. Quæ ratione 32. Inst. d. t. Unde, si agrum alienum meo semine conleverim, ejus est seges, cujus est ager; quia sata cedunt solo, sicut ædificium, & planta. *Decimus quartus*) acquiritendi domini titulus est *Scriptura*, §. literæ 33. Inst. d. t. Literæ enim ita cedunt meæ chartæ, sicut ædificium & planta meo solo: *Decimus quintus*) est *Pictura*, §. si quis 34. Inst. d. t. Et quamvis olim controversum fuerit, num pictura tabulæ an e contra tabulæ picturæ cedere debeat? Justinianus tamen cit. §. si quis, constituit, ut tabula picturæ cedat; Non tamen simpliciter, sed considerato cuiusque valore, ait enim ibidem: *ridiculus enim esset picturam Apellis vel Parrhasii in accessionem vilissimæ tabulæ cedere*. Quicumque igitur Actor fuerit, is alteri, quo ad æstimationem, seu picturæ, seu tabulæ, secundum circumstantias præstantiæ & excessus valoris tenetur, l. 9. §. litteræ 1. ff. de rer. div. Nec obstat, quod in l. 23. §. 3. ff. de R. V. pictura dicatur indistincte cedere tabulæ: quia textus hic procedit, si tabellâ sit pretiosior.

768. Domini acquiritendi titulus *decimus 6.*) est *Perceptio fructuum ex re aliena, quam bona fide possidemus*, §. Si quis a non do-

domino . 35. Inst. de rer. divis. Titulus scē modus hic cum sit *controversus*, dominium fructuum *certum* ex illo inferri haud potest, propter ea, quæ fusc adduximus in alio opere, scilicet *Erotem. theor. pract. 34. af. 282.*) sufficit autem, quod ille fundet *conditionem usucapionis*, ita ut vi ejus fructus illi præscribi possint triennio, saltem si causa fuerit civilis, ac distincta ab ecclesiastica, quanquam *juxta plerosque* etiam fructus beneficiales triennio præscribuntur. Si quoque bonæ fidei Possessoris labor, cura, & cultura intercessit circa fructus hos percipiendos, naturalis æquitas suadet ut ex re illa aliena fructus hujusmodi suos fecerit, nedum *industriales*, qui aliunde privilegiati sunt, & auctori industriæ cedunt: verum etiam *naturales* ac mixtos & civiles quosvis extantes, non minus ac consumptos: sed non nisi ad proportionem *cure & culture*, uti etiam innuit textus *cit. §. si quis a non domino*. Alioqui contra omnem fieret æquitas, si is, qui valde modicam vel nullam prorsus *curam & culturam* adhibens, magni pretii fructus percepit, eosque divendidit, ac pretium ita ex illis redactum ad coemenda sibi prædia convertit, domino autem rem suam vindicanti ad nihil absolute de illis teneatur.

769. Ejusdem dominii acquirendi *decimus septimus*) titulus, seu modus est *Thesauri inventio & ejus occupatio*. §. *Thesaurus 39. Inst. d. t.* Porro *Thesaurus* censendus est, si sit vetus quædam depositio pecuniæ cuius memoria non extat, atque adeo est depositio cujusdam rei mobilis, quæ jam dominum non habet, & sit ejus, qui invenit, *l. nunquam 31. §. 1. ff. de rer. divis.* Modus hic est Juris naturalis: quod enim in bonis nullius est, naturali ratione occupanti conceditur. Cum tamen a Jure naturali *mere permissivo* procedat, Legislatoribus non est adempta potestas eum restringendi. Hinc diversæ sunt in diversis Regnis circa thesauri inventionem dispositiones. De quibus videri potest *Harppr. & alii DD. ad cit. §. Thesaurus inst. de rer. div.* Regulariter tamen debetur pro dimidia parte inventori, & pro dimidia fundi domino privato, aut Fisco, si ille in loco publico, & quidem *fortuito* repertus sit; alioqui si *data opera* quærat & inveniatur: *Jure Austriaco* totus ad Principem spectabit in illis ditionibus. Per locum vero *publicum* non intelligitur hic forum, vel platea: sed locus, quem Respublica specialis dominii jure possidet, ut silva, pascuum &c.

770. Huc spectat dominii acquirendi modus *decimus octavus*) *Traditio*, hæc in omnibus *derivativis* acquisitionibus *regulariter* est necessaria, ut innuimus *a. n. 755.*) nunquam tamen se sola sufficit, nec facit translationem dominii, nisi debitis polleat conditionibus, ut scilicet 1.) sit ex justa causa & habili ad transferendum dominium, uti est *emptio-venditio, donatio, dos, legatum, solutio, mutuum* &c. 2.) ut tradens sit dominus rei. 3.) Ut adsit voluntas transferendi in tradente, & acquirendi in acceptante 4.) ut si res incorporalis fuerit, quæ non proprie possidetur, l. 4. §. 27. ff. de *usucap.* adsit patientia unius & usus alterius, hæc enim circa res hujusmodi loco traditionis habentur, l. 20. ff. de *servit.* Res vero *immobiles* corporales veræ traditioni subjacent, quia inductio in earum possessionem, vim traditionis habet. 5.) Ut sit res alienabilis, nec prohibita alienari per possessorem, uti sunt res sacræ, vel fideicommissoriæ &c.

771. Dixi *regulariter est necessaria* ad dominium acquirendum. Nam non est illa opus in sequentibus casibus. *Primo.*) in *beneficis* ecclesiasticis: in his enim acquiritur jus in re & quasi dominium per collationem & acceptationem, c. si tibi *absenti.* de præb. in 6. *Secundo.*) in *hereditate*, per l. cum heredes 23. ff. de *acquir. vel omitt. poss.* Aditio enim hereditatis sufficit sine alia traditione. Porro aditur illa cum acceptatur verbo, vel facto, §. ult. Inst. de *hered. qualit. Tertio.*) in *Legato*, Si enim tibi res certa legata sit, statim hoc ipso, quo heres acceptat hereditatem, efficeris ejus dominus, per l. a Titio 46. ff. de *fur.* ubi dicitur, quod *res legata recta via ab eo, qui legavit, ad eum cui legata est, transeat.* Non est etiam necessaria *Quarto.*) si aliquid donatur, venditur, aut relinquitur Civitati, Ecclesiæ, piis locis, aut piis causis, per ea quæ diximus hic n. 760.) *Quinto*) non requiritur in contractu societatis omnium bonorum per matrimonium, de quo fuse *Covarr.* lib. 3. *variar. c. 19. a. n. 1.*) *Sexto.* Si *donasti & tradidisti* aliquid *sub conditione* ut tibi alimenta præbeat: illo non præbente, ut debet, statim recuperas dominium ejus absque ulla traditione, l. 1. c. de *don. quæ sub mod. Septimo.*) Si Princeps contrahat cum aliquo, vel donet, & intendat transferre dominium, erit translatum absque alia traditione, *Covarr.* l. 2. *variar. c. 19. n. 3.* Ratio est: quia voluntate Principis requiritur traditio; igitur voluntate ipsius potest omitti.

ti: *Oñavo*) Ad jùs hypothecæ, vel pignoris, puta, *improprie* sumpti, non requiritur ulla traditio, vel apprehensio: sed sufficit nuda conventio, aut legis dispositio, per l. 1. ff. de pignor. act. & l. 9. §. 1. eod.

772. Hæc autem ideo ex jure Cæsareo attulimus; ut evidenter demonstratemus falsam esse persuasionem eorum Naturalistarum & Jstorum, qui mordicus contendunt, *Traditionem* jure naturæ esse necessariam ad acquirendum dominium: cum tamen ex adductis exceptionibus palam sit eam solo jure communi Romano requiri in plerisque acquisitionibus *derivativis*. Quando autem dominium non transfertur ab uno in alterum, factò v. g. contrahentis, ad illud acquirendum sufficit *apprehensio*, seu *occupatio*, sic enim acquiruntur dominia eorum, quæ nullius sunt, ut patet ex n. 735.)

773. Demum *decimus nonus*.) isque ultimus acquirendi domini modus seu titulus est *Occupatio rei pro derelicto*, juxta §. *Qua ratione* 47. *Inst. de rer. divis.* Res vero *pro derelicta* habetur, si eam dominus ea mente abiecit, ut in numero suarum rerum esse nolit. Modus quidem hic refertur a Justiniano Imper. inter diversos à prioribus jam recensitis: sed quo ad substantiam non differt a primo, qui est *occupatio*; jure nat. Gentium introductus. Non recensuimus autem inter hos acquirendi modos *Præscriptionem*, quia cum hæc a plerisque ad titulum *pro derelicto* reducatur, longe vero a pluribus & melius ad modos jure civili introductos remittatur: hinc tanquam titulum controversum nolimus hic recensere, tractaturi de illo separato capite.

§. III.

Quo Jure facta sit divisio; & introductum dominium; cum modis eius acquirendi?

S U M M A R I U M.

774. &c. Probatur rerum divisionem Jure gent. esse factam:
 777. &c. Motiva hujus divisionis afferuntur:
 780. &c. Quando; & sub quo Principe facta sit divisio? quòmodo, & cujus consensu?
 782. &c. Contraria Puffendorffii momenta enervantur:
 784. &c. Aliorum rationes similiter refelluntur.

774. **D**ivisio rerum & regionum facta est jure Gentium; prout id patet ex Can. 9. dist. 1. *Jus Gentium est*

est sedium occupatio, & manifestum est ex L. Ex hoc jure 5. ff. de Just. & Jur. ubi ait Ictus: Ex hoc jure gentium. introducitur bella: **DISCRETÆ GENTES: regna condita: DOMINIA DISTINCTA:** agris termini positi: ædificia collocata: commercium, emptiones, venditiones, locationes, condictiones, obligationes institutæ; exceptis quibusdam, quæ a jure civili introductæ sunt; puta, quo ad modum particularem contrahendi, ut diximus n. 675.) concordat L. quarundam 1. ff. de acquir. rer. domin. dicens: Quarundam rerum dominium nascitur jure GENTIUM, -- quarundam jure Civili. Quia scilicet jus Civile certas particulares formas pro suis civibus præscripsit divisionibus, successionebus, occupationibus, contradibus &c. quamvis usus & libertas horum actuum proveniat a Jure gentium, ut constat ex n. 741.)

775. Ratio quoque suadet: cur non alio, quam Gentium jure asserta divisio facta & introducta fuerit. Quia nempe 1.) Non est facta jure Divino. DEUS enim neque fecit divisionem illam primam, neque eam præcepit fieri. Dedit quidem Israelitis spolia Ægyptiorum, & regna Canaanitarum; hoc tamen factum est præter usitatum morem, imo jam post divisionem inter gentes factam, quæ donationes has divinas longe præcesserat. Demum DEUS nusquam in Scripturis revelavit hanc divisionem immediate a se fuisse factam, vel in subsequens tempus ex suo divino præcepto faciendam. Legitur quidem Gen. 11. v. 8. *Atque ita divisit eos Dominus ex illo loco (id est a Turri Babel) in universas terras,* ac ibid. v. 9. ait Sacer textus: & inde dispersit eos Dominus super faciem cunctarum regionem, nulli tamen reperitur mentio, quod vel DEUS præceperit Gentibus illis faciendam rerum & regionum divisionem, vel quod ipse eas inter illas divideret; imo legitur contrarium Gen. 10. v. 5. quod scilicet a familiis Noe facta fuerit illa divisio: **Ab His DIVISÆ SUNT INSULÆ GENTIUM in regionibus suis.**

776. Non etiam 11.) Facta est hæc divisio jure naturali. Jus enim hoc neque fecit illam, cum omnia reliquerit communia; neque etiam præcepit eam fieri; neque natura secundum se ad eam inclinatur, sicut v. g. inclinatur ad speciei humanæ procreationem, & inde ad contrahendum matrimonium; quod, sepositis impedimentis, si inter personas habiles debito modo contrahatur, dicimus esse juris naturæ,

777. Sequitur igitur eam solo *Gentium jure* immediate factam fuisse, & quidem non ita, quasi sit aliquod præceptum obligans ad divisionem omnes vel plerasque moratiores saltem Gentes: sed in hunc præcise modum, quod circa primam rerum divisionem fuerit, & nunc sit commune Populorum judicium & tacitus saltem consensus in id, quod ad pacem & meliorem rerum administrationem expedierit, hodieque expediat, res & regiones divisas habere potius, quam si fuerint indivisæ & omnibus ac singulis communes. Nisi enim ita distincta sint dominia, non essent commoda & utilia Generi humano:

778. Nam 1.) si possessiones mansissent communes, relicta fuissent incultæ. Tum quia homines facile negligunt communia, tanquam parum ad se pertinentia; maxime autem solliciti sunt circa propria, juxta illud Aristotelis: *Amabile bonum, cuique autem proprium*. Tum quia quisque fugit labores, præsertim abjectos & graves (quales sunt in agricultura & rebus mechanicis) sectaturque otium & commoditates, ac proin quisque alteri alium rerum curam & circa eas laborem reliquisset, fructus tamen alieno sudore partos, prætextu communionis bonorum, adhuc suos facere vellet, etiam vi adhibita.

779. Dein 2.) si dominium mansisset commune; mundus arderet perpetuis contentionibus & bellis. Quia plerumque multi concurrerent ad eandem rem occupandam, qui se mutuo contarentur impedire, & potentiores plerumque omnia raperent &c. His autem incommodis per divisionem utcumque occursum est. Unde Gen. 13. cum essent jurgia exorta inter familiam *Abrahæ* & *Lot* communiter pascentes gregem, divisione regionis conciliati sunt. Nam *Abraham* loc. c. perhibetur dixisse ad *Lot* fratrem suum: *Ne queso sit iurgium inter me & te; & inter pastores meos, & pastores tuos: fratres enim sumus. Ecce universa terra coram te est; recede a me obsecro: si ad sinistram ieris, ego dexteram tenebo, si dexteram elegeris, ego ad sinistram pergam*, &c. Elegitque sibi *Lot* regionem, quæ est circa *Jordanem*, divisique sunt alterutrum a fratre suo &c. Hæ itaque & aliz erant causæ, quæ Gentes permovere debuerunt ad divisionem faciendam, ac proin eam per Gentes ipsas factam fuisse recte inferitur, nullo jure naturali vel divinito eas ad id immediate obligante:

780. Quando autem facta sit divisio, an circa *Phalegi* tempora,

pora, prout fit mentio in Scrip. Gen. 10. v. 5. dicente: *narigae sunt Heber filii duo; nomen uni Phaleg, eo quod in diebus ejus DIVISA sit terra &c.* & an prima hæc divisio fuerit, vel secunda aut tertia? an item subsequuta sit post confusionem linguarum *Babylonicam*, vel ante? & num potestate *Adami*, vel *Noemi*, aut alterius Principis communi Gentium consensu ad hunc finem designati? quis modus divisionis sit observatus? DEUS, qui *mundum reliquit disputationi hominum*, in sacris suis codicibus nihil loqui deprehenditur, unde quæstiones hujusmodi absolute certam resolutionem fortiantur. Quantum vero congrua ratio exigit, arbitramur *tacito* saltem consensu Populorum divisionem illam extitisse, modumque divisionis non alium adhibitum, quam per *occupationem*, ac in casu controversiæ plurius ad eandem regionem competitorum, etiam *sortitioni* fuisse locum diximus supra n. 735.)

781. Quod vetò *tacitus* saltem interfuerit Gentium consensus, convincit ratio: neque enim bona illa *aquali jure* ad totum genus humanum spectantia poterant rationabiliter certis nonnisi personis, vel uni & alteri *Noachidarum* familiæ appropriari sine cæterarum *aliquo* consensu, quæ jus communionis in illis habuerunt. At neque vana divinatio est, fuisse locum etiam *sortibus*: quia illis sæculis, ubi per legem positivam nondum erant instituti Magistratus & Judices, qui causas hujusmodi controversas aliter deciderent, *sortitionis* frequentem extitisse usum testantur Scripturæ sacræ & Historiographi profani. Imo etiam in Electionibus *sortes* fuisse in usu, easque ad tempora Apostolorum durasse, absolute verum est ex electione *S. Matthæ* Act. 1. v. 26. *Dederunt sortes eis, & cecidit sors super Mattheum*. Terram quoque promissam Filiis Israel iussit DEUS per sortes dividi; Num. 26. v. 55. *Sors terram Tribubus dividat*. Sortis etiam iudicio Jonas missus est in mare fluctibus sæviens, Jonæ 1. v. 7. *miserunt sortes, & cecidit sors super Jonam*.

782. Momenta *Hobbessii* ac *Puffendorffii* sequacium non infringunt ea, quæ pro divisione jure Gentium facta & introducta adduximus. Non enim 1.) subsistit ex §. *Feræ* 12. *Inst. de rer. divis.* ubi Justinianus ait: *Id quod ante nullius est, NATURALI ratione conceditur occupanti*: igitur divisio est facta jure naturali. Nam contra est. *Primo*) quod demonstratum sit n. 669.) vocabulum naturalis juris sæpius a jure Ro-

Romano usurpare *improprie* ac per abusum. *Secundo*) Aliud est res esse dividendas, aliud rem fieri occupantis: quod enim res, quæ nullius est (præsertim fera, vel gemma, cujus possessio alteri non adfert incommodum) fiant occupantis, est Juris naturalis, nam etiam in statu innocentiae locum habuisset; quod vero *facienda* sit rerum divisio, est Juris Gentium: nihil igitur recte sequitur ex cit. §. *Fere*.

783. Non etiam 2.) stringit hæc ratiocinatio: Id Juris naturæ est, quod ratio naturalis dicat omnino necessarium ad pacem generis humani: sed divisio rerum est hujusmodi: Ergo &c. Nam R. naturalis quidem ratio dicat pacem esse servandam, sicut dicat, *aliquem* cibum esse necessarium ad vitam tuendam: illa tamen ad finem obtinendæ pacis non dicat *absolute necessariam* esse *divisionem* rerum, sicut non dicat, ad finem vitæ conservandæ absolute necessariam esse carnem bubulam & vinum vel cerevisiam, cum sufficiat hic vel alius cibus & porus; ac ad pacem retinendam sufficere possit hoc vel aliud medium rationi conforme. Posset enim in singulis communicatibus institui politia, secundum quam pene omnia manerent communia, administratione residente penes unam vel aliquot personas, placito communitatis institutas, ad normam communitarum hodieum sine ulla divisione viventium. Talis communio bonorum ante aliquot sæcula fuit olim inter *Anabaptistas* in Moravia & Polonia. Si tamen excipias uxores quas illi turpiter contra omnia jura communes faciebant. Quia vero Gentes omisiss aliis conservandæ pacis mediis, divisionem rerum elegerunt, hanc non jure naturali: sed Gentium introductam esse merito statuimus.

784. Neque urget 3.) aliorum ratio petita ex D. *Augustino* tr. 6. in Jo. *Quod hæc villa sit mea, & illa tua, est ex jure Imperatorum*: igitur non ex jure Gentium, Obstat enim, quod ubi rerum divisionem Juris Gentium esse dicimus, eam solum in genere spectatam ad hoc jus reducamus, non autem prout hujus vel illius rei variis personis *particularibus* facta est distributio. Hæc enim provenit vel ex *prima occupatione* jure nat. orta, uti fit in apprehensione rei, quæ nullius domini est, vel proderelicto habetur; aut oritur distributio illa ex modis a jure civili approbatis prout contingit in præscriptione, successione, contractu, qui formam *particularem* a civili dispositione habent.

Vid. n. 774.) & ibi textum Juris Cæsarei , ubi dicitur ,
quarundam rerum dominium nanciscimur ex jure Gentium ,
quarundam jure civili &c.

785. Demum 4.) non movet ratio desumpta ex *Can. Dis-*
cessibus 2. caus. 12. q. 1. ubi Cleinens I. ait : *Communis usus*
omnium , quæ sunt in hoc mundo , omnibus esse debuit ; sed per
iniquitatem alius dicit hoc esse suum , & alius istud , NB. &
sic inter mortales facta est divisio : igitur divisio illa , de quali
discurrimus , fuit iniqua & illicita , non itaque potuit esse
jure Gent. imo nullo alio , cum nullum jus iniquitati assistat .

R. Enim falsum esse illatum. Juxta communem quippe
 Interpretum expositionem citati Canonis sensus est , per
 iniquitatem hominum fuisse *occasionem datam* , cur recta
 ratio distaret faciendam esse divisionem , cum tamen , si
 iniquitas per pravaricationem *Adami* non irrepsisset in Mun-
 dum , omnia omnibus fuissent communia . Divisio igitur
 hæc justa fuit , quia facta est etiam ex isto fine , ut per
 eam cades , bella , rixæ aliaque iniquitas evitaretur . Et ita
 ille , qui Religionem ingreditur , *occasionem ingressus* desum-
 mit ex motivo facilius evitandæ iniquitatis , quin tamen
 inique agat , imo omnino sancte & juste facit .

Alia quoque ratio est justificandi illam divisionem : ex
 eo , quod cum regiones illæ sub nullius fuerint *particulari*
 dominio , & (ut jam probavimus) *aliquis* accesserit Popu-
 lorum *communis assensus* in divisionem , hæc fieri potuerit
 sine omni iniquitate , quia fuit sine ulla tertii injuria .

786. Similem dein 5.) recipit expositionem *Can. Jus na-*
turale dist. 1. ubi legitur : *Jure naturæ omnia sunt communia .*
 Non enim sequitur etiam post peccatum omnia debere ef-
 se communia . Rectus igitur Canonis hujus intellectus est
 1.) Quod si *status primevus* naturæ innocentis non fuisset
moraliter immutatus , omnia fuissent , aut saltem potuissent
 esse communia , cum deesset occasio & necessitas divi-
 sionis propter vitandas rixas &c. 2.) Equidem dicuntur *jure*
naturæ omnia communia esse ; sed tamen *sine ullo præce-*
pto retinendæ bonorum communionis . Quia Jus naturæ
 sicut *non præcepit* communionem rerum , ita *non prohibuit*
 earum divisionem , utramque autem *permisit* arbitrio huma-
 no , ut hoc vel illo modo utatur rebus , dummodo sine
 iniquitate . Hinc dicimus , etiam in statu naturæ inno-
 centis , propter rationabilem causam , homines dividero
 inter se bona potuissent , si voluissent , pariter ac nunc

Jus Nat. & Gent.

K k

in

an statu naturæ hypothetico, absolute loquendo possent gentes redire ad primævam communionem, quanquam moraliter id sit impossibile.

§. IV.

Utrum mare particulari dominio certæ alicujus Gentis, cum exclusione aliarum subesse possit?

S U M M A R I U M.

787. Mare subest dominio totius generis humani.
 788. An vero etiã particulari alicujus Nationis?
 789. Resp. Affirmative quo ad mare internum.
 790. Excipitur libera navigatiõ sine territorii præjudicio.
 791. Defenditur affirmativa etiã quo ad mare externum.
 792. &c. Excipitur item & explicatur usus innoxius.
 794. &c. Oceanus totus physice, non vero moraliter potest subesse uni Genti.
 796. &c. Solvuntur contrariã. Adducitur Pax Monasteriensis.

787. **P**erique, qui de maris dominio tractare leguntur, instituunt quæstionem: *an mare sit capax dominii humani? an subiaceat proprietati generis humani?* &c. Verum, si tota quæstio in his tantum generatim propositis terminis consistat, videtur omni dubio carere, cum ex n. 734.) jam pateat, a summa munificentiã Divina esse omnia sublunaria dominio generis humani attributa, ac proinde non apparet ratio, cur mare sit exceptum: Tanto magis autem censendum est competere jus dominii humano generi in mare, cum Divina eloquia citato n. 734.) adducta asserunt dominio ejus subiectos esse *pisces maris*: porro captum superat, qui fieri possit, ut *pisces maris* subiecti sint humani generis dominio, & mare in quo pisces continentur, & ex quo illi capi ac extrahi deberent, non sublit dominio eius. Certe enim praxis docet; si ego non habeam jus ullum v.g. in Sempronii stagnum, piscinam, aut fluvium, neque pisces ibi contentos, illo invito possum meos facere *piscando*, illos extrahendo, capiendo &c. Quod si pisces illi prout in aquæ elemento existentes meo juri subiecti sunt independenter ab ullo contractu, consensu, & facto alterius hominis; etiã elementum aquæ pisces hos

con-

Continens & locus ipse, qua late patet meus est, vel saltem mihi cum aliis communis.

788. Cum igitur certum esse videatur, quod mare (saltem præscindendo a *particulari*) subiectum sit *universali* ac indefinito dominio generis humani, placuit præsentem quæstionem instituere: *An mare particulari dominio unius certæ Gentis, cum excusatione aliarum subesse possit?* Ansam vero quæstioni huic dedit *fœderatum Belgium*. Dum enim non procul ab initio elapsi sæculi, inter Hispanos & Belgas de induciis tractantes, multum etiam disceptaretur de *libertate Indicanorum commerciorum*, quam sibi Belgæ fœderati vindicabant, Hispani autem inter dominationis suæ jura sepositam cupiebant; ea occasione *Hugo Grotius* Fisci Advocatus in favorem Belgarum fœderatorum edidit libellum, sub titulo: *Mare liberum*, quo probare conatus est, liberam ad Indos navigationem nec divino, nec naturali, multo minus Gentium aut civili jure, subditis Ordinum fœderatorum interdici posse, quam tamen assertionem Auctor hic multis postmodum limitavit in suo alio opere, scilicet *de Jure belli & pacis* l. 2. c. 2. §. 3. & 8. ac seqq. usque ad 16. Dein elapsis pluribus annis, nempe A. 1635. *Joannes Seldenus* Jæus Anglus Hugoni Grotio contrariam sententiam defendit, quæ etiam totam de dominio maris quæstionem apprime examinavit, edito opere, cui præfixit titulum: *Mare clausum*. Ubi ostendit, mare etiam *restrictum unius certæ Gentis*, domini capax esse, semperque pro tali habitum fuisse. Cum autem *inventis facile sit addere*, hinc factum est, ut duæ hæc secum pugnantes, olim ignotæ opinioniones, multos hinc & inde sequaces nactæ sint. Siquidem vero quæstio hujusmodi qua per tractatus pacis & treguas inter maritimas Nationes, earumque Reges & Principes inita, quæ per *Pacem Monasteriensem* (ut infra deducemus) decisa & complanata est; hanc ob causam non consensus operæ pretium fore, si longam eamque seriam de ea texamus disputationem, contenti illa adducere, quæ summariam rei huius præbent notitiam.

789. Ad propositam igitur quæstionem communiter recepta Auctorum sententia respondet *Prima*) mare *internum*, seu finibus certi territorii undique conclusum subesse dominio illius Gentis, intra cujus ripas & margines extat. Hinc Gens hujusmodi, seu Princeps ejus, vel Respublica potest extraneis Populis prohibere in hoc mari piscationem, co-

galliorum vel margaritarum extractionem, succini collectio-
nem, aliasque utilitates ex iis, quæ in mari sponte nascun-
tur: Salva tamen *navigatione* etiam aliis Gentibus permit-
tenda, quatenus hæc vim publicæ viæ habet, & sit sine
præjudicio Accolarum.

Ratio partis primæ est. Quia I.) mare ex natura sua ad-
mittit dominium humanum, est enim res creata subluna-
ris, de qua homo potest disponere in ordine ad omnem
illum usum, cujus illa est capax: potest enim sibi arrogare
jus piscandi, ad ejus littora portus ædificandi, naves ar-
matas conservandi & applicandi, variasque utilitates, quam-
diu territoria sua, & regionis ambitus extenduntur, percipi-
endi. II.) Cum igitur sit res ad utilitates humanas creata,
corporalis, eaque frugifera; capax est occupationis ad in-
star aliarum rerum sublunarium, & cum ante introductam
rerum divisionem sub nullius certo ac determinato fuerit do-
minio, post hanc introductam potest occupari; Atqui jam
occupata est ab illa Gente intra cujus Territoria & Pro-
vincias continetur, alioqui Gens hæc neque littora ipsa,
nec Insulas, piscationem, portuum & navigiorum ædifi-
cationem cum aliis possessionis actibus sibi vindicare pos-
set, III.) Hujusmodi maria, freta, lacus &c. sunt *acces-
soria* fundorum, non minus capacia domini ac ipsa ter-
ritoria. Si enim per possibile aquæ marinæ aliquo casu,
aut Divina virtute exsiccarentur, spatium hoc aridum cen-
to maneret in dominio illius Nationis, intra cuius fines,
ripas & margines continetur, ea ratione ac omnes sen-
tiunt de alluvione: igitur etiam, &c.

799. *Partis secundæ ratio* est. Quia si Gentes extraneæ
absque ullo præjudicio Accolarum, & Populi illius, intra
cujus fines mare continetur, navigationem instituunt, ut-
untur jure suo, quod unusquisque nominum a lege natu-
rali sibi permissum habet, ut per viam publicam (quæ om-
nibus communis est, neque in schema divisionis inter Gen-
tes factæ unquam venerat) possit pergere quocunque mo-
do voluerit & potuerit, siue pedes, siue currum aut equo
vestus, siue demum pro loci opportunitate navigio usus.
Nam, prout pedestria itinera per mare & flumina abrum-
puntur, ita patulus navigiis præbetur accessus, *quandiu
nullum præjudicium* inferitur juribus Populi illius, mari hu-
jusmodi dominantis. Eamque ob causam iustum esse arbi-
tramur, quod Nationes maritimæ non sinant extraneas ar-
matas

tas naves in suis littoribus commorari aut subfistete, nisi prius impetrata venia, & præstita cautione de se non offendendo.

791. *Secundo*) Major est difficultas de Mari externo, seu quod non clauditur littoribus & ripis unius certæ Nationis; an ejus dominio, cum exclusione ceterarum subesse possit? Nihilominus communior Eruditorum opinio est, docens: quod de mari *interno* & fretis particularibus, territorio aut provincia unius determinatæ Gentis & Populi conclusis demonstravimus, idem quoque dicendum esse de mari *externo*, littoribus & ripis certæ alicujus Nationis non clauso, aut saltem non undequaque clauso: sed solum aliqua sui parte, (uti fit in Oceano) littora, sive territoria certarum Nationum alluente. Cum enim hæc etiam Maris & Oceani partes occupari, id est, in potestate teneri defendique queant, & natura sua sicut ceteræ res sublunares corporeæ, ad utilitatem & commodum generis humani creatæ sint, nulla apparet ratio, cur introducta rerum divisione eas Populi particulares territoriis, ditionibusque suis adjicere, atque proprietatis juri sibi asserere non possint. *Occupatio* enim lege hac generali, veluti universali titulo nititur, quod rem *sub nullius dominio determinatè existentem apprehendendo cum animo dominii, nostram faciamus*: Atqui Gentes maritimæ, licet non quidem statim ab initio, bene tamen post inventam navigationis praxim, plerasque partes *externas* maris & Oceani sub nullius dominio determinatè existentes apprehenderunt cum animo dominii: in illis enim a tempore immemoriali occuparunt insulas, extruxerunt portus, piscatæ sunt, aliæque commoda perceperunt & hodie dum percipiunt, excludendo alios populos &c. quamdiu igitur in harum utilitatum possessione sunt, præsumuntur eas simul cum Oceani & maris partibus occupasse:

792. Populi itaque vicini hujusmodi Nationum in possessione prædicta existentium, non minus a littoris, quam Oceani idem alluentis usu, puta piscatione, navigatione præjudicium inferente, indagatione coralliorum, succini, margaritarum, appulsuque ad oras maritimas jure arcentur, omniaque hæc co nmoda Populus territorii dominus sibi merito vindicat: Nisi quatenus humanitatis leges, aut *usus innoxius* vel casus necessitatis vicinis populis aliquid *per accidens* concedendum quandoque suadent, vel interdum jubent.

793. Porro *usus innoxie utilitatis* dicitur, qui ab alio citra nostrum incommodum vel molestiam ex re nostra percipitur: quæ vero objecta talem utilitatem aliis præstare apta sunt, *res utilitatis innoxie* nuncupantur. Talis res est: v. g. aqua marina, per quam quis navigat sine territorii Accolarum dispendio: ignis a nobis succensus, ad quem alius se calefacit &c. &c. Hujusmodi enim officia Gentes sibi mutuo exhibere obstrictæ sunt, cum ea reducantur ad obligationes naturales *imperfectas*, quæ aliis *profunt*, & *nos non gravant*, per ea, quæ diximus a n. 618.) Effectus vero *usus innoxie utilitatis* tanto magis locum habet in Oceano, de quo mox tractabimus.

794. *Tertio*) demum maxima controversiæ materia foret: an etiam vastus Oceanus in se spectatus, unius certæ, vel aliquarum Gentium juri proprietatis ac dominio sub esse possit cum exclusione omnium aliarum Nationum?

Utut autem spinosa quæstio hæc esse videatur, communiter tamen & verosimilius resolvitur sub hac distinctione: 1.) Etiam vastus Oceanus in se spectatus, *absolute loquendo*, domini & proprietatis uni soli, vel alteri Populo acquirendæ capax est, ita ut reliquæ Gentes ab illius usu excludi possint per Populum cui Oceani proprietas competeret.

Ratio est, quia omnia sublunaria, quæ jure naturæ *primigenio*, ac abstrahendo a rerum divisione ex intervallo subsecuta, toti generi humano communia sunt, successu temporis, ac supposita rerum divisione per Gentes introducta, possunt sic a determinata Gente, ac certo particulari Populo occupari, ut posthac fiant ejus propria & privata. Prout id patet ex instantia: ita quippe terra, quæ etsi vastissima sit, nihilominus, exuta primæva communione, tam quo ad usum, quam quo ad proprietatem, temporis successu dominium induit separata in varias ditiones, ac provincias & regna: cur non igitur etiam vastus Oceanus? Præsertim, cum neque Oceani natura, neque alia ratio huic occupationi ac proprietati refragetur: Nam sicut Creator *Gen. 1. v. 28.* dixit: *replete terram, & subijcite eam*, ita eodem loco maris occupandi facultatem subjunxit in his verbis: *& dominamini piscibus maris*: Porro in pisces maris dominium intelligi nequit, nisi simul sit jus inelementum aquæ, quod inhabitant, ut n. 787.) innuimus.

Quod.

Quodsi terra, quæ superna Creatoris nostri dispositione toti Generi humano attributa est, potuit dividi & occupari per particulares Nationes: nihil prohibet similem occupationem Oceani, quantumvis vastissimi.

Quo etiam facit, quod universaliter loquendo, homo earum rerum possit habere dominium, quas sua industria acquirere potest, quatenus igitur non excedit vires alicujus Gentis, ut totum Oceanum, nondum certæ Gentis vel aliarum proprietati subjectum occuparet, eatenus eum suo juri submittere potuit.

795. II.) Quemadmodum vero Oceanus vastus, *absolute loquendo* potest subesse dominio unius solius Gentis, ut jam ostendimus, ita *per accidens* tamen nequit totus ita uni alterive Nationi subordinari, ut reliquæ ab omni eiususu & commodo excludantur. *Rationem* huius limitationis suppeditat *moralis* impossibilitas, quæ vastum Oceanum ab una Gente, imo etiam pluribus posse occupari totum non sinit; tum quod longe plures aliæ sint Nationes maritimæ, quarum littora ille alluit, atque hinc jus æquale his quoque tribuere videatur: tum quia vastitati Oceani correspondent multa spatia deserta, aut inhabitata, nondum ab ullo hucusque Populo occupata, & terræ incognitæ, quæ manent adhuc sub primæva bonorum communione: has proin regiones investigandi cuique Genti competit *jus firmum* & indubitatum, ita ut fiant primo occupantis: consequens igitur est, quod *totus* Oceanus nondum sit sub certo unius vel plurium Gentium dominio cum ceterarum exclusione. His itaque competet *jus* non tantum *innocentis utilitatis*: sed etiam *occupationis*, quæ a nemine prohiberi potest.

CONTRARIA MOMENTA EXAMINANTUR.

796. Cum maxima sit lis inter Eruditos circa usum *vastæ Oceani*, hunc non pauci cum Hugone Grotio, etiam *absolute loquendo*, negant posse subijci unius alteriusve Gentis dominio cum exclusione aliarum, propter hæc motiva. I.) Universus Oceanus, cum juxta *Geographos* major sit ipsa terra, hac nullo modo continetur: sed potius eam in se continet, adeo ut non jam Oceanus terræ sit accessorium, verum terra Oceani: hic igitur cum vastitate sua *respuat terminationem*, respuit quoque occupationem, & consequenter dominium. II.) Oceanus ex sua natura est *inexhaustæ utilitatis*, omnibusque capax est subministrare usum suffi-

cientem tam in piscando, quam navigando, aliaque com-
moda percipiendo: cessat proin ratio proprietatis, ob quam
certo particulari dominio res inter Gentes divisæ subjectæ
sunt. III.) Mate jure naturali omnium commune est §.1.
Inst. de ver. divis. ac l.2. §.1. ff. de D. R. tanto magis igitur uni-
versus Oceanus: hic proin nequit venire in dominium hu-
manum, cum jus naturæ sit immutabile §.11. de J. N. G. & O.

797. Verum hæc & similia tanta non sunt, quæ no-
dum Gordium in se contineant. Fatemur enim *Ad I.*)
quod Oceani vastitas respuat quidem terminationem *vul-
garem* & *propriam*, qualis foret per erectionem columna-
rum terminalium, aggerum aut lapidum positionem &c. ad-
mittit tamen *impropriam* terminationem. Cum enim juxta
hanc opinionem posset Oceanus simpliciter & absolute oc-
cupari, quousque Populus vellet & decerneret; terminatio-
nem quoque hanc posset pro suo arbitrio determinare. Li-
cet enim forte termini occupatam latitudinem distinguen-
tes non reperirentur in mari, possent tamen illi ex cæ-
lo & ejus circulis definiri, qui æque fallere nequeant, ac
limites alii in terra facti. Quanquam etiam vastissimum ma-
ri non defunt ab ipsa natura indita signa distinguentia,
qualia sunt promontoria, insulæ, eminentes scopuli &c.

798. Nec refert, quod Oceanus (si loquamur de *Atlanti-
co* simul & *Indico*) major sit ipsa terra; nam inde hoc so-
lum sequitur, quod territoriorum littora distinguere illius
limites non possint; nihil autem prohibet, quo minus de-
fectum hunc suppleant cælestes circuli, imo & promonto-
ria, insulæ, scopuli, aliaque ex aquis prominentia corpora,

799. *Ad II.*) Non facit ad rem, quod Oceanus sit *in-
exhaustæ utilitatis*, nam terra quoque a suo Creatore hac li-
beralitate donata est, ut *moraliter* exhauriri nequeat. Ab
orbe enim condito tot milliones hominum, ac ferarum,
jumentorum, volatilium &c. aluit & sustentavit, neque ho-
miedum quidpiam ei deesse experimur, quo Generis huma-
ni commodo liberaliter inserviat, & tamen hæc nedum
dominio multarum Gentium subjecta est; sed etiam nihil
ambigimus eam, *absolute loquendo*, posse unius alteriusve
Nationis, imo & Principis creati dominio subesse.

800. Demum, falso laborant supposito *Grotiani* sequaces,
quod *saltem primaria* ratio inductæ proprietatis fundetur in
rei natura *exhaustibilis* vel *inexhaustibilis*: sed potius in pas-
siva ejus *capacitate ad occupari*, seu quod sit *occupabilis*, &
sub

sub nullius determinato dominio existat. Alioquin neque mare internum, neque pars Oceani territorium certæ Gentis vel civitatis immediate alluens occupari, & jure proprietatis acquiri posset: cum etiam pars hæc illius sit quo ad piscationis, navigationis, portuum extructionis, aliaque commoda, inexhaustæ utilitatis. Equidem illatum hoc admittit Grotius l. 2. c. 2. §. 3. de jure B. & P. dicens: *Mare sumptum aut sub ratione integri, aut sub ratione præcipuarum partium, in proprium jus abire non posse.* Verum hic ipse Adversarius minus solide assertam propositionem hanc limitat, se ipsum refutans ibidem c. 3. §. 7. & 8. ubi postquam asseruit *flumina posse occupari a dominis territorialibus*; subjungit: *Ad hoc exemplum videtur & mare occupari potuisse &c.* Recedit proin a præcipuo opinionis suæ fundamento, quod unicum arbitratus est ob stare, cur Mare totum, vel in sua parte dominio particularis Nationis subesse nequeat: quia scilicet est *inexhaustæ utilitatis.*

801. Ad III.) Quod mare jure naturali omnium commune sit, nihil solidi inde concludi potest contra ejus occupationem. Non minus enim mare, quam etiam terra, & omnia quæ in ea sunt, jure naturali spectato, & abstrahendo a rerum divisione, omnium communia erant, alioqui non possent inter plures dividi, & tamen juri proprietatis subesse possunt: non est igitur ratio, cur mare inter objecta humano dominio exempta reputetur. Naturæ enim Creator DEUS O. M. initio Generis humani concedens bona terrena promiscuo, seu communi omnium usui, non imposuit ullum præceptum retinendæ communionis hujus, consequenter neque jus naturale obligat ad eam conservandam, permittit tamen facultatem statuendi circa ea, prout conditioni humanæ melius foret ad pacem, ac magis expediret ad mutuum amorem, ut constat ex n. 159. & 738.) Porro jus naturale *permisivum* posse mutari vel impediri nemo ambigere deberet, per ea quæ diximus a n. 41.) & fatetur ipsemet Grotius cum suis sequacibus, loc. cit. c. 2. §. 2. & 3. ac l. 2. c. 8. §. 5.

802. Nec juvat Grotianos Apologetas instantia de Aere; quod scilicet aer non possit subesse dominio unius alteriusve Gentis: igitur neque Oceanus, & reliqua maria. Contra enim est, quod Grotiana hæc argumentatio omnem doctrinæ opinionem, quam sibi Protestantes, tanquam Delphico

oraculo adstruunt, in discrimen vocet, prostituatque suum Auctorem ita elumbi usum ratiocinio. Nulla enim prorsus doctrinæ consequentia est, siue inconstantiam Grotianæ sententiæ spectes, hic immediate n. præced. adductam, siue vim argumenti in paritate minus apte cogitata fundatam perpendas; quod etiam Puffendorfus Grotianus alioqui encomiastes de J. N. & G. IV. V. 3. hunc in modum refellit, & risu explodit, „Cum in aere homini versari sit negatum, ita
 „ ut a terra sit disjunctus, soli aeri innixus; ideo impe-
 „ rium in aerem exerceri non potuit, nisi quousque qui in
 „ terra stant, pertingere queant. Verum ut in mari domi-
 „ nium longius exerceri posset, effectum est per naves, ad
 „ summam jam perfectionem perductas, quæ non oneribus
 „ tantum transportandis inserviunt; sed per regna Neptu-
 „ ri Martem terribili magis specie, quam per terram i-
 „ dem defævit, circumferunt. „ Ex his autem liquet etiam
 aerem subesse dominio utili hominis, quantum ad eum
 pertingere, illumque suo modo occupare potest, alioqui ces-
 saret ratio, cur Jura permittant Actionem de non attol-
 lendo altius edificio: de lumine non intercipiendo meis fene-
 stris: de libera aucupii facultate: de Molendinis in meo
 fundo ad ventum edificatis non impediendis &c.

803. Controversiæ huic finem imposuit Tractatus pacis Monasteriensis, Anni 1648. a. 5. dicens: *Navigatio & commercium per Indias Orientales & Occidentales sustentabitur juxta indulta in eum finem data, aut in posterum danda: ad quam securitatem faciet præsens hæc transactio eum suarati habitatione, quæ ex utraque parte erit procuranda. Comprehenduntur autem sub eodem tractatu omnes Monarchiæ, Nationes, & Populi, cum quibus iidem Domini Ordines Generales, aut illi a Societate Indiarum Orientalium & Occidentalium, in ipsorum nomine, inter limites illorum indultorum colant amicitiam & societatem &c.* Cum autem prædicta navigatio sustinenda dicatur juxta indulta in eum finem data &c. sequitur illas Gentes, a quibus indulta hæc ad navigandum obtenta & obtinenda sunt, habuisse jus aliquod in Oceanum: frustra quippe peteretur indultum ab aliqua Natione maritima, si sola juris naturalis permissio ad hunc navigationis & commercii effectum sufficeret in illis circumstantiis, ubi illud sine aliquo Gentis Oceano dominantis præjudicio attentari non posset.

Præallegatæ autem transactioni pace Monasteriensis firmatæ ansam dedit; quod in Tractatu induciarum Anno 1609.

Rex

Rex Hispaniarum non modo prædictam navigationem *Batavis* confirmare noluerit, verum etiam, ut *Indiæ* vocabulum tractatui infereretur, prorsus recusaverit. Et hoc est primum tanti moliminis punctum, quod *Batavi* per dictum Tractatum *Monasteriensem* ab inclyta Natione *Hispana* obtinuerunt, hoc ipso jus ejus agnoscentes,

§. V.

Quot modis acquiratur, & quale dominium competat homini in captivos?

S U M M A R I U M.

- 804. Homo non cadit sub dominium alterius Jure nat. bene tamen Jure gent.
- 805. Offenditur non esse Jurium istorum ullam contradictionem.
- 806. &c. Exponuntur 4. modi servitutum & dominii in homines.
- 810. Extra Imperium Rom. nullæ conditiones sunt necessariae ad sui venditionem.
- 811. Etiam parentes possunt filios suos vendere.
- 812. Jure tamen Cæsareo limitatur hæc potestas: secus Jure nat. & Gentium.
- 813. An hi 4. modi servitutum ex Jure Gent. proveniant? Ibidem de Rusticorum Polonorum servitute.

804. **Q**Uæstionis hujus decisio pendet ab alia dubitatione, an scilicet homo cadat sub dominium alterius hominis? Ad quam responsio uti prompta ita certa est, quod nempe, jure naturæ spectato homo non habeat dominium in alterum hominem. Cujus ratio est; quia omnes homines naturæ conditione sunt pares, cum sint ejusdem naturæ, ex eodem Protoparente nati, & ad eundem finem conditi. Unde etiam axioma ortum traxit: *par supra parem non habet potestatem*. Et quamvis nonnulli a natura sint magis apti ad imperandum, nonnulli ad serviendam, (prout *Aristoteles* l. 1. Polit. c. 1. & 3. dicit quosdam natura servos, quosdam dominos) nemo tamen natura est servus propriæ. Unde colligimus, quod in statu naturæ integræ nulla futura fuerit servitus, quia hæc est pœna peccati, ut ostendimus supra n. 160.) Ubi etiam deductum est, jure Gentium & Civili posse nihilominus hominem alioqui liberum, effici adhuc servum.

rum alterius, idque multis modis, ut mox dicemus. Patetque id ex Scriptura; *Exod. 21. Levit. 25. Deut. 20. & 21.* ubi variae leges praescribuntur de variis servitutum generibus, & Apostolus 1. Cor. 7. ait: *Servus vocatus es? non sit tibi cura.* Unde constat etiam Christianos posse esse servos, non solum Gentium: sed etiam Christianorum, de quo tractat Gratianus *dist. 45.* adducens multa decreta de servis Christianis.

805. Nec obstat, quod servitus sit contra naturam, ut passim dici consuevit: Nam non est ita contra naturam, ut simul sit *contra rectam rationem, vel præceptum naturale*: sed nonnisi dicitur esse contra naturam, quia est contra *primævam naturæ conditionem*, juxta quam, cum omnes essent recti & sine peccato, iniquum fuisset, si alter alterum servituti subiecisset. Nunc autem supposita prævaricatione & peccato, est secundum rationem. Est ita v.g. uti phar-
macis & cruciatibus afficere homines, est contra primam naturæ constitutionem, non autem est contra rationem, supposito morbo, vel delicto. Egregie hac de re *D. Aug. L. 19. de Civ. c. 15.* ait: *Rationalem factum (hominem) ad imaginem suam noluit, nisi irrationabilibus dominari, hominem non homini; sed hominem pecori: conditio quippe servitutis jure intelligitur imposta peccatori. Proinde nusquam Scripturarum legimus servum, antequam hoc vocabulo Noe justus peccatum filii vindicaret. Nomen itaque istud culpa meruit, non natura, &c.*

806. Complanata jam prodroma quaestione descendimus ad modos acquirendi dominii in captivos, quos dicimus quatuor modis seu titulis dominio nostro subjici posse, nempe *Jure belli, nativitate, justa condemnatione, & emptione.* Propter hanc vero multiplicem servitutis, & juris proprietatis in homines acquisitionem, præsens quaesitum non ad materiam de *Jure belli* infra tractandam: sed ad hoc caput, ubi de *mediis acquirendi dominii* agitur, retulimus.

Primus Titulus est *Jus belli* justum, communi Gentium consuetudine receptum, quo non quidem præcipitur, datur tamen potestas ei, qui aliquem in bello justo capit, ut (abstrahendo a bello inter Christianos acto) vindicet illum sibi in servum, *l. Hostes, ff. de captiv.* Juris autem hujus institutio profecta est ex naturali quadam commiseratione, ne capti occiderentur (eum tamen merito possent occidi) sed *servarentur*, morte in servitutem commutata, unde & *servi a servando dicti sunt*, *Inst. de Jure person.* Extenditur hoc

ius etiam ad parvulos *captivorum*, eorumque descendentes, quantumvis innocuos. Juris enim proprietatis hæc natura est, ut fructus rei naturalis rem sequatur, eidemque domino subsit, & quia etiam innocui alioqui *captivorum* descendentes pars adhuc sunt hostilis Reipublicæ ac membra ejus, quæ uti commodis, ita quoque incommodis sui corporis participant, in bonis & malis externis. Apud Christianos tamen ob specialem rationem usu introductum est, ut Christiani capti a Christianis non fiant servi, idque in honorem libertatis, quam per Christum sumus consecuti. Si tamen bellum *injustum* gerant contra Infideles & capiantur, fiunt eorum servi Jure gentium, ut diximus supra a n. 720.

807. Notandum tamen, cum, qui bello ex parte sua *justo* capitur, non contrahere veram servitutem. Quod si utrinque belli justitia sit *ambigua*, ob probabile jus utriusque partis, capti utrinque fiunt servi jure Gentium, ut opinatur Covarr. Reg. peccatum. 2. p. §. II. n. 8.

Ubi tamen constare cœperit, utri parti faveat justitia, tunc ea pars, quæ in usque cepit, debet captum in libertatem sine pretio restituere. Hæc laudatus Auctor. Cum ejus tamen venia putarem, eo casu quo belli justitia utrinque est vere *ambigua* seu *dubia*, neutram partem posse capere in servitutem, sicut neutram potuisse bellum gerere stante utrinque dubia ejus justitia, præsumptio enim stat pro libertate. Quod si una pars nihilominus ducat captivos hujusmodi in servitutem, pars altera poterit quidem similiter in illam ducere: non quod in hoc dubio casu justitiæ, actus iste aliquo jure tanquam honestus *in se* approbetur: sed potius facere id potest mere *per accidens*, scilicet *per retorsionem juris iniqui*. Vid. n. 723.)

808. *Secundus Titulus est Nativitas*: ratione cujus fit servus, qui ex ancilla natus est, nam *partus sequitur ventrem*, l. Partum C. de Rei vind. idquo merito, quia mater est certior, & plus confert materiæ corpulentæ, quam pater: servitus autem secundum corpus convenit. Si tamen mater fuit libera quando concepit, aut in partu, vel tempore aliquo medio inter conceptum & partum (etsi vel ad momentum) proles jure Cæsareo non contrahit servitutem, §. *sed etsi quis Inst. de Ingen.* Ratio est, quia hoc ipso momento, quo mater efficitur libera, etiam proles est libertati restituta, unde calamitas matri superveniens non debet nocere proli libertatem asecuta, præsertim cum causa libertatis

latis sit maxime favorabilis. Ubi tamen nulla est lex, vel consuetudo disponens de servitute proles, sufficit ut mater in partu sit ancilla; quia proles in partu est fructus ancillæ, non liberæ. Ita servari dicitur apud plerasque gentes; quæ Jure Cæsareo non utuntur.

809. *Tertius* Titulus est *Iusta condemnatio*; quæ quis sit servus, si ad id propter crimen a legitimo Judice condemnatur. Sicut enim potest quis ad mortem damnari; ita etiam ad servitutem, quæ mors est civilis. Sic qui deserunt arma vel alia prohibita ad Turcas vel Saracenos; fiunt servi Christianorum eos capientium, c. *Ita quorundam 6. de Judeis & Sarac.* Raptor etiam puellæ in servitutem deditur, c. 36. q. 1. & femina quæ sciens contraxerit matrimonium cum eo; qui sacro ordine initiatus est; potest a Principe in servitutem rari, c. *Eos qui d. 32.* quæ omnia locum habent post sententiam Judicis, non aliter.

810. *Quartus* Titulus est, *Emptionis & venditionis*, quando quis primo sit servus ex libero; v.g. se ipsum vendendo; aut a parentibus venditus. Quod autem homo possit se ipsum vendere, ratio est; quia est dominus suæ libertatis; igitur eam potest libere abdicare. Et patet in exemplo S. Paulini, qui se vendi in servum voluit; ut filium viduæ redimeret: tum eorum, qui Religionem ingrediuntur, non solum bonis externis, sed etiam libertati suæ propter Christum renunciando, quamquam hi non efficiuntur servi; eo quod hoc non faciant in commodum Prælati temporale: sed suum spirituale. Idem aperte colligitur *Exod. 21. & Deut. 15.* ubi conceditur Hebræo, ut se sponte possit alteri in perpetuum servum tradere. Equidem ad validam hujusmodi venditionum, jure Cæsareo requiruntur 6. conditiones; quas refert *Silvest.* ver. Servitus q. 3. Ubi tamen Jus Cæsareum non est receptum, potest quis se ipsum libere vendere nulla habita ratione istarum conditionum. Et ita quidam Austriacus se vendiderat ad triremes Genuenses; inito contractu ad triennium duraturo pro 100. aureis. Illi ego collocutus in portu Genuensi Ann. 1743. miratus sum hominis indolem, quod pro 100. aureis libertatem suam vendiderit; ita ut cum aliis mancipiis nullo privilegii discrimine, durissime tractaretur.

811. Nedum seipsum quis modo prædicto; sed etiam Parentes possunt jur. nat. vendere proles non emancipatas, ut colligitur *Exod. 21. v. 7.* Ratio est, quia proles est veluti pars

pars & fructus parentis, trahens ab ipso esse & vitam, hinc parens jus habet ex illa percipiendi ea emolumenta, quæ ipsa de se, si sui juris esset, percipere posset: porro ipsa si esset juris sui, posset se vendere: igitur &c.

812. De Jure tamen Civili Romano requiruntur certæ conditiones, ut patet ex *l. 2. C. de patrib. qui filios distrax.* Scilicet *Primo*) ut id fiat *per nimiam paupertatem & victus causa*, ut citata lex ait; quodsi ob aliam causam pretio filii egeat, v.g. ad se redimendum a morte vel servitute, vel perpetua captivitate, non poterit filium vendere, nec obsidem dare, ut tradunt *Acurf. Alciat. & Dinus* apud *Cov. l. 3. var. c. 14. n. 4.* quia dicta lex *secunda* id tantum concedit *victus causa*. Si tamen nudum Jus naturæ spectemus, poterit ob quamvis gravem necessitatem, modo id fiat *sine periculo animæ* filii venditi. *Secundo*) uti soli patri hoc liceat: tamen jure naturæ licitum etiam matri. *Tertio*) ut solum possit vendere filium nondum emancipatum, qui enim sui juris est effectus, non subest amplius patriæ potestati. *Quarto*) ut filius ita venditus possit recuperare libertatem: soluto pretio, vel oblato alio mancipio, perinde ac si nunquam fuisset servus, ita disponente *cit. l. 2.*

813. Ex quatuor modis acquirendi dominii in captivos & mancipia hic adductis, solus primus, qui est *Jure belli*, spectat ad jus Gentium, cum hic solus respiciat communem ac *publicam*, eamque externam Gentium utilitatem; tres vero reliqui, cum vergant in *particulare* commodum, proveniunt magis a jure nat. *permisso*; & legum positivarum dispositione; per ea quæ diximus *a n. 687.*) id tamen concedendum est Adversariis, quod etiam tres illi servitutum modi qui habentur ex *nativitate*, *justa condemnatione*, & *emptione-venditione*, per imitationem servituti *Jure belli*, Gentium consensu & usu introductæ, originem suam sumpserint. Quia tamen imitatio hujusmodi provenit ex particulari hominum determinatione, non autem ex *publica* omnium vel præcipuarum Gentium sanctione; hic non sequitur eos ad jus Gent. directe ac immediate esse referendos.

Notandum autem est, quod Rustici *emptitii*, *originarii* & *glebæ annexi* in Polonia ac Bohemia non sint quidem servi *proprie*, cum sint Christiani, habeantque verum dominium rerum, suo labore & industria, vel successione aut alio titulo quæsitum: nihilominus nequeant licite fugere, & priore invito domino se alteri subicere: Illi enim

nim priores domini more antiquo istarum Nationum, & secundum leges suas, jus rigorosum reale proprietatis in eorum personas, plerisque ipsorum acquisiverunt, ac possunt eos vindicare & repetere (salva præscriptione) apud quemcumque reperti fuerint, dummodo a prima notitia intra decennium eos requirant.

§. VI.

An Mancipia & servi aliquo ex dictis titulo quæsti, jure Gentium vel alio spectato possint licite fugere, subtrahendo se dominorum suorum potestati?

S U M M A R I U M.

814. &c. Possunt fugere I.) injuste capti. II.) Si ad peccatum inducantur, III.) si Judeo, Pagano, hæretico serviant.

818. &c. Non possunt fugere juste venditi, vel ob crimen in servitutem redacti. Neque eorum proles.

821. Controversum est de bello justo captis.

822. &c. Assertitur & probatur licita fuga, cum limitatione tamen.

825. Quando se persequenti domino resistere possunt?

826. Contraria momenta expediuntur.

814. **C**Um quæstio hæc uberrimam juxta ac perutilem discursus præbeat materiam, ne distinctionum multitudo confusionem pariat, separanda sunt certa a controversis, ac proin:

851. Certum est I.) Servos posse non solum fugere, si non sint juste in servitutem redacti: sed etiam vi repellere impediens, & surripere a suis dominis quantum satis est ad compensationem injuriæ & operæ præstitæ. Sic Christiani a Turcis capti possunt prædicto modo fugam capessere. Debet tamen *moralis certitudine* constare de injustitia belli, nec sufficit sola probabilitas, multo minus dubium. Si quoque bellum non amplius duret, & *Amnistia* interbelligerantes subsecuta sit, fugere injuste captus poterit, quia *Amnistie* natura est, ut captivi ab invicem dimittantur, si igitur contra *pacti conventi* legem captivus adhuc detineatur, hic etiam jaste alias in servitutem redactus fuga sibi hoc casu consulere non prohibetur.

An

An autem injuste captus, præter id, quod surripit domino, in compensationem suæ injuriæ & operæ præstitæ, possit etiam eidem surripere, v. g. de pecunia, gemmis, aliisque rebus, *quantum secum asportare potest*? Affirmant Covarr. Molin. Less. & alii, dummodo bellum, quod ex parte capientium injustum est, adhuc duret, eo, quod hoc casu, Principis bellum ex sua parte justum gerentis, censeatur adesse consensus, in hanc hostis publici spoliationem. Verum, quo ad hanc partem opinio ista in praxi non est sequenda, cum laxet fræna avaritiæ. Vix enim reperias captivum, qui non dicat se injuste captum, ac proin hujus sententiæ privilegio uterentur homines in injuriam proximi. Dein, in materia injuriæ tertii non sufficit conjectura illa de consensu Principis, de cujus absoluta voluntate surripienti captivo hic & nunc non constat. Imo etiam si ita constaret: adhuc consensus hic Principis non tribuit jus prædictum, Quia Gentes nunquam consensisse præsumuntur in actum hujusmodi, tanta mala in societatem civilem hominum invehentem, pariter ac non præsumitur consensus Gentium in venenum tempore belli contra hostem adhibendum, & in occisionem publici hostis in fugam versi & inermis. Jus quoque naturæ, quemadmodum permittit captivo, ut hic tantum nonnisi surripiat domino injuste capienti, quantum sufficit ad compensationem injuriæ, & operarum, ita absolute prohibet, omnem excessum in surripiendo. Ac proin etiam in hypothesi consensus Principis, contrariâ opinio adhuc non subsistit.

816. Certum est II.) Quod si servi a domino incitentur ad aliquod peccatum, qui rogatus nolit desistere, vel si inhumaniter tractentur, fugere possint. Ratio prioris partis est, quia non tenentur cum periculo animæ suæ domino huic servire, in præjudicium supremi omnium Domini Creatoris sui, Ratio alterius est: quia inhumaniter tractando v. g. fame, siti, frigore, verberibus sine causa assidendo, facit eis injuriam, a qua se possunt eripere. Cessantibus tamen his causis, iusto (præter bellum) titulo in servitutem redacti tenentur reverti, si in posterum non sit periculum: sicut conjux, quæ ob similem causam toro maritali se subduxit. Nisi forte injuria tanta fuerit, ut merito libertate sit compensanda.

817. Neque ambigendum est III.) posse servos desere

Jus Nat. & Gent.

L I

rere

vere dominum, si hic sit Judæus, aut Paganus, jurisdictioni Principis Christiani subiectus: vel si sit hæreticus in Regno vel Imperio non toleratus: tunc enim mancipia Christiana, & respectu hæretici Catholica sunt hoc ipso libera; per L. DEO nobis 56. C. de Episc. & Cler. ubi Justinianus ait: *His ita dispositis, repetita lege jubemus, ut nullus Judæus vel Paganus, vel hæreticus servos Christianos habeat, quod si inventi in tali reatu fuerint, sancimus, servos omnibus modis liberos esse, secundum antiquiorem nostrarum legum tenorem.* Idem colligitur ex C. ult. de hæret. & c. 2. ac ult. de Jud. & Sarac. Imo servi Infideles Judæorum; Paganorum & Hæreticorum non toleratorum possunt fugere ad Ecclesiam, ut fiant Christiani, & baptismō suscepto statim fiunt liberi, per cit. l. 56. C. de Episc. & Cler.

818. A contrario autem dubio vacat IV.) Eos non posse citra injuriam fugere, qui a se ipsis, vel a suis parentibus legitime venditi sunt. Quia cum sint facti servi per legitimum contractum, in quem ipsi vel parentes eorum loco juste consenserunt, tenentur contractui stare, ea ratione ac alios contractus emptionis-venditionis &c. servare obligati sunt.

819. Non est quoque tantoperè anceps V.) Eam qui in pœnam criminum *juste* ad servitutem condemnatus est, non posse fugere, ut communis fere DD. tradit opinio. Quia reus tenetur exequi justam sententiam, si pœna talis sit, ut non possit *nisi per reum* executioni mandari: atqui servitus est talis pœna, & quidem *qualificata*, qua viejus acquirit dominium in reum hujusmodi is, cui ille addicitur. *Excipe* tamen, nisi servitus hæc foret *valde calamitosa*, hoc enim casu non videtur naturali rationi absolum, si asseramus eum, oblata occasione, posse fugere. Nimis enim durum & superans humanam conditionem esse videtur, si quis pro suis criminibus quantumvis maximis, lento martyrio in hac vita cruciari jubeatur, prohibeaturque fugere, cum facile possit: porro tale lentum martyrium est servitus prædicta, quam quis sustinere cogeretur, in fame, nuditate, labore immoderato, ac inter verbera &c.

820. Omnium quoque sententia est VI.) prolem eandem conditionem subire quam mater, juxta n. 808.) Hinc si mater se vendidit, vel a parentibus juste vendita est; aut ob crimen servituti addicta, proles in servitute nata non

non potest fugere. Unde sequitur, eum qui huiusmodi servis consilium vel auxilium ad fugam præbet, peccare & ad restitutionem teneri totius damni inde secuti, utpote qui est causa moralis illius.

821. Demum VII.) totus controversiæ cardo vertitur, circa servos bello iusto captos: *An hi licite fugere possint, & etiam persequentibus vi resistere?* Utramque quæsitam partem negant multi cum Navarr. c. 17. n. 103. his nixi momenti. I.) Quia Victor bello iusto capiens hostem v. g. Turcam, iure Gentium assistente, quæsitivè jus in illum, non aliter ac in eius bona, quæ penes illum reperit: iure autem quæsito privare alterum evidens est injustitia: porro servus hic fugiens privat hoc iure Victorem ac dominum suum. II.) Servis a dominis suis solent graviter puniri, si contingat eos fugere, & ab ea fuga retrahi: igitur signum est, quod non liceat eis fugere, alioqui injuste punirentur. III.) Qui damnatus est exilio ad certum locum non potest ex eo loco fugere: itaque si servus iure Gentium damnatus est servitute, non potest fugere. IV.) Cap. *Si quis servum* 17. q. 4. Concilium Gangrense sub anathemate prohibet, *ne quis alieno servo suadeat ministerium domini sui destituere. Et l. 1. C. de serv. f. giti.* dicitur fugitivus servus factum sui facere domino, iuncta l. 3. eod. His tamen & similibus aliis non obstantibus,

822. Dicendum est, servum bello iusto captum *licite posse fugere ad suos*: quamvis *non possit domino suo persequenti vi resistere*, uti tradunt Soto l. 4. de Just. q. 2. a. 2. Bannes 2. 2. q. 40. a. 1. dub. 13. Covarr. ad Regul. peccatum 2. p. 5. 11. nu. 6. & l. 1. var. c. 2. n. 10. & ex his alii. Ratio primæ partis est. Quia cum hæc servitus communi consensu Gentium sit introducta, non debet eius conditio magis onerari, quam consuetudine totius orbis sit receptum: Atqui consuetudo habet, ut tales servi sine conscientie scrupulo possint *ad suos* fugere. Neque hoc censetur illicitum: nisi forte dedissent fidem de non fugiendo, & ea lege vicia illis esset condonata: tunc enim tenentur stare promissis.

Huc facit, quod hæc servitus ceteris sit nobilior, minusque probrosa: unde etiam in viros nobiles cadere potest: non est igitur cogenda in eas angustias, in quas coguntur aliz servitutes. Demum si non posset fugere, beneficium legum, quo fugienti ex captivitate conceditur libertas in

termino, effect inutile, quia non posset illud consequi nisi per peccatum: unde effect illicitum ad peccandum & lex injusta. Porro lex hujusmodi est, quæ mox sequitur.

823. In §. Item ea Inst. de rer. divis. de servis bello captis ita statuitur: Qui tamen si evaserint nostram potestatem, & ad SUOS reversi fuerint, pristinum statum recipiunt. Idem insinuat l. nihil 26. ff. de captiv. & postlimin. revers. ibi: Nihil interest, quomodo captivus reversus sit, utrum dimissus, an vi vel fallacia potestatem hostium evaserit; ita tamen, si ea mente venerit, ut non illo revertetur. Cum autem contra hanc antiquissimam Juris Civilis Romani dispositionem nulla Gens hucusque exceperit, imo cum omnium Nationum bello etiam iusto capti homines, nihil in contrarium contra Reges & Principes eorum obmoventibus dominis, a tempore immemoriali captata occasione impune fugiant, atque ita damnum, si quod per hujusmodi fugam illatum sit, vicissim compensetur: præsumendum est, Gentes se permissive habere, ita ut nedum fuga hæc licita sit Christiano ab infidelibus capto: verum etiam Infidelium mancipiis Christianorum servitutem effugientibus idem jus concedendum sit, cum Gentium consuetudo hac in re eadem sit quo ad omnes personas bello captas.

824. Dicitur tamen posse fugere ad suos. Quia non licet eis fugere ad evagandum extra potestatem dominorum: sed solum animo contendendi ad suos. Hæc enim sola fuga jure & consuetudine servis concessa est, ut per eam possint libertatem in termino recuperare; nempe cum ad suos, vel ad amicam civitatem, ubi publico nomine tuti sint, pervenerint, ut patet ex l. Postliminio 17. ff. de captiv. Quod si in via intercipientur, possunt reduci: quia antequam perveniant ad suos non recuperant libertatem. Postquam vero pervenerint, ita sunt liberi, ut etiam si redeant causa mercaturæ, vel simili, non possint a priore domino retrahi in servitutem. Si autem fugiant non animo redeundi ad suos, peccant, & tenentur redire, (juxta Covarr. supra) quia privant dominum usu sui, dum adhuc continentur eodem dominio, nec sunt in via subtrahendi se ab eo per fugam jure permissam. Verum limitatio hæc Covarruvie utut habeat locum in Imperio Rom. & ubi Jus Cæsareum receptum est, siquidem hoc cum ista clausula ut ad suos revertantur, in fugam servorum

rum bello captorum consensit: illa tamen non videtur ullo modo extendenda ad alias Gentes; quæ nec Jus Cæsareum Romanum receperunt, neque prædictam requirunt clausulam; suos tamen subditos e potestate Victorum fugientes; sine ullo scrupulo evadere servitutis hujus jugum; tolerant; sive hi *ad suos*; sive ad alienigenas fugiant; dummodo captivitate liberentur: Si igitur extra Roman. Imperium degens homo, justæ servituti *bello* partæ se subducatur; neque *ad suos*; sed ad aliam Nationem sese conferat, adhuc videtur excusari a peccato, tum ex generali consensu Gentium supra explicato, tum præcipue quia hoc casu competit: *jus retorsionis* uni Genti contra alteram; si itaque unius Nationis captivi fugiant ita; quin ulla satisfactio præstetur ab ea, ad quam se illi contulerunt; etiam vicissim alterius Gentis servi poterunt simili licentia elabi adversæ partis captivitate: hac vero ratione injuria; si quæ dominis particularibus per fugam servorum illata est, compensatur ab invicem: tacito Gentium consensu approbante.

825. *Partis alterius ratio*; cur servi prædicti dominis persequentibus *vi resistere non possint*; est hæc: quia domini habent jus illos intercipiendi & detinendi quamdiu *ad suos* vel *extra territorium illius Gentis* a qua capti & abducti erant; non pervenerunt: alioqui inutilis esset servitus, hic cum non possit esse bellum utrinque *in se* & obiective justum; non possunt se vi tueri. Sibi est in reo; qui et si fugere possit; non tamen ministris justitiæ persequentibus resistere:

Dixi *vel extra territorium illius Gentis* &c. Quia juxta immediate dicta; aliæ Gentes non receperunt Jus Cæsareum Rom. neque requirunt, ut earum captivi transfugæ omnino *ad suos* redeant: id tamen observant & praxi attestante volunt; ut territorio ejus Gentis apud quam detinebantur; excedant, quo subsecuto dominus eorum in aliena ditione persequi illos & apprehendere nequit; perinde ac si illi *ad suos* jatti redirent;

Excipe: nisi forte etiam hoc alterum territorium esset Gentis concederetur cum priore; & bellum adhuc duraret actu; tunc enim *civiliter* manere intelliguntur in eadem Natione a qua capti fuere, & perseverare adhuc servi.

826. CONTRARIA momenta hoc modo expediuntur; Ad 1. Jus Victori in servum bello captum competens quæ

situm fuit *limitate* & revocabiliter : nisi fortuna *suffragante* captivus elabatur , nunquam enim mens Gentium fuerat homines ejusmodi obligare in conscientia , ut etiam non custodiri , & facilitatem elabendi habentes maneant in servitute . Si quoque aliqua injuria irrogatur per hujusmodi fugam , illa compensatur simili fuga captivorum Gentis adversæ , atque adeo *Jure retorsionis* per Gentes tacite approbato , tollitur obligatio restitutionis , aut reditus in servitutem , ad quam contraria sententia tales servos reducere contendit .

Ad II.) Non facit ad rem , quod domini soleant graviter punire hujusmodi transfugas deprehenso : quia Jure gentium servi bello justo capti habent quidem privilegium fugiendi ; sed sub clausula : *si commode possint* , atque adeo dominus quoque habet jus cum castigandi tunc , dum ille , cum commode fugere non posset , fugam attentavit . Patet id in alia instantia : ita quippe custodia publica inclusi licite fugiunt , & tamen deprehenso puniuntur , *l. 1. ff. de Effractor.* quod magis locum habere potest in servis ; quia cum caperentur in bello , poterant juste occidi : sed mors illis ita commutatur in servitutem , ut si fugiant , nolentes in ea persistere , prior poena ex parte possit revocari , irrogata alia castigatione . Responderi etiam posset , quod domini eos castigantes forte sequantur aliam sententiam , quæ censet fugam hanc esse illicitam : contra vero , captivi hujusmodi quoties fugiunt , adhærent nostræ opinioni .

Ad III.) Nulla est recta consecutio a casu illo quo quis damnatus exilio ad certum locum , non potest ex eo loco fugere ; ad casum nostrum . Quia hi servi , de quibus sermo est , non damnantur ut malefactores in Judicio : sed nobiliori quodam modo , & minus ignominiosa servitute , cui ex more Gentium hoc privilegium est concessum , & longæva consuetudine firmatum .

Ad IV.) Citato & aliis Canonibus solum prohibetur , ne quis prætextu religionis , seu libertatis Christianæ doceat servum contemnere dominum suum , & deferere ejus ministerium , unde nihil ad casum præsentem sequitur . Lex *prima* Cod. citata loquitur de eo , qui fugit ad alium dominum . Lex autem *tertia* ejusdem tituli procedit indistincte de servis , qui fugiunt ad barbaros , hostes Rom. Imperii , illique graviter puniri jubentur . Hinc excipiendi sunt isti , qui fugiunt ad suum populum , ut colligitur ex aliis

aliis jurbus allatis, imo & illi qui ita fugiunt, ut non se conferant quidem ad suos, neque etiam ad hostes suæ Nationis: migrant tamen ad alios populos extra territorium Gentis in cujus captivitate debebant.

§. VII.

Quomodo acquirantur dominia in feras, volucres, & pisces?

S U M M A R I U M.

827. Dominia in feras, volucres & pisces venatione acquiruntur.

828. Exponitur & corrigitur definitio venationis.

829. Divisio venationis in suas species affertur.

830. Facultas venandi a J. N. & G. est mere permessa.

831. An venatio possit prohiberi? refertur negativa opinio.

832. Defenditur affirmativa sub certis conditionibus.

833. Illa recte prohibetur a Principe ob solam recreationem.

834. &c. Competitisque Germaniæ Principibus etiam independentes a Regalibus.

837. Non in omnibus locis neganda est populo.

838. Alius meræ facultatis an cadat sub præscriptionem? ac vide n. 859.

827. 1.) **V**enatione, prout hæc est genus ad piscationem, aucupium & venationem in specie, acquiri supradictorum dominia communis est opinio fundata in §. Fera 12. Inst. de Rer. divis. ubi dicitur: Fera igitur bestię, & volucres, & pisces, & omnia animalia, quę mari, cęlo, & terra nascuntur: simul atque ab alio CAPTA FUERINT, jure GENTIUM statim illius esse incipiunt: quod enim ante nullius est, id naturali ratione OCCUPANTI conceditur, nec interest, feras bestias & volucres utrum suo in fundo quis capiat, an in ALIENO. Ex quo textu inferitur; animalia natura sua mansueta, vel cicurata, & nostra custodia detenta occupanti haud acquiri, usque adeo, ut si quis ovem e faucibus lupi ereptam animo suam faciendi apprehenderit, furti reus censeatur, d. §. 12. 15. & 16. Inst. de rer. divis. juncta l. 4. l. 5. §. 6. ff. de Acquir. rer. dom.

828. II.) Porro Venatio in sua specie considerata a multis definitur esse occupatio ferarum animalium in naturali

libertate existentium: sed non recte; nam qui venatur, potius sectatur, quam occupat, & plurimi persequuntur fera animalia quin capiant. Ne igitur ex defectu recte definitionis hujus objecti impingamus in nonnullorum Legistarum errores circa venationem, juvat hanc accuratius definire. Ac proin *Venatio* vel sumitur pro *actu venandi*; & sub hac ratione spectata, est *Exercitium ordinatum ad captationem animalium terrestrium*: sicut *aucupium* ordinatur ad captationem avium, & *piscatio* piscium: Vel demum accipitur pro *jure venandi* & occupandi feras; atque hoc altero sensu est *jus persequendi animalia, quæ terra, mari, & calo comprehenduntur*; & nullius sunt, jure naturali permissum, vel legitimo titulo acquisitum. Sebast. Medicus; de jure venand. p. 1. q. 1. n. 1. Georg. Morus eod. tract. p. 1. c. 1. n. 10.

§ 29. III.) Ita definita *Venatio* dividitur in tres species; scilicet in *Venationem* specificè dictam, *Piscationem* & *Aucupium*; arg. l. 1. l. 2. & l. 3. ff. de acquir. rer. dom. ac d. §. Fere 12. Inst. de Rer. divis. Hæc ipsa *Venatio* specificè sumpta subdividitur in majorem & minorem; seu *altam* & *bassam*: Major est, quæ se extendit ad majora animalia silvestria; utpote Cervos, Capreas montanas; apros &c. Vid. Meichs. decis. 2. t. 3. f. 125. Minor est, quam etiam *particularem* vocant, quæ comprehendit omnis generis animalia minora: ut lepores, vulpes, taxos, & omnia volatilia, perdices, alaudas, turdos, silvestres anseres, anates, reliquasque omnes volucres, sive magnæ illæ sint, sive minores; nisi alieni speciali legè Principis aliquæ expresse excipiantur, prout excipi solent *falcones*, *ardeæ* &c. propter Principum recreationem. Demum alia est *venatio simplex*, cum quis solus jus venandi habet, alia *simultanea*, quando duo pluresve habent prædictum jus: Alia item est *Precaria*, quæ est ad nutum revocabilis: Alia *hereditaria*, quæ transit ad heredes.

Hæc sunt plana: & ut plurimum non tam a jure naturali, Gentium, vel Civili communi dependent, quam potius æstimanda sunt, & colligenda ex *particularibus* Provinciarum & Territoriorum *consuetudinibus*, ac *Statutis* vel *Edictis* Principum. Nos ea potissimum hic examinabimus, quæ ex *naturalis* vel *Gentium* jure proveniunt, aut saltem provenire a plerisque dicuntur: Et quidem

Dubitatur I.) An facultas, seu jus venandi sit
juris Gentium vel naturalis?

830. Quamvis dubio huic satisfecisse videatur Justinianus Imp. eit. §. *Feræ* 12. *Inst. de R. D.* dicens, omnia *fera animalia* -- simul atque ab alio capta fuerint, **JURE GENTIUM statim illius esse incipiant**; nihilominus non desunt, qui cum Andr. Tiraquell. in *tr. de nobilit. c. 37. n. 138.* Philip. Dec. in *cons. 197. n. 2.* Ant. de Butr. & aliis, con-
tendunt venationem, pariter ac piscationem & aucupium in locis perviis & non clausis, haud *juri Gentium*, sed *naturali* esse attribuendum, eo quod *feræ, pisces, & aves* in locis hujusmodi priusquam capiantur, sub nullius dominio sint; ac proin cedant primo occupanti: Porro *occupationem* talem a jure naturali procedere constat ex *n. 672.*) & liquet ex *l. 3. ff. de acquir. rer. dom.* ibi: *Quod enim nullius est, id ratione naturali occupanti conceditur.*

Verum inutilis disceptatio hæc facile dirimetur, si respondeamus *primo*, occupationem *improprie* attribui juri nat. cum sit *juris Gentium per cit. §. Feræ*. Deinde *patrum* refert; ad quodnam ex prædictis juribus reducenda sit venatio; cum *per se* neque a naturali, neque a Gentium jure sit ulli hominum prohibita vel præcepta, *permissa* vero ab utroque, patet autem ex *n. 41. & 682.*) permissiones hujusmodi juxta accedente causa, facile posse a Magistratibus legitimis immutari, & quod alias permissum fuerat; simpliciter inhiberi, ut etiam sentit Grotius de *J. B. & P. c. 8. §. 5. in fin.* Fatemur igitur *venationem* esse naturali & Gentium jure unicuique hominum *permissam*, salva tamen jurisdictione legitimarum Potestatum, etiam humanarum; quæ ob justam causam, ac in certis circumstantiis a naturali & Gentium jure permissam venandi, piscandive libertatem limitare aut prohibere possunt: Hinc

Dubitatur II.) An igitur Principes possint venationem suis subditis juxta prohibere; jus venandi sibi ipsis arrogando?

831. Quæstio hæc potest procedere vel de prohibitione in locis *publici juris*; vel in locis *privatorum*, v.g. prædio, vel saltu subditi. Quod in nullo ex his sive publici sive privati juris fundo possint Principes *generaliter* prohibere *omnibus* venationem, etiam in silvis & campis ad eos non
pet-

rere dominum, si hic sit Judæus, aut Paganus, jurisdictioni Principis Christiani subiectus: vel sisit hæreticus in Regno vel Imperio non toleratus: tunc enim mancipia Christiana, & respectu hæretici Catholica sunt hoc ipso libera; per *L. DEO nobis 56. C. de Episc. & Cler.* ubi Justinianus ait: *His ita dispositis, repetita lege jubemus, ut nullus Judæus vel Paganus, vel hæreticus servos Christianos habeat, quod si inventi in tali reatu fuerint, sancimus, servos omnibus modis liberos esse, secundum antiquiorem nostrarum legum tenorem.* Idem colligitur ex *C. ult. de hæret. & c. 2. ac ult. de Jud. & Sarac.* Imo servi Infideles Judæorum; Paganorum & Hæreticorum non toleratorum possunt fugere ad Ecclesiam, ut fiant Christiani; & baptismô suscepto statim fiunt liberi, per cit. *l. 56. C. de Episc. & Cler.*

818. A contrario autem dubio vacat IV.) Eos non posse citra injuriam fugere, qui a se ipsis, vel a suis parentibus legitime venditi sunt. Quia cum sint facti servi per legitimum contractum, in quem ipsi vel parentes eorum loco juste consenserunt, tenentur contractui stare, ea ratione ac alios contractus emptionis-venditionis &c. servare obligati sunt.

819. Non est quoque tantoperè anceps V.) Eum qui in pœnam criminum *juste* ad servitutem condemnatus est, non posse fugere, ut communis sere DD. tradit opinio. Quia reus tenetur exequi justam sententiam, si pœnatalis sit, ut non possit *nisi per reum* executioni mandari: atqui servitus est talis pœna, & quidem *qualificata*, qua vi ejus acquirit dominium in reum hujusmodi is, cui ille addicitur. *Excipe* tamen, nisi servitus hæc foret *valde calamitosa*, hoc enim casu non videtur naturali rationi abfolum, si asseramus eum, oblata occasione, posse fugere. Nimis enim durum & superans humanam conditionem esse videtur, si quis pro suis criminibus quantumvis maximis, lento martyriô in hac vita cruciari jubeatur, prohibeturque fugere, cum facile possit: porro tale lentum martyrium est servitus prædicta, quam quis sustinere cogeretur, in fame, nuditate, labore immoderato, ac inter verbera &c.

820. Omnium quoque sententia est VI.) prolem eandem conditionem subire quam mater, juxta *n. 808.*) Hinc si mater se vendidit, vel a parentibus juste vendita est; aut ob crimen servituti addicta, proles in servitute nata non

non potest fugere. Unde sequitur, cum qui huiusmodi servis consilium vel auxilium ad fugam præbet, peccare & ad restitutionem teneri totius damni inde secuti, utpote qui est causa moralis illius.

821. Demum VII.) totus controversiæ cardo vertitur circa servos bello iusto captos: *An hi licite fugere possint, & etiam persequentibus vi resistere?* Utramque quæsitam partem negant multi cum Navarr. c. 17. n. 103. his nixi momenti. I.) Quia Victor bello iusto capiens hostem v. g. Turcam, jure Gentium assistente, quæsitum jus in illum, non aliter ac in eius bona, quæ penes illum reperit: jure autem quæsitum privare alterum evidens est injustitia: porro servus hic fugiens privat hoc jure Victorem ac dominum suum. II.) Servis a dominis suis solent graviter puniri, si contingat eos fugere, & ab ea fuga retrahi: igitur signum est, quod non liceat eis fugere, alioqui injuste punirentur. III.) Qui damnatus est exilio ad certum locum non potest ex eo loco fugere: itaque si servus jure Gentium damnatus est servitute, non potest fugere. IV.) Cap. *Si quis servum* 17. q. 4. Concilium Gangrense sub anathemate prohibet, *ne quis alieno servo suadeat ministerium domini sui destituere. Et l. 1. C. de serv. f. gitiv.* dicitur *fugitivus servus factum sui facere domino*, juncta l. 3. eod. His tamen & similibus aliis non obstantibus,

822. Dicendum est, servum bello iusto captum *licite posse fugere ad suos*: quamvis non possit domino suo persequenti vi resistere, uti tradunt Soto l. 4. de Just. q. 2. a. 2. Bannes 2. 2. q. 40. a. 1. dub. 13. Covarr. ad Regul. peccatum 2. p. 5. 11. nu. 6. & l. 1. var. c. 2. n. 10. & ex his alii. Ratio primæ partis est. Quia cum hæc servitus communi consensu Gentium sit introducta, non debet eius conditio magis onerari, quam consuetudine totius orbis sit receptum: Atqui consuetudo habet, ut tales servi sine conscientie scrupulo possint ad suos fugere. Neque hoc censetur illicitum: nisi forte dedissent fidem de non fugiendo, & ea lege vita illis esset condonata: tunc enim tenentur stare promissis.

Huc facit, quod hæc servitus ceteris sit nobilior, minusque probrosa: unde etiam in viros nobiles cadere potest: non est igitur cogenda in eas angustias, in quas coguntur aliæ servitutes. Demum si non posset fugere, beneficium legum, quo fugienti ex captivitate conceditur libertas in

rum bello captorum consensit: illa tamen non videtur ullo modo extendenda ad alias Gentes; quæ nec Jus Caesarum Romanum receperunt; neque prædictam requirunt clausulam; suos tamen subditos e potestate Victorum fugientes; sine ullo scrupulo evadere servitutis hujus jugum; tolerant; siue hi *ad suos*; siue ad alienigenas fugiant; dummodo captivitate liberentur: Si igitur extra Roman. Imperium degens homo, justæ servituti *bello* partæ se subducatur; neque *ad suos*; sed ad aliam Nationem sese conferat, adhuc videtur excusari a peccato, tum ex generali consensu Gentium supra explicato, tum præcipue quia hoc casu comperit *jus retorsionis* uni Genti contra alteram; si itaque unius Nationis captivi fugiant ita; quin ulla satisfactio præstetur ab ea, ad quam se illi contulerunt; etiam vicissim alterius Gentis servi poterunt simili licentia elabi adversæ partis captivitate: hac vero ratione injuria; si quæ dominis particularibus per fugam servorum illata est, compensatur ab invicem: tacito Gentium consensu approbante.

825. *Partis alterius ratio*; cur servi prædicti dominis persequentibus *vi resistere non possint*; est hæc: quia domini habent jus illos interceptendi & detinendi quamdiu *ad suos* vel *extra territorium illius Gentis* a qua capti & abducti erant; non pervenerunt: alioqui inutilis esset servitus, hic cum non possit esse bellum utrinque *in se* & obiective justum; non possunt se vi tueri. Sitibile est in reo; qui etiam fugere possit; non tamen ministris justitiæ persequentibus resistere.

Dixi *vel extra territorium illius Gentis* &c. Quia juxta immediate dicta; aliæ Gentes non receperunt jus Caesarum Rom. neque requirunt, ut earum captivi transfugæ omnino *ad suos* redeant: id tamen observant & praxi attestante volunt; ut territorio ejus Gentis apud quam detinebantur, excedant; quo subsecuto dominus eorum in aliena ditione persequi illos & apprehendere nequit; perinde ac si illi *ad suos* jam redirent.

Excipe: nisi forte etiam hoc alterum territorium esset Gentis confederatæ cum priore; & bellum adhuc duraret actu; tunc enim *civiliter* manere intelliguntur in eadem Natione a qua capti fuerunt; & perseverare adhuc servi.

826. CONTRARIA momenta hoc modo expediuntur; *Ad 1.* Jus Victori in servum *bella* capium competens quæ

situm fuit *limitate* & *revocabiliter* : nisi fortuna *suffragante* *captivus* *elabatur*, nunquam enim mens Gentium fuerat homines ejusmodi obligare in conscientia, ut etiam non custodiri, & facilitatem elabendi habentes maneat in servitute. Si quoque aliqua injuria irrogatur per hujusmodi fugam, illa compensatur simili fuga captivorum Gentis adversæ, atque adeo *Jure retorsionis* per Gentes tacite approbato, tollitur obligatio restitutionis, aut reditus in servitutem, ad quam contraria sententia tales servos reducere contendit.

Ad II.) Non facit ad rem, quod domini soleant graviter punire hujusmodi transfugas deprehensos: quia Jure gentium servi bello justo capti habent quidem privilegium fugiendi; sed sub clausula: *si commode possint*, atque adeo dominus quoque habet jus eum castigandi tunc, dum ille, cum commode fugere non posset, fugam attentavit. Patet id in alia instantia: ita quippe custodia publica inclusi licite fugiunt, & tamen deprehensi puniuntur, *l. i. ff. de Effractor.* quod magis locum habere potest in servis; quia cum caperentur in bello, poterant juste occidi: sed mors illis ita commutatur in servitutem, ut si fugiant, nolentes in ea persistere, prior poena ex parte possit revocari, irrogata alia castigatione. Responderi etiam posset, quod domini eos castigantes forte sequantur aliam sententiam, quæ censet fugam hanc esse illicitam: contra vero, captivi hujusmodi quoties fugiunt, adhærent nostræ opinioni.

Ad III.) Nulla est recta consecutio a casu illo quo quis damnatus exilio ad certum locum, non potest ex eo loco fugere; ad casum nostrum. Quia hi servi, de quibus sermo est, non damnantur ut malefactores in Judicio: sed nobiliori quodam modo, & minus ignominiosa servitute, cui *ex more Gentium* hoc privilegium est concessum, & longæva consuetudine firmatum.

Ad IV.) Citato & aliis Canonibus solum prohibetur, ne quis prætextu religionis, seu libertatis Christianæ doceat servum contemnere dominum suum, & deferere ejus ministerium, unde nihil ad casum præsentem sequitur. Lex *prima* Cod. citata loquitur de eo, qui fugit ad alium dominum. Lex autem *tertia* ejusdem tituli procedit indistincte de servis, qui fugiunt ad barbaros, hostes Rom. Imperii, illique graviter puniri jubentur. Hinc excipiendi sunt isti, qui fugiunt ad suum populum, ut colligitur ex aliis

aliis juriſibus allatis, imo & illi qui ita fugiunt, ut non ſe conferant quidem ad ſuas, neque etiam ad hoſtes ſuæ Nationis: migrant tamen ad alios populos extra territorium Gentis in cujus captivitate debebant.

§. VII.

Quomodo acquirantur dominia in ſeras, volucres, & piſces?

S U M M A R I U M.

- 827. Dominia in ſeras, volucres & piſces venatione acquiruntur.
- 828. Exponitur & corrigitur definitio venationis.
- 829. Diviſio venationis in ſuas ſpecies aſſertur.
- 830. Facultas venandi a ſ. N. & G. eſt mere permiſſa.
- 831. An venatio poſſit prohiberi? reſertur negativa opinio.
- 832. Deſenditur affirmativa ſub certis conditionibus.
- 833. Illa recte prohibetur a Principe ob ſolam recreationem.
- 834. &c. Competitque Germaniæ Principibus etiam independenter a Regalibus.
- 837. Non in omnibus locis neganda eſt populo.
- 838. Alius mere facultatis an cadat ſub præſcriptionem? ac vide n. 859.

827. 1.) **V**enatione, prout hæc eſt genus ad piſcationem, aucupium & venationem in ſpecie, acquiri ſuper dictorum dominia communis eſt opinio fundata in §. Fera 12. Inſt. de Rer. diviſ. ubi dicitur: Fera igitur beſtiæ, & volucres, & piſces, & omnia animalia, quæ mari, cælo, & terra naſcuntur: ſimul atque ab alio CAPTA FUE- RINT, jure GENTIUM ſtatim illius eſſe incipiunt: quod enim ante nullius eſt, id naturali ratione OCCUPANTI conceditur, nec intereſt, ſeras beſtias & volucres utrum ſuo in fundo quis capiat, an in ALIENO. Ex quo textu inferitur; animalia natura ſua manſueta, vel cicurata, & noſtra cuſtodia detenta occupanti haud acquiri, uſque adeo, ut ſi quis ovem e faucibus lupi ereptam animo ſuam faciendi apprehenderit, furti reus cenſeatur, d. §. 12. 15. & 16. Inſt. de rer. diviſ. juncta l. 4. l. 5. §. 6. ff. de Acquir. rer. dom.

828. II.) Porro Venatio in ſua ſpecie conſiderata a multis definitur eſſe occupatio ferarum animalium in naturali

libertate existentium: sed non recte; nam qui venatur, potius sectatur, quam occupat, & plurimi persequuntur fera animalia quin capiant. Ne igitur ex defectu recte definitionis hujus objecti impingamus in nonnullorum Legistarum errores circa venationem, juvat hanc accuratius definire. Ac proin *Venatio* vel sumitur pro *actu venandi*; & sub hac ratione spectata, est *Exercitium ordinatum ad captionem animalium terrestrium*: sicut *aucupium* ordinatur ad captionem avium, & *piscatio* piscium: Vel demum accipitur pro *jure venandi & occupandi feras*; atque hoc altero sensu est *jus persequendi animalia, quæ terra, mari, & celo comprehenduntur*; & nullius sunt, *jure naturali permissum, vel legitimo titulo acquisitum*. Sebast. Medicis, de jure venand. p. 1. q. 1. n. 1. Georg. Morus eod. tract. p. 1. c. 1. n. 10.

§29. III.) Ita definita *Venatio* dividitur in tres species; scilicet in *Venationem* specificè dictam, *Piscationem* & *Aucupium*; arg. l. 1. l. 2. & l. 3. ff. de acquir. rer. dom. ac d. §. Fere 12. Inst. de Rer. divis. Hæc ipsa *Venatio* specificè sumpta subdividitur in majorem & minorem, seu *altam* & *bassam*; Major est, quæ se extendit ad majora animalia silvestria, utpote Cervos, Capreas montanas, apros &c. Vid. Meichs. decis. 2. t. 3. f. 125. Minor est, quam etiam *particularem* vocant, quæ comprehendit omnis generis animalia minora: ut lepores, vulpes, taxos, & omnia volatilia, perdices, alaúdas, turdos, silvestres anseres; anates, reliquasque omnes volucres, siue magnæ illæ sint, siue minores; nisi alieni speciali lege Principis aliquæ expresse excipiantur; prout excipi solent *falcones*, *ardeæ* &c. propter Principum recreationem. Demum alia est *venatio simplex*, cum quis solus jus venandi habet, alia *simultanea*, quando duo pluresve habent prædictum jus: Alia item est *Precarta*, quæ est ad nutum revocabilis: Alia *hereditaria*, quæ transit ad heredes.

Hæc sunt plaina; & ut plurimum non tam a jure naturali, Gentium, vel Civili communi dependent, quam potius æstimanda sunt, & colligenda ex *particularibus* Provinciarum & Territoriorum *consuetudinibus*, ac *Statutis* vel *Edictis* Principum. Nos ea potissimum hic examinabimus; quæ ex *naturalis* vel *Gentium* jure proveniunt, aut saltem provenire a plerisque dicuntur. Et quidem

*Dubatur I.) An facultas, seu jus venandi sit
juris Gentium vel naturalis?*

830. Quamvis dubio huic satisfecisse videatur Justinianus Imp. cit. §. *Feræ* 12. *Inst. de R. D.* dicens, omnia *fera animalia* -- simul atque ab alio capta fuerint; **JURE GENTIUM** statim illius esse incipiunt; nihilominus non defunt, qui cum Andr. Tiraquell. in *tr. de nobilit. c. 37. n. 138.* Philip. Dec. in *cons. 197. n. 2.* Ant. de Butr. & aliis, con-
tendunt venationem; pariter ac piscationem & aucupium in locis perviis & non clausis, *haud juri Gentium*, sed *naturali* esse attribuendum, eo quod *feræ, pisces, & aves* in locis hujusmodi priusquam capiantur, sub nullius dominio sint; ac proin cedant primo occupanti: Porro *occupationem* talem a jure naturali procedere constat ex *n. 672.*) & liquet ex *l. 3. ff. de acquir. rer. dom.* ibi: *Quod enim nullius est, id ratione naturali occupanti conceditur.*

Verum inutilis disceptatio hæc facile dirimetur, si respondeamus *primo*; occupationem *improprie* attribui juri nat. cum sit *juris Gentium* per *cit. §. Feræ*. Deinde patum refert; ad quodnam ex prædictis juribus reducenda sit venatio; cum *per se* neque a naturali, neque a Gentium jure sit ulli hominum prohibita vel præcepta, *permissa* vero ab utroque, patet autem ex *n. 41. & 682.*) permissiones hujusmodi juxta accedente causa, facile posse a Magistratibus legitimis immutari; & quod alias permissum fuerat; simpliciter inhiberi, ut etiam sentit Grotius de *J. B. & P. c. 8. §. 5. in fin.* Fatemur igitur *venationem* esse naturali & Gentium jure unicuique hominum *permissam*, salva tamen jurisdictione legitimarum Potestatum, etiam humanarum; quæ ob justam causam, ac in certis circumstantiis a naturali & Gentium jure *permissam* venandi, piscandive libertatem limitare aut prohibere possunt. Hinc

*Dubatur II.) An igitur Principes possint venationem
suis subditis juxta prohibere; jus venandi sibi ipsis ar-
rogando?*

831. Questio hæc potest procedere vel de prohibitione in locis *publici juris*; vel in locis *privatorum*, v.g. prædio, vel saltem subditi. Quod in nullo ex his five publici five privati juris fundo possint Principes *generaliter* prohibere *omnibus* venationem, etiam in silvis & campis ad eos non
pet-

pertinentibus, & etiam in nemoribus & fundis propriis venantium, plurimi tradunt DD. Qui dicunt repugnare id juri gentium & naturæ, omnique ratione destitui, injustiorem quoque adhuc reddi prohibitionem hanc; si subditis sub pœna capitis, aut amputationis alicujus membri, venatione interdicatur, prout sentiunt Canonistæ in *Cap. Non est, de decim.* Et hujusmodi prohibitionem tyrannicam vocat Bartholomæus Fumus Ord. Præd. Theologus in *summula*, sive *aurea armilla* sua, verb. *Venatio* vers. 5. ubi citat etiam *Cajetanum* ejusdem Ord. Præd. Doctorem, & subjungit, ita prohibentes venationem peccare mortaliter, sicut peccat etiam is, qui venationem prohibet, cum non possit. Quod tradit quoque Martin. Nav. in *Manual. Confess.* c. 17. §. 11. n. 120. hos sequuntur alii, cum Menoch. *Conf.* 298. n. 18. l. 3. Cravet. *Conf.* 643. l. 4. & *Conf.* 945. l. 5. Schurpff *conf.* 1. cent. 3. n. 12. Imo quod etiam hodie venandi facultas omnibus libera esse debeat, & Principes eam prohibere non possint, præsertim in nemoribus & agris ad ipsos jure proprietatis non spectantibus, Jason in *Conf.* 119. in 4. vol. hanc esse communem sententiam testatur, prout etiam refert Cov. in *Cap. peccatum, de Reg. jur. in 2. p. n. r.* qui tamen opinioni huic non adhæret. Ea proin non obstante,

832. *Dicendum est* 1.) Principes sive sub sola pœne rationabili, sive etiam sub culpa theologica, si velint, possunt suis subditis jussu prohibere venationes in locis tam publicis, seu communibus, quam & ad privatum spectantibus, easque sibi ipsis reservare. Prout hodie communior & verior docet sententia, cum Cov. d. l. n. 8. Molin. de *J. & J. tr.* 2. disp. 43. Soto de *Just.* l. 4. q. 6. a. 4. Joan. Medin. de *Rest.* q. 12. Lugo d. 6. a. n. 60. Haun. de *J. & J. tr.* 5. c. 1. contr. 3. a. n. 73. Less. Laym. Et ex Jstis Hugo Grot. de *J. B. & P. c. 2.* §. 5. & c. 8. §. 5. Carpz. p. 2. *prax. crimin.* q. 84. a. n. 6. Fachin. 1. contr. c. 1. D. Bassus *semi-cent.* 2. qu. *forens. contr.* 1. n. 4. Et ante hunc Ferdinand. Weiznegger. *Dissert. de venat.* c. 3. n. 13. & *seqq.* Nicol. Everhard. junior *Conf.* 10. vol. 1. a. n. 1. & *seqq.* ac recentius Franz ad *Inst. de rer. divis.* l. 2. tit. 1. part. 3. n. 14. fol. 48. pluresque alii.

Ratio hujus asserti patet ex nu. 830.) quod scilicet Jus naturale & Gentium unicuique libertatem venandi permit- tens possit ob *iustam causam* a lege Civili, & Edicto legisimi Principis circumscribi, restringi, aut prorsus im-
pedi-

pediri, cum eam non aliter permittat, quam sub tacita conditione: nisi iustæ & rationabiles causæ suadeant aut exigant contrarium: *Atqui* tales causæ possunt dari. *Quia primo*) Potest id exigere communis Provinciæ aut Territorii utilitas, salus, vel securitas. Nempe ne subditalias necessarias functiones negligant, ne eadem occasione ad latrocinia, vel rebellionem armentur: neve certis temporibus, v.g. quando feræ sunt gravidæ, vel ne certis locis, aut instrumentis, venatio, vel piscatio fiat, v. g. quibus parvi pisces magno numero caperentur, &c. quia *secundo*.) possunt Principes in ordine ad prædictam prohibitionem intimandam habere consensum populi, sive gratis per aliquem contractum: populus enim potest cedere jure suo, si quod jam acquisivit, atque adeo prohibitio hæc, sive se extendat ad silvas, campos & fluvios communes, & publicos, sive ad loca & possessiones privatorum, non fiet injusta, cum subditos *jure quæsto* non privet *sine justa causa*. Quod etiam fiet *tertio*) si prohibitio hæc facta sit sub conditione onerosa, verbi gratia habendi mitius in tributis; vel jure belli iusti, aut ex præscriptione *immemoriali* (qua in Imperio putat Laym. c. 5. n. 16. gaudere Cæsarem, & alios Magnates). Hoc casu, privatis hominibus poterit Princeps citra iniustitiam prohibere venationem, & aliis nobilioribus personis in certis locis concedere. Tenetur tamen ex iustitia, qui tale jus sibi reservat, ad avertenda damna, aut compensanda, ex multiplicatione ferarum vicinis illata. Nisi Princeps *jure belli* in terra hostili, vel consensu populi (qui tamen in notabilia damna non præsumitur consensisse) etiam eum hoc onere subditorum, sibi reservaverit.

833. *Dicendum est* II.) Principes, præter motiva supra adducta, etiam *ob solam recreationem*, possunt absque consensu populi, jus venandi in quibusdam locis sibi reservare. Ita DD. pro prima assertionem citati. Cum enim Princeps curam gerat Reipublicæ & laborem ejus causa sustineat, nihil obstat, cur etiam aliqua loca communia suæ recreationi reservare non possit, præsertim cum id etiam pertineat ad Principis dignitatem, imo & inter ejus *Regalia*, vel quasi *regalia* juxta multos computetur, ut contra VVeizenegg. l. c. diss. 5. c. 3. & alios, tenet Modest. Pist. conf. 14. n. 23. f. 2. Fachin. l. 1. contr. 1. vers. sunt autem Roland. de commissar. & commiss. p. 4. l. 2. c. 8. n. 3. Gilman. Rer. jud. de-
cis.

cis. 20. n. 3. Heyg. *Quæst. jurid. p. 1. c. 15. n. 45.* ubi ait: *Nihil verius, & nihil manifestius esse;* quibus accedit D. Bassus *l. c. contr. 1. n. 8.* asserens venationem saltem majorum animalium per totam utriusque Bavariz Provinciam ad Principem terræ spectare *jure quodam Regalium;* ex antiquissima consuetudine obtento. Unde etiam iidem DD. censent, quod præscriptio in *jure venandi* contra Principem non procedat, nisi cursu temporis immemorialis, eo quod illa, quæ de *Regalibus* sunt, non nisi immemoriali tempore præscribantur. Vide D. Bass. *l. c. contr. 3. n. 2.* & in utramque partem differentem Nicol. Everhard. *junior l. c. cons. 10. n. 9.*

834. Quidquid autem sit de hac disputatione; asserta Principum potestas aliunde patet; sive enim admittamus venationes esse de *Regalibus*, sive non, constat hoc tamen, quod Imperator plerumque in Investituris Ducatum, Comitatum, aliorumque magnorum dominiorum, specialiter etiam ipsis Ducibus; Principibus, Comitibus; Baronibus; & quibusdam Nobilibus concedat jura venandi, forestarum, piscationum, & aliorum; uti tradit Jacobus de S. Georg. in *tr. feud. verb. & tam venationibus*. Hinc sive Imperator jus venandi concedat tanquam Regale; sive tanquam jus ab ipso applicatum & coherens Ducatui; Comitatus; & dominio; quod in feudum ab ipso recognoscitur; sufficit hoc ad querendum jus ipsis Principibus ac Dominis ita investitis, ut ipsi soli venationibus deinceps etiam *soliæ recreationis* causa uti; imo & alios prohibere possint; quoniam concessio Imperatoris his suffragatur. Lege enim Regia per Senatum populumque Romanum in ipsum Imperatorem translatum est omne imperium, omnisque potestas *L. 1. ff. de Const. Princ. L. 2. §. Novissime, ff. de Orig. jur.* Et sic etiam in ipsum transivit potestas, ob publicam causam, transferendi in aliquem jus alicujus subditi, & multo magis jus ejusmodi, quod adhuc *in nullius bonis est*; prout fit in venatione; *l. 1. 2. & 3. ff. de acquir. rer. dom. & facit ad argumentum L. quod Principis pr. ff. de aqu. plu. arcend. L. quominus cum ibi not. per Gloss. Bart. & Jas. ff. de flumin. & L. servitutes §. publico; ff. de servit. juncta L. 2. §. Si quis a Principe; ff. ne quid in loco publ.*

835. Ex hac Imperatoris investitura & concessione omnes Principes ac Domini ab antiquissimis temporibus prætendunt, & prætendunt jus venandi sibi solis competere, cum iure prohibendi vel concedendi aliis; suntque in hujus juris

qua-

quasi-possessione, nemine eis nomine populi, vel subditorum legitime in hoc contradicente, Quare procul dubio sibi huius iuris *quasi utile dominium*, & Imperatori, vel Superiori suo (si id alias nunquam habuissent) *directum* acquisiverunt, uti tradit Jacobus de S. Georg. l. c. n. 9.

Cumque antiquissima Germanie consuetudo huiusmodi investituras sic interpretetur, ipsique subditi suo consensu & taciturnitate hanc interpretationem approbent, nullo modo ab ea est recedendum, per l. si interpretatione, ff. de LL. & l. more Majorum, ff. Jurisd. omni. Jud. Nam & imperium, potestatem, & jurisdictionem, consuetudo tribuere potest illi, qui prius eam non habuit, Cap. cum contingat, in fin. de foro comp. l. Prius, C. de divers. offic. & l. fin. C. de emancip. lib.

836. Permissio quoque, quod aliqui Duces, Principes, Comites, Barones aut insigniores Domini, & Nobiles hanc concessionem ab Imperatore in suis investituris, aut privilegiis specialiter non essent consecuti, tamen hoc jus, ut soli, etiam solius recreationis causa venari & alios prohibere possint in certis privatorum quoque subditorum suorum nemoribus, certove districtu vel loco, etiam ex consuetudine præscriptæ sibi acquirere potuerunt, maxime vero ex usu & præscriptione tanti temporis, cuius non existit memoria in contrarium. Hæc enim præscriptio temporis immemoralis habet vim tituli & concessionis, seu privilegii, imperati a summo Principe, l. Hac jure §. ductus aque, ff. de aqu. quotid. & æstiv.

837. Dixi in certis nemoribus, certove districtu vel loco, quia ut advertunt Medina, Lugo, & alii l. c. contra Grotium l. 2. c. 2. n. 5. non potest Princeps populum ab omnibus locis publicis, tanto minus privatis excludere, & sibi totam venationem reservare, nisi forte ob eam causam remittat aliquid de tributis sibi debitis, vel aliter compenset, aut validior boni publici, quam solius recreationis propriæ, causa adsit. Ratio hujus affertur, quod nimis inhumanum sit, ob suam propriam recreationem, populum omni honesta hæc in parte oblectatione & utilitate venationis, jure nat. & gent. concessa privare, Hinc etiam experimur eam Principum gratiam, ut subditis suis minorem venationem, licet plerumque circumscribant etiam & limitent, non tamen penitus æque generaliter prohibeant, uti sentit etiam D. Bassus l. c. contrav. a n. 12. & n. 8.

838. His ita decisus non obstat, si opponatur: Jus venationis

nandi esse *mere facultatis*, & ideo nullo tempore *præscribi* posse, unde etiam si subditi alicujus Principis per 100. & plures annos non fuissent venati, tamen contra eos non esset *præscriptio* inducta; ita ut Princeps solus in Territorio suo majorem venationem exercere possit, exclusis ab ea subditis. In his enim quæ sunt *mere facultatis* non procedit aliqua consuetudo, vel *præscriptio*, ut tradit Cyn. & omnes DD. in l. 1. C. de servit. & aqu. ac in l. 2. C. quæ sit long. consuet. juncto c. cum Ecclesia Sutrina. Et ibi DD. de caus. poss. & propr. Cujus ratio quoque est; quia ex actibus *mere voluntariis*, seu *mere facultatis*, nulla quæritur *possessio*, per l. Proculus, ff. de damn. infect. l. 1. §. denique Marcellus; ac l. Si in meo fundo ff. de aqua plu. arcend. Sine *possessione* autem nulla impletur *præscriptio*, Cap. sine possession. de R. J. in 6.

Nam contra est 1.) quod falsum sit *Assumptum*, licet enim *exercitium* venationis sit actus *mere facultatis*: Jus tamen *venandi* non est talis actus; sed potius competit Principibus vi *Privilegiorum*; aut *universalis consuetudinis Germaniæ*, sicut & alia jura. 2.) Quia etiam ea, quæ *mere facultatis* sunt, *præscribi* possunt tunc; quando intervenit *prohibitio* *præscribentis*, & *patientia* ejus, qui *prohibitus* est, per tantum tempus, quod ad *præscribendum* sufficit: Ex hac enim *prohibitione*, & *subsecuta patientia* *prohibiti*, statim acquiritur *prohibenti possessio*, vel quasi *possessio* *juris prohibendi*, juxta tradita per Gloss. & DD. in l. qui luminibus, ff. de servit. urb. præd. & facit l. hæc autem eod. tit. ac l. si quis diuturno, ff. si servit. vind. Vid. Panorm. in G. Abbate in 2. col. de V. S. Jason in l. quo minus in 3. col. fin. vers. secundo confirmatur ista pars, ff. de fluminib. Joan. Franc. Ripa n. 132. & seq. Cov. p. 2. Relect. c. possess. §. 4. n. 6. Laym. l. 3. tr. 1. c. 8. an. 8. Rath. de præscrip. c. 4. als. 5. Reiffenst. eod. tit. n. 38. Consequenter accedente legitimi temporis cursu, *prohibenti* & quasi *possidenti* jus illud, ut solus venari, & alios prohibere possit, *præscriptio* ejusmodi *juris* completur, uti sentiunt DD. allegati & liquet hic ex n. 770.) Porto Principes & Domini terrarum ab antiquo prohibuerunt venationem, imo proclamari iusserunt pœnas in contravenientes, ac subditi sufficiente tempore acquieverunt, &c. Plura de his vide n. seqq. & n. 859. ubi de *mera facultate*.

§. VIII.

Utrum subditi præscriptione acquirant plenum & liberum jus venandi, ita, quin Princeps illud sibi reservare possit?

S U M M A R I U M.

839. &c. An Princeps recte prohibeat venationem subditis, qui tempore immemoriali erant in ejus quasi possessione?
 842. &c. Facti species & rationes dubitandi proponuntur.
 846. &c. Decisio quæstionis affirmativa: cum limitatione tamen statuitur.
 857. Respondetur contrariis: ubi inducitur exceptio contra probationem tituli & b. f. in præscriptione immemoriali.
 858. In ea probandus est titulus, si fuerit contra consuetudinem generalem asserta præscriptio.
 859. &c. Ostenditur Principem posse adhuc prohibere ob justam causam; non obstante præscriptione. Vid. n. 862.

839. **D**ubitatum est: An Princeps, Comes, Baro, vel alius e Dominis possit subditis suis prohibere, & sibi soli arrogare venationem, si hi jure simultaneo, vel etiam plene excluso Principe, a tempore immemoriali fuerint in liberò ejus exercitio, & pacifica quasi possessione? Jam quidem decisum est a n. 832. & seqq.) quod Principes, & Domini territoriales possint suis subditis iuste prohibere venationes in locis tam publicis, quam privatis, easque sibi ipsis reservare. Verum decisiones hæc procedunt pure ex hypothesis, quod scilicet possint dari iustæ causæ restringendi venandi libertatem jure nat. & Gentium concessam: Inter quas causas recensuimus 1.) Communem territorii utilitatem: 2.) Securitatem Domini territorialis. 3.) Supposuimus, quod Princeps habeat aliquem consensum populi. Vel 4.) quod prohibitio hæc fiat sub aliqua conditione onerosa prohibenti, favente autem subditis, quo ad tributorum diminutionem &c.

Demum 5.) Inter justas hujusmodi causas retulimus etiam recreationem Principis. Cum enim ille continuiscuris & laboribus pro Republ. fatigetur, rationi convenit, ut pro sua dignitate venationem animi recreandi ac virium restaurandarum causa paratam & præcipuam habeat, ne ali-

aliquod tempus ei pereat: sed præliorum simulacra adversus bestias interim medietur; consequenter ad hunc finem obtinendum loca quæd. magis commoda proprio usui destinare, ac privatis venationem ibid. prohibere potest.

840. Et quamvis rationem hanc Gilken. ad cit. §. Feræ n.35. tunc solum sufficere existimet, dum Princeps Reipublicæ causa iter facit, arg. l. Neminem, C. de SS. Eccles. l. Maximarium, C. de excus. mun. l. 1. & 2. C. de Metat. & epidim. Nihilominus Theologi rectius statuunt, prohibitionem talem tum demum inhumanam & subditis non consentientibus noxiam fore, si ad omnia loca communia, tanto magis etiam omnia privata extenderetur. Itaque Princeps sibi loca, & nemora proprio usui destinare recreationis causa potest, non aliter, nisi quatenus Reipublicæ splendor & dignitas status, & naturalis æquitas postulat. Soto d. art. 4. Mol. d. tr. 2. disp. 46. n. 3. Rebell. p. 1. l. 1. q. 14. Less. de J. & J. c. 5. n. 35. cum aliis.

Tandem allegavimus quoque adhuc 6.) quod possit intercedere longæva consuetudo, vel præscriptio; Aut 7.) quod ab Imperatore attributum fuerit soli Principi jus venandi competens &c. Si igitur aliqua ex his causis adfuerit: justitia venationis prohibita in dubium vocari nequit.

841. Sed jam invertitur facti species, & proponitur casus; quod subditi a tempore immemoriali fuerint in pacifica quasi possessione venandi, tam in locis publicis, quam privatis sui territorii, ita ut tam illis, quam & Principi eorum libera semper fuerit venandi facultas: nunc vero Princeps sibi soli jus hoc reservavit, inhibendo venationem subditis, qui neque de ulla in eum rebellionem suspecti sunt, neque publicæ securitati, aut utilitati, ut asseritur, ex continuatione venationis huius imminet prudens periculum &c. Queritur jam, quid juris circa prohibitionem & reservationem hanc?

RATIONES DUBITANDI.

842. Ratio dubitandi, & prohibitionem reservationemque uti injustam, ita absolute invalidam dicendi est 1.) Ex generali juris principio; quod nec summus Princeps, tanto minus eo inferior territorii Dominus possit subditis jus actu quæsitum sine iusta causa adinere, quem in finem impetrata etiam Rescripta & aliæ dispositiones pro nullis decla-

deklarantur §. ult. Inst. de his, qui sui vel alien. jur. L. 4. C. de emancip. lib. L. 7. C. de precib. Imp. offer. Mey. Conf. 49. n. 18. Gail. 2. Obs. 142. n. 15. Petr. Anton. de Petra tr. de jure quæst. per Princip. non tollend. Brunnem. ad L. 4. n. 5. C. de emancip. liber. Sam. Stryk. disp. ad L. Æmilius 38. ff. de minor. c. 6. n. 15.

II.) Præscriptione acquiritur jus nedum Principibus: sed etiam subditis contra Principem & dominum territorialem, cum per eam acquiratur cuilibet etiam privato præscribenti, L. 11. C. de usucap. transfer. & Cap. præterea 26. de V. S. Porro subditi præscripserunt jus illud a tempore immemoriali, ad similitudinem ejus præscriptionis, de qua innuimus hic a n. 836. (& 838.) Quæ cum hominum memoriam superet, præscribentes subditi non jam tenentur bonam fidem probare, hæc enim præsumitur, ut tenet communis DD. de immemoriali præscriptione tractantium.

843. Demum III.) Supponitur ex facti specie, quod Dominus territorialis minor sit supremo Principe, imo & Electorali dignitate longe inferior, ac proinde quod ei jura Majestatis seu *regalia* nulla competant: Dato autem non concesso quod competerent, adhuc venationis jus subditis præscriptione immemoriali acquiri potuit, & acquisitum est; Tum ideo quod venatio majorum animalium ab Auditoribus n. 833. citatis, non aliter, quam *improprie* & per quandam similitudinem nomine *regalium* seu *quasi-regalium* vocetur: Tum quia etiamsi proprie computaretur inter *Regalia*, adhuc non ad alia spectaret *regalia* quam *minora*, seu *extrinseca* potestati Principis, qualia sunt: institutio *pedagiorum* & *quidagiorum*: jus *monetandi*: jus *telonii*: jus imponendi *collectas*: jus creandi *Magistros* & *Baccalaureos*: & juxta superius adductos DD. jus *venandi* &c. Atqui hæc *Regalia minora*, seu jura Majestatis *extrinseca* a subdito *qua tali* recte præscribuntur, ut post plures alios tenet Cov. in *Relat. c. Possessor de R. J. in 6. part. 2. §. 2. n. 8.* Balbo de *præscr. sec. p. 5. princ. q. 1. n. 3.* Rosenth. de *jure feud. c. 5. concl. 16. n. 3.* Pruckmann. de *Regal. c. 5. v. 95.* Gabriel. l. 5. *comm. concl. de præscr. concl. 1.* Einsidel. de *Regal. c. 4. n. 68.* Carpz. de *Regal. c. 4. aph. 5.*

Et quidem juxta Cov. l. c. n. 5. & DD. jam adductos, jura & bona Principis, *qua* Principis; sed tamen etiam privatis *acquisibilia*, ut sunt jus *pascendi*, *venandi*, *lignau-*
Jus Nat. & Gent. M m di

di &c. non opus habent præscriptione immemoriali : sed quadragenaria tantum , per *l. omnes 4. C. de Præscr. 30. an. Schmier T. I. f. 281.*

844. Tanto magis autem in casu proposito jus subditorum certum est ; cum tempore immemoriali in exercitio venationis libero perstiterint , scientibus & nunquam contradicentibus antecédaneis territorii Dominis : Contra modernum autem in nullo deliquerunt , nec in quopiam utilitatem , salutem , aut securitatem publicam territorii offenserunt , propter quod jure hoc quæsito privari possent , per *L. si locus §. 1. ff. quemadmod. servit. amit. l. 9. C. de oper. publ. l. 2. §. 17. ff. Ne quid in loco publ.*

845. Cum igitur subditi jus venandi a tempore immemoriali quasi-possederint ; & dominium ejus præscriptione acquisiverint , possunt illud *actione utili Confessoria* vindicare cum Interdicto *uti possideris* ; utpote jus in fundo radicatum habentes , quidquid sit , an venatio sit fructus fundi , aut jurisdictionis , vel fructus prædialis , prout illam nihil horum esse , post alios , erudite probat D. Bassus *d. l. contr. 2. an. 1.* Et liquet ex *L. Venationem 26. ff. de usur.* ubi *Julianus* aperte negat venationem fructum fundi esse , continetur tamen inter emolumenta & commoda :

DECIDITUR QUÆSTIO.

846. Utut autem rationes hæc solidæ videantur , propter eas tamen nequit Princeps dominus territorialis ita absolute & sine ulla limitatione injustitiæ damnari , ut prohibitio ac reservatio illa juris venandi *integre* relinquatur penes subditos , pristinoque usui eorum restituatur , ut ipsi volunt . Ac proin mediam hoc in casu ineundo viam , distinguimus inter loca , fundos & nemora territorii , in quo asseritur subditis præscriptione quæsitum esse jus venandi liberum . Sunt enim illa alia forsitan *propria* Domini territorialis , speciali eoque *privato* jure acquisita , v.g. emptione , donatione &c. alia dein domanialia *publica Fisci* , seu Principis *qua* Principis territorii , & demum alia *communitatum* , *privatorum* Civium , & Incolarum .

847. Quod itaque concernit silvas & fundos *speciali* ratione *proprios* solius Principis , sive Domini cujusvis territorialis , hic potuit & potest omnibus omnino vel *programme* proposito , vel *proclamate* intercedente prohibere in illis venationem , eodem jure , quo *privatus* quilibet in suo fundo

do prohibere potest, l. 3. §. plane, ff. de acquir. rer. dom. Eaque prohibitio statim ab initio vires & locum habet. Joan. Fab. ad d. §. Fera n. 3. Cov. ad c. peccatum p. 2. §. 8. n. 6. Gilken ad cit. §. Fera n. 16.

Neque obstat *præfensa* immemorialis præscriptio: quod enim Dominus territorialis in suis propriis fundis v.g. a 100. annis non fuerit venatus, vel quod *specialiter* non inhibuerit venationem subditis ne eam in illis exercerent, actus omissionis hujusmodi fuit actus *mere facultatis*: per dicta igitur a n. 838.) requirebantur actus subditorum præscribentiuni *contrarii* prohibitioni Principis *expresse* interdicentis; & tandem hujus *scientis* & *tacentis* acquiescentia: porro, siquidem Princeps ille in suis propriis fundis venationem subditis nunquam *expresse* prohibuit; non potuit fieri, neque rationabiliter fuisse præsumi potest usus subditorum *prohibitioni contrarius*: & consequenter neque fuit *acquiescentia* ex parte prohibentis *scientis* & *tacentis*, ad præscriptionem talem necessaria, præsertim cum Gentium & civile jure permittente, semper libera adsit facultas domino privato fundi, prohibendi quando voluerit; venationem in eo exercendam, ut constat ex cit. §. Fera 12. *inst. de R. D.* ibi: *Plane qui alienum fundum ingreditur VENANDI, aut AUCUPANDI gratia: potest a Domino, si is præviderit, prohiberi ne ingrediat. Quo etiam facit L. Divus Pius 16. ff. de servit. præd. rust.* ubi dicit Impr. *Non est consentaneum; ut per aliena rædia, invitis dominis aucupium faciatis*; juncta l. 3. §. 1. ff. de acquir. rer. dom. ac l. ult. §. 3. ff. quod vi aut clam, l. 13. in fin. ff. de injur. Quibus consentit l. per agrum 11. C. de servit.

Neque replicationi hic ullus locus est, si dicant subditi se jus servitutis discontinuæ prædialis acquisivisse in fundis Domini sui propriis, ut in illis venari possint. Nam 1.) etiam ad servitutem præscribendam, per cit. nu. 838. & 859.) requiritur *usus* prohibitioni *contrarius* ex parte subditorum, & *acquiescentia* ex parte domini *scientis*, impedire valentis, & tamen *tacentis* post *factam* *expresse* prohibitionem. 2.) Si venatio in fundo alieno esset *servitus realis*, sive *prædialis*, tunc prædio dominante in quacunque manus alienato, competeret Possessori jus venationis, l. 1. §. datur, ff. de aqua quotid. l. usus aquæ 21. ff. de usu & habit. l. non solum 8. §. tale, 3. ff. de libera. leg. Atqui hoc falsum est, quia prædio nobili in manu personæ ignobilis & plebejæ alienato, nulla prorsus eidem venatio

competit, ne quidem in propriis, multo minus in alienis fundis. Atque adeo venatio male refertur ad servitutes prædiales seu reales, ut contra Zas. & Gaill. probant Hænon. *disp. jurisd.* 5. th. 2. Harprecht *ad cit.* §. *Fera* 12. *Inst. de R. D.* a n. 236. Besold. *part. 1. conf.* 16. a n. 49. Ubi n. 52. tradit, quod jus venandi sit jus commoditatis cuiusdam habens similitudinem cum servitute personali magis, quam reali, adeo ut habens illud jus acquisitum, si impediatur, possit intentare actionem *utilem Confessoriam*, & Interdictum *uti possidetis*. Et ita teste eod. Besoldo in quodam casu respondit inclyta Facultas Juridica *Ingolstadtensis*, quam sequitur D. Bassus *de venat. cit. contr.* 2. a n. 2. refutans Zasium & Gaillum 2. *obs.* 66. concludensque: Venationem esse potius jus quoddam certis quibusdam personis ob *dignitatem* & *Nobilitatis prærogativam* ex speciali privilegio, vel titulo competens. Adeoque quasi medium inter servitutes *Personales* & *Reales*, habens tamen similitudinem magis cum *Personali* quam *Reali*.

848. Ejusdem sententiæ contra plebeios & ignobiles, jus venationis & servitutis in fundis Dominorum sibi arrogantes, videri potest Everhard. Jun. *d. volum.* 1. *conf.* 10. a n. 31. adducens exempla prohibitionum quibus personæ hujusmodi arcentur a similibus venationis exercitiis, quo magis in sua functione & artificio retineantur; ut liquet ex *tit. C. Ne rustici ad ullum obs. devocen.* & *tit. C. Negotiatores ne milit.* ac ex *l. pen. & l. fin. C. de Cohort.* Quod ipsum, ultra allegatos DD. tenent Feudistæ in *c. 1. Nemo retia sub tit. de Pace ten. & ejus violat.* Et his consentit L. *Domini prædiorum* 5. & L. 1. *C. de Agric. & cens.* ubi decernitur rusticos ea tantum sibi optare debere, quæ statui rusticano conveniunt, non vero venationi dare operam. Bartol. in *conf. de falcon.* VVeizenegg. *de aucup. c. 5. n. 14.*

Cum igitur ignobiles personæ jure ipso prohibeantur venationibus vacare: minime possunt in fundis propriis dominorum, jus servitutis alicujus longævo venandi exercitio ibidem quæsitum obtinere.

849. Pari autem ratione non est tantopere difficultas circa silvas & fundos publicos, Fisci scilicet, seu Principis, qua Principis territorialis; de his enim eadem resolutio procedit, ac prolata hic immediate est, de fundis speciali, eoque privato jure Principi quæsitis & ejus propriis. *Reservata fisco.*

fiscales quasi propriae & privatae Principis sunt, per l. 2. §. 3. ff. ne quid in loco publ. ac proin sicut in illius locis propriis, ita in his fiscalibus invito Principe venari non licet, juxta d. l. D. Pius & cit. §. Feræ. Aut si subditi jus præscriptionis opponant, ad hanc certum est ex dictis supra, requiri actus prohibitioni contrarios ex parte subditorum, qui nunquam fuisse præsumuntur, & acquiescentia ex parte Principis. Quæ licet etiam (dato non concessio) intercessisset, adhuc saltem respectu plebeiorum, tum hic ipse, tum alius prioris succedaneus territorii dominus, acquiescentiam hanc ob rationes jam adductas interrompere, & venationem subditis his plebeiis tanquam juris hujus præscribendi incapacibus prohibere potest.

850. Imo prohibitionem hanc in locis publicis, Fiscus patrimonium concernentibus, non obstante ullo præscriptionis colore, fieri posse à Principe quo ad omnes suos subditos, post alios DD. absolute defendit VVesemb. in paratit. de acquir. rer. dom. n. 7. ubi ait: Et hæc, nunc præcipua ratio principum venationum jura sustinet, quæ in universum Principes contrario quodam publico Gentium jure ad se transtulerunt, & ademerunt subditis, maxime rusticis & agricolis, c. i. §. si quis rusticus vers. nemo retia ubi Alvar. de pace tenend. in usibus feud. Quia enim saltus & nemora, in quibus feræ libere vagantur, sunt loca publica, ideo recepto quodam jure superioritatis, ut reliqua jura, ita etiam loca publica ad se Principes transtulerunt, L. Littora 3. ff. ne quid in loco publ. L. de precario ff. ad Leg. Rhod. de jact. ubi Bald. de quadrien. præscr. Unde usurpatum, ut liceat Principi in publicis locis aut concedere jus aliquod servitutis NB. aut ADIMERE, l. servitute 14. §. publico ff. de servit. l. 2. §. merito & tot. tit. ff. ne quid in loco publ. aut vetare privatis usurpationem loci publici, l. 3. in verba nisi Imperator vetet de flumin. peræque atque privatus usum sui fundi alius interdiceret potest, d. L. Divus. Quare cum hoc dominium locorum publicorum Principes habeant jam quesitum & sibi attributum, non tantum dispositione legis: sed etiam longa consuetudine & usurpatione: consentaneum videtur, ut peræque in publicis locis, tanquam in suis, jus venandi subditis suis prohibere potuerint & possint, quemadmodum quisque privatus vetare in suo fundo potest, d. L. Divus, de servit. rust. præd. Neque enim Princeps deteriore loco esse debet, quam privatus, nec causa est, quo minus jure privatorum recte utatur, ut traditur in L. Item veniunt §. in priva-

iis relinquendo) de novo privant. *Molin. d. q. 46. n. 3.* Facilius enim rei communis ad totam aliquam Universitatem, Civitatem &c. pertinentis usum, Princeps *jure gubernationis*, accedente rationabili alia causa, sibi vendicant, quam rem unius. Quia singuli Cives quo ad arbitrium *disponendi de rebus suis* minus dependent ab ea gubernatione Principis, quam res Universitatis.

856. Ex dictis jam patet, quid in proposito casu decidendum sit circa prætenfam venationem in fundis Principi propriis, & *jure privati* domini ab eo possessus; ac quid statuendum de eadem venatione continuanda in *locis publicis Fisci*, vel unius certæ *Communitatis*, aut *privati* civis dominio subjectis fundis & silvis. Si igitur subditi *non probent* in allegata *immemoriali præscriptione* intercessisse usum venandi *expressæ* inhibitioni Principis *scientis & tacentis* contrarium, & hujus (tempore ad præscriptionem hanc sufficiente) præstitam *acquiescentiam*: non habebit locum prætenfa præscriptio, per n. 838.) & Princeps modernus poterit ad normam immemorialis consuetudinis in tota Germania receptæ, & Legibus, Doctorumque *judicio a n. 832. (9. seq.)* firmatæ, reservare sibi venationes in aliquibus locis tam *publicis*, quam *communibus*, imo & *privatis* subditorum, permissa illis nihilominus saltem *minore* venatione, ac usu etiam *majoris*, saltem quo ad fundos *proprios* eorum qui sunt ex Nobilitate, aut bene de Republica meriti. Neque per *leges inhábiles* facti ad hujuscemodi exercitium, ut pro talibus haberi ignobiles personas ostendimus a n. 848.

SOLVUNTUR CONTRARIA.

857. Posito autem casu, quod iidem subditi excipiant contra hanc resolutionem: dicantque se non debere probare prohibitionem Principum territorialium, neque suum contrarium usum & eorum *acquiescentiam scienter* factam, eo, quod immemorialis præscriptio (qualis hoc casu intercessisse asseritur) liberet præscribentem a probatione conditionis *bonæ fidei*, idque onus devolvat in eum, contra quem præscriptum est, ut hic malam fidem, aut aliud præscriptionis vitium ostendat, *C. fin. de præscr. C. Vigilanti eod. Cov. in c. Possess. p. 2. c. 8. n. 6.* Talis enim præscriptionis casu, præsumitur bona fides, & *tempus immemoriale* habet vim *tituli*, Menoch. l. 3. *presumpt. 21. n. 49.* &
præ-

presumpt. 32. n. 79. *Mynf.* 4. *obs.* 6. n. 5. *Klock.* vol. 1. *Conf.* 21. n. 76. *Brunnem.* *Conf.* 148. &c.

858. Contra erit I.) quod quando Jus commune, *CON-
JUEUDO*, aut prohibitio Superioris est contra præscriben-
tem, tunc requiratur ostensio *Tituli*, consequenter & bonæ
fidei, per præscribentem probandam, *Cap. Dudum* 31. *de
Decim.* circa fin. nil juvante tempore immemoriali, *Hartm.
Pistor.* q. 46. *Joh. Otto Tabor.* dec. ac *Consult.* 62. n. 34. *Less.
de J. & J. c.* 5. n. 41. Porro prætenſa immemoralis præscri-
ptio est contra antiquissimam Germaniæ consuetudinem, vi
cujus Principes venationum Jus semper sibi reservarunt, ut
patet ex n. 835.) & id attestantur fere omnes Germaniæ
Scriptores cum *Everhard. Jacob. a S. Georgio, Gaill. Fa-
chin. VVeizeneg. Basso & aliis* supra cit. Stat igitur lon-
ge fortior præsumptio pro Principe, cujus intentio fun-
data est in *Generali* consuetudine.

II.) Quia præscriptio immemoralis vitiatur, si vitium &
mala fides probentur, *C. fin. & C. Vigilanti, de Prescr. Cov.
in C. Possess.* p. 2. c. 8. n. 6. etiam si bona fides in dubio præ-
sumatur, *Menoch.* l. 3. *presump.* 31. n. 39. & *presump.* 32.
n. 79. *Gail.* 2. *Obs.* 18. n. 7. *Mynf.* 4. *Obs.* 6. n. 5. *Gilken.* p.
2. *de præscr. membr.* 2. c. 1. n. 6. *Klock.* vol. 1. *conf.* 21. n.
76. add. *Conf.* 29. n. 363. *Brunnem.* *Conf.* 148. Atqui hoc
vitium tum ex defectu *tituli*, tum bonæ fidei, eo ipso in-
aprico est, quod manifestum sit, Jus venandi Principibus
Germaniæ inter *specialia* eorum jura, consuetudine gene-
rali & vi investituræ competere, & reputari.

III.) Vitium hoc probat *generalis prohibitio*, ubique e-
nim locorum Principes Germaniæ Jus venandi arctissime
sibi competere protestantur, & subditos tum per *proclama-
ta*, tum per *Edicta & penas* arcant. Præscriptionem igitur
ita in requisitis conditionibus deficientem non potuit in-
ducere longæva juris venandi usurpatio, *C. contra* 8. *diff.*
100. c. *causam* 7. *de præscr.* ac proin neque illa causari po-
tuit ex solo temporis immemoralis lapsu, *Gloss. in cap.
diu simul, de Offic. Ordin.* ac in *l. Obligationum* fere §. *plac-*
et, ff. de O. & A. *Bart.* in *l. un. C. de usucap. trans-*
formand.

859. Hinc IV.) cum præscriptio odiosa sit, in dubio
contra eam potius, quam pro illa interpretatio facienda
est, & contra illam judicandum erit, *Craver. conf.* 29. n. 9.
vol. 1. *Cephal. conf.* 403. n. 23. lib. 3. *VVeſenbec.* 1. *conf.* 2.

n.2. ubi ostendit, quod in qualibet præscriptione, cui jus speciale vel consuetudo generalis resistit, per cit. C. dudum 31. de Decim. probandus sit Titulus, ad jus transferendum idoneus; quo facit l.1. in fin. ff. de public. in rem act. ac C. Si diligenti 17. de præscript.

Pro confirmatione horum, V.) Videatur Nicolaus Everhard. jun. l.c. tom. 1. f. 512. n. 28. ubi probat, præter titulum, qui etiam in immemoriali præscriptione probandus est, si fuerit contra generalem consuetudinem &c. adhuc in præscriptione quadragenaria quoque jurium incorporalium (utpote talium quæ non proprie possidentur, l.4. §. 27. ff. de usucap. veluti sunt officia, jura venandi, præsentandi, votandi, eligendi &c. quævis item servitutes ne dum urbanae: sed etiam rusticae, ac prædiales, reales, pariter ac personales &c.) debere probari SCIENTIAM & PATIENTIAM eius, contra quem præscribitur, l. 15. §. 1. verb. patiat, ff. de servit. l. 10. ff. de servit. vindic. l. ult. ff. de servit. ac l. 2. C. eod. Struv. Ex. 43. th. 15. Scientia enim & patientia in his Juribus traditionis loco habetur, l. 20. ff. de servit. l. quemadmodum 46. §. 1. ff. de Jure dot. l. pen. ff. de servit. l. servitutes 20. ff. de servit. urb. præd. Quod intelligi debet tunc demum, si cum patientia conjuncta fuerit scientia, l. 2. c. de acq. poss. l. 13. §. fin. ff. locat. Fachin. 13. controuv. 50.

Nisi forte adesset titulus, v.g. quia is, qui cum non esset, credebatur tamen dominus, concessit tibi ius transitus per agrum, aut tigni immittendi &c. tunc enim elapso 10. inter præsentem, 20. inter absentes annorum curriculo, cum bona fide præscribes jus servitutis, l. fin. c. de præscr. long. temp. Similiter servitus mere realis, si sit continua, vel quasi continua, absque titulo cum scientia & patientia adversarii præscribetur decennio inter præsentem, 20. annis inter absentes, l. 1. & 2. c. de servit. & aqua. Discontinua vero absque titulo non præscribitur, nisi tempore immemoriali, l. per servitutes 4. ff. de servit. Gomez t. 2. c. 15. n. 28. Less. de J. & J. l. 2. c. 6. a n. 28. & 29. Brunnem ad l. fin. ff. de servit. n. 1. Struv. l. c. th. 15. Hann. ad VVesenb. de servit. n. 5. Hi DD. explicant quomodo in juribus affirmativis incipiat possessio a die b. f. & cum titulo; vel sine eo inchoata possessionis: & in negativis a die prohibitionis ex una; & acquiescentia ex altera parte.

VI.) De Præscriptione autem actuum mere facultatis, talibus

libus exceptis, qui non sunt in *Judicium deducibiles*, & quorum nomine non est actio aut obligatio (quales v. g. sunt, si ad meam mensam sæpius per annum prandeas mecum gratis &c.) circa reliquos omnes ita loquitur Balbo de præscript. 4. q. 1. docens: *Quæ sunt meræ facultatis præscribi possunt interveniente* NB. prohibitione unius & patientia alterius, puta: volebam molere, Titius prohibuit, acquievi longissimo tempore, quæsitæ est præscriptio &c. Rosen. disp. de præscr. jur. negativi in præfation. & c. 2. §. 6. addit: quia superveniente **PROHIBITIONE**, & prohiberi per tempus legitimum **PATIENTIA**, præscriptio in talibus actibus, qui in *Judicium deducibiles* sunt, (uti sunt illi, qui aliquam quasi cum servitute quadam vel libertate ab ea, similitudinem habent) locum obtinet, per l. 45. ff. de usucap. l. 7. ff. de divers. temp. præscript. Vide l. 1. & ibi Bart. C. de nundin. VVesemb. l. 1. cons. 2. n. 94. Bald. in l. eum, qui 2. C. si omisse caus. testam. ubi ait, quætionem de actibus præscriptionis non procedere in facultate juris quæsitæ, quia jus potius est, quam facultas.

860. Huc facit VII.) Quod quamvis, abstrahendo a consuetudine & legibus particularibus Germaniæ, doceatur communiter Jus venandi præscriptione *immemoriali* obtineri posse, ut tradit Molin. d. disp. 46. n. 5. Less. d. c. 5. n. 41. Laym. L. 3. tr. 1. c. 5. n. 15. & alii citati n. 833.) consequenter subditi libertatem venandi omnimodam, saltem in prædiis propriis facilius recuperare posse videantur, si de jure scripto communi, & abstrahendo a speciali Germaniæ praxi ac Principum juribus, disputandum esset; favore enim libertatis, & odio negligentiam usum debitæ sibi servitutis (si hæc locum hic haberet, juxta dicta n. 847.) constitutum est, ut servitutes, quarum usus, etiam maximo quinque annorum fluxu interruptitur, 20. vel ad summum, ut alii volunt, 40. annorum non usu & desidia amittantur, l. sicut l. ult. C. de servit. & aqua. Schneidevv. Inst. de servit. præd. §. ult. n. 2. Gloss. in cap. cum Ecclesia Sutrina §. ult. Verb. Brevitatem temporis, de caus. poss. & propr. Panormit. in c. de quarta n. 31. de præscr. Et vid. Less. l. 2. c. 6. n. 30.

861. Nihilominus hæc non ita facile procedunt in puncto Venationis a subditis præscribendæ contra suum Principem, cujus intentio fundata est in Legibus Imperii adductis hic n. 847. & 850.) pariter ac in generali consuetudine

hinc Magnatum Germaniz. Hinc Ferdinandus VVeizenegger *loc. cit.* c. 3. n. 23. *fin.* super hoc præscriptionis puncto, citatis aliis Doctoribus, ita loquitur „Hodie in Imperio *LIBERTATIS USUCAPIO* exiguum videtur locum habere. Quamvis enim Principes rarissime venentur in singulis privatorum prædiis, mandata tamen prohibitoria *PERPETUA* subditos a venando cohibent, quibus contradicere amplius non licet; sed ideo parere necesse est, quod Principes *Jus QUÆSITUM* habeant; idque sibi proclamatis & edictis prohibitoriis conferunt. Quodsi hic Eruditorum sensus est de præscriptione libertatis venandi in propriis prædiis, facile concludi potest, quid dicendum sit de illa prætensa etiam quo ad loca publica, fiscalia, & communitatum, vel privatorum dominorum eidem Principi subjectorum! Frustra quoque hic n. 843.) dubitant subditi, an Principi Imperatoria, & Electorali dignitate inferiori competant jura Regalium, quasi regalium & Majestatica; hæc enim istis quoque competere constabit hic infra ex n. 958.

862. Sed jam permittamus interim, quod *Jus venandi Germanicum* nihil aliud sit, quam *servitus in fundis subditorum popularium, jurisdictioni Principum atque Nobilium debita*, ut cum alijs vult celeberrimus olim Ingolstadiensis Universitatis Professor Franc. Zoanetti *l. de dupl. venat.* n. 105. Supponamus quoque casum, quod subditi in Germania contra suum Principem usucapione immemorialistemporis, cum bona fide, & justo titulo præscriperint *jus venandi in locis publicis, fiscalibus & communibus*, quosque proprios fundos & silvas jure servitutis Principi ad venandum debitorum, via præscriptionis liberarint: adhuc his minimè obstantibus Princeps vi suæ superioritatis & jurisdictionis *jus illud subditis quæsitum* potest pro bono & æquo sua auctoritate restringere, perinde ac si nulla præscriptio intercessisset.

863. Ratio hujus est: Præscriptio enim circa ista, quæ sunt contra *publicam utilitatem*, nihil operatur, uti docent Abbas in *C. extirpandæ* §. qui vero n. 27. de præb. & *C. cum non de præscr.* n. 1. & 13. Mandel. Conf. 62. n. 35. & conf. 64. n. 91. Henric. Boich. *C. si diligenti* n. 51. de præscr. ac ante eum Castr. in *l. jam pridem C. commun. de usucap.* Petr. de Ubaldo. in *repet. d. C. si diligenti* in 7. requisito, col. 3. Gylmann. *l. c.* n. 30. Rosener *loc. comm.* l. 14. c. 97. n. 2.

864. At-

864. Atqui asserta venationis contra Principem præscriptio est contra *publicam utilitatem*. Uti enim demonstrat id Cov. ad C. peccatum p. 2. §. 8. n. 1. & 3. Tiraq. de Nobil. c. 37. n. 140. Dom. Soto de J. & J. l. 4. q. 6. a. 4. Fachin. l. 1. contr. 1. VVesenh. in paratit. de A. R. D. n. 7. feræ bestię deserviunt ornamento, decori & utilitati Reipublicę : si autem subditis jus venandi præscribentibus permittatur, eorumque ac vulgi temeritati relinquatur venatio, facile extirpabuntur fera animalia, & venationis *utilitas* tollitur: Ne igitur id eveniat, suadent laudati Auctores, venationem non esse committendam arbitrio subditorum, sed certo ordine, certisque legibus, ac non ab omnibus personis exercendam esse. Porro leges hujusmodi præscribere jure gubernationis ad Principem ita pertinet, ut iis jus venandi permittat, quibus permittendum judicaverit, remotis aliis, quos æquo arbitrio removendos a venatione censet. Ordinatio autem hæc adeo necessaria *publicæ* territorii *utilitati* non posset sortiri effectum, si præscriptionis obtentu plena venandi libertas penes subditos maneret.

865. Imo admissa hac usucapione subditorum contra Principem, cum exclusione ejus a libera dispositione circa eam, superioritas hujus in discrimen vocatur: *Venandi* quippe *jus territorii* & *iuri superioritatis* adhæret, ut tradunt Menoch. Conf. 202. n. 31. Dec. conf. 22. vol. 4. Mendos de inhibit. q. 6. n. 2. Heig. p. 1. q. 15. n. 54. vel saltem *dominium jurisdictionem* sequitur, ut tradit Zoanett. ad l. 2. C. de pass. inter empt. & vend. p. 204. Rosentheil. de feud. 115. concl. ult. n. 8. & alii citati hic a n. 833.) Si igitur subditi Principem prohibeant, quo minus pro *utilitate* territorii disponat de venandi jure, quid illi superest, nisi ut ita sensim reliquis etiam juribus, ac demum ipsa quoque superioritate per eos privetur?

§. II.

Examinantur reliquę quęstiones de acquirendo ferarum, volucrum & piscium dominio.

S U M M A R I U M.

766. &c. Princeps potest subditis prohibere venationem ita, ut eos faciat inhabiles ad acquirendum feræ dominium.

873. &c.

di &c. non opus habent præscriptione immemoriali: sed quadragenaria tantum, per *l. omnes 4. C. de Præscr. 30. an. Schmier T. I. f. 281.*

844. Tanto magis autem in casu proposito jus subditorum certum est; cum tempore immemoriali in exercitio venationis libero perstiterint, scientibus & nunquam contradicentibus antecessoribus territorii Dominis: Contra modernum autem in nullo deliquerunt, nec in quopiam utilitatem, salutem, aut securitatem publicam territorii offenderunt, propter quod jure hoc quæsito privari possent, per *L. si locus §. 1. ff. quemadmod. servit. amit. l. 9. C. de oper. publ. l. 2. §. 17. ff. Ne quid in loco publ.*

845. Cum igitur subditi jus venandi a tempore immemoriali quasi-possederint, & dominium ejus præscriptione acquisiverint, possunt illud *actione utili Confessoria* vindicare cum Interdicto *uti possideris*; utpote jus in fundo radicatum habentes, quidquid sit, an venatio sit fructus fundi, aut jurisdictionis, vel fructus prædialis, prout illam nihil horum esse, post alios, erudite probat D. Bassus *d. l. contr. 2. a n. 1.* Et liquet ex *L. Venationem 26. ff. de usur.* ubi *Julianus* aperte negat venationem fructum fundi esse, continetur tamen inter emolumenta & commoda.

DECIDITUR QUÆSTIO.

846. Ut autem rationes hæc solidæ videantur, propter eas tamen nequit Princeps dominus territorialis ita absolute & sine ulla limitatione injustitiæ damnari, ut prohibitio ac reservatio illa juris venandi *integre* relinquantur penes subditos, pristinoque usui eorum restituatur, ut ipsi volunt. Ac proin mediam hoc in casu incundo viam, distinguimus inter loca, fundos & nemora territorii, in quo asseritur subditis præscriptione quæsitum esse jus venandi liberum. Sunt enim illa alia fortan *propria* Domini territorialis, speciali eoque *privato* jure acquisita, v.g. emptione, donatione &c. alia dein domanialia *publica* *Fisci*, seu Principis *qua* Principis territorii, & demum alia *communitatum*, *privatorum* Civium, & Incolarum.

847. Quod itaque concernit silvas & fundos *speciali* ratione *propriis* solius Principis, sive Domini cujusvis territorialis, hic potuit & potest omnibus omnino vel *programmatis* proposito, vel *proclamatis* intercedente prohibere in illis venationem, eodem jure, quo *privatus* quilibet in suo fundo

do prohibere potest, l. 3. §. plane, ff. de acquir. rer. dom. Eaque prohibitio statim ab initio vires & locum habet. Joan. Fab. ad d. §. Feræ n. 3. Cov. ad c. peccatum p. 2. §. 8. n. 6. Gilken ad cit. §. Feræ n. 16.

Neque obstat *pretensa* immemorialis præscriptio: quod enim Dominus territorialis in suis propriis fundis v.g. a 100. annis non fuerit venatus, vel quod *specialiter* non inhibuerit venationem subditis ne eam in illis exercerent, actus omissionis hujusmodi fuit actus *meræ facultatis*: per dicta igitur a n. 838.) requirebantur actus subditorum præscribentium *contrarii* prohibitioni Principis *expresse* interdicentis, & tandem hujus *scientis* & *tacentis* acquiescentia; porro, siquidem Princeps ille in suis propriis fundis venationem subditis nunquam *expresse* prohibuit, non potuit fieri, neque rationabiliter fuisse præsumi potest usus subditorum *prohibitioni contrarius*: & consequenter neque fuit *acquiescentia* ex parte prohibentis *scientis* & *tacentis*, ad præscriptionem talem necessaria, præsertim cum Gentium & civile jure permittente, semper liberâ adsit facultas domino privato fundi, prohibendi quando voluerit; venationem in eo exercendam, ut constat ex cit. §. Feræ 12. inst. de R. D. ibi: *Plane qui alienum fundum ingreditur VENANDI; aut AUCUPANDI gratia: potest a Domino; si is præviderit, prohiberi ne ingrediat. Quo etiam facit L. Divus Pius 16. ff. de servit. præd. rust. ubi dicit Impr. Non est consentaneum; ut per aliena rædia, invitis dominis aucupium faciatis*; juncta l. 3. §. 1. ff. de acqu. rer. dom. ac l. ult. §. 3. ff. quod vi aut clam, l. 13. in fin. ff. de injur. Quibus consentit l. per agrum 11. C. de servit.

Neque replicationi hic ullus locus est, si dicant subditi se jus servitutis discontinuæ prædialis acquisivisse in fundis Domini sui propriis, ut in illis venari possint. Nam 1.) etiam ad servitutem præscribendam, per cit. nu. 838. & 859.) requiritur *usus* prohibitioni *contrarius* ex parte subditorum, & *acquiescentia* ex parte domini *scientis*, impedire valentis, & tamen *tacentis* post *factam* *expresse* prohibitionem. 2.) Si venatio in fundo alieno esset *servitus realis*, sive *prædialis*, tunc prædio dominante in quacunque manus alienato, competeret Possessori jus venationis, l. 1. §. datur, ff. de aqua quotid. l. usus aquæ 21. ff. de usu & habit. l. non solum 8. §. tale, 3. ff. de libera. leg. Atqui hoc falsum est, quia prædio nobili in manu personæ ignobilis & plebejæ alienato, nulla prorsus eidem venatio

fiscales quasi propriae & privatae Principis sunt, per l. 2. §. 3. ff. *ne quid in loco publ.* ac proin sicut in illius locis propriis, ita in his fiscalibus invito Principe venari non licet, juxta d. l. D. Pius & cit. §. *Ferae*. Aut si subditi jus praescriptionis opponant, ad hanc certum est ex dictis supra, requiri aclus prohibitioni contrarios ex parte subditorum, qui nunquam fuisse praesumuntur, & acquiescentia ex parte Principis. Quae licet etiam (dato non concessio) intercessisset, adhuc saltem respectu plebejorum, tum hic ipse, tum alius prioris succedaneus territorii dominus, acquiescentiam hanc ob rationes jam adductas interrompere, & venationem subditis his plebeiis tanquam juris hujus praescribendi incapacibus prohibere potest.

850. Imo prohibitionem hanc in locis publicis, Fisci patrimonium concernentibus, non obstante ullo praescriptionis colore, fieri posse a Principe quo ad omnes suos subditos, post alios DD. absolute defendit VVesemb. in paratit. de acquir. rer. dom. n. 7. ubi ait: *Et haec, nunc praecipua ratio principum venationum jura sustinet, quae in universum Principes contrario quodam publico Gentium jure ad se transtulerunt, & ademerunt subditis, maxime rusticis & agricolis, c. 1. §. si quis rusticus vers. nemo retia ubi Alvar. de pace tenend. in usibus feud.* Quia enim saltus & nemora, in quibus ferae libere vagantur, sunt loca publica, ideo recepto quodam jure superioritatis, ut reliqua jura, ita etiam loca publica ad se Principes transtulerunt, L. Littora 3. ff. *ne quid in loco publ.* L. de precatio ff. ad Leg. Rhod. de jact. ubi Bald. de quadrien. praeser. Unde usurpatum, ut liceat Principi in publicis locis aut concedere jus aliquod servitutis NB. aut ADIMERE, l. servitute 14. §. publico ff. de servit. l. 2. §. merito & tot. tit. ff. *ne quid in loco publ.* aut vetare privatis usurpationem loci publici, l. 3. in verb. nisi Imperator vetet de flumin. peraeque atque privatus usum sui fundi aliis interdicare potest, d. L. Divus. Quare cum hoc dominium locorum publicorum Principes habeant jam questum & sibi attributum, non tantum dispositione legis: sed etiam longa consuetudine & usurpatione: consentaneum videtur, ut peraeque in publicis locis, tanquam in suis, jus venandi subditis suis prohibere potuerint & possint, quemadmodum quisque privatus vetare in suo fundo potest, d. L. Divus, de servit. rust. praed. Neque enim Princeps deteriore loco esse debet, quam privatus, nec causa est, quo minus jure privatorum recte utatur, ut traditur in L. Item veniunt §. in privatorum

De prædiis & fundis *communitatum* (uti sunt Civitatis alicujus possessiones) vera est opinio *Theologorum*, hic n. 840.) adducta docens, non posse Principem *omnia unius communitatis loca*, etiam ex *causa recreationis* sibi debita vel *necessariæ sustentationis*, aut *sumptum* Provinciæ communium reservare, multo minus posse *omnia* illi prohibere, si immemoriali usu pacifico munita est. Id enim foret *inhumanum*, ut communiter illi tenent cum *Fumo*, *Cajet. Nav.* & aliis citatis n. 831. & 840.) specialem vero affert rationem Sotus de J. & J. l. 4. q. 6. a. 4. dicens: *sunt enim fœcæ, aves & pisces jure Gentium communes, ut locis Inst. & ff. de rer. divis. citatum est: & ideo non est nimium Populus a venatione cohibendus, quandoquidem libertatem etiam habet illo modo tum animum recreandi, tum & queritandi viduum.*

834. Hanc Soti sententiam sequitur Molina de Just. tr. 2. d. 46. n. 3. *Rebell. de Just. p. 1. l. 1. q. 14. Sect. 2. Less. l. 2. c. 5. n. 35. Azor p. 3. Inst. mor. l. 5. c. 16. q. 1. in fin. Layman l. 3. de J. tr. 2. c. 5. n. 15.* Et quantum mihi constat, nullus est ex Theologis, qui *omnia unius communitatis loca* Principis solius venationi, *penitus* exclusa communitate, dominium proprietatis habentē, liberaliter attribuat, ita, quin saltem *minor venatio* huic relinquatur, Grotius quidem l. c. l. 2. c. 2. n. 5. putat, etiam minori venatione, piscatione, & aucupio posse per Principem privari communitates, independenter ab alia causa, quam quod Princeps *jure superioritatis* polleat: Verum assentatio hæc non coheret cum opinione ipsiusmet Auctoris hujus, qui in plerisque locis ibidem tenet contrarium, ac sibi ipsi non constat, juste proin a majore & saniore Eruditorum, etiam Legistarum parte communissime refellitur, qui solo Superioritatis titulo non contenti aliam *justiorem* causam ad effectum *universalis* prohibitionis hujusmodi venationis requirunt. Confer n. 837.)

855. Cum autem adductorum *Theologorum* aliorumque Doctorum judicio jus venandi incolis sine causa nunquam; cum causa vero nonnisi *limitate* prohiberi possit in locis *Communitatum* Principis *jurisdictioni* *subjectarum*, facile colligere licebit causas *graviores* requiri ad jus, quod quivis particularis Civis subditis in *privatis* suis prædiis habet, auferendum. Nec ullo modo excusari posse Principes, qui sine causa subditos suos hoc fructu venationis contra jus & usum antiquum (ne *minorem* quidem venationem

illis relinquendo) de novo privant. Molin. d. q. 46. n. 3. Facilius enim rei communis ad totam aliquam Universitatem; Civitatem &c. pertinentis usum, Princeps *jure gubernationis*, accedente rationabili alia causa, sibi vendicant, quam rem unius. Quia singuli Cives quo ad arbitrium *disponendi de rebus suis* minus dependent ab ea gubernatione Principis, quam res Universitatis.

856. Ex dictis jam patet, quid in proposito casu decidendum sit circa prætentam venationem in fundis Principi *propriis*, & *jure privati* domini ab eo possessus; ac quid statuendum de eadem venatione continuanda in *locis publicis Fisci*, vel unius certæ *Communitatis*, aut *privati* civis dominio subjectis fundis & silvis. Si igitur subditi *non probent* in allegata *immemoriali præscriptione* intercessisse usum venandi *expressæ* inhibitioni Principis *scientis & tacentis* contrarium, & hujus (tempore ad præscriptionem hanc sufficiente) prætitam *acquiescentiam*: non habebit locum prætensa præscriptio, per n. 838.) & Princeps modernus poterit ad normam immemorialis consuetudinis in tota Germania receptæ, & Legibus, Doctorumque judicio a n. 832. (9. seq.) firmatæ, reservare sibi venationes in aliquibus locis tam *publicis*, quam *communibus*, imo & *privatis* subditorum, permittit illis nihilominus saltem *minore* venatione, ac usu etiam *majoris*, saltem quo ad fundos *propriis* eorum qui sunt ex Nobilitate, aut bene de Republica meriti. Neque per leges inhábiles facti ad hujuscemodi exercitium, ut pro talibus haberi ignobiles personas ostendimus a n. 848.

SOLVUNTUR CONTRARIA.

857. Posito autem casu, quod iidem subditi excipiant contra hanc resolutionem: dicantque se non debere probare prohibitionem Principum territorialium, neque suum contrarium usum & eorum acquiescentiam *scienter* factam, eo, quod immemorialis præscriptio (qualis hoc casu intercessisse asseritur) liberet præscribentem a probatione conditionis *bonæ fidei*, idque onus devolvat in eum, contra quem præscriptum est, ut hic malam fidem, aut aliud præscriptionis vitium ostendat, C. *fin. de præscr. C. Vigilanti eod. Cov. in c. Possess. p. 2. c. 8. n. 6.* Talis enim præscriptionis casu, præsumitur bona fides, & *tempus immemoriale* habet *vim tituli*, Menoch. l. 3. *presumpt. 21. n. 49.* & præ-

presumpt. 32. n. 79. *Mynf.* 4. *obs.* 6. n. 5. *Klock.* vol. 1. *Conf.* 21. n. 76. *Brunnem.* *Conf.* 148. &c.

858. Contra erit I.) quod quando Jus commune, **CONSUETUDO**, aut prohibitio Superioris est contra præscribentem, tunc requiratur ostensio *Tituli*, consequenter & bonæ fidei, per præscribentem probandam, *Cap. Dudum* 31. de *Decim.* circa fin. nil juvante tempore immemoriali, *Hartm. Pistor.* q. 46. *Joh. Otto Tabor.* dec. ac *Consult.* 62. n. 34. *Less.* de *J. & J. c.* 5. n. 41. Porro prætenſa immemorialis præscriptio est contra antiquissimam Germaniæ consuetudinem, vñ cuius Principes venationum Jus semper sibi reservarunt, ut patet ex n. 835.) & id attestantur fere omnes Germaniæ Scriptores cum *Everhard. Jacob.* a *S. Georgio*, *Gaill. Fachin.* *VVeizeneg.* *Basso* & aliis supra cit. Stat igitur longe fortior præsumptio pro Principe, cuius intentio fundata est in *Generali* consuetudine.

II.) Quia præscriptio immemorialis vitiatur, si vitium & mala fides probentur, *C. fin. & C. Vigilanti*, de *Prescr. Cov.* in *C. Possess.* p. 2. c. 8. n. 6. etiã si bona fides in dubio præsumatur, *Menoch.* l. 3. *presump.* 31. n. 39. & *presump.* 32. n. 79. *Gail.* 2. *Obs.* 18. n. 7. *Mynf.* 4. *Obs.* 6. n. 5. *Gilken.* p. 2. de *prescr. membr.* 2. c. 1. n. 6. *Klock.* vol. 1. *conf.* 21. n. 76. add. *Conf.* 29. n. 363. *Brunnem.* *Conf.* 148. Atqui hoc vitium tum ex defectu tituli, tum bonæ fidei, eo ipso in aprico est, quod manifestum sit, Jus venandi Principibus Germaniæ inter *specialia* eorum jura, consuetudine generali & vi investituræ competere, & reputari.

III.) Vitium hoc probat *generalis prohibitio*, ubique enim locorum Principes Germaniæ Jus venandi artissime sibi competere protestantur, & subditos tum per *proclamationes*, tum per *Edicta* & *pœnas* arcent. Præscriptionem igitur ita in requisitis conditionibus deficientem non potuit inducere longæva juris venandi usurpatio, *C. contra* 8. *dist.* 100. c. *causam* 7. de *prescr.* ac proin neque illa causari potuit ex solo temporis immemorialis lapsu, *Gloss. in cap. diu simul*, de *Offic. Ordin.* ac in *l. obligationum* fere §. *placeat*, ff. de *O.* & *A. Bart.* in *l. un. C. de usucap. transformand.*

859. Hinc IV.) cum præscriptio odiosa sit, in dubio contra eam potius, quam pro illa interpretatio facienda est, & contra illam judicandum erit, *Cravet. conf.* 29. n. 9. vol. 1. *Cephal. conf.* 403. n. 23. lib. 3. *VVeſenbec.* 1. *conf.* 2.

n. 2. ubi ostendit, quod in qualibet præscriptione, cui jus speciale vel consuetudo generalis resistit, per cit. C. dudum 31. de Decim. probandus sit Titulus, ad jus transferendum idoneus; quo facit l. 1. in fin. ff. de public. in rem act. ac C. Si diligenti 17. de præscript.

Pro confirmatione horum, V.) Videatur Nicolaus Everhard. jun. l. c. tom. 1. f. 512. n. 28. ubi probat, præter titulum, qui etiam in immemoriali præscriptione probandus est, si fuerit contra generalem consuetudinem &c. adhuc in præscriptione quadragenaria quoque jurium incorporalium (utpote talium quæ non proprie possidentur, l. 4. §. 27. ff. de usucap. veluti sunt officia, jura venandi, præsentandi, votandi, eligendi &c. quævis item servitutes ne dum urbanae: sed etiam rusticae, ac prædiales, reales, pariter ac personales &c.) debere probari SCIENTIAM & PATIENTIAM eius, contra quem præscribitur, l. 15. §. 1. verb. patiatur, ff. de servit. l. 10. ff. de servit. vindic. l. ult. ff. de servit. ac l. 2. C. eod. Struv. Ex. 43. th. 15. Scientia enim & patientia in his Juribus traditionis loco habetur, l. 20. ff. de servit. l. quemadmodum 46. §. 1. ff. de Jure dot. l. pen. ff. de servit. l. servitutes 20. ff. de servit. urb. præd. Quod intelligi debet tunc demum, si cum patientia conjuncta fuerit scientia, l. 2. c. de acq. poss. l. 13. §. fin. ff. locat. Fachin. 13. controuv. 30.

Nisi forte adesset titulus, v.g. quia is, qui cum non esset, credebatur tamen dominus, concessit tibi jus transitus per agrum, aut tigni immittendi &c. tunc enim elapso 10. inter præsentés, 20. inter absentes annorum curriculo, cum bona fide præscribes jus servitutis, l. fin. c. de præscr. long. temp. Similiter servitus mere realis, si sit continua, vel quasi continua, absque titulo cum scientia & patientia adversarii præscribetur decennio inter præsentés, 20. annis inter absentes, l. 1. & 2. c. de servit. & aqua. Discontinua vero absque titulo non præscribitur, nisi tempore immemoriali, l. per servitutes 4. ff. de servit. Gomez. t. 2. c. 15. n. 28. Less. de J. & J. l. 2. c. 6. an. 28. & 29. Brunnem ad l. fin. ff. de servit. n. 1. Struv. l. c. th. 15. Mann. ad VVefenb. de servit. n. 5. Hi DD. explicant quomodo in juribus affirmativis incipiat possessio a die b. f. & cum titulo; vel sine eo inchoatae possessionis: & in negativis a die prohibitionis ex una; & acquiescentia ex altera parte.

VI.) De Præscriptione autem actuum mere facultatis, talibus

libus exceptis, qui non sunt in *Judicium deducibiles*, & quorum nomine non est actio aut obligatio (quales v. g. sunt, si ad meam mensam sæpius per annum prandeas mecum gratis &c.) circa reliquos omnes ita loquitur Balbo de præscript. 4. q. 1. docens: *Quæ sunt mera facultatis præscribi possunt interveniente* NB. prohibitione unius & patientia alterius, puta: volebam molere, Titius prohibuit, acquievi longissimo tempore, quæsitæ est præscriptio &c. Rosenner disp. de præscr. jur. negativi in præfatione. & c. 4. §. 6. addit: quia superveniente PROHIBITIONE, & prohibiti per tempus legitimum PATIENTIA, præscriptio in talibus actibus, qui in *Judicium deducibiles* sunt, (uti sunt illi, qui aliquam quasi cum servitute quadam vel libertate ab ea, similitudinem habent) locum obtinet, per l. 45. ff. de usucap. l. 7. ff. de divers. temp. præscript. Vide l. 1. & ibi Bart. C. de nundin. VVesemb. l. 1. cons. 2. n. 94. Bald. in l. eum, qui 2. C. si omiffæ caus. testam. ubi ait, quæstionem de actibus præscriptionis non procedere in facultate juris quæriti, quia jus potius est, quam facultas.

860. Huc facit VII.) Quod quamvis, abstrahendo a consuetudine & legibus particularibus Germaniæ, doceatur communiter Jus venandi præscriptione immemoriali obtineri posse, ut tradit Molin. d. disp. 46. n. 5. Less. d. c. 5. n. 41. Laym. L. 3. tr. 1. c. 5. n. 15. & alii citati n. 833.) consequenter subditi libertatem venandi omnimodam, saltem in prædiis propriis facilius recuperare posse videantur, si de jure scripto communi, & abstrahendo a speciali Germaniæ præxi ac Principum juribus, disputandum esset; favore enim libertatis, & odio negligentiam usum debitæ sibi servitutis (si hæc locum hic haberet, juxta dicta n. 847.) constitutum est, ut servitutes, quarum usus, etiam maximo quinque annorum fluxu interruptitur, 20. vel ad summum, ut alii volunt, 40. annorum non usu & desidia amittantur, l. sicut l. ult. C. de servit. & aqua. Schneidevv. Inst. de servit. præd. §. ult. n. 2. Gloss. in cap. cum Ecclesia Sutrina §. ult. Verb. Brevitatem temporis, de caus. poss. & propr. Panormit. in c. de quarta n. 31. de præscr. Et vid. Less. l. 2. c. 6. n. 30.

861. Nihilominus hæc non ita facile procedunt in puncto Venationis a subditis præscribendæ contra suum Principem, cujus intentio fundata est in Legibus Imperii ad ductis hic n. 847. & 850.) pariter ac in generali consuetudine

dine Magnatum Germaniæ. Hinc Ferdinandus VVeizenega
 ger loc. cit. c. 3. n. 23. fin. super hoc præscriptionis pun-
 cto, citatis aliis Doctoribus, ita loquitur „Hodie in
 „ Imperio LIBERTATIS USUCAPIO exiguum videtur lo-
 „ cum habere. Quamvis enim Principes rarissime venen-
 „ tur in singulis privatorum prædiis, mandata tamen pro-
 „ hibitoria PERPETUA subditos a venando cohibent,
 „ quibus contradicere amplius non licet: sed ideo parere
 „ necesse est, quod Principes Jus QUÆSITUM habeant.
 „ idque sibi proclamatis & edictis prohibitoriis conser-
 „ vent „ Quodsi hic Eruditorum sensus est de præscriptio-
 ne libertatis venandi in propriis prædiis, facile concludi
 potest, quid dicendum sit de illa prætenſa etiam quo ad
 loca publica, fiscalia, & communitatum, vel privatorum
 dominorum eidem Principi subditorum! Fruſtra quoque
 hic n. 843.) dubitant ſubditi, an Principi Imperatoria,
 & Electorali dignitate inferiori competant jura Regalium,
 quaſi regalium & Majeſtatica; hæc enim iſtis quoque com-
 petere conſtabit hic infra ex n. 958.

862. Sed jam permittamus interim; quod Jus venandi
 Germanicum nihil aliud ſit, quam ſervitus in fundis ſub-
 ditorum popularium, juriſdictioni Principum atque Nobilium
 debita, ut cum alijs vult celeberrimus olim Ingolſtadienſis
 Univerſitatis Profeſſor Franc. Zoanetti l. de dupl. venat. n.
 105. Supponamus quoque caſum, quod ſubditi in Germa-
 nia contra ſuum Principem uſucapione immemorialitem-
 poris, cum bona fide, & juſto titulo præſcripſerint jus ve-
 nandi in locis publicis, ſiscalibus & communibus, ſuoſ-
 que proprios fundos & ſilvas jure ſervitutis Principi ad
 venandum debitz, via præſcriptionis liberarint: adhuc hiſ
 minime obſtantibus Princeps vi ſuz ſuperioritatis & juriſ-
 dictionis jus illud ſubditis quaſitum poteſt pro bono & æ-
 quo ſua auctoritate reſtringere, perinde ac ſi nulla præſcrip-
 tio interceſſiſſet.

863. Ratio hujus eſt: Præſcriptio enim circa iſta, quæ
 ſunt contra publicam utilitatem, nihil operatur, uti docent
 Abbas in C. extirpanda. §. qui vero n. 27. de præb. & C. cum
 non de præſcr. n. l. & 13. Mandel. Conf. 62. n. 35. & conf. 64. n.
 91. Henric. Boich. C. ſi diligenti n. 51. de præſcr. ac ante eum
 Caſtr. in l. jam pridem C. commun. de uſucap. Petr. de Ubald. in
 repet. d. C. ſi diligenti in 7. requiſito, col. 3. Gylmann. l.
 c. n. 30. Roſener loc. comm. l. 14. c. 97. n. 2.

864. At-

864. Atqui asserta venationis contra Principem præscriptio est contra *publicam utilitatem*. Uti enim demonstrat id Cov. ad C. peccatum p. 2. §. 8. n. 1. & 3. Tiraq. de Nobil. c. 37. n. 140. Dom. Soto de J. & J. l. 4. q. 6. a. 4. Fachin. l. 1. contr. 1. VVesemb. in paratit. de A. R. D. n. 7. ferz bestiaz deserviant ornamento, decori & utilitati Reipublicæ: si autem subditis jus venandi præscribentibus permittatur, eorumque ac vulgi temeritati relinquatur venatio, facile extirpabuntur fera animalia, & venationis utilitas tollitur: Ne igitur id eveniat, suadent laudati Auctores, venationem non esse committendam arbitrio subditorum, sed certo ordine, certisque legibus, ac non ab omnibus personis exercendam esse. Porro leges hujusmodi præscribere jure gubernationis ad Principem ita pertinet, ut iis jus venandi permittat, quibus permittendum judicaverit, remotis aliis, quos æquo arbitrio removendos a venatione censet. Ordinatio autem hæc adeo necessaria *publicæ* territorii utilitati non posset sortiri effectum, si præscriptionis obtentu plena venandi libertas penes subditos maneret.

865. Imo admissa hac usucapione subditorum contra Principem, cum exclusione ejus a libera dispositione circa eam, superioritas hujus in discrimen vocatur: *Venandi* quippe *jus territorii* & *iuri superioritatis* adheret, ut tradunt Menoch. Conf. 202. n. 31. Dec. conf. 22. vol. 4. Mendos de inhibit. q. 6. n. 2. Heig. p. 1. q. 19. n. 54. vel saltem *dominium jurisdictionem* sequitur, ut tradit Zoanett. ad l. 2. C. de pass. inter empt. & vend. p. 204. Rosentheil. de feud. 115. concl. ult. n. 8. & alii citati hic a n. 833. Si igitur subditi Principem prohibeant, quo minus pro utilitate territorii disponat de venandi jure, quid illi superest, nisi ut ita sensim reliquis etiam juribus, ac demum ipsa quoque superioritate per eos privetur?

§. II.

Examinantur reliquæ quæstiones de acquirendo ferarum, volucrum & piscium dominio.

S U M M A R I U M.

766. &c. Princeps potest subditis prohibere venationem ita, ut eos faciat inhabiles ad acquirendum feræ dominium. 873. &c.

873. &c. *An qui contra leges venantur, feram faciant suam?*
 876. &c. *Si lex expresse inhabiles fecit: non faciunt suam.*
 878. &c. *Resolvitur objectio ex l. non dub. 5. C. de LL.*
 884. &c. *Venator feram captam in alieno regulariter facit suam.*
 886. &c. *Licet percat, non tenetur plerumque ad quidpiam ante sententiam.*
 892. &c. *An lex venationem prohibens sit poenalis?*

Quæritur I.) *An possit Princeps lege sua subditis ita prohibere venationem in suo territorio, ut etiam Venatores, faciant incapacem dominii in feram captam?*

866. **N**egant plerique cum Jafone, Schurpfio Zieglero ad Grot. l. 2. c. 2. §. 5. & aliis relatis hic n. 831.) sed rectius affirmant; Lugo de Jur. 6. Sect. 7. n. 65. Less. de J. & J. l. 2. c. 5. n. 45. Bonacina apud Bockler. in commentar. ad Grot. §. 5. mox citandum, Zoes. ad ff. de A. R. D. n. 14. Hugo Grot. de J. B. & P. l. 2. c. 2. §. 5. Lauterbach. de Thesaur. th. 2. Grotle in Jurisprud. terrib. 1. 1. p. 2. c. 1. §. 2. n. 7. Franz. & alii. Quorum Ratio est. Quia lex ob justam causam potest subditos reddere inhabiles ad certæ rei dominium comparandum. Sicut enim actiones humanæ subsunt legum dispositioni, adeo ut per leges possit tibi concedi jus, vel imponi obligatio, aut etiam statui impedimentum ad aliquos contractus ineundos, vel actiones attemptandas: ita etiam res externa, earumque dominium & possessio legum dispositioni subjacet, adeo ut jus acquiriti vel incapacitas per eas irrogari possit. Prout docet experientia; inde enim fit, ut plerique sint incapaces quorundam officiorum, successionis hereditariæ, possessionis immobilium; idque non ex alia ratione, quam quod lex ipsis resistat, independentem a proprio voto, ut fit in Religiosis Professis; aliove suo facto, ut contingit iis, qui sponte renunciant alicui juri, aut bonis cedunt; &c.

867: Huc facit, quod Jus acquirendum subito facilius adimatur, quam jus acquisitum, ut colligitur ex L. 6. pr. ff. quæ in fraud. cred. Gail. 2. obs. 142. n. 15. Moller. 2. Semest. 6. n. 3. Musculus de Success. convent. class. 1. membr. 2. concl. 5. lit. C. n. 203. Et liquet etiam ex L. patre furioso 2. ff. de his, qui sunt sui vel alieni jur. ac L. 1. §. casum ff. de postuland. cujus luculenta ratio affertur in l. ult.

ult. §. Si quis 1. C. de Codicill. ibi: Non enim par eademque ratio videtur, admittere debita & lucra non capere, juncta l. 7. §. 2. & 3. C. de Curat. furios.

868. Atqui jus quæsitum subito potest Princeps ex justa causa admittere, l. utilitas publica 3. C. de primipil. Ac patet in usucapionibus a lege humana vim & formam defumentibus, per quas dominium jam quæsitum admittitur priori domino: nihil igitur obstat, cur impediri nequeat jus feræ merè acquirendum, ita ut eam capiens in fundo v. g. publico vel privato non acquirat illius dominium. Commode id exemplo ejus, qui thesaurum in loco publico invenit, declarari potest. Hic enim per inventionem, concedente lege, jus quæsitum in dimidia thesauri parte, si in publico invenit, habet, secundum §. 39. Inst. de R. D. l. 3. §. 10. ff. de jure Fisc. & constat ex supra dictis hic n. 769.) Quod si Princeps totum thesaurum Fisco inferre vellet, injuriam certe faceret inventori, qui jam assu jus quæsitum inveniendū eum & apprehendendū, priusquam nova lex Principis aliud statuens publicaretur. In futurum tamen quum Princeps statuere possit, ut is, qui thesaurum in loco publico invenerit, integro Fisco Principis tradat, non est dubium. Ita enim fieri in Austria ostendimus supra cit. n. 769. Et videri potest Petr. Anton. de Petra in tr. de jure quæsitō per Princip. non tollend. Brünemm. ad l. 4. n. 5. C. de emanc. lib. Stryk disp. ad L. Æmilius 38. ff. de Minor. c. 6. n. 15.

869. Nec obstat, quod de jur. nat. seu potius Gentium, dominium feræ captæ, utpote quæ nullius domini est, occupatione acquiratur capienti: id enim jus merè negativum, seu permissivum posse circumscribi ostendimus n. 832. Et quamvis in statu naturali primigenio vi illius acquireretur plenum dominium: nunc tamen in statu naturæ hypothetico, non aliter capienti assistit, quam si lex humana eum ad acquirendum inhabilem non fecit, aut alix circumstantiæ non impediunt, ut patet in Minoribus, filiofam. sub patria potestate constituto, aliisque personis, quarum aliquos actus jus nat. permissivum non reddit validos, inhabiles eos reddente humana lege ad valide agendum. Confer superius dicta de lege irritante, a n. 43. & 162.

870. Neque etiam stringit, quod in §. 12. Inst. de R. D. dicat Impr. Feræ igitur bestię, & volucres, & pisces -- simul atque ab alio capta fuerint, Jure Gentium statim illius esse incipiunt: Ibidem enim subjungit idem Impr. Qui alienum

num fundum ingreditur venandi aut aucupandi gratia, potest a domino, si is praeviderit, prohiberi ne ingrediatur.

871. Non sunt proin audiendi illi Auctores, qui tradunt „ Venatio de juræ naturæ permissivo cuilibet concessa est, neque potest privatus eam prohibere in loco „ ad se spectante non clauso speciali sepe, vel muro, „ quia feræ passim vagantes nullius sunt, „ Permisso enim quod feræ vagantes nullius sint, adhuc fundi dominus non ideo jus amisit prohibendi, ne alter se invito *venationis causa* fundum suum ingrediatur, ut continua praxis ubique Gentium usitata docet. Imo si alius fuerit ingressus, potest fundi dominus etiam privatus movere Actionem injuriarum, *l. injuriarum* 13. §. ult. ff. de injur.

Aliud fiet, si in *via publica* feram glande trajecero; eum id viatori prohiberi vix possit. Non enim prohibitio hæc *ratione feræ* tenet; quia hæc in istis circumstantiis antequam capiatur, nullius est: non quoque *ratione fundi* alieni: nam *via* cum sit *publica*, uniuscujusque ingressui patet, *l. 14. §. fin. quemadmod. servit. amitt.* jura autem ingressum hunc ubi prohibendum permittunt, loquuntur solum de *fundo* qui nostro subest dominio, declarante id etiam *l. Divus Pius* 16. ff. de servit. præd. rus.

Hæc de causa in proposita questione dixi: an possit Princeps lege sua subditis ita prohibere venationem *in suo territorio* &c. Nam *extra territorium* jus dicenti non paretur *impune*, C. 2. de const. in 6.

872. An autem lege hac territoriali inhabiles reddente subditos ad acquirendum feræ dominium, teneatur etiam extraneus Viator pergens per ditiones hujus Principis? Affirmat Hugo Grotius *l. c. & Puffend. de J. N. & G. l. 4. c. 6. n. 7.* eo quod sit lex omnium civitatum, ad servandam pacem internam summe necessaria; ut qui ejus territorium ingreditur, etiam ad tempus, conformem se tantisper gerat illius legibus, a quibus peregrinos non exemit Legislator. Quæ assertio vero similior esse videtur, saltem si Viatori huic *constet de promulgatione legis* hujus, tunc enim se illi conformare debet, ea ratione, ac obligatur servare leges loci illius circa contractus & similia, quæ spectant *ad rectam ordinationem civilem* ac externam territorii, in quo peregrinus subsistit.

Q. II.) An igitur qui contra leges venantur, feram captam suam faciant?

873. Ueberior quæsti hujus sensus iste est: quomodo delinquant, & an teneantur ad restitutionem illi, qui contra justam prohibitionem, in locis alioqui parulis, nec sepe aut aggere munitis venantur, piscantur, vel aucupio indulgent? Materia quidem hæc ad Theologos morum Magistrorum spectaret: sed Naturalistæ ac Gentium juris Interpretes imo & Legistæ eam sibi jure simultanei, vel præventionis vendicarunt, dispari tamen doctrinæ & resolutionis argumento, ut mox patebit.

Grotius enim de J. B. & P. l. 2. c. 8. §. 5. ad propositam quæstionem negativè respondet, asserens: Venatores contra legem prohibentem venantes in fundo alieno, feram non facere suam: hinc peccare, & teneri ad restitutionem, eo, quod Principes Germaniæ, etiam ante omnem apprehensionem habeant actuale dominium ferarum, & volucrum in eorum territoriis existentium, etiam vivariis, aut sepibus non clausarum. Rationem hujus adstruit: Germaniæ enim populi, cum Principibus ac Regibus bonæ quædam essent assignanda, unde dignitatem suam sustinerent, sapienter existimavit ab illis rebus incipiendum, quæ sine damno cujusquam tribui possint, cujusmodi sunt res omnes quæ in dominium nullius pervenerunt. Quo jure usus est Ægyptios, qui teste Strabone, feras, volucres, & pisces a suis apprehensoribus reali actione vindicabant, idque factum fuisse dicit ideo: quia potuit lex etiam ante occupationem harum rerum dominium transferrè in Principes, cum ad dominium producendum lex sola sufficiat. Hæc Grotius loc. cit. Cujus Commentator Boclerus in relata verba scribens, f. 32. ait, „ Princeps, si Reipublicæ expedire visum fuerit, etiam invitis plebeiis, citra injuriam venandi licentiam adimere potuit. Non enim ipsis res suas eripit: sed vetat duntaxat ab ipsis usurpari aliquem acquirendi modum, quem alias merum jus naturæ, citra constitutiones civiles, si esset, indulgebant „

874. In eandem sententiam abiit Puffendorff. de J. N. & G. l. 4. c. 6. §. 7. refutans opinionem eorum, qui communius & verosimiliter docent; per leges civiles venandi licentiam prohibentes esse detractum non quidem acquisitioni animalis capti: sed juri tantum venandi: negat ille Feri-

Jus Nat. & Gent.

N a

feram

feram fieri dominium illius feræ, quam contra Principis prohibitionem primus occupat, & contradictorium esse putat, ut Principibus solis competat jus venandi, & tamen si privatus feram ceperit, eius dominium acquirat; cui modus hic acquirendi, uti prohibitus ita illicitus fuit. Quod si jam aliquis quærat ex Puffendorffio: Penes quem ergo erit dominium feræ contra leges captæ? Respondet ille: istum Venatorem Principi ultioneam, licet parum gratiam operam præstitisse; adeoque non secus atque alium Venatorem a Principe constitutum; capiendo feras Principis fecisse. Quod declarari potest exemplo, supra hic n. 368.) adducto de inventione thesauri, qui quidem antequam inveniatur, in nullius bonis existit; *l. Nunquam 31. §. Thesaurus* verb: *ut jam domini non habeat, ff. de A. R. D.* adeoque spectato jure nat. & Gentium primo occupanti cederet; Et tamen jure cautum est, ut si in alieno loco inventiatur, non totus inventoris fiat: sed dimidia pars domino loci sine ullo ejus labore acquiratur, *§. thesaurus 39. Inst. de R. D.* Quo facit, quod in *l. 3. §. pen. ff. de jure Fisc.* pars thesauri per tertium aliquem in fiscali vel publico, vel religioso aut Cæsaris loco reperti fisco vindicari tradatur: Illud autem vindicatur, quod ad aliquem jure domini pertinet, *l. actionum 25. ff. de O. & A. Bocet. de Regal. c. 2. n. 105. Sixtin. de Regal. l. 2. c. ult. n. 68.* & alii sequaces Puffendorffii.

875. Contraria autem sententia Theologorum ac Istorum, quæ Venatori feram in loco prohibito non clauso captam adjudicat, quo luculentius Adversarios vincat, ex sola prohibitionem venationis non posse rationabiliter inferri incapacitatem Domini in feram captam, neque inde oriri obligationem restitutionis ante omnem sententiam; tunc in finem præmittit ex Cov. Nav. Silvest. & aliis; venationem ex quadruplici capite posse prohiberi. I.) Ratione personarum: Sic Clericis *C. 1. & 2. de Cleric. venat.* ac multo magis Religiosis, per *C. 1. §. porra; de stat. Monach. in Clem.* prohibita est venatio, quæ ab ipsis, cum magno clamore & scandalo exerceretur: secus si hæc absint, vel solius recreationis causa spectetur: II.) Ratione temporis, si scilicet fiat cum præjudicio Festi, quo omittatur Sacrum, vel propter venationem violetur jejunium. III.) Ratione publicæ utilitatis. Ne scilicet soboles ferina extinguatur, uti fieri potest; si v. g. venatio institui soleat illis mensibus, quibus feræ uterum gestant &c. Quæ etiam cum

cum proportione intelligenda sunt de aucupio, & piscatione. IV.) Ratione loci, Principi vel alii privato reservati. His præmissis

876. *Dicendum est* I.) Si Legislator prohibens venationem ratione certi loci, aut publicæ utilitatis, vel temporis, eadem lege sua prohibente simul expresse faciat inhabilem Venatorem ad acquirendum dominium capte feræ: juxta dicta n. 866.) non acquireret ejus dominium, propter momenta cit. nu. adducta. Hinc ita apprehensam tenebitur restituere.

Sed *quæres*: cuius restituenta erit, siquidem juxta hanc opinionem fera priusquam caperetur, neque etiam in Principis dominio fuit: ac proin cum Principi non sit illata injuria per apprehensionem rei, quæ sua non fuit: consequens est, ut neque restitutio feræ, quæ feræ locum habeat.

Resp. Eam esse restituendam fisco Principis; vel ejus æstimationem esse eidem solvendam; idque non expectata alia sententia Judicis. Licet enim juxta hanc opinionem, Princeps legislator ante apprehensionem feræ nullum habuerit ejus dominium, sicut neque venator, post quam tamen per prævaricatorem suæ legis dominii incapax capta est, illico ultronea ejus opera hac transit in dominium Principis, qui jus habuit illam in penam delicti venatoris, suam faciendi, & tanquam ab indigna & inhabili persona recipiendi. Ita; licet juxta n. 874.) thesaurus in fundo meo latens non censeatur esse in bonis meis: sed futurus sit dimidia parte occupantis inventoris; nihilominus si ille modis iniquis, v. g. artibus magicis, aut data opera eum invenerit, ad me loci dominium totus pertinebit; l. un. C. de thesaur. l. 63. §. fin. ff. de A. R. D. Carpz. p. 3. C. 53. def. 6. Rosen. lib. 18. c. 20. num. i. hoc enim casu inhabilis per legem factus est ille ad acquirendum hunc thesaurum.

877. Atque in hoc sensu sustineri potest Grotii, Puffendorffii, & aliorum opinio a n. 873.) relata, scilicet Ferpetam non fieri dominum feræ capte, si hic nedum prohibetur: sed etiam inhabilis ad acquirendum ejus dominium factus fuit. Quæ tamen inhabilitas prohibendi venationem, nullibi Gentium adiecta uspiam fuisse deprehenditur: sed tanquam mere theórica ab Auctoribus supra cit. sustinetur. Imo in semet Grotius l. c. de sola possibilitate talis prohibitionis loquitur his verbis: *potuit lex etiam ante*

occupationem &c. porro vix potest aliquem latere hæc pragmatica sanctio Logicorum, etiam ab Jctis & Canonistis recepta: a potentia ad actum (in materia contingente) non procedit argumentatio. Ipse quoque Puffendorffus loc. cit. fin. palam id ipsum fatetur, ubi nedum legem hujusmodi inhabilitantem unquam extitisse in praxi non ostendit; sed etiam in casum possibilis existentie ejus, ait: moderate exercendas hujusmodi leges bene monent cordati &c. Concor-dat opinio Bæckleri ad Grot. d. I. §. 4.

S A T I S F I T O B J E C T I O N I.

878. Neque dixeris; Legem civilem prohibentem aliquem actum in se & directe, esse hoc ipso irritantem & reddentem subditi inabilem ad valide eum exercendum, per famosam L. Non dubium §. C. de L. ubi dicitur: *Ut ea, quæ fieri prohibentur, si fuerint facta, non solum inutilia: sed NB. pro infestis etiam HABEANTUR: licet Legislator fieri prohibuerit tantum, nec specialiter dixerit, inutile esse debere, quod factum est &c.* Igitur si venatio prohibita est: hoc ipso nedum illicita, sed etiam invalide fera a venatore apprehenditur, quia hic per ipsam legem prohibentem factus est inhabilis ad acquirendum ejus dominium, uti patet ex textu legis citatæ.

Contra enim est h. quod si vera foret hæc ratiocinatio; sequeretur eum, qui simplici prohibitione prohibitus est venari ratione temporis, v. g. die festo; venando & occupando feram, non acquirere ejus dominium; & sic de aliis prohibitionum modis a n. 876.) recensitis: quod tamen nedum aperte falsum est: sed etiam vere Eruditis risum movet.

II.) Lex citata loquitur de nullitate actus jure mere humano prohibiti, per sententiam Judicis primum decidenda, non vero quod ille ipso jure ante omnem sententiam sit nullus. Patet id ex verbis citati textus: *pro infestis NB. HABEANTUR.* Est enim utriusque Juris principium; Quando lex aliqua prohibens actum, requirit opem, & interventio-nem Judicis, utendo verbis imperativi modi, v. g. *privetur officio: multetur: excommunicetur: quod egit, pro infesto ba-beatur &c.* Lex hujusmodi usque post sententiam Judicis for-titur effectum, ut post Bartol. Bald. & communem aliorum tradunt, Farinac. part. 2. fragment. ver. Lex n. 63. Menoch. conf. 30. n. 8. dicens: Lex voluisset expressisset, *l. un. §. fin. quem ad deficiat.* C. i. Caduc. tollend. l. si servum 71. §. non

non dixit 5. ff. de acquir. hered. Armendar. in præm. additis ad recopil. legum Navarræ n. 150. ubi ait: quia quod lex non dicit, non est ab homine præsumendum; Surd. cons. 219. n. 21. Hartm. Pistor. l. q. 15. n. 10. addens: non enim sufficit quem sic voluisse, nisi & de hoc fiat dispositio, l. quidam cum filium 46. ubi Bartol. & Imol. ff. de hered. inst. cum propositum in mente retentum nihil operetur, L. si rependi 7. C. de Cond. ob caus. Neque igitur Lex illa quinta plus operari debet, quam Legislator disposuit, volens ut actus tales pro infectis habeantur ope Judicis & post sententiam, non vero aliter.

879. III.) A contrario autem patet, quod quoties Lex, etiam Civilis, ipso jure irritat actum & inhabilem reddit operantem, tunc non utitur imperativo modo, nec remittit ad Judicem, ut hic eum pro infecto habeat; sed in modo indicativo absolute nullum esse dicit; ut liquet ex §. 7. Inst. quib. mod. testam. infir. ibi: Nam imperfectum testamentum sine dubio NB. nullum est. Ex in L. hac consultissima 21. C. de Test. dicit Impr. Ex imperfecto autem testamento voluntatem teneri defuncti NB. non volumus. Simile quid habemus pr. Inst. de auctor. tutor. ubi sine verborum ambagibus obligatio unius, & ab ea libertas alterius manifeste exprimitur: Si Tutoris auctoritas non interveniat, ipsi quidem, qui cum his contrahunt, obligantur; at invicem Pupilli NB. non obligantur; juncta l. 15. ff. de solut. &c. &c.

880. IV.) Quia quod actus solo jure positivo humano prohibitus specie differat ab actu etiam irritato, & quod lex humana in se actum prohibens non sit irritans, præter innumeras instantias, major & sanior pars Eruditorum consensit teste Pacian. in 5. Enantioph. cent. 2. q. 4. Brunneum. ad l. 38. n. 7. ff. de Pact. cum aliis supra cit. Et ita juxta omnes, nedum Civili & Canonico; sed naturali quoque jure prohibita est venditio altera rei semel jam valide & licite vendita, & tamen illa facta si res vendita tradatur alteri emptori, valet contractus l. 15. C. de R. V. Jure quoque naturali humano prohibetur injusta incussio metas gravis: ut patet ex tot. tit. ff. Si quis aliq. testari prohib. & tot. tit. ff. quod metus caus. actus tamen hujusmodi juxta communioem Legislarum opinionem, non eo ipso sunt irriti: sed tantum dicuntur esse rescindibiles. Simile quid sit in sententia Judicis, quæ prohibetur ne sub conditione feratur, l. 1. §. biduum, ff. quando appelland. hæc tamen ita probata valet

juxta omnes, pariter ac subsistit illa, quæ ad candelam de nocte prolata est, nihil obstante prohibitione. Idem est de mercibus contra prohibitionem investitis ac venditis &c.

881. V.) Verum itaque sensum citatæ *l. non dubium* exponit Christoph. Henr. Ferrumontanus in *Corp. Jur. civ. a-cadem. novæ edit. Colonia-Münatiane, cum loc. paralel. Anni 1748.* Ubi ad *d. l. 5. C. de LL. in prædictis locis paralellis* ostendit, quod si lex Civilis aliquid prohibeat, quod jam aliunde *naturali & divino jure prohibitum* est: hoc casu lex humana in se prohibens simpliciter actum, ordinarie reddat eum etiam irritum, & personam inhabilem ad ita operandum, licet nullam irritationis actus & inhabilitatis personæ mentionem fecerit, prout probat id ex *l. 26. ff. de V. O.* dicente: *Generaliter novimus TURPES stipulationes nullius esse momenti*, & ex *l. 27. ff. de V. O.* quæ præcedentem legem his exemplis declarat: *Veluti, si quis homicidium, vel sacrilegium se facturum promittat*, hæc ipsa declaratio habetur in *l. 7. §. 3. & §. 16. ff. de pæñ.* Hi igitur & similes actus cum aliunde turpes sint & naturali jure prohibiti, utpote foventes iniquitatem naturali jure vitatam, si etiam lege humana prohibeantur simpliciter, ipso jure fiet irrita eorum *promissio, stipulatio* &c.

882. Secus fit in legibus a solo placito humano provenientibus, quibus inhihentur aliqui actus *natura sua ac intrinsece* non turpes, qualis est *Venatio* prohibita, & *trahectio* v. g. *lepusculi* in alieno fundo &c. Nunquam enim mens Justiniani citatam *l. non dubium 5. C. de LL.* dictantis hæc fuit, qualem plerique arbitrarie interpretantur, alioqui mercium, contra *prohibitionem simplicem* venditarum venditor non acquireret pretii, & emptor rei emptæ dominium: id tamen prout sæpe in praxi contingere experimur, ita nullus prudens dubium unquam movit circa contractuum hujusmodi *valorem*: quidquid sit, quod contra simplicem prohibitionem *justam* ita contrahens possit delinquere in foro animæ, & etiam contractus ipse, v. g. *emptionis-venditionis* a Judice rescindi queat.

883. Recte proin Suarez *de LL. c. 28. n. 9.* Herincx. *p. 2. d. 5. de LL. n. 34.* Laym. *l. 1. tr. 4. c. 16. n. 3.* cum aliis TT. & Legistis censent, legem prædictam: *non dubium* in eo rigore, qui asseritur, nunquam fuisse dictata, aut usu receptam: Imo illam, quatenus esse irritans simul a plerisque dicitur, putant esse tantum *pœnalem*, quod scilicet Ju-
dex

dex in pœnam violatæ legis prohibentis, possit actum irritum pronunciare, propter verba in d. l. non dubium contenta, quæ hæc sunt; *nec pœnas insertas legibus, evitabit; itaque expectanda est sententia*, quæ rescisso actu contra legem *more civilem* eamque simpliciter prohibentem gesto, condemnet v.g. *ad restituendam feram*, vel æstimationem ejus solvendam. Atque in hoc solo sensu citatam legem quintam canonizatam esse per Cap. *Paciones ult. de pact.* sustineri potest cum Zoef, ad ff. l. 1. tit. 3. de LL. f. 29. a n. 47. Laym. de LL. cit. l. 1. tr. 4. c. 16. a n. 3. & aliis ab illo citatis.

884. *Dicendum est* II.) Venator feram capiens etiam in loco prohibito, eoque non clauso, aut clauso quidem, sed ita vasto, ut in eo difficillime capiatur (prout contingit v. g. in Insulis duarum aut trium leucarum &c.) regulariter sit dominus feræ.

Ita communissime DD. fundati in manifesta L. 1. ff. de aqu. rer. dom. ibi: *Omnia igitur animalia, quæ terra, mari, celo capiuntur, id est FERÆ bestię, volucres, pisces capientium sunt*. Huius autem ratio datur in mox sequente l. 3. ff. eod. tit. *quod enim nullius est, id naturali occupanti conceditur. Nec interest, quo ad feras bestias & volucres, utrum in suo fundo quis capiat, an in alieno*. Equidem subiungit textus ibidem, liberam unicuique domino esse facultatem prohibendi ingressum: *Plane qui in alienum fundum ingreditur venandi aucupandique gratia, potest a domino, si is præviderit, jure prohiberi, ne ingrederetur*; Verum hac prohibitionem simplici non obstante, adhuc dominium feræ captæ penes capientem manere asseritur, cit. legis tertiæ in continenti his adjectis verbis: *Quidquid autem eorum ceperimus, eo usque NB. NOSTRUM esse intelligitur, donec nostra custodia coercetur*. Igitur simplex illa prohibitio ingressus in fundum venandi aucupandive gratia, non impedit acquisitionem dominii in feram captam, neque ejus naturalem libertatem immutavit, siquidem etiam post hanc prohibitionem captum prædictum animal *NOSTRUM esse intelligitur* &c. Concordat §. *Feræ* 12. Instit. de Rer. divis.

885. Ratio etiam est; animal illud ferum non erat domini illius fundi, sed nullius, per cit. l. 3. ff. igitur transit in dominium primo occupantis, qui non fuit inhabilis redditus ad id acquirendum. Animantia enim non sunt fructus agrorum, silvarum vel fluviorum, sicut arbores, quæ solo adhærent: sed alia ex aliis procreantur, ut liquet

ex l. Venationem 26. ff. de usur. ubi Julianus manifeste negat venationem fructum fundi esse; quamvis contineatur inter emolumenta ejus & commoda, per l. Item si fundi 9. §. Aucupiorum, ff. de usufruct. Unde sequitur, etiamsi fundus, vel possessio talis sit, ut ejus fructus in venatione consistant, ipsaque venatio sit alteri elocata, (uti plerumque fit in Lithuania) non tamen ideo animalia fiunt conductoris, vel usufructuarii solum, sed conductor & usufructuarius solum jus venandi in tali fundo habet, quod jus censetur ad fructus agri vel silvæ pertinere. Cov. ad reg. peccatum p. 2. §. 8. n. 9. §. 11. Paul. Mezger Theol. Schol. t. 3. tr. 11. d. 27. art. 1. §. 2. n. 9. D. Bassus Semicent. controuv. Can. Legal. controuv. 4. de venat. n. 12. Schambogen &c. Dixi regulariter fit dominus feræ: scilicet si non sit expresse inhabilis factus ad dominium acquirendum.

886. Dicendum est III.) Prædictus Venator quamvis peccet contra jus alterius: 2.) Tamen per se non tenetur ante sententiam restituere feram ei, qui habet jus venandi, etiamsi hic simplici prohibitione inhibuerit sui fundi ingressum venationis causa. 3.) Neque per se loquendo obligatur ad æstimationem feræ eidem solvendam, nisi aut Judicis sententia præcesserit: aut saltem a fundi domino rationabiliter requisitus fuerit.

Ratio primi) est. Quia qui venatur in aliena possessione rationabiliter invito domino, facit illi injuriam. Dominus enim jus habet, ut nemo ibi se nolente venetur: ut liquet ex cit. §. Feræ 12. Inst. de R. D. l. 3. ff. de A. R. D. l. Dromus Pius 19. ff. de servit. præd. rust. l. per agrum 11. C. de servit. juncta l. Item si fundi 9. §. Aucupiorum, ff. de usufruct. ibi: Reditus aucupiorum ad usumfructum agri pertinere, nec esse rationabile in agro alieno quemquam, nolente domino aucupari. Quo loco, conformiter iis, quæ diximus n. præced. 885.) declarat citatus textus venationem & aucupium non esse quidem fructum fundi, neque accessionem ejus: pertinere tamen, seu reduci ad usumfructum fundi, quia scilicet jus venandi, aucupandi potest fructum asserere, si dominus fundi jure venandi, aucupandi usus fuerit ipse, alteri locaverit &c. Consequens autem est, ut violando hoc jus alterius peccet aliquomodo, scilicet pro gravitate injuriæ, & circumstantiarum. Quod si venator subditus fuerit domini fundorum, qui simplici prohibitione inhibuit,

ne quis suorum audeat venari in loco certo, illè cum prævari-
cetur *justam*, ut supponitur, legem *prohibentem*, non erit
immunis a peccato, saltem contra obedientiam debitam
lègitimo Superiori c.1. de *Const. l. de quibus* 32. ff. de *LL.*
Nisi forte ex praxi Judiciorum, & Regionis consuetudi-
ne constet legem hujusmodi esse *pœnalem*, qualem putant
esse Silvest. v. *venatio Navarr. c. 17. n. 12.* &c.

887. Ratio secundi). Talis enim venator non contrecta-
vit rem alienam, cum fera in nullius dominio fuerit, sed
tanquam primo occupans eam apprehendit & fecit suam,
per *cit. §. 12. Inst. & l. 3. ff. de A. R. D.* Nec refert, quod
apprehensio hæc ferè fuerit *injuriola*, quia non ideo fuit
contra jus proprietatis, seu contra justitiam commutati-
vam obligantem ad restitutionem ferè, in eam enim na-
mo prius habuit jus proprietatis: Sed si forte apprehensio
hæc fuit contra justitiam commutativam, eatenus fuit,
quatenus *lesit jus venandi*, id est ablata fera fecit illud
jus minus æstimabile: igitur non tenetur aliquid reddere
pro fera: sed *ad summum* tenetur aliquam compensatio-
nem facere pro læso jure venandi, *Cov. supr. n. 4. Medi-
na q. 12. Gudelin. de jure noviss. l. 2. c. 2. & ex eo Arnold.*
Vinius ad §. 13. Inst. de R. D. ubi dicunt, talem Venatorem
,, non committere furtum, nec auferre rem alienam, sed
,, acquirere eam, cuius acquirendi jus alter valde remo-
,, tum habebat: ipsumque pœna affici, rei autem ita ac-
,, quistæ vitium furtivi non adhærere „

Luculentius adhuc loquitur Ziegler. *ad Grot. l. 2. c. 2. §. 5.*
ubi absolute negat posse Legislatorem subditos suos inha-
biles reddere ad acquirendum dominium ferè in fundo ve-
nationi prohibito captæ (quod tamen nos hic n. 866.) tan-
quam verisimilius defendimus) ait enim ille contra opinio-
nem Grotii: *Impediri lege posse, ne fera capiantur, sed ut
capiendo non acquirantur, impediri lege non posse. Si are enim
posse jas prohibendi cum acquisitione ipsa. Diversas esse quæstio-
nes, utrum aliquis acquirat capiendo, & utrum liceat hoc ac-
quirendi modo uti. In prima quæstione nihil posse Majestatem.
Quemadmodum facere nequit, ut alicujus sint, quæ nullius sunt,
aut ut possideantur, quæ non possidentur l. 3. §. 14. ff. de acquir.
rer. possess. ita nec prohibere posse acquisitionem, nec facere, ut
quæ acquisita jam sunt, non sint acquisita. Sed in secunda li-
berum esse Principi imperium, nempe quod possit prohibe-
re suo præcepto, si tamen contra prohibitionem capiatur
fera,*

fera, transgressori legis ejus acquireretur dominum, concordat D. Bafsus *loc. n. 12.* Schambogen & alii Jsti.

888. Hinc sequitur: eum qui trajecit verbi gratia cervum, non teneri illum reddere, sed ad summum tantum dare, quantum valet *spes*, quam concepit dominus Foresti eum cervum capiendi: vel quanti valet jus eum cervum venandi, quod utique minus valet quam cervus cum incertum fuerit, an capiendus esset. Hæc tamen læsio potest esse major vel minor, prout major spes fuit eam feram capiendi, vel etiam prout plures vel pauciores illius speciei feræ sunt in silva. Si enim sint multæ: læsio fit parva nam propter captum unum aut alterum v. g. leporem, modicum damnum infertur juri venandi, nec enim ideo pauciores capit dominus Foresti, nec jus venandi redditur notabiliter villius, seu minus æstimabile, Molina *to. 1. de Just. tr. 2. d. 51.* Ininger *de dom. disp. 3. q. 1. a. 4. q. 4.* Tunc autem certo læsio juris hujus magna foret, si quis per venationem nimis frequentem, aut intempestivam, e. g. tempore, quo gravidæ sunt feræ, notabiliter eas minueret, aut fugaret, hoc enim damnum utique est magnum.

889. Ratio tertii) est. Quia æstimatio solvenda succedit in locum rei alienæ destructæ, vel consumptæ, *l. 22. ff. de petit. hered.* atqui fera non fuit in dominio venationem prohibentis, consequenter non fuit res aliena, quæ suo domino obligata foret, igitur neque æstimatio locum habet ante Judicis sententiam; post hæc tamen solvenda erit, non quanti fera valuit, quæ in rebus fundi possessoris nunquam fuit; sed (juxta dicta n. 887.) quantum jus venandi lesum est, aut certe pretium illud titulo multæ rationabiliter per Judicem impositæ præstandum erit, parandum enim est sententiæ, *l. 3. ff. de Jurisd.*

Quod vero solvere interdum debeat, saltem si rationabiliter a domino fundi requisitus fuerit: Ratio est, quia illis casibus, quibus v. g. fundi possessor venationem sibi contractu locatam habet, aut damnum notabile per furtivam venationem juri venandi illatum fuerit, nimis onerosum foret agri domino expectare Judicis sententiam & novis impensis eam urgere: hinc æquitas suadet, ut ille qui damnum hujusmodi intulit, etiam ad simplicem requisitionem parti læsæ satisfaciatur, per ea quæ diximus n. 612.)

890. Et hanc ob causam dixi in assertionem, venatorem hujusmodi per se non teneri restituere vel solvere ante sen-

ten-

sentiam, aut saltem donec *rationabiliter requisitus* a fundi dominio fuerit. Quia si Princeps in pœnam spoliare feram & alia insuper pœna multare (non tamen mutilatione aut morte, nisi aliâ circumstantia gravis contemptus legum vel alterius gravis delicti accedat) voluerit, sustinere hæc debet, etiam propter solam culpam juridicam. Si quoque læsio *juris venandi* supra explicata, *notabilis & certa* fuerit, obligabitur ad damni reparationem ante sententiam, idque quantum illius domini intererat, ne in loco alieno venaretur. Ita communis DD.

891. Ad eandem restitutionem verosimilius tenetur, qui feram laqueo unius ita captam, & irretitam, vel ab alio ita vulneratam, ut amplius manus ejus effugere haud potuerit, sibi usurpavit. Hoc quippe casu feræ hæc erant illaqueantis & vulnerantis, qui eas *longa manu* videtur occupasse. Apprehensio enim fit non solum manibus: sed etiam instrumentis. Et ita definitus est casus de apro, qui in laqueum alterius inciderat, prout videre est in l. 55. ff. de A. R. D.

Q. III.) *An autem lex venationem prohibens sit tantum pœnalis?*

892. Affirmant esse tantum pœnalem non pauci cum Ininger de dominio disp. 3. q. 1. a. 4. q. 3. eo quod reservatio juris venandi facta per Principes, non adeo stricte accipitur; & hi ipsi contenti esse soleant pœna furtive venantium: Multi quoque asserunt eam habere vim præcepti obligantis ex *justitia*, prout evincere conatus est D. Bassus l. c. *controv.* 4. n. 6. hac persuasus ratione: quia lex hujusmodi est defensiva juris acquisiti, obligat proin in conscientia ad omissionem actus prohibiti, & contraveniens peccat contra justitiam, quamquam Legista hic non declarat, contra quam Justitiam peccet, num contra *legalem*: vel *commutativam*, & an semper contra hanc?

893. Solidius respondent alii, qui docent: Violatio præcepti hujus sine contra *Justitiam rigorosam* vel contra *obedientiam*, aut tantum contra *legem pœnalem*; attendi debet ad finem & intentionem prohibentis. Si enim per illam intendatur acquisitio seu defensio juris proprii, vel alteri conferendi; venatio, quando non ex more, præciso lege pœnali interdicitur, est contra justitiam, & licet animal

juxta omnes, pariter ac subsistit illa, quæ ad candelam de nocte prolata est, nihil obstante prohibitione. Idem est de mercibus contra prohibitionem investis ac venditis &c.

881. V.) Verum itaque sensum citatæ *l. non dubium* exponit Christoph. Henr. Ferrromontanus in *Corp. Jur. civ. academ. novæ edit. Colonie-Münatiane, cum loc. paralel. Anni 1748*. Ubi ad *d. l. 5. C. de LL.* in prædictis locis paralellis ostendit, quod si lex Civilis aliquid prohibeat, quod jam aliunde *naturali & divino jure prohibitum* est: hoc casu lex humana in se prohibens simpliciter actum, ordinarie reddat eum etiam irritum, & personam inhabilem ad ita operandum, licet nullam irritationis actus & inhabilitatis personæ mentionem fecerit, prout probat id ex *l. 26. ff. de V. O.* dicente: *Generaliter novimus TURPES stipulationes nullius esse momenti*, & ex *l. 27. ff. de V. O.* quæ præcedentem legem his exemplis declarat: *Veluti, si quis homicidium, vel sacrilegium se facturum promittat*, hæc ipsa declaratio habetur in *l. 7. §. 3. & §. 16. ff. de pact.* Hi igitur & similes actus cum aliunde turpes sint & naturali jure prohibiti, utpote foyentes iniquitatem naturali jure vetitam, si etiam lege humana prohibeantur simpliciter, ipso jure fiet irrita eorum promissio, stipulatio &c.

882. Secus fit in legibus a solo placito humano provenientibus, quibus inhibentur aliqui actus natura sua ac intrinsece non turpes, qualis est Venatio prohibita, & tractio v. g. *lepusculi* in alieno fundo &c. Nunquam enim mens Justiniani citatam *l. non dubium 5. C. de LL.* dictantis hæc fuit, qualem plerique arbitrarie interpretantur, alioqui mercium, contra prohibitionem simplicem venditarum venditor non acquireret pretii, & emptor rei emptæ dominium: id tamen prout sæpe in praxi contingere experimur, ita nullus prudens dubium unquam movit circa contractuum hujusmodi valorem: quidquid sit, quod contra simplicem prohibitionem justam ita contrahens possit delinquere in foro animæ, & etiam contractus ipse, v. g. emptionis-venditionis a Judice rescindi queat.

883. Recte proin Suarez de *LL. c. 28. n. 9. Herincx. p. 2. d. 5. de LL. n. 34. Laym. l. 1. tr. 4. c. 16. n. 3.* cum aliis TT. & Legislis censent, legem prædictam: *non dubium* in eo rigore, qui asseritur, nunquam fuisse dictata, aut usu receptam: Imo illam, quatenus esse irritans simul a plerisque dicitur, putant esse tantum pœnalem, quod scilicet Juxta

dex in pœnam violatæ legis prohibentis, possit actum irritum pronunciare, propter verba in *d. l. non dubium* contenta, quæ hæc sunt; *nec pœnas insertas legibus, evitabit*; itaque expectanda est sententia, quæ rescisso actu contra legem *mere civilem* eamque simpliciter prohibentem gesto, condemnet v.g. *ad restituendam feram*, vel æstimationem ejus solvendam. Atque in hoc solo sensu citatam legem quintam canonizatam esse per Cap. *Passiones ult. de pac.* sustineri potest cum Zoef. ad ff. l. 1. tit. 3. de LL. f. 29. a n. 47. Laym. de LL. cit. l. 1. tr. 4. c. 16. a n. 3. & aliis ab illo citatis.

884. *Dicendum est* 11.) Venator feram capiens etiam in loco prohibito, eoque non clauso, aut clauso quidem, sed ita vasto, ut in eo difficillime capiatur (prout contingit v. g. in Insulis duarum aut trium leucarum &c.) regulariter sit dominus feræ.

Ita communissime DD. fundati in manifesta L. 1. ff. de aqu. rer. dom. ibi: *Omnia igitur animalis, quæ terra, mari, celo capiuntur, id est FERÆ bestię, volucres, pisces capientium sunt.* Hujus autem ratio datur in mox sequente l. 3. ff. eod. tit. quod enim nullius est, id naturali occupanti conceditur. Nec interest, quo ad feras bestias & volucres; utrum in suo fundo quis capiat, an in alieno. Equidem subiungit textus ibidem, liberam unicuique domino esse facultatem prohibendi ingressum: *Plane qui in alienum fundum ingreditur venandi aucupandique gratia, potest a domino, si ita præviderit, jure prohiberi, ne ingrederetur;* Verum hæc prohibitionis simplici non obstante, adhuc dominium feræ captæ penes capientem manere asseritur, cit. legis tertiæ incontinenti his adjectis verbis: *Quidquid autem eorum ceperimus, eoque NB. NOSTRUM esse intelligitur, donec nostra custodia coercetur.* Igitur simplex illa prohibitio ingressus in fundum venandi aucupandive gratia, non impedivit acquisitionem domini in feram captam, neque ejus naturalem libertatem immutavit, siquidem etiam post hanc prohibitionem captum prædictum animal NOSTRUM esse intelligitur &c. Concordat §. *Feræ* 12. *Instit. de Rer. divis.*

885. Ratio etiam est; animal illud ferum non erat domini illius fundi, sed nullius, per cit. l. 3. ff. igitur transit in dominium primo occupantis, qui non fuit inhabilis redditus ad id acquirendum. Animantia enim non sunt fructus agrorum, silvarum vel fluviorum, sicut arbores, quæ solo adhærent: sed alia ex aliis procreantur, ut liquet

ex l. *Venationem* 26. ff. de usur. ubi Julianus manifeste negat venationem fructum fundi esse; quamvis contineatur inter emolumenta ejus & commoda, per l. *Item si fundi* 9. §. *Aucupiorum*, ff. de usufructu. Unde sequitur, etiam si fundus, vel possessio talis sit, ut ejus fructus in venatione consistant, ipsaque venatio sit alteri elocata, (uti plerumque fit in *Lithuania*) non tamen ideo animalia sunt conductoris, vel usufructuarii habentis, quamdiu naturali libertate fruuntur: sed conductor & usufructuarius solum jus venandi in tali fundo habet, quod jus censetur ad fructus agri vel silvæ pertinere. Cov. ad reg. peccatum p. 2. §. 8. n. 9. §. 11. Paul. Mezger Theol. Schol. t. 3. tr. 11. d. 27. art. 1. §. 2. n. 9. D. Bassus Semicent. contrav. Can. Legal. contrav. 4. de venat. n. 12. Schambogen &c. Dixi regulariter fit dominus feræ: scilicet si non sit expresse inhabilis factus ad dominium acquirendum.

886. Dicendum est III.) Prædictus Venator quamvis peccet contra jus alterius: 2.) Tamen per se non tenetur ante sententiam restituere feram ei, qui habet jus venandi, etiam si hic simplici prohibitione inhibuerit sui fundi ingressum venationis causa. 3.) Neque per se loquendo obligatur ad estimationem feræ eidem solvendam, nisi aut Judicis sententia præcesserit: aut saltem a fundi domino rationabiliter requisitus fuerit.

Ratio primi) est. Quia qui venatur in aliena possessione rationabiliter invito domino, facit illi injuriam. Dominus enim jus habet, ut nemo ibi se nolente venetur: ut liquet ex cit. §. *Fera* 12. Inst. de R. D. l. 3. ff. de A. R. D. l. *Dreus Pius* 19. ff. de servit. præd. rust. l. *per agrum* 11. C. de servit. juncta l. *Item si fundi* 9. §. *Aucupiorum*, ff. de usufructu. ibi: *Reditus aucupiorum ad usufructum agri pertinere, nec esse rationabile in agro alieno quemquam, nolente domino aucupari.* Quo loco, conformiter iis, quæ diximus n. præced. 885.) declarat citatus textus venationem & aucupium non esse quidem fructum fundi, neque accessionem ejus: pertinere tamen, seu reduci ad usufructum fundi, quia scilicet jus venandi, aucupandi potest fructum asserre, si dominus fundi jure venandi, aucupandi usus fuerit ipse, alteri locaverit &c. Consequens autem est, ut violando hoc jus alterius peccet aliquomodo, scilicet pro gravitate injuriæ, & circumstantiarum. Quod si venator subditus fuerit domini fundorum, qui simplici prohibitione inhibuit,

AC

ne quis suorum audeat venari in loco certo, illè cum prævaricaretur *justam*, ut supponitur, legem *prohibentem*, non erit immunitis a peccato, saltem contra obedientiam debitam legitimo Superiori c. 1. de Const. l. de quibus 32. ff. de LL. Nisi forte ex praxi Judiciorum, & Regionis consuetudine constet legem hujusmodi esse *pœnalem*, qualem putant esse Silvest. v. *venatio Navarr.* c. 17. n. 12. &c.

887. *Ratio secundi*). Talis enim venator non contrectavit rem alienam, cum fera in nullius dominio fuerit, sed tanquam primo occupans eam apprehendit & fecit suam, per cit. §. 12. Inst. & l. 3. ff. de A. R. D. Nec refert, quod apprehensio hæc feræ fuerit *injuriola*, quia non ideo fuit contra jus proprietatis, seu contra justitiam commutativam obligantem ad restitutionem feræ, in eam enim nemo prius habuit jus proprietatis: Sed si forte apprehensio hæc fuit contra justitiam commutativam, eatenus fuit, quatenus *lesit jus venandi*, id est ablata fera fecit illud jus minus æstimabile: igitur non tenetur aliquid reddere pro fera: sed *ad summum* tenetur aliquam compensationem facere pro læso jure venandi, Cov. *supr.* n. 4. Medina q. 12. Gudelin. *de jure noviss.* l. 2. c. 2. & ex eo Arnold. Vinius ad §. 13. Inst. de R. D. ubi dicunt, talem Venatorem „ non committere furtum, nec auferre rem alienam, sed „ acquirere eam, cujus acquirendi jus alter valde remo- „ tum habebat: ipsumque pœna affici, rei autem ita ac- „ quisitæ vitium furtivi non adhærere „

Luculentius adhuc loquitur Ziegler. ad Grot. l. 2. c. 2. §. 5. ubi absolute negat posse Legislatorem subditos suos inhabiles reddere ad acquirendum dominium feræ in fundo venationi prohibito captæ (quod tamen nos hic n. 866.) tanquam verisimilius defendimus) ait enim ille contra opinionem Grotii: *Impediri lege posse, ne feræ capiantur, sed ut capiendo non acquirantur, impediri lege non posse. Scire enim posse jus prohibendi cum acquisitione ipsa. Diversas esse questiones, utrum aliquis acquirat capiendo, & utrum liceat hoc acquirendi modo uti. In prima questione nihil posse Majestatem. Quemadmodum facere nequit, ut alicujus sint, quæ nullius sunt, aut ut possideantur, quæ non possidentur l. 3. §. 14. ff. de acquir. rer. posses. ita nec prohibere posse acquisitionem, nec facere, ut quæ acquisita jam sunt, non sint acquisita. Sed in secunda liberum esse Principi imperium, nempe quod possit prohibere suo præcepto, si tamen contra prohibitionem capiatur fera,*

fera, transgressor legisejus acquireretur dominum, concordat D. Batsus *loc. n. 12.* Schambogen & alii Jsti.

888. Hinc sequitur: eum qui trājecit verbi gratia cervum, non teneri illum reddere, sed ad summum tantum dare, quantum valet *spes*, quam concepit dominus Foresti eum cervum capiendi: vel quanti valet jus eum cervum venandi, quod utique minus valet quam cervus cum incertum fuerit, an capiendus esset. Hac tamen læsio potest esse major vel minor, prout major spes fuit eam feram capiendi, vel etiam prout plures vel pauciores illius speciei feræ sunt in silva. Si enim sint multæ: læsio fit parva nam propter captum unum aut alterum v. g. leporem, modicum damnum infertur juri venandi, nec enim ideo pauciores capit dominus Foresti, nec jus venandi redditur notabiliter vilius, seu minus æstimabile, Molina *to. 1. de Just. tr. 2. d. 51.* Ininger *de dom. disp. 3. q. 1. a. 4. q. 4.* Tunc autem certo læsio juris hujus magna foret, si quis per venationem nimis frequentem, aut intempestivam, e. g. tempore, quo gravidæ sunt feræ, notabiliter eas minueret, aut fugaret, hoc enim damnum utique est magnum.

889. Ratio tertii) est. Quia æstimatio solvenda succedit in locum rei alienæ destructæ, vel consumptæ, *l. 22. ff. de petit. hered.* atqui fera non fuit in dominio venationem prohibentis, consequenter non fuit res aliena, quæ suo domino obligata foret, igitur neque æstimatio locum habet ante Judicis sententiam; post hæc tamen solvenda erit, non quanti fera valuit, quæ in rebus fundi possessoris nunquam fuit; sed (juxta dicta n. 887.) quantum jus venandi lesum est, aut certe pretium illud titulo multæ, rationabiliter per Judicem impositæ præstandum erit, parandum enim est sententiæ, *l. 3. ff. de Jurisd.*

Quod vero solvere interdum debeat, saltem si *rationabiliter a domino fundi requisitus fuerit*: Ratio est, quia illis casibus, quibus v. g. fundi possessor venationem sibi *contractu locatam* habet, aut *damnum notabile* perfurtivam venationem juri venandi illatum fuerit, nimis onerosum foret agri domino expectare Judicis sententiam & novis impensiseam urgere: hinc æquitas suadet, ut ille qui damnum hujusmodi intulit, etiam ad simplicem requisitionem parti læsæ satisfaciatur, per ea quæ diximus n. 612.)

890. Et hanc ob causam dixi in assertione, venatorem hujusmodi *per se* non teneri restituere velolvere ante sen-

ten-

tentiam, aut saltem donec *rationabiliter requisitus* a fundi dominio fuerit. Quia si Princeps in pœnam spoliare feram & alia insuper pœna multare (non tamen mutilatione aut morte, nisi alia circumstantia gravis contemptus legum vel alterius gravis delicti accedat) voluerit, sustinere hæc debet, etiam propter solam culpam juridicam. Si quoque læsio *juris venandi* supra explicata, *notabilis & certa* fuerit, obligabitur ad damni reparationem ante sententiam, idque quantum illius domini intererat, ne in loco alieno venaretur. Ita communis DD.

891. Ad eandem restitutionem verosimilius tenetur, qui feram laqueo unius ita captam, & irretitam, vel ab alio ita vulneratam, ut amplius manus ejus effugere haud potuerit, sibi usurpavit. Hoc quippe casu feræ hæc erant illaqueantis & vulnerantis, qui eas *longa manu* videtur occupasse. Apprehensio enim fit non solum manibus: sed etiam instrumentis. Et ita definitus est casus de apro, qui in laqueum alterius inciderat, prout videre est in l. 55. ff. de A. R. D.

Q. III.) *An autem lex venationem prohibens sit tantum pœnalis?*

892. Affirmant esse tantum pœnalem non pauci cum Ininger de dominio disp. 3. q. 1. a. 4. q. 3. eo quod reservatio juris venandi facta per Principes, non adeo stricte accipiat; & hi ipsi contenti esse soleant pœna furtive venantium: Multi quoque asserunt eam habere vim præcepti obligantis ex justitia, prout evincere conatus est D. Bassus l. c. contrav. 4. n. 6. hac persuasus ratione: quia lex hujusmodi est defensiva juris acquisiti, obligat proin in conscientia ad omissionem actus prohibiti, & contraveniens peccat contra justitiam, quamquam Legista hic non declarat, contra quam Justitiam peccet, num contra *legalem*: vel *commutativam*, & an semper contra hanc?

893. Solidius respondent alii, qui docent: Violatio præcepti hujus sitne contra *Justitiam rigorosam* vel contra *obedientiam*, aut tantum contra *legem pœnalem*; attendi debet ad finem & intentionem prohibentis. Si enim per illam intendatur acquisitio seu defensio juris proprii, vel alteri conferendi; venatio, quando non ex more, præciso lege pœnali interdicitur, est contra justitiam, & licet animal

nimal utpote liberum, & ante apprehensionem sub nullius dominio constitutum spectet ad iniustum Venatorem, juxta cit. §. *Fera*, faciendâ tamen esset reparatio damni, in quantum locus vel jus venandi, propter fugationem aut diminutionem ferarum magis evulsit: Nisi eadem reparatio intuitu majoris pœnæ post sententiam Judicis solvendâ, recepta jam consuetudine, si transgressor deprehendatur (teste *Molina*, *Lessio*, *Palao*, *Haun. Mezger*) fuisset remissa. Si autem per prohibitionem illius finis intendatur, prout intenditur v.g. ne die festo venatio fiat, ne clamorosa institatur a Clericis &c. transgressio hæc opponetur obedientiæ vel alteri virtuti intentæ.

894. Lugo de *Jus. d. 6. s. 7. n. 65.* ait communem esse sententiam, injustum Venatorem debere, non quidem restituere feram: sed tamen compensationem facere pro læso jure venandi. Addit §. 8. n. 84. nisi ex magnificentia domini colligatur, ipsum non curare restitutionem damni: sed tantum statuere pœnas, ut feræ sint tutæ; quod regulariter ait præsumendum esse de Principibus & Magnatibus. Verbo: in hac quæstione resolvenda, cujusque regionis consulendam esse consuetudinem & praxin, cœnsent Eruditi viri cum *Less. de J. & J. l. 2. c. 5. nu. 32. fin.* *Schambogen. Weizenegger. &c.*

C A P U T I I I.

De modis acquirendi dominii derivativis.

§. I.

De Prescriptione; prout hanc sibi vindicat Jus naturale, Gentium, & Civile.

S U M M A R I U M.

895. &c. An prescriptio referendâ sit ad modos acquirendi dominii originarios vel derivativos? Refertur ibid. opinio docens esse dictatam a Jure nat.
 897. &c. Exponitur notio Usucapionis, Præscriptionis, & Usurpationis.
 899. &c. Prescriptio male attribuitur Juri nat. quoad suam originem.
 908. Afferuntur contraria momenta.

909. &c.

909. &c. *Eaque solvuntur.*

916. &c. *Titulus pro derelicto naturalis unicus est tantum, qui dicitur verus.*

923. *Concluditur, Præscriptionem esse creaturam solius Juris Civilis, licet origine veniat a J. G.*

Q. I.) *An præscriptio sit Juris natura, vel Gentium, aut Civilis?*

895. **E** Gimus hucusque de origine dominii & modis ejus acquirendi *originariis*: sequitur jam de modis ejus acquirendi *derivativis* tractandum. Cum autem n. 740.) dixerimus, modos *derivativos* eos esse, per quos dominium, non jam prima *occupatione*, neque rerum *divisione* *originaria*; sed *speciali* aliquo titulo acquisitum uni, ab hoc transfertur dein in alium; totus nunc propositæ quæstionis cardo in eo vertitur: An præscriptio sit unus acquirendi modus ex *originariis*, seu naturalibus, qui ad primam *occupationem* rei, quæ nullius domini est, referatur, vel an potius sit modus mere *derivativus*; isque jure positivo humano, *Gentium* scilicet & *Civili* introductus, circa quam difficultatem diversi sunt Auctorum sensus. Et quidem

Præscriptionem esse dominii vel libertatis acquirendæ modum *originarium Juris naturalis*, seu esse in re primam *occupationem* rei, quæ nullius est & fuit propria, vel pro derelicta haberi præsumitur: videtur asserere (nullo modo tamen probare) Grotius de J. B. & P. l. 2. c. 4. & in fidem hujus Puffendorpius de J. N. & G. l. 4. c. 12. §. 8. & 9. Cl. P. Schmier *Jurispr. can. civ. tom. 1. f. 179. a nu. 26.* contra communissimam & fere certam aliorum opinionem. Grotii sequacibus adhæret VVolfius *Inst. J. N. & G. c. 8. ubi §. 463.* ait *usucapionem & præscriptionem esse juris naturalis*, additque ibidem: *Juris nimirum civilis est, quod præscriptio derelictionis restringatur ad certum tempus.*

896. In aliud extremum impegit Heineccius in *Element. J. N. & G. l. 1. c. 12. §. 323. in not.* ubi recte quidem *usucapionem & præscriptionem* negat posse dici *originarium* acquirendi dominii modum naturalem, quem Interpretes ad §. 11. *Instit. de rer. divis.* communiter *occupationem* appellant; Verum contra torrentem argumentorum & Auctorum

occupationem &c. porro vix potest aliquem latere hæc pragmatica sanctio Logicorum, etiam ab Jâis & Canonistis recepta: a potentia ad actum (in materia contingente) non procedit argumentatio. Ipse quoque Puffendorffus loc. cit. fin. palam id ipsum fatetur, ubi nedum legem hujusmodi *inhabilitantem* unquam extitisse in praxi non ostendit; sed etiam in casum *possibilis* existentie ejus, ait: *moderate exercendas hujusmodi leges bene monent cordati* &c. Concor-dat opinio Bæckleri ad Grot. d. l. §. 4.

SATISFIT OBJECTIONI.

878. Neque dixeris; Legem civilem prohibentem aliquem actum *in se* & directe, esse hoc ipso irritantem & reddentem subditum inhabilem ad valide eum exercendum, per famosam *L. Non dubium* 5. C. de L. ubi dicitur: *Ut ea, quæ fieri prohibentur, si fuerint facta, non solum inutilia: sed NB. pro infâis etiam HABEANTUR: licet Legislator fieri prohibuerit tantum, nec specialiter dixerit, inutile esse debere, quod factum est* &c. Igitur si venatio prohibita est: hoc ipso nedum illicite, sed etiam invalide fera a venatore apprehenditur, quia hic per ipsam legem *prohibentem* factus est inhabilis ad acquirendum ejus dominium, uti patet ex textu legis citatæ.

Contra enim est I.) quod si vera foret hæc ratiocinatio; sequeretur eum, qui *simplici prohibitione* prohibitus est venari *ratione temporis*, v. g. die festo; venando & occupando feram, non acquirere ejus dominium; & sic de aliis prohibitionum modis a n. 876.) recensitis: quod tamen nedum aperte falsum est: sed etiam vere Eruditis risum movet.

II.) Lex citata loquitur de nullitate actus jure *mere humano* prohibiti, per *sententiam Judicis* primum decidenda, non vero quod ille ipso jure ante omnem sententiam sit nullus. Patet id ex verbis citati textus: *pro infâis NB. HABEANTUR*. Est enim utriusque Juris principium; Quando lex aliqua prohibens actum, requirit opem, & interventio-nem Judicis, utendq; verbis *imperativi* modi, v. g. *privetur officio: multetur: excommunicetur: quod egit, pro infâo habeatur* &c. Lex hujusmodi usque post sententiam Judicis sortitur effectum, ut post Bartol. Bald. & communem aliorum tradunt, Farinac. part. 2. fragment. ver. *Lex n. 63. Menoch. conf. 30. n. 8.* dicens: *Lex voluisset expressisset, l. un. §. fin autem ad deficientis. C. i. Caduc. tollend. l. si servum 71. §.*

non dixit 3. ff. de acquir. hered. Armendar. in præm. addit ad recopil. legum Navarre n. 150. ubi ait: quia quod lex non dicit, non est ab homine præsumendum; Surd. conf. 219 n. 21. Hartm. Pistor. 1. q. 15. n. 10. addens: non enim sufficit quem sic voluisse, nisi & de hoc fiat dispositio, l. quidam cum filium 46. ubi Bartol. & Imol. ff. de hered. inst. cum propositum in mente retentum nihil operetur, L. si repetendi 7. C. de Cond. ob caus. Neque igitur Lex illa quinta plus operari debet, quam Legislator disposuit, volens ut actus tales pro infestis habeantur ope Judicis & post sententiam, non vero aliter.

879. III.) A contrario autem patet, quod quoties Lex, etiam Civilis, ipso jure irritat actum & inhabilem reddit operantem, tunc non utitur imperativo modo, nec remittit ad Judicem, ut hic cum pro infesto habeat; sed in modo indicativo absolute nullum esse dicit; ut liquet ex §. 7. Inst. quib. mod. testam. infr. ibi: Nam imperfectum testamentum sine dubio NB. nullum est. Et in L. hac consultissima 21. C. de Test. dicit Impr. Ex imperfecto autem testamento voluntatem teneri defuncti NB. non volumus. Simile quid habemus pr. Inst. de auctor. tutor. ubi sine verborum ambagibus obligatio unius, & ab ea libertas alterius manifeste exprimitur: Si Tutoris auctoritas non interveniat, ipsi eadem, qui cum his contrahunt, obligantur; at invicem Pupilli NB. non obligantur; juncta l. 15. ff. de solut. &c. &c.

880. IV.) Quia quod actus solo jure positivo humano prohibitus specie differat ab actu etiam irritato, & quod lex humana in se actum prohibens non sit irritans, præter innumeras instantias, major & sanior pars Eruditorum consensit teste Pacian. in 5. Enantioph. cent. 2. q. 4. Brunneus. ad l. 38. n. 7. ff. de Pact. cum aliis supra cit. Et ita juxta omnes, ne dum Civili & Canonico, sed naturali quoque jure prohibita est venditio altera rei semel jam valide & licite venditæ, & tamen illa facta si res vendita tradatur alteri emptori, valet contractus l. 15. C. de R. V. Jure quoque naturali humano prohibetur injusta incussio metus gravis: ut patet ex tot. tit. ff. Si quis aliq. testari prohib. & tot. tit. ff. quod metus caus. actus tamen hujusmodi juxta communio rem Legistarum opinionem, non eo ipso sunt irriti: sed tantum dicuntur esse rescindibiles. Simile quid fit in sententia Judicis, quæ prohibetur ne sub conditione feratur, l. 1. §. biduum, ff. quando appelland. hæc tamen ita prolata valet

juxta omnes, pariter ac subsistit illa, quæ ad candelam de nocte prolata est, nihil obstante prohibitione. Idem est de mercibus contra prohibitionem investitis ac venditis &c.

881. V.) Verum itaque sensum citatæ *l. non dubium* exponit Christoph. Henr. Ferrömontanus in *Corp. Jur. civ. academ. novæ edit. Colonie-Münatiane, cum loc. paralel. Anni 1748*. Ubi ad *d. l. 5. C. de LL.* in prædictis locis parallelis ostendit, quod si lex Civilis aliquid prohibeat, quod jam aliunde *naturali & divino jure prohibitum* est: hoc casu lex humana *in se* prohibens simpliciter actum, *ordinate* reddat eum etiam irritum, & personam inhabilem ad ita operandum, licet nullam irritationis actus & inhabilitatis personæ mentionem fecerit, prout probat id ex *l. 26. ff. de V. O.* dicente: *Generaliter novimus TURPES stipulationes nullius esse momenti*, & ex *l. 27. ff. de V. O.* quæ præcedentem legem his exemplis declarat: *Veluti, si quis homicidium, vel sacrilegium se facturum promittat*, hæc ipsa declaratio habetur in *l. 7. §. 3. & §. 16. ff. de pact.* Hi igitur & similes actus cum aliunde turpes sint & naturali jure prohibiti, utpote foventes iniquitatem naturali jure veritam, si etiam lege humana prohibeantur *simpliciter*, ipso jure fiet irrita eorum *promissio, stipulatio* &c.

882. Secus fit in legibus a solo placito humano provenientibus, quibus inhihentur aliqui actus *natura sua ac intrinsece* non turpes, qualis est *Vonatio* prohibita, & *trajectio* v. g. *lepusculi* in alieno fundo &c. Nunquam enim mens Justiniani citatam *l. non dubium* 5. *C. de LL.* distantis hæc fuit, qualem plerique arbitrarie interpretantur, alioqui mercium, contra *prohibitionem simplicem* venditarum venditor non acquireret pretii, & emptor rei emptæ dominium: id tamen prout sæpe in praxi contingere experimur, ita nullus prudens dubium unquam movit circa contractum hujusmodi *valorem*: quidquid sit, quod contra simplicem prohibitionem *justam* ita contrahens possit delinquere in foro animæ, & etiam contractus ipse, v. g. *emptionis-venditionis* a Judice rescindi queat.

883. Recte proin Suarez de *LL. c. 28. n. 9. Herincx. p. 2. d. 5. de LL. n. 34. Laym. l. 1. tr. 4. c. 16. n. 3.* cum aliis TT. & Legistis censent, legem prædictam: *non dubium* in eo rigore, qui asseritur, nunquam fuisse dictata, aut usu receptam: Imo illam, quatenus esse irritans simul a plerisque dicitur, putant esse tantum *pœnalem*, quod scilicet Jux

dex

dex in pœnam violatæ legis prohibentis, possit actum irritum pronunciare, propter verba in d. l. non dubium contenta, quæ hæc sunt: *nec pœnas inferas legibus, evitabit*; itaque expectanda est sententia, quæ rescisso actu contra legem mere civilem eamque simpliciter prohibentem gesto, condemnet v.g. *ad restituendam feram*, vel æstimationem ejus solvendam. Atque in hoc solo sensu citatam legem quintam canonizatam esse per Cap. *Pactiones ult. de pactionibus* sustineri potest cum Zoef. ad ff. l. 1. tit. 3. de LL. f. 29. a n. 47. Lavm. de LL. cit. l. 1. tr. 4. c. 16. a n. 3. & aliis ab illo citatis.

884. *Dicendum est* II.) Venator feram capiens etiam in loco prohibito, eoque non clauso, aut clauso quidem, sed ita vasto, ut in eo difficillime capiatur (prout contingit v. g. in Insulis duarum aut trium leucarum &c.) regulariter sit dominus feræ.

Ira communissime DD. fundati in manifesta L. 1. ff. de aqu. rer. dom. ibi: *Omnia igitur animalia, quæ terra, mari, celo capiuntur, id est FERÆ bestię, volucres, pisces capientium sunt*. Huius autem ratio datur in mox sequente l. 3. ff. eod. tit. quod enim nullius est, id naturali occupanti conceditur. Nec interest, quo ad feras bestias & volucres, utrum in suo fundo quis capiat, an in alieno. Equidem subiungit textus ibidem, liberam unicuique domino esse facultatem prohibendi ingressum: *Planę qui in alienum fundum ingreditur venandi aucupandique gratia, potest a domino, si is præviderit, jure prohiberi, ne ingrederetur*; Verum hæc prohibitionis simplici non obstante, adhuc dominium feræ captæ penes capientem manere asseritur, cit. legis tertiæ incontinenti his adjectis verbis: *Quidquid autem eorum ceperimus, eo usque*. NB. *NOSTRUM* esse intelligitur, donec nostra custodia coercetur. Igitur simplex illa prohibitio ingressus in fundum venandi aucupandive gratia, non impedit acquisitionem domini in feram captam, neque ejus naturalem libertatem imminuit, siquidem etiam post hanc prohibitionem captum prædictum animal *NOSTRUM* esse intelligitur &c. Concordat §. *Feræ* 12. Instit. de Rer. divis.

885. Ratio etiam est: animal illud ferum non erat domini illius fundi, sed nullius, per cit. l. 3. ff. igitur transit in dominium primo occupantis, qui non fuit inhabilis redditus ad id acquirendum. Animantia enim non sunt fructus agrorum, silvarum vel fluviorum, sicut arbores, quæ solo adhærent: sed alia ex aliis procreantur, ut liquet

ex l. Venationem 26. ff. de usur. ubi Julianus manifeste negat venationem fructum fundi esse; quamvis contineatur inter emolumenta ejus & commoda, per l. Item si fundi 9. §. Aucupiorum, ff. de usufruct. Unde sequitur, etiamsi fundus, vel possessio talis sit, ut e us fructus in venatione consistant, ipsaque venatio sit alteri elocata, (ut plerumque fit in Lithuania) non tamen ideo animalia fiunt conductoris, vel usufructum habentis, quamdiu naturali libertate fruuntur: sed conductor & usufructuarius solum jus venandi in tali fundo habet, quod jus censetur ad fructus agri vel silvæ pertinere. Cov. ad reg. peccatum p. 2. §. 8. n. 9. (9. 11. Paul. Mezger Theol. Schol. t. 3. tr. 11. d. 27. art. 1. §. 2. n. 9. D. Bassus Semicent. controuv. Can. Legal. controuv. 4. de venat. m. 12. Schambogen &c. Dixi regulariter fit dominus feræ: scilicet si non sit expresse inhabilis factus ad dominium acquirendum.

886. Dicendum est III.) Prædictus Venator quamvis peccet contra jus alterius: 2.) Tamen per se non tenetur ante sententiam restituere feram ei, qui habet jus venandi, etiamsi hic simplici prohibitione inhibuerit sui fundi ingressum venationis causa. 3.) Neque per se loquendo obligatur ad estimationem feræ eidem solvendam, nisi aut Judicis sententia præcesserit: aut saltem a fundi domino rationabiliter requisitus fuerit.

Ratio primi) est. Quia qui venatur in aliena possessione rationabiliter invito domino, facit illi injuriam. Dominus enim jus habet, ut nemo ibi se nolente venetur: ut liquet ex cit. §. Feræ 12. Inst. de R. D. l. 3. ff. de A. R. D. l. Divus Pius 19. ff. de servit. præd. rust. l. per agrum 11. C. de servit. juncta l. Item si fundi 9. §. Aucupiorum, ff. de usufruct. ibi: Reditus aucupiorum ad usufructum agri pertinere, nec esse rationabile in agro alieno quemquam, nolente domino aucupari. Quo loco, conformiter iis, quæ diximus n. præced. 885.) declarat citatus textus venationem & aucupium non esse quidem fructum fundi, neque accessionem ejus: pertinere tamen, seu reduci ad usufructum fundi, quia scilicet jus venandi, aucupandi potest fructum asserere, si dominus faverit jure venandi, aucupandi usus fuerit ipse, alteri locaverit &c. Consequens autem est, ut violando hoc jus alterius peccet aliquomodo, scilicet pro gravitate injuriæ, & circumstantiarum. Quod si venator subditus fuerit domini fundorum, qui simplici prohibitione inhibuit,

nē quis suorum audeat venari in loco certo, illē cum pręvari-
cetur *justam*, ut supponitur, legem *prohibentem*, non erit
immunis a peccato, saltem contra obedientiam debitam
lęgitimo Superiori c. 1. de Const. l. de quibus 32. ff. de LL.
Nisi forte ex praxi Judiciorum, & Regionis consuetudi-
ne constet legem hujusmodi esse *pęnalem*, qualem putant
esse Silvest. v. *venatio Navarr.* c. 17. n. 12. &c.

887. Ratio secundi). Talis enim venator non contrecta-
vit rem alienam, cum fera in nullius dominio fuerit, sed
tanquam primo occupans eam apprehendit & fecit suam,
per cit. §. 12. Inst. & l. 3. ff. de A. R. D. Nec refert, quod
apprehensio hęc ferę fuerit *injuriōsa*, quia non ideo fuit
contra jus proprietatis, seu contra justiciam commutativam
obligantem ad restitutionem ferę, in eam enim ne-
mo prius habuit jus proprietatis: Sed si forte apprehensio
hęc fuit contra justiciam commutativam, eatenus fuit,
quatenus *lesit jus venandi*, id est ablata fera fecit illud
jus minus æstimabile: igitur non tenetur aliquid reddere
pro fera: sed *ad summum* tenetur aliquam compensatio-
nem facere pro læso jure venandi, Cov. *supr.* n. 4. Medi-
na q. 12. Gudelin. *de jure noviss.* l. 2. c. 2. & ex eo Arnold.
Vinius ad §. 13. Inst. de R. D. ubi dicunt, talem Venatorem
„ non committere furtum, nec auferre rem alienam, sed
„ acquirere eam, cuius acquirendi jus alter valde remo-
„ tum habebat: ipsumque pęna affici, rei autem ita ac-
„ quisitę vitium furtivi non adhærere „

Luculentius adhuc loquitur Ziegler. ad Grot. l. 2. c. 2. §. 5.
ubi absolute negat posse Legislatorem subditos suos inha-
biles reddere ad acquirendum dominium ferę in fundo ve-
nationi prohibito capte (quod tamen nos hic n. 866.) tan-
quam verisimilius defendimus) ait enim ille contra opinio-
nem Grotii: *Impediri lege posse, ne ferę capiantur, sed ut
capiendo non acquirantur, impediri lege non posse. Siare enim
posse jus prohibendi cum acquisitione ipsa. Diversas esse quęstio-
nes, utrum aliquis acquirat capiendo, & utrum liceat hoc ac-
quirendi modo uti. In prima quęstione nihil posse Majestatem.
Quemadmodam facere nequit, ut alicujus sint, quę nullius sunt,
aut ut possideantur, quę non possidentur l. 3. §. 14. ff. de acquir.
rer. poss.* ita nec prohibere posse acquisitionem, nec facere, ut
quę acquisita jam sunt, non sint acquisita. Sed in secunda li-
berum esse Principi imperium, nempe quod possit prohibe-
re suo pęcepto, si tamen contra prohibitionem capiatur
fera,

fera, transgressor legisejus acquireretur dominum, concordat D. Bafus *l. c. n. 12.* Schambogen & alii Jcti.

888. Hinc sequitur: cum qui trajecit verbi gratia cervum, non teneri illum reddere, sed ad summum tantum dare, quantum valet *spes*, quam concepit dominus Foresti cum cervum capiendi: vel quanti valet jus eum cervum venandi, quod utique minus valet quam cervus cum incertum fuerit, an capiendus esset. Hæc tamen læsio potest esse major vel minor, prout major spes fuit eam feram capiendi, vel etiam prout plures vel pauciores illius speciei feræ sunt in silva. Si enim sint multæ: læsio fit parva nam propter captum unum aut alterum v. g. leporem, modicum damnum infertur juri venandi, nec enim ideo pauciores capit dominus Foresti, nec jus venandi redditur notabiliter vilius, seu minus æstimabile, Molina *to. 1. de Just. tr. 2. d. 51.* Ininger *de dom. disp. 3. q. 1. a. 4. q. 4.* Tunc autem certo læsio juris hujus magna foret, si quis per venationem nimis frequentem, aut intempestivam, e. g. tempore, quo gravidæ sunt feræ, notabiliter eas minueret, aut fugaret, hoc enim damnum utique est magnum.

889. Ratio tertiæ) est. Quia æstimatio solvenda succedit in locum rei alienæ destructæ, vel consumptæ, *l. 22. ff. de petit. hered.* atqui fera non fuit in dominio venationem prohibentis, consequenter non fuit res aliena, quæ suo domino obligata foret, igitur neque æstimatio locum habet ante Judicis sententiam; post hæc tamen solvenda erit, non quanti fera valuit, quæ in rebus fundi possessoris nunquam fuit; sed (juxta dicta n. 887.) quantum jus venandi læsum est, aut certe pretium illud titulo *multæ* rationabiliter per Judicem impositæ præstandum erit, parandum enim est sententiæ, *l. 3. ff. de Jurisd.*

Quod vero solvete interdum debeat, saltem si *rationabiliter a domino fundi requisitus fuerit*: Ratio est, quia illis casibus, quibus v. g. fundi possessor venationem sibi *contractu locatam* habet, aut *damnum notabile* perfurtivam venationem juri venandi illatum fuerit, nimis onerosum foret agri domino expectare Judicis sententiam & novis impensis eam urgere: hinc æquitas suadet, ut ille qui damnum hujusmodi intulit, etiam ad simplicem requisitionem parti læsæ satisfaciatur, per ea quæ diximus n. 612.)

890. Et hanc ob causam dixi in assertione, venatorem hujusmodi *per se* non teneri restituere vel solvere ante sen-

ten-

gentiam, aut saltem donec rationabiliter requisitus a fundi dominio fuerit. Quia si Princeps in pœnam spoliare feram & alia insuper pœna multare (non tamen mutilatione aut morte, nisi alia circumstantia gravis contemptus legum vel alterius gravis delicti accedat) voluerit, sustinere hæc debet, etiam propter solam culpam juridicam. Si quoque læsio juris venandi supra explicata, notabilis & certa fuerit, obligabitur ad damni reparationem ante sententiam, idque quantum illius domini intererat, ne in loco alieno venaretur. Ita communis DD.

891. Ad eandem restitutionem verosimilius tenetur, qui feram laqueo unius ita captam, & irretitam, vel ab alio ita vulneratam, ut amplius manus ejus effugere haud potuerit, sibi usurpavit. Hoc quippe casu feræ hæc erant illaqueantis & vulnerantis, qui eas longa manu videtur occupasse. Apprehensio enim fit non solum manibus: sed etiam instrumentis. Et ita definitus est casus de apro, qui in laqueum alterius inciderat, prout videre est in l. 55. ff. de A. R. D.

Q. III.) An autem lex venationem prohibens sit tantum pœnalis?

892. Affirmant esse tantum pœnalem non pauci cum Ininger de dominio disp. 3. q. 1. a. 4. q. 3. eo quod reservatio juris venandi facta per Principes, non adeo stricte accipitur; & hi ipsi contenti esse soleant pœna furtive venantium: Multi quoque asserunt eam habere vim præcepti obligantis ex justitia, prout evincere conatus est D. Bassus l. c. contr. 4. n. 6. hac persuasus ratione: quia lex hujusmodi est defensiva juris acquisiti, obligat proin in conscientia ad omissionem actus prohibiti, & contraveniens peccat contra justitiam, quamquam Legista hic non declarat, contra quam Justitiam peccet, num contra legalem: vel commutativam, & an semper contra hanc?

893. Solidius respondent alii, qui docent: Violatio præcepti hujus sitne contra Justitiam rigorosam vel contra obedientiam, aut tantum contra legem pœnalem; attendi debet ad finem & intentionem prohibentis. Si enim per illam intendatur acquisitio seu defensio juris proprii, vel alteri conferendi; venatio, quando non ex more, præciso lege pœnali interdicitur, est contra justitiam, & licet animal

nimal utpote liberum, & ante apprehensionem sub nullius dominio constitutum spectet ad iniustum Venatorem, juxta cit. §. *Fera*, faciendâ tamen esset reparatio damni, in quantum locus vel jus venandi, propter fugationem aut diminutionem ferarum magis evulit. Nisi eadem reparatio intuitu majoris pœnæ post sententiam Judicis solvendæ; recepta jam consuetudine, si transgressor deprehendatur (teste *Molina, Lessio, Palao, Haun. Meizer*) fuisset remissa. Si autem per prohibitionem illius finis intendatur, prout intenditur v.g. ne die festo venatio fiat, ne clamorosa institatur a Clericis &c. transgressio hæc opponetur obedientiæ vel alteri virtuti intentæ.

894. *Lugo de Jus. d. 6. s. 7. n. 65.* ait communem esse sententiam, iniustum Venatorem debere, non quidem restituere feram: sed tamen compensationem facere pro læso jure venandi. Addit s. 8. n. 84. nisi ex magnificentia domini colligatur, ipsum non curare restitutionem damni: sed tantum statuere pœnas, ut feræ sint tutæ; quod regulariter ait præsumendum esse de Principibus & Magnatibus. Verbo: in hac quæstione resolvenda, cujusque regionis consulendam esse consuetudinem & praxin, cœnsent Eruditi viri cum *Less. de J. & J. l. 2. c. 5. nu. 32. s. m. Schambogen. Weizenegger. &c.*

C A P U T I I I.

De modis acquirendi dominii derivativis.

§. I.

De Præscriptione; prout hæc sibi vindicat Jus naturale, Gentium, & Civile.

S U M M A R I U M.

895. &c. *An præscriptio referenda sit ad modos Acquirendi dominii originarios vel derivativos? Refertur ibid. opinio docens esse dictatam a Jure nat.*
 897. &c. *Exponitur notio Usucapionis, Præscriptionis, & Usurpationis.*
 899. &c. *Præscriptio male attribuitur Juri nat. quoad suam originem.*
 908. *Afferuntur contraria momenta.*

909. &c.

909. &c. *Eaque solvuntur.*

916. &c. *Titulus pro derelicto naturalis unicus est tantum, qui dicitur verus.*

923. *Concluditur, Præscriptionem esse creaturam solius Juris Civilis, licet origine veniat a J. G.*

Q. I.) *An præscriptio sit Juris naturæ, vel Gentium, aut Civilis?*

895. **E**gimus hucusque de origine dominii & modis ejus acquirendi *originariis*: sequitur jam de modis ejus acquirendi *derivativis* tractandum. Cum autem n. 740.) dixerimus, modos *derivativos* eos esse, per quos dominium, non jam prima *occupatione*, neque rerum *divisione* originaria; sed *speciali* aliquo titulo acquisitum uni, ab hoc transfertur dein in alium; totus nunc propositæ quæstionis cardo in eo vertitur: An præscriptio sit unus acquirendi modus ex *originariis*, seu naturalibus, qui ad primam *occupationem* rei, quæ nullius domini est, referatur, vel an potius sit modus mere *derivativus*;isque jure positivo humano, *Gentium* scilicet & *Civili* introductus, circa quam difficultatem diversi sunt Auctorum sensus, Et quidem

Præscriptionem esse dominii vel libertatis acquirendæ modum *originarium Juris naturalis*, seu esse in re primam *occupationem* rei, quæ nullius est & fuit propria, vel pro derelicta haberi præsumitur: videtur asserere (nullo modo tamen probare) Grotius de J. B. & P. l. 2. c. 4. & in fidem hujus Puffendorpius de J. N. & G. l. 4. c. 12. §. 8. & 9. Cl. P. Schmier *Jurispr. can. civ. tom. 1. f. 179. a nu. 26.* contra communissimam & fere certam aliorum opinionem. Grotii sequacibus adhæret VVolfius *Inst. J. N. & G. c. 8.* ubi §. 463. ait *usucapionem & præscriptionem esse juris naturalis*, additque ibidem: *Juris nimirum civilis est, quod præsumptio derelictionis restringatur ad certum tempus.*

896. In aliud extremum impiegit Heineccius in *Element. J. N. & G. l. 1. c. 12. §. 323. in not.* ubi recte quidem *usucapionem & præscriptionem* negat posse dici *originarium* acquirendi dominii modum naturalem, quem Interpretes ad §. 11. *Institut. de rer. divis.* communiter *occupationem* appellant; Verum contra torrentem argumentorum & Auctorum

Horum nititur, ubi eandem usucapionem & præscriptionem ita legi civili adjudicat, ut nequidem *originem* earum *Juri Gentium* (quod nos §. 2. demonstrabimus) ullo modo tribuat: Quo autem facilius extrema hæc vitentur,

897. Supponendum est 1.) *USUCAPIO* (quam VVolfius l.c. §. 451. minus recte acquisitionem dominii ex derelictione præsumpta vocat) recentioribus Jurisperitis nihil aliud est, quam *causa acquisitionis dominii vel juris, consistens in usu, seu ipsa possessione, vel quasi possessione rei alienæ tempore lege definito continuata*, prout liquet ex l. *Usucapio* 3. ff. de usurp. & usucap. Hæc usucapio si fuerit perfecta, non differet a præscriptione, & præter possessionem ac temporis cursum, debet etiam reliquas ejus condiciones habere, alioqui foret nuda detentio rei alienæ, imo legibus improbatæ: 2.) Jam vero *PRÆSCRIPTIO* prout est species exceptionis peremptoriæ, est *Modus acquirendi, quo jus, vel liberationem ab obligatione, per possessionem bona fide, cum titulo, & tempore debito continuatam nanciscimur*. 3.) Et quamvis olim non unum discrimen inter usucapionem & præscriptionem assignaretur, eo quod plerique existimarent illam habere locum in rebus mobilibus, hæc vero etiam in immobilibus: usucapionem contentam esse *usu capte* seu possessæ rei alienæ per tempus lege definitum, juxta cir. l. 3. ff. quin de titulo; & bona fide questio locum in ea habeat; secus fieri putabant in præscriptione; &c. Moderno tamen usu, teste Cov. ad Reg. Possessor, in pr. & §. un. relef. i. ac seqq. Arnold. Rath. de præscr. c. i. asseri. 3. & Bacchov. ad pt. Inst. de usucap. n. 4. fin. post sublatam dominii Quiritarii, & Bonitarii divisionem in l. un. C. de nud. jur. Quirit. tollend. ac transformatam a Justiniano Usucapionem in l. un. C. de usucap. transform. nulla amplius differentia, siue in rebus; siue in loco, aut tempore, vel aliis conditionibus de jure requisitis superest: Quod etiam patet ex SS. Canonibus; qui sine ullo discrimine de usucapione & præscriptione loquuntur.

Hinc etiam factum est, ut ipsa *usucapio* & *dominii acquisitio capta* sit vocari *præscriptio*, cum tamen hæc ex usucapione tanquam sua causa *inadequata* oriatur; ut patet ex L. Emptor 7. C. de præscript. longi temp.

898. Demum notandum est 4.) quod *USURPATIO*, de qua mox citandæ leges loquuntur, referatur etiam ad usucapiones & præscriptiones, tanquam Advocata dominiorum,

rum, ne hæc ita facile ab uno proprietario per præscriptionem transeant in jus alterius: illam Paulus Jctus in l. 2. ff. de Usurpat. & usucap. his verbis definit: *Usurpatio est usucapionis interruptio*. Quot vero modis interrumpatur usucapio; colligi potest ex d. tot. tit. ff. de usurp. & usucap. tradique solet alibi ad tit. de præscr. His autem, quæ ad nostrum hic & nunc forum spectabant; præmissis, ad propositam quæstionem:

899. **DICENDUM**: Præscriptio in sensu Grotii & suorum sequacium, male attribuitur Juri naturali; ac proinde illa non est confundenda cum *occupatione* rei, quæ nullius est tanquam *originario* acquirendi dominii modus: Nihil tamen vetat prædictam usucapionem esse de jure naturali, in sensu *vulgari*: scilicet quod referatur ad jus naturæ *negative* tale: Ita tenent communissime DD. Asserta autem responsio hunc in modum deducitur.

Nam 1.) In hac materia, ubi de modis acquirendi dominii agitur, cum ex sola ratione nostra haud efficaciter demonstrari possit controversiæ quæstionis veritas, debemus fidem adstruere antiquitati simul ac summæ Auctoritati: antiquitas continetur in testimoniis Jctorum, ex quorum codicibus & responsis Jus Romanum compilatum est: summa Auctoritas relucet in Justiniani, aliorumque Imperatorum Majestate, qui leges pro Romano Imperio ex variis Jurisperitorum operibus in unum Corpus collectas sub suo nomine evulgari dignati sunt; plurimasque Constitutiones proprio Marte dictarunt: Atqui in his omnibus nullum apicem reperire est, qui testetur *præscriptionem* esse ipsam primævam rerum *occupationem*; aut *occupationem pro derelicto præsumpto* jure nat. introductam.

900. Imò reperitur contrarium: Præterquam enim quoddam Justinianus, ubi agit de modis acquirendi dominii, distinguat *occupationem* ab *usucapione*, & omnibus aliis modis, ut liquet ex §. *Fere 12. Inst. de R. D.* ac ex §. *Quæ ratione 47. Inst. eod.* His non contentus, adhuc clarius specificam horum differentiam assignat in principio tituli *Inst. de Usucap.* ubi expresse ait *Usucapionem non esse occupationem jure naturali* introductam, multo minus, ut plerique fingunt *dilatam & præceptam* ab eo: sed esse potius creaturam *jurispositivi humani*. Ita enim ille loquitur loc. cit. **JURE CIVILI** constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex

don a-

donatione, aliave quavis iusta causa acceperit, &c. Concordat l. 1. cum aliis seqq. ff. de usurp. & usucap. Ex quibus apparet, quod non solum tempus (ut voluit Adversarii) a jure positivo determinatum sit: sed ipsa *usucapio* seu *prescriptio* quo ad suam speciem ab eo introducta fuerit, ut liquet ex verbis cit. *Jure CIVILI constitutum &c.*

901. Dein II.) probat contrarium *RATIO*. Si enim verum est *prescriptionem* esse *originariam occupationem*, vel provenire ex titulo *pro derelicto*, dictatam a jure naturæ, sequitur non esse opus expectare ullum tempus, sed statim ac res a primo occupante bona fide apprehensa est, eam hoc ipso instanti fieri suam, uti patet ex n. 735. } ubi originem dominiorum per primam *occupationem* introductam exposuimus, ac ulterior hujus ratio est: Quia juxta dicta n. 762.) *Occupatio* nihil aliud est, quam *earum rerum, quæ nullius propriæ: sed jure naturali omnium hominum communes sunt, apprehensio*, quæ dicitur quidem *naturalis*: sed improprie; *Jure enim Gentium* eam esse introductam constat ex n. 741. & 774.) ac patet ex d. §. *Fera*. Porro ut tales res nostro dominio acquirantur non est opus utique annali, triennali, decennali &c. tempore, ut liquet ex cit. §. *Fera* 12. & l. 1. ac l. 3. ff. de A. R. D. sed statim nostræ sunt. Hoc autem admissio: ex opinione Adversariorum immensum chaos injuriarum proximi sequitur, ut perpendenti facile constare potest. Ubique enim laxabuntur fræna avaritiæ; sed vel maxime in illis Orbis partibus, in quibus Jus Romanum commune non est receptum, Canonicum etiam incognitum, & privatæ Regionis illius circa *prescriptionem* leges nullæ sunt, ac sola *lege naturali* homines ut plurimum reguntur. Hi, hisque similes non difficulter sibi persuadebunt rem *pro derelicto haberi: nullius esse propriam: præsumi esse abjectam a suo domino &c.* Atque ita instantanee transiisse in occupantis dominium, ea ratione, ac Insulæ, terræ incognitæ, gemmæ in mari reperiæ, thesauri, quorum restitutionis nulla extat memoria &c. transferunt in dominium primo occupantis, quin aliqua temporis intercapedo requireretur.

902. Quo autem Patroni hujus doctrinæ penitus sentiant opinionem suam cum tota argumentorum penu in scopulum impegisse, percipiant, necesse est, 3.) seminos consequenter ratiocinari, ubi suam *prescriptionem* statuunt in *presumpta rei derelictione, seu abiectione*, ac a jure nat. dicta.

dilatata eius occupatione, & tamen requirunt *certum tempus, justum titulum*, cum reliquis conditionibus ad præscriptionem requisitis. Sicut enim jam demonstravimus, quod in *prima* rei, quæ in nullius est, aut unquam dominio fuit, *occupatione*, non sit ullius temporis aut alterius ab ipsa occupatione distincti *justi tituli* habenda ratio, per d. §. *Fere* 12. *Inst. de rer. divis.* ibi: *simul atque ab aliquo capta fuerint*, NB. *STATIM* ejus esse incipiunt, ita in acquisitione domini per *occupationem rei pro derelicto*, temporis certi cursus vel alius titulus non est necessarius, ut liquet ex dictis hic num. 773.) Ubi etiam ostendimus modum hunc acquirendi domini, quo ad substantiam non differre a *prima occupatione*, & luculenter patet ex §. *Qua ratione* 47. *Inst. de rer. divis.* ubi quoque in hac naturali *pro derelicto occupatione*, sine ulla temporis & alterius tituli habenda ratione, dominia *statim* acquiruntur, dicente textu loc. cit. *si rem PRO DERELICTO a domino habitam occupaveris quis*, NB. *STATIM* eum dominum effici. Cum autem adversarii necessario requirant certum tempus a jure positivo determinatum (neque enim jus naturale illud determinare potuit) modus acquirendi per *præscriptionem* non est *identice*, imo neque *reducitive* modus acquirendi per naturalem *occupationem pro derelicto*; sed juri positivo qua Gentium, qua Civili attributus.

903. Tanto minus sustineri potest opinio hæc, 4.) quia repugnat definitioni & naturæ rei *pro derelicto* naturaliter seu Gentium jure introducto, afferri solitæ. Nam juxta cit. §. 47. *Inst. Pro derelicto habetur, quod Dominus ea mente abjecerit, ut id in numero rerum suarum esse nolit: idque* NB. NB. *STATIM* dominus ejus *ESSE DESTINIT*: porro in adversariorum præscriptione non statim desinit dominus, ejus res usucapitur: verum opus est tempore, & aliis conditionibus a jure positivo determinatis: usucapio igitur hæc (nisi perperam affirmetur) non est rei *pro derelicto* naturaliter habitæ occupatio.

904. Quo etiam facit 5. quod citatus textus non contentus vana divinatione de mente domini, seu præsumptione domini ac abdicatione (super qua contraria opinio fundat suam intentionem) manifeste requirat in nobis certitudinem, quod *ea mente abjecerit, ut id in numero rerum suarum esse nolit*, alioqui si sola præsumptio sufficeret, frustra *furtum committere* diceretur is, qui *lucrandi animo* sciens

Sci Nat. & Gent.

O p

appre-

apprehendit res ob periculum naufragii navi ejectas; aut eas quæ de rheda corrente cadunt: §. ult. Instit. de rer. divis. Deberet autem posse eas suas facere, saltem si longo, vel longissimo tempore dominus illas non requirat, quia tunc, in sententia Adversariorum stat præsumptio contra dominum, quod eas pro derelicto habeat. Porro temeritatem præsumptionis hujus condemnant omnia jura; C. fin. de præscr. ac R. J.2. in 6. juncta l.2. §. si sub conditione; ff. pro Emptor. ubi requiritur ad præscriptionem rei vitiosæ; quatenus hæc ad tertium bonæ fidei possessorem perveniat, ita enim purgabitur vitium & res vitiosa 30. vel 40. annis præscribetur, l. super annali i. §. i. Cod. de annal. except. Porro res hic in exemplo adductæ sunt vitiosæ, ut pote per cit. §. ult. Inst. furto æquiparatæ. Vide nostra Respons. jurid. can. part. I. respons. 5. n. 295. & a n. 283.)

905. Ac patet adhuc ex §. Hoc amplius 46. Inst. de rer. divis. ubi non mera divinatio; seu præsumptio cerebrina, sed absoluta certitudo de mente domini requiritur, ut is censeatur rem suam naturaliter pro derelicto habendam velle, ibi enim modus hic acquirendi domini rei pro derelicto declaratur exemplo ejus, qui sua sponte projicit pecuniam in vulgus; animo, ut capiat qui vult & potest: en verba textus cit. Interdum & in incertam personam collatæ voluntas domini transfert proprietatem; ut ecce; Prætores & Consules, cum missilia jactant in vulgus, ignorant quod eorum quisque sit excepturus! & tamen quis volunt; quod quisque acceperit; ejus esse, STATIM eum dominum efficiunt. Notentur hæc verba: jactant in vulgus: volunt: ac statim eum dominum efficiunt. Nunquid igitur ex his divinatoria præsumptio sufficere; an potius absoluta certitudo de voluntate domini ad rem naturaliter pro derelicto habendam requiri censenda est?

906. In defectu autem absolutæ certitudinis de voluntate hac domini non negamus posse quidem præscribi rem alienam; ac non titulo naturali pro derelicto: sed ope usucapionis a jure Gentium (ut infra dicemus) originem, formatam vero a jure Civile habentis. Cum enim Respublica, seu Princeps superius jure jurisdictionis & superioritatis possit disponere de bonis privatorum, in iis, quæ necdum ad publicum: sed vel maxime ad privatum etiam eorum bonum (qualis est usucapionis effectus) spectant, per Nov. 39. C. 1. juncta l. 1. ff. de Const. Princ. ac pr. Inst. de usucap. verb. ne rerum dominia incerta essent, dubio va-

cat,

cat, potuisse supremos Principes constituere; ut si quis; certis servatis conditionibus, rem alienam usuceperit, domino sive scienter; sive per ignorantiam, eam intra certum tempus non vindicante; suam faciat, c. *Vigilanti*, de *prescript.*

Demum his accedit 6.) quod non appareat, qua ratione præscriptio sit creatura Juris naturalis; cum neque determinationem *quantitatis* in tempore, neque *qualitatis* in bona fide aut tituli *specifici*, vel *possessionis* circumscriptionem potuerit habere ab illo: sed a solo jure positivo. Neque enim Præscriptio unquam fuit *intrinsece necessaria* ad hominem in *ratione morali* recte formandum, quod solum & unicum est officium legis naturalis. Hæc ipsa vero argumenta pluribus aliis confirmantur in solutione contrariorum fundamentorum.

907. Quod autem prædicta *usucapio* referri possit ad jus naturale *negativum*, seu mere *permisivum*, clare colligi potest ex dictis hic supra *an. 39. ac 41.*) ad huiusmodi enim jus naturale omnes omnino actus *de se* indifferentes optime referri possunt, utpote qui per huiusmodi relationem non cadunt sub legem naturalem, nisi *improprie*; ut loco cit. demonstratum est, ubi etiam probavimus esum carniū; potum vini, cerevisiæ; lusum honestum & id genus alia; ad idem jus naturale mere *permisivum* reduci posse. Hinc si etiam usucapionem sui Patroni ad huiusmodi legem naturalem reduxissent; salva forent omnia. Nam juxta cit. n. 41. & 69.) actus a jure naturali mere *permisivi*, quoties suam formam recipiunt a lege *Civili*, vel alia *positiva*; cadunt absolute & simpliciter sub legem civilem, vel aliam positivam, ac *hæc solius* sunt & dicuntur *creature*, non autem legis naturalis mere *permisivæ*; ut liquet in actu *testamenti solennis*, *adoptionis* &c. &c.

EXAMINANTUR CONTRARIA MOMENTA:

908. Præscriptionem esse *primam occupationem rei*, quæ nullius est & fuit *propria*; vel saltem pro *derelicta* haberi præsumitur; dictatam a J. N. probare sui Patroni nituntur sequentibus momentis. I.) In circumstantiis præscriptionis adest voluntas prioris domini, signis externis, scilicet *verbis*, *factis*; aut *non-factis* sufficienter manifestata, quod ille velit in alterum rei suæ possessorem, dominium transferre: igitur voluntas ejus ita significata habet virtutem

transferendi dominium; ac proin stando in solo jure natura-
re Præscriptio est modus de se habilis ad transferendum
dominium. II.) Qui *probabiliter* scit rem suam ab alio pos-
sideri, & tamen cum possit, eam non repetit, habet volun-
tatem sufficienter manifestatam abdicandi se jure, quod
illam in rem habuit: NB. neque enim aut silentii, aut
negligentiæ hoc casu *alia esse causa* noscitur, quam abdi-
catio iuris. Porro in circumstantiis Præscriptionis anti-
quus Possessor *probabiliter* scit, rem suam ab alio posside-
ri, & tamen cum possit, non repetit: nam decursu 30. for-
te vel 40. annorum, aut saltem temporis immemorialis,
accuratus rei domesticæ curator utique notitiam & oca-
sionem inveniet pristinam possessionem recuperandi, aut
alterius possessionem interrumpendi, maxime in rebus im-
mobilibus, quæ difficulter absconduntur. Adest itaque vo-
luntas sufficienter manifestata.

III.) In puncto præscriptionis res ad eum statum devol-
vitur, ut dominus nequeat amplius rationabilem spem ha-
bere repetendi quod suum erat, esto quod ex affectu spe-
ciali remaneat quædam simplex velleitas: igitur res illa
habetur pro derelicta.

IV.) In dubio, velitne dominus rem habere pro dere-
licta, necne: animum derelinquendi prudenter conjicimus,
quando dominus cum facile posset, non curat inquirere in
rem suam. V.) Titulus *pro derelicto* si verus sit, impedit
quidem præscriptionem, eo quod res per eum statim & sine
præscriptione acquiratur, per *cit. §. 47. Inst. de R. D.* non au-
tem impedit eam, si fuerit *presumptus*, quia hic dat cau-
sam præscriptioni, *t. t. ff. pro derelicto*.

VI.) Distinctio dominiorum est juris naturalis, id est,
ab ipso jure naturæ DICTATA est bonorum divisio: igi-
tur etiam præscriptio. Quia utraque ad pacem humani ge-
neris fuit necessaria.

VII.) Præscriptio recte ubique allegatur etiam inter po-
pulos illos, qui contempto vel ignorato Gentium jure,
solo naturæ lumine reguntur & diriguntur. Concludunt
tandem iidem A. A. igitur *Præscriptio a Jure Naturæ* par-
tim ex *rationabiliter præsumpta derelictione* & abdicatione
dominii, partim ex motivo pacis & tranquillitatis publi-
cæ exordium accepit, eaque ab illo *dictata* est.

909. Quam solida autem sint momenta hæc, ex sequen-
tibus constabit. Respond. enim ad I.) Si adest voluntas

prio-

prioris domini signis externis *sufficienter* manifestata, quod ille velit in alterum rei suæ possessorem dominium transferre, illudque actu transferat, abdicando se ejus juri, ut ratiocinatur Adversarius: non est jam opus prescriptione. Uti patet in Renunciationibus; bonorum Cessionibus; Donatione; &c. Fallitur igitur in supposito, quod casu *sufficienter* manifestatae voluntatis de abdicatione domini, requiratur adhuc prescriptio ad id acquirendum. Contrarium enim patet ex *pr. Inst. de usucap.* ubi docemur; prescriptionem introductam esse, ne veram dominia in incerto essent; porro tunc dominium prioris Possessoris non est in incerto, si verum est, quod ex signis externis *sufficienter* constat de ejus abdicatione facta in secundum possessorem, qui rem suam detinet. Inconsequentia hæc adversæ opinionis pugnat cum recta ratione, praxi humana, & jure positivo; nam juxta C. 31. de R. 17 in 6. *Eum; qui certus est, certiorari ulterius non oportet.*

910. Ad II.) Redit data jam responsio; scilicet si verum est constare *sufficienter* de manifestata abdicandi domini voluntate; minus consequenter requiritur prescriptio (R. 2.) Ex eo, quod prior possessor *probabiliter* sciatur rem suam ab alio possideri, & tamen eam; cum possit, non repetat, pessime infertur rei abdicatione, & perniciose contra justiciam; ex hac *probabilitate* adjudicatur dominium alteri. Pateat id in exemplo; Ego mille aureos mutuos dedi Sempronio meo intimo amico & consanguineo; viro prædiviti & timoratae conscientia; cum etiam idem elocaret filiam suam in matrimonium, dedi eidem commodato gemmas valoris 10000. aureorum; Et siquidem optime persuasus fui de teneritudine conscientia Sempronii; pariter ac de magno fortunæ ejus nervo, neque etiam mutuo data pecunia ac commodatis gemmis, ad usum meum hic & nunc indigueram; ita me extra omne rerum mearum amissionis periculum esse ratus, statui in animo meo, ut ob reverentiam consanguinei, & ex amore intimi amici, nihil ipsi dicerem de restitutione rerum mearum: sed potius expectarem usque cum ille propriæ conscientia motu impulsus restitueret, suumque chiographum in quo nullum (ut inter amicos fieri solet) restitutioni tempus definitum fuit; à me repeteret. Tandem elapsi jam sunt 38. anni ex quo ille non restituit *scienter* res meas, neque ego urgeo; cum potuerim antea, & nunc possim;

Quæro jam, an *Sempronius* recta conscientia possit abdicatione juris ex parte mea factam inferre, & mihi cras, aut post annum restitutionem petenti, exceptionem extincti juris mei, sistendo in solo jure nat. ut volunt *Adversarii*, opponere? Attenta opinione *Grotii* & ejus sequacium, ita, omnino affirmative respondendum foret. Quia *Sempronius* hæc sibi dictamina de me facere posset: *Titius* probabiliter, (imo certo) scivit me esse debitorem 1000. aureorum, & gemmarum magni pretii: non requisivit a me cum posset: tempus longissimum elapsum est: neque silentii aut negligentie hoc casu alia esse causa noscitur, quam abdicatio juris: ego bona fide hæc possedi &c. Ex his igitur adversæ sententiæ conjecturis, deberet ille licite posse inferre absolutam abdicationem juris mei, & mihi tuta conscientia pro externo & etiam interno foro negare 1000. aureos, & gemmas prædicti valoris! An autem resolutio hæc *Sempronii*, & consequenter doctrina *Grotiana*, *Puffendoriana*, *VVolfiana* &c. sanæ menti conformis sit? naturalis & positivæ Jurisprudentiæ peritissimi viri judicent.

§II. Ref. 3.) Adversa opinio totam molem novæ suæ structuræ fundat in eo, quod prior possessor probabiliter sciat rem suam ab alio possideri: at fallitur iterum in supposito, quod præscriptio versetur tantum circa res a prior domino cognitæ, id enim falsum esse patet ex *Cap. vigilantia 5. de præscr.* ubi pro ejus objecto res nêdum cognitæ, sed etiam incognitæ assignantur, in vers. *nobis autem iam in rebus COGNITIS, quam LATENTIBUS, placuit non habere vigorem.* Contingere enim potest, ut *Cajus* habeat tria millia ovium; supponamus jam ex tanto numero pecorum aberrasse 70. oves, quin dominus ipse, vel pastores ovium sciant eas esse deperditas. Cum tamen hæc ad meum prædium devenerint, ego eas, nesciens cujus sint, jam a biennio retineo. Quæro iterum: sistendo in solo jure nature, an prior possessor 70. ovium censendus sit se abdicasse dominio earum? sane hebescit hic subtilitas adversa, quia non amplius hoc casu locum habet scenicus *Achilles* ille: qui probabiliter scit rem suam &c. *Cajus* enim nescit oves suas apud me detineri, imo neque scit eas deperditas. Et tamen per se loquendo, præscriptio etiam hic locum habebit; sed non per divinationem de abdicatione *Caji*, verum per mediâ a jure positivo introductâ, qualia sunt, ut 1.) diligenter inquirat in dominum rei, *Cod. si quid*

quid 14. quest. 5. ac tot. tit. Cod. de bon. vac. 2.) impleat condiciones præscriptionis a jure positivo introductas &c.

Alioquin, etiam sistendo in solo jure naturali, *justare suum nullus præsumitur*, l. cum de indebito 21. vers. qui non solvit, ff. de probat. adeo, ut nisi jus positivum Gentium aut Civile, juxta dicta hic nu. 906.) decernat rem prioris domini alterius dominio certis casibus competere, naturalis eaque fortissima præsumptio, etiam per myriades annorum stabit semper pro rei domino, quamdiu hic vel ejus heredum heredes existent in rerum natura, l. maximum vitium, & ibi DD. 4. C. de liber. præterit.

912. Ad III.) Iterum vacillat recta consecutio argumenti. Quod enim dominus *rationabilem spem* rei suæ repetendæ non habeat, minime sequitur inde rem illam haberi *pro derelicta*. Forte enim spe hac destituitur, vel potius non sperat, ideo, quia *ignorat* rem suam peritisse, & apud alium reperiri: ut immediate diximus de Cajo, cujus 70. oves errabundæ, illo *ignorante* damnum suum, apud me reperiuntur; nunquid igitur propterea censendus est se abdicasse dominio rei? absit. Vel certe scit quidem ille rem suam sibi deesse, & existere alicubi in rerum natura: sed ignorat apud quem hic & nunc, vel ubi reperitur, & ideo non inquit.

913. Claritatis ergo fingamus casum: Sejus Danubium transmittens passus est damnum, quod per suam imprudentiam pretiosissima gemma manibus elapsa ac in flumen decidens aquis obsopta sit: *Calepodius* Urinator, artis gemmas piscandi peritissimus, paucis post mensibus eductus de situ loci, ubi gemma *Seji* demersa fuit, eam *data opera* piscatur, & extrahit. Quæritur jam: an recepto industriæ & laboris sui pretio, teneatur gemmam illam *Sejo* restituere? In fundamentis neotericæ opinionis minime obligaretur, quia Sejus *rationabilem spem* recuperandæ gemmæ suæ forte non habuit, præsertim cum ignoraret aliquem Urinatorum, artem gemmas piscandi callentem, *Dilingæ* actu reperiri posse; atque adeo extra spem positus præsumitur gemmam *pro derelicta* habuisse: consequens autem fuit, ut illa *statim* facta sit *Calepodii* Urinatoris, eam extrahentis, suffragante sibi *vero* titulo: *pro derelicto*, aut saltem a Neotericis, excogitato titulo, quem vocant naturalem *præsumptum pro derelicto*, ita ut si non statim,

faltem post decursum temporis triennalis, vel decennalis; eam faciat suam, *sistendo in solo jure naturali*.

914. Porro si hæc moralis de restitutione & præscriptione rei alienæ subsistit; vix aliqua dabitur in materia justitiæ commutativæ iniquitas, quæ simili temeritate non justificetur. Et tamen habemus non absimilem casum in §. *Thesaurus* 39. *Inst. de R. D.* juxta quem si quis in loco alieno, etiam non data opera thesaurum invenit, non ideo totus inventori cedit, quia dominus ignorans quid in visceribus sui fundi lateret, *spem rationabilem* ejus acquirendi non habuit, imo nec prudenter habere potuit, &c. Verbo: subtilitas hæc de *spe probabili*, habet quandoque locum in rebus acquirendis, quæ nunquam *actuali* dominio nostro suberant, nec actu subsunt, uti fit v.g. in contractu emptionis-venditionis, cujus objectum interdum in sola spe lucris consistit, *l. net emptio* 8. ff. *de contrah. empt.* ubi etiam fructus & partus in spe sola consistentes considerantur: Item in hereditate futura, de qua tamen disputant DD. Vide Bald. in *l. Spem* n. 3. C. *de donat.* Bart. in *l. post emancipationem* §. 1. ff. *de liberat. legat.* Ancharan. *conf.* 183. In illis autem; quorum jus aliquando actu jam *quæsvimus* & sine nostra expressa renunciatione, aliave alienatione amisimus, speculatio illa scholastica non procedit. Quia etiam de jure naturali, *questum jus difficilius amittitur & remittitur*, quam *quærendum*, arg. l. 8. in pr. ff. *quæ in fraud. cred.* Jure igitur nat. hoc casu nihil juvante, ex solo jure positivo humano de præscriptionibus dictato, decidenda res est.

915. Ad IV.) Est falsa persuasio. Dominia enim non transferuntur in alios per subauditos sensus & conjecturas: sed facto domini ipsius, vel *legis dispositione* supponente culpam possessoris, vel aliam justam causam, §. *ult. Inst. de his, qui sui vel alieni jur.* Demum in dubiis circa rem alteri adimendam tutior pars est eligenda, arg. l. si fuerit 10. §. *ult. ff. de reb. dub.* Porro tutius est, ut in proposito casu omissa subtili divinatione de animo domini, quasi hic se jam abdicaverit rei suæ, diligentissima fiat inquisitio; ad quem res spectet, demum, si dominus investigari nequeat, observandæ erunt conditiones ad præscriptionem a jure positivo designatæ.

916. Ad V.) Titulus *pro derelicto* de jure naturali nullus datur alius quam *verus*, ac proin titulus ex longa taciturnitate *presumptus pro derelicta re*, quam detinemus, *sistendo in solo*

solo jure nat. ut volunt A.A. nullius momenti est, nec ullo juris textu nititur; imo ipsi contrarii videntur hic a n. 902.) Ac proin frustra Grotiani sequaces, in suæ opinionis auxilium citant totum titulum ff. *pro derelicto*. In octo enim legibus, quas titulus hic continet, nullibi reperitur *naturalis* tituli *pro derelicto* divisio in *verum* ac *presumptum*, multo minus etiam ibidem reperire est distinctionem illam, cujus ope respondent: *Titulus pro derelicto si verus sit, impedit prescriptionem, nam res vere derelicta statim fit occupantis: non autem impedit prescriptionem, si fuerit prescriptus, quia &c.* Affectatæ hujus responsionis falsitas evidenter patet ex l. 1. ff. *pro derelicto*. ibi: *si res pro derelicto habitâ sit*, NB. *STATIM nostra esse desinit, & occupantis statim fit*; igitur etiam juxta legem ex Digestis per eos adductam; manifeste patet, *sistendo in solo jure naturæ*, titulum *pro derelicto* nullum dari alium quam *verum*, eumque obstatere prescriptioni, cum *res statim fiat occupantis*, nec opus sit fluxu temporis, ac alio titulo iusto &c. Dein *lex 2. ff. cit. tit. ait: Pro derelicto rem a domino habitam NB. si SCIAMUS, possumus adquirere*. Ecce! dicit lex: *si sciamus*: non; ut Adversarii volunt: *si probabiliter conjectemus*. Concordat l. 4. & l. 6. ff. *eod.* ubi declaratur eum non posse *pro derelicto usucapere*; qui falso existimaverit rem *pro derelicto habitam esse*.

917. Et licet forsan Grotiani saltem ex his ultimis; nempe *quartæ & sextæ* legis adductis verbis blandiri sibi posse videantur, eo quod in citatis textibus mentio fiat *usucapionis* ex titulo *pro derelicto*, unde contra nostram responsionem non obscure concludi posse videtur: titulum *pro derelicto* non opponi prescriptioni. Nihilominus blandimentum hoc vanum est. Quia titulus *pro derelicto*, de quo citata *lex quarta ac sexta* loquitur, cum non *statim* transferat jus proprietatis in occupantem, est titulus acquirendi dominii a *solo jure civili* proveniens, Schneidevv. ad §. 47. J. de R. D. Harpr. *ibid.* n. 4. pariter ac *usucapio*, de qua eadem leges mentionem faciunt, est juris civilis: Porro Grotianorum opinio *sistendo in solo jure naturali* nititur nobis duo persuadere: primum, quod *prescriptio* pariter ac *prima bonorum divisio*, *independenter a jure Gentium & civili* *DICTATA* sit a lege naturali. Secundum: quod *spectato eodem naturali jure* sine recursum ad jus positivum, duplex detur rerum occupatio *pro derelicto*; una ex *derelictione vera*, altera autem solum ex *pro-*

jus juris. Sola enim correctio perficit quidem, sed præsupponit jam in se existentem actum; vel jus aliquod; ac proinde non dat illi substantiam & esse formale; arg. l. ejus qui in Provincia 41. vers. quoniam; ff. si cert. petat. Atque adeo Præscriptio esse suum debet Juri civili: perfectionem autem majorem proficitur se habere a Jure Canonico; inven-
tis enim facile fuit addere.

§. II.

Utrum detur Præscriptio inter Gentes: Et an hæc proveniat ex Jure Gentium legali, ita, ut eidem originem suam debeat Præscriptio etiam Civilis?

S U M M A R I U M:

924. Affertur opinio negans Præscriptionem inter Gentes.
925. Sec. Defenditur Affirmativa. Et probatur I.) Ex Autoritate statuum Rom. Imp. tum Doctorum judicio, de-
mum ex S. Scriptura. II.) Ex ratione. III.) Ex Le-
gibus &c.
938. Respondetur contrariis: Exponitur Lex XII. Tabul. &
ostenditur legem præscriptionis longe antiquiorem esse
Jure Civili nedum Romano: sed etiam Græcorum.
939. Præscriptionis inter Gentes necessitas respicit externam
earum felicitatem.
940. Forma Præscriptionis inter Gentes diversa a Civili:
941. Consensus Gentium in illam explicatur.
942. Sec. Exponitur; cur S. R. Imperium & alia Regna
possint adhuc avulsa sua repetere.
946. Ostenditur rationabilem consensum Gentium fuisse in
Præscriptionem.
947. Signa hujus consensus inducuntur.
948. Sec. Quomodo subdit jus Majestatis præscriptione suum
faciant?
950. Illa quando habet vim juris Gentium? & ubi foram
circa illam?
951. Sec. Reliqui modi derivativi; & Officia ex domino pro-
ponantur.
942. **N**ULLUM videtur habere locum Præscriptio inter
duos v.g. aut plures populos liberos; aut Re-
ges

ges, populumve unum liberum & ejus Regem: Imò nec inter Regem quidem, & privatum ipsi non subditum, nec inter duos diversorum Regum aut populorum subditos: consequens autem est; ut Præscriptio non proveniat a Jure Gentium *legali*, neque eidem originem suam; sed solè Juri Civili debeat, a quo etiam formam derivavit; Prò ut cum innumeris aliis tradit Balbo de Præscr. 1. part. princip. 94. n.4. Conringius l.2. c.1. §.2. de finib. Imper. Vasquius *illust. quest. l.11. c.51. n.28.* Schneidevv. ad tit. Inst. de usucap. in princip. n.10. Franz. *ibid. n.6.* & alii sequentibus ducti motivis.

I.) Quod pro hac negativa opinione stet auctoritas Imperatoris in §. ult. Inst. de usu & habit. in fin. ac etiam pr. Inst. de usucap. præscriptionem inter modos acquirendi Civiles referentis. II.) Quia nulla est necessitas, & nullus possit dari effectus hujus Præscriptionis inter Gentes liberas: vel enim Populus aliquis liber continuat possessionem a primæ rerum divisione; vel jure belli justæ, aut per pacta conventa cum alio Populo libero possidet aliquam Provinciam: & in his singulis casibus non est opus præscriptione, quia jus proprietatis statim fuit quæsitum; vel demum injuste occupavit a longo tempore, & coacta pace obtinuit; atque hoc casu præscriptio ob defectum bonæ fidei nunquam ei proderit, ut patet in Turcarum tyrannide, quæ Christianos tot Regnis spoliavit. III.) Jus Gentium nec tempus, nec possessionem, nec titulum, neque bonam fidem determinat: jam vero determinatio Civilis a Gentibus liberis non attenditur: igitur præscriptio hæc potius turbaret Populorum tranquillitatem, & daret ansam litibus & bellis, ex quo quælibet natio interpretaretur illam pro suo arbitrio, & una affirmante se jam præscripsisse aliquam Provinciam, negaret altera. IV.) Licet forte pro bono Gentium publico expediens foret modus transferendi dominii per præscriptionem, nondum sequitur, quod detur. Nam nequit probari ejusmodi pactum mutuum inter Gentes, Imò, V. teste Vasquio l. c. moratissimæ Gentes, qualis est Hispana, Gallica, Austriaca &c. præscriptiones contra se nullas agnoscunt, neque credibile est eas admittendum Imperatorem Sinarum, Turcarum, Persarum, etsi jus Legatorum omnes recipiant, & agnoscant. Hinc Carpzovius de Capitulatione Cæsarea 9. Cap. 7. ait; Imperatorem per promissionem Capitulationis de terris ab Imperio avulsis reducendis,

obli-

obtinendum esse ad eas recuperandas sine restrictione ad tempus ullum: rationem reddens hanc: *Rem bello repetere merita facultatis est*; cui NULLA PRÆSCRIPTIO opponi potest. Et quæ unitas, præscriptionem pro Imperii salute inventam, Imperii hostibus in pestem Imperii substernere? Porro VI.) Capitulatio hujusmodi Cæsareâ, & de illa articulus decimus Constitutionis Carolinæ, redderetur frustraneus: VII.) Præsumi nequit Gentis liberæ in diminutionem suæ libertatis, vel Reges in præjudicium Regni proprii in modum acquirendi dominii per præscriptionem unquam consensisse; nemo enim præsumitur jus suum jactare: igitur dēest Gentium consensus necessarius ad jus Gentium constituendum. VIII.) Dato quod Præscriptio sit origine sua *Juris Gentium*; poterit præscribi à Principe contra libertatem Populi; pro summa potestate: igitur pari jure præscribi a Populo poterit contra potestatem Principis summam pro libertate: porro id falsum est; ut probat Grotius, quia subditus est subjectum incapax Majestatis; & Majestas est incapax præscriptionis, utpote extra commercium; neque adesse potest *bona fides* in subditis, quales ignorare se nequeunt. Nequit etiã adesse *titulus* Imperii translativus in præscribentes, utpote *conditioe subditos* &c. &c. Histament aliisque non obstantibus,

925. Longe verisimilius est, Præscriptionem debite completam olim habuisse, & hodieum habere locum etiã inter diversos Populos liberos; ita ut fundet Jus Gentium legale, illique merito debeat originem suam *modernam* usucapio; per Jus Civile ad formam *in specie*; seu particularem reducta.

Præter rationum momenta e visceribus causæ hujusmox afferenda, pro existentia Præscriptionis inrer diversas Gentes I.) argumentum suppeditat nēdum eruditissima Doctorum; sed etiã variorum, ac præcipue S. R. Imper. Statuum publicâ; eaque summe veneranda Auctoritas: Primo enim, uti probat Struvius in *Corpor. Jur. Publ. c. 4. §. 18.* per Præscriptionem Jura & exemptiones S. R. Imperii contra finitimos Populos erant confirmata, ac ut pleræque Provinciæ & Status *Livoniae* quæ à Polonis; quæ Lithuanis & Moscis tunc non ita pridem quæsi; redirent ad Imperium Rom. cui olim subjecti erant; medium Præscriptionis immemoralis aptissimum visum est ex parte Rom. Imperii, Possessoribus illis opponendum: Quam ob rem (ait

(ait Scriv. l. c.) sæpius deliberatum fuit , ut ad Imperii apicem possent reduci ; atque ita Imperium redintegrari. Factum id in Comitibus VVormatiensibus An. 1521. §. XXX. XXXI. sub Maximiliano II. ac in Comitibus Augustanis, A. 1566. §. CXXIV. & Ratisbonensibus ; Anno 1576. §. CVII. atque in Capitulationibus Caroli V. Art. IX. Ferdinandi I. Art. VIII. Maximiliani II. Art. IX. Ferdinandi II. Art. VIII. Ferdinandi III. & IV. Art. IX. Leopoldi & Josephi Art. XII. Caroli VI. Art. V. XI.

926. *Secundo.* Cum elapso sæculo per famosas cameras reunionum Gallia multas ditiones *Alsaticas* sibi jure avito debitas conquireret , non aliam exceptionem opposuere Imperii status , quam titulum *Præscriptionis* , dicentes : *Iniquum fore , Status immemoriali , & plurium sæculorum possessioni innixos , ad editionem titulorum suorum , contra omnia jura cogere ; hoc enim modo NB. totius orbis possessiones & rerum dominia incerta reddi .* Ita conclusum fuisse An. 1680. in Comitibus Ratisbon. testatur Londorpius *Tom. 11. fol. 81.*

927. *Tertio.* Eundem loquendi stylum imitati sunt Eruditi viri , ubi de hac *Præscriptione* loquuntur . Ita quippe Ferdinandus Vasquius *illust. q. l. 2. c. 51. §. 16.* asserit : *Probatio dominiæ terræ esset pene impossibilis , si removerimus præscriptionem , nisi quis ostenderet NB. testamentum primi Parentis Adami , quo quodpiam forte prædium , aut prædia sibi relicta fuisse apparet . Aliter enim etsi præbet se emisit , parum juvat ; cum per hoc non appareat , an venditor dominus fuisset ; nec potuerit vendens plus juris in emptorem transferre , quam ipse haberet &c.*

928. Et quamvis hoc loco Vasquius protestetur se loqui de *præscriptione sola Civili* , quam omnes omnino admittunt , non vero de *Gentium jure* introducta ; quam ille rejicit . Nihilominus inconsequentia suæ doctrinæ protestationi est contraria . Ratio enim , propter quam ille admittit *Præscriptionem* inter personas *privatas* ejusdem Imperii vel Regni debere locum habere , & laudabiliter approbatam , *specialique* forma a jure Civili donatam fuisse , hæc ipsa potior locum habet etiam , ut inter *Gentes* idem acquirendi dominiæ modus induceretur , ne scilicet dominia manerent incerta , & cum *externæ felicitatis tranquillitatisque publicæ* damno Genus humanum perpetuis fluctuaret litibus , bellis & rapinis .

Quo etiam facit , quod idem Vasquius , quoad *exclusionem*

apprehendit res ob periculum naufragii navi ejectas; aut eas quæ de rheda corrente cadunt; §. ult. Instit. de rer. divis. Deberet autem posse eas suas facere, saltem si longo, vel longissimo tempore dominus illas non requirat, quia tunc, in sententia Adversariorum stat præsumptio contra dominum; quod eas pro derelicto habeat: Porro temeritatem præsumptionis hujus condemnant omnia jura; C. fin. de præscr. ac R. J. 2. in 6. junctâ l. 2. §. si sub conditione; ff. pro Emptor. ubi requiritur ad præscriptionem rei vitiosæ; quatenus hæc ad tertium bonæ fidei possessorem perveniat, ita enim purgabitur vitium & res vitiosa 30. vel 40. annis præscribetur, l. super annali 1. §. 1. Cod. de annal. except. Porro res hic in exemplo adductæ sunt vitiosæ, ut pote per cit. §. ult. Inst. furto æquiparatæ. Vide nostra Respons. jurid. can. part. 1. respons. 5. n. 295. & a n. 283.)

905. Ac patet adhuc ex §. Hoc amplius 46. Inst. de rer. divis. ubi non mera divinatio; seu præsumptio cerebrina, sed absoluta certitudo de mente domini requiritur, ut is censeatur rem suam naturaliter pro derelicto habendam velle, ibi enim modus hic acquirendi dominii rei pro derelicto declaratur exemplo ejus, qui sua sponte projicit pecuniam in vulgus; animo, ut capiat qui vult & potest: en verba textus cit. Interdum & in incertâ personam collatâ voluntas domini transfert proprietatem; ut ecce; Prætores & Consules, cum missilia jaciunt in vulgus, ignorant quod eorum quisque sit excepturus! & tamen quia volunt; quod quisque acceperit; ejus esse, STATIM eum dominum efficiunt. Notentur hæc verba: jaciunt in vulgus: volunt: ac statim eum dominum efficiunt. Nunquid igitur ex his divinatoria præsumptio sufficere; an potius absoluta certitudo de voluntate domini ad rem naturaliter pro derelicto habendam requiri censenda est?

906. In defectu autem absolutæ certitudinis de voluntate hac domini non negamus posse quidem præscribi rem alienam; at non titulo naturali pro derelicto: sed ope usucapionis a jure Gentium (ut infradicemus) originem, formatam vero a Jure Civile habentis. Cum enim Respublica, seu Princeps supremus jure jurisdictionis & superioritatis possit disponere de bonis privatorum, in iis, quæ necdum ad publicum: sed vel maxime ad privatum etiam eorum bonum (qualis est usucapionis effectus) spectant, per Nov. 39. C. 1. junctâ l. 1. ff. de Const. Princ. ac pr. Inst. de usucap. verb. ne rerum dominia incerta essent, dubio vacat,

cat,

cat, potuisse supremos Principes constituere; ut si quis; certis servatis conditionibus, rem alienam usufruxerit, domino sive scienter; sive per ignorantiam; eam intra certum tempus non vindicante; suam faciat, c. *Vigilanti, de præscripti.*

Denum his accedit 6.) quod non appareat, qua ratione præscriptio sit creatura Juris naturalis; cum neque determinationem *quantitatis* in tempore. neque *qualitatis* in bona fide aut tituli *specifici*, vel *possessionis* circumscriptionem potuerit habere ab illo: sed a solo jure positivo. Neque enim Præscriptio unquam fuit *intrinsece necessaria* ad hominem in *ratione morali* recte formandum, quod solum & unicum est officium legis naturalis. Hæc ipsa vero argumenta pluribus aliis confirmantur in solutione contrariorum fundamentorum.

907. Quod autem prædicta *usucapio* referri possit ad jus naturale *negativum*, seu mere *permisivum*, clare colligi potest ex dictis hic supra *an. 39. ac 41.*) ad huiusmodi enim jus naturale omnes omnino actus & se indifferentes optime referri possunt, utpote qui per huiusmodi relationem non cadunt sub legem naturalem, nisi *improprie*; ut loco cit. demonstratum est, ubi etiam probavimus esum carniū; potum vini, cerevisiæ; lulum honestum & id genus alia; ad idem jus naturale mere *permisivum* reduci posse. Hinc si etiam usucapionem sui Patroni ad huiusmodi legem naturalem reduxissent; salva forent omnia. Nam juxta cit. n. 41. & 69. actus a jure naturali *mere permisi*, quoties suam formam recipiunt a lege *Civili*, vel alia *positiva*; cadunt absolute & simpliciter sub legem civilem, vel aliam positivam, ac *hucus solius* sunt & dicuntur *creature*, non autem legis naturalis *mere permissoe*; ut liquet in actu *testamenti solemnis*, *adoptionis* &c. &c.

EXAMINANTUR CONTRARIA MOMENTA.

908. Præscriptionem esse *primam occupationem rei*, quæ nullius est & fuit propria; vel saltem pro derelicta haberi præsumitur; dictatam a J. N. probare sui Patroni nituntur sequentibus momentis. I.) In circumstantiis præscriptionis adest voluntas prioris domini, signis externis, scilicet *verbis*, *factis*; aut *non-factis* sufficienter manifestata, quod ille velit in alterum rei suæ possessorem, dominium transferre: igitur voluntas ejus ita significata habet virtutem

prioris domini signis externis *sufficienter* manifestata, quod ille velit in alterum rei suæ possessorem dominium transferre, illudque *actu* transferat, abdicando se ejus juri, ut *ratio*cinatur. Adversarius : non est jam opus præscriptione. Uti patet in Renunciationibus; bonorum Cessionibus; Donatione; &c. Fallitur igitur in supposito, quod casu *sufficienter* manifestatæ voluntatis de abdicatione domini, requiratur adhuc præscriptio ad id acquirendum. Contrarium enim patet ex *pr. Inst. de usucap.* ubi docemur; præscriptionem introductam esse; *ne rerum dominia in incerto essent*; porro tunc dominium prioris Possessoris non est in incerto, si verum est; quod ex signis externis *sufficienter* constet de ejus abdicatione facta in secundum possessorem, qui rem suam detinet. Inconsequentia hæc adversæ opinionis pugnat cum recta ratione, praxi humana, & jure positivo; nam juxta C. 31. de R. J. in 6. *Eum, qui certus est, certiorari ulterius non oportet.*

910. Ad II.) Redit data jam responsio, scilicet si verum est constare *sufficienter* de manifestata abdicatione domini voluntate, minus consequenter requiritur præscriptio. R. 2.) Ex eo, quod prior possessor *probabiliter* sciatur rem suam ab alio possideri, & tamen eam; cum possit, non repetat, pessime infertur rei abdicatio, & perniciose contra justitiam; ex hac *probabilitate* adjudicatur dominium alteri. Pateat id in exemplo; Ego mille aureos mutuos dedi *Sempronio* meo intimo amico & consanguineo; viro præditi & timorata conscientia: cum etiam idem elocaret filiam suam in matrimonium; dedi eidem commodato gemmas valoris 10000. aureorum; Et siquidem optime persuasus fui de teneritudine conscientia *Sempronii*; pariter ac de magno fortunæ ejus nervo, neque etiam mutuo data pecunia ac commodatis gemmis, ad usum meum hic & nunc indigueram; ita me extra omne rerum mearum amissionis periculum esse ratus, statui in *animo meo*, ut ob reverentiam consanguinei, & ex amore intimi amici, nihil ipsi dicerem de restitutione rerum mearum: sed potius expectarem usque dum ille propria conscientia motu impulsus restitueret, suumque chiographum in quo nullam (ut inter amicos fieri solet) restitutioni tempus definitum fuit; a me repeteret. Tandem elapsi jam sunt 38. anni ex quo ille non restituit *sciens* res meas, neque ego urgeo; cum potuerim antea, & nunc possum:

quid 14. quest. 5. ac tot. tit. Cod. de bon. vac. 2.) impleat condiciones præscriptionis a jure positivo introductas &c.

Alioquin, etiam sistendo in sola jure naturali, *jacere suum nullus præsumitur*, l. cum de indebito 21. vers. qui non solvit, ff. de probat. adeo, ut nisi jus positivum Gentium aut Civile, juxta dicta hic nu. 906.) decernat rem prioris domini alterius dominio certis casibus competere, naturalis eaque fortissima præsumptio, etiam per myriades annorum stabit semper pro rei domino, quamdiu hic vel ejus heredum heredes existent in rerum natura, l. maximum vitium, & ibi DD. 4. C. de liber. præterit.

912. Ad III.) iterum vacillat recta consecutio argumenti. Quod enim dominus *rationabilem spem* rei suæ repetendæ non habeat, minime sequitur inde rem illam haberi *pro derelicta*. Forte enim spe hac destituitur, vel potius non sperat, ideo, quia ignorat rem suam perisse, & apud alium reperiri: ut immediate diximus de Cajo, cujus 70. oves errabundæ, illo ignorante damnum suum, apud me reperiuntur; nunquid igitur propterea censendus est se abdicasse dominio rei? absit. Vel certe scit quidem ille rem suam sibi deesse, & existere alicubi in rerum natura: sed ignorat apud quem hic & nunc, vel ubi reperiat, & ideo non inquit.

913. Clarkatis ergo, fingamus casum: Sejus Danubium transmittens passus est damnum, quod per suam imprudentiam pretiosissima gemma manibus elapsa ac in flumen decidens aquis obsopta sit: *Calepodius* Urinator, artis gemmas piscandi peritissimus, paucis post mensibus edoctus de situ loci, ubi gemma *Seji* demersa fuit, eam *dacta opera* piscatur, & extrahit. Quæritur jam: an recepto industriæ & laboris sui pretio, teneatur gemmam illam *Sejo* restituere? In fundamentis neotericæ opinionis minime obligaretur, quia Sejus *rationabilem spem* recuperandæ gemmæ suæ forte non habuit, præsertim cum ignoraret aliquem Urinatorum, artem gemmas piscandi callentem, *Dilingæ* actu reperiri posse; atque adeo extra spem positus præsumitur gemmam *pro derelicta* habuisse; consequens autem fuit, ut illa statim facta sit *Calepodii* Urinatoris eam extrahentis, suffragante sibi vero titulo: *pro derelicto*, aut saltem a Neotericis, excogitato titulo, quem vocant naturalem præsumptum *pro derelicto*, ita ut si non statim,

saltem post decursum temporis triennialis, vel decennialis, eam faciat suam, *sistendo in solo jure naturali*.

914. Porro si hæc moralis de restitutione & præscriptione rei alienæ subsistit; vix aliqua dabitur in materia justitiæ commutativæ iniquitas, quæ simili temeritate non justificetur. Et tamen habemus non absimilem casum in §. *Thesaurus* 39. *Inst. de R. D.* juxta quem si quis in loco alieno, etiam non data opera thesaurum invenit, non ideo totus inventori cedit, quia dominus ignorans quid in visceribus sui fundi lateret, *spem rationabilem* ejus acquirendi non habuit, imo nec prudenter habere potuit, &c. Verbo: subtilitas hæc de *spe probabili*, habet quandoque locum in rebus acquirendis, quæ nunquam actuali dominio nostro suberant, nec adu subsunt, uti fit v.g. in contractu emptionis-venditionis, cujus objectum interdum in sola spe lucri consistit, l. *ne emptio* 8. ff. *de contrah. empt.* ubi etiam fructus & partus in spe sola consistentes considerantur: Item in hereditate futura, de qua tamen disputant DD. Vide Bald. in l. *Spem* n. 3. C. *de donat.* Bart. in l. *post emancipationem* §. 1. ff. *de liberat. legat.* Ancharan. *cons.* 183. In illis autem; quorum jus aliquando *acta* jam *questivimus* & sine nostra expressa renunciatione, aliave alienatione amisimus, speculatio illa scholastica non procedit. Quia etiam de jure naturali, *questum jus difficilius amittitur & remittitur, quam querendum*, arg. l. 8. in pr. ff. quæ in fraud. cred. Jure igitur nat. hoc casu nihil juvante, ex solo jure positivo humano de præscriptionibus dictato, decidenda res est.

915. Ad IV.) Est falsa persuasio. Dominia enim non transferuntur in alios per subauditos sensus & conjecturas: sed facto domini ipsius, vel legis dispositione supponente culpam possessoris, vel aliam justam causam, §. *ult. Inst. de his, qui sui vel alieni jur.* Demum in dubiis circa rem alteri adimendam tutior pars est eligenda, arg. l. si fuerit 10. §. *ult. ff. de reb. dub.* Porro tutius est, ut in proposito casu omissa subtili divinatione de animo domini, quasi hic se jam abdicaverit rei suæ, diligentissima fiat inquisitio, ad quem res spectet, demum, si dominus investigari nequeat, observandæ erunt conditiones ad præscriptionem a jure positivo designatæ.

916. Ad V.) Titulus *pro derelicto* de jure naturali nullus datur alius quam *verus*, ac proin titulus ex longa taciturnitate *presumptus pro derelicta* re, quam detinemus, *sistendo in solo*

solo jure nat. ut volunt A.A. nullius momenti est, nec ullo juris textu nititur; imo ipsi contrarii videntur hic a n. 902.) Ac proin frustra Grotiani sequaces, in suæ opinionis auxilium citant totum titulum ff. *pro derelicto*. In octo enim legibus, quas titulus hic continet, nullibi reperitur *naturalis* tituli *pro derelicto* divisio in *verum* ac *presumptum*, multo minus etiam ibidem reperire est distinctionem illam, cujus ope respondent: Titulus *pro derelicto* si verus sit, impedit *prescriptionem*, nam *res vere derelicta statim sit occupantis*: non autem impedit *prescriptionem*, si fuerit *presumptus*, quia &c. Affectata hujus responsionis falsitas evidenter patet ex l. 1. ff. *pro derelicto*. ibi: si *res pro derelicto habitā sit*, NB. STATIM nostra esse desinit, & occupantis statim sit; igitur etiam juxta legem ex Digestis per eos adductam, manifeste patet, sistendo in *solo jure natura*, titulum *pro derelicto* nullum dari alium quam *verum*, eumque ob stare *prescriptioni*, cum *res statim fiat occupantis*, nec opus sit fluxu temporis, ac alio titulo justo &c. Dein *lex 2. ff. cit. tit. ait*: *Pro derelicto rem a domino habitam* NB. si SCIAMUS, possumus *acquirere*. Ecce! dicit *lex*: si sciamus: non, ut Adversarii volunt: si probabiliter conjectemus. Concordat l. 4. & l. 6. ff. eod. ubi declaratur eum non posse *pro derelicto usucapere*, qui falso existimaverit *rem pro derelicto habitam esse*.

917. Et licet forsan Grotiani saltem ex his ultimis; nempe *quarta* & *sexta* legis adductis verbis blandiri sibi posse videantur, eo quod in citatis textibus mentio fiat *usucapionis* ex titulo *pro derelicto*, unde contra nostram responsionem non obscure concludi posse videtur: titulum *pro derelicto* non opponi *prescriptioni*. Nihilominus blandimentum hoc vanum est. Quia titulus *pro derelicto*, de quo citata *lex quarta* ac *sexta* loquitur, cum non statim transferat *jus proprietatis* in occupantem, est titulus *acquirendi dominii a solo jure civili* proveniens, Schneidevv. ad §. 47. J. de R. D. Harpr. ibid. n. 4. pariter ac *usucapio*, de qua eadem leges mentionem faciunt, est *juris civilis*: Porro Grotianorum opinio sistendo in *solo jure naturali* nititur nobis duo persuadere: primum, quod *prescriptio* pariter ac *prima bonorum divisio*, independenter a *jure Gentium* & *civili* DICTATA sit a *lege naturali*. Secundum: quod spectato eodem *naturali jure* sine recurſu ad *jus positivum*, duplex detur *rerum occupatio pro derelicto*; una ex *derelictione vera*, altera autem solum
ex pro-

ex *probabiliter præsumpta*; atque in confirmationem horum adduxit totum titulum ff. *pro derelicto*.

918. In contrarium vero ostendimus, in cit. Digestorum titulo, sicut & §. 47. *Inst. de R. D.* unicum & solum esse *naturalem* occupationis *pro derelicto* modum illum, qui est *verus*, alium vero *naturalem præsumptum* quem sibi A. A. imaginati sunt, dari nullum dicimus, qui præscriptionem non impediat. Juste autem *pro derelicto, præsumptum* titulum *jure civili* introductum, qui usucapionem admittit, dari, omnibus in confesso est, verum hic creatura juris positivi, sicut & ipsa præscriptio, quæ sine ullo vix concipi posset, Hænon *ad ff. disp. 10. tb. 5. Lit. C. Gothofr. huic ad §. 47. J. de R. D.* Neque enim Jus Naturale potuit titulo huic determinare certum *tempus*, & alias conditiones *specificas*.

919. Quodsi vero Adversarii justificantes opinionem suam, adhuc a jure Civili introductum acquirendi modum *pro derelicto præsumptum* recurrunt, evidenter convincuntur frustra se asseruisse præscriptionem esse a *Jure naturali DICTATAM*, idque se probaturos obtulisse *sisendo in solo jure naturali*, siquidem titulum acquirendi prædictum jure *positivo* inventum vocare in superbias velint; hac quippe ratione necessario confiteri debent, sicut titulum illum *juste præsumptum* præscriptioni non resistantem, ita & ipsam præscriptionem solius positivi juris esse creaturam, qualem Jus nat. nunquam præcepit, dictavit, aut introduxit.

920. Ad VI.) Quod distinctio dominiorum & rerum ac Nationum divisio, non naturali, ut vult contraria opinio, sed mero Gentium jure facta fuerit; plusquam certum videri hic potest a n. 774.) huic igitur paritati innixa assertio de præscriptione naturali jure introducta, ruit simul cum suo fundamento. Neque eem juvat, quod sui Patroni affirmant illam *DICTATAM* fuisse a *lege naturali*. Nam quæro, quem in modum dictata fuerit; utrum per modum *præcepti*, vel *consilii* tantum, aut mere *permissivæ*, seu ut ajunt, pure *negative*? Non *per modum præcepti*: quia neque primam rerum divisionem præcepit fieri, ut liquet ex n. 766.) Et aliunde certum est, jus nat. non *præcipere*, nisi actus humanos *intrinsece bonos*, nec *prohibere* alios quam *intrinsece malos*, n. 668.) Porro divisio rerum vel eius commissio, pariter ac præscriptio, *de se ac intrinsece* est quid *indifferens*; Quod autem ex circumstantiis possit aliqua in illis

illis oriri bonitas vel malitia, v. g. mere civilis; si nempe bonorum incertitudo inde sequatur: id minime ad jus naturæ: sed potius ad Politiam, & jus positivum humanum, ut provideat, refertur. Nec obest, quod Jus nat. præcipiat pacem & tranquillitatem mutuam inter genus humanum conservandam: inde enim non posse inferri ab eo præceptam fuisse rerum divisionem, & præscriptionem constat a n. 783.)

921. Quodsi demum *lex*, seu potius *ratio naturalis* mere consulendo, aut pure permittendo *didavit* introducendam præscriptionem: nondum sequitur hanc esse juris naturalis. Omnes quippe leges positivas humanas a naturali ratione dictatas esse minime ambigimus, alioqui non haberent vim obligandi, siquidem non a recta ratione procederent: Et tamen hæ simpliciter positivæ sunt, per ea quæ diximus n. 140. in fin.) Neque enim *lex naturalis*, & *ratio naturalis* idem sunt, ut falso supponunt A.A. vid. n. 72. & 118.) Demum, actus ex Juris naturalis *consilio* vel *permissione* pura provenientes fieri juris mere positivi, quoties formam a jure hoc assumpserunt, indubitata veritas est, & demonstrata a nobis, supra hic a n. 41. & 69.)

922. Ad VII.) Præscriptio recte quidem allegatur etiam ab illis populis, qui *so'o jure naturali* diriguntur, & Jus Gentium ignorant, vel contemnunt: contra illam tamen recte etiam alii populi excipiunt, nisi fuerit consuetudine vim legis positiva habente inter illos firmata. Jus enim nat. neque præscriptionem præcepit unquam, neque tempus eidem aut possessionem determinavit. Hæc enim cum spectent ad felicitatem hominum mere civilem, ac extrinsecam, non poterant esse objectum legis nat. sed ad status Politicos, ac Oeconomicos, Civilesque semper reducebantur. Plura de his §. seqq.

923. CONCLUDES: Præscriptionem, quo ad suam originem, esse non Naturalis, sed Gentium Juris ut constabit ex seq. qu. formam autem suam debere Juri civili: atque hinc eam simpliciter dicendam esse *Creaturam solius juris Civilis* arg. prin. Inst. de Usucap. ac §. ult. Inst. de usu & habit. in fin. Denominatio enim actuum non ab origine: sed a forma provenit, l. Julianus 9. §. sed etsi 3. ff. ad exhibend. ac l. 8. §. 17. ff. de transact. Et quia illa *solam correctionem*, quo ad bonam fidem semper habendam, debet Juri Canonico; inde fit, quod eam non affirmemus *creaturam* etiam hu-

jus

jus juris. Sola enim correctio perficit quidem, sed præsupponit jam in se existentem actum; vel jus aliquod; ac proinde non dat illi substantiam & esse formale; arg. l. ejus qui in Provincia 41. vers. quoniam; ff. si cert. petat. Atque adeo Præscriptio esse suum debet Juri civili: perfectionem autem majorem proficitur se habere a Jure Canonico; inven-
tis enim facile fuit addere.

§. II.

Utrum detur Præscriptio inter Gentes: Et an hæc proveniat ex Jure Gentium legali, ita, ut eidem originem suam debeat Præscriptio etiam Civilis?

S U M M A R I U M:

924. Affertur opinio negans Præscriptionem inter Gentes.
 925. Sec. Defenditur Affirmativa. Et probatur I.) Ex Auctoritate statuum Rom. Imp. tum Doctorum judicio, demum ex S. Scriptura. II.) Ex ratione. III.) Ex Legibus &c.
 938. Respondetur contrariis: Exponitur Lex XII. Tabul. & ostenditur legem præscriptionis longe antiquiorem esse Jure Civili nedum Romano: sed etiam Græcorum.
 939. Præscriptionis inter Gentes necessitas respicit externam earum felicitatem.
 940. Forma Præscriptionis inter Gentes diversa a Civili:
 941. Consensus Gentium in illam explicatur.
 942. Sec. Exponitur; cur S. R. Imperium & alia Regna possint adhuc avulsa sua repetere.
 945. Ostenditur rationabilem consensum Gentium fuisse in Præscriptionem.
 947. Signa hujus consensus inducuntur.
 948. Sec. Quomodo subditi ius Majestatis præscriptione suam faciant?
 950. Illa quando habet vim juris Gentium? & ubi foras circa illam?
 951. Sec. Reliqui modi derivativi; & Officia ex dominio proponantur.
 942. **N**Ullum videtur habere locum Præscriptio inter duos v.g. aut plures populos liberos; aut Reges

ges, populumve unum liberum & eius Regem: Imo nec inter Regem quidem, & privatum ipsi non subditum, nec inter duos diversorum Regum aut populorum subditos: consequens autem est; ut Præscriptio non proveniat a Jure Gentium legali, neque eidem originem suam; sed solè Juri Civili debeat, a quo etiam formam derivavit; Pro- ut cum innumeris aliis tradit Balbo de Præscr. 1. part. princip. 9.4. n.4. Conringius l.2. c.1. §.2. de finib. Imper. Vasquius illust. quæst. l.11. c.51. n.28. Schneidevv. ad tit. Inst. de usucap. in princip. n.10. Franz. ibid. n.6. & alii, sequentibus ducti motivis.

I.) Quod pro hac negativa opinione stet auctoritas Imperatoris in §. ult. Inst. de usu & habit. in fin. ac etiam pr. Inst. de usucap. præscriptionem inter modos acquirendi Civiles referentis. II.) Quia nulla est necessitas, & nullus possè dari effectus hujus Præscriptionis inter Gentes liberas: vel enim Populus aliquis liber continuat possessionem a prima rerum divisione; vel jure belli justè, aut per pacta conventionum cum alio Populo libero possidet aliquam Provinciam: & in his singulis casibus non est opus præscriptione, quia jus proprietatis statim fuit quæsitum; vel demum injuste occupavit a longo tempore, & contra pacem obtinuit; atque hoc casu præscriptio ob defectum bonæ fidei nunquam ei proderit, ut patet in Turcarum tyrannide, quæ Christianos tot Regnis spoliavit. III.) Jus Gentium nec tempus, nec possessionem, nec titulum, neque bonam fidem determinat: jam vero determinatio Civilis a Gentibus liberis non attenditur: igitur præscriptio hæc potius turbaret Populorum tranquillitatem, & daret ansam litibus & bellis, ex quo quælibet natio interpretaretur illam pro suo arbitrio, & una affirmante se jam præscripsisse aliquam Provinciam, & negaret altera. IV.) Licet forte pro bono Gentium publico expediens foret modus transferendi dominii per præscriptionem, nondum sequitur, quod detur. Nam nequit probari ejusmodi pactum mutuum inter Gentes, Imo, V.) teste Vasquio l. c. moratissimæ Gentes, qualis est Hispana, Gallica, Austriaca &c. præscriptiones contra se nullas agnoscunt, neque credibile est eas admittendum Imperatorem Sinarum, Turcarum, Persarum, etsi jus Legatorum omnes recipiant, & agnoscant. Hinc Carpzovius de Capitulatione Casarea q. Cap. 7. ait; Imperatorem per promissionem Capitulationis de terris ab Imperio avulsis reducentis, obtri-

obitricium esse ad eas recuperandas *sine restrictione ad tempus ullum*; rationem reddens hanc: *Rem bello repetere mea facultatis est*; cui **NULLA PRÆSCRIPTIO** opponi potest. Et quæ unitas, præscriptionem pro Imperii salute inventam, Imperii hostibus in pestem Imperii subvertere? Porro VI.) Capitulatio hujusmodi Casarea; & de illa articulus decimus Constitutionis *Carolinae*, redderetur frustraneus: VII.) Præsumi nequit Gentes liberas in diminutionem suæ libertatis, vel Reges in præjudicium Regni proprii in modum acquirendi dominii per *præscriptionem* unquam *consensisse*; nemo enim præsumatur jus suum jactare: igitur deest Gentium consensus necessarius ad jus Gentium constituendum. VIII.) Dato quod Præscriptio sit *origine sua Juris Gentium*; poterit præscribi a Principe contra libertatem Populi; pro summa potestate: igitur pari jure præscribi a Populo poterit contra potestatem Principis summam pro libertate: porro id falsum est; ut probat *Grotius*, quia subditus est subjectum incapax Majestatis; & Majestas est incapax præscriptionis, utpote extra commercium, neque adesse potest *bona fides* in subditis, quales ignorare se nequeunt. Nequit etiam adesse *titulus* Imperii translativus in præscribentes, *utpote co additione subditos* &c. &c. Histamen aliisque non obstantibus,

925. Longe verisimilius est, Præscriptionem *debite completam* olim habuisse, & hodieum habere locum etiam inter diversos Populos liberos; ita ut fundet Jus Gentium legale, illique merito debeat originem suam *modernam* usucapio; per Jus Civile ad formam *in specie*, seu particularem reducta.

Præter rationum momenta e visceribus causæ huic mox afferenda, pro existentia Præscriptionis inter diversas Gentes I.) argumentum suppeditat nōdum eruditissima Doctorum; sed etiam variorum, ac præcipue S. R. Imper. Statuum publica; eaque summe veneranda Auctoritas: *Primo* enim, uti probat *Struvius in Corpor. Jur. Publ. c. 4. §. 13.* per *Præscriptionem* Jura & exemptiones S. R. Imperii contra finitimos Populos erant confirmata; ac ut pleræque Provinciæ & Status *Livoniae* qua a Polonis; qua *Lithuanis* & *Moscis* tunc non ita pridem quæsi; redirent ad Imperium Rom. cui olim subjecti erant; medium *Præscriptionis immemorialis* aptissimum visum est ex parte Rom. Imperii, Possessoribus illis opponendum: Quam ob rem
(ait

(ait Struv. l. c.) sæpius deliberatum fuit, ut ad Imperii apicem possent reduci, atque ita Imperium redintegrari. Factum id in Comitibus VVormatiensibus An. 1521. §. XXX. XXXI. sub Maximiliano II. ac in Comitibus Augustanis, A. 1566. §. CXXIV. & Ratisbonensibus, Anno 1576. §. CVII. atque in Capitulationibus Caroli V. Art. IX. Ferdinandi I. Art. VIII. Maximiliani II. Art. IX. Ferdinandi II. Art. VIII. Ferdinandi III. & IV. Art. IX. Leopoldi & Josephi Art. XII. Caroli VI. Art. V. XI.

926. *Secundo.* Cum elapso sæculo per famosas cameras reunionum Gallia multas ditiones *Alsaticas* sibi jure avito debitas conquireret, non aliam exceptionem opposuere Imperii status, quam titulum *Præscriptionis*, dicentes: *Iniquum fore, Status immemoriali, & plurium sæculorum possessioni innixos, ad editionem titulorum suorum, contra omnia jura cogere; hoc enim modo NB. totius orbis possessiones & rerum dominia incerta reddi.* Ita conclusum fuisse An. 1680. in Comitibus Ratisbon. testatur Londorpius Tom. II. fol. 81.

927. *Tertio.* Eundem loquendi stylum imitati sunt Eruditi viri, ubi de hac *Præscriptione* loquuntur. Ita quippe Ferdinandus Vasquius *illust. q. l. 2. c. 51. §. 16.* asserit: *Probatio dominii terræ esset pene impossibilis, si removerimus præscriptionem, nisi quis ostenderet NB. testamentum primi Parentis Adami, quo quodpiam forte prædium, aut prædia sibi relicta fuisse apparet. Aliter enim etsi præbet se emisit, parum juvat; cum per hoc non appareat, an venditor dominus fuisset; nec potuerit vendens plus juris in emptorem transferre, quam ipse haberet &c.*

928. Et quamvis hoc loco Vasquius protestetur se loqui de *præscriptione sola Civili*, quam omnes omnino admittunt, non vero de *Gentium jure* introducta, quam ille rejicit. Nihilominus inconsequentia suæ doctrinæ protestationi est contraria. Ratio enim, propter quam ille admittit *Præscriptionem* inter personas *privatas* ejusdem Imperii vel Regni debere locum habere, & laudabiliter approbatam, *specialique forma a jure Civili donatam fuisse*, hæc ipsa potiore locum habet etiam, ut inter Gentes idem acquirendi dominii modus inducetur, ne scilicet dominia manerent incerta, & cum *externæ felicitatis tranquillitatisque publicæ* damno Genus humanum perpetuis fluctuaret litibus, bellis & rapinis.

Quo etiam facit, quod idem Vasquius, quoad exclusionem

nem Præscriptionis inter Gentes Liberas, pariter ac effusa sectator *Frider. Hornius* felicissime castigati ac refutati sint, post alios, ab *Achille Epstein* in *Annotationibus suis* p. 521. & seq. adeo ut opinioni hic assertæ, a Leone superato & mortuo nil jam timendum sit.

929. Quarto, Adductis pro hac sententia testimoniis sua sponte accedunt alii Eruditi, qui Præscriptionem suo modo, & nondum ad certam speciem (nri nunc de jure Civili reductam experimur) extitisse inter Populos legum Romanarum etiam adhuc ignaros, attestantur, & quidem ita, ut licet illa non sub *præscriptionis*, aut *usucapionis*, expresso; bene tamen sub tacito, & ei *equivalente* nomine, in usu semper fuerit, modo *consuetudine* modo *longæve possessionis* vocabulo appellata. Ita quippe *Cicero* L. 2. de offic. pro emolumentis temporis immemorialis possessorum perorat: *Quam autem habet æquitatem, ut agrum multis annis aut etiam seculis ante POSSESSUM qui habuit, amittat?* Lacones quoque referente *Livio* l. 32. tanquam certissimum, & apud omnes Gentes confessum existimabant; *possessiones publicas non minus quam privatas multo tempore ita firmari, ut rehaberi nequeant.* Hinc *Isocrates* ad *Philippum*, teste *Livio* l. c. dixisse pro *Archidamo* fertur, avulsam Provinciam repeti non posse; *cum firmam stabilemque possessionem longa dies reddidisset*, Et perhibente *Grotio* de J. B. & P. l. 2. c. 4. §. 2. *Sulpitius* contra *Antiochenum* disputans, ostendebat, iniquum esse, ut: quod populi Græci in Asia aliquando serviissent, id jus post aliquot sæcula eos revocandi in servitutem quidpiam proficiat.

930. Quinto Majorem adhuc auctoritatem præbet attestatio S. Scripturæ. Nam Judicium c. XI. v. 13. 15. & 26. Cum Rex Ammonitarum terram a finibus *Arnon* usque *Jaboc* & *Jordanem* versus protensam, jamque tempore longævo ab Israelitis possessam vindicare præsumeret, dicens ad *Jephthe* Israelitarum Ducem: *nunc ergo cum pace redde mihi eam*; *Jephthe* non alio exceptionis usus est auxilio, quam immemorialis ac pacificæ possessionis. Hoc quidem argumentum fugillat *Ostander* in annotat. ad *Grot.* c. 2. §. cit. asserens, *Jephthe* non exceptionem ex usucapione, sed donationem Divinam opposuisse Regi Ammonitarum; Constat enim, ait ille, quod DEUS terram Ammon simul cum aliis, jure supremi sui & absolutissimi dominii populo Israelitico attribuerit; unde etiam *Jephthe* in cit. *Judic.* c. XI.

v. 15. & seq. respondisse legitur: *Non tulit Israel terram Moab, nec terram filiorum Ammon: sed -- tradidit Dominus in manus Israel universos fines ejus de Arnon usque Jaboc, & de solitudine usque ad Jordanem.*

931. Verum fallitur Osiander, licet enim *Jephthe* initio controversiæ hujus primam exceptionem Regi Ammonitarum opposuerit ab auctoritate Divina ejusque donatione Israeli facta, ubi tamen percepit, Regem Ethnicum non intelligere, vel contemnere exceptionem ex jure Divino ejusque dispositionibus petitam, illico ad captum hominis Gentilis pro Israelitico populo peroraturus, ad Gentium consuetudinem seu (ut hodie loquimur) præscriptionem se convertit, immemorialiæ possessionem opponens, *Judic. cit. c. v. 26.* his verbis expressam: *quando habitavit (Israel) in Hesebon, & vinculis ejus, & in Aroer, & villis illius, vel in cunctis Civitatibus juxta Jordanem* NB. **PER TRECENTOS ANNOS, QUARE TANTO TEMPORE NIHIL SUPER HAC REPETITIONE TENTASTIS?**

932. Ecce! demonstrata veritas propositæ Assertionis nostræ, quod scilicet longe ante Juris Civilis introductionem fuerit inter diversas Gentes usucapio sub schemate *immemorialis possessionis*, seu *consuetudinis præscriptivæ*. Quod etiam liquet ex *cit. c. v. 27.* Postquam enim *Jephthe* immemorialis possessionis exceptionem opposuit, nec tamen Rex Ammonitarum a denunciato sibi bello recessit, ille e vestigio contra injustam aggressionem hanc protestatus est dicens: *Igitur non ego pecco in te, sed tu contra me male agis, INDICENS MIHI BELLA NON JUSTA.* Protestatio hæc docet, iniquum esse bellum, si instituat pro recuperanda Provincia, quam Gens altera a 300. vel 400. annis possidet, NB. neque tanto tempore ullus intercessit *actus diligentie*, qui vim *protestationis publicæ*, aut *attentati* alicujus haberet; alioqui in *pacifica* possessione censetur completa esse præscriptio immemorialis inter Gentes. Vide *Alphonf. Tostatum ad Cap. XI. Judicum supra cit.*

933. *Sexto.* Nec mirum sit quod *Didacus Saavedra* apud *Ackelium* de præscript. immemor. c. 1. th. 15. ait: *Pro omnibus quotquot sunt, Regnis, hodie communi Populi consensu immemorialis possessio militat.* Rationem hujus afferens: *Toto enim Orbe penitus exulare deberet pax, si coram tribunali temporis regna atque dominia legitimum, qua nituntur, Jus Nat. & Gent.*

titulum non reddidissent. Vix enim Gens, quæ a se ipsa acceperit supremam potestatem, illamque ab alia potentiore mutuata non sit, poterit reperiri.

924. Demum II.) Momentum præbet ratio intrinseca satis tam ex adductis testimoniis perspecta, quam ipsa Gentium juris definitio solidius adhuc declarat. Nam juxta *n. hic 676.*) Juris gentium (dicente Justiniano) est ; *quod exigentibus necessitatibus humanis ; & utilitatibus suadentibus, usu & moribus omnium, aut penè omnium Gentium introductum est, & introduci debuit* : Atqui talis est Præscriptio ; partim quia eam *introducendam* fuisse probant adducta jam testimonia, partim quia *introduci debuit*. Prout enim ostendimus *a n. 729.*) quidnam sit, vel non sit Juris Gentium, desumi id debet, inter alia, ex communi utilitate, vel necessitate inter omnes, aut saltem fere omnes Gentes: porro vix aliquid *utilius*, & magis *necessarium* fuit ad *externam* felicitatem publicamque pacem & tranquillitatem Gentium, quam fuerit & sit præscriptio. Illa enim inter Populose exclusa, nulla amplius dominiorum unquam mansisset certitudo: Et cum olim Romano v.g. Imperio Africa majorque pars Europæ, ac finitimarum regionum servierit, Gentes illæ juris civilis Romani expertes, quæ a mille & infra annis avulsa Regna ac Provinciæ hodièdum *pacificè* possident, remoto præscriptionis immemoralis auxilio; nulla ratione de juris sui còmpetentia certæ forent, minuscque proin tranquillæ viverent, vel ditiones possessiones cultivarent; utpote continuo metu agitatæ ne forte aliquando titulum possessionis suæ probare cogantur &c.

935. Huc facit III.) quod juxta *n. 774. & 780.* occupatio & divisio Gentium jure fuit introducta, manifestum præbente argumentum *Can. 9. dist. 1.* ubi dicitur: *Jus Gentium est sedium OCCUPATIO*, concordat *L. Ex hoc jure 3. ff. de J. & J.* ac *L. Quorundam 1. ff. de A. R. D.* Porro per verba *Sedium occupatio*; juxta Gloss. & ibid. DD. nedum prima rerum divisio & occupatio terrarum intelligitur: sed etiam *omnis possessio* sive statim *ab initio iusta*, sive temporis immemoralis decursu *per pacificam* sui continuationem *justificata*; ita ut licet illa temporum successu per Jus Civile vel Canonicum ad meliorem formam reducta & circumscripta sit, nihilominus originem suam saltem *in confuso* & generice consideratam a Gentium jure deriveret.

Recte igitur Card. Bellarm. *l. 5. de Pontif. Rom. c. 9.* probatu-

baturus valorem donationis Constantinianæ, ait: Etiam si nihil præterea extaret, abunde sufficeret 800. annorum Præscriptio. Nam etiam Regna & Imperia per latrocinium parva & acquisita, tandem longo tempore fiunt legitima. Alioqui quo Jure Julius Cæsar occupavit Romanum Imperium? Et tamen tempore Tiberii ait Christus Math. 22. Reddite, quæ sunt Cæsaris Cæsari. Quo jure Franci Galliam, Saxones Britanniam, Gothi Hispaniam invaserunt? Et tamen quis hoc tempore Regna ab illis constituta illegitima diceret? Hæc Bellarminus.

936. Atque præter citatos, huic sententiæ adhærent Suar. in defens. fidei Cath. l. 3. c. 2. a n. 20. ac de LL. l. 8. c. 34. n. 10. Ludov. Gonzaga, qui in præfat. ad coronam Gothicam, Henrico Regi Galliæ opposuit: Principes; si rogentur, quo titulo tot Provincias possideant, aliud, quod respondeant non habere, quam eas antea a Parentibus accepisse, & si lex sit, ut Principes; quæ a Majoribus usurpata possident, restituere teneantur, ad summas angustias perosque, qui nunc late regnant, reduclum iri. His subscribunt Puffendorf. de J. N. & G. l. 4. c. 12. §. 11. Joan. VVolfgang. Textor. in Synops. Jur. Gent. c. 9. n. 24. Schvveder. Introd. ad Jus publ. par. special. Sect. 2. c. 20. Ockel de Præscr. immemor. c. 1. th. 13. Brunnem. Comment. ad ff. de usucap. l. 1. Frid. Ininger. disp. de Domin. d. 3. q. 2. a. 2. Amadeus Eckoldt de Præscript. §. 7. Braun pr. Jur. Can. ad eund. tit. f. m. 100. Illustr. L. B. de ICKSTATT Elem. J. G. Lib. 3. c. 3. §. 18. Quorum aliorumque omnium eadem motiva ratio est; quia scil. admissio quod Præscriptio sit legitimus acquirendi modus de jure Civili: eadem publici boni ratio a fortiori suadet, inter Gentes quæ tales, post longam possessionem certum denique dominium acquiri &c.

973. Juste proin Purpurati S. R. E. Patres, cum litiones quædam Românæ Ecclesiæ velut Imperio male ereptæ impeterentur; in literis publico datis Anno 1708. d. 12. Augusti responderunt, in præcipuum titulum longævam possessionem, diuturnitatem temporis, atque hinc titulum præscriptionis jure Gentium stabilitæ opposentes.

SATISFIT CONTRARIIS.

938. Ad I.) Auctoritati Imperatoris & legibus adductis salva constat sua ratio. Ibi enim docemur potius Præscriptionem Jure Gentium introductam esse, solam autem de-

perminationem formæ (de qua sermo cit. loci procedere intelligendus est) ex jure civili derivatam haberi. Conter n. 923. & 935.) Quibus adde; quod *Lex XII. Tabularum* a Romanis Decemviris ex Græcia legum cultura tunc præ primis florebat petita, & in duodecim postea Tabulis ante Rostra publice proposita, perpetuitatisque causæ æri demum incisa, omnis Romani Juris caput & primus fons extiterit; Atqui inter alias leges duodecim Tabulis inserta erat *lex præscriptionis*, quæ extabat in tertia parte legum XII. Tabularum sub titulo: *de jure privato*, eratque in numero 38. his verbis concepta: *Usus & auctoritas fundi biennis, ceterarum rerum annuus esto*. Videri potest hæc lex apud Ciceronem in Oratione *pro Cæcina*; & in *Topicis ad Trebatium*. Sensus autem citatæ legis hic erat: Adeptio domini per continuationem possessionis, temporis annui est in rebus mobilibus, biennii vero in rebus immobilibus. Hanc legem Justinianus *Inst. de Usucap. §. Jure civili* & *seqq.* corripuit, voluitque tempora usucapionibus esse longiora, scilicet, ut res quidem mobilis per *triennium* usucaperetur: immobilis vero inter præsentis *decennium*, inter absentes 20. annis.

Ex his autem patet, legem *præscriptionis*, priusquam locis citatis a Justiniano inter leges Romani Imperii cooptaretur, jam in Græcia viguisse: est itaque *antiquior* Lege XII. Tabularum Romanarum, & Jure Civili. Illam enim *Draco, Lycurgus & Solon* in Græciam non aliunde introduxerunt, quam quod probe norint eam vigere inter *Gentes*, verum quia *confuse* solummodo ac in genere tantum dabatur inter diversos illos populos, hinc illi primi *Legislatores* pro sua Græcia, etiam quoad *privatorum* utilitatem eam inducentes, temporis determinatione limitarunt, quam limitationem Justinianus in Jure Romano, tum demum alii *Legislatores* perfectiorem reddiderunt. Vid. Cic. l. 1. de Orator. & l. 2. de LL. tum Ant. Aug. *Tarracon. Archiepiscop. ad leges XII. Tabular.* Azor. *Inst. l. 6. c. 63. ad leges cit.* Adversariis igitur defectus notitiæ historicæ ansam contradicendi assertæ a nobis sententiæ dedit.

919. Ad II.) Necessitas & utilitas præscriptionis inter Gentes, quas obiciens a nobis requirit, relucet jam in probationibus a n. 934.) Præscriptionem itaque assertam dicimus esse necessariam & utilem Gentibus ad *externam* vitæ hujus felicitatem, pacem & quietem publicam. Nisi enim

ex longava poſſeſſione Regnorum, Provinciarum, Urbium etiam *iniquo ſæpe titulo, injuſſo frequenter Marte, violenta* interdum occupatione acquiſitarum admittamus poſſeſſoribus ſtabilem proprietatem; vix Gens aliqua; populus aut natio ab impugnatione & infeſtatione bellica imminis erit. Imo uſucapione prædicta e medio Gentium ſublata; neque *juſtiſſime* ſive jure belli; ſive emptiohe-venditione; ſive aliter quaſita dominia longam quietem pollicere poſſeſſoribus deberent; nam hi etiam *ad probandum* poſſeſſionis *titulum* compelli alioquin poſſent, qui tamen poſt exuſta archivia, depeditas tabulas, ſæculorum fluxu ac temporum inclementia in cineres redacta inſtrumenta; diſſicillime probare eum ſcirent. Inſtantiam de Turciſalitam nullius eſſe roboris momentum conſtabit ex diſcendis ad V. & VI. objectionem.

940. Ad III.) Jus Gentium non determinat quidem tempus nec alias conditiones *juxta præſentem formam & uſum* a Jure Civili & Canonico requiſitas; determinat tamen tempus & alia *ad formam & uſum Gentium communem* neceſſaria. Neque enim hic procedit quaſtio de præſcriptione; prout hæc in ſua ſpecie infima determinatur a Jure Civili & Canonico; ſed potius prout deberet dari aliquis ſaltem *in genere & latius ſumptus* modus, ita acquiſcendi domini, juris, vel libertatis, ut *alicujus* temporis privilegio tollatur omne impetitionis periculum, quodd creare alias poſſet v.g. Gens illa, quæ ante 1000. circiter annos in poſſeſſione fuit. Et hoc ſenſu Jus Gentium determinat *tempus immemoriale*; cuius notum; pro titulo autem *poſſeſſionem bonæ fidei*, utpote in rei derelictione tacita vel præſumpta, & juxta dicta *præced. §.* jure Gentium introducta, fundatam: quod requiſitum *bonæ fidei* eodem quoque Gentium jure introductum eſſe ambigi nequit; cum manifeſtum ſit, per ſe nullam rem *mala fide* poſſideri. Nec reſert, quod forte primus poſſeſſor v.g. ante 800. annos *mala fide* inchoaverit poſſeſſionem; nam *per tot ſecula* in ejus ſuccedaneis præſumitur purgatus ille defectus per poſſeſſionem immemoriam eamque *parificam*; nihil obmovente Gente alia per bella, vel proteſtationes idcirco in contrarium factas. Et ita experimur, etiam conſuetudines *contra legem prohibentem* humanam inductas juſtificari *temporis privilegio* in aliis hominibus eam perſcipientibus; licet ab initio (ſeu ut Scholæ loquuntur) *in fieri*; omnino

obicitum esse ad eas recuperandas sine restrictione ad tempus ullum: rationem reddens hanc: *Rem bello repetere merita facultatis est*; cui **NULLA PRÆSCRIPTIO** opponi potest. Et quæ civitas, præscriptionem pro Imperii salute inventam, Imperii hostibus in pestem Imperii substernere? Porro VI.) Capitulatio hujusmodi Cæsareâ, & de illa articulus decimus Constitutionis *Carolinæ*, redderetur frustraneus: VII.) Præsumi nequit Gentes liberas in diminutionem suæ libertatis, vel Reges in præjudicium Regni proprii in modum acquirendi domini per præscriptionem unquam consensisse; nemo enim præsumitur jus suum jactare: igitur deest Gentium consensus necessarius ad jus Gentium constituendum. VIII.) Dato quod Præscriptio sit origine sua *Juris Gentium*; poterit præscribi à Principe contra libertatem Populi; pro summa potestate: igitur pari jure præscribi a Populo poterit contra potestatem Principis summam pro libertate: porro id falsum est; ut probat *Grotius*, quia subditus est subjectum incapax Majestatis, & Majestas est incapax præscriptionis, utpote extra commercium; neque adesse potest *bona fides* in subditis, quales ignorare senescunt. Nequit etiam adesse *titulus* Imperii translativus in præscribentes, utpote *co conditione subditos* &c. &c. Histamen aliisque non obstantibus,

925. Longe verisimilius est, Præscriptionem debite completam olim habuisse, & hodieum habere locum etiam inter diversos Populos liberos; ita ut fundet Jus Gentium legale, illique merito debeat originem suam *modernam* usucapio; per Jus Civile ad formam *in specie*; seu particularem reducta.

Præter rationum momenta e visceribus causæ hujusmox afferenda, pro existentia Præscriptionis inrer diversas Gentes I.) argumentum suppeditat nēdum eruditissima Doctorum; sed etiam variorum, ac præcipue S. R. Imper. Statuum publicâ; eaque summe veneranda Auctoritâs: *Primo* enim, uti probat *Struvius in Corpor. Jur. Publ. c. 4. §. 13.* per Præscriptionem Jura & exemptiones S. R. Imperii contra finitimos Populos erant confirmata; ac ut pleræque Provinciæ & Status *Livonia* quæ à Polonis; quæ *Lithuanis* & *Moscis* tunc non ita pridem quæsi; redirent ad Imperium Rom. cui olim subjecti erant; medium Præscriptionis *immemorialis* aptissimum visum est ex parte Rom. Imperii, Possessoribus illis opponendum: Quam ob rem
(ait

(ait Struv. l. c.) sæpius deliberatum fuit, ut ad Imperii apicem possent reduci; atque ita Imperium redintegrari. Factum id in Comitibus VVormatiensibus An. 1521. §. XXX. XXXI. sub Maximiliano II. ac in Comitibus Augustanis, A. 1566. §. CXXIV. & Ratisbonensibus; Anno 1576. §. CVII. atque in Capitulationibus Caroli V. Art. IX. Ferdinandi I. Art. VIII. Maximiliani II. Art. IX. Ferdinandi II. Art. VIII. Ferdinandi III. & IV. Art. IX. Leopoldi & Josephi Art. XII. Caroli VI. Art. V. XI.

926. *Secundo.* Cum elapso sæculo per famosas cameras reunionum Gallia multas ditiones *Alsaticas* sibi jure avito debitas conquireret, non aliam exceptionem opposuere Imperii status; quam titulum *Præscriptionis*, dicentes: *Iniquum fore, Status immemoriali, & plurium sæculorum possessioni innixos, ad editionem titulorum suorum, contra omnia jura cõgere; hoc enim modo NB. totius orbis possessiones & rerum dominia incerta reddi.* Ita conclusum fuisse An. 1680. in Comitibus Ratisbon. testatur Londorpius Tom. II. fol. 81.

927. *Tertio.* Eundem loquendi stylum imitati sunt Eruditi viri, ubi de hac *Præscriptione* loquuntur. Ita quippe Ferdinandus Vasquius *illust. q. l. 2. c. 51. §. 16.* asserit: *Probatio dominiæ terræ esset pene impossibilis, si removerimus præscriptionem; nisi quis ostenderet NB. testamentum primi Parentis Adami, quo quodpiam forte prædium, aut prædia sibi relicta fuisse appareret. Aliter enim etsi præbet se emisisse, parum juvat; cum per hoc non appareat, an venditor dominus fuisset; nec potuerit vendens plus juris in emptorem transferre, quam ipse haberet &c.*

928. Et quamvis hoc loco Vasquius protestetur se loqui de *præscriptione sola Civili*, quam omnes omnino admittunt; non vero de *Gentium jure* introducta; quam ille rejicit. Nihilominus inconsequentia suæ doctrinæ protestationi est contraria. Ratio enim, propter quam ille admittit *Præscriptionem* inter personas *privatas* ejusdem Imperii vel Regni debere locum habere, & laudabiliter approbatam, *specialique forma a jure Civili donatam fuisse*, hæc ipsa potiore locum habet etiam, ut inter Gentes idem acquirendi dominiæ modus induceretur, ne scilicet dominia manerent incerta, & cum *externæ felicitatis tranquillitatisque publicæ* damno Genus humanum perpetuis fluctuaret litibus, bellis & rapinis.

Quo etiam facit, quod idem Vasquius, quoad exclusionem

v. 15. & seq. respondisse legitur: *Non tulit Israel terram Moab, nec terram filiorum Ammon: sed -- tradidit Dominus in manus Israel universos fines ejus de Arnon usque Jaboc, & de solitudine usque ad Jordanem.*

931. Verum fallitur Osiander, licet enim *Jephthe* initio controversiæ hujus primam exceptionem Regi Ammonitarum opposuerit ab auctoritate Divina ejusque donatione Israeli facta, ubi tamen percepit, Regem Ethnicum non intelligere, vel contemnere exceptionem ex jure Divino ejusque dispositionibus petitam, illico ad captum hominis Gentilis pro Israelitico populo peroraturus, ad Gentium consuetudinem seu (ut hodie loquimur) præscriptionem se convertit, immemorialem possessionem opponens, *Judic. cit. c. v. 26.* his verbis expressam: *quando habitavit (Israel) in Hesebon, & in vinculis ejus, & in Aroer, & villis illius, vel in cunctis Civitatibus juxta Jordanem* NB. PER TRECENTOS ANNOS, QUARE TANTO TEMPORE NIHIL SUPER HAC REPETITIONE TENTASTIS?

932. Ecce! demonstrata veritas propositæ Assertionis nostræ, quod scilicet longe ante Juris Civilis introductionem fuerit inter diversas Gentes ufucapio sub schemate immemoralis possessionis, seu consuetudinis præscriptivæ. Quod etiam liquet ex *cit. c. v. 27.* Postquam enim *Jephthe* immemoralis possessionis exceptionem opposuit, nec tamen Rex Ammonitarum a denunciato sibi bello recessit, ille e vestigio contra injustam aggressionem hanc protestatus est dicens: *Igitur non ego pecco in te, sed tu contra me male agis, INDICENS MIHI BELLA NON JUSTA.* Protestatio hæc docet, iniquum esse bellum, si instituatur pro recuperanda Provincia, quam Gens altera a 300. vel 400. annis possidet, NB. neque tanto tempore ullus intercessit adus diligentie, qui vim protestationis publicæ, aut attentati alicujus haberet; alioqui in pacifica possessione censetur completa esse præscriptio immemoralis inter Gentes. Vide Alphonsi. *Tollatum ad Cap. XI. Judicium supra cit.*

933. Sexto. Nec mirum sit quod *Didacus Saavedra* apud *Ackelium* de præscript. immemor. c. 1. th. 15. ait: *Pro omnibus quotquot sunt, Regnis, hodie communi Populi consensu immemoralis possessio militat. Rationem hujus afferens: Toto enim Orbe penitus exulare deberet pax, si coram tribunali temporis regna atque dominia legitimum, quo nituntur, Jus Nat. & Gent.*

P p

titu-

titulum non reddidissent. Vix enim Gens, quæ a se ipsa acceperit supremam potestatem, illamque ab alia potentiore mutuata non sit, poterit reperiri.

924. Demum II.) Momentum præbet ratio intrinseca satis iam ex adductis testimoniis perspecta, quam ipsa Gentium juris definitio solidius adhuc declarat. Nam juxta *n. hic 676.*) Juris gentium (dicente Justiniano) est; *quod exigentibus necessitatibus humanis; & utilitatibus suadentibus, usu & moribus omnium, aut penè omnium Gentium introductum est, & introduci debuit.* Atqui talis est Præscriptio; partim quia eam *introducendam* fuisse probant adducta jam testimonia, partim quia *introducenda* debuit. Prout enim ostendimus *a n. 729.*) quidnam sit, vel non sit Juris Gentium, desumi id debet, inter alia, ex communi utilitate, vel necessitate inter omnes, aut saltem fere omnes Gentes: porro vix aliquid *utilius*, & magis *necessarium* fuit ad *externam* felicitatem publicamque pacem & tranquillitatem Gentium, quam fuerit & sit præscriptio. Illa enim inter Populoseclusa, nulla amplius dominiorum unquam mansisset certitudo. Et cum olim Romano v. g. Impetio Africa majorque pars Europæ, ac finitimatum regionum servierit, Gentes illæ juris civilis Romani expertes, quæ a mille & infra annis avulsa Regna ac Provincias hodiedum *pacifice* possident; remoto præscriptionis immemorialis auxilio; nulla ratione de juris sui competentia certæ forent, minusque proin tranquillæ viverent, vel ditiones possessas cultivarent; utpote continuo metu agitatæ ne forte aliquando titulum possessionis suæ probare cogantur &c.

935. Huc facit III.) quod juxta *n. 774. & 780.* occupatio & divisio Gentium jure fuerit introducta, manifestum præbente argumentum *Can. 9. dist. 1.* ubi dicitur: *Jus Gentium est sedium OCCUPATIO*, concordat *L. Ex hoc jure §. ff. de J. & J. ac L. Quorundam 1. ff. de A. R. D.* Porro per verba *Sedium occupatio*; juxta Gloss. & ibid. DD. nedum prima rerum *divisio & occupatio* terrarum intelligitur: sed etiam *omnis possessio* sive statim *ab initio justa*; sive temporis immemorialis decursu per *pacificam* sui continuationem *justificata*; ita ut licet illa temporum successu per *Jus Civile* vel *Canonicum* ad meliorem formam reducta & circumscripta sit, nihilominus originem suam saltem *in confuso* & generice consideratam a Gentium jure derivet.

Recte igitur Card. Bellarm. *l. 5. de Pontif. Rom. c. 9.* probatu-

baturus valorem donationis Constantinianæ, ait: *Etiam si nihil præterea extaret, abunde sufficeret 800. annorum Præscriptio.* Nam etiam Regna & Imperia per latrocinium parta & acquisita, tandem longo tempore fiunt legitima. Alioqui quo Jure Julius Cæsar occupavit Romanum Imperium? Et tamen tempore Tiberii ait Christus Math. 22. *Reddite, quæ sunt Cæsaris Cæsari.* Quo jure Franci Galliam, Saxones Britanniam, Gothi Hispaniam invaserunt? Et tamen quis hoc tempore Regna ab illis constituta illegitima diceret? Hæc Bellarminus.

936. Atque præter citatos, huic sententiæ adhærent Suar. in defens. fidei Cath. l. 3. c. 2. a n. 20. ac de LL. l. 3. c. 34. n. 10. Ludov. Gonzaga, qui in præfat. ad coronam Gothicam, Henrico Regi Galliæ opposuit: *Principes, si rogentur, quo titulo tot Provincias possideant, aliud, quod respondeant non habere, quam eas antea a Parentibus accepisse, & si lex sit, ut Principes, quæ a Majoribus usurpata possident, restituere teneantur, ad summas angustias periosque, qui nunc late regnant, reditum iri.* His subscribunt Puffendorf. de J. N. & G. l. 4. c. 12. §. 11. Joan. VVolfgang. Textor. in Synops. Jur. Gent. c. 9. n. 24. Schvveder. Introd. ad Jus publ. par. special. Sect. 2. c. 20. Ockel de Præscr. immemor. c. 1. th. 13. Brunnem. Comment. ad ff. de usucap. L. 1. Frid. Ininger. disp. de Domin. d. 3. q. 2. a. 2. Amadeus Eckoldt de Præscript. §. 7. Braun pr. Jur. Can. ad eund. tit. f. in 100. Illustr. L. B. de ICKSTATT Elem. J. G. Lib. 3. c. 3. §. 18. Quorum aliorumque omnium eadem motiva ratio est; quia scil. admissio quod Præscriptio sit legitimus acquirendi modus de jure Civili: eadem publici boni ratio a fortiori suadet, inter Gentes quæ tales, post longam possessionem certum denique dominium acquiri &c.

973. Juste proin Purpurati S. R. E. Patres, cum litiones quædam Romanæ Ecclesiæ velut Imperio male ereptæ impeterentur, in literis publico datis Anno 1703. d. 12. Augusti responderunt, in præcipuum titulum longævam possessionem, diuturnitatem temporis, atque hinc titulum præscriptionis jure Gentium stabilitæ opposcentes.

S A T I S F I T C O N T R A R I I S.

938. Ad I.) Auctoritati Imperatoris & legibus adductis salva constat sua ratio. Ibi enim docemur potius Præscriptionem Jure Gentium introductam esse, solam autem de-

perminationem formæ (de qua sermo cit. loci procedere intelligendus est) ex jure civili derivatam haberi. Confer n. 923. & 935.) Quibus adde; quod *Lex XII. Tabularum* a Romanis Decemviris ex Græcia legum cultura tunc præ primis florebat petita, & in duodecim postea Tabulis ante Rostra publice proposita, perpetuitatisque causa æri demum incisa, omnis Romani Juris caput & primus fons extiterit; Atqui inter alias leges duodecim Tabulis inserta erat *lex præscriptionis*, quæ extabat in tertia parte legum XII. Tabularum sub titulo: *de jure privato*, eratque in numero 38. his verbis concepta: *Usus & auctoritas fundi biennis, ceterarum rerum annuus esto*. Videri potest hæc lex apud Ciceronem in *Oratione pro Cæcina*; & in *Topicis ad Trebatium*. Sensus autem citatæ legis hic erat: Adeptio domini per continuationem possessionis, temporis annui est in rebus mobilibus, biennii vero in rebus immobilibus. Hanc legem Justinianus *Inst. de Usucap. §. Jure civili & seqq.* corripuit, voluitque tempora usucapionibus esse longiora, scilicet, ut res quidem mobilis per *triennum* usucaperetur: immobilis vero inter præsentis *decennio*, inter absentes *20. annis*.

Ex his autem patet, legem *præscriptionis*, priusquam locis citatis a Justiniano inter leges Romani Imperii cooptaretur, jam in Græcia viguisse: est itaque antiquior *Lex XII. Tabularum Romanarum*, & *Jure Civili*. Illam enim *Draco, Lycurgus & Solon* in Græciam non aliunde introduxerunt, quam quod probe norint eam vigere inter *Gentes*, verum quia *confuse* solummodo ac in genere tantum dabatur inter diversos illos populos, hinc illi primi *Legislatores* pro sua Græcia, etiam quo ad *privatorum* utilitatem eam inducentes, temporis determinatione limitarunt, quam limitationem Justinianus in *Jure Romano*, tum demum alii *Legislatores* perfectiorem reddiderunt. Vid. Cic. *l. 1. de Orator.* & *l. 2. de LL.* tum Ant. *Aug. Tarrac. Archiepiscop. ad leges XII. Tabular.* Azor. *Inst. l. 6. c. 63. ad leges cit.* Adversariis igitur defectus notitiæ historiciæ ansam contradicendi assertæ a nobis sententiæ dedit.

919. Ad II.) Necessitas & utilitas præscriptionis inter Gentes, quas obiciens a nobis requirit, relictæ jam in probationibus. a n. 934.) Præscriptionem itaque assertam dicimus esse necessariam & utilem Gentibus ad *externam* vitæ hujus felicitatem, pacem & quietem publicam. Nisi enim

ex

ex longæva poſſeſſione Regnorum, Provinciærum, Urbium etiam *iniquo* ſæpe titulo, *injulſo* frequenter Marte, *violenta* interdum occupatione acquiſitarum admittamus poſſeſſoribus ſtabilem proprietatem; vix Gens aliqua; populus aut natio ab impugnacione & infeſtacione bellica immutata erit. Imo uſucapione prædicta e medio Gentium ſublata; neque *juſtiſſime* ſive jure belli; ſive emptiohe-venditione; ſive aliter quaſita dominia longam quietem pollicere poſſeſſoribus deberent; nam hi etiam *ad probandum* poſſeſſionis titulum compelli alioquin poſſent, qui tamen poſt exulta archivia, deperditas tabulas, ſæculorum fluxu ac temporum inclementia in cineres redacta inſtrumenta; difficillime probare eum ſcirent. Inſtanciam de Turciſalitam nullius eſſe roboris momentum conſtabit ex diſcendis ad V. & VI. objectionem.

940. Ad III.) Jus Gentium non determinat quidem tempus nec alias condiciones *juxta præſentem formam* & uſum a Jure Civili & Canonico requiſitas; determinat tamen tempus & alia *ad formam & uſum Gentium communem* neceſſaria. Neque enim hic procedit quaſtio de præſcriptione; prout hæc in ſua ſpecie *infima* determinatur a Jure Civili & Canonico; ſed potius prout deberet dari aliquis ſaltem *in genere & latius* ſumptus modus, ita acquiſcendi dominii, juris, vel libertatis, ut *alicujus* temporis privilegio tollatur omne impetitionis periculum, quodd create alias poſſet v.g. Gens illa, quæ ante 1000. circiter annos in poſſeſſione fuit. Et hoc ſenſu Jus Gentium determinat *tempus immemoriale*, cuius notum; pro titulo autem *poſſeſſionem bonæ fidei*, utpote in rei derelictione tacita vel præſumpta, & juxta dicta *præced. §.* jure Gentium introducta, fundatam: quod requiſitum *bonæ fidei* eodem quoque Gentium jure introductum eſſe ambigi nequit, cum manifeſtum ſit per ſe nullam rem *mala fide* poſſideri. Nec refert; quod forte primus poſſeſſor v.g. ante 800. annos *mala fide* inchoaverit poſſeſſionem; nam *per tot ſecula* in ejus ſuccedaneis præſumitur purgatus ille defectus per poſſeſſionem immemoriam eamque *pacificam*; nihil obmovente Gente alia per bella, vel proteſtationes idcirco in contrarium factas. Et ita experimur etiam conſuetudines *contra legem prohibentem* humanam inductas juſtificari *temporis privilegio* in aliis hominibus eam perſcipientibus; licet ab initio (ſeu ut Scholæ loquuntur) *in fieri*; omnino

mala fide & peccaminose inchoata fuerit a primis eorum Antecessoribus, qui contra legem operabantur.

941. Ad IV.) Frustrā asseritur non posse a nobis probari consensum & pactum mutuum inter Gentes, quo illæ conspirarint in modum transferendi domini per præscriptionem legitime completam. Videri potest decisio hujus feracelli, superius hic declarata n.671. (& 673.) Imo etiam si consensus Gentium mutuus tacite præstitus deesset, longe-vus usus pacificæ possessionis conjunctus morali impossibilitati probationum, & simul generali periculo inquietudinum externarum, quibus alioquæ totum genus humanum omnesque Nationes involverentur, si hæ non haberent certitudinem suorum dominiorum; sufficeret ad prædictum jus acquirendi introducendum inter Gentes per usucapionem, spatio tanti temporis, cujus non extat memoria, continuata, neque datur vestigium protestationis alteriusve diligentia, quæ vim interruptæ possessionis pacificæ habeat.

942. Ad V. & VI.) Quæ a Vasquio de Hispania, Gallia, Austria, tum a Carpzovio, & aliis de Capitulatione Cæsarsæca afferuntur, æra verberant: sed nos non premunt. Dicimus enim primo.) Hispaniam, Galliam, Austriam, S. R. Imp. & alias Nationes, Regna & Familias, justam habere causam non admittendi ulla præscriptiones contra crepta jura & bona avulsa, circa quæ præscriptio immemorialis, Gentibus aliqui familiaris, nunquam fuit completa, perpetuo autem interrupta per continuas, aut sæpius repetitas protestationes, expostulationes, bella, aliisve modis intentatos actus pro restitutione iniuste avulso- rum jurium & bonorum; isti enim actus vim habent perpetuæ protestationis, quæ possessorem avulso- rum tamdiu in mala fide constituunt, usque dum vel restituat, vel aliud immemoriale tempus ab ultimo protestationis actu computatum pacifice effluat, & finiatur. Atque in hoc sensu recte sensisse perhibetur quidam Gallicus Scriptor in Dissert. Jurid. Francofurti vol. 4. disp. 22. thes. 22. ubi cordate asseruit, Coronæ Gallicæ nullam præscriptionem obesse.

943. Ab æquitate etiam non ablusit optima responsio illa; quam Emmanuel AMOR de Soria Patronus Fisci regii in Ducatu Parmensi, in tractatu de bonor. finito bello restitut. ex capite amnestiæ, edit. Vienn. Austriæ; Anno 1738. in 4. fol. 284. allegavit: dicens: quæ de præscriptione afferuntur, Regibus ista non posse applicari, quia summi Imperantes ad-

versus actus metu extortos, & multo magis fraude, se ipso in integrum restituere valent. Alioqui omnibus latrociniiis via aperiretur, & fere unus Prævinciarum & dominiorum acquirendi modus in armis & fortiore exercitu consisteret, juste an injuste alterum Regni aut ditionum possessione dejecerit: quis quærat? dummodo vel inique coactus armâ tenenti victori in cessionem juste alias possessarum regionum consenserit. Quod tamen naturali ratio horret, & ita quæsitum, quamdiu continuatæ protestationes injuriâ passî innovantur vel injuriâ aliunde certa notoriave est, usucapionem prohibet. Vide hic *supr. n. 190.*)

944. Ob eandem rationem dicimus *secundo*) assertam decisionem non obstare Cæsareis Capitulationibus, nec earum articulum fore frustraneum: nam in illo Imperator non se obligat ad recuperanda avulsa, per immemorialis temporis *pacificam* possessionem dudum jam præscripta: sed solum ad recuperanda *injuste alienata*, quorum possessio hoc ipso obstante articulo, ac habente vim protestationis, sæpius circa coronationem Imperatorum repetitæ, *pacifica* nunquam fuit, nec esse potuit: Prout etiam bene hac in parte sentit Puffendorf, de J. N. & G. l. 4. c. 12. §. 11. dicens; ut Gens contra Gentem rem tempore immemoriali præscribat, requiri, ut Populus, contra quem præscriptum esse dicitur, ne quidem *saltem protestando*, jus suum conservaverit: ergo varissimi possunt accidere casus, ut ab usucapione demum dominium sit arcessendum, NB. si *pacifico titulo quis populus rem quampiam sit nactus*.

945. Ac proin nec adducta instanria de Turcarum tyrannide, quidpiam evincit. Cum enim tot bella, & perpetuo sibi succedentes, nedum S. R. Imperii & aliorum Regnorum, sed etiam Ecclesiæ universalis Catholicæ, juxta ac totius Christiani orbis protestationes contra eorum vim ac injustas depredationes intercesserint, semperque renouentur, inde fit, ut possessio Christianis ereptarum Prævinciarum, pariter ac avulsi Imperii Orientalis, sicut nunquam inchoari, ita nec *pacifice* impleri per tempus *immemoriale* ad præscriptionem hujusmodi necessarium potuerit, possitve, quin hæc singulis sæculis interrumpatur. Hinc frustra *Solymanus* apud Puffend. l. c. sæpe solitus est dicere, Romæ ac totius Occidentis Imperium ad se spectare, propterea quod ipse Imperatoris Constantini, qui imperii sedem Bizantium transtulit, legitimus sit successor.

946. Ad VII.) Si Gentium tacitus consensus in præscriptionem legitime completam haberet pro objecto determinato solam diminutionem, damnum, & præjudicium dominiorum, quæ possident: utique evidens est, consensum hujusmodi non posse rationabiliter præsumi, cum nemo præsumatur suum jactare. Verum quia modus hic acquirendi æque conjungi potest cum diminutione ac etiam augmento honorum, jurium & variorum emolumentorum, hinc cessat ratio dubitandi. Et certe nemo in ludum chartarum, vel *ollæ fortunæ* seu de la Loterie, unquam consentiret, si hic vergeret tantum in diminutionem & damnum marsupii: quia tamen sicut perdere ludo; ita etiam lucrari possumus, hinc suppetit prudens dubium, cur negari deberet hominum consensus in hujusmodi objecta.

947. Quod si petas, quænam sint signa taciti illius Gentium consensus in præscriptionem v. g. alicujus Regni, aut Provinciæ? R. varia reputari. Scilicet 1.) Acquiescentia per tempus immemorabile, nulla unquam facta protestatione verbis vel factis, etsi fieri facile potuisset. 2.) Nulla mentio juris facta, etiam in pactis cum possessore altero initis. 3.) Omissio tituli, seu insignium, ditionis amissæ causa sibi competentium. 4.) Titulus alteri datus sponte & libere, appellando eum *Dominum regionis* absque limitatione. 5.) Negata auxilia, cum ferri potuissent & debuissent, &c.

948. Ad VIII.) Quod a Principe possit præscribi contra libertatem Populi pro summa potestate: vacat dubio; quod igitur pari etiam jure præscribi possit a Populo contra potestatem Principis pro libertate; minime quoque ambigendum est. Cum non unius Reipublicæ usu constet, quod a regimine Monarchico subditi illius tractu temporis immemoralis se se exemerint, translato in Optimates, vel Populum dominio, quibus litem movere quid aliud foret, quam publicam pacem evertere. Nec refert, quod sequela hæc falsa esse dicatur: quia falsitas hæc affingitur a sensu Grotii, qui sibi ipsi non constat, ubi *de J. B. & P. l. 2. c. 4. §. 2.* ipsemet concedit, quod longa patientia Principis Populo sufficere possit ad pariendam libertatem *ex derelictione imperii præsumpta*, non sit igitur mirum, si Grotius concessionem sequelæ contradicat, qui etiam sibi ipsi contradicit.

949. Neque etiam obstat, quod subditus *qua subditus* sit subiectum *incapax* Majestatis & jurium Majestati *in-*
trin-

transcorum, ut diximus hic 843.) Nam etiam hæc præscriptione immemoriali acquirere potest, ex quo *desit esse subditus*, tunc enim non qua subdito, sed qua *supreme*, vel uni Genti, Populo jus Majestatis competet; Brunnem. ad l. 2. C. commun. de usucap. n. 4. Balbo, Schambogen, Franz. & alii apud Schmier Jurispr. to. 1. lib. 1. f. 229. n. 495. §. f. 231. n. 363. Consequenter potest adesse *bona fides*, non quidem in primo aggressore: verum in aliis possessoribus, qui longæva annorum serie illi succedent. Titulum quoque supplebit ipse temporum immemorialis cursus; *pacifice* ac cum *acquiescentia* prioris possessoris, Regni, vel Gentis, continuatus, &c.

950. CONCLUDES I.) Præscriptionem ita habere locum inter diversas Gentes, ut etiam habeat inter duos Populos liberos ejusdem Gentis v. g. Germanicæ, & inter duos Reges, vel inter Regem ac populum liberum, imo & inter Regem ac privatum ei non subditum, & inter duos diversorum Populorum Regumque subditos. II.) Eam prout inter diversos Populos liberos est, habere vim Gentium juris *legalis* obligantis in conscientia, de quali egimus n. 702.) eo inquam sensu, quod, si longæva immemorialis temporis possessio *pacifice*, ut supra dictum est, ab una Gente fuerit continuata, censenda sit *legitime*, id est juxta leges Gentium fuisse completa, quam dein disturbare nefas sit, cum Jus Gentium etiam Principes obliget, juxta n. 706.) III.) Denum, quod eo casu, ubi diversæ Gentes liberæ controversiam de præscriptione alicujus Provinciæ, per media ordinaria & amicabiliter decidere nequeunt, forum pro litis decisione aliud non habeant, quam in *campo Martio*, neque Judicem hic & nunc alium quam *MARTEM* terribilem; per ea, quæ tractavimus de *Foro* & *Judice* competente inter Gentes, a n. 709.)

Quæritur hic ult. *Quinam sint reliqui modi derivativi acquirendæ proprietatis: & quæ officia ex dominio sequantur?*

951. Exposuimus jam a n. 742. & seqq.) dominia, generalim loquendo, *derivari* seu transferri in alium vel volente priore domino, vel invito. *Volente*, id est *facto* ejus transferuntur trifariam, donatione, ultima voluntate & contractu, de quibus egimus a n. 743.) *Invito* domino, seu ipsa *lege disponente* transferuntur etiam totidem modis. 1.) Jure Gentium; sic res bello captæ fiunt capientis, de quo infra agemus. 2.) Auctoritate alicujus legis *particularis*, idque vel sine culpa domini, ut lege præscriptionis:

nis: lege successionis explicata *cit. hien. 743.*) vel ob culpam ejus, ut ob crimen hæresis, læsæ Majestatis, incestus nuptias &c. *tertio.*) Per sententiam Judicis, ut si fur damnetur in quadruplum: Qui modus etiam obligat in conscientia, quando sententia non nititur falsa præsumptione.

952. Quod autem concernit *Officia* ex dominio fluentia in humanam societatem, Naturæ vel Gentium jure firmata: R. Cum magis specialia hæc non spectent, & jam superius *de offic. erga prox. qn. 444.*) declarata sint, sola illa quæ communia sunt, exponimus. Scilicet I.) Quod dominio creaturarum tam inanimatarum, quam animantium non abutendum sit in contumeliam Creatoris, neque in præjudicium sui, vel aliorum, imo neque illæ sine causa destruendæ, aut si vivunt, mactandæ & occidendæ sunt *ex sola* animi levitate, quoties damnum non inferunt, nec ullam molestiam creant. II.) Neminem in suo dominio esse turbandum. III.) Res inexhaustæ utilitatis, nec proprietati ulli subjectæ inter primævam Communionem sunt relinquendæ. IV.) Quidquid nullius est, primo occupanti cedendum. V.) Rebus alieno dominio subjectis, citra voluntatem Domini, regulariter, excepto extremæ necessitatis casu, non utendum. VI.) Fides in Contractibus & pactis servanda.

C A P U T IV.

De summa potestate, ejus origine, juribus, illamque acquirendi modis.

§. I.

Quid rei summa potestas, quæ ejus origo, quod subiectum &c.

S U M M A R I U M.

953. Summi imperii definitio,

954. Et ejusdem Origo exponitur.

955. &c. Illa in Rempublicam derivatur immediate a DEO tanquam naturæ auctore: 2.) A Republ. autem vel Civitate consignatur immediate uni vel pluribus: 3.) Atque ita summa potestas civilis non immediate a DEO descendit in personam determinatam.

959. Lex Regia quid sit, exponitur.

960. Satis fit contrariis rationibus,

961. &c. Puffendorffii opinio contra Hornium laudatur. Et
refel-

refellitur paritas cum Davidis & Apostolorum ac Pontificum Potestate.

963. Subiectum & obiectum Majestatis declaratur, pro diversitate status Monarchici, Aristocratici, &c.

953. I.) Imperium summum, summa potestas, & Majestas Publicistis, teste Hornio *de Civ. l. 2. c. 1. §. 3. n. 1. & 2.* Boecler. *ad Grot. l. 1. c. 3. §. 21.* synonyma sunt, uti etiam tradit Puffend. *loc. infra hinc citando.* Unde Aristoteles *L. 3. Polit. c. 7.* definitione Majestatis imperium summum summamque potestatem complexus ait: *Majestas, summa in Civitatibus potestas est.* Et quamvis cum nonnullis *L. 2. doctr. Civ. c. 16.* Majestatem non sumat pro summa potestate, sed pro reverenda quadam amplitudine, ac *l. 4. c. 9.* eam appellet auctoritatem impressam subditis, sive & exteris opinionem reverentem de Rege ejusque statu; nihilominus sententiæ hujus Auctoris sua ratio bene constare potest, ille quippe *l. c.* loquitur de Majestate *personali*, seu ut ait Grot. *d. l. c. 3. §. 21.* pro dignitate Imperantis accepta, non autem pro reali summam jurisdictionem denotante, quæ non semper requirit personam Imperatoria aut Regia dignitate fulgentem, dicente Joanne in *Lexic. jurid. Juris cesarei f. 534.* Majestas auctoritatem & amplitudinem significat, vel *DEI*, *l. 32. §.* sacerdotio, ff. de Arbitr. vel Principis, vel populi *Romani NB. vel MAGISTRATUS*, *l. 7. §. 1. de Captiv. l. penult. ff. de J. & J. l. 9. ff. de Jurisd. omn. Judic. l. 23. ff. de injur. & tot. tit. ad leg. Jul. Majest.*

Ita quo ad suam etymologiam explicatam imperium summum seu Majestas, definiri potest, quod sit *Facultas moralis ab omni superiore independens civitatem gubernandi, sive actiones Civium dirigendi ad communem & publicam salutem.* Dividitur autem in *Realem*, quæ Populo, Reipublicæ, seu Regno semper coheret, & *Personalem*, quæ resistet penes imperantes, Principem, aut senatum, & cum persona imperantium expirat. *Besold. Polit. c. 1. §. 1. Lymnæus ad Cap. Rudolphi II. art. 32. f. 532. a n. 48.*

954. II.) Origo prima ac universalis prout omnium rerum, ita etiam summi imperii ac Majestatis, quod DEUS ipse sit, nemo prudens ambigit. Ita quippe ille de se *Prov. 8. v. 15.* dicit: *per me Reges regnant & legum Conditores justa decernunt &c.* Quemadmodum vero id certum est, ita a pleisque in controversiam trahitur, an illa potestas (seu quod idem

idem esse diximus) summum imperium, supremā jurisdīctio & Majestas a DEO immediate in Civitatem, communitatem seu Rempublicam, vel, an immediate in ipsas personas Imperantes transeat? in utramque partem discipatur. Communior tamen opinio est, quam pure ex mente aliorum adducimus:

955. III.) Summa potestas Civilis in Communitate, Republica, seu Civitate est immediate a DEO. 2.) Illa autem mediante in unum Imperantem, vel plures alios, regulariter per ultionem Civium subjectionem & aliquem consensum derivatur.

Ita D. Thom. 2. 2. q. 10. a. 11. dicens: *dominium & prelationem* (politicam) *introducā esse Jure humano*, quam doctrinam ille desumpsit ex D. Augustino l. 5. de Civit. DEI c. 21. dicente: *generale PACTUM est societatis humane obediendi Regibus suis*. Idem quoque quo ad utramque assertio- nis partem tenet Covarr. pract. q. c. 11 n. 5. Sotus de J. & J. l. 4. q. 2. a. 1. Victor. Relect. 1. de Potestate. Sect. 4. a. 3. n. 2. ubi ait: *Potestas civilis habet ortum a Republ. quia est in finem naturalem Reipublice*: Suar. in defens. fidei l. 3. c. 2. nu. 5: & 10. Hobbes. de Cive. c. 2. §. 4. Puffendorf. de J. N. & G. L. 7. c. 3. §. 3. ubi refellit Hornium admittentem quidem ipsas Civitates per pacta constitui: sed imperium summum ab ipso DEO immediate in Principes conferri, neque ad id producendum quidquam ab hominibus proficisci: Adeoque liberos populos; dum Regem sibi ultro eligunt, non conferre in ipsum Majestatem: sed tantum DESIGNARE personam, in quam illa divinitus immediate conferatur. Hornium vero secutus est Ziegler de Jurib. Majest. l. 1. c. 1. §. 46: uterque autem opinionem hanc hauserunt ex Petro de Marca de Concord. Sacerdot. & Imp. l. 2. c. 2. a n. 1. & Vitriario Inst. de J. N. & G. q. 121. c. 3. Quorum sententiam refutavit Ferdin. VVeizenegger in Dissert. juridic. politic. edita A. 1631. Ingolsiadii; c. 3. Tanner in defens. Eccl. libert. L. 2. c. 1. f. m. 209. & c. 2. f. m. 224. tum c. 4. f. 237. Ac videri potest idem Auctor in Theol. Schol. t. 2. disp. 5. q. 5. dub. 1. n. 30. Sigismundi Stapff. de Majestat. c. 2. §. 2. & seq. Gletle in Select. Jure publ. c. 3. a n. 13. Illustr. L. B. de ICKSTATI in Elem. J. G. l. 3. c. 1. §. 5. ubi ait: *Jura cujusvis Populi majestatica, nec non regalia in dominio & quidem proprio populi existere, extra dubitationis aleam positum est*.

956. Ratio primæ partis est: Quia, ut Suar. de Legib. l. 3.

l. 3. c. 3. a n. 5. & c. 4. n. 2. cum aliis Theologis & Juristis ait, Potestas hæc est quasi proprietas moralis consequens naturam hominum in unam Civitatem, Rempubicam, seu corpus politicum libere congregatorum; est enim illi simpliciter necessaria ut sit sibi sufficiens ad existendum, id est, ad sui conversationem, & convenientem gubernationem, sine qua nulla communitas in bono ordine subsistere potest: Atqui natura hominum immediate procedit ab ipso DEO: igitur & proprietas illa, 2.) Inter DEUM qui potestatem tribuit, & Civitatem quæ potestatem recipit, nihil aliud intermediat, quo minus a DEO dicatur in Civitatem perfectam immediate derivari. Neque enim ex revelatione Divina (alioqui non esset potestas hæc, vel notitia de illa mere naturalis) neque per dictamen rectæ rationis apparet aliud subjectum immediatum hujus Potestatis receptivum, quam sit Civitas seu Communitas perfecta, utpote quæ sola necessario requirit summam Potestatem, ita ut subjectum aliquod determinatum, quale v. g. esset status Monarchicus, Democraticus, vel Aristocraticus, quantum de se non desideret. 3.) Experientia docet, formas Regiminum esse mutabiles, ita ut Status Monarchicus semel introductus successu temporis in Aristocraticum vel Democraticum, aut alium degeneret; Porro id non haberet locum, supposito quod verum esset a DEO potestatem supremam immediate deferri uni certæ personæ.

957. Neque tamen inde sequitur, hac ratione statum Democraticum a DEO immediate & unice institutum esse ita, quin humana voluntate in statum alium mutari queat. Status enim Democraticus non est institutus a DEO preceptivè, quasi summa potestas penes universum Populum residere & ab eo exerceri debeat: sed mere permissive, quatenus in arbitrio Communitatis est, velint a DEO concessum sibi summum imperium toti corpori reservare, vel in unum aut plures disponere.

958. Partis alterius ratio est, tum ex Lege Regia, qua Populus Romanus olim omnem Potestatem in Principem transtulisse legitur, ut liquet ex l. 1. ff. de Const. Princ. & l. 2. §. Noviss. ff. de orig. Jur. providentia autem DEI circa negotia civilia eadem est nunc, ac olim fuit; Tum ex eo, quia uti docet Suar. cit. c. & in defens. fidei l. 3. c. 2. n. 13. Admisso quod DEUS immediate summam potestatem conferret certis ac determinate uni personæ hominum, deberet hoc fieri vel

mala fide & peccaminose inchoata fuerit a primis eorum Antecessoribus, qui contra legem operabantur.

941. Ad IV.) Frustra asseritur non posse a nobis probari consensum & pactum mutuum inter Gentes, quo illæ conspirarint in modum transferendi dominii per præscriptionem *legitime completam*. Videri potest decisio hujus serapoli, superius hic declarata n. 671. & 673.) Imo etiam si consensus Gentium mutuus *tacite* præstitus deesset, *longævus usus pacificæ possessionis* conjunctus morali impossibilitati probationum, & simul generali periculo inquietudinum *externarum*, quibus alioquæ totum genus humanum omnesque Nationes involverentur, si hæ non haberent certitudinem suorum dominiorum; sufficeret ad prædictum jus acquirendi introducendum inter Gentes per usucapionem, spatio tanti temporis, cujus non extat memoria, continuata, neque datur vestigium *protestationis* alteriusve diligentæ, quæ vim interruptæ possessionis pacificæ habeat.

942. Ad V. & VI.) Quæ a Vasquio de *Hispania*, *Gallia*, *Austria*, tum a Carpzovio, & aliis de Capitulatione Casafarea asseruntur, æra verberant: sed nos non premunt. Dicimus enim *primo*.) Hispaniam, Galliam, Austriam, S. R. Imp. & alias Nationes, Regna & Familias, *iustam* habere causam non admittendi ullas præscriptiones contra erepta jura & bona avulsa, circa quæ *præscriptio* immemorialis, Gentibus alioqui familiaris, *nunquam* fuit *completa*, perpetuo autem interrupta per continuas, aut sæpius repetitas protestationes, expostulationes, bella, aliisve modis intentatos actus pro restitutione iniuste avulsorum jurium & bonorum; isti enim actus vim habent perpetuæ *protestationis*, quæ possessorem avulsorum tamdiu in mala fide constituunt, usque dum vel restituat, vel aliud immemoriale tempus ab ultimo protestationis actu computatum pacifice effluat, & finiatur. Atque in hoc sensu recte sensisse perhibetur quidam Gallicus Scriptor in *Dissert. Jurid. Francofurt vol. 4. disp. 22. thes. 22.* ubi cordate asseruit, *Coronæ Gallicæ* nullam præscriptionem obesse.

943. Ab æquitate etiam non abluit optima responsio illa; quam Emmanuel AMOR de Soria Patronus Fiscæ regii in Ducatu Parmensi, in tractatu de bonor. finito bello restitut. ex capite amnestiæ, edit. Vienn. Austriæ; Anno 1738. in 4. fol. 284. allegavit: dicens: quæ de præscriptione asseruntur, Regibus ista non posse applicari, quia summi Imperantes ad-

ver-

versus alius metu extortos, & multo magis frande, se ipso in integrum restituere valent. Alioqui omnibus latrociniiis via aperiretur, & fere unus Provinciarum & dominiorum acquirendi modus in armis & fortiore exercitu consisteret, juste an injuste alterum Regni aut ditionum possessione dejecerit: quis quærat? dummodo vel inique coactus arma tenenti victori in cessionem juste alias possessorum regionum consenserit. Quod tamen naturali ratio horret, & ita quæditorum, quamdiu continuatæ protestationes injuriam passi innovantur vel injuria aliunde certa notoriave est, usucapionem prohibet. Vide hic (*supr. n. 190.*)

944. Ob eandem rationem dicimus (*secundo*) assertam decisionem non obstat Cæsareis Capitulationibus, nec earum articulum fore frustraneum: nam in illo Imperator non se obligat ad recuperanda avulsa, per immemorialis temporis *pacificam* possessionem dudum jam præscripta: sed solum ad recuperanda *injuste alienata*, quorum possessio hoc ipso obstante articulo, ac habente vim protestationis, sæpius circa coronationem Imperatorum repetita, *pacifica* nunquam fuit, nec esse potuit: Prout etiam bene hac in parte sentit Puffendorf, *de J. N. & G. l. 4. c. 12. §. 11.* dicens; ut Gens contra Gentem rem tempore immemoriali præscribat, requiri, ut Populus, contra quem præscriptum esse dicitur, ne quidem *saltem protestando*, jus suum conservaverit: ergo rarissimi possunt accidere casus, ut ab usucapione demum dominium sit arcessendum, NB. si *pacifico titulo*, quis populus rem quampiam sit nactus.

945. Ac proin nec adducta instantia de Turcarum tyrannide, quidpiam evincit. Cum enim tot bella, & perpetuo sibi succedentes, nedum S. R. Imperii & aliorum Regnorum, sed etiam Ecclesiæ universalis Catholicæ, juxta ac totius Christiani orbis protestationes contra eorum vim ac injustas depredationes intercesserint, semperque renoventur, inde fit, ut possessio Christianis ereptarum Provinciarum, pariter ac avulsi Imperii Orientalis, sicut nunquam inchoari, ita nec *pacifice* impleri per tempus *immemoriale* ad præscriptionem hujusmodi necessarium potuerit, possitve, quin hæc singulis sæculis interrumpatur. Hinc frustra *Solymanus* apud Puffend. *l. c.* sæpe solitus est dicere, Romæ ac totius Occidentis Imperium ad se spectare, propterea quod ipse Imperatoris Constantini, qui imperii sedem Bizantium transtulit, legitimus sit successor.

trinfecorum, ut diximus hic 843.) Nam etiam hæc præscriptione immemoriali acquirere potest, ex quo *desit esse subditus*, tunc enim non qua subdito, sed qua *supreme*, vel uni Genti, Populo jus Majestatis competet; Brunnem. ad l. 2. C. commun. de usucap. n. 4. Balbo, Schambogen, Franz. & alii apud Schmier *Jurispr. to. 1. lib. 1. f. 229. n. 495. & f. 231. n. 563.* Consequenter potest adesse *bona fides*, non quidem in primo aggressore: verum in aliis possessoribus, qui longæva annorum serie illi succedent. Titulum quoque supplebit ipse temporum immemorialis cursus; *pacifice* ac cum *acquiescentia* prioris possessoris, Regni, vel Gentis, continuatus, &c.

950. CONCLUDES I.) Præscriptionem ita habere locum inter diversas Gentes, ut etiam habeat inter duos Populos liberos ejusdem Gentis v. g. Germanicæ, & inter duos Reges, vel inter Regem ac populum liberum, imo & inter Regem ac privatum ei non subditum, & inter duos diversorum Populorum Regumque subditos. II.) Eam prout inter diversos Populos liberos est, habere vim Gentium juris *legalis* obligantis in conscientia, de quali egimus n. 702.) eo inquam sensu, quod, si longæva immemorialis temporis possessio *pacifice*, ut supra dictum est, ab una Gente fuerit continuata, censenda sit *legitime*, id est juxta leges Gentium fuisse completa, quam dein disturbare nefas sit, cum Jus Gentium etiam Principes obliget, juxta n. 706.) III.) Demum, quod eo casu, ubi diversæ Gentes liberæ controversiam de præscriptione alicujus Provinciæ, per media ordinaria & amicabiliter decidere nequeunt, forum pro litis decisione aliud non habeant, quam in *campo Martio*, neque Judicem hic & nunc alium quam *MARTEM* terribilem, per ea, quæ tractavimus de *Foro & Judice competente* inter Gentes, a n. 709.)

Quæritur hic ult. *Quinam sint reliqui modi derivativi acquirende proprietatis: & quæ officia ex dominio sequantur?*

951. Exposuvimus jam a n. 742. & seqq.) dominia, generatim loquendo, *derivari* seu transferri in alium vel vbi lente priore domino, vel invito. *Volente*, id est *facto* ejus transferuntur *trifariam*, donatione, ultima voluntate & contractu, de quibus egimus a n. 743.) *Invito* domino, seu ipsa *lege disponente* transferuntur etiam totidem modis. 1.) Jure Gentium; sic res bello captæ fiunt capientis, de quo infra agemus. 2.) Auctoritate alicujus legis *particularis*, idque vel sine culpa domini, ut lege præscriptionis:

nis: lege successionis explicata *cit. hic n. 743.*) vel ob culpam ejus, ut ob crimen hæresis, læsæ Majestatis, incestus nuptias &c. *tertio.*) Per sententiam Judicis, ut si fur damnetur in quadruplum. Qui modus etiam obligat in conscientia, quando sententia non nititur falsa præsumptione.

952. Quod autem concernit *Officia* ex dominio fluentia in humanam societatem, Naturæ vel Gentium jure firmata: R. Cum magis specialia huic non spectent, & jam superius *de offic. erga prox. qn. 444.*) declarata sint, sola illa quæ communia sunt, exponimus. Scilicet I.) Quod dominio creaturarum tam inanimatarum, quam animantium non abutendum sit in contumeliam Creatoris, neque in præjudicium sui, vel aliorum, imo neque illæ sine causa destruendæ, aut si vivunt, mactandæ & occidendæ sunt *ex sola animi levitate*, quoties damnum non inferunt, nec ullam molestiam creant. II.) Neminem in suo dominio esse turbandum. III.) Res inexhaustæ utilitatis, nec proprietati ulli subjectæ inter primævam Communionem sunt relinquendæ. IV.) Quidquid nullius est, primo occupanti cedendum. V.) Rebus alieno dominio subjectis, citra voluntatem Domini, regulariter, excepto extremæ necessitatis casu, non utendum. VI.) Fides in Contractibus & pactis servanda.

C A P U T IV.

De summa potestate, ejus origine, juribus, illamque acquirendi modis.

§. I.

Quid rei summa potestas, quæ ejus origo, quod subiectum

S U M M A R I U M.

953. Summi imperii definitio,

954. Et ejusdem Origo exponitur.

955. &c. Illa in Rempublicam derivatur immediate a DEO tanquam naturæ auctore: 2.) A Republ. autem vel Civitate consignatur immediate uni vel pluribus: 3.) Atque ita summa potestas civilis non immediate a DEO descendit in personam determinatam.

959. Lex Regia quid sit, exponitur.

960. Satis fit contrariis rationibus,

961. &c. Puffendorffii opinio contra Hornium laudatur. Et refel-

refellitur paritas cum Davidis & Apostolorum ac Pontificum Potestate.

963. Subiectum & obiectum Majestatis declaratur, pro diversitate status Monarchici, Aristocratici, &c.

953. I.) Imperium summum, summa potestas, & Majestas Publicistis, teste Hornio *de Civ. l. 2. c. 1. §. 3. n. 1.* & 2. Bœcler. *ad Grot. l. 1. c. 3. §. 21.* synonyma sunt, uti etiam tradit Puffend. *loc. infra hinc citando.* Unde Aristotiles *L. 3. Polit. c. 7.* definitione Majestatis imperium summum summamque potestatem complexus ait: *Majestas, summa in Civitatibus potestas est.* Et quamvis cum nonnullis *L. 2. doctr. Civ. c. 16.* Majestatem non sumat pro summa potestate, sed pro reverenda quadam amplitudine, ac *l. 4. c. 9.* eam appellet auctoritatem impressam subditis, sive & *exterioris opinionem reverentem de Rege ejusque statu;* nihilominus sententia hujus Auctoris sua ratio bene constare potest, ille quippe *l. c.* loquitur de Majestate *personali*, seu ut ait Grot. *d. l. c. 3. §. 21.* pro dignitate Imperantis accepta, non autem pro reali summam jurisdictionem denotante, quæ non semper requirit personam Imperatoria aut Regia dignitate fulgentem, dicente Joanne in *Lexic. jurid. Juris cesarei f. 534.* *Majestas auctoritatem & amplitudinem significat, vel DEI, l. 32. §. sacerdotio, ff. de Arbitr. vel Principis, vel populi Romani NB. vel MAGISTRATUS, l. 7. §. 1. de Captiv. l. penult. ff. de J. & J. l. 9. ff. de Jurisd. omn. Judic. l. 23. ff. de injur. & tot. tit. ad leg. Jul. Majest.*

Ita quo ad suam etymologiam explicatam imperium summum seu Majestas, definiri potest, quod sit *Facultas moralis ab omni superiore independens civitatem gubernandi, sive actiones Civium dirigendi ad communem & publicam salutem.* Dividitur autem in *Realem*, quæ Populo, Reipublicæ, seu Regno semper coheret, & *Personalem*, quæ residet penes imperantes, Principem, aut senatum, & cum persona imperantium expirat. Besold. *Polit. c. 1. §. 1.* Lymnæus *ad Cap. Rudolphi II. art. 32. f. 532. a n. 48.*

954. II.) Origo prima ac universalis prout omnium rerum, ita etiam summi imperii ac Majestatis, quod DEUS ipse sit, nemo prudens ambigit. Ita quippe ille de se *Prov. 8. v. 15.* dicit: *per me Reges regnant & legum Conditores justa decernunt &c.* Quemadmodum vero id certum est, ita a plerisque in controversiam trahitur, an illa potestas (seu quod idem

idem esse diximus) summum imperium, supremā jurisdictio & Majestas a DEO immediate in Civitatem, communitatem seu Reipublicam, vel, an immediate in ipsas personas Imperantes transeat? in utramque partem disceptatur. Communior tamen opinio est, quam pure ex mente aliorum adducimus:

955. III.) Summa potestas Civilis in Communitate, Republica, seu Civitate est immediate a DEO. 2.) Illa autem mediante in unum Imperantem, vel plures alios, regulariter per ultriongā Civium subjectionem & aliquem consensum derivatur.

Ira D. Thom. 2. 2. q. 10. a. 11. dicens: *dominium & prelationem* (politicam) *introduciam esse Jure humano*, quam doctrinam ille desumpsit ex D. Augustino l. 5. de Civit. DEI c. 21. dicente: *generale PACTUM est societatis humane obedi-
re Regibus suis*. Idem quoque quo ad utramque assertionis partem tenet Covarr. pract. q. c. 1. n. 5. Sotus de J. & J. l. 4. q. 2. a. 1. Victor. Relect. 1. de Potestat. Sect. 4. a. 3. n. 2. ubi ait: *Potestas civilis habet ortum a Republ. quia est in finem naturalem Reipublice*: Suar. in defens. fidei l. 3. c. 2. nu. 5: & 10. Hobbes. de Cive. c. 2. §. 4. Puffendorf. de J. N. & G. L. 7. c. 3. §. 3. ubi refellit Hornium admittentem quidem ipsas Civitates per pacta constitui: sed Imperium summum ab ipso DEO immediate in Principes conferri, neque ad id producendum quidquam ab hominibus proficisci: Adeoque liberos populos; dum Regem sibi ultro eligunt, non conferre in ipsum Majestatem: sed tantum DESIGNARE personam, in quam illa divinitus immediate conferatur. Hornium vero secutus est Ziegler de Jurib: Majest: l. 1. c. 1. §. 46: uterque autem opinionem hanc hauserunt ex Petro de Marca de Concord. Sacerdot. & Imp. l. 2. c. 2. a. n. 1. & Vitriariō Inst. de J. N. & G. q. 121. c. 3. Quorum sententiam refutavit Ferdin. VVeizenegger in Dissert: juridic. politic. edita A. 1631. Ingolstadii, c. 3. Tanner in defens: Eccl. libert: L. 2. c. 1. f. m. 209. & c. 2. f. m. 224. tum c. 4. f. 237. Ac videri potest ident Auctor in Theol. Schol. t. 2. disp. 5. q. 5. dub. 1. n. 30. Sigismundi Stapff. de Majestat. c. 2. §. 2. & seq. Gletle in Select. Jure publ. c. 3. a. n. 13. Illustr. L. B. de ICKSTATI in Elem. J. G. l. 32 c. 1. §. 5. ubi ait: *Jura cujusvis Populi majestatica, nec non regalia in dominio & quidem proprio populi existere, extra dubitationis aleam positum est*.

956. Ratio primæ partis est: Quia, ut Suar. de Legib. l. 3.

l. 3. c. 3. a n. 5. & c. 4. n. 2. cum aliis Theologis & Juristis ait, Potestas hæc est quasi proprietas moralis consequens naturam hominum in unam Civitatem, Rempubicam, seu corpus politicum libere congregatorum; est enim illi *simpliciter* necessaria ut sit sibi sufficiens ad existendum, id est, ad sui conversationem, & convenientem gubernationem, sine qua nulla communitas in bono ordine subsistere potest: Atqui natura hominum *immediate* procedit ab ipso DEO: igitur & proprietas illa, 2.) Inter DEUM qui potestatem tribuit, & Civitatem quæ potestatem recipit, nihil aliud intermediat, quo minus a DEO dicatur in Civitatem perfectam *immediate* derivari. Neque enim ex revelatione Divina (alioqui non esset potestas hæc, vel notitia de illa mere naturalis) neque per dictamen rectæ rationis apparet aliud subjectum immediatum hujus Potestatis receptivum, quam sit Civitas seu Communitas *perfecta*, utpote quæ sola necessario requirit summam Potestatem, ita ut subjectum aliquod *determinatum*, quale v. g. esset status Monarchicus, Democraticus, vel Aristocraticus, quantum de se non desideret. 3.) Experientia docet, formas Regiminum esse mutabiles, ita ut Status *Monarchicus* semel introductus successu temporis in *Aristocraticum* vel *Democraticum*, aut alium degeneret; Porro id non haberet locum, supposito quod verum esset a DEO potestatem supremam *immediate* deferri *uni* certæ personæ.

957. Neque tamen inde sequitur, hac ratione statum *Democraticum* a DEO *immediate* & unice institutum esse ita, quin humana voluntate in statum alium mutari queat; Status enim *Democraticus* non est institutus a DEO *preceptivo*, quasi summa potestas penes universum Populum residere & ab eo exerceri debeat: sed mere *permissive*, quatenus in arbitrio Communitatis est, velint a DEO concessum sibi summum imperium toti corpori reservare, vel in unum aut plures disponere.

958. Partis *alterius* ratio est, tum ex *Lege Regia*, qua Populus Romanus olim omnem Potestatem in *Principem* transulisse legitur, ut liquet ex l. 1. ff. de *Const. Princ.* & l. 2. §. *Noviss. ff. de orig. Jur.* providentia autem DEI circa negotia civilia eadem est nunc, ac olim fuit; Tum ex eo, quia uti docet *Suar. cit. c. & in defens. fidei l. 3. c. 2. n. 13.* Admissio quod DEUS *immediate* summam potestatem conferret *certis* & *determinatis* uni personæ hominum, deberet hoc fieri

vel

vel per solam DEI voluntatem, vel ex virtute solius luminis naturalis, aut alicujus institutionis Divinæ: Nihil horum accidit in hac providentia. De divina enim voluntate in personam *determinatam unam*; Summum imperium transferente nihil constat ex ulla revelatione, & homines juxta naturæ ordinem, non revelationibus reguntur in civilibus negotiis. Lumen quoque naturale vel institutio Divina *immediatam* hujus Potestatis collationem, per hucusque dicta, potius communitati, quam aliquibus personis in *particulari* desert, & ab illa *regulariter* derivatur in determinatam unam vel plures personas, per liberam ejus subjectionem & consensum.

Vel enim summa illa potestas pendet *abelectione*? atque ita requiritur *aliquis* consensus & spontanea subjectio Civium. Vel competit alicui jure *Successionis hereditariæ*? & hæc Successio necessario supponit dominium, vel potestatem in eo, cui succeditur; atque hinc necessario devenietur ad aliquem, qui alteri non successerit. De illo igitur primo inquirimus, unde habuerit summam potestatem? & cum non habeat a se ipso, *jure nature* enim omnes homines sunt æquales, ac *par supra parem non habet potestatem*, igitur Successio non potest esse prima radix hujus potestatis. Quapropter necesse est ut primus habuerit potestatem supremam *immediate* a Republica ex consensu, vel pacto aliquo, successores autem ejus ab illo habeant *mediate* & radicaliter. Et quia res transit ad Successorem cum suo onere, conditiones illæ cum quibus primus Imperans a Republica regnum accepit, ad Successores transeunt, ita ut cum eisdem oneribus regnum habeant.

Notat autem Rathi *de præsor. c. 5. assert. 4.* nomine Principis in præsentī materia, non tantum Supremum, seu Imperatorem: sed omnes S. R. I. Principes & Status comprehendi: nam isti omnes in suis territoriis analoga fulgent Majestate, ac prærogativis, quibus Imperator in toto pollet Imperio, in suis Provinciis circumfluunt. Et consentit cum communi (uti ipse testatur) Myller. *de Statibus & Princip. Imp. c. 33. n. 1.*

959. Dixi *regulariter per ultroneam Civium subjectionem* &c. Quia licet *ordinarie* a Populo & Civitate promanet potestas hæc, *per accidens* tamen contingere potest; ut Respublica antea non subiecta Regi, *per justum bellum* subjiçia-tur, & tunc ipsa quamvis *non ultronee*, nihilominus adhuc
in

in pœnam delicti, aut ob aliam convenientem causam tenetur ipsi parere & consentire in subiectionem. Atque ita etiam ille modus quodammodo includit *consensum* Reipublicæ, vel *exhibitum*, vel *debitum*; imo siquidem per *bellum iustum* Respublica alioqui non subiecta sub iugum Victoris missa est; hoc casu adest etiam tacitus consensus Juris Gentium tanquam *universalis* Reipublicæ humanæ.

Demum, si recte consideretur; fatendum est, quod eo casu quo hæc subiectio fit per *iustum* bellum ad unum Regem, jam supponatur in eo potestas regia, per quam possit tale bellum indicare, & illa solum sit veluti iusta extensio regni: igitur semper reducenda est hæc potestas regia ad aliquem; qui non per bellum: sed per iustam electionem, vel populi consensum illam comparaverit: ac proin a sufficienti divisione recte concluditur potestatem hanc a Republica ad imperantem manasse.

Quia vero plerique existimant, in principio introducta esse regna per tyrannidem potius, quam per veram potestatem, ut tradit Alvarus Pelagius *lib. 1. de planctu Eccles. c. 41. Driedo l. 1. de libert. Christiani. Petr. Berta in tract. de orig. jur. q. 1.* Hoc igitur eventus, quando summa potestas per *solum vim iniustam* possidetur, non est vera potestas legislativa, fieri autem potest ut successu temporis populus consentiat, & eam prout iustam admittat, hocque casu reducetur illa ad populi traditionem & consensum.

Notandum autem: *Lex regia*, de qua hic n. 958.) innuimus, & cujus mentio legitur etiam in §. 6. *Instit. de J. N. G. & C.* est illa Lex, per quam Populus Romanus legislativam potestatem in Principem transtulit; vocaturque 1.) *Lex Augusti*, L. 14. ff. de manumiss. 2.) Dicitur *Privilegium Augustum*; L. un. §. 14. C. de cad. toll. eo quod teste Ant. Contio *ad d. l. 1. ff. de const. Princ. & Dionysio antiqu. Roman. lib. 55.* legem regiam intelligat Ulpianus sub Imperatore *Augusto* latam; prout colligitur etiam tum ex civitatis legibus; tum ex *Novell. 47. vers. & Augustum Pium* a quo *immediate* devolvi ad alios Imperatores legislativam illorum potestatem, a Populo olim derivatam ostendit ibidem Justinianus. Appellatur quoque 3.) *Lex Majestatis*, uti tradit Tacitus *lib. 11. annal. ac demum 4.) Lex Imperii* nominatur in L. 3. C. de testam.

De *Legibus regis*, seu de illis, quas incipiendo a Romulo & Numa Pompilio; 7. priores Romanorum Reges dictave-

clave-

Etaverant (ac reperiuntur apud Baldvinum JCtum Romanum, Paulum Minutium *lib. de legib.* & Pandulphum Praetjrum in *veter. jurispru.*) in sua specie nulla hodie extat corpori Juris civilis inserta, præter unicam, quæ est *L. 2. ff. de mort. inferend.* in genere autem, & quo ad solum sensum, sæpius illarum mentionem fieri experietur, qui totum Juris Civilis corpus legendo evolverit.

Et quamvis plerique apud Coras. *lib. 6. Miscell. c. 8. & Zoes. ad d. l. 1. ff. de Const. Princ.* disputent, quænam lex illa fuerit Regia, & quo tempore lata; non enim defunt, qui putent, nunquam Populum sponte & expresse in Cæsares suam hanc potestatem transfuisse: sed illos partim armis, partim variis mediis eam sibi usurpasse, & tandem immemoriali consuetudine & pacifica possessione suam fecisse.

Nihilominus, hoc vel illo modo, isto vel alio tempore, in his vel aliis circumstantiis, potestas hæc a populo in Cæsares translata fuerit, parum refert, cum sufficiat moralis certitudo, eam transiisse a populo in Principes, juxta *cit. §. 6. Inst. & d. l. 1. ff. de Const. Princ.* ac *d. l. 2. §. novissime ff. de origin. jur.* tum *L. 2. §. sed & hoc, Cod. de veter. jur. enucl.* Quamquam id certo asseverari possit, quod translatio potestatis hujus non prius facta sit, quam post tertiam seditionem plebis Populique Romani, quæ exorta fuit conditæ urbis Romanæ Anno 467, ac illa non prius sopita fuisse legitur, nisi postquam seditiosus Adversariorum suorum obtinuerunt assensum, ut *Plebiscita* a Consulibus & Patritiis inter communes Romanorum Leges reciperentur. Qui ferendarum Legum & regendæ Reipublicæ modus, verisimilius usque ad Augustum Pium Cæsarem durabat, in hunc demum & ejus Throni succedaneos potestas illa plena derivata est.

Videri hac de re, præter jam citatos Auctores, potest Anton. August. *lib. de Legib.* Ferretus in *not. ad inst. de J. N. G. & C.* Thomas Naz. *Jurispru. Antejustin. Lib. 1. c. 6. & Joan. Lexic. jurid. Jur. Cæsar. sub Lit. R.*

SATISFIT CONTRARIIS.

960. Contrariis rationibus quæ ex *Joan. Marsilio, Hornio &c.* adducuntur, superius laudati DD. cum *D. Thoma, Covarr. Soto, Villor., Puffendorffio, Hobbes.* & aliis respondent, I.) Ex hac opinione non sequi summam potestatem a communitate semel collatam uni vel pluribus, posse dein pro arbitrio sue abrogari, Nam contra est, quod Electiones, & li-

& liberæ sui subjectione fiant irrevocabiliter; & quod initio est voluntatis, postea fiat necessitatis: Communitas igitur semel a se creatum Magistratum nequit pro suo arbitrio jure quæsito privare, prout nec se Judicem ipsius constituere, cum potius ipsi qua legitimo superiori suo jure etiam Divino obedire teneatur, 1. Petr. 2. v. 13. *subjetti estote omni humane creature propter DEUM, sive Regi quasi præcellenti, sive Ducibus, tanquam ab eo missis*: Contra hoc igitur Regibus & Magistratibus suis rebelles subditos, ac perversos Politicos recte docet Suar. de LL. l. 3. c. 4. n. 5. falsum & impium esse, quod regnum sit supra Regem, quia illi dedit potestatem, pariter ac omnino falsum est, quod possit, si velit, eum deponere vel mutare.

II.) Minime etiam sequitur opinionem hanc repugnare S. Scripturæ dicenti *Ad Rom. 13. Minister enim DEI est: Non est potestas nisi a DEO* &c. Nam verissimum est potestatem esse a DEO: sed mediate vel immediate. Neque obsona est hæc distinctio, ut vult Marsilius; Quia hoc non obstante DEUS est causa generalis, juxta illud commune principium: quod primum est in unoquoque genere, illud est causa cæterorum, sive immediate sive mediate, nempe per causas secundas, & naturali ac ordinario modo operetur effectus civiles & mere naturales. Imo, dubio vacat, DEUM esse causam immediatam supremæ potestatis spectatæ in se, & abstrahendo ab hoc vel illo homine determinato. Hanc enim determinationem reliquit penes communitates, ut hæc circa negotia civilia & mere naturalia modo naturæ rationali consentaneo procedant, determinando personam, in eamque legislativam ac gubernativam potestatem transferendo, ac proin DEUS est causa tantum mediata in ordine ad subjectum seu personam Majestatis & summæ potestatis determinatam, hanc scilicet vel illam a Populo electam, vel cui præter electionis modum, alia via potestas gubernativa per Populum collata est.

Omne dubium hac in parte tollit D. Chrys. Hom. 23. in *Epist. ad Rom.* dicens: *Non est potestas nisi a DEO: quid dicis? ergo omnis Princeps a DEO constitutus est? illud non dico. Non enim de quovis Principe mihi sermo nunc est, sed de re ipsa, id est de ipsa NB. POTESTATE. Quod enim principatus sint, quodque non simpliciter & temere cuncta feruntur, Div. sapientiæ opus esse dico. Propterea non dicit: non enim Princeps EST NISI a DEO: sed de re ipsa disserit, dicens: non est POTESTAS nisi a DEO.*

Jus Nat. & Gent.

Qq

961.

951. In hunc sensum Puffendorsius loc. cit. §. 4. contra Hornium ait, separandas esse illas formulas: DEUS est causa Majestatis immediata: & DEUS immediate constituit Principem. Pergens autem ulterius, ibidem dicit: Enim vero si quis penitius consideret, videbit, istos homines concepisse Majestatem tanquam ens quoddam physicum, quod a DEO productum velut incerta sede, & sine subiecto per orbem vagetur, donec designato per populum Regi superveniat, eumque augusto suo splendore cumulet. Ubi sine dubio aqua hærebit, si quis importunus quærat; illa Majestas, antequam in Rege aliquo sedem inveniat, substantia sit an accidens? & si ad accidentium classem referatur, quomodo sine subiecto existere queat? Quo porro tempore creata sit illa; initio mundi, an postea? Item, an una per universum orbem sit Majestas, cujus particulae in singulos Reges sint distributæ, an singuli Reges peculiarem & integram habeant Majestatem? an Rege defuncto Majestas simul pereat, an vero eidem superstes existat, veluti anima a corpore separata, aut per quandam quasi metempsychos, novum apud Regem receptaculum inveniens?

962. Idem Puffendorsius prosequitur hęc argumentum ibid. dicens: Et cum Hornius utique populo relinquat potestatem, antequam ulli adhuc jus ad imperium sit questum; quem & quando velint Regem constituendi, aut quamlibet formam Reipublicæ introducendi (juxta verba Deuter. c. 17. v. 14.) scire cuperem, quidnam circa Majestatem futurum esset, si omnibus populis aristocratico; aut democratico regimine uti placuisset? Equidem novimus electionem proprie & presse esse modum imperium querendi. Sed quin uno & eodem actu & designetur certa persona, & in eandem imperium, tunc primum existere incipiens conferatur, nihil ob stare videtur. Concludit demum asserens: Jura & alias qualitates morales MUTUA VOLUNTATUM conspiratione, per pacta resultare in aprico est.

111.) Hornii & ejus sequacium quidem opinio urget, quod Patres Concilii Parisiensis Ludovico Imperatori declaraverint, Regnum non Decessoribus, sed DEO ipsi deberi, dicentes: quisquis in mortalibus temporaliter imperat, non ab hominibus sed a DEO sibi commissum regnum crederet. Verum respondent Puffendorfiani: Patres Synodi Parisiensis Anno 829. locutos fuisse in sensu D. Chrysostomi supra citati, quod scilicet Magistratum administrantes intelligere debeant, supremam potestatem eorum non esse

he-

hereditates Antecessorum, circa quas habeant absolutam facultatem disponendi: sed beneficium DEI, a Majoribus propagatum, & vel ideo juxta institutionem Divinam, DEI ipsius nomine, ad salutem & felicitatem Civium administrandam.

IV.) Solemne est *Hornianis* adducere exempla *Saulis & Davidis*, qui a DEO immediate creati Reges sunt. Demum inducunt aliud exemplum de *Mathia & Pontificibus Romanis*, ubi Ecclesia non applicat nec confert potestatem personis electis ac designatis: sed potius personas has potestati. At neque hæc stringunt *Puffendorhium*, qui *loc. cit. §. 3.* respondet: quod in populo Judaico factum, id de origine imperii regii in universum haud quidquam testatur; cum dudum ante institutum illud regnum plurima regna extiterint. Quin potius ad modum collati in hunc vel illum imperii certo in populo pertinet. Exempla igitur hæc vel specialia sunt, ut non tam regulam præbent, quam exceptionem a regula, vel ut monstrant alii, DEUS solummodo designavit personas *Saulis & Davidis*, nec immediate contulit potestatem summam: Imò etsi immediate eam contulisset, id tamen fuisset quid extraordinarium & supernaturalis quo ad modum. Juxta communem autem & ordinariam providentiam non ita fit, quia homines juxta naturæ ordinem non revelationibus, sed naturali ratione reguntur in his, quæ civilia sunt.

Nec obstat, quod Scriptura interdum dicat DEUM dare regna & mutare sub nutu, ac *Daniel. c. 4. & Isai. c. 45.* dicitur Cyrus a DEO constitutus Rex, Unde *Joan. 19.* dixit Christus: Non haberes in me potestatem ullam; nisi tibi datum esset desuper: In his enim solum significatur, hæc omnia non fieri sine speciali providentia DEI, vel ordinantis, vel permittentis; ut docet *Augustin. Tract. 6. in Joan. c. 22.* ac contra *Faustum c. 74.* Id tamen non excludit, quin hæc per homines fiant, sicut alii effectus omnes, qui fiunt per causas secundas, principaliter tribuuntur providentiæ DEI. *D. Thom. q. 90. a. 3. & q. 97. Cajetan. opusc. de potestat. p. 2. c. 2. & 10. Victor Sotus, Puffend. l. c.*

963. Nullam quoque esse paritatem cum *D. Mathia Apostolo & Pontificibus*, respondent citati DD. & signanter *Victoria d. l. n. cit.* cum communi Catholicorum. Nam Apostolica & Pontificia Potestas utpote supernaturalis & proveniens a DEO tanquam libero collatore, antecederet non Ecclesiæ: sed capiti ab Ecclesia designando est collata, ut adeo

non tantum in se, sed etiam in ordine ad *subiectum Monarchicum* fluat immediate a Christo, neque antecedenter ab Ecclesia limitari, minuive possit: totum vero contrarium contingit quo ad potestatem summam civilem, uti constat ex dictis.

964. CONCLUDES, I.) Subiectum Majestatis dari duplex, *mediatum & immediatum*. Illud est *communitas* quatenus in se spectata, quæ semper exigit potestatem summam, veluti proprietatem moralem *naturaliter sibi competentem*. Istud autem est persona *physica*, vel moralis, id est, unus vel plures, in quos nulla sibi reservata parte Majestatem omnem transtulit Respublica. Hinc regnatrice familia penitus extincta imperium redit ad Populum, ut vel aliud subiectum eligat, vel aliter de forma & modo regiminis statuatur. II.) Majestatis capacem esse omnem hominem, quem natura, specialis lex, aut Provinciæ consuetudo non repellit, adeo ut naturalis juris concessione spectata, neque etiam sexus muliebris excludatur, dicente Seneca apud Lipsium Civil. doctr. l. 2. c. 3. *Ratio & virtus nec sensum, nec sexum discernit*.

III.) Objectum potestatis civilis in duplici reperitur classe, scilicet *primarium & secundarium*, sub illo comprehenduntur subditi *proprie tales*, quales sunt Cives homagio adstricti: Incolæ, seu *Landfassen* domicilium verum sortiti, imo & Peregrini, præcipue ære alieno aut crimine in loco commorationis obstricti. Jam vero Ecclesiastici certo territorio contenti, qua ratione subsint *politice* potestati vel non, abunde tractari solet in Jure Canonico ad titul. de Constit. ac tit. de Foro compet.

Jus autem *Sacrorum* non competere Politico regimini, etiam ex Protestantibus sunt, qui fatentur cum Hornio de Civit. L. 2. c. 5. Hug. Grot. in speciali tract. de Imper. summar. potestat. circa sacra, c. 2. §. 3. Besoldo tunc adhuc acatholico; in politic. l. 2. c. 3. §. 3, n. 14. & 19. Bohmero in Introduct. ad Jus publ. l. 2. c. 5. §. 2. & aliis. Sub *secundario* ob ecto continetur *locus* seu *territorium*, in quo stat præsumptio pro juribus Majestatis, & exemptio restat probanda. Alienum vero territorium *intranti pacifice* Personæ regis, etsi non maneat Majestatis potestas *judiciaria*, atque *contentiosa*, citra consensum Domini territorialis, manet tamen *dignitas Majestatis*, quo ad honores, præminentiam & independentiam, id quod male negat Bohmerus in *Introduct.*

trud. ad Jus publ. l. i. c. 4. §. 11. Ratio est, quia characterem vicariæ dignitatis Divinæ sibi quodammodo impressum ubique circumfert.

IV.) Majestas seu summa potestas in *statu Monarchico* residet penes eum, qui Superiorem in terris non recognoscit, sive dein Rex, Dux, aut Princeps appelletur. In *Statu Aristocratico* summa potestas indivisim competit Senatoribus seu Optimatibus, qui aliquando assumuntur ex solis Nobilibus seu Patritiis; aliquando ex Civibus universis ob meritum virtutis & doctrinæ seliguntur, eum scilicet in finem, ut illi soli excluso Populo, negotia Reipublicæ more Regio, citra metum provocationis ad superiorem, disponant. In *Statu Democratico* summa potestas est penes universum Populum, in Civitate, seu societate civili & perfecta congregatum: adeo ut sine omnium Civium, aut maioris saltem partis consensu actus Summæ potestatis exerceri nequeant; nisi forte unus assumatur, qui totius Populi nomine regat.

§. II.

Quæ sint jura Majestatis, & quomodo acquirantur?

S U M M A R I U M.

965. Ad jura Majestatis reducuntur Personæ & Jura;
 966. An autem hæc tot reperiantur in Principe quot in DEO?
 967. &c. Illa acquiruntur I.) Electione, quæ est diversa.
 969. &c. Acquiruntur II.) Successione, quæ est varia.
 973. &c. III.) Bello justo, aut prescriptione immemoriali.
 976. &c. IV.) Matrimonio. contracto. V.) Alienatione legitima.

965. **A**D jura Majestatis reducuntur I.) Personæ subditæ, quæ aut homagium summo Imperanti præstiterunt, aut in eo loco, in quo summa potestas exercetur, non exemptæ morantur, de quibus n. præc. egimus. Hæc quantumcunque etiam exemptæ fuerint, licet non teneantur ad homagium, quo subjectionem suam manifeste commoneant, obligantur tamen adhuc ad convenientem venerationem Summæ potestati civili exhibendam. II.) Ad jura Majestatis referuntur Regalia, quorum alia sunt Majora, quæ vocantur Regalia intrinseca, eo quod Summæ potestati sint indispensabiliter connexa: vocantur etiam jura Majestatis immanencia utpote insepara-

bili nexu cum imperio conjuncta, & sine quibus Cives a Civibus securi esse non possent. Alia *Minora* seu *Regalia extrinseca*, etiam aliis communicanda. Priora spectant potissimum ad potestatem tuendi jura, atque Rempublicam, posteriora consistunt in subsidiis ad eam tuendam requisitis. Jurium Majestatis *intrinsecorum*, seu *Regalium Majorum* exempla sunt: Jus creandi Reges, Duces, Marchiones &c. Jus supremæ Advocatiæ: Jus restituendi famam & natales pro toto saltem Imperio, & alia hic per decursum afferenda. *Regalia Minora* consistunt in jure creandi Magistros & Baccalaureos, jure aggratiandi seu relaxandi pœnas facinorosis hominibus debitas: jure imponendi collectas, jure territoriali cum omnibus inde sequentibus aliis juribus, &c. &c.

Dein III.) Ad idem Jurium *majestaticorum* obiectum refertur potestas iustas pœnas sumendi. IV.) Potestas Judicialis. V.) Potestas belli & pacis ac fœderum ferendorum. VI.) Jus Magistratus civilis constituendi &c.

966. An autem tot & tanta jura sint in Summo imperante creato, quanta in ipso DEO? affirmat Hornius l. 2. de Civit. c. 2. §. 2. n. 4. dicens, eo ipso dum Princeps Vicarius DEI est, tantum potest in civilibus dependenter, quantum DEUS independenter in Universo potest. Id vero protulit ille in suæ opinionis principiis, qua asseruit, quod DEUS sic immediata Summæ potestatis causa respectu subjecti determinate imperantis. Qua autem sequela Princeps qua Vicarius DEI necessario debeat jus omne, quod habet DEUS, & ipse habere; ex Hornii ratiocinio plane non apparet: cum aliis quoque Vicariis non omnia, quæ Principali competunt, necessario communicentur. Et alioqui sequeretur, Summam potestatem creatam posse pro suo libitu de vita, corporibus, bonis & juribus subditorum, citra cuiusquam injuriam disponere, ac omnia susque deque evertere in suo territorio, cum id DEUS vi absolutissimi dominii sui possit in Universo. Et tamen humana potestas *commensurata* est fini; hoc est, *saluti Reipub. & Civium*, ita ut illi omne & solum id sit licitum, a quo DEUS & natura non abhorret, quodque in salutem, non in perniciem subditorum ordinatum est.

Neque Christiani Principes unquam approbarunt hujusmodi assentionem, qui reverenter profitentur se *DEIGRATIA* esse id quod sunt. Nec plus sibi arrogant, quam quod ejus Gloriæ & Civium utilitati profuturum judicant.

Ve.

Veriorem igitur regulam status ex officio Vicarii, seu Pro-DEI deducit Card. Bellarm. de Offic. Princ. Christ. l. 1. c. 1. nempe quod Principatum non ut absolutum suum: sed ut sibi a Rege supremo ad tempus traditum obtineant, sub conditione severissimæ rationis aliquando reddendæ in tremendo ejus judicio, juxta Divinum monitum Sap. 6. v. 7. Potentes potenter tormenta patientur. De Hornii itaque assertionem videri potest Puffendorf, de J. N. G. l. 7. c. 3. §. 4. ver. per contumeliam Divini Numinis fastigium Principum extollere gaudent &c. ac Fernand. Vasquius illustr. q. l. 1. c. 45. n. 4. ver. res sane risu digna &c. tum Heinecc. in Elem. J. N. & G. lib. 2. c. 7. §. 131. ver. nefarie illos blandiri summis potestatibus, qui illis persuadent licere quod libeat &c.

967. Jura Majestatis summaque potestas acquiruntur diversis modis, scilicet Electione, Successione hereditaria, vel gentilitia, Bello, Matrimonio, Alienatione & Prescriptione, hic tamen ultimus acquirendæ Majestatis modus controversus est inter DD. Paucis interea exponemus singulos.

Inter modos acquirendi summam potestatem I.) est Electio pro statu Aristocratico & Monarchico, ad quorum regimen non Reges tantum: sed etiam Optimates assumi possunt & solent. Jus autem suffragii totus habet Populus, vel Personæ nobiles, Cives nempe Regionis, in qua fit Electio; præterquam si Populus, aut numerosa Nobilitas evitandæ confusionis gratia jus suffragii Legatis quibusdam deferre, aut in perpetuum certo hominum Ordini relinquere velit, prout Nobilibus ex singulis Provinciis delegari solitis, in Polonia, certis Principibus, quos Electores salutamus, in Germania, & Possessoribus rerum immobilium in Frisia, collatum esse non ignoramus.

In statu autem Democratico, cum idem Populus regat & regatur, nulla contingit imperii mutatio, sed quamdiu manet populus, per subiecta sibi invicem continuo succedentia, manet etiam Imperium penes totam Civitatem, nisi mutata voluntate Regimen aliud introducere placuerit. Puffend. l. c. cap. 7. §. 1. Huber. de Jure Civit. l. 1. §. 7. cap. 5. §. 2.

968. Porro tres Electionum species haberi observamus, prima scilicet fieri solet intra certam Familiam, altera ad Nationem unam restringitur, tertia nullo termino circumscripta est. Forma autem Electionis Monarchicæ, vel Aristocraticæ, ex cujusque Regni, vel Reipublicæ Legibus & mo-

ribus est petenda, & ubi speciale quid ordinatum non fuerit, præcise attenditur ad numerum, ut, cum exitus electionis fuerit dubius, majoritas suffragiorum præcellat, habita tantum præsentium, non etiam absentium consideratione.

Prædicta Votorum majoritas apud *Polonos*, sicut in decisione causarum judicialium, coram Judicibus ex variis provinciis ad certum Tribunalis locum deputatis, semper observatur, ita vel maxime circa Electionem Regum, suum solemne tenet, adeo ut inter aniles fabulas merito referenda sit eorum narratio, qui interdum asseverant, *unam solam* contradictionem seu liberum veto, id est, *nie pozwalam* impedire Regis electionem in Polonia. Id enim apud eos locum non habet, præterquam eo casu, quando v.g. Rex *hereticus*, vel alias Catholicæ Ecclesiæ non satis addictus &c. in Thronum elevaretur, tunc enim *etiam unius oppositio circa legem, & cardinalem ejus articulum*, suum effectum fortiri debet: non tamen quilibet ex immensa fere Nobilium multitudine jus oppositionis hujus, alioqui etiam justissimæ, habet: sed solum Optimates & *personæ a Provinciis, Territoriis & Palatinatibus ad id muneris deputatæ*, vel si alias totus Ordo Equestris, aut magna ejus pars ob rationes justas electioni se opponeret.

969. Inter modos acquirendi Summam potestatem reputatur II.) *Successio*, quæ duplex est, alia hereditaria, alia gentilitia. *Hereditaria* est, quæ dependet ex arbitrio Regnantis, cui liberum est circa Regni Successorem disponere, ac vel suos heredes vel extraneos, mares æque ac feminas, nec minus legitimos, quam illegitimos designare, aut etiam si plures sint heredes, Regnum inter eos distribuere. Id quod accidit in Civitate, quæ *patrimonialis* nuncupatur; aut in Regno, quod Populus cum jure constituendi Successorem, in Principem absolute transulit. *Be-fold. Polit. l. 1. c. 6. §. 1. n. 3.* asserens hunc succedendi modum olim frequentem, & pleraque Hispaniæ Regna paterno testamento jureque hereditario fuisse delata. Quodsi contingat Regem intestatum decedere, tunc recurritur ad voluntatem ejus tacitam, quæ talis esse præsumitur, ut, sicut in privato patrimonio liberi potius quam extranei succedunt, ita & in Principatu. Si vero plures extent liberi; ætatis fiat consideratio, illeque, qui *major*, seu primogenitus est, jus obtinebit in successione.

Cum

Cum enim ex una parte regnum inter plures commode nequeat dividi; ex altera vero salus publica plures in uno regno Reges non admittat: conveniens est, ut unus anteponatur cæteris, & quidem ille cui favet Natura, nascendi simul & regnandi sortem indulgens. Estque hæc ætatis prærogativa ipsis Imperiorum initiis cœva, & apud omnes propemodum Gentes, Ægyptios, Moabitas, Albanos, Græcos, Athenienses, Trojanos, Persas, Numidas, Gallos, Hispanos, Scotos, Anglos, Gotos, VVandalos, &c. introducta, sacris etiam paginis non incognita, uti patet ex libro *Gen. c. 25. v. 31.* de Jacobo & Esau, & quibus hic illi primogenituram vendidit &c. &c.

970. Successio *Genilitia*, seu *Legitima* est, quæ non dependet ex libera regnantis voluntate, sed a lege vel consuetudine, certo generi ac familiæ successionem in Imperio deferente, adeo ut omnes qui descendunt ex illo genere vel familia, jus quoddam succedendi obtineant, sine ipsorum voluntate non auferibile. Grot. *de J. B. & P. l. 2. c. 7. §. 22.*

Estque duplex, alia *linealis*, quæ secundum ordinem & prærogativam lineæ ordinatur, ita ut non tam jure *representationis* & substitutionis in locum defuncti (hæc enim non attenditur) quam jure *transmissionis*, regnum quasi jam delatum ex providentia aut pacto Majorum, transeat de linea primogenita ad lineam secundogenitam, & ubi semel ingressa fuit unam lineam, in ea permaneat, usque dum penitus extinguatur, qua etiam ex causa alio nomine *primogenitura* nuncupatur. Vitriar. *q. 50. §. 52.* Successio legitima *Non-linealis* vocatur, in qua ordo & prærogativa lineæ non attenditur, eaque, si ad successionem vocentur, qui ex tota ultimi Regnantis domo, ætate majores aut seniores sunt, *Majoratus* indigitatur.

971. Utraque Successio rursus dividitur in cognaticam & agnaticam. *Cognatica*, quam alias *Castilianam*, id est in Regno Castiliæ quondam usitatam dicunt, est, ubi respectus habetur etiam ad cognatos, & sic tam feminæ, quam masculi, per lineam feminineam conjuncti succedunt. Cum hac tamen limitatione, ut &, quamdiu masculi extant de familia ac nomine defuncti, feminæ earumque descendentes a successione removeantur; & filia ex filio præferatur filiæ ex filia, uti & filia ex fratre, filio ex sorore anteponitur. Covar. *pract. qq. c. 38.*

972. *Agnatica*, quæ & *Francica* (quod fuerit in Regnum Franciæ investa) nominatur, est, ubi respectus ad solos habetur masculos, idem nomen & insignia cum Antecessore participantes, ut Regia dignitas intra Familiam, per solam stirpem masculam legitime propagandam conservetur. Grot. d. l. §. 23.

973. Inter modos acquirendi Summam potestatem III.) refertur *Bellum*, cui primorum & præcipuorum Regnorum ortus & incrementa deberi, non pauci firmissimo sibi persuadent. Ut enim taceamus, ajunt illi, *Cain*, qui trucidato (Gen. 4. v. 8.) Abele fratre suo, ædificavit primam Civitatem: & Gigantes *potentes a sæculo*, (Gen. 6. v. 4.) qui non fuerunt alii, quam Tyranni per aliorum subjugationem ad dominatum eluctantes: tum *Nemrodum*, qui post diluvium fecit principium Regni Babylonici, *cepit esse potens in terra* & *erat robustus*, Gen. 10. v. 8. 9. & 10. &c. Persæ a Romanis subacti sunt armis: Macedonum Reges Atheniensem populum, urbesque & Asiam occuparunt: armis quoque Carthago Romanis: tota Africa, Europa, & ipsa Roma Gothorum jugo se serviliter submittere; Ita Bohmer, in *Introd. ad jus publ. univers. part. spec. l. 1. c. 1. §. 14.* & c. 2. §. 14. ac c. 3. §. 14. Hippolytus a collibus de *Princip. c. 2. Lit. C.* Quibus prælusit Tacitus l. 3. *Annal. 26.*

974. Utunque autem hæc subsistant, vel non, ad nostrum propositum parum conducunt, cum ex dicendis hic *Cap. seq. de Bello*, certum apud omnes sit, *iniustam* alterius aggressionem & coronæ Regiæ ereptionem non posse jus Summæ potestatis tribuere: nisi forte (uti diximus præced. cap. de præsc. inter Gentes) per tempus immemoriale pacifica subsequatur possessio unius, & acquiescentia alterius, præstita non aliter, quam plena libertate, Populo aut Principibus vi subactis consentientibus, ut *iniustum* alioqui Regni invasorem, pro legitimo Imperante suo agnoscant. Grot. l. c. l. 3. c. 8. §. 1. Justo quippe bello Jura Majestatis comparari sibi victorem posse, nullus mortalium dubitat, dicente Tertulliano in *Apologet.* quod certum sit *Imperia armis queri, victoriis propagari.*

975. Prædictis, Summam potestatem acquirendi modis, IV.) accedit *Matrimonium*, de quo *Africani* prudens monitum extat, *Uxorem quare, firmamentum familie.* Per matrimonium enim non tantum Imperia patrimonialia, & quan-

quandoque hereditaria : sed etiam gentilitia , si cognatica
sint , a feminis Regni heredibus , in maritos transferri pos-
se , monumenta Regnorum Hispaniæ , Angliæ , Sueciæ &c.
testatur faciunt . Hoc quippe casu , si femina in Regno
succedat , Summa potestas , contracto etiam matrimonio ,
penes ipsam , quo ad radicem & actum secundum manet
quidem , debet Maritus æque ac alius , Regiæ Conjugis
iussa explere , suspensa , quam alias ex conjugio sortitur ,
maritali potestate . Nihilominus consentiente Populo ,
Regina summam potestatem Marito impertiri potest du-
plici modo , vel ut asumatur in collegam , & consortem
Imperii , vel ut honore penes Reginam persistente , ipse
solus Imperium administret . Utrovis modo id fiat , Vir ,
juxta Huberum *d. l. §. 25.* summam potestatem vere con-
sequitur . Quia tamen summa potestas est independens &
indivisa , ac incommunicabilis , non poterit in una ea-
demque Civitate penes duas personas Maritum & Uxo-
rem æqualiter & vere consistere : sed penes Reginam v.
g. in habitu & radice sit , ac in Maritum Regium *quo ad*
exercitium transeat , necesse est : quo eventu verius dici-
tur , Maritum esse Magistratum , Regiæ tamen præemi-
nentia participem , uxorem vero Reginam esse Ma-
jestate ac summa potestate decoratam . Nisi supponere
velimus , quod Uxor summam potestatem a se penitus ab-
dicet , & in Maritum privative referat , prout id fieri pos-
se asserit Hornius *l. 2. c. 9. §. 18. n. 4.*

976. Dixi tamen : *consentiente populo* . Quia populo dis-
sentiente forma Imperii semel constituta nullomodo im-
mutari , vel extra familiam Regiam in Maritum , ceu ex-
traneum transferri , vel ita circumscribi potest , ut difficul-
ter discernatur , quisnam in Regno Majestate fulgeat , Ma-
ritus , Uxor , an Conjux uterque ; Huber *d. l. §. 24.*

977. Alius item est summam potestatem acquirendi mo-
dus , V.) per *Alienationem* , qua summa potestas ab uno sub-
jecto transit in aliud , sive per actum ultimæ voluntatis , sive
per actum inter vivos , scilicet via venditionis , permuta-
tionis , donationis , aut infeudationis . Quod an fieri pos-
sit scire interest , si ne potestas summa patrimonialis , an
non patrimonialis . Summa potestas *patrimonialis* libere a
Principe transferri in alios potest , cum nulla ratio , quæ
alienationem impediatur haberi possit . Cujus exempla tam
in S. Scriptura 3. Reg. 3. habemus de Salomone Rege ,
qui

qui Regi Phœnicum Hiromo dedit urbes 20. quam in historia profana, ut videre est apud Grot. l. 1. c. 2. §. 12. n. 4. 978. Summa potestas non patrimonialis considerari potest vel in statu Democratico, vel in alio. In statu Democratico liber Populus facultate pollet summam potestatem in alios libere transferendi, cum nulla lege prohibeatur renunciare suæ libertati. In statu autem Aristocratico vel Monarchico, sine voluntate populi, seu Optimatum & Nobilitatis, Summam potestatem alienare nefas est: cum Populus, vel Optimates, & Nobilitas contra voluntatem suam non teneatur aliis, ac quibus electione, vel successione collatum est Imperium, obtemperare, Grot. d. c. 3. §. 13. n. 1. Muelen in comment. ibid.

979. Demum VI.) modus est acquirendi Summam potestatem *Præscriptione*, cujus adminiculo Gens contra Gentem, aut Rex contra Regem, Populus liber contra Populum similem, Optimates contra Optimates, ex lapsu temporis immemorialis, in ea Regione, vel Provincia, in qua nunquam interrupta possessione regalis Imperii jura exercebant, Summam potestatem sibi legitime vindicant, estque titulum alium ostendere nequeant. Et cum a plerisque modus hic in dubium revocetur, ea quæ pro ejus majori verisimilitudine afferenda judicavimus, videri possunt c. præced. §. de Præscript. inter Gentes. Sed

Quæres: Quid rei sit Civitas, cujus frequens hic facta est mentio?

I.) Civitas non a muris sive ædificiis: sed a Civibus pluribus in unum congregatis dicta, describi potest, quod sit, corpus politicum ex pluribus personis, civilis beatitudinis causa in commune regimen coadunatum. Zafius in l. 2. ff. de Orig. Jur. Cicero in Somn. Scipionis. Hinc personæ eam constituentes Cives audiunt, prout distincti a Peregrinis, &c.

II.) Dividitur autem Civitas in Regularem, & Irregularem. Regularis est, quæ Monarchico, Aristocratico, Democratico, aut mixto regimine dirigitur. Hi enim gubernationis modi ordinarii sunt & regulariter exerceri solent, ac olim exercebantur in cæteris hominum in unum corpus congregatorum. Irregularis dicitur, quæ nullum ex his observat regiminis modum, tales sunt v. gr. Civitates beriles, patrimoniales &c. hæ enim neque monarchico regimi-

gimine diriguntur, cum particularis herus supponat superiorem a quo dependeat, neque aristocratico &c. ut per se patet.

III.) Porro *Monarchia* in specie est, cum omne jus in subditos unus Princeps habet, solusque Rempublicam ad communem utilitatem administrat. *Aristocratia*, quando aliquot Optimates, hoc est optimi & selecti viri plures vel pauciores regunt. *Democratia* est, ubi populus in commune consultit, nullumque supra se Principem agnoscit, aut ad certum sibi tempus Superiorem eligit, prout olim fiebat sub Consulibus apud Romanos, & nunc apud Helvetos, & Hollandos. Finis & scopus *Democraticæ* Reipublicæ est *libertas Civium & æqualitas*.

Regimen autem *Mixtum* dicitur, cum Princeps, Senatus, & reliqui Cives aliquid ad gubernationem Reipublicæ conferunt: & quidem, si Princeps cum Senatu, & selectis Nobilibus consulat, Respublica mixta est ex *Monarchia & Aristocratia*, qualis est Polonorum ac Lithuanorum, ubi Rex arbitrio proprio nec bellum indicere, nec nova cum exteris fœdera sancire, nec tributa Civibus potest imponere. Unde sub tempus coronationis sacramento se obstringit, nunquam se commissurum, ut, non communicato cum Senatoribus consilio, ulla de re momenti gravioris quidpiam statuatur. Modernum item Romano-Germanicum Imperium ex *Monarchia, Aristocratia &* nonnihil ex *Democratia* participat: nam cum Imperatore ac Electoribus de communi Patriæ bono consultantibus, Civitates quoque liberæ suam in Comitibus vocem habent. Regimen hoc mixtum aliter vocatur: *Status Civitatum mixtus &c.*

IV.) Inter regulares Civitatum formas simplices excellit *Monarchia* eo, quod sub uno Principe facilius servetur unitas, concordia & consensus animorum. Hinc, saltem plerumque melior est ordo & gubernatio, cum omnes ab uno dependeant Capite seu Superiore. Quod etiam patet in exemplo; ita quippe, teste, post alios, Bellarmino L. 1. de Rom. Pont. c. 2. & 3. Christus Ecclesiæ suæ non aliud quam Monarchicum regimen præficere voluit. Ac præclare senserat olim Tacitus L. 1. annal. dicens: *discordantis Patriæ non aliud esse remedium, quam si ab uno regeretur.*

Dixi autem: *Saltem plerumque*; Quia generaliter loquendo, fatendum est cum communi aliorum; Omnium Civitatum, seu Rerumpublicarum formam optimam esse *mixtam*, seu

seu mixti regiminis, quæ ex Monarchia & Aristocratia est temperata, ubi nimirum & regia viget potestas, & Ordinum valet auctoritas. Quia hujusmodi regimen nec tyrannidi est obnoxium; propter Senatorum aut Ordinum vigilantiam, qui Principem ita in suo continent officio, ut absque consensu eorum nil audeat contra Statum, legesque Patriæ moliri. Nec discordiis atque ambitioni Optimatum patere potest, cum omnes ab uno capite dependant.

V.) Civitatis origo fundamentaliter provenit verius a jure naturæ *mere negativo*, seu permissivo. Neque enim ex ulla ratione colligi potest absolutum juris nat. præceptum obligans genus humanum ad vitam instituendam in corpore politico, sub uno regimine coadunato, cum ad *civilem* beatitudinem obtinendam suffecisset alias sola *societas familiaris*. Certum quippe est, quod priusquam Corpora politica, seu Civitates ac Respublicæ constituerentur; jam extiterint homines in familias segreges dispersi, quorum tamen vitæ necessitatibus, inventa agricultura; re pecuaria; vini cultura; vestiaria, aliisque artibus, satis provi sum fuit: nihil igitur prohibet cur idem vivendi modus continuari hucusque non posset negata Civitatum; Re rumpublicarum aliarumque regiminis formarum constitutione, per quas plures homines & familiæ in unum corpus politicum coadunari nunc solent.

At neque de *Jure Gentium* alio, quam *mere permissivo* provenit hæc ipsa Civitatis origo, cum pariter ex nullo capite, Gentium Juris præceptum deduci queat; quod hujusmodi obligationem cuiuspiam imponat: sed *mere naturalis inclinatio* & spes majoris utilitatis suadet hominibus, ut potius jus Civitatis sub communi regimine obtineant, quam si segreges permaneant, & solitariam vitam omnes instituant.

980. De recensitis *Juribus Majestatis & Statu Civitatum* succincte hic egimus; nec mirum sit: materia enim hæc per se ad *Jus publicum* referenda esset: quia tamen Juris Nat. & Gent. Scriptores communiter illam ad *Jus Gentium* reducant, placuit eorum sequi vestigia, & aliqua saltem parte attingere illas quæstiones, quæ ad faciliorem Juris Gent. notitiam adminiculo esse possunt. Omissis autem reliquis minus ad nostrum propositum spectantibus, ea quæ *Juris Gentium* propria sunt, de *Bello, pace, fedoribus*, &c. prosequemur.

C A P U T V.

De Bello, & jure Belli inter Gentes.

§. I.

De Natura, Diversitate, & Origine Belli; ejusque
licentia.

S U M M A R I U M.

981. Belli definitio statuitur.
982. Debet esse justum saltem formaliter.
983. Ejus divisio in Offensivum & defensivum &c.
984. Bellorum origo ex antiquitate temporis.
985. Et altera origo ex Jure Gent. deducitur.
986. Licentiam belli cum aliis impugnavit Lutherus.
987. Eo concionante pro Turcis; Hungaria periit.
988. Licitum est bellum; si servet conditiones.
989. Id neque Nat. neque Gent. juri repugnat.

981. I.) Bellum prout a latrocinio; rebellionem & seditionem distinctum est, recte definitur ab Alberico Gentili de Jure belli l. 2. quod sit Publicorum armorum justa contentio; & adhuc rectius explicatur a Corn. van Byneersh quæst. jur. publ. I. 1. Bellum est eorum, qui suæ potestatis sunt, juris sui persequendi ergo, concertatio per vim; vel dolum. Hinc merito rejicitur Grotii a plurimis alioqui præscripta, & publico obtrusa definitio, dicentis, est status per vim certantium qua tales sunt, non enim magis competit Bello quam latrocinio, & cuivis injustæ aggressioni; quæ nequit dici status, cum non sit conditio seu ratio per se stabilis vivendi, quod ad rectam status explicationem necessario requiri liquet ex dictis hic n. 205.)

982. II.) Dicitur autem justa contentio, id enim requiritur ad rationem belli, ut differat a latrocinio, injusta alterius invasione & vi privata. Nec obstat, quod bellum utrinque justum in se ac coram DEO, seu (ut scholæ loquuntur) materialiter, esse nequeat, eo quod justitia secum ipsa pugnare, & actus sibi invicem contrarios approbare ignoret: nihilominus potest adhuc esse justum formaliter, seu in opinionem,

nione, quatenus utraque belligerantium pars bona fide & ob motiva omnino gravia prudenter judicat se habere justam bellandi causam. Quo fieri potest, ut neutra earum delinquat *formaliter* contra justitiam, legemque naturalem & Divinam, excusante illas *ignorantia invincibili*, licet in *re ipsa* & coram DEO tantum apud unam partem existat justitia, seu vera causa belli: Quale fuisse olim illud, quod Judæi gesserunt contra Amorrhæos, & cæteras gentes, *Judic. II.* censet *Covarr. & Abulens.* Ex parte quippe Judæorum erat bellum justum *materialiter* & *formaliter*, quia suberat vera causa propter voluntatem DEI, Judæis manifestatam, qua DEUS vi absolutissimi dominii sui ipsius terram Amorrhæorum donaverat, illisque potestatem fecerat expellendi eos populos: ex parte Amorrhæorum vero erat justum nonnisi *formaliter*, quia licet in *re ipsa* vera causa resistendi non subesset, *justa* tamen *ignorantia* ignorantes hanc divinam jussionem Judæis factam, se defenderunt ab aggressionem Judæorum, eaque ratione existimabant se bellum justum gerere: Consequens igitur est, bellum, ne degeneret in latrocinium & vim privatam, debere esse saltem *formaliter*, seu opinative ex gravi ac vere prudenti motivo justum.

§83. III.) Dividitur bellum 1.) in Offensivum & Defensivum. *Offensivum* est, quo quis insertur ad publice vindicandam injuriam, cui alter satisfacere recusat. Estque actus justitiæ vindicativæ, quia injuriæ vindicandæ causa geritur. *Defensivum* est, quo vis per injuriam illata cum moderamine inculpatæ tutelæ repellitur, ac pro defensione Regni, Provinciæ, subditorum, amicorum, aut Confœderatorum suscipitur. Vim enim injustam vi repellere cuivis licet, non tantum *publica* autoritate, ut fit in Bello, sed etiam *privata* extra bellum, *salvo moderamine* inculpatæ tutelæ, *l. ut vim 3. ff. de J. & J.*

Dividitur 2.) in hostile & civile, seu intestinum. Bellum *Hostile* est, quod Imperator Romanus, vel alius Rex, aut Respublica superiorem in terris non agnoscens, v.g. contra peregrinam & externam Gentem gerit. *Civile* ac *intestinum* est, quod Populi eidem Imperatori, vel Regi subjecti inter se gerunt, veluti si in Imperio Romano Princeps contra Principem, Civitas Imperialis contra Civitatem Imperialem &c. bellum moveat, *l. un. C. de Caduc. tollend. pr. ibi: ex bellis civilibus, quæ in se populus Romanus movebat &c.*

Quod

Quod tamen, ut ex definitione allata constat, propriè bellum non est: sed *civilis quedam dissensio*, aut *seditio* dicitur, *l. si quis ingenuam 21. §. fin. ff. de captiv. & possim.*

Dicitur item Bellum *civile*, quod Princeps, vel Magistratus gerit contra subditos *rebelles & contumaces*; Lippius *lib. 5. polit. c. 1.* ubi etiam bellum Civile definit, quod sint: *Arma subditorum in Principem mota, aut inter sese, quo nihil miserius, nihil fœdus.* Alias species Belli recensere hic superfedemus, quæ ex dicendis satis colligi poterunt, ut bellum *justum & injustum; necessarium & temerarium; publicum, privatum; mixtum; solemne; insolemne; &c.*

984. IV.) ORIGO bellorum deducitur ab exordio Mundi, de illis Adamus Contzen *Polit. lib. 10. c. 2. n. 2.* ait: *Bella cum nato Mundo fuerunt, & bellantes DECRETORIA DIES inveniet: duobus fratribus angustuserat Mundus, iniquo Caino videbatur Abel fore beator: secuta sunt bella Gigantum, & discordes in unum gurgitem Cataclysmus inclusit &c.* Post Diluvium, primo familiam gubernavit Noe, & filii ejus donec divisa est terra, regnavitque Nemrod in campo *Jennaar*, cuius martiales spiritus induximus hic *n. 973.*) præter hunc, gravia etiam Bella fuerunt *Noacho, Semo, Japheto, ac Chamo* viventibus. Nec pacem conciliare inter posteros *Proavi, Avi, Patresque* potuerunt. Bella illa narrantur *Genes. 14.* quæ contigerunt Anno 334. post Diluvium, quo tempore *Noe, Sem, Arphaxad, Sale, Heber, Phaleg, Reuserag, Nabor* vitam vivebant; ut mirum fuerit tam cito extitisse Tyrannos & tyrannidem. Nam hoc prælium, quod *Moyfes & Josue* in *lib. Genes. & Numeror.* gessisse legitur, non fuit primum, jam enim Annos 12. Reges illi servierant *Chodorlahomor* Regi Elamitarum, videti igitur bello fuerant ante hos annos, & usitata iam erant bella, cuius rei indicium est, quod *Chodorlahomor* fœderatos habuerit Reges, & cum regnasset in *Elymaide* longo spatio a *Chananzis* distita; eostamen servitio premebat. Bella dein quanta gessit *Moyf., Josue, David,* alique electi populi Principes? & hac serie bellorum usum usque ad nostra tempora, & etiam currentem hunc Annum 1762. continuari experimur.

V. Ex quo Mundus durat, quatuor hætenus sterere Monarchiæ: at quanto constitere sanguine? *Prima* erat *Chaldeorum*: *Alter*a *Persarum & Medorum*: *Tertia* *Græcorum*: *Quarta* *Romanorum.* Omnes per bella occupatæ, altera ab altera armis pulsa; frustra est, quisquis quin-

Jus Nat. & Gent.

R:

tam

tam expectat. Ubi enim in sacris paginis *Dan. c. 2. 7. & 8.* quatuor enumeratas Daniel exponit, personnum Regis Chaldaeorum praevisas, de quinta Monarchia alium silentium. Vid. Cornel. a Lapide in *Cap. 2. 7. & 8. Dan.* Satis nempe cruore manavit terra in quatuor expugnandis Monarchiis, quin alia uberidrem eliciat: Et hæc est origo temporis a quo bella inter genus humanum inchoata sunt & perdurant.

985. VI.) Quæ autem sit origo Juris, seu quo Jure introducta fuerint bella, abunde liquet ex dictis hic supra a n. 663.) scilicet *Juri Gentium* originem suam bella debere certum est ex §. 2. *Inst. de J. N. G. & C.* vers. *Bella etenim orta sunt & captivitates secutæ & servitutes, quæ sunt naturalis Juri contraria*, idest, si homo permansisset in naturali primæva innocentia, in qua creatus est, sicut bella; ita captivitates & servitus non haberent locum; ut diximus hic n. 805.) accedente autem *statu adventitio*; variatissimeque circumstantiis conditionis humanæ, occasione peccati originalis vitiatæ, omnibus his malis via aperta est, prout scite alludit Poeta cærens de pomo seu malo illo, cujus esu Protoparentes nostri tantis vitæ miseriis se ipsos, & nos descendentes suos exposuerunt:

*Malum crede, malo mala contulit omnia Mundo,
Heu! mala malus erat, quæ mala mala tulit.*

Supposita igitur originali prævaricatione juxta dicta a n. 217.) naturæ corruptæ laxata sunt cupiditatis, avaritiæ, ac odii fœnâ, ita ut illa quantum de se facilius ad malum quam in bonum propendeat, appetat aliena potius quam sua elargiatur, inde (uti ait D. Chrysost. in *Orat. de S. Phylogon.*) ortum traxit MEUM AC TUUM, FRIGIDUM ILLUD VERBUM, NB. INNUMERAQUE GIGNENS BELLA. Et clarius causam bellorum expressit Apostolus, *Jacob. 4. v. 1. & 2.* dicens eorum fontem derivari ex concupiscentia hominum: Unde bella & lites in vobis? Nonne hinc & ex concupiscentiis vestris ... occiditis & zelatis, litigatis, & belligeratis, & non habetis &c. Cum autem bella hæc bene vel male, cum emolumento aut præjudicio Generis humani geri potuerint, neque illis lex naturalis pro foro externo, & quo ad civiles effectus ullam certam regulam præscripserit: intererat *Juris Gentium*, ut naturalem bellandi libertatem certis limitibus restringeret, ac-

testante Hermogeniano in leg. 3. ff. de Just. & Jur. ubi ait: Ex hoc Jure Gentium introducta bella &c.

In quo autem sensu Jus belli reducatur ad jus Gentium; recte declarat Grotius de J. B. & P. L. l. c. i. §. 4. n. 2. his verbis, Jure Gentium introducta esse Bella dixit Hermogenianus; quod paulo aliter, quam vulgo accipi solet, interpretandum censeo: nempe ut certa BELLORUM FORMA a jure Gentium sit introducta, quam formam quæ habeant Bella, ea peculiare ex jure Gentium effectus consequantur. De quibus innuimus hic n. 682.) & plura dicendi tempus erit infra §. 2. & seqq. Bella igitur formam suam habent à Jure Gentium; ad quam observandam tenentur belligerantes; permissionem autem bellandi derivant a Jure nat.

986. VII.) Quod autem LICENTIAM BELLII concernit; multæ olim circa id punctum extabant disceptationes, seu errores. Nam 1.) Manichæi ex jure naturali æque ac Divino probare nitebantur bellum absolute esse illicitum; atque ea de causa reprehendebant Moysen, Josue, David, & cæteros veteris Testamenti Patres, quod bella gesserint, quos D. Augusti l. 22. contra Faustum, c. 74. confutat. 2.) Mediam viam elegerunt Anabaptistæ, qui concedebant bellum ex natura sua licitum esse & fuisse Judæis, negabant licere Christianis, eo quod Christiani debeant esse mansueti ac pacifici; ut refert Becanus in Manual. contröv. l. 4. c. 4. Eisdem errores 3.) promovit famosus Apostata Martinus Lutherus, qui inter alia publice docuit, Christianis non licere bella gerere contra Turcas; uti liquet ex propositione ejus 34. Anno 1520. damnata a Leone X. per Bullam: *Exurge Domine*. Verba autem citatæ propositionis sunt hæc: *Praeliari adversus Turcas, est repugnare Deo visitanti iniquitates nostras per illos*. Extat hæc ipsa Lutheri assertio apud Cherubinum tom. 1. Bullar. pag. 451. eamque cum aliis hujus Pseudo-doctoris ineptiis videre est apud Contzen lib. 10. politic. c. 3. Card. Bellarm. to. 1. quinta Contröv. general. l. 3. c. 16. tit. de Laicis l. 2. Et utinam suis Lutheranis aliisque novi Evangelii sequacibus persuasisset ille abstinendum Bellis contra Christianos; S. R. Imperium pristina hucusque frueretur pacē & tranquillitate, quam novitiæ religionis Apostoli sæculo decimo quinto & sexto turbaverunt, &c.

987. Verum quia ille Christianis suavor fuit, ne Turcis resisterent, hinc factum erat ut florentissimum HUNGA-

RIÆ Regnum Machometanorum tyrannidi, non sine gravi Viennensis Metropoleos, ac totius S. R. Imperii periculo, in prædam cesserit. De hac *Lutheranæ* doctrinæ perniciosissima peste Card. Bellarm. cit. c. 16, ait; "Cum primum arma Christiana illata sunt in Terram promissionis, felicissimo eventu Hierusalem a nostris recuperata fuit anno MXCIX. Duce Godefrido Lotharingæ de Boullion, & regnaverunt Christiani Octoginta octo annis, ac semper plura & plura recuperabant, donec oriri cæperunt inter ipsos Christianos Principes contentiones, quemadmodum & nunc, (inquit Bellarm. de suo tempore loquens), Turca plura occupat ob discordiam nostrorum, quam sua virtute, & harum discordiarum NB. potissima causa fuit LUTHERUS ipse; Nam ut ex Joanne Cochleao patet in adis Lutheri, anno 1526, HUNGARIA periit, quia Germani a Rege Hungaria vocati in auxilium, maluerunt LUTHERO PARERE tunc concionanti contra bellum in Turcas, quam cogitare quid bonum commune postularet. Et nostra ætate eliminatus Europa fuisset infestus hic Christianorum Tyrannus ultimo bello cum ipso gesto, nisi potest receptam Hungariam & captum Belogradum (seu Albam regiam) discordia Christianorum, e Lutheri & Calvini semente pullulans cursum victoriarum. ititisset.

988. Quemadmodum autem recensiti errores a Satana & ejus emissariis Christiani nominis hostibus inventi sunt, ita absolute certum est, licitum esse bellum, si habeat debitas conditiones, quas assert D. Thomas, 2. 2. q. 40. a. 1. nimirum, *legitimam auctoritatem* indicendi bellum, *iustam causam*, & *debitam intentionem*. Responsio hæc extra omnem dubium est. Nam servatis his tribus conditionibus, Bellum nec contra jus naturæ, nec contra jus Gentium est; sed his conforme. Non est contra jus Naturæ, ut patet ex pugna *Abrahami* cum quatuor illis Regibus, ante omnem adhuc legem Divinam scriptam in ita, attestante historia Sacra Gen. 14. cui revertenti benedixit Melchisedech Rex Sacerdos DEI altissimi dicens: *Benedictus Abrahamus DEO excelsso, qui creavit Cælum & terram, & benedictus DEUS excelsus, quo protegente HOSTES in manibus tuis sunt*, non benedicturus alioqui, si contra jus naturæ fuisset illa hostium aggressio. Alia quoque ratio: hæc demonstratur hæc licentia, spectato jure nat. ex eo, quia

quia ut supra diximus, duplex est Bellum, defensivum & offensivum: de *Defensivo* certum est ex jam dictis: Nam si jure naturali licet homini privato vim vi repellere, dicente Jcto in L. itaque 4: pr. ff. ad L. Aquil. *adversus periculum naturalis ratio permittit se defendere*, multo magis id licebit Principi, aut Communitati. De *offensivo* pariter certum est ob similem rationem. Si enim homo privatus potest adversario suo litem intentare; vel actionem injuriarum; *per viam juris*; cur Princeps, vel Respublica; quæ superiorem & judicem in terris non habet, nequeat idem facere *per viam belli*, deficiente via juris? alioqui *publica injuria*; quæ Principi vel Respublicæ facta est, numquam posset resarciri, aut vindicari, & consequenter nec publica justitia & indemnitas posset custodiri, quod repugnat juri naturali.

989. At neque repugnat *Juri Gentium*; quinimo huic quoque conforme est, quoties *justa causa* id suadet, & forma Jure hoc introducta servatur. Usitatum quippe apud Gentes, etiam optimis legibus institutas, bellum fuisse constat a n. 984.) & nemo ita rudis est, qui id ignoret; docet quippe cit. L. 5. ff. de J. & J. dicens: *ex hoc jure Gentium introducta bella &c.* Quæ quod neque *Divino juri* repugnent; abunde notum est ex historia sacra. DEUS quippe Judæis bella nedum permisit, sed etiam nonnulla *positive præcepit*; ut Moyse contra Madjanitas, Numeror. 25. v. 16: Sauli contra Amalecitas 1: Reg. 15. v. 2: laudanturque; qui se fortiter in bello gesserunt, uti sunt Abraham Gen. 14: v. 19: Filii Levi Exod. 32. v. 28. quod ceciderint 3000: hominum, Gedeon; Barac, Samson, Jephthe, Samuel, David; & alii; Ad Hebræos 11. v. 32. Sed & leges generales ac perpetuas de modo gerendi belli DEUS populo suo præscripserat. Et Numeror. 10. Deut. 20. ac 21. v. 14: fit mentio bellorum Domini, quæ sine dubio gesta sunt probante DEO:

Recte igitur D: August. contra *Fauftum* (& ei similes recentiores hæresiarchas) lib. 22. in c. 4. caus. 23. q. 1. ait: *Neque Joannes (Lucæ 3.) ab armis jubet discedere Milites; & Christi (Matth. 22.) tributa Cæsari monet reddi: quia propter BELLA necessario Militi stipendia præbentur.*

§. II.

De Justitia & injustitia Belli.

S U M M A R I U M.

990. &c. *Victoria non est justii Belli indicium.*
 992. &c. *Belli justii conditiones inducuntur.*
 995. &c. *Desistendum est a Bello etiam justo, si offeratur satisfactio.*
 997. &c. *Sola Ratio status non est justa belli causa.*
 1001. &c. *Sicut nec solus Metus vicine potentie.*
 1003. *Sola quoque Equilibrü conservatio bellum non justificat.*
 1004. *Solvitur contrarium momentum.*
 1005. *In concursu alterius justie causæ Equilibrium habet locum.*
 1006. &c. *Satisfit objectioni circa Domum Austriacam & Borbonicam.*

990. **F**ALsum est commune aliqui multorum principum, qui victoriarum eventu Belli justitiam metiuntur. Hac quippe ratione immanissima Turcarum tyrannis tot & tantis de universa Græcia, & plurimis aliis Christianorum regionibus reportatis victoriis facile justificaretur, Rectius proin hac in parte senserat Lipsius, qñ *lib. 1. politie, c. 3.* monet dicens, ne unquam animum tuum penetrant illæ voces: *quæritur belli exitus non causa: jus in armis ferre, & omnia fortium virorum esse: hæc acies victum factura nocentem est, & alia his similia.* Non enim acies, non repetitæ victoriæ sunt, quæ Belli justitiam probant, sed *justa causa*, & Gentium juri conformis bellandi *modus*. Ac licet quandoque contigisse verum sit, ut eventus belli, velut æquus iudex, unde jus stabat, ei victoriam dederit. Nam bonæ causæ rectitudo optimæ spei fundamentum est, teste Lucano:

Causa jubet Superos melior sperare secundos,
 Et Euripide:

Iniqua bellans bella salvis hæud redibit.

991. Nihilominus ex his male infertur justitia vel injustitia Belli, sæpe enim etiam de innocentia triumphos ini-

iniquitas reportavit, arcano & nobis ignoto fine, quem Divina sapientia isthæc permittens intendit; quemadmodum alias quoque haud raro evenit, ut impietas pietatem superet in hac nostra vita, ubi impij pijs mixti vivunt, quod Propheta miratur inquit: *Quare via impiorum prosperatur, bene est omnibus qui prævaricantur, & inique agunt?* Jerem. 12. v. 1. quare Infideles, & Hæretici vincunt, Orthodoxi vincuntur? quare illi divites & felices, hi pauperes & afflicti? Causam manifestabit decretoria illa dies, quæ bellis juxta ac toti Mundo finem dabit, Interea dum hæc immineat, certum est nullam ac plebejam esse illationem illam; *Vicit igitur justam belli causam fovet, quia DEUS approbavit.* Non enim extat promissio DEI, quæ justæ causæ assistentiam suam *specialem*, ultra ordinarium naturæ cursum addiderit: Alioqui neque Israeliticus electus DEI populus a suis & veri Numinis hostibus magno numero sapius cædi, neque ARCA veteris Testamenti sacrarium illud, in quo tabulæ Divinæ legis repositæ erant, in manus *Philistæorum*, cum immani clade Hebraici exercitus, in captivitatem venire, neque Christi vestigiis sancta, ejusque sudore & sanguine resercta Hierosolymitana Urbs, cum omnibus terræ sanctæ Provinciis, victrici Saracænorum, & Machometanorum ferro iugoque, &c. subjici, vinci & occupari debuiſſet; Cujus rei exemplo etiam sunt expeditiones sacræ contra Turcas, & bella elapsi gemini sæculi contra Novatores. Cum igitur non ex victoriis, Belligerentium causæ iustificentur, neque ex clade reproberentur; jam

Q. I.) *In quo consistat Belli justitia?*

992. Bellum est defensivum, vel offensivum: *Defensivum*, ut iuste suscipiatur, tres requirit conditiones. Scilicet I.) *Ut defensio sit necessaria*, & aggressor non possit aliter induci, ad aggressionem omittendam. Si enim impediri sine gravi damno potest, ne vis inferatur, non licet alterius vim expectare, & postea eam per bellum repellere cum tantis damnis & calamitatibus, quas bellum secum trahit, id enim & caritas proximi vetat, & officium Principis, quo Rempublicam suam tenetur incolumem servare a molestiis belli, si illud non sit necessarium, prout necessarium non est ad defensionem, si aliunde is, qui te aggressus est, impediri potest, ne Respu-

blica invadatur. 2.) *Ut adsit justa causa* se per bellum defendendi; nam si Respublica injustam nutrit causam, v. g. quod alienam Provinciam *inique occupatam* restituere nolit, & hinc juste invaditur, nequit se defendere: sed satisfactionem tenetur præstare. Quia tamen *melior est conditio* (bona fide) *possidentis*, (Reg. Jur. 65. in 6.) necessarium non est, ut ille, qui se defendit, certo sciat se justam habere causam, sed satis est, ut cognoscat se non habere causam *injustam*, aut si dubitet de justitia, tenetur dubium *rationabiliter* deponere, vel, ut paratus sit stare determinationi & arbitrio bonorum virorum. 3.) *Ut bona sit intentio*, nempe, non ex dominandi libidine, aut privata vindicta, sive virium & potentia vana ostentatione: sed potius motivo se & populum sibi commissum indemnem ab injuria reddendi, & pacem armis comparandi; dicente Aug. l. 22. contra Faust. c. 74. & 75. *Quid culpatur in bello? an quia moriuntur quandoque morituri, ut dominantur in pace viduri? Hoc reprehenderet timidorum est. Nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi, & si quæ similia, hæc sunt, quæ in bellis jure culpantur.* Illa proitria si debito modo adsint, justum erit bellum defensivum.

993. Non autem ad defensivum bellum requiritur, ut illud suscipiens sit *Supremus Princeps*, superiorem non agnoscens. Quia cuilibet etiam privato omnia jura permittunt *vim vi repellere & se defendere etiam propria auctoritate*. Neque necessaria est auctoritas Superioris ad bellum defensivum, quando urget necessitas, & periculum in mora est, ut Superior adiri non possit: Secus, si tempus patitur, ut Superior consuli possit &c.

994. Quod si bellum offensivum sit suscipiendum, ad id etiam *tres conditiones* supra hic n. 988.) relatæ necessariae sunt, nempe 1.) *Auctoritas* in suscipiente. Quia bella spectato Naturæ jure non nisi *necessitate* inducta, eoque solum ex fine permissa sunt, ut ii qui Judicem non habent, jus atque justitiam consequi valeant. 2.) *Justa causa*, quam infra examinabimus. 3.) *Recta intentio*, quæ tamen plerumque magis ad *licentiam*, quam rigorosam belli justitiam spectat.

Alii cum Reginaldo L. 21. c. 8. §. 1. Septem conditiones numerant: sed quæ omnes ad has tres jam enumeratas reduci possint, nimirum 1.) *Ut sit auctoritas*. 2.) *Justa causa*, 3.) *Ut de ea legitime constet*. 4.) *Ut causa sit*

gra-

gravis, non enim sufficit sola verisimilitudo & qualiscunque probabilitas. 5.) Ut observetur *juris gentium forma*; seu debitus modus bellandi, scilicet ut bellum offensivum non prius suscipiatur; quam tentatis omnibus mediis ad satisfactionem tranquille obtinendam idoneis; ut dein solemniter declaretur parti adversæ per *Peciales*, aut per publicam protestationem, quæ etiam *diffidatio Belli* dicitur (nisi forte hostis esset *perpetuus*; hæc illa fœdera cum illo fuerint conclusa, tunc enim alia declaratione non est opus) ne item venenum, armave veneno illita adhibeantur: ne hostis victus jam aut inermis occidatur &c. &c. 6.) Ut bellum inferens habeat rectam intentionem. 7.) Ut illi, qui bellum gerunt, non sint personæ Ecclesiasticæ, quibus bella prohibentur &c.

Q. II. *An inchoatio Belli iusta sit causa ejus prosequendi, etiamsi Pars provocata offerat plenam satisfactionem?*

995. *Affirmative* respondent Cajetanus & Bannez, S. O. Prædici. TT. apud Schiaram lib. 1. diffi. 40. n. 4. hac nixi paritate, quia Judex potest adhuc procedere contra Reum etiamsi hic satisfacere velit: igitur & Bellator contra hostem. Verum contra hanc moralem instat æquitas naturalis & recta ratio. Belli enim sive suscipiendi, sive prosequendi, juxta D. Aug. in Can. Dominus 23. qu. 2. iusta causa est, *injuria reparanda, vel vindicanda, aut repellenda*: porro casu quo *plena* ab hoste offertur satisfactio, nulla prorsus intercedit injuria, siquidem ea, quæ ad arma permoverat, jam actuali compensatione & satisfactione tollitur: cessat igitur deinceps titulus bellum continuandi cum sanguinis humani effusione, & malis quæ bellicas hostilitates sequi solent. Desistendum itaque est a recepto bello, & satisfactio, quocunque tempore ab hostibus oblata fuerit, acceptanda erit, si modo per illam securitati publicæ, non præsentis solum: sed etiam futuræ sufficienter prospectum sit. Quem in finem solent exigi cautiones, quas vulgo *guarantias* vocant, quæ si oblata & tales fuerint, ut nulla ex causa respui possint, & nihilominus victor bellum prosequi non cesser, hic *iniquis conditionibus* pacem extorquere intendit, ac proin male consulit rebus suis, suæque Reipublicæ aut Regno, hæc quippe ratione incipit fieri iniquus aggressor.

996. Nec urget paritas de Judice, utpote falso etiam
nixa

nixa supposito. Judex enim in causa ex actione *reali* vel *personali*, publica iudicia & vindictam *criminis* publicam non concernente, nequit etiam amplius contra Reum procedere, quando post litem jam motam ad satisfactionem Actori præstandam se *efficaciter* obligat, vel actu satisfacit; tunc enim cessat finis, cujus gratia iudicium erat susceptum: Sequitur itaque, quod & Princeps Bellum jam inchoatum, contra hostem continuare nequeat, si hic satisfacere *serio* desiderat, cautione sufficiente præstita, bellicque fine, ob subsequenter injuriæ reparationem, jam cessante.

Q. III.) *Utrum Ratio status, metus vicine potentie, & æquilibrium Europæ, inter iustas Belli causas sint reputanda?*

997. I.) *RATIO STATUS*, seu *la Bienfiance*; *Raison de guerre*; potest esse vera & falsa. *Vera* est, cum per eam intenditur *utilitas* quidem propria alicujus Regni aut Reipublicæ: sed *innocua*, ac sine damno alterius, aut cum damno quidem ejus: sed *iusta* exigente injuriarum reparatione, illato; hæc cum Juri nat. & Divino conformis sit, suam ab omnibus, quam meretur, recipit approbationem: *Falsa* est, per quam propria queritur utilitas cum præjudicio aliorum, v.g. quando ob *Rationem status* bellum suscipitur ad minuendam *iuste* crescentem alterius vicini Principis potentiam, qui injuriam non intulit, nec de ejus lædendi animo ita constat, ut certum sit ea certitudine, quæ in morali, ac præsertim *justitiæ rigorosæ* materia, verisimiliorem locum habere debet.

998. Hæc *Ratio status* ab Illustr. Pelzhöffer S. R. I. L. B. de Schonau, in suo Opere *de Arcan. Status* l. 1. c. 1. anu. 6, & seqq. tum a Ferdin. Guilielmo ab Efferen in *Manual. Politic. f. m. 795.* juxta ac ab aliis, *Ratio pseudo-politica* ac *Idolum aularum* vocatur. Eam laudatus Auctor ab Efferen l. c. describens ait, statisticam rationem hanc non curare *iustas* belli causas, sed *speciosas* obtendere; vera dissimulare, & prætenfa artificiosis coloribus adumbrare; pro exemplo autem adducit *Protestantes Imperii*, qui saculo decimo sexto & septimo *sub specie Religionis & iustæ defensionis, pro libertate conscientie*, Ecclesiastica spolia retinere & rapere conati sunt. Ubi etiam hic ipse *Statista* addit: Si dicant Novatores, se bella defensiva pro religione sua
su-

fufcipere, convincuntur contrariis actibus. Nam non raro ob religionem, sæpiſſime ob ſeditionem oppugnantur, & in factu aliena Regna, Provincias, Episcopatus hoſtiliter invadunt. Deinde conſtat ex generali Novatorum pronunciato, quod nullum ſit juſtius bellum, quam ſi contra Papam & Papiſtas fuſcipiatur; igitur recte inferitur, iſtos vel maxime de bello *offenſivo* agitare conſilia. Hoc ſicut negare non poſſunt, ita fateantur oportet, quod conſcientiæ & Religioni vim inferant, & ſibi contrarii libertatem & veritatem impugnent. Ita ille.

999. Sic autem deſcripta *Ratio ſtatus* perverſis nixa motivis, ex ſe ipſa convincens præbet argumentum, quod juſtis Belli cauſis accenſeri nequeat, dicente D. Auguſtino in Pſal. 23. *Simulata equitas non eſt equitas: ſed duplex iniquitas; quia iniquitas eſt ſimulatio, & Statiliæ hujuſmodi, qui juxta Ovid. 11. Metamorph.*

Candida de nigris & de candentibus atra

Efficiunt

expectent interea Decretoriam diem illam juſti Judicis, qui tempore accepto revelabit abſcondita cordium, & in fucatas rationes ſtatus ſevere inquiturum ſe minatur: *Excoquam ad purum ſcoriam tuam, & auferam omne ſtannum tuum.* Iſaiz 1. v. 25.

1000. Explicato *Status* Idolo ſacrificantes Pſeudo-politici dogmatizant quidem 1.) ex capite *Juſtitie publicæ*, ſcilicet, quod *omne bellum deſenſivum* ſit juſtum, cum deſenſio ſit naturæ juri conformis: Verum unum falſum per alterum defendunt, non enim juſ naturæ bellum deſenſivum aliter permiſit, quam ſi *juſta* deſenſionis cauſa ſubſit, alioqui latrones & raptores haberent juſ occiſivæ deſenſionis contra eos, qui res ſibi ereptas ab illis repetere volunt.

Præſtendunt iidem 11.) libertatem naturalem eſſe juſtam cauſam belli, libertas enim & vita hominis æquiparantur. Momentum tamen hoc præter rebellionis anſam, nihil ſolidi habet. Libertas quippe naturalis circumſcripta eſt per *ſtatum adventitium* hominis, in quo unusquiſque nunc vivit ſub lege Divina poſitiva, & Principum, vel Civitatum, aliorumque legitimorum Superiorum. Juſta igitur cauſa belli eſſe nequit, ſi ſit contra prædictas leges, armaque ſumantur contra Principem & legitimos Magiſtratus: ſecus foret autem ſi hæc arriperentur contra extra-

neum

neum libertatis aggressorem nullo jure suffultum. At neque III.) suffragatur illis prætextus alius, ubi clamant *saltem libertatem Religionis* justam esse causam belli: quia conscientias a DEO libertate donatas Princeps nequit violenter compellere: huic igitur resistendum est, si vim inferat: hac autem ratione *Status* vix alia justior dari potest. Sed & huic argumento satisfacimus jam supra hic à m. 330.) ubi demonstratum est, conscientias a DEO libertate donatas esse, non ita ut quis libere possit a religione *unice vera* deficere *licite*; illicita autem defectione nequit justificare bellum, alioqui omnes Apostatae, fures, latrones & malefici gauderent hoc privilegio, utpote qui *naturali* libertate a DEO donati sunt, ut extendant manum ad quod voluerint, *ignem vel aquam*, bonum vel malum; hæc enim *physica* potentia subsunt, non *moralis* licentia;

1001. II.) Ob eandem rationem etiam *METUS VICINÆ POTENTIÆ* nimium accrescentis; nequit *generaliter* justa esse belli causa. Ac proin distinguendum est: Vel enim *certus & propinquus* metus injustæ aggressionis est? v. g. perpetuus Christiani nominis hostis Turca in dies auget exercitum; alias & alias conquirat Provincias; appropinquat limitibus S. R. Imperii, vel alterius Christiani Regni: Hoc casu adest quidem *secundum se* certus; imò evidens *metus* vicinæ potentia; sed nondum tribuit jus armorum contra eam arripiendorum, quia nondum *certo* constat *de animo* ejus nocendi: Et quamvis haud necessum sit; ut in his circumstantiis, Turcis vicinum Christianorum regnum primum expectet idum, & tandem patisotia continuet, usque dum præpotens vicinus bellico apparatu apprime instructus, grandi cum exercitu imparatum adoriatur; nihilominus non aggressioni: sed prudenti tantum cautelæ locum hic concedi dicimus. Si enim morali certitudine nondum in comperto est, eum velle initia *fœderis* rumpere, & nocere; tunc naturalis prudentiæ regula permittit alterum vicinum eodem modo sese ad bellum parare, ac prius *cautionem de non offendendo* a præpotente altero exigere; qua recusata non prohibetur bellum intentare; & adversarium suum, si videatur esse conveniens; prævenire; tunc enim adest moralis certitudo de animo hostili.

1002. Quod si verò *METUS* purè tantum *probabilis & remotus* est, tanto minus *solus* ille tribuet jus certum ag-

gressionis vel defensionis actu intentandæ. Quia quamdiu alter non læsit, tamdiu est in possessione, & habet jus strictum erga quemcunque, ne a consecutione eorum, quæ juste acquirere vult, impediatur per vim, vel fraudem ab alio, prout recte ait Grotius de J. B. & P. L. 2. c. 22. §. 5. Metum ex vicina potentia non sufficere; Ut enim justa sit defensio, necessariam esse oportet, qualis non est, nisi constet non tantum de potentia: sed & de animo lædendi, & quidem ita constet, ut certum id sit ea certitudine, quæ in morali materia locum habet. Qui Auctor reprehendit etiam eorum sententiam, qui justam Belli causam statuunt, si vicinus nulla pactione impeditus in suo loco arcem muniat, vel aliud fortalitiū erigat, quod damnum aliquando dare possit. Nam adversus tales metus non vis bellica, sed contrariæ in suo quoque territorio munitiones, & si quæ sunt similia remedia, querenda sunt, juxta illud Luc. 11. v. 21. Cum fortis armatus custodit atrium suum, in pace sunt ea, quæ possidet.

Si autem vicinus potentiam majorem quæreret per injustam invasionem alicujus Reipublicæ, & hæc in auxilium vocaret alium Principem, posset is auxilium ei ferre, & cum illa societatem armorum inire ea lege, ne vicinus ille Princeps statum suum per injuriam vicinarum Provinciarum elevet. Quia universim licitum est opem ferre juste bellanti contra aggressorem injustum, & inter Belligerantes eam partem juvare, quæ justam causam adversus alteram habet.

1003. III.) *ÆQUILIBRIUM*, la Balance Gallis, fundatur etiam in supra explicato metu vicinæ, aut cujusvis alterius nimium crescentis potentie, ne scilicet, si quis Princeps vel Respublica, aut Natio ad majores vires perveniat, minores Respublicæ vel Principes sensim supprimantur, aut in ordinem redigantur. Non minus igitur injustum erit Bellum, quod ex solo æquilibrii inter Gentes servandi aut introducendi prætextu apparatus, quam injustum est alterum, ex solo crescentis potentie timore susceptum. Utroque enim casu, neque de actuali injuria & læsione, neque de lædendi animo moralis saltem adest certitudo, ac proin nec Bellum defensivum, cum desit necessitas & justa causa: nec offensivum, cum hæ ipsæ etiam hic requisitæ conditiones desint, suscipi possunt. Adversus incertos igitur eventus a divina providentia, & ab

utilitata Gentibus *cautione innoxia*, non a vi præsidium quærendum est. Alioqui ob solam utilitatem propriam, non ex motivo justitiæ, Bellum institueretur, & vitæ humanæ nunquam plena constaret securitas; quod nedum Gentium: sed naturali etiam juri repugnat, dicente Quintiliano l. 5. c. 13. *Quis hoc statuit unquam, aut cui concedi sine summo omnium periculo potest, ut eum occidat, (aut invadat) a quo metuisse se dicat, ne ipse posterius occideretur, invaderetur.*

1004. Excipit contra hæc, post alios; Jac. Lechmannus in *Trutina seu bilance Europæ*, c. 2. §. 4. 27. & 29. dicens: *Æquilibrium seu bilanx Europæ est de institutione & jure Gentium.* Quia harum instituto dominia eo modo divisa sunt; quo esse divisa convenit ad conservationem Gentium earumque externam tranquillitatem. Divisa itaque sunt cum ea limitatione, ut proportio virium inter diversos Populos & dominia eorum observetur, quæ cum servari nequeat inter potentiores & debiliores viribus; adest obligatio ex jure Gentium excessum hunc reducendi ad æqualitatem; in quem finem omnes Populi; vel saltem vicinæ regiones necessarios Belli sumptus conferre tenentur: Ita ille. Cui præfaga mente satisfecisse videtur D. Aug. L. 4. de Civit. DEI, c. 6. dicens esse *grande latrocinium; sola Regni cupiditate arma laceffente; vicinum sibi non molestum aggredi*: Quod si e sententia Lechmanni & sequacium adest obligatio aggrediendi alterum, cumque iuste parta substantia spoliandi, non quod aliquid *cuiuspiam debeat*: sed quod *plus aliis habeat*, hi ipsi Pseudo-politici; ne contra obligationem affectam delinquant, deberent substantias suas; si quas aliis majores habent, distribuere inter illos, quos parcior fortuna minore rerum copia dotavit. Hæc responsio Machiavelli argutiis sufficeret: sed in promptu est alia:

Fallitur enim Auctor in suo assumpto; nam etsi dominiorum divisio, Regnorumque distributio ac institutio; juxta dicta hic a nu. 774.) suam formam confuse ac in genere spectatam Gentium juri debeat, nullo modo tamen ei debet *materiam rerum*, & Provinciarum Regnorumque numerum; quæ a providentia Divina ac humano sudore, labore, & industria; in majore vel minore quantitate provenire possunt & solent, his autem suos possessores *solius æquilibrii servandi causa spoliare inhumanum est*, per ea, quæ attulimus a n. 737.) Non igitur *physicum* rerum dominio

minio humano subjectarum: sed morale æquilibrium, ad pacem & tranquillitatem Gentium necessarium est, ut scilicet unusquisque subter ficum & vineam suam se contineat, ac suis contentus possessionibus, minime invidet vicinis suis, quorum fortunæ bonâ æmulatorum pungunt oculos, canente Ovidio:

Fertilior seges est alieno semper in agro,

Vicinumque pecus grandius uber habet.

1005. Dixi: ex solo æquilibrii prætextu. Quia si alia iustâ adfuerit causa, quæ vim primarii motivi habeat, nihil oberit, cur etiam prædicta æquilibrii ratio tanquam mere consequens, & secundaria locum non habeat. Ita v. g. Machometanorum potentiam, ex solo æquilibrii fine non licet aggredi; dantur tamen alii iusti tituli, qui id suadere possunt, si nimirum aliquam e Christianis Provinciis sua tyrannide dnce invadat, opemque vicini Regni aggressionem passi Christiani implorent: aut si Barbarus hostis conclusa fœdera non servet &c: his & similibus casibus eum præcipuo eoquæ iusto motivo optime conjungi poterit etiam secundarium bilancis servandæ.

Quod ipsum probant etiam exempla variarum Gentium. Ita quippe cum Troja obsideretur, omnes late populi ex Aegypto quoque advolarunt & abierunt in ejus partes, non quidem directe propter Priamum & Trojam obsessam: sed ex fine ne Argorum cæterorumque Græcorum vis immoderata evaderet, Republica Trojanorum subacta, huic igitur ferre suppetias poterant, injustam expugnationem ejus judicantes. Ubi etiam Romani Carthaginensibus jugum minati sunt, adverterunt Syriæ Reges, quid præpotentis Romanorum res portenderet, & sese ingesserunt, irata licet fortunâ & impari Rômanis viribus, quæ tunc acerrimæ erant. Inter Gothos quoque Italiæ, Hispaniæ & Galliæ, ac inter Græcos Imperatores, quid tentaverint Reges Franci, ne alterutri per aliorum injuriam ex crescerent, historiæ loquuntur.

1006. Non desunt equidem Politici, qui pro confirmanda sua hic refutata opinione asserant: ex quo tempore Domui Habsburgico-Austriacæ quasi subito magnâ prope Orbis terrarum pars velut sponte accessit, initio quidem sola fere Francia se murum objecit, tum paulatim alii etiam populi lanci se alteri imposuerunt: simile quid adducunt de Domo Borbonica, enarrantes: rebus in con-

trarium versis, & Francis opibus tamen non ita subito incremento emergentibus in altum, iidem qui Austriacis antea repugnauerunt, capere nunc eosdem sustentare & Francis adversari. Ex his suspicantur illi Scriptores & concludunt, causam præstiti ante hæc Franciæ favoris non fuisse amorem fœderatorum erga Francos: sed aliam. Rursus præstiti postea Austriacis subsidii causam non fuisse amorem erga Austriacos, sed diversam, scilicet propriam non nisi utilitatem & solius æquilibrii salvandi motivum.

Verum divinatio hæc solo temerario judicio, non sine gravi Domus Austriacæ & Borbonicæ injuria, veritatisque frivola impugnatione nititur. Evolvantur Annales historici, ex quo Augustissimæ Domus illæ serenissimam lucem primo mane aspexerunt, & fiet in aprico contrarium, scilicet neutram earum solam propriam utilitatem per fas & nefas, nec solum æquilibrii salvandi finem intendisse; quo alterutra pars jussu quæsito jure, sine alia rationabili causa privaretur. Cum autem quæstio hæc in falsosita sit, nec aliter quam ex Historicis & Publicistis probari possit: Videatur hæc de re Gerh. a Roo *Hist. Austr. lib. 1. p. 31. Cuspinian. p. 353. Lunigius Reidit Archiv. p. spec. cont. 2. Struv. Corp. Jur. Publ. L. 12. §. 6. & L. 20. §. 11. ac L. 22. §. 36. Trebellius Pollio in Gallieno c. 8. Corpus historiæ Germ. part. 3. §. 22. & seqq. Gregor. Turonensis l. 2. c. 9. Gesta Francorum epitomata c. 4. & seq. &c. &c.*

1007. Quidquid igitur *Lechmanni* sequaces pro justitia Belli, solius æquilibrii sustentandi causa adducunt, elumbe est, quibus communis Eruditorum sensus contrarium tuetur, uti cum Theologis tenent *Schiara lib. 1. diffie. 9. a n. 9. Knichen. Oper. Polit. l. 2. cap. 4. §. 2. tb. 9. q. 1. Efferen l. c. f. m. 809. L. B. de Pelzhoffer. l. c. l. 9. c. 4. f. m. 24. Vitriar. ad Grot. l. 2. c. 22. q. 3. Puffend. l. 2. c. 5. §. 6. ac l. 8. c. 6. §. 5. Huber. de Jure Crvit. l. 2. c. 4. §. 4. §. 33. & 2. seqq. Illustr. L. B. de ICKSTATT in Elem. J. G. L. 4. c. 7. §. 9. f. 362. Qui, aliique Auctores famosæ, paremiæ: melius est prævenire, quam præventi, satisfaciunt, ubi respondent, id esse rationabile, si adfuerit *certitudo moralis*. & *denegatio cautionis* ex parte crescentis vicinæ potentæ; tunc enim hostilis nocendi animus jussu præsumitur, secus fore, si animus ille solummodo ex incertis signis præsumatur, timeaturque ne forte aliquando accrescens potentia noceat.*

§. III.

De transitu bellantibus concedendo: & quid liceat
Gentibus in Bello.

S U M M A R I U M.

1008. &c. Datur obligatio concedendi transitus non militaris.
1010. &c. Militarem multi negant esse concedendum Jure
aliquo; plures quoque admittunt. Super quo afferun-
tur utriusque sententiæ momenta.
1013. &c. Statuitur media opinio cum solutione contrariorum.
1016. Capta Civitate licere diripere Sacra, docet Grotius.
1017. &c. Sed refellitur ex Jure, Auctoritate ipsorummet
Esbnicorum, non minus ac ex insequentia suæ do-
ctrinæ, tum ex gravi Ratione.
1024. &c. An Victor possit cogere captivos ad militiam?
1029. &c. Repressaliæ & retorsio juris iniqui an sint licite?

Q. I.) An quis teneatur bellantibus concedere transitum
per suas terras, ita ut si denegat, justa bellica causa
oriatur alteri contra denegantem?

1008. **E**Xtra controversiam positum est, quod *abstrahendo*
a transitu *numerosi exercitus*, adsit obligatio, qua
Dominus territorii *jusse* petenti transitum per suas ditiones te-
netur permittere, quoties gravis denegandi causa abest. Id
enim exigit *jus servitutis naturalis*, *vi cuius*, juxta dicta hic a
n. 792.) unicuique hominum *justa non impedito causa viæ*
publicæ usus innoxius competit, inde vero etiam per ter-
ritorium transitus negari haud potest. Tum ideo, quod
dominia inter Gentes *introducenda* sint cum clausula & ex-
ceptione talis usus, qui prodest transeuntibus, & illis, per
quorum fines transitus non nocet: tum quod *jura huma-*
nitatis, & *officiorum imperfectorum* proximo exhibendorum
indoles id exigant, ut liquet ex n. 618.)

1009. Et licet obligatio hujusmodi ex lege humanitatis
& *imperfecto officio* naturali proveniens tanta esse alicui for-
san non videretur, ut *jus servitutis naturalis*, ejusque *pu-*
blicæ (quod rigorosum & perfectum est) fundare queat;
Nihilominus itaq; *firma assertio* nostra, quia per ea
Jus Nat. & Gent. Ss quæ

quæ a n. cit. 618.) diximus, obligationes ex imperfectis officiis naturalibus provenientes transeunt in perfectas & absolutas, quoties *injusta* negatio imperfecti illius officii, gravis detrimenti a negante sufficienter prævisi & cogniti est causa vel occasio. Qua in re consentit Puffend. de J. N. & G. l. 3. c. 3. §. 5. Herz. *dissert. de Servitut. natural. Sect. 1. §. 2.* ac in *Prolegom. ad eand. dissert. §. 9.* Engelbrecht *de Servitut. Publ. Sect. 1. §. 2.* & alii post Grotium de J. B. & P. l. 2. c. 2. §. 13.

1010. II.) Loquendo tamen de transitu militari, ac præsertim numerosi exercitus; de obligatione concedendi illius, & inde oriente justa causa belli contra negantem, in utramque partem controvertunt DD. Nam Covarr. in *regul. peccatum p. 2. §. 9. n. 4.* Molina *disp. 104. allegans Castrum & Victoriam; Grotius l. c. lib. 2. c. 2. §. 13. & in fidem ejus Heizman confist. jurid. de J. B. c. 4. n. 23.* Schiata l. 1. *difficult. 10. n. 6.* Knichen *Oper. polit. l. 2. p. 4. Sect. 2. th. 9. n. 2.* cum pluribus aliis affirmativam tuentur, dummodo is, qui transire per alienum territorium desiderat, petat transitum, bellumque justum instituat contra suum adversarium, & sufficientem præstet cautionem de indemnitate loci per quem transiturus est. Quod si his omnibus purificatis conditionibus nondum quod petit, obtineat, hoc casu justam belli causam contra eum, qui transitum denegat, subesse putant, ex his motivis. 1.) Quia dominium inter Gentes introductum est cum hac conditione liberi transitus innoxii, ut diximus n. 1008.) Dein 2.) in Sacra historia Numeror. 20. v. 16. & 21. v. 21. Moyses ob negatum transitum per terras Amorrhæorum, cum prædictis conditionibus petitem, Bellum indixisse legitur, & quidem justè, ut ait D. Aug. super Numeror. q. 44. dicens: *innoxius enim transitus denegabatur, qui jure humane societatis æquissimo patere deberet.* Et tandem 3.) Quia jus transeuntis non tollitur metu, quem dominus territorii objicit, & si quidpiam prudenter timeatur, cautionem adhibere licet.

1011. Jam vero in negativam propendunt Puffend. l. c. l. 3. c. 3. §. 5. Vitriar. ad Grot. l. 2. c. 2. q. 32. Gronov. in not. *ibid. n. 64.* Ziegler *ibid.* Muelen *ad eund. l. ac alii his rationibus permoti. 1.)* Quia etiam admisso, quod transitus innoxius per alienas terras per se loquendo proveniat ex jure naturalis libertatis, tamen adhuc non est satis explor-

ploratæ certitudinis, quod ei, qui Bellum contra tertium gerit, ius naturale vel Gentium assistat, exercitum per alienas terras ducendi. 2.) In confirmationem hujus adducunt varia exempla a permultis Nationibus & Regibus, qui negarunt transitum, minime examinata causa, an bellum iuste vel iniuste attentatum fuerit ab eo qui transire voluit. 3.) Inducunt varia pericula ex concessione hujus transitus, quantumvis *innoxius* ab initio visus fuerit, & *cautione premissa* subsecutus, facile eam amicus exercitus, ubi in viscera Provinciæ venerit, sedem Belli ibidem figere potest, prout non semel factum fuisse docent historiæ. 4.) Dicunt, Grotlanæ opinionis sequacium inutilem esse distinctionem, cujus ope persuadere volunt, transitum esse concedendum, si ille qui eum petit, *iustum Bellum* instituat contra tertium: negandum vero, si *iniuste* eum aggrediatur. Ajunt enim: adjudicationem istam fore temerariam; eo quod examinatore hic ultro se duobus armatis Principibus velut arbitrum interponere, & tantam litem suam facere præsumat. Demum 5.) Transitu itaque alterutri parti concessio, alterutram offenderet, & bello implicaretur.

1012. Momenta quoque primæ illius opinionis hunc in modum resolvunt: *Ad 1.)* negant esse *certum*, quod hæc conditio innoxii transitus *militaris* divisioni dominiorum adjecta fuerit: imo negant etiam suppositum, quod possit esse, *prædicte* loquendo, *innoxius* transitus. *Ad 2.)* Respondent contrarium patere ex verbis *Numeror. 20. v. 21.* quod Moyses non ideo indixerit Bellum Regi *Edom*: sed potius *ab eo divertit*, multoque itinere circumvit terras ejus. Quamquam potuerat directe aggredi eas, tum quod terræ hæc fuerint ex illis septem, quas *DEUS donaverat* Populo Israelitico: tum quia *Sehon* Rex Amorrhæorum primus erat, qui numerosum exercitum opposuit Hebræis transitum petentibus, provocati igitur poterant vim vi reprimere juxta illud Poetæ:

Armaque in armatos sumere jura sinunt.

Ad 3.) dicunt metum *imprudentem* non tollere ius alterius, secus autem si *prudens* fuerit, ita ut ex illo graviora mala suo territorio impendentia a Rege vel Republica prævideantur. Ad cautiones autem respondent; eas esse remedia mere speculativa.

Examinatis jam utriusque sententiæ momentis, quarum primam excessu; alteram defectu laborare palam est, mediam

viam incundam hic censemus, quapropter, ad propositam questionem:

1013. *DICENDUM* videtur I.) Transítum militarem etiam numerosi exercitus *innoxium & pacificum* concedendum esse, si hic sine territorii sui præjudicio & offensione alterius bellantis fieri posse speretur, ac prævia sufficienti de non offendendo cautione, amice expetitus fuerit a Natione, quæ *saltem non certo*, aut manifeste iniquam belli causam contra tertium habere dignoscitur. II.) Ille tamen a Principe vel Republica neutri belligerantium parti adherente negatus, aliam justí Belli & hostilitatis causam regulariter non tribuit, quam ut vicinus exercitus non injustam alias expeditionem contra suum æmulum aggrediens, vim resistentis territorii armatam, *visitantum simili repellat*, cum eo moderamine inculpatæ tutelæ, quale sufficit ad transítum sibi aperiendum, quin alias Provincias hujus partes expugnet, vel infestet,

Ratio I. est.) Quia in præallegatis circumstantiis negata obligatione hujus concessionis, *primo* commune Republicæ Christianæ bonum summum detrimentum pateretur; hac quippe ratione nunquam licite, imo nec prudenter institui posset Christianorum expeditio pro recuperanda Terra sancta, ac illi qui e longinquis Regionibus, vi etiam armata contra renitentes transítum sibi quaesierunt, inique egissent: quod tamen sine temeritate dici haud potest, siquidem illi de pacifica & innoxia migratione sua, Incolas Provinciarum quas pertransibant, securus reddiderant, & re ipsa implere cautionem parati erant. *Secundo* ob eandem rationem cessare deberent commercia inter Gentes & *jus innoxie utilitatis*, quod repugnat Juris Gentium & naturæ placitis, de quibus innuimus hic n. 1008. & seq.) Demum *tertio*, quia juxta tradita superius n. 400. & seq.) *In valde gravi necessitate*, saltem *quo ad usum*, (tanto autem magis ad usum *innoxium*) reviviscit jus illud primævum rebus utendi, tanquam si communes mansissent, nisi possessor sit in æquali necessitate, aut alia ratione necessitas evadi possit: In omnibus enim legibus humanis, ac proinde & in lege dominii, illa necessitas videtur excepta, propter *utilitatem* communem Gentium, ut colligi potest ex n. 729.) ubi de principio indicativo Juris Gentium egimus. Nec refert, quod forte necessitas transítus non fuerit *extrema*, nam sufficere etiam *valde gravem ex-*

extraordinariam, constat jam ex n. 387.) præsertim cum hæc conjuncta sit cum pacifico ac innoxio transitu aliter non evitabili citra gravissima incommoda:

1014. Ratio secundi est.) Cum enim juxta argumenta alterius sententiæ (n. 1011.) relata; quantumvis innoxius cogitari possit magni exercitus transitus, tamen ille vix potest omnibus catere molestiis, quas regioni, per quam transit, inferre solet, hinc Dominus territorii illius non omnino iniustus est, si propter rationes œconomicas, aliasve sibi melius perspectas, omissis momentis forte longe gravioribus, quas transitum petens exercitus pro sua parte habet; absolute recuset ingressum vicini Militis in suos fines. Hoc autem posito: rationes Domini territorialis, etiamsi debiliores forent; quia tamen conjunctæ sunt *actuali possessioni* suæ regionis, faciunt causam eius saltem *respective* vere probabilem juxta suam irrefragabilem opinionem, quam si alter habeat longe verisimiliorem, aut absolute ac certo justam causam, habet quidem jus tollendi viæ obstacula, & vim vi repellere: sed non ultra hostilitates extendere; quam ad vim propulsandam sufficiat, ea enim repulsa obtinet liberum transitum, quem solum intendebat, nec Dominus territorii in quopiam sibi alio publicam injuriam intulit, quæ legitimam Belli causam dare venseatur, nec omnino *inique* aut *inutilitose* se opposuit. Cur igitur hostiliter in totam ejus regionem agendum sit, & cur illa expugnari, ac etiam (si belli alicui permiserit) occupari ab hujusmodi Victore possit; plane nec æquitas, nec sana ratio persuadet.

1015. Id, quod asseruimus, firmant exempla. Ita quippe apud Plutarch. *hist. l. 4.* legitur fecisse *Agessilaus*, qui ex Asia rediens, cum a Rege Macedonum transitum postulasset, atque is consulaturum se dixisset; *Consultet*, inquit, *nos interea transibimus.* Batavi quoque apud Tacit. *lib. 8.* Bonensibus nunciant: *si nemo obsisteret, innoxium iter fore: sua arma occurrant, ferro viam inventuros.* Simile quid tradunt veterum annales apud eundem Plutarchum de *Cimonis* Lacedæmonis supplicias laturo, qui invitis incolis per agrum Corinthium traduxerat copias &c. quin tamen vel hic vel alii plus hostilitatum in regiones illas exercuisse legantur, quam quod ferro viam sibi aperire parati fuerint, aut reipsa aperuerint.

Q. II.) *An juxta bello per vim occupata Civitate, vel Provincia, liceat capere & diripere res sacras?*

1016. Vir solide eruditus, imo quivis etiam literarum expertus, naturali tamen rationis usu præditus quæstionem hanc putaret forsan superfluum, utpote *negativa* responsio videtur se nota esse, nec prudens admittere dubium in partem contrariam. Inter Protestanticos tamen Scriptores celeberrimus Hugo Grotius de J. B. & P. L. 3. c. 5. §. 2. cum multis aliis, & quod mirum est! Christianis Auctoribus, *affirmativam* tueri opinionem non erubuit, nixus textu Ethnici Jcti Pomponii in L. cum loca 36. ff. de Religios. dicentis: *Cum loca capta sunt ab hostibus, omnia desinunt sacra esse.* Nempe secundum Grotii & ejus sequacium principia, *res sacrae* non sunt humanis usibus penitus exemptæ, sed sunt *publicæ* ac summæ Potestati sæculari subjectæ, cujus est, ex re sacra profanam facere, aut illam profanis usibus deputare, quod ipsum jus in res sacras sine religionum discrimine cuivis Victori etiam Ethnico ac infideli liberaliter tribuit, nulla religionis Christianæ habita ratione.

1017. Verum absolute certum est, res sacras & bona DEO dicata bellicæ direptioni ac devastationi, *per se* loquendo, nullatenus subesse. Ita sentiunt nedum veri Christiani, sed etiam *prudentiores* Ethnici.

Quia vero Grotius contra res sacras & divinas assertam opinionem suam fundat in citato *Juris civilis* textu, ab homine Gentili prolato: operæ pretium fore existimamus, si in hac Dissertatione demonstramus, Grotium cum suis sequacibus a Jure civili aberrasse; in naturali autem ratione sibi ipsi non satis constantem fuisse, cum hæc scriberet.

1018. Et quidem l.) Fugit Grotium hac in parte *notitia Juris Civilis*, in quo ille fundat intentionem suam. Nam quidquid Ethnicus Jctus Pomponius l. c. dixerit, contrarium statuerunt Christiani Imperatores, ut videre est in L. *universi fundi Templarum* 4. C. de fund. rei privat. & salub. *Divinae domus.* Ubi Gratianus & Valentinianus declarant, Ecclesias & res earum esse in speciali *salvaguardia* & protectione contra quemcunque aggressorem. Quod privilegium extenditur ad hospitalia & loca pia, l. *omnia privilegia* 35. C. de Episc. & Cler. tum Novel. 131. cap. fin. Quo facit l. inter 83. §. *Sacram.* 5. ff. de V. O. ubi docemur, Eccle-

Ecclesias, quæ semel dicatæ DEO sunt, in profanos usus redigi amplius non posse; nequidem propter abusum, sed potius in meliorem & pium usum esse convertendas docet Novell. 37. de Eccles. African. De quibus videantur Schurppf. conf. 48. n. 5. & 6. Cent. 1. Gilman. 4. 1. vot. 3. n. 59. V Vesenb. lib. 1. conf. 37. n. 8. Rosener lib. 5. c. 2. verb. Ecclesia n. 25. & alii Protestantes J Cti, ad cit. LL.

Concordant hac in parte alii Imperatorum; etiam Gentilium dispositiones, quæ nedum rem DEO dicatam: sed ne quidem locum religiosum (inter quæ sepulcrum &c. numerantur) diripi aut ullo modo a quopiam violari, imo neque jus servitutis illi imponi permittunt, tales sunt, l. 2. §. sepulcrum 5. ff. de Religios. l. 9. C. d. t. l. 73. §. 1. ff. de contrab. empt. l. ult. §. pen. ff. quod vi aut clam. adeo, ut locus hujusmodi sit etiam commercio humano prorsus exemptus, l. 23. §. 1. l. 43. ff. de Rei vind. l. si sepulcrum 4. C. de Religios.

Tanto autem magis leges etiam civiles, in omnem tamen pacis quam Belli & victoriæ, aut cladis eventum, semper sollicitæ erant pro immunitate rerum sacrarum, ut liquet ex l. 21. & l. 23. C. de SS. Eccles. l. 9. §. ult. ff. de rer. divis. ac l. 63. §. ult. ff. pro Soc. juxta quas sanctiones, res DEO consecratæ suam conditionem nec bello nec pace mutant.

1019. II.) Ex his autem patet Grotium non percepisse Pomponii mentem in cit. l. Cum loca 36. ff. de Religios. expressam. Ethnicus enim J Ctus ille non assertive: sed mere enunciative, pure scilicet referendo ac enarrando improbitatem Victorum, etiam locis sacris a direptione non parcentium, protulit verba illa in prædicta lege 36. contenta, quæ ita sonant: Cum loca capta sunt ab hostibus, omnia desinunt religiosa vel sacra esse: sicut homines liberi in servitutem perveniunt. NB. NB. Quod si ab hac CALAMITATE fuerint liberata, quasi quodam postliminio reversa pristino statui RESTITUUNTUR. Non igitur Gentilis J Ctus hic asseruit res sacras jure diripi a victoribus, occuparique posse: sed summa injuria, & CALAMITATE id illis quandoque accidere, barbara feritate attentatum. Confer Glossam & DD. etiam protestanticos, in hanc legem commentaria scribentes. Quod si, ut textus citatus ait, sacra illa a barbaris raptoribus reversa pristino statui restituantur: igitur falsum est, illa desuisse esse sacra: sed potius verum est, violatam tantum ac interruptam fuisse reverentiam ac immunitatem, quæ illis debita erat.

1020. III.) Rebus sacris & increato Numini injuriosa doctrina Grotium auctorem suum probat distracta mente tunc, dum eam conciperet, fuisse, atque adeo nihil solidi ex ejus ratione concludi posse. Naturalista quippe hic cit. lib. 3. c. 5. §. 2. asseruit *res etiam sacras mero Jure Gentium* spectato, citra scrupulum diripi a victoribus posse, ac in confirmationem opinionis huius plures Poetarum fabulas & Ethnicorum scriptorum dicta coacervasse legitur. Jam autem eodem lib. 3. c. 12. §. 7. quasi Lethen bibisset, oblitus eorum, quæ superius scripserat, ex adductis etiam Gentilium testimoniis omnia suæ assertioni contraria affert. Etenim d. §. 7. n. 1. ait: „ Summam esse rationem; „ quæ facit pro religione: Tam pro religiosis quam pro „ sacris pia extat Euripidis sententia Troadibus:

„ *Homo quisquis urbes vastat, & Dis manibus*

„ *Sedes sacratas, templaque; haud recte sapit:*

„ *Nam similis ipsum pestis excidii manet.*

Idem Auctor ibidem postquam e sententia Apollonii Tyanaei Annibalem sacrilegum victorem dixit, qui *Deum sacra miscuit aras*, aliud n. 2. inducit exemplum, quod nempe Scipio capta Carthagine, milites donis ornarit, iis exceptis, qui in Apollinis templum peccaverant: Caesar quoque, ut narrat Dio lib. 24. trophæum a Mitridate structum *tolere ausus non est; ut belli Diis sacratum*. Pyrrhi etiam factum, qui Proserpinæ thesauros spoliaverat, sædum & in Deos superbum vocat Grotius, ex Livio desumens argumentum. Bellum pariter Philippi, quasi Diis illatum, nefarium, ac sceleratum furorem appellat, quia NB. *ultra ius victoriæ, in templa, aras, sepulcra servit*. Demum concludit ille verbis Polybii, invehiturque in omnes Victores, qui etiam in multa Gentilium simulacra idolaque laxant manus, eaque ornamentis suis spoliant, dicens: *Quæ neque nobis ad bellum futura sunt usui, neque hostibus incommodum datura; ea ire perditum; templa maxime, & quæ in iis simulacra & similia ornamenta; quis neget MALÆ MENTIS, & præ ira furibunda esse opera?* &c. An igitur Naturalista hic sibi ipsi constiterit? Iudicet prudens Lector: nisi forte, quod, ubi pro immunitate idolorum, ethnicae superstitionis causa zelum suum effudit, Christianorum sacra deterioris conditionis esse voluerit.

1021. IV.) Sed jam convincit eum suosque sequaces sanior ratio. Primo enim Bellum non geritur contra DEUM, verum

verum contra homines, ac, ut dixit Polybius etlinicus ab ipso met Grotio citatus: *cum hominibus irascaris, ob id impie in Deos agere, summe STULTITIÆ signum est.* Cum igitur Tempa non hominibus sed DEO ædificentur, resque & vasa sacra illius cultui consecrata sint, ac bona sustentationi Ministrorum ecclesiasticorum necessaria pie applicata noscantur, ea rapere, pedibus conculcare, aut data opera & studio vastare ac ditare; nefas & impium est. Secundo, Ecclesia, qua talis, per assecta & probata a n. 213.) non est pars Reipublicæ bellum gerentis: sed constituit separatim quoddam corpus spirituale à corpore politico distinctum: Hinc sicut naturalis iure vetitum est, res & bona eorum, qui partes Reipublicæ bello implicatae non sunt, ausu temerario attingere, sic prohibitum est res & bona Ecclesiastica invadere, spoliare, disperdere, nisi forte id indirekte eveniat, uti fit in expugnatione Urbis, ubi etiam Tempa diruuntur per accidens:

1022. V.) Grotio itaque contrarius hac in parte, post alios, reperitur L. B. de VVolff. qui *Inst. J. N. & G. p. 41 c. 8. §. 1195.* hunc in modum de vastatione rerum hostilium loquitur: Eodem modo intelligitur demolitionem munitiorum licitam esse, postquam expugnata fuerunt, ubi ea demoliri visum fuerit: NB. ast sepulcrorum & monumentorum sepulchralium, rerumque SACRARUM vastationem illicitam esse, cum nobis nullum competat ius in gentem alteram propter religionis diversitatem, si vel maxime sit idololatrica, nec res sacras vastare liceat, quod superstitioni aut idololatriæ inservire putentur. Se ipsum etiam refellit Grot. 2. 3. c. 15. §. 2. a num. 1. ubi ait, Victorem nihil posse circa religionem Provinciæ sibi subjugatæ: sed debere eam tolerare, nisi certo falsa foret: igitur res sacre non sub sunt arbitrio Victoris. Videatur Textor in *Synopsi J. G. c. 18. n. 36.* Schiara *theol. bel. lib. 6. diff. 18.*

1023. Omnium autem oraculis longe præferendum est illud, quod æterna Veritas pronunciavit *Math. 21. v. 13.* *Domus mea domus orationis est: vos autem fecistis illam speculaculum latronum, talem utique eam facient, qui docent, licite posse illam data opera malitiose devastari, resejus diripi, victoribus in spoliis cedere: & ii qui scelestam doctrinam hanc exequuntur &c.* Nam etsi forte Ministri Ecclesiastici in quopiam offenderent Victorem exercitum: non tamen Ecclesia & res ejus sacre offenderis-
cen-

consententur, rēdum naturali: sed etiam positivi juri, regula id dictante. *Delictum personæ non debet nocere Ecclesiæ*, 76. de R. J. in 6. Confer Turrecrem. ad can. Sanctorum. Silvestr. Ebbeth.

Q. III.) *Possintne Christiani Victores. justo saltem ex sua parte bello apprehensos captivos Christianos cogere ad militiam, in suis castris contra priores suos Duces & Principes exercendam?*

1024. Pro affirmativa decisione stare videtur ratio; quia *justi Belli* inter tres alios effectus, primus est iste, quod jus in captivos tribuat victori, cui demum nascitur imperium in victos, vi cujus singulos eorum potest subjicere servituti personali.

Cum enim *juste* obtenta victoria ex parte Victoris operetur dominium, & ex parte captorum servitutem seu subjectionem, ratione cujus Dominis omnia fere licent in captivos, quo ad personas, res & jura, imo & in vitam, si fides sit Cajo Jcto in l. i. ff. de his, qui sui vel alien. iur. dicenti, apud omnes Gentes dominis in servos vite necisque potestatem fuisse; His attentis non apparet ratio, cur Princeps Christianus ejusdem Religionis Christianæ captivos nequeat cogere ad militiam & arma sumenda contra Principem, cui militarunt tunc, dum caperentur; præsertim cum opinio hæc sicut auctoritate Eruditorum non caret, ita a praxi Belligerantium robur suum nancisci videatur.

1025. Verum his non obstantibus, *negativa* opinio communis & certa est, ex hac ratione. Quia effectus hic Belli pro affirmativa sententia adductus, licet quomodocumque perseveret apud Gentiles; inter Christianos tamen Bello invicem concertantes jam dudum cessavit, uti testes sunt Covarr. in Reg. peccatum p. 2. §. 2. n. 6. Victoria de Jure Belli n. 42. Silvest. verb. Bellum 1. n. 1. Molin. tr. 3. disp. 117. Grot. l. 3. c. 7. §. 9. n. 1. Indecens enim fuit, ut postquam Salvator noster ascendens in altum captivam duxit captivitatem, ad Ephes. 4. v. 8. ac plenaria libertate nos donavit, ad Galat. 4. v. ult. adhuc Christiana Gens sub iugo servitutis humanæ detineatur, Caritate, quæ inter membra ejusdem Corporis, sub uno capite Christo JESU intercedere debet, non ferente, ut, qui fratres sunt Math. 23. v. 8. unus alteri serviat, prout de his pluribus diximus supra a n. 814.) Cum

igitur Christiani a Christianis capti eximantur a conditione & subjectione servili, illi a Christiano Victore nequeunt ad rigidam servorum conditionem detrudi, ita, ut imperio mere *berili* gubernari, consequenter nedum contra suos priores Duces & Principes, sed etiam contra quemcunque alium *inviti* ad militiam exercendam, armaque sumenda *cogi* & adigi possint. Illustr. L. B. de Pelzhoffer *Arcan. Stat. l. 9. c. ult. n. 29.* Muelen. ad Grot. l. cit.

1026. Recte proin idem Grotius d. l. ex aliis Eruditis transcriptam doctrinam tradit dicens: *Christianis in universum placuit bello inter ipsos orto captos servos non fieri, ita ut vendi possint*, NB. AD OPERAS URGERI, & alia pati, quæ servorum sunt. Imo quod neque Machometani erga suos Machometanos captos barbariem hanc exerçant, testatur ille *ibid. nu. 2.* ubi ait: *Quod autem hac in parte Christiani idem & Machometistæ inter se servant. Mansit autem inter Christianos mos captos custodiendi, donec persolutum sit pretium, cujus æstimatio in arbitrio est Victoris, nisi certi aliquid convenerit.* Ejusdem sententiæ est Bart. in l. *Hostes*, ff. de captiv. Boer. *decis. 178.* Chalcocondylac. lib. 3. Leunclavius l. 3. & 17. Busbequius *epist. exoticarum 3.*

1027. Ex his autem patet resolutam esse rationem pro affirmativa adductam. Nempe falsum esse, quod Christianis in Christianos captivos competat jus servitutis *personalis* proprie dictæ & dominium *berile*, vi cujus subiectæ personæ vi coactiva *cogi* possint; sed tantum *quasi mere civile*, huic correspondente personarum subjectione *quasi mere etiam civili*, adinstar illius, quæ est in Civitate Regulari, tum *Monarchica*, tum *Poliarchica*, in qua subditi nullum quidem imperium exercent, libertatem tamen naturalem cum participatione jurium inde fluentium habent. Neque libertas hæc sublata est per captivitatem: sed tantum jure inter Gentes Christianas recepto, *limitata* usque dum captivorum permutatio fiat, aut pretium solvatur, vel aliter desinat captivitas. Neque eis plus imperare vi *quasi mere civilis* jurisdictionalis domini Victor potest, quam quod Gentium Christianarum jure permissum est; ut nempe pergant in locum captivitatis suæ destinatum, neve arma gestent sine consensu debite obtento &c. &c.

Consequens autem est, ut iidem capti Christiani, a Christiano Victore nequeant *cogi* ad juramentum militare *fidelitatis*. Cum enim per solam captivitatem non desinant esse

cententur, rēdum naturali: sed etiam positivi juri, regula id dictante. *Delictum persone non debet nocere Ecclesie*, 76. de R. J. in 6. Confer Turrecrem. ad can. Sanctorum. Silvestr. Ebbeth.

Q. III.) *Possintne Christiani Victores. justo saltem ex sua parte bello apprehensos captivos Christianos cogere ad militiam, in suis castris contra priores suos Duces & Principes exercendam?*

1024. Pro affirmativa decisione stare videtur ratio; quia *justi Belli* inter tres alios effectus, primus est iste, quod jus in captivos tribuat victori, cui demum nascitur imperium in victos, vi cujus singulos eorum potest subicere servituti personali.

Cum enim *juste* obtenta victoria ex parte Victoris operetur dominium, & ex parte captorum servitutem seu subjectionem, ratione cujus Dominis omnia fere licent in captivos, quo ad personas, res & jura, imo & in vitam, si fides sit Cajo Jcto in l. 1. ff. de his, qui sui vel alien. iur. dicenti, apud omnes Gentes dominis in servos vite necisque potestatem fuisse; His attentis non apparet ratio, cur Princeps Christianus ejusdem Religionis Christianæ captivos nequeat cogere ad militiam & arma sumenda contra Principem, cui militarunt tunc, dum caperentur; præsertim cum opinio hæc sicut auctoritate Eruditorum non caret, ita a praxi Belligerantium robur suum nancisci videatur.

1025. Verum his non obstantibus, *negativa* opinio communis & certa est, ex hac ratione. Quia effectus hic Belli pro affirmativa sententia adductus, licet quomodocumque perseveret apud Gentiles; inter Christianos tamen Bello invicem concertantes jam dudum cessavit, uti testes sunt Covarr. in Reg. peccatum p. 2. §. 2. n. 6. Victoria de Jure Belli n. 42. Silvest. verb. Bellum 1. n. 1. Molin. tr. 3. disp. 117. Grot. l. 3. c. 7. §. 9. n. 1. Indecens enim fuit, ut postquam Salvator noster *ascendens in altum captivam duxit captivitatem*, ad Ephes. 4. v. 8. ac plenaria libertate nos donavit, ad Galat. 4. v. ult. adhuc Christiana Gens sub iugo servitutis humanæ detineatur, Caritate, quæ inter membra ejusdem Corporis, sub uno capite Christo JESU intercedere debet, non ferente, ut, qui fratres sunt Math. 23. v. 8. unus alteri serviat, prout de his pluribus diximus supra a n. 814.) Cum
igi

igitur Christiani a Christianis capti eximantur a conditione & subjectione servili, illi a Christiano Victore nequeunt ad rigidam servorum conditionem detrudi, ita, ut imperio mere *berili* gubernari, consequenter nedum contra suos priores Duces & Principes, sed etiam contra quemcunque alium *inviti* ad militiam exercendam, armaque sumenda *cogi* & adigi possint. Illustr. L. B. de Pelzhoffer *Arcan. Stat. l. 9. c. ult. n. 29.* Muelen. *ad Grot. l. cit.*

1026. Recte proin idem Grotius d. l. ex aliis Eruditis transcriptam doctrinam tradit dicens: *Christianis in universum placuit bello inter ipsos orto captos servos non fieri, ita ut vendi possint*, NB. AD OPERAS URGERI, & alia pati, quæ servorum sunt. Imo quod neque Machometani erga suos Machometanos captos barbariem hanc exerceant, testatur ille *ibid.* nu. 2. ubi ait: *Quod autem hac in parte Christiani idem & Machometistæ inter se servant.* Mansit autem inter Christianos mos captos custodiendi, donec persolutum sit pretium, cujus æstimatio in arbitrio est Victoris, nisi certi aliquid convenerit. Ejusdem sententiæ est Bart. in l. *Hofes*, ff. de captiv. Boer. *decis.* 178. Chalcocondylac. lib. 3. Leunclavius l. 3. & 17. Busbequius *epist. exoticarum* 3.

1027. Ex his autem patet resolutam esse rationem pro affirmativa adductam. Nempe falsum esse, quod Christianis in Christianos captivos competat jus servitutis personalis proprie dictæ & dominium *berile*, vi cujus subiectæ personæ vi coactiva cogi possint; sed tantum quasi mere *civile*, huic correspondente personarum subjectione quasi mere etiam civili, adinstar illius, quæ est in Civitate Regulari, tum *Monarchica*, tum *Poliarchica*, in qua subditi nullum quidem imperium exercent, libertatem tamen naturalem cum participatione jurium inde fluentium habent. Neque libertas hæc sublata est per captivitatem: sed tantum jure inter Gentes Christianas recepto, *limitata* usque dum captivorum permutatio fiat, aut pretium solvatur, vel aliter desinat captivitas. Neque eis plus imperare vi quasi mere civilis jurisdictionalis domini Victor potest, quam quod Gentium Christianarum jure permissum est; ut nempe pergant in locum captivitati suæ destinatum, neve arma gestent sine consensu debite obtento &c. &c.

Consequens autem est, ut iidem capti Christiani, a Christiano Victore nequeant *cogi* ad juramentum militare *fidelitatis*. Cum enim per solam captivitatem non desinant esse

esse milites prioris Ducis aut Principis, non desinunt quodque obligari prioris juramenti vinculo, quo illi obstricti sunt: adigere autem eos ad novum jusjurandum, est adigerè ad perjurium, & nedum Jus Gentium: sed etiam Naturale & Divinum violare:

1028. Quod autem concernit testimonium Caji Jcti in l. 1. ff. de his, qui sui &c. illud suspectæ veritatis essatum esse demonstrat antiquissimus Græcus Author Gregoras lib. 4. scribens: *Mos hic est ab antiquo deductus ad posteror, nec corruptius unquam, non Græco-Romanis modò & Thessalis, sed Illyriis quoque, Triballis; & Bulgaris, propter fidei consortium, ut res quidem in prædam vertere liceat, homines autem nec captivos facere* NB. **NEC INTERFICERE** extra prælii tempus. Et Salustius in Jugurth. scribit: *maiores nostri religiosissimi mortales; nihil visis evipiebant, præter injuriæ licentiam.* Confer Vitriatium ad Grotil l. 3. c. 15. §. 1. ubi ille q. 5. & 6. materiam hanc tangit. Atque adeo; ne dum apud Christianos: sed ne quidem apud Gentiles, saltem moratiores, unquam fuit jus in vitam hominis bello capti, & jam inermis, ut ille licite interfici posset extra prælium; qui in prælio non occubuit: Textus igitur ille a Cajo prolatus intelligendus est: *dominis in servos, vitæ necisque potestatem fuisse; aut juris Gentium solummodo permissivi, quò ad impunitatem æternam in ipso prælio ei exhibitam, aut saltem ita temperandam, ut dominus domesticam quandam jurisdictionem habuerit in eum, hanc tamen tanta cum religione & moderatione, qua in causis publicis, quò ad Cræbes exercetur, exercere debuerit; alioqui extra prælium justum, & publicam judiciale vindictam, dominium in vitâ hominis soli DEO reservatum esse; vix aliquis ignorare potest.*

Q. IV.) An Repressalie licite sint

1029. I.) *Repressalie*, sic dictæ a latîna voce *Reprimò*, sunt species *Belli privati*; & coincidunt cum *Retorsione juris iniqui*. Hæc locum habet; cum aliqua Gens, Princeps, aut Civitas statuit jus quoddam aliis grave: & alia Gens; Civitas, vel Princeps vicissim ejusmodi jurbus contra eam utitur. Exempli gr: si in Turciâ Poloniæ contetmina prohibeantur merces Polonicæ, Polonia vicissim prohibere potest merces Turcicas: Si Japonenses nullum admittant in-

intra suas terras extraneum, idem possunt aliæ Nationes erga illos facere &c. Natura enim sunt inter se æquales Gentes: igitur ubi citra illa ipsarum consensum introducta est inæqualitas, naturale jus permittit reductionem æqualitatis. Quæ reductio habet locum etiam inter privatos, si debita serventur conditiones.

Jam vero *Repressalie*, utpote quibus vindicatur iniuria privato a privato illata: sunt, *jus, quo Magistratus sive se ipsum, sive suos in casu denegatæ ab extraneis Magistratibus justitiæ, ab illata per eosdem injuria vindicat redditque indemnes*.

1030. II.) *Repressalie*, licet a jure nat. permittantur, vi formæ tamen suæ ad Jus Gentium referuntur. Mero enim naturæ jure, ex facto alieno nemo tenetur, nisi qui bonorum successor est. Contra autem usu consensuque Gentium est inductum, ut pro eo, quod Respublica debet vel pro se, vel pro suis, in casu denegatæ justitiæ, subditorum bona, veluti oppignorata habeantur. Unde respectu utentis est lex *permissiva*, respectu aliorum *præceptiva*, qui hoc pati obligantur.

1031. III.) Ut *Repressalie licite* sint, hæc requiruntur conditiones: 1.) Ut *manifeste constet*, Cives alterius Reipublicæ fecisse injuriam, & quidem gravem. Nam iniquum foret *dubium* debitum compensatione certa reparare, & injuriam levem modo tam acerbo ab innocentibus ceteris vindicare. 2.) Ut *Superior delinquentem admoneat de injuria facta, ferique satisfactionem mandet*, alias inique vexarentur innocentes, & aliena jurisdictio usurparetur. 3.) Debet *constare eos culpabiliter satisfactionem recusare*, aut Principem nolle urgere subditos suos, ut satisfaciant. Quia alias in ejus defectum bona innocentium non subrogantur satisfactioni. 4.) Princeps Reipublicæ vel personæ læsæ debet ab ea adiri, & causa cognita facultatem concedere *Repressalias capiendi*. Quia ad eum solum spectat concedere repressalias, ad quem pertinet Bellum movere. 5.) Ut *non inferatur plus damni*, quam iusta satisfactio requirit. Quod enim ultra æqualitatem accipitur, est injustum. Denum 6.) Ut *non concedatur in personas jure Civili, vel Canonico exemptas*. Sunt autem primo exemptæ personæ Ecclesiasticæ, sub pœna Excommunicationis, c. un. de Injur. in 6. Sicut & secundo: Principes ac Status Imperii non possunt contra se invicem *Repressalias* concedere, ut patet ex praxi Camera Imperialis, & *Recess. Imp.* de Anno 1570. §. 48.

1032. Hac autem ratione Jus repressaliarum, & retorsio juris iniqui non sunt idem ac jus vitæ defendendæ, bonorumque, instante extrema vel quasi extrema necessitate: in his enim nullæ amplius requiruntur conditiones, præter moderamen inculpate tutelæ, ac materiz gravitatem, ut liquet ex dictis A n. 410.) Contrarium fit autem in Repressaliis & injuriarum retorsione, utpote quæ moram patiuntur.

C A P U T VI.

De Fœderibus & Pactis Gentium.

§. I.

De Fœderum natura & aliis proprietatibus.

S U M M A R I U M.

1033. Fœderis definitio.

1034. Ejus origo & exempla.

1035. &c. Fœderum divisio.

1037. Illorum materia solæ sunt res honestæ. Ibidem exponitur Forma fœderum & naturæ Obstagii.

1038. Fœdera Juri Nat. & Gent. tribuuntur: diversa tamen ratione.

1033. I.) **F**œdus, prout inter personas Publicas intercedit, sumiturque etiam proliga, pacto, societate, seu amicitia, definiri potest, quod sit Conventio publica, a personis summa potestate præditis legitime inita communis utilitatis causa. Originem autem suam trahit simul cum societate civili humana. Ex quo enim genus humanum in unam rationalem Rempublicam coaluit, ac dein bonorum divisio subsecuta est, & commercia in variis negotiis vitam præsentem concernentibus, ortum suum sumpsere, requirebatur aliquod remedium efficax, quo illa firmarentur, ac moralis certitudo uni contrahenti erga alterum induceretur: tale autem non fuit aliud, quam fœderum, pactorumque & sponsonum conventio, in mutua fidelitate seu fide irrefragabili consistens.

1034. Pactiorum hujusmodi exemplum dedit ipse DEUS noster O. M. qui dignatus est inire fœdus cum Noe post-

seris, producta in reconciliationis testimonium caelesti iride, Gen. 9. v. 13. & 14. dicens: *Arcum meum ponam in nubibus, & erit in signum FOEDERIS inter me & inter terram; cumque calump obduxero nubibus, recordabor FOEDERIS mei.* Ad imitationem hujus exempli genus humanum subortas difficultates, & controversias, quæ inter Mortales contingere poterant; fœderibus complanate, usque ad nostri ævi tempora solitum fuit, adeo ut teste Varro apud VVaremundum de Ernberg in *Meditament. pro fœder. c. 3. n. 8.* derivato nomine a fœderibus & fide data *Fœdiales*, id est publicæ fidei præfecti, apud Romanos dicti fuerint, eo quod publicorum fœderum fides illorum interventione & auctoritate constitueretur, quorum officium hodie penes Legatos, Commissarios & Mandatarios Principum manere intelligimus.

1035. *Fœderum* species totidem sunt ac *pactorum*. Alia enim sunt *perpetua*; seu indefinita, & sine termino inita: alia *temporanea* certo termino limitata. Alia *offensiva*, quæ ad Bellum offensivum seu vindicativum: & *defensiva*, quæ ad defensivum ordinantur. Quodsi simul offensivum & defensivum fœdus belli contrahatur, vocabitur *Mixtum*, aut *mutui auxilii*; in vaso itaque aut Bellum inferente, cui alter ejusmodi fœdere junctus est, hic quoque declarare Bellum; & vel separatim hostem invadere, vel cum fœderato communem causam agere obstrictus est. Dantur etiam fœdera tam Belli, quam mutui auxilii alia *pura*, alia *conditionata*, prout vel pure vel absolute; vel sub conditione inita fuerint. Eadem porro vel *determinata* sunt, vel *indeterminata*. Illa dicimus, si quando in pacto fœderis, quid, & contra quos auxilia præstanda, bellumque movendum sit, exprimitur: *indeterminata* vero sive *generalia*; aut unum aut alterum, vel utrumque indefinitum relinquunt, atque adeo in omnes generaliter casus, Fœderatos obligant. Si quoque Fœderatorum unus ad communem Belli causam faciendam præstandaque Fœderato auxilia sese obstringat, quin recipiam sibi ab altero opem, aut pares fœderis condiciones in pactum deduci curet, *fœdera unilateralia*, item *beneficia*; sin vero in parem utrinque obligationem contrahantur, *bilateralia*, item *onerosa* vocamus.

1036. Quandoque inter Gentes, seu populos duos potentia inæquales, hac conditione ineuntur fœdera: ut viribus inferior sive minus dignus potentiori, vel digniori,

ri, in Bello communi ope gerendo, ferendisque pro viribus auxiliis, in omnes casus præsto esse teneatur, digniore aut nullam, aut in casum solum invasionis ab extraneo factæ, reciprocam opem repromittente. Qua ratione populi viribus inferiores conditionem omnino deteriorem fieri per se patet: unde *fœdera ejusmodi inæqualia*, sive *inæqualitatis* dicuntur, diversa a *fœderibus æqualibus*, in quibus, nulla habita potentie inæqualis ratione, in pæres sese Fœderati conditiones obligant.

Denum, quæ in personas Imperantium, fœdera que pauciscentium concepta tantum sunt, *fœdera personalia*: quæ autem ipsius Reipublicæ nomine, habitoque ad eandem respectu contrahuntur, *fœdera realia* dici solent; horum proin obligatio cum vita Imperantium, aut contrahentium haud expirat.

1037. III.) *Materia fœderum* solæ sunt res honestæ & licitæ, quales sunt Pax publica, vera religio, matrimonia, successio, commercia, auxilia, bellum, induciæ, aliave negotia Reipublicæ commodum concernentia.

IV.) *Forma fœderum interna* consistit in ipsa pactione: *externa* in conscriptione & consignatione tabularum, cui additur interdum jusjurandum. Imo, id quoque usu subinde inter Gentes servatur, ut traditione personarum ad instar pignorum, pactis suis, promissisque fidem ac securitatem concilient; quas cum *Obsides*, pactum vero, quo ejusmodi personæ traduntur, *Obstagium* dicamus, hinc obstagia, atque obsides inter media firmandi pactorum fidem asscurandamque eorundem custodiam recte referri licet. Quia vero in detentione *Obsidum* securitas pactorum consistit; obsides custodiendos, atque captivos detineri posse, nemo dubitaverit. Reliquæ fœderum *formæ ritus*, & solennitates ex variis Gentium consuetudinibus desumendæ sunt.

1038. V.) *Fœdera* seu pactiones publicas naturali & Gentium juri attribuiamus, diversa tamen ratione. Nempe *obligatio* fœderum & pactorum publicorum est *juris naturalis*, quod jubet standum esse promissis licitis ac legitime factis. Ipsa tamen *admissio*, seu *pactio*, prout spectat ad jura Majestatis, neque negari potest absque ratione, hoc est, *si rationabiliter debito modo* petatur, est *Juris Gentium*, a quo suam formam desumit. Licet enim pacta hæc admittere sit *conforme naturali rationi*, non est tamen *absolute necessitatis*, sic, ut exigatur determinate a natura rationali,

tan-

tanquam aliquid *intrinsece* bonum morale absolute necessarium & requisitum. Fœdera enim hæc introducta sunt a J. Gentium ex eo fine, ut hominem *bonum socium : bonum civem*, potius quam ut *bonum hominem* formarent. Confer superius dicta a n. 668. & n. 674.)

§. II.

De obligatione & licentia Fœderum.

SUMMARIUM.

1039. *Cur fœdera sint observanda?*
 1040. *Quomodo interpretationi subsint?*
 1041. *Exemplum affectatæ interpretationis.*
 1042. *Regis Gallie sanctitas in fœderibus servandis.*
 1043. *An cum Tyrannis fœdera iniri possint?*
 1044. &c. *An licite incantur cum Infidelibus?*
 1048. &c. *Eligitur & probatur sententia mea.*

1039. **C**ertum est I.) Fœdera, quibus pax publica sancitur, aut quibus se plures Principes vel Republicæ mutua obligatione devinciunt, & societatem, in materia honesta & licita *libere* incunt, ut se v.g. mutuo juvent contra injustum aggressorem &c., *sanctæ* esse *facienda* sine technis, amphibologiis & æquivocatione, ac ita facta, *sanctæ* etiam esse *custodienda*. Id enim jus Naturæ, Divinum, ac Gentium præcipit. Sublata autem fœderum justæ initorum observantia, necesse est naturalem seu *internam*, pariter ac *civilem*, id est *externam* generis humani felicitatem persum ire, eique succedere rapinas, cædes, bella omniaque mala, quibus nullum aliud remedium prodesse possit, si pacta inter Gentes stabilita pro uniuscujusque arbitrio convellantur.

1040. II.) Eo autem casu, quo fœdera executioni mandare quis renuit, ob ingruentem aliquam eorum perplexitatem, *interpretatio* talis adhibenda est, quæ ex verborum proprietate & Gentium consuetudine, non autem quæ ex ingeniorum subtilitate peti potest. Exempli gratia: promisit quis suo Fœderato auxilium contra hostem; interea videt propriam suam Provinciam periclitari, ita ut ipsemet propriis suis copiis opus habeat pro necessaria defen-

Jus Nat. & Gent.

T t

sione,

sione, quas dividere nequit. Hoc casu recte interpretabitur auxilii promissi vinculo se hic & nunc non teneri, cum hujusmodi pactorum natura sit, ut tacitam habeant conditionem: nisi moralis impotentia obsset &c. Et ita 1. Machab. c. 8. leguntur Romani contraxisse Belli fœdera cum Machabæis: Si genti Judeorum prius acciderit bellum, adjuvabunt Romani animo, NB. prout eis tempus permiserit. Merito igitur detestanda est illorum pseudo-politicorum Fœderum interpretatio, qui pro his explicandis generale statuunt principium: Fœdera nonnisi utilitate privata esse metienda, & tamdiu observanda, quamdiu proficua: Neque enim utile esse potest quod honestum non est, monet Seneca Ep. 64. & potius utilitatis regula ex honestate, quam honestatis ex utilitate desumenda est.

1041. Tragicum affectata initorum fœderum interpretationis perhibet exemplum Adam. Contzen. l. 3. polit. c. 7. quod scilicet Amurathes Turca Uladislauum Hungariæ Regem, quem priorem rupisse fœdeta causabatur, ad DEI Tribunal pugnaturus provocaverit. Fœderis enim testes literas ante prælium legisse, atque ita apud Bonfinium, perorasse scribitur: Hæc sunt JESU Christe fœdera, quæ Christiani tui mecum percussere; per Nomen tuum sancte juraverunt, datamque sub Nomine tuo fidem violarunt, perfide DEUM suum abnegarunt; nunc Christe, si DEUS es, ut ajunt, & nos hallucinamur, tuas measque in urias, te queso, ulciscere; his qui Nomen tuum sanctum nondum agnoverunt, violatæ fidei pœnas ostende. Utcunque res acta sit, prælium initio anceps, post hæc ad partes Turcarum inclinavit, demum his plene secundum fuit. Ita Contzen. Alii communiter testantur Regem Uladislauum hoc prælio occubuisse ad Varnam, ubi armis certatum est.

1042. Illustrius proin fidei exemplum reliquit Franciscus I. Galliarum Rex, cum enim Carolum V. comiter excepisset, atque a suis moneretur, ut violata fide Carolum, quem in potestate modo haberet, captivum detineret, teste Lipsio Lib. 2. Monit. Politic. c. 13. reposuit: Etsi fides in toto orbe exularet, eam tamen Regibus tenendam esse, quæ sola, nullo autem alio metu constringi possent. Aureo cedroque notandum (dicit Lipsius l. c.) effatum hoc est, alios quippe lex aut pœna coercet, Principes solus pudor, aut fides.

1043. III.) Dubio quoque vacat, illicitum esse contrahere fœdera qualiacunque cum quocunque altero ad bellum

certo injustum, prout per se patet rationi recte dispositæ: Ac proin illicita quoque fore, si illa contrahantur cum Tyranno injusto Provinciæ invasore, qui tacito vel expresso consensu populi potestatem summam legitime non est adeptus: Illicitum enim est cooperari injustitiæ, per hanc autem fœderis pactiōem confirmaretur ejus iniquitas. Excipe: nisi Populus per vim injustam occupatus libere tandem se submiserit ejus imperio. Textor d. c. 23. n. 12.

1044. IV.) Verum celebris quæstio est; *An liceat cum infidelibus contrahere fœdera?*

Quæstio hæc tractatur à TT. & Canonistis ad Tit. de Saracen. in qua trēs casus distingui solent. 1.) Quando fœdus cum infideli simpliciter contrahitur, v.g. in ordine ad res adiaphoras, uti sunt commercia &c. 2.) Quando contrahitur contra alium infidelem bello coercendum. 3.) Quando contrahitur ad oppugnandum Fidelem.

1045. In primo & secundo casu nullum est dubium. Sic enim Machabæi fœdus cum Romanis adversus idololatrias alios iniverunt. Ac ratio est, quia infideles in auxilium vocare, per se nulli virtuti adversatur, & exemplum habetur de Davide 1. Reg. c. 28. Præterea licet in bello uti auxilio ferarum, cur non infidelium? & sicut potest quis conducere milites infideles ad se defendendum, regnumque suum, vel sua recuperanda ab aliis infidelibus, sic etiam vocare potest Principem infidelem cum suo exercitu in suum adjutorium ad coercendum hostem infidelem.

1046. In tertio casu non desunt DD. qui aut generaliter putant tale fœdus esse licitum, inter quos citantur, Abbas in r. 8. de voto & voti redempt. n. 15. Grot. l. 2. c. 15. §. 9. & seqq. Lymnæus in additam ad Capitular. Caroli V. art. 2. aut id tanquam ex natura sua licitum defendunt, & per accidens tantum illicitum fieri existimant cum Suar. de Bell. d. 13. §. 7. n. 25. Bonacina, Majolo, Besoldo, Pignatelli Tom. 9. consult. 185. Palao p. 1. tr. 6. d. 5. pun. 3. n. 18. & pun. 6. n. 10. Molin. de J. & J. t. 1. tr. 2. disp. 112. n. ult. Laym. l. 2. tr. 3. c. 12. n. 6. fin. aut saltem in casu extremae necessitatis ex causa defensionis id permittunt cum Knichen oper. polit. l. 2. §. 2. c. 10. th. 3. Textor. in Synopsi J. G. c. 23. n. 15. Ill. L. B. de ICKSTATTE Elem. J. G. l. 4. c. 8. §. 10. & alii Publicistæ, ac TT. Sunt quoque qui Negativam acerrime defendunt, dicendo absolute & semper illicitum esse cum

Infidelibus ac *Hæreticis* inire fœdera, illosque juvare, & auxilium eorum invocare *saltem* contra Principes *Catholicos*, quia putant nunquam fieri posse, ut fœdus cum *Infidelibus* ineatur, vel auxilium eis præstetur, vel petatur ab eisdem, quin aut scandalum, aut præjudicium *Ecclesiæ* & Religionis directe aut indirecte soquatur. Hanc, post alios, tuetur Schmier *Jurisp. publ. f. 352, n. 81*, Sbogar, *Theol. radical. tr. 14. Diana &c.*

1047. Recte autem advenit Reverendiss. Abbas Ansel, DESING in *J. G. c. 8, tb. 30.* dicens, Disputationes hujusmodi potius in verbis constitisse. Nam reipsa aliquando ii, qui hoc negabant aliis, idem fecerunt ipsi, Ultima enim necessitas, adhibita sufficiens cautio, qua honori DEI & moderamini inculpatae tutelæ consultum sit, & forsan alia gravissima momenta possunt justa reddere hæc auxilia. Atque ita excusant Galli auxilium navale Turcicum an. 1543. evocatum, Pontifex etiam interpellatus, ut Regem diris ob id devoveret, negavit se id facturum, NB. quod Doctorum de iniustitia ejus rei non eadem esset sententia, Hæc illo.

1048. Omnibus autem mature perpenſis, eligenda videtur inter duas extreme sibi oppositas, *media* illa, & communior sententia docens: Fœdus v.g. cum Turcis & Hæreticis inire non esse *ex natura sua* illicitum: sed tantum *per accidens*. Unde licitum est contrahere fœdera Catholico Principi cum *Infidelibus*, seu hostibus *Ecclesiæ* in Bello aperte iusto, & cum morali certitudine seculi omnis periculi scandali, præjudicii, vel damni in Religionem Catholicam emerſuri. Casus vero ejusmodi communiter hi enumerari solent 1.) Si fœdera ineantur contra alios Infideles, aut hostes veræ *Ecclesiæ* iusto bello coercentes. 2.) Si illa forent quidem contra Christianos, eosque etiam *Catholicos*, dummodo tamen circumstantiæ rebus fidei derogatoriæ certo exclusæ forent. 3.) Si supposita belli iustitia adessent conditiones etiam *Ecclesiæ* utiles. 4.) Si ad avertendum majus veræ *Ecclesiæ* malum id foret necessarium.

1049. Ratio hujus asserti est. Quia jure naturali ac Gentium spectato, sicut *iusta sui* defensio contra iniquum aggressorem non est prohibita, ita neque media defensioni huic apta prohiberi aliter poterant, quam propter solam extrinsecam circumstantiam, ratione scilicet scandali & præjudi-

judicii quod sequi per accidens possit: Si igitur hæc ab- fuerint, nihil aliud ei obstat. Prout docemur etiam e Sacrae scripturae oraculis. Israelitis enim prohibita scimus fuisse tum fœdera, tum matrimonia, aliosque nonnullos actus cum Gentilibus, eo quod scandalum perversionis in- de secuturum foret, ut loquitur textus: *certissime enim a- vertent corda vestra, ut sequamini Deos* &c. 3. Reg. II. v. 2.

1050. Contra autem, ubi scandali rationabile periculum aberat, etiam Fideles infidelibus fœderatos fuisse certum est. Ita enim Abraham fœdus percussit cum Aner & Elcol Gentilibus Gen. 14. v. 13. Salomon quoque cum Hiran Eth- nico, 3. Reg. 5. v. 12. de quo legitur ibidem: *Dedit quoque Dominus sapientiam Salomoni, sicut locus est ei, & erat pax inter Hiran & Salomon, & percusserunt ambo Fœ- DUS*. Porro fœdus hoc non fuisse circa solum commer- cium lignorum, aliarumque rerum (alioqui non tam fœ- deris, quam potius conventionis & contractus nomine ex- primeretur) testantur Interpretes ad hunc Scripturae locum: sed fœdus tale initum, quale hic definivimus n. 1039. vi- deri hac de re potest, inter alios supra cit. DD. Pigna- telli d. hac Reiffenst. ad tit. de Hæretic. a n. 188. & 209.

C A P U T VII.

De Pace & Jure Pacis inter Gentes.

§. I.

De natura & proprietatibus Pacis.

S U M M A R I U M.

- 1051. Quæ Pacis definitio & divisio?
- 1052. Pax num a Jure Nat. vel Gent. procedat?
- 1053. Jus contrahendæ Pacis penes quem residet?
- 1054. &c. An restitutio in integram habeat in ea locum?
- 1056. &c. Rex captivus potestne pacem contrahere?
- 1058. Et an etiam Rex exul?
- 1059. Quomodo Pax statuenda? Et quod ejus objectum?

1051. I.) **B**ellum & cum hoste contracta fœdera sequi-
tur Pax, quæ districte ac relative ad sopitos
tumul-

tumultus bellicos spectata definitur esse *Amicitiae restauratio inter eos, qui hostes invicem erant*: Pax enim est belli finis, bellumque geritur, ut pax obtineatur. *Can. Noli 3, caus. 23. q. 1.*

II.) Ita definita Pax dividitur in *publicam & privatam, perpetuam, & temporalem, universalem & particularem, in inducias & treugam*. Demum *ratione materie* dividi solet in *profanam & religiosam*. Singulae hae divisiones cum ex suis terminis notae sint, explicatione non egent.

1052. III.) Pax *in se & absolute* spectata, prout significat tranquillitatem cum DEO, secum ipso & proximo non modo *originaliter*: sed etiam *formaliter* est a naturali lege praecipiente, utpote ad *moralem hominis felicitatem absolute necessaria*, Eadem tamen Pax relative ad Bellum considerata est *Juris Gentium*, quod etiam locum habet in *Treuga*, seu *Armistitio*. Gentium quippe jure haec quo ad suam formam introducta sunt. Cum enim contrariorum eadem sit disciplina, & omnis res, per quascunque causas nascitur, per easdem dissolvitur: sequitur, quod sicut Bellum a Gentium jure ortum trahit, ita ea quae illi contraria sunt; neque enim *ratio paciscendi, cessatio a conatu hostili, oblivio malorum, restitutio bonorum jure belli occupatorum &c.* aliunde nisi ex *dispositione Gentium*, in ordinem ad communem utilitatem, necessitatemque publicam, profluere poterant.

1053. IV.) Jus *contrahendae Pacis*, sicut & Belli est *Majestaticum jureque proprio* residet penes *Summos Imperantes*, nempe in Statu *Monarchico* penes Regem, si hic non habeat jus impeditum: in *Aristocratico*, vel *Democratico* penes majorem partem *Optimatum vel Civium*. Nam rei suae quisque est moderator & arbiter. Si igitur summum imperium maneat penes unum, aut plures, penes illum solum aut hos necesse est manere tam bello quam pace moderandi facultatem. In Rom. Imperio Imperator facit Pacem cum consensu Statuum, *Instrum. Pac. Onasburg, art. 8. §. gaudeant*,

1054. Censetur autem Rex habere jus impeditum *primo*). Si adhuc sit *imaturae aetatis*, aut furiosus, amens &c. hic pacem concludere nequit, Nisi forte Tutorem, aut Administratorem habeat, per hunc Pax bona fide conclusa Regem etiam obligabit, Textor in *Synops. J. G. c. 20. n. 14. Portugal. de Donat. Reg. l. 2. c. 28. n. 10.* Neque enim cum publico Gentium damno Pax usque ad maturiorem

Re-

Regis ætatem, aut saniozem intellectum expectari potest. Et ita laudatus Textor *l. c. n. 25.* adducit exemplum Ludovici XIV. Galliarum Regis, qui decimum vix annum excesserat, cum Pax inter Augustissimum Imperatorem Ferdinandum III. & ipsum conclusa est Monasterii.

1055. An autem Restitutio in integrum Regi jam adulto, aut melius sapienti indulgenda sit, si quando ex Pace, a Tutoribus, aut administratoribus conclusa læsum se prætenderet; disputant Publicistæ. Sed verisimilius negatur illi hæc indulgentia. Tum quod negotium hujusmodi majori cum circumspectione, mutuo consilio & plurium Prudentum judicio tractari, sicque allegandæ læsioni via præcludi soleat: Tum quod non expediat bellum semel copitum, ob tales prætextus instaurare, Pacemque qua Belli remittuntur injuriæ, irritare cum gravi aliorum, & forsitan suo etiam præjudicio.

In eventum autem hujusmodi casus, optimum est, si quoties de Pace agitur cum pupillo Rege, Procerum consensus accedat. Sicque legimus in Pacis Olivenfis *art. 34.* ratione Regis Sueciæ tunc minorennis cautum fuisse, ut Sereniss. Rex Sueciæ solemnî instrumento pacta nomine suo & sui Regni per subscriptionem Sereniss. Reginae Matris suæ, & Dominorum Regni Sueciæ Administratorum, in forma conventa rata habeat. Brunnem. *de Pace Polit. diff. 1. §. 2. in fin.* Muelen. *ad Grot. c. 20. §. 3. l. 3.*

1056. Censetur Rex jus concludendæ Pacis impeditum habere *secundo*) si *captivus* factus sit, dummodo regnum ex consensu populi ortum habeat. Non enim credibile est (ait Grotius *l. 3. c. 20. §. 3.*) a populo imperium delatum fuisse ea lege, ut & a non libero exerceri posset. Ergo hoc casu imperii non quidem jus totum, sed exercitium, & quasi tutela erit penes populum, aut eum, cui id populus commiserit. Hæc ille, cui subscribit Ziegler *ibid.* excipiens tamen, si regnum non ex consensu populi, sed patrimoniale fuerit, aut bello occupatum, tunc enim etiam captivo, dicit, licere pacem facere. Hos sequitur Muelen. *l. c. Stapff. de Majest. c. 5. §. 57.* Verum Textor *de J. G. d. c. 20. n. 17.* in quacunque specie regni, proinde etiam in patrimoniali hoc ipsum procedere sentit: Quia generaliter, captus Rex ab hoste saltem jus administrandi perdit, & hinc pro eo statu de rebus Regni nihil disponere potest, prout Rex Galliarum Franciscus I. declaravit, quando voluit,

ut durante captivitate sui tanquam mortui, quantum ad Regni administrationem nulla haberetur ratio in Galliis; Delphinus etiam alique Principes Galliarum abnuebant Pacem cum his conditionibus facere, quas illorum Rex accipiebat in Anglia, teste Polydoro l. 19. apud cit. Muelen. & Textorem d. l. quitamen c. 18. n. 36. concedit valere condiciones liberationis a Rege captivo initas; eo quod metus, qui potest opponi, non sit injustus, utpote proveniens ex justa custodia, Jureque Gentium permessa.

1057. Propter hanc autem *Textoris* secum ipso pugnantis doctrinae inconsequentiam, ac *Grotii* & ejus sequacium sine solido fundamento prolatam Regiæ potestatis limitationem, verosimilior opinio est, docens, quod *Rex captivus*, dummodo per captivitatem non amittat Regnum, etsi impediatur ab ejus administratione ordinaria, siue Regnum sit electivum, siue hereditarium, possit passim sancire. *Ratio* est: Capti enim in Bello etiam justo, inter Christianos non amplius fiunt servi, sed retinent suam libertatem. *Stryk. in usu modern. ad Pand. l. 1. tit. 5. §. 2. Lauterbach. ad Pand. l. 1. tit. 5. §. 12.* Sicuti apud Romanos in bello civili, l. 21. §. 1. ff. de captiv. & postlimin. ibique *Brunnem. n. 1. §. 2.* Igitur a fortiori Rex retinet suam libertatem, adeoque ex hoc capite non impeditur jus ejus Majestaticum in Pace facienda, quæ etiam est optimum remedium se liberandi a captivitate, in qua spectato jure Gentium juste detinetur. *Lauterb. ad Pand. l. 49. tit. 15. §. 4.* Habet autem Rex captivus jus ad media necessaria pro sui liberatione, cum non sit credibile, quod populus in Regno etiam electivo voluerit ista media adimere, dummodo liberatio regno non sit nimium præjudiciosa, & nimis alienationi obnoxia, quæ per leges fundamentales regni non tantum in regno electivo: sed etiam hereditario præcaveretur, in quo ultimo etiam *Grotius cit. loc.* non denegat Regi captivo potestatem Pacis contrahendæ. Sic *Franciscus I. Rex Galliarum captivus*, cum *Carolo V. Imperatore*, & *Hispaniarum Rege* pacem iniit *Madriti*, Ann. 1526. 14. Jan. *Pfessinget in Vitriar. l. 1. tit. 5. f. 726.* ubi etiam condiciones istas Pacis refert. *Schiltenberg, Disp. jurid. ad l. 5. ff. de pass. c. 2. §. 1.*

1058. Idem jus Regis impeditur tertio. Si ille sit tenuis, ita ut vivat obnoxius servituti, id est servire seu subijci alteri cogatur, quod per se patere videtur. Non item si
Rex

Rex seditione populi, rebellionem, tyrannide vel impetu hostium *injuste* exulare coactus sit, & nondum in servitutem a quopiam redactus, hic enim retinebit cum Imperio jus fandiendæ pacis: Prout liquet ex præcedenti resolutione; Regis enim ita exulis facti conditio non est deterior conditione Regis captivi, cum vero hic possit pacem sancire, poterit & ille.

1059. Porro Pacem huiusmodi potest Summus imperans sancire sive per se ipsum, sive per alios, constat enim *jus contrahendæ Pacis esse delegabile*. Ad hunc effectum instruit solent *Legati* speciali mandato, rati habitatione Principibus reservata. Solent quoque adhiberi *Mediatores* pacis, propter eam facilius fandiendam inter partes bellantium. Acceptatio tamen Mediatorum non obligat jure Gentium, si obstat spes victoriæ, præjudicium dignitatis, vel emolumenti proprii, licet Princeps, cujus interest, pacem possit ultro suadere, & recusatam armato scedere procurare.

V.) Objectum Pacis *in genere* sunt capita, seu articuli a paciscentibus utrinque conventi, subscripti ac subsignati. Objectum autem *in specie* sunt 1.) Articuli concernentes *Amnistiam*, vi cujus promittitur perpetua oblivio omnium, quæ durante bello commissæ sunt, hostilitatum & injuriarum. Num vero *Amnistia* liberet a restitutione eorum, quæ Ecclesiis, viduis, pauperibus, & personis bello non implicatis &c. erepta sunt? fusc egimus de his, in *Erotem. theor. pract. erot.* 27. a f. 208. ubi conclusimus: Actionem quidem pro foro externo regulariter negari contra Milites &c. nullo modo autem illis dominium rerum huiusmodi pro foro interno competere. Imo si rapinæ illæ factæ sint per alios, quam a personis bello implicatis & actu militantibus: etiam in foro externo *Amnistiam* illis nihil prodesse demonstravimus. 2.) Sunt item Articuli concernentes *restitutionem* personarum, rerum, jurium, dignitatum, bonorum &c. durante bello occupatorum. Neque circa hæc locum habet *jus postliminii*, nisi in pacificationis articulis fuerit expressum. 3.) Demum ponuntur articuli de *satisfactione* & *compensatione*, pro impensis damnisque bellicis. Id enim exigit *Justitia*. Et cum Gentes liberæ iudicem alium non habeant præter se ipsas, hinc illæ ubi ad Pacem fandiendam aspirant, debent & solent læsæ justitiæ rationem habere, partique læsæ e-m ab alia parte præstandam injungere, si forte reciproca hostilitate compensatæ non sint.

§. II.

De effectu & accessoriis Pacis.

S U M M A R I U M.

1060. Pacificationis effectus est obligatio.
 1061. An fides hosti servanda, & cur?
 1062. An exceptio contra illam habeat locum?
 1063. &c. An item dispensatio, vel rescissio?
 1065. &c. An Christianis obstant fœdera cum Turcis inita, quo minus avulsa recuperare possint?
 1068. &c. Metu extorta Pax an & quando obliget?
 1070. &c. Semper eam obligare dicit Grotius: sed rectius cum aliis negat Puffendorf.
 1076. Concluditur pro Christianis Principibus.
 1077. An debitor a Victore absolutus solvere teneatur?
 1078. &c. Dæ sententiæ referuntur cum suis motivis.
 1084. &c. Et eædem ambæ refutantur.
 1090. &c. Enervatur argumentum ex Amnistia.
 1092. Explicatur Amnistia Pacis. Osnaburg.
 1093. Statuitur media sententia in casu cit.
 1094. An Princeps successor teneatur Pace Antecessoris?
 1095. &c. Defenditur Affirmativa, probatur, & solvuntur contraria.

1060. Sicut aliarum pactionum, ita & legitime sancitæ pacis primarius effectus est obligatio servandi articulos pacificationis tractatu conclusos rite acceptatos aut ratificatos; juxta antiquam Regulam, Pax servetur, pacta custodiantur. Cap. Antigonus I, de Pact. Sed

Q. I.) An etiam hosti injuste vexanti, seu injustum bellum gerenti fides publica servanda sit?

1061. Affirmativa est omnium responsio cum D. Thoma q. 40. a. 3. Covarr. in 4. decret. q. 2. §. 4. n. 22. Joan Molano de fide heretic. servand. L. 1. c. 16. & aliis ex D. August. Ep. 205. ad Bonifac. Comitem, quæ refertur in Can. Noli. 23. q. 1. Fides quando promittitur, etiam hosti servanda est, contra quem bellum geritur. Id autem procedit de fide publica,

blica, seu quæ a publico Magistratu, Majestate, vel communitate datur, Ratio vero est, quia fœdera publica Gentium jure introducta sunt, quod omni Generi humano, aut saltem moratoribus populis commune est, C. Jus Gentium. Inst. de J. N. G. & C. Idque propter necessitatem & utilitatem communem Generis humani; nisi enim Pacificationes & fœdera publica seu inter diversos Principes aut Respublicas, seu inter Principem & Magistratum aut subditos ejus, v. g. *rebelles* inita omnimode observanda essent, nulla pax & societas inter humanum genus consistere posset. Intelliguntur tamen hæc, dummodo Pacificationis fœdus ex objecto malum non sit: alioqui neque obligatorium foret, ut per se notum est.

1062. Asserta obligatio servandi pacis conclusæ articulos *regulariter* non admittit *exceptioni* seu tergiversationi locum, quod Pars altera ad fœdus ineundum per vim injustam adacta sit, prout in variis bellis (quippe quæ ex altera parte ferme injusta sunt) plerumque accidit. Cum enim pacifcentes, superiorem Judicem non habeant, qui causa cognita ipsis jus dicat, Pars quælibet pacifcens potestea causari posset ac dicere, sibi vim injustam illatam esse, ideoque fœdus a se rescindi posse &c.

At vero si privatus aliquis alteri privato vim *injustam* inferenti promittat quidpiam metu inique incusso adactus, licet huiusmodi pactio sive fœdus (juxta aliquorum, non tamen nostram opinionem hic a n. 189. fol. 181. explicatam) mero jure valeat, tamen propter æquitatem rescindi potest, juxta Prætoris Edictum: *Quod metus causa gestum erit, ratum non habeo*, l. 1. ff. quod met. caus. Idque locum habet, si pacifcentes Magistratui alicui subsunt; & præfertim ille, qui vim injustam intulit; potest enim ac debet a suo Judice compelli, ut promissionem inique extortam, licet jurata fuerit, remittat, & non exigat. Quodsi hic iniqui metus incussor, foret supremus Princeps, qui præter DEUM, nullum in terris habeat Judicem, qui *privato* justitiam administret, & promissionem rescindat; hoc casu (in sententia Adversariorum) *privatus* iste ad ea vindicanda, quæ inique incusso metu cessit præstititque suo injusto aggressori, nullum amplius malo suo remedium haberet, cum nullus Judex sit qui actum hunc promissionis vel cessionis rescindat: deberet itaque extremum DEI iudicium expectare, interea bonis suis inique spoliatus evidens-

dentem injuriam pati, mendicando, vel opere manuum suarum panem promerendo, dummodo fidem metu iniusto inique extoritam, ac ad evitandam mortem, vel aliud extremum malum, in sui spoliationem præstitum consensum observet & impleat: Quæ tamen opinio an æquitati & rationi conveniat, videri possunt jam dicta *act. n. 189. f. 181.*) & colligi poterit ex infra dicendis hic in *qu. 2.*

1063. Loquendo autem de solo fœdere Pacificationis *publicæ*, dicendum videtur 1.) Fœdus *publicum*, quod v. g. duo Reges *Catholici* inter se pepigerunt in materia *adiaphoræ*, non posse ulla potestate, etiam Ecclesiastica quidem, directe dissolvi per dispensationem, aut juramenti relaxationem. Nam solvendi potestas Prælati Ecclesiasticis data est in ædificationem, non in destructionem: At vero talis relaxatio fidei aut fœderis publici tenderet contra jus Gentium, adeoque cederet in magnum detrimentum societatis humanæ, & gravissimum eius præjudicium. Si enim scirent Victores pacificationum hujusmodi articulos, in materia *ex se indifferente* sancientos, dispensationi fore obnoxios, nunquam in ullam pacem consentirent, sed potius Partem victam usque ad internecionem persequerentur: hoc autem admissio tota felicitas *externa* generis humani pessum iret, neque hostilitatibus ac cædi ullus alius assignari posset limes, quam vitæ & fortunarum dolendus interitus sine ullo remedio.

1064. II.) Casu etiam, quo a Rege v. g. Christiano cum *Infidelibus* publicum fœdus fiat, nulla unquam ratione seu indirecte Ecclesiæ relaxare potest: Quia cederet in maximum detrimentum ac contemptum ipsiusmet etiam Ecclesiæ. Nam nihil tam indecorum Christianæ Religionis, & nihil ipsis Catholicis Regibus ac populis adeo noxium esse potest, quam si fidem publice datam non servare, & fœdera violare censeantur. Quam ob rem si quando Fœdus publicum a Rege *Catholico* cum *Infidelibus* legitima potestate constitutum, cedere postea videatur in Ecclesiæ Catholicæ detrimentum, a Christo supremo Rectore & defensore auxilium sperandum est, petendumque, & nunquam alicujus perfidiæ remedium adhibendum, quamdiu pas altera fregisse fidem non est notata, id enim si non *intrinseca* passionis iustitia: omnino tamen adhuc scandali vitandi ratio exigit.

Q. II.) An igitur Pacificationis fœdera ob vim armatam, & ex metu longe majoris malij inique inferendi, v.g. cum Turcis sancta, tribuant illis jus domini in Provincias Christianis ereptas? Et per consequens, utrum Christianis Principibus maneat jus regressus ad sic inique coactis fœderibus, avulsa repetenda?

1065. Si nobilissima quæstio hæc ex sententia Lutheri decidenda foret, qui juxta dicta hic sub n. 986.) docuit, Christianis non licere bella gerere contra Turcas, aut si illarum resolveremus in fidem Hug. Grotii, qui l. 3. c. 19. §. 2. n. 1. totum ingenium suum eo impendit, ut possessiones iniquo bello ereptas & pacificatione armis injuste coacta firmatas Victoribus in perpetuum adudicet, omni exceptione, rescissione & actus naturali nullitate exclusa; non superesset amplius discursui locus in hac materia. Ille enim l. o. ait: Bellum solenne, id est publicum utrinque & indicium, sicut alia habet particularia in jure externo posita, ita & hoc, ut, quæ in eo bello, aut ejus finiendi causa promittuntur sint VALIDA, ut ex causa metus injuste illati invito eo, cui promissa sunt, in irritum reduci non possint, quia sicut alia multa, quantumvis vitio non carentia, ex Jure Gentium pro justis habentur, ita & metus, qui tali bello utrinque inferitur. Quod nisi placuisset, bellis talibus, quæ valde sunt frequentia, nec modus nec finis potuisset imponi.

1066. Grotium sequuntur alii, qui non sunt solliciti, fueritne bellum justum vel injustum, dummodo victoria obtenta sit, ac pars justo vel iniquo Marte victa, extremaque fugiens mala in Pacis fœdera consentiat; & Provincias volens nolens Victori dimittat; putant enim hoc ipso dominium esse jam absolute translatum in Victorem, vi transactionis inter Partes subsecutæ, nec quidquam, etiam iniquissime victo alteri Bellanti restare juris, vi cujus saltem commoda occasione & cessante scandali circumstantia, per injuriam ereptas sibi ditiones quandocunque recuperare possit. Vitriar, ad Grot. l. c. q. 8. Muelen ad eundem Grotii loc. in commentar. Heinec. &c.

1067. Sed rectius hac in parte judicant illi, qui tradunt, diversa hæc esse: obligari aliquem publicis etiam iniquo bello extortis fœderibus; & per fœdera iniquo bello extorta transferri dominium in alterum inique extorquentem. Dicunt proinde DD. verissimum hoc esse, quod fides publica auctoritate etiam

etiam hosti iniquissime aggredienti promissa, in rebus adiaphoris, seu non conjunctis cum peccato, sancte servanda sit, quamdiu hostis ipse eandem servat. At vero omnino falsum esse ajunt, quod hostis iniqua aggressionem & vi armata extorquens consensum in pacificationem, & vi hujus solius occupans certas Provincias sibi alioqui indeditas, acquirat dominium earum, & pars inique victa amittat jus proprietatis in illas. Hoc præmissis, distinguendi sunt 4. sequentes casus.

1068. I.) Metu gravi & vi armata exorta pax in BELLO ex parte extorquentis JUSTO valet in utroque foro, ita ut Victor acquirat etiam dominium eorum, quæ Pars victa, juxta Pacificationis articulos sibi dimittere coacta est. Metus enim & vis armata inter Bellantes alium Judicem non agnoscentes tunc *justa* est; quæ cum etiam inter privatos valori restitutionis, per dicta hic n. 185. fin.) non obstat, tanto minus eam irritam, aut ullo modo rescindibilem facit in persona Superiorem in terris non agnoscente, & justitiam, ad normam Juris Gentium requirente.

1069. II.) Idem juris obtinet eo casu, quo ex parte armis victi Principis *dubia* fuit belli justitia in defendendo aliquo Jure, vel Provincia. Si enim *ex causa dubia* non licet ab initio suscipere bellum, eo quod tunc quæstio non tantum de causa belli vertatur: sed de integris sæpe Provinciis, de bonis & juribus publicis ac privatis, de vita & salutē plurimorum hominum (quam ob rem Romani Veteres nonnisi consulto Collegio *Pecialium* ad id instituto, Imperatores vero Christiani vix, nisi auditis Episcopis, bella suscipiebant, ut si forte aliquid quod Religionem posset injicere, ejus monerentur, uti refert Grot. l. 2. c. 23. §. 4.) quo pacto licitum erit ad Bellum ex causa *non liquida* & incerta postliminio recurrere, quod Pace, quantumvis per majoris mali metum subscripta, finitum est? Alioqui vix aliqua Pax de sua firmitate secunda foret: cum adeo difficile non sit, rationes quasdam adinvenire, ex quibus *justitia* belli reddatur *dubia*.

1070. III.) Facile quoque concedi potest Pacem ex metu qualicumque conventam, tunc etiam sine *rescissionis* beneficio valere, si *cessante periculo*, & *deposito metu* a parte læsa libere fuerit confirmata: quia & in uria per condonationem aboletur, & jus ab alio possessum *spontanea* renunciatione amittitur, actusque ab initio *invalidus*, subsequen-

quente libera confirmatione; saltem in præjudicium confirmantis reconvalescit, ut diximus supra à nu. 189.) & consentit Textor in Synops. J. G. c. 12. n. 34. ac patet ex C. *Perlatum* 1. de His, quæ vi, tum c. 2. q. ac 6. eod. tit.

IV.) Solum igitur dubium est circa sequentem casum: An metu gravi & vi armata extorta Pax in Bello ex parte Victoris manifeste injusto ita valeat, ut Pacificatio armis coacta, & a Parte victa ob metum majoris; sibi alias indebiti mali, subscripta, dominium Provinciarum transfulerit in Victorem iniquum? vel, an potius aliquis Parti inique Provinciis spoliata maneat regressus ad illas; saltem sub conditione: si Pars vincens aliquando prior in-fregerit Pacis articulos: si rerum status & circumstantiæ fuerint mutatae &c. &c.

Hanc quæstionem, sicut pro valore Pacificationis, ita per consequens pro translatione domini in iniquum Victorem resolvit Grotius hic n. 1065.) laudatus, quem plerique ex suis Glossatoribus sequuntur. Verum tam hos quam illum egregie refellit Puffendorf. de J. N. & G. L. 8. c. 8. §. 1. ita fere differens: Nondum adeo liquide constat de Jure aliquo Gentium, per quod non liceat contra Victorem in-justum exceptionem metus opponere. Et si vel maxime tale Jus extaret, non tamen generis humani tranquillitati multum videtur decessurum, si illud negligatur. Nam tradente Grotio, belli solemnitas, qualemcumque habeat causam justificam, hic est effectus, ut DOMINIUM, quod ipse vocat externum, rerum hostilium ACQUIRATUR. Si quis ergo post Pacem metu conclusam Victori bellum, non ex alia causa, nisi quod metu fuerit coactus i. iure Pacem, solemniter intulerit; poterit & ipse, arridente fortuna, non solum res antea amissas repetere, sed etiam reliqua hostium bona simili dominio externo acquirere. Ergo verius videtur (concludit Puffendorf.) eum qui bello injusto petitus, postquam ad pacificam disceptationem sese obtulit, & bellum deprecatus est, ad iniquam Pacem adigitur, nullo jure prohiberi, quo minus paci nondum adimpletæ exceptionem metus opponat, NB. NB. aut postmodum OCCASIONE DATA REPARATIONEM INJURIAE querat, &c. &c.

Igitur neque dominium in iniustum Victorem ullo modo translatum est, neque ex Pacificationis inique coactæ scæderibus alia obligatio contracta, quam ut publicum scandalum vitetur, & gravioribus malis non aperiatur via, ex-

pectando interea *occasionem* dandam ab Adversario, v. g. vi cuius ille prior infregisse Pacem merito dici possit. Hæc mens est *Puffendorfi* circa propositum casum, de quo pluribus ille tractat, ubi agit de metu, l. 3. c. 6. §. 11. ver. Enim vero invalida judicamus illa pæcta & promissa, ad quæ iniusta vi quis compellitur.

1071. Eiusdem est sententiæ Textor l. c. n. 33. & seq. Qui etiam post alios DD. rationem affert solidam: Tum quia & illud, quod Piratis aut latronibus pro salute, vita, aut bonis promittitur, non obligat cum effectu intento, ut inde nec promissio, a Principe vel Rege, ex causa *evidenter iniusta* per metum expressa obligare debeat cum tali effectu dum bellum *justum* non tantum belli jus, sed etiam *justitiam causæ* desideret. Tum quia, si ex n. 190. & seq.) metum injustum inferens nec licite possit exigere, nec retinere, quod promissum erat: is quoque cui vis iniusta fuit illata, nec tenetur a se abdicare, quod ex metu sponte, nec carere eo quod actu perdidit, sed cum supremam in sua ditione potestatem habere supponatur, declarare valet, non minus suam promissionem, quam pæcta suorum subditorum, interveniente metu injusto inefficacia esse:

1072. Tum quia Regibus potentibus & arrogantibus hoc modo via aperitur, quovis prætextu vel colore opprimendi ac sub iugum mittendi Respublicas, aut Principes infirmiores, si videant Civitates, Provincias, arces bello injusto occupatas, & *Pace violenta* partas, ex Jure Gentium, *saltem* quo ad forum *externum* suas esse, non attendentes quid intus loquatur conscientia: quando quidem qui remorsum non sentit, dum incipit injuste bellare, religioni sibi non ducet, comparata per bellam injustum iniusta pace stabilire.

1073. Tum denique, quia dominium *externum* duntaxat, quod ex jure Gentium occasione Pacis violentæ acquiri a *Grotio* dicitur, nullius momenti argumentum est. Nam eodem jure Gentium (ex fundamentis *Grotii* & sequacium) in bello *solemni* aliquis fit dominus eorum, quæ occupatione bellica acquisivit, licet bellum fuerit *injustum*, sicut & ille, qui ex summo quod habet Imperio, bello etiam *solemni* recuperare cogitat amissa suo infortunio, & *Victoris iniquitate* pacem extorquente. Tanto autem magis horum ille in foro etiam *externo* dominus fieri poterit, quanto certius ex iisdem fundamentis, dominum aut

sal-

saltem jus ad rem, in foro exteriori nunquam amittit, 1074. Quo etiam facit, quod ipsemet Grotius d. l. c. 19. §. 2. n. 2. ingenue fateatur eum, qui aliquid bello injusto extorsit, salva justitia, & salvis viri boni officiis non posse retinere, quod accepit, aut etiam cogere alterum ut flet pacis sive juratis, sive non juratis: intus enim ex ipsa rei natura id injurium manet; neque interna hæc injustitia actus tolli potest, nisi ex novo & vere libero spontaneoque consensu, cessante periculo majoris mali & metu purgato, rerum ita sibi creptarum dominium plene transferatur in illum. Hinc, hic ipse Auctor c. 22. §. 3, tractans de causis justis belli, ait; prædonem esse eum, qui sine causa justifica, per vim armatarum extorto scedere aliena possidet. Hæc autem simul collata merito inconsequentia convincunt Grotium, qui sibi ipsi non constat, Et cum ex ejus opinione etiam prædo & latro habeat dominium externum rei inique creptæ, quin tamen eam contra verum illius dominum possidere; sed tantum injuste detinere dicendus sit; sequitur ex Grotii politica, prædonis & iniqui victoris res alienas detinentium, eandem esse conditionem, parem injustitiam & æquale dominium externum, omnino chimericum, mere cerebrinum, juri naturali & Gentium repugnans, quod sicut illis in casu manifestæ injustitiæ nullum jus pro ullo foro tribuit, ita neque id a priore domino in eos quocunque modo translatum est,

1075. Videri hæc de re potest Emmanuel AMOR de Soria Patronus Fiscis Regii in Ducatu Parmensi, qui in tractatu de Bonorum, finito bello, restitutione ex capite amissionis; edito Vienna Austriae, An. 1738. in 4. f. 284. ait; Regibus ista non possunt applicari: quia & Doctorum etiam sententia summi Imperantes adversus actus METU extortos, & multo magis fraude, se ipsos in integrum RESTITUTERE VALENT, Confer quoque D. Tho. 2. 2. q. 89. a. 7. ad 3. vers. talis obligatio TOLLITUR per COACTIONEM, quia ille, qui vim intulit, hoc meretur, ut ei promissum non servetur. Imo, præter alios, etiam Ethnicos Sophos pro hac sententia videre hic est a n. 189.) adductos,

1076. CONCLUDES; Principes Christianos, si præscriptio, aut spontanea & plene libera renunciatio non intercessit, posse per Turcas injusto bello & coacta pace extorta dominia postliminio recuperare. 2.) Quia tamen fides publica auctoritate etiam hosti data servanda est. 3.) Hinc ad scandalum & mala, quæ inde sequi possent, avertenda;

expectanda est opportunitas, v. g. usque dum hostis datam fidem primus infringat, &c. &c.

Q. III. *An Debitores a Victore absoluti, Pace sancita teneantur solvere Creditoribus?*

1077. Contingere potest, ut durante bello Debitores eorum, qui *hostes declarati* sunt, ex jussu Victoris solvant fisco suo vel aliis, quod hostibus debeant, aut Victor remittat debitum, prout *Alexander M.* dum Thebas evertisset, centum talenta, quæ Thessali Thebanis ex mutuo debebant, sponte illis remisit, teste Tholofan. *de Republ. L. 11. c. 13. n. 9.* Jam Pace facta, aut hoste repulso; *Queritur: An verè Creditores possint petere sua credita, & sic Debitores de novo teneantur solvere*, etiam quod ipsis a Victore remissum est, aut quod fisco Victoris jam intulerunt: nam Thebani per Cassandrum restituti petebant a Thessalis creditum.

1078. Circa hunc casum *duæ* reperiuntur sententiæ. *Affirmativam* defendunt Hotom. *q. illustris 5.* & Lauterbach, *ad ff. lib. 46. tit. 3. §. 16. ac lib. 49. tit. 15. §. 5.* ubi resolvit, quod; si debitum non fisco Victoris a Debitore persolurum, sed tantum ei remissum ab illo fuerit, hic teneatur solvere creditori. Alii autem sine hac limitatione ac pro omni hypothesi putant obligari Debitorem ad solvendum. Movetur vero sequentibus rationibus.

I.) Quod Victor hostis de Jure tam *Gentium*, quam *Civili*, ea tantum acquirat jure belli, quæ occupat, *l. 5. §. 7. ff. de A. R. D.* nomen autem & obligatio est res incorporalis, quæ non potest apprehendi, *l. 4. §. 27. ff. de Usucap.* igitur Victor nomen & obligationem non potuit acquirere, ac proin nec in alium transferre, aut debitores liberare, quod enim quis non habet, de eo non potest disponere, *L. fin. C. de pact.*

II.) Solutio debet fieri Creditori, *L. 39. ff. de negot. gest.* & si alii sit invito Creditore, Debitor non liberatur, *l. 34. §. 4. l. 49. ff. de Solut. l. 13. C. eod.* Nec liberatur Debitor, licet vi coactus Militi debitum solverit, *arg. l. 51. ff. de Solut. Lauterbach. ad ff. cit. lib. 46. tit. 3. §. 16.*

III.) Non liberatur Debitor propter bellum, *l. incendium 11. C. si cert. pct.* nec genus, nec quantitas potest perire, *l. si pecunia, 12. ff. de Legat. 2.* Imo licet pecunia sit vi extorta, tamen Debitor manet obligatus, quia cessante ty-

ran-

tannde, ea quæ tempore tyrannidis gesta sunt, habentur nullius momenti, *l. decernimus, C. de SS. Ecclesi.* consequenter Debitores ea quæ ex jussu Victoris solverunt fisco, aut alii, tenentur ex post veris Creditoribus dehinc solvere. Neque *Alexander Magnus* Theſſalis potuit liberationem a debito concedere, etsi tabulas debiti apprehenderit, quia chirographum seu tabulæ tantum adhibentur probationis causa, *l. 4. ff. de pignor.* adeoque qui habet chirographum, non habet jus exigendi debitum.

1079. *Negativam* vero sine ulla limitatione tuetur Hug. Grot. *de J. B. & P. l. 3. c. 8. §. 4. n. 4.* Gundling. *ad Instrum. Pac. Osnaburg. a. 4. §. 47.* Tholosan. *c. l.* ubi consentit quo ad 1. conclusionis partem, quod scilicet Debitores, qui solverunt ad jussu hostis Victoris, sint liberati, sicut isti, quibus debitum ab eo remissum est, Gudelin. *de jure Pac. c. 5. nu. 14.* quorum opinio probari potest hls momentis.

I.) Hostis Victor qui occupat civitatem, est dominus omnium, bonorum ad civitatem, aut Cives victos pertinentium, non tantum corporaliũ: sed etiam incorporaliũ, *l. 5. §. ult. ff. de A. R. D. l. 51. §. 1. ff. eodem,* consequenter omnia victis potest adimere, si velit, *arg. l. 118. ff. de R. J.*

II.) Si pecunia per vim & metum jussu Præsidis, aut alterius Magistratus ad injuriam Creditoris a Debitore fuit extorta, tunc hic liberatur, & periculum pecuniæ est Creditoris, *l. si merces 25. §. culpe 4. ff. Locat. conduct. l. Liberto 21. §. Lucius, ff. de ann. legat. l. 27. §. fin. ff. de Legat. 3. Bart. & Castr. ad L. Creditor. 102. ff. de solut. igitur si Princeps aut belli Dux a Debitoribus exigit solutionem illius, quod hosti debent, tunc solvendo liberantur in terminis, Math. de Afflict. decis. 150. u n. 13.*

Dein III.) Si quis alteri chirographum legat, non tantum censetur cogitasse de tabulis, sed etiam de actionibus, quarum probatio in tabulis continetur, *text. & DD. in l. qui chirographum 59. ff. de Legat. 3.* ergo hostis per occupationem chirographi consequitur jus exigendi, quod ex chirographo dependet, *L. 3. §. 1. & 2. ff. de liberat. legat.*

1080. Demum IV.) Patet id ex *art. 4. §. 47. & 48. Pac. Osnaburg.* ubi denegantur Processus contra Debitores, quibus solutio in odium Creditorum ab una alterave parte belligerantium fuit extorta. Dum enim nimis foret, si Debitores tali casu iterato deberent solvere. Creditores vero

damnum, quod sentiunt, imputabunt belli infortunio. Gundling. *ad d. §. 47. Pac. Osnab.* Inde patet, quod Alexander M. Theſſalis centum talenta potuerit remittere, qui Civitatem Thebarum vi bellica occupavit. Lauterbach. *ad ff. lib. 49. tit. 15. §. 5.*

1081. Hæc *Negativa* ſententia prioris *Aſſerptivæ* opinionis rationes hoc modo reſolvit: Ad I.) *Negat Aſſumptum*, quia hoſtis victor ea quæ victus, ſeu Civitas victa habet, acquirit corporalia & incorporalia, per dicta *n. 1079.*) conſequenter Civitate occupata etiam acquirit juſ exigendi debitum, quod competit Civitati, uti Lauterbach, alioqui contrarius *cit. §. 5.* ſatetur. Eſſi autem res incorporalis non poſſit vere & phyſice apprehendi, poteſt tamen quaſi poſſideri, *l. fin. ff. de ſervit. & per apprehenſionem rei*, cui inhaeret, acquiri. Sic juſdictio Caſtro annexa una cum Caſtro acquiritur, & reddito chirographo extinguitur obligatio, *l. 2. §. fin. ff. de Paſſ.* igitur Victor poteſt in odium Creditorum præcipere, ut Debitores ſolvant fiſco, aut alii, vel etiam Debitoribus, quod hi debent hoſtibus, poteſt remittere.

1082. Ad II.) *Negat id obſtare*, quia iſta allegata procedunt de jure ordinario, in caſu autem præſente Victor ſuccedit in locum Creditoris, & idem eſt, ac ſi huic fuiſſet facta ſolutio, ſi hoſti fiat ſolutio, utroque enim caſu Debitores liberantur, *arg. l. Fulcinus 7. §. ſi quid, ff. quib. ex cauſ. in poſſ.* Ita ipſe Hotomannus contrariæ ſententiæ Patronus *cit. q. 5.* ergo etiam liberantur Debitores, qui ex juſſu hoſtis ſolverant fiſco: Quando enim quis ad juſſum, qui poteſtatem jubendi habet, quid agit, non poteſt conveniri, *l. 37. pr. ff. ad L. aquil.* Nec argumento *l. 5. 1. ff. de ſolut.* probatur doctrina Lauterbachii in contrarium allegata, quia in *cit. l. 51.* agitur de caſu, quo Debitor ſolvit diſpenſatori Creditori ignorans eum eſſe jam remotum ab officio, ille tamen liberatur, dicente text. *cit. Diſpenſatori, qui ignorante Debitore remotus eſt ab actu, recte ſolvitur.* Concedit quoque hæc *negativa* ſententia, quod Debitor exactus a Milite, qui cepit Creditorem, ſolvendo Militi liberetur, quia Creditor ſubjicitur dominio Militis capientis, *§. 17. Inſt. de R. D.* licet aliud ſecundum mores hodiernos obtineat.

1083. Ad III.) Reſponderet negando *Conſ.* eſſi enim per bellum Debitores non liberentur, & genus non poſſit perire,

re, non tamen sequitur, quod debitor ad injuriam creditorum ab hoste exactus non liberetur, quia in hoc casu periculum pecuniæ est creditoris, per deducta *n. 1079. probi. 11.*) Ex *l. decernimus 16. c. de SS. Eccles.* dicit plus non probari; quam quod statuta contra Ecclesiam & Clericos facta habeantur pro invalidis: reliqua autem; quæ hostes vi potestatis suæ fecerunt; manent valida; *Salicet. Castren. & Brunnem ad cit. l. decernimus.* Cum igitur hostis habeat potestatem exigendi, aut remittendi, juxta deducta, hinc sequitur, quod Debitores per solutionem hosti, vel alii ex jussu ejus factam sint liberati, & Pace facta non teneantur Creditoribus denuo solvere; etsi chirographum adhibeatur probationis causa; ex eo tamen dependet jus exigendi; per *l. 59. ff. de Legat. 3.* Consequenter *Alexander M.* potuit Thessalos liberare a debito Thebarum:

1084. Ex recensitis his duabus, sibi contrariis sententiis, neutra proposito casui satisfacit. Non 1. illa, seu *Affirmativa.* Nam *fallit 1.*) Si Victor, qui solutionem Debitori remisit, aut solum debitum recepit, tunc habuerat manifeste iustam belli causam, v. g. Turcam iniquum aggressorem ex sua Provincia, vel Civitate propulsans. Hic enim, cum juxta Jus Gentium; & *l. 5. ff. de R. D. ac alias LL. supra citt.* occupando Civitatem fiat regulariter dominus omnium rerum &c. potuit plene disponere de rebus & ære a Civibus hujusmodi, hostibus suis Turcis debito; quin illi solvere eis teneantur denno:

1085. *Fallit 11.* Si Creditor in mora culpabili fuit rem suam vel mutuum recipiendi a Debitore solvere paratus. Hoc enim casu, justus vel injustus Victor ille fuerit, si tamen hic mutuum a Debitore jam recepit; Debitor ad nihil ultra Creditori tenetur: Quia mora cuique sua non alteri nocere debet, *l. Mora, 32. ff. de usur.* Quod si vero æs illud alienum Victor manifeste injustus, e. g. Turca remisit Debitori, hic, nil obstante mora Creditoris, adhuc tenebitur debitum ei solvere: quia remissio facta a Tyranno notorio fuit nullius auctoritatis: & Debitor nullo modo censetur lædi si restituat debitum creditori; quod nequæ huic persolvit hucusque, neque per hostem sibi extortum est, habet proin hic locum *l. 39. ff. de negot. gest.* Quod si fisco v. g. Turcarum solvere coactus est, non tenebitur quidem iterato solvere Creditori, si hic in mora recipiendi æs suum fuit: Secus obligabitur, perinde ac obligaretur,

si pecunia illa cum domo Debitoris incendio absumpta fuisset, per *l. incendium*, II. C. *si cert. pet.* & alia jura citata n. 1708.) Neque enim jus belli latronibus & prædoni assistit.

1086. *Fallit III.*) Si forte Pax aliter obtineri non potuit, quam ut Partes bellantes vicissim consentirent in *Amnistiam*, cum *expressa* remissione, & abolitione omnium omnino obligationum, & injuriarum, tempore belli a belligerantibus quomocunque illatarum, & contractarum; ita ut *pro neutro foro* interno sive externo ullum jus aut obligatio alterutrius Partis subdito cuipiam maneat. Talis quippe remissio obligationum, si *pax aliter fieri nequeat*, potest in pactum deduci ob publicam utilitatem singulorum, *Mantic. de tacit. & ambig. convent. l. 27. tit. 3. n. 14. & 15. Gaill. l. 2. Obs. 57. n. 1 & 2. Myns. cent. 4. obs. 9.* Porro in *tali casu*, subditus illud æs alienum, aut depositum, quod sibi per hostem extortum est, non teneretur iterato solvere, *text. & Canonistæ in C. in nostra 8. de injur. Hermes fasc. Jur. Publ. c. 11. q. 8.* Bene tamen, si debitum ab hoste injusto tantum remissum foret, ut fusius ex *seqq.* constabit.

1087. Non etiam satisfacit altera, seu *Negativa* opinio. Hæc enim fallit quoque I.) ubi asserit, quod Victor, qui occupat Civitatem, sit dominus *omnium bonorum* ad Civitatem aut *Cives* pertinentium. Id enim non esse verum constat ex iis, quæ diximus alibi, scilicet in *Erotem. theor. pract. erot. 27. de Amnistia*. Pleræque enim sunt personæ inter hujusmodi Cives, quæ non sunt implicatæ bello, ac innocentes, uti sunt pauperes in Xenodochiis, viduæ, Clerici, Ministri Ecclesiastici, Religiosi, perpetuo infirmi, alique non pauci, qui sicuti bello non sunt involuti, ita *omni jure* res eorum exemptæ sunt, quin licite cedant in spoliū Victori etiam *justo*.

1088. Tanto magis *fallit II.*) Quia si Victor fuerit *notorie injustus* aggressor: de hujus dispositione circa prædictum debitum idem esse debet judicium ac de sure, prædone, & latrone, si quis ex istis Debitori æs alienum remittat, aut sibi solvendum usurpet, *l. 1. §. fin autem, C. de Rapt. virg. ac pr. Inst. de vi bonor. rapt.*

1089. *Fallit III.*) ubi hic sub n. 1082. *in fin.*) fatetur, hodiernis moribus Debitorem non liberari a debito, si hic exactus a milite, qui cepit creditorem, solvat militi; hæc igitur sententia sibi ipsi non constat: igitur deberent lo-

cum

cum habere leges, quæ disponunt invito Creditore Debitorum non liberari, n. 1078.

1090. *Fallit* IV.) ubi pro confirmatione, adducit exemplum *Amnistie* in Pace Osnaburgensi, hic n. 1080.) allata; Non enim omnium Amnistiarum eadem semper forma est: sed potius dependet a placito paciscentium Bellatorum. Quamobrem in tali Pacificatione Principes plerumque invicem remittunt omnia damna sibi, & subditis durante bello illata, omnes actiones & jura competentia, sicuti patet ex *Instrumento Pacis Osnaburg. art. 2.* Sæpe etiam non omnia damna neque omnes obligationes, rarissime autem pro foro etiam interno illas remittunt. Et ita in transactione *Passaviensi* Imperator damnificatis, non absolute neque pro utroque foro abolevit jus & actiones pro eorum restitutione ac indemnitate petenda competentes; sed potius ratione injuriarum ejusmodi & jurium remissorum promissit justam compensationem, d. *transact. Passav. §. 21.*

1091. Hinc in casibus ab *Amnistia* & Pacificatione tractatu dependentibus distinguunt communissime DD. an Pax aliter obtineri nequeat, quam ut damnificatis omnia jura & damnificantibus hostibus omnes obligationes damnorum reparandorum remittantur & aboleantur, & quidem pro foro utroque interno & externo: an autem sine prædicta, aut saltem cum remissione quidem, sed sine expressa mentione fori etiam interni, prædicta Pax obtineri possit? In primo casu, si talis Pacificatio contracta est cum remissione pro utroque foro: certum est cessare obligationem solutionis quo ad personas bello implicatas, ut diximus nu. 1086.) In casu autem altero, si Pax illa aliter obtineri potuit, aut si jura damnum passorum & obligationes damnificantium tantum indefinite, seu sine mentione fori interni vel externi, aut utriusque remissæ sunt: tunc remissio hæc non præjudicat subditis privatis, quin contra damnificantes, privatos, (v. gr. qui militiam tunc militando damnum dederunt) possit etiam in foro externo agere ad damna refarcienda. Hostiens. in C. quanto, de jurejur. Felin. in C. quæ in Ecclesiis, n. 16. de const. quos citat & sequitur Gaill. lib. 2. obs. 57. n. 6. Schiltensperg. Disp. ad l. 5. ff. de Pact. c. 4. §. 1. n. 3.

1092. Imo quotiescunque *Amnistia* sancita est indefinite sine ulla distinctione fori interni ab externo, ad summum nonnisi pro foro externo censetur prohiberi actio ad vin-

dicandas injurias publica belli auctoritate illatas: manente interea tota obligatione naturali in iis, qui damna hæc intulerunt; saltem si res per vim erepta adhuc extent, aut si miles earum raptor factus est inde ditor, prout multis probavimus cit. *Erotem.* 27. de *Amnistia*. Ratio hujus est quia sufficit ad Pacem & tranquillitatem publicam Provincie armis oppressæ, si ita victus ejus dominus consensiat, ne sui subditi damna illa in foro tantum externo vindicent, manente naturali obligatione, qua dampnificantes adstringuntur &c. per *l. de die 8. §. 4. & l. si fidejuss.* 7. §. 1. ff. *qui satisfac.* cog. ac ibi DD.

In Pacificatione igitur Osnaburgensi *l. c.* cum solum *indefinite* remissa fuerint jura & obligationes: hæc tantum pro foro externo extinctæ erant, sed manebant pro interno; ex hac itaque transactione & Amnistia eo pejus torquetur paritas ad omnes alias, cum neque *Osnaburgensis* naturalem obligationem ullo modo aboleverit, præsertim quo ad dampnificantes aperte *iniustum*, aut *dubie* justum bellum gerentes, & res, præsertim raptas retinentes.

1093. Cum igitur neutra ex recensitis sententiis proposito casui satisfaciatur, hinc decisio ejus dependebit a facti circumstantiis hic explicatis, quæ siquidem unica conclusionem comprehendere simul nequeunt; nequit etiam proposita quaestio præcise ac determinate definiri: sed pro varietate circumstantiarum diversarum statuetur juris responsum, si quando casus contingat.

Q. IV. *An Princeps Successor teneatur Pace, quam suus Antecessor cum vicina Potentia conclusit?*

1094. Certum est I.) quod Pax cum Republica, vel potulo in statu *Democratico*, aut *Aristocratico* inita perpetuo sit observanda, quia Respublica nunquam moritur, etsi personæ in dies mutantur: Barbof. *in thesaur.* l. 16. c. 50. *axiom.* 1. Neque etiam anceps est II.) quando in regno, aut Principatu succeditur jure hereditario, tunc Successorem obligari Pace ab Antecessore conclusa, tum quia non tantum sibi: sed etiam heredibus cavisse Antecessor intelligitur, *L. 9. in fin. ff. de probat.* tum quia omnis stipulatio, siue consistat in dando; siue in faciendo, *active & passive* in heredes transit, *l. veteris juris 13. C. de contrah. & committ. stip.* igitur etiam Successor, qui regnum a defuncto acquirit, tenetur Pacem ab Antecessore initam servare, cum heres debeat omnia defuncti facta præstare & rata habere.

habere l. 11. ff. divers. temp. præscript. ac res etiam alienum solvere, DD. ad C. licet, de vot. & votiredempt. dummodo ipsi Regno non nimis magnum inferat detrimentum: non enim regnum, etiamsi hereditarium foret, pari jure cum Principis patrimonio æstimatur, ut tanquam re sua, eo ad libitum abuti queat. Besold. de Reg. Success. l. 3. diff. 2. th. 1.

1095. III.) Controversia igitur in eo solum vertitur; An qui ex certa lege Regni, aut jure Electionis succedit, teneatur stare pactis Antecessoris? Ad hoc quesitum, sunt nonnulli qui negative respondent: sed affirmativa uti communior ita longe solidior opinio est, docens: Regem & Principem etiam ex certa lege Regni, aut Jure Electionis succedentem firmissime obligari Pactis seu Pacificatione Antecessoris sui, licet de Successore nulla fuerit facta in Pactis mentio. Ita Bald. in l. 1. ff. de Const. Princip. Buxdorff. ad Aur. Bull. conclus. 37. Lit. C. Tholosan. de Republ. l. 7. C. 20. Hug. Grot. de J. B. & P. l. 2. c. 14. n. 11. Arumæ discurs. Acad. mol. 2. disc. 10. th. 19. Armis. de Jure Majest. l. 1. c. ult. n. 13. Gudelin. de Jur. Pac. c. 12. n. 2. Auctor. temp. Pac. Osnaburg. ad Art. 1. n. 1. Carpz. de L. Reg. Germ. c. 3. n. 20. Sinolt. Schuz de Stat. Rei Rom. vol. 1. exerc. 3. th. 8. Lit. H. Besold. de fœder. usu th. 64. & 65.

1096. Ratio est 1.) ex ipsa Pacis natura; quæ in perpetuitate consistit, Pax enim nisi sit perpetua, pax proprie non est: sed armistitium, Mantie. de tacit. & ambig. conv. l. 27. tit. 2. n. 2. Auctor. Medici ad J. P. Osnab. art. 1. Lit. C. hinc Instrumentis Pacificationum inseruntur verba: Pax sit universalis, & perpetua, Instr. Pac. Osnab. a. 1. & Badens a. 1. non autem posset esse perpetua, nisi transiret in Successores, & hi ad eandem observandam tenerentur.

1097. II.) Pax respicit Scutum Reipublicæ; l. Conventio-
num 5. ff. de Pact. ac Pacem Princeps non tam suo, quam Reipublicæ nomine iniisse, & ita Respublica; vel Regnum per Principem tanquam caput obligatum intelligitur, Treutl. p. 1. disp. 6. th. 7. Hunn. vol. 1. disp. 6. q. 49. Sicut autem Respubl. & Regnum semper durat; ita obligatio ex contractu Reipublicæ & Regni nomine celebrato orta, utpote realis nunquam extinguitur, Carp. l. c. sed per consequentiam necessariam, puta translato Regno, in Successorem transit: Eug. Grot. & Sinolt. Schuz. d. loc.

1098. III.) Male consultum foret externa Generis hu-
mani

mani felicitati, si Pax perpetuo, imo etiam indefinite conclusa cum Antecessore, posset pro arbitrio turbari a Successore & priores jam per Pacificationem confopitæ prætensiones, iterum ab eo resuscitari sine evidenter justa causa. Hac quippe ratione nulla transactio iniri utiliter posset. Et tamen Gentium ac Civili jure docemur, quod contractum a Tutore nomine pupilli celebratum, Curator succedens, & Pupillus major factus debeant observare, *l. cum queritur, ff. de administ. & peric. tut. l. 3. C. quemadmodum ex fact. tut.* igitur ratione non dissimili Rex Successor Pacificationem Antecessoris servare debet, nisi velit gravissimam censuram Gregorii Magni incurrere rescribentis: *si ea destruerem, quæ Antecessores nostri statuerunt, non constructor, sed everfor bene comprobaber, Can. si ea caus. 25. q. 2.*

1099. IV.) Quo etiam facit, quod non solum S. Pontifex Innocentius IV. in C. 3. vers. *sed ea, de Sententia & ro jud. in 6.* ubi ad donationem nomine Regni factam Successor obligatus dicitur; sed etiam Bonifacius VIII. C. 5. *de Rescript. in 6.* ubi statuit, gratiam a S. Pontifice concessam ad Apostolicæ Sedis beneplacitum, per obitum concedendis non extinguí, addita ratione: *quia Sedes non moritur.* Itaque nec Pacificatio per obitum Regis paciscentis extinguitur, quia Pax nomine Regni sancitur, per superius dicta: & Regnum nunquam moritur; *l. proponebatur 76. ff. de Jud. 1100. V.)* Obligationem hanc confirmat exemplum Divinæ Nemesis, quæ teste Scriptura sacra 1. Reg. 21. populum Israeliticum durissima trium annorum fame vexabat quia Saul quosdam ex Gabaonitis cum quibus Josue pacem fanciebat, Josue 9. contra fidem ab Antecessore datam necaverat.

Ex his concluditur: Regem aut Principem successorem obstrictum esse Pacificatione Antecessoris, nec eam violare posse ob *prætensas* quasdam subtiliores rationes, quas contractus Principum non admittunt, Gail. l. 2. obs. 55. n. 4. Syring. *de Pac. Relig. concl. 34. Lit. D.*

1101. Nec obstat 1.) quod post alios opponit Vinc. Gaboth. l. 2. disp. c. 14. Princeps, qui ex certa lege Regni, aut jure Electionis succedit, causam a Prædecessore non habet, neque ad ejusdem facta, & contractus, qui etiam Pacificationem includunt, *l. 5. ff. de pact. tenetur, l. 22. §. 1. ff. de adopt. Nov. 22. c. 33.* regulaque est, neminem alterius nomine, a quo causam non habet, esse gravandum *l. Si quis*

quis domum, ff. locat. conduſt. l. 33. ff. de pig. & hypoth. Nam contra eſt, quod licet Princeps ille non habeat cauſam a ſuo Anteceſſore, habet tamen eam ab ipſa Republica, aut Regno, cujus facta per defunctum ſuſcepta evertere nequit, quia ipſa Reſpublica obligata fuit pacificatione, aut aliis contractibus, vi officii, aut dignitatis regię nomine celebratis. Princeps autem omne illud dignitatis, & officii nomine intelligitur geſſiſſe, quod non ad proprios & privatos uſus fecit; modo, quę acta fuerant, non contra Imperii, aut Principatus leges, ſive pacta conventa tendant, vel aliunde invalida fuerint. Non igitur gravatur Princeps factis Anteceſſoris: ſed Reipublicę & dignitatis regię nomine poſito. Reſpublica autem poteſt ſe obligare, & obligationem contractam in alium transferre, quod contingit vel expreſſe, vel per conſequentiam neceſſariam, transferendo Regnum, uti fit in Polonia.

1102. Non obſtat 2.) quod Prælatus Eccleſiaſticus non teneatur ſtare pacto ſui Anteceſſoris, C. veniens, de tranſact. neque expectativam feudi poſt mortem promittentis aperti exequi, C. un. §. Si dominus l. feud. 25. quod provenit ideo ſolum, quia cauſam ab Anteceſſore non habet: igitur nec Rex obſtringitur Pacificatione Anteceſſoris ſui, cujus morte dignitas & Potestas regia ſublata eſt. Contra enim eſt; nam Prælatus non tenetur ſervare contractum ſui Anteceſſoris invalidum ex defectu ſolemnium, de quo caſu loquitur d. C. Veniens, aut ſolummodo perſonam contrahentis reſpicientem, qua de cauſa non confert feudum poſt mortem promittentis apertum, quia concedens poſt mortem non habet poteſtatem rerum gerendarum, Can. fin. cauſ. 12. q. 2. & tantum tenebatur actione perſonali, quę in ſingularem ſucceſſorem, qui ex defuncti ſermone nullum jus habet, non tranſit: Jaſon. in l. qui opus n. 4. ff. de N. O. N. Secus tamen eſt in contractu, cui debita forma acceſſit, nec tendit in grave præjudicium Eccleſię, dignitatis nomine celebrato, quem Prælatus Succeſſor obſervare tenetur. C. gratioſe, de Reſcr. in 6. C. quoniam Abbas, de Offic. & P. J. D. ibique Gonzal. n. 6. Klock. r. 2. conſ. 4. n. 73.

1103. Ad rem nihil facit 3.) quod Pax concluſa ut plurimum juramento firmetur, uti patet ex Pace Conſtantienſi, §. hanc igitur, juramentum autem non egreditur perſonam jurantis, C. Veritatis 14. de Jurejur. Non enim dicimus Succeſſores teneri ex Juramento Anteceſſorum, in quaquam

quantum producit *obligationem Religionis*: sed potius obligari eos propter *Contractum*, & *promissionem*; Juramentum enim non apponitur tantum majoris firmitatis causa; tanquam accessorium, & sic Successores Reges *principaliter* obligantur ex contractu: In quantum autem juramentum constituit onus *reale*; adstringit Successores ad exonerandam conscientiam defuncti; *C. fin. de Sepult.* ac nomine proprio; seu Regio, in re ad dignitatem pertinente; factum juramentum transit ad Successorem dignitatis hujus: *Cov. ad C. quavis, de pact. p. 1. §. 5. n. 10.* igitur successor Regni tenetur Pacem ab Antecessore sancitam conservare:

1104. Demum non stringit 4.) quod *Fidenates* mortui *Romulo*; ac *Latini* post *Anci* obitum, item *Etrusci* defuncto *Tarquinio Prisco* se religione foederis solutos dixerint, & similiter *Perseus* Rex Macedonum Legatis Romanorum responderit, foedus cum *Philippo* Patre sancitum ad se non pertinere, &c. Nam, non quid factum sit, sed quid fieri oporteat, spectandum est; *l. sed licet 12. ff. de Offic. Præsid.* facta enim varia sunt iusta & iniusta. An talia sint ista contrarium allegata, dijudicari nequit quia verba foederum nescimus, quæ inter illos fuerint; porro ex verbis foederum desumi id debet. *Grot. l. c. L. 2. c. 16. §. 16. d. n. 11.* Hinc Sententia *Bodini* ac *Spengeri* dicentium, quod morte foederatorum fœdera extinguere credantur, universalius non est admittenda; sed solum in casu; quod ex circumstantiis desumitur, fœdera ad personas tantum foederatorum restricta esse. *Grot. & Schuz. cit. loc.*

1105. Pariter non movet 5.) quod Principes leges sui Antecessoris observare non teneantur, sed eas tollere possint; *l. fin. c. de LL.* ergo neque tenentur servare contractus & pacta sui Antecessoris, per regulam: *qui potest plus; potest etiam minus*; plus autem est legem tollere quam contractus. Nam contra est; quod diversa sit ratio legum; ac Pacificationis & contractuum. Legibus enim quæ *mere humanis civilibus* sui Antecessoris Successor Rex non adstringitur, adeo, ut eas exigente Reipublicæ utilitate mutare queat, sicut potuit ipse Antecessor. Hic autem ex pacificatione ita obligatus fuit, ut ab ea invito altero recedere non potuerit, utpote cum ex transactione hac publica auctoritate sancita *naturalis & Gentium* obligatio orta sit, sicut & ex aliis contractibus; *l. 1. ff. de pact.* nulla proin est paritas.

C A P U T VIII.

De Legatis & Legationum jure.

§. I.

De diversitate & obligatione Legatorum.

S U M M A R I U M.

1106. &c. *Definitio & divisio Legatorum.*

1110. *Legatorum securitas a quo Jure venit?*

1111. &c. *Refellitur Puffendorfius tribuens id Juri Nat.*

1113. &c. *Quæ sint obligationes Legatorum?*

1106. Cum Legatorum ministerium ad Pacem concludendam aptissimum censeatur, materiz de Jure pacis pertractatz merito subjungendam judicavimus præsentem de Legatis titulum. Describi autem potest *Legatus*, quod sit *Minister publicus a summa Potestate ad aliam similem vel dignitatem inferiorem, summo tamen imperio pollentem destinatus, ut negotium sibi demandatum nomine sui principalis expediat.*

1107. Porro Legatorum diversa est indoles. Alii enim sunt *primi Ordinis*, qui caractere repræsentatio summæ Potestatis, a qua mittuntur, fulgent; alii sunt *secundi Ordinis*; qui caractere repræsentatio destituti, jurisquidem potestate pares sunt prioribus, specie tamen dignitatis, quo ad præcedentiam, honores, & cæremonias distinguuntur. Illi proprie loquendo veniunt nomine Legati simpliciter enunciato, dicunturque *Ambasciadori*, vulgo isti verius *Ablegati*, vel *Prolegati*, Envoyes appellantur, et si hæc vocabula sæpe confundantur, ita ut Legati, & Ablegati in Recensibus Imp. promiscue veniant, teste Schæffer. *introd. ad Jus publ. par. spec. sect. 1. c. 28. n. 2; Vtriar. &c.*

1108. Alii sunt Legati *Ordinarii*, qui summæ Potestatis negotia communiter evenientia in Aula externa tractant. Alii *Extraordinarii*, qui extra ordinem, ad negotium aliquod tractandum, vel quidpiam nunciandum mittuntur. Alii item *Simples*, qui mandatum simplex sine speciali clausula acceperunt. Alii *Plenipotentiaris*, qui mandatum speciale cum *Libera* sunt consecuti,

1109.

1109. *Agentes* appellari solent personæ, quæ negotia privata Rectoris civitatis, vel etiam subditorum ipsius, eiusdem nomine apud Aulam, vel Gentem etiam curant. Cum autem à voluntate constituentis dependeant, nil obstat, quo minus etiam negotia quædam publica minoris præsertim momenti *Agentibus* committantur. Hi ipsi qui *Agentes* audiunt, etiam alio nomine *Residentes*, *Statarii*, aut *Consules*, iique interdum *temporanei*, interdum *perpetui* dicuntur, ac veris Legatis merito æquiparantur, cum non appareat (ait Steph. Cassius de *Legat. Jure*, sect. 1. n. 37.) cur è numero & prærogativis Legatorum vere talium eliminari debeant, eadem quippe est summa Imperantis potestas, si ve ad majora, si ve ad minora negotia tractanda Virum idoneum mittat, neque causarum agendarum varietate illa diminuitur, neque Jus Gentium circa Legationes infirmatur.

1110. Cuinam juri Legatorum admissio & securitas tribuenda sit, disputant Naturalistæ, & Puffendorfius quidem de *J. N. & G. l. 2. c. 3. §. 23.* cum non paucis Sequacibus Juri naturali attribuit, ex quo Jus Gentium à naturali distinctum nullum admittit, verum idæ hujus falsitatem demonstravimus à n. 662.) ubi etiam securitatem Legatorum sub n. 674.) Gentium juri obstrictam vindicavimus, utpote cum mutuam inter Gentes societatem & amicitiam, cujus intuitu Gentium Jus invaluit, nihil aut securius pariat, aut firmitus roborat & conservet, quam mutuam per Legatos commercium, vix aliter in usum deducendum, ac si Legati simul admitti & immunitate gaudere debeant, Textor in *Synop. J. G. C. 14. à n. 2.*

Quam ob rem de non admissis Legatis Senator Carthaginensis, apud Livium dec. 3. l. 1. c. 3. contra Annibalem justè conqueritur: *Legatos, ab Sociis & pro Sociis venientes, bonus Imperator vester in castra non admittit: Jus Gentium sustulit.* Pomponius quoque Jctus in *L. ult. ff. de Legation.* ait: *Si quis Legatum hostium pulsasset, contra JUS GENTIUM id commissum esse existimatur, quia sancti habentur Legati; & ideo, si, cum Legati apud nos essent Gentis alicujus, bellum cum eis indictum sit, responsum est, liberos eos manere, id enim JURI GENTIUM conveniens est, & merito: jure enim Naturæ spectato nihil vetaret eos, utpote pro hostibus jam declaratos, saltem salva vita, hostiliter tractare, aut sub custodia detinere, usque dum bellum finiatur.* Vid. cit. n. 674.)

1111. Nec stringit Puffendorffii discursus, quod Legati sint necessarii ad pacem obtinendam, quæ jure nat. præcepta est. Quid enim hoc ad rem facit? Nam etsi Jus nat. tum societatem tum pacem inter Gentes imperet, non tamen absolute & necessario requirit ad hunc finem ministerium Legatorum; tum quod non sit impossibile, quo minus ipsimet Reges aut Principes personaliter conveniant, tum quia negotium Pacis etiam per Literas confici posset, tum denique, quod per solam cessationem ab armis possent bellantium hostilitates in statum pacificum converti.

1112. Huc facit, quod etsi pax fuerit jure nat. præcepta, at modus inducendæ pacis ab hoc jure non est determinatus, ac proin ut Legati ab eo, ad quem mittuntur, necessario admittantur, aut plena securitate potiantur, Jus naturæ non præcipit. Hoc enim jure spectato liberum est hominibus, seu in libertate naturali, seu in societate Civili viventibus, ut cum Gente altera teneant commercium aut non; ideoque Legatos ad se missos recipere non tenentur. Hinc si Legati delinquant in loco legationis, Jus naturæ delinquentes non eximit a Jurisdictione summæ Potestatis ibidem dominantis, sed magis exoptat, ut noxii & noxiæ, undecunque sint, plectantur. Consecutio igitur hæc non apparet legitima: Pax est necessaria de Jure naturæ; ergo etiam Legatus. Nisi dicatur necessitas hæc solum mediate a jure nat. provenire, supposita nempe lege Gentium ex tacito earum pacto de Legatorum admissione, ut liquet ex d. n. 674.)

1113. Obligatio Legatorum, quam habent ex officio suo, est 1.) ut Domini, a quo mittuntur; auctoritatem omni modo conservare studeant, quod fieri ut plurimum potest, si in incessu, sessione, sermone cum Principe, ad quem missi sunt, ejusque Ministris habendo; ita sint etiam alios humani & urbani, ut honor & præminetia sui Domini in omnibus conservetur. Id enim antiquissima praxis docet.

1114. II.) Obligatur Legatus nulli in loco suæ legationis quidpiam de sua commissione referre, quam Principi & ejus Ministris ad hoc deputatis, ut & nulli alteri, quam suo Principi, aut quem ille substituerit, aliquid de sua functione scribere permittitur. Id enim exigit fidelitas ejus, cujus fidei specialiter electæ hæc committuntur.

1115. III.) Legatus unice in id intentus esse debet, quæ ratione negotium (alioquin aequitati & conscientiæ non repugnans) sibi commissum ad integram sui Domini satisfactio-

lio-

tionem, per media *honestā*, usque ad finem prosequatur. Hinc negotia extranea, quin & propria, curare nequit, si hæc obicem causæ Principalis sui ponerent.

1116. IV.) Demum Legatione finita tenetur Dominum de eventu certiores reddere, eiusque uberiores dispositionem expectare in loco, si opus sit, aut quantocyus ad illum, qui se miserat, pro reddenda officii sui ratione, reverti.

In omnibus his autem debet esse memor naturalis obligationis, quod nullam Domini sui commissionem, contra universalis Domini ac Creatoris nostri præcepta, in se suscipere & attentare possit, monente Apostolo *ad Rom. 1. v. ult.* quod tam Principales, quam eorum Legati Mandatarii æterna, in inferno puniendi morte condemnandi sint, naturalis ac positivæ legis prævaricatores: *dignos esse morte non solum, qui ea faciunt, sed etiam qui CONSENTIUNT facientibus.* Recte proin Hornius *de Civ. l. 2. C. 8. §. 8. n. 4.* Emissarium, Sicarium, & miserum nequitæ mancipium, non Legatum vocat illum hominem, qui a suo Principali instructus attentat aliquid, & exequi studet contra fas & nefas conatus suos impendendo, dummodo improba molimina perficiat. *Heliodorus* utique Regis *Antiochi* Legatus fuit, qui templum spoliare ex mandato Domini sui, contra Divinam & Summi Pontificis *Onie* prohibitionem voluit, Principis commissionem prætexens, & tamen a DEO mirabiliter punitus ac ab Angelis flagellatus legitur *2. Machab. 3.* Quinquagenarius etiam Princeps, & quinquaginta illi viri qui ad capiendum Eliam missi erant, imperio Regis *Ochoziæ*, cujus erant Legati, sese tuebantur, dicentes: *homo DEI, Rex præcepit, ut descendas*, *4. Reg. 1. v. 9.* & tamen omnes isti igne subitaneo puniti sunt; expectent igitur & ab igne devorante sibi timeant reliqui legum transgressores.

§. II.

De Privilegiis & Judice Legatorum.

S U M M A R I U M.

1117. Sec. Legati privilegium 1.) est, ne sine justa causa repudietur.

1119. Et 2.) quod Factum Legati, sit factum Principis.

1120. &c. Dein 3.) *immunitas Legati*, & 4.) *ejus Comitum*.
 1122. Imo 5.) *hec debetur etiam bonis eius mobilibus*.
 1123. &c. *An ad omnia territoria illa se extendat?*
 1125. *An jus talionis in neganda legato securitate locum habeat?*
 1126. &c. *Utrum Legatus in causa Civili personali conveniri possit in loco sue legationis?*
 1128. &c. *Ubi conveniendus ille in causa Civili reali?*
 1130. &c. *Ubi vero in criminali?*
 1133. *An prædicta privilegia serviant legatis Provincialibus?*

1117. Inter privilegia Legatorum est I.) *ut sine justa causa* ab eo, ad quem missi sunt, repudiari non possint. Nam, uti ait Grot. l. 2. c. 18. §. 3. licet Jus Gentium non præcipiat omnes Legatos admitti, vetat tamen sine causa eos rejici. Ad eos enim suscipiendos ex Gentium jure superius probato obstrictus est Princeps vel Respublica, utpote quorum usus introductus est ob communem populorum necessitatem & utilitatem, cui nequit aliquis renunciare cum aliorum præjudicio.

1118. Neque obstat his, quod pleraque exempla Legatorum extent apud Grotium l. c. n. 2. qui aut non recepti, aut remissi sunt, quin tamen creditum sit Jus Gentium violari. Illos enim non recipiendi *justa fuit causa*, ex quo prope sibi perspectum habuerunt Respublicæ illæ, plus periculi, quam emolumenti futurum, si eos admitterent. Jus autem Gentium hac in parte non aliter ad receptionem obligat, quam sub *tacita conditione*: si præceptum receptionis hujus sine notabili incommodo possit executioni mandari, ubi enim ex admissione prædicta rationabiliter prævidetur proprium admittentis Reipublicæ vel Principis incommodum, cessat jam *utilitas*, propter quam præceptum susceptionis Legatorum introductum est, cessat quoque & obligatio, utpote dependens a conditione jam explicata. Hinc teste Livio dec. 4. l. 7. c. 32. Romani Vejentium Legatis denuntiaverunt: *ni facerent Urbe, pœnas duros*; & Carthaginensium Legatis responderunt: *eos se non posse admittere*; quorum exercitus esset in Italia, imò & Ætolis dixerunt: *si qua Legatio ex Ætolis, nisi permisso imperatoris, qui eam provinciam obtineret, & cum Legato Romano venisset Romam, pro hostibus omnes futuros*. To-
 Jus Nat. & Gent. X x tila

hilæ quoque legationem a Justiniano, & Belisarii Oratores a Gothis rejectos fuisse tradit Procop. l. 2. c. 3. In sacris etiam Codicibus legimus Rabfacem Regis Assirii Legatum juste ab Ezechia Rege non admissum fuisse, quod timeretur populum perversurus, 4. Reg. 18. Quæ exempla praxi Gentium ad nostra usque tempora durante confirmantur. Experimur quippe, post indictum Reipublicæ vel Principi cuipiam publicum bellum, Legatos bellantium illico revocari, quia scilicet commoratio eorum apud extraneas, sibi que ab invicem offensas Potentias non foret utilis, ex ratione quod tali casu Legati officium facile in exploratoris munus vergere posset.

1119. II.) Privilegium alterum est quod *factum Legati sit factum Principis* vel Reipublicæ eum mittentis. Nam acta & gesta Administratorum habentur pro actis & gestis dominoium; Myller ab Ernbach *Hyparcholog.* c. 10. §. 14. Puffendorf. *de J. N. & G. l. 3. c. 9. §. 1.* & ibi Nicol. Hertius in *not.* Dummodo tamen Legatus perstiterit intra terminos mandati. In hunc finem requiruntur *Litteræ credentiales*, quas mittens dat Legato ad eum, ad quem mittitur, & in quibus eum Legatum suum declarat; præter has vero debet in scriptis habere *mandatum speciale*, si negotium aliquod speciali commissione sibi præscriptum esse asseveret, alioqui juxta brocardicam regulam: *in generali concessione non veniunt ea, quæ quis non esset verosimiliter in specie concessurus*, C. 81. de R. J. in 6. Hoc proin casu non sufficit mandatum generale *cum liberâ*.

1120. III.) Tertio loco venit privilegium *securitatis* admissio Legato debitæ. Hanc *tacite* promittit ille, qui eum in tali caractere, visis eius *Credencialibus* suscipit. Porro securitas promitti ei intelligitur, non solum contra *vim injustam* (quæ ab omnibus in alieno territorio versantibus abesse debet) sed etiam contra *vim justam*, ita ut occasione delicti seu proprii, seu alieni nullo modo detineri, puniri, inquietari possit; etiamsi is ab hoste missus foret:

1121. IV.) Imo, nedum ipsi Legati, sed etiam eorum Comites gaudent hac securitate, ut liquet ex l. 7. ff. *ad L. Jul. de vi publ.* apud Romanos enim lego Julia cautum fuit, de *vi publica* teneri, non modo qui Legatos: sed & qui Comites eorum injuria afficerent. Neque obstat quod securitatis hujus in corpore Juris Civilis *l. c.* fiat mentio,

nam

nam illa adhuc provenit ex Jure Gentium, cum aliunde certum sit Civile jus multa continere, quæ ad Jus naturæ vel Gentium directe spectant.

1122. V.) Bona quoque mobilia Legatorum & Comitum; tanquam accessoria ad personas, gaudent eodem immunitatis jure, adeo ut nec *pignori* subijci, nec capi ad solutionem, nec etiam a Judice gravari possint. Grot. l. c. §. 8. & 9. Textor l. c. Et olim quidem quo facilius Legati dignoscerentur, cæta præferebant signa, Romanisque sagmina erant familiaria, quæ ex certa herbarum specie texebantur, uti patet ex l. *Sanctum* §. 1. ff. de div. rer. & qualis. hodie vero sub fide publica dantur literæ *salvi conductus*, aut *commeatus* à Rege vel Republ. ad eum, in quem Legatus proficiscitur locum.

1123. Anceps apud Prudentes quæstio est: quousque immunitas Legatorum protendatur, an solum ad territorium ejus Principis ad quem mittuntur, vel an etiam ad loca intermedia? Grotii opinio l. c. c. 18. §. 3. n. 1. est: Legem de vi Legatis non inferendam, cum tantum obligare ad quem missa est legatio, nec pertinere ad alios, per quorum fines transeunt Legati: Legatus enim characterem suum non alibi, quam in loco legationis repræsentat. Muelen in *Comment. ad Grot. d. l.* putat Legatum ubique Gentium securum esse debere, utpote dum legationem commodè nequeat peragere, nisi cum plerumque per aliena territoria ad terminum sit deveniendum, ubique integre sit securus. Vitriarius etiam ad Grot. d. l. §. 14. Legatis interterritorio intermedio immunitatem omnimodam ideo censet exhibendam, quia Principem suum repræsentant, qui est instructus imperio ac Majestate; ubicunque fuerit. Verum hoc alii communiter negant, quippe Legatus ibi duntaxat *characterem repræsentatorio* fulget, ubi tanquam Minister publicus negotia sibi commissa tractare debet.

1124. Ex tanta opinionum varietate id solum certo concluditur, quod Legati transeuntes, si a loci intermedii Domino petant & obtineant transeundi veniam, debeant quidem contra vim *injustam*, non autem contra *justam* defendi, neque ex necessitate Juris Gentium, sed ex *ultione* concessione; uti fatetur Muelen ipsemet l. c. imo, si venia non petita intraverint alienam regionem, ne quidem contra vim injustam securitas ipsis præstatur, neque si male tractentur, jus Gentium læditur, sed amicitia, aut di-

dignitatis illius Principis a quo missus est, & cujus personam repræsentat, imò disturbaretur hic in negotiis publicis gerendis, si judiciis privatis adstringeretur. 3.) Quia Legati Jure Gent. ita hac in parte considerantur, ac si non existerent in territorio ejus, in cujus Aula morantur: igitur & res eorum tanquam personis accessorizæ considerandæ sunt.

Nec obstat, quod forte metuendum sit, ne ex hac legatis asserta indulgentiæ sequatur, quod aliquis eorum res alienas secum in patriam asportet, aut, quod nemo inveniatur, qui cum Legato contrahere velit. Nam respondet Grot. l. c. §. 10. etiam Regibus, qui cogi nequeunt, non deesse Creditores, & apud quosdam Populos moris fuisse, ut de contractibus, qui in creditum iissent, jus nullum redderetur, non magis scil. quam adversus ingratos.

1128. **CONCLUDES** ex his: *Res mobiles* Legati actione *reali* non posse in loco legationis peti. Sed quæres ubi nam in causis civilibus *realibus* conveniri possint & debeant Legati? Spectatis Legibus Romanis, docemur ex l. 2. & l. ult. C. ubi in rem actio, quod præter domicilium, etiam locus rei sitæ in actione *reali* constituat forum competens, licet Possessor rei ibidem habitare non consueverit. Utrum autem ad Legatos, si rem in loco legationis habeant actione *reali* petitam, id ipsum extendatur, controversum est; *Affirmativa* tamen opinio verisimiliter censetur a Grotio l. c. versu: *res soli eo loco nullas possident*; Textore d. l. c. 14. n. 57. & seqq. Henning. l. c. Besold. d. l. & c. qui tradunt; *Res immobiles* in loco legationis sitas ibidem repeti aut vindicari posse. **RATIO** est 1.) Quia hoc casu res *immobilis* v.g. fundus, prædium alteri realiter devinctum potius quam ipsa Possessoris persona petitur, atque adeo coactio hæc nequit obstare securitati Legatorum, cum res immobiles territorio magis quam personis eorum adhæreant. 2.) Cum Jure Romano statutum sit, ut *Judicium rei sitæ* Possessor immobilium subire teneatur, licet alibi domicilium habeat, id ob favorem Legati non reperitur in Jure publico aut Gentium immutatum. Nam etiam Rex quin in alieno Regno Ducatum aut Principatum possidet, leges illius Regni jurisdictionem & forum, quo ad jura *realia* & bona immobilia agnoscere obstringitur: igitur & ejus Legatus. 3.) Licet Legatus non sit de territorio illo, ubi legatione fungitur, tamen in ter-

absque ulteriori securitatis indulgentia legitimæ vindictæ Principis, aut Reipublicæ offensæ, non tam *jurisdictionis*, quam *defensionis*, & belli jure subiacet. *Vitriar. & Textor cum aliis citt.*

1132. In utroque autem casu, quin *jurisdictionem* judicialem loci contra Legatum delinquentem extendat, potest cum jure recusare, ulteriorem cum eo tractatum & expeditionem abrumpendo; magnos enim Principes oppido dedecet, si ad suum alloquium homines sequioris notæ admittere teneantur. Poterit igitur Principalis ejus edoceri de ignominiosa facti specie, ut si velit, alium Legatum mittat. Ita Auctor *legationis Lavard. f. m. 13.*

1133. Omnia privilegia hic a n. 1117.) recensita Hugo Grotius *l. 2. c. 18. §. 10. fin.* solis illis Legatis, qui ab Imperatore, vel alio supremo Principe mittuntur, & non etiam Legatis *provincialibus*, aut *municipalibus*, aliisque a Principibus Imperii destinatis competere de Jure Gentium putat, ita ut his nulla immunitatis, & securitatis prærogativa debeat. Verum rectius, post alios, VVolfg. Textor *d. c. 14. v. 6.* limitationem hanc Grotii arbitrariam esse probat. Ex quo enim Principes Imperii jus pangendi fœderis, tractandique similia negotia cum Imperatore, vel exteris, Lege publica per *Instrum. Pacis VVestphal. art. 8. §. gaudeant* &c. confirmatum obtinent, suadet ratio & æqualitas, ut eorum Legati ad ejusmodi tractatus expediendos missi plena securitate gaudeant, sicut & alii.

CONCLUSIO OPERIS.

1134. Si DD. Protestantium, qui de Naturali & Gent. jure scripserunt, vestigiis insistendum foret, superesset adhuc tractandum de officiis in societate conjugali, parentum, liberorum, ac herili observandis; de *Societate* item *composita*, quam familiam vocamus, officiisque in illa colendis &c. Verum quia hæc materia extra nostrum institutum sunt, & non ad jus Gentium: sed partim Ethicam œconomicam, partim Jus publicum, aut Civile (ubi tractatur de *Patria potestate*, *liberorum emancipatione*, *ritu nuptiarum* &c.) concernunt; quatenus vero nonnulli eorum actus ad legem naturæ reducuntur, illi aliunde explicati sunt in *Part. 1. de J. N. ubi c. 4. de statu ac fine nature humane* tractavimus, ac in aliis sequentibus, ubi obligationes naturales erga proximum exposuimus; hinc merito super-

sedendum illis existimamus. Præsertim quod finis lucubrationis hujus non alius fuerit nobis, quam *prima*, eaque *saniora* & orthodoxæ doctrinæ conformia J. N. & G. elementa Dominis Academicis Auditoribus explanare, ita vero explanatis & *inventis facile erit addere*.

Porro explicationi huic Publici boni amor ansam dedit Cum enim Juri Naturali & Gentium enucleando peculiare cathedras a DD. Protestantibus erectas esse doceat experientia, & testetur D. Braun *de Jurisprud. p. 2. c. un. §. 1. n. 12.* in Catholicis autem Universitatibus non quidem peculiare cathedræ, magna tamen ex parte Theologia moralis eidem studio olim consecrabatur, imo & Theologiæ dogmatico-scholasticæ ac Jurium Professores, ubicumque tempus & opportunitas aderat, quæstiones de J. N. & G. suis explicationibus semper intermiscabant: Ex quo autem nunc etiam apud Orthodoxos distinctæ pro hoc scibilli erectæ sunt Cathedræ, nosque non sine animi dolore perspeximus libros A catholicorum Scriptorum a vera Christi Ecclesia proscriptos, scandalosam & sanæ rationi dissonam Moralem continentes; manibus intactæ Juventutis; imo & provectæ ætatis hominum, non sine evidenti animarum periculo versari: conati sumus; quæ fieri potuit brevitate, & discantibus accommoda methodo, juxta solidiora illibatæ veritatis principia, graphicam non minus ac tutam J. N. & G. ideam proponere. Quam tamen infallibilis morum Magistræ, S. Catholicæ Ecclesiæ judicio in omnibus reverenter subjicimus.

Tu verb etudite Lector tenuem opellam hanc benigno favore prosequere, quæ sive Tibi probetur, sive secus, nobis perinde erit; utpote quibus cum *Martiali* dicere licet:

*Hæc, si displicui, fuerint solatia nobis:
Hæc fuerint nobis præmia, si placui.*

Soli DEO honor & gloria:

I N D E X

Rerum & Verborum utraque parte contentorum.

A

- A** *Bel* non res cum aliis communes: sed proprias habuit, fol. 492. n. 737.
- Abortus* Jure nat. an licitus? f. 468, n. 352.
- Abraham* & Lot regionum divisione conciliantur, f. 510.
- absoluta* obligatio nat. seu absolutum hominis nat. officium quid? f. 196. Jus nat. *absolutum* & Lex nat. *absoluta* idem est ac officium, seu obligatio absoluta hominis, ibid. & f. 27. n. 37. Absolutam & hypotheticam, seu limratam ac conditionatam Legem nat. admittit D. Thomas, f. 406. & seq. Absoluta obligatio hominis erga proximum in quo differt ab hypothetica? f. 405. Absolute prohibitorum materia non mutatur, f. 181.
- Abstractum* J. N. inutile & perniciosum est, f. 171. a nu. 226. Abstractiones has damnat Leibnitius, f. 174. Abtractio in Jure nat. explicando excludens Jus positivum fons est omnium injuriarum, f. 118. & f. 118. n. 170. Abstrahentium a DEO Naturalistarum principia pessima, f. 104. num. 144. ac f. 98. numer. 137.
- Accessio* est nat. titulus dominii, f. 503.
- Actio* in rem probat nat. dominium, fol. 150. Actio injuriarum filiosam. invito an a Patre condonari possit? & quid illa sit? f. 325. & seq. Actio ad Palinodiam, ibid.
- Actus* tantum externi a Puffendorffo dicuntur esse objectum primum Jur. nat. f. 56. n. 77. Sed etiam interni non sunt excludendi, ibid. & f. 276. Actuum valor Jur. nat. ex potestate & voluntate, ac materie capacitate desumuntur, f. 141. n. 165. ac f. 120. n. 188. Actus *mera facultatis* quando prescribantur? f. 542 & f. 555.
- Adminicula* dignoscendi Juris nat. a f. 85. & seq.
- Adoptio* insolemnis irrita pro utroque foro; f. 31. ac f. 121.
- Adulter* ad quid teneatur Jure Nat.? f. 114. Eum licetne propria auctoritate occidere? f. 364. n. 493.
- Adulterium* plerique Protestantes fatentur prohiberi Jure nat. negant vero alia carnis vitia, f. 275. n. 381.
- Advertentia* ad legem quando necessaria? f. 106. n. 147. Illa inducit imputabilitatem culpe, f. 127. n. 173.
- Advocatus* male functos officio ad quid tenetur Jure natur.? a fol. 424.
- Aer* subestne dominio humano? f. 521. n. 802.
- Edificatio* est dominii titulus, f. 504. fin.

Equi-

Index Rerum & Verborum.

- Æquilibrium* Europæ an sit justa causa belli, f. [637](#). fin.
Æquitas nat. male confunditur cum lege nat. f. [55](#). n. [76](#).
Æquum & justum quid? & quotuplex? f. [54](#) a n. [75](#). & f. [444](#). num. [643](#).
Æterna DEI lex an detur? a f. [6](#). n. [5](#). Et vid. *Lex*.
Æstimatio. Vid. *Damnū*.
Affabilitas erga omnes, f. [263](#). n. [361](#).
Aggratiandi jus conforme Juri nat. f. [108](#). n. [149](#).
Alapa an occasione vindicanda? f. [326](#).
Alieno pacto nemo gravatur, f. [683](#).
Alluvio quo jure est titulus domini? f. [503](#). n. [672](#).
Amatorum poculum jure nat. an licitum? f. [362](#). n. [488](#).
Amicitia in quo consistat? f. [442](#). n. [639](#).
Amicus diu probandus, f. [3](#). num. [4](#). Amici suam utilitatem ex nobis quærent, ibid.
Amnistia locum habet in Pacis tractatu, f. [665](#). Illa an liberet a restitutione raptorum? ibid. & f. [675](#). n. [1080](#). ac n. [1090](#). Extinguitne debitum, si Victor remiserit? f. [674](#) & seq. Amnistiarum forma diversa, f. [679](#). & seq.
Amor naturalis an sit principium ultimum legis nat. dignoscendæ? f. [73](#). Est tantum principium inadæquatum, seu adminiculum, f. [76](#). n. [110](#). Ille est DEO debitus jure naturali, f. [230](#). n. [308](#). Amor qualis requiritur ad implendum nat. præceptum? ibid. Amor erga DEUM alius est concupiscentiæ, alius benevolentix, ibid. nu. [309](#). Uterque est Jure nat. DEO debitus, ibid. n. [310](#).
Amor sui ipsius, multa suadet illicita, f. [441](#). Amoris erga seipsum ordo, a f. [258](#).
Amor proximo debitus quid? quotuplex, & quando illi exhibendus? a f. [381](#). Amor debitus cuique tribuendus, f. [263](#).
Anima salus omnibus præponenda, f. [258](#). ejus immortalitas ab Ethnicis asserta, [259](#). Illa argumentis demonstratur, f. [260](#). n. [354](#). Circa eam quid homo sentire debeat? ibid.
Animi cultura, f. [259](#). & f. [352](#). n. [467](#).
Antecedens & consequens lex Divina & nat. quid? f. [130](#).
Antropophagia, seu carniū humanarum esus an jure nat. licitus? f. [265](#). n. [364](#).
Apostasia Jure nat. prohibita, f. [237](#).
Aristocratia quid sit? f. [620](#).
Atheismus est error voluntatis, f. [71](#). Ille defenditur a Kemmerichio, f. [235](#).
Athei ab omni injustitia excusat Hobbesius, f. [198](#). Atheus in Polonia vivus exurit, f. [235](#).
Avaritia cur prohibita? f. [267](#). n. [367](#).
Austria & Gallia justene rejiciant præscriptiones, f. [598](#).
Autonomica libertas credendi an jure nat. prohibita? f. [244](#).
Authoritas an excludenda a J. N. scribendo? a f. [88](#). n. [123](#).
Bea-

B

- Beatitudo* quid sit, & an detur naturalis? a f. 178. Illa an concludatur termino hujus vitæ? f. 186.
- Belli* definitio, varietas, origo & licentia, a f. 623. num. 981. Bella Jure Gent. introducta, f. 626. Bella contra Turcas illicita docuit Lutherus, f. 627. Belli iustitia & iniustitia, a f. 620. Ejus conditiones, f. 621. Belli inchoatio an iusta sit causa prosequendi? f. 633. Belli causa iustane sit Ratio Status: Metus vicinæ potentie, & Aequilibrium? f. 634. num. 997. Bello iusto capti possintne licite fugere? a f. 531. Bello captos licetne cogere ad militiam? f. 650. n. 1024. Bello capta urbe, an Sacra cedant Victori? a f. 646. num. 1016. Bellum indicenti an transitus concedendus jure Gent. a f. 641.
- Beneficentia* an omnibus aequaliter exhibenda, f. 442. num. 638. Beneficentie amor in proximum, f. 381. Ejus actus explicantur, a f. 443. Aliqui actus beneficentie & benevolentie fundantur in debito nat. 444. n. 643. Non omnes sunt præcepti, f. 445. a n. 647.
- Benignitas* erga omnes, f. 263. n. 361.
- Bestialitas* cur Jure nat. prohibita? f. 270.
- Bibendi* ars, a f. 367. Cogens ad bibendum an lædat proximum? *ibidem*.
- Blasphemia* Jure nat. prohibetur, f. 237. pr.
- Busembaumii* opinio de Tyrannicidio, f. 310.

C

- Calumniatorem* licetne de Jure nat. occulte occidere? f. 328. Licere docuit Bannez. *ibidem*.
- Canonicum Jus* an excludendum a J. N. explicando? f. 96. nu. 135. De eo & Canonistis insanum judicium Lutheri, *ibid*.
- Captivi* subsuntne dominio capientis? a f. 523. Quando fugere possint? a f. 527. An recte cogantur ad militiam? f. 650. nu. 1024. Captivus Rex possintne Pacem statuere? f. 663. n. 1056.
- Carnium* humanarum usus an licitus J. N.? f. 265. n. 364.
- Carnalia delicta*. Vide *Luxuria*.
- Caritudo* moralis ad honeste operandum, f. 49. n. 68.
- Caritatis* ordo exponitur, a f. 440. Meræ caritatis actus officia erga proximum imperfecta dicuntur, a f. 436. num. 625. Isti præcepti sunt a lege nat. & spectant ad iustitiam nat. universalem, f. 439. Caritas ficta quæ sit? f. 381.
- Civile Jus* an excludendum a J. N. explicando? f. 96. nu. 134. & f. 125. Civile Jus improprie utitur Jure nat. f. 36. f. 50.
- Civitas* quid & quotuplex? f. 620.
- Coactio* tollit libertatem, f. 151. Coacta voluntas, f. eod. n. 200.

Index Rerum & Verborum.

- Cogitationes* malæ Jure nat. prohibitæ, f. 276. & f. 36. n. 27.
- Commodatarius* quam præstat culpam? f. 424.
- Communio* rerum non fuit præcepta, f. 116. n. 159. Illa non diu duravit, f. 492. An eam inducat extrema necessitas, a f. 384.
- Communia* sunt omnia jure naturæ, qui sensus, f. 117. n. 159. & f. 513.
- Communis sensus* lex quædam est, f. 2. n. 3.
- Compensatio* occulta, f. 122.
- Concina* doctrina de Tyrannicidio, a f. 303. n. 418.
- Concupiscentia* an jure nat. causet involuntarium, f. 153. & fol. 155. n. 204.
- Conditionatum Jus nat.* Vide *Hypotheticum*.
- Confusio* a commixtione distinctus est domini titulus, f. 505. n. 764. & n. 765. ubi de commixtione.
- Conscientia* an sit lex? f. 15. n. 23. Illa a DEO instruitur, f. 2. a n. 2. Practica conscientia formanda ex dictamine moraliter certo circa licentiam actionis, f. 19. n. 68. Definitur esse judicium practicum quid agendum, vel omittendum; aut quid actum vel omisum sit; f. 47. Conscientiæ dictamen practicum est regula proxima honestatis, f. 47. n. 66. Et Vide *Dictamen*.
- Conscientia ignorans*, vel errans quando obligat, f. 128. nu. 175.
- Conscientia perplexa* quando excusat, f. 145. n. 192. fin.
- Consensus* liber obstante alterius injuria eum injusse extorquentis, extorquenti nullum jus facit &c. f. 143. nu. 190. fin. Ille debet esse plene liber circa obligationes, f. 144. n. 192.
- Consulens*. Vide *Culpa*.
- Consulto* dati donatio est, f. 148. n. 196. fin.
- Contractus unilaterales* sunt stricti juris; & *bilaterales* sunt bonæ fidei, f. 134. nu. 182. An hi de jure nat. vel Canonico differant, f. 135. n. 182. Contractus inter Patrem & filium inducte nat. obligationem, f. 116. num. 157. Contractus triplicis sunt generis, f. 423. *Contractus obligatio*. Vide *Obligatio ex promissione, pacto, Justitia commutativa*. Item Vide *Culpa*.
- Contractus a Tutore* initus, a Curatore & Pupillo observandus; f. 682. fin.
- Contractus Antecessoris* tenetur Successor, f. 684. n. 1103.
- Convenientia* & disconvenientia objecti cum felicitate naturæ non est principium adæquatum legis nat. f. 80. & seq.
- Corruptio Naturæ* ex peccato Adami, a f. 165. n. 217.
- Culpa* quid & quotuplex; a fol. 374. Culpa etiam lata, si *juridica* est, non inducit obligationem nat. f. 375. nu. 513. Culpa levi grave damnum daturi, sub gravi compensandum, fol. 376. Culpa in mala administratione officii commissa, f. 420. num. 592. Consulens culpabiliter male ad quid tenetur, fol. 422.
- Culpa in contractu* quæ præstanda, a fol. 423. num. 601. Commodatarius an præstet culpam juridicam, fol. 424. nu. 604. Ille

Index Rerum & Verborum.

Ille tenetur ante sententiam quidem, non tamen aliter, quam si requiratur a Commodante damnum passio, f. [430.](#) n. [622.](#)
Curiositas mater inquietudinum mentis, f. [347.](#) Curiose de Divinis decretis non indagandum, f. [263.](#) n. [359.](#)

D

Damnum non lucrosum & lucrosum quid? f. [373.](#) Damnum grave ex culpa levi, f. [376.](#) Damni reparatio jure nat. quomodo facienda est, a f. [373.](#) Damnum datum ex mala functione officii, f. [420.](#) n. [592.](#)

Debitum seu justum triplex est. fol. [445.](#) a n. [648.](#) Debitum tantum naturaliter quid, f. [111.](#) n. [152.](#) Debiti solutio metu extorta valet, f. [139.](#) Debito indefinito cum scientia juris alieni non praescribitur, f. [481.](#)

Debitor non liberatur per bellum, incendium &c. f. [174.](#) & seq. Debitor a Victore absolutus, an teneatur postea Creditoribus? ibid. n. [1077.](#)

Decalogus non est principium adaequatum J. N. J. [79.](#)

Decimarum obligatio an sit naturalis, f. [102.](#) n. [141.](#)

Decorum an sit objectum J. N. J. f. [55.](#) n. [76.](#)

Defensio sui per se non est praecipita, a f. [294.](#) n. [410.](#) Defensio nem rerum contra latrones non prohibet lex Evangelica, ut erroris putat Grotius, fol. [295.](#) Defensio sui an aliquando de praecipito nat. omittenda, a f. [298.](#) Defensio iusta quas requirit conditiones, a f. [315.](#) num. [420.](#) Defensio bonorum quid requirit ad occisionem raptoris, f. [317.](#) n. [422.](#) Defensio pudicitiae an licita cum occasione invasoris, f. [333.](#) Defensio proximi cum proprio periculo an praecipita, a fol. [384.](#) & seq. Defensio fama, honoris. Vide *Fama: Honor.*

Democratia, Democraticum regimen, quid, f. [621.](#)

Derelicti titulus fundetne praescriptionem in originaria occupatione, f. [476.](#) n. [904.](#) & f. [584.](#) n. [916.](#)

Desingii Abbatis elogium, f. [174.](#)

Detractio famae quid, quando illicita, a f. [354.](#) n. [471.](#) DetraCTOR famae cohibendus, f. [267.](#)

DEUS Lege nat. an teneatur, f. [17.](#) n. [25.](#) *DEUS* si non esset, an Lex nat. esset? f. [18.](#) n. [27.](#) *DEI* notitia vulgaris quid? f. [70.](#) n. & f. [187.](#) n. [246.](#) ac f. [199.](#) *DEUS* non est excludendus a Jure naturae explicando, f. [94.](#) nu. [130.](#) *DEUS* solus etiam nat. beatitudo est, f. [188.](#) *DEI* notitiam inquirere an obligetur homo, f. [197.](#) Ejus existentia an Lumine nat. nota, f. [201.](#) Deorum multitudo possitne credi per ignorantiam, fol. [203.](#) *DEUS* verus an possit ignorari, ibid. *DEI* cultum verum an praecipiat Lex nat. a f. [204.](#)

DEI timor aret a malo, fol. [206.](#) *DEUM* esse unum, Creatorem mundi, providum &c. naturaliter credere obligamur, f. [208.](#)

Index Rerum & Verborum.

- f. 208. DEI alia attributa, quæ sint J. N. credenda, f. 214:
 DEI cultus nat. practicus, a f. 216. DEO cultus internus &
 externus exhibendus naturaliter, a f. 217. DEO cultus aliquis
 debetur ex justitia, a f. 223. DEUS potest credi fide nat. fol.
 229. n. 306. De eo recte sentiendum, f. 260. DEI Lex æter-
 na: Vide Lex nat.
- Dictamen* an sit Lex nat. ? f. 12. n. 19. Dictamen est tantum pro-
 mulgatio Legis nat. f. 21. Dictamina a DEO moraliter, & ab
 intellectu nostro physice procedunt, f. 22. nu. 31. Immissa a
 DEO possunt esse mere naturalia, f. 23. n. 32.
- Dictamen* conscientie practicum & ultimum est regula proxima
 honestatis moralis, f. 47. n. 66. Circa id errores Protestantium;
 f. 48. n. 67. Dictamen non semper debet esse metaphysice: sed
 sufficit moraliter certum, f. 49. n. 68;
- Discipulus* debet credere Professori f. 89. fin.
- Disputationes* fontes discordiarum inter eruditos; f. 346.
- Divisio* rerum inter Gentes quo jure & quando introducta? a f.
 508. nu. 774. & seq. Illa juxta Protestantes Naturalistas non
 esset observanda, f. 118. n. 160.
- Doctor* habeat curam bonæ vitæ, & bonæ famæ, f. 320.
- Dolus* quotuplex, & quid operetur? a f. 132. n. 179.
- Dominii* definitio, origo, divisio & reliquæ proprietates; a f. 496.
 Ejus acquirendi modi originarii & derivativi, a f. 494. n. 740.
 Ex originariis primus omnium est occupatio & sortitio, f. 491.
 Dominium in genere quid sit, & quotuplex? a f. 496. n. 748.
 Dominii utilis species a f. 497.
- Dominium* naturale quid? f. 500. num. 754. Dominii acquirendi
 conditiones, ibid. Dominii titulus quid? a f. 501; quid pos-
 sessionis? f. 500. Dominii acquirendi XIX. tituli in Jure Ci-
 vili tracti soliti, a f. 502. Tituli vero seu modi Derivativi, a
 f. 601. & f. 572. Dominiorum divisio Jure Gent. facta, a f.
 508. n. 774. Dominium hominis in homines, a f. 523. In fe-
 ras, volucres, pisces quomodo acquiratur? f. 535. a n. 827.
- Dubium* quid & quotuplex? f. 46. n. 64. In dubio stricte practi-
 co tutius eligendum, f. ibid. numer. 65. Quid autem in spe-
 culativo? f. 47. n. 66. Dubia lex nat. quid juris importet? f.
 46. n. 64.
- Duella* Tartarica tolerari possent; f. 335. n. 440.
- Duellum* Jure nat. an licitum? a f. 329. n. 434. Duelli licentia
 ob læsum honorem non probatur ex licentia defensionis occi-
 sive pro pudicitia; fol. 334. pr. & Vide plura verb. *Honor.*
Fama.

Ebrio-

Index Rerum & Verborum.

E

- Ebrietas* Jure nat. prohibita, a f. [264. n. 364.](#) Inebriare volens ac cogens ad bibendum, an laedat proximum? f. [367.](#)
Ecclesia Romanæ dominia an præscriptione sint firma? f. [594. n. 935.](#) Ecclesia Victori civitatem occupanti non subest, fol. [647.](#) Ecclesiæ statutis Laicorum non tenentur; f. [677.](#)
Effectus legis nat. quis sit? a f. [99. & seq.](#)
Elemosyna potest ex iustitia deberi, f. [390. n. 541.](#)
Emphyteusis quid sit? f. [499.](#)
Epicurai non admittunt legem nat. f. [1. n. 1.](#)
Epitimia daturne in Jure Nat.? f. [45. n. 62.](#)
Error quando vincibilis? f. [127. nu. 173.](#) Ille pro foro externo non semper excusat, fol. [128.](#) Error circa substantiam quando versatur? f. [136. n. 183.](#) Errore solutum quid juris importet? f. [111. n. 152.](#)
Ethica a Jurisprudencia nat. discrimen, f. [11. n. 18.](#) Ethicæ virtutes quæ sint? f. [439. n. 632.](#)
Evangelica lex; Vid. *Lex, præceptum.*
Exlex, seu a lege nat. immunis nemo; f. [161. n. 211.](#)

F

- Factum* non attenditur, sed quid fieri oporteat, f. [684.](#)
Facultatum animæ & corporis rectus usus, f. [365. n. 266.](#)
Fama vitæ equiparatur, quomodo? f. [357.](#) Famæ bona *cura* habenda; f. [269.](#) Famæ tuendæ jus, f. [319.](#) Fama quid sit? *ibid.* n. [424.](#) Famæ nostræ neglectus totalis prohibetur, f. [320. nu. 425.](#) Famæ tuendæ jus an competat Religioso, filiosam. & servo contra præceptum Prælati, Patris, & Domini: f. [321.](#) Famæ dominium etiam Religioso competit, f. [322.](#) Fama an pecuniis compensanda? f. [356. n. 476.](#) Fama defuncto restituenda, f. [358. n. 481.](#) Fama proximi tuenda, f. [441. n. 636.](#)
Famosus libellus quale crimen? f. [354. n. 472.](#)
Ferarum dominium. Vid. *Venatio.*
Fides naturalis præcepta est Jure nat. f. [207. & f. 230.](#)
Fides data Jure nat. quomodo servanda? [262. n. 348.](#) Fidei publicæ constantia in Rege Galliæ, f. [618. num. 1042.](#) Fides an hosti servanda? [666.](#) Contra eam daturne exceptio? f. [667. n. 1062.](#) An dispensatio? f. [668. n. 1063.](#)
Fœderum inter Gentes natura & proprietates, a f. [654. n. 1033.](#) Illa a Jure Nat. & Gent. procedunt, f. [656. n. 1038.](#) Cur observanda? f. [657. n. 1039.](#) Quomodo interpretanda? *ibid.* Fœderum violatorum exemplum in Uladislao Rege, f. [658. num. 1041.](#) Fœdera cum infidelibus contrahere an liceat, f. [659.](#) Fœdera cum Turcis an impediunt recuperationem avulforum? f. [669. n. 1065.](#)

Index Rerum & Verborum.

- n. 1065.** *Fœdera* Antecessoris an obligent Successorem, a fol. 680. *Fœderum* effectus. Vide *pax*.
Fortuna domini nat. titulus, f. 503. **n. 762.**
Forma dat denominationem legi nat. quando non dicatur *divina*: *ætterna*: sed naturalis, f. 6 **n. 10.** Forma juris positivi omiſſa non valet actus Jure nat. mere permiſſus, f. 30. **n. 41.** & fol. 120. **n. 161.**
Fornicatio jure nat. licita a Durando erronee aſſerta fuit, f. 81. Cur autem ab hoc jure certo eſt prohibita, f. 271. Proteſtantiſm error circa ejus licentiam, ibid. & ſeq.
Fortuna proximi non inhiandum, f. 370.
Fructuum ex re aliena perceptio b. f. an ſit titulus domini certus, f. 505. **n. 768.**
Furari in neceſſitate an liceat, f. 284.
Furta modica an gravem inducant obligationem, f. 378.

G

- Gavilitas* Jure nat. prohibita, fol. 266. Illa non excuſat detrahentem, f. 355. ſin.
Generalis conſeſſio non ſemper ſufficit, f. 690. **n. 1119.**
Gentium Jus. Vide *Jus Gent.*
Genus perire non poteſt, 676. ſin.
Germanis latrocinium videbatur olim jure nat. licitum, f. 82. **n. 116.**
Gratia Principis ad beneplacitum Successoris conſeſſa morte conſequentis non expirat, 682. **n. 1099.** Gratia juſtificans quomodo conſertur, fol. 191. Sine illa liberum arbitrium an aliquid poſſit, f. 193. Gratiam DEUS non denegat facienti quod ex ſe eſt: quis ſenſus? f. 191.

H

- Hæreditas* & legitima liberis non debetur Jure nat. niſi quatenus aliter alimentari nequeunt, f. 36. **n. 50.** Hæreditas metu adita quid juris, f. 150. **n. 198.**
Heres infamatoris an obligetur ad famæ reparationem, fol. 460. Tenetur ad damna Antecessoris, 357. Et ad alia onera defuncti, f. 680.
Homicida ad quid jure nat. obligetur, f. 109. **n. 150.**
Homicidii diviſio, fol. 360. **n. 483.** Homicidium qua injuſtum abſolute prohibetur a Jure nat. abſoluto: quando autem juſtum id vel injuſtum ſit? hoc ſpectat ad jus natur. hypotheticum, f. 406.
Homo ſub eſt dominio hominis, a f. 123. Homo ſæpius a ſe ipſo, quam ab alio læditur, f. 347. Homo naturaliter eſt liber, f. 117. **n. 160.**

Hone-

Index Rerum & Verborum:

Honestum quid sit? f. 52. n. 72. Non omne honestum, decorum;
& iustum est legis nat. obiectum; f. 53. n. 74.

Honestas interna vite in quo consistat? a f. 259. n. 353. Externa
honestas, a f. 264. Honestatis Regula; Vide *Regula*.

Honor quid sit? f. 318. ac f. 319. n. 414. Honor an tuendus sit
etiam cum occisione? a f. 326. & seq. Honor quot modis tra-
di potest? ibid. Honor equiparatur vite in causis iustis, & per
media rationabilia, v. g. ne in bello iusto turpiter ex acie fu-
gias, ne mentiaris, pejeres, fureris &c. non vero in casu pri-
vatæ vindictæ, turpis promissionis &c. f. 333. Honorem inepte
quis salvare vult per duellum privatum, sicut inepte vellet sal-
vare vitam per venenum haustum, vel per laqueum suo collo
injectum, ut infamiani, vel alias vite miseras fugiat, f. 332.
Et Vide *Fama*, ac *Duellum*.

Hostis publicus. Vide *Fides data*.

Hungaria interitus ob Lutheri prædicationem, 627.

Hypotheticum officium hominis naturale, seu obligatio nat. hypo-
thetica, limitata, conditionata, ac Lex & Jus nat. hypothec-
ticum, limitatum, seu conditionatum quid sit? fol. 197. Darf-
talis Lex & obligatio probatur, ibid. ac f. 127. a n. 37. Hy-
pothetica lex nat. inferitur ex officiis hominis hypotheticis, f.
406. Illa admittitur a D. Thoma, ibid.

I

Ioklattii Illustr. L. B. elogium, f. 455.

Ignorantia & error vincibilis circa Divina Jure nat. prohibetur,
f. 235. Ignorantia quando est vincibilis dicenda? f. 127. n. 173.

& seq. Ignorantia an excuset credentem plures Deos? f. 209.

Ignorans legem an ea obligetur? f. 127. n. 172.

Imperium. Vide *Summa potestas*.

Impetus primi an sint in nostra potestate? f. 199.

Implantatio domini nat. titulus, f. 654.

Impossibilitas quando excusat? f. 368. n. 397.

Imputabilitas actus unde oritur? f. 127. n. 173.

Incorporalia. Vide *Res*.

Infantes an exponendi? f. 368.

Infidelitas omnis jure nat. verita, f. 236.

Ingluvies jure nat. prohibita, f. 265.

Inimici. Vide *Injuria*, ac *proximus inimicus*.

Injuria nemo jus acquirit, f. 143. num. 190. Injuriarum actio.

Vide *Actio*. Injuriarum condonatio in quo consistat? fol. 343.

Injurie verbales contemnendæ, fol. 316. Injuriarum & inimi-

citarum fontes, & media illas fugiendi, a f. 346. Injuriam

inferentibus inimicis nostris quæ debeantur officia? a fol. 341.

num. 448.

Innocent an extradendus? f. 363. Innocentia quid? f. 305.

Y y

Insu-

Index Rerum & Verborum.

- Insula* domini nat. titulus, f. 503. n. 752.
Intellectus noster in quo excolendus, f. 260.
Intentio requiritur ad implendum præceptum, f. 105. n. 145.
Interpretatio daturne in jure nat. f. 45. n. 62. Quotuplex illa, ib. n. 63. Datur & in jure Gent. f. 486.
Interni actus. Vide *Actus. Cogitatio.*
Invasor injustus an quilibet possit licite occidi, a f. 208. n. 415.
Inventio est domini titulus, f. 403. n. 702. *Inventæ* res ut præscribantur, conditiones requirunt, f. 582. n. 911.
Ira an inducat involuntarium, a f. 153. Illa domanda, f. 264.
Iracundorum conversatio fugienda tanquam urforum, f. 316.
Iurantis legis effectus, a f. 119. & f. 30. n. 42.
Juramentum quando est contra jus nat. f. 237. n. 319. Juramentum ex metu injusto factum cum promissione rei alicujus, ex sola religione obligat, f. 141. Juramentum personale non egreditur personam jurantis, f. 683. n. 1105. Juramentum est accessorium contractus, f. 684. Quatenus constituit *onus reale* adstringit etiam Successores, f. ac n. eod.
Jurisdicção castro annexa simul acquiritur, f. 676.
Jurisprudentia nat. quid, f. 10. n. 17. Ejus differentia, f. 11. n. 12.
Jus Sacrorum an competat Potestati politicæ, f. 252. & f. 612.
Jus in re & ad rem quid, f. 467. & a f. 497.
Jus Naturale an detur, f. 2. n. 1. Unde trahat originem, fol. 4. n. 5. An sit æternum, f. 4. n. 6. Jus nat. quotupliciter sumitur, f. 8. n. 23. Jus nat. legale quid sit, f. 8. n. 13. Ejusdem definitio, f. 9. n. 14. Illa competit etiam juri nat. concessivo, f. 10. n. 16.
Jus Naturale dividitur in absolutum & limitatum &c. a fol. 27. n. 37. & f. 196. n. 260. ac f. 406. Jus nat. absolutum & hypotheticum seu limitatum, illique proportionatas obligationes admittit D. Thomas, f. 406. & seq. a n. 562. Dividitur item in Affirmativum, negativum, & permissivum, f. 29. n. n. 39. Divisio Juris nat. in primarium & secundarium rejicitur, fol. 30. n. 40. Juris nat. proprietates, f. 38. n. 52. Differentia inter id & Jus positivum, f. 39. n. 53.
Jus Nat. an sit mutabile, f. 40. n. 56. Quæ sit diversitas inter mutabilitatem ejus & Juris positivi, f. 43. n. 60. Jure natur. quod non licet, licetne jure positivo, f. 44. n. 61. Juris nat. objectum quod, a f. 52. n. 71.
Jus naturale præceptivum unde dignoscendum, seu quod sit ejus principium indicativum fundamentale & ultimum, a fol. 74. n. 80. Ejusdem principii applicatio, a f. 66. n. 91. Refelluntur contraria momenta, f. 69. n. 97. *Examinantur* & rejiciuntur principia hujusmodi ab aliis asserta, f. 73. n. 106. & seq. Afferuntur adminicula dignoscendæ obligationis naturalis, tanquam principia non ultima & tanquam inadæquata legis nat. a f. 81. n. 121. Satisfit Protestantium exceptionibus, contra hæc adminicula, f. 90. n. 125. & seq.

Index Rerum & Verborum.

- Jus Nat.* an infligat pœnam suis transgressoribus, f. 107. n. 148.
Jus nat. semper & ubique est idem: quo sensu, fol. 169. Au-
 scribendum & discendum sit pro statu puræ naturæ, a f. 171.
Jus nat. abstractum a lege positiva inutile est & perniciosum,
 a f. ibid. *Juris nat.* abusus in Jure positivo Civili, f. 36. nu.
 50. *Juris Nat.* *præcepta.* Vide *præceptum*, *obligatio*, *lex*.
Jus Gentium legale datur, a f. 449. Idque a Jure nat. distinctum
 dari plerique negant quidem, fol. 451. Sed demonstratur illud
 dari, a f. 454. Ejus differentia a Jure nat. f. 457. n. 667. Et
 ab aliis Juribus, f. 473. a n. 697. Illius præcepta, f. 459. n.
 672. ac n. 674. & seq. tum f. 463. n. 682. Ejusdem juris Gent.
 definitio, f. 462. Deinde Origo ejus exponitur, f. 464. n. 678.
 Divisio *Juris Gent.* a f. 468.
Jus Gent. tantum affirmativum, negativum, & permissivum ad-
 mittitur, a f. 467. n. 682. Præcepta affirmativa, negativa &
 permissiones J. G. adducuntur n. 782. *Jus Gent.* primævum &
 secundarium cum reliquis divisionibus rejicitur, a f. 469. & seq.
Jus Gent. est positivum humanum, f. 609. n. 690. Hoc jus obli-
 gat in conscientia, f. 476. a nu. 702. Jure Gent. illicitus est
 veneni usus in bello, f. 478. *Jus Gent.* concessivum involvit
 præceptivum, f. 478. n. 708.
Jus Gent. violatum non alium admittit Judicem inter Gentes,
 quam Gentes ipsas, f. 178. Quæ hujus Judicii forma, f. 480. Ubi
 forum, & ad quem appellatio, nisi ad Martem, f. 481. n. 715.
Jus Gent. an mutabile, & non admittat interpretationem, a fol.
 481. *Jus Gent.* particulare est in re Civile; f. 484. n. 721.
Jus Gent. ex quibus Auctoribus discendum, f. 487. n. 728. *Ju-
 ris Gent.* principium indicativum, f. 488. n. 729. Vide plura
 verb. *Lex*.
Jus Canonicum. Vide *Canonicum Jus*.
Jus Civile. Vide *Civile Jus*, *Lex*. Juri suo quisque renunciare
 potest, f. 483. Juri operam daturus nomen *Juris* intelligat, f.
 2. nu. 11.
Jus seu *usus* innoxie utilitatis, f. 518.
Jus Majestaticum. Vide a f. 603. n. 953.
Jus necessitatis. Vide *Necessitas*, *Defensio*.
Justitia in genere exponitur, f. 406. n. 563. *Justitiæ* commuta-
 tivæ ab universali discrimen, a f. 407. n. 563. Legalis *justitia*
 est eadem, quæ universalis, f. 407. n. 565. *Justitia* particularis
 seu commutativa declaratur, f. 409. nu. 568. ac seqq. *Justitia*
 distributiva per respectum ad commutativam explicatur, f. 416.
 Ex *justitiâ* commutativa oritur obligatio necessaria, vel volun-
 taria, fol. 411. *Justitia* commutativa datur inter creaturam &
 Creatorem ejus DEUM, f. 226. ac f. 410.
Justitia universalis debitum quid sit, f. 446. num. 649. *Justitiæ*
 commutativæ debitum, f. 445. num. 648. *Justitiæ* civilis seu
 pure morale debitum duplex esse ostenditur, f. 447. num. 550.

Index Rerum & Verborum.

- Justitia* commutativa non semper requirit pactum expressum }
 vel tacitum, ut quis restituere obligetur, f. 115. n. 155.
Justum & æquum quid & quoduplex, f. 54. num. 79. & f. 445.
n. 648. ac seq.
Juventus caute custodienda, f. 352. n. 468.

L

- Larcinium* Germanis olim non videbatur esse contra jus natu-
 ræ, f. 110. n. 151.
Legatorum & Legationum jura, diversitas & obligatio, a f. 685.
n. 1106. Legatorum securitas a quo jure veniat, f. 686. 1110.
 Eorum receptio non nat. sed Gent. jure præcepta est, f. 478.
 Et Vid. Juris Gent. Præcepta, f. 467. n. 682. & f. 459. num.
672. ac n. 674. & seq.
Legatorum privilegia & Judex in causis civilibus & criminalibus,
 quis est, a f. 689. a nu. 117. & seq. Legati ex quo signo di-
 gnoscuntur, f. 691. n. 1122. Legatum vel ejus comitem offen-
 dens qua actione tenetur, f. 690.
Legitima & hereditas Jure nat. liberis non debetur, nisi sustenta-
 tio necessaria, f. 36. n. 50.
Leibnizii rectus sensus de Jure Can. & Civili, ac usu Juris nat.
 moderno, f. 97. n. 136. Ejusdem aliud elogium, f. 174.
Lex in genere quomodo definitur, f. 19. n. 14.
Lex Evangelica nulla præcepta habet quæ non sint Juris nat. præ-
 ter materiam fidei & Sacramentorum, f. 261. & f. 95. n. 131.
Lex positiva *Civilis* prohibens an ipso jure sit irritans, & *L. non*
dubium §. C. de LL. quem rectum habeat sensum, a f. 564. n. 878.
Lex positiva quando non obliget in necessitate, f. 282. nu. 391.
Lex positiva adum jure nat. permillum facit jure nat. invali-
 dum, si non servet condiciones, f. 115. n. 156.
Lex Regia quid sit, & unde proveniat, f. 607.
Lex XII. Tabularum quid sit, quando & quomodo introducta, f.
773. n. 595.
Lex antecedens. Vide *Antecedens & consequens Lex.*
Lex naturalis an detur, f. 1. n. 1. An sit æterna, f. 4. n. 6. An
 præter legem nat. & positivam Divinam detur Lex DEI æterna
 f. 5. n. 7. Quid sit & quoduplex Lex DEI æterna, ibid. n. 9.
Lex DEI æterna & naturalis esse una lex, f. 13. n. 21.
Lex nat. quid sit definitive, f. 9. n. 14. D. Thomas Legem nat.
 etiam per *impari* vocem explicat, f. 24. num. 33. intellectus
 dictans aliquid non est lex, f. 13. n. 22. Lex nat. an sit ipsa
 natura rationalis, f. 17. n. 25. Lex nat. debet promulgari, f.
19. nu. 28. Illa prout est in nobis alia est in actu 1. alia in
 actu 2. f. 21. n. 29. Lex nat. quomodo scripta in cordibus, f.
23. n. 32. Illa esse proprie lex, f. 30. n. 33. Sine regula ho-
 nestatis, f. 25. n. 35.

Lex

Index Rerum & Verborum.

- Lex nat. permissiva* potest impediri, f. 30. n. 41. Non facit actum validum sine forma juris positivi, f. 20. n. 43. ac f. 30. n. 162. Nec aliter permittit actum, quam si ei lex positiva non resistat, ib.
- Lex nat.* convenit omnibus hominibus, f. 32. num. 44. Non item brutis, f. 33. n. 45. *Lex nat.* an idem sit quod *Jus nat.* f. 40. n. 55. An mutabilis, f. 40. n. 56.
- Lex nat. dubia* quomodo practice resolvenda, a f. 46. num. 64.
- Lex nat. dubia* transit in positivam, f. 50. n. 69.
- Lex nat.* quam habeat causam sui efficientem, f. 51. n. 70. Ejus objectum, f. 52. a n. 71. *Legis nat.* principia prima generalia, f. 52. n. 71. Non solæ actiones externæ sunt objectum legis nat. f. 56. n. 77.
- Lex nat. obligans* ex quo principio dignoscenda, f. 61. num. 82. *Legis* cujusque transgressio opponitur perfectioni Divinæ: sed quomodo, f. 69. n. 98. *Legis* cujusvis transgressio formalis requirit 3. conditiones, f. 106. n. 146. *Legum transgressio* Principem Regno non privat, f. 307. pr.
- Lex nat.* obligans non dignoscitur adequate ex Amore trino, a f. 23. Neque ex Socialitate, a f. 77. Neque ex Decalogo, a f. 79. Neque ex convenientia, a f. 80. Minus quoque *Ratio sola* est ipsius principium indicativum, a fol. 81. Quæ adminicula sint dignoscendæ *Legis nat.* & an excludenda S. Scriptura, *Jus Can.* & Civile, ac *Authoritas*, a f. 85. & seq.
- Lex nat.* est eadem apud omnes, quo ad principia generalia tantum, f. 85. n. 120. *Legis nat. effectus* quis & quoruplex, a f. 109. n. 139. Ejus obligatio, *ibid.* Quæ requiratur ad observantiam & transgressionem *Legis nat.* a f. 105. & seq. *Legis nat. irritans* effectus, a f. 119.
- Lex nat.* semper & ubique est eadem: quo sensu, a f. 169. & f. 85. n. 120. *Lex nat.* & Divina *secundaria* ac *primaria* seu *consequens* & *antecedens*, quid, & an detur, f. 131. n. 178. *Legis nat.* observantia quem fructum affert ethico, f. 189. n. 250.
- Lex nat. absoluta*, & *hypothetica*, seu *limitata*, *conditionata*, quid, f. 196. Utramque dari probatur, a f. 27. n. 37. & f. 404. n. 559. Eam utramque admittit D. Thomas, f. 406. & seq. n. 562. Plura de lege nat. Vid. sub voce *Jus natura*, *Natura*.
- Lex Gentium.* Vide *Jus Gentium*.
- Liberalitas* in quo consistat, f. 267. n. 367.
- Liberorum* educatio. Vide *Educatio*.
- Libertas* plena requiritur circa obligationes, f. 144. n. 193. *Libertas* omnium hominum de *Jure nat.* quomodo intelligenda, f. 117. n. 169. *Libertas* aethonomica credendi, a f. 344. & seq.
- Libri scandalosi* vitandi, f. 352. n. 468.
- Lignandi* jus 40. annis præscribitur, f. 545. n. 843.
- Limitata Lex nat.* Vide *Jus nat.* *Lex nat.*
- Lingua* rectus usus *Jure nat.* præceptus f. 260. n. 366. Linguarum cavillantium contemptus, f. 342. n. 460.
- Literatura* per se non est *Jure nat.* præcepta, f. 262.

Index Rerum & Verborum:

- Littera credenciales* quid; f. 690. n. 1119.
Lites paupertatem inducunt, f. 168.
Lituvani Polonis uniti non desierunt esse status, f. 163. n. 214.
Lutherus pro Turcis contra Christianos prædicans Hungariæ exitum induxit, f. 690. n. 1119. Ejus insanum judicium de Jure Canonico & Canonistis, f. 97. n. 135. Illius Error circa concupiscentiam; f. 133. n. 202.
Luxuria delicta prohibita jure nat. a f. 269. n. 369. Protestantium errores circa hæc delicta, ib. Horum plerique internas delectationes non esse Jure nat. prohibitas erronee putant; f. 276. n. 382.

M

- Majestas*, Majestatica jura; a f. 602. n. 953.
Malitia formalis actus unde desumatur, f. 17. n. 26. & f. 65. n. 90. ac Vid. *Regula moralitatis.*
Mancipia. Vide *Captivi: Servi: Scleriti.*
Mare Subestne dominio unius Gentis; a f. 514.
Materia capacitas ad valore actus J. N. requiritur, f. 122. n. 164.
Materia legis nat. Vide *Lex nat. Objectum.*
Matheſis cur non discatur ex Jure nat. f. 91. n. 126.
Matrimonium Patris cum filia cur Jure nat. prohibitum; f. 121.
Matrimonio inter fratrem & sororem an insit nat. turpitudine, f. 156. fin. Matrimonium hoc validum fuit in statu nature; f. 218.
Matrimonio metu justo extortum valet, f. 170. Matrimonium cum simplici voto castitatis cur valeat, f. 158. n. 123.
Mendacium quid, quodplex, & an aliquando licitum, a f. 396. & seq. Illud licitum est juxta Protestantés, a fol. 396. & seq.
Mendacium tamen Jure Nat. prohibitum probatur, a fol. 397.
Mendacium Medicis permittitur, f. 399. & Præfectis ac superioribus; f. 397. Refutantur hæc absurda, ibid.
Mentiri ob bonum finem virtus est Protestantibus, f. 81. n. 116.
Mercos cur debeatur famulo & operario, f. 114. n. 153. fin.
Metus gehennæ quando malus; f. 106. fin. Metu extorti actus an valeant Jure nat. a f. 137. n. 185. & seq. Metu tamen juste incusso valent, fol. 138. Metu mæris scævientis actus elicitus valet, fol. 139. Nunquam valebit; si metum injustum passus non intendat obligationem, f. 140. In dubio circa obligationem metu extortam, standum est pro licetum passo, f. 141.
Metu injusto extortus actus indebitus extorquenti aut civis alteri; & gravans promittentem, est nullus jure nat. f. 141. num. 189. & seq. Metus diminuit voluntarium: quis sensus, f. 152. n. 201. Metus exceptio apud Reges habet locum, f. 598. & f. 673. Metus vicinæ potentie an sit justa causa belli, f. 636. Metu extorta pax an obliget? a f. 670. n. 1068.
Monarchia quid? f. 624. Monarchiæ 4. extiterunt, quinta non erit, f. 625.

Mora

Index Rerum & Verborum.

Mora sua cuique necet, f. 677. *Moralitas* alius. Vide *Malitia*.
Regula.

Mutabilitas præceptorum nat. f. 40. n. 16. Positivi juris mutabilitas, f. 43. n. 60.

N

Natura, *Naturale* quid significant? f. 7. n. 11. *Natura* rationalis an sit *Lex*, f. 17. n. 25. *Naturalis* ratio quomodo nos docet legem nat. fol. 23. nu. 31. *Naturalis* juris abusus in *Jure Civili*, f. 36. n. 40.

Natura corruptio qualis ex peccato *Adami* secuta, a f. 165. nu. 217. Illa non est in se intrinsece infirmior, f. 166. num. 219.

Naturæ vires sine gratia non iustificanti, f. 191. *Naturæ* humanæ & *Religionis* veræ an idem sit finis, f. 239.

Naturalissimum inducere velle convincuntur *Protestantici* *Naturalistæ*, f. 170. n. 224.

Navigatio per mare num libera sit, f. 515. n. 789. & f. 522. n. 803.

Necessitas quid, & quomplex? a f. 278. nu. 384. *Necessitati* extremæ equiparatur valde gravis, seu quasi *extrema*, fol. 279. num. 387. *Necessitas* non habet legem: quis sensus, fol. 281. n. 391. *Necessitatem* allegare quis potest? f. 285.

Necessitas extrema an inducat communionem rerum, f. 287. nu. 398. *Necessitas* gravis an permittat surreptionem rerum alienarum, f. 288. nu. 401. Quid autem juris in quasi *extrema* necessitate, ibid.

Necessitas extrema, vel quasi an transferat dominium in furipientem, a f. 290. n. 403. *Necessitate* extrema indigenti non tribuens an agat contra iustitiam, f. 387. *Necessitas* Parentum quomodo per filium *Religiosum* sustentanda, a f. 391. *Necessitas* voluntaria non meretur privilegium, f. 285.

Necessitas defensionis. Vide *Defensio*.

Noachidarum præcepta naturalia quæ sint? f. 274. n. 379.

Notitia DEI vulgaris quid? f. 187. & f. 70. ac f. 199.

Nuditas solo jure nat. hypothetico prohibetur, f. 405. n. 561.

O

Objectum legis nat. quid sit? a f. 52. n. 71.

Obligatio legis nat. ex quo principio desumenda, f. 61. *Obligatio* nat. controversa inter D. Thom. & D. Bonaventuram, fol. 91. *Obligatio* in conscientia est effectus Legis nat. a f. 99. Quid sit hæc obligatio? f. 106. & a f. 110.

Obligatio in conscientia nulla datur ex quibuscunque legibus etiam positivis, quæ non sit aliquomodo naturalis, f. 101. num. 140. *Obligatio* nat. quo ad substantiam, positiva quo ad modum quid? f. 102. num. 141. *Obligationis* naturalis summa in quo consistat, a f. 103.

Index Rerum & Verborum.

- Obligatio in genere* quotuplex? f. 110. num. 151. Quid obligatio iustitiæ commutativæ, quid sit legalis? f. 110. n. 151. Obligatio Civilis quid? f. 111. n. 151. Obligationis nat. & iustitiæ commutativæ quis effectus, f. 111. num. 152. Quod Obligatio aliquando oriatur tantum naturalis aut Civilis vel mixta, unde dignoscendum? a f. 113. n. 153.
- Obligatio* nat. ex lege nat. mere concessiva oriri potest, fol. 115, fin. obligationem nat. potest impedire lex irritans positiva, f. 148. n. 156. Obligatio ex delicto & quasi, f. 373. Obligatio necessaria & voluntaria quid? f. 411. Obligatio ex promissione & pacto quomodo oritur? f. 412. n. 575. Quando vim habet? a f. 414. n. 581.
- Occisio* non refertur inter causas, f. 140.
- Occisio* & mutilatio sui cur prohibita? f. 264. nu. 363. Occisio directa innocentis cur prohibita? a f. 360. num. 484. Occisio malefactoris privata autoritate, f. 364.
- Occisarius* obligatio, f. 109. n. 150.
- Occisus* compensatio quid requirat? f. 112. & seq.
- Occupatio* & sortitio originarii modi dominii acquirendi, f. 491, pariter ac divisio, f. 494. Occupatio quid & quotuplex? fol. 503. n. 762, & f. 576. Occupatio pro derelicto quid? f. 508. Occupatio pro derelicto quatenus fundat prescriptionem, non est illa originaria Jure nat. introducta rerum occupatio, a f. 576. n. 901.
- Occusus* subestne dominio particulari? f. 518.
- Officium* hominis morale quid & quotuplex? a f. 194. num. 358. Officium perfectum & imperfectum, a f. 196. & f. 351. n. 456. Absolutum & hypotheticum, fol. 196. Officia Theoretica erga DEUM in quo consistant? a f. 222. Officia erga DEUM practica, a f. 216. Interna & externa, f. 217.
- Officia* hominis erga seipsum, quæ? a f. 353. nu. 346. Ordo in illis observandis, f. 352. n. 350. Officia perfecta absoluta affirmativa & negativa proximo debita, a f. 382. n. 524. Officia erga proximum perfecta hypothetica & absoluta in quo differant? a f. 424. n. 559. Officia erga proximum non fundata in iustitia commutativa, seu imperfecta quæ sunt? a f. 432. nu. 618. Officium erga proximum quid & quotuplex? a fol. 335. Etiam interna ipsi exhibenda, f. 338. An etiam inimicis? fol. 341. Officia proximo debita ex iustitia, a f. 348.
- Officii* administratio ad quid obliget? f. 420. n. 593.
- Ordo* Caritatis, Vide Caritas.
- Originalis peccati* remedium fuit in statu nature lapsæ non reparatum, f. 177. Ex illo secuta est corruptio nature, f. 168. n. 217.

Pactum inducit nat. obligationem . a f. 412. n. 375. An etiam ob turpem causam : f. 416. Pactum expressum requiritur ad obligationem naturalem ex pacto oriri solitam, alias sufficit tacitum . f. 115. n. 155.

Pacta inter Gentes. Vid. *Fœdera.*

Palinodia. Vid. *Actio ad Palinodiam.*

Parentem inter & filiumfam. contractus non inducit obligationem Civilem . f. 116. n. 157. Parentes in gravi necessitate an a filio Religioso sustentandi ? a f. 391. Parentes possunt filios vendere . f. 526.

Parsonia quid ? & an præcepta a Jure nat ? f. 268.

Pascendi jus 40. annis præscribitur . f. 546.

Passeret & lupi ne materialis quidem furti aut rapinæ rei sunt : imo utuntur jure suo . f. 35. n. 49.

Passionum mortificatio præcepta Jure nat. f. 264.

Pax quid sit, quæ ejus proprietates ? a f. 661. n. 1051. Rex captivus potestne Pacem inire ? f. 663. n. 1056. Restitutio in integrum an detur in ea ? f. 663. Pacis conclusæ effectus . a f. 666. n. 1060. Pax metu extorta an obliget ? f. 670. n. 1068.

Pax sancita inter bellantes extinguitne subditorum debita ? f. 674. Pacis Osnaburgensis effectus . f. 676. n. 1080. & n. 1092.

Pax sancita obligetne Successorem ? fin. 680.

Peccatum philosophicum quid ? f. 18. n. 27. & f. 71. n. 102. Peccatum omne opponitur perfectioni Divinæ, quomodo . f. 69. num. 98.

Pecunia quo loco post animam amanda ? f. 259. nu. 352. Pecunie acquirendæ & augendæ modus . f. 268. & seqq.

Peregrinus potestne venari ? f. 560.

Persecutio Divina est principium ultimum Legis natur. f. 51. n. 82.

Permissum Jus nat. involvit præceptivum . f. 478. n. 708.

Permissiva lex nat. Vid. *Lex nat. Jus nat.*

Pœna an determinetur a Jure nat. ? a f. 107. n. 148. Pœnæ timor coercet a malo . f. 187.

Pœnitentia jure nat. præcepta . a f. 232. n. 313.

Philerum. Vid. *Amatorium poculum.*

Pictura domini titulus . f. 505.

Piscatio est venationis species . f. 536.

Pollutio cur jure nat. prohibita ; f. 271. n. 372.

Polonorum rustici non sunt servi . f. 527. Polonorum Regum electio . f. 616. Polonorum liberum veto, seu *nepozwalam*, quid juris ? Ibid. Eorum regimen est mixtum . f. 621. Polonorum Reges obligantur pactis Regum antecessorum . f. 683. n. 1101. Poloni Lithuanis uniti non deserunt esse status . f. 163. n. 214. Polonorum legati Provinciales gaudent immunitate Gent. n. 1133.

Index Rerum & Verborum.

- Polytheismus* jure nat. vetitus, f. 236. n. 337.
- Polyuria & Polygamia* prohibeantur jure naturali? deducendum est id ex principio indicativo legis nat. a f. 64. n. 87. & seq. ac ex principiis legis nat. irritantis actum ob perpetuam turpitudinem in eo repertam. a f. 120. & seq. nu. 162. & aliis seqq. & deduci hæc possunt ex dictis de *vaga scortatione & fornicatione* in genere. a f. 272. n. 373. & seq.
- Possessio* quid & quoduplex? f. 492. Ejus commoda quæ sint? f. 500.
- Potestas & voluntas* ad valorem actus requiruntur. f. 120. n. 162.
- Præcepta* naturalia, sintne mera consilia? f. 24. n. 33. Illa sintne mutabilia? f. 40. n. 56. Præcepta moralia, Divina in lege Evangelica nulla sunt nova, præter materiam fidei & Sacramentorum. 95. n. 131. & f. 276.
- Præcepta* naturalia generalia quæ sint? a f. 103. & seq. & f. 52. n. 71. Præcepti impletio, quid requirat? f. 105. n. 84.
- Præscriptio* actuum mere facultatis. f. 542. & f. 555. Præscriptioptione, cuilibet acquiri potest. f. 545. Præscriptio contra bona Principum 40. annis. f. 545. Præscriptio immemorialis quando titulum probandum requirat? f. 553. a n. 858. Præscriptio juriū incorporalium requirit scientiam & patientiam. f. 554. Patientia hæc supponit prohibitionem præcessisse f. 555.
- Præscriptio* contra publicam utilitatem nil operatur. f. 556. Præscriptio sine creatura Juris nat. vel Gentium? a f. 523. num. 895. Præscriptio & usucapio quid sint? f. 574. fin. Præscriptio ad jus nat. mere permissivum refertur. a f. 579. Præscriptio non est prima rerum occupatio. f. ibid. n. 901. ad n. 909. & seq. Nec est a Jure nat. dictata & præcepta. f. 575. n. 900. & f. 586. n. 920. Præscriptio circa cognita & incognita quando non habeat locum? f. 556. n. 911.
- Præscriptio* quo ad originem est juris Gent. quo ad formam est juris civilis &c. f. 588. n. 925. Præscriptio inter Gentes an datur? a f. 588. n. 924. Illa longe ante Jus civile inter Gentes dabatur. a f. 593. n. 931. Illa antiquior est lege XII. Tabularum. f. 597. Præscriptio cur non admittatur ab aliquibus Nationibus? a f. 598. Præscriptio libertatis subditorum contra Principem: f. 600.
- Præsumptio* quid operetur de Jure nature? f. 116. n. 158.
- Principia* prima generalia legis nat. quæ sint? f. 52. num. 71. & f. 103. ac seq. Principium fundamentale legis nat. a f. 58. n. 79. Principium Juris Gent. indicativum. f. 488. Principia Jur. nat. indicativa ab aliis asserta rejiciuntur. f. 73.
- Principia* generalia J. N. sunt eadem apud omnes: sed circa particularia præcepta ratio nostra errare potest. f. 85. n. 120.
- Prodigalitas* cur prohibita? f. 267. n. 367.
- Prohibens* lex civilis an sit irritans? a f. 564. n. 878.
- Promissio* metu injusto extorta jurata an valeat? f. 141. & f. 671. n. 1070. fin. ac n. 1075. Promissionum 4. species exponuntur, a f.

Index Rerum & Verborum.

- a f. 413. n. 575. Promissio alia ex fidelitate, alia ex iustitia.
 f. 413. n. 578. Promissio mere interna homini facta an obliget? f. 413. n. 581. Et an etiam externa si non acceptata? f. 414. Promissio & pactum ob turpem causam quando obligat?
 a f. 415. n. 585.
Promulgatio legis non est lex. f. 15. n. 23. Illa tamen est necessaria jure nat. f. 19. n. 28. Promulgatio legis nat. quomodo fiat?
 f. 21. n. 30.
Protestantium Jus nat. inutile & perniciosum. f. 99. n. 137. Naturalismum inducit. f. 171. n. 224. In materia venerea Epicurum imitatur. a f. 269. & seqq. usque ad n. 381. De DEO & religione nat. erronee sentit. f. 197. & a f. 204. ac a f. 221. n. 296. &c. &c.
Proximus de proximo quid debeat sentire? f. 262. Proximo succurrendum juxta vires. f. 263. Proximo nostro quae sint officia exhibenda? a f. 336. Proximus quot modis ladi possit? f. 352. Proximus noster quis est? f. 381. n. 522. Et vid. *Officia.*
Proximus inimicus etiam an & quomodo diligendus? a f. 341. n. 448. & seqq.
Pudicitia defensio occisiva. f. 333. Illa per vim non amittitur: f. 333. n. 437.

Q

- Quasi spiritualia* damna quid sint? f. 146. n. 114.
Quasi ex delicto obligatio in quo consistat? Et quis eam contrahat? f. 373.
Quasi ex contractu obligatio quando contrahitur? f. 373. n. 509.
Quasi possessio: quasi dominium, quid juris importent? f. 499. n. 753. & f. 501.

R

- Ratio* naturalis an juxta leges civiles sit Lex? f. 16. n. 14. Rationi quod est consentaneum non semper est objectum legis nat. f. 52. n. 72. Ratio sola non est principium juris nat. f. 82. n. 117. Illa errare potest circa obligationem nat. praeterquam in primis generalibus principiis. Ibid. Rationem solam cur clament Protestantes? f. 95. n. 132.
RATIO STATUS quid, quotuplex, & an sit justa causa belli? f. 634. n. 997.
Regalia minora possunt praescribi a subdito. f. 545. n. 843. Immo & majora, f. 600. n. 948. & seqq.
Regimen mixtum quid? f. 620.
Regnum etiam hereditarium differt adhuc a patrimonio Principis. f. 681. n. 1094. Regna ab una Gente contra aliam an praescribantur. f. 588. n. 914.

Index Rerum & Verborum.

- Regula* honestatis remota & proxima. f. 25. n. 35. Regula proxima est dictamen conscientiae practicum & ultimum. f. 47. n. 66. Regula remota, seu objectum morum non in sola lege nat. consistit. a f. 167. n. 220.
- Rixa* vitandae. f. 316.
- Religio* interna ab omni imperio liberat. f. 244. n. 330. Religionis discrimen an Jus nat. admittat? f. 241. Religionem veteram naturalem an praecipiat Lex nat. f. 304. Religionis Christianae & naturae humanae an idem sit finis? a f. 239. n. 321.
- Religiosus* capax est quasi dominii incorporalium; a f. 322. Religiosus potestne famam suam etiam invito Superiore tueri? a f. 321. Religiosus Professus an teneatur Jure nat. Parentes in necessitate sublevare? a f. 391. n. 544.
- Repressalia* quid, & an licitae? f. 653. n. 1030.
- Res* mea nulli obligata nequit mihi valide vendi. f. 147. Reifusae quilibet liber est moderator. f. 144. Rei suae inutilis destructio prohibita jure nat. f. 268. Rex & jura incorporalia possunt apprehendi? f. 674. Illae possunt quasi possideri, licet non phylice apprehendi. f. 676. n. 1081.
- Rerum communio.* Vid. *Communio.*
- Rescisso* non est necessaria in actu metu injuste extorto. f. 146. n. fin.
- Restitutio* quid, & quot ejus radices? a f. 370. n. 403. Illa praecipua est Jure nat. Ibid. Non semper requirit pactum aliquod. f. 115. Restitutio in integrum an detur in Pace conclusa? f. 663.
- Restrictio* pure mentalis prohibita jure nat. f. 400. Non pure mentalis licita. f. 397. Protestantium errores in hac materia. Ib.
- Restoratio* juris iniqui est de J. N. & G. f. 485. In quo illa consistat? f. 651. n. 1929. Differt a Repressaliis. Ibid.
- Revelatio* Divina non est excludenda ab adminiculis dignoscendae obligationis nat. f. 85. n. 120.

S

- Sacra* an subint Victorii civitatem occupanti? f. 645. Sacrorum jus non competit statui Polifico. f. 612.
- Sanitatis* cura habenda quam ob causam? f. 264.
- Statio* dominii titulus naturalis. f. 505. n. 767.
- Scandalizans* ad quid tenetur? f. 114.
- Scandalum* laedit animum proximi. f. 352. n. 468.
- Scholasticorum* inimicitiae unde? f. 346.
- Scriptura* sacra an excludenda a Jure nat. f. 86. Illa pariter ac Revelatio non tollit obligationem actus naturalis fidei, f. 87. n. 122. Male rejicitur a Protestantibus. f. 90. & seq. Scriptura acquiritur dominium. f. 505. n. 767.
- Secrezum* garrulo non communicandum. f. 267.
- Sensuum* rectus usus. f. 266. n. 365.

Index Rerum & Verborum.

- Sesultura* expensæ quando compensandæ? f. 109. **n.** 150.
- Servitus* contra naturam est, quando? f. 117. **n.** 160. & f. 524.
- Servitus* quotupliciter accipitur? f. 498. *Servitus* personalis, realis, rustica, urbana, quid? f. 498.
- Servitutum* 4. modi quibus dominium in hominem acquiritur, a f. 524.
- Servituti* v. g. reali præscribendæ opus est usu prohibitioni contrario, f. 547. Et necessaria est scientia ac patientia alterius, quæ sit post prohibitionem actus. f. 554.
- Servi* an sit qui bello capitur? f. 525. *Servi* iusto bello capti an possint licite fugere? f. 531.
- Socialitas* non est principium legis nat. f. 77. & seqq.
- Soc. Jesu* TTgrum doctrina de Tyrannicidio a f. 310.
- Sodomia* Jure nat. cur prohibita? f. 270. Protestantium error circa illam. *Ibid.*
- Solemnitatis* defectus irritat actum. f. 683.
- Solutio* debet fieri creditori. f. 674. Facta ejus Dispensatori quid juris faciat? f. 676. Solutum si repeti non possit signum est obligationis naturalis. f. 111. **n.** 152. Solutum errore quod naturaliter fuit indebitum occulte compensari potest. f. 112.
- Sororium* usus f. 511.
- Specificatio* domini titulus. f. 503.
- Spes* jure nat. in DEO ponenda f. 129. *Spes* amissa de re sua recuperanda non fundat in inventore præscriptionem. f. 583.
- Spiritualia* damna non compensantur temporalibus. f. 114. **n.** 154.
- Status* hominum quid & quotuplex? a f. 157. *Status* nat definitur & dividitur. f. 159. *Status* nat. an dicat vitam exlegem? f. 160 & seq. *Status* in Statu an sit monstrum? f. 162. **n.** 213. *Status* naturalis in particulari an hodie habeat aliquos homines exleges? f. 164. **n.** 212.
- Status* mutatio mutat J.N. quo ad obligationes hypotheticas. f. 170. **n.** 223. ac f. 405. **n.** 61. *Status* naturæ lapsæ nondum reparatæ præter legem nat. habuit aliquas leges positivas. a f. 176. **n.** 232.
- Stipulatio* omnis in heredes transit f. 680.
- Studiosi* sint sobrii, si velint discere. f. 164. **n.** 363.
- Successio* nepotum in locum filiorum an sit de jure nat. f. 55. *Successio* non provenit a J. N. f. 493. *Successio* Principum quotuplex? a f. 616. **n.** 969.
- Successor* Princeps an teneatur Pace Antecessoris? a f. 680. *Successor* Ecclesiasticus quando tenetur pactis Antecessoris? f. 683. **n.** 1102.
- Summa Potestas*, seu Majestas, Imperium quid? & unde ejus origo? a f. 603. **n.** 953. Penes quem illa maneat, & an immediate a DEO veniat in Principes sæculares? f. 604. a **n.** 955. Summæ potestatis jura & modi eam acquirendi. a f. 613. **n.** 965. An tot jura sint in Principe quot in DEO? f. 614. **n.** 966.
- Superficies* est species domini utilis. f. 499. *fin.*

T

- Temerarium* iudicium cur illicitum Jure nat. f. 353. n. 470. & Vid. *Cogitatio*.
- Testamentum* prodigi quando ad causas pias valeat? f. 115. num. 156. Testamenta an jure nat. vel Gent. introducta? f. 495. n. 745. Testamentum insolemnem profanum neque nat. jure valet. f. 30. n. 41. ac f. 120. n. 161. Ex tali actu nullum commodum jure nat. percipere licet. f. 112.
- Territorium* extra jus dicentia non paretur impune, f. 560.
- Theologie* morales discrimen a Jurisprudencia nat. 11. n. 18. An illa excludenda sit a J. N. f. 96. n. 133.
- Thesauri* inventio quando est titulus domini? f. 506. n. 769.
- Thomas* D. legem nat. explicat per Imperium DEI precipientis vel prohibentis necessario. f. 24. n. 33. Inter D. Thomam & D. Bonaventuram discors opinio circa obligationem nat. penitendi statim post peccatum. f. 91. D. Thomas admittit legem nat. absolutam & hypotheticam, seu limitatam, conditionatam. f. 406. & seq.
- Titulus* justus domini quid? f. 147. n. 194. & f. 501. Titulus possessionis quid? f. 500. Tituli Justiniani domini acquirendi. a f. 503. n. 761.
- Transitio* nuda non transfert dominium. f. 147. & f. 507. Transactio an & quo jure necessaria? a f. 501. An semper? f. 501. n. 760. An in Beneficiis &c. f. 507. n. 771.
- Transitus* Bellantibus an concedendus? a f. 641.
- Tributa* Caesari cur danda jure nat. f. 619.
- Turca* captivi fraus contra Melitam. f. 484. Turcarum felicitas ex discordia Christianorum. f. 618. Turcarum amicus Lutherus. f. 690. num. 1119. Turcis possintne adimi Regna erepta Christianis, & Pace firmata. f. 670. n. 1068.
- Turpitudine* naturalis quando irritat actum. f. 122. n. 165.
- Turris* Babel origo Gentium dispersionis. f. 509.
- Tyrannum* occidere an liceat jure nat. a f. 384. n. 298.

V

- Venandi* jus an ita a subditis praescribi possit, quin Princeps illud unquam impedire valeat? a f. 543. Venandi jus an opus habeat praescriptione immemoriali? f. 546.
- Venatio* quid sit & quotuplex? a f. 535. Sitne Jur. Nat. vel Gent. f. 537. Possunt eam Principes prohibere ibid. Etiam ob solam recreationem. fol. 539. Limitate tamen. f. 541. n. 837.
- Venatio* an praescribi possit contra Principem? f. 541. & f. 555. n. 860. illa quo jure competat Principibus Germaniae? f. 540. num. 834.

Index Rerum & Verborum.

- Venationem* in suo fundo quisque prohibere potest. f. 547. Illa denegatur Plebeis. f. 548. An Venatio recte referatur ad feruitutes prædiales? f. ibid. Venationem prohibens Princeps potest Venatorem inhabilem facere ad acquirendum feræ dominium. f. 558. Venatio jure nat. non cuilibet permissa. f. 560. n. 871.
- Venationi* vacans contra leges, an sit feræ dominus? f. 561. & f. 567. Venatio quot modis prohibetur? f. 562. n. 875. Venationem prohibens lex an sit tantum pœnalis? a f. 571.
- Venator* contra jus alterius venando an peccet? & an teneatur ad restitutionem? f. 568. n. 886. Feram laqueo alterius captam possitne eximere ut suam? f. 571. n. 891.
- Vendere* seipsum an liceat jure nat. f. 526. n. 810. Vendere liberos suos possunt Parentes. f. ib. n. 811.
- Venditio* secunda cur valeat Jure Nat.? f. 124. fin.
- Verba* otiosa jure nat. prohibita. f. 166.
- Veritas* quid: & an dicenda proximo? f. 394.
- Vindicta* de inimicis optimus modus. f. 347.
- Virtus* non omnis est objectum legis nat. f. 53. n. 73. illa anteponenda aliis. f. 259. n. 352. & f. 296.
- Vita* hominis liberi pretio non estimatur. f. 109. n. 150. Vitæ & honori privato præstat bonum commune. f. 282. n. 393. Vitæ conservatio cur præcepta a Jure nat. a f. 164.
- Voluntarium* unde procedit? f. 127. n. 173. *Voluntarium* indirectum imputatur ad culpam, dum quis causam vitare tenebatur. f. 128. n. 174. Voluntarium aliquando pro plene libero sumitur. f. 154. n. 203.
- Voluntas* & potestas, ac materiæ capacitas jure nat. ad valorem actus requiruntur. f. 120. num. 162. Voluntatis alligatio spectanda circa valorem actus pendens ab arbitrio operantis. f. 136. n. 183. Voluntas in actibus attendenda. f. 140. nu. 188. Voluntas *coacta* quid juris? f. 151. & seqq. Voluntas in quo excolenda? f. 263. n. 359.
- Votum* ex metu periculi valet. f. 139. & seq. Voti violatio jure nat. prohibita. f. 237. n. 320.
- Usucapio* quid, & an idem quod præscriptio? f. 574.
- Usurpacio* quid rei sit? f. 575.
- Usura* cur nat. jure prohibita? f. 122. n. 166.
- Usus*, usufructus & habitatio quid, & quotuplex? f. 497.
- Usus innoxia utilitatis* quid denotet? f. 518.
- Utilitas* an sit justæ & æquæ mater? f. 2. n. 2.
- Uxorem* pauperem tenetur Vir sustentare. f. 115. n. 155.

F I N I S.

ANT 13182 63









